

清
實
錄

聖祖仁皇帝實錄(三)

卷一九七至卷三〇〇
康熙三十九年至六十一年

清實錄

第六冊

中華書局影印

清 實 錄

(第 六 冊)

聖祖實錄(三)

*

中 華 書 局 出 版

(北京王府井大街36號)

北京市中國書店發行

中國建築工業出版社印刷廠印刷

*

787×1092 毫米 1/16 · 57 印張

1985 年 9 月第 1 版 1985 年 9 月北京第 1 次印刷

印數 0,001——1,500 冊

統一書號: 11018 · 1355—6 定價: 42.00 元

清實錄第六冊目錄

聖祖仁皇帝實錄(三)

卷一九七	康熙三十九年正月至二月	一
卷一九八	康熙三十九年三月至四月	八
卷一九九	康熙三十九年五月至六月	二〇
卷二〇〇	康熙三十九年七月至八月	三三
卷二〇一	康熙三十九年九月至十月	四二
卷二〇二	康熙三十九年十一月至十二月	五九
卷二〇三	康熙四十年正月至三月	六九
卷二〇四	康熙四十年四月至六月	七九
卷二〇五	康熙四十年七月至九月	八六
卷二〇六	康熙四十年十月至十二月	九三
卷二〇七	康熙四十一年正月至四月	一〇三
卷二〇八	康熙四十一年五月至閏六月	一二三
卷二〇九	康熙四十一年七月至九月	一二三

卷二一〇	康熙四十一年十月至十二月	一二九
卷二一一	康熙四十二年正月至三月	一三八
卷二一二	康熙四十二年四月至七月	一四八
卷二一三	康熙四十二年八月至十月	一五八
卷二一四	康熙四十二年十一月至十二月	一六九
卷二一五	康熙四十三年正月至三月	一七七
卷二一六	康熙四十三年四月至七月	一八五
卷二一七	康熙四十三年八月至十月	一九三
卷二一八	康熙四十三年十一月至十二月	二〇二
卷二一九	康熙四十四年正月至三月	二〇九
卷二二〇	康熙四十四年四月至閏四月	二一八
卷二二一	康熙四十四年五月至七月	二二五
卷二二二	康熙四十四年八月至十月	二三三
卷二二三	康熙四十四年十一月至十二月	二四一

卷二二四	康熙四十五年正月至三月	二四八
卷二二五	康熙四十五年四月至六月	二五九
卷二二六	康熙四十五年七月至九月	二六六
卷二二七	康熙四十五年十月至十二月	二七二
卷二二八	康熙四十六年正月至二月	二八三
卷二二九	康熙四十六年三月至五月	二九一
卷二三〇	康熙四十六年六月至九月	三〇〇
卷二三一	康熙四十六年十月至十二月	三〇七
卷二三二	康熙四十七年正月至四月	三一七
卷二三三	康熙四十七年五月至八月	三二六
卷二三四	康熙四十七年九月至十二月	三三六
卷二三五	康熙四十七年十月至十二月	三四五
卷二三六	康熙四十八年正月至二月	三五七
卷二三七	康熙四十八年三月至四月	三六七
卷二三八	康熙四十八年五月至八月	三七四
卷二三九	康熙四十八年九月至十月	三八一
卷二四〇	康熙四十八年十一月至十二月	三八八
卷二四一	康熙四十九年正月至三月	三九六
卷二四二	康熙四十九年四月至七月	四〇三
卷二四三	康熙四十九年閏七月至九月	四一一
卷二四四	康熙四十九年十月至十二月	四一九
卷二四五	康熙五十年正月至三月	四二八
卷二四六	康熙五十年四月至六月	四三八
卷二四七	康熙五十年七月至九月	四四六
卷二四八	康熙五十年十月至十二月	四五三
卷二四九	康熙五十一年正月至三月	四六四
卷二五〇	康熙五十一年四月至八月	四七二
卷二五一	康熙五十一年九月至十月	四八四
卷二五二	康熙五十一年十一月至十二月	四九三
卷二五三	康熙五十二年正月至二月	五〇二
卷二五四	康熙五十二年三月至四月	五〇九

卷二五五	康熙五十二年五月至七月	五三〇
卷二五六	康熙五十二年八月至十月	五三九
卷二五七	康熙五十二年十一月至十二月	五三九
卷二五八	康熙五十三年正月至四月	五四六
卷二五九	康熙五十三年五月至七月	五五四
卷二六〇	康熙五十三年八月至十月	五六二
卷二六一	康熙五十三年十一月至十二月	五七〇
卷二六二	康熙五十四年正月至三月	五七八
卷二六三	康熙五十四年四月至五月	五八六
卷二六四	康熙五十四年六月至七月	五九六
卷二六五	康熙五十四年八月至十月	六〇三
卷二六六	康熙五十四年十一月至十二月	六一一
卷二六七	康熙五十五年正月至三月	六一九
卷二六八	康熙五十五年閏三月至五月	六二七
卷二六九	康熙五十五年六月至九月	六三六
卷二七〇	康熙五十五年十月至十二月	六四五
卷二七一	康熙五十六年正月至三月	六五六
卷二七二	康熙五十六年四月至六月	六六七
卷二七三	康熙五十六年七月至八月	六七五
卷二七四	康熙五十六年九月至十月	六八四
卷二七五	康熙五十六年十一月	六九三
卷二七六	康熙五十六年十二月	七〇二
卷二七七	康熙五十七年正月至二月	七一〇
卷二七八	康熙五十七年三月至四月	七二一
卷二七九	康熙五十七年五月至六月	七三二
卷二八〇	康熙五十七年七月至八月	七三八
卷二八一	康熙五十七年閏八月至十月	七四四
卷二八二	康熙五十七年十一月至十二月	七五三
卷二八三	康熙五十八年正月至三月	七六二
卷二八四	康熙五十八年四月至六月	七七〇
卷二八五	康熙五十八年七月至九月	七七八

卷二八六	康熙五十八年十月至十二月	七八五	
卷二八七	康熙五十九年正月至四月	七九四	
卷二八八	康熙五十九年五月至八月	八〇三	
卷二八九	康熙五十九年九月至十月	八一	
卷二九〇	康熙五十九年十一月至十二月	八一九	
卷二九一	康熙六十年正月至三月	八二五	
卷二九二	康熙六十年四月至五月	八三七	
卷二九三	康熙六十年六月至七月	八四五	
卷二九四	康熙六十年八月至九月	八五二	
卷二九五	康熙六十年十月至十二月	八六一	
卷二九六	康熙六十一年正月至二月	八六九	
卷二九七	康熙六十一年三月至五月	八七六	
卷二九八	康熙六十一年六月至八月	八八四	
卷二九九	康熙六十一年九月至十月	八九一	
卷三〇〇	康熙六十一年十一月	九〇〇	

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之一百九十七

康熙三十九年庚辰春正月乙未朔

上詣

堂子行禮還宮拜神畢率諸王貝勒貝子公內大臣大學士侍

衛等詣

皇太后宮行禮御殿王以下文武各官外藩王及使臣等上表

朝賀停止筵宴○朝鮮國王李煒遣陪臣李抗等表賀冬至

元旦

萬壽節及進歲貢禮物宴齊如例○丙申

實錄卷之七

上詣

皇太后宮問安○丁酉

上奉

皇太后幸暢春園○庚子孟春享

太廟遣領侍衛內大臣公鄂倫岱行禮○遣官祭太歲之神○

上詣

皇太后宮問安○辛丑祈穀於

上帝遣領侍衛內大臣公福善行禮○

世祖章皇帝忌辰遣官祭

孝陵○癸卯

上親往巴林淑慧長公主邸第視疾○戊申以上元節賜外藩

科爾沁翁牛特阿祿科爾沁喀爾喀阿霸垓阿霸哈納四子

部落巴林鄂爾多斯高齊武烏朱穆秦土默特扎魯特郭爾

羅斯毛明安蘇尼特教漢奈曼喀喇扎賴特厄魯特王貝

勒貝子公額駙台吉及內大臣大學士侍衛等宴○己酉上

元節賜外藩王貝勒貝子台台吉及內大臣大學士侍衛等

宴○壬子四川提督岳昇龍密題巡撫于養志凶殘兇刻暴

戾乖方交結藏番賄棄疆土剝削商旅苛虐土司私收雜派

勒索屬員規禮各種婪贓計十六款得旨四川巡撫提督已

經補授于養志岳昇龍即離任赴西安其本內事情著該督

實錄卷之七

審明具奏岳昇龍將不應密之事密陳殊屬不合著一并察

議具奏○乙卯賜朝正外藩王貝勒貝子台台吉等銀幣鞍

馬有差○丙辰

上詣

皇太后宮問安○工部議覆浙江道御史廖騰燧疏言原任河

道總督董安國糜費歲修及各案犬工帑金不下四五百萬

于成龍任內又幾及二三百萬河工無一案報竣追賠及款

亦無一案還項請嚴定考成酌立期限應將管河各官俱革

職勒限半年賠修其分管道官各降四級督賠工完開復如

限內不完將承修官革職分管道官降四級調用總河降一

級留任未完工程。仍令賠修。追賠銀兩。亦勒限半年。如限內不完。分管道官不行揭報。總河不行題參。照徇庇例議處。又疏稱。修工人員雖有一定丈數。然地名繁雜。必畫一定界。表以石椿。庶免推諉。應如所請。令總河將見今所修隄岸。於接連交界之處。各立石椿。上鐫號數。下鐫修理人員姓名。其舊隄岸。鑄舊隄字樣。亦立石編號。從之。○丁巳。

上奉

皇太后自暢春園回宮。○

上以巴林淑慧長公主薨。諭曰。公主係朕之姑。

太皇太后在時。公主特蒙眷愛。因以託朕。朕亦面允。公主待姑

實錄卷九十七

年

年邁時。迎至京師。凡一切應用之物。朕皆承理。以終天年。及公主病篤。見朕親臨視瘞。含笑而逝。病篤之令朕見者亦多矣。如此含笑而逝者。從未一覩。公主生逢泰運。居蒙古地方五十餘載。毫不生事。躬享高年。子孫繁盛。含笑長逝。諸福備矣。朕嘆悼之懷。因少解焉。○禮部議覆陝西道御史李先復疏言。科場內簾宜復。設滿漢御史各一員糾察。應如所請。從之。○戊午。以湖北湖南錢多壅滯。價低命暫停鼓鑄。○蘇尼特多羅貝勒博木博故。遣官致祭。○己未。

上御太和殿視朝。文武陞轉各官謝恩。○禮部題朝鮮國王李埈。疏稱本國薩厄等船隻被風漂至琉球。琉球國將薩厄等

解京師。奉旨發回本國。今遣使進謝恩禮物。應送內務府查收。得旨。朝鮮人民被風飄流。朕一體軫恤。令回本國。這謝恩貢物不必收。嗣後因此等事奏謝著停。其進貢禮物。○庚申。

上詣

皇太后宮問安。○

上率皇子諸王貝勒貝子。令內大臣大學士尚書侍衛等。送巴林淑慧長公主殯至裕親王園。於公主柩傍慟哭。諸王大臣勸慰再三。乃回宮。○辛酉。差往陝西審事刑部尚書傅臘塔。江南江西總督張鵬翮。回京入奏。

上曰。爾等所審之事。著交九卿議奏。問張鵬翮曰。署總督事席

實錄卷九十七

四

爾達居官何如。張鵬翮奏曰。居官頗優。

上又問巡撫貝和諾較巴錫何如。張鵬翮奏曰。巴錫為人鄭重。

貝和諾臨事精詳。

上謂大學士等曰。張鵬翮前往陝西。朕留心察訪。果一介不取。天下廉吏。無出張鵬翮右者。○覆試順天己卯科中式舉人。○調鑲紅旗蒙古副都統車克楚為滿洲副都統。陞侍衛妻徵額為鑲紅旗蒙古副都統。○壬戌。

上詣

皇太后宮問安。差往盛京審理偷創人參案學士滿篤等請訓旨。

上曰。凡事皆為首之人。聞偷採人參者甚眾。若輩皆衣食不
贍之徒。一切馬匹糧米帳房。何能自辦。爾等但詳察源流。能
獲其養贍此輩。給發盤費馬匹。收攬人參之為首者。則案即
結矣。○諭大學士等曰。昨覽覆試之卷。今科鄉試。誠不允當。
派出監考官。閱卷諸臣。亦甚懦弱。諸臣不擬題。啟奏。反強請朕
命題。又謂所學疎淺。其試卷亦屢請朕定其優劣。朕不允行。
仍令諸臣較閱。諸臣倘懷顧忌。不分滿洲漢軍。及南北卷。總
合一處定其次序。朕以為宜按項定其差等。況諸臣俱係制
藝出身之人。而寥寥數卷。反不能較閱耶。朕於諸事。惟期合
宜耳。雖宗室大臣之子。豈肯徇情。諸臣有何畏忌。即令鄉會
科場俱遣官考試。朕向嘗主試。此試卷。朕亦大略閱過。爾等
持出傳諭九卿科道。齊集詳閱具奏。○湖廣總督郭琇。來京
陛見。○癸亥。

上以巡視永定河。命

皇四子多羅貝勒。皇七子多羅貝勒。允祐。皇十三子胤祥。
隨駕。是日啟行。自通州登舟。泊郝家務。○大理寺卿高喬。丁
父憂。命離任守制。○湖廣永州總兵官李日烜。以病乞休。命
原品休致。○理藩院題。巴林淑慧長公主。於正月初十日。在
京薨逝。照例致祭一次。回巴林之日。應遣內大臣侍衛等護
送。到日致祭。得旨。送往巴林之日。遣皇子等往送。祭祀之物。

著從此處備去。○甲子春分。朝
日於東郊。遣領侍衛內大臣伯阿席坦行禮。○
御舟泊通州新河口。

二月乙丑朔。奏事主事存柱。捧出康熙三十八年中式舉人
覆試文卷。傳諭大學士等曰。此科中式舉人。因有情弊。為人
指參。朕亦聞外議紛紜。故行覆試。以驗其實。朕親命題。特命
皇子重臣侍衛嚴加監試。朕初謂必有不能終卷者。及閱各
卷。俱能成文。尚屬可矜。至於落第者。在外怨謗。勢所必有。焉
能杜絕。諸生試卷。著學士布泰齋。回將朕此意。傳諭九卿。即
於九卿前啟封。照所定等第。繕寫進呈。又命中書班第復傳

諭曰。朕棄時文已久。覽今文體。較前稍變。諸生試卷。朕一一
觀其大畧。諸臣所擬等第。俱當。三等以上者。皆可觀。有在三
等。朕拔置二等者。亦有在四等。朕拔置三等者。四等果屬不
堪。著令黜革。三等以上者。仍令其會試。○是日。

上閱化家口攔河壩。諭監修內閣學士范承烈曰。化家口攔河
壩之南築一月牙壩。壩基須用排椿。蘆埽。庶於舊隄有益。至
於舊河下流之口。亦須堵塞。若不堵塞。則水漲之時。必致倒
灌。有損河道。○

御舟泊武清縣十百戶地方。○丙寅。

御舟泊武清縣蔡村。諭工部尚書薩穆哈曰。觀要兒渡之東。被

水衝刷深為可虞。若不預築挑水壩必致潰決。著備椿埽等物朕即親臨指示修築○丁卯遣大學士熊賜履祭先師孔子○

上閱匯爾港衝決之處諭工部尚書薩穆哈曰今從衝決處挑濬新河直抵南河著修築重隄河身須深一丈寬或十丈或二十丈酌量開濬舊河故道不必堵塞水漲時聽其兩支分流其迤東轉灣處築一挑水壩高五尺以禦激衝甚有裨益再續修一順水壩此等若待賠修必致遲延著動正項錢糧派出賢能司官筆帖式監修催趨限於四月內告成是日

御舟泊武清縣湯家灣○湖廣總督郭琇題湖廣江夏等十三

實錄卷九十七

七

縣更名田地乃明季下瘠之藩產每歲只納租穀順治九年歲荒穀貴每石折價銀四錢六分零較民糧加重至六七倍佃種窮民苦累疊據布政司請照民田折徵臣查此項田地應照各縣上則起科其不敷原額銀兩於十三縣田內均攤每畝所加不過釐毫國課無虧民困獲甦下部議行○直隸巡撫李光地題目前因循積弊未有甚於虧空者不可不立法釐清宿弊一雜項錢糧不入奏銷案內者應責成該管上司於監查正項時一併照例盤查保結則那移之弊杜矣一上司盤查屬庫例責年終嗣後應自該年十一月起至次年奏銷以前止親至查明如有虧短立行揭報見存無虧據實

出結則期限舒徐可以逐項周察也○虧空那移律例雖有正條但法輕易犯嗣後地方官如有那移銀至五千兩以上或糧米至六千石以上者無論已未革職仍擬滿流不准折贖即遇恩典亦不准減免庶人知畏法而倉庫加謹矣下部議行○戊辰祭

大社

大稷遣都統伯心裕行禮○

御舟泊武清縣西沽○天津總兵官潘育龍來朝○己巳

御舟泊武清縣清光村○庚午

御舟泊武清縣王慶坨○原任河道總督王新命直隸巡撫李

實錄卷九十七

八

光地來朝○命甘肅每年應辦皮張仍令該撫辦解停差部員○以大學士吳璥熊賜履為會試正考官戶部左侍郎管右侍郎事李樹都察院左僉都御史王九齡為副考官○兵部議覆山東登州總兵官劉官統疏言壽樂營汛守甚簡寧福營地處僻緩不必設參將帶重兵駐防泰安營南北通衢萊州營駐居濱海俱屬要地應改設參將增兵防守臣標二營每營額兵止七百餘名應各增二百名今議將壽樂營參將調設泰安營帶馬步兵二百名合泰安舊設兵共五百名壽樂營改為守備裁千總一員止領馬步兵三百名餘兵撥給臣標中軍營再裁兵二十名寧福營參將調設萊州營領

轄萊州營原額官兵。所有萊州營遊擊應裁。寧福營改為守備。裁千總一員。把總二員。止領馬步兵三百五十名。餘兵撥給臣標右營。再裁兵八十五名。德州營添設把總一員。即以寧福營把總遞補。於營汛俱有裨益。應如所請。從之。○辛未。上乘舟至靜海縣東。閱子牙河隄。問河道分司朝琦曰。此河從何處開濬。朝琦奏曰。從閭留二莊之間開濬。四十里兩岸築隄。導水入三角淀。

上曰。此河一開。水勢盡向東流。不由故道。恐有妨於運河也。○壬申。

上閱子牙河畢。回舟復駐王慶坨。命侍衛吳什等傳諭大學士馬齊曰。席爾達疏稱。將軍孫思克患病。遣醫梁健生及兵部司官一員。馳驛往調治。觀實亦著。前去審視。孫思克病勢何如。即速行奏聞。又命侍衛海青傳諭巡撫李光地曰。新開子牙河。與運河逼近。今若從東隄閭留二莊之間。另開一河。

分流。導入三角淀。則逼運河愈近。倘水勢泛溢。致損運河隄岸。深為可虞。朕視王家口出水之處。並無壅塞。於見開河處。或應建閘。或應築壩之處。爾等繪圖進覽。○癸酉。

御舟泊霸州堂二鋪。○甲戌。諭巡撫李光地等曰。閭留二莊之間。可建一石閘。水大時酌量開闔。減洩水。小時開闔。仍由王家口舊河令直流出。則水勢不致盡行旁瀉。漕運民田。皆有裨益矣。諭畢。往閱永定河修築之處。又問李光地等曰。開此河水。盡向東流。恐有妨於運道。李光地等奏曰。聖諭建閘。甚是。此閘即令巡道劉德芳監築。多用石板。務期堅固。

上逐一指示河工畢。諭曰。修築方畧。皆朕親行指授。若事有參差。俱在朕躬。爾其盡心修理。勿懷疑懼。以朕觀之。永定河下流。自三聖口。開至柳岔。無有善於此者。

上減扈從大臣侍衛。乘小舟往閱郎城柳岔等處。遇水淺。舟不能進。上即改御小艇。盡留諸大臣侍衛。止率數人前往。指授河道。應從何處修築。方畧。逐一明訓。河工諸臣。○御舟泊霸州苑家口。○乙亥。

孝康章皇后忌辰。遣官祭孝陵。○上諭大學士等曰。朕往閱永定河。見河上諸員深屬不堪。彼等並無知曉。每引朕至淺處。舟淤難行。問之土民。亦不明奏。後發嚴旨以懼之。始引前行。及至閱看工程。甚易。並無難處。因朕指示周詳。河工諸臣方悟而大悅。朕御小艇入郎城等淀。淤淺之處。徧視之。則河之當移於柳岔也。益無疑矣。郎城之河。全被沙淤而墊高。至來年可耕為田。而欲於此處出水。直

強之耳。水口所關重大。若非親臨目擊。可輕斷乎。治河大臣畏縮不前。及再三陳奏。以為不可行者。今復何辭。又諭曰。即城之遠。限甚有用。清水渾水。俱以此當之。新河開畢。著即完工。南北兩岸。遙限完工之後。交地方官各自分守。稍有損壞。處用民夫補修。著傳諭直隸巡撫李光地。朕將於四月來臨。且不時遣人察視。爾等敬慎毋忽。

上又閱郭家務以下。被淤卑矮。限工。諭曰。水長則新開之河可虞。爾等會同王新命。作何酌量。再行加幫增高。著公閱議奏。是日。

御舟泊任邱縣藥王廟前水次。○喀爾喀多羅郡王王色冷阿

實錄卷五十七

十一

海故遣官致祭。○丙子。

御舟泊新安縣郭里口。○遣官祭

先農之神。○丁丑。

御舟泊新安縣段村。○戊寅。

御舟泊任邱縣趙北口。○己卯。清明節。遣官祭

永陵。

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。○

御舟泊霸州苑家口。○偏沅巡撫金璽疏奏。辰州府屬苗獠雜處。最關緊要。應揀選熟悉風土廉能之員。保題調補。從之。○庚辰。

上自苑家口登岸陸行。駐蹕永清縣蔡家營。○辛巳。

上至南苑。○吏部議覆湖廣總督郭琇疏。言臣生父郭景昌係即墨縣學庠生。郭爾標並無妻室。何有子嗣。伊投充黃宗昌家為僕。閩邑共知。臣伯父郭爾印無子。以臣承嗣。於康熙十

實錄卷五十七

十二

五年正月病故。有丁艱呈詞可查。不知佛倫何所聞。而無影無稽。誣臣欺

君冒認祖父濫膺封典。擬以革職。追奪誥命。部臣不俟行查。遂立時追繳。伏乞

皇上敕問佛倫。據大學士佛倫供。訪聞郭琇是郭爾標之子。又郭爾標造反。總兵柯永昇擊獲正法。我因郭琇伯父名郭爾印。與郭爾標名相類。據訪聞具題。今郭琇既稱伊父是郭景昌。並非郭爾標。舛錯是實。查佛倫前疏。止據訪聞題奏。並無實據。應將從前所追郭琇誥命給還。其佛倫等事在赦前。應免議。從之。○刑部議覆侍讀學士喇錫等在花峪溝緝獲剽

牛賊吳七等十四人俱照律擬斬其所割牛隻給還原主得旨吳七王光明于太石大漢劉四瞎子宋大張三張太劉二劉三疣痘石匠劉二池黃三侯小西俱著即處斬餘依議

壬午

上回宮詣

皇太后宮問安○癸未陞順天府府尹常翼聖為大理寺卿○陞廣東駐防協領王臣為湖廣永州總兵官○乙酉

上奉

皇太后幸暢春園○湖廣總督郭琇陞辭奏曰

皇上命臣選奏大量地畝官員有武昌道莊楷衡永郴道董廷

實錄卷五十七

十三

恩長沙府知府王益曾三人才堪委任但湖南民稀地廣所以民或不能完課遂致逃避者有之清丈之後則錢糧似較前差減矣

上曰約減幾何郭琇奏曰大約減十分之二

上曰果於民有益所減雖倍於此亦所不惜若不清丈以荒田著落他人徵收錢糧有累窮黎斷不可也此事綦重保題丈量官員爾具疏來照所請行○江蘇巡撫宋肇以賑濟淮揚飢民米石奏聞得旨朕發內帑修理各處隄岸總為下河民生起見河工一日不竣下河之民一日不得樂業朕甚惻然今歲漕運可截留二十萬石交付宋肇備賑○早故原任盛

京兵部侍郎覺羅舜拜祭葬如例○丁亥上詣

皇太后宮問安○己丑遣領侍衛內大臣公費揚古大學士伊桑阿馬齊正白旗副都統吳達禪考驗宗室子弟文藝騎射

○庚寅

孝昭皇后忌辰遣官祭

陵○辛卯右衛將軍宗室費揚固題請開墾山代地方田地

上曰山代地方由既甚饒且逼近二河之間只引河灌溉無不豐獲所以西邊回子引水入田而耕之除蟲食之外總無虞於旱潦必獲豐登朕前諭費揚固可於此處開種費揚固頗

實錄卷五十七

十四

有難色朕因言爾若以為難朕則命諸皇子及諸王耕種矣費揚固始題請開種今允其所請待收穫時奏聞○甘肅提督振武將軍孫思克以病乞休

上曰觀孫思克所奏之言深為可憫仍著留任調養甘州地屬嚴疆應遣都統雷繼尊速往署理孫思克病痊可即回京倘不愈再行定奪○壬辰貴州省城地震○九卿等遵旨議奏差往湖廣審事之郎中剛五達宋超故違

聖訓在地方貪取財賄剛五達宋超應革職擬絞立決筆帖式舒里渾應革去筆帖式擬絞立決編修喀爾喀雖係差去學辦事之官但受地方官盤費銀兩馬匹等物應革職至陳丹

書等各犯謀叛侵犯城池傷及官兵剽奪印信倉庫總督李輝祖不據實題參應將原任湖廣總督調補刑部侍郎李輝祖革職原任茶陵州知州趙國璽和派等項應移咨該督查明到日再議得旨剛五達宋超舒里渾俱改為應絞著監候秋後處決喀爾喀李輝祖俱著革職餘如議○癸巳

上自暢春園回宮

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之一百九十七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之一百九十八

康熙三十九年庚辰三月甲午朔

上御經筵講畢賜大學士九卿詹事及講官等宴○原任河道總督王新命以修理永定河繪圖

呈覽

上披閱指問良久顧王新命曰此圖曲折闊狹與河形不符如一百八十丈為一里則以尺為丈或以寸為丈更或以分釐為丈及量其遠近按尺寸繪之方與河形相符一覽了然今爾此圖皆意度為之未見明確著另繪圖呈覽○通政使司

實錄卷一百九十八

左通政張格等以差往審理高齊武等旗盜案并教養蒙古請訓旨

上曰蒙古性情怠惰愚蠢貪得無厭不可以內地之法治之順其性以漸導方能有益初到時亦不可即行給助始若過優恐後不繼宜視其困乏漸行補助且蒙古惟信喇嘛一切不顧此風亟宜變易倘喇嘛等有犯法者爾等即按律治罪令知懲戒吏部題浙江道御史廖騰燧疏參安徽巡撫李鈺病不能辦事今李鈺回奏自稱病愈應交江南將軍提督查明具奏

上諭大學士等曰各省將軍提督向不與民事教書開載甚明

從無行查總督巡撫之例。今議令將軍等查明殊屬不合。爾等嚴敕該部其李炳事著江南江西總督張鵬翮查奏。禮部議覆河南道御史鄭惟孜疏言奉差審事官員宜給印信應准行得旨凡差遣審事官員若另給與印信甚滋煩擾不必鑄給嗣後審事官員定招審結即於疏內寫明具題日期鈐本用督撫印事關督撫則鈐藩臬印事關督撫藩臬則鈐提鎮印。諭大學士等修築永定河夫役雲集人多則需米穀價必致騰貴遣戶部賢能司官二員截山東河南漕米二萬石留於信安柳岔二處會同地方官照前稍減時價平糶至附近信安修河諸處屯莊米石亦令糶賣。○乙未

上幸暢春園詩

皇太后宮問安。○諭戶部淮揚等處百姓頻年罹於水災未寧幹止朕心時切軫念。比歲以來多方優恤蠲免賑給靡不舉行。去年春朕親履河干目擊小民田廬皆被淹沒災黎艱於粒食益為憫惻於懷。爰命地方官按戶賑濟又將截留漕糧發賑平糶俾得贍養上下兩隄岸前雖屢發帑金修築迄無裨益。去年二月面諭河工諸臣速行修治至今尚無成效。復遴選廷臣同往經理無非軫懷民瘼欲令黃運兩河隄岸速成斯民早安生業耳。念水患一日不除則百姓一日不得耕種用是深以為慮著將今年漕糧截留二十萬石存貯淮揚

實錄卷一百六

上

實錄卷一百六

三

地方備用爾部即遵諭行。○丙申九卿等會議刑部尚書傅臘塔江南江西總督張鵬翮察審陝西散給籽粒等案查籽粒銀兩共計五十餘萬此內給發民間三十九萬餘兩百姓已於三年內完過二十六萬兩餘銀限二年內陸續完結其原任同州知州蘭佳選蒲城縣知縣關秀韓城縣知縣王宗早俱侵扣籽粒銀入己應擬斬監候朝邑縣知縣姚士塾華州知州王建中已病故無庸議其侵扣之銀俱應照數追還原項至布喀控告總督吳赫等侵蝕籽粒銀兩三四十萬今合計實給衆百姓銀及各州縣衛侵扣那用銀已與五十餘萬之數相符布喀所告是虛但吳赫及原任巡撫完愛不將屬員侵扣情弊確查題敘均應擬罪查完愛已經革職吳赫於吳秉謙叩閣案內另議罪應毋庸議原任川陝總督佛倫不將各官侵扣那用等項確查即列名會題不合應降四級調用原任西安知府彭騰翺下永寧隴州知州王鶴應降三級鳳翔知府許嗣國應降二級俱調用原任西安知府陞神木道李杰降一級留任罰俸一年原任陝西驛傳道陞福建布政使解任張霖補官日降一級罰俸一年原任布政使戴吞禪布俱身故無庸議前任巡撫布喀擅用庫銀支給運米脚價查係緊要公務非私自那用應免其追取得旨蘭佳選關秀王宗早俱依議應斬著監候秋後處決佛倫從寬免降

級調用著以原官致仕餘如議○又會議刑部尚書傳臘塔等察審吳東謙叩閣一案查原任總督吳赫所參吳東謙扣剋軍需銀兩勒索稅規倉規俱係風聞不確惟屬官情願送禮收受是實虧空庫銀俱係軍需緊急因公郡用並非侵蝕其用過銀兩交與總督陝甘二撫令闔省文武官員均賠無著銀一千五十七兩吳東謙供稱修理文廟及倉廩渠壩等處但無用正項錢糧之例吳東謙先經三法司擬斬監候無庸再議其郡用銀兩及所得餽送禮銀照數追出入官補項吳赫懷挾私仇捏款誣參吳東謙有玷官箴應革職依誣告例枷責丁憂布政使能泰按察使鄂海神木道李恣不能審

實錄卷百九十八

四

出實情應各降一級調用其餘諸款及吳東謙所扳吳赫浮開草料價值等事俱虛均無庸議得旨吳赫著革職從寬免枷責餘依議○又會議刑部尚書傳臘塔等察審那墊運價等案查醴泉縣知縣張鳴遠等將借給窮民種地籽粒銀兩那為雇車賠米墊解鹽課等項使費應將張鳴遠章紳劉桂李先茂朱作繡張鳳瑞均革職程奇畧史起平已經病故無庸議此那用銀著落張鳴遠等照數追還咸陽縣民張拱等因未得籽粒銀兩枉受追比情急控告應免罪從之○又會議刑部尚書傳臘塔等會同巡撫員和諾察看西鳳二府所屬等縣監收米麥及存貯各倉米麥均與原數相符應無庸

議原任長安縣知縣謝嵩齡等私將麥石出陳易新應治罪但已經買補足數亦免議貯省倉米行令該撫交糧道加謹收貯毋致汜爛其省倉及西鳳屬縣各倉所貯麥石令經收府縣官員作速易米并見貯米石一槩運入省倉如有遲延該撫題參從重治罪從之○丁酉遣官祭歷代帝王○戊戌

上詣

皇太后宮問安○以喀爾喀故土謝圖汗察罕孫敦多布多爾濟襲爵○己亥刑部尚書傳臘塔等入奏

上顧侍郎常綬曰爾自任刑部以來甚為効力各司所辦案件

實錄卷百九十八

五

靡不得當較爾在工部時聲望更佳爾惟當堅持此心勤勉不二方善次工部尚書薩穆哈等入奏

上曰淮揚一帶百姓久罹水患亟宜拯救此係爾等專責宜各盡力今觀河工諸臣一有衝決但思獲利遲至數年徒費錢糧河上毫無裨益此弊之根皆在爾部即令河工凡有啓奏惟恐爾部不准行隨即遣人營求爾部鮮不受其請託者若此弊不除河工何由奏績薩穆哈等奏曰臣等自當遵旨竭力嚴禁

上曰豈止嚴禁他人即爾等亦宜改悔○

上諭大學士等曰前者于成龍雖屢陳河務及問自河上來者

皆云邵伯決口尚未堵塞朕所指芒稻河人字河等處亦總未修于成龍人尚可可用亦有勞績但比年以來徇情為人大有錯謬朕去年南巡時遣侍衛海青召于成龍至江天寺講導訓諭以留心河工為要務詎意彼竟不言及如何治河如何救民惟以捐納執奏朕以此知于成龍之不能有成於河工也靳輔任總河時河務常治雖下河之人不無微怨然不可謂於運河無益朕三幸江南初次河道尚未廢壞去年至彼見水勢較前更險聞今歲愈加湧漲直至高郵矣先是奏額疏奏清口之水已向外流朕曾批諭石黃水不久倒灌矣今詢來果如朕言去冬朕巡永定河命修挑水壩彼等遵

實錄卷一百六

六

旨修築水得通流于成龍不遵指示故迄今尚未告成爾等將朕所諭修築之處工程完否查明具奏○庚子陞右通政甘國樞為順天府府尹○免江南淮安揚州鳳陽三府被水災地方康熙三十八年分額賦并漕項錢糧刑部等衙門會題工部右侍郎羅察等察審原任四川提督岳昇龍揭參原任巡撫于養志一案查于養志係邊疆大臣私將驛馬撥給襄藏餽送禮物之人又打箭爐土司蛇蜡喳吧地方被營官占居不行奏明因岳昇龍揭參始將岳昇龍所行事件揭奏殊玷職任應革職其營官霸占作何措置之處應請敕第巴嚴飭互相貿易毋致生事得旨于養志著革職俟岳昇龍

所奏二疏川陝總督審結時解送來京將打箭爐等處被營官占據並不奏明緣由審明具奏其營官占據打箭爐事情亦著俟該督將營官毆死蛇蜡喳吧之案察明到日一併議奏餘依議又會題工部右侍郎羅察等奏審原任四川巡撫于養志疏參提督岳昇龍一案查岳昇龍係邊疆大臣應勤任事務報答

皇上起拔之恩乃向革職土司高一柱面言我用摺子啟奏今爾戴罪護理希圖酬謝又給銀與閭閻國耀等建州販鹽又因茶馬之事指稱部內使用令屬員議奏銀兩四月初十日發兵至十四十五日始移咨督撫將伊瘦馬交屬員勒取價值

實錄卷一百六

七

又取各營官隨身兵糧多寡不等俱玷職任應革職所取兵糧馬價及家人一百五十名不當差遊擊韋元鼎等家下不當差之糧俱交該部照數追入官閭國耀等違禁販鹽應擬杖其餘諸款俱虛應無庸議至打箭爐係版圖內地達賴喇嘛妄求爐河東嘉慶地方殊為不合但已于岳昇龍參于養志案內請敕第巴亦無庸議得旨岳昇龍著革職餘依議

辛丑

上詣

皇太后宮問安○湖廣忠建宣撫使田世勲病故無嗣以其姪田興爵襲職○壬寅大學士九卿等會議河工將摺子呈覽

上曰爾等會議以埽堵塞黃水入清口之處如此則漕艘從河處行伊桑阿奏曰漕艘到時拆埽為口以行船過仍堵之

上曰水力蓄聚一去其埽衝刷必甚衝刷數次水必愈深埽難堅立矣爾等此議未必可行也伊桑阿奏曰臣等未嘗以此為必可行但無計可施以為如此僥倖清水可出

上曰如此清江閘亦須堵塞方好又召刑部侍郎常綬理藩院員外郎赫碩滋工部員外郎費養古近前問赫碩滋曰爾等前議高家堰可修及觀王鴻緒所奏又云不可修爾今云何赫碩滋奏曰臣等會同于成龍徐廷璽齊集府廳官員定議乘冬月水退堅築高家堰具奏彼時若即興工必有成矣今水勢浩太實不可修

上曰去年朕親立河隈諭爾於挑濬引河處定議汝能有成否赫碩滋奏曰

皇上所示臣已轉諭董安國之子至臣來後不知其作何遵行上曰朕所遣諸大臣皆以高家堰為不可修爾尚執以為可惟以府廳微員為辭是誠何意朕親指示著爾定議爾又轉委他人爾所司何事復顧大學士等曰赫碩滋朕巡視河道曾命隨行雖言辭清粲口齒巧利然於正務毫無所濟惟兩可其說却過於人且自恃利口上司與大臣之權任其擅弄不可令復往河工矣又曰前靳輔任總河十有餘年河務整理

但自修歸仁隄之後清水勢弱黃河之身漸高清水不得流出渾水益倒灌清河河工廢壞亦由於此朕此次南巡曾諭于成龍邵伯更樓等隄尺寸皆當堅固彼不堅修以致更樓隄岸衝決今漕臣桑額奏稱漕艘被水損壞二十餘隻究如朕諭常綬費養古速行馳驛前去會同河上諸臣將黃水入清口之處可否用埽堵塞及清江閘口應否閉絕引河作何挑濬更樓決口作何修治詳議速奏毋得稽遲常綬奏曰

皇上指示黃河應挑引河築挑水壩此工程於高家堰管工大臣內交何人修造恭請

欽點得旨著差出之范承勳王鴻緒監修令揀選十人帶領修造爾等將邵伯決口月河芒稻河人字河亦俱閱奏或堵塞黃水入湖之清口或閉塞清江閘之處會同徐廷璽議定即交徐廷璽修造九卿出

上顧大學士等曰赫碩滋惟恃利口大失朕望今於衆前申諭令之自愧耳（鑲黃旗都統托倫清罷所兼正白旗護軍統領及鄉導首領職任從之）癸卯

上諭大學士等曰河工錢糧甚不清楚于成龍病故江南江西總督張鵬翮操守好著調補河道總督 甲辰

上詣
皇太后宮問安（丁未）

上諭宗人府和碩簡親王雅布曰宗室覺羅等女有願與朕養者朕可養而嫁之有女年長父母不能違嫁者朕亦代為嫁之著查明奏聞○河道總督張鵬翮請訓旨并題徹回河工効力人員保請原任河道總督王新命同往

上曰靳輔治河時河道甚好自任王新命後僅守靳輔成績並無別行効力之處于成龍初任總河已將靳輔所修之處改治一二次及至董安國則事盡廢壞不堪矣王新命於河務不甚諳練且見今修理清河四五月間可成待完工日再行定奪彼處効力官員著徹回張鵬翮又奏曰高家堰若培修攔黃壩宜拆毀至疏通海口宜用河防一覽所載水老鸛等器

實錄卷一百六十八

+

上曰高家堰見差大臣督修爾無與焉海口至清口相隔遼遠今所急者清黃兩會之處最為緊要黃水高故清水不得通洩以致泛溢曩者高家堰去水尚遠今與培築隄岸相平但今清水何以得由河身何以得深此係爾當圖畫効力者更樓已亦屬緊要所宜速為修竣水老鸛等物靳輔當時亦曾用之毫無裨益此數事爾到任詳察宜作何舉行再為奏聞朕以爾清廉因特簡任所發錢糧仍於河工支用分釐不致空費隄岸自能堅固事無不濟爾善行努力見今錢糧分給各工人員物料尚未運到帑金耗費全無著落爾到任後嚴

察具奏○漕運總督桑額奏報漕船漂沒事

上曰邵伯更樓決口自去歲奏報後屢奏稱攢工修築乃迄今尚未報完以致漕艘十有餘隻漂沒擊碎其阻滯江干及瓜揚一帶地方不能前進者甚多漕運關係重大在工官員所司何事稽遲怠玩至此已極俱著嚴議處分仍行該督設法倍料兼工堵築刻期報完勿致再誤邵伯更樓係船隻往來要地已經衝決十有餘月船隻阻滯不能前進之處桑額並不題報至于成龍故後始行具題殊屬不合著所司一并察議○陞內閣學士兼管詹事府詹事事特默德為工部右侍郎○予故正紅旗滿洲副都統牛鈕祭葬如例○陞叅領色楞威爾為歸化城土默特副都統調鑲藍旗護軍統領嵩祝為正黃旗護軍統領陞正紅旗滿洲副都統車克楚為鑲藍旗護軍統領正白旗蒙古都統圖席希以老乞休命原品休致○戊申

實錄卷一百六十八

+

上詣
皇太后宮問安○陞鑲白旗蒙古副都統瓜爾察為正白旗護軍統領庚戌工部議覆河道總督張鵬翮疏請徹回協理河務徐廷璽應令徐廷璽將伊任內錢糧事件交代明白回京又請徹河工効力人員應令該督將各官所管工程有無完竣錢糧有無清楚之處逐一查明即令發回又稱部臣每

事掣肘乞諭部臣寬其文法責以成功嗣後凡估修奏銷與例不相符者具題駁查若將不應行查不應駁回之事任意泥駁該督具題到日將本內有名堂司官交與該部嚴加議處從之○辛亥

萬壽節停止行禮筵宴○遣官祭

福陵

昭陵

暫安奉殿

孝陵

仁孝皇后

實錄卷一百九十八

十一

孝昭皇后

孝懿皇后陵○遣官祭真武東嶽城隍之神○癸丑策試天下

貢士王露等於

太和殿前制曰朕惟郅隆之世上下熙皞職業修明樂利豐亨茂登上理何其盛也朕臨御以來尊尊圖治夙夜不遑惟期吏治肅清民生康豫薄海內外共登於仁壽之域而治效罕臻殷憂彌切厚生正德未能盡如朕志之所期其故何歟如休養多方而膏澤或未能下究省巡時舉而疾苦或墜於上聞獎廉懲墨而胥吏尚多奸頑責粟重農而閭閻未登豐裕豈積習之驟難除歟抑有司奉行之力不也茲欲令大法

小康民安物阜漸幾於淳龐之治何道而可至淮黃兩河民生運道所繫朕幾經閱視指授機宜而河工諸臣怠窳玩愒以致工程稽緩底績難期何道而令河務大小臣士實心經理濬築合宜平成早奏俾糧艘無誤民居永奠以釋朕宵旰之憂歟爾多士蘊懷久矣其詳著於篇朕將親覽焉○陞翰林院侍讀學士覺羅華顯為內閣學士兼禮部侍郎○甲寅

上詣

皇太后宮問安○陞正藍旗蒙古副都統宗室特克新為正白

旗蒙古都統正白旗滿洲副都統吳達禪為前鋒統領○乙

卯

實錄卷一百九十八

十二

上自暢春園回宮○宴衍聖公孔毓圻等於禮部○丙辰

上御太和殿傳臚賜殿試貢士汪繹等三百二人進士及第出身有差○

身有差○

上幸暢春園丁巳陝西巡撫貝和諾題漢興道所轄地方界連楚蜀幅輳遼濶今缺員將議裁神木道李杰就近調補漢興道即將神木道歸并榆林道兼理得旨神木地方朕前統領大兵經過親見田畝瘠薄人民稀少最為寒苦然逼近蒙古實屬要地該撫具題請裁神木道缺今又將李杰題補漢興道明係專為李杰規避見缺希調善地且李杰向任西安知府並無善狀著將該撫及李杰一併嚴加議處具奏○壬

部等衙門會議兵部尚書范承勲等會同署理河道總督事務府尹徐廷璽奏稱高家堰隄子武家墩等處應幫頂寬高丈尺照原估外惟是底寬十丈未免太狹今會議每段高一丈隙出二丈工力可免虛費其臨湖一面原估柴用釘埽臣等公同勘議水深之處仍用椿埽其餘出水之處柴用柴草釘鑲用土堅築其小黃莊至周橋已先興築武家墩至小黃莊見在丈分即日興工周橋至棠梨樹地方有三壩未堵臣等會議先堵茆家園南壩唐埂北壩暫留夏家橋再於棠梨樹以西暫築裏頭草壩以備伏秋漫溢候水消應開之期堵塞幫築六壩一帶地方最為危險修防刻不可緩前已分撥

宣統元年

古

河員今著伊等上緊修築務期隄岸無虞應均如所請從之

（戊午）

上詣

皇太后宮問安○鑲藍旗三等伯宮圖以疾解退命其子噶敏

圖襲替○庚申戶部議覆陝西巡撫貝和諾奏銷寧夏送馬

價值應核減

上諭大學士等曰朕到寧夏時馬價實係騰貴此馬俱係彼時

採買著照貝和諾所奏銷算○辛酉陞詹事府少詹事巢可

托為詹事以翰林院檢討法海充日講起居注官○壬戌

上詣

皇太后宮問安○調正黃旗漢軍副都統宗室愛音圖為正紅旗滿洲副都統陞護軍叅領趙魯為正黃旗漢軍副都統

癸亥

上自暢春園回宮

夏四月甲子朔享

太廟

上親詣行禮○乙丑

上幸暢春園詣

皇太后宮問安○丙寅吏部議陝西巡撫貝和諾徇情題請將

神木道李杰調補漢興道應降三級調用李杰規避應革職

宣統元年

革

得旨貝和諾著降三級從寬留任李杰著革職○福建浙江

總督郭世隆題海船應修理請速給物料價值以便即行鳩

工得旨朕去歲巡幸南方郭世隆曾奏若不修理海船巡察

之事必致有誤著依該督所題修理○戊辰調正白旗蒙古

副都統宗室伽藍保為滿洲副都統陞前鋒叅領託合齋為

正白旗蒙古副都統護軍叅領覺羅孟俄洛為鑲白旗蒙古

副都統以一等侍衛柯岱為正藍旗蒙古副都統○庚午授

一甲進士汪繹為翰林院修撰李愈主露俱為翰林院編修

○辛未諭大學士等各部院衙門司官皆論俸陞補或因生

臺運米議叙陞補以致庸劣者多著諭部院將該衙門庸劣

司官察其司官筆帖式內有才優者亦著保舉引見。頒御製臺省箴以儆言事諸臣箴曰臺省之設言責斯專寄以耳目寧取具員通明無滯公正無偏黨援宜化吟域宜捐洞達政體斯曰能賢古昔諍臣風規凜然訐謏譏論垂光簡編朕每覽繹如鑑在懸居是官者表裏方直精白乃心克廣其識國計民生臧否黜陟凡所敷陳敬將悃愾風霜之任以懲奸慝搏擊之威以儆貪墨毋撫細務苟塞言職毋紛成憲妄逞胸臆書思入告當宁對揚沽名匪正營私孔傷或藏嫌怨謬為雌黃受人指囑尤為不臧形諸奏牘有玷皂囊職司獻替亟宜審詳敬爾在公風紀嚴廊詞箴用勗誕告聯常。癸酉

實錄卷一百九十八

七

部院各衙門堂官將保舉人員以次引見

上逐員詳問當者可其奏不當者不准保舉閱至翰林院保舉

官檢討阿金

上曰阿金福建考試回時朕面詢之所對不實阿金係滿洲人朕特差遣凡關係考試事理應據實陳奏乃惟云所取者盡屬貧寒所取多今何得盡值貧寒且考試但閱文章卷皆彌封何能預知其貧寒也著停其保舉以滿保代之。丙子閱河刑部侍郎常綬工部員外郎費養古差回將河工情形摺奏

上問曰爾等所看如何常綬等奏曰量安國所挑引河已經淤

塞臣等遵

皇上指授交與范承勳量訥等令其寬三十丈挑濬極深廣築挑水壩令水循北岸導入引河甚有裨益

上問曰清口如何常綬等奏曰據徐廷璽等云遵

皇上指授壅塞清口將引河挑濬寬深使湖水灌入運河漕船過則啓之過畢仍閉之俟湖水盈溢時開洩以敵黃河之水甚有裨益

上問曰芒稻河人字河如何常綬奏曰芒稻河人字河見在通流○宗人府題考試宗室對清格等敘定等次具奏得旨對清格伊克達哈明金呂順殷圖馬步射俱善著給應得品級

實錄卷一百九十八

七

○諭吏部庶吉士龔鐸等教習已久今加考試滿書庶吉士徐樹本陳壯履張元臣李林汪士鏐李紹周龔鐸李鳳蕭車鼎晉鐵範金陳允恭趙爾孫黃龍眉余正健陳至言李周望孔尚先吳文炎袁鍾麟管灝漢書庶吉士昌格阿珥察蔡珽查齊阿進泰分別授翰林院編修檢討吳隆元王誥郭子蕃朱啓昆傳敏歐陽齊俱不准授職著再教習三年爾部即遵諭行。丁丑

上詣

皇太后宮問安○戊寅大學士等以漢科道員缺揀選翰林內編修檢討等官開列職名具奏

上曰此內查嗣韓查暑俱善書不可使離翰林院凌紹雲姚士
嵩汪俠陳夢球亦著仍留衙門馮雲驥湯右曾劉瀚宋朝南
彭始博張璠著改科道○已卯

上奉

皇太后自暢春園回宮○

上以巡視永定河隄工命皇長子多羅直郡王允祿

皇四子多羅貝勒 皇十三子胤祥隨駕是日啟行駐蹕宛

平縣鸞房村○諭扈從諸大臣此番行李若仍似冬月按旗
分隊伍一處攢行斷乎不可方今天氣漸熱行裝著從容緩
進以次隨行慎勿催促不然馬匹必致有損矣行裝可早行

朕進膳後啟行有由小路行走者聽其自便毋得嚴禁但晚
諭勿得蹂躪禾苗有在後飲水飲馬者亦從其便此時馬匹
飲水並無所忌毋似冬月禁止朕巡行每感寒暑此等事知
之甚悉其儀仗侍衛執事人等因馬匹不齊騎驟者聽廝役
等騎驢者亦聽毋恐朕見而不乘驛地近京師天氣炎熱既
不行獵乘騎何妨朕不過偶來閱隄耳如此不時巡視監修
之人亦自謹慎且悉知河隄諸事其護衛人等雖少懈怠亦
不必究其曉諭之○庚辰

孝端文皇后忌辰遣官祭

昭陵○

上徧視永定河隄駐蹕永清縣北閭驛召大學士馬齊入行宮

諭曰朕前者到此曾指示挑濬河灣令其下楸今觀河水已
涸乘此水涸之時易於成功其徑直挑濬處須令寬濶即以
所挑之土培築隄岸甚為有益見無雨水二十日可以告竣
目今東作方興夫役難於驟雇八旗並包衣屬下每佐領派
護軍各二名驍騎各二名步軍共一千令其挑濬著直郡王
允禔總領之並帶世子雅爾江阿偕郡王岳希貞勒延壽公
齊克塔哈普奇偕往宗室公內有年青願効力者亦著帶往
都統副都統酌量派往此派遣之事著允禔會同內大臣公
費揚古派遣管轄兵丁酌派章京工部司官派二員令記工

程檔案其章京兵丁須派四十歲以內之人有年老殘疾者
毋得派遣諸凡人員及廢官有願濬河効力者亦令前往爾
明日同允禔赴京師會同大學士伊桑阿部院堂官八旗都
統等會議數日即帶領夫役前來挑濬其夫役所食二十日
口糧及需用鐵礮筐籠等物俱著各佐領備給又諭原任河
道總督王新會學士白碩色曰自江南浙江江西湖廣四省
協運永定河需用椿木著諭工部侍郎特默德達司官一員
催運前來糧船毋得攔阻令椿木先行沿河文武官員晝夜
督催速行運至○辛巳

上徧視永定河隄諭原任河道總督王新會等曰觀新築大隄

裏邊太陡應使稍斜又至郭家務舊隄新開河口之處用儀器測驗論曰此處地面較舊河水面高六尺六寸新開河底較舊河水面深六尺八寸水之入新河也易矣三聖口至柳岔口地甚卑下見今俱已乾燥此天假機會不可失也宜乘此時作速完工今若不修以致稽誤日後不得以難修為辭至柳岔口又諭曰舊隄大有關係甚為緊要稍有所舛則誤大事矣此不得委之分司著與來修河之督撫大臣公同看守是日

上自霸州柳岔口登舟泊新挑河口○壬午

上至王家口登小舟往視子牙河諭直隸巡撫李光地曰此一

宣錄卷一百九十八

壬

帶隄岸修築最好朕甚嘉悅其流水開暫停修築於開之左右濬口洩水視今歲何如明年再定奪回舟泊大城縣王家口○癸未

御舟泊武清縣蓆廠 甲申

御舟泊武清縣楊村 吏部題貴州都勻銅仁黎平威寧四府

獨山大定平遠黔西四州永從一縣應如該撫所題於本省

官員內將熟悉風土品級相當廉能之員調補從之 蘇尼

特多羅郡王垂基恭蘇隆母郡主故遣官致祭 乙酉

上登陸往視

陵寢龍口地方駐蹕寶坻縣城內○諭內大臣等方令青苗在

野危從大臣侍衛護軍執事並行裝人等在途約束人衆遵路而行毋得蹂躪田禾朕還仍由此路倘田禾被踐朕必責問大臣及管轄人員 丙戌

上駐蹕薊州馬伸橋 諭內大臣等曰是行特為修理

陵寢龍口流水之處而來應恭謁

陵寢著公福善率領不隨行之大臣侍衛章京護軍等於龍口

聽朕指示修理其行裝令暫留此地俟朕旨再往清池 甘肅巡撫喀拜丁母憂命回旗守制 丁亥

上詣

暫安奉殿

宣錄卷一百九十八

壬

孝陵行禮奠酒舉哀畢

上還至龍口將應行修理挑濬各工程逐一詳加指示令侍衛

各官等督率人夫加功并作頃刻告成是日駐蹕薊州清池

諭領侍衛內大臣公福善侍衛海青納拉善曰嗣後龍口地

方禁止車馬行人俱令從石門往來若

皇太后及妃嬪謁

陵必修御路築橋梁回鑾後即禁止御路拆毀橋梁 戊子

上駐蹕寶坻縣城內 諭大學士等曰倉場侍郎德珠甚庸劣

不諳事務伊所職掌問輒不知去年回空糧船停留被凍今

歲糧船並不催趲至今山東糧船尚未全到德珠著解退

已丑

上自武清縣楊村登舟至燕家灣滙兒港等處各舟臨視新挑之河畢復登舟泊武清縣鄆家莊○吏部等衙門會議各省舉人吏部於每年四月十五日考試以知縣用並無去取亦無分職銜大小之處考試實屬無益應行停止俱照各省中式年分名次注册挨次選用從之○以鑲黃旗故三等精奇尼哈番布達子色勒襲職鑲藍旗三等阿思哈尼哈番席濟渾因病解退以其子席泰襲替○予故西寧總兵官阿蘭台祭葬如例○庚寅

上臨視弘廟新挑之河舟泊香河縣王家樓○辛卯

御舟泊通州里二泗○壬辰

上回京詣

皇太后宮問安○調兵部左侍郎覺羅三寶為禮部左侍郎以兵部額外侍郎朱都納為兵部左侍郎

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之一百九十八

實錄卷一百九十八

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之一百九十九

監修總裁官光祿大夫太子太傅陳和殿大學士兼戶部尚書二等伯加四

級臣馬齊光祿大夫經筵日講官起居注少保兼太子太傅保和殿大學士仍兼

管吏部戶部尚書翰林院掌院事加二級又加一級臣張廷玉光祿大夫經筵講

官太子太傅文華殿大學士仍兼理戶部尚書事務加五級又加二級臣蔣廷錫

總裁官光祿大夫文華殿大學士兼吏部尚書臣朱軾等奉

敕修

康熙三十九年庚辰五月癸巳朔吏部等衙

實錄卷一百九十九

二

門會議直隸各省督撫題裁閒冗官員直隸

井陘道口北道山東青州道浙江金衢嚴道

福建督糧道及直隸各省屯都司同知通判

布政使司理問都事照磨按察使司照磨檢

校都司斷事衛經歷州同州判縣丞府照磨

知事司獄巡檢驛丞倉庫大使所官等共三

百三十六員俱應照各省督撫等所題裁汰

得旨口北道缺不必裁餘依議○甲午

上詣

皇太后宮問安○乙未

仁孝皇后忌辰遣官祭

陵○丁酉夏至祭

地於

方澤

上親詣行禮○戊戌

上奉

皇太后幸暢春園○黑龍江副都統喀圖瑚以

老乞休命原品休致○庚子以內閣學士覺

實錄卷一百九十九

二

羅華顯為甘肅巡撫調陝西巡撫貝和諾為

四川巡撫署四川巡撫事齊世武回京養疾

○壬寅

上詣

皇太后宮問安○諭宗人府貝子蘇爾發人甚

庸劣著降為公○工部等衙門會議河道總

督張鵬翮疏言臣過雲梯關閱攔黃壩巍然

如山中間一線涓涓細流下流不暢無怪乎

上流之潰決也於攔黃壩上流相度計黃河

水面寬八十三丈餘。則攔黃壩亦應照丈尺拆挑。一律寬深方足宣洩。查未拆之壩尚有三十七丈三尺。應盡拆去。挑挖深通。悉與黃河八十三丈之水面相符。亟堵馬家港於月內合龍。使水勢不致旁洩。盡由正河而行。俟黃水大長時。將新挑之河始行開放。資其暢流之勢。衝刷淤墊。則黃水入海自能暢達。應如所題速行從之。○又會議河道總督張鵬翮疏言。人字河自金灣閘至孔家渡。見今窄

狹。宜開廣濶。芒稻河兩岸亦狹。又有土嶺二處。前河臣尚未挖完。自今湖水方盛。宜盡行挖去。水口下又有芒稻閘。年久塌壞。宜更修。因時啓閉。又鳳凰橋引河。從橋口至胡家樓。宜加濬深通。引水入運。鹽河匯入芒稻河。又雙橋灣頭。二河底亦有淺處。應俟冬時挑浚深通。其灣頭閘座。應翅塌陷。宜及時修砌。惟高郵自欽軍樓起。至東海灣止。因高家堰。洪澤湖之水。滔滔東下。西隄淹沒。浸入運河。東

隄一望汪洋。當伏秋水漲。恐東隄單薄。難以捍禦。宜將見閉三壩相機酌開。以保城池。隄岸應如所題速行從之。○又會議河道總督張鵬翮疏言。清口為淮黃交會之處。目今糧艘北上。最為緊要。河身淤墊。竟成平陸。獨有黃水入運。河臣相度形勢。博採輿論。僉謂黃河北裴家場引河。身高濶泥淺。係流沙裴家場與帥家莊相隔不遠。即開浚深通。當黃水大長之時。清水不能相敵。應於張福口挑引

河一道。身長一千五十丈。面寬十丈。深一丈餘。或八九尺不等。引清水於黃河口相近處入運。河使之暢達。庶可敵黃。并建閘一座。以時啓閉。均應如所請從之。○癸卯。諭翰林院選拔庶常。原以作養人。才。今科進士。特加簡閱。取張成遇。管昂。發嚴宗溥。董麒。許穀。高舉。李楷。王開泰。查嗣瑗。楊允奇。蔡彬。勵廷儀。梁崇蔭。李夢昌。文岱。李棟。史貽直。方辰。介孝。璠。韓遇春。王允猷。董新策。董玘。閻愉。王士儀。臧

子管周士佃。魏方泰。瓦爾達。韓孝基。劉師恕。盛度。陳鶚。薦李蔚。覺羅逢泰。張廷玉。王景曾。郭杞。張象蒲。高其偉。年羹堯。陳若沂。戴寬等。四十三員俱著改為庶吉士。并修撰汪繹。編修季愈。主露。分別滿漢書教習。爾衙門即遵諭行。○以吏部右侍郎署理江南江西總督事。陶岱為總督倉場侍郎。○陞內閣侍讀學士喇錫為太僕寺卿。○鑲紅旗副都統握赫以失誤應值火班。命降二級調用。○甲辰吏部題。內閣學士錢齊保署理太常寺卿事。係專管祭祀之人。今

地壇所供設之物歪斜粗率。涼棚內滲濕。所鋪墊子又不端整。及皇上敕問。復不實陳竟。自妄奏。應將錢齊保革職。交刑部從之。○吏部議覆河道總督張鵬翮疏言。臣於四月十二日。閱視人字河工程。到灣頭地方。安徽巡撫李鈞亦於是日到工。所臣驗面色黃瘦。口角歪斜。精力亦未强健。

不能疾走。有病未痊。是實。據此。巡撫李鈞應解任來京調理。從之。○乙巳。遣官祭

關聖帝君。○丙午。陞內閣侍讀學士法良為內閣學士兼禮部侍郎。○丁未。轉工部右侍郎特默德為吏部右侍郎。○以禮部侍郎管翰林院學士事阿山為江南江西總督。○兵部題。廣東碣石總兵官曾成來京時奉

上諭。曾成年老衰邁。不能行走。著伊到任後題請告休。今曾成到任一年有餘。並未乞休。應

將總兵官曾成革職。從之。○戊申。以多羅僖郡王岳希為宗人府右宗正。○調正藍旗蒙古都統兼鑲黃旗護軍統領魯伯赫為鑲黃旗滿洲都統。○己酉。

上詣

皇太后宮問安。○命原任甘肅巡撫喀拜留任。守制調甘肅巡撫華顯為陝西巡撫。○予故河道總督于成龍祭葬。謚襄勤。○吏部題。各省舉人。就中書者。人多缺少。此內有願就知

縣教職之人聽其具呈改註仍以科分名次序選。八旗教習期滿以知縣用。亦照舉人例停其考試。照咨送年滿日期註冊與舉人較年月先後序選。漢軍舉人無銓用之處。今酌議於舉人班次內。每選過三班後。選漢軍舉人一人從之。湖廣總督郭琇條奏。楚省陋弊臚列八款。一。闔邑攤費。其名輒擡。各里輪當其名硬駝之弊宜除。一。陋規雜派之多宜除。一。徵糧之滾單宜行。一。訟棍包攬詞訟宜禁。一。酷刑濫刑宜禁。一。誣盜及捕役私行吊拷宜嚴飭。一。屍親率眾抄搶之風宜禁。一。強族阻葬之風宜禁。請旨勒石永為定例。得旨。本內事情。前任督撫並未陳奏。郭琇泣任實心除弊。詳明具奏可嘉。俱著照該督所請行。○庚戌。以原任廣東巡撫高承爵為安徽巡撫。○壬子。陞內閣學士白碩色為工部右侍郎。○以內閣學士法良兼管翰林院掌院學士事。○癸丑。

上詣

皇太后宮問安○

上諭大學士等曰。朕觀往古因邊疆之事致擾生民者甚多。寧暫邊疆原以為民。豈可反以累之。朕深念及此。故進討噶爾丹時。先即傳諭此旨。此等大事若無成見。豈可輕舉。大約蒙古行依水草。其駐扎之處。可以意揆而知。非難事也。○甲寅。陞國子監祭酒邵穆布為內閣學士兼禮部侍郎。○以翰林院侍讀王思軒充日講起居注官。○江蘇巡撫宋學題。江蘇所屬積欠漕項銀米。自康熙三十四年起。至三十九年止。共銀三十二萬餘兩。米麥十三萬餘石。六載並徵。民力實難兼顧。請分年帶徵。得旨。漕項積欠銀兩。著照該撫所題分年帶徵。其積欠米麥。俱著免徵。○以鑾儀衛掌衛事內大臣公阿靈阿為正藍旗蒙古都統。○丙辰。

上詣

皇太后宮問安○戊午。以內閣學士兼翰林院掌院學士法良吏部右侍郎兼翰林院掌院學士韓莒教習庶吉士○予故原任鎮海將軍董元卿原任四川松潘總兵官高鼎各祭葬如例○以三等阿思哈尼哈番蘇永祖為鑲黃旗護軍統領○己未。以內閣學士兼翰林院掌院學士法良充日講起居注官○陞詹事府詹事兼可托為內閣學士兼禮部侍郎○辛酉。

上詣

皇太后宮問安○調正紅旗漢軍副都統法喀為鑲紅旗滿洲副都統。陞正黃旗前鋒叅領戴米納為鑲藍旗蒙古副都統○調河南河北總兵官劉國興為廣東碭石總兵官。陞石匣副將江琦為河南河北總兵官○以鑲白旗漢軍副都統樺善人材不及命解退。六月。壬戌朔。

上詣

皇太后宮問安○癸亥。禮部尚書杜臻以病乞休。命以原官致仕○陞船廠協領烏禮為黑龍江右翼副都統○刑部題。廣東駐防撥什庫姜定國等控告防禦高徽扣餉詐贓各款。該將軍盧崇耀副都統牛怛等並不審理題。叅。及姜定國赴控兵部。具題發審。始行察出。應各降三級調用。查盧崇耀有加三級應抵銷。免其調用。得旨。牛怛著降三級調用。餘依議○甲子。工部議覆倉場侍郎石文桂疏言。通惠河挖淺銀一萬四千兩。零原為河道關係漕運。故額設此項。每歲挑淺。今匯爾港等處蒙

皇上睿裁。因勢利導。河道已漸少淤。淺則此挑淺夫銀殊屬冗費。請核裁此項。以為修築隄壩之用。應如所題。令將挖淺夫銀解戶部。如有修築題明於戶部取用。又疏稱。潞河向係流沙。若遇雨水。愆期不能永無淤淺。應預為設法挑浚。查臣衙門向有挖運廳徵稅康熙

四年間歸并地方官。臣聞此稅定額之外尚
有贏餘。應將贏餘銀兩挑浚有利漕運。查此
稅係通水道徵收。今應歸并坐糧廳正額錢。
糧解送戶部。贏餘銀兩即為修理五閘并淤
河等處挑淺之用。再查通惠河分司向係三
年更換。今止收木稅七千一百餘兩。應作為
小差。一年差滿更換。從之。○河道總督張鵬
翮疏言。臣遵旨看視海口。將攔黃壩盡行拆
去。河身開濬深通。於四月二十一日動工。至
五月初九日完工。開放水勢。暢流衝刷。淤沙
旬日之間。深至三丈。寬及百丈。有餘。滔滔入
海。沛然莫禦。且自動工以來。海潮不興。風濤
不作。得以施工。工程甫竣。即長水二尺。以資
開放。暢達入海。此皆我

皇上留心國計。軫念民生。至誠上孚天心。海神
効靈之所致。應將攔黃壩之名改稱大通口。
伏乞

皇上欽定。以垂永久。建海神廟。以答神庥。

上准奏。賜名大通口。建造廟宇。○乙丑。戶部議
覆江南海關監督舒胡德題請挑濬青龍港
及歸并狼福二營之稅。議不准行。得旨。此挑
濬青龍港之處。著行該督撫確查具奏。餘如
議。○禮部題。江南道御史鄭維孜條奏冒籍
舉人。令其自首。議准行。貢監回籍考試。議不
准行。

上曰。此二事俱著依部議。主試惟在得人耳。若
謂貢監在京。必生情弊。豈令回籍。即不生弊
乎。部議不准。所奏深為得宜。○諭大學士等
曰。前張鵬翮赴任時。朕即指示以必毀攔黃
壩。挑濬芒稻河。人字河。大抵河工事務。非身
履其地。詳察形勢。無由悉知。初張鵬翮奏請
欲按書上之言。試行修築。朕諭云。爾身至其
地。親加詳閱。則應修之處。便可知矣。今毀去
攔黃壩。而清水遂出。濬通海口。而河勢亦稍
減。觀此。則河工大可望也。當于成龍赴任時。
朕亦曾諭以宜毀攔黃壩。誠於彼時毀去。早

有效矣。觀張鵬翮奏章詞簡而意明。其辦事精詳可知矣。朕昔與彼閒論時。彼曾云。在浙八年。每歲錢糧並無缺欠。今蒙朝廷擢用之恩。無可仰報。惟勉令江南錢糧。每歲必期完結。朕尚止之云。爾勿輕出此言。萬一不應。後則難矣。迄今思之。彼固有成見也。○以侍讀學士陳論充日講起居注官。○丙寅。戶科掌印給事中張睿題。查今歲因邵伯決口。水勢洶湧。漕船不能飛輓。今已至五月。未過淮。漕船尚有三千八百三十三隻。恐抵通既遲。回空必致守凍。有誤新運。祈敕該部早為酌議。或將在後尾幫截留臨德二倉。令山東等衛船隻轉運入京。或令南漕先雇民船開兌。至淮。以濟新運。得旨。漕運總督事少著桑額親隨糧船。催趲前來。倘時屆凍河。作何截留囤貯。用何項船隻接運。不悞來歲漕運之處。著桑額詳議。○丁卯。

上詣

皇太后宮問安。○以一等侍衛佈爾賽為鑲白旗漢軍副都統。○己巳。陞左都御史王澤弘為禮部尚書。戶部左侍郎管右侍郎事李樹為都察院左都御史。○予故原任大理寺卿高裔祭葬如例。○陞鴻臚寺卿席哈納為太常寺卿。仍兼管鴻臚寺卿事。○辛未。署四川陝西總督禮部尚書席爾達題。明正長河西土官蛇蜡喳吧。被喇嘛營官喋吧昌側集烈打死。應敕第巴拏解。並將化林營移駐打箭爐。以資彈壓。部議如所請。從之。○壬申。太子太傅保和殿大學士兼禮部尚書王熙。以老乞休。慰留之。○癸酉。

上詣

皇太后宮問安。○乙亥。陞左副都御史王紳為戶部右侍郎。○以內閣學士兼翰林院掌院學士法良充經筵講官。○丙子。工部議覆河道總督張鵬翮題請發帑銀一百萬兩為辦料趲工之用。應移咨戶部。就近撥給五十萬

兩。如果不敷用。再將五十萬兩撥給。又稱運料必須船隻。請先借京口崇明杪船一百隻。應准借用。又稱請交江蘇、江西巡撫動正項錢糧。照河工船式。共造四百隻。發與河官運料。查河工額設濬柳船。共有六百三十二隻。今又借用杪船一百隻。應將造船之處暫停。又稱清江浦。見有効力旗員。擬將船政同知裁去。改設理事同知一員。揀選滿洲賢能官補授。以之審理旗民詞訟。捕緝盜賊。兼管船政。仍屬總漕巡撫管轄。應照該督所題。將滿洲應陞官員。保舉開列。引見補授。

上諭大學士等曰。今清口已經淤塞。來歲糧船難必無誤。由海運直抵天津。道遠甚險。若以糧載杪船。自江入海。行至黃河入海之日。運入中河。則海運之路不遠。按此行可乎。伊桑阿奏曰。明季清口運艘一過。即行堵塞。官員商旅。俱於天妃閘更舟。似此行之。不知可否。上曰。清口一塞。則南北阻絕矣。可遣人問張鵬

翮。明年運艘果否有誤。自江而下。運入黃河。果否可行。著詳議具奏。朕去歲南巡。見杪船有未經修理棄置江濱者。可遣戶工二部司官馳勘。著速修理。俟到時。將借用杪船之處。再議具奏。餘依部議。速行。○以雲南開化總兵官高必盛。為正紅旗漢軍副都統。○工部等衙門議覆。河道總督張鵬翮疏言。修工應用材料。轉運維艱。舊有運料小河一道。年久淤塞。應加挑浚深通。便於運料。武家墩。至

小黃莊一帶。臨河舊有石隄。僅出水面二三尺不等。必須加砌。高郵、寶應、江都一帶。西岸土石隄工。宜修。高郵城南石壩。於秋盡水落。照前河臣所估。將五壩改為四滾水壩。辦料興修。於壩下開引河。使水有去路。桃源縣黃河南岸隄。子臣親看近長湖一帶。土隄長四千二百餘丈。應動帑加幫高厚。以資捍禦。歸仁隄臨河石工。尚有罅隙椿朽之處。飭其補砌。古溝至六壩。俱係土隄。每年歲修搶修。糜

費錢糧似宜修砌石隄以省歲修高家堰減水壩前河臣于成龍等將六壩改為四滾水壩臣覆加相度地勢相去不遠并為三滾水壩於壩下就原有之草字河塘漕河開為引河并築順水隄清河縣運口至高郵州界首一帶裏河宜加挑浚深通運口以至濱海一帶兩岸隄工伏汎屆臨水勢恐甚於往年必須加幫高寬王家營減水大壩應酌開十餘丈兩頭下埽裏住洩黃漲漫溢之水由鹽河而出王家營引河飭革職河道馮佑作速挑挖深通准其贖罪如不成河不准贖罪駱馬湖口正對原築有竹絡壩一座節宣黃湖大漲之水今黃河身高自去歲水漲漫缺二段黃河反流入駱馬湖口匯入中河亟宜堵築以禦黃水俟此口堵後然後將中河頭煞堵塞引駱馬湖水由舊中河進石閘入黃河助黃刷沙如遇黃水大漲恐其倒灌則閉閘以禦之此閘向因金門下窄上寬不能下板到

底應改修合式挑挖引河深通然後議堵中河引水入黃王家堂缺口所修月隄係淨沙單薄應培修高厚作為正隄徐城對岸沙嘴應挑挖引河資其衝刷河嘴以殺大溜水勢郭家嘴舊有石工至北門迤西而止臣率河官量度自北門石工頭起至段家莊止長六百五十餘丈加砌石工與舊石工一律平整不惟可保城池且可省歲修之費蘇家山石嘴挑出河心以致韓家山一帶衝潰應自楊家樓起至段家莊月隄止築月隄長四百丈以作重門之障黃運中三河隄岸見在勒限修築徐州邳州睢寧宿遷桃源清河山陽安東各州縣黃河險工臣逐一勘明應動支歲修錢糧進埽防護仍飭該管官當伏秋二汛晝夜防守務期保固均應如所請從之○已卯。

上詣

皇太后宮問安○辛巳工部郎中薊賽等差往

鎮江等處察勘戰船請訓旨

上曰朕南巡時見壞船俱置江岸爾等今去察明壞船數目一面具題一面交總督作速修理爾等係保舉之員故特委以要務所察之數不從直具奏并所修不堅朕必歸過爾等矣○癸未戶部題署四川陝西總督禮部尚書席爾達咨稱遊擊馮君洗二十員既奉旨給與世職其拖沙喇哈番之俸并見任柴薪等項銀均請支給查各省綠旗官員內有本身立功并承襲之員職任雖同而支給俸銀多寡不等嗣後綠旗官員內有世職者將伊等見任俸祿并柴薪等銀與世職之俸兩項合算擇其多者將一項給與通行各省將軍督撫提鎮一體遵行從之○以江西南昌總兵官石如璜為廣州左翼漢軍副都統○刑部題盛京刑部侍郎額赫禮理事官顧儀審理逃人花色一案不將司官徇情之處察出應革職得旨額赫禮顧儀著革職留於盛京

披甲効力○乙酉

上詣

皇太后宮問安○以吏部右侍郎兼翰林院掌院學士韓菼充經筵講官○喀爾喀多羅郡王色冷阿海故部議此爵並非世襲不替者應否承襲請旨定奪得旨著其子拉瑪札卜襲多羅貝勒○丁亥

上諭大學士九卿等曰考取舉人進士特為得人耳若或行賄夤緣而得之則出身之本源不清而欲冀他日之為忠臣良吏得乎今朕意欲凡係大臣子弟另編字號令其於此中較閱自必選擇其文之優劣大臣子弟既得選中又不致妨孤寒之路如此則於考試一事大有裨益爾等議奏又諭曰今科鄉場曾令宗室考試宗室朕素加恩何患無官嗣後停其考試○旌表山東烈婦楊小隆妻趙氏持刀拒姦被傷殞命給銀建坊如例○己丑上詣

皇太后宮問安○庚寅陞順天府府尹甘國樞為都察院左副都御史○陞直隸大名副將朱廷枏為雲南開化總兵官

孝陵副將管源忠為江西南昌總兵官○辛卯

河道總督張鵬翮條奏河工九款。一隄工宜堅築加幫之隄應將原隄重用夯杵密打數遍俾極堅實而後於上再加新土創築之隄先將平地夯深數寸而後於上加土建築層層如式夯杵行礮務期堅固不許近隄取土

亦不許挖傷民間墳墓該道廳不時往來巡查如有此等情弊即將承築官揭報以憑叅究。一椿工宜用整木簽釘入地極深埽用整柴鑲壓極其堅固如仍前將木柴截用修築不堅旋修旋壞該道廳指名揭報以憑叅拏追究。一平常工程槩用龍尾埽稀釘排椿一遇風浪即行塌卸虛糜帑金應行停止。一修砌石工宜得法馬牙梅花等椿皆須用整木密釘務極堅深面裏丁頭等石務極平整石

灰須用重篩篩過多用水汁調和搗杵極其膠粘以之灌合令其無縫不到又用鐵錠鐵錫聯絡上下合為一片如或料物不堪短少灰米以及修砌草率立即指名揭報以憑據實叅究。一歲搶各工用埽最多而工程以平報險用料以少報多不無虛冒之弊本年修理次年估銷新陳相因易於牽混嗣後呈報險工一面估計數目申詳如係假捏即以謊報題叅處分。一挑河工程務將挑出之土盡堆於原估隄上層層夯礮成隄使之高寬以資捍禦挖河人員務須照估挑挖寬深不許將散土堆積以滋假河之弊倘復蹈前轍以及引水淹漫虛報淤塞者除挑過土方用過錢糧一槩不准銷算外仍以侵冒悞工嚴叅拏問。一臣查閱河工見頂衝大溜之處對岸必有沙嘴挺出此河曲之故也從此曲處挑挖引河以殺水勢則對岸險工可乎誠有如聖諭指示者因詢河官何以不即遵行據稱挑

挖引河需費錢糧甚多。挖後引水大溜。始能成河。若逢緩水。必致沙淤。例應追賠。是以人心懼縮。臣思河工虛應故事。挑挖不如式者。理應賠修。若實心任事。挑挖之後。偶致淤墊者。應請

聖恩免其賠修。庶幾人無畏縮。我

皇上挑直之諭。可以實見之奉行。而河工有底績之期矣。○河工官員有實心任事。不避勞怨。不侵帑金。修防堅固者。工成之日。優叙即用。其怠玩推諉。虛冒錢糧。工程不堅固者。即應糾叅嚴加治罪。○挑河築隄。僱夫動至數千。寒暑風雨。極其勞苦。工成之日。應給印票。該地方查驗。免其雜項差徭。以酬其勞。以上各條。仰請

天語申飭。勒石河上。永遠遵守。得旨覽奏。條陳河工弊端。詳悉切要。極其周備。著九卿詹事科道會同。速行確議具奏。○敕諭第巴等曰。邊境向有定處。爾縱放營官喋吧昌側集烈。

將四川打箭爐內土司蛇蜡喳吧居住地方恃強盡行霸占。漸次侵踞河東烏泥。若泥。凡州三處。潛有窺伺嘉慶擦道之意。又因內土司蛇蜡喳吧漏言。遂致於死。種種狂悖。實難寬假。川陝總督席爾達。已經具題。據此豈非爾私示所屬人等。侵犯邊境生事。邊境地方豈可讓與寸地。此等事情。爾俱違悖妄行。敕旨一到。將漸次侵占打箭爐及版圖內土司地方。俱著退還。打死內土司蛇蜡喳吧之營官。即拏解送。不然生事之罪。歸與爾身。彼時悔之不及矣。

大清聖祖合天弘運文武睿哲恭儉寬裕孝敬誠
信中和功德大成仁皇帝實錄卷之一百九十九

實錄卷一百九十九

二十五

大清聖祖合天弘運文武睿哲恭儉寬裕孝敬
誠信中和功德大成仁皇帝實錄卷之二百

監修總裁官光祿大夫太保肅太子太傅保和殿大學士兼戶部尚書二品伯加四

級臣馬齊光祿大夫經筵日講官起居注少保兼太子太傅保和殿大學士仍兼

管火部戶部尚書翰林院掌院事加二級又加一級臣張廷玉光祿大夫經筵講

官太子太傅文華殿大學士仍兼理戶部尚書事務加五級又加二級臣蔣廷錫

總纂官光祿大夫文華殿大學士兼吏部尚書臣朱軾等奉

敕修

康熙三十九年庚辰秋七月壬辰朔享

實錄卷二百

一

太廟遣內大臣都統公鄂倫岱行禮○陞內閣
學士布泰為盛京刑部侍郎○癸巳

上詣

皇太后宮問安○甲午諭河道總督張鵬翮歸

仁隄便民閘等口俱已堵塞其毛城舖迤下

等口尚未堵塞將便民閘等口堵塞則毛城

舖等口所出之水由何處洩去必致散漫各

處民受大害此關係緊要宜速籌一策○乙

未

上召刑部侍郎常綬並員外郎費養古諭曰張鵬翮深悉河務條奏詳明但任事伊始即如此嚴切後將難繼其所奏下椿處朕南巡時亦曾面諭于成龍今張鵬翮所奏如此方見朕言之當治河石料拋置水次以致衝沒者頗多于成龍監修河務嘗身立淤泥中竭力督催故人皆奮勉但彼偶離其地屬員則安逸是圖無所顧恤矣且聞或於河岸陡峻處畧加削直即冒稱隄工者有之張鵬翮見奏事宜固為詳明但彼所轄地方遼濶不得不分委屬員後來功效難以預必爾等視河屢矣今觀此奏以為何如常綬奏曰後效難於逆料誠如

聖諭○理藩院題商南多爾濟等所奏策妄阿喇布坦遣人往青海台吉處等事毋庸議上曰此事目前觀之雖屬甚小將來大有關係該部擬以毋庸議倘青海台吉等遣人以所奏聞事問商南多爾濟則商南多爾濟何以

答之策妄阿喇布坦人甚狡猾其口稱徃征第已或因力不及而虛張聲勢或欲徃征以此問曾徃彼處侍郎常綬等再行具奏○九卿等議覆河道總督張鵬翮奏修河工事宜應准行

上曰張鵬翮所奏黃河曲處挑挖使直則對岸險工可平此說良是所謂曲處挑挖使直非謂取直於隄外乃兩隄之間自四五里至十里廣狹不一於此內曲者直之耳朕亦曾以此面諭于成龍于成龍之意甚忽視之朕不過暫徃巡視于成龍乃久居河上之人毋論朕不能盡知即所深知者亦不可強令所司曲從朕意脫有不虞關係非小今張鵬翮此奏與朕向時所見甚合朕凡事知者言之不知者不輕言即今邳州呂梁諸處情形如何並未親見若強以為知必致辭窮伊桑阿馬齊爾等曾經親到河工故能知之若所未知者藥以為知可乎張鵬翮遇事精勤從此久

任河務必能有益。著照所議速行。

上又顧大學士等曰。觀翰林官及庶吉士。內有極貧者。衣服乘騎。皆不能備。將此等查出。作何施恩。有益供職。其丁憂告假回籍之翰林官庶吉士。有生計艱難。無力至京者。著該督撫酌量資助。令其來京。又翰林官員專司文翰。更無他事。各省學道員缺。應與郎中並差。任滿之日。仍各回衙門。或掣籤或作何差遣。爾等會同翰林院議奏。○授三等輔國將軍富良子尼雅罕。為三等奉國將軍。○丙申。

上詣

皇太后宮問安。○諭兵部。朕前南巡時。見應差宣樓等項船隻。朽壞未修者甚多。每年水手工食。及修造銀兩。為數不少。地方官將此項銀兩。不行照數支給。以致船隻朽壞。差遣有誤。水手亦致困苦。此後著該督詳察。照數支給。務俾均沾實惠。○免江南泗州盱眙縣本年分水災額賦。○己亥。陞內閣學士胡會恩。

為兵部右侍郎。○河道總督張鵬翮題。清口已照式築壩下埽。僅留口門。今糧船盡數過淮。指日出口。即可熬壩。且張福口引河挑成。引出清水。已至壩口。只待熬壩。便可開放入運。其一應進貢。以及差使官兵船隻。不得擅自開放。俟回空之時。啓壩過完。仍行堵塞。從之。○庚子。大學士等遵旨。以商南多爾濟等所奏青海事宜。問侍郎常綬。侍讀學士伊道。郎中常明等回奏。

上曰。此事稍覺遲延。方奏到目。即為行文甚好。青海台吉。亦屬失算。何以先將已意洩漏。但將來使照常款待禮遣。斷不敢構釁。今以朕計之。亦尚無妨。朕巡幸蒙古之地。頗多凡事。朕皆熟悉。策妄阿喇布坦。人雖狡猾。但由博羅塔拉至土伯特。必經哈拉烏蘇等艱險之處。路徑甚惡。斷不能往伐。何也。策妄阿喇布坦。素行奸惡。故其附近哈薩克布魯特諸部。皆相仇讐。欲悉軍大舉。則路既難行。且無留

護其妻孥者。若兵單力弱。斷難成事。惟有奮激而行。妻孥與俱。幸而有濟。則已無濟。則有歸附。土伯特之謀而已。然策妄阿喇布坦奏書之意。特張虛聲。欲觀青海之動靜耳。亦未必果欲爭戰也。觀古趙充國所議。五事良是。應宜留意。○陞內閣侍讀學士舒輅。為內閣學士兼禮部侍郎。○以四川重慶總兵官鄭僑。柱年老。命休致。○辛丑。孝懿皇后忌辰。遣官祭。

陵○壬寅。

上詣

皇太后宮問安。○河道總督張鵬翮題。臣恭奉聖訓。指授方畧。堵塞邵伯決口。糧船即便通行。此時運河各決口盡堵。清水又引出。乘時將運河淤墊處。再加疏濬。來歲糧船自可通行。不致遲悞。至於改載抄船。雇募水手人夫。恐糜費錢糧。且由江入海。從黃河海口進中河之處。潮汐消長。水勢不一。風濤不測。實屬難

行。下所司知之。○乙巳。翰林院學士法良韓奕。遵旨議。此後各省學道缺出。翰林官內自侍讀侍講以下。開列職名。仰俟

欽點。及翰林官內貧者。月給銀三兩具奏。

上曰。翰林官等所學優長。朕俱知之。但其為人尚未深悉。難以簡擇。此後學道缺出。除告假在籍日期不論外。較俸派出。翰林貧者給銀之處。著依議。○丙午。中元節。遣官祭

永陵。

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。○陞福建按察使李成林。為河南布政使。司布政使。○壬子。故振武將軍甘肅提督孫思克。櫬回京師。命皇長子允禔。往奠

茶酒。賜鞍馬二匹。銀一千兩。○癸丑。

上奉

皇太后。自暢春園回宮。○命發運江蘇等處倉穀於淮揚二府所屬被水災海州山陽等十五州縣賑濟。三月。○陞肅州永固城副將韓成。為四川重慶總兵官。○甲寅。

上諭大學士等曰。頃者問護送孫思克喪之章。京云。孫思克之喪。自甘州至潼關。沿途軍民無不號泣相送。孫思克在西陲時。朕甚賴之。

因思甘肅地方緊要。特命都統雷繼尊前往。雷繼尊朕所素知。騎射甚精。人材優長。將軍博齊莽依圖。俱善。前博齊自江寧赴西安時。軍民哭送。直至浦口。彼若不善。何能如此。誠可謂將軍矣。提督李林盛。軍民亦無不稱善。○陞太僕寺卿錢晉錫。為順天府府尹。○乙卯。

上諭大學士等曰。觀九卿所議考試一事。科道亦不心服。况今年會試所中大臣子弟居多。

孤寒士子。未能入彀。如此。欲令人心服得手。張鵬翮。李光地。任學院時。居官皆善。彭鵬。郭琇。居官好。著將鄭維。致滿。普慕琛等所條奏及九卿會議事件。盡行錄出。差保舉筆帖式。送示四人。果否得當。如何方能除去弊端。永遠可守。務令各抒己意。詳議具奏。四臣居官優善。持行清廉。若徇大臣及科道情面。不盡心審度。據事直言。則彼等一生讀書立行。亦屬虛偽。爾衙門錄此旨。令前往之人帶去。李

光地處。往返限六日。張鵬翮處。往返限二十日。郭琇。彭鵬。處爾等可計程限日。○

上又諭鄂羅斯地方遙遠。僻處西北海隅。然甚誠敬。噶爾丹窘迫求救。彼曾拒而不答。曩者遣人分畫邊界。即獻尼布潮地。以東為界。尼布潮等處。原係布拉克。吳梁海諸部落之地。彼皆林居。以捕貂為業。人稱為樹中人。後鄂羅斯強盛。遂并吞之。已五六十年矣。即此尤當軫念也。○山東道御史呂琨條奏秋審罪

案宜分兩議具奏。

上曰此事斷不可行。若分兩議誰肯附於議斬者。惡人不除。則法既不行。而善類何以得安。朕凡遇難決之事。必與諸大臣商酌行之。即如昨日刑部題。毆死伯父。毆死叔父之人。擬即正法。朕著問九卿者。非謂此等人不當處斬也。但其中或有他人毆死。而歸罪於彼。亦未可知。故令詳議耳。彼等果係情實。豈可寬宥。此本著發還呂琨。給事中。御史。專任言職。

各以聞見入奏。甚是。朕此發還。非阻言路之意。因於事不合。故發還耳。可將朕旨曉諭。○陞左僉都御史王九齡為內閣學士兼禮部侍郎。詹事府詹事徐秉義為禮部侍郎。仍管詹事府事。國子監祭酒孫岳頌為禮部侍郎。仍管國子監事。○以內閣學士滿萬充經筵講官。○丙辰。

上御太和殿視朝。文武陞轉各官謝恩。○諭戶部國家要務莫如貴粟重農。朕宵旰圖治。念

切民生。惟期年穀順成。積貯饒裕。於以休養黎元。咸登樂利。今聞直隸各省雨澤以時。秋成大熟。當此豐收之時。正當以饑饉為念。誠恐歲稔穀賤。小民罔知愛惜。粒米狼戾。以致家無儲蓄。一遇歲歉。遂致此離。著該督撫嚴飭地方有司。勸諭民間。撙節煩費。加意積貯。務使蓋藏有餘。閭閻充裕。以副朕重農敦本愛養元元至意。爾部即遵諭行。○陞左通政勞之辨為太僕寺卿。○丁巳。

上巡幸塞外。命皇長子多羅直郡王允禔。皇三子多羅貝勒允禔。

皇四子多羅貝勒胤禔。皇五子多羅貝勒允禔。皇八子多羅貝勒允禔。皇十三子胤祥。皇十四子允禔。皇十五子允禔。皇十六子允禔。隨駕。是日啓行。駐蹕三家店。○諭領侍衛內大臣等。附近三家店。道旁溝壑之水。毋得取飲。悞飲即成霍亂。著徧諭文武官員及軍人等知之。○以原任福建布政使張霖為雲南布

政使司布政使○己未。

上駐蹕密雲縣○古北口總兵官馬進良來朝○庚申。

上駐蹕遙亭○戶部議覆湖廣總督郭琇疏言臣前蒙

皇上面諭湖廣可收米二十萬石當預於秋成時定價摺送內閣臣思楚省之米出自湖南湖南歷年所積穀一百萬四千八百石零即遇歲歉廣行賑濟亦不過至五十餘萬石何

若將此一半積穀辦米留一半貯倉備賑而米價亦不致騰貴似屬兩便應如所請從之○直隸巡撫李光地疏報直隸今歲大有年并進清苑縣安州等處所產兩穗三穗五穗嘉禾四十一本下所司知之八月辛酉朔。

上駐蹕三岔口○癸亥。

上行圍鎗殪一熊駐蹕喇嘛洞○甲子。

上駐蹕商堅噶山北界○乙丑。

上駐蹕巴塔克噶山○喀喇沁王扎什來朝○丙寅。

上駐蹕納穆生札色地方賜多羅僖郡王岳希喀喇沁王扎什公福善台吉鄂齊爾等各一張○丁卯遣大學士張英祭

先師孔子○

上駐蹕鶯圖和洛○諭太僕寺卿喇錫等八旗察哈爾所交爾衙門牧場之馬撥八百匹給賜翁牛特多羅杜楞郡王頒第旗分伊等馬匹短少分給牧場令其生息此馬即著喇錫前往分給台吉鄂齊爾可也○戊辰祭

大社

大稷遣都統伯心裕行禮○

上駐蹕巴顏拖羅海地方奉旨居住口外散秩大臣丹濟拉等來朝○裁涼州鎮標守備一員○戶部等衙門議覆倉場侍郎石文桂疏言石土兩壩船戶三十五名向因抗米落崖每漕糧一石給抗價銀三釐今兩壩水可通

行糧船俱得抵壩落崖俱係經紀車戶催辦請裁去船戶。將抗價每石減去二釐止給一釐歸并經紀車戶。其白糧每石例給銀二釐五毫亦應覈減照漕糧止給一釐歸并白糧經紀等因應如所請。又疏稱通州乃倉廩重地城池最為緊要自地動之後各處坍塌日漸傾頽請將此項節省抗價銀兩修補城工應飭工部差賢能司官確估動用庫銀修築將每年節省抗價銀兩解送工部抵補城工

動支之項抵完另解戶部從之○已巳

太宗文皇帝忌辰遣官祭

昭陵○戶部議覆漕運總督桑額疏言漕艘在三溝聞失風沉溺米糧請照大江黃河船壞米沉例豁免應不准行得旨今歲水勢浩太運河難以行船因繞湖而行遂致船被風壞米糧沉溺著照該督所題免其賠償○辛未秋分夕

月於西郊遣兵部尚書馬爾漢行禮○

太祖高皇帝忌辰遣官祭

福陵○

上駐蹕齊老圖地方○內閣學士兼禮部侍郎顧祖榮丁母憂乞其回籍守制○吏部題鑲黃旗三等精奇尼哈番尼雅漢故查此世職係伊父劉之源所得已承襲過三次今應將三次恩詔所得四拖沙喇哈番銷去其所餘三等阿思哈尼哈番與親姪劉逢吉承襲從之○癸酉教養教漢蒙古黃茂等來請

聖安并將耕獲穀石數目摺奏命奏事主事存柱等傳諭曰此所獲之米不可不交人看守否則盡為蒙古所盜矣著諭大學士馬齊至京即派人前往更代所需人員亦不必多每旗只派一二章京足矣俟更代人到後爾等逐一交明方可回京并諭黃茂等此番年穀豐稔皆係爾等之福爾等回京亦有榮也既而教養各部落蒙古官員相繼請安

上逐一詳問蒙古生計及耕獲穀石數目并兩

水曾否均調等事○甲戌。

上駐蹕永安拜和洛○旌表直隸烈婦殷承憲妻張氏。守貞被殺節操可嘉給銀建坊如例。

○乙亥。

上駐蹕瑚爾希勒畢喇地方○丙子。

上駐蹕努湖代色欽地方○戊寅。

上駐蹕努湖代和洛○己卯。

上駐蹕達顏達巴漢地方○諭兵部將軍孫思克。謀勇素裕。居官甚優。効力行間克奏膚功。

久鎮巖疆。勤勞茂著。允稱良將。其從前所革

世職著給還。以示優眷○工部等衙門會議

兵部尚書范承勲等疏言裴家場引河之口

當淮湖之中。其勢徑直。故自開放以後。湖流

入運倍暢。臣等以原估之丈尺不深。復令領

帑之王毓賢常維禎募夫將濶江龍鐵篦等

器。每日將引河底疏刷。沙隨水走。遂致增深

一二尺不等。目下貨船民船往來不絕。竟成

通津。但慮秋深水落。更家剗一帶淤沙頗太

不得不相機疏導。應如所奏。行文河道總督嚴飭該管同知如黃流倒灌。即行堵塞。其湖口淤泥。并史家剗沙積之處。不時督率河兵即行疏濬。從之○又會議范承勲等疏言堵塞六壩土宜速竣。庶周橋南等處得以幫築。應如所奏。行令河道總督嚴飭河員將六壩務於九月內盡行堵塞工完。以便分修官幫築周橋南至棠梨樹等處。如堵塞遲延。指名題參。將該管官員革職。若六壩堵塞之後。分

修官幫築遲延。尚書范承勲等題。恭到日。將

分修各官亦即行革職。其督催不力之大臣

官員。交吏部一并議處。又稱侵帑官。憲法宜

嚴究。嗣後此等悞工侵帑人員。如係分管微

員。照例懲處。其見任河員。及在工効力旗員

即指名題參革職。從之○庚辰。

上駐蹕舒虎爾和洛昂阿地方○壬午。

上駐蹕格爾齊老地方○癸未。

上駐蹕烏里雅蘇台達巴漢地方○乙酉。

上駐蹕烏喇岱地方○丙戌。

上駐蹕噶海圖地方○丁亥。

上駐蹕穆祿喀喇沁昂阿地方○戊子。旌表江

南烈婦王五妻陳氏拒姦被殺給銀建坊如

例○己丑。

上駐蹕克勒烏里雅蘇台。是日。

上行圍鎗殪一熊○予故兵部侍郎嚴曾榘祭

葬如例○工部議覆河道總督張鵬翮疏言

科臣張睿奏中河應開陶莊閘放水從仲莊

閘出口建瓴之勢逼溜使南部議行令詳勘

具題臣率淮揚道王謙等詳視若將中河改

由陶莊閘而行至董安國所挑引河尾入黃

河勢必遷移縣治又多繁費且糧艘難以進

口不若仍舊至陳家莊渡河直進仲莊閘草

壩毫無阻滯應如所題從之○又議覆河道

總督張鵬翮疏言臣率河員親往沂河查勘

沂河水勢直趨盧口面寬溜急且係沙底不

便建閘應於盧口兩旁隄岸殘缺之處築為

修補束水入徐塘口運河既可濟運又使民
生得所應如所題從之○喀爾喀輔國公衛
徵諾顏阿玉錫病故遣官致祭

大清聖祖合天弘運文武睿哲恭儉寬裕孝敬
誠信中和功德大成仁皇帝實錄卷之二

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百一

監修總裁官光祿大夫太僕寺卿太子太傅保和殿大學士兼戶部尚書二等伯加四

級臣馬齊光祿大夫經筵日講官起居注少保兼太子太傅保和殿大學士仍兼

管吏部戶部尚書翰林院掌院事加二級又加一級臣張廷玉光祿大夫經筵講

官太子太傅文華殿大學士仍兼理戶部尚書事務加五級又加二級臣蔣廷錫

總裁官光祿大夫文華殿大學士兼吏部尚書臣朱軾等奉

敕修

康熙三十九年庚辰九月庚寅朔

實錄卷二百一

上駐蹕克勒達巴漢昂阿地方○辛卯

上行圍射殪一虎駐蹕汗特木爾達巴漢昂阿

地方○遣官祭

歷代帝王○遣官祭城隍之神○壬辰

上駐蹕鶴爾營○癸巳

上駐蹕博洛和屯○都察院以秋審事請旨

上諭大學士等曰若停秋審此內矜疑人犯又

致多監一年將可矜疑者照常審理即行減

等完結其情實人犯今年著停處決○免直

隸永清等五縣本年分水災額賦有差○甲午。

上駐蹕宜蓀畢喇地方○乙未。

上駐蹕喇嘛洞地方○工部等衙門題高家堰

工程關係緊要凡在河工大吏理應和衷協

同辦理使工程速竣今尚書范承勳等具題

王日藻等所遺工程應令河員常維禎等幫

築而河道總督張鵬翮又稱常維禎等有賠

修工程恐顧此失彼不惟工程兩誤且帑銀

實錄卷二百一

不無牽混各疏題互累俱屬不合嗣後務須

公同商酌具題如仍前互累交該部察議得

旨總河職任宜專此遣往督修高家堰范承

勳等九臣俱著撤回其督修工程著交與總

河張鵬翮餘依議○丙申。

上駐蹕三公口○丁酉。

上駐蹕遙亭○戊戌。

上駐蹕懷柔縣城西○河道總督張鵬翮題時

家馬頭缺口原任山安河務同知佟世祿等

承修遲延候工。前領帑銀並無存庫。已經題
奏。若俟再賠恐致遲悞。今撥帑銀。委署事同
知趙泰銓等。辦料堵塞。俟工完之日。將前後
用過工料銀兩。責令原修之佟世祿等。追取
補還原項。從之。○庚子。

上駐蹕湯泉。○辛丑。

上回宮。詣

皇太后宮。問安。○壬寅。原任河道總督王新命
工部侍郎白碩色。自永定河來奏事。

上問曰。河工事若何。王新命奏曰。河水一股從
冰窖村北流。向西去。一股從三聖口南流。向
西去。一股循舊隄。竟出柳汊。近日三聖口冰
窖村地方。百姓正欲議立馬頭。見有商船來
往。又奏隄工。

上曰。朕不問爾所修之隄。只問爾所釘之樁。王
新命奏曰。樁已釘過三千丈。尚有餘剩。

上曰。既有餘剩。可於河口密釘之。○陞少詹事
曹鑑倫為內閣學士兼禮部侍郎。○癸卯。吏

部議河南巡撫李國亮。將衰庸有病之盧氏
縣知縣謝廷爵。保舉行取。及回奏。不據實認
罪。乃撫虛詞掩飾。應以溺職例革職。得旨。李
國亮著以原品休致。○以禮部侍郎仍管詹
事府事徐秉義。為武會試正考官。翰林院侍
講學士彭會淇。為副考官。○寧夏總兵官葉
芳。目丁母憂。命在任守制。○乙巳。

上諭大學士等曰。給事中穆和倫條奏服用奢
侈。本章爾等擬票申飭。朕意言官專任耳目
之職。若因言而罪之。誰復敢言。但此本內言
順治年以來。至康熙十年。尚為儉樸。自後漸
至奢僭。等語。殊屬錯謬。朕知之甚悉。自輔臣
攝政十年以前時。凡器用服食等物。甚為奢
侈。自朕聽政以來。一應服食。俱從節儉。諸王
大臣。亦皆效法。不用金銀器皿。金鍍等物。此
時服用。較從前十分之內。已減九分矣。馬齊
奏曰。十年前。葬祭多焚化皮衣。今其風已息。
上曰。諸王大臣服用。雖甚節儉。筆帖式護軍。庶

人等服用未必不少有奢侈。朕歲歲賞賚。更給官馬。而生計尚未充裕。謂非奢侈之故乎。朕閱載籍。歷代以來。皆由樸而漸至於奢。未有由奢而漸至於樸者。然不可以不禁也。今惟以大開言路為要務。況設立科道。專為求言。所言當則行之。不當。但將原本發還。如此。則內外臣僚。亦俱知儆戒矣。朕聽政四十餘年。言官有為人而言者。有受賄陳奏者。有報私讐而顛倒是非者。此等條奏。朕無不知。至於喪祭時。恐其僭用。朕屢經傳諭族長。著不時查察。今日久漸弛。容或有之。亦當禁止。此本著不必申飭。○丙午。刑部議覆廣東巡撫蕭永藻疏。言強盜楊三等。不分首從。盡行處斬。應准行。

上諭大學士等曰。此案同謀者六十餘人。盡誅之。則人命甚多。可將為首者即行正法。為從陳相等。俱著從寬免死減等。遣發黑龍江。給披甲新滿洲為奴。○工部題。銷算雜項修理

錢糧。

上曰。一月內雜項修理。即用銀至三四萬兩。殊覺浮多。明季宮中。一月用萬金有餘。今朕交內務府總管。凡一應所用之銀。一月止五六百兩。併合一應賞賜諸物。亦不過千金。從前光祿寺。一年所用銀兩。亦甚浮多。朕節減大半。工部情弊甚多。自後凡有修理之處。將司官筆帖式。俱奏請派出。每月支用錢糧。分晰細數。造冊具奏。若三年內有塌壞者。著賠修如此。則工程堅固。而錢糧亦不至妄費矣。○上又諭大學士等曰。旗下大臣子弟。當令為侍衛執事。勤勞効力。今皆令入部院衙門。大臣交相顧庇。一應陞遷出差。全不論俸之淺深。人之優劣。擅徇情面。選擇保奏。其間攬事恣行者。亦有之。此輩在部院衙門。大臣等彼此相托。不無掣肘。見今寫本辦事。坐臺馳驛等勞苦之處。大臣子姪。誰曾派遣。況漢官見任三品以上堂官。子姪不授科道之職。若大臣

子姪人材果優。何處不可効力。必在部院衙門。方為美耶。今八旗滿洲漢軍大臣。除同族不論外。其子孫兄弟伯叔兄弟之子。在部院衙門。為司官筆帖式者。著查明寫摺子呈覽。朕閱其可留者留之。可去者去之。上三旗。以侍衛執事選用。餘著隨旗行走。俟伊等父兄不在見任時。再行補用。部院衙門。爾等可問九卿會同議奏。○戶部議覆江南江西總督阿山會同江蘇巡撫宋學疏言。臣等率監督舒胡德等。閱看金山衛南青龍港等處。自該衛海塘外四十里。有金山頭。凡商船皆聚此處。候潮往西。則至浙江平湖縣之乍浦。往東北。則至滄缺。與上海縣之吳淞江。雖據舒胡德疏稱。於金山衛青龍港地方挑河。商船可以就近駐泊。稅額可以加增。但金山衛臨海一帶。皆係土塘。塘高而海低。若開青龍港。將海水通至塘邊。必須掘深二丈有餘。方可行舟。又海信晝夜兩潮。必待潮落。方可開掘。一

日動工。不過二三時辰。告成無期。復閱海岸之下淺處。頗遠。此淺不開。商船不能進口。若開。則一片汪洋海面。萬難疏濬。又查塘內至金山衛城河直去一里有餘。盡是民田。未必無害。且商船所進之日。皆有課稅。即挑青龍港成功。此處課稅雖增。而浙江海稅必減。於商船國課並無便益。其挑濬青龍港等處。似不必舉行。應如該督撫等所題。將監督舒胡德請挑濬青龍之處。毋庸議。從之。○以

陵寢右翼噶喇大車兩圖為

陵寢總管。○工部議覆。郎中蒯賽所奏江南省鎮江等處修造船隻一疏。以後各省修理戰船。停其交與州縣官修理。該督撫揀選賢能道府等官。於左近地方。堅固監修。如修造不堅。未至應修年分。損壞者。該督撫查奏。除責令賠修外。仍交該部嚴加議處。其營弁將目船隻不行敬謹看守。以致損壞者。該督撫將軍提鎮等查奏。亦交該部嚴加議處。從之。○

丁未。大學士等奏遵旨以大臣子弟解退部院衙門酌量或任侍衛。或隨旗行走之處。問九卿。九卿云。

聖諭極是。但未知查何品以上大臣相應請旨。上曰。著將八旗滿洲漢軍在京及外省文官三品以上。武官二品以上。大臣等子孫弟兄叔伯弟兄之子。在部院之司官筆帖式。并進士舉人。察行查明具摺奏聞。此內有曾經軍前効力及曾當苦差之處。皆於名下開註。○喀爾喀車臣汗遣使進九白年貢。宴賚如例。○吏部題。故振武將軍甘肅提督孫思克係拜他喇布勒哈番。叙剿滅噶爾丹功。給拖沙喇哈番。又奉旨給還所革三等阿思哈尼哈番。今應合併授為一等阿思哈尼哈番。與其子孫承運承襲。從之。○戊申。

上詣

皇太后宮問安。

上諭工部尚書薩穆哈曰。爾部之事弊端甚多。

修築河工隄岸錢糧及給發諸工銀兩。爾部官員筆帖式侵蝕一半入己。爾在部年各諸弊得諉為不知乎。爾當自為身計。○免江南高郵泰州興化三州縣本年分水災額賦十分之三。○免浙江西安等四縣衢州所。本年分旱災額賦有差。○己酉。刑部以龍巖知縣趙光榮誣良為盜一案。兩議具題。一議。前雖錯審。後察出實情。應免議。一議。誣良為盜。雖審出實情。已經致死人命。仍應革職。

上諭大學士等曰。將覆審得情之官。仍因初審錯誤議處。則人皆懼罪。不肯露其實情。朕意欲定一例。凡部駁應審事件。不交原問官審理。則人斷不致負屈。倘仍令原問官詢理。彼必固執前議。致令叩冤者多矣。著九卿詹事科道。一併詳議奏。尋議。嗣後部內駁回覆審事件。應另委官審理。將原審不明之官另行定例處分。從之。○以刑部左侍郎徐潮為河南巡撫。○工部尚書薩穆哈以老乞休。得旨。

薩穆哈在部辦事四十餘年。事務豈有不知。弊端豈有不悉。乃歷年碌碌。河工積弊。至於敝壞。各項工程錢糧。皆致虛糜。今奉嚴旨。遂欲卸責離任。虛偽巧詐已極。薩穆哈著革職。仍令將工部事務弊端。明白稽察。若仍前執謬。將弊端不行舉出。決不寬宥。該部知之。○戶部等衙門。議覆倉場侍郎石文桂疏言。每歲糧船轉衛。恐遇淺阻。額設紅剝船六百隻。輪流剝卸。續運至通。此項船隻。每地十頃。免其徵科。辦船一隻。起剝淤淺。近來其地盡皆賣出。僅催募船戶當差。船既有名無實。甚至破壞不堪。而沿途攬和偷取。以致漕糧虧折。旗丁反受其害。但糧船淺阻。必須起剝。臨期催募。又恐時有時無。南方船隻儘多。若許運丁各帶剝船一隻。沿途剝運。實為甚便。莫若議革紅剝船隻。將辦船之地。酌通計六千頃。交地方官於康熙四十年起徵解送戶部。將此項數目。行文漕運總督。照數動支正項錢。

糧均分散給運丁。以為各帶剝船。及北河催夫剝淺之用。歲終即以前項抵銷。既無沿途竊取之弊。亦無破船濕米之虞。應如所請。從之。○庚戌。

上諭刑部侍郎綏色曰。人命關係至為重大。今年停審情實罪案。爾等不必忙迫。一應矜疑等犯。必再三詳審。盡得實情方可。○福建道御史劉珩疏言。直隸永平。真定等府田地。應令巡撫李光地。視其近河之處。引水入田耕種。

上諭大學士等曰。水田之利。朕所洞悉。已交李光地。見令引水耕種。水利一興。田苗不憂旱潦。歲必有秋。其利無窮。但不可太驟耳。今若竟定一例。諸處剋期齊舉。該部復行催查。則事必致於難行矣。亦惟興作之後。百姓知其有益。自然鼓勸。各相效法。於是因地制宜。設法行之。事必有成。觀今此處。亦不必開池。惟如寧夏水田。開濬溝渠。潦則撤田中之水。自

渠出之。旱則放渠之水。引入田中。災荒總可無虞矣。策妄阿喇布坦處。盡是水田。所以全無水旱之災。惟或一年穀米變蚊而飛。或穀熟時穗內全然成血。此則彼處之災也。此事太僕寺卿喇錫侍郎常綬知之。朕亦見之書籍。又盛京有一種螞札。名曰汚蟲。更甚於此處蝗蟲。此處蝗蟲食苗後尚飛去。盛京田內一有汚蟲。必將田禾之穗連根及葉齧食無遺方止。此皆朕所親見。非得之傳聞也。○又諭曰。朕聽政有年。人命之事。無不加詳。然亦不能保無冤抑者。但有錯處。朕未嘗不行指出也。該州縣取原供時。雖不得其情。亦必飾詞以詳上司。上司復加詳審。然後到部。其中即少有冤抑。部內何由得以周知。但凡為州縣者。遇刑獄之事。初次不能審出實情。及上司批駁之後。如果能將實情審出。即從前失誤。不妨改正。若明知已誤。又復隱諱。則必致有冤抑矣。○封下嫁順安顏之公主。為和碩

溫憲公主。授順安顏為和碩額駙。○免江南潁州霍邱等五州縣本年分水災額賦。有差。○辛亥。

上御經筵講畢。賜大學士九卿詹事及講官等宴。○癸丑。

上幸暢春園。○河道總督張鵬翮疏言。前河臣于成龍查勘於四堡挖引河。由湖家溝出黃河。臣率同部員廳縣等官相度形勢。湖家溝迤東地勢頗高。恐引水不暢。且地係沙土。難以建閘。查勘挑挖引河之處。在於涵洞口起。至老隄頭迤東出黃河。地勢低窪。打量水平。湖水比黃水高七寸六分。自涵洞起。至九龍廟止。見有舊河一道。長一千二十七丈九尺。河身深窪。不必挑浚。自舊河起。至黃河邊止。應挑引河長三千八百二十二丈五尺。估挑面寬十丈。底寬四丈。深八九尺。一丈不等。應於黃河縷隄出水之處。建造石閘。於臨河之處。建築草壩。隨時啓閉。以防黃水倒灌。再於

歸仁隄五堡。建磯心石閘。若遇黃水異漲。則閉黃河縷隄之閘。將此五堡之閘。開放以洩湖水。不致漲裂隄身。於引河南北兩岸。築束水隄。並補築九龍廟舊隄缺口七處。砌石工。使水不致旁溢。如此引河開成。則洩歸仁隄之水出黃河。可以衝刷河身。可以保護民間田廬。不致淹漫。得旨。歸仁隄修築事宜。屢經面諭于成龍。最為緊要。乃于成龍性偏。未行詳看。遷延時日。以至於今。觀張鵬翮所奏。甚為合理。此事所關至要。著九卿詹事科道會同速行詳議具奏。及今年黃河水小之時。興工毋誤。尋九卿等議如所奏。不拘動支何項錢糧。作速興工。一面將需用錢糧細數確估具題。命依議速行。○甲寅。刑部奏。口外偷盜隨

駕人員馬匹之范崧擬立斬。

上曰。用兵之際。嚴盜馬之禁。故行即斬。今海宇昇平。兵革不試。仍照前例。即斬殊屬可憫。范

崧著從寬免死。照例減等。發黑龍江。給披甲新滿洲為奴。又奏陝西省緩決事。

上曰。秦人強悍。好互相殺害。風習甚惡。朕已詳閱本內各犯。其殺人之馬學成等。皆係持刀故殺者。情實可惡。若將此等事擬入緩決。將來必至於免死。惡人何所懲創。著將此等改為情實。今年停其處決。○工部題。江南江西總督阿山奏。請修理杪船。曉船議准行。

上曰。此事著依部議。頃遣視海運道路。謂尚可

輓運。張鵬翮奏。稱明歲運糧船隻照常可行。並無阻滯。如此。則海運亦不必行。前者張鵬翮奏請船隻。輓運工程物料。可將此船作速修理。送張鵬翮處用之。○丙辰。

孝慈高皇后忌辰。遣官祭。

福陵。○轉刑部右侍郎喻成龍。為左侍郎。陞原任福建巡撫卞永譽。為刑部右侍郎。○以翰林院編修查昇。充日講起居注官。○丁巳。上自暢春園回宮。詣

皇太后宮問安○諭禮部朕恭奉

聖母皇太后慈諭稽古帝王宮闈之制必備妃

嬪以襄內政今冊封佟氏為貴妃衛氏為良

嬪瓜爾佳氏為和嬪爾部即選擇吉日具奏

○以左都御史哈雅爾圖為理藩院尚書○

己未諭戶部前因漕船北上遲滯特令總督

桑額親身督催故抵通比往年更早今回空

糧船仍著桑額親往督催不致遲悞該部知

之○以正白旗護軍統領瓜爾察為鑲黃旗

領侍衛內大臣○喀爾喀澤卜尊丹巴胡土

克圖遣使進九白年貢宴賚如例

冬十月庚申朔享

太廟

上親詣行禮○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○頒康熙四十年時憲曆○

上詣

皇太后宮問安○辛酉先是

上以

皇太后六袞聖壽命

皇四子胤禩整備進獻禮物至是恭進

佛三尊

御製萬壽無疆賦圍屏一架

御製萬壽如意太平花一枝

御製龜鶴遐齡花一對珊瑚進貢一千四百四

十分自鳴鐘一架壽山石羣仙拱壽一堂千

秋洋鏡一架百花洋鏡一架東珠珊瑚金珀

御風石等念珠一九皮裘一九雨緞一九哆

囉呢一九璧機緞一九沉香一九白檀一九

絳香一九雲香一九通天犀珍珠漢玉瑪瑙

雕漆官室等古玩。九九。宋元明畫冊卷。九九。攢香九九。大號手帕九九。小號手帕九九。金九九。銀九九。緞九九。連鞍馬六匹。并令膳房數米一萬粒作萬國玉粒飯。及肴饌果品等物進獻。○免浙江江山縣本年分旱災額賦有差。○壬戌。

皇太后聖壽節。

上率王以下。文武大臣。侍衛等詣

皇太后宮行禮。遵

懿旨。停止筵宴。○癸亥。策試天下中式武舉。於太和殿前。○甲子。

上御瀛臺紫光閣。親閱中式武舉等騎步射技勇試畢。命侍衛等開勁弓。俱滿鼓。

上親射二次。發矢皆中的。○免江南清河等八縣本年分水災額賦十之三。○命正白旗蒙古都統宗室特克新。兼管本旗護軍統領。○直隸巡撫李光地。河道總督張鵬翮。湖廣總督郭琇。廣西巡撫彭鵬。各遵旨先後詳議科

場事宜。得旨。九卿詹事科道。會同確議具奏。

○乙丑。

上御紫光閣。率諸皇子及宗室侍衛等射。

上發五矢。皆中的。試中式武舉等步射技勇。親簡善射武舉馬會伯等三十餘人。復令步射。選其尤者八人。

上回宮。御西暖閣。讀卷官馬齊等。以試卷呈覽。

上曰。朕親試武舉。已經十二三次矣。從無及此科者。不但步騎射俱善。人材亦優。此內朕又

特簡八人。步騎射尤善。頗無優劣。惟視其文

為次第耳。隨命諸臣拆卷定其次第。○陞理

藩院左侍郎管右侍郎事安布祿。為都察院左都御史。○旌表湖廣烈婦周思齊妻戈氏。

拒姦捐軀。給銀建坊如例。○丙寅。

上御太和殿傳臚。賜殿試武舉馬會伯等一百人武進士及第出身有差。○

上詣

皇太后宮問安。○諭大學士等曰。九卿諸臣。但

以朕可者可之。否者否之。無一人肯直言者。伊等皆係讀書之人。豈不知忠為事君之大義。頃者朕以九卿不足信。將行取知縣。及科場事宜。遣問張鵬翮。郭琇。李光地。彭鵬。九卿獨不抱愧乎。四人居官之善。朕何以知之。蓋以彭鵬曾任三河知縣。朕謁

陵往返。稔聞其賢。張鵬翮曾任兗州知府。居官甚善。郭琇曾任吳江知縣。朕南巡時。百姓俱稱其賢。李光地為學院時。官聲最優。凡居官

賢否。惟輿論不爽。果其賢也。問之於民。民自極口頌之。如其不賢。問之於民。民必含糊應之。官之賢否。於此立辨矣。若張鵬翮等。偶有他過。朕尚可曲宥。如九卿不肯直言。朕必重懲一二人。彼時毋謂朕不寬也。朝廷設九卿所司何事。其以朕旨曉諭之。○河道總督張鵬翮疏言。武家墩起至小黃莊加砌石工。舊椿石欹朽。勢必拆卸。方可堅固。經久。今於舊殘石工之上。疊柴壓土。以為越壩。於內建砌。

則費省而工速。此工除撥銀四十萬兩外。尚有不足銀一十八萬六千二百四十八兩零。應請敕該部。速行撥給。以濟工用。

上諭大學士等曰。這修築高家堰。不足銀兩。著照該督所請。速行撥給。乘此冬令。水涸。修築速完。勿致遲誤。張鵬翮每事奏請。詳明。實能宣力。若張鵬翮者。朕不之信。將誰信耶。伊若果為利計。歷任知府。運使。巡撫。皆可得利。既不取於彼。豈肯於河工錢糧。侵蝕肥己乎。其操守廉潔。誠不可及。惟有時偏執。已見耳。然朕亦即時戒飭。並不寬假也。○張鵬翮又題。臣率河員查勘新中河。必須全身挑挖。兩岸子隄。全行幫築。所需錢糧頗繁。而河頭彎曲。糧艘行走不順。且三義壩以上。三十一里零。河身狹淺。遇湖水大漲。恐不能容納。舊中河自三義壩以下。至仲莊閘。二十五里零。河身甚深。南岸湖水散漫。難築子隄。且距黃河甚近。今議在三義壩將舊中河築攔。河隄一道。

改入新中河。則舊中河之上段。與新中河之下段。合為一河。糧艘可以通行無滯矣。得旨。前于成龍奏稱。將中河改移。朕屢經諭其恐有未便。今張鵬翮所議中河事宜。甚當。著照所奏行。○陞山東登萊道郎廷極。為福建按察使。司按察使。○福建浙江總督郭世隆。疏奏紅毛國英圭黎。被風飄至夾板船一隻。據船戶甲必單角等。商人罕實答等供。係伊國護商哨船。請將甲必單角。遣回本國。得旨。英圭黎船隻。遭風飄來。甚為可憫。著該地方官。善加撫恤。酌量捐資。給足衣食。即乘時發還。以副朕柔遠之意。○丁卯。諭大學士等曰。臣下之賢否。朕處深宮。何由得知。緣朕不時巡行。凡經歷之地。必咨詢百姓。以是知之。今張鵬翮居官之優。豈朕目擊其臨事。亦不過得之風聞耳。因此朕欲開風聞言事之例。科道官以風聞題奏。即行察該督撫賢者留之。不賢者去之。如此。則貪暴歛跡。循良競勸。於民

大有裨益。嗣後各省督撫將軍提鎮以下。教官典史千把總以上。官吏賢否。若有關係民生者。許科道官以風聞入奏。倘懷私怨。互相朋比。受囑托者。國法自在。著諭滿漢掌印。與不掌印科道官員。知之。○己巳。河南巡撫徐朝陛辭。

上諭之曰。聞河南火耗甚重。爾去當嚴行禁止。又聞彼處虧空甚多。爾去當加籌畫。如何令無虧空。河南連歲有秋。未知積貯如何。爾亦當細心查核。徐潮奏曰。臣聞河南有幾州縣。火耗最重。此外尚有私派。臣當嚴行禁革。又州縣虧空錢糧。臣到河南。惟有潔已率屬。寬養其力。使彼逐漸自補。再不悔改。定行題奏。上曰。今天下雖太平。然武備不可有懈。爾有撫標兵卒。爾從翰林出身。武事恐未必留心。宜嚴飭將弁。不時操練。爾撫標操練精強。則兩總兵官有不凜然操練者乎。總之。爾去一如張鵬翮李光地郭琇彭鵬所行。則不但為當

今名臣。即後世亦可取重矣。○旌表福建烈婦林孔明妻侯氏。甘心白刃。拒姦守節。給銀建坊如例。○工科給事中慕琛疏言。安東縣楊家馬頭一案。經前任河臣于成龍題報。於康熙三十八年六月內。漫溢三十餘丈。不即搶修。延至一載有餘。而所謂三十丈者。遂變為一千二百丈之多。請嚴定處分。又馬家港漫缺。據河臣張鵬翮題報。本年四月合龍。旋於六月初旬。被水衝開。承修之馮大奇等。始則草率完工。隨修隨壞。及其既壞。復抗延不即辦料。請敕將馮大奇等議處。抑臣更有請者。近見河臣帑金糜費一疏。止叅賠修未完。而並未及承追之官。嗣後當年衝決者。勒令承修官速賠。不准請帑。如限內不完。將承催不力之官。一并列叅。照例處分。又各工完日。該督應即委道員踏看。出具甘結。倘隨修隨壞。及三年內衝決者。請將出結之官。照徇庇例重處。得旨。著張鵬翮明白具奏。○陞內閣

學士滿篤為理藩院右侍郎。○以蘇尼特故多羅貝勒博木博子蘇泰襲爵。○予故固山貝子福存祭二次。建墳立碑。○兵部議覆署四川陝西總督禮部尚書席爾達疏言。臣等遵旨將化林營移駐打箭爐。據該營詳稱。官兵渡瀘河之西。不意爐番甚為狂悖。將修路之兵丁殺死。拆毀偏橋。阻截官兵。又探得在木鴉等處抽兵。有欲搶奪沿河一帶之信。隨咨商四川提督唐希順。暫為巡防。以取進止。

上詣

皇太后宮問安。○喀爾喀土謝圖汗遣使進九

白年貢宴賚如例○癸酉。

上巡視永定河隄岸。命

皇四子多羅貝勒胤禩皇十三子胤祥隨駕。是

日啓行。駐蹕宛平縣鵝房村○甲戌。

上率諸皇子及善射侍衛等射。

上發五矢皆中的。自鵝房村徧視永定河隄。

駕至麻格莊河灣。諭分司敦拜曰。觀此處宜從

上流下挑水埽。用以盪刷淤墊。

上閱新修河隄。諭敦拜曰。此坍塌之隄。宜速完

工。又閱新莊求賢莊石佛寺等處河灣。諭敦

拜曰。此處當下挑水埽。又閱雅地里河灣。諭

敦拜曰。觀北岸地勢崇高。斷乎無害。南岸地

卑。不可不加意堅築。是日駐蹕固安縣葛家

屯○直隸巡撫李光地來朝○乙亥。召大學

士馬齊入行宮。諭曰。分司敦拜護守河隄甚

善。在部院年各人亦老成。著額外補授內閣

侍讀學士。仍管理分司事○

上率諸皇子及善射侍衛等射。

上發五矢皆中的。自葛家屯徧視永定河隄。閱

至北閣驛河灣。諭分司敦拜曰。此處宜築挑

水埽。隨至清涼寺。閱衝決隄口。召原任河道

總督王新命。工部侍郎白碩色。巡撫李光地。

分司朝奇等。諭曰。爾等可會議開濬新河。放

水。其清涼寺決口不必塞。隨行幸雙營兒。視

隄工畢。回駐蹕葛家塢。命吳達禪等。於李光

地。王新命。白碩色。前傳諭赫碩滋曰。自葛家

塢至清涼寺決口。朕閱視尚皆加意修築。此

外所築隄。下椿俱淺。又截去長者。其葦束極

鬆。復亂拋置之。此隄仍著原修之人修築。即

交與赫碩滋親身看守。晝夜巡察。倘椿木衝

壞。或別有他故。即速行奏聞。不然。即梟示爾

於隄上。朕巡視南河時。指令下椿修築之處。

竟不行修築。避往他處。其時即應誅之。今更

以此隄委爾。爾其慎之○丙子。分司敦拜齊

蘇勒奏曰。

皇上自去歲指授一切重大工程。俱有功效。隄

岸克保無虞。但南岸尤為緊要。仰乞

皇上指示。

上曰。南岸須釘排樁。使水永不外溢。則爾等防守甚易矣。又諭曰。自郭家務以上。南岸舊隄甚薄。著交與原任河南巡撫李國亮。務將排樁。作速於隄外深釘。此隄卑狹處。亦交與彼加寬增高。酌量補築。隄內田中浮土。可剷取用之。隄邊柳樹。不可輕伐。所塞之口。令先動工。其地勢高阜處。水既不能漫溢。可酌量節減。不必修築。所用排樁葦草。向原任總河王新命等取之。

上率諸皇子及善射侍衛等射。

上親射二次。發矢皆中的。

上自葛家塢徧閱永定河南岸。查驗樁木。俱短小不如式。令近御侍衛海青傳諭原任河道總督王新命。工部侍郎白碩色等曰。自委爾等河工以來。並未陳奏一事。即樁木丈尺。亦未如式深下。爾等果實心修築。自正月至今。

親身監修。即每日里許。亦修築竣工矣。密邇京師。相去僅一日之程。其能欺朕耶。若再三年無成。朕豈肯輕恕。必將誅之。又諭巡撫李光地曰。永定河工程及物料。爾等不時稽查。其樁木合式者。收貯用於葛家塢之西。其短小不如式者。交李國亮用於葛家塢之東。蘆葦務收貯於乾燥之地。毋致朽爛。有看守不謹者。即令賠償。其河工未完處。仍交王新命等修築。令保三年。爾所查工程物料。需用錢糧。奏銷時。毋致浮冒。河工効力人員內。諸色混雜。爾亦務確查題奏。是日。

上駐蹕宛平縣榆垓。

上駐蹕南苑。○陞太常寺卿兼管鴻臚寺卿事。

席哈納為內閣學士兼禮部侍郎。仍兼管太常寺卿。鴻臚寺卿事。○都察院左都御史李枬疏言。凡有會議。僅於前一日薄暮傳知。次日即行齊集。惟主稿者及臣衙門。先有科抄揭帖。餘皆不詳事之端。委齊集時止。將看語。

宣讀一遍。諸臣倉卒聞之。安有良策。大半就主稿者之議。唯唯畫題而散。是雖會而未嘗議也。臣請自後。內閣於前一日傳知。容諸臣畧加審度。次日會議。至會議日期。除患病者。竟不必列名。有託故不到及倩人畫題等弊。察行申飭。下部議行。○戊寅。

上回宮。詣

皇太后宮。問安。○己卯。諭大學士等。今年內陞科道官。仍管原任事。外轉又停。科道暫時無

缺。候補之人。不得即補。今歲行取。以科道用者著補額外御史。俾隨九卿議事。則伊等苟有一得。可以陳奏。爾等將此傳諭吏部。○庚辰。兵部議覆湖廣總督郭琇等疏言。鎮草紅苗違化。恭將朱紱。已經撫剿事竣。其善後事宜。應分設汛守。建立哨臺。烟墩。并嚴禁奸民私販火藥軍械。娶苗婦女等事。又每月三日。聽苗民互市。限時集散。仰請敕旨勒石。均應如該督等所題。永為遵守。從之。○辛巳。命浙

江巡撫張勛以原品休致。調福建巡撫張志

棟為浙江巡撫。○贈故振武將軍甘肅提督

孫思克太子太保。予祭葬。加祭二次。謚襄武

○壬午。諭大學士等。吏部尚書庫勒納。左侍

郎阿爾拜。居官不職。俱著解任。於佐領處行

走。○工部議。邵伯更樓隄決。致壞漕艘。應將

協理河務府尹徐廷璽降三級留任。得旨。徐

廷璽著降三級調用。○癸未。兵部尚書范承

勳等。至自河工。入奏。

上問曰。桃莊引河。挑水壩工程俱完否。河溜何

如。范承勳奏曰。引河工已竣。今秋水小。故未

放水。其挑水壩。七月中已曾告竣。河溜已漸

循北岸而流。

上曰。此後淮水能出否。范承勳奏曰。淮水長至

五六尺。可出引河之口。

上又問曰。淮水淤積過高。可無虞否。范承勳奏

曰。見今高家堰加幫之隄。高出水面一丈二

三尺不等。淮水總長。尚足捍禦。布雅努奏曰。

臣等今所築之隄。濶八丈。高二丈有餘。沿湖皆用葦束加椿。似可無虞。王拱奏曰。將來石工告竣。可以禦水。即見築之隄。亦屬高濶。總之築壩幫隄。為今冬急務。

上曰。洪澤湖波浪。石隄且被衝損。萬一黃淮交漲。為之奈何。喻成龍奏曰。

聖慮極當。幸已發帑金。將隄工加幫高濶。今張鵬翮估計。建立滾水壩。宣洩水勢。且翟家壩一帶。可令漫水。以殺其泛漲之勢。

上曰。爾等所奏。雖如此。恐未可易視也。○甲申。上御太和殿視朝。文武陞轉各官謝恩。○多羅平郡王訥爾福祖母薨逝。遣官致祭。○河道總督張鵬翮題。宿州幫受兌鳳陽漕米之船。往例回空。由洪澤湖入淮河。方抵水次。而張福等。已已經築壩。以禦黃水倒灌。回空漕船。勢必由六壩入湖。始能歸塢。今六壩將閉。其五。惟夏家橋一壩。已堵過半。臣恐有誤新兌。從權暫留夏家橋口門三十丈。以待該幫漕。

船入湖之後。即勒期將夏家橋全閉。既不阻運。又不誤工。從之。○丙戌。召原任刑部員外郎趙申喬來京。○丁亥。

上詣

皇太后宮問安。○以禮部尚書署四川陝西總督事席爾達。為吏部尚書。仍署總督事。轉吏部右侍郎。特默德為左侍郎。盛京兵部侍郎傅繼祖。為吏部右侍郎。○以左副都御史梅鋐。為福建巡撫。○以故耿馬宣撫使罕抒忠。

子罕世藩襲職。○理藩院題。哈密扎薩克額貝杜拉達爾漢白克。呈稱我屬下六七十人。往甘州交易。甚屬有益。嗣後乞令我哈密人。往各處交易。勿禁。查先經額貝杜拉達爾漢白克題。將伊哈密人。分一半駐扎肅州。年年朝覲報信。不致有誤。已經准行。應行令甘肅巡撫提鎮。嗣後哈密回子。來甘肅等處交易。須驗明印文。令其交易弗禁。又稱偵得葉妄阿喇布坦處。哈撒克布魯特。合兵欲征哈思。

噶爾已經題報嗣後偵得信息應令奏聞從之

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百一

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二

康熙三十九年庚辰十一月己丑朔

上詣

皇太后宮問安。寧古塔將軍沙納海請將席北分為三旗送
至京師從之。庚寅理藩院題鄂爾齋圖哈灘巴圖爾自青
海移置寧夏議給人口糧糧牛馬芻豆

上諭大學士等曰著照所議行數年以來宇內昇平惟西陲陝
西甘肅常有差遣之事出邊人員地方官皆協助供應所以
陝西甘肅官吏驛站甚為艱苦著差戶部右侍郎溫達前往

實錄卷二百一

將沿途驛站查視若有敝壞者會同地方官增添撥給其供
應出邊人員等物議定額數以聞。辛卯修理永定河河工
員外郎赫碩滋題參原任河道總督王新命工部侍郎白碩
色河工革率及條奏應修等處

上諭大學士等曰赫碩滋人甚輕浮永定河應修事宜朕總責
成伊等共理今赫碩滋因事難成又見朕有嚴旨遂妄行參
奏至伊條奏有云現今地面雖凍而地中尚未凍應及時修
築等語尤為悖謬今時令漸寒若待行文河上鳩聚夫役則
時已嚴寒地皆堅凍何以興工爾等可傳王新命等至內閣
以此二事令對質。壬辰大學士伊桑阿等奏曰臣等遵旨

傳集王新命白碩色與赫碩滋對質王新命云今天氣正寒將挑濬之土置岸即凍若行堆積又不可用歲內斷難興工明春雨水前必當趨修告竣赫碩滋時向臣等建論是實如彼言果當臣等即照伊行之否則亦相商酌而行其云夫役小錢及用爛麻亦實臣等皆已驗過更換

上曰朕曾命赫碩滋確查具奏故赫碩滋將伊等題參彼向在河南意以此河可照黃河一例興工殊不知南方地煖尚可修築此河如何可比今已漸寒興工得乎然王新命赫碩滋等皆同事之人此河明歲告竣則已否則朕自有處分○陞左副都御史額倫特為盛京兵部侍郎○癸巳

實錄卷二

上詣

皇太后宮問安○甲午調刑部左侍郎喻成龍為工部左侍郎管右侍郎事轉刑部右侍郎卞永譽為左侍郎調工部右侍郎吳涵為刑部右侍郎○丙申

上幸南苑行圍○丁酉理藩院題將軍薩布素奏報達賴諾爾台吉等擄掠鄂羅斯貿易人等馬匹議俟明春草生時差遣大臣官員會同鄂羅斯尼布潮城守尉伊繫定立邊界上諭大學士等曰明歲草生時可差一侍郎查立邊界以原任都察院左副都御史扎賴補原官○戊戌

上自南苑回宮詣

皇太后宮問安○辛丑冬至祀

天於

圜丘

上親詣行禮遣官祭

永陵

福陵

昭陵

暫安奉殿

孝陵

仁孝皇后

實錄卷三

孝昭皇后

孝懿皇后陵○停止次日朝賀

上以謁

陵是日啟行駐蹕夏店○陞宗人府府丞勵杜訥為都察院左

副都御史○封和碩簡親王雅布長女為郡主壻李秋為和

碩額駙○大學士馬齊遵旨會同都察院議奏禮部尚書王

澤弘侍郎覺羅三寶等將索倫總管覺羅阿圖應在館喂養

之馬匹違例給與草料在阿圖家喂養又挾私題奏監督薩

拉侶壽應將尚書王澤弘侍郎覺羅三寶王封澤李錄予俱

各降二級調用查王澤弘覺羅三寶王封澤各有加級紀錄

應抵銷得旨主澤弘著以原品休致三寶著革職李錄予著降二級從寬免調用餘如議 癸卯

上駐蹕邦均 甲辰

上駐蹕馬伸橋 乙巳

上詣

暫安奉殿

孝陵行禮奠酒舉哀又至

仁孝皇后

孝昭皇后

孝懿皇后陵奠酒舉哀是日駐蹕湯泉賜守

實錄卷五

四

暫安奉殿掌關防官桑歌貂帽守

孝陵總管薩弭圖貂褂一等侍衛鄂羅貂鼠大套守

陵寢總管車爾圖灰鼠褂命發坡賴村倉糧賑濟已林二旗

窮丁○丙午

上駐蹕遵化州東十里○陞吏部右侍郎韓莢為禮部尚書仍

兼管翰林院掌院學士事教習庶吉士以正黃旗滿洲副

都統凱音布為禮部左侍郎九卿等議覆湖廣總督郭琇

等遵旨詳議科場事宜四疏嗣後直隸各省鄉試在京三品

以上及大小京堂翰詹科道吏禮二部司官在外督撫提鎮

及藩臬等官子弟俱編入官字號另入號房考試各照定額

每十卷民卷取中九卷官卷取中一卷不必分經其副榜亦

照此算取若各省鄉試官員子弟或止數人者不必另編官

字號雲南貴州四川廣西四省在監鄉試亦編入南監內俱

一體分別編官字號照額取中會試滿合字號南北字號亦

編官字號每二十卷取一卷雲南等四省中額仍照現例行

不另編官字號各項監生有願在監入場者俱由國子監錄

取責令祭酒等力行考課之法考課不缺者准其入場照例

分別南北官民卷其願在本地鄉試者與生員一體分別官

民卷取中童生內有將經書小學真能精熟及能成誦三經

五經者該學臣酌量優錄論題將性理中太極圖說通書西

實錄卷五

五

銘正蒙等書一併命題從之○九卿等議覆河道總督張鵬

翮疏言臣於十月十九日親往高家堰六壩催工見水勢驟

長三滾水壩尚未修成恐西風鼓浪無處宣洩公議於翟家

壩原有天然滾水壩用埽裹住兩頭平槽之水當以濟運溢

槽之水聽其滾出塘槽河入白馬河若伏秋水大再於蔣家

壩盡頭處原有之清水溝河以及涵洞酌量開放若水小仍

然開塞再查六壩口寬二百八十丈今清口引河僅寬三十

餘丈不足以暢洩全湖之水應再開寬濶使水暢流敵黃至

於運河伏秋水漲應由涇河濶河洩出射陽湖入於海此二

河現在挑浚應將涇濶二閘修補以資啟閉均應如所請從

之。丁未

上駐蹕三屯營城內 戊申

上駐蹕米峪口 己酉

上駐蹕羅家屯是日

上行圍射殪一虎 吏部議覆都察院左都御史李枬疏言州

縣虧空近日定例甚嚴臣謂嚴於事後必防於未然即今知

府親查或向鄰封移取暫應一時過後仍虛惟親查後酌量

存留其餘於三日起批即解藩庫則完欠自難隱匿應如所

奏若三日內不行起解即行題參從之。○工部議覆河道總

督張鵬翮疏言嵇家閘未堵恐來年重運經由溜掣稽遲

之患必須實開另於閘南昭關廟地方改建滾水石壩一座

水太則借以宣洩水小則蓄以利運應如所題從之 庚戌

上駐蹕建昌營城內 辛亥

上沿邊巡歷出冷口駐蹕蕭家營 賜和碩裕親王福全馬四

匹 壬子

上駐蹕桃俊山 癸丑

上駐蹕波羅灘 陞禮部侍郎管詹事府事徐秉義為吏部右

侍郎仍兼詹事府詹事 湖廣道御史朱廷鑑疏言卓異與

行取同膺異數嗣後應一例引見從之 旌表河南烈婦張

問政妻黃氏拒姦被戮給銀建坊如例 甲寅

上駐蹕察罕蘇魯克地方 乙卯

上駐蹕諾綽渾圖地方 丙辰

上駐蹕哈當河朔地方 陞少詹事王頊齡為宗人府府丞

湖廣總督郭琇疏奏沅州總兵官張大受自移駐鎮草虛冒

名糧貪饕已極請立賜罷譴得旨張大受著革職嚴審究擬

丁巳

上駐蹕烏蘭高齊武地方 四川提督唐希順題本標下三營

請照各省提督例添為五營并標下遊擊守備等官照四川

松潘等處題補兵部議不准行得旨四川地屬緊要唐希順

標兵著添給其所請題補標下官員照所請行。○戊午

上駐蹕雅圖和洛 署四川陝西總督吏部尚書席爾達題准

四川提臣唐希順咨稱烹壩已被爐蠻侵占輒敢渡河不但

侵犯擦道意在斷我官兵歸路又准四川撫臣貝和諾咨據

化林營參將李麟等詳稱將來取爐非三路進兵不可三路

齊進之外更宜另撥官兵一路由寧番一路由魚通一路由

寧越則渠魁亦可擒獻臣思爐蠻如此狂悖提臣唐希順已

經親至化林營汛抽調各鎮營官兵應否直前剿逐擒拿渠

魁密題請旨得旨著將荊州滿洲兵二千發往四川將軍莽

奕祿年老著鎮守地方副都統二員領兵前去再著理藩院

侍郎滿丕自京馳驛前往統領與提督唐希順商酌行事這

所發之兵每名賞銀二十兩整理器械到成都之日其口糧酌量路程支給勿致遲悞其糧餉著巡撫員和諾料理現今應作何行事之處著唐希順相機而行勿致失機

十二月己未朔

上駐蹕煖泉地方喀喇沁多羅杜楞郡王扎什護國公善巴喇錫等來朝各賜鷹其塔布囊等及官兵賜白金有差○河道總督張鵬翮疏言臣深遵

聖授方畧次第舉行先疏海口水有歸路今黃水不出岸矣繼挑芒稻河引湖水入江高郵寶應一帶水由地中行再開清口開張福口裴家場等引河淮水有出路矣加修高家堰堵

實錄卷一百一

八

塞六壩逼清水復歸故道引張福口等河會入裴家引河開放清水流入運河又將湖頭加濬深濶以迎洪澤湖大溜將張福口引水入裴家場再挑寬深水大勢旺直敵黃水暢流入黃河矣運河之中純係清水已無黃水灌入臣自下河回至清口見水大半入黃少半入運一水兩分若有神助官民快覩淮黃交會歡聲如雷皆我

皇上宵旰憂勤精誠上格天心河神效靈之所致也下所司知之
庚申

上行圍射殪四豹駐蹕永寧地方吏部議覆工科給事中慕琛題參雲南布政使張霖出身鹽商官方有玷輿論不孚應

將張霖革職從之授鎮國公蘇爾法女為鄉右塔單喇為

鎮國公塔袞四品廣東廣西總督石琳疏言上年十二月初十日生黎王鎮邦等攻犯賓傳等營與弁兵為難其起釁之由據就撫王仕義等告稱兵丁王復平等進黎種種擾害又准提臣殷化行咨稱訪聞遊擊詹伯勇雷瓊道成泰慎等文武官擾害欺誣即委肇高廉羅道李華之赴瓊會鎮臣唐光先察雷把總姚鳳巡黎勒牛致殺兵丁十二命應革職完擬遊擊詹伯勇雷瓊道成泰慎等差人採取花梨沉香等物應解任候勘現在招撫王鎮邦倘負固不出相機擒拏得旨著差凱音布邵穆布前往會同該督審明具奏○辛酉

實錄卷一百一

九

上進喜峰口駐蹕城東南○壬戌

上駐蹕三屯營城內免浙江金華等五縣本年分水災額賦有差免直隸高陽等三縣本年分水災額賦有差調河南南陽總兵官雷如為湖廣鎮總兵官陞甘肅提標中營副將方凱為河南南陽總兵官調正紅旗蒙古副都統宗室鄂飛為正黃旗滿洲副都統正黃旗漢軍副都統趙賁為正紅旗蒙古副都統陞前鋒參領圖思海為正黃旗漢軍副都統
癸亥

上駐蹕道化州城內
甲子

上駐蹕湯泉古北口總兵官馬進良天津總兵官潘育龍來朝各賜銀鼠短褂羊裘河道總督張鵬翮遵旨回奏工科

給事中慕環疏參各款臣查安東縣楊家馬頭經前河臣于成龍題明俟時家馬頭工程合龍即可補築此從相機修治慎重錢糧起見並非敢於坐視也馬家港漫缺臣題明發帑委員興修並將馮大奇等題參部議革職此係遵舊例而行並非今日創始也至河工賠修俱係從前舊案甚屬繁多若將承追之官創行定例處分則新任道員不能久任恐致廢弛河務此斷斷不可行者也又疏稱工程完日委道員踏勘出結倘銜決照徇庇例重處查修築黃運兩河限內銜決無論出結與否俱有處分今若將出結者處分則不出結者反得倖免應仍照定例行且自臣履任以來銳意節省皆歸實用而科臣反謂帑金糜費日甚臣凜遵

實錄卷二百二

十

皇上指授方畧疏通海口黃淮交會萬民歡頌功成而科臣獨謂河工貽誤日多臣不知其何心也下所司知之 乙丑

上詣

暫安奉殿

孝陵行禮奠酒舉哀遣皇子詣

仁孝皇后

孝昭皇后

孝懿皇后陵奠酒是日

上駐蹕馬仲橋 丙寅

上駐蹕邦均 丁卯

上駐蹕夏店 免江南邳州睢寧等七州縣徐州一衛本年分水災額賦有差 予故鎮海將軍馬自德祭葬如例 河道總督張鵬翔題准黃交會宜思善後之計現在諸引河之水勢聚而力強故足以敵黃而直出運口但大半出黃少半濟運一水兩分伏秋黃長恐清水之力稍微應於張福口裴家場二引河空地中間迎湖大溜之處挑引河一道寬二十丈底深一丈會入一河俾清水之勢常強而禦黃有力將爛泥淺會入三汊河從七里河出文華寺運河專以濟運下部議行 戊辰

實錄卷二百二

二

上回宮詣

皇太后宮問安 己巳以兵部尚書馬爾漢吏部左侍郎特默德充經筵講官 以翰林院檢討楊名時充日講起居注官 庚午命行取候補主事梁浩之等四十三員即以五部主事額外補授 刑部等衙門會題署四川陝西總督吏部尚書席爾達覆審原任巡撫于養志提督岳昇龍互相揭發一案疏稱于養志將岳昇龍咨移任私刪改不據實具題以致營官踞爐狂恃侵占河東若泥等處應擬斬岳昇龍仍照前議革職查于養志已發往軍前効力俟回日監候餘應如所題得旨依議前所遣兩侍郎並未審明席爾達方行審結何

故不問其罪三部諸臣未免徇情若不問擬嗣後審事諸臣俱任意橫行三部大臣著行申飭尋議侍郎羅察布泰應各降三級留任得旨羅察布泰著照所降之級隨旗行走壬申宗人府題已革多羅貝勒諾尼以從前擬罪情屈控告得旨諾尼無罪著仍授為多羅貝勒安親王岳樂從前管理宗人府污蔑諾尼枉擬治罪著交宗人府議處○癸酉

上御太和殿視朝文武陞轉各官謝恩○諭理藩院阿霸垓多羅卓禮克圖郡王達馬林扎布人輕佻不稱王爵旗務緊要著革去王爵以其叔二等台吉畢額襲封○調廣東巡撫蕭永藻為廣西巡撫廣西巡撫彭鵬為廣東巡撫○乙亥遣大

實錄卷一百一

主

學士伊桑阿持節冊封佟氏為

貴妃冊文曰朕惟化理始自壹儀端重溫恭之選德教彰於婦順實資贊翼之功爰錫絲綸用昭典制爾佟氏誕育名門夙標令問柔嘉中節敬慎含章嫺詩禮之風克播清芬於彤管協珩璜之度宜加寵錫於綸衣茲仰承

皇太后慈諭以冊寶封爾為貴妃爾其益懋恪勤率嬭嫡而敷內治長懷謙謹顧典冊以答新恩欽哉遣大學士馬濟持節冊封瓜爾佳氏為和嬪冊文曰朕惟協贊坤儀用備宮闈之職佐宣內治尤資端淑之賢爰考舊章式隆新秩爾瓜爾佳氏德蘊溫柔性嫺禮教位在掖庭之列克著音徽禮昭典

冊之榮宜加寵錫茲仰承

皇太后慈諭冊爾為和嬪爾其益修婦德矢勤慎以翼宮闈永佩綸言副恩光而綿慶祉欽哉遣內閣學士席哈納特持節冊封衛氏為

良嬪冊文同丙子禮部左侍郎凱音布內閣學士邵穆布差往廣東察審黎人王鎮邦侵犯及啟蒙文武官員請訓旨上諭之曰爾等至彼鞫審時如官員有苛酷處即行拏問其內有陞調者亦行調審倘總督有應取供之處亦行勘問今彭鵬調補廣東巡撫爾等會同廣東總督石琳巡撫彭鵬赴瓊州鞫審凱音布邵穆布奏曰總督巡撫提督等已經差人往

實錄卷一百一

主

招黎首王鎮邦若出降則已如不降臣等請但審現在人犯上曰於爾等未到之先想已出降矣如果不出降爾等即審現在人犯赴署前速還○陞內閣侍讀學士敦拜為工部右侍郎○都察院左副都御史勵杜訥題提鎮諸臣畫疆分鎮責任匪輕邇來引見將弁時有騎射甚劣并年老之員屢經特旨罷黜夫典戎要務首在考察將弁何至徇庇姑容請敕下該部將各提鎮所屬引見不稱旨之員彙冊進呈伏候聖裁嗣後作何定例處分庶提鎮諸臣咸知謹凜不敢瞻徇而將弁亦難尸素苟容矣下部通行嚴飭署四川陝西總督吏部尚書席爾達題請親領官兵進勦爐蠻得旨秦省地方

緊要席爾達不必領兵前往。席爾達又題爐蠻狂悖屢率醜類攻突我官兵營盤。茲據署四川提督中軍參將馬爾值右營遊擊張自成相機奮勇擊敗蠻兵乘勝追逐復得河東末威處壩二處地方。下兵部知之。予故原任陝西固原提督何傳祭葬如例。丁丑。

上詣

皇太后宮問安。直隸巡撫李光地題參原任河道總督王新命等諸事俱不効力。惟徇情面無益河工。部議王新命等應撤回將河工錢糧交李光地。

上諭大學士等曰。李光地疏稱王新命赫碩滋宜撤回京。最為

實錄卷二〇二

四

允當。今河上事務李光地已身任之。王新命在彼奚為。將此輩撤回京中拘禁。候河工告竣之日。一併議奏。諭大學士等。張鵬翮奏修築下河事宜。深為得當。誠如此修築錢糧節省底績亦易。于成龍為修下河曾屢疏具題。未得其宜。朕俱不允。此並非可徇情面之事。朕於奏章必是非昭然。毫無可疑者。方允舉行。雖日後有失。朕直受之。斷不委之他人。此等事。諒記注官必備載之。于成龍在日最有聲勢。交與亦廣。即爾諸臣誰與抗衡。凡于成龍所奏事。於理不符者。朕皆窮詰不行。今張鵬翮所奏事。俱合理。朕皆照所請行。朕並非偏向張鵬翮也。初張鵬翮曾奏請改流白馬湖事。毫無裨益。朕不

實錄卷二〇二

五

允行。今所奏事實為有益。因皆允之。朕觀河工之弗成者。一應弊端起於工部。凡河工錢糧皆取之該部。每事行賄貪圖肥己。以致工程總無成效。張鵬翮亦曾面奏云。武弁藉空糧文官賴火耗。河工官員別無所獲。惟侵漁河工錢糧。所以河務無成。今張鵬翮所用錢糧俱非部支。並無掣肘。自到任以來一文不肥。已正項河銀俱實用於河工。此河事所以得有成效也。吏部題一等阿思哈尼哈番按圖因懶惰參革。照例銷去。三次恩詔所得拖沙喇哈番餘三等阿思哈尼哈番應以其弟安渣襲替從之。刑科給事中湯右曾疏言臣辦事垣中閱視揭帖。見兩廣總督石琳疏參雷瓊道成泰慎瓊州府同知何斌瓊州右營遊擊詹伯勇等遣人進黎擾害致生黎王鎮邦等攻犯寶停等營。似此貪婪不法之員。總督石琳巡撫蕭永藻提督殷化行何以平時毫不覺察。恣其貪毒。事起於康熙三十八年十二月內。並不具題。迨王鎮邦不就招撫。勢須用兵。然後奏報。徇庇容奸。希圖欺隱。若不嚴加處分。恐後無所儆戒。必致貽誤地方。得旨。所參事情著石琳蕭永藻殷化行各明白回奏。免陝西南鄭等五縣本年分旱災額賦有差。戊寅免江南徐州桃源等八州縣本年分水災額賦有差。封故國山貝子福存子德普為鎮國公。河道總督張鵬翮題黃河下流最窄之處。無如安東便益門。以

及對岸韓家莊臣率道廳等官探量兩岸相距僅六十餘丈又兼時家馬頭至伊家莊河身過曲對岸沙洲逼溜直衝南岸韓家莊而韓家莊以下又突出沙嘴逼溜直射北岸便益門且隄高於城勢甚危險應將兩處沙洲於中開挑引河二道使黃流直下以固城池以保險工從之○張鵬翮又題臣查勘下河見水勢漸消惟興化積水一時不能全退較泰州鹽城水患尤甚臣相度形勢博採輿論高郵寶應山陽鹽城一帶之水由射陽湖之蝦鬚二溝入廟灣以達於海今蝦鬚二溝因童營漫溢淤為平地雖有夏梁河出水但河身淺狹不足宣洩是以泛濫今宜將蝦鬚二溝淤塞之處約計四十餘里挑挖口寬十丈深九尺一丈不等引水入滕龍河以達於海鮑家莊至白駒口八十餘里地高水壅宜挑口寬八丈深六七尺不等引水由白駒場入海撈魚港淤塞八十餘里應挑口寬八丈深六七尺不等引水入海老河口一帶淤淺三里餘應挑口寬十丈深六七尺不等引水入湖溜子河三十二里淤塞不通應開口寬八丈深六七尺不等引水由若水洋入海如此則水有去路而積水可以漸消矣從之己卯

上幸南苑行圍○以喀爾喀故輔國公衛徵諾顏阿玉錫孫旺扎爾襲爵○兵部題先是同馬承蔭在柳州復叛之黃明署

實錄卷一百一

七

廣西巡撫事麻勒吉疏稱已死乃於康熙三十七年復謀叛在湖南地方拏獲黃明供認逃匿十有餘年則麻勒吉捏報不合雖已身故應追革官職從之廣東廣西總督石琳題報瓊州黎首王鎮邦蠢動攻營不即出撫臣照會鎮臣唐光堯親統官兵前去始率姪那佛於十一月初一日親赴投誠下所司知之士千宗人府議已故安親王岳樂管理宗人府理宜從公審事乃聽信卑喇什之妻縣主之言徇情將貝勒諾尼母子枉法擬罪殊屬不合應將岳樂追革親王岳樂之子安郡王馬爾渾僖郡王岳希圖山貝子吳爾占輔國將軍副都統塞布禮孫奉國將軍色痕圖等盡革爵為閒散宗室得旨岳樂著追革親王為郡王馬爾渾著從寬免革郡王岳希圖去郡王吳爾占革去貝子俱授為鎮國公其塞布禮之輔國將軍副都統色痕圖之奉國將軍悉從寬免革癸未

孝莊文皇后忌辰遣官祭

暫安奉殿 甲申

上回宮 乙酉順天府進春 丁亥歲暮裕祭

太廟

上親詣行禮 遣官祭

永陵

實錄卷一百一

七

福陵

昭陵

暫安奉殿

孝陵

仁孝皇后

孝昭皇后

孝懿皇后陵 遣官祭太歲之神

上詣

皇太后宮問安 戊子賜朝正外藩烏朱穆秦蘇尼特蒿齊威

鄂爾多斯喀爾喀扎魯特毛明安科爾沁翁牛特阿霸垓王

實錄卷三

三

默特郭爾羅斯四子部落喀喇沁尼魯特杜爾伯特巴林阿

霸哈納吳喇武教漢扎賴特奈曼克西克騰阿祿科爾沁王

貝勒貝子公台吉額駙公主之孫塔布囊等及內大臣大學

士侍衛等宴 旌表八旗節婦滿洲代通妻黃氏等二人漢

軍鍾有玉妻陳氏等二人直隸各省節婦王嘉植妻李氏等

五十人孝女蔡蕙一人孝子董元偉一人各給銀建坊如例

○是歲人丁戶口二千四十一萬九百六十三田地山蕩畦

地五百九十八萬六千九百八十五頃五十四畝有奇徵銀

二千七百三十九萬五百六十八兩有奇米豆麥六百九十

六萬八千五百六十九石有奇草三百八萬一千六百七十

實錄卷三

十九

七束茶十五萬七千四百五十五引行鹽四百三十一萬九
十四百八十三引徵課銀二百六十九萬六千九百九十五兩有
奇鑄錢二萬三千八百六萬五千八百有奇

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三

康熙四十年辛巳春正月己丑朔

上詣

堂子行禮還宮拜神畢率諸王貝勒貝子公內大臣大學士侍

衛等詣

皇太后宮行禮御殿王以下文武各官外藩王及使臣等上表

朝賀停止筵宴（朝鮮國王李燾遣陪臣李光夏等表賀冬

至元旦。

萬壽節及進歲貢禮物宴齊如例。○庚寅。

實錄卷二百三

上詣

皇太后宮問安。○辛卯。

上奉

皇太后幸暢春園。○甲午孟春享

太廟。遣內大臣和碩額駙尚之隆行禮。遣官祭太歲之神

乙未。

世祖章皇帝忌辰遣官祭

孝陵。○戊戌

上自暢春園回宮。○辛丑祈穀於

上帝。

上親詣行禮。

上幸暢春園。壬寅以上元節賜外藩烏朱穆秦蘇尼特齊

武鄂爾多斯喀爾喀扎魯特科爾沁毛明安翁牛特土默特

杜爾伯特厄魯特阿霸垌喀喇沁王貝勒貝子公台吉等及

內大臣大學士侍衛等宴。○癸卯上元節賜外藩王貝勒貝

子公台吉等及內大臣大學士侍衛等宴。○甲辰。

上詣

皇太后宮問安。○戊申賜朝正外藩王貝勒貝子公台吉等銀

幣鞍馬有差。○己酉。陞內閣學士兼管詹事府詹事事崇奇

託為盛京刑部侍郎。○庚戌。陞太常寺卿李鎰為通政使司

實錄卷二百四

通政使。○鑲藍旗滿洲都統宗室輝蘭以老病乞休。允之。○

辛亥。

上詣

皇太后宮問安。○陞右春坊右庶子辛保為都察院左副都御

史。○壬子。

上奉

皇太后自暢春園回宮。○免江南宿州衛康熙三十九年分水

災額賦有差。○癸丑

上御太和殿視朝文武陞轉各官謝恩。○甲寅

上詣

皇太后宮問安。諭吏部永定河事繁。白碩色著解工部侍郎任事。理河工學士舒輅著補工部右侍郎。禮部侍郎努赫素無品行。著革職。學士席哈納著授禮部侍郎。所領太常鴻臚難於兼理。止令兼太常寺事。其鴻臚寺著另擬補。轉工部右侍郎敦拜為左侍郎。鑲白旗漢軍副都統興永朝以病乞休。得旨與永朝前任督撫並無裨益兵民之事。乃稱硬硬自守等語。不合著解退。副都統調正黃旗蒙古都統伯心裕為鑲藍旗滿洲都統。以輔國公宗室齊克塔哈為正黃旗蒙古都統。禮部議覆河道總督張鵬翮疏言。現今海口疏通黃淮二水。交會濟運。神速皆河伯効靈所致。請加賜河神

實錄卷一百一

三

封號。應如所請。得旨著封為顯佑通濟昭靈効順金龍四大王。○乙卯。諭大學士等。張鵬翮任浙江巡撫七載。歷年錢糧俱照數清完。並無虧欠。今浙江錢糧甚無頭緒。故先將巡撫張勳更換。今亦欲易其藩司。頃召來原任刑部員外郎趙中喬人甚敬慎。委以錢糧。斷無苟且。著補授浙江布政使。又諭大學士等。各省錢糧。前曾以次蠲免。過二年。朕今欲蠲免江南明歲錢糧。江南係大省。錢糧繁多。爾等會同戶部定議。將各項應蠲錢糧。逐一察明具奏。今年十月。即頒上諭。則江南全省之民。庶可普沾實惠也。以左副都御史卓保大理寺卿希福。納翰林院侍讀學士傅紳俱為內閣學士。兼禮部

侍郎。調鑲藍旗滿洲副都統宗室諾羅布為正黃旗滿洲副都統。鑲藍旗蒙古副都統佟保為滿洲副都統。以一等侍衛翁俄里為鑲藍旗蒙古副都統。丙辰。

上詣

皇太后宮問安。工部議覆河道總督張鵬翮疏。請挑濬徐州所屬楊橫莊等處引河。應如所題。速行趙挑。從之。○丁巳。

上詣

皇太后宮問安。浙江布政使趙申喬陞辭。

上諭之曰。浙省財賦之區。自張鵬翮陞任之後。錢糧之事漸多。朦混。爾今至彼當秉公察核。能使庫帑不致虧空。小民不致

實錄卷一百一

甲

滋累。方不負朕委任之意。布政使為一省表率。若布政使清廉。則屬吏自皆守法矣。以多羅貝勒延壽為宗人府右宗正。以吏部右侍郎傅繼祖充經筵講官。陞陝西波羅營副將劉體義為興漢總兵官。戊午。

上詣

皇太后宮問安。直隸巡撫李光地奏。請修築永定河工。得旨。著動正項錢糧。及雨水未至時。速行修築。陞詹事府少詹事來道為詹事府詹事。光祿寺卿江藩為太常寺卿。青海厄魯特台吉戴青和碩齊察罕丹津率部歸附。封為多羅貝勒。

二月己未朔

上詣

皇太后宮問安

上巡幸畿甸命皇太子允初皇長子多羅直郡王允從

皇四子多羅貝勒 皇十三子胤祥隨駕是日啟行駐蹕南苑

陞戶部郎中岳蘭為都察院左副都御史盛京工部理事官杜容禪為大理寺卿翰林院侍講學士郎奇為光祿寺卿

議政大臣等議奏黑龍江將軍薩布素擅報兵丁數目

浮支倉穀應革職從之 吏科給事中馬士芳疏奏山東省

大計巡撫王國昌薦舉歷城縣知縣管承寵係其私人又徇

實錄卷三

五

庇溺職之長清縣知縣崔錫榮不行參奏湖廣省大計巡撫

年遐齡徇庇湖北布政使任風厚老病不行參奏得旨著王

國昌年遐齡各行明白回奏任風厚可著來京引見 庚申

上駐蹕李賢村 辛酉

上閱視永定河至清涼寺決口諭直隸巡撫李光地曰此河今

歲務必完工爾等可勉力為之 是日

上駐蹕永清縣蔡家營 壬戌

上自霸州苑家口登舟是日舟泊保定縣蘆屯 癸亥

御舟泊任邱縣趙北口 湖廣總督郭琇以疾乞休溫旨慰留

之 甲子

御舟泊新安縣郭里口 乙丑奉差打箭爐督師理藩院侍郎

滿丕四川提督唐希順疏報康熙三十九年十二月二十日

臣等分兵三路攻打箭爐殺蠻兵五千餘人斬磨西營官

吧昌側集烈及大崗營官龍送等得旨嘉獎下部議叙調

寧古塔將軍沙納海為黑龍江將軍陞奉天副都統宗室楊

福為寧古塔將軍 丁卯遣大學士熊賜履祭

先師孔子

御舟泊新安縣段村 陞正黃旗滿洲副都統宗室鄂飛為漢

軍都統 河道總督張鵬翔疏言臣按南河志清口至淮安

建有五閘遞相啟閉以防黃河之淤又慮水發湍急難於啟

實錄卷三

六

閉則築壩以遏之每歲糧艘過盡即於閘外築壩以遏橫流

一應船隻俱暫行盤壩則是伏秋水發黃水倒灌自古已然

故建閘築壩以防淤墊之患今運河初濬俟清水衝刷使深

河底尺寸既定方可建閘茲清水雖已出黃轉盼桃伏秋汛

繼至節宣之道豫防之法不可不急為籌也今於張福口裴

家場中間開大引河一道并力敵黃但黃水會合眾流來自

萬里頻年河身墊高勢大而力強淮水止發源相迫迄今方

出清口一半敵黃又一半濟運終慮力分而勢弱故蓄高家

堰之水以助其勢幸而黃水不大發尚足以敵之若遇黃水

大發在糧船正行之際將裴家場引河口門暫閉引清水由

三汊河至文華寺入運河以濟漕運。倘運河水大山陽一帶由涇澗二河洩水寶應一帶由于嬰溝洩水俱歸射陽湖入海高郵一帶仍由城南柏家墩二大壩洩水江都一帶由入字河鳳凰橋等河洩水入江若過黃淮並漲清水由翟家壩天然滾水壩洩水黃水由王家營減水壩洩入鹽河至平旺河入海若糧艘過完黃水大發則閉攔黃壩使不得倒灌且可以刷深黃河若黃水不大發將運河頭壩堵塞令清水全入黃河以資衝刷一切官民船隻照例盤壩俟回空糧船到日方啟止留三汊河清水仍由文華寺入運河即古人設天妃閘於糧船過後閉閘築壩之意也得旨所奏已得河工秘

實錄卷三

*

要著九卿詹事科道會同速議具奏○大計天下各官卓異

官三十五員貪酷官四十四員不謹官五十三員罷軟官二十二員才力不及官五十二員浮躁官三十員年老官六十一員有疾官五十六員分別陞賞處分如例喀爾喀固山

貝子阿海成本故遣官致祭戊辰祭

大社

大稷遠理藩院尚書哈雅爾圖行禮己巳

孝康章皇后忌辰遣官祭

孝陵

御舟泊任邱縣園頭村○庚午春分朝

目於東郊遣都察院左都御史安布祿行禮工部議覆先刑科給事中陳詵條奏自天妃閘至淮安共有五閘必復天妃閘然後淮水可出又請新舊中河應多建閘座重運來時節次啟閉重運過後勿令常開遵旨行文河道總督張鵬翮議奏今張鵬翮回奏臣查五閘之中惟當酌復天妃閘以防黃水內灌龍王寶應二閘拆修下板蓄水濟運又中河照舊啟壩需費頗多不若於河頭尾各建石閘一座以時啟閉又於新中河孫家集以上修石閘一座如遇大水洩入鹽河皆應如所請從之○辛未

御舟泊趙北口○壬申

實錄卷三

八

御舟泊霸州蘇家橋○癸酉

御舟泊霸州唐二堡○諭直隸巡撫李光地朕歷年省耕畿甸咨訪民隱屢行蠲賑加惠黎元近見霸州大城文安地居窪下被水最甚雖遇豐年民猶艱食其三州縣累年積逋及本年應徵地丁正項內應蠲米穀錢糧爾即察明豁免所免數目仍行題報務使各處窮民咸沾實惠如有勢豪土棍包攬侵冒不肖有司聽胥吏作弊指富作貧假捏災傷以致澤不下究爾據實題奏關於民困獲蘇以副朕愛養軫恤之意陞福建巡海道甘國基為河南按察使司按察使甲戌上閱子牙河

御舟泊關大樓 乙亥

御舟泊武清縣王慶陀 丙子

上閱柳岔口登新築堤諭直隸巡撫李光地等曰永定河每年當水涸之時河道既枯必至於平此甚難治朕思得一善策倘得引入清水以衝刷濁水之河底則水自深矣朕回鑾時另頒諭旨

御舟泊武清縣羅米店 丁丑遣官祭

先農之神

御舟泊武清縣河西務 先是直隸巡撫李光地疏奏王新命等修河錢糧並無著落

實錄卷五

九

上命內閣學士法良吏部侍郎徐秉義同往察核至是法良等覆奏察勘永定河挑挖新河工程錢糧不清王新命朦混虧空得旨王新命白碩色等著拏付吏刑工三部嚴加議處 戊寅

御舟泊通州郭縣 工部左侍郎顧藻請假遷葬乞之 己卯

御舟泊通州 庚辰

上回宮詣

皇太后宮問安 兵部議覆天津總兵官潘育龍疏言通州迤南漕運孔道該副將共轄十三營其相距遠處難於統束應將漸縣香河楊村三營守備裁去將務關營遊擊改為參將

設中軍守備一員千總二員把總六員除本營現有一千總外添設千總一員即將漸縣香河楊村三營原設把總五員歸并務關一營再寶坻營守備把總亦令務關營參將統轄至崔黃營守備把總現係涿州營參將管轄但去涿州營二百四十餘里離務關止五十餘里亦應歸并務關營應如所請從之 九卿等遵旨議覆河道總督張鵬翔疏節宣運河水勢應於張福口裴家場中間開引河一道并力敵黃再蓄高家堰之水以助衝刷若黃水大發在糧艘正行之時將裴家場引河口門暫閉引清水由三汊河至文華寺入運河以濟運若在糧艘過完之後即堵塞攔黃壩使不得倒灌應如所請

實錄卷五

十

上諭大學士等曰前者朕曾以此事諭于成龍于成龍並未遵旨挑濬今觀張鵬翔所奏甚是悉與前旨相符著照所請行 辛巳

上奉

皇太后幸暢春園 壬午遣官祭

歷代帝王

上詣

皇太后宮問安 陞護軍參領鄂繕為鑲黃旗蒙古副都統調正黃旗漢軍副都統沙賴為滿洲副都統陞護軍參領車納

福為正黃旗漢軍副都統以廣東瓊州總兵官唐光堯為鑲
白旗漢軍副都統陞護軍叅領阿爾圖為奉天副都統癸
未以翰林院檢討傅森充日講起居注官甲申

孝昭皇后忌辰遣官祭

陵

上詣

皇太后宮問安乙酉清明節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵丙戌轉工部右侍郎喻成龍為左侍郎陞翰林

院侍讀學士許汝霖為工部右侍郎江西巡撫馬如龍以

老病乞休

上諭大學士等曰馬如龍雖年老居官尚好著行文總督阿山

問彼病勢如何及能否辦事具奏無事之時督撫之任仍宜

漢人若漢軍費用太多於民無益唯有緊要事辦理敏速則

漢軍所優也然如張鵬翔李光地居官更有何議張鵬翔自
到河工在署之日甚少每日乘馬巡視堤岸不憚勞苦彭鵬
人材亦甚壯健任三河縣時但聞有賊即帶刀乘馬親往擒
拏毫無畏懼朕皆深知之四川提督唐希順疏報正月十
三日臣抵打箭爐有商民喇嘛番民等歸順又有木鴉頭目
錯玉端柱等首先歸順今來附者共一萬二千餘戶賞給銀
幣鞍馬令其各回安業下部知之唐希順又疏叅化林營
叅將李麟進兵打箭爐之時規避畏縮違誤軍機又前於昭
莫多與噶爾丹對敵時以無甲推諉不戰

上諭大學士等曰李麟人材壯健馬步射俱優係朕簡用之人

打箭爐未復之前李麟曾呈報總督席爾達云應分兵三路

進取打箭爐席爾達據以具奏今載在打箭爐捷書內甚明

今唐希順題叅李麟於進攻打箭爐時規避誤機又追言康

熙三十五年昭莫多對敵時李麟以無甲自諉不前向與

公費揚古同往西路出兵者其內並未聞有無甲不戰之人

豈有已經遇敵以無甲自諉而不戰之理原任提督李鎮鼎

與唐希順素不相能李麟或係李鎮鼎提拔之人或與李鎮

鼎有關親誼以是挾仇題叅亦未可定李麟不必等問著交

與總督席爾達察議具奏丁亥

上自暢春園回宮丙申江西按察使佟國勳為雲南布政使司

布政使 命廣西巡撫蕭永藻來京陛見

三月戊子朔

上御經筵講畢賜大學士九卿詹事及講官等宴 庚寅

上幸暢春園 辛卯

上詣

皇太后宮問安 壬辰陞湖北按察使高緝睿為福建布政使司布政使 癸巳

上詣

皇太后宮問安 甲午陞大理寺少卿袁克佩為光祿寺卿

丁酉

書纂卷三

上

上詣

皇太后宮問安。○禮部議覆河道總督張鵬翮請將

上諭治河事宜敕下史館纂集成書永遠遵守應如所請

上諭大學士等曰朕以河工緊要凡前代有關河務之書無不

披閱大約泛論則易而實行則難河性無定豈可執一法以

治之惟委任得人相其機宜而變通行之方有益耳今不計

所言所行後果有效與否即編輯成書欲令後人遵守不但

後人難以倣行揆之已心亦難自信且今之河工雖漸有成

緒尚未底績果如撲滅三逆蕩平噶爾丹之灼有成功允宜

勒之於書垂示後世今河工尚未告竣遽纂成書可乎纂書

之務且不必交翰林院即著張鵬翮編輯呈覽○又諭曰朕

聽政四十餘年凡條奏之事稍有私意斷不能欺朕馬士芳

等特不喜漢軍居督撫之任故將王國昌等俱行叅奏朕所

知之漢人數員已盡置外任今郭琇病甚欲慰一人代之尚

患不得果如張鵬翮李光地郭琇者能有幾人若云漢人內

人人皆優此亦不可原任福建巡撫官夢仁居官無狀朕問

李光地鄰省河南山東巡撫居官何如爾等有文移來往之

事必能知之李光地言河南巡撫徐潮居官甚優山東巡撫

王國昌雖無過人之才心性和平地方尚受其益果在地方

安靜即百姓之福矣○戊戌陞湖南按察使常名揚為安徽

書纂卷三

市

布政使司布政使○己亥以翰林院侍讀汪灝提督山西學

政○調福建海壇總兵官王起龍為廣東瓊州總兵官陞湖

廣黃岡副將傅春秀為福建海壇總兵官 工部議覆河道

總督張鵬翮疏言唐埂六壩堵閉全完惟洪澤湖水勢盛出

繞流武家墩此一帶至運口隄工必須作速加幫高厚又新

大墩至裴家場向無隄工應創築攔湖壩一道方可束水敵

黃灘運應如所請得旨依議施行 壬寅

上詣

皇太后宮問安 諭大學士等督撫奏銷錢糧疏內因銀數有

一兩不符及四兩不符者該部輒議駁回事甚微細必待往

來申奏然後改正殊覺多事嗣後錯悞十兩以內者部內行文改正不必議駁吏部題大理寺卿常與聖經筵失儀應照例罰俸得旨著以原品休致癸卯予故三等精奇尼哈番靖臧祭葬如例兵部議覆奉差山西陝西查驛戶部右侍郎溫達疏言臣遵旨查勘西陲驛站馬匹自大同府至保德州花馬池及肅州涼州西寧莊浪蘭州等處各驛馬匹除選擇膘肥善馳者烙印外其疲瘦者俱行文各該撫換補并令時加嚴察該管官侵蝕等弊立行革處應如所題從之

萬壽節停止行禮筵宴

遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵遣官祭真武東嶽城隍之神丁未陞正黃旗

蒙古副都統扎喇克圖為歸化城土默特都統戊申廣西

巡撫蕭永藻陞辭

上諭之曰彭鵬在廣西居官甚好爾可效彼所行爾前任廣東

巡撫時通省盜案甚多每一案內牽連數百人俱罹法網頃黎人之地又復有事如此爾居官果善豈致有此等事乎爾所薦人員亦無當者嗣後薦人其辦事優長等語皆不必言但當擇清廉者舉之居官既廉辦事自善即錢糧稍有未完百姓自為彼勉力急供也爾其識之命郎中馬爾漢等往喀爾喀教養諸蒙古等

上諭之曰喀爾喀蒙古其性無常且不知足爾等至彼慎勿多與之物取悅彼等遠冀朕知爾等豈有多物滿其願欲日後不繼反招其怨故始應節其施舉酌量行之至於教彼耕種亦甚緊要前此任事之人朕悉指訓爾等可一一問明加意

遵行可也○諭大學士等近見督撫內張鵬翮李光地郭琬

彭鵬華顯等居官最優阿山到任雖不冬居官亦甚善徐潮

自到河南聲名即爾茂著頃彭鵬薦知縣三人彭鵬所舉定皆良吏張鵬翮李光地皆不輕於薦人惟恐薦後或有不法

故甚鄭重之若于成龍則樂於薦人故常失之河道總督

張鵬翮以河工情形遣郎中王進楫奏聞

上召問良久諭大學士等曰今天下無事惟治河最要唐垓六

壩俱已堵塞去年夏秋時黃河水溢加之毛城舖之水復入

洪澤湖湖水較黃河畧高目下清水通洩雖於運艘有益今

歲桃花水發洪澤湖水已高三尺至秋夏時若水高至丈許

則高家堰隄深可危慮倘高家堰一有衝決淮揚一帶地方俱不可保其為患甚大且所修如許工程亦皆付之無用矣昔子成龍任總河時不塞唐埂六壩非無所見蓋慮此而不行今斷不可不慎加防護也復顧王進楫曰爾往諭張鵬翮高家堰隄須加意防守不可即謂工竣必歷夏秋至冬清水照常流通高家堰無事斯可云河工有濟耳（已酉）

上詣

皇太后宮問安 諭大學士等莽牛河之水著引入永定河可交分司等照此修治將此修治之處傳諭巡撫李光地前來視之（以護軍參領覺羅托羅科為

寶錄卷三

七

昭陵總管○壬子東閣大學士兼吏部尚書熊賜履以老病乞休慰留之（癸丑刑部等衙門議覆直隸巡撫李光地疏奏王新命白碩色修築永定河悞工擬王新命加號鞭責白碩色擬革職

上諭大學士等曰議者輕矣此事並非科道糾參及諸臣察奏俱朕親行目覩者倘嚴訊白碩色及赫碩滋等王新命實情自露王新命係革職之人朕復舉用所行尚猶如此於聲名職分俱為有玷其罪豈可輕擬乎白碩色雖無濟於事尚有建言之處王新命赫碩滋等若不置之重典嗣後誰勸誰懲議事諸臣甚屬徇庇本著發回再議 右衛將軍宗室費揚

固題請於右衛地方積貯米穀并請獻石青

上諭大學士等曰積貯米穀如所請行其石青不必進獻先是九卿遵旨議覆河道總督張鵬翮疏言河工官員三年保固請照臺灣例以應陞之缺即用應不准行得旨令張鵬翮將河工工程險易分別具奏至是張鵬翮分別工程險易仍請河官照臺灣例陞用

上諭大學士等曰據張鵬翮疏稱上險次險等工程但水性靡常倏爾變遷歲修工程或變為險要險要淤塞即變為歲修各官有實心効力者亦有隨眾塞責者豈可俱照臺灣之例一體叙用又言河員冒涉風濤與臺灣官員無異不知臺灣

寶錄卷三

六

官員三年即陞之例並非僅為風濤起見且河員現今俱係保題從優補授之人若照臺灣例叙用必致吏兵工三部條例俱要更改況河工練員同時陞去獨存新任之員於河工有無裨益之處未經議及今河員已歷二載其限三年自前到任之日扣算抑自今歲明歲扣算再過三年張鵬翮能保尚在河工否接任河臣焉知從前官員賢否乃欲將河員遽為陞用乎其不可行之故可一一諭令張鵬翮知之 陞浙江鹽運使李濤為廣西布政使司布政使 甲寅

上詣

皇太后宮問安（乙卯）

上自暢春園回宮。性江南提督學政太僕寺卿張泰交為大理寺卿仍提督學政。丙辰先是吏科給事中馬士芳疏參湖廣巡撫年遐齡徇庇市政使任風厚老病不入大計。至是年遐齡遵旨明白回奏。

上諭大學士等曰任風厚調來引見其年尚未衰老可以辦事。如爾諸臣俱係老年。坐而辦事必須老成歷練者方能得當。州縣官則不可。若道員以上必以年長者為佳。不惟此也。凡一省易一大吏一方百姓不能無累。外官惟以清廉為要。郭琇居官清廉而辦事和平。如任風厚果係不堪郭琇豈肯徇庇。任風厚仍赴原任。至於言官參奏不實。若皆交部議處嗣後誰復敢言。原參官馬士芳著免議。年遐齡奏疏知道了。先是刑科給事中湯右曾疏參廣東廣西總督石琳廣東提督殷化行等徇庇雷瓊道成泰慎遊擊詹伯參等縱兵至黎人地方擾害致生事端不行參奏至是石琳殷化行皆遵旨回奏引罪下部知之。

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四

康熙四十年辛巳夏四月戊午朔享

太廟

上親詣行禮

上率暢春園詣

皇太后宮問安○已未吏部題一等公彭春以病解送銷去二

次恩詔所得拖沙喇哈番餘三等公以其子曾壽襲替從之

○兵部議覆廣西巡撫彭鵬疏言粵西歷來武科應試人少

前撫臣請暫行停止今武生衆多請於壬午科仍開武科鄉

實錄卷二百四

試應如所請從之○庚申

上詣

皇太后宮問安○辛酉陞護軍叅領伊德渾為正黃旗蒙古副

都統○甲子命內閣學士錢齊保等往土默特教養諸蒙古

等

上諭之曰爾等至彼其蒙古作何教養必預為請旨俟朕指示

而行其盜賊之事亦係緊要爾等慎之諭大學士等朕前

命右衛西安兵丁撥往寧夏蘭州二處預備今右衛將軍宗

室費揚固疏言領兵行至鄂爾多斯馬匹羸瘦請照行軍例

給一月草料向者朕率師至寧夏時值二月隨行侍衛執事

人等及軍卒馬匹並未支給草料惟牧放往還而馬匹仍然肥壯今正值草青茂盛之時將軍費揚固請給喂馬草料殊屬不合今西陲絕無邊警應將撥往寧夏之右衛兵丁撤回其往蘭州之西安兵丁令於蘭州所屬有糧及青草茂盛處居住牧馬戶部議覆廣西巡撫彭鵬疏言舊例廣西採買熟鐵生銅解送京師康熙三十九年奉旨熟鐵已停解送今生銅亦請停解應不准行

上諭大學士等曰廣西路遙地險若令解送必致累民可如其所請折銀解部○又諭曰頃聞甘肅提督雷繼尊病故朕深為悼惜彼雖在任不久居官不下於孫思克今甘肅地方緊

實錄卷二百四

二

要固原提督李林威雖已年邁居官甚優其人材亦與孫思克相等著調補雷繼尊缺李林威缺著天津總兵官潘育龍陞補潘育龍缺著將浙江定海總兵官藍理調補刑部議船廠撥什庫雅木布凶惡健訟擬斬

上命侍衛武格前往諭曰爾去看斬雅木布自將軍以下至兵丁俱令擐甲跪接再傳旨與將軍副都統及衆官兵等船廠風俗甚壞爾等從此務期改過如再不悛改即與雅木布同罪矣驛站章京吳大慶主事喀代不守法度俱著重責革退旌表江南烈婦沈聖章妻王氏拒姦殞命給銀建坊如例○乙丑

上詣

皇太后宮問安。陞正藍旗漢軍副都統曹東桓為鑲白旗漢軍都統。戊辰湖廣總督郭琇疏言湖南常平倉穀舂米得二十萬石若收貯倉中必致朽爛請旨作何支用得旨此米著即撥給荊州兵餉。旌表鑲白旗烈婦戚色妻覺羅氏拒姦殞命給銀建坊如例。庚午刑部等衙門議覆王新命在永定河監修悞工浮冒銀一萬六千餘兩應擬斬監候赫碩滋係特差河工効力之人乃並不實意効力心口相違行事乖張應擬絞監候。白碩色係監修部臣不思剔除弊端應革去佐領枷號鞭責從之。○工部議覆河道總督張鵬翮疏報導旨堵閉六壩大閘清口引清水會黃入海今三月清水盛出敵黃有餘但六壩閉後全湖蓄水隄岸危險應再加蓄其天然滾水壩尚未開放欲其蓄水敵黃若湖水再長相機開放以保隄工清口水勢相連寬數百丈直繞大墩一帶隄工關係緊要令河官作速下埽加幫馬家港口門寬二十丈且留以洩溢漕之水俱應如所請從之。壬申

上詣

皇太后宮問安。甲戌

孝端文皇后忌辰遣官祭

昭陵○乙亥工部議覆河道總督張鵬翮疏言自索梨樹迤南

實錄卷二〇四

三

實錄卷二〇四

四

上詣

至秦家高岡一帶隄工前河臣于成龍等因六壩未閉水勢東注此處地勢稍高未經估計加幫今六壩全堵湖水驟長通隄既經加高此處反覺卑矮必須照六壩一律臨湖丁頭鑲柴以資捍禦應如所請從之。○吏部議覆荊州將軍莽奕祿疏言湖廣督撫駐劄省城與荊州相隔九百餘里凡大小軍需事件往返行文數日始達易致遲悞請以督撫內一員移駐荊州但督撫大員不便移動應將湖北按察使移駐荊州撥銀十萬常貯荊州庫內以備軍需得旨湖北按察使不必移駐荊州所撥銀兩著交與荊州駐劄道員管理。○丙子

皇太后宮問安。○刑部尚書王士正請假還葬

上諭大學士等曰山東人性多偏執好勝挾仇昔李之芳孫光祀王清其仇迄今未解惟王士正則無是也其作詩甚佳居家除讀書外別無他事若令回籍殊為可惜著給假五月不必開缺。○丁丑

上巡視永定河命皇太子允初

皇四子多羅貝勒、皇十三子胤祥隨駕自暢春園啟行是

日駐蹕鵝房村。予故鎮國公蘇爾發祭二次造墳立碑

陞山東登州副將施世驄為浙江定海總兵官。戊寅

上閱竹絡壩河道諭直隸巡撫李光地等曰此莽牛河出水之

口亦宜下埽防之隆冬冰結之時莽牛河口著照常開洩清水流於冰下則水為冰所逼向下衝刷河底自然愈深又聞新修石隄諭曰朕修此石隄特欲其堅而更堅之意如此則河水斷不復歸舊河此地黎民亦可安枕矣又聞竹絡壩迤東河道大灣諭曰此地正當頂衝甚為危險現今此處續修石隄尚未興工著速取南方運來杉木即下排椿及埽堅固修築又諭曰觀新挑河道水流既直出柳岔口亦順河岸較前甚高而河亦深此皆被莽牛河水衝刷之故閱其地勢南岸最為緊要故將應行堅修諸處詳行指示爾等勿謂已成而遂忽之○

實錄卷一百四

五

上駐蹕知子營○已卯

上自柳岔乘舟閱子牙河是日舟泊鄭莊庚辰

御舟泊子牙隄○辛巳

御舟回自子牙河泊出湖港禮部議覆衍聖公孔毓圻疏言

幸魯盛典告成請頒行天下又纂修官原任翰林院庶吉士

孫致彌効力一十六年請議叙俱應如所請從之壬午

御舟泊新莊○癸未

御舟泊河西務甲申

御舟泊張家灣是日登陸駐蹕通州陞山東青州道張聖猷

為雲南按察使司按察使乙酉

上回鑾至暢春園詣

皇太后宮問安旌表浙江烈女許氏幼齡拒暴完貞自盡給

銀建坊如例

五月丁亥朔

上詣

皇太后宮問安戊子諭大學士等自古帝王用人行政皆賴

大臣薦舉賢良盡事君之大義雖或薦舉偶有未當若為所

舉者因有賢吏之名遂力改所行始則有光於祖父中則奮

勵於功名終則不負其所舉斯即良吏也若始以賢而舉之

乃改行而為不肖既玷祖父之名復絕功名之路以致貽累

實錄卷一百四

六

於所舉斯則國家之大罪人也天下至大為人君者焉能人
人而識別之且官方賢否或操守清正或貪污不肖必難掩
於百姓必難逃於衆論其居官即此可以見矣倘所舉之人
居官皆善此乃實心為國無私之賢臣也所舉有善者有不
善者此其心雖為國特識鑒未到之故耳若所舉皆貪污行
私此則大玷為臣之義不可一日容於世者也辨別臧否以
鼓勵實行權在人主或居小吏時亦有善名及得志之後改
行者甚多此則焉能豫料既用而復疑之是故以知人為哲
以疑則勿用則勿疑為信自茲以後朕惟視其居官操守
清廉以為實據無庸豫為疑度也○陞王府長史余渾為正

藍旗漢軍副都統○工部議覆河道總督張鵬翮疏請加修龍門大壩石工應如所請得旨依議速行○已丑
仁孝皇后忌辰遣官祭

陵

上詣

皇太后宮問安○先是山東巡撫王國昌以大計徇私為吏科給事中馬士芳糾叅遵旨回奏下該部議至是吏部議覆馬士芳疏叅王國昌所薦歷城縣知縣管承寵為巡撫私人並無實據應無庸議其徇庇溺職之長清縣知縣崔錫榮該撫於大計典內不即題叅殊屬不合應將王國昌降一級准以

實錄卷二〇四

加級抵銷從之○庚寅工部議覆河道總督張鵬翮疏言黃淮交會水勢加長修防工程倍加緊要時家馬頭童家營陳家社龍潭口歪枝套辛家蕩邢家河馬家港等處隄壩應行幫築挑挖引河以及釘椿下埽又奏黃水漲發由王家營減水壩洩入鹽河至平旺河入海今鹽河淤塞作速乘時挑築俱應如所請從之○壬辰河道總督張鵬翮疏報遵諭挑濬下河引積水入海蝦鬚二溝為疏通要道先行挑挖於四月二十六日開放完工下部知之○癸巳兵部題黑龍江管水手執事官員缺以原任道員周昌等擬用

上諭大學士等曰黑龍江係罪人發配之所周昌等既因罪革

職又補烏喇地方終身不還似獲罪後復行遣發究抑殊甚著該部查八旗現任官內有情願効力者具奏定限五年內如無過犯而有効力之處議叙優陞始為允當○甲午工部議覆河道總督張鵬翮疏請加築高家堰清水潭月隄應如所請從之○丁酉

上詣

皇太后宮問安○戊戌禮部議覆河南道御史鄭惟孜疏言順天鄉試副榜額中二十六名請分定直隸生員字號內中十六名南北監四字號內各中五名又順天鄉試外簾停其開列本省教官將貢監出身之州縣等官開列會試外簾將

實錄卷二〇四

守部進士一併開列俱應如所請從之○工部議覆直隸巡撫李光地疏言永定河南北兩岸設河兵二千名原備險工搶修防護乃兵遇緊急率多逃竄及水緩工停則又坐食糜餉今應揀選八百名其餘一千二百名裁去餘餉一萬六千四百餘兩於工程緊急時雇募附近民夫充用應如所請從之○已亥遣官祭

關聖帝君○庚子

上自暢春園回宮○癸卯夏至祭

地於

方澤

上親詣行禮○甲辰

上幸暢春園○以原任山東按察使于嗣昌為浙江按察使司按察使○裁陝西興安州城守副將一員守備一員馬步兵三十名改設都司一員把總二員馬步兵三百名從署四川陝西總督尚書席爾達請也○丁未安徽巡撫高承爵奏報泗州等處皆被水災

上諭大學士等曰六壩堵塞其水必然注彼治東則西即被災兩方之民俱同一體朕閱河工時見高家堰之水較隄旁平地高三尺淮安之水較地高九尺今高家堰之水較地已高五尺總而計之水高於地已至一丈六七尺豈不可危今之

奏錄卷一百一十五

九

所恃者隄耳隄雖極堅安保無意外之虞若將高家堰之水稍為宣洩則清口之水如何能出今此隄倘能一二年不遇水潦得以堅固清口之水將浮湧之沙刷淨日久河底漸深方可無礙泗州盱眙被水之地今河道總督張鵬翮會同江南江西總督阿山親往詳勘前者堵塞高家堰六壩時朕慮堵塞之後泗州盱眙等處必被水淹曾諭九卿今六壩方開洪澤湖水泛溢泗州盱眙等處城郭田畝果被水災高家堰隄益覺危險朕為此時屢於懷萬一有異常風暴之事高家堰至於危險則揚州淮安等處皆被災朕日夜念此甚切憂懼高家堰隄作何保守堅固或另有修治善策著張鵬翮

陳奏著遣中書一員齎諭前往○戊申江南道御史張瓊疏

言西山碧雲寺後有前明太監魏忠賢之墓并碑二座乞賜仆毀從之○己酉以翰林院侍講王之樞提督雲南學政○陞浙江溫處道劉廷璣為江西按察使司按察使○庚戌上奉

皇太后自暢春園回宮○辛亥

上御太和殿視朝文武陞轉各官謝恩○諭大學士等御史杜之昂魏壽期所奏六本俱極冗長奏章字俱有定額此本逾格凡言事但期明晰如將無用文章闌入何益李光地張鵬翮凡有奏章俱極簡當其節畧大旨甚善今杜之昂欲將邵

奏錄卷一百一十六

十

雍後裔授為博士但數言可了若必將邵雍之賢一一舉出即十疏豈能盡之魏壽期所奏漢中府地方民生本極富庶自吳三桂反叛以來戶口逃散此言尤為悖謬彼處自明朝末年為流賊張獻忠屠戮殆盡自順治十七年至康熙十三年用兵始定歷年無幾則人民豈遽能生聚所奏俱著發還漢中府田糧之事魏壽期前任知縣時為何不報督撫至於奏將州縣官初任後祇許到省一次謁見總督巡撫若不時往來必至送禮及勒取之弊大約治道亦不在此內而大學士九卿外而督撫屬下之人豈俱不相往來若大臣無欲則屬下必廉豈關往來謁見之故也

上幸暢春園。壬子直隸巡撫李光地疏言承修永定河自郭家務至柳岔口開河築隄釘椿下埽七十餘里大城縣西隄椿埽工七十餘里又子牙河廣福樓新河至賈口等處兩岸隄工五十餘里雄縣水佔民隄未完工程二十餘里今俱已完工又接修永定河石隄之下椿工一百餘丈及大城南隄并河間獻縣之工俱可告竣下部知之。癸丑調鑲藍旗蒙古副都統翁俄里為鑲紅旗滿洲副都統鑲紅旗蒙古副都統孫珣為鑲藍旗蒙古副都統陞王府長史希思哈為鑲紅旗蒙古副都統。乙卯諭大學士等朕聞索岳爾濟山係名勝之山最為高大今巡幸塞外朕欲乘便一往視之。丙辰

實錄卷二百四

十二

上巡幸塞外命皇太子允初皇長子多羅直郡王允禔皇三子多羅貝勒允祉

皇四子多羅貝勒允禩皇八子多羅貝勒允禔皇十三子胤祥皇十四子允禔皇十五子允禔皇十六子允祿隨駕自暢春園啟行是日駐蹕昌平州文頭村吏部題三等伯海福故銷去三次恩詔所得拖沙喇哈番餘二等精奇尼哈番以其子齊復承襲從之

六月丁巳朔

上駐蹕延慶州岔道地方宣化總兵官尚宣等來朝戊午
上駐蹕沙城○已未

上駐蹕懷來縣○諭大學士等驛遞馬匹甚覺勞疲可諭坐臺筆帖式凡御遣奉差人員及京都差送物件人員往來俱書姓名并記其隨從騎馱之數報爾等知之倘有冒乘驛馬者指名題參庚申

上駐蹕宣化縣下花園辛酉

上駐蹕宣化府西門外壬戌

上駐蹕萬全縣下浦癸亥

上駐蹕西巴爾台喀爾喀和碩親王車妄扎卜和碩達爾漢親王諾內多羅郡王默爾根濟農古祿西希多羅郡王崑都崙博碩克圖滾卜四子部落達爾漢卓禮克圖郡王散濟扎

實錄卷二百四

十二

卜阿霸琥多羅郡王吳爾占噶喇卜等來朝○吏部兵部議覆湖廣總督郭琇疏言鎮寧鎮中軍遊擊守備永州鎮中軍遊擊守備靖五協中軍都司俱處苗地極邊遇有缺出聽提督選擇調補應如所請從之甲子諭領侍衛內大臣索額圖牧場之馬著大臣督理其侍衛人等自京師來之馬有疲瘦者令將牧場中肥馬換給之太僕寺驅來北馬為馬亦可給散護軍執事人等馱載至烏闌布通仍繳太僕寺聞乘官馬者有私將良馬留存以驚瘦之馬換繳嗣後凡給官馬將旗分姓名并馬毛色牝牡注檔存冊倘有倒斃者於馬首用印令其呈明倒斃之由記數回京送部查對諭喀爾喀

台吉等興安境內爾等數旗窮困已極。自噶爾丹之事以來。爾諸蒙古朕皆一體養贍。爾台吉內尚有無馬徒步者。身係台吉何至如此。爾蒙古等度日甚無成算。今將台吉內有馬一騎者給牝馬九有。二騎者給牝馬八有。三騎者給牝馬七有。四騎者給牝馬六有。五騎者給牝馬五有。無馬貧窮台吉皆給牝馬十其乳既可取食。所生馬駒又可各立生業。八年後將所給原數仍交牧場。其孳生之馬爾等善為畜養。令其蕃息。甚為有益。朕令爾等立業如此。倘仍難度日。雖彼蒼亦不能救爾也。○阿霸哈納台吉塔爾巴等來朝。○乙丑。蘇尼特多羅郡王垂基恭蘇隆等來朝。○丙寅。賜喀爾喀四子部落阿霸

書錄奉書

車

亥阿霸哈納蘇尼特王台吉等袍褂緞疋等物。○丁卯。

上駐蹕喀喇巴爾哈孫地方。○戊辰。阿祿科爾沁台吉鄂齊爾

圖等來朝。賜白金。○己巳。翁牛特多羅貝勒額爾德布鄂齊

爾喀拉車里克鎮國公奇他忒奈曼達爾漢郡王碩弟扎魯

特多羅貝勒畢立克土等來朝。賜馬牛有差。○鄂爾多斯多

羅郡王松阿喇布等來朝。賜袍褂緞疋等物。○辛未。吳喇忒

公鄂爾奔等來朝。賜袍褂緞疋等物。○癸酉。

上駐蹕鄂極爾庫布拉克地方。○蘇尼特台吉扎布阿霸哈納

台吉阿必達等來朝。賜袍褂緞疋等物。○甲戌。

上駐蹕烏闌拖羅海地方。○喀爾喀多羅貝勒羅卜臧扎魯特

多羅貝勒畢魯瓦等來朝。賜袍褂緞疋等物。○乙亥。

上駐蹕和來登弩斯台地方。○阿祿科爾沁多羅郡王楚依蒿

齊忒多羅郡王雅穆畢爾等來朝。賜袍褂緞疋等物。○丙子。

上駐蹕綏湖畢喇地方。○丁丑。諭大學士等。今日本章遲至。或

為山水所阻。或另有別故。著即命一善馳人往察之。并諭驛

站司官筆帖式等。本章所關雖重。倘山水驟發難渡。將其遲

悞之由報明。勿令輕渡。恐致有失。因山水驟發難渡。因而致

悞。非其罪也。○戊寅。

上駐蹕上都塔爾呼畢喇地方。○庚辰。

上駐蹕額爾屯色欽地方。○禮部議覆河南道御史杜之昂疏

言宋儒邵雍與周程張朱五子同功。五子俱有世襲博士。祈

敕部查邵雍嫡派子孫授為世襲博士。以承祀典。應如所請

從之。○壬午。

上駐蹕哈達河朔地方。○癸未。吏部題兵部尚書馬爾漢等不

擇肥馬撥給驛站。止將羸瘦馬匹撥給。應將尚書馬爾漢等

俱革職。

上諭大學士等曰。兵部堂官不盡心辦事。互相推諉。殊屬無恥。

馬爾漢布雅努俱著革職。留任効力。朱都納行止不端。不堪

任用。著革職。○甲申。

上駐蹕上都圖爾根宜扎爾交界地方。○喀喇沁輔國公善巴

喇錫克西克騰台吉齊巴克扎布阿祿科爾沁台吉額參翁
牛特台吉鄂齊爾等來朝賜袍褂緞疋等物乙酉
上駐蹕花拖羅海地方旌表浙江烈婦金子俊妻廖氏拒姦
被戮殞命完貞給銀建坊如例

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百四

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五

康熙四十年辛巳秋七月丙戌朔享

太廟遣領侍衛內大臣公鄂倫岱行禮

上駐蹕沙爾丹阿林地方翁牛特多羅杜楞郡王頒第敦漢

台吉垂札穆素等來朝俱賜袍褂緞疋等物丁亥領侍衛

內大臣公費揚古途間患病

上停鑾一日親往視疾賜御帳一又命大臣侍衛等時往視之

費揚古尋病篤賜鞍馬三匹散馬四匹銀五千兩蟒緞等物

遣內大臣侍衛等護送還家戊子

上駐蹕烏蘭布通地方己丑諭大學士等前總河于城龍具

疏欲將高家堰六壩堵塞蓄湖水以敵黃水疏通清口因遣

尚書范承勳等堵塞六壩此非張鵬翮到任之後始行堵塞

頃因巡撫高承爵題報泗州盱眙水災朕敕張鵬翮會同江

南總督阿山踏勘情形將泗州盱眙泛溢之水設法修治作

何賑濟蠲租令其奏聞又以洪澤湖水泛漲高家堰隄工恐

致危險若高家堰至於危險淮安揚州等處皆被淹沒高家

堰隄作何保守堅固更有何修治善策著張鵬翮陳奏乃張

鵬翮托病未往泗州盱眙復疏稱泗州盱眙水災自古已然

即六壩全開泗州等處亦被水災且六壩既閉之後水不東

注高郵寶應興化泰州山陽鹽城江都等州縣田地涸出民得耕種皆河伯效靈所致等語朕著張鵬翮會同阿山將泗州盱眙泛漲之水作何設法築隄幫修或賑或蠲俱有益於災黎並非欲開高家堰六壩救泗州盱眙之民而令淮揚百姓罹於水災也朕念黃河運河關係國計民生三次看閱河工屢次簡任河臣修築隄岸每歲不惜數百萬帑金夏月雨水時晝夜憂慮不時遣人看視凡被水之處截留漕米盡出倉糧賑濟總為拯救災黎豈止救泗州盱眙之災而淮安揚州等處百姓聽其罹災乎朕念四海一家凡來朝見者必細詢雨澤田禾見有居住賀蘭山後公雲木春來朝見朕問河

實錄卷五十五

西雨澤黃河水勢雲木春奏今歲自正月至六月滴雨未降黃河水消二丈有餘張鵬翮與衆河官乃謂清口水出皆賴河伯效靈伊等効力所致此實因黃河水小清口之水幸而得出並非伊等効力之所致也統一天下之主坐視災黎不為拯救有是理耶覽張鵬翮奏章昏瞶已極著將朕諭旨及張鵬翮所奏一併刻示於淮安揚州泗州盱眙等處令衆人觀看澤卜尊丹巴胡土克圖遣使津木巴札木薩爾來朝進貢 庚寅

上閱烏闌布通戰地畢駐蹕薩里克畢喇地方 辛卯
上駐蹕準高地方 壬辰

上駐蹕西喇穆倫地方○癸巳

上駐蹕格老畢喇地方○吏部議覆廣西道御史魏壽期疏言五城兵馬司指揮副指揮吏目等官俱有治民之責請照大宛二縣例將順天府屬之人迴避已選及候補者照品改授應如所請從之○授故奉國將軍扎爾博子基壽為奉恩將軍 甲午

上駐蹕默爾哲昂阿地方○巴林多羅郡王納木達克貝子吳爾占厄爾德尼和碩額駙吳爾濤阿霸垓多羅郡王扎木素奈曼台吉格勒爾等來朝賜袍褂緞疋等物○乙未
孝懿皇后忌辰遣官祭

實錄卷五十五

陵○

上駐蹕噶爾達斯台湯泉地方○丁酉

上駐蹕古爾班圖爾罕地方○烏朱穆泰和碩車臣親王色登敦多卜等來朝賜袍褂緞疋等物○己亥

上駐蹕恩都爾河朔○工部議覆江南道御史張瑗疏言京畿墊道大興宛平兩縣每年原有工價銀一萬餘兩支銷至五城所派夫役並無分毫工食乞將五城應墊之道統歸兩縣經理應如所請從之○庚子中元節遣官祭

永陵
福陵

昭陵。

暫安奉殿

孝陵

仁孝皇后

孝昭皇后

孝懿皇后陵

上駐蹕巴林和碩榮憲公主第○遣諸皇子至淑慧固倫長公

主墓奠酒○辛丑和碩榮憲公主進宴○諭大學士等項賀

蘭山後公雲木春奏西北亢旱寸草不生此被災蘭州等處

著總督席爾達親往會同巡撫將被災百姓錢糧停徵其作

何賑救之法確議具奏○癸卯。

上駐蹕郭爾爾果爾台喀喇烏蘇地方○喀爾喀車臣汗吳默赫

台吉三濟渣卜等來朝賜袍褂緞疋等物○以故三等阿思

哈尼哈番均色子金良襲職○甲辰

上駐蹕巴顏烏蘭地方○乙巳

上駐蹕綽諾木畢喇地方○丙午

上駐蹕鄂倫呼都克哈達河朔○予故三等伯海福祭葬如例

○丁未

上駐蹕哈奇爾畢喇地方○戊申

上駐蹕吉伯圖地方○己酉

上駐蹕格爾齊老地方○賜隨圍阿祿科爾沁台吉等銀緞有

差○庚戌

上駐蹕奎屯色欽地方○喀爾喀貝子丹津等來朝賜袍褂緞

疋等物○辛亥

上駐蹕巴顏哈達河朔○科爾沁和碩卓禮克圖親王巴特瑪

多羅額駙鄂齊爾等來朝賜袍褂緞疋等物○授故鎮國公

蘇爾發子塞勤為輔國公○壬子

上駐蹕額布爾崑都崙地方○科爾沁和碩端敏公主進宴○

癸丑

上駐蹕行宮○甲寅

上駐蹕拖賴噶察地方○科爾沁多羅冰圖郡王達達布多羅

郡王代布公安達席里等來朝賜袍褂緞疋等物○乙卯

上駐蹕郭爾爾畢喇地方○兵部議覆寧古塔將軍宗室楊福疏

言康熙三十四年白都納添設協領六員訓練席北卦爾察

今伊等已經移駐於盛京等處請將添設之協領六員裁去

應如所請得旨伊等俱由京師簡授者今裁缺回京候補不

得俸而有遷移家口之累著仍留協領之任遇佐領缺出可

以協領管佐領事

八月丙辰朔

上駐蹕準朱魯麻哈達河朔○丁巳遣大學士張英祭

先師孔子○

上駐蹕阿爾達爾畢喇地方○杜爾伯特貝子沙金札賴特貝子納遜等來朝賜袍褂緞疋等物○予故三等輔國將軍德倫祭葬如例○戊午祭

大社

大稷遣都察院左都御史安布祿行禮○

上駐蹕桂勒爾畢喇地方○盛京將軍固山貝子蘇努寧古塔將軍宗室楊福黑龍江將軍沙納海索倫總管覺羅阿圖等率其屬下官兵來朝○己未

上駐蹕海里雅斯台○庚申

實錄卷三十五

上駐蹕木西匣地方○辛酉

上駐蹕訥默爾痕哈爾巴哈圖交界地方○癸亥

上駐蹕湯泉○皇子允祜生○甲子

太宗文皇帝忌辰遣官祭

昭陵○

上駐蹕喀爾喀畢喇地方○乙丑

上幸索岳爾濟山諭大學士等此山形勢崇隆允稱名勝嗣後

此山禁止行圍○喀爾喀車臣汗吳默赫等進宴○丙寅

太祖高皇帝忌辰遣官祭

福陵○賜隨園科爾沁王貝勒貝子公台吉等以下官兵及索

倫總管副總管以下至撥什庫虞人等銀帛布疋等物○賜喀爾喀汗王貝子公台吉等及其兄弟妻子并所屬官員人等銀帛布疋等物有差○丁卯

上自喀爾喀畢喇回鑾踰湯泉十五里駐蹕○戶部議覆直隸巡撫李光地疏言青縣等處西翼四旗馬廠餘地原十八萬八千四百六十二晌有零令民認墾者止三萬二千十六晌有零其外有民偷墾鄰畝暫充為己業者其偷墾田畝中有見為水淹不可耕者會勘之時民人懼罪莫敢出名承認乞免其已往之罪招民承種於康熙四十年為始照則起科應如所請令該撫察核題奏從之○旌表直隸烈婦周文學妻李氏守志堅貞拒姦殞命給銀建坊如例○戊辰

實錄卷三十五

七

上駐蹕訥默爾痕地方○己巳

上駐蹕木西匣地方○庚午

上駐蹕海里雅斯台○辛未

上駐蹕桂勒爾畢喇地方○多羅平郡王納爾福薨予祭二次

造墳立碑謚曰悼○壬申

上駐蹕扣恩昂阿地方○吏部等衙門議覆奉差廣東審事禮部左侍郎凱音布等疏言廣東督撫平日不嚴約束文武官弁以致騷擾黎岐殊屬不合應將總督石琳巡撫蕭永藻各降二級調用提督殷化行降一級留任瓊州總兵官今調鎮

白旗漢軍副都統唐光堯降四級調用。俱應如所奏。得旨。唐光堯著革職。石琳蕭永藻著從寬降級留任。餘依議。○癸酉。

上駐蹕烏喀納畢喇地方。甲戌。

上駐蹕札堪朱魯閣地方。乙亥。

上駐蹕郭爾畢喇地方。丙子。秋分夕。

月於西郊。遣理藩院尚書哈雅爾圖行禮。○

上駐蹕阿齊蘭昂阿地方。丁丑。

上駐蹕阿祿崑都崙之鄂倫哈達河朔。○科爾沁和碩達爾漢親王額駙班第等進宴。○琉球國貢使毛得範於浙江錢塘縣病故。予祭一次。○戊寅。

宣統元年

八

宣統元年

九

上駐蹕阿祿崑都崙之烏蘭哈達地方。○諭大學士等。張鵬翮奏稱陶莊開濬引河。黃河水向北岸。黃河既流向北岸。則距清口甚遠。乘此時自挑水壩。起加長增寬。修築隄岸。令過清口。使黃河清口之水儘向下流。再匯合為一處。則黃河之水可永無倒灌之患。朕前曾面諭于成龍。今河工官員內想亦有知之者。令張鵬翮將此故問明。詳確定議。奏聞。其修隄所需錢糧。即為估計。所修之處。速繪圖呈覽。毋忽。已卯。

上駐蹕達喇爾畢喇地方。庚辰。

上駐蹕和奇爾畢喇地方。辛巳。

上駐蹕烏囊吉喀布齊魯昂阿地方。○諭大學士等。察哈爾官

兵協濟驛站為日久。殊為勞苦。令各從本驛回家。其駝馬倒斃者。總管等查奏。直隸巡撫李光地疏言。八旗馬廠餘地。西翼四旗。業經題報。其東翼四旗。馬廠餘地。坐落天津等處。除釀鹵不堪無人認墾外。現在認墾八萬一千七百十八畝。康熙四十年為始。照例起科。其餘召墾續報。下部知之。

○壬午。

上駐蹕特門呼朱地方。甲申。

上駐蹕綽諾木畢喇之馬尼圖地方。○

上行圍。發矢穿兩黃羊。并射斷拉哈里木。時近御巴林台吉阿喇布坦。科爾沁台吉吳爾圖納素圖等無不驚異。手持斷木。

宣統元年

九

奏曰。即鳥鎗亦不能穿兩羊。並拉哈里木。我等自幼從未經見如此射法。

上曰。此亦借黃羊跳躍之勢。故射穿耳。○賜隨圍喀喇沁王扎什子塞楞等屬下官兵銀幣有差。

九月。乙酉朔。

上駐蹕巴顏烏蘭地方。○予故領侍衛內大臣一等公費揚古祭葬。加祭三次。謚襄壯。丙戌。

上駐蹕郭爾果爾台之喀喇烏蘇地方。○賜隨圍察哈爾官兵銀幣。○賜牧放牛羊首領以下及牧場蒙古等銀幣有差。

丁亥。

上駐蹕巴林和碩榮憲公主第

上詣淑慧固倫長公主墓奠酒復遣直郡王允禔致祭 己丑

上駐蹕西喇穆倫地方 庚寅

上駐蹕喀喇烏蘇地方 都察院左僉都御史王材任疏叅安

徽巡撫高承爵前任廣東巡撫親母病故希圖戀職經科道

公本題叅派修高良澗大壩侵扣銀八千兩見經河臣張鵬

翮題叅到安慶任每縣派鋪設銀二百零五兩節禮加倍又

聲言不時叅官州縣那帑餽送以致虧空藩司詳充典史每

名索銀一千兩府州縣署印必滿其欲始允委署又索詐各

屬俱令將驛馬調赴安慶驗看得旨著高承爵明白回奏

以湖廣故容美宣慰使田慶年子田暢如襲職 以正黃旗

蒙古都統輔國公齊克塔哈為鑲黃旗領侍衛內大臣 辛

卯

上駐蹕伊納漢地方 壬辰

上駐蹕照山阿林地方 癸巳

上駐蹕英額畢喇地方 免陝西隴西等十二州縣臨洮等七

衛所本年分旱災額賦有差 甲午

上駐蹕齊老營地方 乙未遣官祭

歷代帝王 遣官祭城隍之神

上駐蹕庫勒圖營地方 丙申

上駐蹕克勒畢喇地方 丁酉

上駐蹕拜布哈昂阿地方 戊戌

上駐蹕喀布齊魯地方 己亥

上過唐三營五里許駐蹕 正白旗領侍衛內大臣伯阿席坦

緣圍場不整命革領侍衛內大臣職以散秩大臣行走 庚

子

上駐蹕博洛和屯 陞江蘇按察使佟毓秀為廣東布政使司

布政使 辛丑

上駐蹕富爾堅嘴山 和碩簡親王雅布在喇嘛洞地方薨命

內務府郎中佛葆監造棺槨料理喪事遣領侍衛內大臣公

福善散秩大臣阿席坦送還京師至日遣皇長子允禔皇三

子允祉出迎賜銀四千兩建造墳塋又諭皇長子允禔皇三

子允祉合助銀三千兩發引時遣皇長子允禔皇三子允祉

侍衛海青五格往送 壬寅

上駐蹕喇嘛洞 癸卯

上駐蹕三岔口 琉球國王尚貞遣陪臣鄭職臣等進貢宴

如例 甲辰

上駐蹕密雲縣 乙巳

上回宮詣

皇太后宮問安 丙午以正黃旗滿洲都統侯巴渾德為正白

旗領侍衛內大臣 免江南桃源縣本年分水災額賦有差

丁未

上諭

皇太后宮問安 陞內閣學士兼管翰林院掌院學士事法良

為兵部左侍郎仍兼管翰林院掌院事 陞直隸石匣副將

孟大志為貴州威寧總兵官 戊申正黃旗領侍衛內大臣

索額圖以老乞休允之 陞護軍參領克齊為江寧副都統

以故湖廣茅岡安撫使覃聲極子覃純襲職 庚戌

上御經筵講畢賜大學士九卿詹事及講官等宴 太子太傅

禮部尚書保和殿大學士王熙以衰病乞休溫旨慰諭命以

實錄卷百五

上

原官致仕 辛亥

孝慈高皇后忌辰遣官祭

福陵 予故原任工部侍郎顧藻祭葬如例 壬子諭大學士

等朕凡用人皆諮詢諸大臣而後用於諸大臣不信將誰信

耶朕聽政四十餘年觀爾諸臣保奏皆各為其黨爾等致位

宰輔皆有可否人材之責朕凡咨訪人材當以實對若惟恐

結怨不行陳奏何以責人耶 陞正黃旗滿洲副都統宗室

諾羅布為蒙古都統調正黃旗漢軍都統宗室鄂飛為滿洲

都統陞正黃旗護軍統領尚祝為漢軍都統仍兼管護軍統

領事鑲紅旗滿洲副都統達佳為鑲藍旗護軍統領 癸丑

諭大學士等原任大學士王熙係

世祖章皇帝舊臣効力年久著加少傅故大學士阿蘭泰亦加

少傅追贈少保 陞廣東肇高廉羅道李華之為湖北按察

使司按察使 予故都統署甘肅提督事雷繼尊祭葬謚敏

愍 免廣東南海等七縣衛本年分水災額賦有差 以正

藍旗蒙古都統公阿靈阿為正白旗領侍衛內大臣鑲藍旗

滿洲都統伯心裕為正黃旗領侍衛內大臣 厄魯特策安

阿喇布坦遵旨解噶爾丹之女鍾齊海到京命與噶爾丹之

子塞卜騰巴爾珠爾同居授塞卜騰巴爾珠爾等侍衛以

鍾齊海婚配二等侍衛沙克都爾咸令得所 陞太僕寺少

實錄卷百五

上

卿張睿為光祿寺卿

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五

實錄卷二百五

五

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百六

康熙四十年辛巳冬十月甲寅朔享

太廟

上親詣行禮○遣官祭

永陵

福陵

昭陵

暫安奉殿。

孝陵。

仁孝皇后。

孝昭皇后。

孝懿皇后陵○頒康熙四十一年時憲歷○諭兵部前行圍時

領侍衛內大臣鄉導頭目瓜爾察奏報道里不實著革職都

統魯伯黑係瓜爾察近族瓜爾察凡事皆與商議魯伯黑為

人傲慢亦著革職○乙卯以修理永定河工加原任雲南貴

州總督王繼文兵部尚書銜○陞詹事府少詹事為內閣學士兼

禮部侍郎○以原任工部右侍郎吳赫為正黃旗蒙古副都

統三等侯施世范為鑲白旗漢軍副都統○吏部題本部司

官內陞外轉

實錄卷二百六

一

上諭大學士等曰科道官條陳諸事及知縣行取者補授科道官引見時朕得以知悉若吏部司官朕並不識認亦不知其辦事何如憑何陞轉此例可停止○丙辰

皇太后聖壽節

上率諸王貝勒貝子內大臣大學士侍衛等行禮遵

懿旨停止筵宴○丁巳免江南泗州盱眙五河三州縣泗州衛

本年分水災額賦及久淹田地歷年地丁錢糧○戊午

上御太和殿視朝文武陞轉各官謝恩○免河南水城縣本年

分旱災額賦○調正白旗蒙古都統兼護軍統領宗室特克

新為鑲黃旗滿洲都統陞鑲白旗護軍統領圖為正白旗

實錄卷二〇六

上

蒙古都統正藍旗滿洲副都統瓦珥達為鑲白旗護軍統領

○己未命服闋大學士張玉書來京供職○諭戶部朕孜孜

圖治宵旰靡寧於民生疾苦時切軫念甘肅等處地方均近

邊陲土田瘠薄今年雨澤愆期由禾多有未獲間聞飢困朕

心深用惻惻已特敕該督撫等官將被災之處親行蠲賑令

其得所更念來歲青黃不接西土小民輸納維艱著將甘肅

巡撫所屬州縣衛所康熙四十一年分地丁錢糧通行豁免

地方有司務期切實奉行毋令官吏借端侵漁俾小民得均

沾實惠以副朕軫恤災黎至意○免廣東東安縣本年分水

災額賦○予故滿洲副都統關布察葬如例○陞鑲白旗漢

軍副都統佈爾賽為正藍旗蒙古都統○庚申

上詣

皇太后宮問安○大學士等遵旨查奏江南錢糧數目甚多宜

先蠲一半

上諭曰蠲免錢糧本欲令小民均沾實惠倘止蠲其半其半仍

用催科恐地方官員借此苛徵仍致累民若盡行蠲免官員

何由苛取於明年先蠲江蘇後一年再蠲安徽為當○陞江

南蘇松總兵官梁鼎為福建陸路提督○旌表福建烈婦林

國發妻鄭氏拒姦自盡給銀建坊如例○辛酉九卿等議覆

河道總督張鵬翮遵旨請將挑水壩加長修築令急溜趨向

實錄卷二〇六

上

北岸以絕倒灌之患應如所請

上諭大學士等曰河流難以預料今歲黃水甚小所以清水流

出甚易明年黃水能仍保其如此乎大約河工已漸次告成

但須過明年夏秋二汛便可無虞矣○又諭曰江南今歲豐

收河南山西山東初雖稍旱其後仍大收穫其各省朕雖不

時蠲免錢糧屢加恩恤而小民生計終屬艱難今見直隸旗

民雜處先雖稍有荒災而百姓尚不至甚困其北四府毫不

私派今年直隸又十分收成民間生計甚是豐足總之地方

大吏居官若好雨水又得調勻由禾自必豐收也○壬戌諭

大學士等李光地自授巡撫以來居官甚佳但所奏屬員母

多漢軍。不知人才優劣。實不分漢軍漢人。若以漢軍盡力。則見有一錢。不取如沈朝聘者。近見漢人惟護漢人。漢軍惟庇漢軍。皆非公道。沐為不取。今春科臣馬士芳題。參山東巡撫王國昌人甚不服。近御史王材任。參安徽巡撫高承爵。則當高承爵任廣東巡撫時。甚不堪。今浙江布政使趙申喬。居官甚清。赴任時。所有家人僅十三人。幕賓亦無。每日辦事。皆係親筆。錢糧悉自己監收。火耗分釐不取。趙申喬。陛辭時。奏言。到任。不做好官。請無以常例治罪。竟治重典等語。今觀其居官果優。誠能踐其言矣。○陞王府長史宗室札爾圖。為正黃旗滿洲副都統。參領富寧安。為鑲紅旗滿洲副都統。○癸亥。諭

實錄卷一百六

四

戶部。朕惟帝王。致治裕民為先。免賦蠲租。實為要務。朕宵旰憂勤。咨求民瘼。四方利病。未嘗少釋於懷。矧江蘇等處。地方尤為財賦重地。朕比年巡幸東南。目擊民艱。多方軫恤。令其安。猶恐有司奉行不力。德澤未盡下究。民生罕遂。康阜莫登。茲將江蘇巡撫所屬州縣等處。除漕項外。康熙四十一年地丁錢糧。盡行蠲免。地方有司。務期實意奉行。使閭閻窮黎。均沾實惠。庶幾民生樂利。豐裕可期。倘不肖官吏。陽奉陰違。私立名色。借端科派。恣行侵剝。負朕愛養生民至意。事發定行正法。決不姑貸。爾部即遵諭行。○甲子。諭大學士等。議政大臣。內向不用侍郎。及前鋒統領。護軍統領等員。今將伊等

職名。一并開列具奏。朕將酌量簡用。尋大學士等遵旨開列職名具奏。得旨。前鋒統領吳達禪。護軍統領達倭。吏部左侍郎傅繼祖。戶部右侍郎溫達。兵部左侍郎法良。工部左侍郎敦拜。俱著為議政大臣。○丁卯。

上詣

皇太后宮問安。○戊辰。署四川陝西總督。吏部尚書席爾達疏言。甘肅巡撫喀拜。報被災地方。自西和至隴西等州縣。臣等已遵旨賑濟。請緩徵明年額賦。

上諭大學士等曰。地方被災。應即題報。預籌救賑之策。甘肅被災首姓流散。喀拜竟不題報。朕巡幸邊外。賀蘭山後。公雲木

實錄卷一百六

上

春來朝。逐一詳詢。雲木春陳奏。朕方得悉。倘朕不詢雲木春。即遣人採訪。彼亦隱匿不奏矣。喀拜著交九卿嚴察議處具奏。甘肅所屬康熙四十一年地丁錢糧。盡行豁免。已有旨了。尋九卿議覆。喀拜應降三級調用。得旨。喀拜著革職。○諭兵部。四川地方緊要。提督唐希順患病。難以供職。此員缺著原任四川提督岳昇龍補授。○己巳。大學士等以湖南按察使員缺。將九卿保舉道員施世綸等。摺入奏。

上諭漢大學士等曰。施世綸朕深知之。其操守果廉。但遇事偏執。百姓與生員訟。彼必庇護百姓。生員與縉紳訟。彼必庇護生員。夫處事唯求得中。豈可偏私。如施世綸者。委以錢穀之

事則相宜耳○陞江南蘇松道王禔為江蘇按察使司按察使湖廣衡永郴道董廷恩為湖南按察使司按察使○和碩簡親王雅布薨○年終葬立碑謚曰修○陞鑲白旗蒙古副都統宗室塞伯禮為正白旗護軍統領調鑲黃旗滿洲副都統伐喀為鑲白旗蒙古副都統以鑾儀衛鑾儀使隆科多為鑲白旗漢軍副都統○辛未

上詣

皇太后宮問安○山西道御史靳讓條奏凡為州縣者須令百姓家給人足野無荒畝方為良吏

上諭大學士等曰朕御極四十年惟冀天下黎庶盡獲安全邊

實錄卷一百六

六

疆無事果如靳讓所言必令海宇生民家給人足不致一人飢餓此非朕所可必者今李光地張鵬翮趙申喬等皆以居官優長見用之人誠如所言此輩皆不足為良吏矣靳讓亦不過徒為空言耳曩者錢珏衛既齊亦曾為此大言及後用至大吏皆不能自踐其語品亦不端大言又何益哉靳讓曾為縣令其在任所行能如是乎通州驛馬事繁著調靳讓為通州知州彼果能如其所言朕即起用之其通州知州祖應世著巡撫李光地調用別地○免陝西伏羌縣本年分旱災額賦有差○調正紅旗蒙古都統鎮國公普奇為鑲藍旗滿洲都統陞鑲紅旗護軍統領孫達齊為正紅旗蒙古都統仍兼

管護軍統領事○壬申先是

上諭大學士等襲職之人如有殘疾將其職另襲但殘疾者不准承襲無以養贍其先立功之人亦屬可憫嗣後應襲之人雖有殘疾仍令襲職但不與食俸止給每月錢糧俟其子孫應襲之年再令承襲若無子孫俟其本身身故後始准另襲則公差無誤其先立功之人亦得沾恩該部詳議至是吏部遵旨議覆嗣後八旗世職如係本身効力所得者身故後應襲之人雖有殘疾仍令承襲每月支給錢糧襲職後或生子或又有應襲之人俟其年長可以供職時始與襲替支給全俸從之○陞禮部左侍郎凱音布為戶部尚書禮部右侍郎席哈納為禮部尚書以原任工部左侍郎羅察為禮部右侍郎陞內閣學士邵穆布為禮部左侍郎○命署四川陝西總督事吏部尚書席爾達回部辦事以陝西巡撫覺羅華顯為四川陝西總督以原任山西布政使齊世武為陝西巡撫○兵部等衙門議覆貴州巡撫王燕疏言黔省熟苗為盜與生苗潛入內地行劫者不同其文武官弁處分請照漢民為盜之例嗣後應將生苗為盜地方官仍照苗蠻侵害地方舊例處分若熟苗為盜地方官不行緝獲及隱諱者俱照民人為盜之例議處從之○癸酉

上奉

皇太后幸暢春園○經筵講官文華殿大學士兼禮部尚書張蔭桓以衰病乞休。溫旨慰諭命以原官致仕○丁丑。

上詣

皇太后宮問安○戊寅諭大學士等直省地方料理事務必須簡任賢能。可移文總督郭琇張鵬翮桑額華顯巡撫彭鵬李光地徐潮凡伊等所屬道員以下知縣以上官員有實心惠愛民生居官清廉者。雖有累降罰俱不必論。著各具摺開送內閣。其別省官員內有伊等所灼知者。即越省亦著列名奏聞○安徽巡撫高承爵遵旨回奏。臣向曾奏藩司張四教今僉都御史王材任劾臣之疏。皆張四教藩司時文卷內所有之事。其日月亦絲毫不爽。明係通同排陷。難逃聖鑒。疏入下部察議。尋部議覆。應交河道總督張鵬翮漕運總督桑額會勘。得旨高承爵著解任。該督等審明具奏○庚辰陞少詹事常授為內閣學士。兼禮部侍郎。監察御史賴都為額外內閣學士。兼禮部侍郎○調正白旗蒙古副都統伐喀鑲白旗蒙古副都統鄂繕俱為鑲白旗滿洲副都統。鑲黃旗蒙古副都統屠克善為正藍旗滿洲副都統。陞護軍參領桑阿禮為鑲黃旗蒙古副都統。白起為正白旗蒙古副都統。達爾古為鑲白旗蒙古副都統○旌表山東烈婦馮得振妻李氏拒姦殞命。給銀建坊如例○壬午命多羅安郡王馬爾渾

總理宗人府事○免陝西隴西縣本年分電災額賦有差○癸未以故多羅平悼郡王訥爾福子訥爾素襲封多羅平郡王○陞江西督糧道鄭煜為廣西按察使司按察使○喀爾喀土謝圖汗遣使進九白年貢宴春如例十一月甲申朔

上詣

皇太后宮問安○都察院左副都御史壽鼐岳蘭俱以年老乞休。允之○丁亥

上奉

皇太后自暢春園回宮○戊子。

上以大閘幸南苑○庚寅免陝西蘭州狄道縣臨洮衛本年分旱災額賦十之三○辛卯免直隸廣平縣本年分水災額賦有差○直隸巡撫李光地疏言奉旨漳河之水須令永遠分流。若并歸運河則於漕道有妨。并歸子牙河則民田受害。臣查漳河見分為四支。三支歸運河。一支歸淀。其三支頗弱。歸淀一支獨強。約其三支水勢僅可敵一支。如遇水大時。常用挑水壩等法使水分流。北不至挾滹沱以侵田。南不至合衛河以害運。得旨如所請行○壬辰大閱於南苑西紅門內列八旗為三陣。設兩翼殿後軍

上躬擐甲胄。偏閱軍容。御黃幄。軍中鳴螺擊鼓。諸隊並進。金鳴

衆止。如是者九。第十次鎗砲齊發。既畢。收軍歸陣。隊伍整肅。旌幟奪目。來朝之喀爾喀扎薩克圖汗。官員勒等皆相顧驚。懾奏曰。

天朝之兵整齊精銳如是。誠亙古未有也。聞畢。

上擐甲騎射。又命樹侯親射二次。皆中。又命十五善射及硬弓侍衛等射。射畢。

上回行宮。○癸巳。命吏部右侍郎徐秉義充經筵講官。○甲午。上自南苑回宮。○諭大學士等。歲內秋審重案。朕皆一一詳閱。其字句錯悞處甚多。此皆人命案件。關係最重。即一字一旬不可錯悞。乃九卿等自七月至今。閱視數月。其字句錯悞處

實錄卷二〇六

十

並未看出一二。何也。此屬伊等專信。似此急忽。不加詳慎可乎。刑部刊此檔案。先不詳審。殊屬不合。著交都察院嚴察議奏。近部院事件亦多錯悞。朕凡事詳閱。即一字之訛亦為改正。嗣後汝等宜加敬慎。毋忽。○陞鴻臚寺少卿常舒。吏部郎中葉舒俱為都察院左副都御史。乙未。

上詣

皇太后宮問安。○丙申。免陝西靈州寧夏二所本年分旱災額賦有差。○丁酉。刑部等衙門會議倉場侍郎陶岱石文桂於遲悞漕糧一案。不將經紀勒索旗丁銀錢緣由。一并詳審具奏。應各降一級罰俸一年。

上諭大學士等曰。陶岱向署江南總督。聲名甚劣。既授倉場。仍不改前轍。非可任用之人。將陶岱降五級。隨旗行走。餘依議。○戊戌。

上御太和殿視朝。文武陞轉各官謝恩。○調陝西巡撫齊世武為甘肅巡撫。陞陝西布政使鄂海為陝西巡撫。○以吏部郎中柴廷望為貴州按察使。司僉事。提調學政。○庚子。

上詣

皇太后宮問安。○辛丑。大學士等以情實人犯六十三合請旨。上諭曰。此冊朕在宮中閱之。已數過。情罪無不周知。遂按冊一一言各犯姓名。或官或民。或兵某處人某旗佐領下人。緣某

實錄卷二〇六

十

事與閣臣商酌。勾者四十七人。○壬寅。

上詣

皇太后宮問安。○以正黃旗蒙古都統宗室諾羅布。兼管右翼前鋒統領事。○癸卯。厄魯特策妄阿喇布坦遣使進貢。宴賚如例。○甲辰。

上詣

皇太后宮問安。○丙午。冬至祀天於圓丘。遣皇太子允初行禮。遣官祭永陵。

福陵

昭陵

暫安奉殿

孝陵

仁孝皇后

孝昭皇后

孝懿皇后陵(丁未)

上率諸子文武大臣侍衛等詣

皇太后宮行冬至慶賀禮御殿王以下文武各官上表朝賀○

上詣

皇太后宮問安○

上謁

陵命皇太子允初

皇四子多羅貝勒皇十三子允祥皇十四子允禩隨駕是

日啟行駐蹕夏店○以原任甘肅布政使能泰為陝西布政

使司布政使○以刑部尚書傅臘塔審理漕船遲悞一案疎

畧不明命革職○予故輔國公富爾金祭葬立碑戊申

上駐蹕邦均(己酉)

上駐蹕馬伸橋(庚戌)

上詣

暫安奉殿

孝陵行禮奠酒舉哀畢次至

仁孝皇后

孝昭皇后

孝懿皇后陵奠酒舉哀是日

上駐蹕湯泉(旌表江南貞女何氏遂門弱質拒暴殞命給銀

建坊如例辛亥以左都御史安布祿為刑部尚書○陞內

閣學士辛保為倉場總督戶部右侍郎○壬子

上駐蹕遵化州城北○以喀爾喀故固山貝子成本弟拉布坦

襲爵○以明舒為太常寺卿

十二月癸丑朔

上駐蹕三屯營(甲寅)

上駐蹕灤陽○喀喇沁和碩額駙噶爾臧來朝乙卯

上出喜峯口駐蹕蒙子嶺(丙辰)

上駐蹕龍鬚門(丁巳)

上駐蹕唐壩爾(喀喇沁塔布囊革勒爾等來朝)戊午

上駐蹕雅圖溝地方(喀喇沁多羅郡王札什輔國公善巴喇

錫台吉諾木齊等來朝以工部左侍郎喻成龍為安徽巡

撫(調福建福寧總兵官李友臣為臺灣總兵官臺灣總兵

官張玉麒為福寧總兵官己未

上行圍射殪一虎是日駐蹕七溝（科爾沁達爾漢和碩親王額駙班第來朝 庚申）

上駐蹕三溝 辛酉

上駐蹕頭溝 和碩端靜公主來請安（壬戌）

上駐蹕雙黃寺（癸亥）

上行圍射殪一虎是日駐蹕喀喇和屯（甲子）

上駐蹕陳家溝 廣東巡撫彭鵬因雲南道御史王度昭疏奏遵旨明白回奏得旨朕於科道官員許其風聞入告者專為廣開言路使自督撫以下各官有一切事務任意妄為及貪劣害民者皆知所顧忌而警戒也科道官員糾參不實例有

實錄卷二〇六

五

處分又或言不合理及生事妄奏者外轉有之罷職亦有之至於被參之人具疏回奏止應辨晰是非不應支離牽引因彼一身被參而舉原參之父子兄弟親戚皆受指摘以逞報復則自此以後孰敢更糾一人頃會都御史王村任疏參安徽巡撫高承爵高承爵回奏疏內將王村任之父與其親戚妄意牽連又如御史錢瑤曾參原任巡撫穆爾賽在任貪婪及後錢瑤投山東巡撫其居官並無勝於穆爾賽之處他若此類者甚多彭鵬身為言官時亦曾參人茲為王度昭所劾理應止以切已之事剖晰奏明乃今許奏王度昭謂其曲庇親戚而其間所有風怨又未指出實據彭鵬雖操守清廉居

官亦善這回奏反復清陳辭氣不勝忿激凡在君上之前不應陳奏之言輒形於章疏粗戾已極著嚴飭行（乙丑）

上行圍射殪二豹是日駐蹕兩間房 丙寅

上駐蹕遼寧 丁卯

上駐蹕密雲縣 禮部尚書兼管翰林院掌院學士事韓蔭以衰病求解部務專理掌院事溫旨慰令照舊供職（轉工部右侍郎許汝霖為左侍郎以原任工部左侍郎李元振為工部右侍郎）陞江南淮揚道施世綸為湖南布政使司布政使○平改滿洲副都統阿南達祭葬如例（戊辰）

上駐蹕三家店 大學士等遵旨問吏部尚書席爾達前署四

實錄卷二〇六

五

川陝西總督審提督唐希順參化林營參將李麟之事據席爾達云李麟以無甲推諉不戰被參係昭莫多年遠之事是以無庸議

上曰李麟人才矯健係趙良棟信用之人亦曾隨朕出師著行文滿丕會同提督岳昇龍巡撫貝和諾再議具奏 陞工部郎中鄂奇為甘肅按察使司按察使 旌表山東烈婦盧氏拒姦慘死貞烈性成給銀建坊如例（己巳）

上回宮詣

皇太后宮問安 庚午河道總督張鵬翮疏言治河事宜蒙

皇上指授疏通海口水有歸路黃河刷深堅築高家堰廣闊清

口乃得引淮暢流築歸仁隄導泗州上源之水入於河疏人
字芒稻等河引運河之水注之江築挑水壩疏陶莊引河通
黃水而暢清流使水無倒灌之虞挑蠟鬚等河引下河積水
入於海其餘各處工程指授周悉但河工甫就保固為要恭
請

聖駕於來春二月桃汛未發之前親臨河工指授

上諭大學士等曰高家堰等處隄工雖竣然未過大水俟來年
經過水汛之後方可驗其成功若爛泥淺一帶水出不暢則
高家堰究屬可憂向意欲從武家墩出水此事尚須斟酌前
日間張玉書奏稱淮水尚太高堰舊隄俱為湖水所浸據此
則泗州盱眙安得不被水災河身之淺深以洪澤湖水之高
下為驗湖水低得一尺河身方深得一尺今洪澤湖之水比
甲子年高有數尺可見河身未曾刷深高家堰之隄恐過此
以往尚未可知也○辛未

上詣

皇太后宮問安○兵部議覆先是雲南貴州總督已錫疏奏貴
州護威寧鎮印遊擊高鑑明知守備何公璉考蹟徇庇不行
揭報已經奉旨交與巡撫質審今貴州提督李芳述疏言總
督已錫題參高鑑等並無移會到臣竟行題參應令該撫一
并察明到日再議

上諭大學士等曰李芳述在西寧時甚有聲名此事似曲在總
督巡撫與總督同事未必從公著遣戶部侍郎溫達前往審理
正藍旗滿洲都統覺羅舒恕以病乞休允之○陞工部左
侍郎敦祚為都察院左都御史內閣學士蘇赫納為刑部右
侍郎○陞直隸天津道范時崇為貴州按察使司按察使○

予故原任都察院左都御史董訥祭葬如例○壬申諭兵部
各省千總與在京把總効力相同近見各省千總年滿來京
候補有至十年不得補者京營把總等至年滿即以守備
用甚為不均爾等察例畫一議奏○諭大學士等廣東提督
殷化行前疏言連山猛人常出擾害百姓請親率軍進剿今

又奏稱率兵進剿之韶州副將林芳為猛人所殺官兵亦被
傷殘因回省城與總督會剿等語觀此殷化行明係怯敵奔
回副將亦係管兵大員既為猛人所殺若不征剿則附近
人民不獲安處爾等將原疏與九卿共閱確議具奏尋九卿
等議應調湖廣廣東廣西附近官兵遣大臣一員為將軍率
兵進剿得旨著都統嵩祝副都統達爾占侍郎傳繼祖帶八
旗前鋒四十名子母礮八位前去著都統嵩祝為將軍總理
事務達爾占傳繼祖及總督石琳俱為參贊湖廣提督林本
直廣東提督殷化行廣西提督張旺等各派本省總兵官一
員帶綠旗兵四五十廣州亦派旗下兵一千前去廣東將軍

盧崇耀覓著來京高祝可即用廣東將軍印兼理廣東將軍事○朝鮮國王李煒妃閔氏故遣官致祭○賜朝鮮齋計來使陪臣宋廷奎等緞疋白金等物○以禮部右侍郎羅察工部右侍郎舒輅俱充經筵講官○詔表浙江烈婦朱寧凡妻徐氏拒姦殞命給銀建坊如例○癸酉。

上詣

皇太后宮問安○吏部題領侍衛內大臣一等公費揚古故銷去三次恩詔所得拖沙喇哈番餘一等侯又一拖沙喇哈番以其子陳泰承襲二等精奇尼哈番俄齊爾故銷去二次恩詔所得拖沙喇哈番餘一等阿思哈尼哈番又一拖沙喇哈番以其子已達爾戶承襲從之○甲戌。

上幸南苑行圍○丁丑。

孝莊文皇后忌辰遣官祭

暫安奉殿○

上自南苑回宮○戊寅。

上詣

皇太后宮問安○辛巳歲暮給祭

太廟。

上親詣行禮○遣官祭

永陵。

福陵

昭陵

暫安奉殿

孝陵

仁孝皇后

孝昭皇后

孝懿皇后陵○遣官祭太歲之神○諭內閣禮部太常寺朕自御極以來一切祀典必敬謹齋戒躬親展祭以盡昭事之誠四十餘年於茲矣每當臨祭之時朕無一事不敬此禮部太常寺起居注官所共知從來祭祀登降起立莫不如常這次行禮將畢微覺頭眩朕之身體稍遜於前於此可見祀典關係重大朕恐精力偶有不周致敬心少間可以此意諭諸大臣等著議奏○壬午賜朝正外藩科爾沁教漢阿祿科爾沁鄂爾多斯高齊忒喀爾喀扎魯特烏朱穆秦阿霸垓土默特巴林喀喇沁諸王貝勒貝子公台吉等及內大臣大學士侍衛等宴○旌表八旗節婦滿洲舒述妻覺羅氏等十七人蒙

古何濟格爾妻巴氏一人漢軍李盛然妻沈氏等三人直隸各省節婦吳珍妻黃氏等十四人各給銀建坊如例○是歲人丁戶口二千四十一萬一千一百六十三田地山蕩畦地五百九十八萬六千九百八十五頃六十五畝有奇徵銀一

千七百三十九萬六百六十五兩有奇。米豆麥六百九十六萬八千六百六十九石有奇。草二百八萬一千六百八十七束。茶十五萬七千四百六十五引。行鹽四百三十一萬九千四百八十六引。徵課銀二百六十九萬六千九百九十八兩有奇。鑄錢二萬三千八百六萬五千八百有奇。

實錄卷二百六

平

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七

康熙四十一年壬午春正月癸未朔

上詣

堂子行禮還宮拜神畢率諸王貝勒貝子公內大臣大學士侍衛等詣

皇太后宮行禮御殿王以下文武各官外藩王及使臣等上表

朝賀停止筵宴 朝鮮國王李焞遣陪臣姜覲等表賀冬至

元旦

萬壽節及進歲貢禮物宴資如例 甲申

實錄卷二百七

上詣

皇太后宮問安 乙酉。

上幸暢春園 差往廣東勦撫瑶人都統嵩祝副都統達爾占

侍郎傅繼祖奏請訓旨

上諭曰瑶人所居之山通連廣東廣西湖廣三省林木叢密山勢崇峻向來恃此險僻頑梗不馴近復突出搶奪村民殺害官兵今差爾等至彼務體朕好生至意不必遽行征勦先曉示招撫如其不悛再行勦滅爾等馳驛前去須約束官兵毋得騷擾居民并將瑶人山寨形勢三省官兵進征之路及立營之處繪圖呈覽朕揣瑶人受撫之事五月內必成如瑶人

歸順查出殺害官兵之為首者正法餘俱寬宥 丁亥孟春

太廟遣領侍衛內大臣公坡爾益行禮 遣官祭太歲之神
戊子

上回宮 己丑

世祖章皇帝忌辰遣官祭

孝陵 辛卯祈穀於

上帝

上親詣行禮

上奉

皇太后幸暢春園○丙申以上元節賜外藩科爾沁教漢阿祿

科爾沁郭爾多斯高齊忒扎魯特喀爾喀烏朱穆秦阿霸垓

土默特巴林喀喇沁王貝勒貝子公台吉及內大臣大學士

侍衛等宴 丁酉上元節賜外藩王貝勒貝子公台吉及內

大臣大學士侍衛等宴 己亥河道總督張鵬翮疏言山陽

清河安東三邑內如時家馬頭隄工雖合龍門而外臨黃河

急溜內逼鹽河積水埽工孤立請幫內餞土隄以保險工童

家營漫工堵塞年久埽料陳朽接連胡家莊又生險工請築

越隄以作重門之障陳家社逼近大通口外受黃河漫灘之

水內有地泉湧出請築越隄以備不虞童家營對岸黃河灣

曲致逼溜南趨請取直挑引河一道以緩其勢龍潭口外臨
黃河內逼深潭一過風浪土隄易潰請修排樁釘丁頭埽以
固其基歪枝套辛家蕩隄工在大通口之下黃河灘水洶湧
汕激請加幫高厚臨河下埽鑲柴以禦風浪邢家河隄工外
臨黃河內係積水風浪汕刷請鑲柴壓土以保隄岸馬家港
東西兩壩尾隄工係浮沙堆成一經水至易至衝刷請加築
堅固隄根下埽防護下部議行 壬寅

上詣

皇太后宮問安 詔修國子監文廟及公廨命和碩裕親王福

全董其事 賜朝正外藩王貝勒貝子公台吉等銀幣鞍馬

有差○癸卯

上諭大學士等曰朕觀諸臣任科道時多有敢言沽直聲以得

陞遷者及為大僚輒不敢言問以小吏皆云不知前後頓不

相符因顧起居注官等曰朕言可詳記之 鑲黃旗蒙古都

統托倫以年老乞休

上諭大學士等曰托倫人才庸劣毫無報稱著削職 戶部左

侍郎田雯以疾乞休允之 甲辰郭爾羅斯鎮國公安達西

禮故遣官致祭 乙巳以故二等阿思哈尼哈番盧崇峻子

盧承祐三等阿思哈尼哈番瓦爾達子吳雅圖各襲職 陞

浙江湖州副將甯維國為蘇松水師總兵官 丙午諭刑部

朕欽恤民命念切好生每於法司奏上爰書必披覽再三詳求可生之理其或情罪允符不忍立置之法者則令監候緩決以俟來歲之再讞顧罪犯一經緩決即皆冀望生全而長困桁楊淹留歲月自新無路朕甚憐之今方春始和萬物暢遂憫茲沉繫之獄用沛矜釋之仁見在爾部及直隸各省監禁人犯凡經康熙四十年秋審奉旨監候緩決者著察明通行減等發落仍開具人數奏聞 以和碩簡修親王雅布世子雅爾江阿襲封和碩簡親王 命喇嘛達木巴色爾濟郎中舒圖員外鐵圖等往打箭爐地方監督貿易諭曰爾等至彼即將奉差情由移文第巴須文辭明悉令彼速遣大喇嘛

實錄卷五

四

來監督貿易倘若遲滯將我等撤回永遠不得貿易矣侍郎滿丕督師彼處與爾等事各不同務各勤爾事其番人最貪見小利便喜稅銀不取於彼就我國商人征之不可專以稅額為事若立意取盈商賈不至與禁止何異此項錢糧不多勿以此注念須圖好名稍有優處人即稱頌至彼處當熟諳地方情形有應奏之事即行具奏又諭達木巴色爾濟曰爾移文第巴其辭須云爾等務遵古行事不得有違不但於爾等有益即我喇嘛亦受福庇倘若不遵不但無益爾等即我喇嘛亦無益處達木巴色爾濟奏曰臣職係副教習喇嘛彼土人不知若有扎薩克字樣彼方知率教

上諭郎中舒圖等曰喇嘛可賜以扎薩克名達木巴色爾濟又奏曰倘第巴不將厄爾德尼濟農解至則臣不令其人貿易濟隆胡土克圖與青海人眾係我朝之人令其照常貿易上曰俱令照常貿易 理藩院題青海貝勒納木扎爾厄爾德尼請於大草灘等處遊牧議不准行

上曰貝勒所請亦是彼處誠難居住該部應議賀蘭山等處水草茂盛准其遊牧竟不准行亦屬不合但其疏請大草灘地方遊牧此係內地人民雜處豈可令伊等居住雖四十九旗蒙古從未有令內地遊牧者該部若如此議伊等亦難於再請矣 丁未

實錄卷五

五

上回宮御太和殿視朝文武陞轉各官謝恩

上幸暢春園 貴州提督李芳述福建提督梁鼎湖廣彝陵總兵官王世臣山東登州總兵官劉官統等來京陛見賜貂袍褂等物 工部議覆河道總督張鵬翮疏言運料河工程係前河臣董安國等題請挑築迄今未竣臣相度形勢運料河頭起於檀度寺閘久已築壩堵閉更訪問土人云運河高於運料河數尺恐其開放建瓴之勢直洩無餘是以久經堵閉是此河無益於運河且河身在汰黃縷隄二隄之中從前因開此河將草灣并小茭陵二處汰黃隄穿斷有礙河工況歷來運料由黃河射陽湖轉運以濟工需其挑挖運料河之工

應行停止并將穿斷汰黃隈二處填築堅實以作黃河重門之障應如所請從之 戊申以翰林院檢討楊名時提督順天學政 己酉命乾清門近御侍衛海青五格往四川戡囑山進香回時乘便監視西安官兵騎射并往華山進香 調浙江巡撫張志棟為江西巡撫陞浙江布政使趙申喬為浙江巡撫 庚戌

上詣

皇太后宮問安

上行幸五臺命皇太子允初

皇四子多羅貝勒 皇十三子胤祥隨駕自暢春園啓行是

實錄卷二

六

日駐蹕良鄉縣寶閣莊 直隸巡撫李光地來朝 轉戶部右侍郎王紳為左侍郎陞內閣學士范承烈為戶部右侍郎以原任廣東布政使張建績為貴州布政使司布政使

辛亥

上駐蹕房山縣下村率諸皇子及善射侍衛等射

上發五矢皆中的 壬子

上駐蹕涑水縣石亭村

二月癸丑朔

上駐蹕易州 刑部議覆刑科給事中陳詵疏參山東蒲臺縣知縣俞宏聲當封印時以房產細事差役多人拘拏王觀成

致令服毒自盡威逼顯然應行該撫王國昌委官另審得旨著刑部右侍郎吳沄翰林院檢討阿金同陳詵往審 甲寅上駐蹕易州唐胡村率諸皇子及善射侍衛等射上發五矢皆中的 原任禮部侍郎田種玉來朝 命居庸關稅務歸併張家口監督兼理 予故江寧副都統禪布祭葬如例 乙卯

上駐蹕滿城縣

上諭大學士等曰原任禮部侍郎田種玉昨來接駕年已七十餘著將原降之級復還 丙辰

上駐蹕完縣高昌店 丁巳遣大學士張玉書祭

實錄卷三

七

先師孔子○

上駐蹕曲陽縣珍李村 戊午祭

大社

大稷遣禮部尚書席哈納行禮

上駐蹕阜平縣王塊鎮 己未

上駐蹕阜平縣李原堡 庚申

上駐蹕五臺縣射虎川 山西巡撫噶禮提督學政翰林院侍讀汪灝大同總兵官俞益謨來朝 是日山西百姓伏行宮前奏曰晉省饑饉蒙恩蠲免錢糧又動支倉粟普行賑濟愚民無以報答高厚願於菩薩頂建

萬壽亭一座叩懇俞旨又獻各種果品

上命各取果品少許其建造萬壽亭著停止 辛酉

上幸羅侯等寺駐蹕菩薩頂 補行江南江西河南四川等省

大計卓異官十四員貪酷官十五員不謹官二十九員罷軟

官十九員年老官三十一員有疾官二十七員不及官十五

員浮躁官十九員陞賞處分如例 壬戌

上幸中臺西臺等寺 癸亥

孝康章皇后忌辰遣官祭

孝陵

上幸清涼石南臺等寺 甲子遣官祭

實錄卷百七

先農之神

上幸妙德菴及碧山寺

上諭大學士等曰吏部侍郎特默德任學士時頗為稱職及授

以侍郎便爾乖謬著革職 乙丑

上回鑾幸廣宗等寺駐蹕射虎川 陞福建按察使郎廷極為

浙江布政使司布政使 免陝西安定會寧二縣康熙四十

年分旱災額賦有差 工部議覆河道總督張鵬翮疏言歸

仁隄五堡石工高下不齊須補砌平實又土隄內餞之處多

有坍塌殘缺者請加幫築應如所請從之 丙寅

上幸湧泉寺駐蹕阜平縣聖水寺 丁卯

上駐蹕阜平縣王塊鎮 工部議覆河道總督張鵬翮疏言王

家營築減水壩工程業經告竣過黃水漲時已勢分平緩從

前於王家營西挑開引河似屬無益請停工以節煩費應如

所請從之 戊辰

上駐蹕行唐縣諭內大臣侍衛等曰前所過地方原係旗民雜

處人俱熟悉貿易自此以往皆係民地隨從人等凡一切諸

物俱宜從公市易毋得騷擾民間其令各管轄官通行曉諭

嚴加禁飭更命學士賴都率一二章京乘其後察之如有犯

者即行叅奏倘隱匿不舉從重治罪 己巳

上駐蹕真定府諭大學士馬齊侍郎法良曰此城十餘里外有

實錄卷百七

原任大學士梁清標墓凡朕巡行所及有已故大臣墓俱遣

大臣致奠爾等其往奠之 庚午

上駐蹕無極縣 廣東左翼總兵官呂孝德高雷廉總兵官馮

天惠俱以老疾乞休允之 辛未

上駐蹕祁州 壬申

上駐蹕蠡縣新興村 吏部彙題以疾解任各員

上曰漢官告疾者既痊仍以原任部院衙門補用若滿洲解任

官員或因所過之缺不佳冀得改補美缺或揣堂官將以庸

劣叅處先自引退如此任意行私可乎凡前後具呈解退者

俱照漢官例補原部院缺著為令 戶部題巡視茶馬員外

郎車爾貝以茶勸所易之馬應差司官領解

上曰荊州滿兵出征打箭爐甚為勞苦此馬匹著差部院賢能

司官解送至荊州賞給兵丁 癸酉

上至安州馮村乘舟前行泊於新安縣段村 授故輔國公富

爾金子富僧阿為三等鎮國將軍 轉吏部右侍郎傅繼祖

為左侍郎戶部右侍郎溫達為吏部右侍郎 予故原任刑

部尚書翁叔元祭葬如例 甲戌

御舟泊任邱縣園頭村 乙亥春分朝

日於東郊遣都察院左都御史敦拜行禮

御舟泊新安縣郭里口 丙子

實錄卷三

御舟泊任邱縣 丁丑

上巡視子牙河是日

御舟泊大城縣蘇家橋 戊寅

孝昭皇后忌辰遣官祭

陵 河道總督張鵬翮疏言清河縣陶莊閘奉旨挑挖引河其

南岸又有挑水壩溜入引河直走北岸逼近黃河縷隄汕刷

堪虞請於縷隄之內創築餞隄一道以為重門之障再臨河

之縷隄及護縣隄工卑薄之處應加築高厚其黃河南岸挑

水壩坐當黃流之中恐伏秋水大溢出壩岸之外不無浸灌

之虞今議自挑水壩西添築餞隄一道內有地形低窪者下

埽鑲填則挑水壩得以鞏固而運道民生均有攸賴矣下部

議行 己卯

上登陸巡視郭家塢村新修隄工駐蹕永清縣北閣驛 河道

總督張鵬翮疏言運口為糧艘轉輸要道初春運漕之時水

猶未漲需水甚急從前引三汊河之水濟運至挑水汛發復

行堵閉每歲煩費錢糧今請建立石閘隨時啓閉可省每年

開渠引水之費而於漕運甚有裨益下部議行 陞順天通

州副將金宏振為廣東左翼總兵官直隸真定副將姚尚倫

為廣東高雷廉總兵官調陝西興安總兵官劉體義為陝西

西寧總兵官陞山東沂州副將何天培為陝西興安總兵官

實錄卷三

庚辰

上駐蹕南苑 辛巳

上回暢春園詣

皇太后宮問安

三月壬午朔

上回宮 癸未陞內閣學士賴都為戶部右侍郎轉工部右侍

郎舒輅為左侍郎陞左副都御史常舒為工部右侍郎 予

故正白旗副都統三等阿思哈尼哈番瓦珥達祭一次 調

鑲白旗蒙古都統崇古禮為正白旗滿洲都統陞鑲白旗護

軍統領瓦爾大為正藍旗滿洲都統左翼前鋒統領吳達禪

為鑲黃旗蒙古都統鑲黃旗滿洲副都統滿丕為正藍旗蒙古都統 甲申遣官祭

歷代帝王 丙戌科爾沁和碩土謝圖親王額駙沙津坐侍妾僭用郡主儀仗之罪褫爵 丁亥

上御經筵講畢賜大學士九卿詹事及講官等宴 以戶部右侍郎賴都充經筵講官

上諭大學士等曰今歲似有早意去冬無雪春雨未降各省倉廩所貯米粟雖報全足未知虛實令行文山東河南陝西山西江北諸督撫查今年得雨與未得雨處所并察核其廩粟必積貯充盈庶可無患去歲盛京烏喇稔收穀一升僅值制

錢數文聞彼地人民又以穀賤為嫌直隸亦有秋而米價未減况今雨澤稍愆不可不豫為之備 戊子

上幸暢春園詣

皇太后宮問安 陞內閣侍讀學士劉光美盛京禮部理事官鐵圖俱為內閣學士兼禮部侍郎大理寺卿杜喀禪為都察院左副都御史 調貴州按察使范時崇為福建按察使司按察使以原任山東按察使李基和為貴州按察使司按察使 庚寅清明節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 辛卯諭戶部朕躬理幾務年久深知稼穡之事

念阜民之道期於有備去冬北地少雪今春雨澤微降尚未霑足誠恐蝗蝻易生有傷農事所在官吏亟宜先時豫防直隸山東山西河南陝西江北地方歷年積貯倉糧果否足額該督撫宜確加稽核務使廩有餘儲不致匱乏其一切豫備

事宜須悉心講求料理縱年歲不甚豐稔亦可賑濟無虞至

直隸各省見今雨澤有無多寡著該督撫即行具摺奏聞以紓朕宵旰勤民之意 壬辰陞刑部郎中恩特為大理寺卿

戶部郎中紀爾他渾為內閣學士兼禮部侍郎 陞內務府

總管馬思喀為鑲白旗蒙古都統鑲白旗滿洲副都統伐喀為本旗護軍統領正白旗滿洲副都統伽藍保為正藍旗護軍統領鑲白旗滿洲副都統鄂鐸為左翼前鋒統領 癸巳

上詣

皇太后宮問安 乙未河道總督張鵬翮疏言臣前議修築天妃閘以防黃水今詳閱閘塘舊基年久深窪積水難乾又松

椿碎石積於其下有礙立椿築基請於運口草壩北建造大石閘一座東西各築緯隄一道挽運漕艘再於閘之上下舊隄穿開之處各建草壩一座以固隄束水又清河縣黃河南岸下家汪險工長八十餘丈當黃淮二水交衝之區內臨積水深潭中僅一線土隄卑薄危險入天妃壩石工修砌年久坍塌者四十餘丈每年下埽修防徒費錢糧不足以禦湍激之勢均應償砌石工始得鞏固下部議行（己亥）萬壽節停止行禮筵宴

上詣

皇太后宮問安遣官祭

實錄卷二百七

古

福陵。

昭陵。

暫安奉殿

孝陵。

仁孝皇后

孝昭皇后

孝懿皇后陵遣官祭真武東嶽城隍之神辛丑諭大學士

等曰舊歲稔收今雖稍旱似未為害然為人主不隨時為計

可乎往者朕以旱潦為災令各陳奏事宜時因人自為奏故

辭多粉飾於國家政要莫之言及其令九卿詹事掌印不掌

印科道集議有益於時政事宜者具以聞○授和碩簡修親王雅布庶子阿薩喇和碩恭親王常寧庶子昭泰俱為三等輔國將軍奉國將軍索達塞子寶山為奉恩將軍○癸卯理藩院題請差往四十九旗及邊外喀爾喀會盟大臣得旨四十九旗著領侍衛內大臣公坡爾盆副都統趙賴侍郎常綬一等侍衛殷達去左翼喀爾喀著領侍衛內大臣伯心裕副都御史杜喀禪副都統屠克善一等侍衛巴爾達去右翼喀爾喀著尚書哈雅爾圖副都統車納福學士希福納一等侍衛胡畢圖去（己酉）

上回宮○庚戌諭大學士等廣東猺人盤踞深山恃其險峻素

實錄卷二百七

五

未歸化今忽突出搶奪村民殺害官兵已遣都統嵩祝等前往調集廣東廣西湖廣三省師旅直抵其穴觀嵩祝等遣郎中尤冷額所進圖形云猺人為數無多棲身之地雖不寬廣但山險路狹地接廣東廣西湖廣三省錢糧轉輸甚易今三省之師已壓彼境若猺人就撫則已否則今嵩祝等公議於猺人居處要隘立營圍之不過稍費錢糧不勞兵力彼自窮迫矣其令兵部速移文嵩祝等遵諭而行

上諭大學士等曰連年稔收今春無雨雖知百姓未至艱食然朕心甚屬未安今雨澤既降朕心始能釋然伊桑阿奏曰前者臣等遵旨以應行陳奏之事問九卿僉云近今所行政事

並無應行更改者況奉

上諭時雨澤隨至此天心相應也 辛亥轉理藩院右侍郎滿

萬為左侍郎陞內閣侍讀學士伊道為理藩院右侍郎 予

故貴州威寧總兵官郭朝政祭葬如例

夏四月壬子朔享

太廟遣皇太子允初行禮

上幸暢春園詣

皇太后宮問安 丙辰封和碩裕親王福金長子保泰為世子

河道總督張鵬翮疏言桃源縣談家莊隄工黃河溜頂衝

最為險要每遇伏秋水發汕刷可虞應建築月隄以為重門

實錄卷五

七

保障又本工大溜下移壩尾河崖坍塌漸近隄根勢必下塌

防護應將壩尾隄工加幫寬厚以作埽臺下部議行 戊午

上詣

皇太后宮問安 轉兵部右侍郎胡會恩為左侍郎陞大理寺

少卿屠粹忠為兵部右侍郎 庚申調鑲黃旗蒙古副都統

桑阿禮為本旗滿洲副都統鑲白旗蒙古副都統孟俄洛正

藍旗蒙古副都統柯岱俱為鑲白旗滿洲副都統正藍旗蒙

古副都統席柱為正白旗滿洲副都統正藍旗漢軍副都統

余渾為鑲黃旗蒙古副都統陞護軍叅領班滴為鑲白旗蒙

古副都統護軍叅領罩山星禪俱為正藍旗蒙古副都統 〇

壬戌刑部議奏毆死陳大勝之陳潮應照例留養

上曰有罪之人存留養親必其親原無罪犯情有可矜方為奏

請陳蒂生與其子陳潮同毆陳大勝至死亦屬有罪陳潮照

留養例殊未允協其另議以聞尋議伊父陳蒂生原係起釁

獲罪之人伊子不應留養應將陳蒂生照餘人例杖一百年

老收贖陳潮仍按律擬絞監候從之 陞貴州按察使李基

和為湖北布政使司布政使 乙丑

上詣

皇太后宮問安 旌表直隸烈婦賈樂性妻張氏拒姦自盡給

銀建坊如例 丙寅刑部題湖南寧遠縣強賊關翰芳等行

實錄卷五

七

劫居民李誠廷等家一案照巡撫金璽審擬斬戍杖罪

上曰此案人命甚多如此等事先曾有令他省巡撫鞠審之例

寧遠縣與河南相去不遠著巡撫徐潮馳驛作速赴彼詳審

具奏 禮部右侍郎李錄子丁母憂命在籍守制 戊辰

孝端文皇后忌辰遣官祭

昭陵 癸酉山西道御史張璠疏請本朝會典宜刊刻頒行從

之 予故黑龍江副都統喀圖瑚祭葬如例 甲戌諭予告

大學士王熙卿耆年舊德歷官最久自去歲告病在家朕無

日不注念老臣也近日九卿皆求匾額字對想卿身雖在告

心未嘗一時不在朝中故特書匾對各一并臨米芾書一幅

賜卿卿其勉強餐食輔以醫藥慰朕不忘舊臣之至意刑部議覆差往山東審事刑部右侍郎吳涵等查奏蒲臺縣知縣俞宏聲逼死王觀成一案緣王觀成為產業細事被何一榮控告該縣差役數人押王觀成赴審王觀成受官吏威逼以致服毒身死應將知縣俞宏聲革職追銀埋葬其審事不實之巡撫王國昌等均罰俸有差從之戊寅予故正藍旗蒙古都統布爾賽祭葬如例辛巳戶部議覆四川巡撫貝和諾疏言打箭爐駐扎綠旗官兵需用糧餉宜豫為接濟請於附近鄰省撥餉銀十萬兩協解來川應期給發即將知縣以上各官俸銀扣捐補項應如所請得旨四川極邊之地官員度日維艱不必將俸銀扣捐補項餘依議速行

實錄卷二百七

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七

實錄卷二百七

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八

康熙四十一年壬午五月壬午朔

上詣

皇太后宮問安○甲申

仁孝皇后忌辰遣官祭

陵○丁亥諭大學士等曰從前科道內陞之員有仍令兼管科道者條奏盡職並無一人言官極屬緊要此後科道內陞可即出缺不必更令兼管○轉工部左侍郎許汝霖為禮部左侍郎管右侍郎事○戶部題供給喇嘛商南多爾濟銀兩令

地方官捐助

上曰商南多爾濟食用之物若令捐助重為地方之累著動支正項錢糧不必捐助○禮部議覆五經博士程衍祀請給程子祭田應不准行

上曰程子宋之大儒祀典不可有缺但給與祭田或為其子孫之不肖者變鬻則祀典仍缺其令該巡撫藩司善為酌處務令程氏子孫世世奉祀永遠無缺○調廣州副都統石如璜為正藍旗漢軍副都統○戊子

上詣

皇太后宮問安○己丑予故江西巡撫馬如龍祭葬如例○辛

卯陞內閣學士希福納為盛京戶部侍郎○壬辰戶部題江南賑濟賑貽等三縣水災飢民米數

上曰前議加築高家堰堵塞唐埂六壩時朕曾言如此修築雖有濟於下流其上流州邑必致衝決今信如朕言觀此散糧之事盱眙等三縣大被災害若昔議築高家堰之日於此處亦築一隄束其水勢不令泛溢豈不甚善該督斯時慮不及此卒令此等地方悉受泛溢之水今欲修築難矣其令張鵬翮往勘以聞○癸巳

上詣

皇太后宮問安○刑部議覆順天府府尹錢晉錫疏言各省民

人有在京定罪發配及免死減等人犯舊例於順天府發遣因其中僉妻流徙必俟該犯之妻從本省押解至京始行發遣曠日稽遲且單身女流長途押解易受解役之凌辱殊為可憫請嗣後將各省民人在京發配者先發回本省照各省發遣之例僉妻解往又流犯死於配所妻子流離異鄉無所依賴除不願回籍者聽從其便外餘令地方官查明移咨各該省州縣聽本犯親戚領回故土以廣弘恩請著為令應如所請從之○甲午遣官祭

闕聖帝君○乙未

上回宮○丙申

上御太和殿視朝。文武陞轉各官謝恩。○

上幸暢春園。詣

皇太后宮問安。○

上諭大學士等曰。御史劉子章條奏在外任者毋令多帶家口。所奏良是。漢人所帶有限。漢軍有多至數百人者。亦有令旗下閒散人隨去者。允宜禁飭。其令九卿確議以聞。又諭曰。御史劉子章又條奏各省應設恤刑官。夫地方督撫皆朕簡任之臣。倘不堪任用。則諸事無一可委者。況督撫尚不可委任。豈恤刑小吏反能雪其冤抑乎。若置恤刑是徒增地方供應以累小民矣。添設官吏全無裨益。著還其奏。○戊戌。陞內閣

實錄卷二百八

三

侍讀學士色德里為內閣學士兼禮部侍郎。○庚子。科爾沁土謝圖親王沙津坐罪褫革。命其兄之子阿拉善襲爵。○辛丑。和碩顯親王丹臻薨。遣大臣一員侍衛十員往奠茶酒。命皇五子允祺皇七子允祐及領侍衛內大臣侯巴渾德內務府總管都統馬思喀料理喪事。賜鞍馬二匹弓矢撤袋一副銀一萬兩。壬寅。

上詣

皇太后宮問安。○差往廣東剿撫猺人都統嵩祝等疏言臣等奉命剿撫猺人於二月二十一日抵廉州府勘視猺人所居山寨。即於要地設立營壘挑築濠塹。將三省官兵分營羅布

臣等仰體

皇上好生之意。先為招撫。衡慶衡祥光齡等三排猺人知官兵據其要地無不震恐。聞招撫即踴躍來降。又四月初十日軍畧馬薦洞大張嶺和邵平黎巴洞等五排猺人聞衡慶等三排受撫亦皆率衆將前殺傷官兵之黎貴等九人縛獻投降。臣等審得黎貴等九人殺傷官兵是實。遂於衆猺人前將黎貴等九人即行正法。其受降大小各排戶口共一萬九千餘名將伊等作何安插及此等地方設立州縣之處俱交與總督石琳等料理。下部知之。○甲辰。以翰林院檢討閻錫爵為雲南鄉試正考官。編修黃龍眉為副考官。戶部員外郎郝士鐸為貴州鄉試正考官。吏部主事施何牧為副考官。○乙巳。

實錄卷二百八

四

上回宮。○丙午。傳大學士九卿翰林詹事科道官一百四十餘員至保和殿頒賜

御書有差。并御曰。尋章摘句華麗詞藻非帝王之本務。朕四十餘年惟日兢兢未嘗畧刻稍釋萬幾自警有始無終之誚。念茲在茲也。政事稍暇頗好書射。歷年以來所積臨摹字幅以賜卿等。○戊申。夏至祭

地於

方澤。遣皇太子允初行禮。○

上幸暢春園詣

皇太后宮問安○庚戌大學士等以直隸巡撫李光地摺奏修永定河石隄進呈

上曰朕令永定河修理石隄特欲於此處試之如有成效再於南河興工若此工無成則大工亦不能興間者運送工料銀兩所費不過二十萬即已底績今戶部之帑見存五十萬朕意欲於黃河自徐州至清口兩岸悉築石隄度其費不過千萬若獲成功則永遠無患但運石稍難耳馬齊奏曰此誠一勞永逸之計然必待聖駕親臨乃可定議

六月辛亥朔。

上詣

皇太后宮問安○轉工部右侍郎李元振為左侍郎陞左副都御史甘國樞為工部右侍郎○九卿議吏部右侍郎徐秉義刑部左侍郎綏色差審陝西糧鹽道黃明得商人財賄一案失實不公均應革職得旨綏色著革職徐秉義革去吏部右侍郎從寬仍留為翰林官○壬子先是貴州提督李芳述等題報清平縣民鄧應甲為賊阿應等殺害逃匿貴州苗寨都司胡安國等帶領官兵會同土官何瓚遠往捕各寨苗蠻恃險拒捕殺害官兵四人土官何瓚遠被苗首羅尤等搶入寨

內復行殺害得旨此案兇犯如苗寨自行擒獻請罪則已若

不行獻出該督撫提鎮者即與兵剿除至是雲南貴州總督巴錫疏言葛彝寨苗蠻抗拒不法臣等遵旨調黔省兵四千令副將王鳳等總領進剿下兵部知之○癸丑陞正白旗副都統託合齊為步軍統領○甲寅陞叅領何天培為廣州副都統○刑部等衙門議覆差往貴州審事吏部侍郎溫達疏言查審威寧鎮把總張文貴告稱守備何公珽強娶伊父之妾情虛應將張文貴革職擬杖何公珽始聞護鎮印遊擊高鑑詳報提督李芳述一時情急竟將究抑情由填寫部劄之上後聞提督有寬釋不究之意因即謀之高鑑混稱部劄遭

火燒燬俱應革職擬杖提督李芳述護庇屬員不即題參應罰俸一年雲南貴州總督巴錫未行詳審又不會同提督具題應降一級留任罰俸一年巡撫王燕不行詳查列名具題應罰俸半年俱如所擬得旨巴錫王燕李芳述免處分餘依議○乙卯予和碩顯親王丹臻祭葬立碑謚曰密以翰林院侍講胡作梅提督陝西學政○丙辰兵部議覆古北口總兵官馬進良疏言關口出入多砍木燒炭之人例由兵部給發關票又造人數年貌清冊發守關官弁點驗近因不行確查以致匪類混冒於口外地方任意盜竊請敕令領票頭目將部領小票並年貌冊俱編列字號到關時令該管官弁照

冊驗票嚴查出入。如票內之人有逃盜者。罪坐票頭。有病故者。准票頭稟明守口官弁存案。其詐稱病故者。日後得其原人將票頭一並從重治罪。管關官弁不行詳查。有混冒放出及遺留在外匪類之人。不行查拏者。均照例議處。如口外莊頭恃其財勢。容留匪類者。事發從重治罪。將此例刊刻木榜。豎於口外屯莊通衢要路。庶幾人知警惕。各愛其身家而盜源可息矣。應如所請。從之。戊午。

上奉

皇太后自暢春園回宮。

御製訓飭士子文。頒發禮部。命勒石太學。其文曰。國家建立學

實錄卷二百八

七

校原以興行教化。作育人才。典至渥也。朕臨御以來。隆重師儒。加意庠序。近復慎簡學使。釐剔弊端。務期風教修明。賢才蔚起。庶幾棫樸作人之意。乃比來士習未端。儒教罕著。雖因內外臣子奉行未能盡善。亦由爾諸生積習已久。狎難改易之故也。茲特親製訓言。再加警飭。爾諸生其敬聽之。從來學者先立品行。次及文學。學術功源。委有敘爾諸生幼聞庭訓。長列宮牆。朝夕誦讀。寧無講究。必也躬修實踐。砥礪廉隅。敦孝順。以事親。秉忠貞。以立志。窮經考義。勿雜荒誕之談。取友親師。悉化驕盈之氣。文章歸於醇雅。毋事浮華。軌度式於規繩。最防蕩軼。子衿佻達。自昔所譏。苟行止有虧。雖讀書何

益若夫宅心弗淑。行已多愆。或蜚語流言。脅制官長。或隱糧包訟。出入公門。或唆撥奸猾。欺孤凌弱。或招呼朋類。結社要盟。乃如之人名教不容。鄉黨弗齒。縱倖逃禠。打滯竊章。縫返之於裘。能無愧乎。況乎鄉會科名。乃掄才大典。關係尤鉅。士子果有真才實學。倚患困不逢年。顧乃標榜虛名。暗通聲氣。夤緣詭過。罔顧身家。又或改竄鄉貫。希圖進取。竄凌騰沸。網利營私。種種弊情。深可痛恨。且夫士子出身之始。尤貴以正。若茲厥初。拜獻便已作奸犯科。則異時敗檢踰閑。何所不至。又安望其秉公持正。為國家宣猷樹績。膺後先疏附之選哉。朕用嘉惠爾等。故不禁反復惓惓。茲訓言頒到。爾等務共體

實錄卷二百八

八

朕心。恪遵明訓。一切痛加改省。爭自濯磨。積行勤學。以圖上進。國家三年登造。秉帛弓旌。不特爾身有榮。即爾祖父亦增光寵。矣逢時得志。寧俟他求哉。若仍視為具文。玩愒勿儆。毀方躍冶。暴棄自甘。則是爾等冥頑無知。終不能率教也。既負栽培。復干咎戾。主章具在。朕亦不能為爾等寬矣。自茲以往。內而國學外而直省鄉校。凡學臣師長皆有司鐸之責者。並宜傳集諸生。多方董勸。以副朕懷。否則職業弗修。咎亦難逭。勿謂朕言之不豫也。爾多士尚敬聽之哉。調江寧副都統鄂緝爾為正藍旗蒙古副都統。陞協領鄂克遜為江寧副都統。○已未。

上奉

皇太后避暑塞外。命皇太子允初、皇長子多羅直郡王允祿

皇四子多羅貝勒、皇十三子胤祥、皇十四子允禵、皇十五

子允禩、皇十六子允祿隨駕。是日啟行。駐蹕順義縣三家店。

諭禮部訓飭士子文若令各府州縣學宮一體勒石。恐有

不產石州縣地方或致借端擾派。應俟國子監勒石後以捐

本景頒各省轉發所屬學宮一體遵行。○轉刑部右侍郎蘇赫

納為左侍郎。工部左侍郎舒輅為刑部左侍郎。管右侍郎事。

刑部右侍郎吳誥為吏部右侍郎。○陞提督江南學政大理

寺卿張泰交為都察院左副都御史。仍留督學任。○調西安

副都統西爾哈達為正白旗蒙古副都統。陞驍騎參領佛色

為西安副都統。○庚申。

上駐蹕密雲縣城外。○辛酉。

上駐蹕遙亭。○壬戌。

上駐蹕古北口。○癸亥。

上率諸皇子及善射侍衛等射。

上發五矢皆中的。

御書道德仁藝四字扁額賜翰林院。德業仁義四字扁額賜詹

事府。都俞吁咈四字扁額賜都察院。○轉工部右侍郎常舒

為左侍郎。陸大理寺卿恩特為工部右侍郎。○以革退吏部

右侍郎仍留為翰林官徐秉義為詹事府詹事。○廣東右翼

總兵官劉虎丁母憂。命回籍守制。○乙丑。兵部議覆四川提

督岳昇龍疏報四川省大涼山小涼山野獍向來梗化。令獍

目馬比必等率眾歸誠。請授馬比必為土千戶之職。頒給印

信。應如所請從之。○丙寅。

上駐蹕三岔口。陞光祿寺卿張睿為大理寺卿。○河南巡撫

徐潮疏言臣奉命察審湖南寧遠縣民李誠廷等家被劫一

案盜首關四未獲。其同夥之關翰方馬德隆應斬。余黃

天駟等三十八人照原擬斬監候。陳奇震等分別減等。逸盜

關四俟緝獲另結從之。○丁卯。

上駐蹕偏嶺。○己巳。以翰林院檢討高其倬為四川鄉試正考

官。戶部主事王璋為副考官。編修汪俊為廣東鄉試正考官

吏部主事張翔鳳為副考官。編修車鼎晉為廣西鄉試正考

官。行人司行人吳一鰲為副考官。禮科給事中許志進為福

建鄉試正考官。大理寺左寺正索柱為副考官。○庚午。

上駐蹕喇嘛洞。○扎賴特固山貝子納遜故遣官致祭。○乙亥。

上駐蹕七間房。○丙子。賜大學士馬齊

御書太極圖說。已卯。傳諭領侍衛內大臣等曰。昨見沿河之

地。駐扎人眾。若遇暴雨。山水驟漲。趨避不及。伊等未經身歷

不及知也。且地形窪下。更多蛟蠓。爾等通行宣諭。俾各擇高

阜之地駐扎嗣後凡駐扎之處爾等應不時察之。陞提督江南學政左副都御史張泰交為刑部右侍郎仍留督學任陞大理寺卿張睿為都察院左副都御史盛京戶部理事官哈爾為大理寺卿。陞廣東按察使張仲信為江西布政使司布政使。予故福建陸路提督加太子少保王萬祥祭葬謚敏壯。陞廣西潯州副將范時捷為廣東右翼總兵官。庚辰。上駐蹕喀喇和屯。陞土默特叅領古木德為歸化城左翼都統。

閏六月辛巳朔。壬午步軍統領開音布故賜馬二匹銀五百兩。予祭葬謚肅敏。○予故都察院左都御史薩海祭葬如例。○癸未戶部議覆山西巡撫噶禮疏言右衛駐防官兵浮給康熙三十六年分草束折色銀兩復行追賠殊為可憫若向誤給此浮給官兵草束折色銀兩復行追賠殊為可憫若向誤給官吏追補必致派累小民其免之。戊子陞大理寺少卿李斯義為大理寺卿右通政阮爾詢為光祿寺卿。予故西寧總兵官張岳祭葬如例。工部議准河道總督張鵬翮疏請修實應縣弘濟閘從之。辛卯宗人府以副都統覺羅佟吉等查牧場馬匹不實請革職議罪。

上諭大學士等曰佟吉品行不端其父勒德洪曾任大學士素

行謹厚公聲名俱為其子玷辱矣朕聞公福善往查時其牧馬諸人本欲以藏匿馬匹自首佟吉等遂回不允著革職治罪。又顧馬齊曰為人謹慎循分猶恐人伺其隙而攻之況多事妄行豈能守其成業乎凡人彼此挾讐陰行誣陷甚屬可畏急躁之徒不過陷人於一時能陷則陷之不能則已陰險之人一時不能陷後必曲為設計害之其行事尤為狠毒若此等人不特不能榮其身且殃及其後朕聽政四十餘年凡若此者斷不能欺朕也。又諭曰人有言部中定例不一不知應遵何例此皆不諳事務之論。國家諸務恃有成例苟無成例何所遵行。曩者部中常有欲為人寬免者故從重論者朕以所議太過駁回彼即從中寬釋朕灼知其弊概不允行此風今已息矣。○甲午。

上駐蹕熱河下營。○吏部議覆山西道御史劉子章疏言各省官員赴任者攜帶奴婢多至數百人衣食之費皆取給於所屬官民為累不少請嚴加裁汰制為定數應如所請凡外任官員所帶奴僕督撫限五十人藩臬限四十人道府限三十人同知通判州縣限二十人州同縣丞以下限十人所帶僕婦女婢亦不得過此數至旗員任邊疆之事非漢官可比旗人下督撫家口不得過五百名其司道以下等官視漢官所帶家口准加一倍如違定數多帶者降一級調用請著為令其

見在各省官員或多帶家口者文到日限三月內發回原籍從之。兵部議覆奉差打箭爐都統滿丕等疏言鴉隴江瞻對地方策冷滾布等及喇滾地方喇嘛布木等各帶領所屬人口投誠繳明代印信請授為五品安撫使之職換給印信仍令管轄瞻對喇滾之地應如所請從之。丙申河道總督張鵬翮疏言桃源城西烟墩埽工夙稱險要今年黃水大長積至二十四日不消隄根甚為危險復據士民喬世臣等呈稱烟墩隄下近城有越隄一道年久殘缺應築高寬既可保護險工又可捍衛城池臣親閱形勢果於河道氏生兩有裨益請修理舊隄接築新隄以資捍禦下部議行○丁酉以河

實錄卷二百八

十三

南道御史傅作楫為浙江鄉試正考官翰林院檢討阿珥賽為副考官山西道御史劉子章為江西鄉試正考官檢討陳允恭為副考官太僕寺少卿李旭升為湖廣鄉試正考官大理寺評事接海為副考官○戊戌差往廣東剿撫猺人都統嵩祝等事竣回奏臣等謹遵訓旨招撫各排猺人俱已受降此皆

皇上天威無遠弗届故無知垂髮之猺人咸歸德化臣等面請訓旨時

皇上豫揣五月內受撫之事必成今果如

聖明洞鑒分毫不爽三省之督撫提鎮以及軍民無不欽服

上隨賜御書各一幅○吏部議覆雲南道御史王度昭疏參戶部尚書李振裕勒取屬員禮物查李振裕收屬員賀壽圍屏是實應革職

上諭大學士等曰吏部此議甚謬李振裕果如王度昭所參勒取屬員禮物其罪寧止革職若止收一圍屏豈宜以細故輕黜大臣凡堂官受屬吏圍屏亦常事耳即彭鵬李光地趙申喬皆稱清吏豈皆一物不受孟子謂伊尹一介不以與人一介不以取諸人此誠罕有頃嵩祝等自粵東來奏總督石琳巡撫彭鵬張志棟所餽皆受因此亦將伊等議處可乎席爾達自陝西來時曾奏藩庫羨餘每歲分受萬金今見為吏部

實錄卷二百八

古

尚書若以受一圍屏之人即議革職如伊每歲分受萬金者更以何罪處之山東人喜於挾讐王度昭此參未必不為其同鄉司官快其私怨其令九卿詹事科道會同王度昭面質詳問定議以聞○庚子山西巡撫噶禮疏參孟縣進士武承謨謁見太原府知府趙鳳詔投左都御史李枏私書一封屬令照拂趙鳳詔舉首並以左都御史李枏書帖附本進呈得旨武承謨著革去職銜該撫究審定擬李枏是否發書著九卿察明具奏○廣東高雷廉總兵官姚尚倫丁母憂命回籍守制○辛丑兵部議覆四川巡撫貝和諾疏請打箭爐木雅一帶地方歸順番民一萬九千餘戶應添設安撫使五員副

安撫使二員土百戶四十五員以專管轄應如所請從之
癸卯二等精奇尼哈番蒙古因爭告佐領革職將恩詔所得
四拖沙喇哈番銷去餘二等阿思哈尼哈番以其兄蘇喀襲
替丙午予故刑部右侍郎孟額祭一次丁未增浙江省
鄉試中額十二名照江南例共八十三名並增同考官三員
從巡撫趙申喬請也

上諭大學士等曰朕令九卿薦舉意在欲得良吏凡保舉官員
九卿宜虛公舉出令觀保舉廣東按察使奏內廖騰燧保舉
龔嶸定例凡係同鄉之人不許保舉身係何省之人其見任
本省之官亦不許保舉廖騰燧與龔嶸本同鄉曲伊一人何

實錄卷二百八

十五

得獨保龔嶸將此傳諭九卿嗣後凡舉薦官員宜虛誠秉公
毋得徇私請托保舉同鄉及見任本省官員已酉以都察
院左副都御史張睿為陝西鄉試正考官廣東道御史吳甫
生為副考官吏部郎中陳汝弼為江南鄉試正考官工科給
事中黃鼎輯為副考官陞湖廣下荆南道許嗣興為廣東
按察使司按察使喀爾喀土謝圖汗敦多布多爾濟以肩
勞革退命其親叔多爾濟尼爾德尼阿海襲替

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百八

實錄卷二百八

十六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九

康熙四十一年壬午秋七月庚戌朔享

太廟遣吏部尚書席爾達行禮

上駐蹕熱河聞和碩溫憲公主薨日晡未進膳扈從諸大臣奏曰

皇上聞公主訃過哀此時尚不進膳恐

聖躬太為勞瘁奏入

上傳諭曰公主係已嫁之女朕尚可寬釋但

皇太后自幼撫養忽值此變

皇太后傷悼弗勝膳尚未進朕亦何心進食乎諸大臣復固請上乃詣

皇太后宮視食畢然後進膳隨諭領侍衛內大臣等左右兩

各派大臣一員侍衛十人送公主柩回京（辛亥）命諸皇子

及文武諸臣送和碩溫憲公主柩起行（河道總督張鵬翮

疏言山陽外河韓尹二莊素稱險要茲值伏秋水漲隄根浸

虛隄岸坍卸危險堪虞請急加幫築寬厚月隄以為重門之

障下部議行（壬子）

上駐蹕善巴城（丙辰）九卿議山西巡撫噶禮劾左都御史李紳致書太原府知府趙鳳詔照拂進士武承謨一案請將李

紳革職

上諭大學士等曰內外官員如此書信往來者甚多李紳從寬免革職著降五級留任又諭曰今之科道糾劾一官舉國皆聞方始入告或有先以疏稿示欲劾之人然後題劾者或有先告以題劾之意其人不懼然後題劾者若果貪汙理宜叅處倘因私怨以此微細故即行題劾事必滋擾矣（陞雲南元江副將李毓枚為廣東高雷廉總兵官）（己未）

孝懿皇后忌辰遣官祭

陵（庚申）工部議覆河道總督張鵬翮疏言伏秋水漲自徐州邳州桃源宿遷清河山陽安東一帶至海口搶修各子多有

衝陷危險之勢臣率領河員晝夜修防俱獲平穩惟山安汛

臧家溝水口漫溢東省戴村壩土隄被衝高家堰及六壩水

勢積長石工間被衝卸桃源烟墩張家莊埽子因黃水積長

一月不消又值暴風大作張家莊下顏家莊隄工漫開見在

相機堵築查徐州等處河工平穩均無庸議其漫開被衝隄

子應令該督速飭河員加謹搶護堵築完固並將疎防各官

查明題叅從之（辛酉）授輔國公納墨孫之女為鄉君壻扎

魯為輔國公壻秩四品（癸亥）

上駐蹕鄧家寨（甲子）中元節遣官祭

永陵

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵○以司經局洗馬張豫章為河南鄉試正考官。翰

林院檢討傅森為副考官。左春坊左庶子王思獻為山東鄉

試正考官。侍講滿保為副考官。檢討岳度為山西鄉試正考

官。庶吉士孫致彌為副考官。○事故三等阿思哈尼哈番方

實錄卷三十九

三

額察一次○河道總督張鵬翮疏言山陽縣黃河南岸自老

壩口起至小路口止請修築縷隄以資保固下部議行 乙

丑。

上駐蹕喀喇和屯○河道總督張鵬翮題覆徐州至清口請停

築石隄。

上諭大學士等曰朕巡寧夏時於黃河舟行二十餘日觀其水

勢毫無所定今舊河故道俱被漫溢若一遷流難復故處築

隄防之逼其水性易致衝決甚無益也可停築石隄又張鵬

翮疏稱黃河之水長至一月未退朕因高家堰日夜焦思洪

澤湖之水較運河高八尺運河之水較淮安高一丈二尺今

開唐埂六壩目前雖有裨益設高家堰一決揚州淮安宿遷等處百姓俱不可問矣惟俟入秋水過之時隄岸依然堅固方可無虞耳○兵部題鑲藍旗阿思哈尼哈番格圖肯潛逃本旗副都統安台等失察議請革職

上曰安台行止不端著革職餘從寬免○兵部議廣東征勦猛人一案韶州副將林芳陷沒提督殷化行總兵劉虎貽誤軍機應革職提問

上曰此事據嵩祝來奏殷化行劉虎兩路進兵其劉虎一路副將林芳戰歿殷化行一路官兵並無損失殷化行劉虎俱曾効力行間暫免拏問著兵部尚書范承勳前往審明具奏○

實錄卷三十九

四

丁卯戶部議覆山東巡撫王國昌疏言一東省積貯倉穀見存一百七十餘萬石請遵例存七難三於青黃不接之時照時值稍減平糶以濟窮黎秋收時糶穀還倉行之三年則全倉新穀可免朽爛之虞一東省額徵班匠銀四千四百餘兩請均入地丁項下徵收一山東魯藩舊基地土荒廢請聽民間開墾墾輪租即於明年起科給以印帖俾為恒業一東省各營兵糧按季徵收給發春夏之時百穀未登民間設法輸將實難猝辦若遲至秋後徵糧兵丁不能枵腹以待請動司庫銀兩照時值採買米石豫充明歲春夏二季兵糧至明歲秋成之後四季兵糧一並向民間徵足將一半於本年秋冬二

季支放一半留隔年春夏二季支放轉移之間兵民兩便查山東既有積穀明歲春夏二季兵糧應即以倉穀支應不必更動司庫銀採買餘俱應如所請從之 己巳

上駐蹕喇門嘴山地方 庚午

上駐蹕博洛和屯

御書廣育人才扁額賜順天府義學懸掛遣官致祭和碩溫

憲公主 壬申

上駐蹕巴達里營 癸酉

上駐蹕扎木僧扎色地方 乙亥

上駐蹕布克達巴漢地方 丙子

實錄卷九

五

上駐蹕巴顏拖羅海東界○增湖廣省鄉試中額十三名照江

南例共八十三名從總督郭琇請也 丁丑

上駐蹕噶拜尼瑪圖交界地方 己卯

上駐蹕齊老圖地方 旌表山東汶上縣烈婦宋琦妻徐氏拒

姦被戮克完貞志給銀建坊如例

八月庚辰朔

上駐蹕瑚爾希勒昂阿地方 來降厄魯特台吉丹津阿拉布

坦遣使請安賜丹津阿拉布坦

御用冠服並烏鎧一桿賞來使各蟒衣一襲白金五十兩 喀

爾喀固山貝子阿拉達爾故遣官致祭○增順天鄉試中額

八旗滿洲蒙古三名漢軍一名順天等八府十名國子監貢監生八名奉天一名宣化一名從順天府府尹錢晉錫請也

辛巳

上駐蹕瑚爾希勒畢喇地方 壬午秋分夕

月於西郊遣禮部尚書席哈納行禮 癸未

上駐蹕西拉扎卜地方 乙酉

上駐蹕多拖喀喇莫多地方 以詹事府詹事徐秉義為順天

鄉試正考官內務府會計司員外郎徐元夢為副考官 丙

戌

上駐蹕哈瑪爾達巴漢地方 丁亥

實錄卷九

六

上駐蹕湯泉○遣大學士吳璥祭

先師孔子 以和碩顯密親王丹臻子衍潢襲封和碩顯親

王 戊子祭

大社

大稷遣戶部尚書凱音布行禮

太宗文皇帝忌辰遣官祭

昭陵

上駐蹕努湖代昂阿地方 翁牛特多羅杜楞郡王碩第進宴

上諭曰爾所居之地名為營谷殊不佳可改名為巴顏鄂爾寨

圖 己丑

上駐蹕烏里雅蘇台昂阿地方○庚寅

太祖高皇帝忌辰遣官祭

福陵○

上駐蹕達爾昂阿地方○調河南河北總兵官江琦為陝西延

綏總兵官○辛卯領侍衛內大臣公坡爾盆領侍衛內大臣

伯心裕尚書哈雅爾圖等以四十九旗及邊外喀爾喀會盟

事竣覆奏下所司知之○刑部議覆四川巡撫貝和諾疏言

各省重犯具題之時招冊久已達部至秋審時復令造全招

一本又摘造節畧一本案牘繁多驛馬勞遞請嗣後秋審止

將原供及督撫看語叙入冊內其全招節畧停止造送以省

實錄卷百九

七

繁文應如所請並著為令從之○壬辰

上駐蹕畢圖舍里昂阿地方○癸巳

上駐蹕驚和洛○甲午

上駐蹕烏闌哈達地方○乙未

上駐蹕烏喇岱昂阿地方○兵部議覆廣東廣西總督石琳等

疏言廣東連陽等處排猺深居山谷恃野不馴蒙

皇上指授方畧特命都統嵩祝等赴粵東調集官兵於排猺緊

要口隘分布防守兼出示曉諭宣布

皇仁各排猺目業已率眾投誠宜籌善後之策臣等伏查連州

所轄油嶺大小等排周圍四百餘里俱係崇山深谷難以建

設州縣請仍舊歸連州連山縣管轄惟於附近排猺適中之

地三江口建立寨城安設官兵統率控馭應如所請改廣東

廉州府海防同知為理猺同知管領把總一員帶兵一百名

駐劄三江口不時入排巡察并將連州陽山連山三州縣海

防捕務仍歸該同知就近管理又三江口添設副將一員裁

去廣東韶協副將一員其都司一員守備一員千總二員把

總四員及始興營守備一員千總一員把總一員俱歸新協

管轄外添設千總一員把總三員分為左右二營其韶協額

兵九百二十三名始興營額兵一百七十五名共兵一千九

十八名俱改歸三江口管轄再於廣東將軍督撫提鎮各協

實錄卷百九

八

營兵之內均派出一千二名共二千一百名內將二千名歸

於新協一百名歸同知管束如有老弱兵丁應汰除名糧移

歸新協就於連陽鄉勇中考驗頂補其添設新協千把各員

及理猺同知所轄把總一員俱於各鎮協營弁兵內揀選弓

馬嫺熟者拔補并將連州之三大排以及各小排連山之五

大排以及各小排丁口地畝各項稅餉作何徵收之處令該

督查明冊報戶部從之○丙申

上駐蹕愛里昂阿地方○丁酉

上駐蹕克勒烏里雅蘇台○戊戌

上駐蹕汗特木爾達巴漢昂阿地方○江蘇巡撫宋犖疏言江

南文閣同考官舊例用十二員今酌增四員以重衡文之典從之○戶部議覆江蘇巡撫宋學疏言江南財賦重地各官錢糧處分有應加酌改者如署印官徵收錢糧欠一分至三分止於罰俸欠四五分者始降一級調用署印官多緣處分例輕以致因循怠忽應改為重例俾知儆惕又徵收地丁漕項錢糧初參未完一分以上者年限內雖有續完仍照未完一分例降三級調用各官以難逃部議寧坐受參處舊欠不復完納請改輕例以勸諭之應如所請嗣後署印官徵收錢糧欠三分以上者即降一級調用其經催經徵官員初參未完一分以上者年限內果能完至八九釐者仍降三級免

實錄卷九

九

其調用並著為令從之○工部議覆河道總督張鵬翮疏言本年伏汛黃水異漲桃源縣顏家莊隄漫開七十丈請亟加堵塞應如所請其從前承修之官並敕該督查參議處從之已亥

上駐蹕鶴爾營 庚子

上駐蹕博洛和屯 辛丑

上駐蹕殷特黑達巴漢地方 命闕里四氏教授照各府教授一體較俸陞轉從行聖公孔毓圻請也 壬寅

上駐蹕喇嘛洞 癸卯

上駐蹕三岔口 陞四川按察使李興祖為江西布政使司布

政使○河南巡撫徐潮疏言

皇上念程顥程頤之學命給祭銀查兩程子共祀一祠應於每年春秋文廟附祭之外另給致祭銀四十兩以昭

聖朝曠典從之 陞河標中軍副將王應統為河南河北總兵官 甲辰

上駐蹕古北口 乙巳

上駐蹕遙亭 丙午

上駐蹕密雲縣東門外 遣官祭

歷代帝王○遣官祭城隍之神○丁未

上駐蹕順義縣三家店 戊申

實錄卷九

十

上奉

皇太后回宮○陞原任按察使趙世顯為安徽布政使司布政使

九月己酉朔以和碩額駙內大臣尚之隆正黃旗滿洲都統

宗室鄂飛並為領侍衛內大臣 辛亥

上詣

皇太后宮問安○議政大臣領侍衛內大臣都統公鄂倫岱因

家人在古北口禁地放鳥鎗革議政大臣領侍衛內大臣都

統在一等侍衛行走○調正藍旗漢軍都統李正宗為鑲黃

旗漢軍都統以廣州將軍盧崇耀為鑲白旗漢軍都統陞鑲

黃旗漢軍副都統馮國相為正藍旗漢軍都統調正黃旗蒙古副都統伊德渾為鑲藍旗滿洲副都統鑲黃旗蒙古副都統余渾為本旗滿洲副都統正藍旗漢軍副都統張庫為鑲黃旗蒙古副都統陞前鋒叅領噶爾弼為正黃旗蒙古副都統壬子禮部議覆外簾監試御史節什等疏奏監生莊令與俞長策試卷作五經文字與例不合但事關崇文雅化理合奏聞應無庸議

上曰所作五經文字若俱浮泛不切自不當取中若能切題旨文理明順一日書寫二萬餘字實為難得莊令與俞長策者俱授為舉令准其會試嗣後作五經文字不必禁止作何定

實錄卷二〇九

上

例著九卿詹事科道議奏陞陝西寧夏道管錫忠為貴州按察使司按察使九卿等遵旨議覆雲南道御史王度昭疏叅戶部尚書李振裕勒索屬員禮物一案查李振裕收屬員圍屏一座此外並無餘物亦非勒索應無庸議定例載言官糾叅有一二指實者准其免議李振裕收受圍屏是實其御史王度昭亦請免議從之 癸丑

上御太和殿視朝文武陞轉各官謝恩 皇子生三歲而薨未命名 刑部題本年朝審各案得旨今年內外秋審案內情可矜疑者著照例具題發落其情實緩決各犯俱著於明年秋審具題 甲寅

上御經筵講畢賜大學士九卿詹事及講官等宴 乙卯以監察御史鄂羅為陝西布政使司布政使 丙辰陞直隸巡道劉德芳為四川按察使司按察使 戊午浙江巡撫趙申喬題琉球國進貢來使遭風船壞救出二人請旨定奪

上曰琉球國失水二人拯救復甦著該地方官加意贍養俟便船資給發還此等船隻損壞人被溺傷皆因修造不堅所致嗣後琉球貢使回國時該督撫須驗視船隻務令堅固以副朕矜恤遠人之意○河道總督張鵬翮疏請加築邵伯攔河二壩以資捍禦下部議行○旌表四川烈婦冉仲道妻王氏拒姦不從完貞殞命給銀建坊如例○己未

實錄卷二〇九

上

傳嬪薨

上輟朝二日○辛酉調正紅旗滿洲都統齊世為正黃旗滿洲都統正黃旗漢軍都統護軍統領嵩祝為正紅旗滿洲都統鑲紅旗蒙古都統莽喀為正黃旗漢軍都統陞正黃旗漢軍副都統車納福為鑲紅旗蒙古都統 正紅旗漢軍副都統高必威以老病求罷得旨高必威庸劣著革職 甲子諭吏部戶部兵部工部朕念黃淮兩河為運道民生所係屢次南巡親臨閱視以疏濬修築之法指授河臣開六壩以來淮敵黃通海口以引黃歸海比歲以來工程次第告竣修防漸有成效昨年冬月河臣張鵬翮曾以河工善後之策及應修之

處請朕親閱指示茲當農事之際減約從員輕裝南下自徐州一路循視隄堰沿途皆設營幄不御屋廬日用所需悉已儲備經過地方一切供帳宜通行禁止倘有官吏藉名科派累及小民或指稱豫辦擅動庫帑察出定嚴加治罪地方大小文武官員與扈從官員託言親舊私相餽遺及隨從人等有妄行生事者俱以軍法從事問閭百姓各事本業不須引避有懷挾私怨於駐蹕處所告訐者一概不准仍照律治罪該部即傳諭扈從人員並行各該督撫於所屬府州縣偏張告示務令通知以副朕體恤民生至意河道總督張鵬翮疏言桃源縣烟墩一工因對岸沙灘提出河心逼溜南行恐被衝刷請於北岸邵家莊開挑引河建築草壩以分水勢又顏家莊水勢逼射北岸亦請開引河一道則水流順下而險工不受衝激矣

上諭大學士等曰此本若敕部議必至遲延者即照所題行朕觀永定河修築之法甚善河身直河底深所以淤沙盡皆衝刷今治黃河亦用此法方為有益此工多費不過十萬兩試照永定河法修治之張鵬翮又疏言高家堰隄根地形窪下積水浸汕難免坍塌之虞若將運料小河再加挑深並建草壩則既可宣洩隄根積水兼之運送修工料物通商便民利益匪淺下部議行○乙丑

上詣

皇太后宮問安 丙寅陞江西南昌總兵官管源忠為廣州將軍 丁卯河道總督張鵬翮題報秋水情形

上曰覽奏挑水壩築成逼黃河大溜直趨陶莊引河循北岸而行黃水從大通口暢出海口極其深通淮水從清口暢流敵黃絕無黃水倒灌之患高家堰隄工完固加謹防守經伏秋大漲俱獲無虞運河水由涇河潤河人字芒稻等河分洩各處工程亦皆保固觀此河工大有望矣又諭曰今所開陶莊引河甚善朕前巡視南河時曾令員外郎赫碩滋將引河之椿加意深築其疏濬人字芒稻二河亦佳得此二河運河甚為有益朕觀明朝治河俱自徐州以上在河南地方修築我朝自康熙元年以來俱在徐州以下修築然治下流須豫防上流若上流潰決下流必至壅滯嗣後徐州以上地方河臣亦當留意再黃河之水遷徙無定朕前在寧夏時見黃河大溜每年更移今年行在此來年又移他處其性如此况九河故道原在河間地方後漸移向南歷代以來果能每年防禦相機修理則河道何至如此大壞皆因時當多事或十年或五年不修築不開濬所以漸難治矣明朝三百年間嘗講求河工治法彼時措置亦得其宜如山東微山湖將水蓄聚山中澇則蓄之旱則洩之皆深有益於治河者也 裁松江鹽

務分司一員歸并嘉興分司兼理裁下砂三場大使一員歸并二場大使兼理裁杭州織染局大使一員歸并杭州府知事兼理裁蘭谿縣水驛驛丞一員歸并蘭谿縣兼理從浙江巡撫趙申喬請也 太僕寺等衙門會議左右二翼孳生馬匹應與上駟院一體三年查核不論騾馬兒馬駒子於三匹馬內出馬一匹數多者賞不及數者罰其嚮賴太阿墩太梅倫等賞罰俱照上駟院舊例分別有差從之○戊辰調正紅旗護軍統領瓦爾達為正黃旗護軍統領鑲紅旗護軍統領孫渣齊為正紅旗護軍統領陞正紅旗滿洲副都統愛音圖為鑲紅旗護軍統領○己巳

實錄卷二一〇

五

上詣

皇太后宮問安○以禮部尚書席哈納為文淵閣大學士調吏部尚書席爾達為禮部尚書陞左都御史敦拜為吏部尚書吏部右侍郎溫達為都察院左都御史免江南沛縣本年分水災額賦十之三○陞浙江黃巖總兵官徐九如為鑲黃旗漢軍副都統泰領趙雲錦為正藍旗漢軍副都統辛未兵部議覆湖廣鎮軍生員李豐等叩關稱鎮軍紅苗肆行擄殺地方官不究不報謹進與圖一紙及被擄之地開列進呈查督撫提督統轄全省理宜痛癢相關乃以朝廷赤子任紅苗殺害置之膜外殊屬不合請將叩關呈詞鈔發荊州將

軍令其據實查覆得旨此事著吏部左侍郎傅繼祖工部右侍郎甘國樞浙江巡撫趙申喬馳驛前往湖南詳察具奏其浙江巡撫印務著總督郭世隆帶理 壬申

上詣

皇太后宮問安 轉工部左侍郎常舒為吏部左侍郎管右侍郎事工部右侍郎恩特為左侍郎陞大理寺卿哈魯為工部右侍郎以三等公曾壽為正黃旗漢軍副都統陞四川建昌總兵官吳洪為正紅旗漢軍副都統○癸酉

上詣

皇太后宮問安○

實錄卷二一〇

六

上巡視南河命皇太子允初

皇四子多羅貝勒○皇十三子胤祥隨駕是日啓行駐蹕海子行宮○

上率諸皇子及善射侍衛等射

上發五矢皆中的 調鑲紅旗蒙古副都統希思哈為正紅旗滿洲副都統陞護軍參領甘僧為鑲紅旗蒙古副都統 甲

戌

上駐蹕永清縣城南 乙亥

孝慈高皇后忌辰遣官祭

福陵○

上駐蹕文安縣(丙子)

上駐蹕河間縣北衛村(丁丑)

上駐蹕獻縣張白村

實錄卷三十九

七

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百九

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百十

康熙四十一年壬午冬十月戊寅朔享

太廟遣領侍衛內大臣尚之隆行禮遣官祭

永陵

福陵

昭陵

暫安奉殿

孝陵

仁孝皇后

實錄卷二百一

一

孝昭皇后

孝懿皇后陵○頒康熙四十二年時憲曆○

上駐蹕阜城縣檢橋村○(己卯)

駕過景州幸開福寺駐蹕景州城南○山東巡撫王國昌登州

總兵官劉官統來朝○陞兵科掌印給事中法特哈為大理

寺卿○陞山東按察使王然為廣西布政使司布政使(庚

辰)

皇太后聖壽節遵

懿旨免行禮停止筵宴○河道總督張鵬翮河北總兵官王應

統來朝○兵部議覆四川道御史劉若愚疏言武闈考試請

立空白印冊二本第一場馬箭合式武生於面上用印時即令本生親註姓名籍貫年貌於印冊第二場合式者亦如之至第三場策論取中即將前印冊字跡磨對以杜頂冒之弊應如所請從之 辛巳

上駐蹕德州城內（衍聖公孔毓圻來朝）壬午

上以皇太子允初患病駐蹕德州行宮諭扈從領侍衛內大臣等皇太子允初患病可召索額圖前來奉侍（召翰林院侍讀學士陳元龍侍講學士揆敘侍讀宋大業諭德查昇編修汪士鋐陳壯履庶吉士勵廷儀等入行宮令各書綾字一幅進呈）

實錄卷一百一十

十

上諭曰學書須臨古人法帖其用筆時輕重疎密或疾或徐各有體勢宮中古法帖甚多朕皆臨閱有李北海書華山寺碑字極大臨摹雖難朕不憚勞必臨摹而後已朕素性好此久歷年所毫無間斷也諸臣請瞻仰

御書

上親書大字聯對以示之諸臣奏曰

御書洵如龍飛鳳舞岳峙淵停贊魑難罄又令內侍引諸臣至行宮左廂恭視

皇四子皇十三子書聯諸臣環立諦視無不歡躍欽服 甲申
命皇十三子胤祥祭泰山（乙酉京師地震）（陞內閣學

士傅紳為盛京兵部侍郎 九卿等遵古議覆嗣後鄉會試作五經文字者應於額外取中三名若佳卷果多另行題明酌奪五經文字草稿不全免其貼出二場於論表判外添詔詰各一道頭場備多頁長卷有願作五經者許本生稟明給發從之 刑部遵古議覆黑龍江寧古塔等處發遣人犯逃

者甚眾皆由該管之人不行查察應令各該將軍打牲總管等將發遣人數每月查明咨部至年終該管將軍開明總數具奏臣部勘對如有發遣人犯逃走一名者伊主官則罰俸三月平民鞭責至二三名者計人數加罪其該管將軍副都統協領佐領驍騎校等亦分別降罰小撥什庫鞭責打牲總

實錄卷一百一十

上

管照協領治罪副總管照佐領治罪其發遣人犯逃走若糾拏時有拒捕者即行正法又或拐賣人口或為竊盜等事發覺臣部審明發與該將軍等即行正法其發遣之犯應沿途官員親身押解或不加防守以致罪人脫逃者官員降二級調用兵丁枷號一個月請著為令從之 丙戌賜大學士張玉書

御書十字文 戊子陞直隸天津道趙弘燮為山東按察使司

按察使 陞直隸河間副將高文燭為江西南昌總兵官浙江湖州副將熊經為浙江黃巖總兵官四川陝西督標中軍副將馬際伯為四川建昌總兵官直隸大名副將安躍拔

為廣東潮州總兵官○庚寅。

上率諸皇子及善射侍衛等射。

上發五天皆中的○諭理藩院今歲京師痘症甚多蒙古王台

吉中有未出疹痘者元旦著免來朝賀○以翰林院修撰胡

任輿為順天武鄉試正考官檢討海寶為副考官○辛卯諭

山東省官員曰爾等為官以清廉為第一為清官甚樂不但

一時百姓感仰即離任之後百姓追思建祠尸祝豈非盛事

從來百姓最愚而實難欺官員是非賢不肖人人有口不能

強之使加毀譽爾等各宜自勉○丁酉。

上諭直隸山東巡撫等曰凡御前奉差之人及皇子諸王公主

實錄卷三

四

經過之處地方官理宜迎接請安至於部院衙門差去審事

司官及筆帖式回京之日豈盡人人面奏地方官於彼經過時

跪請朕安無謂甚矣此乃不知禮之人創為此例眾人請安

則一人不敢獨異且遠省陛見之官經過而近省之官反行

迎接請安尤為非禮督撫等欲請朕安具摺奏聞有何不可

又或有假充御前之人在外生事許地方官即行拏解此後

如有部院衙門差去審事司官及筆帖式或織造往來或文

武官進京陛見者迎接請安之禮其永行禁止著直隸山東

巡撫通行各省遵諭行○戊戌諭扈從諸臣朕因閱河南巡

今以皇太子允初患病朕駐蹕此地為時已久應即回鑒明

歲再閱視河工允初病體雖稍愈尚須調理著暫留此俟大

愈後回京 是日

上駐蹕京州梁家集 己亥

上駐蹕獻縣懷鎮村 庚子

上駐蹕河間縣白革村 辛丑

上駐蹕霸州苑家口 壬寅

上駐蹕大興縣禮賢村 癸卯

上回宮 詣

皇太后宮問安○乙巳大學士等奏九卿等會議制錢改鑄大

式停止鼓鑄小錢。

實錄卷三

五

上曰私鑄之弊朕知之甚悉欲禁止何難但必洞徹錢法利弊

始可行之爾等可會同九卿再加詳議務使永遠遵行無弊

可也尋議鑄錢每文重一錢四分停止舊式小錢鼓鑄三年

內許大小互用大錢足用則小錢可漸次銷燬從之 丙午

閣侍讀學士滿闡為內閣學士兼禮部侍郎 四川提督岳

昇龍疏報打箭爐駐扎官兵於九月十二日遵旨撤回成都

下兵部知之○丙午廣東廣西總督石琳以年老乞休允之

○調浙江福建總督郭世隆為廣東廣西總督 以福建將

軍金世榮為浙江福建總督仍管將軍事 丁未

上諭大學士等曰國家承平之日武備不可一日少弛昔直隸

兵甚庸弱其後武弁缺出朕親簡閱人材壯健者補用自是人知盡職勤於教練今直隸兵已大振作矣湖廣陝西福建之兵俱強惟江南浙江江西廣西之兵俱懦弱西地壯健者咸欲投軍南方則不然本身衰老子弟代充所以懦弱者衆四川之兵西人為多故兵力亦強此番打箭爐交戰並無滿軍僅彼處萬人直搗其巢打箭爐賊兵強悍肆行抗拒是以被殺甚衆詢之俘獲喇嘛三人云彼處僅存女子丁壯殆盡此皆負固不服之所致也然川兵以萬人克此勁敵議功時宜加優敘

十一月戊申朔辛亥冬至祀

實錄卷二十一

天於

園丘遣領侍衛內大臣公坡爾盆行禮停止次日朝賀遣

官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵

上詣

皇太后宮問安 乙卯

上諭大學士等曰蠲賦為愛民要務徵取錢糧原為國用不足國用若足多取羨為比年以來附近省分俱屢行寬免惟雲南貴州四川廣西等處未得常邀蠲恤今戶部庫帑有四百五十萬兩每年並無糜費國帑大有贏餘朕欲將此四省四十年錢糧悉行蠲免倘有寬裕并及廣東省亦令蠲免其蠲免四省諭旨明春即行曉示庶經費易為措置也○丙辰諭戶部今歲山東河南地方俱報豐稔惟被災州縣民多匱乏項朕巡幸至德州見有一二災民流移載塗者詢問疾苦深為軫念雖據山東巡撫稱被災州縣已行令地方官發粟散賑但自冬徂夏青黃不接之際頒賑不繼無以資生應行文山東河南兩省巡撫凡屬被災地方令有司加意賑濟至明歲麥收時方止其災傷田糧雖已照分數蠲免猶恐被災之後民力艱難宜更沛特恩用加休養山東萊蕪新泰東平沂州蒙陰沂水河南永城虞城夏邑被災州縣康熙四十二年地丁錢糧除漕項外著察明通行蠲免該地方官務悉心奉行俾閭巷窮黎均沾實惠以無負朕宵旰勤民殷殷軫恤至意又諭戶部從來致治之道裕民為先故必蠲免田租時加

實錄卷二十一

七

膏澤而後閭閻充足永享樂利之休朕臨馭以來咨求民瘼蠲賑頻施誠恐小民疾苦未蘇生業未遂用是宵旰靡寧江北田土瘠薄生計尤艱朕心彌切軫念著將安徽巡撫所屬府州縣衛等處康熙四十二年地丁錢糧除漕項外通行蠲免地方有司務要切實奉行俾小民得沾實惠以副朕愛養黎元至意倘不肖官吏陽奉陰違或借端苛取澤不下究事發定從重治罪不宥○又諭戶部朕撫御蒙區四十餘年無一刻不以民生為念天下至大兆民至衆惟恐窮鄉僻壤百姓疾苦不能上達所以孜孜勤求未嘗少懈天時水旱自古有之備荒之法全賴督撫得人倘以諱災為事虧空塞責一

實錄卷二百

下

遇歉薄莫知所措視民命如草芥何以為民父母況秦省不通水運若不謹於蓋藏儉歲難於賑恤河西一帶地方素稱貧瘠雖免康熙四十一年錢糧民生未裕再將康熙四十二年地丁錢糧通行蠲免該督撫遍示所屬地方務使閭閻均沾實惠以副朕愛惠元元之至意如有不肖有司違旨私徵希圖侵蝕者督撫察叅從重治罪或被旁人告發或被科道糾劾該督撫一并嚴議以禮部郎中劉凡為陝西按察使司僉事提調學政丁巳諭大學士等近見各部院衙門所辦事件有錯悞者惟恐事情覺露專務隱匿不行檢舉朕總理萬幾亦止詳識緊要事務安能逐事一一記之各部院檔案

繁多勢不能無舛錯遺漏或有舛錯遺漏而即自行檢舉則其過猶為可恕若懼罪隱匿不行檢舉則事必終於舛錯貽誤甚大爾等將此旨傳諭各部院滿漢大臣知之○兵部題攻克打箭爐軍功叅將馬爾值等加等授職有差原任四川提督唐希順因病解退應毋庸議得旨唐希順調度有方進剿著績仍著議敘俟病痊之日以原官起用餘依議○已未上詣

實錄卷二百

九

皇太后宮問安○癸亥雲南貴州總督巴錫疏報貴州岩門司苗人羅尤等匪犯拒捕殺死土官臣等遵旨調遣副將王鳳等於閏六月二十四日進兵苗寨羅尤被戮其妻子弟姪及苗黨悉被斬獲官兵已經陸續回汛下兵部知之○甲子
上幸南苑行圍○乙丑喀爾喀土謝圖汗遣使進九白年貢宴賚如例○予故散秩大臣拜音又克祭一次旌表山東烈婦徐氏拒姦被戮矢志貞烈給銀建坊如例○丙寅上奉

皇太后幸暢春園○皇太子允初病愈遵旨回京○大學士伊桑阿以老病乞休溫旨慰諭命以原官致仕○丁卯上詣

皇太后宮問安○裁貴州普安州土州同缺其版圖賦稅歸并普安州知州管理○已巳免湖廣沔陽州衛本年分水災額

賦十之三 壬申廣西巡撫蕭永藻疏奏廣西原任布政使教化新虧空米穀應令照數追賠

上諭大學士等曰虧空米穀若照銀兩之例追賠則為官者甚難矣各省倉廩所貯米穀苟核其實監收官員盡被牽累必有收貯之地乃為可久若並無倉廩惟積於空野能免朽爛乎況南方之地無一乾土米穀積於空野朽爛必矣爾等酌議嗣後虧空米穀另行定例於事方有裨益 工部議覆浙江巡撫趙申喬題請修葺禹陵應令地方官捐修

上曰凡古帝王陵寢地方官應不時修葺今禹陵必頽壞已極趙申喬始行題請著杭州織造會同地方官確估工價動支

實錄卷二十一

十

織造歷年節省錢糧盡心料理稱朕尊崇前代聖王之意

癸酉

上詣

皇太后宮問安 丙子喀爾喀澤卜尊丹巴胡土克圖遣使進九白年貢宴資如例 調蘇松水師總兵官甯維國為廣東高雷廉總兵官陞四川永寧協副將穆廷斌為蘇松水師總兵官十二月丁丑朔免河南永城虞城二縣本年分水災額賦有差 免浙江縉雲縣本年分旱災額賦有差 戊寅以翰林院編修陳壯履充日講起居注官 已卯

上詣

皇太后宮問安 庚辰工部議覆河道總督張鵬翮疏言本年伏秋黃水大漲水落之後河勢變遷直趨南岸車路口等處險工請建礮嘴壩工以資捍禦應如所請從之 辛巳刑部議領侍衛內大臣一等伯心裕逼打家人姜八等致死者三十餘人查定例故殺家人者降一級留任心裕雖事在赦前而致死人眾不便照此例議處應將心裕革職得旨心裕著革去領侍衛內大臣一等伯 壬午

上諭大學士等曰原任吏部侍郎額星格因星悞革職非有大過今年已衰老朕比來巡歷所至凡以星悞罷職年老官員在籍者皆給與原官職銜以示朕優遇老臣之意額星格著

實錄卷二十一

十一

以原銜給之 予故天津總兵官吳啟爵祭葬如例 甲申以前鋒統領伯霸圖為領侍衛內大臣 免江南亳州等四州縣衛本年分水災額賦有差 丙戌

上幸南苑行園 戊子

上回駐暢春園 已丑以上駟院大臣科代為內務府總管

庚寅

上奉

皇太后自暢春園回宮 辛卯

上御太和殿視朝文武陞轉各官謝恩 壬辰諸王貝勒貝子公大學士九卿文武諸臣及生監小民等以

皇上五十萬壽請上

尊號得旨朕即位四十餘年未嘗一刻不以民生休戚為念遠邇安寧為本雖或慶雲景星嘉禾瑞草天書麟鳳之奇總無關於黔黎亦無係於朕心侈言祥瑞貽譏史冊朕以實心為民天視天聽視乎民生後人自有公論若誇耀功德取一時之虛名大非朕意不必數陳諸王大臣等再三奏請終不允吏部議江南江西總督阿山承審安徽布政使張四教虧空帑銀一案止據張四教巧供已將俸工扣補疏請免追應將阿山照徇庇例革職得旨阿山從寬革職留任○戶部題盛京戶部所報牛莊等處被災官田議駁回察明具奏

實錄卷一百一

十一

上曰該部以盛京先報雨水調和今復奏稱被災因議駁回豈知晴雨原無一定初時雨水調和其後雨水不調以致被災亦常事耳可准其奏○以翰林院侍讀學士張廷樞提督江南學政檢討文志鯨提督浙江學政○癸巳兵部議覆四川巡撫貝和諾疏報大小涼山一帶地方野保甚多據大赤口土目赤哪嗎赤呵底余宗傾心向化率眾歸誠請俱授為土千戶之職頒給印信應如所請從之先是上行圍塞外於胡爾希勒河涯地方有莊頭劉進叩關首告古北口外盜賊行劫擾害居民

上命內務府郎中佛保員外郎鄂托拜率領包衣護軍查拏佛

保等隨獲賊張得功等七人具奏得旨著大學士馬齊會同

佛保鄂托拜審明具奏尋審奏張得功等七賊行劫各處自認不諱又供出朝陽洞等處同夥劫賊數人並應緝拏正法上諭曰口外盜賊藏匿時行劫奪若不緝拏莊頭居民未獲安處著副都統達爾占員外郎鄂托拜率前鋒十六人前往查拏以安靖地方於是達爾占等往朝陽洞等處又擒獲劫賊五人並奏聞送交刑部至是部議張得功等八人應律應斬立決已行劫未得財之遲四等四人應斬監候秋後處決得旨張得功等俱著即處斬遲四等俱著監候秋後處決○喀爾喀車臣汗遣使進九白年貢宴賓如例○予故廣東潮州

實錄卷一百一

十三

總兵官薛受益祭葬如例○乙未

上詣

皇太后宮問安 陞偏沅巡撫金璽為刑部右侍郎調浙江巡撫趙申喬為偏沅巡撫以刑部右侍郎張泰交為浙江巡撫調浙江提督趙弘燦為廣東提督陞彝陵總兵官王世臣為浙江提督 順天府進春 考察天下軍政卓異官四十四員貪官二員浮躁官三十一員罷軟官五十員才力不及官一百五員不謹官三十五員有疾官六十九員年老官九十六員各陞賞處分如例 陞護軍參領禪步為荊州右翼副都統 丙申陞鑲黃旗漢軍副都統公孫徵灝為鑲白旗

漢軍都統調廣東韶南總兵官范時捷為瓊州總兵官陞四川陝西督標中軍副將羅大虎為四川北總兵官直隸山永副將黃登為廣東韶南總兵官兵部議覆直隸巡撫李光地疏言直隸鎮標將弁臣遵旨面加考試除已舉卓異者另疏題明尚有遊擊戴良才等五十三員弓馬優嫻副將黃登等四員勇畧昭著請格外特賜召試應毋庸議得旨戴良才黃登等五十七員俱准卓異兵部等衙門議覆兵部尚書范承勲察審廣東猛人刼殺一案右翼總兵官劉虎及副將林芳等率兵進剿林芳被傷身故劉虎不顧首尾先行退回應照例擬斬提督殷化行平時不能安輯地方臨期復

實錄卷二百一

丁酉

不行救應。貽誤軍機應革職

上曰殷化行軍前勞績甚著若革職殊為可矜著以軍功所得官職原品休致劉虎著革職從寬免死停止大通橋監督運送京倉米石歸并坐糧廳管理添設京八倉廩四十一座通倉廩二十四座修葺倉廩共二百七十四座修築高良澗汛清水潭大壩從河道總督張鵬翮請也丁酉以翰林院編修顧悅履提督山東學政山東道御史張瑗提督河南學政江寧府知府劉琰為江西按察使司副使提調學政右庶子沈涵提督福建學政翰林院檢討潘宗洛提督湖廣學政刑部郎中翁嵩年為廣東按察使司僉事提調學政通州

知州靳讓為廣西按察使司僉事提調學政禮部郎中劉謙為四川按察使司僉事提調學政刑部郎中孫纘功為雲南按察使司僉事提調學政辛丑

孝莊文皇后忌辰遣官祭

暫安奉殿諭吏部兵部左侍郎兼管翰林院掌院學士事法良不能整飭翰林甚屬溺職著革退壬寅厄魯特丹津阿拉布坦來朝

上御保和殿理藩院官引見行禮畢召入殿內寶座前

上諭曰昔厄魯特歸降我朝未有率人如爾之眾者爾既傾心歸嚮甚屬可嘉朕所用避風石數珠最利風疾今以賜爾又

實錄卷二百一

丁酉

諭曰今爾厄魯特國雖破滅從公論之前喀爾喀與厄魯特互相構難朕常以喀爾喀為非以爾為是但喀爾喀乘喀爾喀之釁來侵我境是以國破朕之滅喀爾丹者以其侵犯我境非為征喀爾喀之故也丹津阿拉布坦叩首奏曰誠如聖諭臣等厄魯特生於絕域如禽獸無知昔犯

天朝今每一思及心膽俱裂

上曰爾厄魯特為人多疑朕親率師至克魯倫屢遣使諭喀爾丹歸降彼不肯從故至交戰失利其時設若歸款朕亦即已前厄魯特來歸者朕有授以大臣之職爾等尚不之信有言此必是計後定誅戮今厄魯特為大臣者見在已養至十年

計耶非耶至於喀爾喀人材庸劣不及爾厄魯特厄魯特來
歸者雖未遇從征立功其危從巡哨亦甚盡力今觀爾體貌
健壯他日得力可知念爾遠涉勞乏且善調攝暇日更與爾
言也命賜宴并賜貂皮袍褂銀幣鞍馬等物封為多羅郡王
令於洪郭爾阿濟爾罕地方游牧 甲辰

上詰

皇太后宮問安○陞內閣學士紀爾他渾為兵部左侍郎內閣
學士來道為工部右侍郎翰林院侍讀學士授敘為翰林院
掌院學士內閣侍讀學士穆和倫阿藍太俱為內閣學士兼
禮部侍郎○乙巳歲暮裕祭

實錄卷一百一

七

太廟遣領侍衛內大臣尚之隆行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵遣官祭太歲之神 丙午賜朝正外藩烏朱穆
秦科爾沁阿霸垓高齊忒扎魯特毛明安蘇尼特喀爾喀鄂

爾多斯喀喇沁教漢王貝勒貝子公台吉及內大臣大學士
侍衛等宴 旌表八旗節婦滿洲薩哈連妻傅氏等二十七
人蒙古雅爾幾岱妻爾氏一人漢軍佟騰雲妻趙氏一人直
隸各省節婦夏光湘妻蕭氏等二十二人各給銀建坊如例
是歲人丁戶口二十四十一萬一千三百八十田地山蕩

畦地五百九十八萬六千九百九十三頃六十三畝有奇徵
銀二千七百三十九萬六千六百六十九兩有奇米豆麥六百九
十六萬八千六百七十三石有奇草二百八萬一千六百八
十八束茶十五萬七千四百七十六引行鹽四百三十一萬
九千四百七十五引徵課銀二百六十九萬七百一十八兩
有奇鑄錢三萬三千八百六萬五千九百有奇

實錄卷一百一

七

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百十

實錄卷二百十

大

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百十一

康熙四十二年癸未春正月丁未朔

上詣

堂子行禮還宮拜神畢率諸王貝勒貝子公內大臣大學士侍
衛等詣

皇太后宮行禮御殿王以下文武各官外藩王及使臣上表朝
賀停止筵宴○朝鮮國王李煒遣陪臣李桓等表賀冬至元
旦

萬壽節及進歲貢禮物宴費如例○戊申

實錄卷二百十一

十

上詣

皇太后宮問安○庚戌

上奉

皇太后幸暢春園○辛亥祈穀於

上帝遣皇太子允初行禮○壬子諸王貝勒貝子公文武諸臣

奏今年三月十八日

皇上萬壽節正值五旬大慶茲

聖駕巡閱南河臣等請於

駕發之前預行慶賀禮恭進鞍馬緞疋等物

上諭曰朕之誕辰爾等如此進獻在外督撫亦必效之朕必不

受朕素嗜文學爾諸臣有以詩文獻者朕當留覽焉既而大學士等及部院諸臣恭進慶祝

萬壽無疆屏

上復卻之於是大學士等及部院諸臣復以慶祝

萬壽屏文繕寫冊頁進呈奏曰臣等恭製此屏皆數陳我

皇上功德實事乞

賜留覽得旨屏內所書之詞俱已載在冊頁朕留冊頁即與收

屏無異此屏朕必不受也○癸丑

世祖章皇帝忌辰遣官祭

孝陵○

上詣

皇太后宮問安○乙卯孟春享

太廟遣領侍衛內大臣和碩額駙尚之隆行禮○遣官祭

太歲之神○庚申以上元節賜外藩烏朱穆秦科爾沁

嵩齊忒扎魯特蘇尼特吳喇忒教漢毛明安諸王貝勒

貝子公台吉等及內大臣大學士侍衛等宴○辛酉上

元節賜外藩王貝勒貝子公台吉等及內大臣大學士

侍衛等宴○賜朝正外藩王貝勒貝子公台吉等銀幣

鞍馬有差○

上奉

皇太后自暢春園回宮○壬戌

上巡視南河命皇太子允初

皇四子多羅貝勒 皇十三子胤祥隨駕是日啟行駐蹕良

鄉縣○直隸巡撫李光地來朝賜

御書督撫箴一幅○癸亥

上駐蹕新城縣城南○甲子

上駐蹕臨河地方○乙丑

上駐蹕任邱縣波羅店○丙寅

上駐蹕阜城縣高家樓○漕運總督桑額來朝○諭大學士等
齊世武自授甘肅巡撫所屬各官多被叅劾署事竟至乏人

其中有初任者亦有他省調補者果有不法自當叅處若止

小過則懲戒可耳○丁卯諭大學士等湖廣總督郭琇摺奏

提督林本植標兵於城內公行焚劫朕思湖廣兵丁驕縱若

不用一才能者統轄之安能除其惡習林本植年邁著解任

大同總兵俞益謨著補授湖廣提督令即馳驛赴任伊標下

兵弁中有深信者并令酌量帶去其帶去兵弁悉以職名奏

聞○

上駐蹕德州城外教場○河道總督張鵬翮山東巡撫王國昌

衍聖公孔毓圻等來朝○命工部侍郎來道兼管詹事府詹

事事○戊辰

上駐蹕禹城縣黎濟寨○已巳。

上駐蹕齊河縣邱家岸○四川巡撫貝和諾疏報四川成都等八府、眉州等五州及九姓土司共首出田地一千七百二十四頃六十一畝零。應徵銀一千八百五十兩有奇。下戶部知之○庚午。

上過濟南府。沿途百姓歡迎道左。是日幸巡撫署中。觀珍珠泉。御書三渡齊河即事詩一章。令懸之署門。曉示臣民。出觀趵突泉。

御書源清流潔匾額。令懸趵突泉。書潤物匾額。令懸珍珠泉。書學宗洙泗匾額。令懸省城書院。○賜山東巡撫王國昌。

御書督撫箴一幅○

上駐蹕長清縣黃山店○辛未。

上駐蹕長清縣界首舖○壬申。諭大學士馬齊昨夜大風南村失火。朕遣大臣侍衛撲滅之。小民遭此深為可憫。著傳諭巡撫布政使察明被災房數。并議作何行賞之處。大學士馬齊遵旨令巡撫王國昌等察明。并議每被火房一間賞銀三兩。奏入。得旨。專委地方官行賞。小民未必盡沾實惠。著交近御侍衛海青等監視散給○

上登泰山還。駐蹕泰安州○諭戶部。朕甲子已巳兩次南巡。路經東省。見民生豐裕。士庶樂利。近來淮黃告成。朕不辭遠涉。

減從輕裝待旦而興。夜分乃寢。再經齊魯。存問民生。休戚似不及甲子已巳。朕深惜憫。如痼疾之在抱也。若閭閻蓄積有餘。即遇有水旱。亦不致困苦。今特加恩蠲恤。用弘愛養。朕所經過地方德州平原禹城齊河歷城長清恩縣夏津武城館陶臨清清平博平堂邑聊城東阿陽穀壽張滕縣嶧縣二十州縣康熙四十一年未完地丁錢糧著通行蠲免。濟南府屬之海豐利津霑化兗州府屬之寧陽滋陽泗水金鄉單縣曹縣鄆城曲阜費縣十二縣去歲農收歉薄。康熙四十一年未完錢糧亦通行免徵。其去歲曾被水災之東平新泰蒙陰沂州沂水萊蕪六州縣康熙四十一年未完錢糧亦著全免。其泰安郛城魚臺汶上嘉祥鉅野濟寧七州縣雖未成災。康熙四十一年未完錢糧俱著蠲免。康熙四十二年地丁錢糧著分三年帶徵。爾部即移文該撫率各州縣有司詳慎奉行。務令入需實惠。戶有餘藏。以稱朕重期黎元殷阜之至意。有不肖官吏侵蝕私徵者。察出從重治罪○河南巡撫徐潮來朝。賜

御書凜冽清風匾額。督撫箴一幅。及衣帽等物○癸酉。

上駐蹕新泰縣浮邱地方○遣官祭東嶽泰山之神○甲戌。

上駐蹕沂水縣垛莊驛○乙亥。

上駐蹕沂州李家莊

二月丙子朔。

上駐蹕宿遷縣崕嶧○諭山東巡撫王國昌朕自泰安州見新泰蒙陰沂州郯城等處城郭鄉村黎民被災甚苦雖將正賦蠲免而見在乏食尚屬無益徒有賑濟之名而倉粟諒已盡竭又觀黎民顏面衣服朕心不勝憫惻更為盡心籌畫如以養蒙古之例施於山左庶幾青黃不接之際猶可度日命在京滿漢大學士九卿會議無論官民有情願効力者作速遣往山東不拘銀米同地方官分界賑濟以及降級革職人等有情願贖罪者亦准其贖罪俟秋成後視其果有裨益酌量議敘至該撫尤宜董率屬員善為撫綏勿致流離務期副朕視民如子之至意即將告示刊刻通行曉諭○江寧將軍鄂羅薩江南江西總督阿山江蘇巡撫宋榮安徽巡撫喻成龍狼山總兵官劉含高等來朝○丁丑諭河道總督張鵬翮朕經過泰安新泰蒙陰沂州郯城等州縣見民有飢色應即行拯救經過地方雖經賑濟蠲免錢糧但州縣倉穀年久朽爛無裨於散賑今著漕運總督桑額以漕米二萬石付兩揀選賢能官員運至濟寧州兗州府等處州縣減價平糶有應賑之處即行賑濟桑額亦將米二萬石於泰安州一路散給又將收稅有力之官七員並發在京旗民中願贖罪人一百名伊等俱照養蒙古例以所用之多寡分別議敘○遣大學

實錄卷三十一

六

士熊賜履祭

先師孔子○

上由宿遷縣五花橋渡中河過閘隄工至宿遷縣渡黃河駐蹕桃源縣上古城○賜扈從兵丁等銀兩○戊寅祭大社。

大稷遣禮部尚書席爾達行禮○是日

上過閘徐家灣等隄祥符等閘復細閱新修河口登舟過閘隄工自烟墩登岸。

上諭河道總督張鵬翮曰觀黃河磯嘴壩太短不能逼溜今欲照永定河修長挑水壩何如張鵬翮奏曰永定河與黃河形

實錄卷三十一

七

勢不同黃河萬里而來勢大水深磯嘴加長一遇水發易致衝壞河官惟恐賠修不敢接長。

上曰試將一兩處作長挑水壩即有衝壞免其賠補復遍視烟墩等顧張鵬翮曰烟墩甚險雖有越隄必須保守縷隄此處應建挑水壩○

上駐蹕桃源縣釵子營○己卯。

上自桃源縣登舟過視河隄顧河道總督張鵬翮曰桃源烟墩至龍窩一帶隄子甚卑矮應行加高○

御舟入清口泊天妃廟○庚辰春分朝

日於東郊遣兵部尚書馬爾漢行禮○諭河道總督張鵬翮清

水自仲莊開出口入於黃河。逼溜使南。其陶家莊以下楊家莊地方應挑濬引河。令中河之水從此而出。則於運口有益。著即相度形勢。估計具奏。其仲莊石閘者。暫停修築。又諭張鵬翮曰。歸仁隄引河。用以分洩洪澤湖之水勢。若黃水加長。則恐清口水弱。著將祥符閘下板堵閉。草壩將五堡閘酌量開放。以助清水之勢。○致仕大學士張英來朝。

御舟泊淮安府。○諭扈從永定河分司齊蘇勒。朕觀黃河險要地方。應下挑水埽壩。見今永定河朕親指示挑水壩。俱有裨益。爾遵照朕指示式樣。前往烟墩九里岡龍窩三處築挑水壩數座。試看有無裨益。雖被衝壞無妨。工完之日。令該地方官盡心防守。如有墊陷不時修葺。可將此旨傳與河道總督張鵬翮。速派賢能官員。令其多備物料。夫匠於朕回鑾之前完工。需用錢糧與爾無涉。不可經手。工完將用過錢糧記明具奏。如遇桃汛水發。即行停止。○辛巳。

御舟泊邵伯。○以大學士熊賜履吏部尚書陳廷敬為會試正考官。吏部右侍郎吳淦禮部右侍郎許汝霖為副考官。予故廣東高雷廉總兵官李毓枚祭一次。○壬午。

御舟過邵伯更樓。諭河道總督張鵬翮曰。此地舊日被災形狀。與今山東飢民無異。豈朕今日觀此地安居景象而忘山東之飢民乎。朕念運糧賑濟事不可緩。乘今日順風。爾作速回。

清江浦料理轉運。截留漕糧。差官前往山東散賑。至距揚州十五里沙壩橋河道情形。朕自細閱。回鑾時而諭爾知之。○京口將軍侯馬三奇等來朝。

上臨幸揚州。監郡紳衿士庶跪迎聖駕。

上駐蹕揚州府城內。○癸未。

上出揚州城登舟。是日。

御舟泊瓜州。七船塢。○甲申。

御舟渡江。登金山江天寺。

御書動靜萬古匾額。令懸寺中。是日。

御舟過鎮江府。○乙酉。

御舟過常州府。○丙戌。

孝康章皇后忌辰。遣官祭孝陵。

○

上臨幸蘇州。監郡紳衿士庶跪迎聖駕。

○

上駐蹕蘇州府城內。○賞賚扈從大臣及侍衛護軍執事人等。

白金有差。○陝西岷州衛崇隆寺等五寺番僧鄧桂。賊滿等。

進貢宴賚如例。○丁亥。命侍衛善壽都察院左都御史溫達。

翰林院掌院學士揆敘。至原任大學士宋德宜墓奠酒。○偏。

沅巡撫趙申喬來朝。命大學士馬齊張玉書傳諭曰。湖南地方介在邊遠之境。聞向來官吏積習相沿。無藝私徵。種種不一。計每歲科派。有較正供額。賦增至數倍者。有司徵收錢糧。加取火耗。又視別省為獨重。百姓窮蹙。不支多致流離轉徙。非將宿弊逐一剔除。無以砥礪官方。大甦民困。除從前已往諸事。姑免察究外。爾到地方。嚴飭大小屬員。痛改前非。洗心奉職。力減加耗。盡革私徵。務使流移者復返鄉閭。守業者獲安隴畝。庶副朕軫念遠省民生之至意。如仍有藐法不遵。重為民害者。即據實糾參。從重治罪。決不輕宥。○賜江蘇巡撫宋學。

御書督撫箴一幅。○戊子。

上自蘇州府登舟。啓行。過嘉興府。○已丑。

御舟泊杭州府紅嶺。○陞漕標中軍副將王允昌為湖廣彝陵總兵官。直隸張家口副將張文煥為山西大同總兵官。調山東登州總兵官劉官統為陝西寧夏總兵官。陞江南江西督標中軍副將王文雄為山東登州總兵官。○庚寅。杭州將軍丹岱。福建將軍兼福建浙江總督金世榮。浙江巡撫張泰交等來朝。

上臨幸杭州。駐防官兵及閩郡紳衿士庶跪迎聖駕。

上駐蹕杭州府城內。○

上幸演武場。率諸皇子及善射侍衛等射。

上親射二次。皆中。又閱杭州駐防官等射。○辛卯。遣官祭歷代帝王。○壬辰。命復革職內閣學士盧琦原品。○賜杭州

駐防兵丁銀兩。○癸巳。遣官祭

先農之神。○遣領侍衛內大臣公阿靈阿侍郎傅繼祖來道

閱錢塘江隄。○杭州百姓聞

上將回鑾。齊集行宮前。懇留

聖駕。不允。○

上自杭州登舟回鑾。泊仁和縣塘栖。○甲午。

御舟過嘉興府。○乙未。清明節。遣官祭

永陵。

福陵。

昭陵。

暫安奉殿

孝陵。

仁孝皇后

孝昭皇后

孝懿皇后陵。○

上登陸。駐蹕蘇州府。○諭大學士等曰。趙申喬分文不取信然。

但朕臨幸杭州。諮訪百姓。言趙申喬好收詞訟。民多受累。大凡居官。固貴清廉。尤必和平。始為盡善。如果好受詞訟。刁民興訟者必多。縱使即為審理。其被訟之人。一家產業已蕩然矣。如此民何以堪。聞阿山亦喜受民詞。總之為督撫者。以安靜不生事為貴耳。○丙申。賜內大臣侍衛護軍執事人等。綴疋有差。○遣翰林院掌院學士揆敘。一等侍衛噶爾達。往封朝鮮國王李焞。繼娶金氏。為朝鮮國王妃。○丁酉。召大學士等。諭曰。觀近日南方風景。民間生殖較之康熙三十八年。南巡時。似覺豐裕。大約任地方督撫者。安靜而不生事。即於民生有益。倘徒恃才幹。不體下情。以此爭先出眾。民必受其殃矣。所以朕於扈從人等。恐其生事。時厯於懷。諸事惟務謹慎。不時嚴禁。倘朕欲將州縣官員。日加驅使。未為不可。所以不忍為者。亦因體恤微員耳。今總督巡撫。能如此體恤者甚少。又諭曰。趙申喬居官誠清。但性喜多事。所以小民反致受累。較之張鵬翮。李光地。徐潮。則趙申喬甚為福淺矣。○賜扈從文武大臣官員侍衛護軍等。綴疋有差。○蘇州百姓聞

實錄卷二二一

上

上將回鑾。齊集行宮前。懇留聖駕。不允。○戊戌。

上自蘇州登舟。啓行。泊潁潁關。○己亥。

御舟泊常州府東關外。○庚子。

御舟泊京口。○辛丑。孝昭皇后忌辰。遣官祭

陵。○賜鎮江府驛站兵銀兩。○是日

上自京口。由陸路臨幸江寧府。駐防官兵及閩郡紳衿士庶。跪迎聖駕。

上駐蹕江寧府城內。○賜致仕在籍大學士張英

御書匾額對聯。○授四川邛部土司嶺安盤為邛部宣撫使。○

士寅。遣大學士馬齊祭明太祖陵。○賜扈從侍衛護軍。及駐

防兵丁銀兩有差。○江寧百姓聞

上將回鑾。齊集行宮前。懇留

實錄卷二二一

上

聖駕。不允。○癸卯。

上自江寧府回鑾。至鎮江府避風館登舟。泊金山寺。○甲辰。

御舟渡江。泊寶塔灣。○乙巳。

御舟過高郵州。○旌表直隸行唐縣烈婦張肖月妻張氏。拒姦

殞命。員烈可嘉。給銀建坊如例。

三月。丙午朔。

御舟過寶應縣。○丁未。

上登岸。閱高家堰隄工。駐蹕關聖廟。○諭河道總督張鵬翮。王

公隄。關係運道。民生最為緊要。隄岸單薄。椿木漸朽。應再加

幫。以資捍禦。不可因於灘可恃而忽之也。○戊申。

上遍閱高家堰翟家壩等處隄工。○仍駐蹕關聖廟。○諭河道總督張鵬翮高家堰工程關係重大。保守最為緊要。朕今日乘舟由洪澤湖閱視。見有殘缺石工。以葦草鑲填。倘遇水發。危險堪虞。至六壩見新修石隄堅固。方慰朕懷。其殘缺石工著即興修。乘水未長之前完工。用資捍禦。至高家堰防險之人。用候選縣丞經歷等微員。此不過例監書辦出身家產微薄。倘有疎忽。干係不小。須於候選官員內擇其職銜稍本身家殷實者。委令防險。如此。則彼知自愛。身家又有選用之望。自能盡心防守。有裨工程。○諭河道總督張鵬翮王家營對面鮑家營應開挑引河。洩黃河汎漲之水。以保障清汴淮安地方。著即行興工。仍兩岸築隄以衛民田。○已酉。上乘舟。歷黃河南岸。觀龍窩烟墩等隄。復渡黃河。閱九里岡等隄。○諭河道總督張鵬翮清口西壩乘此水淺時。再加長數丈。有益。又劉河隄岸低薄。應築挑水壩。○御舟過宿遷縣。○旌表山東聊城縣烈婦秦住妻李氏拒姦慘死。貞烈可嘉。給銀建坊如例。○庚戌。

御舟過邳州。○辛亥。

御舟過沛縣。○壬子。

御舟泊濟寧州。○癸丑。

御舟過東平州。○甲寅。

御舟過東昌府。○乙卯。

御舟過武城縣。○丙辰。

御舟過景州。○丁巳。

御舟過滄州。○雲南永北總兵官馬騰于母憂。命在任守制。○

天津總兵官藍理來朝。○戊午。

御舟過天津衛。○己未。

上自楊村登岸。駐蹕南苑。○庚申。

上回宮。詣

皇太后宮問安。○吏部議覆四川巡撫貝和諾疏言各省教職

係每學二員。川省五十七學。每學止設一員。缺少人多。以致

舉人貢生選補無期。請每學各增一員。應如所請。從之。○辛

酉。

上召大學士九卿等諭曰。朕此番南巡。遍閱河工。大約已成功

矣。曩者河道總督于成龍未曾遵朕指授修築。故未能底績。

今張鵬翮一一遵諭而行。向來黃河水高六尺。淮河水位六

尺。不能敵黃。所以常患淤墊。今將六壩堵閉。洪澤湖水高力

能敵黃。則運河不致有倒灌之患。此河工所以能告成也。又

沿途諮訪地方官直隸巡撫李光地。河南巡撫徐潮。居官皆

優。山東巡撫王國昌。江蘇巡撫宋學。俱安靜。福建巡撫梅鋗

江西巡撫張志棟亦優。廣東巡撫彭鵬誠為有守。浙江巡撫

張泰交雖屬新任亦優趙申喬當其任布政時朕尚信其不取及任巡撫好受詞訟則朕難信矣甘肅巡撫齊世武賦性偏急好行參劾凡為大吏者當寬大和平正已率屬宥其小過以漸訓勵使各勉為循良豈可恣意以參劾為事乎又諭曰朕御極以來無時不以民生為念雖纖微之事亦不肯稍有怠忽勤勞已四十餘年矣今四海奠安民生富庶而河工適又告成朕欲頒詔天下大沛恩膏故星夜回鑾詔內款項爾等可會同詳閱○壬戌

上詣

皇太后宮問安○癸亥

萬壽節

上詣

皇太后宮行禮停止朝賀筵宴○遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵○遣官祭真武東嶽城隍之神○頒詔天下詔曰

朕為天下民生主宵旰勤勞屬精圖治凡國家之休戚閭閻之樂利晷刻之間無不注意於此天下之太兆民之眾朕誰欺欺天乎今四十餘載親歷饑饉者不知其幾南北用兵者不知其幾人心向背者不知其幾天變地震者不知其幾自維涼德不能撫育履冰臨淵兢業惟守仰賴

上天眷佑

祖宗厚德幸生創業未久之際方克失墜今海寓昇平年歲稍和生民俱已樂業邇來諸王大小臣工士庶因朕五旬輿情肫切屢請加上尊號朕堅意固辭不允所請蓋朕不以名譽稱揚為尚惟以海內富庶為心屢蠲賦役頻省刑罰總欲使

老安少懷風俗淳厚漸幾於康乂隆平之治近因淮黃告成

乃東南要務再授方畧望其善後朕不辭勞瘁親往閱視見畿輔山左江浙等省耆老人民俱中心愛戴雖童穉亦咸歡

欣瞻仰是知民心皆一用是益深軫念視切如傷所以星夜回鑾茲特大沛洪恩普施遐邇庶幾民生咸登壽域和協通

滿寰區於戲安民則惠益弘逮下之恩御眾以寬率導好生之德布告天下咸使聞知○詔內恩欵凡三十八條○丙寅

荊州將軍莽弈祿以年老乞休允之○罷杭州將軍丹岱以

年老不能訓練軍旅故也○戊辰禮部議覆河南巡撫徐潮疏言豫省考城柘城溫縣登封四縣向因兵燹之餘應試寥

家定為小學取童生八名。今戶口額賦已倍於前人才漸盛。請改為中學考取童生十二名。應如所請。從之。○己巳。陞湖廣襄陽總兵官和伯多。為鑾儀衛鑾儀使。○庚午。以續順公沈熊昭為鑲黃旗漢軍副都統。○陞護軍叅領善丹為正白旗蒙古副都統。○宗人府題多羅信郡王鄂扎薨。查鄂扎係承襲伊祖多羅豫通郡王多鐸封爵。請以多鐸次妃所生之子原任都統董額襲封。從之。○宗人府又題。二十歲以上閒散宗室等尚蒙

聖恩貧乏者俱賞與房產人口。遇婚喪之事。又給與銀兩。此等閒散宗室並無行走之處。嗣後應停給拖沙喇哈番俸。年二

實錄卷二

七

十歲者照披甲例給與銀米。從之。○禮部議覆欽天監奏稱。東至野索西至雅爾堅地方。自北極高四十四度之巴爾庫爾河。以至北極高六十八度之武地河等處。皆宜增行歷書。照四十四度之表式。推至六十八度。進呈

御覽。應如所請。從之。○辛未。

上御經筵講畢。賜大學士九卿詹事及講官等宴。○是日

上親視和碩裕親王福全疾。○甲戌。

上奉

皇太后幸暢春園。○諭大學士等舉人汪灝。何煒。將廷錫學問優長。今科未得中式。著授為進士。一體殿試。○致仕在籍大

學士張英隨

駕進京叩祝

萬壽。至是陞辭回里。賜衣帽辮襪人參。○以札賴特故固山貝子納遜子特固思襲爵。○雲南貴州總督巴錫疏奏威寧總兵官孟大志擾害官兵。得旨。此事著左都御史溫達前往審理。

實錄卷二

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十一

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十二

康熙四十二年癸未夏四月丙子朔享

太廟遣領侍衛內大臣和碩額駙尚之隆行禮

上詣

皇太后宮問安 己卯策試天下貢士王式丹等於

太和殿前制曰朕臨御天下四十餘年宵旰不遑勤求化理凡吏治之淑慝民生之休戚無畧刻之頃不切於懷比歲以來利興弊革隨事剔釐蒸蒸然有治平之象康樂之風矣然而官方猶未盡飭習俗猶未盡醇訟獄猶未衰止豈久道化成之難期歟抑有司奉行者不力也從來治有大體貴在適中若或矯飾以邀名深刻以表異雖復天志潔清而民不被其澤豈非務綜核則人受煩苛之擾尚寬平則人蒙休養之福其何法以激勸之歟夫閭閻之風俗世道之淳漓係焉風俗厚則仁讓之教興風俗偷則囂凌之氣熾今欲使家敦孝弟戶勵廉隅共勉為忠厚長者之道而恥為非僻浮薄之行宜何術之從也至於刑獄者萬民之命所以禁暴止奸安全良善者也若乃飾辭周内輕重失平又或恣意濫刑無辜罹罪朕甚痛之每當法司奏讞必詳酌再三求其可生之理茲欲聽獄之吏體朝廷好生之心心歸平允以漸臻於刑措

實錄卷二百十二

十

實錄卷二百十二

七

上幸暢春園詣

皇太后宮問安○乙酉一等伯心裕緣事革退命其弟發保襲

替○以故二等阿思哈尼哈番蘇喀子明全襲職以翰林

院掌院學士揆敘充經筵講官以翰林院侍講學士阿爾

賽檢討海寶司經局洗馬色爾圖俱充日講起居注官 陞

直隸真定副將張谷貞為湖廣襄陽總兵官雲南貴州督標

中軍副將馬見伯為山西太原總兵官 丙戌四川巡撫貝

和諾疏報威州龍溪等一十八寨生番歸化情願自康熙四

十二年為始赴威州交納麥糧下戶部知之 丁亥大學士

熊賜履以年老乞休命以原官解任仍食俸留京師以備顧

何道而可夫吏治純而不雜則民心感而易從習俗厚而靡爭則刑罰清而不濫事有相因理本一致爾多士誦習詩書講明久矣其悉心以對朕將親覽焉 庚辰

上自暢春園回宮○讀卷官等以殿試卷進呈

御覽

上諭曰較定前後名次必須憑文論定若稍存私意人心即不悅服況爾諸臣從考試出身回思當日考試之時本心更不可失 辛巳

上御太和殿傳臚賜殿試貢士王式丹等一百六十三人進士

及第出身有差 壬午

問○吏部兵部會議吏部侍郎傅繼祖等往湖廣察審紅苗搶掠一案地方官隱匿不報是實應將總督郭琇提督林本植巡撫金璽總兵官雷如俱革職得旨總督郭琇提督林本植著革職巡撫金璽著降四級調用總兵官雷如著革職留任効力○以正黃旗漢軍都統莽喀為荊州將軍正黃旗蒙古都統宗室諾羅布為杭州將軍○授一甲進士王式丹為翰林院修撰趙晉錢名世俱為編修○已丑

上自暢春園回宮○庚寅

上御太和殿視朝文武陞轉各官謝恩○諭翰林院選拔庶常原以作養人材今科進士特加簡閱取汪灝查慎行何焯蔣

實錄卷五

三

廷錫吳廷楨陳邦彥薄有德汪文炯陳世倌吳瞻淇汪份潘體震廖廣謀陸秉鑑涂天相萬經陳徐基朱書林祖望俞梅宋至章藻功伊泰楊緒劉巖王邁馬汝為西庫王居建劉圻吳連趙徵介謝履忠單喬年耿古德劉祖任趙泰臨王士銓董泰揚萬程李天祥蔣肇阿進泰吳相李士杞李堂鄭為龍才住萬民欽四十九員俱著改為庶吉士并修撰王式丹編修趙晉錢名世分別滿漢書教習爾衙門即遵諭行

上幸暢春園 辛卯

上詣

皇太后宮問安○壬辰

孝端文皇后忌辰遣官祭

昭陵○癸巳予故致仕少傅兼太子太傅保和殿大學士兼禮部尚書王熙祭葬諡文靖○陞鑲紅旗護軍統領宗室愛音圖為正黃旗漢軍都統仍兼管鑲紅旗護軍統領事陞德州城守尉達爾華為江寧右翼副都統○以郭爾羅斯故鎮國公安達西禮子巴圖襲爵○乙未諭吏部庶吉士張尚瑗等教習已久今加考試應分別授職除顧圖河汪繹李愈已經授職外滿書庶吉士張廷玉方辰董玘嚴宗溥漢書庶吉士魏方泰孫致彌查嗣琛文岱覺羅達泰年羹堯照甲第授為編修檢討郭子蕃吳隆元蔡彬許穀梁棠蔭吳宗豐李棟沈李楷李煦亨韓孝基李夢昌瓦爾達朱啟昆王允猷韓遇春傅敏欽士佃郭杞狄億張尚瑗甄昭王開泰閻愉王士儀張象蒲臧子管許琳歐陽齊陳若沂梁佩蘭等學習不及歸進士班用○未散館之庶吉士沈宗敬勵廷儀亦著授為編修屬廷儀俟服闋再令行走原任編修楊瑄學問甚優著復原職○丙申以吏部尚書陳廷敬為文淵閣大學士兼吏部尚書○以吏部右侍郎兼管翰林院掌院學士事吳涵充日講起居注官○戊戌

上發出熊賜履呈覽明神宗嘉宗以下史書四本諭大學士等曰朕自冲齡即每事好問明時之太監朕皆及見之所以彼

時之事朕知之甚悉太監魏忠賢惡跡史書僅記其大畧而已猶未詳載也明末之君多有不識字者遇講書則垂慢聽之諸事皆任太監辦理所以生殺之權盡歸此輩也又諭曰此書所載楊漣左光斗死於北鎮撫司獄中聞此二人在午門前受御杖死太監等以布裹尸出之至於隨崇禎殉難者乃太監王承恩因此

世祖章皇帝作文致祭並立碑碣此書載太監王之心從死明係錯誤至於本朝興兵聲討之故書並未記載可問熊賜履王鴻緒等尋大學士等覆奏熊賜履等奉旨復行詳察崇禎死難太監果係王承恩非王之心應遵照諭旨改正至於左光斗楊漣察考諸書俱云死於北鎮撫司獄中故照彼書書之我

太祖高皇帝與師之由詳載

太祖本紀是以明史內未曾載入

上曰

太祖興師之故雖不詳載明史記其大畧未始不可諭大學士等頃朕往察河工原任侍郎任克溥於山東途次迎駕見其年將九十現在諸臣未有如其久者朕深為眷念著加刑部尚書銜以示優遇老臣至意可諭吏部知之又諭曰今吏部尚書缺尚未補人巡撫李光地徐潮原在內任歷年亦

久卓應擢用朕因地方起見所以暫留外任伊等居官誠優且得大臣體彭鵬趙申喬行事偏執惟務沽名所以事皆背謬李光地自任直隸巡撫以來每年雨水調順五穀豐登官吏兵民無不心服吏部尚書員缺以李光地徐潮問九卿尋大學士等問九卿言二人俱優覆奏

上命李光地為吏部尚書仍管理直隸巡撫事陞安徽巡撫喻成龍為湖廣總督調正紅旗蒙古都統兼護軍統領孫渣齊為正黃旗蒙古都統兵部議覆主司田舜年疏請以伊職令其嫡子田昞如承襲其次子田昞如願入京備使令所給敕命免繳部俱無庸議得旨逆賊吳三桂作亂之時田

舜年一心効力頗有勞績著依所請令伊長子田昞如襲職原領敕命亦著免繳部其次子田昞如著來京効力己亥上諭八旗都統前鋒統領護軍統領副都統叅領佐領等曰朕為官兵生計不時屢念前已屢施大澤今年詔款內復特沛鴻恩不惜數百萬帑金遍行賞賜嗣後軍卒人等應人人務立生計清償夙逋豐裕度日倘有不肖之輩不思撙節儉約惟知縱酒酣飲鮮衣肥馬過於費用則不數日間仍如未沛恩澤時爾等俱有督率之責不當徒以督率為名亦當誘之向善使人人以孝弟為本各知自守愛惜產業則不特風俗可至淳樸而朕恤兵之心亦不致徒勞矣可將此旨刊刻遍

示軍卒人等受朕重恩如此。倘仍行賭博行止不端朕斷不輕貸必將為首者立正典刑朕念切兵民生計是以親書諭旨欽哉。命翰林院掌院學士揆敘吏部右侍郎兼管翰林院掌院學士事吳涵教習庶吉士○以領侍衛內大臣伯霸圖兼管右翼前鋒統領事○庚子以司經局洗馬張豫章提督貴州學政○壬寅陞都察院左副都御史勵杜訥為刑部右侍郎○陞鑲紅旗滿洲副都統翁俄里為正紅旗蒙古都統○以喀爾喀故輔國公車零達錫子根敦襲爵

五月乙巳朔

上詣

實錄卷五十一

七

皇太后宮問安○丁未

仁孝皇后忌辰遣官祭

陵○戊申諭禮部國子監文廟見敎官員動帑金修理順天府學尊經閣等處亦著一併督修用弘文教○諭兵部直隸各省所有世職官員皆因彼祖父有功故給以世職著召來引見如有馬步射俱優人才堪用者及其年少補用 已酉

上詣

皇太后宮問安○陞詹事府少詹事陳論為都察院左副都御史 山東登州總兵官王文雄丁母憂命在任守制 庚戌上自暢春園回宮○壬子

上親視和碩裕親王福全疾○癸丑夏至祭地於

方澤遣領侍衛內大臣和碩額駙尚之隆行禮

上幸暢春園 甲寅兵部題小銜副將有奉特旨補授總兵官者臣部照例兼銜給劄其原銜係參遊都守者俱兼原銜但總兵官係封疆大臣若兼以都守等銜幾與末員無異嗣後小銜副將特授總兵官者俱應兼副將銜從之○乙卯

上詣

皇太后宮問安○予故寧夏總兵官葉日芳祭葬如例○丁巳

遣官祭

實錄卷五十一

十

關聖帝君○

上自暢春園回宮○己未

上御太和殿視朝文武陞轉各官謝恩○諭大學士等直隸各省總督巡撫提督總兵官於補用千總等官秉公者少除功加及稍有優長者俱已錄用外其餘年滿千總馬步射未必皆能馬步射尚且不能豈可令之管轄軍士著行文各省諭令此項人員限於冬季前到京命大臣監試優者錄用不堪者革退限內不到者即令除名可諭兵部知之○河道總督張鵬翮疏言承修武家墩候補知縣張時可等攜所領庫銀逃去此工令原任知縣王啓烈續修原任布政使王毓賢督

催得旨朕項南巡至南河屢諭張鵬翮觀爾所委修築隄岸人員皆係無身家者倘以錢糧交付此輩必致逃亡前言未久今果驗矣爾等將朕屢次嚴諭之處寫明示張鵬翮其張時可令嚴行查拏具奏修築處著照所奏行○

上親視和碩裕親王福全疾○蘇尼特多羅貝勒沙禮故遣官致祭○庚申

上幸暢春園詣

皇太后宮問安○以察哈爾故一等精奇尼哈番索諾木席拉布兄子巴里彌特襲職○辛酉調正紅旗蒙古副都統趙賴為鑲紅旗滿洲副都統陞護軍參領阿爾西為正紅旗蒙古

實錄卷三十三

九

副都統○壬戌領侍衛內大臣和碩額駙尚之隆等傳

上諭觀索額圖並無退悔之意背後怨尤議論國事伊之黨類朕皆訪知阿米達麻爾圖額庫禮溫待邵甘佟寶伊等結黨議論國事威嚇衆人且索額圖施威恐嚇舉國之人盡懼索額圖乎亦有不懼者即今索額圖家人已將伊告發索額圖能殺害乎至溫待額庫禮俱犯重罪流徙之人因其年老令回京師伊等應安靜以養餘年乃與索額圖結黨議論國事妄自怨尤伊等之黨俱屬利口愚昧無知之徒被伊等恐嚇遂極畏懼果至可殺之時索額圖能殺人或被入殺俱未可料雖口稱殺人被殺者誰乎至索額圖之黨漢官亦多朕若

實錄卷三十三

十

建坊如例○癸亥

上詣

皇太后宮問安○諭刑部額庫禮溫待麻爾圖邵甘等俱係問罪充發之犯念其年老取回京師伊等至京並不善養餘年與索額圖結黨議論國事俱著鎖禁不可疎放○阿米達姑念年老舊臣著寬恕○命近御侍衛海青乾清門侍衛武格馬武傳諭索額圖爾家人告爾之事留內三年朕有寬爾之意爾並無退悔之意背後仍怨尤議論國事結黨妄行爾背後怨尤之言不可宣說爾心內甚明舉國俱係受朕深恩之人若受恩者半不受恩者半即俱從爾矣去年皇太子在德州

住時爾乘馬至皇太子中門方下。即此是爾應死處。爾自視為何等人。此處問公福善即知。爾任大學士時。因貪惡革退。後朕復起用爾。並不思念朕恩。即如養犬。尚知主恩。若爾者。極力加恩。亦屬無益。朕差人搜與爾行走之江漢家得書字甚多。朕亦欲差人到爾家搜看。但被爾連累之人甚多。舉國俱不得安所以中止。朕若不先發爾。必死之。朕亦熟思之矣。朕將爾行事指出一端。就可在此正法。尚念爾原係大臣。朕心不忍。但著爾閒住。又恐結黨生事。背後怨尤。議論著交宗人府與根度一處拘禁。不可疎放。○諭領侍衛內大臣等。素額圖之子并家內緊要人。俱交與心裕發保。加意拘禁候旨。

實錄卷五十三

土

若其間別生事端。即將心裕發保等族誅。○以內閣學士劉光美為安徽巡撫。○甲子。

上詣

皇太后宮問安。○陞大理寺少卿汪晉徵為光祿寺卿。○乙丑。

奏事治儀正存柱等傳

上諭索額圖施威嚇人。議論國事。伊之大黨盡已鎖禁。江漢係應殺之人。亦拏付刑部。此事朕不追求。自能完結。此外朕亦不多提問。後人告發時。自有著落。在索額圖處行走一二次者。亦有人伊等不知。每日疑慮。爾等可傳諭之。至翁俄里佟寶斷不可寬恕。伊等即如索額圖之子也。○丙寅。荊州將軍

伯莽喀陸辭。

上曰。將軍之職。以訓練軍卒。選閱武弁為要。爾抵任後。可將兵卒勤加訓練。武弁嚴行選閱。有年老庸劣者。諭令告退。○丁卯。江蘇巡撫宋學疏言。徐州睢寧縣頻遭水患。所有康熙三十七八九年未完地丁倉項。雖現在帶征。而一時未能完納。請自康熙四十二年。起每年帶征一年。以紓民力。得旨。徐州睢寧縣康熙三十七八九年未完地丁錢糧。俱著免徵。又邳州地勢甚卑。錢糧難於徵收。康熙四十年未完錢糧。亦著免徵。○戊辰。陞內閣侍讀學士趙世芳為內閣學士兼禮部侍郎。○命內閣學士穆和倫兼管光祿寺卿事。○己巳。

實錄卷五十三

土

上巡幸塞外。命皇太子允禔皇長子多羅直郡王允禔皇十三子胤祥皇十四子允禩皇十五子允禩皇十六子允禩隨駕。是日啓行。駐蹕湯泉。○辛未。

上駐蹕密雲縣。○甲戌。

上駐蹕遙亭。○予故原任都察院左都御史蔣宏道祭葬如例。

○予故原任廣東廣西總督石琳祭葬如例。○旌表河南烈婦胡奇妻張氏。拒姦不污。被戮慘死。給銀建坊如例。

六月。乙亥朔。

上駐蹕古北口城內。○丁丑。

上駐蹕巴克什營。○轉禮部左侍郎管右侍郎事許汝霖為左

侍郎。陞宗人府府丞王項齡為禮部右侍郎。陞山東按察使趙宏燮為山東布政使司布政使。戊寅。

上駐蹕兩間房。諭領侍衛內大臣和碩額駙尚之隆等時值雨水連綿。扈從人等俱令於高阜安劄。不可居於卑下之地。辛巳。和碩恭親王常寧薨。命諸皇子經理其喪。并諭諸皇子每日齊集喪次。至發引後乃止。又給銀一萬兩。命內務府郎中皂保監修墳塋立碑。壬午。旌表河南烈女李德貞女。幼齡遇暴。不從。慘死。貞烈可嘉。給銀建坊如例。癸未。

上駐蹕鞍子嶺。甲申。授鎮國公準達子永音為三等鎮國將軍。輔國公法塞子諳圖奉國將軍索飛子福清俱為奉恩將

實錄卷二十二

主

軍。○乙酉。阿霸垓一等台吉德木楚克來朝。丙戌。翁牛特多羅杜棱郡王碩第來朝。戊子。予故四川川北總兵官劉應隆祭葬如例。己丑。

上駐蹕花峪溝。辛卯。赦漢多羅額駙扎木肅來朝。壬辰。原任荊州將軍以年老解任莽奕樣赴行宮請安。召見。出賜

御書引年老將匾額。御衣一襲。東珠涼帽一頂。并令帶孔雀翎一次。癸巳。喀喇沁和碩額駙噶爾臧鎮國公沙木巴喇錫來朝。陞太常寺卿江繁為宗人府府丞。甲午。

御書闡道醇儒匾額。命懸景州董仲舒廟。丙申。土默特多羅

達爾漢貝勒馬尼。一等塔布囊鄂齊爾來朝。己亥。上駐蹕喀喇和屯。喀喇沁多羅杜棱郡王扎什等來朝。遣官致祭。和碩恭親王常寧。辛丑。戌時。扈從大臣以和碩裕親王福全病篤奏聞。

上即時命諸皇子星夜先赴京師。隨傳諭朕即啟行。諸大臣再三懇留。不允。○壬寅。扈從大臣以和碩裕親王福全薨逝奏聞。是日。

上即自喀喇和屯啟行。駐蹕兩間房。○癸卯。子時。

上自兩間房啟行。駐蹕密雲縣。○甲辰。子時。

上自密雲縣啟行。駐蹕三家店。

實錄卷二十三

主

秋七月乙巳朔。享

太廟。遣領侍衛內大臣伯霸圖行禮。○

上自三家店子刻啟行。進東直門。臨和碩裕親王福全喪。

上除纓。哭至柩前。奠畢。仍慟不已。諸皇子及諸王大臣叩首泣勸者再四。

上始停哀。是日。

皇太后先臨王第。

上勸慰。

皇太后回宮。繼命諸皇子及扈從諸臣侍衛至和碩恭親王常寧殯所奠酒。

上進東華門詣

皇太后宮問安畢不入乾清門自蒼震門入景仁宮諸王大臣

齊集宮門奏請

駕回乾清宮少息

聖體復幸塞外避暑

上傳諭曰朕但恐

皇太后過哀朕心不安耳俟王殯後朕再起程至於居便殿者

非自朕始乃

太祖

太宗之舊典也爾等不必懇奏○諭宗人府裕親王之喪皇子

實錄卷五十二

十五

等理應穿孝爾等確議具奏宗人府議同旗之皇子應行穿

孝得旨裕親王朕之親兄豈可止令同旗皇子穿孝隨命皇

長子允禔皇三子允祉

皇四子 皇五子允祺皇七子允祐皇八子允禩俱穿孝

丙午

上居景仁宮不理政事

上詣

皇太后宮問安○諭次日復臨裕親王喪諸王大臣齊集後左

門叩首再四勸止

上傳諭曰

太宗時穎親王之喪

太宗親臨數次載在

實錄此皆爾等所知穎親王係

太宗之姪况裕親王乃朕之親兄乎此朕效法

祖宗並非太過朕昨因暑天勞頓今日未往明日必當再臨爾

等不必懇奏○丁未

上居景仁宮不理政事辰刻

上臨和碩裕親王福全喪賜內殿馬二匹對馬二匹散馬六匹

駱駝十隻及蟒緞銀兩○戊申

上居景仁宮不理政事召大學士馬齊等至乾清門傳諭曰今

實錄卷五十三

十六

歲山東雨水連綿黎民被災若不豫為賑濟一經逃散難復

安集今當照前養山東飢民例多遣人員令其撫養爾等可

會同九卿議奏○乙酉和碩裕親王福全舉殯

上奉

皇太后臨王第慟哭俟王柩發

上奉

皇太后回宮 庚戌

上詣

皇太后宮問安畢幸塞外是日啓行駐蹕三家店○辛亥

上駐蹕密雲縣○壬子

上駐蹕古北口○癸丑。

孝懿皇后忌辰遣官祭

陵○

上駐蹕喀喇和屯○丙辰予故安徽巡撫李鈞祭一次○丁巳

戶部議覆漕運總督桑額疏言運船在洪澤湖遭風漂沒漕

糧請免賠補應不准行得旨洪澤湖水勢洶湧較之大江黃

河更甚此失風漂沒漕糧從寬豁免嗣後洪澤湖中糧艘若

遇風漂沒亦著照大江黃河例寬免○黑龍江將軍沙納海

以老病乞休允之○己未中元節遣官祭

永陵。

實錄卷三十三

七

福陵。

昭陵。

暫安奉殿

孝陵。

仁孝皇后

孝昭皇后

孝懿皇后陵○授和碩莊親王博果鐸女為郡主婿阿寶為和

碩額駙原固山貝子溫齊女為縣君婿格爾圖為固山額駙

○以原任貴州按察使何顯祖為湖廣按察使司按察使○

免山西蒲州本年分電災額賦有差○廣東順德總兵官沈

勇以年老乞休命原品休致○庚申。

上駐蹕熱河上營○壬戌予故致仕文華殿大學士兼吏部尚

書伊桑阿祭葬諡文端○癸亥。

上駐蹕頭溝地方○甲子。

上駐蹕湯泉○丙寅喀喇沁多羅杜棱郡王扎什來朝○是日

自上湯泉回鑾駐蹕頭溝地方○吏部題三等阿思哈尼哈番

馬珥圖係伊祖鄂爾輝自幼撫養故鄂爾輝令其承襲世職

今馬珥圖因病解退銷去恩詔所得兩拖沙喇哈番所餘二

等阿思哈尼哈番無應襲之人應將此世職令馬珥圖之父

佐領白蘄襲替從之○丁卯。

實錄卷三十三

六

上駐蹕熱河上營○烏朱穆秦輔國公滾布扎卜來朝○己巳

上手書諭旨諭大學士允卿詹事掌印不掌印科道等官曰今

六月內因有二王之事朕心不勝悲慟至今猶未釋然又兼

災祲頻告愈加憂鬱身體不安頃往坐湯泉始得稍解仍未

全愈至飢民救養之計未嘗時刻不歷於懷近有蘇州織造

李煦人來詢知鄭城至泰安畝穀稍有可望由泰安至德州

被災甚重今歲口外田穀大收口內各處田禾俱屬平常合

共計算所糴之穀必不能多今應將漕糧多行截留於山東

沿河州縣村鎮俱各存貯以備賑濟平糴之用朕意八旗滿

洲蒙古漢軍佐領一千有餘每三佐領下共出一人可得三

百人每三佐領交與銀三千兩分派各州縣仍照前去人員養飢民至來年七月今八月內可以到彼這情事爾等可確議至東省今歲錢糧漕米俱應速行傳徵議奏為此手書特諭。扈從大學士諸臣閱畢奏曰

皇上恩綸極其詳盡此外無可再議奏入諭曰爾等既以朕所處為當著於三佐領公派之時將家計殷實部院官員旗下曾為大僚者及因公革職降級者派出其旗下閒散官員及王貝勒八分公屬下之官員護衛亦酌行派出派時須令三佐領公同保舉具奏朕所書上諭此刻即行封固速送至京師既而復傳諭曰色衣佐領亦照此三佐領內派遣一人○

實錄卷五十一

元

巴林多羅額駙納木松喀喇沁公善巴喇錫來朝○庚午山東巡撫王國昌疏報賑濟飢民米穀數目

上曰朕先諭桑額截漕糧二萬石令扈從部院官員一同運至散賑糶賣又命張鵬翮將漕糧二萬石交伊屬員運至散賑糶賣此事扈從諸臣所共聞者其交桑額之米石已照朕諭散賑糶賣具疏奏結今觀王國昌所奏將程兆麟等所運至之米及常平倉收貯米石俱行糶賣散賑與朕原諭不符且王國昌又奏稱捐康熙四十二年四十三官員俸資衙役工食賠補此項米穀似此何時方能完結此項米穀應令速行賠補貯倉著九卿詹事科道并會議具奏○辛未

上駐蹕喇門噶山○科爾沁和碩卓禮克圖親王巴特麻等來

朝 鑾儀衛鑾儀使初伯多以老病乞休命以原官致仕○廣東廣西總督郭世隆疏言粵東自南澳起經碣石鎮與虎門協接界止海面幾二千餘里守汛遼闊今應將巡對南澳之澄海協添設船隻與南澳對峙巡防又海門一所最為緊要應改為海門營移達濠營遊守十把駐劄於此分防廣錢二澳達濠營亦係要汛即移海門所守備改為達濠營守備至甲子一所乃險要海口從前止千總一員今應將鎮左營移駐甲子所與碣石鎮聯絡防守又吳川營隔海一百餘里有碣州一島宜設立高營龍門協屬之乾體營名為水師局

實錄卷五十一

平

駐於陸地可歸并廉州營將乾體營兵令白鶴寨守備一員千總一員把總二員統之駐劄碣州改為碣州營白鶴寨應以千總領營照舊管束平海大鵬二所至順德地方外有香山虎門二協內有省會之兵應裁去順德總兵官止留中軍遊擊改為順德營其鎮標左營改為平海營右營為大鵬營下部議行○旌表直隸棗強縣烈女馮之秋女幼齡守貞拒姦慘死給銀建坊如何○癸酉

上駐蹕博洛和屯○扈從大學士席哈納等奏在京大學士九卿詹事科道會議賑濟飢民一事應差戶部賢能司官令其馳驛速往截留漕運尾船米五十萬石交山東地方官并遵

上諭派出八旗官員各支庫銀三千兩往山東會同地方官賑養飢民。

上曰賑濟山東飢民事關緊要。應差大臣分為三路。每路差大臣一員。將先派去人員。并往返巡察於事有益。自泰安至郟城為中路。著穆和倫去。自濟南至登州為東路。著辛保去。自德州至濟寧為西路。著卞永譽去。截留漕糧亦屬緊要。總漕桑額見今無事。著作速前來觀看截留。其賑濟飢民人員所領銀兩雖係公物。而勉力自効有濟於民。事竣回時。并議敘。○蘇尼特多羅郡王垂基恭蘇隆來朝。

實錄卷二十三

三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十二

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十三

康熙四十二年癸未八月甲戌朔諭吏部山東一省官員平日不知重積蓄備荒災所以一遇凶年束手無策致勞京師遣官賑濟。今應將山東合省官員停其陞轉俟民生復甦之日再行開復。此內除丁憂離任外有以老病乞休者俱令來京引見再行定奪。教漢多羅額駙扎木肅喀爾喀輔國公克色克巴林台吉齊達克齊等蘇尼特多羅貝勒蘇代等來朝。以故一等精奇尼哈番左元貞子左世永襲職。○予故禮部左侍郎王封滌祭葬如例。○工部議覆河道總督張鵬

實錄卷二十三

一

嗣疏言桃源縣黃河南岸高家灣須建築越隄以為重門之障。挑引河以分水勢。應如所請速行挑築。從之。丙子

上駐蹕坡瀨噶山。○諭戶部邳州等處地方屢被災傷不減於東省但尚有水路可通著該督撫親往察閱應作何速行拯濟一面頒賑一面奏聞俟具題到日將應蠲豁錢糧另議具奏。○陞直隸守道高必宏為江蘇按察使司按察使。丁丑遣大學士陳廷敬祭

先師孔子。命致祭和碩裕親王福全如和碩鄭親王例於常祭二次外加祭一次命御史羅占監造墳塋建碑。諡曰憲。戊寅祭

大社

大稷遣吏部尚書敦拜行禮 己卯

上駐蹕汗特木爾達巴漢地方 庚辰

上駐蹕穆祿喀喇沁昂阿地方 喀爾喀多羅郡王古祿西希

等來朝 予故原任雲南貴州總督王繼文祭葬如例 壬

午

太宗文皇帝忌辰遣官祭

昭陵

上駐蹕拜布哈昂阿地方 翁牛特多羅杜梭郡王碩第等來

朝 癸未

實錄卷一百三

上駐蹕烏喇岱和洛 遣翰林院侍讀學士宋大業齋

御書光輔紫宸匾額懸南嶽廟 甲申

太祖高皇帝忌辰遣官祭

福陵 刑部尚書王士正等因山左被災奉旨截留漕米并派

八旗官員領帑往賑具疏奏謝得旨朕四次經歷山東於民

間生計無不深知東省與他省不同田野小民俱係與有身

家之人耕種豐年則有身家之人所得者多而窮民所得之

分甚少一遇凶年自身並無田地產業強壯者流離於四方

老弱者即死於溝壑此等情由爾東省大臣庶僚及有產業

之富人亦當深加體念似此荒歉之歲雖不能大為拯濟若

能輕減其田租等項各瞻養其佃戶不但深有益於窮民爾

等田地日後亦不致荒蕪如果民受實惠豈不勝謝恩千百

倍耶 河南巡撫徐潮疏言豫省辦買漕米原定每石六錢

五分今歲值荒歉米價騰貴購買不敷且小民正藉米餬口

請將康熙四十二年購買漕米暫微折價起解下部議行 乙酉

乙酉

上駐蹕額勒蘇達巴漢地方 李曼多羅達爾漢郡王班弟喀

爾喀多羅貝勒羅布臧等來朝 丙戌

上駐蹕森濟圖昂阿地方 和托揮特多羅貝勒松津僧額扎

魯特貝勒畢立克土等來朝 丁亥秋分夕

實錄卷一百三

月於西郊遣刑部尚書安布祿行禮 厄魯特台吉達顏喀爾

喀土謝圖汗厄爾德尼阿海多爾濟等來朝 免河南商邱

等五縣本年分水災額賦有差 陞奉天副都統博定為黑

龍江將軍 戊子

上駐蹕額勒蘇達巴漢地方 喀爾喀貝勒西弟希里等來朝 陞護軍參

領茂喀為西安右翼副都統 己丑

上駐蹕宜孫畢喇地方 庚寅科爾沁一等台吉阿齊圖等來

朝 辛卯

上駐蹕達爾昂阿地方 授宮中撫養閒散宗室富達理女為

郡君塔冊旺扎布為多羅額駙 免山東濟寧魚臺等九州

縣濟寧臨清二衛本年分水災額賦有差 壬辰

上駐蹕森濟圖地方 科爾沁台吉般第克西克騰扎薩克台吉齊巴扎布等來朝 癸巳

上駐蹕永安拜達巴克漢地方 教漢一等台吉垂扎穆素等萬齊忒多羅郡王達爾瑪吉里迪郡王雅穆畢爾來朝 刑部奏監候秋決重犯招冊請照例秋審得旨今年三月己頒恩詔所有罪犯無多秋審著停止 甲午

上駐蹕土城地方 乙未烏朱穆泰和碩車臣親王色登敦多卜多羅額爾德尼貝勒博木布來朝 免江南邳州沛縣本年分水災額賦有差 丁酉賜蘇尼特喀爾喀翁牛特奈曼

和托揮特扎魯特教漢高齊忒烏朱穆泰喀喇沁王貝勒貝子公額駙台吉等銀幣鞍馬有差 賜喀喇沁蒙古隨園官兵銀幣布匹有差 戊戌

實錄卷百三

四

上駐蹕伊瑪圖和洛 己亥

上駐蹕永安拜達巴漢地方 辛丑

上駐蹕宜孫畢喇色欽地方 壬寅免湖廣沔陽州潛江縣及沔陽衛本年分水災額賦有差 癸卯

上駐蹕達賴達巴漢昂阿地方

九月甲辰朔

上駐蹕宜孫薩爾巴里昂阿地方 乙巳

上駐蹕格爾齊老地方 丙午

上駐蹕烏里雅蘇台 遣官祭歷代帝王 遣官祭城隍之神 授和碩簡親王雅爾江阿妹為郡主塔顏布為和碩額駙 己酉

上駐蹕烏喇忒昂阿地方 庚戌

上駐蹕噶爾圖地方 辛亥

上駐蹕克勒烏里雅蘇台 壬子

上駐蹕穆祿喀喇沁地方 予故原任禮部侍郎高士奇祭葬如例 癸丑

上駐蹕坡瀨噶山 甲寅

實錄卷百三

五

上駐蹕博洛和屯 乙卯

上駐蹕喇門噶山 丙辰琉球國中山王尚貞遣陪臣毛興隆等進表貢方物宴會如例 禮部題刑部右侍郎勵杜訥病故奉旨勵杜訥簡侍內廷勤勞歲久應得卹典察例具奏 今查例應遣官致祭並給與半葬得旨依議著給與全葬 丁巳

上駐蹕喀喇和屯 諭大學士九卿等朕因山左災荒勞心殫思屢行諮訪山左歲歉非止今歲為然地方官歷年隱匿不報今春朕因閱視河工親見災黎情形始行籌畫賑濟今歲田禾雖云失望尚有薄收之處巡撫布政使為伊等素有欠

缺欲巧圖完補故甚其詞以奏報。又廣緣科道紛紛急奏言盜賊蜂起人民相食私冀或開事例或撥銀兩因於其中侵蝕託言賑濟而實欲完補虧空以施鬼域之謀也。今京師遣往三路賑濟人員俱掣簽派撥州縣並不分成災與否一槩散賑遣去人員未奉有稽察諭旨惟視巡撫布政使所指地方賑濟應將此事交與三路大臣加意稽察。至於御史李發甲條奏盜賊蜂起人民相食亦當明白詢問如盜賊蜂起必有殺人放火搶奪財物糧米之處與失事之人如人民相食亦必有被傷之人與食人之人如有不實即為巡撫布政使急請設法銀兩而言也。大學士九卿諸臣會同議奏。言官並不實心為民專為巡撫布政使起見不誠可愧乎。戊午諭

實錄卷五

十

大學士等山東地方稱有海賊坐鳥船二隻行劫。朕思山東不能造鳥船必從福建浙江江南造成而來。歷年福建商船於六月內到天津候十月北風始回。朕因欲明晰海道令人坐商船前往將地方所經之路繪圖以進知之甚悉。今欲知海賊之源但令往福建浙江及江南崇明等處察訪即得之。若在山東察訪必不能得。目下冬令將屆正值北風海賊不能久留於直隸山東必已向浙閩路去。俟明歲船隻可行時令有水師海船之省入各海島搜剿。己未

上駐蹕鞅子嶺○免浙江遂安縣本年分水災額賦十之三○

山東巡撫王國昌因御史顧素忝其匿災不報。又復同布政使劉暄欲開事例補其虧空具疏請賜罷斥。

上諭大學士等曰王國昌不過一老實人朕曾詢問李光地張鵬翮伊等亦言王國昌在地方並無苛索亦無劣蹟惟劉暄在京時即落拓無依初靳輔在河工時曾任用之後以中路出兵運米陞至布政使乃一能巧匪人將王國昌任意驅使甚易事耳。此事著同前日諭九卿之旨。并議奏。以翰林院侍讀學士徐元正為武會試正考官。戶科給事中湯右曾為副考官。○免湖南攸縣等五縣本年分旱災額賦有差。○免浙江龍游等八縣本年分旱災額賦有差。○庚申。

實錄卷五

十

上駐蹕兩間房○辛酉。

上駐蹕遙亭○貴州巡撫王燕以病乞休。允之。○壬戌。

上駐蹕密雲縣○癸亥。

上駐蹕湯泉○甲子。

上回宮。諸

皇太后宮問安○丙寅。免直隸永清寶坻二縣本年分水災額賦有差。○免湖廣江陵縣本年分水災額賦有差。○丁卯。

上奉

皇太后幸暢春園○九卿會議山東巡撫王國昌內陞布政使劉暄及條奏山東災荒事御史李發甲俱應革職。得旨王國

昌等之事尚未清楚。今命何人前往代彼辦事。王國昌暫留任劉暉亦著留山東俟事明之日再行具奏。布政司錢糧文新任布政使趙宏燮察明報部。此係趙宏燮專責彼不詳慎可乎。觀御史李發甲條奏其設心以為山東事務如此緊急遣人賑濟則願去者少不得已非動庫銀必開事例。此為民乎抑為劉暉乎。如此行私本應革職。但身居言責從寬降三級留任。至外轉時著外轉。湖廣提督俞益謨偏沅巡撫趙申喬題報紅苗搶掠地方不靖。

上諭大學士等曰紅苗事當籌一勞永逸之計。苗人固慣行搶掠而因內地人勾通煽誘者亦有之。今照招撫廣東八排徭

實錄卷五

八

人事遣大臣一員前往領荆州兵。再酌派廣西湖南貴州三省兵齊至苗地并力圍困令其畏懼就撫則百姓可永免侵掠之患矣。爾等與九卿會議具奏。○陞都察院左副都御史陳論為刑部右侍郎。○調銀白旗蒙古副都統達爾占為正藍旗滿洲副都統。陞前鋒參領吳爾德黑為鑲白旗蒙古副都統。船廠協領喀珥圖為寧古塔副都統。○己巳大學士九卿導旨議覆湖廣提督俞益謨等所奏紅苗一事仍照前招撫廣東八排徭人之例派遣在京大臣率前鋒四十人前往調遣荆州及廣西貴州湖南三省兵酌量招撫剿滅。

上曰滿洲兵所向無敵頃廣東僅發前鋒四十名八排徭人望

風投降今苗人一聞特遣禁旅自必畏而就撫。若輩不如此示以利害則地方百姓何能安居尚書席爾達原任川陝總督曾管轄兵丁紅苗之事著席爾達同副都統圖思海徐九如前往。吏部議原任陝西臨洮道王永義母朱氏叩閭因其子為甘肅巡撫齊世武誣參負屈并齊世武勒令地方立德政碑等款查事在赦前齊世武應免議處。

上命齊世武降五級留任復諭大學士等曰此疏內有請禁督撫建德政碑等語凡居官果優縱欲禁止百姓立碑亦不能止如劣跡昭著雖強令建碑後必毀壞聞昔日屈盡美為廣西巡撫回京時百姓怨恨持鋤鋤其馬跡庶民之心豈能

實錄卷五

九

強致耶禁止立碑一段著刪去 庚午

孝慈高皇后忌辰遣官祭

福陵 授原多羅惠郡王博翁果諾女為縣君壻班地為固山

額駙 辛未傳諭領侍衛內大臣等曰值此冬令閒暇朕欲

幸臨西安閱兵往返約計七旬將於十月初九日起程扈從

侍衛護軍執事人等俱照去年臨幸德州從減派出輕騎而

行 喀爾喀車臣汗遣使進九白年貢宴齊如例 內閣學

士張榕端以病乞休乞之 士申

上詣

皇太后宮問安 陞四川布政使高起龍為貴州巡撫浙江按

察使于準為四川布政使司布政使 厄魯特多羅郡王丹
津阿拉布坦故遣官致祭 以喀爾喀故固山貝子阿拉達
爾子察林布穆襲爵 陞太僕寺卿勞之辦為太常寺卿
冬十月癸酉朔享

太廟遣領侍衛內大臣伯爾圖行禮 遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵

上奉

皇太后自暢春園回宮 頒康熙四十三年時憲歷 甲戌諭

大學士等江南督撫提督著公同造洋船二十隻俟來年春

令山東水師營官兵前往江南取至山東候用目前山東海

盜非確係積賊皆貿易之人資本虧折因肆行搶奪可命學

士常壽前往招撫再令筆帖式三人往山東三路問賑濟事

並視民間情形限第六日到京朕自幼聽理政事極其敬謹

時時惕厲於心今已年久諸事更加戒懼不敢稍有懈惰忽
畧也 乙亥

皇太后聖壽節

上率王以下文武大臣侍衛等詣

皇太后宮行禮遵

懿旨停止筵宴 丙子策試天下中式武舉於

太和殿前 陝西莊浪紅山堡報恩寺都綱閻老藏哈板旦

等進貢宴費如例 丁丑

上御瀛臺紫光閣閱試武舉騎射技勇 諭吏部戶部兵部朕

統御寰區勤求治理鑒興時邁省方觀民春月閱視河工自

畿輔山東以及江浙地方皆經巡幸茲兩河漸已底績所至

之地民生風俗亦因以周知念陝西省為嚴疆重地當出師

塞外時曾經歷其邊境而西安一路未及親莅頃陝西督撫

諸臣言秦民望幸之心至殷至切合詞陳奏河南山西巡撫

等亦諄切具請乘此冬令農隙之際觀覽民風詢察吏治簡

閱禁旅整飭軍營實為要務用是輕裝約從諏吉西巡沿途

一切供御皆內廷儲備纖毫不取辦於地方即偶有市易之

物亦敕所司依時價給值不許錙銖抑勒所過大小官吏宜

體朕愛民德意勿借詞供億私派問閭如有悖旨科斂者察

出即以軍法從事地方官不許與扈從人員指稱交戚私相

餽遺違者並以軍法從事其危從人員宜約束僕役勿使妄行如不遵法紀生事擾民一并從重治罪朕視民如子凡乘輿所至市廛隴畝宜各安生理米豆薪芻等物民間照常貿易不必禁止惟懷私挾詐衝突告訐者所告事不准理仍嚴加治罪爾等即傳諭危從官員人等並行各督撫令於經過府州縣城市村莊徧示曉諭俾咸悉朕懷特諭以工部尚書王鴻緒詹事府少詹事陳元龍充經筵講官翰林院編修楊瑄充日講起居注官免湖廣耒陽嘉禾二縣本年分旱災額賦有差阿霸垓多羅郡王達西達爾扎故遣官致祭戊寅禮部尚書席爾達副都統圖思海徐九如赴湖廣招撫苗人請訓旨

實錄卷二百三

主

上曰凡事同心協力則事無不成不和則事無一成且行兵立營須用怯遇敵對壘須用勇又以機先為要倘臨事時疑慮不定必致有悞爾等當以果毅行之如苗人歸降止誅倡亂肆虐之人否則殲其抗拒不服者毋得玉石不分戮及無辜我滿兵凡遇對敵恃勇以力勝者多爾等此行須用計招撫委婉從事勿徒恃勇力至於立營必擇高阜處設立朕前在寧夏用兵審度時勢多方調度是以錢糧不致耗費兵民亦無苦累此皆在主將之善於設施耳荊州副都統朱滿湖廣提督俞益謨人俱矯健且久於用兵與伊等商酌而行貴州

提督李芳述廣西提督張旺効力處亦多土司田舜年前於雲南用兵時輸誠協濟殊有裨益此去可獎勵用之苗人歸附之後探其巢穴仍加謹慎隄防不可以彼歸順遂忽視之上御瀛臺紫光閣閱試武舉騎射技勇

上回御乾清宮讀卷官等以殿試武舉諸卷呈覽

上親定名次諭曰武進士中優者頗多文官不許本籍為臨民之官武官須習知本地形勢方有裨益國家所最重者邊疆簡用武臣大有關係兵可百年不用不可一日不備今承平日久老於行間之戰將亦漸次彫零昔之海上投誠者習於

實錄卷二百三

主

水戰今亦不可多得矣初議取臺灣時都統喇哈達以為斷不能取而施琅獨任之遂爾成功海上行舟與江湖不同江湖之中雖能習水戰若用之海上必不相宜故朕於水師尤為加意陞殺虎口副將王元為廣東南澳總兵官江南水師副將崔士英為福建金門總兵官

孝陵副將許國桂為浙江黃巖總兵官諭大學士等曰朕觀

河道已治河道總督張鵬翮及河工官員俱甚効力黃河一切工程朕知之最悉先是永定河用埽甚有裨益是以朕諭張鵬翮黃河亦宜用埽張鵬翮回奏永定河勢小可以用埽黃河勢大難以用埽朕諭姑試用之張鵬翮因而用埽河隄

今果堅固至於洪澤湖水勢甚險而隄岸復高往來舟楫一遭漂没人命輒難救援朕曾諭沿岸將長木椿斜釘於水中船雖漂没人尚可攀援獲命自此釘椿木後果有裨益諭吏部工部黃淮兩河關係運道民生最為緊要朕念治河國家大事夙夜屢懷未嘗少釋披圖咨衆雖已悉其源流顧水勢變遷不常必確知洞悉方可實見施行是以不憚勤勞屢親巡閱察其險易之形勢審其疏導之機宜緩急次第俱有成畫至於簡命河臣倚任甚切凡所屬官吏皆聽舉用大修工程費以數百萬計歲修帑金亦以數十萬計乃康熙三十七年黃淮並漲原任河道總督董安國不堅築隄堰疏通海口因而河身墊高溢出河岸以致倒灌洪澤湖口湖水從六壩旁洩由運河入下河淹沒民田於是罷董安國以于成龍代之朕隨授以治河方畧詳加指示康熙三十八年親往閱河駐蹕清口河干又面諭于成龍清口宜築挑水壩挑黃水使趨北岸方可免倒灌清水之患隨指定其地再三申命于成龍不遵朕旨致無成功及用張鵬翮為河道總督面諭云頃已發帑金數百萬令大臣官員往高家堰築隄開六壩使逼洪澤湖水暢出清口而清口築挑水壩尤為緊要此壩不築則黃水頂衝斷不能使向北岸湖水必不得暢流張鵬翮遵奉朕言壩工築成黃溜遂直趨陶莊清水因以直出疊經

實錄卷五十三

中

伏秋大漲並無倒灌之事其後張福口等引河築歸仁隄疏人字芒稻溼澗等河開大通口皆遵朕旨一一告竣今年春朕閱河至桃源見龍窩等處頂衝危險命增築挑水壩比壩工刻日訖事河勢遂平中河仲莊開口以與清口相對特命改由楊家莊漕輓安流商民利濟曩時黃水泛漲或與岸平或漫溢四出今黃河深通河岸距水面大餘縱遇大漲亦可無虞矣張鵬翮所修工程雖悉經朕裁斷而在河數載殫心宣力不辭艱瘁又清潔自持一應錢糧俱實用於河工無纖毫浮耗朕心深為嘉悅所屬大小河員並皆勉力赴工共襄河務亦屬可嘉自總河以下各官爾二部即議敘具奏特諭

實錄卷五十三

中

己卯。

上御太和殿傳臚賜殿試武舉曹維城等一百二人武進士及第出身有差○陞都察院左僉都御史姜櫛為左副都御史免直隸武清薊州等五州縣本年分水災額賦有差○庚辰陞詹事府詹事徐秉義為內閣學士兼禮部侍郎○陞原任湖廣布政使王道熙為太僕寺卿○辛巳裁永定河分司一員從巡撫李光地請也○壬午諭戶部山東省去歲農收各州縣豐歉不一今春朕南巡過山東時已分別被災輕重蠲免錢糧並遣効力人員星馳賑濟比及回鑾東省又告潦災朕宵旰軫懷悉心籌畫截留漕糧平價發糶兼出帑金遣

八旗人員分道散賑仍於三路各遣大臣經理所在飢民庶得資以全活不致飢離失所猶念被災之後民力未紓宜更加德澤以弘休養康熙四十三年地丁銀米著通行蠲免有積年錢糧拖欠在民者亦著察明免徵行文該撫率所屬有司詳慎奉行務令人沾實惠有違旨私徵者察出定行從重治罪仍令各州縣徧示曉諭俾窮鄉僻壤咸悉朕憐憫惠愛災黎至意又朕南巡回時原擬蠲浙省明歲錢糧茲因東省災傷先行蠲免其浙省錢糧俟至明歲另頒諭旨爾部即遵諭行 陞浙江糧儲道李法祖為浙江按察使司按察使○予故原任兵部左侍郎張集祭葬如例○以厄魯特故多羅

實錄卷五

十六

郡王丹津阿拉布坦子策靈旺布襲爵 癸未

上西巡命皇太子允初皇三子多羅貝勒允祉皇十三子胤祥隨駕是日啟行駐蹕良鄉縣十三里村 諭大學士等曰見今扈從給事中滿普御史顧素令其後行查有僅從生事者即時鎖拿並將其主亦行究至地方官員若私行禁阻民間市賣亦指名題參 直隸巡撫李光地來朝 甲申

上駐蹕涿州澤畔村 乙酉

上駐蹕安肅縣田村堡 丙戌

上出行宮率諸皇子及善射侍衛等射

上親射二次發矢皆中 丁亥

上駐蹕保定府小汲店 山西巡撫噶禮等來朝 戊子
上駐蹕慶都縣十五里舖 免直隸故城等五縣本年分水災額賦有差 己丑

上駐蹕新樂縣城內

上出行宮率諸皇子及善射侍衛等射

上親射二次發矢皆中 庚寅

上駐蹕真定府城內 吏部題山東巡撫王國昌河道總督張鵬翮等擅動常平倉米穀賑濟擬各降一級其所動米糧仍令賠補

上諭大學士等曰朕曾諭總漕臬額總河張鵬翮將漕米各轉

實錄卷五

十七

運二萬石一面賑濟飢民俟願往賑濟効力人員到日交與伊等賑濟諭旨甚明張鵬翮等亦曾具摺奏明何故擅動常平倉米穀賑濟著將朕原諭並張鵬翮所奏摺子逐一查明具奏 理藩院議覆扎薩克大喇嘛綽木珠爾喇卜扎木巴奏將伊所原居洮州衛卓奈克依特之廟伏懇廣開修造應如所請得旨取邊氓之地以廣修廟宇關係民生嗣後凡有廣廟宇與民間田廬有關者永行禁止 辛卯

上駐蹕獲鹿縣城東 壬辰

上駐蹕井陘縣東關 陞直隸口北道周士賢為山東按察使司按察使 予故原任理藩院左侍郎明愛祭葬如例 兵

部議覆都察院左都御史溫達差往雲南審理雲南貴州總督巴錫疏參威寧總兵官孟大志擾害官兵各款內孟大志扣剋兵餉之處取供得實應將孟大志革職從之 癸巳

上自井陘縣至固關山西紳衿士庶跪迎

聖駕是日駐蹕柏井驛先是

上以柏井驛水少命隨行諸臣侍衛官兵執事人等分三隊陸續進發及

駕至柏井驛井水早已盈滿且處處水泉溢湧令治儀正存住等傳諭鄉導官副都統肇賴曰始以柏井驛水少因分隊進發今至此觀之井水盈滿且水泉各處湧發著移文後隊諸

實錄卷五十一

九

臣不必以無水為憂也○甲午

上駐蹕平定州西關御行宮諭大學士等曰朕聞山東巡撫布政使將賑濟飢民人員齎去銀兩俱收布政司庫內迄今猶未散給如此則賑濟飢民之事不致遲悞乎此銀俱自京師發往並非伊等庫內之銀且前往賑濟人員係三佐領合同薦舉殷實才能之人王國昌等僅可查其養飢民之優劣其錢糧耗費與否係賑濟官員之事與伊等何涉而將此銀兩收貯至今仍不散給必俟飢民逃散之後始行賑濟耶此係何心朕所不解是又係劉燾之詭計也况派去三百餘人員不作速分派地方俱令久留濟南必致米價騰貴人皆受困

可將朕旨速交該部移問王國昌等○乙未

上駐蹕壽陽縣城內○喀爾喀澤卜尊丹巴胡土克圖土謝圖汗遣使進九白年貢宴齊如例○丙申

上駐蹕榆次縣石店村○予故原任刑部侍郎加刑部尚書銜任克溥祭葬如例○予故原任鑲黃旗滿洲都統喇哈達祭葬如例○丁酉

上幸太原府文武各官軍旅及紳衿士庶跪迎

聖駕是日

上駐蹕城內○戊戌諭山西巡撫噶禮朕君臨天下四十餘載無一刻不以蒼生為念近因西省望幸甚切故於冬時農隙

實錄卷五十一

九

減從輕騎由晉及秦入境以來觀風問俗見民生畧有起色閭閻之間俗樸尚儉朕心少慰朕自弱齡讀書往往以不知窮簷僻壤之疾苦為嘆息所以留心於官方凡有往來者必先諮詢民情豐歉偶有失時定加蠲賑且思晉省不通水運歲或不登即難籌畫雖有州縣存貯之米穀未必實數具在反益不肖有司之虧空也今歲山西收成頗佳爾等仰體朕愛民如子之至意曉諭民間若歲豐用奢則荒年必致匱乏教之以禮義導之以守法重農務本藏富於民則朕無西顧之憂矣凡朕所經之處必大沛恩澤因今歲東省災甚已蠲四十三年地丁錢糧又免雲貴廣西四川地丁錢糧所以不

能施惠但將四十三年以前山西所屬州縣未完銀兩米草盡行蠲免以崇朕加惠黎元之念爾等即遵諭行太原百姓聞

上將回鑾齊集行宮前再四懇求留

駕數日得旨爾等既懇求朕再留一日○己亥

上出行宮率諸皇子及善射侍衛等射

上親射二次發矢皆中既而命總兵以下千把總以上及太原

駐防官兵射千總把總內善射者命誌其名○賜巡撫噶禮

大同總兵官張文煥平陽總兵官馬見伯提督學政汪灝等

御書扁額及衣帽有差○命查太原駐防滿洲內年及八旬者

實錄卷三十三

辛

俱賜銀兩○庚子

上自太原府啟行駐蹕徐溝縣南○封和碩裕憲親王福全世

子保泰為和碩裕親王○陞詹事府少詹事陳元龍為詹事

府詹事○辛丑

上駐蹕祁縣鄭家莊○是日

上於行宮前閱太原城守官兵騎射善者分別賜金者革退

遣還京師閱射時有一兵丁乘馬驚逸漸近御仗散秩大臣

公傅爾丹疾趨向前擒之使下並勒止其馬

上回行宮傳集內大臣等諭傅爾丹曰今日閱射時兵丁所乘

之馬驚逸漸近御仗諸年少大臣俱效年老大臣旁觀不動

實錄卷三十三

主

惟爾直前勒止之可謂繼武前人矣特賜爾貂皮褂一領嗣後益加勉力毋以身為大臣而不思奮力向前也○巴林多羅郡王納木達克故遣官致祭○鑾儀使覺色年老命原官休致以一等侍衛宗室額騰義為鑾儀衛鑾儀使○以伍什為太常寺卿

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十四

康熙四十二年癸未十一月壬寅朔

上駐蹕介休縣湛泉鋪○癸卯

上駐蹕靈石縣城內○甲辰

上駐蹕霍州城內○乙巳

上駐蹕洪洞縣城南○遣官祭女媧氏陵○西安將軍博爾濟都統佛包馬雲霄四川陝西總督覺羅華顯陝西巡撫鄂海

來朝○丙午

上駐蹕襄陵縣令柏村○河道總督張鵬翮固原提督潘育龍

來朝○丁未

上駐蹕曲沃縣郭馬村○戊申

上駐蹕聞喜縣城南○遣官往原任大學士衛周祚墓奠酒○諭山西巡撫噶禮朕年少時衛周祚曾任大學士朕今經過

其地已令大臣往奠其墓爾可傳諭地方官將伊孫照看俾

讀書成立○己酉

上駐蹕安邑縣運城○賞賚扈從侍衛護軍叅領護軍校護軍執事人等銀兩有差○庚戌

上駐蹕臨晉縣禹鄉村○甘肅巡撫齊世武延綏總兵官江琦興安總兵官何天培涼州總兵官魏勳四川巡撫貝和諾提

督岳昇龍來朝○辛亥

上駐蹕蒲州城內○大學士馬齊等奏臣等以賑濟山東飢民原旨并張鵬翮所奏摺子啟奏奉旨著臣等問張鵬翮彼布皇上曾面問彼彼已辭窮矣

上曰朕於衆人之前問張鵬翮爾嘗以經義奏對經義以本心為要爾河工人員動用常平倉穀賑濟掠取名譽今令抵償則云應令山東官員抵償撥之本心其能忍乎爾居官清廉河工効力告有成績是皆爾之善處朕甚嘉之至爾之所保舉者十之七八皆徇情面如索額圖家令爾曾保舉可云無此事乎時張鵬翮不能對惟垂涕而已此動用倉穀著張鵬

翮主國昌等均攤賠償今歲山東無收令於康熙四十三年四十四年內賠完○湖北巡撫年遐齡來朝○調河南按察使甘國基為雲南按察使司按察使陞山西冀寧道高啟桂為河南按察使司按察使○壬子

上至黃河岸率諸皇子射

上親射二次發矢皆中繼令山西官員及扈從諸臣射訖由潤河渡河未渡之先衆皆以為河寬風大隨駕人衆恐一二日內未必能全渡及

上至河岸天氣晴朗風波不興且傳諭渡河時勿得攔阻各隨其便不終朝而渡畢衆皆神異之

上至潼關陝西紳衿士庶跪迎

聖駕是日駐蹕城內○遣禮部左侍郎邵穆布致祭西嶽華山

○西安副都統筏喀祖良璧等來朝○癸丑

上駐蹕分界舖○賜固原提督潘育龍標下迎駕兵丁二百五十名及途中來接百歲民銀兩○甲寅

上駐蹕渭南縣城西○是日

上出行宮率諸皇子及善射侍衛等射

上親射五矢皆中繼令固原提標官兵射畢

上召大學士馬齊兵部侍郎布雅努近前諭曰朕巡歷諸省觀綠旗兵丁無如提督潘育龍之兵者射既熟嫻人復勁健此

實錄卷二百二十四

丰

皆統率將領之訓練有方也自提督以下官員可俱加一級

○乙卯

上駐蹕臨潼縣溫泉○遣官祭漢文帝陵○丙辰冬至祀

天於

園丘遣領侍衛內大臣宗室鄂飛行禮○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○

上幸西安府闔城官兵紳衿士庶跪迎

聖駕是日

上駐蹕城內○青海和碩親王扎什巴圖爾鄂爾多斯多羅郡

王董羅布松阿喇布多羅貝勒納木扎爾額爾德尼厄魯特

多羅貝勒巴圖爾額爾克濟農喀爾喀台吉哈麻爾戴青

海台吉益蘇克等來朝○丁巳

上幸城內教場率諸皇子及善射侍衛等射

實錄卷二百二十四

17

上親射二次發矢皆中繼閱西安駐防官兵射皆精練

上甚嘉悅因命記其善射之尤者諭大學士馬齊等及西安將

軍博齊四川陝西總督覺羅華顯陝西巡撫鄂海等曰朕為

西土兵民生計不辭地方遙遠曾涉嚴寒躬行巡狩見西安

右翼舊兵効力行間著有勞績防戍頻仍不記其數人多帶

傷其父與伯叔兄弟親戚亦有陣亡者朕心深切軫念且皆

循循奉法騎射熟嫻軍容整肅朕甚嘉之較之各省之兵允

為超出應大沛恩澤以示朕不忘勞勩人員之意○賞賚西

安右翼舊兵銀兩○翰林院以撰擬周文王武王祭文進呈

上諭曰文王武王皆古之聖君非他帝王可比且向以孔子聖

人已書朕名致祭矣。此祭文內亦須書名。○賜滿洲兵八旬以上五十一人及總督標下綠旗兵內陣傷兵丁銀兩。予故原任荊州將軍莽奕祿祭葬諡敏肅。予故原任正藍旗滿洲副都統屠克善祭葬如例。○免直隸靜海縣本年分水災額賦有差。○戊午諭四川陝西總督覺羅華顯陝西巡撫鄂海甘肅巡撫齊世武等朕撫有區夏思臻上理期於舉世乂安宵旰勤勞未嘗少釋而秦省為天下要地時屢朕懷襄者連歲荒旱所司未經奏報朕訪聞得實即多方籌畫運米拯救一由襄陽運至商州一命河臣由黃河運至潼關一由湖灘河朔運至渭河一由甘肅運至西安分行賑濟。○錫正賦

免夙通安集流離秦民始得少蘇。自康熙三十二年遣皇長子允禔致祭華山以來雨暘時若年穀豐登閭閻稍有起色但秦省關係最重且不通水運撫綏尤宜加意故不憚隆冬跋涉風霜遠臨茲土見百姓歡迎載道且知今歲有秋地方文武官吏更能恪勤奉職滿漢軍士亦皆訓練有方朕心甚悅凡巡幸所至必大沛恩膏今將陝西巡撫及甘肅巡撫所屬地方康熙四十二年以前各項積欠銀米草豆錢糧盡行蠲免。俟四十三年直隸各省咸獲豐稔當將秦省四十四年正供亦行免徵該督撫即通行曉諭俾窮鄉僻壤小民均沾實惠倘有不肖有司希圖侵蝕以致澤不下究該督撫嚴加

訪察據實指參以副朕愛養黎元之至意爾等即遵諭行。○上幸城內教場率諸皇子及善射侍衛等射

上親射二次發矢皆中射畢

上回行宮。○遣官祭周文王武王成王康王陵漢高祖宣帝陵

唐高祖太宗宣宗陵。○遣官往原任提督張勇原任總兵官

梁化鳳墓奠酒。○賜西安民九旬八旬耆老銀兩。○免河南

杞縣睢州等十四州縣本年分水災額賦有差。○己未

上幸西安府城外教場閱西安駐防八旗滿洲漢軍及綠旗官

兵軍容火器前鋒馬步兵丁俱擐甲各按隊伍列陣畢

上率諸皇子及內大臣侍衛等俱擐甲乘騎偏閱之青海和碩

親王扎什巴圖爾等鄂爾多斯多羅郡王董羅布等尼魯特

多羅貝勒巴圖爾額爾克濟農等喀爾喀台吉哈嘛爾戴青

等隨

聖駕後覲見官兵整齊隊伍森嚴甲冑鮮明無不互相嘆異奏

曰臣等但知禁兵精練天下無敵未知外省之兵亦皆如此

自當億萬年永享承平之慶

上閱兵畢回黃幄前率諸皇子及善射侍衛等擐甲射

上親射二次發矢皆中諸蒙古王貝勒台吉等及地方官吏兵

丁無不歡呼稱頌

上以將軍博爾濟訓練官兵有方即解素韃并弓矢賜之又賜總

督覺羅華顯巡撫鄂海案鞫弓矢。

上御教場箭亭，賜陝西官兵及蒙古諸王貝勒台吉等宴。

上召原任將軍佛尼勒之子俄倫特近前，曰：爾父効力行間，爾亦由兵丁効力，以至協領，因此親賜飲，表異於衆。又以鍊藍旗協領華泰由步軍効力，以至協領，並副將康泰、韓忠俱人材矯健，皆召至階上，令侍衛等飲之。衆謝恩畢。

上回行宮。○封達賴汗之弟青海台吉益蘇克為多羅貝勒。○賜蒙古諸王貝勒台吉等緞匹銀兩。○庚申，賜青海和碩親王扎什巴圖爾等、鄂爾多斯多羅郡王董羅布等、厄魯特多羅貝勒巴圖爾額爾克濟農等、喀爾喀台吉哈嘛爾戴青等。

皆錄奉書

十

十

及地方大臣官員宴於行宮前。

上幸城內教場，率諸皇子及善射侍衛等射。

上親射二次，發矢皆中。

上諭巡撫鄂海齊世武提督潘育龍等曰：前見提督潘育龍標下二百五十名兵丁，朕意謂特選前來，故皆善射。其餘未必若是。今至西安，每日校射滿洲善射，不必言。綠旗兵亦盡善射，無一不當朕意者。如此之兵，誠非易得。朕甚嘉悅。將軍博爾濟巡撫鄂海提督潘育龍等率衆官兵再三免冠頓首跪奏。

曰聞。

聖駕明日啟行。

皇上初次臨幸西安，且連日未曾休息，懇乞

皇上再留一二日，以副臣等及官兵仰望之私。

上曰：今歲暮期，朕欲啟行。爾等既如此誠懇啟奏，明日當再留一日。○辛酉。

上御箭亭，率諸皇子及善射侍衛等射。

上親射二次，發矢皆中。繼令記名善射官兵射畢。

上回行宮。○傳諭大學士馬齊曰：途次以提督潘育龍之兵精練，自提督以下，把總以上官員俱各加一級。今督撫之兵亦與提督之兵無異。華顯鄂海及綠旗把總以上官員亦俱各加一級。其滿洲兵丁整肅俱係將軍副都統及諸弁不時訓練所致。將軍以下，驍騎校以上，俱各加一級。巡撫齊世武、前曾降五級留任者，給還所降之級。○秦省衆官兵及紳衿士庶聞。

上啟行，齊集行宮前跪懇請。

皇上再留一日。

上曰：汝等如此殷殷懇求，朕當再留一日。○召將軍博爾濟諭曰：朕歷巡江南浙江、盛京、烏喇等處，未有能及爾西安兵丁者。爾處官兵俱嫻禮節，重和睦，尚廉恥，且人材壯健，騎射精練，深可嘉尚。慎勿令其變易。○賜將軍博爾濟總督覺羅華顯巡撫鄂海、甘肅巡撫齊世武、四川巡撫貝和諾、固原提督潘育

皆錄奉書

十

龍四川提督兵昇龍總兵江琦何天培魏勲等

御書匾額及貂帽裘褂等物○賜西安添設左翼駐防兵銀兩

命諭德查昇傳諭巡撫鄂海曰盤屋縣處士李顯人好讀書明理學屢徵不出朕甚嘉之特手書操志清潔匾額賜之

喀喇沁多羅杜楞郡王扎什故遣官致祭○壬戌

上御箭亭率諸皇子及善射侍衛等射

上親射五矢皆中○癸亥授西安驍騎索倫等十九人為額外

驍騎校以其祖父陣亡故也○是日

上自西安回鑾駐蹕臨潼縣溫泉○河南巡撫徐潮等來朝

甲子

上駐蹕渭南縣城內○乙丑

上駐蹕華陰縣臺頭村○丙寅

上駐蹕潼關城內○丁卯

上駐蹕閿鄉縣十五里舖河南紳衿士庶跪迎

聖駕○戊辰

上駐蹕靈寶縣摩雲寺南○諭吏部河南布政使李成林衰老

著解任按察使甘國基已調雲南尚未赴任著陞補河南布

政使司布政使○免直隸南皮任邱縣本年分水災額賦有

差○免山東武定福山等五州縣本年分水災額賦有差○

己巳

上駐蹕陝州張茅鎮村○命皇三子允祉及侍衛等往閱三門底柱○庚午

上駐蹕澠池縣城南○皇三子允祉及侍衛等以往閱三門底柱情形回奏報聞○辛未

上駐蹕新安縣城內

十二月壬申朔

上駐蹕河南府城內○癸酉

上由孟津渡河駐蹕孟縣下孟鎮○甲戌

上駐蹕河內縣董張鎮○乙亥

上駐蹕修武縣城內○諭兵部懷慶總兵官王應統標下兵丁

射技不堪營伍不整即王應統本身射亦荒疎令其介冑送

駕官兵鎧甲全無將王應統并伊標下千總陳起蛟把總聶

康主寶俱械繫帶往京師候開印鞫審嚴加議處○丙子

上駐蹕新鄉縣三里舖○丁丑

上駐蹕衛輝府城內○諭河南巡撫徐潮朕念西土兵民生計

垂冬令農隙之時特事西巡返轡京師道由豫省自入潼關

見閭鄉以及河南府民生甚艱而懷慶少裕至衛輝府則又

艱苦賴薄有秋成尚能餬口倘遇歉歲必至流亡此皆大小

官吏互相容隱雖有衰老病廢懶惰退諉之員仍使在任以

致貽誤地方河南百姓質朴愚魯輸賦從未稽遲而今歲所

欠乃至四十萬兩。顯係州縣官聞朕蠲除秦晉積欠錢糧希冀恩免於中漁利。見今民欠俱免催徵。著將河南通省俸工銀兩補足所欠之數。如有不完。停其陞轉。俟完日開復。特諭。

○賜巡撫徐潮總兵官方凱御書○戊寅

上駐蹕濬縣大人店○授鎮國公準達之女為鄉君。塔祝兆燕為鎮國公壻。秩四品。○免湖廣監利縣本年分水災額賦十分之三。○己卯

上駐蹕彰德府城東○庚辰

上駐蹕磁州杜村鋪○

實錄卷二百四

十一

御書賢哲遺休匾額命懸先賢子貢墓前○辛巳

上駐蹕永年縣臨沼關○予故山西太原總兵官韓天伏祭葬如例。○旌表湖南烈婦尋豬妻首氏守貞拒暴慘遭鋒刃全家斃命。給銀建坊如例。○壬午

上駐蹕邢臺縣藍陽岡○免直隸景州新安等十州縣本年分水災額賦有差。○追賜廣西殉難富川知縣劉欽鄰諡忠節

癸未

上駐蹕柏鄉縣城東○賜真定府迎駕副將標下兵丁銀兩○甲申

上駐蹕樂城縣城內○乙酉

上駐蹕真定府大阜城驛○諭大學士等曰。直隸學院揚名時考取生員。以能背誦五經者即取之。照例考取文字。人心自服。如考取背誦五經事繁。亦不合例。且揚名時秉性好異。考取時但係富室文字。雖好斷斷不取。倘貧寒內有粗知文意者。即取之。考校應論文學優劣。豈得論其貧富耶。○免浙江諸暨等五縣本年分旱災額賦有差。○山東巡撫王國昌疏言東省蒙

皇上截漕發帑。差官賑濟萬姓。懽呼籲請代題謝恩。

上曰。王國昌疏稱小民感戴祝頌等語。朕自御極以迄於今。但以民生為念。未嘗一刻不厯諸懷。民無災傷。各得其所。小民

實錄卷二百四

十二

雖不行祝頌。朕心自懌。聞今山東直隸河南穀價騰貴。朕愈加軫念。此所奏已知之。○丙戌

上駐蹕定州清風店○丁亥

上駐蹕清苑縣徐河橋○戊子

上駐蹕新城縣高碑店○己丑

上駐蹕良鄉縣城內○禮部尚書韓爌以病乞休。得旨。韓爌以工於時。文故屢經擢用。至禮部尚書。前管翰林院事務。時於庶吉士並不勤加教習。每日率領飲酒。以致庶吉士亦皆疎於學習。至於九卿會議之處。不以國事直言。惟事瞻徇。所行甚為非體。殊不逮其所學。今自知其非。稱病求罷。殊屬不合。

著仍留任嚴飭行○庚寅

上回京師詣

皇太后宮問安畢回宮

上諭大學士等曰前南巡多由舟行官民群集兩岸迎駕頃西巡皆由陸路凡臨幸郡邑官民無不扶老攜幼懽騰道左每清問及之又令在乘輿左右備諮地方之利弊彼皆抒誠陳奏是以風俗民情靡不洞悉朕巡幸七省畿輔秦晉民俗豐裕江浙則較三十八年時更勝山東近因水旱大異疇昔河南百姓生計甚艱此二省之民深厯朕懷又聞各省火耗俱是加一錢糧最少者惟有甘肅道計正額共二十八萬有奇

實錄卷一百一

辛

加耗亦止二萬八千州縣官錢糧既少加耗無幾不敷用者宜或有之其餘賦額皆多如一州縣正額有三萬加耗即至二三千宜敷用矣而州縣官仍有以艱難告者其故安在朕隨地諮訪督撫雖有不受餽遺者然餽藩臬者若干餽道府者若干豈可盡云廉吏乎○以故一等精奇尼哈番趙良棟次子趙弘燮襲職○免江南徐州衛本年分水災額賦有差○旌表江西烈婦李廣生妻陳氏守貞拒姦被刃殞命給銀建坊如例○辛卯

上諭大學士等曰朕頃巡幸西省閱視汾渭二水俱屬大河直與黃河相通河南等處米穀似可由黃河轉運但聞三門底

柱水勢極溜船不能上朕欲親往閱視因陝州知州奏無路徑斷難行走遂未果行特命三貝勒允祉同近御侍衛往視據回奏言伊等遣人乘騎涉河一道闊有神人鬼三門俱係鑿石開通水從三門流出其勢甚寬其流甚急古人於崖上鑿有曳船眼孔但未經以船試驗不知可否行走前總河靳輔亦曾奏黃河通於汴河但於墊年久若行疏導即可運糧朕至河南閱河南府居各省之中水路四達最為緊要之地應於此處儲積米穀每年田畝豈能必皆豐收倘山陝等省間或收成歉薄即可將此積貯米穀修造船隻由黃河挽運若到三門底柱船不能上亦可於三門底柱造船剝運以至

實錄卷一百一

壬

山陝誠使河路疏通則商賈人民大有裨益所宜於無事之時預為籌畫者也豫省每年解京漕糧二十萬石有奇若將豫省三年漕糧截留備用則陝西等省雖值歉收之年將此米穀運至彼處賑濟殊屬有益俟明歲遣大臣往視又諭曰朕今番西巡見直隸河南陝西山西四省接壤山西澤州人如授河南懷慶府地方官雖云隔省相去實不過百里得無徇庇伊宗族親戚之私意乎又直隸人在河南接壤處河南人在直隸接壤處居官者甚多嗣後補授外官時掣籤所得地方如隔伊原籍五百里外聽伊赴任如五百里內雖隔省著迴避○封和碩恭親王常寧庶出子海善為多羅貝勒○

調西安副都統祖良璧為正藍旗漢軍副都統○壬辰調杭州副都統許廷臣為鑲白旗漢軍副都統○陞陝西漢中城守副將韓忠為貴州威寧總兵官○免直隸滑縣本年分水災額賦有差○四川道監察御史劉若鼎疏參山西巡撫噶禮貪婪無厭虐吏害民計贓數十餘萬太原府知府趙鳳詔為噶禮心腹專用酷刑以濟貪婪得旨著噶禮明白回奏○癸巳旌表直隸烈婦陳利常妻陳氏憤烈拒姦母子殞命給銀建坊如例○丙申

孝莊文皇后忌辰遣官祭

暫安奉殿○己亥歲暮拾祭

實錄卷一百四

十五

太廟遣領侍衛內大臣公坡爾盆行禮遣官祭太歲之神

遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○以御史黑碩咨為內務府總管庚子順天府

進春賜朝正外藩科爾沁敷漢索曼翁牛特嵩齊武喀爾喀扎賴特阿爾堪厄魯特吳喇忒鄂爾多斯王貝勒貝子公及內大臣大學士侍衛等宴旌表八旗節婦滿洲薩哈那妻那氏等八十一人蒙古雅圖妻阿氏等二十一人漢軍祁熊嘉妻傅氏等四人直隸各省節婦姚大成妻楊氏等四十二人貞女王桓聘妻計氏等二人孝子王松齡曹超張大齡三人孝婦錢氏一人各給銀建坊如例○是歲人丁戶口二千四十一萬一千四百八十八田地山蕩畦地五百九十八萬六千九百五頃六十五畝有奇徵銀三千六百八十九萬七千六百九十九兩有奇米粟六萬九千六百八十七萬九千二百六十九石有奇草二百八萬一千六百八十五束茶十五萬七千四百七十八引行鹽四百三十一萬九千三百七十八引徵課銀二百六十九萬六千一百一十八兩有奇鑄錢二萬三千八百六萬六千八百有奇

實錄卷一百五

十六

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百十四

實錄卷之二百十四

七

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百十五

康熙四十三年甲申春正月辛丑朔

上詣

堂子行禮還宮。拜神畢。率諸王貝勒貝子公內大臣大學士侍
衛等詣

皇太后宮行禮。御殿。王以下文武各官外藩王及使臣等上表
朝賀。停止筵宴。朝鮮國王李焞遣陪臣李枋等表賀。冬至
元旦

萬壽節。及進歲貢禮物。宴賚如例。○壬寅。

上奉

皇太后幸暢春園。○丙午。孟春。享

太廟。遣領侍衛內大臣宗室鄂飛行禮。遣官祭太歲之神。○

丁未。

世祖章皇帝忌辰。遣官祭

孝陵。○戊申。

上回宮。○辛亥。祈穀於

上帝。遣皇太子允初行禮。○壬子。

上幸暢春園。詣

皇太后宮問安。○甲寅。以上元節。賜外藩科爾沁。款。漢。奈。曼。翁。

牛特高齊忒喀爾喀扎賴特阿霸哈納吳喇忒尼魯特鄂爾多斯貝勒貝子。今台吉等及內大臣大學士侍衛等宴。○乙卯。上元節。賜外藩王貝勒貝子。今台吉等及內大臣大學士侍衛等宴。○丙辰。

上詣

皇太后宮問安。○賜朝正外藩王貝勒貝子。今台吉等。鞍馬銀幣有差。○辛酉。諭大學士等。朕數巡幸。諮訪民生利弊。知之甚詳。小民力作艱難。每歲耕三十畝者。西成時除完租外。約餘二十石。其終歲衣食。丁徭所恃惟此。為民牧者。若能愛養而少取之。則民亦漸臻豐裕。今乃苛索無藝。將終年之力作

實錄卷二百五

二

而竭取之。彼小民何以爲生耶。如朕前遣侍衛至鐵索橋掛匾還京。回奏彼處督撫餽六千餘兩。夫一侍衛而費至此。則凡部院司官筆帖式等。差遣往來者。又不知煩費幾何。去歲所遣祭告諸臣。回都。朕曾問一二人。彼雖飾辭以對。然地方所費亦不少矣。目今巡撫皆有廉聲。而司道以下。何嘗不受州縣餽遺。總之此時清官或分內不取。而巧取別項。或本地不取。而取償他省。更有督撫所欲扶持之人。每歲暗中助銀。教彼掠取清名。不踰二三年。隨行薦舉。似此互相粉飾釣譽。沽名尤屬不肖之極。至於蠲免錢糧。原爲加恩小民。然田畝多歸縉紳豪富之家。小民所有幾何。從前屢頒蠲詔。無田窮

民未必均沾惠澤。約計小民有恒業者。十之三四耳。餘皆賃地出租。所餘之糧。僅能度日。加之貪吏苛索。蓋藏何自而積耶。朕比年巡行七省。惟秦晉兩地。民稍充裕。畿南四府及河南一路。殊覺生計艱難。山左初次巡幸。民甚饒裕。繼而少減。今則大異往昔矣。皆由在外大小官員。不能實心體恤民隱。為民除弊。而復設立名色。多方徵取。以此民力不支。日就貧困。科道官職。司風紀。當一切不避見之。敷陳。今惟挾仇報復者。挂之彈章。否則斷斷不言。或專倚一人。藉聲勢而聽其指使。然後敢言。甚有大言不慙。妄自矜誇者。考其行事。與言迥別。子曰。先行其言。而後從之。夫己之言。已且不能行。徒見之

實錄卷二百五

三

敷陳。何益之有。○吏部題補四川陝西總督。上諭大學士等曰。西安將軍博爾濟居官甚優。訓練約束。俱有法度。著兼管四川陝西總督事。○山西巡撫噶禮。以御史劉若鼎疏。參其貪虐。各款盡屬誣陷。遵旨回奏。報聞。○戶部議覆山東巡撫王國昌。擅收賑養飢民官員銀兩貯庫。以致不得即行賑養。應加議處。得旨。主國昌著解任。○陞安徽布政使趙世顯為山東巡撫。○浙江福建總督金世榮。疏報擒獲海寇徐榮等。俱出夥衆。乞扎情形。

上諭大學士等曰。見差內閣學士常授前往招撫海寇。此事交與常授帶去。即將所獲人內。量遣往招之。此輩原係竊盜衆

亦無幾春冬嘯聚海島秋夏揚帆出掠今往撫之彼必歸誠解散但日後難保其必不嘯聚若撫之不來當即興師殄滅如湖廣紅苗從前邊民無不被害土司及地方文武官隱匿不報昨歲致討彼奔逃無路殲厥巨魁宥其脅從軍威震懾土司邇邇等無不股慄翕然奉法朕初以海寇故欲嚴洋禁後思若輩游魂何難掃滌禁洋反張其聲勢是以中止然未雨綢繆何可忽耶○以詹事府少詹事蔡升元翰林院侍讀學士汪霽充日講起居注官○壬戌

上詣

皇太后宮問安○命四川陝西總督博爾濟鄂海河南

巡撫徐潮山西巡撫噶禮會勘三門底柱○免直隸開州武

清縣康熙四十二年分水災額賦有差○癸亥

上以大閱自暢春園幸南苑○江蘇巡撫宋學疏言長洲縣殉難生員嵇永仁於康熙十二年為原任福建總督范承謨延聘入幕值耿逆變亂被繫三載迫脅不從從容就死妻楊氏艱辛守志孝養舅姑撫孤成孝今年已五十有五照例應請旌表下部議○丙寅陞右通政祖允圖為太僕寺卿○鄂爾多斯多羅貝勒古祿西席卜和托揮特固山貝子松津僧額故各遣官致祭○以吳喇忒故輔國公鄂爾奔子垂札木素襲爵○丁卯

上大閱於南苑南紅門內列八旗火器馬步鳥鎗手及護軍驍騎為三行設兩翼殿後軍

上率諸皇子內大臣大學士侍衛皆擐甲乘馬徧閱軍容畢御黃幄軍中鳴角者三然後鼓之諸軍並進鳴金衆止如是者九第十次鎗礮連發既畢收軍歸陣進退作止整齊嚴肅又極嫻熟來朝之蒙古車臣汗等見之無不驚駭悚懼曰天朝兵威誠亘古未有也又閱視藤牌命樹侯

上親射者再發矢皆中又命諸皇子十五善射及硬弓侍衛等射射畢

上回行宮○戊辰

上自南苑回暢春園詣

皇太后宮問安○諭大學士等近八旗漢軍俱圖任外吏不思在京効力或一家兄弟子孫數人俱外任者有之可著各都統察出酌調回京任用若不察出調回罪即在伊等可傳諭知之○陞子牙河分司朝琦為山西布政使司布政使○奉差剿撫紅苗吏部尚書管禮部尚書事席爾達疏報招撫紅苗三百餘寨惟天星寨等十五寨紅苗不順臣同湖廣提督俞益謨等率兵於康熙四十二年十二月初十日從報木營抵龍椒洞圍天星寨自十三日至二十三日陸續搜剿斬首千餘級餘盡納降其添設防汛官兵事宜俟會同督撫定議

奏聞下部知之○阿祿科爾沁多羅郡王楚依故遣官致祭
○陞石匣副將王以謙為西安左翼副都統己巳

上謁

暫安奉殿

孝陵自暢春園啟行是日駐蹕通州煙郊庚午

上駐蹕薊州白簡莊○理藩院題喀爾喀多羅卓禮克圖郡王
額魯希席故應以其子巴塔瑪旺扎爾承襲蘇尼特多羅貝
勒沙利故應以其子阿畢達承襲得旨額魯希席沙利俱並
未有効力處巴塔瑪旺扎爾著降封為固山貝子阿畢達著
降封為公○內閣學士阿藍太以老病乞休允之

二月辛未朔

上駐蹕馬伸橋○癸酉

上謁

暫安奉殿

孝陵行禮奠酒舉哀畢至

仁孝皇后

孝昭皇后

孝懿皇后陵奠酒舉哀是日

上駐蹕遵化州湯泉○陞內閣侍讀學士殷特布為內閣學士
兼禮部侍郎○轉禮部右侍郎王碩齡為左侍郎陞內閣學

士王九齡為禮部右侍郎轉兵部右侍郎布雅努為左侍郎
陞四川巡撫貝和諾為兵部右侍郎○甲戌封淮神為長源
佑順大淮之神賜

御書靈瀆安瀾匾額又安東縣大通口海神廟宿遷等縣黃河
金龍四大王廟清河縣清口淮神廟皆入春秋祀典從河道
總督張鵬翮請也○丙子禮部議覆提督貴州學政張豫章
疏言貴州考試人才甚少請照滇省之例許同省隔府之人
往試再府州衛等學請各添設訓導一員縣學各添設教諭
一員俱應如所請從之○丁丑遣大學士張玉書祭
先師孔子○

上駐蹕遵化州○戊寅祭

大社

大稷遣都察院左都御史溫達行禮

上駐蹕三屯營諭大學士等近日各省學臣其中不肖之徒

惟利是圖總不知愛惜人才其根源在禮部科道督撫皆有
規禮故無敢直言之人更有甚者取不通文理之寒士以博

清名諸如此弊不可枚舉又聞提督浙江學政文志鯨將考

試二三等生員內竟有加杖責者文志鯨身係翰林特簡之

使提督學政乃如此暴戾可乎己卯陞大名副將閔定國

為河南河北總兵官○庚辰

上駐蹕大寨(辛巳)

孝康章皇后忌辰遣官祭

孝陵

上駐蹕韓家莊○大計天下各官卓異官二十四員貪酷官七員貪官十三員年老有疾官一員年老官八十一員有疾官三十六員才力不及官四十三員浮躁官二十六員不謹官三十八員罷軟官二十五員分別陞賞處分如例○贈故四川陝西總督覺羅華顯太子太保兵部尚書○予祭葬加祭一次謚文襄○陞甘肅布政使能泰為四川巡撫○裁永定河筆帖式二十員設同知一員從直隸巡撫李光地請也○壬

實錄卷二百十五

八

午○吏部議覆江南江西總督阿山疏○江巡撫張志棟於大計前託臣薦舉參劾官員照彼稿具題又袁州府知府馬斌居官平常張志棟竟行列薦南昌縣知縣王廷對虧空銀四萬餘兩張志棟不行參奏九江府知府朱儼清廉素著彭澤縣知縣吳士宏品行素優張志棟俱抑而不薦其布政使李興祖按察使劉廷璣及道府等員俱附和巡撫等語應將該撫及附和司道府等官俱行革職從之 癸未

上駐蹕三屯營(甲申)

上駐蹕關家莊(乙酉春分朝)

日於東郊遣兵部尚書馬爾漢行禮○遣官祭

歷代帝王

上駐蹕楊家莊 予故原任內閣學士徐嘉炎祭葬如例 予故廣東瓊州總兵官王起龍祭葬如例 丙戌

上駐蹕遵化州 丁亥

上駐蹕湯泉 工部議覆淮安府山安同知革職佟世祿叩關訴河道總督張鵬翮捏伊冒帑悞工擬以重杖又將他人應賠錢糧坐令伊名下賠補應令漕運總督行查得旨著江南江西總督阿山河南巡撫徐潮會審具奏(戊子)

上駐蹕馬伸橋 湖廣巡撫年遐齡以疾乞休允之(己丑)

上駐蹕濫石莊 庚寅

實錄卷二百十五

九

上駐蹕白簡莊(辛卯)

上駐蹕煙郊(壬辰)

上駐蹕南苑 賜扈從侍衛等緞疋貂皮執事人員護軍等貂皮白金等物有差○旌表直隸武強縣烈婦路武妻馬氏拒姦被戮矢死完貞給銀建坊如例○癸巳

上回暢春園詣

皇太后宮問安○陞湖北布政使李基和為江西巡撫○陞陝西糧道黃明為江西按察使司按察使○予故正藍旗漢軍副都統石如璜祭葬如例○予廣東征徭陣亡韶州副將林芳祭葬如例○甲午遣官祭

先農之神○乙未陞通政使李鎰為內閣學士兼禮部侍郎

丙申

孝昭皇后忌辰遣官祭

陵以京城米價騰貴命每月發通倉米三萬石運至五城平

糴刑部議覆山東布政使趙宏燮揭報原任布政使劉暄

虧空庫銀一案查此項銀兩劉暄雖稱借與濟南等六府賑

濟那用但州縣又稱並未領到應將劉暄照律擬斬監候原

任巡撫王國昌將存貯沂州之銀擅用至康熙四十一年盤

庫時竟保題並無虧空王國昌應照律杖一百流三千里係

旗人枷號兩個月其濟南府知府孟光宗等六人那用銀兩

實錄卷二百五

應勒限全完免罪得旨九卿詹事科道會議具奏尋九卿等

議覆劉暄主國昌及濟南等六府知府應限月分賠得旨著

俱限兩月內賠完○丁酉刑部議覆原任河南總兵官王應

統營伍不整送

駕不敬擬應立斬

上諭大學士等曰王應統改斬監候今天下太平海內無事然

兵可百年不用而不可一日無備朕巡幸至河南見王應統

標下官兵既不整齊且多羸弱此皆平時不加訓練所致曩

者朕巡幸直隸等處見直隸官兵甚弱騎射不堪其後武弁

皆朕親行簡授是以近來始整飭騎射俱佳以此觀之可見

官兵全須訓練也○甘肅提督李林盛以年老乞休允之

戊戌

上詣

皇太后宮問安

三月庚子朔清明節遣官祭

永陵

福陵

昭陵

暫安奉殿

孝陵

實錄卷二百五

仁孝皇后

孝昭皇后

孝懿皇后陵○

上詣

皇太后宮問安○調山西布政使朝琦為甘肅布政使司布政

使陞御史雍泰為山西布政使司布政使○辛丑

上自暢春園回宮○

上御經筵講畢賜大學士九卿詹事及講官等宴○壬寅

上幸暢春園○吏部尚書管禮部尚書事席爾達奉差湖廣征

剿紅苗事竣回京復命繪圖具奏報聞○陞江蘇布政使劉

殿衛為湖廣巡撫○以錄藍旗護軍統領達佳為正紅旗漢軍都統○九卿遵旨議覆臣等先議州縣官倉穀霉爛者督撫題參革職留任限一年賠補賠完免罪復職逾年不完解任二年外不完定罪著落家產追賠得旨著行文各省督撫定議具奏今直隸各省督撫等疏稱所議倉穀霉爛限年賠完甚當但恐有扶捏之弊應於補完日令府道出具印結申繳藩司督撫存案如再有虧空府道亦分別議處應如所請從之○癸卯

上自暢春園回宮○諭大學士等部院情弊朕知之甚悉凡部院駁回事件有應駁回者亦有有故而駁回者倘欲實指其

實錄卷三十五

十三

事朕並其始末皆能細言之朕日聽萬幾惟據其理而處之以公平斷不瑣屑苛求但諸臣當自知足知方不辱也

甲辰命提督浙江學政文志鯨回京調廣西學道靳讓提督浙江學政貴州學政張豫章兼督廣西學政 乙巳

上幸暢春園 丙午

上詣

皇太后宮問安 已酉諭刑部熱審謂之慎刑夫刑在平時亦宜加慎何必因熱而始慎也如謂熱審減等於犯人有益則於原審時即以減等議之豈不更有益乎且犯人苦熱猶可而苦寒更甚熱既宜審則寒亦宜審既多此一事不肖官員

遂欲延至熱審故意遲玩其停之 都察院等衙門議奏內

河外河分司塞可圖等侵欺錢糧擬斬工部尚書薩穆哈侍

郎恩特來道甘國樞司官費仰墩等俱照侵蝕銀兩數目多

少分別革職治罪其尚書王鴻緒侍郎李元振從寬革職留

任餘依議 庚戌諭八旗都統聞京城附近有山東之民河

間之民已於五城給食而施與未均竟不徧及著八旗各於

本旗城外分三處煮粥飼之八旗諸王亦於八門之外施粥

大為利濟今已派出諸人赴山東養民此輩因京城地方大

俱來就食若不如是設法賑濟則皆立斃矣茲派出鑲黃旗

舅舅佟國維正黃旗內大臣明珠正白旗內大臣阿米達尚

實錄卷三十五

十三

書馬爾漢伊家人眾監散為易其他五旗著派大臣家計殷

實者監賑凡粥廠所飼之民病則醫治歿則棺斂至給粥時

皆詳識認恐此處既食又顧之他務使清楚周徧為善如或

怠玩施不周徧察出並罪都統副都統斷不輕恕至漢大臣

自仰副朕旨施賑者亦分為三處內務府大臣亦將內務府

人分為三處俱令殷實可託之人監賑 調雲南巡撫石文

晟為廣東巡撫 諭吏部教職官員必文義明通方稱厥職

近見直隸各省教職官內不諳文義者甚多如此何以訓士

著行文直隸各省該撫將各屬教職官通行考試分別具題

嗣後俱照此例不時考試 壬子

上詣

皇太后宮問安 陞翰林院侍讀學士王思軾為通政使司通

政使 丁巳

萬壽節停止行禮筵宴 遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵 遣官祭真武東嶽城隍之神

上詣

皇太后宮問安 辛酉內閣學士常授以往撫海寇請訓旨

上諭之曰沿海諸省雖小有海賊聞俱嘯聚於廣東新會縣地

方若不掃靖此處不能奏績爾可先至福建將已獲賊中有

緊要之人不必帶去其餘量帶一二人前往廣東至新會縣

時先遣一人偕彼同往招撫遣去之時爾可令彼曉諭云爾

等情事皇上皆已洞悉爾等歸順則已否則必加大兵盡行

掃滅如此曉諭則新會賊寇盡可招撫招撫之後爾可自廣

東而福建而浙江而山東沿海招撫而來自可奏績 命正

紅旗漢軍副都統吳洪署甘肅提督事 諭大學士等朕因

山東及直隸河間府等處飢民流至京城者甚多特命八旗

諸王貝勒大臣總管內務府各官及漢大臣官員於數十處

立粥廠日煮粥賑濟務使流移之人得所酌量賑給數月但

此等飢民棄其家業聚集京城以餬其口實非長策應作何

料理始復舊籍得安生計爾等會同九卿詹事科道等確議

具奏尋大學士九卿等議奏山東飢民在京師者應選各部

賢能司官分送回籍其直隸河間等處飢民應令巡撫李光

地設法領回從之 壬戌

上詣

皇太后宮問安

上自暢春園幸南苑行圍 癸亥旌表直隸新安縣烈婦鄭連

新妻化氏誘姦不從捐軀完節給銀建坊如例 乙丑

上回暢春園 四川陝西總督博爾濟等疏言臣等勘三門中

流為神門水勢甚溜南為鬼門水更洶湧北為人門水勢稍

緩三門之下百餘步為底柱再下二里有卧虎灘臣等用船

載糧三十石從卧虎灘緯挽上過人門但溜急灘多行船艱

難不如陸路撥運之便豫省漕糧截留於河南府備貯陸運

至陝州西門外太陽渡上船計程三百餘里脚費比河路減

省謹將三門河路繪圖進呈得旨九卿詹事科道等會議具

奏○丙寅陞都察院左都御史溫達為工部尚書內閣學士
色德里為工部左侍郎內閣學士兼管光祿寺卿穆和倫為
工部右侍郎都察院左副都御史姜櫛為工部右侍郎○調
正黃旗漢軍副都統公曾壽為鑲藍旗滿洲副都統西安副
都統馬雲霄為正黃旗漢軍副都統陞西安協領俄倫特為
西安副都統○丁卯

上自暢春園回宮○戊辰陞廣東布政使佟毓秀為雲南巡撫
○己巳以翰林院侍講沈長垣充日講起居注官○命乾清
門侍衛武格渡海往普陀山進香回時乘便往看天台山○
以原任贛南道劉蔭樞為雲南按察使司按察使

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百十五

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百十六

康熙四十三年甲申夏四月庚午朔享

太廟

上親詣行禮○

上幸暢春園詣

皇太后宮問安○壬申陞刑部左侍郎管右侍郎事舒輅為都
察院左都御史○陞內閣侍讀學士舒虎鵬為內閣學士兼
禮部侍郎詹事府少詹事穆丹為內閣學士兼禮部侍郎兼
管詹事府詹事○癸酉轉兵部右侍郎屠粹忠為左侍郎

調禮部右侍郎王九齡為兵部右侍郎兵部左侍郎胡會恩
為禮部左侍郎管右侍郎事○以喀喇沁故多羅杜楞郡王
扎什之子噶爾臧襲爵○甲戌

上詣

皇太后宮問安○乙亥兵部尚書范承勳以老病乞休允之

丙子旌表直隸寧晉縣烈婦朱可宗妻范氏逼姦不從自縊
完貞東鹿縣烈女王氏弱齡烈性拒姦殞命俱給銀建坊如
例○陞都察院僉都御史傅作梓為左副都御史○戊寅禮
部議覆朝鮮國王李焞奏伊國人越界殺傷內地人命擬遣
大臣前往審理

上諭大學士等曰朝鮮國王李煒敬慎素著其國人越界行劫隨經捕獲監禁奏請勘斷此案不必復遣大臣前往察審可即令該國王審明擬結具奏○直隸巡撫李光地因河間水災飢民流入京師自陳不職請解任

上諭大學士等曰李光地著留任其居官有何可議但彼專信門生常為所誑凡人口講道學彼即深信之夫道學豈易言哉孔子曰先行其言而後從之人之品行必始終不易朕始信之若徒託之空言而無實事則亦何益之有非特此也凡有職任者一有所為善惡立見更不宜輕言也○己卯

上幸營盤山○自暢春園啟行是日駐蹕牛欄山○陞內閣學士

實錄卷二百六

十

常授為刑部右侍郎○庚辰

上駐蹕營盤山○河南巡撫徐潮疏言臣遵旨查勘汴河其故

道惟賈魯河自中牟縣經祥符等縣至江南太和縣達淮今

雖通流但不甚深廣應加挑濬再鄭州之北新莊地方有一

支河可築壩建閘以通黃河下部知之○辛巳

上駐蹕通州○壬午

上回宮○禮部尚書韓爌以病求罷命在任調理○癸未

上幸暢春園詣

皇太后宮問安○乙酉調湖南布政使施世綸為安徽布政使司布政使陞安徽按察使董昭祚為湖南布政使司布政使

○丙戌

孝端文皇后忌辰遣官祭

昭陵○

上詣

皇太后宮問安○戊子貴州巡撫高起龍以老病乞休允之○

河道總督張鵬翮疏言山東賑濟臣等誤用常平倉穀今臣屬河員願將俸工清還山東倉糧得旨山東省昨歲歉收若

將河員俸工銀兩解至山東買穀則穀價必至騰貴江南產米之地又水路易於輓送著總河張鵬翮等即從江南購買

穀石運至山東交倉還項○山西巡撫噶禮疏言臣遵旨查

實錄卷二百六

十

勘汾河自河津縣至洪洞縣船皆可行惟自趙城至省城石

多難淺非製造小船實難行走應仿麻陽船式製造始可濟

運下部知之○己丑

上詣

皇太后宮問安○

上閱永定河自暢春園啟行是日駐蹕趙家營○陞翰林院侍

讀學士阿世坦為內閣學士兼禮部侍郎○調正黃旗漢軍

副都統圖思海為正紅旗滿洲副都統江寧副都統克齊為

正黃旗漢軍副都統正黃旗漢軍副都統馬雲霄為正紅旗

漢軍副都統陞步軍總尉新泰為正黃旗漢軍副都統多羅

平郡王長史汪悟禮為鑲紅旗蒙古副都統○庚寅

上偏閱永定河隄駐蹕郭家務○

上諭大學士馬齊曰永定河關係緊要巡撫李光地奏分司郭治不能辦理河務祈另簡授爾可問李光地補用何等入方於事有裨益再向原任分司齊蘇勒問分司余圖渾何如筆帖式內有諳練河務可用者否馬齊問明奏曰臣問李光地據云應仍用分司二員筆帖式四十員臣又問李光地爾前奏請裁分司一員筆帖式一半今何故又請補授據云臣一時昏瞶奏請裁汰伏祈

皇上仍照前補設分司筆帖式始於河工有益○問齊蘇勒據云

實錄卷一百六

四

余圖渾任分司三載辦事勤慎筆帖式格渾是係崔廷棟色白黑等辦事無悞

上曰齊蘇勒任分司已六年著停其赴分司之任余圖渾著再留三年是係保以主事補授永定河分司格渾崔廷棟色白黑并舊任筆帖式共補十人新筆帖式可補十人俱令速赴工所○辛卯

上閱河隄自新安登舟泊屠家口○壬辰

上閱子牙河舟泊王慶坨○癸巳

御舟泊韓口○甲午

御舟泊河西務○乙未

御舟泊新河口○命截留漕米二萬石收貯河間沙河橋地方以備平糶○丙申

上回宮 陝西巡撫鄂海疏言臣遵旨查勘渭河惟寶雞至郿縣一百四十餘里水落之時重載難行郿縣以東河深水平重船無阻可以輓運下部知之○丁酉九卿遵旨議覆四川陝西總督博爾濟等題勘三門底柱事得旨此事並巡撫鄂海鳴禮徐潮所題由汾河渭河汴河輓運事俱交九卿一併議奏○戊戌

上幸暢春園詣

皇太后宮問安○詹事府詹事陳元龍請假省親允之

實錄卷一百六

五

五月己亥朔

上詣

皇太后宮問安○陞內閣侍讀學士魏齊為光祿寺卿○辛丑仁孝皇后忌辰遣官祭

陵陞福建協領高登符為杭州漢軍副都統○壬寅諭滿洲尚書侍郎等天下之民所倚以為生者守令也守令之賢否係於藩臬藩臬之賢否係於督撫督撫又視乎部院大臣而行部院大臣所行果正則外自督撫而下至於守令自為良吏矣今工部弊端發露爾等亦知愧否工部之弊朕屢降嚴旨切責並不悛改以至於此郎中費仰輟等俱九卿保舉之

今仍爾作弊侵蝕河工帑金殊屬不堪。堂司官上下扶同但利之所在。爾顧身命此何謂也。爾等身為大臣。誠能彼此歲規有所見聞。即為剖示。屬官有品行不端者。即罷斥之。庶幾無玷厥職。今部院諸弊。爾等豈果不知。但恐結怨於人。隱忍不言。科道官員亦因彼此掣肘。不肯條奏舉劾耳。嗣後如有不謹識。朕諭仍循故轍。經朕察出。必不姑宥。○癸卯。

上詣

皇太后宮問安。○甲辰。以原任貴州布政使孟世泰為江西布政使司布政使。○予故鑲紅旗蒙古副都統甘僧察葬如例。○乙巳。陞陝西漢興道鄒嘉琳為安徽按察使司按察使。○

實錄卷一百六

六

免山東濟南等府屬九十四州縣衛所康熙四十二年水災額賦。并緩徵本年丁糧米麥漕糧。○丙午。

上詣

皇太后宮問安。○戊申。陞詹事府少詹事蔡升元為詹事。○己酉。

上詣

皇太后宮問安。○正白旗漢軍副都統萬永祺以年老乞休。允之。○辛亥。遣官祭

闕聖帝君。宗人府遵旨議覆諾尼之子諾音托和書射俱優。應封為固山貝子。但諾尼係新復封為多羅貝勒。其子不

便照例給封。應將諾音托和降三等。授為三等鎮國將軍。和碩蘭修親王雅布庶出子石格亦頗善射。應降一等。授為三等奉國將軍。奉國將軍勒塞禮子達里祜奉國將軍卓隨子卓善書射俱劣。應降二等。但無品級。可降應仍授為奉恩將軍。從之。○壬子。

上詣

皇太后宮問安。○甲寅。奉差山東賑濟工部侍郎穆和倫奏飢民已賑。麥秋成熟。請撤回賑濟官員。

實錄卷一百六

七

上諭大學士等曰。觀穆和倫所奏山東麥秋大稔。秋田播種。往賑官員俱各勤勞。賑濟殊為可嘉。穆和倫及往賑官員仍著暫留彼處。此際尚當酌量資補。俟至七月。奏報秋收情形後。再令回京。○乙卯。

上詣

皇太后宮問安。○

上奉

皇太后自暢春園回宮。○戊午。夏至。祭

地於

方澤。遣皇太子允初行禮。

上幸暢春園。○辛酉。陞四川布政使于準為貴州巡撫。○癸亥。以原任貴州布政使復職候補王毓賢為湖北布政使司布

政使○乙丑以翰林院侍講學士王之樞充日講起居注官
(戊辰)予故正紅旗蒙古副都統穆呈額祭葬如例

六月己巳朔以詹事府詹事蔡升元充經筵講官(辛未)鑲
白旗蒙古都統兼內務府總管馬思喀故遣大臣一員侍衛
十員往奠茶酒賜馬二匹銀一千兩發引時遣皇十子允祿
皇十二子允禔往送○甲戌刑部議覆湖廣總督喻成龍疏
言鎮草鎮兵丁王漢傑統眾搶掠當舖應正法其餘黨不識
姓名應免深究請飭令再審

上諭大學士等曰王漢傑等俱係防守地方營伍兵卒前後糾
黨三百餘人將在城當舖肆行搶掠又出城站隊逼官索結

實錄卷一百一十六

八

情罪深為可惡該督理應察明嚴加治罪以肅軍紀乃稱餘
黨不知姓名請免審究殊屬不合著再詳審定擬具奏○諭
大學士等禮部侍郎羅察襄往四川鞫獄聲名不好任工部
侍郎時又不能盡心剔弊著以旗員調用○乙亥

上巡幸塞外命皇太子允初皇長子多羅直郡王允禔皇八子
多羅貝勒允禩皇十三子胤祥皇十四子允禩皇十五子允
禩皇十六子允祿隨駕自暢春園啓行是日駐蹕湯山(丙

子
上駐蹕懷柔縣 丁丑

上駐蹕密雲縣(以戶部郎中徐汝暉為河南按察使司僉事

提調學政○己卯

上駐蹕遙亭(陞直隸守道宜思恭為江蘇布政使司布政使
(壬午

上駐蹕兩間房(癸未陞內閣學士鐵圖為禮部右侍郎○予
故散秩大臣庫爾查祭葬如例○旌表福建同安縣烈婦許
彭妻黃氏拒姦不從殞命完節義烈可嘉給銀建坊如例○
丙戌

上駐蹕鞍子嶺○丁亥翁牛特多羅杜楞郡王額駙蒼津來朝
○戊子先是

實錄卷一百一十七

九

上諭大學士九卿等曰各省民間所用斗斛大小迥然各別此
皆牙儉平價之人牟利所致又升斗面寬底窄若少尖量即
致浮多稍平量即致虧少弊端易生職此之故嗣後直隸各
省斗斛大小應作何畫一其升斗式樣可否底面一律平準
至盛京金石金斗關東斗亦應否一并畫一爾等議奏至是
大學士九卿等議覆臣等查順治五年戶部將供用庫舊存
紅斛與通州鐵斛較紅斛太鐵斛小將紅斛減改為斛樣順
治十二年鑄造鐵斛二十具一存戶部一貯倉場直隸各省
皆發一具今應令工部照部中鐵斛鑄造七具分發盛京順
天府五城外其升斗俱改底面一律平準各造三十具分發
直隸各省等處永遠遵行盛京金石金斗關東斗皆停其使

用從之○刑部議覆原任山東巡撫王國昌那用庫帑限內全完應免罪原任布政使劉暄侵用庫銀限內全完免正法減等完結得旨王國昌從寬免罪劉暄居官甚劣著發往奉天朕昔南巡以山東各州縣倉糧問劉暄伊奏倉糧並無虧空頃巡撫趙世顯密奏倉糧虧空至五十餘萬石觀此劉暄誑奏矣王國昌乃一謹愿人毫無所長盡為劉暄所欺耳○諭大學士等觀山東巡撫所奏今歲春麥大獲又問自山東省來人咸云民生大有起色不似從前被災景象此甚非易致也山東百姓今始獲甦明歲錢糧不可急徵若秋田有收再當商酌爾等識之俟十月十一月間啓奏○喀喇沁台吉格勒爾等來朝○己丑

實錄卷二十六

十

上駐蹕王家營○陞內閣侍讀學士拉都渾為內閣學士兼禮部侍郎○陞湖南按察使董廷恩為廣東布政使司布政使○陞正藍旗滿洲副都統蘇滿為鑲白旗蒙古都統護軍統領圖爾海為正藍旗滿洲副都統調正白旗蒙古副都統班滴為鑲黃旗滿洲副都統陞護軍參領勒色禮為正白旗蒙古副都統陞盛京漢軍參領鄭元勳為鑲黃旗漢軍副都統雲南開化總兵官朱廷桂為正白旗漢軍副都統○壬辰上駐蹕喀喇沁○癸巳喀喇沁額駙噶爾臧等來朝○丙申予故鑲白旗蒙古都統兼內務府總管馬思喀祭葬謚襄貞

丁酉

上諭起居注官揆敘等曰古今講道學者甚多而尤好非議人彼亦僅能言之耳而言行相符者蓋寡是以朕不尚空言斷不肯非議古人何以言之凡人各有短長棄短取長始能盡人之材若必求全責備稍有欠缺即行指摘此非忠恕之道也故孔子當時惟節取人之善隱諱人之短凡事求諸己不非諸人是豈可少容私意於其間乎又人見講道學之舍或不見用輒為太息以為彼果見用必有可觀此亦徒見其空言而云然也若果見用言行亦未必相符惟宋司馬光編輯資治通鑑論斷古今盡得其當而後之論者反未嘗置諸講道學之列司馬光乃宋朝名相言行相符由此以觀不在空言也故君子先行後言果如周程張朱勉行道學之實者自當見諸議論若但以空言而講道學斷乎不可朱子洵稱大儒非泛言道學者可比擬也○喀喇沁札薩克鎮國公善巴喇錫來朝

實錄卷二十七

十一

秋七月己亥朔享

太廟遣領侍衛內大臣公坡爾益行禮○陞直隸霸昌道郎廷棟為湖南按察使司按察使○予故正黃旗領侍衛內大臣二等伯霸圖祭葬如例○予故廣東巡撫彭鵬祭葬如例○庚子傳諭在京大學士等近觀塞外雨水調和百穀暢茂爾

等可簡善馳賢能中書分遣直隸河南山東各一員問明雨水

多寡禾苗情形來奏其差往直隸巡撫處者并探永定子牙

二河水勢通州之河即著倉場侍郎具摺回奏(阿霸垓多

羅郡王吳爾占噶喇卜固山貝子車林敦羅布來朝(壬寅

上駐蹕花峪溝吏部議覆禮科給事中許志進疏叅江南江

西總督阿山前題叅撫臣張志棟大計舉劾不公布政使李

興祖等明有附和情弊均行革職在案今又以李興祖等實

未嘗附和張志棟代為題留明係鑽營徇庇請嚴加議處阿

山應降三級調用查阿山已經革職留任無級可降相應解

任得旨阿山著仍留任(旌表直隸玉田縣烈婦李進功妻

田氏力拒強暴慘死全節給銀建坊如例(乙巳陞杭州協

領陳廷璋為杭州左翼漢軍副都統(戊申

孝懿皇后忌辰遣官祭

陵(辛亥

上駐蹕喀喇和屯(陞廣西按察使鄭昱為四川布政使司布

政使(壬子阿霸垓多羅卓禮克圖郡王畢額等來朝(癸

丑中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵(科爾沁和碩達爾漢親王額駙班第和碩卓禮

克圖親王已特麻來朝(乙卯扈從大學士翰林官等俱齊

集行宮前奏曰

皇上巡幸塞外於萬幾餘暇惟以書射為事臣等日見

皇上神射發無不中伏求

皇上御書之時亦賜臣等瞻仰於是

上率諸皇子等出行宮門外大學士翰林官等俱侍立

上坐書大字小字頃刻數十紙諸臣聚觀無不驚喜

上曰朕自幼好臨池每日寫千餘字從無間斷凡古名人之墨

蹟石刻無不細心臨摹積今三十餘年實亦性之所好即朕

清字亦素敏速從無錯誤凡批答督撫摺子及硃筆上諭皆

朕親書並不起稿其事之稍有關係者雖歲月經久亦不遺

忘故批發之旨俱存所司朕處全無底稿也(教漢台吉添

布等來朝(丙辰

上駐蹕熱河上營(丁巳賜領侍衛內大臣公福善

御書經遠世臣大學士馬齊永世翼戴扁額(予故正藍旗漢

軍副都統余渾祭葬如例○戊午翁牛特多羅達爾漢戴青貝勒額爾德布鄂齊爾來朝○庚申喀爾喀多羅貝勒羅卜臧奈曼台吉畢都里雅等來朝○刑部議覆原任四川巡撫千養志贓銀未完應從重治罪得旨千養志著發黑龍江○甲子土默特多羅達爾漢貝勒馬呢科爾沁台吉畢里克圖等來朝○乙丑傳諭在京大學士等此時塞外小河永長如許不知子牙永定等河水勢若何可遣中書一員往問直隸巡撫李光地並將田禾收穫幾分穀價以倉斗較算已減幾何亦令問明至塞外田禾甚好今新穀已可採食有三穗者仍如往年亦著傳諭知之○陞四川永寧道卞永式為廣西按察使司按察使○陞直隸三屯營副將劉漢業為雲南開化總兵官○予故滿洲副都統伐喀祭葬如例○丙寅喀爾喀多羅杜楞郡王納木札爾來朝○丁卯阿祿科爾沁台吉圖巴札卜等來朝○陞廣東按察使許嗣興為河南布政使司布政使

實錄卷二百十六

辛

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十六

實錄卷二百十六

辛

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十七

康熙四十三年甲申八月戊辰朔祭

大社

大稷遣都察院左都御史舒輅行禮○已巳科爾沁多羅扎薩

克圖郡王鄂齊爾等來朝○庚午

上召大學士及起居注官等論滿洲諸翰林官學問優劣是

學士等奏曰

皇上天縱之聖記識不忘古今莫及

上曰朕覽過之書雖日月間隔不甚遺忘今雖年歲稍增而記

實錄卷五十七

一

性不減於前即目前陳列諸書內欲稽考某卷某處但指令

近侍取之亦可即得不至錯誤大約存心清虛不但事不遺

忘於養生亦為有益又諭曰臣下如有欺蒙朕斷不姑宥此

外若為朕躬服食諸事從未答責一人昨往釣魚處膳房所

備止有肉肴竟忘攜帶飯食諸皇子及近御侍役俱欲答之

朕止之曰彼無心偶忘攜帶耳此乃小事奇寬宥之○以故

一等阿思哈尼哈番王永譽子王弘武襲職○癸酉○予故內

閣學士兼禮部侍郎李應薦祭一次○兵部議覆雲南貴州

總督已錫疏言紅苗新附銅仁協應添額兵至一千二百名

分為左右二營增遊擊二員守備一員千總二員把總二員

領兵防汛再添設同知一員巡檢一員專理苗務應如所請從之○乙亥

上駐蹕喇門噶山○予故鑲黃旗漢軍副都統徐九如祭葬如

例○丙子

太宗文皇帝忌辰遣官祭

昭陵○丁丑遣大學士陳廷敬祭

先師孔子○戊寅

太祖高皇帝忌辰遣官祭

福陵○內閣學士兼禮部侍郎徐秉義以老乞休允之○一等

阿思哈尼哈番又一拖沙喇哈番吳爾三目疾解退銷去三

實錄卷五十七

十

次恩詔所得拖沙喇哈番餘三等阿思哈尼哈番以其子吳

爾欽襲替○陸廣東雷瓊道黃國材為廣東按察使司按察

使○庚辰

上駐蹕博洛和屯○阿祿科爾沁台吉卜寧等來朝○辛巳烏

朱穆泰和碩車臣親王色登敦多卜來朝○科爾沁台吉拉

什希卜等來朝○壬午科爾沁多羅郡王達達布等來朝○

癸未兵部議覆四川陝西總督博爾濟疏參副都統茂喀於操

演兵丁時舉動乖張失宜應遣官往審得旨發喀著調回京

此缺另補○都察院議覆工科給事中王原持參吏部文選

司郎中陳汝弼不法一疏新授浙江溫處道黃鍾係授職偽

官。已於陝西道御史王自修請斥失節文職案內革職。今陳汝弼乃朦混開列補授。應將陳汝弼革職交刑部。尚書敦拜等俱應降三級調用。

上諭大學士等曰此案甚大。情弊顯然。著九卿詹事科道會議具奏。尋九卿等議覆。仍照都察院議。得旨敦拜等俱著降三級留任。陳汝弼革職交刑部。○甲申。

上駐蹕張三營。○翁牛特多羅貝勒額爾德布鄂齊爾來朝。○

乙酉。蘇尼特多羅郡王垂基恭蘇隆等來朝。○丁亥。

上駐蹕汗特木爾達巴漢地方。○予故杭州漢軍副都統石元聲祭葬如例。○戊子。

實錄卷二百七

上駐蹕穆祿喀刺沁地方。○己丑。

上駐蹕愛里昂阿地方。○庚寅。萬齊忒多羅郡王雅穆批爾等來朝。○辛卯。

上駐蹕格德爾庫西爾哈和洛。○壬辰。秋分夕

月於西郊。遣戶部尚書凱音布行禮。

上駐蹕翁牛特西爾哈和洛。○癸巳。

上駐蹕盈畢喇南岸。○科爾沁固山貝子阿必達等來朝。○甲午。翁牛特多羅杜楞郡王額駙蒼津進宴。賜額駙蒼津及其屬下官兵等銀幣等物。○是日。

上臨幸新建公主第駐蹕。○予故原任工部右侍郎哈爾察祭葬

如例。○乙未。

上駐蹕盈畢喇地方。○諭大學士等。廣西道御史呂復惇奏直隸巡撫李光地於秋審之事任意決斷。夫直隸各省秋審事件。督撫按律定罪。具奏之後。九卿議覆。或奉旨改緩決。次年決。可矜具奏。高情罪可惡。奉旨改為情實者。亦有之。秋審人犯皆應正法之重囚。督撫依律具奏。乃其分也。若核其情由酌量處置。皆出自上裁。凡人命案件。部院大臣以及督撫豈有不查律例。任意決斷者。此等情由。呂復惇未必盡知。此本著發還。○丙申。

實錄卷二百七

上駐蹕布爾哈蘇台昂阿地方。○丁酉。

上駐蹕巴顏和洛昂阿地方。

九月。戊戌朔。阿霸亥台吉德木楚克來朝。○庚子。

上駐蹕得爾吉惠漢地方。○壬寅。

上駐蹕薩爾巴爾昂阿地方。○癸卯。吏部議覆雲南道御史田從典條奏各督撫於州縣中往往破格請調。沿習弊生。請嗣後除舊例宜調之缺外。其餘縣不准濫調。且嚴定督撫違例處分。應如所請。從之。○刑部右侍郎常授疏報臣等奉命往廣東招撫海賊。今賊首阿保位等三百三十七名交納鎗礮器械投誠。願為民者。安插原籍。願為兵者。編入各營。下部知

之○甲辰克西克騰台吉喀爾畢等來朝○乙巳

上駐蹕額勒孫達巴漢昂阿地方○丙午

上駐蹕格爾齊老和洛昂阿地方○丁未

上駐蹕烏喇岱和洛○喀爾喀台吉滾臣沙克札等來朝○戊

申遣官祭

歷代帝王遣官祭城隍之神○己酉福建浙江總督金世

榮題參海壇總兵官傅春秀逼死營員應行質對定案得旨

傅春秀著解任質訊○陞西安駐防協領殷泰為西安右翼

副都統鳳翔副將洪範為福建海壇總兵官○庚戌

上駐蹕穆祿喀喇沁昂阿地方○辛亥

上駐蹕汗特木爾達巴漢昂阿地方○賜翁牛特科爾沁阿霸

喀敦漢巴林喀爾喀奈曼土默特阿祿科爾沁烏朱穆秦蘇

尼特齊齊克西克騰王貝勒貝子公台吉等袍褂銀兩緞

疋鞍馬等物有差○賜喀喇沁隨園官兵人等銀幣疋等

物有差○壬子

上駐蹕張三營○癸丑

上駐蹕博洛和屯○甲寅免江西清江等六縣本年分水災額

賦有差○乙卯

上駐蹕喇門噶山○丙辰

上駐蹕喀喇和屯○丁巳

上駐蹕鞍子嶺○封歸誠圖爾古武台吉阿拉卜朱爾為固山

貝子○調正藍旗蒙古副都統鄂齊禮為鑲白旗滿洲副都

統鑲白旗漢軍副都統隆科多為正藍旗蒙古副都統○戊

午都察院遵旨察議刑部審訊光棍金眼王五吳謙等打死

三人一案既已遲延又不審出實情又為解脫應將尚書安

布祿等降級調用得旨刑部前審此事明係隱蔽尚書安布

祿降三級留任尚書王士正侍郎陳論俱降三級調用餘依

議○

上駐蹕兩間房○己未

上駐蹕古北口○予故禮部尚書韓菼祭葬如例○兵部議覆

湖廣總督喻成龍疏言奉部咨鎮軍額兵二千一百名紅苗

新附應勻抽督撫提鎮各標兵九百名合為三千名防守鎮

軍但楚省官兵皆係額設與其勻抽不如均調九百名赴軍

協汛遞年更換應如所請從之○庚申

上駐蹕遙亭○以故二等伯霸圖子馬蘭泰二等伯伊雷子伊

勒深各襲爵○辛酉

上駐蹕密雲縣○山東巡撫趙世顯疏言康熙四十二年四十

三年錢糧及貯德州臨清州銀米請俟至四十四年徵收得

旨山東百姓纔有起色此項銀米不可急徵照該撫所請准

行○壬戌

上駐蹕三家店○以吏部右侍郎吳涵禮部左侍郎兼國子監祭酒邵穆布詹事府少詹事汪霽充經筵講官○癸亥上回宮詣

皇太后宮問安○甲子

孝慈高皇后忌辰遣官祭

福陵○丙寅吏部議覆江南江西總督阿山疏叅禮科給事中許志進為原任江西巡撫張志棟私人挾仇叅臣受原任布政使李興祖等之賄代為題留伏乞嚴究指使之入禮科給事中許志進又疏叅阿山徇庇原任布政使張四教盧崇興等不法事到任四年濫收屬員節禮邸徐賑飢之時縱庇屬

員盜買倉穀諸款查阿山被叅當靜聽處分乃遽將言官許奏許志進既知阿山諸款不早題叅乃於阿山許叅之後始行互訴均屬不合阿山應解任許志進應革職得旨阿山已有旨革職留任許志進狂妄素行亦不端朕另降旨處分

陞翰林院侍讀汪灝為內閣學士兼禮部侍郎○丁卯先是上遣侍衛拉錫等探視河源諭之曰黃河之源雖名古爾班索羅謨其實發源之處從來無人到過爾等務須直窮其源明白察視其河流至何處入雪山邊內凡經流等處宜詳聞之至是拉錫等回奏臣等遵旨於四月初四日自京起程五月十三日至青海十四日至呼呼布拉克貝勒色卜騰札爾同

臣等起程前行六月初七日至星宿海之東有澤名鄂陵周圍三百餘里初八日至鄂陵西又有澤名札陵周圍三百餘里鄂陵之西札陵之東相隔三十里初九日至星宿海蒙古名鄂敦塔拉登山之至高者視之星宿海之源小泉萬億不可勝數周圍羣山蒙古名為庫爾滾即崑崙也南有山名古爾班吐爾哈西南有山名布胡珠爾黑西有山名巴爾布哈北有山名阿克塔因七奇東北有山名烏蘭杜石古爾班吐爾哈山下諸泉西藩國名為噶爾馬塘巴爾布哈山下諸泉名為噶爾馬春穆朗阿克塔因七奇山下諸泉名為噶爾馬沁尼三山之泉流出三支河即古爾班索羅謨也三河東流入札陵澤自札陵澤一交流入鄂陵澤自鄂陵澤流出乃黃河也除此他山之泉與平地之泉流為小河者不可勝數盡歸黃河東下臣等自星宿海於六月十一日回程向東南行二日登哈爾吉山見黃河東流至呼呼托羅海山又南流繞撒除克山之南又北流至巴爾托羅海山之南次日至冰山之西其山最高雲霧蔽之蒙古言此山長三百餘里有九高峯自古至今未見冰消終日雲霧蔽之常雨雪一月中三四日晴而已自此回行十六日至席拉庫特爾之地又向南行過僧庫里高嶺行百餘里至黃河岸見黃河自巴爾托羅海山向東北流於歸德堡之北達喀山之南從兩山峽中流入蘭

州。自京至星宿海。共七千六百餘里。寧夏之西有松山。至星宿海。天氣漸低。地勢漸高。人氣閉塞。故多喘急。謹繪圖呈覽。

報聞。

冬十月。戊辰朔。享太廟。

上親詣行禮。遣官祭。

水陵。

福陵。

昭陵。

暫安奉殿。

實錄卷五

九

孝陵。

仁孝皇后。

孝昭皇后。

孝懿皇后陵。○頒康熙四十四年時憲曆。諭內務府郎中齊

蘇勒。要兒渡東旺。西旺等處。運河兩邊。向來皆沙。其隄工係

沙土築成。故不堅固。且又敵數處山水。兼之海潮。一日二次

倒灌。所以逼回運河之水。不及流行。常漲滿。溢出於隄者。因

不能容受之故。朕前閱楊村相近有舊河形迹一道。即於此

間。建減水石壩。以分水勢。甚為有益。此處近海。疏通甚易。所

分之水。不可使通百靈港。寶坻縣香河縣。此三處地勢低窪。

難以抵敵。至建造減水壩。須口寬四五十丈。以石鋪。多使尾

長而斜。堅固修築。若水長不至四尺。不能越減水壩。可將見

存舊河形迹。挑寬十丈。將此土。即築兩邊之隄。爾會同直隸

巡撫李光地。前往驗看。丈量具奏。己巳。諭大學士等。曩日

要兒渡等處。隄岸常被衝決。是以朕親臨。遍視見楊村原有

一引河。去海尚近。即欲疏此引河。建深水壩。水長開閘。使河

水入海。因需餉浩繁。又恐無益。故不輕舉。朕今遣李光地等

往估。欲仍開此引河。大都天津海潮至時。一股向王慶坨。一

股向楊村。逆流故河水長時。即相觸。旁流以致隄岸衝決。今

將楊村舊引河挑濬。建壩。自必有益。再于牙河廣福樓亦有

實錄卷五

十

引河。昔開引河時。文安大城百姓。謂開河於彼有益。而青縣

等處百姓。則稱開河於彼不便。互相爭論。皆集河干。各控其

情。及朕諭以挑此引河。不獨便於文安大城。而青縣亦自無

虞。民始各退。後果兩處皆便。庚午。

皇太后聖壽節。

上率王以下文武大臣侍衛等詣

皇太后宮行禮。遵

懿旨。停止筵宴。辛未。

上御經筵。講畢。賜大學士九卿詹事及講官等宴。都察院左

都御史李構。以病乞休。允之。○陸光祿寺卿汪晉徵。為順天

府府尹○壬申

上御太和殿視朝文武陞轉各官謝恩 兵部題補廣東高雷廉總兵官得旨湖廣辰州副將趙文璧著陞授廣東高雷廉總兵官近聞新授開化總兵官劉漢業之母八月有餘雲南路遠劉漢業可另補近缺其雲南開化總兵官缺著雲南督標中軍副將黃秉鉞陞補○癸酉

上詣

皇太后宮問安

上幸暢春園○甲戌諭戶部今歲直隸地方雨暘應候禾稼有秋各郡民生皆獲安恒業惟是去歲山東被災之民自冬月

實錄卷二百二十七

七

以迄春夏流離轉徙入順天河間境內者甚多於時設廠煮糜所在賑救因而米價至今未減誠恐近畿一路間井小民拙於生計是宜加恩寬恤用弘休養順天河間二府屬康熙四十四年應徵地丁銀米著通行蠲免該巡撫即飭府州縣官張示徧諭務俾窮鄉僻壤均沾實惠以副朝廷優軫蠲輔黎氓至意又諭戶部山東比年歉收民生饑饉朕焦勞宵旰未嘗晷刻少釋於懷康熙四十一年錢糧既分別減免帶徵又傳四十二年徵收蠲四十二年額賦裁漕平糶發帑賑施遣用多員分道贍養有就食京城者復設廠煮賑命滿漢官員資送回籍給以籽粒之需然後民間漸有起色今歲幸

實錄卷二百二十七

七

風雨和調二麥畢登秋禾稔獲流移者悉返里閭復業者咸安耕鑿朕於往來山東人員備加詢問深慰於懷但念被災之餘甫離重困若非大敷恩澤終不能速底盈寧著將康熙四十四年山東省應徵地丁銀米等項除漕糧外通行蠲免從來水旱靡常撫綏百姓之道全視大小官吏實心講求庶幾民有攸濟諭旨到日該巡撫即飭有司張示曉諭務俾通省均霑實惠仍牘導小民博節蓋藏期於比戶皆有餘蓄則於朕倦倦為民經畫之意可以無負矣又諭戶部朕昨歲南巡至浙江見其農桑徧野戶口蕃殖閭閻氣象較勝於康熙三十八年巡幸之時朕心甚慰浙省錢糧雖前此屢經蠲貸而朕車駕臨應更敷恩寬恤俾民生益加充裕當回鑾以後即擬免康熙四十三年額賦因山東急賑災荒遂爾少緩茲直隸各省皆獲有秋特中前命康熙四十四年浙江通省應徵地丁銀米等項除漕糧外著俱行蠲免諭旨到日該督撫即嚴飭有司張示徧諭務使窮簷陋屋均霑實惠地方大小官吏仍不時訓誡小民令各守分節用不論年歲豐歉咸有益藏庶無負朝廷殷殷愛養賜租給復之至意以鄂爾多斯故多羅貝勒勒古祿西席卜子拉希扎木素襲爵以散秩大臣公傅爾丹為正藍旗蒙古都統○戊寅

上自暢春園回宮詣

皇太后宮問安○己卯。

上幸暢春園○陞吏部右侍郎吳漢為都察院左都御史仍兼翰林院掌院學士教習庶吉士都察院左副都御史張睿為刑部右侍郎○庚辰調戶部尚書李振裕為禮部尚書陞河南巡撫徐潮為戶部尚書兵部左侍郎屠粹忠為兵部尚書吏部左侍郎王掾為刑部尚書○予故二等伯一等侍衛伊雷祭葬如例○辛巳諭戶部朕宵旰孳孳惟以康濟生民為念每歲四方水旱皆諭令各督撫不時奏聞仍間遣人員馳往各路諮詢農事有自外省來者必詳問所過地方雨暘耕作之狀凡以民生所重無如粒食不得不預為經畫也康熙

四十一年冬朕巡幸至山東德州聞知萊蕪等六州縣民被災傷即與豁免四十二年錢糧及四十二年春南巡視河經行奉安一路見其間閭生聚遠不逮於從前隨下諭詳察被災州縣蠲除額賦并動倉穀賑濟但蠲賑雖行而人民甚屬窘迫非以贍養蒙古之法行之不能立遂生計再三籌策乃命官民願効力者百餘人星速前赴山東計口授糧給衣濟用兼量助牛種等物貧窶之民皆賴以全活比朕避暑口外覺夏月雨水頗多即命行文移問山東等省而東省果告潦災秋禾失收民滋困苦但地方人情猶帖然安堵此即遣官養民之實效也因又下諭增益多員分往被水失收處再加

賑濟顧各州縣地廣人眾需費浩繁猶必大加賑施方能通及特命漕臣親赴東省截留漕糧五十萬石分貯沿河鎮市衝要之地散賑而外即平價發糶又諭八旗滿洲蒙古漢軍每三佐領各派一人計得四百餘人此所派人員每佐領領帑金一千兩給之並備車輛駝馬等物令分往山東各州縣照前遣人員贍養以至來年七月為期其登青萊三府則截留漕米由天津海道運至其地每府各三萬石又遣大臣三員分三路往來巡視稽覈散賑事宜酌定平糶價值而民間始盡霑實惠至於未經散賑之際飢民有流入京城者老幼仳離急於得食爰於今歲正月命八旗王貝勒大臣內務府

官員並漢大臣官員設廠數十處煮賑一月有餘復念飢民拋棄鄉土久住京師究非長策於是遣官雇募船隻悉送還籍仍給以銀兩為日用籽粒之資而流移之人遂得復安本業入夏以來風雨調和二麥稔登秋田多稼該省呈進穀穗合之往來人等奏對之語朕心始為大慰夫水旱災傷事所時有非恃廟堂之上多方賑救則民將何依朕為山左勞心籌畫者兩載於茲迺幸奏有成效今三路大臣及該撫俱奏年穀順成民生得所賑事告竣前後効力諸臣宜加獎勵去歲春秋二次遣往養民各員著察明議敘內有自出已力贍養者從優議奏其在京捐銀及資送回籍人員亦著一并議

敘東省停陞轉官員俱令照常陞轉○予故原任兵部左侍郎楊雍建祭葬如例○壬午予故江寧副都統朔色祭葬如例○歸化城左翼都統古木德故以其子二等侍衛丹金補授歸化城左翼都統○癸未諭大學士及戶部尚書等戶部呈樣之斛與斗升朕俱注水詳加測量其樣升上下四角寬窄不勻算積數見方得三萬一千三百八十二分有零其樣斗上下四角寬窄亦不勻算積數見方得三十一萬六千七百六十四分有零其樣鐵斛算積數見方得一百六十萬分其數不相符查性理大全嘉量篇第十二內每斛積一百六十二萬分與今之鐵斛校多二萬分因鐵斛用之已久不可輕改是以依今之鐵斛五斗為準造新樣斗一具方徑八寸深五寸積數見方得三十二萬分又造一新樣升一具方徑四寸深二寸積數見方得三萬二千分若依此樣十升一斗五斗一斛毫釐不差諭畢因出新樣銅斗升付戶部堂官等曰照式以鐵為之○陞左通政周清原為光祿寺卿○以一等侍衛馬武為鑲白旗漢軍副都統○乙酉轉工部右侍郎姜禱為吏部左侍郎以原任禮部右侍郎李錄子為吏部右侍郎轉兵部右侍郎王九齡為左侍郎陞福建巡撫梅鋗為兵部右侍郎大理寺卿李斯義為都察院左副都御史○丁亥以戶部尚書徐潮充經筵講官○陞內閣侍讀學士赫壽

為內閣學士兼禮部侍郎○戊子陞山東布政使趙弘燮為河南巡撫○己丑九卿等議覆四川陝西總督博霖等疏請於三門及汾渭賈魯等河運米事應交與河道總督張鵬翮查議具奏
上諭大學士等曰曩者賑濟陝西災荒曾交總河靳輔由河南運米靳輔將運米河名及沿途地名詳開摺奏與黃河不相關涉另從一河道運之想即是今徐潮所查之河如挑通此河其利無窮無事之時雖不甚緊要倘至有用之時誠不易得也此河與黃河無涉何必交總河該部另議具奏尋工部議覆汾河渭河賈魯河著各該撫設法挑濬從之○刑部以議處吏部郎中陳汝弼案啟奏
上諭大學士等曰部審此事明係徇庇其書辦妻子產業俱在於此既獲其子則其父豈有不獲者且陳汝弼家人亦不曾與陳汝弼對辭吏部之弊無窮若此者猶加徇庇則惡人何所懲戒此本發還再議具奏又諭曰理藩院侍郎滿篤辦事不妥工部侍郎穆和倫山東養民甫還工部滿堂官俱有人著穆和倫署理藩院事於兩處行走庚寅陞福建按察使范時崇為山東布政使司布政使辛卯
上閱永定河命皇太子允初皇十三子胤祥隨駕自暢春園啟行是日駐蹕南苑○壬辰

上駐蹕華家營○陞都察院左僉都御史程文舉為工部右侍郎○內閣學士兼禮部侍郎李鎰以病乞休允之○以都察院左副都御史李斯義為福建巡撫○癸巳

上臨閱齊蘇勒等所勘薛家莊擬築減水壩之處諭大學士等曰此處迎溜頂衝若築減水石壩遇水漲時石壩雖不妨而兩邊土壩可虞見在河勢南岸露出磯嘴北邊暗被衝刷今已近北岸矣朕向巡幸西塞之外見黃河一邊露出磯嘴則一邊必然衝刷水性原如此朕故知之此處斷不可築減水壩也因問之土民皆云三十年前河流原近南岸衆皆驚服

上駐蹕頭邱○甲午

上閱視筐爾港隄工諭大學士等曰昨日踏勘之處迎溜頂衝彼處若築減水壩甚為可虞倘水發時衝刷其東則所築減水壩反在河中徒費人工矣其楊村以南河岸離隄雖遠而相其地勢亦難修築此筐爾港近處有磯嘴與河隄相去不遠且河路又直通舊河取道甚順况東邊原因修築堅固屢經大水並無妨礙此處修築減水壩甚好若慮頂衝當於東邊酌量修築數處挑水壩以分水勢○

上駐蹕和韶屯○乙未

上駐蹕大營○丙申

上駐蹕南苑○轉吏部右侍郎李錄予為左侍郎○兵部左侍郎王九齡為吏部右侍郎○陞大理寺少卿陳詵為都察院左副都御史○太常寺卿勞之辨為大理寺卿○調鑲白旗蒙古副都統勒色禮為黑龍江左翼副都統○予故原任戶部侍郎田雯祭葬如例

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十八

康熙四十三年甲申十一月丁酉朔日食

上回宮詣

皇太后宮問安○戊戌諭大學士等明歲春間正青黃不接之時當自正月為始於京師及通州地方發倉米照今年例平糶爾等會同戶部議奏○己亥諭欽天監初一日日食朕用儀器測驗午正一刻十一分初虧未初三刻二分食甚申初一刻復圓查七政歷末初三刻二分日月合朔新法推算必無舛錯之理這舛錯或因誤寫字畫或因算者忽畧將零數去之太多亦未可定著詳察明白具奏尋欽天監監正常額等以推算未盡請罪

上從寬免之○以故二等阿思哈尼哈番恩克爾之子達爾瑪

襲職○庚子

上詣

皇太后宮問安○辛丑陞江南驛鹽道党居易為福建按察使司按察使壬寅理藩院題阿祿科爾沁多羅郡王楚依故其子穆寧應襲爵查楚依原係多羅貝勒以戰功優升郡王其封冊無世襲字樣其子應請旨襲爵得旨穆寧著襲封為多羅貝勒○陞詹事府詹事蔡升元為內閣學士兼禮部侍

郎○癸卯刑部題覆朝審案件

上諭大學士等曰觀今年秋審朝審外省罪犯議出者少京城罪犯議出者多用法豈可如是原任工部郎中賈仰敬於內外河分司之事不但侵蝕帑金凡諸弊端皆專擅而行諸大臣既不肯以此人應正法之處公同奏請反謂之情罪可矜朕今斷不寬宥凡人出身為筆帖式即思盡忠効力日後始可用為大臣費仰敬各處差遣惟知貪賄竟不為國家効力如留此等人將於何處用之費仰敬著改情實○免湖南武陵桃源三縣本年分旱災額賦有差○甲辰

上詣

皇太后宮問安○丙午免廣東南海等六縣肇慶一衛本年分水災額賦有差○己酉轉兵部右侍郎梅鋐為左侍郎陞內閣學士曹鑑倫為兵部右侍郎光祿寺卿周清原為太常寺卿○庚戌

上詣

皇太后宮問安○兵部議覆四川巡撫能泰疏言土司爭告詞狀俱係漢字而原書全不知漢語皆內地不法之徒潛往土司地方代寫詞狀之故請嚴禁外首游棍不許擅入土司土司自有土字此後一切往來公文詞狀俱用土司之字更請於土司屬內年力精壯之人選三四十名於臣標及提鎮標

下。勾撥頂補額兵之缺。倘遇土司事務責令跟隨差遣之人
同往。可以得彼處實情。應如所請。從之。○辛亥。吏部議覆。四
川巡撫能泰疏。言。行取知縣請停其習撫保題。但將無錢糧
盜案者。一概行取引見候用。應不准行。

上諭大學士等曰。覽能泰此奏。其中大有深意。保題行取知縣
時。不能無情托之弊。且知縣等雖居官甚好。若有錢糧盜案
不便行取。錢糧盜案之有無。皆注在部冊可查。嗣後督撫保
題之例。著令停止。即令該部於無錢糧盜案知縣內。論俸每
省行取三四員。如此。則可塞知縣奔競之路。但伊等俱補用言
官。所係緊要。俟行取到日。再應詳察用之。爾等可以此問九

中錄卷三

三

卿。尋九卿遵旨議覆。嗣後行取知縣不用保舉。每省限定額
數。照部冊較俸行取。從之。○四川陝西總督博爾濟疏。參涼州

總兵官魏勳年老。

上諭大學士等曰。魏勳於軍前甚有勞績。兵民亦皆愛戴。此等
人材。今西陲亦復有幾。如果年邁。令其呈請休可也。何必題
參。原本發回。又諭曰。魏勳及師爺賓。參良。原係舊臣。詎可
輕言參劾。前者佛倫任總督時。亦欲參師爺賓。曾面奏朕前。
朕不之許。如此等人。若皆劾而罷之。恐其餘寒心。設有任用
之處。若等俱非易得者也。提督潘育龍亦好。武臣中一介不
取操行俱全者。實難得之。但不犯法。不貪冒。即已矣。且本朝

邊疆武臣在地方不生一事。與文臣同心効力。兵民協和。誠

為自古所少。今經歷軍陣之大臣。已漸零落。至於海戰。又不
得比於江湖。今知海戰之法者。亦少矣。此可不留意乎。陞

唐市府少唐市汪需為唐市。疏表直隸新城縣烈女李氏

村莊弱質。拒姦殞命。給銀建坊。如例。癸丑。差刑部右侍郎

常校內閣學士拉都渾往阿祿科爾沁察審盜案。

上諭之曰。爾等到彼會同扎薩克等。查審盜賊。如台吉都統副

都統。有為盜者。爾等可請旨其餘則爾等照例為首者。正法

為從者。俱解京。不可留於其地。至喇嘛為盜者。亦正法。爾等

往宣朕旨。各旗俱無盜。但一旗有盜。以致眾蒙古之馬畜不

中錄卷三

四

得牧放。爾等若不查出盜賊。懲治則眾人皆不得安居矣。○

甲寅。

上詣

皇太后宮問安。陞左通政李旭升為光祿寺卿。旌表山西

烈婦龐氏拒姦不辱。自盡完貞。給銀建坊。如例。乙卯。大學

士等以情實人犯五十七人請旨。

上詳閱招冊審定。再三然後勾決。凡勾者三十九人。復諭大學

士等曰。刑部招冊關係人命。冊內字訛舛甚多。殊非慎刑之

道。爾等傳諭刑部。嚴行申飭。嗣後於此等事。其加謹毋忽。

喀爾喀車臣汗遣使進九白年貢。宴賚如例。○丙辰。以一等

侍衛殷達為鑲白旗蒙古副都統。○旌表直隸大名縣烈女劉氏貞烈性成。拒姦殞命。給銀建坊如例。○丁巳。

上詣

皇太后宮問安。○喀爾喀澤卜尊丹巴胡土克圖遣使進九白年貢宴賽如例。○戊午。

上諭大學士等曰。凡人皆當立品。筮仕之初。即思干請於人。其立意如是。則他日將何所望哉。倘自為筆帖式之日。即有急公盡力之心。何憂其不終致大位。或有未仕之先。早已負債盈積。至入官後。若不脫民。何以償之。國家名器。豈為此輩償債設乎。朕於滿洲蒙古漢軍。漢人視同一體。善者即稱之為善。若治罪。一概不恕也。○禮部議覆朝鮮國王李煒將其國越境殺人金禮進等擬立斬。該管人員擬革職流徙。具題。應如所請。

上諭大學士等曰。覽朝鮮國王奏章其所議甚為敬慎周詳。越境殺人者。係該國王所議正法。固其宜也。其餘罪犯。內尚有當恕者。爾等可再酌原宥議奏。凡外國之事。輕恕者多。處置少有不當。即不能以服其心。所關甚大。朕必慎之。而又慎焉。

天津總兵官藍理題請於天津等處開墾水田。上諭大學士等曰。昔李光地請於直隸地方開墾水田。朕以為水田不可輕舉者。蓋北方之水。難於積蓄。初任之官。但當雨

水有餘。時見水之太濶。以為可種水田。不知驟長之水。即濬溝引入。其濶固甚易也。觀琉璃河。莽牛河。易河之水。入夏皆涸。則可知矣。北方水土之性。迥不同於南方。朕往者。西巡見晉省太原以南。引水自高處灌入田中。甚為得法。陝西寧夏哈密等處。亦皆如山西種水田。此皆按地方之形。隨水土之性而作者也。天津沿海斥鹵地方。又非民田。今藍理請開水田。著交部議奏。○湖北巡撫劉殿衡。以刷印

御書并藏書樓圖呈覽。

上諭大學士等曰。湖廣省捐工建樓。殊屬糜費。凡車駕巡幸之處。一切需用。從不取辦於民。而各省不肖官員。指稱修理行宮。供備器物。并建造御書碑亭等項。名色輒行動用。正項錢糧。借詞捐還。究無償補。及至虧空數多。復加倍私派。科斂肥己。以致重貽小民之累。種種弊端。不可勝枚。嗣後著嚴行禁止。下部知之。○陞詹事府詹事汪霨為內閣學士兼禮部侍郎。○庚申。

上詣

皇太后宮問安。 壬戌冬。系祀

天於

園丘。

上親詣行禮。遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○停止次日朝賀○禮部遵旨將朝鮮國越境殺

人案內該管官員分別原宥具奏

上諭大學士等曰內地被殺之人皆偷採人參者非良民也即

罪案重下

十

為內地擒獲亦當從重治罪但朝鮮國人越境而來殺人行

劫法所必不可宥應將金禮進等立斬其該管官員當寬以

處之李有白等俱從寬免罪朴錫昌等俱革職從寬免其流

徙○又諭曰徐潮為河南巡撫時居官實好平易得體民無

不稱頌之者朕西巡時經河南見州縣司道官內有衰老者

朕即酌量革退徐潮亦少過寬耳觀李光地近日聲名較前

稍減彼每被人欺誑大凡為督撫者一被人欺誑則權必旁

移張鵬翮向有清名在河工亦甚効力但被屬員王謙等欺

誑耳身雖不要錢子姪親戚在外指名取錢可謂自己不取

耶為大臣者約束不嚴自謂已不之知諉之他令可乎○又

諭曰朕嘗閱史書自古大臣得始終善全者少朕今御極四

十餘年大學士衛周祚馮溥杜立德李蔚宋德宜王熙等俱

得全功名而考終命者皆朕極力保全之所致也朕從不多

生事但穆然清淨處之以和平故諸臣皆得享其福也○又

諭曰明史關係極大必使後人心服乃佳宋史成於元元史

成於明其中是非失實者多是以至今人心不服有明二百

餘年其流風善政誠不可枚舉今之史官或執已見者有之

或據傳聞者有之或用稗史者亦有之任意妄作此書何能

盡善孔子聖人也猶言知我者其惟春秋乎罪我者其惟春

秋乎孟子又言盡信書則不如無書當今之世用人行政規

實錄重下

八

模法度之是非朕當自任無容他諉若明史之中稍有一不

當後人將歸責於朕不可輕忽也是以朕為明史作文一篇

爾等可曉諭九卿大臣

御製文曰朕四十餘年孜孜求治凡一事不妥即歸罪於朕未

嘗一時不自責也清夜自問移風易俗未能也躬行實踐未

能也知人安民未能也家給人足未能也柔遠能邇未能也

治臻上理未能也言行相顧未能也自覺愧汗何暇論明史

之是非乎況有明以來二百餘年流風善政豈能枚舉其中

史官舞文杜撰顛倒是非者概難憑信元人修宋史明人修

元史至今人心不服議論多歧者非前鑑耶朕實無學每讀

朱子之書見相古先民學以為己。今也不然為人而已之句。固不心悅誠服。又讀孟子盡信書則不如無書。蓋見史官上古不免訛傳。況今人乎。班馬異同左國浮華。古人以為定論。孔子至聖作春秋。有知我罪我之嘆。後世萬倍不及者。輕浮淺陋妄自筆削。自以為是。朕觀凡天下讀書者。皆能分辨古人之是非。至問以時事。人必不能一字相答。非曰從來不與人往來。即曰不能深知。夫目前之事。微官之道。尚茫然不知。而於千百年前無不洞悉。何得昧於當世而明於論古。豈非遠者明而近者闇乎。所以責人重者。責己輕。君子不取也。明史不可不成。公論不可不採。是非不可不明。人心不可不服。

實錄卷二一八

九

關係甚鉅。條目甚繁。朕日理萬幾。精神有限。不能逐一細覽。即敢輕定是非。後有公論者。必歸罪於朕躬。不畏當時而畏後人。不重文章而重良心者。此也。卿等皆老學素望名重一時。明史之是非。自有燭見。卿等衆意為是。即是也。刊而行之。偶有斟酌。公同再議。朕無一字可定。亦無識見。所以堅解以示不能也。癸亥。

上幸暢春園。甲子。以故一等阿思哈尼哈番趙世臣子趙弘濟襲職。喀爾喀土謝圖汗遣使進九白年貢。宴賚如例。旌表貴州烈婦婁懷仁妻郭氏。魯姦不從甘心就死。給銀貳坊如例。

十二月丁卯朔。調四川布政使鄭昇為安徽布政使。司布政使陞湖北按察使何顯祖為四川布政使。司布政使四川東道侯居廣為福建按察使。司按察使。庚午。

上自暢春園回宮。詣皇太后宮問安。辛未。

上御太和殿視朝。文武陞轉各官謝恩。

上幸暢春園。壬申。陞兵部郎中布爾賽禮部郎中赫申俱為都察院左副都御史。癸酉。以翰林院檢討張廷玉左中允凌紹震充日講起居注官。戊寅。

上幸南苑行圍。己卯。禮部議覆提督湖廣學政潘宗洛疏言。

實錄卷二一八

十

湖廣各府州縣熟苗中有通文義者。准與漢民一體應試。應如所請。從之。○癸未。平故原任禮部尚書杜璵祭葬如例。○平故廣東高雷廉總兵官甯維國祭葬如例。○甲申。翁牛特多羅杜楞郡王蒼津等遣使進貢。○喀爾喀扎薩克固山貝子奚布退哈談巴圖爾故遣官致祭。○乙酉。禮部題朝鮮國王李焞遣使崔希高。等護送漂到船隻人等來京。應宴賚遣歸。

上諭大學士等曰。朝鮮國王因中國商人王富等一百餘人船隻遭風漂至其國。即給與口糧食物。差官護送來京。又將商人王秋等四十人船隻修補。給與口糧食物。待風發回。深為

可嘉。可下諭旨褒美之。餘如議。○陞江西贛南道徐樞為湖北按察使司按察使。○正白旗一等阿思哈尼哈番荷善因病解退。以其兄徐昌襲替。銀紅旗一等阿思哈尼哈番朱麻剌因病解退。以其子朱承額襲替。戶部議覆步軍統領記合齊疏言三營兵米每年兩季赴通倉支領。往返數日。恐誤差使。請照八旗兵丁領米之例。在京倉支給。應如所請。從之。○戶部議覆天津總兵官監理疏言直隸沿海曠地豐潤寶坻天津等處窪地。可做南方開為水田栽稻。一二年後漸成肥沃。臣願召募閩中農民二百餘人開墾一萬餘畝。倘可施行。召募江南等處無業之民。安插天津。給與牛糧。將沿海棄地盡行開墾。限年起科。又臣標兵皆依前朝屯衛之制。入籍力田。亦可以節省兵餉。應如所請。從之。○丙戌。以河工告成。加河道總督張鵬翮太子太保。監修高家堰兵部尚書范承勳刑部尚書王掇戶部左侍郎王紳兵部左侍郎布雅魯湖廣總督喻成龍原任都察院左副都御史壽象各加五級。工部尚書革職留任。王鴻緒予開復。帶往劾力筆帖式雅奇等五人。河官揚河通判楊兆倫等三百一十四人各加級紀錄。給頂帶有差。○陝西肅州總兵官參良璽以疾乞休。允之。以教漢故多羅郡王達西達爾札子瓦爾達襲爵。○予故吏部左侍郎姜櫟祭葬如例。○工部議覆江南江西總督阿山

等會審原任山安同知佟世祿叩閭一案。時家馬頭隄岸衝決。其承修銀兩應於佟世祿名下追賠。馬家港東廟被衝。派鵬翮雖經題報。並未申明承修官員賠補之處。應著張鵬翮與疎防等官均賠。從之。○戶部等衙門議覆湖廣總督喻成龍疏言紅苗歸化。應將辰沅靖道移駐鎮筸。添設同知通判巡檢吏目等員專理苗務。皆歸辰沅靖道統轄。嗣後武職不許干預苗化。輕罪者聽土官發落。犯命盜重罪者土官拏解道廳審明擬罪。五寨司土官應聽廳官管轄。地方有逃盜之事。土官一并處分。同知通判宜各給關防。各員俱照邊陲陞調。將麻陽縣儒學訓導移駐五寨司就近訓導。五寨司等處設立義學。聽苗民肄業。苗寨有互相仇殺。視其聚眾多少。并該管土官俱分別治罪。應如該督所請。從之。○戊子。上自南苑回宮。詣皇太后宮問安。○辛卯。孝莊文皇后忌辰。遣官祭暫安奉殿。○甲午。歲暮。裕祭太廟。遣領侍衛內大臣鎮國公鄂飛行禮。遣官祭永陵。福陵。昭陵。

暫安奉殿。

孝陵。

仁孝皇后。

孝昭皇后。

孝懿皇后陵○遣官祭太歲之神○賜大臣官員。

御製詩集各一部○鑾儀使額騰義綠事革退以鎮國將軍宗

室羅託為鑾儀衛鑾儀使○乙未。

上詣

皇太后宮問安○賜朝正外藩烏朱穆秦喀刺沁科爾沁翁牛

特高齊武杜爾伯特喀爾喀鄂爾多斯阿霸璦厄魯特巴林

實錄卷一百一十八

十一

諸王貝勒貝子公台吉等及內大臣大學士侍衛等宴○旌

表八旗節婦滿洲厄魯特妻德氏等二十三人直隸各省節

婦嵇永仁妻楊氏等六十二人貞女汪氏一人孝子俞士璵

戴晏戴果三人各給銀建坊如例○是歲人丁戶口二千四

十一萬二千三百八十田地山蕩畦地五百九十八萬七千

一百九十六頃六十二畝有奇徵銀三千七百四十一萬六

百六十八兩有奇米粟麥六百九十七萬一千一百二十二

石有奇草二百八萬一千六百九十三束茶十五萬七千四

百八十五引行鹽四百三十一萬九千四百七十六引徵課

銀二百六十九萬七百二十九兩有奇鑄錢二萬三千八百

六萬五千九百有奇。

實錄卷一百一十八

十四

大清聖祖合天弘運文武睿哲恭儉寬裕孝敬誠信中和功德

大成仁皇帝實錄卷之二百十八

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十九

康熙四十四年乙酉春正月丙申朔

上詣

堂子行禮回宮拜神畢率諸王貝勒貝子公內大臣大學士侍衛等詣

皇太后宮行禮陞殿王以下文武各官外藩王及使臣等上表

朝賀停止筵宴○朝鮮國王李焞遣陪臣李頤命等表賀冬至元旦

萬壽節及進歲貢禮物宴賚如例○戊戌

實錄卷一百十九

上詣

皇太后宮問安○辛丑祈穀於

上帝

上親詣行禮○

上奉

皇太后幸暢春園○壬寅

世祖章皇帝忌辰遣官祭

孝陵○

上詣

皇太后宮問安○乙巳孟春享

太廟遣領侍衛內大臣尚之隆行禮○遣官祭太歲之神○

上詣
皇太后宮問安 丙午順天府進春 己酉以上元節賜外藩

烏朱穆秦喀喇沁科爾沁翁牛特舊齊武杜爾伯特喀爾喀

鄂爾多斯阿霸垓厄魯特巴林王貝勒貝子公台吉及內大

臣大學士侍衛等宴○庚戌上元節賜外藩王貝勒貝子公

台吉及內大臣大學士侍衛等宴○辛亥

上詣

皇太后宮問安○乙卯賜朝正外藩王貝勒貝子公台吉等銀

實錄卷一百十九

上詣

皇太后宮問安○鑲紅旗多羅額駙圖善所尚縣主故子祭一

次○予故多羅貝勒諾尼察葬立碑如例○戊午頒賜王以

下內外滿漢文武大臣及景山八旗盛京官學古文淵鑑各

一部○諭吏部戶部兵部工部朕屢念民生加意河道屢行

親閱一切疏濬修築事宜悉經周詳指畫獲告成功前黃河

之水往往倒灌清口者皆由仲莊閘與清口相對駱馬湖水

勢湍急遂逼黃流灌入清口朕視河時躬臨相度命河臣移

仲莊閘改建於楊家莊出口工竣之後河臣報稱黃水暢流

入海絕無倒灌清口之患朕尚未經親閱今欲特蒞其地察

驗形勢用籌善後之規。其中河黃河運河有應加修防者亦
隨宜指示以圖經久。至於山東省存饑之民賴兩年來極力
賑贍繼以有秋幸皆得所其民間生聚果否殷阜並於沿途
親行周覽焉。乘茲仲春解凍減從輕柴備河南下往返皆用
舟楫不御室廬經過地方不得更指稱繕治行宮妄事科斂
其日用所需俱自內廷供御從無纖毫取辦於民。前此屢次
南巡閭閻皆所深悉倘有不肖官吏藉名預備擅動官帑並
圖日後加派補償以為巧取侵漁之地者事覺嚴行治罪決
不寬宥。所在官吏私覬覦從人員及隨行人役生事擾民者
俱如前旨以軍法從事。奸民挾私控訐者從重坐罪。爾等部
即通行傳飭仍令各該督撫張示徧諭俾小民咸知朕意。○
庚申陞吏部左侍郎管右侍郎事常舒為理藩院尚書轉盛
京戶部侍郎希福納為吏部右侍郎。○辛酉喀爾喀固山貝
子丹津故遣官致祭。○壬戌以原任廣東高雷廉總兵官姚
尚倫為廣東右翼總兵官。○兵部題直隸各省遊擊四百餘
缺候補乏人母至懸缺而各省都司僉書七十九缺部冊候
推之人甚多選授無期嗣後請將遊都並掣較俸陞轉則遊
學員缺不致久懸而候推都司僉書者不致壅滯矣從之
○癸亥

上自暢春園幸湯泉駐蹕。○免湖廣京山縣康熙四十三年分

水災額賦十之三。○予故正白旗漢軍副都統萬永祺祭葬
如例。○甲子

上自湯泉回暢春園

二月乙丑朔

上奉

皇太后自暢春園回宮。○丁卯遣大學士張玉書祭

先師孔子。○河道總督張鵬翮疏請修理徐州城外隄岸得

旨徐州逼近黃河城外石隄工程甚屬緊要著即行修理。○

陞大理寺卿法特哈為盛京戶部侍郎。○戶部議覆貴州巡

撫于準疏言黔省錢糧九月開徵至歲終僅止四月為期甚

迫恐州縣各官考成心切徵比急迫或致累民懇將黔省徵

收錢糧考成之限展於來年三月應如所請從之。○戊辰祭

大社

大稷遣領侍衛內大臣公坡爾益行禮。○吏部題正白旗三等

侍衛兼三等阿思哈尼哈番安渣因騎射不及革退應將三

等阿思哈尼哈番與安渣之子富青承襲從之。○喀爾喀多

羅郡王墨爾根濟農古祿西布故遣官致祭。已巳

上詣

皇太后宮問安

上御太和殿視朝文武陞轉各官謝恩。○庚午以鑾儀使凌普

上詣

為內務府總管○壬申諭大學士等昨御史黃秉中條奏行
取知縣即以科道用似為太過此言頗當滿洲漢軍俱從郎
中員外郎始陞科道漢人則以行取知縣即陞實屬不均爾
等將黃秉中條陳交九卿議奏 陞內閣侍讀學士塔達泰
為大理寺卿○青海厄魯特多羅貝勒阿奇滾布巴圖爾故
遣官致祭○癸酉

上詣

皇太后宮問安○

上南巡命皇太子允初皇十三子胤祥隨駕是日啟行駐蹕南

苑○甲戌

實錄卷三百十九

五

上於張家灣登舟吏部尚書管理直隸巡撫事李光地天津總

兵官藍理來朝○乙亥

孝康章皇后忌辰遣官祭

孝陵○

御舟泊王家莊○禮部題朝鮮國王李焞所奏慶賀表箋每歲更換

字句之間不能盡協應頒發定式令其照式恭進從之○丁丑

御舟泊橋兒上村○戊寅

御舟泊石灰場村○己卯

御舟泊紅廟村○庚辰

御舟泊南蔡村○

御製春日田間詩南巡詞

皇船記各一篇示直隸巡撫李光地等李光地奏曰臣等仰瞻
聖製不獨辭韻精妙而治天下之大道寓焉豈惟近今罕觀即
從古亦無此佳什允堪昭垂萬世傳之無極是日賜李光地

御製詩詞記各一章○辛巳

御舟泊天津○諭大學士等原任刑部右侍郎勵杜訥向在南
書房効力二十餘年為人敬慎積有勤勞並無過謫其品級
雖不及予謚之例曩者原任侍郎沈荃曾經予謚今勵杜訥
亦著賜謚爾等會同禮部議奏尋大學士等會同禮部擬謚
請旨得旨勵杜訥著謚文恪○壬午

實錄卷三百十九

六

御舟泊靜海縣○

御書給謚故刑部右侍郎勵杜訥文恪二字遣乾清門一等侍
衛副都統馬武等錫於其家并令至其墓奠茶酒○癸未

御舟泊青縣○甲申

御舟泊磚河鎮○乙酉

御舟泊夏口村○丙戌

御舟泊秦園村漕運總督桑額河道總督張鵬翮山東巡撫趙

世顯登州總兵官王文雄提督山東學政顧悅復來朝 是日

上入山東境山東紳衿軍民數十萬執香跪迎道左合奏山東
連年饑饉蒙

皇上截留漕運分疆散賑動內帑數百萬兩遣官四五百員分派各州縣賑濟至地丁錢糧前後屢行蠲免通省億萬民命始得復生無不垂涕感激

御舟已過猶瞻仰不已焉○丁亥

御舟泊坊前○戊子

御舟泊渡口驛○己丑

御舟泊臨清州○庚寅春分朔

日於東郊遣刑部尚書安布祿行禮○

孝昭皇后忌辰遣官祭

陵○

御舟泊土橋閣○諭大學士等曰總河張鵬翮昨日來問以河

工形勢

河事已大治矣從前路馬湖口設竹絡壩湖水大則從壩流入黃河河水大則溢流入壩內今竹絡壩止有湖水

暢流黃水並無浸灌則黃河之深通可知初次到江南時船在黃河兩岸人烟樹木皆一一在望康熙三十八年則僅見

河岸四十二年則河去岸甚低是河身日刷深矣自此日深

一日豈不大治聞下河連年皆大熟亦從前所未有也又諭

曰朕不意山東之民遽能如此前者南巡見閭閻失所不堪屬目今服飾顏面大異往時聞各官賑養亦善此由承平日

久國帑富饒故能蠲數年錢糧遣官瞻養賑濟耳凡罹災荒

倘預行奏報無不可賑救者止因山東各官匿災不報故大
致饑饉向日陝西饑荒亦由於匿不報聞朕曾以地方官匿
災不報之故詢之於民據云民一罹災朝廷即蠲歲賦賦一
蠲則火耗無徵故地方官隱而不報也自古弊端匿災為甚
誠預為奏報即設法賑濟矣民豈遽至饑饉耶○辛卯

御舟泊東昌府三里鋪○壬辰

御舟泊荆門關○戶部議覆湖廣巡撫劉殿衡條奏三款一湖
北荒地甚多有情願開墾者准其開墾無力者通省文武各
官給與牛種招墾照數議敘一隄工衝決修築照依各隄內
所有田糧按數出夫不得濫派隄外有田之民一遇修築隄

工之時地方官將隄身所壓之田及兩邊挖土之地丈明畝

數估定價值補償本主另置田產俱應如所請從之○予故
原任都察院左都御史李枬祭葬如例○癸巳遣官祭

先農之神○

御舟泊金家口村○甲午

御舟泊濟寧州○浙江巡撫張泰交疏言

皇上垂念浙省屢沛洪恩復蠲免康熙四十四年正賦厚蒙

戴高厚聞

皇上閱視南河工程臨幸江南莫不引領望幸兩浙

上允其請

三月乙未朔遣官祭

歷代帝王○

御舟泊橋頭村江寧將軍鄂羅舜副都統達爾華鄂克遜京口

將軍一等侯馬三奇副都統蔡毓茂趙明江南江西總督阿

山安徽巡撫劉光美江蘇巡撫宋學提督江南學政張廷樞

松江提督張雲翼狼山總兵官劉含高崇明總兵官穆廷斌

來朝○調鑲白旗蒙古副都統吳爾德黑為正白旗滿洲副

都統以一等侍衛朱麻喇為鑲白旗蒙古副都統○丙申

御舟泊赤山○丁酉

御舟泊韓莊開○戊戌

御舟泊丁廟開○己亥

諭山東巡撫趙世顯曰朕為兩河告成

特來巡閱道經山左見民生自去歲休養之後漸有起色朕

心甚慰夾岸黃童白叟歡呼載道感恩叩謝者日有數十萬

今仲春之時麥苗未長未致妨農倘回鑒之際正值農忙麥

秀恐妨稼穡爾即曉諭百姓驟免叩謝各務農事可也○庚

子

御舟泊牛頭灣○是日

上入江南境江南紳衿軍民夾道跪迎奏稱

皇上軫念萬民罹於水患屢臨河上指示修築淮黃方畧故能

丕告成功永無衝決之虞今復謀及萬全務期善後不憚跋

涉之勞為小民閱視河道亘古未有感恩叩謝歡聲雷動○

工部議覆河道總督張鵬翮疏言山安黃河北岸三套隄工

因大溜逼徙危險已極亟宜建築越隄以資捍禦應如所請

從之○辛丑

御舟泊衆興集○壬寅

御舟渡黃河泊清江浦○是日

上閱楊家莊等處隄岸開口○癸卯

上駐蹕淮安府城內致仕在籍大學士張英原任禮部尚書王

洋弘原任工部尚書熊一瀟杭州將軍宗室諾羅布副都統

阿喇納胡什布陳廷璋來朝○賜漕運總督秦額衣一襲○

甲辰

御舟泊九里村○予故廣東右翼總兵官劉國興祭葬如例○

以故湖廣東鄉安撫司土官覃光祚子覃壽椿襲職○乙巳

御舟泊揚州府城北高橋○諭河道總督張鵬翮河工已經告

成善後方畧更為緊要朕今親臨閱視修建天妃閣甚當倘

黃水長至五六尺清水不長勢弱不敵黃黃水自然倒灌亦

必至之理豈可因此即謂治河失策乎若遇倒灌即將天妃

閣暫時下板蓄清水全力敵黃不過數日黃水即退遇糧船

過時即起板開放若黃水不灌入不必下板其惠濟祠一帶

雖建有石工但運河與黃河止隔一線之隄若黃溜衝刷石

工恐不足恃著於上下適中之處稍度形勢修建挑水壩三四處挑溜開行其王公隄亦應相度形勢修建挑水壩運河東隄保守最為緊要隄岸應行加幫高郵迤南湖水勢相平界首迤南河水高於湖水東西兩隄卑薄應加幫修著量建石工淮安近城隄岸卑薄之處亦應相度形勢修建石工黃河南岸隄工關係緊要應加謹修防至於直隸山東河道與總河相距甚遠應照河南例各交與該省巡撫就近易於料理其楊村通判並無經管之事應行裁去爾會同行在九卿速議以聞○丙午清明節遣官祭

永陵

實錄卷二百九

十

福陵

昭陵

暫安奉殿

孝陵

仁孝皇后

孝昭皇后

孝懿皇后陵○

上駐蹕寶塔灣福建浙江總督金世榮浙江巡撫張泰交福建巡撫李斯義提督浙江學政靳讓浙江提督王世臣福建水師提督吳英陸路提督梁鼎溫州總兵官李華平陽總兵官

王應虎定海總兵官施世驤黃巖總兵官許國桂福寧總兵官張玉麒來朝○丁未河道總督張鵬翮會同行在九卿遵旨議獲淮黃兩河形勢黃水漲時勢必倒灌彼時惟應遵旨暫下天妃閘板蓄清水之力以敵黃若黃水不倒灌則不必下板至糧艘過即當啟板開放其惠濟祠一帶隄岸淮黃夾流之處所關甚鉅亦當遵旨於扼要處酌量建挑水壩三四處至王公隄亦應建挑水壩保守運河東岸之隄最屬緊要應遵旨加幫界首迤南東西兩岸之隄及淮安近城隄岸卑薄處應建石工者量建石工至於直隸山東河道一應工程事務照河南例各交與該省巡撫就近料理其楊村通判並無經管事務應行裁去從之○陞直隸巡道梁世勳為山東按察使司按察使○戊申

上駐蹕江天寺○己酉

上登舟啓行過丹陽縣○庚戌

御舟泊許墅關○辛亥

上駐蹕蘇州府城內是日閣郡文武官員及紳衿軍民等夾道

跪迎瞻仰

天顏歡聲騰沸○江西巡撫李基和南昌總兵官高文燭來朝

○壬子

萬壽節停止朝賀筵宴○遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵○遣官祭真武東嶽城隍之神○蘇州府屬萬民

以恭逢

萬壽節率跪行宮前奏進諸品食物得旨朕因閱視河工巡訪

風俗而來非為誕辰也且朕來時一切應用之物俱備自內

府所過地方秋毫無犯今爾兆民中心篤至朕已知之即如

朕受之矣爾等可攜去午時

上御行宮召河道總督張鵬翮及河工官員入諭曰今河工雖

已告成不可不預為修理防護以圖善後之策朕見淮揚一

帶隄岸卑薄未甚堅固倘不加保護以致衝決則淮揚地方

百姓何以能堪爾等宜急籌之張鵬翮奏曰

皇上指示誠然臣當竭力以圖保守

上諭曰朕至清口見黃水倒灌因以問爾爾赧然不能答反稱

不曾倒灌此即爾大臣毫不認錯處爾居官雖好却為王謙

張弼所欺王謙之劣跡河官及庶民盡皆知之爾獨特加信

用李光地居官亦好但聽信揚名時虛飾道學之言往往誤

事且惑於朝琦諸事聽從人皆稱朝琦為小七撫凡督撫薦

人初薦一二可用者後則不稱大約爾等用人皆多偏倚十

室之邑必有忠信漢人內有優者則旗員內亦有優者漢大

臣惟知徇庇漢官豈旗員內無一優者乎朕於旗下漢人視

同一體善則用之不善則懲之爾等每有私心故多徇庇頃

令河工應追錢糧著佟世祿王謙張弼均賠部議甚明爾又

奏請欲免其追賠開捐納以補原項此特因王謙亦在數中

故希圖脫免賠補耳明係徇庇爾復何辭張鵬翮不能對又

諭曰爾自謂居官清廉一介不取一介不與若謂一介不與

爾則有之一介不取則未必然取與不取惟爾自知之即司

道官之耳目誰能盡掩爾乃講道學之人道學以無私為本

內有私則外行盡屬虛飾曩者直隸年歲少歉原任巡撫沈

朝聘曾奏民食粗糲故臣亦食粗糲朕謂沈朝聘曰爾之食

粗糲者不過在百姓面前耳若在署中豈亦然耶即果食粗

糲不能有濟民生亦何益哉往往有人動輒告天自稱無私

若果無私天自知之何告之有其告天者即私也朕見爾標

下兵丁並無勸賞久疎操演以致隊伍不齊軍容不振兵可

百年不用不可一日不備兵既如此倘至用時何堪驅策與

其徒充虛目糜費錢糧不如即奏請裁汰王應統先任利民

清 實 錄

康熙四十四年正月至三月

二一五

路叅將時鈴束兵丁尚有可觀及補授爾標下副將習成急
訖後陞懷慶總兵官軍務遂廢弛矣爾之兵丁經年不曾訓
練無非為節省計耳然有當節省處亦有不當節省處果當
節省者朕亦嘗節省至於應蠲應賑及應恩賞之處朕曾不
惜數百萬金此天下人所共知也至目下河工不可即謂之
成俟一二年後方知爾須盡心籌畫為善○諭江南江西總
督阿山等內廷供奉諸翰林雖皆善書但朕勤心典籍卷帙
繁多見在供奉人員繕寫不給爾等出示傳諭安徽江蘇舉
貢生監等有精於書法願赴內廷抄寫者赴爾等衙門報名
至浙江亦照此傳諭朕親加考試特諭○賜領侍衛內大臣

實錄卷二百一十九

十一

公福善宗室鄂飛和碩額駙尚之隆大學士張玉書陳廷敬
致仕在籍大學士張英銀各千兩正黃旗漢軍都統兼鑲紅
旗護軍統領宗室愛音圖正紅旗漢軍都統達佳正黃旗蒙
古都統兼正紅旗護軍統領孫渣齊前鋒統領鄂繕銀各五
百兩正黃旗漢軍副都統新泰正黃旗前鋒統領寧保俱以
曾被陣傷賜銀各五百兩鑲紅旗蒙古副都統婁徵額鑲紅
旗滿洲副都統趙賴鑲白旗蒙古副都統覺羅孟俄洛正白
旗滿洲副都統席柱鑲藍旗蒙古副都統載米納銀各二百
兩○癸丑諭兵部侍郎貝和諾江寧將軍鄂羅舜等曰自江
寧至蘇州坐臺兵丁可令撤去各回本汛今當麥秀之時倘

輅路而行恐致踐傷隴麥且御舟所泊亦時與坐臺處相左
隨駕人員自足環衛爾等轄下兵丁固當在此効力朕非謂
其勞苦而遣歸也但係農時不比冬令耳其兩岸護送綠旗
兵鎮江坐臺兵丁一并撤去○甲寅賜扈從大學士馬齊張
玉書陳廷敬戶部尚書徐潮戶部侍郎范承烈禮部侍郎胡
會恩禮部侍郎管國子監祭酒事孫岳頌兵部侍郎貝和諾
刑部侍郎張睿工部侍郎色德里都察院左副都御史陳詵
皇興表各一部○乙卯賜致仕在籍大學士張英

實錄卷二百一十九

十一

御書謙益堂三大字匾額葆靜二大字匾額對聯二手卷一○
丙辰諭京口將軍一等侯馬三奇等原任夔陵總兵官嚴弘
義在行間勤勞効力年老休致今已病故觀其所生二幼子
頗聰敏但家貧可念令交織造府郎中李煦使讀書照管
丁巳

御舟泊丁涇村原任內閣學士徐秉義來朝○戊午
御舟泊張家橋○己未

上至松江府閘郡文武官員及紳衿軍民數十萬夾岸跪迎
聖駕踴躍惟懼瞻仰

天顏是日駐蹕松江府城內 辛酉

上出行宮前率諸皇子並的於百步之外射之

上親射二次發矢俱中衆皆驚服繼命善射侍衛射隨閱江寧

將軍副都統總督巡撫提督總兵官標下官員射又聞松江提督標下兵丁射主戎諭提督江南學政張廷樞曰朕比臨幸松江道經青浦縣該邑貢監生員孫鉉等奏稱青浦之北地名孔宅自漢時至聖苗裔避地至此奉至聖衣冠環壁葬焉懇請頒賜匾額朕念孔子乃萬世之師既有遺跡亟宜表彰因於萬幾之暇親書聖跡遺徽匾額以示尊崇先師之意可選良工摹刻懸掛諭大學士等原任禮部侍郎高士奇在內廷供奉有年其品級不應予謚朕軫念舊臣原任刑部侍郎勵杜訥已照侍郎沈荃例子謚今高士奇亦應予謚以示持恩爾等會同禮部議奏尋大學士等會同禮部擬謚

實錄卷一百十九

北

請旨得旨高士奇著謚文恪諭江南江西總督阿山江蘇巡撫宋學曰朕為兩河告成楊家莊新河建閘特來閱視爾等同地方士民再四懇請故渡江而南見百姓雖不能比戶豐饒幸安居樂業無憔悴之色朕心少慰矣編氓皆朕赤子休息培養已數十年民雖至愚亦所深悉所以扶老攜幼日計數萬隨舟擁道歡聲洋溢者皆由中而發非假飾也但人多路隘菜蔬苗麥瀰漫田野不能保其無損朕甚惜焉爾等即出示曉諭萬勿踏壞田禾有自朕恤民之意朕諭松江提督張雲翼曰若天氣晴朗朕尚可閱爾軍容今久陰之後倘掇甲時遇雨則甲冑器械俱鏽滋矣朕因此中止明日

啟行時軍士不必掇甲皆令以常服列於路旁可也提督張雲翼及松江文武官員紳衿軍民叩顯

皇上垂念輿情再留數日得旨路途既遠時亦漸熱因軫念爾等故今日不即啟行明日必行勿得再奏諭松江提督副將俞章言等爾眾武臣當不時訓練兵丁教之騎射倘安於怠忽不加訓練朕不惟不貸爾等即爾之提督亦不貸也可謹誌之毋忽賜松江提督張雲翼

御書並銀鼠褂一襲貂帽一頂賜松江兵丁餉銀一月

實錄卷一百十九

十

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百十九

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十

康熙四十四年乙酉夏四月甲子朔享

太廟遣領侍衛內大臣公坡爾盆行禮

上登舟自松江府啟行泊嘉興府是日

上臨浙境合省黎庶沿河跪迎

聖駕並叩謝蠲賦洪恩○乙丑

御舟泊雙橋○丙寅

上至杭州府地方文武官員及紳衿軍民等跪迎瞻仰

天顏歡聲騰沸是日駐蹕杭州府城內○予故原任鑲藍旗滿

洲都統額赫納祭葬如例○調福建漳州總兵官王傑為臺

灣總兵官臺灣總兵官李友臣為漳州總兵官陞陝西中衛

副將袁鈴為涼州總兵官戊辰命翰林院掌院學士揆敘

考試浙江舉貢生監等詩字會同大學士張玉書陳廷敬閱

卷呈覽以顧祖雍顧寧遠二人記名賜戶部尚書徐潮

御製詩一章

上幸演武場閱杭州副都統及提督總兵官綠旗武弁射又閱

杭州滿洲漢軍綠旗兵丁射

上命諸皇子宗室侍衛及杭州將軍宗室諾羅布射又命舊射

侍衛射畢

上親射二次發無不中眾皆驚服○已巳諭大學士等原任翰

林院侍讀徐傳年逾八十學問淵博可特授禮部侍郎銜以

示優獎之意○賜扈從文武大臣以下及執事人等緞疋○

賜杭州將軍宗室諾羅布副都統阿喇納胡什布福建浙江

總督金世榮浙江巡撫張泰交提督浙江學政靳讓浙江提

督王世臣溫州總兵官李華平陽總兵官王應虎定海總兵

官施世驃黃巖總兵官許國桂福建水師提督吳英陸路提

督梁鼎福寧總兵官張玉麒

御書刑部題鑲藍旗副都統孫留於原任陝西莊浪同知已

故王清彥虧空案内代其姪王鑑行賄於鑲紅旗叅領郭朝

正求免追產應將孫留郭朝正俱革職照例枷責鑲紅旗副

都統唐之汾不行題叅應降三級調用得旨孫留郭朝正著

革職枷責唐之汾著降三級調用○庚午

上移駐西湖行宮諭福建浙江總督金世榮浙江巡撫張泰

交福建巡撫李斯義曰朕頃因親閱河工濟江而南至於浙

省見民間生聚殷繁菜畦麥隴遠近彌望農事可冀豐穰朕

心用以稍慰凡車駕臨幸之地必大敷膏澤以下逮黎元而

各省錢糧屢次遞蠲浙江本年地丁銀米又經全免無可加

恩惟是刑獄為民命攸關朕每當重罪奏讞之時常深切矜

恤今乘輿所至父老子弟夾道歡迎而身陷囹圄之人獨自

新無路。朕甚憫焉。浙江福建兩省康熙四十四年四月初八日以前凡犯罪詔款不應赦者不赦外其餘死罪以下已發覺未發覺俱著減等發落。康熙四十三年秋審奉旨監候緩決者一并減等發落。仍開具人數奏聞。爾等其體朕為民巡省布德好生之意。即詳慎察明遵行。賜杭州八旗兵丁餉銀兩月。辛未。

上諭明日啟行。浙江文武官員紳衿軍民再四懇祈留

駕數日。得旨天氣漸熱。明日必行。戶部尚書徐潮奏。臣杭州

合稔知此地節候。今雖時值四月。然猶有閏月。

鑾輿多留數日。天時不至過熱。祈俯從衆願。再留數日。得旨朕

為民巡省。凡地方風俗民生休戚。已悉知之。朕事已畢。原期

明日啟行。今念徐潮懇請再留一日。後日必行。勿得再奏。

壬申。

御書恬波利濟匾額。今懸錢塘江岸龍王廟。癸酉。

上登舟回鑾泊金家墩。甲戌。

御舟泊長浜村。陞陝西潼商道金培生為四川按察使。司按

察使。乙亥。

上駐蹕蘇州府城內。丁丑。賜江南江西總督阿山安徽巡撫

劉光美江蘇巡撫宋榮提督江南學政張廷樞京口將軍一

等侯馬三奇副都統蔡毓茂趙珣原任禮部尚書王澤弘原

任工部尚書熊一瀟原任內閣學士徐秉義

御書戊寅賜江蘇巡撫宋榮

御書對聯匾額。命翰林院掌院學士揆敘考試蘇州等府舉

貢生監等詩字會同大學士張玉書陳廷敬閱卷呈覽。以汪

泰來等五十三人記名。

御書至德無名匾額。今懸吳泰伯廟。扎魯特多羅達爾漢貝

勒畢立克土故遣官致祭。己卯。賜江寧將軍鄂羅將杭州

將軍宗室諾羅布京口將軍一等侯馬三奇江南江西總督

阿山福建浙江總督金世榮安徽巡撫劉光美江蘇巡撫宋

榮浙江巡撫張泰交福建巡撫李斯義提督江南學政張廷

樞浙江提督王世臣福建水師提督吳英陸路提督梁鳳衣

各一襲帽各一項。硯各一方。諭曰朕緣服御節儉。故衣服等

物。藥不多製。今特照朕衣式製來。以賜爾等。爾等俱宜仰副

朕意。勉作好官。

御書濟時良相匾額。今懸范仲淹祠堂。讓德光前匾額。今懸吳

季札廟。坡仙遺範匾額。今懸蘇軾廟。廣慈保赤匾額。今懸育

嬰堂。

上諭明日啟行。地方文武官員紳衿軍民跪懇再留數日。得旨

爾眾既再四懇留。明日可再留一日。後日啟行。勿得再奏。

庚辰。

孝端文皇后忌辰遣官祭

昭陵賜江寧副都統鄂克遜達爾華京口副都統蔡毓茂趙

珙杭州副都統阿喇納胡什布江南狼山總兵官劉金高崇

明總兵官穆廷斌浙江溫州總兵官李華平陽總兵官王應

虎定海總兵官施世驤黃巖總兵官許國桂福建福寧總兵

官張玉麒表各一襲諭福建浙江江西將軍副都統督撫

提鎮等曰地方事緊要爾等三省官員明日送駕即自此各

赴任所 辛巳

上自蘇州府啟行是日泊無錫蠡頭村○壬午

御舟泊丁堰○癸未

御舟過丹陽縣○甲申

上登陸幸江寧府是日駐蹕龍潭地方○乙酉

上至江寧府閩郡文武官員及紳衿軍民等沿途數萬歡迎

聖駕是日駐蹕江寧府城內丙戌遣戶部尚書徐潮祭明太

祖陵丁亥賜致仕在籍大學士張英

御書二幅命翰林院掌院學士揆敘考試江寧等府舉貢生

監等詩字會同大學士陳廷敬閱卷呈覽以錢榮世等五人

記名

上諭明日啟行江寧文武官員紳衿軍民跪祈再留數日得旨

因爾衆懇請再留一日後日啟行致仕在籍大學士張英奏

曰臣忝任大學士受恩最重因年老乞休今幸獲覲

天顏祈俯念老臣依戀之意再留數日得旨念老臣懇求諄切

准再留一日啟行○戊子予故原任內閣學士阿藍太祭一

次○己丑諭江南江西總督阿山安徽巡撫劉光美江蘇巡

撫宋學士朕念切民生凡巡幸所經之處諮詢利弊訪問官

方未嘗少懈向日因江南人情好尚詞訟因而傾家敗業者

往往有之邇來習俗頗覺淳厚詞訟已減大半生聚稍加殷

繁雨暘有時麥田茂美朕心甚慰念安徽江蘇錢糧已經節

次蠲免今車駕親臨特頒沛澤將安徽江蘇所屬地方人犯

亦應照浙閩加恩藥從末減可將康熙四十四年四月二十

六日以前凡罪犯詔款不應赦者不赦外其餘死罪以下已

發覺未發覺俱著減等發落康熙四十三年秋審奉旨監候

緩決者一并減等發落仍開具人數奏聞使普天赤子咸在

化育之中縲絏愚民亦有自新之路爾等其體朕矜恤黎元

慎重民命至意即詳確察明遵行諭領侍衛內大臣等曰

回鑾時朕詣明太祖陵行禮大學士馬齊奏曰

皇上已經遣官致祭明太祖陵祈禱行禮得旨洪武素稱

賢主前者巡幸未獲躬赴陵前今當親詣行禮是日

上幸演武場命諸皇子及善射侍衛射

上親射二次發矢皆中又閱江寧官兵射○

御書兩江遺愛匾額令懸原任江南江西總督傅拉塔祠堂諭
江西江南總督阿山等曰朕昨往雨花臺曾見原任總督傅
拉塔祠堂傅拉塔居官甚好其參劾之人雖多總無怨者大
有氣節實心効力朕因是特書匾額賜之爾等刊畢可親懸
其祠堂此匾額之字宜善加封裹給與其子○賜江寧八旗
兵丁餉銀兩月○諭江南江西總督阿山曰江西巡撫李基
和甚為粗鄙不知禮節帶往京師學習浙江布政使郎廷極
人材優長可署江西巡撫印作速行文郎廷極令其即行赴
任○庚寅

上自江寧府啟行至明太祖陵導引官引向中門

實錄卷五十五

七

上命自東角門入曰此非爾等導引有失特朕之敬心耳既入
率諸皇子及大臣侍衛等行禮是日駐蹕龍潭地方○辛卯
上至高資港登舟駐蹕江天寺行宮○壬辰

上御行宮門外內大臣侍衛內閣部院大臣翰林及江南文武
等官皆侍立諭河道總督張鵬翮曰爾前因衝決時家馬頭
叅佟世祿一案於阿山徐潮勘奏後具疏強辯爾又請開河
工捐納抵補事例明係脫却屬員王謙等凡人既讀書先要
辨明公私二字凡事從公起見方可以服人爾之名節關係
固重佟世祿之身家關係獨不重乎王謙為人刻薄人人怨
恨爾却偏信任其恣意妄行以致人心不服爾常言非堯舜

之道不敢陳於王前如此行事豈得謂堯舜之道朕非不知
爾在河工能任勞苦但聽信屬員流於刻薄從來大儒持身
接物當如光風霽月爾平時亦講理學乃一味苛刻嚴厲豈
所謂光風霽月乎况大臣受朝廷委任必須為國為民事事
皆有實濟若徒飲食菲薄自表廉潔於國事何益耶○
上諭明日啟行大學士張玉書奏曰臣家居鎮江因城內無可
住處故不敢懇請祈

皇上於江天寺多留數日即與臨幸城內無異得旨因張玉書
懇求諄切朕再留一日後日啟行○癸巳諭京口將軍一等
侯馬三奇曰天下之兵朕皆知悉至此處之兵素稱無敵亦

實錄卷五十六

八

朕所聞練兵之法一進一退有緩有急自始至終整肅有敘
方為盡善爾等簡練素精朕亦不必閱視可傳諭衆兵丁知
之○

御書理明太極匾額令懸周敦頤祠堂忠節不磨匾額令懸陸
秀夫祠堂寶晉遺蹤匾額令懸米芾海嶽菴山高水長匾額
令懸焦先祠忠蓋永昭匾額令懸宗澤廟

閏四月甲午朔

上自江天寺登舟渡江駐蹕寶塔灣命戶部尚書徐潮江南
江西總督阿山察審革職山安同知佟世祿復行叩關告河
道總督張鵬翮一案○乙未以故多羅貝勒諾尼之子諾音

托和襲封鎮國公○刑部題原任吏部郎中陳汝弼原任溫處道黃鍾行賄作弊俱擬絞監候

上曰人有薦陳汝弼之賢能者故朕簡於衆郎中肉特授選司郎中宜持身廉潔奉職敬慎而反侵逼堂官凌辱同輩凡事專擅率意恣行驕縱狂妄已極負朕眷待之恩有玷擢舉之意如受賄是實應即置之於法以爲衆戒若未經受賄則彼無罪亦應寬之著議政大臣九卿詹事科道會同再行嚴加確審定擬具奏 吉林烏喇將軍宗室楊福疏請吉林烏喇白都納等處動支庫銀買馬給兵丁牧養

上曰此事不准行朕屢以太僕寺之厰馬並茶馬賞給京師兵

丁及各處駐防兵丁所以兵丁無賠馬之苦歷觀宋明之時議馬政者皆無善策牧馬惟口外爲最善今口外馬厰孳生已及十萬牛有六萬羊至二十餘萬若將如許馬與牛羊驅至內地牧養即日費萬金不足口外水草肥美不費餉而馬畜自然孳息前巡行塞外時見牲畜彌滿山谷間歷行八日猶絡繹不絕也 賜護軍叅領以下護軍等白金

上諭明日啟行地方官及商民再四懇求留

駕數日得旨因爾等懇求朕再留一日 丙申

御書正誼明道匾額令懸董仲舒祠經街造士匾額令懸胡安國書院賢守清風匾額令懸平山堂 賜扈從領侍衛內大

臣公福善大學士馬齊等香緞等物福善等謝恩跪懇曰蒙恩浩蕩賜臣等之物甚多且賞賚官兵銀兩俱欲在此置買土物祈

皇上再留二日臣等方有暇料理得旨爾等既懇求可再留二日○戊戌賜大學士張玉書陳廷敬戶部尚書徐潮禮部侍郎胡會恩都察院左副都御史陳詵等

御書○以戶部右侍郎賴都爲鑲藍旗蒙古副都統陞前鋒叅領寧保爲鑲紅旗漢軍副都統○青海厄魯特多羅貝勒益蘇克遣使進貢賞賚如例○己亥

上自寶塔灣登舟啟行過邵伯○庚子

御舟泊寶應縣白天鋪○辛丑

上駐蹕淮安府城內○壬寅

御舟泊清口○癸卯

上登陸幸高家堰徧閱河隄諭河道總督張鵬翮曰康熙四十二年朕臨閱高家堰時爾奏石隄可於八九月間告成今已三年尚未完工萬一大水奄至恃此草埽詎能禦之張鵬翮奏曰必能保固斷然無害

上諭曰草埽俱經二三年矣腐爛沉塌者多猝遇大水事難預料如不謹慎修築被水衝決枉費錢糧姑置勿論但去年已奏河工告成今年又奏衝決其謂之何爾須日夜謹守保護

夫治河莫要於得人。觀爾所用之人。每多有失。豈可倚任此輩分守此隄耶。爾等惟見清口之水流。出即以爲功。成不思防禦。倘高家堰六壩之水泛溢。則清水力弱。而黃水必復致倒灌矣。高家堰所關緊要。宜謹識之。毋忽。

上幸惠濟祠。閱隄畢。即坐於隄上。諭大學士諸大臣及河臣等。曰。朕留心河道。親閱者屢矣。河之形勢。必身歷其地。始知成功之次第。朕每至河上。必到惠濟祠。以觀水勢。康熙三十八年以前。黃水汎濫。凡爾等所立之地。皆黃水也。彼時自舟中望之。水與岸平。岸之四圍。皆可遙見。其後水漸歸槽。岸高於水。今則岸之去水。又高有丈餘。清水暢流。逼黃竟抵北岸。黃流僅成一線。觀此形勢。朕之河工大成矣。朕心甚爲快然。○上回舟中。○以出征噶爾丹正藍旗一寺阿達哈。番又一拖沙喇哈番。傑式創發身故。予祭葬如陣亡例。○乙巳。諭河道總督張鵬翮。曰。惠濟祠前植標杆處。可建挑水壩。祠後埽灣處。亦宜建挑水壩。以保淤灘。但此二處挑水壩。俱不宜太長。恐逼水盡向北岸。有礙楊家莊口門。至卞家汪舊壩。修建甚佳。再畧加寬長。更善。○是日。

御舟渡黃河。泊衆興集。賜河道總督張鵬翮。

御製詩扇。○予故陝西涼州總兵官魏勲祭葬如例。○工部議覆河道總督張鵬翮疏。言桃源黃河北岸三岔一工。頂衝危

險。應於縷隄之內。建築越隄。以爲重門之障。應如所請。從之。丙午。

上登陸。閱視黃河九里岡畢。登舟過宿遷縣。諭河道總督張鵬翮。曰。河工積弊。汎官利於隄岸。有事修建。大工得以侵冒。河帑。又希圖修橋建閘。興無益工程。於中取利。著嚴飭各官。痛改前非。加謹修防。倘有故違。定行正法。以示懲戒。其地方有司官員。漠視河工。致有貽誤者。爾題參到。目將地方官亦行正法。河官平時。須預備物料。以爲不時修防之需。若物料不備。遇工程險要。倉皇無措。雖將該管官重處。亦屬無濟。又諭曰。九里岡隄。予修理得法。不似從前直埽。不能挑溜。今修魚鱗埽。遂段挺出。逼溜開行。使窪處漸淤。此法甚善。其埽工釘椿處。可再建挑水壩二座。若恐水深。則先建磯嘴壩。壩形出水。俟其壩下漸淤。層次加修。則料不加多。而功易成。丁未。

御舟泊夏鎮。○己酉。

御舟泊石佛閣。○以翰林院編修朱啟昆。爲雲南鄉試正考官。內閣中書博爾多。爲副考官。左春坊左諭德魏學誠。爲貴州鄉試正考官。光祿寺署丞戴蘇。爲副考官。○庚戌。

御舟泊開河。○陞內閣學士兼詹事府詹事穆丹。爲戶部右侍郎。○辛亥。

御舟過東阿縣之張秋○壬子。

御舟泊臨清二十里鋪○癸丑。

御舟過清平縣之渡口驛○諭山東巡撫趙世顯曰朕因四方無事車駕南巡得訪民情深知利弊回舟山左見麥秋大熟民無菜色朕心甚慰凡鑾輿所臨加恩有過金望刑期無刑也東省前歲儉收衣食維艱所以犯法者衆嘗念臨下之道惠化為先原情之旨含育在宥是宜悉除愆咎盡起枯沉可將山東所屬地方人犯亦照江南浙閩恩例槩從末減自康熙四十四年閏四月二十日以前凡罪犯詔款不應赦者不赦外其餘死罪以下已發覺未發覺俱著減等發落康熙四十三年秋審奉旨監候緩決者一併減等發落仍開具人數奏聞但山東人性強悍輕生為盜者頗多爾等不時訓誨教養以副朕愛惜人命之至意○甲寅。

御舟泊故城縣之娘娘廟○諭河道總督張鵬翮曰山東運河轉漕入京師關係緊要不可忽畧朕來時閱視隄岸不堪今回鑾時許期兩三月而隄工修理甚屬堅固嗣後當照此加謹修理不可因朕已經閱過致有懈怠爾宜識之運河各閘照依漕規啟閉有官員經過不許徇情擅自開放洩水以致漕船稽遲違者朕決不宥○乙卯。

御舟過景州之安林○諭河道總督張鵬翮曰河工關係緊要

朕閱視已畢爾即自此回任至河標兵丁多而無用著留一千名其餘一千六十一名俱裁去○丙辰。

御舟過滄州○陞內閣侍讀學士舒蘭為內閣學士兼禮部侍郎詹事府少詹事二品為詹事府詹事○丁巳。

御舟泊西分桑園○戊午。

御舟泊鄭家樓○己未。

御舟泊河西務○庚申。

上自河西務登陸駐蹕南苑○辛酉。

上回宮詣

皇太后宮問安○壬戌。

上奉

皇太后幸暢春園○調福建按察使侯居廣為四川按察使司按察使四川按察使金培生為福建按察使司按察使。

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二十

實錄卷之二百二十

五

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二十一

康熙四十四年乙酉五月癸亥朔

上詣

皇太后宮問安 甲子夏至祭

地於

方澤遣領侍衛內大臣公坡爾盆行禮 乙丑

仁孝皇后忌辰遣官祭

陵議政大臣九卿遵旨覆審原任吏部郎中陳汝弼一案擬
陳汝弼立絞黃鍾仍照前擬絞監候

上曰陳汝弼並不招得財即擬正法人心豈服聞此事左都御
史舒輅獨擅行之又聞陳汝弼曾出私書三封並不察訊此
係何故召議政大臣領侍衛內大臣侯巴渾德等八問之巴
渾德等奏曰陳汝弼雖出私書三封因無甚情弊故未寫入
疏內鞫審時三法司官員取供舒輅復加改削

上曰朕所聞不與其緣事者及審事大臣官員著於初六日早
俱集暢春園朕將親鞫之 戶部題茶馬差員應撥官更替
得旨茶馬事務不必差官著甘肅巡撫兼管 丙寅諭大學
士等曰李基和自江西紆道浙江又徑往蘇州不前進迎駕
不敬殊甚且問以地方諸事一無所知大玷厥職著革職拏

問嚴行擬罪具奏○又諭曰戶部侍郎庸愛王紳居官貪墨著革職副都御史傅作楫為人狂妄聲名甚劣著革職安插奉天 丁卯

上自暢春園回宮

御太和殿視朝文武陞轉各官謝恩 戊辰

上幸暢春園詣

皇太后宮問安 召議政大臣大學士九卿入問曰爾等議陳汝弼之事擬以死罪以何為據禮部尚書席爾達奏曰陳汝弼雖未招認黃鍾親書口供及其家人口供甚明因坐之罪刑部尚書安布祿奏曰曾以黃鍾親書口供及其家人口供

實錄卷三十一

十

俱示陳汝弼陳汝弼不對因坐之罪左都御史舒輅奏曰陳汝弼見黃鍾口供及其家人口供並無一言有招認形狀因坐死罪臣等意見不到不能明晰有何辨處

上曰朕所委者乃人命攸關之事爾云意見不到則必何事爾方見到耶召陳汝弼入問曰爾事若何一切俱應實奏陳汝弼奏曰臣無辜抱屈總不出

皇上睿鑒之中更復何言

上曰明係爾辦事有失豈可言無辜抱屈專主此事之堂官司官為誰陳汝弼奏曰三法司堂司官公同鞠審無專主者

上命陳汝弼出令侍衛吳什楚宗侍郎穆和倫等問黃鍾爾口

供招認顯然今尚有何辨處黃鍾供稱二日之中夾訊六次兩足俱折因銜冤親書供招是實侍衛吳什等以黃鍾供詞回奏

上命刑部侍郎常授取黃鍾親書口供及陳汝弼出首王原等囑託私書三封閱畢謂常授曰陳汝弼並無口供即擬以罪而汝無一言何也又諭大學士等曰此事除前審三法司堂官外著交議政大臣及九卿再審具奏○已巳予故原任正黃旗漢軍都統周卜世祭葬如例○庚午吏部題原任大學士吳璵員缺開列請旨得旨舊例大臣病故必俟其靈柩還籍方請補授乃國家眷念大臣之意也今大學士吳璵身故

實錄卷三十一

十

尚未發引何亟亟乃爾本著發還○辛未

上詣

皇太后宮問安 以戶部右侍郎穆丹充經筵講官 陝西西寧總兵官劉體義以病乞休允之 青海多羅郡王達賴戴

青故遣官致祭 壬申諭大學士等曰朕頃者南巡見直隸山東兩省販私鹽鑄私錢者甚多此二事大不便於民傳諭該部嚴行禁止 癸酉

上詣

皇太后宮問安 轉戶部右侍郎穆丹為左侍郎以雲南貴州總督巴錫為戶部右侍郎○陞山東東兗道姚諧為安徽按

察使司按察使○甲戌戶部議覆吏部尚書管理直隸巡撫事李光地疏言奉撥直隸錢糧十五萬作江蘇兵餉因直隸並無應解錢糧請撥之他省議令直隸本年應解部錢糧內撥解得旨凡撥餉應就近撥給將直隸錢糧撥與江蘇該部原撥時即誤矣今又將直隸本年應解部錢糧發往俟秋收後方得起解則遲誤益甚兵餉關係緊急此後撥餉於就近省分撥往勿致有誤○工部議覆河南巡撫趙弘燮疏言回回寨與韓羅灣一帶逼近黃河舊有大隄一道卑矮單薄難資捍禦亟宜幫築應如所請從之○乙亥遣官祭關聖帝君○丙子

實錄卷一百一十

申

上詣

皇太后宮問安○轉戶部右侍郎范承烈為左侍郎陞內閣學士汪霽為戶部右侍郎○陞順天府府尹汪晉徵為都察院左副都御史旌表安慶烈婦焦士則妻劉氏拒姦自盡給銀建坊如例○戊寅

上自暢春園回宮○議政大臣九卿遵旨再審原任吏部郎中陳汝弼一案查陳汝弼雖未受賄但有錯用黃鍾之處應議處已經革職無庸議將原審三法司堂司官等分別議處具題得旨舒路王原等著革職勞之辨李先復顧汧申馬希爵塔進泰著各降三級調用安布祿卞永譽常授著各降三

級敦拜傳繼祖常舒王揆吳涵著各降二級俱從寬留任餘依議○宗人府題年至二十宗室傳爾臣等請照例授封得旨傳爾臣著授為三等鎮國將軍正保授為三等輔國將軍華珍塞備俱授為奉恩將軍○己卯諭大學士等曰倉場侍郎辛保為人輕佻著革退此缺關係緊要著副都統富寧安帶理○又諭曰官員薦舉卓異關係激勵大典所列事蹟期有實濟於地方百姓開載虛文無益嗣後薦舉卓異務期無加派無濫刑無盜案無錢糧拖欠無虧空倉庫銀米境內民生得所地方日有起色方可膺卓異之選其他所開虛文俱不必入可會同九卿定議具奏○予故保和殿大學士兼刑

實錄卷一百一十

申

部尚書吳琬祭葬諡文端○庚辰

上幸暢春園詣

皇太后宮問安○陞兵部右侍郎貝和諾為雲南貴州總督以翰林院檢討年羹堯為四川鄉試正考官內閣中書曹鼎為副考官檢討覺羅逢泰為廣東鄉試正考官兵部主事高壽名為副考官檢討孔尚先為廣西鄉試正考官禮部主事張繼為副考官檢討董祀為福建鄉試正考官禮部員外郎何遠為副考官○辛巳諭大學士等嗣後蠲免新年錢糧如并免積欠則帶徵俱免如止蠲本年錢糧無免舊欠之旨則所有舊欠錢糧俱於次年徵收蠲免之年槩不得開徵永著

為例○大學士等遵旨覆奏臣等將卓異官填注款項問九卿據云

聖諭誠然卓異官員原不應填注虛辭但應注不虧空倉庫錢糧地方無盜賊省刑罰數條

上曰著照此永遠為例○陞提督江南學政翰林院侍讀學士張廷樞為內閣學士兼禮部侍郎以陝西西安右翼副都統殷泰為西寧總兵官○壬午革歸化城右翼副都統阿第職以失察蒙古盜馬故也○癸未

上詣

皇太后宮問安○陞太僕寺卿祖允圖為順天府府尹○追賜

禮部奏

六

原任鑲紅旗漢軍都統一等阿思哈尼哈番趙璉謚襄勤從其子山東巡撫趙世顯請也○乙酉陞內閣學士滿闡為兵部右侍郎調正黃旗蒙古副都統噶爾楚為西安右翼副都統○丙戌

上詣

皇太后宮問安

上巡幸塞外命皇太子允初皇長子多羅直郡王允禔皇十三子允祥皇十五子允禩皇十六子允祿皇十七子允禮隨駕是日自暢春園啟行駐蹕湯山戶部議覆江蘇巡撫宋學等疏言吳縣逼臨太湖波濤衝擊坍沒田地一千七十畝有

奇自康熙四十年起應徵銀米麥豆題請蠲免應如所請從之○丁亥

上駐蹕懷柔縣○戊子

上駐蹕密雲縣○己丑

上駐蹕遙亭○庚寅

上駐蹕兩間房○壬辰

上駐蹕鞍子嶺

六月癸巳朔

上駐蹕王家營○甲午以原任江西巡撫張志棟為大理寺卿

○陞貴州按察使管錫忠為浙江布政使司布政使吏部

中錄奏

七

議覆監察御史黃東中疏言漢人由知縣歷俸三年即准考選科道似覺太驟嗣後應將行取知縣到部引見後以各部主事揆班補用遇考選時方准考選至初任之中行評博亦俟伊等陞任後始准考選科道考選時將正途出身之六部郎中員外郎主事中行評博及翰林院編修檢討一同開列聽候簡用從之○予故輔國將軍昭泰祭葬立碑如例○陞前鋒叅領噶爾弼為正黃旗蒙古副都統吏部尚書管理直隸巡撫事李光地疏參原任雲南布政使張霖出身商販居家不檢網利殃民縱子為非請敕部嚴拏究擬得旨著該撫嚴審具奏○乙未

上駐蹕花峪溝○阿祿科爾沁多羅貝勒穆寧等來朝○丁酉喀喇沁多羅杜楞郡王額駙噶爾藏來朝○戊戌陞內閣學士趙世芳為工部右侍郎○陞盛京禮部理事官魯瑚為內閣學士兼禮部侍郎○庚子土默特多羅達爾漢貝勒馬呢來朝○癸卯陞福建巡海道阿琳為貴州按察使司按察使○乙巳

上駐蹕博洛和屯○喀喇沁鎮國公善巴喇錫來朝○己酉以翰林院檢討周起渭為浙江鄉試正考官吏部員外郎譚尚箴為副考官編修趙晉為江西鄉試正考官戶部主事王鵬為副考官編修文岱為湖廣鄉試正考官吏部員外郎耿惇

實錄卷一百一

九

為副考官○庚戌陞詹事府少詹事彭會湛為內閣學士兼禮部侍郎○戶部題先經陝西道御史景日昫疏言商民何錫奉部文在廣東海陽縣之仲坑山開礦聚眾幾至十餘萬強梁爭競時時有之請敕下督撫會查此山現在開採如何酌議停止永為封閉奉旨這事情著該撫察議具奏今據廣東巡撫石文晟疏言號牌員堆諸山場開礦六十四處現今在廠之人約計至二萬有餘該山開採日久礦口愈深所得礦砂價銀不敷工費何錫現在具呈懇罷似宜封禁應如所題准其禁止從之○兵部議覆吏部尚書管理直隸巡撫事李光地疏言真定府贊皇縣屬王家坪一帶地方遠在深山

從前設立營汛未定有統轄之員此營關係緊要且與真定營汛鄰近應令真定副將統轄應如所請從之○江蘇布政使宜思恭丁母憂命在任守制○癸丑以故三等阿思哈尼哈番吳子祥子吳昌祖襲職○予故工部右侍郎程文燾祭一次○刑部等衙門題原任江西巡撫李基和詢以地方事務茫無知識溺職已甚恭逢

聖駕南巡不由正路迎

駕紆道浙江又徑住蘇州不即前進殊屬不敬應將李基和照不敬律立決得旨李基和從寬免死著枷號三個月鞭一百給與該管王為奴○丙辰

實錄卷一百一

九

上駐蹕熱河上營○以左春坊左中允凌紹雲為陝西鄉試正考官禮部主事王俊為副考官翰林院侍講學士王之樞為江南鄉試正考官太常寺少卿廖騰燧為副考官○御書蓋忱義烈匾額賜殉耿逆之難原任江西建昌府知府高天爵從其子工部員外郎高其佩請也○己未以江南安徽布政使施世綸為太僕寺卿○秋七月壬戌朔享太廟遣領侍衛內大臣尚之隆行禮○諭近御一等侍衛吳什等傳諭巴林額駙吳爾家曰今朕諸姑俱棄世諸姑之子僅存格勒爾圖納木扎伊等亦且年邁向來公主之子坐班在

公之列應以格勒爾圖納木扎勒科爾沁達爾漢王旗下公班地例授本身為公食俸。癸亥奈曼多羅達爾漢郡王碩弟等來朝。甲子科爾沁達爾漢親王額駙班第及其子羅卜臧滾布輔國公布尼二品台吉吳爾圖等來朝。丁卯科爾沁多羅冰圖郡王達達布來朝。戊辰戶部議覆山西巡撫噶禮等疏言河東隄堰之設原係保護鹽池遇有修築宜令商出其料民出其力庶乎商民兩便應如所請從之。辛未

孝懿皇后忌辰遣官祭

陵。以翰林院編修顧圖河充日講起居注官。陞浙江按察

聖祖實錄卷三二

十

使李法祖為安徽布政使司布政使。壬申河道總督張鵬翮疏報今夏黃淮並漲水勢洶湧以致古溝唐埂清水溝韓家莊四處隄岸漫缺得旨令春朕欲親閱高家堰張鵬翮奏稱隄岸工程俱完又時當炎暑蚊蚋正起求停止親閱懇奏再四朕以高家堰關係甚大親往閱視見石隄尚有未完之處所下之埽已經二三年者朽爛亦多將此情形一一指示張鵬翮及河工諸臣朕又諭張鵬翮大水時發難以預料爾務須晝夜防護至分守隄工人員委用不當朕亦諭及今古溝唐埂清水溝韓家莊四處隄岸衝決河工將有復壞之勢大小河員惟知清水暢流為已功而不知高家堰之六壩水

洩太多則清水力微黃水必復倒灌也此事著九卿詹事科道速行會議具奏至田木民舍有無淹沒之處著該督撫等各行速報

上問大學士馬齊曰此決口俟水一減即星速開工今年可以完否馬齊奏曰補築零星之處年內可完若築決口年內未必能完

上曰數日朕為茲事殊覺憂悶今春親巡南省山東運河之隄並未修築朕自江南還山東河隄已完以此揆之工作果勤所需日月亦自無多也。甲戌翁牛特多羅達爾漢貝勒額爾德布鄂齊爾來朝。乙亥

聖祖實錄卷三二

十一

上駐蹕喀喇和屯。丙子中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵。阿霸垓多羅郡王吳爾占噶喇卜固山貝子申林敦羅布等來朝。丁丑陞湖廣岳常道武國樞為浙江按

察使司按察使○戊寅喀爾喀和碩親王額駙策旺扎卜輔國公克色克等來朝 己卯

上駐蹕喇門噶山 庚辰喀爾喀多羅郡王滾布來朝 以吏

部郎中王升為河南鄉試正考官戶部主事王廷獻為副考官 以青海故多羅郡王達賴戴青子額爾克多羅貝勒阿

奇滾布巴圖爾子額爾德尼厄爾克俱襲爵 壬午

上駐蹕博洛和屯 癸未鄂爾多斯固山貝子拉希扎木素等

來朝 甲申以翰林院檢討魏方泰為山東鄉試正考官禮

部主事馮佩實為副考官編修嚴宗溥為山西鄉試正考官

刑部主事劉侃為副考官 乙酉

實錄卷三十三

七

上駐蹕張三營 刑部議覆湖廣總督喻成龍疏言湖廣提標

營兵王漢傑等聚眾搶劫應將王漢傑等擬斬監候其該管

各官並不知情應免議查此案該督引律不合又不叅劾該

管各官應駁回得旨凡管理兵丁將弁必平素約束軍伍禁

令嚴明兵丁始克遵法紀地方無事王漢傑等糾集三百餘

人在城中搶掠當舖又於城外執旗轟勒索府縣官印結該

管將弁何得稱為不知伊等所司何事况因此案已將總督

提督等俱行治罪今喻成龍不將各營武弁讞審明白輒以

並不知情徇庇具題殊屬不合喻成龍著該部嚴加議處此

案遣郎中吳進泰前往究審具奏 丙戌古北口提督馬進

良疏請以昌平營叅將吳開圻補授石匣副將王朝輔員缺

上諭大學士馬齊曰石匣副將之缺要職也叅將吳開圻其人

僅可而已不當授之張家口副將師懿德乃原任總兵官師

帝賓之子人材壯健可用著調補又諭曰王朝輔甚可惜人

材矯健所學亦佳遺奏皆其手書居官之善石匣兵民無有

不稱之者至師懿德之父師帝賓人材亦矯健佛倫為總督

時密奏彼騎射不堪請劾之朕諭曰師帝賓謂之營伍不整

或不可料如言其騎射彼為三屯營副將時騎射之佳大臣

侍衛皆知之不可劾也佛倫終劾師帝賓而佛倫之名亦於

此壞矣佛倫又密奏趙良棟不可使居寧夏乞召往京師居

實錄卷三十三

七

之後趙良棟來京朕命彼歸原籍趙良棟奏曰有人奏言不

可令臣居寧夏臣不便歸故土因問何人所奏趙良棟言佛

倫以其密奏告之索額圖而索額圖告臣以此觀之人之無

信無恥未有如佛倫者矣凡督撫提鎮密奏之事皆朕親手

密封發回朕躬之外即左右人亦不得見隻字此皆體密奏

者之心而重其事之意且一槩密奏之事朕但使做好官愛

百姓就彼所奏之事加之訓諭而已並未嘗一次批云保此

人劾此人也佛倫自行密奏而反妄以告人是忘禍而樹仇

矣猶可比之人數乎朕觀古來為人臣者牽於黨類而僨事

者多既屬同事不知規諫但相唆慫而為不良事何以濟馬

齊奏曰

聖諭誠然

皇上至公無私是以處事皆當理大小臣工多私是以凡事失宜而不良之人又與之為黨事無不愆矣

上諭曰李先地受朝琦楊名時之累張鵬翮受王謙等之累皆此故也今張鵬翮所用之人皆不可用河工甚要爾等當留意馬齊奏曰張鵬翮所用之人並不諳河務緊要之事仍須殷實旗員始能倉卒立辦

上諭曰凡人必試之而始知張鵬翮多疑今即遣旗員前去未嘗一試而張鵬翮早疑其不清人亦何心為彼効力夫高家

實錄卷二十二

五

堰之隈全當洪澤湖之水開六壩雖民田畧有衝沒淮揚地方斷無可虞如以為利益民田而開六壩萬一大水驟漲而隄決淮揚大有可虞矣是以前總河靳輔開六壩以注水張鵬翮但知開六壩則運河民田均有利益而不知為淮揚之大患高家堰之所關甚為緊要也烏朱穆秦輔國公滾布扎卜來朝予故江寧將軍鄂羅舜祭葬如例以工部右侍郎穆和倫充經筵講官丁亥

上駐蹕汗特木爾達巴漢昂阿地方戊子

上駐蹕穆穆喀喇沁昂阿地方喀爾喀土謝圖汗多爾濟額

爾德尼阿海來朝己丑

上駐蹕穆穆喀喇沁和洛阿霸哈納固山貝子額林臣達西來朝以故三等阿思哈尼哈番劉鳳起子劉永年襲職庚寅

上駐蹕愛里昂阿地方辛卯工部議覆河道總督張鵬翮疏言唐埂決隄請動庫餉五萬兩修築應如所請從之喀爾喀多羅郡王納木扎爾阿霸哈納多羅貝勒薄昭等來朝九卿等遵旨議覆今年伏汛水漲衝決古溝等處隄工皆由河道總督張鵬翮平日徇庇延緩自執已見之所致也應將張鵬翮交與吏部嚴加議處從之

實錄卷二十三

五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十一

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十二

康熙四十四年乙酉八月壬辰朔

上駐蹕克勒烏里雅蘇台 癸巳吏部題正白旗三等阿思哈尼哈番富青病故查富青並無親子孫兄弟應將此三等阿思哈尼哈番與富青之叔阿爾金承襲從之 甲午諭大學士等曰康熙四十二年春朕往巡南省見山東歲歉民飢之狀即命截漕停徵蠲免錢糧遺情願効力官員前往賑濟迨至秋間又撥八旗官員令每佐領領銀一千兩分往頒賑民乃復蘇是以効力人員皆令議敘今各佐領借支未還銀兩如仍向佐領按數扣除則兵丁糧餉必致不敷著將官庫利銀七十萬兩抵還此銀之數免其扣除 又諭曰向來滿洲無犯法殺人之事康熙初年一年之內最多不過一二件而已自平吳三桂以來滿洲殺人之事漸多五年前至每月七八件朕謂若不力禁斷不知改自定為新例又將都統副都統佐領官一并治罪是以去年僅有三件今年僅有一件由是觀之則知法嚴而人命之事自少矣 蘇尼特多羅郡王垂基恭蘇隆喀爾喀達爾漢親王諾內翁牛特鎮國公齊旺多爾濟等來朝 議敘山東賑飢大臣官員人等有差乙未

上駐蹕噶海圖地方丙申

上駐蹕烏喇岱和洛 烏朱穆泰多羅額爾德尼貝勒博木布等來朝 以故一等精奇尼哈番喇麻揸布弟巴達禮襲職

丁酉秋分夕

月於西郊遣禮部尚書席爾達行禮 遣大學士席哈納祭

先師孔子 教漢多羅郡王扎木蘇等來朝 以戶部右侍郎汪霽為順天鄉試正考官左春坊左贊善姚士轟為副考

官戊戌祭

大社

大稷遣領侍衛內大臣尚之隆行禮

上駐蹕烏喇岱昂阿地方 已亥喀爾喀車臣汗吳默赫等來朝 庚子

朝 庚子

太宗文皇帝忌辰遣官祭

昭陵

上駐蹕格爾濟老昂阿地方 辛丑科爾沁多羅郡王代布喀爾喀輔國公根敦等來朝 壬寅

爾喀輔國公根敦等來朝 壬寅

太祖高皇帝忌辰遣官祭

福陵

上駐蹕布爾哈蘇台 甲辰

上駐蹕巴顏和洛 科爾沁多羅郡王畢力克圖等來朝 丙

午。

上駐蹕色爾白里昂阿地方。予故石匣副將加總兵官銜王朝輔祭葬如例。丁未。

上駐蹕宜蓀色欽地方。是日酉刻京師地震。已酉。

上駐蹕驚和洛昂阿地方。吏部題湖廣總督喻成龍於兵丁王漢傑等聚眾搶掠一案。徇庇該管將弁朦混具題。應革職。得旨。喻成龍著革職。戶部議覆八旗都統會同倉場侍郎疏言。今年秋季應給兵丁之米。於八月照舊例全給。自來年為始。將兵米分作三分。二月至九月給二分。十月至正月給一分。應如所請。得旨。依議。前為給米之事。八旗都統眾議沸騰。後復依倉場侍郎所奏議給。此必有慙患之人。初倡言者為誰。著傳問京師都統等。尋八旗都統等以都統齊世瓦珥達倡言是實。具奏。得旨。都統齊世瓦珥達。快而好生事。倡為議論。殊屬可惡。瓦珥達附和亦屬可惡。俱著革職。交刑部嚴加治罪。戶部等衙門議覆。江蘇巡撫宋學等疏言。蘇松常鎮四府賦稅繁重。俱有積欠。州縣官到任未經兩年。即罹降革。請將州縣官本任內經徵每年地丁漕項錢糧完九分以上者。或因接徵舊欠錢糧復被系處。其降級調用之例酌改降級。留任再限一年。催徵如仍不完。照伊所降級調用。應如所請。從之。○工部議覆河道總督張鵬翮疏言。安東縣南門一帶

聖祖實錄

卷二二二

聖祖實錄

卷二二二

地方逼近黃河。應開引河一道。並建礮嘴壩二座。以資捍衛。應如所請。從之。庚戌。

上駐蹕和倫畢喇地方。辛亥。

上駐蹕永安拜昂阿地方。阿霸塔多羅卓禮克圖郡王畢爾

等來朝。壬子。

上駐蹕烏闌哈爾哈和洛。蘇尼特多羅杜楞郡王達禮扎卜

等來朝。癸丑。

上駐蹕庫爾奇勒地方。科爾沁和碩土謝圖親王阿拉善等

來朝。甲寅。

上駐蹕渾沁布拉克地方。乙卯。

上駐蹕多羅諾爾地方。喀爾喀多羅郡王額駙敦多卜多爾

濟。西子部落多羅達爾漢卓禮克圖郡王散濟扎卜等來朝。

○工部議覆河道總督張鵬翮疏言。韓家莊隄決隄工。宜從

韓家莊隄內舊有小越隄之處堵塞。應如所請。從之。丁巳。

上駐蹕古爾班庫德爾地方。賜阿祿科爾沁科爾沁土默特

喀喇沁奈曼翁牛特。阿霸塔喀爾喀鄂爾多斯烏朱穆泰阿

霸哈納蘇尼特。教漢西子部落王貝勒貝子公額駙台吉等

銀幣鞍馬有差。賜隨圍喀喇沁官兵銀幣布疋有差。戊

午。

上駐蹕額爾屯色欽地方。陞廣東巡撫石文晟為湖廣總督。

○已未

上駐蹕博洛和屯 庚申

上自博洛和屯啟行閱各處孳生馬牛羊羣及編入左翼四旗察哈爾巴爾虎厄魯特各蒙古生業於是察哈爾巴爾虎厄魯特諸蒙古皆列廬帳攜婦孺羊酪等物跪於道側迎駕察哈爾蒙古奏曰累世受

皇上天高地厚之恩馬與牛羊皆得繁息男女老幼俱享安樂於盛世巴爾虎蒙古奏曰我等係絕域微末之人蒙

皇上收恤養育又無差徭今各得其所矣厄魯特蒙古奏曰我等原係負罪不赦之人蒙

皇上如天好生特為免死又需洪恩編入旗伍安插牧地賜以牲口五六年間牲口繁息生計豐饒隆恩如此不能仰報於萬一也是日

上駐蹕諾海河朔 辛酉

上閱察哈爾巴爾虎厄魯特諸蒙古牧羣及太僕寺馬羣是日駐蹕他奔拖羅海地方

九月壬戌朔

上駐蹕烏蘭諾爾地方 癸亥

上閱慶豐司羊羣是日駐蹕扎瑪克圖諾爾地方 甲子

上閱慶豐司牛羣是日駐蹕托里渾諾爾地方 乙丑

物迎

上開上駟院馬羣牧馬蒙古男女老幼俱歡欣踴躍奉羊酒等駕大學士馬齊都統吳達禪等跪於道左各進牧場馬匹牛羊是日

上駐蹕昂古里海畢爾漢地方 賜扈從大臣侍衛執事人員馬匹 賜牧羣察哈爾巴爾虎厄魯特等銀幣布疋有差丙寅遣官祭

歷代帝王 遣官祭城隍之神 理藩院題和托輝特旗下所屬穆庫爾等請以故多羅貝勒根敦戴青養子博貝承襲父爵議不准行得旨根敦戴青貝勒之爵留襲於伊親子松

津僧額松津僧額病故已將其嗣子博貝從侍衛授扎薩克一等台吉管本旗事矣今屬下人員又叩請以博貝承襲念根敦戴青向者征噶爾丹甚為効力著授博貝為輔國公

授和碩簡親王雅爾江阿之妹為郡主塔伊勒器為和碩額駙 以喀爾喀故多羅郡王墨爾根濟農古祿西希子多爾濟喇布坦襲爵 工部議覆河道總督張鵬翮疏言惠濟祠石工一線之隄關係黃運二河最為緊要臣仰遵

聖諭請建挑水壩二座以資捍禦應如所請從之 丁卯上駐蹕哈穆湖地方 吏部題河道總督張鵬翮於河工事務並不盡心預為籌畫以致限岸衝決殊屬溺職應將張鵬翮

革職得旨張鵬嗣著革職留任○戊辰。

上駐蹕察罕拖羅海達巴漢地方○賜隨園察哈爾巴爾虎官兵銀幣布疋有差○旌耒湖廣烈女劉氏拒姦殞命給銀建坊如例○己巳。

上進張家口駐蹕夏堡○庚午。

上駐蹕宣化府○辛未。

上駐蹕下花園○壬申。

上駐蹕沙城○癸酉。

上駐蹕懷來縣○河道總督張鵬嗣疏報古溝唐埂清水溝韓家莊四處衝決隄工盡力堵塞已次第合龍下所司知之○

甲戌。

上駐蹕岔道○乙亥。

上駐蹕張頭○戶部議覆江南江西總督阿山疏言淮揚地方今歲天雨連縣黃淮並漲因古溝等處衝決由禾淹沒房屋傾倒等語應行文該督撫轉飭地方官將被災人民加意撫綏無致失所得旨這隄岸衝決民舍田地淹沒之處著張鵬嗣親往逐一閱看作速具奏餘依議○丙子。

上回暢春園詣

皇太后宮問安○己卯刑部題原任都統齊世瓦珥達前議本年秋李兵丁米石應於八月內給發兩月之糧已經具題後

又照倉場侍郎等議八月內全給半年之糧奏事不實應將齊世瓦珥達各枷號三個月鞭一百從之○庚辰。

上詣

皇太后宮問安○工部左侍郎色德禮以病乞休允之○免湖廣沔陽江夏等九州縣武昌等五衛本年分水災額賦有差○壬午兵部議覆原任湖廣總督喻成龍疏言湖廣南北各土司子弟中有讀書能文者注入民籍一同考試應如所請從之○癸未。

上自暢春園回宮○

上御經筵講畢賜大學士九卿詹事及講官等宴○甲申。

上幸暢春園詣

皇太后宮問安○陞吏部右侍郎希福納為都察院左都御史○陞山東布政使范時崇為廣東巡撫山東按察使梁世勳為山東布政使司布政使直隸巡道葉九思為山東按察使司按察使○以鑲黃旗護軍統領蘇永祚為歸化城左翼副都統陞驍騎參領丁圖為歸化城右翼副都統○以正紅旗漢軍都統達佳為江寧將軍調鑲黃旗蒙古都統吳達禪為正藍旗滿洲都統正黃旗蒙古都統兼正紅旗護軍統領孫渣齊為正黃旗滿洲都統○乙酉以一等侍衛杜敏為吏部右侍郎○轉工部右侍郎穆和倫為左侍郎調盛京刑部侍

郎巢可托為工部右侍郎喀爾喀車臣汗遣使進九白年貢宴齊如例丙戌

上詣

皇太后宮問安戶部議覆江蘇巡撫宋學等疏言江寧淮安揚州三府屬之泰州六合等十州縣及江都縣之邵伯一帶淮安大河揚州三衛今秋被水田地請照例按分數蠲免應如所請從之丁亥

上詣

皇太后宮問安戊子

孝慈高皇后忌辰遣官祭

福陵

上奉

皇太后自暢春園回宮直隸宣化總兵官尚宣以老病乞休允之己丑諭兵部護軍統領宗室塞伯禮為人糊塗著革退庚寅琉球國中山王尚貞遣陪臣溫開榮等進貢宴齊如例

冬十月辛卯朔享

太廟

上親詣行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵頒康熙四十五年時憲歷重修華陰西嶽廟成

御製碑文曰天地定位山嶽效靈體發育之能贊生成之德尊踰四瀆秩視三公祀典之於五嶽禮恭重矣矧華山峻峙雍

州雄踞西土辨方維西兆歲事於有秋盛德在舍助氣機之始肅興雨則膏流河渭出雲而氣接恒嵩尤宇宙之奧區神祇之靈府也嶽廟當華陰衢道基址崇宏棟梁巍煥明禋盼嚮降格居歆國家之邀福迓禧以大庇我陝東西數千里之蒼黔者於是乎在而年歲浸久則傾圯漫漶不能無虞朕於癸未冬省方西巡蒞止少華之麓矚雲臺望仙掌靈蹤勝蹟髣髴於烟嵐翠霽間而西連隴坂東接函關土俗民風停中備悉秋露凝而勤收穫商飭起而謹蓋藏年穀屢豐閭閻日阜自非神庥曷克臻此於是入祠展謁遣祭致虔特命所司鳩工載葺不興一役輪奐丕新葺收之別館增輝少昊之下

都彌綸。自今以始。達精忱於玉帛。陳泰稷之馨香。默佑潛孚。嘉祥翕集。佐坤靈以作成萬物。弘兌澤而利濟羣方。豈有量哉。爰勒豐碑。用垂奕禩。壬辰。免直隸保安州懷來縣本年分水災額賦有差。癸巳。

皇太后聖壽節

上率王以下文武大臣侍衛等詣

皇太后宮行禮。遵

懿旨停止筵宴。工部議覆。河道總督張鵬翮疏言。高良澗越

隈塌卸危險。請建砌石工。以資捍禦。應如所請。從之。○甲午。

諭工部。方今海宇昇平。惟以安阜黎元為急。東南要務莫重

實錄卷二百

十一

於河防。朕數經南巡。指示修築方畧。凡以籌運道濟民生也。

自曩歲兩河先後衝決。而黃流淤墊。繼以高家堰唐埂六壩

久決未塞。而洪澤湖水直從決口旁洩。以致淮水力弱。黃水

倒灌全河。幾至潰壞。於是分遣廷臣發帑金數百萬。增築高

堰。盡閉六壩。俾淮水全注清口。又特築挑水壩。以逼黃溜趨

向北岸。仍開濬陶莊引河。以導黃北流。然後黃水無倒灌之

患。康熙四十二年。以河工漸可底績。躬親臨視。時高堰石工

尚多未竣。飭令迅速修築。又因仲莊閘水勢湍急。恐逼黃流

倒浸清口。遂命閉仲莊閘。改建楊家莊閘。閘工既成。今年春

復往巡閱。比至高堰。見石工仍有未完舊壩亦多朽塌。諄諭

河臣張鵬翮。謂水勢無常。修防宜豫。一有疎忽。則前功盡隳。

且甫奏安瀾。旋報衝決。天下其謂之何。張鵬翮猶奏稱。隄工

捍禦。可以無虞。迨伏汛大水驟發。果衝決古溝唐埂。清水溝

等處。淮揚一路田畝被淹者甚衆。今已嚴飭堵塞。決口刻期

竣工。朕屢親莅河干。詳度形勢。當水漲之時。若高堰及運河

減水壩。不令開放。則隄堰甚為危險。若開壩宣洩。則閘閘隴

敵必致淹傷。方春水涸。民間盡皆播種。一經夏水驟漲。開壩

放流。而所播之種悉被淹沒。朕心惻然。殊為不忍。使不設法

導流。俾水有所收束。則瀕湖及下河民田。究不免於水患。朕

再三籌畫。宜於高堰三壩之下。挑濬一河南旁築隄。束水入

實錄卷二百

十一

高郵邵伯諸湖。湖外亦量築土隄。不使漫溢。其高郵減水壩

下亦挑濬一河。兩旁築隄。束水由串場河入白駒子。溪草堰

等河。白駒等河淤淺之處。並開濬深通。俾之入海。如此則各

壩所出之水。不致有渙散衝流之害。又洪澤湖水勢大漲。泗

州盱眙等州縣。俱被水災。應於泗州一帶受水之地。亦酌量

築隄。束水。毋令汎濫。則所全於淮安揚州鳳陽三郡民生者

多矣。此事原於河道無涉。在河官止知保護河道。不復詳計

民生。朕惟民間田畝所繫甚重。宜圖萬全。可久之策。築隄束

水行之北。河業有成效。則施之南河。當亦有濟。應從何地築

隄。延袤若干里。需費幾何。行令江南江西總督漕運總督河

道總督汪蘇巡撫會同確勘詳議具奏。爾部即遵諭行。○免廣東高要高明二縣本年分水災額賦有差。○陞廣東香山副將朱鳴為福建南澳總兵官。陞陝西鳳副將康泰為直隸宣化總兵官。以正黃旗漢軍都統兼鑲紅旗護軍統領宗室愛音圖為正黃旗蒙古都統。陞京口左翼副都統趙期為正紅旗漢軍都統。鑲黃旗滿洲副都統班滴為鑲黃旗蒙古都統。正紅旗滿洲副都統希思哈為正紅旗護軍統領。鑲紅旗滿洲副都統趙賴為鑲藍旗護軍統領。正白旗滿洲副都統席椿為正藍旗護軍統領。調正藍旗護軍統領宗室如藍保為鑲黃旗護軍統領。○乙未。

實錄卷三十一

上

上御太和殿視朝。文武陞轉各官謝恩。○免江南壽州臨淮等十州縣鳳陽等三衛本年分水災額賦有差。免偏沅岳州衛本年分水災額賦十之三。以喀爾喀故固山貝子丹津子齊賓阿拉卜堪襲鎮國公。丙申陞都察院左副都御史布爾賽為盛京刑部侍郎。正黃旗滿洲副都統沙賴以老病乞休。允之。丁酉刑部左侍郎蘇赫納以病乞休。允之。戊戌。

上詣

皇太后宮問安。兵部左侍郎布雅努以老病乞休。允之。庚子以扎魯特故多羅達爾漢貝勒畢立克土子諾木拉拜襲

爵。喀爾喀澤卜尊丹巴胡土克圖呈謝圖汗遣使進九白年貢宴齊如例。辛丑諭大學士等甘肅布政使朝琦山西按察使巴哈布聲名俱不佳著來京以旗員用。壬寅。

上詣

皇太后宮問安。癸卯刑部等衙門議覆吏部尚書管理直隸巡撫事李光地疏參革職原任雲南布政使張霖假稱奉旨販賣私鹽得銀一百六十一萬七千八百兩有奇。又縱子張璵張坦驕淫不法肆行無忌。應將張霖擬斬立決。家產入官。張璵張坦杖責折贖。應如所請。得旨張霖著改監候秋後處決。餘依議。○甲辰諭大學士等通政使司通政使李沙為人

實錄卷三十一

高

甚劣著以原品休致。隨旗上朝。○轉兵部右侍郎滿蘭為左侍郎。陞內閣學士殷持布為兵部右侍郎。內閣學士魯璠為刑部左侍郎。○添設貴州永寧麻哈獨山三州學正各一員。普定平越都勻鎮遠安化龍泉銅仁永從八縣教諭各一員。○以左春坊左庶子楊瑄為順天武鄉試正考官。翰林院編修趙申季為副考官。○乙巳。

上詣

皇太后宮問安。大學士等奏刑部題康熙四十四年朝審事。上曰今年情實罪犯少著停止處決情有可矜各犯著分別核議。照例減等發落。再各省秋審尚無可議。朝審則太寬。書云

罪疑惟輕。以其罪之情由有可疑之處而輕之也。若無可疑則以公平為貴。現在殺人之人。情罪顯然。又何所疑而欲從寬乎。執法之人。但當詳情據理。以定罪。一味從寬。則惡人何所儆戒。可以此諭刑部。丙午。

上幸暢春園。戊申。陞監察御史鄂岱為甘肅布政使。司布政使。兵部議覆吏科給事中涂克善等疏言。八旗題補武官都統副都統等。任意遲延。請定限完結。應如所請。八旗題補武官。俱定限十日內。將應補人員職名開明送部。違者照例治罪。又稱漢軍內。候選漢缺之文官。赴補領憑。俱由本旗給與印文。都統副都統等。每勒指屬員。索取財物。請敕凡取

實錄卷二十三

本

印結。俱速行發給。亦應如所請。凡候補文書與領憑文書。俱於具呈之日。該都統等即日發給。違者交部議處。從之。陞鑲紅旗滿洲副都統兼倉場侍郎富寧安為正黃旗漢軍都統。以公馬爾賽為鑲紅旗護軍統領。調正紅旗護軍統領希思哈為正黃旗護軍統領。陞正藍旗滿洲副都統達爾占為正白旗護軍統領。調鑲黃旗蒙古副都統張庫為鑲黃旗滿洲副都統。奉天副都統覺羅阿爾圖為正白旗滿洲副都統。杭州副都統覺羅阿喇納為鑲黃旗蒙古副都統。西安副都統佛包為正藍旗滿洲副都統。以教漢故多羅郡王瓦爾達兄子鄂爾齋圖襲爵。壬子。陞內閣侍讀學士舒圖為內

閣學士兼禮部侍郎。○以浙江黃巖總兵官許國棟為京口左翼副都統。甲寅。陞製造庫郎中舒赫德為山西按察使。司按察使。○調貴州安龍總兵官林瑞為福建海壇總兵官。○陞江南京口將軍中軍副將李得勝為貴州安龍總兵官。○丁巳。陞盛京禮部理事官董國禮為都察院左副都御史。盛京兵部理事官席爾圖為通政使司通政使。○庚申。陞鑲紅旗漢軍副都統寧保為正紅旗護軍統領。調正紅旗蒙古副都統阿爾西為正黃旗滿洲副都統。鑲藍旗蒙古副都統戴米納為正紅旗滿洲副都統。鑲紅旗蒙古副都統婁徵額汪悟禮俱為滿洲副都統。右衛右翼副都統拜音佈為正紅旗蒙古副都統。荆州右翼副都統禪步為鑲紅旗蒙古副都統。正黃旗漢軍副都統新泰為鑲紅旗蒙古副都統。陞護軍叅領莫禮為鑲藍旗蒙古副都統。

實錄卷二十三

本

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二十二

實錄卷之二十二

五

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二十三

康熙四十四年乙酉十一月辛酉朔

上自暢春園回宮詣

皇太后宮問安 陞詹事府詹事二員為內閣學士兼禮部侍郎仍管詹事府事 授散秩大臣丹濟拉為扎薩克輔國公 馳驛前往推河策零旺布居處之地駐劄同內閣侍讀學士 殷扎納探聽策妄阿喇布坦信息如有舉動調附近喀爾喀 兵馬以防禦之○丁卯冬至祀

天於

實錄卷之二十三

十

園丘遣皇太子允初行禮○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○停止次日朝賀○戊辰

上詣

皇太后宮問安○己巳吏部題補授大學士吳興祿缺。

上曰吏部尚書兼管直隸巡撫事李光地居官甚好才品俱優授尚書年久著陞為文淵閣大學士江蘇巡撫宋學操守好不生事任巡撫年甚久著陞為吏部尚書○調河南巡撫趙宏燮為直隸巡撫○辛未工部議覆河道總督張鵬翮疏言九里崗埽工正當黃河頂衝最為緊要欽遵

聖諭於隄工釘椿處再建挑水壩二座應如所請從之○旌表直隸烈婦康氏拒姦殞命給銀建坊如例○壬申大學士等以鄂羅斯貿易來使齋至原文及繙譯之文進呈

上閱之諭大學士等曰此乃喇提諾托多烏祖克鄂羅斯三種

書卷三十三

上

文也外國之文亦有三十六字母者亦有三十字五十字者朕交喇嘛詳考視之其來源與中國同但不分平聲上聲去聲而尚有入聲其兩字合音甚明中國平上去入四韻極精兩字合音不甚緊要是以學者少漸至棄之問翰林官四聲無不知者問兩字合音則不能知中國所有之字外國亦有之特不全耳○陞太僕寺少卿郭琰為太僕寺卿○陞驍騎參領貫保為荊州副都統奉天協領發喀為奉天副都統護軍參領覺羅噶珥圖為杭州副都統西安協領索珠為西安副都統護軍參領馬爾代為右衛副都統○癸酉諭大學士等雲南貴州廣西四川選補官員日久未經到任以致地

方缺官者甚多應作何不至缺官九卿詹事科道會議具奏

○大學士等以蠲免湖廣錢糧上諭進呈

上問曰曾查此數年蠲免錢糧數目否馬齊等奏曰自康熙四十二年以來蠲免錢糧數目一千六百餘萬

上曰自吳三桂變亂之後民甚艱苦故朕累年蠲免錢糧民生優裕則國家太平矣爾等可查康熙元年以來所免錢糧總數來奏尋大學士等奏查自康熙元年以來所免錢糧數目共九千萬有奇報聞○諭戶部朕宵旰勤民庶思恩養惟務簡徵寬賦以期實惠黎元聞有州縣水旱不登即詔所司亟議蠲賑其直隸各省每歲應輸額賦有以次遞蠲者有頻蠲

書卷三十三

三

數年者有將帶徵積欠暫令停徵者凡以蠲除額賦專為小民樂業遂生一歲以內足不踐長吏之庭耳不聞追呼之擾庶幾休養日久馴致家給戶足而民咸得所也曩年楚省錢糧雖屢行豁免今已歷數載未經特蠲應將該省額賦全免一年以示朕加恩優渥之至意湖北湖南康熙四十五年除漕糧漕項外其餘地丁銀米一槩免徵舊欠未完者並停輸納爾部移文該督撫令各屬員張示徧諭窮鄉僻壤咸使周知倘有不肖官吏於額徵之外巧立名色別有科派私圖肥己者察出定治重罪爾部即遵諭行○甲戌

上詣

皇太后宮問安○新修國子監告成○

御書藝倫堂匾額題之○乙亥

上御太和殿視朝文武陞轉各官謝恩○丙子以喀爾喀故鎮國公派布阿喇布坦子索諾木巴爾珠爾襲爵○陞江南江西總督中軍副將仇機為浙江黃巖總兵官○工部議覆河道總督張鵬翮疏言王公隄當全黃大溜急宜建壩築隄以固河防應如所請從之○戊寅九卿議覆差往江南審事戶部尚書徐潮等審革職山安同知佟世祿復行叩閣告河道總督張鵬翮一案一議張鵬翮巧飾供詞失人臣禮應革職但係革職留任之員無庸議解任淮揚道王謙附會張鵬翮

實錄卷五十五

中

朦混巧飾○山安同知張陳珮欺隱應賠銀兩俱應革職杖徒

佟世祿任內並無誑支庫銀遲悞工程之處應復原職又一議工部右侍郎趙世芳議張鵬翮奏銷錢糧浮冒十三萬餘兩應革職交刑部審結餘如前議

上曰此案依前議張鵬翮量甚窄斷不肯認錯河工錢糧原不限數或一年水大則所需錢糧多水小則所需錢糧少謂張鵬翮小有所取亦未可知謂以十三萬錢糧入已必無之事也張鵬翮自任總河以來未嘗一遇大水今年黃水雖長而淮水未嘗長倘淮黃俱長豈能無慮乎河工恃乎用人用人善則何事不成張鵬翮所用之人皆不勝事始至如此也王

謙表陳珮等擬徒俟伊等賠銀償完之日具奏治罪趙世芳

奏事不公本發還聞趙世芳為今好事而剛愎如此等不利於事河道總督張鵬翮疏報臣遵旨閱看隄岸衝決民舍田地淹沒之處因五六月內雨水連綿故致淹沒入七月後天晴水消漫口堵完高地涸出二畝已種房舍修理安堵又丁溪迤下洩水入海甚速低田皆涸春耕有望下所司知之○已卯以工部右侍郎趙世芳為鑲紅旗漢軍副都統○庚辰

上詣

皇太后宮問安○

實錄卷五十五

中

上謁

暫安奉殿

孝陵命皇七子多羅貝勒允祐皇十三子胤祥隨駕是日啟行駐蹕南苑○以提督山西學政內閣學士汪灝為河南巡撫○調貴州巡撫于進為江蘇巡撫以都察院左副都御史陳詵為貴州巡撫○

御書程氏正宗匾額令懸楊時祠與學清節匾額令懸羅從彥祠靜中氣象匾額令懸李侗祠霜松雪柏匾額令懸胡安國祠紫陽羽翼匾額令懸蔡元定祠學闡圖疇匾額令懸蔡沈祠力明正學匾額令懸真德秀祠從福建學政沈涵請也○

辛巳。

上駐蹕烟郊○壬午。

上駐蹕三河縣城外○癸未。

上駐蹕薊州賈格莊○甲申。

上駐蹕臨河村○乙酉。

上由臨河啟行詣

暫安奉殿行禮奠酒舉哀次詣

孝陵行禮奠酒舉哀畢又至

仁孝皇后

孝昭皇后

孝懿皇后陵奠酒舉哀是日駐蹕遵化州湯泉○丙戌。

上駐蹕九天觀南○丁亥。

上駐蹕趙家莊○戊子。

上駐蹕遷安縣楊家莊○吏部議覆雲南巡撫佟毓秀等疏言

滇省廣南麗江二府百姓久歸版圖人民日繁尚未設學請

均設教授訓導各一員每府額取童生十五名其滇省土人

有願考者准以民籍應試應如所請從之○己丑。

上駐蹕汗爾莊

十二月辛卯朔

上駐蹕喇門噶山○授鎮國公準達女為鄉君塔滿青為鎮國

公壻秩四品○壬辰。

上駐蹕溧陽城○

上率諸皇子及善射侍衛等射並試烏鎗

上射則每發必中鳥鎗亦每發必中衆皆驚服喀喇沁多羅

杜楞郡王額駙噶爾臧等來朝○癸巳。

上出鐵門關駐蹕大屯莊○科爾沁和碩達爾漢親王額駙班

第來朝○甲午。

上進董家口駐蹕遷安縣劉村寨○陞詹事府少詹事王之樞

為內閣學士兼禮部侍郎太常寺卿周清原為都察院左副

都御史○乙未。

上駐蹕韓家莊○賜喀喇沁多羅杜楞郡王額駙噶爾臧科爾

沁和碩達爾漢親王額駙班第銀幣鞍馬○丁酉。

上駐蹕白堡店村○戊戌。

上駐蹕遵化州三屯營○己亥。

上駐蹕遵化州城東○庚子。

上駐蹕遵化州湯泉○辛丑。

上自湯泉啟行詣

暫安奉殿行禮奠酒舉哀次詣

孝陵行禮奠酒舉哀是日駐蹕薊州西葛頭村○以和碩裕親

王福全觀至黃花山遣諸皇子大臣侍衛等往迎奠酒○壬

寅和碩裕親王福全安葬。

上親臨奠酒舉哀。癸卯。

上駐蹕桃花寺。遣諸皇子大臣侍衛等祭和碩裕親王福全墓。陞盛京兵部理事官阿璽泰為盛京戶部侍郎。貴州安籠總兵官林孺以病乞休。允之。甲辰。

上駐蹕白澗莊。諭大學士馬齊曰。理藩院尚書常舒奏對時。舉止輕忽。殊失大臣體。著革退。這員缺。以領侍衛內大臣公阿靈阿兼管。巴林固山貝子烏爾占故。遣官致祭。乙巳。上駐蹕三河縣夏店。禮部議覆順天府丞勞之辨疏。言順天鄉試號房七千二百五十餘號。乙酉。科舉子進場者七千

有奇。恐後進場者多。而號房少。請於戊子科鄉試。令順天府先期查明題請酌量增置。應如所請。得旨。這增置號房所議甚當。但不應止交與順天府官員。科場事務係禮部專管。著禮部尚書以下官員與順天府官員公同料理。贈故南澳總兵官阮欽太子少保。予祭葬如例。丙午。

上駐蹕通州雙樹地方。丁未。

上駐蹕南苑。己酉。

上回宮詣

皇太后宮問安。添設四川重慶府同知一員。榮昌南川二縣典史各一員。裁夔州府同知一員。朝天白市二驛驛丞各一

員。庚戌。貴州巡撫陳詵陞辭。

上諭曰。貴州地小易治。雖有苗人亦無他事。但以文武和睦安靜不生事為要。清官多刻刻乃清官不足處。屬吏貪污固當叅劾。其居官平常者則須教誨之。邊方小省為大吏者不可見才。若生事顯才便非正理。爾切識之。宗人府題叅開散宗室對德校射時不到。應罰俸。得旨。聞對德無房居住。居於城外。是以未到校射之處。視宗室中有貧無以為生者如何使之得所。爾等覈議具奏。尋議現在宗人府有借放本銀六萬兩。所生利銀二萬兩。應查宗室最貧者以此利銀二萬兩酌量給與。從之。吏部題一等阿思哈尼哈番劉展以庸劣解退。查此職係劉展之祖達禮善巴圖魯所立。今削去三次恩詔所得之職。餘一等阿達哈哈番。應以其弟阿哈展承襲。得旨。達禮善巴圖魯著有勞績。以年老致仕。後又從軍効力。其三次恩詔所得世襲之職免其削去。著以劉展親弟戴齊禮襲二等阿思哈尼哈番。陞福建延平副將楊世懋為海壇總兵官。辛亥。諭領侍衛內大臣等。犬房頭領隆科多金勇吳達理帶領屬下人妄行。並不實心辦事。著議處具奏。尋議隆科多金勇吳達理俱應革去職銜。仍在犬房行走。得旨。隆科多著革去副都統鑒儀。使犬房頭領在一等侍衛裏行走。金勇著革職。牽犬。吳達理著降一級為三等侍衛。照舊行。

走○諭大學士等今年順天鄉試聲名不佳人或怨其不公又聞試卷不加圈點者甚多應試者各執落卷以示人又作草人至試官家門砍之觀其舉動人怨殆不可言矣果不點不圈可謂之閱卷乎想汪霽等亦無詞以對也朕在避暑處點汪霽姚士藹為正副考官以為出人意料朕親手封發當不復生弊矣由此觀之亦不在此但存乎其人之所行而已科場之設以為選擇人材之地於此事而行之不正雖學問優長何益之有汪霽姚士藹著解任以其考試聲名問九卿詹事科道至科道官乃朕倚為耳目而用之者也專在言職考官不閱試卷考試不公何不叅劾亦將此問科道官尋大學士等遵旨以汪霽姚士藹鄉試事問九卿詹事科道等據九卿等云汪霽等考試不公不閱卷人皆怨之是實據科道云聞怨汪霽之言但無實據是以未曾糾叅

上曰科場之事關係重大其弊不可不除朕於此事大加詳慎著將汪霽姚士藹交該部嚴加議處○陞內閣學士彭會洪為工部右侍郎以翰林院侍讀梅之珩提督順天學政左春坊左諭德魏學誠提督江南學政右春坊右諭德彭始搏提督浙江學政○順天府進春○壬子諭大學士等金世榮以年老陳奏凡年老者不令休致則其下官兵老弱者多福建將軍之任甚要金世榮著留總督任解去將軍另行開列

具奏觀漢軍官兵甚劣而人又少嗣後副都統叅領及省城協領員缺陝西等處漢人武職內人材壯健者甚多著將伊等一體開列爾等與八旗漢軍都統會同議奏尋議八旗漢軍副都統外省副都統缺出仍照定例開列應陞人員外將總兵官內陝西人職名一併開列京師叅領外省協領缺出仍照定例開列應陞人員外移咨兵部行取各省副將叅將內陝西人職名一併開列得旨依議直隸各省武職內凡應開者著一併開列○陞光祿寺卿李旭升為太常寺卿○乙卯

孝莊文皇后忌辰遣官祭

辛酉

十一

暫安奉殿○丙辰諭大學士等副都統祖良璧人材優長翁金之戰甚力著授為福建將軍○丁巳

上詣

皇太后宮問安 戊午歲暮裕祭

太廟遣領侍衛內大臣公坡爾盆行禮○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 遣官祭太歲之神 以翰林院編修趙申季提

督山東學政戶科給事中湯右曾提督河南學政編修趙晉

提督陝西學政山東道御史李紳文提督山西學政四川道

御史楊顥提督江西學政陝西道御史楊篤生提督福建學

政編修顧圖河提督湖廣學政檢討樊澤達提督廣東學政

編修宋衡提督四川學政檢討閻錫爵提督廣西學政編修

文岱提督貴州學政檢討魏方泰提督雲南學政○以冠軍

使秦布為鑒儀衛鑒儀使 已未賜朝正外藩科爾沁翁牛

特秦曼阿霸喀高齊忒扎魯特喀爾喀教漢巴林鄂爾多斯

喀喇沁吳喇忒厄魯特王貝勒貝子公台吉及內大臣大學

士侍衛等宴 旌表八旗節婦滿洲安太妻吳氏等二十三

人蒙古僧格妻李氏一人漢軍姜國英妻陳氏一人直隸各

省節婦王吉徵妻劉氏等七十人貞女梁氏等五人孝子黃

如雲黃金堦二人順孫楊帝側周士奇二人各給銀建坊如

例○是歲人丁戶口二千四十一萬二千五百六十田地山

蕩畦地五百九十八萬八千九百三頃五十二畝有奇徵銀

二千七百四十一萬六千六百六十八兩有奇米豆麥六百九十

七萬一千一百二十三石有奇草二百八萬一千六百九十

三束茶十五萬七千四百十二引行鹽四百三十一萬九千
四百七十五引徵課銀二百六十九萬七百二十八兩有奇
鑄錢二萬三千八百六萬五千九百有奇

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十四

康熙四十五年丙戌春正月庚申朔

上詣

堂子行禮還宮拜神畢率諸王貝勒貝子公內大臣大學士侍衛等詣

皇太后宮行禮御殿王以下文武各官外藩王及使臣等上表朝賀停止筵宴朝鮮國王李焞遣陪臣鄭載崙等表賀冬

至元旦

萬壽節及進歲貢禮物宴賚如例○丙寅

實錄卷二百二十四

世祖章皇帝忌辰遣官祭

孝陵○丁卯孟春享

太廟遣領侍衛內大臣公坡爾盈行禮遣官祭太歲之神

己巳九卿議覆江南江西總督阿山等疏言

皇上軫念國計民生悉心籌畫特頒訓旨於高家堰三壩下挑

河兩岸築隄束水入高郵邵伯湖其高郵州減水壩下亦挑

河束水由串場河入白駒等河入海泗州一帶被災地方亦

築隄束水不使泛溢竊查高家堰三壩其中隄相近現有唐

溝等河應於三壩下各開引河一道兩旁築隄引水至唐溝

河入寶應湖又查高郵運河減水壩之水自串場等壩由馬

飲塘入運鹽河出頭閘由興化之車路白塗海溝過串場河

下丁溪草堰白駒閘入海除海溝河見今深濶直達白駒閘

不必開濬外應將車路河白塗河淤淺之處開濬深通俾之

入海但高郵減水壩三座口門計寬一百八十丈丁溪草堰

白駒等閘口門僅寬十一丈九尺恐一時異漲宣洩不及應

自馬飲塘頭閘口分水使北入廣洋湖至射洋湖下海再於

泗州之西溜淮套開河使淮水分流兩旁築隄至黃家堰與

張福口水合使出清口此工開成則淮河之水勢既分不但

泗州盱眙積水稍減而洪澤湖之水不致泛溢亦可有利于

高家堰而漕糧商民船隻可免洪澤湖風波之險矣又查運

平集卷一百二十四

河水漲之時清江浦及淮安隄工猶有可虞應於文華寺地

方開引河至運河水長之際使之分流自楊家廟由白馬湖

楊家溝入清蕩湖至淮安城南所有濶河原係引運之河今

當挑深其濶河下所有清溝河於康熙三十五年被黃水淤

墊濶河之水流去者少淮安城內外積水尚出不盡應挑通

此處使由蝦溝口入海以上諸工約計需銀一百八十八萬

餘兩事關重大伏祈

皇上親臨指示等語欽惟河工重大需餉浩繁上下兩河之工

相距數百里所稱創興溜淮套一工其中情形尤難詳晰不

但臣等愚昧不知即該督等亦見識淺鮮不能酌議恰當若

非

皇上親閱指示實難成功臣等公同叩請應如該督等所題祈
皇上親臨河上指授方畧

上曰朕屢經躬閱河道凡河工利病地方遠近應分應合應挑
應築之處知之甚明邇者數次南巡瀕河官民不無勞擾因
此朕不必親往閱視阿山桑額張鵬翮等所看已屬周晰但
此項工程不應交與總河修築應多派大臣官員分工速修
著再加詳議具奏○辛未祈穀於

上帝

上親詣行禮○

書錄言部

平

上奉

皇太后幸暢春園○癸酉以上元節賜外藩科爾沁翁牛特索
曼阿霸垓萬齊武扎魯特喀爾喀教漢巴林鄂爾多斯喀喇
沁吳喇忒厄魯特主貝勒貝子公台吉及內大臣大學士侍
衛等宴九卿會議高家堰三壩下挑河築隄應如該督所
題興工具督工開列文武大臣俟

皇上簡選派出遣往至分工各官聽督工大臣簡選引見帶往
欽惟加築高家堰之隄盡開減水六壩使淮水俱從清口流
出建挑水壩逼黃流直向北隄陶莊開引河導黃河北流使
清水出清口又塞仲莊閘改建楊家閘束仲莊閘急流之水

不使黃水倒灌清口皆

聖主神謨睿算親臨指授故黃淮底績黎民得享安樂之福且
皇上南巡一切所用俱自內府備辦不動民間一絲一粒

御舟所至緯夫俱係見雇又加厚賞亦不勞一民凡臨幸之處
蠲徵宥罪加惠官民頒賜老少東南黎庶自望

皇上親臨臣等公同叩請應如該督等所題仍仰祈
聖躬親臨河上指授方畧

上曰九卿之議謬矣此河應開之處朕前已詳閱輿圖所見甚
明既無所疑往閱何為但該督等料估錢糧數目太浮宜令
核減爾等會議但言當照該督等所勘興工並未開明如何

書錄言部

中

動工及需用人夫之處所議俱草率著再議具奏九卿等覆
奏

上諭極是此工緊要非臣等所能灼知雖再議亦無端緒務求
皇上親行始於事有濟

上不允九卿等又奏

皇上屢次親臨河上不避風雨閱視隄岸原為萬世生民計也
今所議河工關係甚鉅務求

皇上親臨指授方畧

上曰朕不往巡亦因灼知地利之故朕為河務再四思維其他
處河道開濬尚易惟開溜淮套需餉浩繁若果有益於民見

在帑金充裕用一二百萬兩非朕所惜爾等其即議結具奏
○甲戌上元節賜外藩王貝勒貝子公台吉及內大臣大學
士侍衛等宴○乙亥

上詣

皇太后宮問安○已卯諭大學士等朕昔親臨河上欲往閱下
河因張鵬翮奏言斷不可往是以中止今即去仍然不能親
蒞其地則亦何事復往但河工錢糧斷不可交地方官當照
山東賑飢之例將八旗官及部院官內有行止端正者令該
旗大臣及部院堂官多行保舉派出再將江寧鎮杭州駐
防旗員亦著該將軍副都統保舉派出或副都統或協領帶

實錄卷二

上

赴工上其京城派出官員領戶部錢糧帶往各省派出官員
各就近地領錢糧帶往可派大臣督理工程所派官員每人
各給三千兩務令照三千兩工價分地開工如此始得河務
速成有利民生著九卿再議具奏至高家堰隄工若不預行
修治必有可虞已有旨諭張鵬翮而彼堅稱斷斷無慮若今
年不修治高家堰倘有衝決即開河何用此兩事中高家堰
尤為緊要爾等可將諭旨付挑河大臣轉交張鵬翮一併議
奏○辛巳賜朝正外藩王貝勒貝子公台吉等銀幣鞍馬有
差○壬午

上詣

皇太后宮問安○九卿等覆奏挑河事宜

上曰爾等所議尚有未詳至將情願往河工効力者令照山東
養民例尤為不可山東養民者名為捐助及其後皆無實際
所欠銀兩皆朕豁免況所去人員亦甚放縱今挑河之事俱
有丈尺稍或不實即悞公務而前去人員若仍行放縱尤貽
害於地方爾等於嚴行禁止之處並未議及著再議具奏○
免江南上元江浦二縣康熙四十四年分水災額賦有差○
乙酉

上詣

皇太后宮問安○九卿議奏高家堰三壩下及文華寺地方挑

實錄卷二

上

河建閘築隄又濶河清溝蝦溝挑河等工約估銀五十八萬
九百兩零保舉八旗部院官共一百四十四員俱令引見江
寧鎮杭州駐防官共四十九員各撥副都統一員協領二
員帶往協同監工其督工部院堂官伏候簡用速往興工京
城官員領戶部庫銀江寧等處官員各於本省藩庫領銀每
員派定三千兩計工均估務照式樣節省修築若招搖生事
怠緩遲悞督工大臣及該督撫奏嚴加議處有徇情隱庇
事發將原保大臣督工大臣總督巡撫一并嚴加議處其雇
倩人夫採買物料派地方官一同料理工完之日交總河防
守至溜淮套開河需銀一百三十九萬餘兩約畧估計甚屬

浮多。應交該督等核減具題另行請旨。得旨依議。著孫渣齋徐潮鐵圖赫申達爾華蔡毓茂前往督工。陞浙江温州總兵官李華為福州副都統。已仕

上詣

皇太后宮問安 吏部遵諭議覆順天鄉試正考官戶部右侍郎汪霽副考官贊善姚士嵩取士不公應均照溺職例革職永不敘用從之 陞陝西興漢總兵官何天培為正藍旗漢軍副都統

二月庚寅朔陞少詹事楊瑄為內閣學士兼禮部侍郎○以故奉恩將軍姚努之子根壽為奉恩將軍○旌表廣東海陽縣烈婦楊允昌妻潘氏拒姦被戮給銀建坊如例○辛卯

上詣

皇太后宮問安○壬辰刑部議覆差往湖廣郎中吳進泰等察審提標兵丁搶掠當舖一案為首之王貴等應斬立決為從之王漢傑等俱應斬監候原任布政使今陞太僕寺卿施世綸原任按察使董廷恩現任布政使董昭祚按察使郎廷棟等俱應革職提督俞益謨應降二級調用

上曰此風不可長也湖廣兵丁原皆良善後因武臣不能約束流弊至此豈可不嚴加懲治且地方官不將此案審明延捱推諉朦朧具奏殊為不合著將兵丁首犯王貴等依擬立斬

從犯王漢傑等俱依擬應斬監候秋後處決施世綸董廷恩董昭祚郎廷棟等俱著革職提督俞益謨居官好且在事發之後到任著降二級從寬留任 理藩院題喀爾喀固山貝子西卜退故查封西卜退冊書內並無世襲字樣伊子車步登應襲何爵伏候

諭旨得旨車步登著封為鎮國公○癸巳

上巡幸畿甸命皇太子允初皇長子多羅直郡王允禔

皇四子多羅貝勒 皇九子允禔皇十三子允祥隨駕自暢春園啓行是日駐蹕良鄉縣城外○以多羅安郡王馬爾渾為纂修

玉牒總裁官大學士席哈納陳廷敬禮部左侍郎邵穆布內閣學士赫壽為副總裁官○甲午

上駐蹕良鄉縣胡良河地方○乙未

上駐蹕雄縣孟良營○以吏部左侍郎李錄予為會試正考官

工部右侍郎彭會淇為副考官○丙申春分朝

日於東郊遣刑部尚書安布祿行禮

上自孟良營登舟至雄縣西關停泊○雲南提督偏圖因陞見

來京是日於途次迎

駕○丁酉遣大學士席哈納祭

先師孔子○

御舟泊雄縣南關○戊戌祭

大社

大稷遣兵部尚書馬爾漢行禮

御舟泊任邱縣趙北口○浙江巡撫張泰交以病乞休允之

陞左副都御史汪晉徵為戶部右侍郎○予故贈太子少保

福建海壇總兵官洪範祭葬如例○調鑲黃旗蒙古副都統

阿喇納為滿洲副都統陞驍騎參領伯索訥穆喇錫為正藍

旗蒙古副都統○工部議覆河道總督張鵬翮疏言肅縣黃

河南岸順河集一千大溜逼隄甚屬危險請將隄內舊月隄

加長以護險工又將縷隄加高以資捍禦再於上壩頭建磯

嘴壩一座以分水勢使大溜開行應如所請從之○己亥

御舟泊新安縣郭李口○庚子

孝康章皇后忌辰遣官祭

孝陵○辛丑先是擒厄魯特噶爾丹之子塞卜騰巴爾珠爾至

京

上赦其罪授一等待衛至是命阿達哈哈番覺羅長泰之女照

鎮國公女例授為鄉君妻之授塞卜騰巴爾珠爾為鎮國公

壻○壬寅

御舟泊新安縣段村○癸卯

御舟泊新安縣泉頭地方○甲辰陝西岷州衛圍覺等六寺番

僧進貢賞賚如例免江西新建等四縣康熙四十四年分

水災額賦有差乙巳

御舟泊趙北口丙午遣官祭

先農之神

御舟泊張新口丁未遣官祭

歷代帝王

御舟泊霸州崔家莊

上率近御侍衛等乘舟往閭靜海縣東子牙河隄○戊申

上閱子牙河還泊舟東安縣楚河港村○己酉

御舟泊武清縣白廟河岸是日天津總兵官藍理率標下官兵

迎

駕○賜扈從看守

孝陵內大臣鄂絡銀五百兩○庚戌

御舟泊武清縣上發村○辛亥清明節遣官祭

永陵

福陵

昭陵

暫安奉殿

孝陵

仁孝皇后

孝昭皇后。

孝懿皇后陵○諭大學士等曰侍郎阿璽奏派修馬家口隄工竟不在工所又不候駕於減水壩殊不稱職著革去侍郎仍在河上効力

上自上發村登岸駐蹕武清縣東北村○壬子

上回駐南苑○陞翰林院侍讀學士宋大業為詹事府詹事○陞荊州副都統諸滿為江寧將軍○陞護軍叅領納奇禮為

鑲黃旗蒙古副都統○陞湖廣鄖陽副將崔相國為浙江溫州總兵官陝西靖遠營副將曹曰璋為陝西興漢總兵官貴

州定廣副將林阜為福建南澳總兵官○工部議覆河道總督張鵬翮疏言淮安所屬山陽安東南岸李家莊一工近因

貴錄奉旨書

十一

大溜直逼隄根甚屬危險請於隄內建築月隄以為重門之障應如所題從之○青海固山貝子彭蘇克故遣官致祭○

甲寅

上回暢春園詣

皇太后宮問安○陞宗人府府丞江繁為都察院左副都御史

○陞廣西布政使王然為浙江巡撫以吏部左侍郎李錄

予充經筵講官○乙卯

孝昭皇后忌辰遣官祭

陵○丙辰京師地震○丁巳諭大學士等今歲山東河南山

西等省雨水調勻已經奏報惟近京一帶去歲三冬少雪今

春復無雨澤頃二十七日地又微震一切政事或有當更改

處爾等與九卿會同酌議具奏爾諸臣行事若有缺失亦當

各自反已力加省改○刑部議覆江南江西總督阿山疏奏

江寧府知府陳鵬年不將

聖訓供設吉地大不敬應將陳鵬年立斬得旨陳鵬年著革職

從寬免死來京在修書處効力○福建巡撫李斯義疏奏原

任海壇總兵官傅春秀婪贓勒索逼死守備張承繼先經總

督金世榮題參解任審擬今傅春秀倚恃原係總兵官職銜

狡口展辯請將傅春秀革去職銜審擬得旨著御史索鑄前

貴錄奉旨書

十二

往審理○翁牛特鎮國公齊旺多爾濟故遣官致祭○戊午

上自暢春園回宮

三月己未朔陞左副都御史董國禮為盛京戶部侍郎○陞

左通政馬士芳為光祿寺卿○陞刑科給事中滿普為陝西

按察使司按察使○福建巡撫李斯義疏報臺灣鳳山諸羅

三縣旱災

上諭大學士等曰臺灣地方窪下一遇亢旱即至歉收著將臺

灣等三縣糧米全行蠲免朕蒞政四十餘年留心諸務無所

不悉見窪下之地旱則不收水亦鮮獲不若蒙古田土高而

且腴雨雪常調無荒歉之年更兼土潔泉甘誠佳壤也○庚

申。

上御經筵講畢賜大學士九卿詹事及講官等宴（辛酉）
上幸暢春園詣

皇太后宮問安（壬戌）理藩院題請差大臣往內地五十扎薩
克并八旗察哈爾喀爾喀左翼車臣汗等十七旗會盟得旨
今年惟內地會盟著巴渾德安布祿伊道拉都渾去其喀爾
喀會盟著停止（大學士等會同戶部議覆據直隸巡撫趙
宏燮天津總兵官藍理奏稱若將直隸所屬荒田及下窪地
開墾為水田實萬世無窮之利請以江南等省軍徒人犯安
插天津照丁給田令其開墾應交與該撫等將直隸可以墾

實錄卷二百二十四

上

作水田之地一槩查明令其開墾江南等省軍徒人犯無多
應不分旗民南北之人有情願開墾者亦令照丁給與如有
用官員捐助牛種耕種者三年後升科如自備牛種耕種者
六年後升科其田給與開墾之人為業該撫等將每年所墾
田數查核奏聞

上曰此事著暫存貯可令藍理於天津試開水田俟冬後再以
此事奏聞

上又曰此處水田不比江南與寧夏澤州等處相似大都恃開
溝以引河水今直隸河道處處俱通若開通三河縣河亦可
直抵薊州今朕欲挑濬清河此河一開於右翼人眾亦大有

利益也（甲子）九卿遵諭議覆

皇上宵衣旰食加惠黎元歷年蠲除租賦每歲寬宥重刑大綱
小紀無法不修畿甸遐荒無微不至茲因近畿一帶冬月少
雪入春無雨又地偶微震特命臣等會同研求政事應行更
改者議奏臣等再三商確一切政務皆經

聖心裁酌次第舉行至詳至當實無應行更改之事且目前節
候方屆春深

聖懷如此殷切自當上召天和大獲甘澍獨是臣等奉職無狀
愆過甚多自今惟有交相警戒精白此心以仰副

皇上諄諄訓迪之至意而已疏令奉

實錄卷二百二十四

上

上諭朕總理幾務甚久茲年歲日益夙夜乾惕與日俱增自去
冬無雪及今春深尚未得雨地氣燥燥不和又雲色多細縷
朕知之既晰豈可不降諭旨此非僅無雨且恐別有災異
與其有災異而後講求不如君臣於未事之先將政事得失
任為己責竭誠懃忠詳加計議之為當也但數語頌揚虛辭
省改未可即以塞責夫民為邦本食為民命朕自東作以至
收穫屢念靡寧迨秋成以後豐歉既定然後此心少釋別為
計畫爾等俱係大臣或司言職事有缺失各宜直陳這所議
未詳盡著再行確議 丙寅

上詣

皇太后宮問安○九卿等復遵旨回奏今春稍愆雨澤上廛
宸衷深加警慮皆由臣工奉職無狀致陽春氣候失調惟有自
今以後滌慮洗心交相砥礪為大臣者果見部院事例或有
未當毋得因循憚改務竭公忠體國之誠居言路者果見吏
治民生或有未宜毋得緘默苟容務盡嘉謨獻納之實倘有
營私玷職尸位素餐即立賜處分以為曠官之戒得旨所奏
已悉○

上諭大學士等曰朕觀前史如漢朝有災異見即重處一宰相
此大謬矣夫宰相者佐君理事之人倘有失悞君臣共之竟
誣之宰相可乎或有為君者凡事俱付託宰相此乃其君之

實錄卷一百一十五

五

過不得獨咎宰相也康熙十八年地震魏象樞云有密本因
獨留面奏言此非常之變惟重處索額圖明珠可以弭此災
矣朕謂此皆朕身之過與伊等何預朕斷不以已之過移之
他人也魏象樞惶遽不能對當吳三桂叛時索額圖奏云始
言遷徙吳三桂之人可斬也朕謂欲遷徙者朕之意也與他
人何涉索額圖悚懼不能對朕之生平豈有一事推諉臣下
者乎至於巴圖魯公鰲拜過必隆為園地事殺尚書蘇納海
總督朱昌祚巡撫王登聯寬抑殊甚此等事皆朕所不忍行
者朱昌祚等不但不當殺並不當治罪也朕覽
世祖皇帝實錄陳名夏劉正宗魏裔介等輾轉恭劾此皆明代

之流習互相攻訐此等惡風不可長也○九卿議雲南貴州
廣西四川四省員缺若本省無應委署之員則委鄰省附近
官暫令署事俟部選官到日仍回原任

上曰如此議則官員到任仍至遲延令鄰省官署事則鄰省官
少又至懸缺當照年滿千總分發各省候缺著將此四省現
出知府以下員缺俱行察明單月掣籤補用至候缺官員論
省之大小缺之多少一省或十五人或二十三人均勻配算
亦歸單月一年一次掣籤分遣俟有缺出著該督撫指名換
次補授一面報部如未有缺出暫給俸候缺如此則員缺不
至久懸而於事有濟矣○丁卯

實錄卷一百一十五

五

上自暢春園回宮○陞太僕寺卿郭琿為都察院左副都御史
順天府府尹祖允圖為宗人府府丞○戊辰
上因無雨齋戒三日命禮部禱雨○陞大理寺少卿鹿祐為太
僕寺卿○歸化城都統扎喇克圖以老病乞休允之○已巳
以工部尚書溫達兵部左侍郎滿闡充經筵講官翰林院編
修勵廷儀充日講起居注官○辛故副都統散秩大臣布喇
祭葬如例加賜銀一百兩○禮部題據宗人府咨稱覺羅劉
禮霸妻瓜爾佳氏完貞守節應照例旌表從之○庚午雨
諭大學士九卿等曰雲南巡撫佟毓秀先任布政使時尚優
簡授巡撫以來居官不善著調回京聽用

上問戶部侍郎巴錫曰爾向不曾薦佟毓秀為賢耶巴錫奏曰臣昔在雲南與佟毓秀同事七閱月見其辦事甚勤是以臣奏稱其効力

上曰朕凡有所問必當諸臣之前爾在衆人前稱奏佟毓秀之賢今但言曾奏其効力待君之體可如是乎豈効力不謂之賢將不効力者謂之為賢乎辛未

上幸暢春園詣

皇太后宮問安○陞通政使席爾圖為盛京工部侍郎○壬申雨○以原任太僕寺卿施世綸為順天府府尹○乙亥諭禮部尚書席爾達等今年因旱祈雨雖已得雨尚未霑足自十

平定本言

平

平定本言

平

八日起齋戒三日再行祈請○丙子

萬壽節停止行禮筵宴○遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵○遣官祭真武東嶽城隍之神○

上詣

皇太后宮問安○戊寅策試天下貢士尚居易等於

太和殿前制曰朕撫御寰區寧寧圖治期臻久道化成之效所以澄敘官方漸摩民俗勤求康阜蕩滌煩苛者無不單心區畫而猶慮吏治之純雜不齊習俗之澆樸不一民生難盡底於盈寧庶獄難盡歸於平允四十餘年以來宵衣旰食未嘗一日釋諸懷也夫作吏之道在潔已愛民操履不飭則行檢俱隳其或市名立異自以綜核為能則民益滋累茲欲使大吏以及有司咸清白持身和平御下俾小民安食息之常而無獄市之擾宜何道之從歟沃土民逸瘠土民勞閭閻之恒情也為長吏者非時申教誡則無以警偷惰而息奢靡今欲轉移習俗敦幽風之勤而各修其業法唐風之儉而克終於禮將何以倡率之積貯者天下之大命古者三年耕必有一年之積故雖水旱偶侵其民恒足自給今者蠲賑屢頒而民間委積或寡豈其習於華侈而不知樽節歟抑有司視為具文而不知所以勸導之也茲欲比屋蓄儲而豐歉有備何施而可至於刑以弼教古聖王不得已而用之者也朕於小大之獄必平必慎每念民命至重務委曲以求其生乃四方奏讞或未協中而聽獄之吏至有恣用酷刑濫傷民命者何其慘而不德也斥殘刻而進慈良俾獄無冤民而治幾刑措必有道以處此大抵吏尚廉平則刑無憚虐民知勤儉則家

有蓋藏表帥董勸責在司牧爾多士講明於吏治民生者素矣其悉意以對朕將親覽焉○已卯雨○

上詣

皇太后宮問安 庚辰雨

上自暢春園回宮

上御乾清宮西暖閣讀卷官等以殿試卷進呈

上諭讀卷官等曰朕考試八旗舉人騎射僅八十餘人即取中進士十餘人未免太過漢人舉人數千人僅取中一二百名進士凡事當以均平為善而條陳者但言增額不言減額爾等定議具奏又諭曰朕往江南閱河擇彼處生監善書者令

軍機處

元

隨至京師赴鄉試而主考汪霽有心將此輩試卷另設一處既不閱文而屢請展期此即存私也凡試官當論文之優劣遑計其他耶又諭曰數科以來狀元俱不甚佳韓莢學問雖優而不自檢飭頗好飲酒為禮部尚書時司官筆帖式俱藐視之王式丹亦不檢飭而且懶惰但所學尚優耳

上親定一甲三名又閱不合式十一卷文理謬劣陶仁明馬芝秀兩卷諭曰陶仁明著黜革馬芝秀仍留舉人其十一人令再三年殿試著大學士等會同都察院併工部尚書溫達取陶仁明等硃墨卷校對并傳試官來問又諭曰此外尚有不堪者爾等再行察出諸臣隨又察出張勿我郭璜二卷進呈

命皆黜革○辛巳

上御太和殿傳臚賜殿試貢士施雲錦等二百八十九人進士及第出身有差

上幸暢春園 免湖南華容安鄉二縣康熙四十四年分水災額賦有差 壬午

上詣

皇太后宮問安 陞貴州黔西副將王鳳為大定總兵官 申陞雲南按察使劉蔭樞為廣東布政使司布政使 丙戌陞左通政張格為通政使司通政使 都察院左都御史兼管翰林院掌院學士事吳涵以病乞休允之○左副都御史

周清原奏請直隸各省建立育嬰堂以廣

皇仁從之○丁亥盛京戶部侍郎董國禮工部侍郎席爾圖陞

辭

上諭曰前因盛京衙門事務每至遲悞是以朕自京選擇大臣補授今聞官員辦事不勤爾等可往嚴察使朝參習射諸凡公事及圍獵不得有悞倘或不嚴朕有所聞爾等亦不能免罪 先是禮科給事中張大有條奏科場事宜

上命場後如有情弊指出參奏張大有於場後並無陳奏至是上命大學士等詰問之張大有入奏曰現今試卷俱在禮部不得目見故未知其有情弊與否聞令科考試亦小心謹慎無

庸臣條陳臣前所奏愚昧無知亦有何辯。

上曰爾非愚昧無知也爾果實心為科場事理當預先早奏直至臨場其疏不過意圖紛更耳此尚可謂之愚昧無知乎且使爾試言之爾所條奏有一事當理否果有一事當理則爾所條奏即是矣爾自言不得閱卷是以未有所見以朕揆之爾即閱卷未必能分別也著交吏部議處尋部議張大有應降二級調用從之○大學士都察院及工部尚書溫達等遵旨察議會試主考官李錄予彭會洪同考官李紳文謝藩閔中寬等以陶仁明等四人不堪試卷取中進士不可謂之無弊擬李錄予等離任李紳文等革職會同刑部嚴審

李錄予等

主

上諭曰朕觀會試正主考係北人則必取北人為首係南人則必取南人為首可謂之無私乎今年科場行賄者想亦無有但中所不當中故人心不服陳廷敬奏曰閱會元文章首篇一千二百餘字文亦不佳向來作文不得過六百五十字所作違例豈可取中乎不善衡文是以致此會元尚居易亦應黜革

上曰爾等察議甚當如所議行○偏沅巡撫趙申喬疏言布政使董昭祚按察使郎廷棟俱於湖廣兵丁鼓譟索革職但伊等居官勤慎廉潔懇請留任俾圖後效得旨董昭祚郎廷棟俱革職從寬留任○

上諭大學士等曰近覽科臣鄭際泰條奏不諳事務其言八旗兵丁盼望賞賚宜加恩賜前朕大賚兵丁乃敕詔覃恩也今無故而屢加賞賚則兵丁必驕矣因兵丁冀望而即行賞賚若屢有冀望即屢加賞賚乎鄭際泰又言當設飯廠賑濟貧民夫設立飯廠賑濟在冬月則可若春間農務方興貧民俱至飯廠就食則無租田耕種之人矣豈不誤農事乎況聚集數十貧民在一處賑濟萬一劫奪驟起何以止之朕是以前遣官數百員往山東分行賑濟方能裨益賑濟之事奇輕言乎○予故原任盛京戶部侍郎法特哈祭一次

李錄予等

主

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十四

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十五

康熙四十五年丙戌夏四月戊子朔享

太廟遣領侍衛內大臣公阿靈阿行禮酉時日食己丑上詣

皇太后宮問安辛卯諭兵部國家綏靖疆圉安輯軍民惟專闡元戎是賴有實能久鎮邊境懋著勞績者則獎勸酬庸宜踰常格貴州提督李芳述自應行間二十餘載屢立戰功及黔省莅事以來御軍有法訓下知方威望蔚聞謀猷益殫矧年稱耆宿現今舊將閱歲之久罕與競倫用沛殊恩特彰優異著加太子少保授為鎮遠將軍以示朕褒寵勞臣至意爾部即遵諭行○癸巳諭吏部選拔庶常原以教養人才儲備任用庶吉士王誥等教習日久今加考試滿漢書俱未精通學院學士揆敘等督課不嚴交都察院議處其文義粗通者除王式丹已授修撰外滿書庶吉士楊允奇劉師恕王景曾史貽直陳邦彥廖廣謨薄有德蔣肇陳世倌王誥漢書庶吉士吳廷楨劉嚴宋奎楊萬程俱照例授為翰林院編修檢討仍宜不時勤加學習涂天相謝履忠馮汝為柯喬年萬民欽李天祥劉圻楊緒萬經吳相李堂劉祖任王邁朱書伊泰兩庫才佳高其傳董泰何煒文義荒疎俱不准授職再教習三

實錄卷之二十五

實錄卷之二十五

二

年成度阿進泰耿古德文字俱劣俱革職以左副都御史

郭琛為雲南巡撫以原任廣西布政使李濤補原官甲

午陞護軍參領恩塞為荊州副都統乙未授多羅直郡王

允從女為郡主塔多爾濟色楞為和碩額駙兵部議先經

四川提督岳昇龍疏言土司坦朋吉卜等領兵同克打箭爐

賊應照定例優加陞賞查濁瓦寺安撫使坦朋吉卜天全招

討使高一柱俱係革職護理之員征打箭爐有功應准復還

原職其董卜韓胡宣慰使雍中七立係從三品應授署都督

僉事管宣慰使事其天全副招討使楊自唐係正六品應授

宣慰使俱給與勅印從之陞兵部左侍郎梅錫為都察院

左都御史授一甲進士施雲錦為翰林院修撰呂葆中賈

國維俱為編修以喀爾喀故鎮國公齊賓阿拉卜坦兄子

顏朱卜多爾濟襲爵己亥大學士等會同戶部議舊小

制錢錢價甚賤不便於民奉有諭旨應暫動支戶部庫銀十

萬兩由戶部差官會同五城御史收買舊制錢俟錢價既長

奏聞

上曰欲平錢價此外更有良法否大學士等奏曰民間聞收買

之說錢價既少昂以此揆之此策甚善

上曰朕細思之此外更無良法今錢價賤者皆私錢多之故也

果欲力禁私錢何難之有明代尚能行紙鈔豈有不能禁私

錢之理。但與其嚴行禁止。毋寧和平處置。在京收買。准爾等所議。至天津。臨清地方。亦當遣賢能官各一員。即支該地方餉銀各一萬兩。收買。專差侍郎。穆丹督買。視錢價貴後。不時奏聞。又聞山陝兩省。販去大制錢甚多。著行文山陝直隸督撫。查察緊要關口。嚴令擒拏。如被獲時。將販運之人。從重治罪。毋得輕恕。○九卿等遵旨議覆雲南貴州廣西四川四省官員空缺甚多。嗣後知府以下。知縣以上。員缺。凡候選人員。內有願往効力者。遞呈之後。令彼掣籤。雲南廣西各二十二員。貴州十五員。四川四十員。預先遣往。缺出。則該督撫照名次補授。如無情願効力者。則令雙單月投供者掣籤遣往。俱於每年五月初十日内掣籤。

上曰。此議未當。向因四省員缺。規避者多。故嚴立條例。恐猶有規避之人。爾等乃議定月分掣籤。必生巧計規避。俟五月四省員缺。選完之後。然後投供。此事不可限定月分。每年自正月起。投供官員到齊。後即來請旨。俟朕命下。使彼掣籤。如此則不能規避矣。○陞參領道福塞為杭州副都統。○辛丑。以原任湖北按察使李華之為貴州按察使。司按察使。○壬寅。陞理藩院郎中慕成額為都察院左副都御史。○雲南巡撫佟毓秀。疏奏布政使佟國勳貪劣。命革職提問。○甲辰。

孝端文皇后忌辰。遣官祭。

昭陵。○命戶部尚書徐潮。兼管翰林院掌院學士事。○禮部遵旨議減八旗進士額數。今應仍照康熙二十六年舊例。滿洲蒙古取中四名。漢軍三名。從之。○丙午。平故內閣學士南塔海祭一次。○己酉。

上詣

皇太后宮問安。○以原任雲南按察使張聖猷補原官。○辛亥。雲南巡撫郭琰陞辭。

上諭之曰。雲南乃極邊地方。以爾賢能。特加簡用。爾往當小心辦事。雲南糧食豐足。地方太平。爾但當加意愛惜兵民。不得生事。既為督撫。必不至衣食缺乏。前任督撫一味欺蔽。爾當

以此為戒。○湖廣總督石文晟。摺奏容美土司田舜年私造宮殿。暴露姦淫不法各款。

上諭大學士等曰。頃湖廣總督石文晟。劾奏土司田舜年縱恣不法。昔吳三桂之亂。田舜年畧無舉動。即此一端。甚為可嘉。今石文晟有此劾奏。或因田舜年與地方官不協所致。其中恐有虛誣。此摺且暫停批發。○轉吏部右侍郎王九齡為左侍郎。陞內閣學士張廷樞為吏部右侍郎。左副都御史周清原為工部右侍郎。○癸丑。

上詣

皇太后宮問安。○乙卯。諭翰林院選拔庶常。原以作養人材。今

科進士特加簡院。俞兆晟吳士玉彭廷訓喬崇烈蔡學溱
鄒奕鳳王之濬顧秉直趙士英祝翼機俞長策吳關杰戴
思訥嵇曾筠熊本楊開沅宮鴻厯莊令輿查嗣庭索泰鄭
任鎬王墓湯之旭衛昌績王兆鳳陳均劉青黎彭維新錢
榮世李鍾我馬豫邵起新張懋能王思訓李學閔史尚節
潘楷李日更杭宜祿常生韓鳳聲洪晨孚王璠蔣綱壽致
潤謝王寵尚彤庭徐能容王俊朱標等五十名著改為庶
吉士并修撰施雲錦編修呂葆中賈國維分別滿漢書教
習○轉兵部右侍郎曹鑑倫為左侍郎陞廣西巡撫蕭永
藻為兵部右侍郎○丙辰湖廣總督石文晟疏言容美司

實錄卷一百一十五

五

土司田昞如乃貪庸惡劣被參革職拿問之人。今據桑植
宣慰司土司向長庚詳稱由昞如主僕二人逃在伊處。及
臣屢次檄行解審。而土司向長庚竟不將田昞如起解。反
捏稱田昞如臥病不能前往。至原任土司田燁年既將伊
子田昞如題參革職。理應將伊子正妻所生長孫申詳襲
職。今該土司報稱康熙四十年已將長孫田宜男名字報
部。其時田宜男年方十二歲不久病故。因田宜男名字乃
祖父所命。不忍改易。故將次孫仍名田宜男。今實七歲。如
開送確實年歲恐部駁查。據此由燁年明有欺隱誑報之
罪。

上諭大學士等曰石文晟前劾土司田燁年何不同此摺一
併具奏。乃作兩次參劾。又摺內不言兩巡撫專請交提督
審問。此必有故。從前吳三桂自水西烏蒙土司地方進兵
取雲南。因知其地產銀。遂於康熙初年奏請進剿水西。後
得其地分為四府。我軍於是後亦大有損傷。今此事雖小
斷不可生事。爾等將前後奏摺及土司呈詞抄發湖南巡
撫趙申喬湖廣提督俞益謨令其不必會同商議。各出已
見作速具奏。○丁巳陞江蘇按察使高必宏為雲南布政
使司布政使
五月戊午朔

實錄卷一百一十五

六

上詣
皇太后宮問安○工部議河道總督張鵬翮修理攔河壩不用
葦蕩營蘆葦而用帑銀採買其奏銷之案應駁回。
上諭大學士等曰前者總河靳輔等俱將河上所有蘆葦令葦
蕩營兵割取運往備用。今張鵬翮用人不當不能運致蘆葦。
朕每南巡見張鵬翮如有緊急工程即鼓舞旗員兩三日內
運致物料完工。許以事成定行保奏。後仍保舉漢官。是以人
皆怠沮。夫人盡力辦事而薦揚不及誰復肯為効力。朕去歲
視南河時曾於衆人前言高家堰隄工不堅尚宜增築。張鵬
翮對以河工已竣斷然無害。朕謂爾雖言工竣朕不能信。及

後陵工潰決幸是唐堧六壩上流若在下流如何堵禦康熙七年九年二十二年七里溝清水潭龍窩等處衝決之時其水甚大去年水不甚大然而衝決者皆張鵬翮自以為河工已竣玩忽之所致也 己未陞福建浙江總督金世榮為兵部尚書 庚申

仁孝皇后忌辰遣官祭

陵 陞太常寺卿李旭升為都察院左副都御史 癸亥以翰林院侍講鄒士聰提督山西學政 兵部議覆福建浙江總督金世榮疏言浙江湖協兵少官多請將右營都司一缺裁去應如所請從之 甲子封和碩簡修親王雅布之子喇布

丹為鎮國公授固山貝子蘇努之子蘇爾臣為三等鎮國將軍 以經筵講官戶部尚書兼管翰林院掌院學士事徐潮充日講起居注官 丙寅

上詣

皇太后宮問安 陞山東布政使梁世勳為廣西巡撫河南按察使高啟桂為山東布政使司布政使直隸天津道蔣陳錫為河南按察使司按察使山東濟寧道張伯行為江蘇按察使司按察使 己巳夏至祭

地於

方澤遣領侍衛內大臣尚之隆行禮

上詣

皇太后宮問安 庚午遣官祭

關聖帝君 命內閣學士二高戶部尚書徐潮教習庶吉士

陞詹事府太常寺卿 內閣學士兼禮部侍郎 辛未以吏部

右侍郎張廷樞內閣學士楊瑄俱充經筵講官 陞會都御

史阮爾詢為太常寺卿 喀爾喀多羅貝勒西弟希里故遣

官致祭 戶部尚書凱音布以年老乞休 慰留之 壬申刑

部議覆廣東廣西總督郭世隆疏言海寇蔡三十二等聚眾

劫掠商船今已擒獲分別定擬斬流應如所題得旨此案著

刑部侍郎常綬前往審明定擬具奏 原任容美土司田舜

年疏言臣暮年始生子田昞如愛惜太過不知其惡是以題

請承襲土司而田昞如襲職之後惡跡盡露臣乃摘田昞如

土司之印拘禁之一而申詳督撫一而題參革職後奉

聖旨准由宜男承襲有臣營家桑植宣慰司宣慰使向長庚誘

田昞如逃往伊處又揚言送往容美為土司恐嚇臣屬下人

其子又年幼不能鎮定人心猜疑屬下土司軍民俱恐田昞

如報讐紛紛告請將臣第三子田曜如為土司臣赴省見總

督申說情由總督即以臣為與向長庚互訐違悞欽奉交司

道官將臣看守祈

皇上俯憐准以土司之職使臣第三子田曜如承襲審究向長

庚藏匿要犯之情。以肅法紀。得旨。此事作速發往問。趙申喬
俞益謨。○癸酉。以原任禮部左侍郎羅察為正黃旗蒙古副
都統。甲戌。

上詣

皇太后宮問安。○諭大學士等。閩省海疆與臺灣相近。總督職
任必得才兼文武之人。乃可原任總督金世榮為人忠厚。居
官雖無惡處。然無才不能治事。去年福建小有旱災。金世榮
並未舉奏。其奏改海中商船式樣。雖奉准行。亦不能改。廣東
之賊。沿海直至山東。金世榮恬然不知。殊有忝總督之任矣。
順治十六年海賊犯江寧。宜永貴守瓜洲。後鎮江已陷。而宜

永貴堅守瓜洲。終能保全。大都地方官平時無不自矜。及至
有事。茫然無知。苟且塞責者多。前福建提督塞白禮尚似可
用之人。及耿精忠叛。彼畏懼託病不出。封疆大臣可以如是
舉動乎。○諭戶部。朕宵旰圖維。勤求民隱。每欲敷蠲貸之恩。
以為閭閻留餘之力。直隸山東地方。康熙四十二年。偶遇
災沴。因特免山東康熙四十三年。四十四年額賦。並康熙四
十一年以前積欠錢糧。直隸則順天河間兩府。康熙四十四
年額賦。亦俱行豁免。今雖屢年收穫。民氣漸舒。而所有宿逋。
尚應輸納。朕念黎元方有起色。辦賦猶艱。若一時新舊並徵。
勢難兼應。宜更加寬恤。以弘休養。直隸自康熙四十一年。至

四十三年。各府屬未完民欠銀八萬二千七百兩。有奇。糧五
千九百石。有奇。山東省康熙四十二年。各府屬未完民欠銀
一百六十九萬一千七百兩。有奇。糧五千九百石。有奇。或現
在徵收。或分年帶徵。俱著通行蠲免。俾小民悉除逋負之累。
倘應徵舊欠。有現完納在官者。即准抵本年正賦。諭旨到日。
各該撫速行所屬有司。徧示曉諭。有不肖官吏。濫混徵收。不
與開除。明白者。該撫即時叅劾。嚴加治罪。爾部即遵諭行。○
工部議覆河道總督張鵬翮疏言。山陽縣黃河南岸老壩口
險工。與王公隄唇齒相依。今王公隄已遵

上諭建築挑水壩挑開大溜。請於老壩口再建挑水壩一座。又

接築攔水隄工。應如所請。從之。○丙子。

上自暢春園回宮。○工部議覆河道總督張鵬翮疏言。宿遷縣
黃河南岸白洋河毛家宅隄。因北岸新長沙灘逼溜南行。
一線土隄難支捍禦。請於隄外建築挑水壩二座。挑溜開行。
以保隄工。於二壩後各築撐隄一道。應如所請。從之。

上幸暢春園。丁丑。

上詣

皇太后宮問安。○以福建陸路提督梁萬為福建浙江總督。
戊寅。

上巡幸塞外。命皇太子允初。皇長子多羅。直郡王允禔。皇十三

子胤祥皇十五子允禩皇十六子允祿隨駕自暢春園啟行。

是日駐蹕三家店。庚辰。

上駐蹕密雲縣。癸未。

上駐蹕遼寧。予故兵部尚書屠粹忠祭葬如例。乙酉。

上出古北口。駐蹕兩間房。

六月丁亥朔。

上駐蹕鞍子嶺。諭修國史諸臣開國功臣作傳當因其事蹟先後以定次第。若視功績分次第。或有本人功績少而子孫功績多者。反置子孫於前列可乎。今應分別。

太祖

太宗

世祖三朝功臣。以何人居首請旨再定。至逮事

三朝功臣。各於本人傳內通行開載事蹟。其子孫有立功者附

載於下。俟作傳畢可錄出分給其子孫各一通。令藏於家。

戊子。

上駐蹕王家營。己丑。

上駐蹕花峪溝。以太常寺卿阮爾詢為宗人府府丞。辛卯。

上諭大學士等曰。工部侍郎穆和倫觀其為人。一無知識。而又

執拘叢條奏山東地方多烏鎗火器。宜行禁止。并解入官。復

欲遷山東飢民於他省。朕謂山東百姓撫養有素。倘或有變。

朕即可傳檄而定。烏鎗等器收取何為。若遷飢民於他省。則

山東虛無人矣。穆和倫語塞。然尚以不納所言為憾。察其情

狀。竟似病狂之人。昔給事中莫羅雅齊納並無緊要之事。每

託辭密摺。欲獨行進奏。朕以向來起居注官從不迴避密奏

之事。因令近前侍立。以聽所言。自此伊等遂不奏一事。此特

欲外人不聞所言何事。則此一日之陞降官員皆以為伊等

舉劾之力耳。此種人品。行甚不堪。問也。○癸巳。以內閣學士

楊瑄兼詹事府詹事。○偏沅巡撫趙申喬湖廣提督俞益謨

遵旨覆奏。容美司土司田舜年不法各款。請命大臣往審。得

旨著都察院左都御史梅鋐內閣學士二品前往察審。○甲

午。阿霸垓多羅郡王吳爾占噶喇卜來朝。○己亥。

上駐蹕喀喇和屯。○吏部題。等精奇尼哈番仲申保以病解

退銷。去恩詔所得三拖沙喇哈番。餘三等精奇尼哈番令其

子寶德襲替。從之。○辛丑。科爾沁多羅水圖郡王達達布扎

薩克台吉葛勒爾來朝。○壬寅。諭戶部。工部。戶部。工部。凡咨

取錢糧事。俱不奏聞。所以二三十萬銀兩。不過以一咨文取

之。而事已畢。嗣後著戶部。工部。將不啟奏用咨文動支大小

款項。錢糧。於月終。明白彙奏。則凡事知所儆畏。而錢糧大可

節省矣。○喀喇沁和碩端靜公耒來請安。○翰林院編修

顧悅履充日講起居注官。○陞直隸天津總兵官藍理為福

建陸路提督○甲辰土默特多羅達爾漢貝勒馬喀米朝○
乙巳喀喇沁鎮國公善巴喇錫來朝○丙午喀喇沁多羅杜
楞郡王額駙噶爾臧來朝○戊申湖廣總督石文晟疏言原
任容美司土司田舜年來省臣令藩臬二司暫行拘留隨因
中著病故又查田舜年降逆賊吳三桂時以其印繳吳三桂
及投誠後於康熙二十年鑄印頒給今驗其印乃康熙元年
所鑄其中情弊難逃

聖鑒得旨此兩事俱發梅鋐等一併察審具奏○庚戌翁牛特
多羅杜楞郡王額駙蒼津來朝○辛亥以

福陵噶喇大孫珠為

福陵總管○事故浙江巡撫張泰宏祭葬如例○甲寅旌表山
西烈婦王氏拒姦殞命給銀建坊如例○工部議覆四川巡
撫能泰疏言瀘河安樂地方建鐵索橋告成請移化林營沈
村防守千總一員兵一百名鎮守應如所請

上諭大學士等曰往達賴喇嘛地方途中鐵索橋甚多是以安
樂地方亦如彼處建鐵索橋然此處之橋與雲南鐵索橋不
同雲南地方於兩石崖貫鐵索建橋極其堅固今安樂地方
立石柱貫鐵索為橋久之恐未必堅固耳其移兵防守之處
著照該撫所請行○翁牛特多羅達爾漢載青貝勒額爾特
布鄂齊爾等來朝

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二十五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十六

康熙四十五年丙戌秋七月丙辰朔享

太廟遣內大臣鄂齊禮行禮 丁巳諭大學士馬齊朕自親政以來斷不許人懷挾私讐互相陷害是以三四十一年間無大臣互訐之事此一端朕心頗以為善凡誣陷人及攻城屠戮人者縱使其身倖免於禍子孫斷乎不昌近觀貪官受報亦復如是從前督撫如屈盡美等皆以貪故其子孫極貧困不能自存或有學道考試不公而所生之子凡書讀過即忘並有瘡啞者天道甚可畏也前次考試時朕有所素知之人與

考朕恐使人知之則必取中故不以告人凡人功名所繫去取但欲其秉公耳朕尚以孤寒抱屈為念試官何不一計及於此乎 兵部議覆原任雲南貴州總督今陞戶部侍郎巴錫請恤進征紅苗陣亡被傷官兵一案應俟該督分別議奏之後再議

上諭大學士等曰進征紅苗陣亡被傷官兵席爾達所奏極明何俟督撫具題遲延日月彼時督撫俱已更換若俟伊等分別議奏其事必致遲久官兵不得沾實惠矣著將兵部堂官嚴飭行 戊午封下嫁翁牛特多羅杜楞郡王蒼津公主為和碩溫恪公主授蒼津為和碩額駙 庚申

上駐蹕熱河上營 辛酉戶部侍郎穆丹遵旨覆奏差官齎銀收買小錢天津臨清等處地方錢價已長但五城民人行用之錢攬和小錢者尚多以致制錢不能長價

上諭大學士等曰查等小錢乃五城提督府尹專司之事查等疎忽是以仍用小錢若不將伊等治罪則弊將不止著將五城官員提督府尹交都察院嚴加議處 甲子宗人府題和碩簡親王雅布側妃所生女配與李林請照多羅貝勒之女品級封為多羅郡君嗣後王貝勒側妃所生之女俱減二等授封得旨依議凡衣飾車轎儀仗等物俱照所降等級定議遵行 禮部題多羅信郡王董額薨逝請加卹典

上諭大學士等曰董額補授都統襲封王爵以來並無感恩効力之處且原係軍政問罪之人不准賜卹其王爵亦當論嫡長所生應以前信郡王鄂扎之子德昭襲封 陞直隸石匣副將師懿德為天津總兵官 乙丑

孝懿皇后忌辰遣官祭

陵 丙寅泰曼多羅達爾漢郡王班第教漢多羅額駙扎木肅來朝 丁卯四川陝西總督博爾濟疏奏原任興漢總兵官今陞正藍旗漢軍副都統何天培任總兵官時興安城內失火伊標下兵丁乘便搶掠此皆平日約束不嚴所致有玷職守得旨何天培著革職 庚午中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵

上駐蹕喀喇和屯。雲南鶴麗總兵官劉廷傑以老乞休允之。

○壬申歸化城都統倭赫來朝。○癸酉浙江道御史袁橋疏

叅山西巡撫噶禮居官貪婪各款得旨著噶禮明白回奏。

青海多羅郡王額爾克巴爾都爾故遣官致祭。丙子調鑲

白旗蒙古副都統殷達為正藍旗滿洲副都統陞護軍叅領

赫雅圖為鑲白旗蒙古副都統。丁丑刑部議覆奉差福建

審事監察御史索鑄疏言臣奉旨察審原任海壇總兵官傅

春秀婪贓勒索逼死守備張承續是實但傅春秀已經病故

無庸議勒索贓銀入官過付把總趙龍等分別徒杖治罪應

如所題從之。科爾沁多羅郡王代布等來朝。己卯

上諭大學士等曰侍郎穆和倫人不甚惡但其性執拗耳朕聽

政四十餘年何人不知何事不歷似此執拗之人即如是而

止猶可倘有大事必至貽誤而伊身亦罹禍矣昔經畧莫洛

於事敏達而騎射亦優人材壯健但偏執已見莫洛欲率伊

所招綠旗兵丁進剿其時王輔臣諫云召募之人不可信用

莫洛言我所用之人有負我者乎朕所遣納爾泰亦在彼力

勸阻之莫洛謂納爾泰童穉何知不聽與莫洛同行之員外

郎薩哈連馳報至京朕謂之曰汝速往諭經畧斷不可輕率

兵前進進必有變莫洛執意欲行至寧羌州地方生輔臣標

下官兵鼓譟莫洛遂身被其害于成龍亦妄帶人至河上自

謂所帶之人斷不負彼而信用之後皆貽誤故凡執拗輕信

之人未有不悞厥事者也。○旌表漢軍烈女劉啞吧女劉氏

拒姦殞命給銀建坊如例。○庚辰

上駐蹕喇門噶山。皇子允禔生。喀爾喀多羅郡王納木扎

爾來朝。壬午

上出行宮率諸皇子及侍衛善中諸人員射繼令天津總兵官

師懿德宣府總兵官康泰等射賜善中三等侍衛哈達納護

軍校金保住等衣服各一襲。巴林和碩榮憲公主來請安

陞江西按察使黃明為浙江布政使司布政使。以原任

雲南按察使新陞廣東布政使劉蔭樞改補雲南布政使司

布政使從雲南貴州總督貝和諾請也。癸未

上駐蹕博洛和屯。烏朱穆秦輔國公滾布扎卜來朝。○乙酉

福建陸路提督藍理天津總兵官師懿德陸辭

上諭藍理曰福建近海關係緊要曩時諳練海戰者猶有其人今則寥寥矣且天下承平日久人皆貪於逸樂若不時加訓練萬一有事欲令其捨命冒險難矣爾當小心約束勤於操練務期兵民輯睦又諭師懿德曰天津地方近在京師昔趙良棟為天津總兵官時甚善爾但以為法足矣爾年既壯人材亦健但當以驕傲為戒使無悞公事吏部題一等精奇尼哈番瑚錫布病故銷去恩詔所得四拖沙喇哈番餘一等阿思哈尼哈番令其子馬爾戴襲職從之

八月丙戌朔

上駐蹕張三營○丁亥遣大學士陳廷敬祭

先師孔子○戊子祭

大社

大稷遣戶部尚書凱音布行禮

上駐蹕蘇賽包地方福建水師提督吳英以老乞休慰留之

己丑

上駐蹕拜布哈和洛庚寅

上駐蹕西爾哈烏喇岱交界地方辛卯

上駐蹕西爾哈和洛壬辰

上駐蹕奎屯郭爾地方○予故江寧將軍達佳祭葬如例督

修上下兩河工程都統孫渣齊等題臣等遵旨將高家堰滾

水壩高郵車邏中壩及文華寺澗河等工皆已分與京中派

出官員如式修理次第告竣業經會同督撫驗明交與河道

總督張鵬翮取具印領訖下所司知之○癸巳

上幸巴顏爾圖追地方翁牛特諸台吉及眾蒙古列跪道左奏

言臣等翁牛特地方向來謀生甚艱蒙

皇上遣官訓以謀生之道禁止盜賊加以養育又賜牛羊使孳

生蕃息臣等俱已各得其所矣今公主下嫁多羅杜楞郡王

蒼津又蒙

聖駕親臨光榮無比合詞迎

駕歡呼動地是日

上駐蹕和碩溫恪公主第○甲午

太宗文皇帝忌辰遣官祭

昭陵○乙未

上駐蹕希卜楚昂阿地方○丙申

太祖高皇帝忌辰遣官祭

福陵

上駐蹕努湖代昂阿地方○予故杭州副都統一等精奇尼哈

番胡錫布祭葬如例○丁酉

上駐蹕哈畢爾漢達巴漢昂阿地方○戊戌科爾沁和碩卓禮

克圖親王已特麻多羅冰圖郡王達達布土默特多羅達爾漢貝勒馬呢等來朝 己亥

上駐蹕布爾哈蘇台昂阿地方 先是提督山西學政鄒士璉

因巡撫鳴禮為御史袁橋劾代士氏具疏保留至是御史

蔡珍疏參鄒士璉身係學臣職在衡文若黜陟大吏權由

天子乃借此代題結交撫臣將來朋比營私勢必無所不至請

敕部議處以肅官方下部察議 轉兵部右侍郎殷特布為

左侍郎陞內閣學士恩丕為兵部右侍郎 陞直隸真定副

將郝偉為雲南鶴麗總兵官 辛丑

上駐蹕巴顏和洛昂阿地方 壬寅秋分夕

增錄卷之六

月於西郊遣禮部尚書席爾達行禮 陞陝西督糧道傅澤淵

為江西按察使司按察使 癸卯

上駐蹕扎克旦鄂佛羅地方 甲辰

上駐蹕宜孫薩爾巴里地方 敕漢多羅郡王扎木蘇來朝

乙巳

上駐蹕驚和洛 旌表直隸烈婦高陽縣王方來妻胡氏拒姦

自盡給銀建坊如例 工部議覆江南江西總督阿山漕運

總督桑額河道總督張鵬翮等疏言遵旨開視溜淮套工程

值秋雨連旬不能查看周詳請俟冬杪水涸之際會同詳看

再將需用錢糧確實估計具題應如所請從之 丙午吏部

題新陞廣東布政使劉蔭樞已留補雲南布政使其見陞雲南布政使高必弘應俟到部候缺另補至廣東布政使員缺

見無合例之人

上諭大學士等曰著以高必弘補授廣東布政使司布政使

兵部題古北口提督馬進良疏言喀喇和屯地方駐防官兵

請建營房分給應交提督馬進良設法建造

上諭大學士等曰此項官兵住房若交馬進良設法建造分給

必至於扣除兵餉喀喇和屯等處防守千總俱是內務府總

管撥給田地房屋彼處見有多餘田地爾等可會同內務府

增錄卷之六

上駐蹕巴爾齊爾地方 戊申

上駐蹕永安拜昂阿地方 土默特固山貝子碩第來朝 己

酉

上駐蹕土城地方 喀爾喀輔國公根敦爾來朝 庚戌

上駐蹕烏蘭哈爾哈地方 辛亥

上回鑾駐蹕土城地方 壬子

上駐蹕永安拜昂阿地方 癸丑

上駐蹕森濟圖和洛 甲寅

上駐蹕舒虎爾昂阿地方 乙卯

上駐蹕額勒蘇台達巴漢地方

九月丙辰朔科爾沁台吉恭額來朝丁巳

上駐蹕烏喇低地方戊午

上駐蹕噶海圖昂阿地方庚申

上駐蹕克勒烏里雅蘇台辛酉

上駐蹕納林西爾哈地方癸亥

上駐蹕克勒色欽地方翁牛特台吉鄂齊爾等來朝甲子

上駐蹕穆祿喀喇沁地方乙丑

上駐蹕汗特木爾達巴漢昂阿地方丙寅

上駐蹕張三營丁卯遣官祭

歷代帝王遣官祭城隍之神

上駐蹕博洛和屯蘇尼特多羅郡王垂基恭蘇隆來朝戊辰

辰

上駐蹕喇門噶山以內閣學士王之樞為武會試正考官翰林院侍讀學士沈辰垣為副考官賜阿霸垓科爾沁喀喇

沁土默特翁牛特烏朱穆秦泰曼喀爾喀巴林蘇尼特王公

額駙台吉等袍褂緞疋等物有差賜隨圍喀喇沁官兵人

等銀布有差己巳

上駐蹕喀喇和屯庚午吏部題一等精奇尼哈番又一拖沙

喇哈番噶柱病故銷去恩詔所得三拖沙喇哈番餘三等精

奇尼哈番令其子德克靜額承襲從之先是山西巡撫噶

禮因浙江道御史袁橋疏參其貪婪各款遵旨回奏得旨該

部察議具奏至是吏部察議噶禮回奏疏內雖稱被參各款

皆屬虛誣而御史袁橋參疏內稱各款俱有証據事之虛實

難以懸議請差大臣察審

上諭大學士等曰此事或有私情題參或據實題參著九卿詹

事科道會同秉公議奏調西安副都統俄倫特為荊州副

都統旌表直隸烈婦胡氏拒姦自縊給銀建坊如例辛

未

上駐蹕花峪溝壬申

上駐蹕鞍子嶺癸酉

上駐蹕兩間房甲戌

上駐蹕遙亭乙亥

上駐蹕密雲縣戊寅

上駐蹕三家店吏部題二等阿思哈尼哈番佛保以人才不

及革職奉旨著原立職之子孫承襲查此職原係佛保伯祖

譚拜所立今銷去恩詔所得一拖沙喇哈番餘三等阿思哈

尼哈番應與譚拜之孫馬賴承襲得旨三等阿思哈尼哈番

著譚拜曾孫多奇禪承襲佛保西路出征効力所得拖沙喇

哈番仍留與佛保免江西清江新淦二縣本年分水災額

賦有差己卯

上回暢春園詣

皇太后宮問安 庚辰

上詣

皇太后宮問安 予故原任荊州副都統阿際禮祭葬如例

壬午

孝慈高皇后忌辰遣官祭

福陵 癸未

上詣

皇太后宮問安 先是湖廣總督石文晟疏參容美司土司田

舜年一案

實錄卷五十六

二

上命都察院左都御史梅鋐內閣學士二禹前往會審至是梅

鋐奏稱原任容美司土司田昞如酷虐事蹟俱有証據應革

職桑植宣慰土司向長庚抗匿田昞如應降四級留任已故

容美司土司田舜年出征苗子捏病規避各款俱有証據應

追革田舜年職至田舜年私造宮殿淫亂各款俱無証據應

毋庸議田昞如土司員缺應將田昞如子姪中擇一人承襲

湖廣總督石文晟等奏稱田舜年所屬之人唐世甲等捏訴

田舜年父子俱不善我等情願納糧當差應否將其土地人

民入我版圖伏候

上裁學士二禹奏稱案內有名容美土司二十餘人俱未赴審

故未經質審之處甚多田舜年治病醫生及檢屍知縣洪國

柱俱未到案田舜年身死尚未明白倘草率結案則土司之

心不服奏入下九卿詹事科道會議具奏 予故輔國公品

級保壽祭二次建墳立碑 甲申

上奉

皇太后自暢春園回宮 以翰林院侍讀學士色爾圖充經筵

講官 喀爾喀澤卜尊丹巴胡土克圖土謝圖汗車臣汗等

遣使進九白年貢宴費如例 陞工部郎中安達禮為甘肅

布政使司布政使

實錄卷五十六

三

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二十六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十七

康熙四十五年丙戌冬十月乙酉朔享

太廟遣兵部尚書馬爾漢行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○頒康熙四十六年時憲歷○吏部尚書敦拜以老乞休

上諭大學士等曰敦拜由司官擢用至尚書並無効力勤勞之處凡事不留心詳察聲名亦不佳且廷議係國家大事前有事會議敦拜不諳事理恣意妄言彼時即當黜退今既以年老乞休著解吏部尚書任凡為人臣者雖當暮年宜更加意潔己勤勞王事如謂年老畧不留心諸務詎勉自効豈任彼為大臣徒使之榮顯已耶尚書溫達自任工部以來聲名甚優凡事敬慎而寬著調補吏部尚書○陞福建金門總兵官

崔士英為正藍旗漢軍副都統陝西寧夏總兵官劉官統為西安副都統○陞湖廣長沙副將高一靖為陝西興漢總兵官山東沂州副將羅聯芳為廣東右翼總兵官丙戌

上奉

皇太后幸暢春園丁亥

皇太后聖壽節

上率王以下文武大臣侍衛等詣

皇太后宮行禮遵

懿旨停止筵宴○戊子策試天下中式武舉於

太和殿前○扎魯特多羅達爾漢貝勒諾木拉拜色林輔國

公納木詹故各遣官致祭○己丑

上御暢春園內西廡閱試武舉騎射技勇○陞左都御史希福納為工部尚書庚寅

上詣

皇太后宮問安○

上御暢春園內西廡閱試武舉騎射技勇

上率諸皇子及善射侍衛射

上發十矢皆中 諭武殿試讀卷官等今天下太平日久曾經

戰陣大臣已少知海上用兵之法者益稀日後臺灣不無可慮朕甲子年南巡由江寧登舟而下至黃天蕩江風大作衆

皆危懼朕獨令衝風而行朕佇立船頭射江豚畧不經意後又南巡乘船渡江微覺心動去歲之行見人渡江者即為心悸由此觀之皆年為之也大約年少則血氣強年老則血氣衰嘗問之宿將皆云年少壯故能登城蹈險今則怯矣凡將軍提督總兵官當年少時冒鋒鏑越險阻所在効力及位至大僚家亦富饒而年齒漸高設一旦有事使之率兵而行欲其奮勇効命如前何可得耶又諭曰凡人必耐得勞苦乃能有成不耐勞苦到處無用不但武臣為然即文臣若不勞苦學問如何成就今爾等二三老臣年雖高而勤勞實甚觀部院官止圖安逸凡事俱不經心兵部前以會試人未到齋

請展限數目此彼所親奏之事也昨問續到幾人堂官俱不知因令問司官筆帖式亦皆不知朕之使問司官筆帖式者原欲伊等知愧不知伊等亦知之否至於會議時九卿內但一二人立議餘皆隨班畫題竟無一留心任事之人矣○辛卯武殿試傳臚賜中式武舉楊謙等九十四人武進士及第出身有差○癸巳諭吏部尚書溫達朕因吏部事務緊要故特簡任爾凡銓選皆有定例爾但當遵例而行至於掣籤時遞呈駁查或作單月或作雙月俱多情弊如果有不平之處宜先期遞呈臨期方遞呈者安保無情弊乎爾宜留意○鑲黃旗都統宗室特克新以病乞休允之○乙未

上詣

皇太后宮問安○以光祿寺卿馬士芳為太常寺卿○丙申諭大學士等正白旗護軍統領達爾占常在行間効力受傷甚多一應効力之處勇往向前若係無恥之人在副都統任內圖利小取亦必稍有所得伊不肯為是以家計甚覺貧乏著賞銀三千兩令其置立房產 丁酉諭大學士等九卿議土司事但欲使兩造平息總督石文晟原奏田舜年建造宮殿行兇作惡是以羈留於武昌府今田舜年已故石文晟又具奏欲息其事如土司等果抗拒不法則當發兵征勦土司等若無罪則當反坐原奏之人朕意以二高所奏為是此事即便令督撫提督會同審理當再特遣大臣前往察審著以此諭九卿○戊戌

上奉

皇太后自暢春園回宮○以黑龍江副都統耿額為都察院左都御史○浙江黃巖總兵官仇機疏奏前任總兵官令任京口副都統許國桂貪劣各款

上命福建浙江總督梁鼎浙江巡撫王然提督王世臣江南提督張雲翼會同察審○己亥

上御太和殿視朝文武陞轉各官謝恩○諭兵部杭州江寧西安三處駐防滿洲閒居日久恐出門不耐煩勞嗣後每年於

此三省內不拘章京驍騎校兵丁選年少善騎射者每旗三人共二十四人俱令於四月到京隨至熱河行圍俟回鑾時遣回本處如此既可嫻習規矩騎射而伊等之賢否亦見矣
○庚子諭吏部朕以魯瑚人尚質直授為刑部侍郎朕出避暑之後值刑部無堂官魯瑚任意妄行著降五級調用○諭刑部緩決罪犯至於三四年者俱即行察出免死減等發落
○陞鑲紅旗滿洲副都統汪悟禮為正紅旗護軍統領正黃旗滿洲副都統阿爾西為鑲紅旗護軍統領○辛丑

上詣

皇太后宮問安○諭大學士等總河報秋汛疏越二十日方到

朕屢次親閱河工洞悉情形如奏報水汛事早到則其中或有所指示猶可及時預防嗣後有奏河工急務者限兩三日飛馳遞送○以翰林院編修蔣廷錫充日講起居注官○壬寅命原任大學士熊賜履乘驛回籍仍遣官護送○命大學士席哈納吏部右侍郎張廷樞兵部右侍郎蕭永藻前往湖廣察審密美司土司田舜年一案○調正白旗蒙古副都統善丹為滿洲副都統以一等侍衛托克托和為正白旗蒙古副都統○以喀爾喀故多羅貝勒西弟希里子丹金多爾濟翁牛特故鎮國公齊旺多爾濟子索納穆襲爵○旌表順天大興縣烈婦胡氏拒姦被戮給銀建坊如例○癸卯授輔國

公塞勤妹為鄉君塔郎文休為輔國公塔秩四品○諭大學士等王以下輔國公以上之女既授封為郡主鄉君而出嫁外省官員同往任所殊為未合著傳諭宗人府禮部定例具奏
陞大理寺少卿父芳曾為光祿寺卿
四川松潘總兵官周文英以老病乞休允之
甲辰以翰林院侍講吳昂提督湖廣學政○乙巳諭戶部國家錢糧理當節省否則必致經費不敷每年有正項蠲免有河工費用必能大加節省方有裨益前光祿寺一年用銀一百萬兩今止用十萬兩工部一年用二百萬兩今止用二三十萬兩必如此然後可謂之節省也○諭大學士等前遣護軍統領席柱等往擒假達賴

喇嘛及第巴妻子時諸皇子及諸大臣俱言一假達賴喇嘛擒之何為朕意以眾蒙古俱傾心皈嚮達賴喇嘛此雖係假達賴喇嘛而有達賴喇嘛之名眾蒙古皆服之倘不以朝命遣人往擒若為策妄阿喇布坦迎去則西域蒙古皆向策妄阿喇布坦矣故特遣席柱等前去席柱等方到其地策妄阿喇布坦果令人來迎以此觀之若非遣人前往則假達賴喇嘛必已歸策妄阿喇布坦矣至西域回子及蒙古今衰弱已極欲取之亦甚易但併其地不足以耕種得其人不足以驅使且見今伊等已俱恪守法度是以不取此等情事漢大學士及九卿等想俱未深悉爾等可將朕諭示之○陞浙江湖

州副將朱國祖為福建金門總兵官。調雲南楚姚總兵官張開元為陝西寧夏總兵官。陞雲南貴州總督中軍副將吳坤為雲南永北總兵官。○丙午諭大學士等。昔日達賴喇嘛存日六十年來。塞外不生一事。俱各安靜。即此可知其素行之不凡矣。後達賴喇嘛身故。第已雖隱諱不言。然觀其啓奏之辭。非昔日達賴喇嘛語氣。朕是以知其已故。遣使細訪。乃盡得欺詐之狀。自達賴喇嘛故後。第已遂教噶爾丹各處妄行生事矣。○陞光祿寺卿魏齊為刑部左侍郎。○丁未諭大學士等曰。觀朝鮮國王凡事極其敬慎。其國人亦皆感戴。聞其國有八道。北道與瓦爾喀地方土門江接界。東道接倭子國。西道接我鳳凰城。南道接海。猶有數小島。此等地方。

太宗文皇帝定朝鮮之役。我兵無處不到。以已破之國。我朝為之重加營建。俾安堵如故。是以其國人於

太宗文皇帝駐軍之地。樹立石碑。備書更生之德。累世感戴。以至於今。且彼更有可取者。明之末年。彼始終未嘗叛之。猶為重禮義之邦也。又諭曰。繙譯之事。大有關係。向年纂修實錄。所譯朝鮮表文。滿漢文意皆不相符。前大學士圖海杜立德。呈朕親覽。朕兩年苦心尋繹。始得將文義完美。作史之事。殊為重大。一字不可輕易增減也。○大學士席哈納吏部侍郎張廷樞兵部侍郎蕭永藻等。為往審土司田舜年事。請訓旨。

上諭曰。田舜年一事。關係土司。並於地方總督提督亦有關係。若不究其本末。辨其是非。則衆心不服。爾等到彼。可與前次遣往都御史梅鋐學士二高詳加研審。如總督理虧。則罪坐總督。如土司理虧。則罪坐土司。惟公平則人心自服。爾等須出示曉諭。衆土司若彼果有冤枉。許其陳訴。爾等收呈詳審。窮詰根柢。如無冤枉。而欽差大臣至彼。地提人不解。反固守關隘。不納公差。此特欲反耳。竟發荊州大兵立勦之。不可持兩端。苟且結案也。總督參田舜年事。極其狠毒。今又欲草草完結。何以服人心。九卿並不據大體立議。首鼠兩端。愈非理矣。爾等前去。若不能辨明此事。則於爾等聲名亦大有關係也。○調正白旗蒙古都統迅圖為鑲黃旗滿洲都統。○已酉

上詣皇太后宮問安。○諭戶部。朕子育黎元。自求所以休養利濟之道。念惟賜租減賦。實有裨益於民生。直隸各省錢糧。次第全蠲。一年者業經數舉。獨是歷歲逋負積累。加增舊稅。新徵勢難兼辦。縱使少寬民力。分年帶輸。而督令續完。仍多拮据。朕

睽懷及此。深切軫恤。用是大沛恩膏。俾閭閻獲免。追呼官吏。亦不罹參罰。直隸山東積欠錢糧。今年俱已蠲免。其山西陝西甘肅江蘇安徽浙江江西湖北湖南福建廣東各省。自康熙四十三年以前未完地丁銀二百一十二萬二千七百兩。

有奇。糧十萬五千七百石有奇。著按數通行豁免。或舊欠已完在官而見年錢糧未完足者亦准扣抵。諭旨到日。各該撫立行所屬張示徧諭。如有不肖有司以完作欠。朦混銷算。及開除不清者。該督撫即時題參嚴加治罪。爾部即遵諭行。免江南淮安等三衛本年分水災額賦有差。辛亥諭大學士等。山東長山縣周村一帶俱開爐私鑄巡撫趙世顯不禁。不捕乃奏請鼓鑄大錢。若不禁私鑄而鑄大錢。則大錢重小錢輕。小民必思射利毀大錢而鑄小錢。是大不利於地方矣。今山東奸民鑄小錢者甚多。或地方官圖利與之同事。亦未可知。但未拏獲。何可懸擬。頃差侍郎恩丕等帶德州兵丁馳

實錄卷二百二十七

九

驛往長山縣周村等處捕鑄私錢之人。已諭伊等於拏獲之後。並私鑄之爐帶往趙世顯處示之。問以地方見鑄私錢不禁。不捕。又欲請鑄大錢。何故觀趙世顯更將何詞以對。外省督撫孰賢孰否。朕俱知之。清濁斷不能掩也。○陞大理寺少卿莫音代為光祿寺卿。○以宗人府郎中覺羅伍實為甘肅布政使司布政使。○以巴林故固山貝子烏爾占子鄂齊爾桑襲爵。○壬子諭大學士等。刑部之事重大。常綬自任刑部侍郎以來。錯審之事甚多。著調常綬為工部侍郎。以工部侍郎巢可托為刑部侍郎。○癸丑

上幸暢春園。○免江南海州碭山等十三州縣本年分水災額

賦有差。○調正黃旗蒙古副都統噶爾弼為滿洲副都統。正黃旗漢軍副都統羊泰為鑲紅旗滿洲副都統。陞護軍叅領毛奇塔特為正黃旗蒙古副都統。前鋒叅領瑚世巴為正黃旗漢軍副都統。○甲寅陞正藍旗護軍統領席柱為正白旗蒙古都統。○以興京城守尉宗室發度為黑龍江副都統。○奉命踏勘天津稻田安設莊屯。內務府總管黑碩子戶部侍郎穆丹奏臣等查天津總兵官藍理所墾稻田共一百五十頃。見被水浸不便遽行安設莊屯。應將積水設口宣洩所墾田地試種一二年。該撫鎮勘明奏報到日。再將安設莊屯之處議奏。從之。

實錄卷二百二十八

十一月乙卯朔。○丙辰旌表江南烈婦戴連妻孫氏拒姦殞命。給銀建坊如例。○己未予故陝西興漢總兵官曹曰璋祭葬如例。○予故盛京工部侍郎白爾克滿洲副都統勒奇各祭葬如例。○辛酉陞四川陝西總督中軍副將程正李為四川松潘總兵官。陝西波羅營副將徐登甲為雲南楚姚總兵官。壬戌

上諭大學士等曰。噶爾丹遇我軍於克魯倫之地。未嘗交戰。乃往西路遇西師。進擊盡被殺戮。西路兵獲其牛羊二十餘萬。甚為得濟。此乃天意也。昔吳三桂兵圍永興城。危在旦夕矣。吳三桂一死。其兵皆退。此亦天意也。長沙之戰。吳三桂登城

語其下曰滿兵向皆勇猛今衰弱矣言未畢我前鋒統領碩
岱率諸前鋒軍卷薄城下吳三桂驚歎曰滿兵仍前驍勇耶
自明代以來福建皆受海寇之患今已盡降矣其中有劉國
軒者已授為總兵官朕問彼滿兵如何彼奏云臣乃當誅之
今蒙皇上寬恩不殺何敢誑言從前與滿兵交戰七十餘次
雖皆為滿兵所敗臣猶不心服意謂滿兵但恃力耳及詳視
之既有謀畧更兼勇猛於是臣始心服矣以此觀之滿軍誠
強而無敵也又諭曰往代之君不接見諸臣臣下之意無由
上達政何以得理耶○雲南巡撫郭璵丁母憂命在任守制
○癸亥陞左副都御史慕成額為盛京刑部侍郎○甲子免
江南徐州本年分水災額賦有差○乙丑陞鑲黃旗滿洲副
都統覺羅阿喇納為正藍旗護軍統領○丙寅

上自暢春園回宮詣

皇太后宮問安○丁卯大學士等以秋審情實罪犯七十人請
旨

上將招冊逐一詳閱反覆審定勾決者二十五人諭大學士等
曰四輔臣時每年勾決動至百餘人朕親政後數十年來每
遇勾決凡有一線可原者未嘗不從寬宥直至萬無可疑始
予勾決至於光棍及有闖主僕之分者其罪斷不可寬也
戊辰大學士等奏九卿等議山東巡撫趙世顯題濟南臨清

所屬開爐鼓鑄一事奉旨俟差往山東緝拏私鑄大臣回日
再奏今侍郎恩丕等已回謹以原案請旨

上曰數年以來私鑄甚多制錢甚賤屢諭九卿確議著該管官
員嚴行緝拏乃山東奸民私鑄者愈多衆皆知之無一人舉
奏叅劾趙世顯身為地方大臣既不嚴拏反請暫停錢禁以
便小民又奏請於濟南臨清地方開爐鼓鑄九卿議照巡撫
所題以鼓鑄之事交知府管理朕訪察山東奸民私鑄巢穴
確有所見差大臣緝拏俱已擒獲不知九卿附和趙世顯者
何意著明白回奏○陞通政使張格為都察院左副都御史
○己巳諭大學士等因山東私鑄小錢故特差侍郎恩丕等

緝拏今既禁私錢又不收取則用私錢者無日可止矣朕意
欲令來年徵收山東錢糧其銀一兩折錢二千俟錢盡時照
二千錢之數折收諸樣銅器則不出一年私錢自盡矣彼地
官員不能緝拏私鑄俱係有罪之人即將所收錢及銅交付
伊等運至京城以贖前罪運到之時即著增爐作速鼓鑄制
錢爾等可與九卿詹事科道會同詳覈議奏○禮部等衙門
遵旨會議王以下公以上之女受聘後俱授封為郡主鄉君
等品級不便令額駙帶往外任嗣後額駙等停止補放外任
官如見今居外任官者撤回京城照伊品級補用如係特旨
補授封疆大臣者其妻應否帶往任所令伊等自行具題請

旨從之○庚午

上詣

皇太后宮問安○壬申冬至祀

天於

圜丘遣皇太子允初行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○停止次日朝賀○癸酉九卿等遵旨回奏近者

山東巡撫趙世顯請於濟南臨清開爐鼓鑄臣等俱以准行具奏今山東奸民私鑄

皇上特差侍郎恩丕等拏獲以其人交趙世顯取到私錢與臣等觀之臣等始知山東私錢若是之多應將趙世顯所請開爐鼓鑄之處無庸議至臣等愚昧前既不能察明會議又不加詳細罪亦何辭今遵旨將山東來年錢糧折收小錢銅器會議摺子呈覽

上曰著遣賢能司官一員即齎此摺往問趙世顯果否有益於地方著具奏○戶部工部以開浚清河至通州開列督工官員請旨

上命兵部尚書金世榮戶部侍郎巴錫范承烈督工諭大學士等曰侍郎巴錫不諳部務著解侍郎任隨旗行走仍令往監河工○諭戶部朕念八旗禁旅為國家根本所繫時加恩愛養用俾生計充盈或動支公帑數百萬代清積逋或於各旗設立官庫資濟匱絀所以為衆甲兵籌畫者甚切康熙四十二年又曾頒發帑金貸給八旗兵丁共六百五十五萬兩有奇至康熙四十五年冬除陸續扣完外尚未完銀三百九十五萬六千六百兩有奇若仍行按月扣取恐各兵營辦器用贍養室家必有不敷之慮朕每懷及此深切軫惻茲特大沛恩施式弘撫育將未經扣取銀兩通行豁免爾部即傳八旗都統等出示徧諭俾咸知朕優恤禁旅至意○甲戌

上詣

皇太后宮問安○諭戶部今歲漢江水大南鄭等縣城垣田舍被水衝沒且米價騰貴小民艱食所有本年應徵錢糧著豁免明年以後地丁錢糧亦暫行停徵俟應徵收之年該督撫察明具奏起科見在被災人民著該督撫速行賑濟

上往謁

陵命皇太子允初皇長子多羅直郡王允提皇十三子胤祥隨駕是日啓行駐蹕南苑 刑部尚書安布祿以老病乞休允

之○陞江南江西總督阿山為刑部尚書工部議覆河道

總督張鵬翮疏言黃河之水萬里來源匯聚百川至清口而

與淮水交會總因衆水併歸一河來源多而去路少一時宣

洩不及所以兩年水長隄工危險臣率各河官往來相度公

同勘議僉云去路一暢則來路可容惟有仰遵

上諭開鮑家營引河俾黃河異漲之水藉此減洩黃河一帶工

程得以保固洪澤河異漲之水藉此暢流而高家堰一帶工

程得以平穩再於中河橫隄建草壩二座於開鮑家營引河

之處建草壩一座相機啓閉中河亦不虞淤墊我

皇上至聖至明四年以來早已睿照及此臣若即遵

聖訓開此引河必無去年之漫溢今歲之在在危險也今惟恪

遵

聖訓動帑興工於河工大有裨益應如所請從之 丙子

上自南苑發駕八旗兵丁因蠲免扣除庫餉歡聲動地擁塞道

旁跪迎叩謝

上駐蹕通州城東 福建漳州總兵官李友臣以老病乞休允

之 丁丑

上駐蹕夏店 戊寅

上駐蹕白澗莊 己卯

上駐蹕桃花寺 庚辰

上詣

暫安奉殿

孝陵行禮奠酒舉哀畢至

仁孝皇后

孝昭皇后

孝懿皇后陵奠酒舉哀是日

上駐蹕遵化州湯泉○調正藍旗蒙古副都統趙山為鑲黃旗

滿洲副都統陞護軍叅領穆賽為正藍旗蒙古副都統○辛

巳

上駐蹕遵化州東○以禮部左侍郎邵穆布為江南江西總督

○壬午

上駐蹕景忠山○江南江西總督邵穆布陛辭

上曰朕知爾平日敬慎敬慎則何事不可為凡事不可遲緩若

事久則弊生惟勤敏則事不壅積矣 癸未

上駐蹕灤陽城南 山東巡撫趙世顯遵旨回奏徵收小錢銅

器有利於民且可以禁止私錢得旨著照九卿前議行 陞

光祿寺卿莫音代為通政使司通政使太常寺卿馬士芳為

大理寺卿 甲申

上出喜峯口駐蹕蒙子嶺

十二月乙酉朔

上駐蹕龍鬚門地方 丙戌

上駐蹕雅圖溝地方 丁亥

上駐蹕八溝地方 先是達賴喇嘛身故第巴匿其事構使喀爾喀厄魯特互相仇殺擾害生靈又立假達賴喇嘛以惑衆人且曾毒拉藏因其未死後復逐之是以拉藏蓄恨興兵執第巴而殺之陳奏假達賴喇嘛情由爰命護軍統領席柱學士舒蘭為使往封拉藏為翊法恭順汗令拘假達賴喇嘛赴京拉藏以為執送假達賴喇嘛則衆喇嘛必至離散不從席柱等奏聞。

上諭諸大臣曰拉藏今雖不從後必自執之來獻至是駐劄西

寧喇嘛商南多爾濟果報拉藏起解假達賴喇嘛赴京一如

聖算衆皆驚異 轉禮部右侍郎鐵圖為左侍郎陞內閣學士

赫壽為禮部右侍郎仍於學士裏行陞通政使莫音代為工

部右侍郎兼理光祿寺事 免直隸武清縣本年分水災額

賦有差 和碩額駙撥方所尚郡主卒遣官致祭 戊子

上行圍射殪一虎駐蹕三道河地方 己丑

上行圍射殪一虎駐蹕中六溝地方 庚寅

上行圍射殪一虎駐蹕二溝地方 辛卯

上駐蹕湯泉 封下嫁喀爾喀台吉策楞之公主為和碩純慈

公主授策楞為和碩額駙 免江南潁州并潁州衛本年分

水災額賦有差 壬辰

上行圍射殪一虎駐蹕黃土坎 癸巳

上行圍射殪一豹駐蹕熱河上營 陞左通政牛祐納為通政

使司通政使 甲午

上行圍射殪一虎駐蹕喀喇和屯 丙申

上駐蹕七間房 旌表直隸烈婦梁喜福妻楊氏逼姦不從以

致被戮給銀建坊如例 丁酉

上行圍射殪二豹駐蹕恩格木嘴山 戊戌

上行圍射殪一虎一豹駐蹕三岔口地方 己亥

上駐蹕遙亭 庚子

上駐蹕密雲縣 辛丑

上駐蹕三家店 以刑部右侍郎巢可托充經筵講官 陞雲

南援勦左協副將許鳳為福建漳州總兵官 壬寅

上回宮詣

皇太后宮問安 癸卯

上詣

皇太后宮問安 甲辰刑部會同吏部等衙門覆奏侍郎常綬

等審奏廣東海寇一案一議海寇蔡三十二等攔截泛海商

船劫奪銀米俱應立斬。總督郭世隆不將實情審出。應降三級調用。原任巡撫今陞湖廣總督石文晟提督趙弘燦未經詳察列名具題俱罰俸一年。承審按察使今陞河南布政使許嗣興等分別降級調用。又一議總督郭世隆不預先嚴禁強暴之人。及蔡三十二等事發。又朦朧掩飾。草率具奏。殊為溺職。應革職。餘如前議。得旨。蔡三十二曾贊伯黃士文賴亞客陳阿七俱立斬。許嗣興著降一級調用。郭世隆著革職。餘依議。兵部議覆貴州巡撫陳詵疏言。前撫臣王燕叅劾清平縣凱里土司楊國興貪婪各款。業經督臣貝和諾審明具題。茲土苗人民俱願改土歸流。應如所請。將該土司糧賦歸

清平縣管理。從之。○乙巳。調戶部尚書凱音布為禮部尚書。陞太僕寺卿鹿祐為太常寺卿。翰林院侍讀學士華色為太僕寺卿。○以內閣侍讀學士蘇克濟為陝西布政使。司布政使。吏部題一等精奇尼哈番又一拖沙喇哈番。第因老病解退。銷去恩詔。所得三拖沙喇哈番。餘三等精奇尼哈番。令其子三等侍衛楊樛襲替。從之。免直隸東安縣本年分水災額賦有差。諭刑部。歷年以來監候緩決人犯二百二十五名。俱著免死減等發落。在直隸各省者。爾部即移文各該巡撫。令遵旨速行。內閣九卿等奏請

聖駕閱視溜淮套工程。得旨。朕年已漸增。憚於臨幸。且南方水

去。不比北地。每渡大江。河湖及過閘口。亦甚加厘。念不欲親往。閱視著將興工之處。再行定議具奏。○己酉

考莊文皇后忌辰。命

皇四子 祭

暫安奉殿。庚戌

上詣

皇太后宮問安。理藩院題。駐劄西寧喇嘛商南多爾濟報稱。拉藏送來假達賴喇嘛行至西寧口外。病故。假達賴喇嘛行事悖亂。今既在途病故。應行文商南多爾濟將其屍骸拋棄從之。○辛亥。內閣九卿等會議溜淮套一工。據原任江南江

西總督今陞刑部尚書阿山等及督修都統孫渣齊等各奏必得

皇上親歷河干。面授方畧。則億萬年奠定之功。可以立成。臣等所見亦與伊等相同。伏冀俯允所請。東南臣民不勝慶幸。得旨。內閣九卿等僉謂溜淮套工程。非朕親臨指示。不能斟酌盡善。再三陳請。朕以此奏聞。

皇太后奉

皇太后懿旨。事關重大。故諸大臣合詞懇請。予身體甚健。皇帝躬臨指授。於地方民生甚有裨益。朕祇遵

懿旨。親往閱視。著該衙門擇日具奏。○以廣東提督趙弘燦為

廣東廣西總督○癸丑歲暮給祭

太廟遣都統崇古禮行禮○遣官祭太歲之神○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○甲寅賜朝正外藩烏朱穆秦翁牛特嵩齊武鄂

聖祖實錄卷三二八

三

爾多斯喀喇沁毛明安巴林喀爾喀科爾沁王貝勒貝子公

額駙台吉及內大臣大學士侍衛等宴○旌表八旗節婦滿

洲費揚古妻焦氏等六人蒙古巴拜妻姬氏等四人直隸各

省節婦邵榮宗妻趙氏等八十六人貞女鍾氏一人孝子陶

顯曾等六人各給銀建坊如例 是歲人丁戶口二十四十

一萬二千五百六十田地山蕩畦地五百九十八萬八千九

百五十頃五十三畝有奇徵銀二千七百四十一萬六百八

十八兩有奇米豆麥六百九十七萬一千三百五十三石有

奇草二百八萬一千六百八十七束茶十五萬七千四百十

五引行鹽四百三十一萬九千四百九十五引徵課銀二百

六十九萬七百二十八兩有奇鑄錢二萬三千八百七萬五
千八百有奇

聖祖實錄卷三二八

三

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百二十七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十八

康熙四十六年丁亥春正月乙卯朔

上詣

堂子行禮還宮拜神畢率諸王貝勒貝子公內大臣大學士侍衛等詣

皇太后宮行禮御殿王以下文武各官外藩王及使臣上表朝賀停止筵宴 朝鮮國王李焞遣陪臣俞得一等表賀冬至元旦

萬壽節及進歲貢禮物宴齊如例 丙辰順天府進春

上奉

皇太后幸暢春園 己未孟春享

太廟遣都統崇古禮行禮 遣官祭太歲之神 辛酉

世祖章皇帝忌辰遣官祭

孝陵 丁卯諭吏部戶部兵部工部朕念淮黃兩河工程為東

南要務屢次躬臨河上相度指示一切修防疏濬業已次第

奏功昨歲河漕暫撫諸臣詳勘地形請於溜淮套別開河道

直達張福口以分淮勢朕欲即令動帑興築而督撫諸臣又

以事關創建合詞請朕親閱九卿等集議復再三陳請朕以

諸臣之言奏聞

皇太后祇遵

慈命擇於本年正月二十二日啟行閱河舟楫往返不御室廬日用所需取辦內府經過府州縣毋得更以預備行宮供設御用冒侵庫帑糾劾問倘有不遵事覺定嚴加治罪其文武大小官員私相餽贈隨從人役生事擾民及奸惡挾私告訐者俱如屢次諭旨重處不宥爾等即轉行各該督撫通飭所屬張示徧諭俾咸知悉 諭八旗都統部院大臣等溜淮套工程俟朕往閱之後酌量開濬爾等將八旗部院官員內選擇敬慎薦厚操守潔清家計殷實者從公保舉每員派給帑銀三千兩帶往預備修河之用如所保人員內有在地方

印銀八十二

主事恣肆非為扣剋侵蝕等情發覺之日將保舉大臣一并嚴加治罪 戊辰以上元節賜外藩烏朱穆泰翁牛特科爾沁高齊忒鄂爾多斯蘇尼特喀喇沁阿爾拔教漢喀爾喀毛明安巴林王貝勒貝子額駙公台吉及內大臣大學士侍衛等宴 己巳上元節賜外藩王貝勒貝子額駙公台吉及內大臣大學士侍衛等宴 庚午以工部尚書希福納為戶部尚書陞戶部右侍郎赫碩咨為工部尚書 乙亥陞大理寺少卿張世爵為太僕寺卿 革都察院左都御史梅鋐職以審湖廣土司田舜年一案回奏不實故也 賜朝正外藩王貝勒貝子額駙公台吉等銀幣鞍馬有差 理藩院題青海

多羅郡王額爾克巴爾都爾故其子益蘇克旺扎爾應襲爵查伊封冊內並無世襲字樣相應請旨得旨益蘇克旺扎爾著襲封為多羅貝勒 喀爾喀和碩達爾漢親王諾內和碩親王善巴故俱遣官致祭 福建浙江總督梁鼎疏言黃巖總兵官仇機與前任黃巖總兵官今陞京口副都統許國桂互叅一案令臣察審因皆係見任職官難於提審請暫行解任從之 丙子

上詣

皇太后宮問安是日

上南巡閱溜淮套河工命皇太子允初皇長子多羅直郡王允

御錄卷三三八

禔皇十三子胤祥皇十五子允禩皇十六子允祿隨駕自暢

春園啟行駐蹕南苑 丁丑

上駐蹕東安縣古賢村 直隸巡撫趙弘燮天津總兵官師懿

德提督學政梅之珩子牙河分司原任禮部侍郎許汝霖來

朝 戊寅

上駐蹕武清縣前新莊 己卯

上至靜海縣楊柳青登舟 庚辰

御舟泊靜海縣陳官屯 辛巳

御舟泊青縣興濟村 宣化總兵官張泰丁父憂命在任守制

陞兵部右侍郎蕭永藻為都察院左都御史 陞直隸三

屯營副將段騰龍為雲南永順總兵官陝西定邊營副將張憲載為陝西興漢總兵官廣東羅定營副將李騰芳為廣東碣石總兵官 以左副都御史赫申為戶部右侍郎 予故工部尚書熊一瀟祭葬如例 壬午

御舟泊滄州剪子屯 癸未

御舟泊東光縣大龍灣 河道總督張鵬翮山東巡撫趙世顯

登萊總兵官王文雄提督學政趙申季來朝

二月甲申朔

御舟泊山東德州第六屯 衍聖公孔毓圻來朝 山東紳衿

士庶數十萬來跪迎

御錄卷三三八

聖駕為蠲免通省舊欠錢糧感戴懽呼叩首謝恩 乙酉

御舟泊德州楊家灣 予故原任福建臺灣總兵官王傑祭葬

如例 喀爾喀多羅貝勒羅布臧故遣官致祭 授鎮國公

登色之女為鄉君塔寧武齊為鎮國公塔秩四品 諭吏部

子牙河分司原任禮部侍郎許汝霖守隄三年限滿著仍以

侍郎用 丙戌

御舟泊恩縣方所 丁亥還大學士席哈納祭

先師孔子

御舟泊武城縣朱官屯 漕運總督李蔚來朝 戊子祭

大社

大禮遣散秩大臣宗室德寧行禮

御舟泊武城縣陳家窑地方 己丑

御舟泊臨清州 調戶部左侍郎范承烈為兵部左侍郎管右

侍郎事轉戶部右侍郎汪晉徵為左侍郎以原任禮部左侍

郎許汝霖補戶部右侍郎陞通政使牛祐納為都察院左副

都御史 雲南曲尋總兵官陸進忠以年老乞休允之 庚

寅 御舟泊堂邑縣李官營 辛卯

御舟泊東昌府 壬辰

御舟泊東阿縣張秋 河南巡撫汪灝河北總兵官閔定國來

朝○大計天下官員卓異官三十三員貪酷官三員貪官二

十七員酷官六員不謹官三十八員罷軟官二十五員年老

官六十四員有疾官五十五員才力不及官四十七員浮躁

官三十五員分別陞賞處分如例 旌表浙江烈婦劉仕顯

妻周氏拒姦自盡給銀建坊如例 癸巳

御舟泊東平州王壩老口地方 甲午

孝康章皇后忌辰遣官祭

孝陵

御舟泊濟寧州安居 乙未

御舟泊濟寧州花家所 諭大學士馬齊等山東巡撫趙世顯

向以條奏小錢一事革職留任朕此行見其勤慎効力著削

去加二級復還原品 添設廣西義寧等十三縣教諭十三

員永寧等七州平樂等三縣及思明土府訓導十一員 調

福建汀州總兵官王元為臺灣總兵官 旌表直隸烈婦鄭

氏拒姦殞命安徽烈婦龍氏拒姦自盡各給銀建坊如例

河南巡撫汪灝疏言河南布政使許嗣興緣事降調例應赴

部另補但許嗣興舊任二載於地方之利弊民生之休戚皆

能實心竭力籌畫經理仰祈

皇上加以格外弘恩准帶所降之級留用河南以圖後效如有

不職請治臣以徇庇之罪得旨許嗣興著照該撫所題准其

降級留任 丙申

御舟泊滕縣新莊橋地方 江寧將軍諸滿副都統鄂克遜達

爾華京口將軍侯馬三奇副都統蔡毓茂江南江西總督邵

穆布安徽巡撫劉光美江蘇巡撫于準提督江南學政魏學

誠江寧織造曹寅蘇州織造李煦杭州織造孫文成松江提

督張雲翼狼山總兵官劉含高崇明總兵官穆廷斌來朝

丁酉 御舟泊嶧縣韓莊開地方 戊戌

御舟次江南境臺莊地方士民數十萬人進獻食物跪請

聖主暫停龍舸少伸瞻仰微忱

上為之登岸御龍亭命耆老近前諭令停止進獻耆老等復再四叩懇收納命受食物一二種又問以農事主計良久登舟啟行是日

御舟泊邳州賈溝地方 己亥

御舟泊宿遷縣阜河口地方 庚子

御舟泊宿遷縣白洋河地方 辛丑春分朝

日於東郊遣兵部尚書馬爾漢行禮

御舟泊清河縣武城 杭州將軍宗室諾羅布副都統覺羅噶

珥圖道福塞福建浙江總督梁鼎浙江巡撫王然提督浙江

學政彭始搏江西巡撫郎廷樞浙江提督王世昌江西南昌

總兵官高文燭來朝 壬寅

御舟泊清河縣運口地方是日

上往閱武家墩 癸卯

上閱視溜淮套由清口登陸詳看地方形勢是日駐驛曹家廟

地方

上御行宮門外命扈從文武臣工及地方大小官員河道總督

及河工官員等列跪於前

上問張鵬翮曰爾何所見奏開溜淮套張鵬翮奏曰我

皇上愛民如子不惜百萬帑帑滋救庠生黎民皆頌

聖恩

上曰爾所言皆無用聞朕所問者乃河工事務文章與政事

不同若作文字牽引故典便可敷衍成篇若論政事必實在

可行然後可言非虛文所能飾也凡事在大廷廣眾可言者

方是至公無私今滿漢文武內外大小諸臣齊集爾可將此

河當開與否一一明奏何必牽引聞文張鵬翮奏曰先因降

調通判徐光啟呈開溜淮套圖樣臣與阿士泰額會同具奏

奉旨命臣等閱看臣等因事關重大所以再四懇請

皇上躬臨閱視指授定奪

上曰今日沿途閱看見所立標竿錯雜問爾時全然不知問河

官亦皆不知河工係爾專責此事不留心何事方留心乎張

鵬翮不能對免冠叩首

上問劉光美于準曰爾等何以亦奏此河應開劉光美等奏曰

盱眙清口係臣等所屬地方故會同查看至於應開河與否

總河久在河舌尚不能知臣等愚昧何能深悉但開河係臣

等公同具奏冒昧之罪更有何辭亦免冠叩首

上又問張鵬翮曰水平是何人看驗張鵬翮奏云見清河縣

主簿方德必同大計參革主簿郭維藩降調通判張調鶴徐

光啟看驗

上問曰主簿是何人料估張鵬翮奏云徐光啟料估

上曰徐光啟等皆人計參處至不堪小人惟知亡命射利不得

齒於人列此等重大事情爾竟委任伊等是誠何心因顧諸臣曰前阿山等察勘泗州水勢奏稱溜淮套地方另開一河出張福口可以分洩淮水免洪澤湖之患派保高家堰之危險繪圖進呈請朕親閱在廷諸臣亦以河工事關重大再四懇請朕始親行昨日閱武家墩朕尚謂果如阿山等所奏溜淮套可以開成今日乘騎從清口至曹家廟地方詳看見地勢甚高雖開鑿成河亦不能直達清口與伊等進呈圖樣迥乎不同且所立標竿多有在墳上者若依所立標竿開河不獨壞民田廬且毀民墳塚朕惟恐一夫不獲其所時存已飢已溺之心何忍發此無數枯骨朕為人君凡頒發諭旨倘

實錄卷一百一十八

九

有差悞尚令人言張鵬翮身為總河至欲掘人骸骨所屬人員竟無一敢言者張鵬翮以讀書人而為此殘忍之事讀書何為假令張鵬翮祖墳被人發掘伊肯默然耶數年來兩河平靜民生安樂何必多此一事先年靳輔所開中河凡漕運商民船隻避黃河一百八十里之險此河確有成效至今往來之人尚追念之但靳輔所開止因舊河身疏濬今欲開溜淮套必至鑿山穿嶺不惟斷難成功即或成功將來汎水泛溢不漫入洪澤湖必致衝決運河矣上又問張鵬翮及衆河官曰此河若開爾等能保無事乎張鵬翮等奏云臣等一無所知數年來皆仰賴

皇上教訓指授此工如何敢保

上曰今奏溜淮套開河非地方官希圖射利即河工官員妄與陞遷至河工効力人員無一方正者何故留置河上張鵬翮奏云臣誤用小罪有何辭

上諭大學士馬齊等曰朕看南旺湖水分南北實有大功用意迴異常人朕每次臨閱深嘉其才馬齊奏云挑水壩入字河芒福河鮑家營諸工皆係

皇上指示起出南旺分水之上

上曰南旺分水自高山引出事屬創舉今所開之河皆由舊河形疏濬與創舉者不同大學士張玉書奏云引汶水分南北

實錄卷一百一十八

流是當日老人白英所建之議其策原善今

皇上睿裁築御壩開引河俾淮水敵黃水趨海此萬世之永利亦萬世之良法也

上曰明代淮黃與今時迥別明代黃水勢強淮水勢弱故有倒灌之患朕自甲子年南巡閱視兩河形勢記憶甚明漸次修治今則淮強黃弱矣然善後之策尤宜亟講與其開溜淮套無益之河不若將洪澤湖出水之處再行挑濬令其寬深使清水愈加暢流至蔣家壩天然壩一帶舊有河形宜更加挑濬使通運料小河俾商民船隻皆可通行即漕船亦可輓運為利不淺矣諭畢

上曰行宮少項命一等侍衛馬武等傳諭河道總督張鵬翮曰
河工効力人員內稍有可觀者猶可容留河上如同知南夢
班降調通判徐光啟主簿方德弘俱屬不堪匪人著斥革逐
去又召大學士馬齊諭曰溜淮套開河必至毀民田盧墳塚
且地形甚高雖開鑿成河亦不能直達清口朕將此等情由
在扈從諸臣地方大小官員前窮問總河巡撫河官伊等皆
不能對惟叩首認罪而已此河斷不可開即繕寫諭旨傳諭
在京諸臣前任總督阿山何所見亦奏此河當開著問阿山
回奏 刑部議覆雲南貴州總督貝和諾疏言原任雲南巡
撫佟毓秀糾衆布政使佟國勳暗勒火耗扣剋兵餉各款察
審俱虛請復佟國勳所革之職應如所請從之 甲辰
上自曹家廟回清口將沿途所立開河標竿盡行撤去百姓見
之踴躍歡欣咸曰

聖上深仁厚德不惟生者沾恩亦且下及枯骨我等無以報答
惟仰祝

聖壽無疆而已

上至清口登舟諭大學士馬齊等曰凡天下事行之有益者自
宜亟行如無益斷不可輕舉譬如人之身有病方可用藥
針針砭如無病之人或告以割肉可得延年斷無聽從之理
開河事亦類此今欲於溜淮套開河是平靜無事之時多此

一事不惟無益而反有害矣又諭曰朕觀此地百姓可謂淳
樸彼見豎立標竿墳墓之上毫無怨色朕沿途訪問仍云皇
上聖明應開自開不應開自不開我等愚民無知總恃皇上
優恤皇上不辭勞苦躬臨閱河特為小民起見我等何敢妄
置一詞及聞朕諭溜淮套停止開河羣情歡悅不勝鼓舞感
激可見伊等惟知尊上絕無他意可謂良民矣是日大江以
南百姓各舉旗幟恭迎

聖駕叩請臨幸江南

上允所請百姓歡聲雷動 乙巳

上召扈從大小臣工及總督巡撫司道總河河官近

御舟前列跪於岸

上諭張鵬翮曰爾身任總河宜時時巡視隄河不避風雨以免
盡職守乃安居署中兩三月不一出惟以虛文為事何事不致
耽誤若論文字朕亦常為之爾所作文字亦未必佳爾口中
常稱朱子朱子之書朕不時披覽見爾能記憶一條
予宋儒所言光風霽月爾能稍似否爾惟任用一二不肖漢
官偏聽其言河工事務漫不經心朕常謂天地風雷有不測
之變豈不可恃隄岸之堅須竭盡人力曲為綢繆曾經再三
訓諭後洪澤湖水漲溢隄岸危險河官欲開滾水壩前土壩
以洩水勢屢次中報爾置若罔聞以致古溝一帶地方咸被

衝決爾行事刻薄不以禮待屬員口無忌憚使眾人皆畏懼爾朕雖加訓諭並不悛改且語多欺誑康熙四十四年朕南巡閱河問爾高家堰石工何時可以修竣爾奏云本年七月內工竣乃遲延致逾年不完今又以溜淮套地方可以開河請朕親臨更屬欺誑朕之言無不可向眾人言之者今大小臣工齊集於此爾有何說可於眾人前直陳張鵬翮免冠謝罪

上又諭曰如築高家堰隄岸開塞減水六壩使淮水盡出清口非爾之功修治挑水壩逼黃水流向北岸非爾之功堵塞仲莊閘改建楊家閘令黃水不致倒灌清口非爾之功此數大

工程皆與爾無涉更有何勤勞張鵬翮奏云臣實愚昧無知不能仰體

皇上訓旨夙夜恐懼

上曰爾不巡視河工惟夙夜恐懼徒自苦耳於地方何益與其夙夜空懷恐懼何如盡此力於河工張鵬翮奏云臣罪戾實多惟仰懇

皇上寬宥保全

上曰賞罰者國家大權內而九卿外而督撫原為盡忠於國惠養斯民而設非徒使之榮顯晏安而已大吏廉潔則小吏自然效法苟不能勤慎致悞公事豈可因保全一人而廢國法

乎凡事有可以保全者亦有當用剛斷者國家臣工甚多姑息一二人何以服眾人諭諸臣曰比年以來幸而水不甚大當年靳輔于成龍在任時水勢甚大若張鵬翮當此河工必致不堪張鵬翮惟有一長于成龍每不遵朕指示自立意見張鵬翮則不然朕前以河務一指授皆能遵行所以年來河工漸次底績歸仁隄原為洪武祖陵建築靳輔以為無用廢去殊屬不合清水使之入黃則黃水未有不被刷者使靈芝湖等水由祥符閘入黃殊覺有益但水勢泛溢由歸仁隄三閘流入洪澤湖水勢既分則不能入黃雖開祥符閘亦覺無益若閉歸仁隄三閘以蓄水又恐水漲致淹上流民田亦

非可行之事前靳輔慮高家堰隄岸危險開唐埂六壩以致洪澤湖水偏向六壩而流此靳輔悞處後黃河倒灌清口朕令閉塞六壩始能敵黃朕自甲子年至今六次南巡詳觀河形一年異於一年治河之道當看何處關係緊要便保守何處不可執一自古治河皆順水性為今之計但當商酌使淮水稍洩其流乘水未長時預為綢繆將來水雖大長必不致於危險天然壩一帶舊有河形當挑濬此河酌量可容糧艘建立閘座水小則閉閘蓄湖水以敵黃水大則開閘使之暢流一面由武家墩通至連河一面通至高郵湖則商民船隻皆得長行似為永久利益著張鵬翮率領在河能員確看定

議具奏 丙午

御舟泊淮安府清江浦 諭江南江西總督張鵬翮布安徽巡撫劉光美江蘇巡撫于準等前總督阿山總河張鵬翮總漕李蔚等奏稱溜淮套地方開河朕循行周覽斷不可開今溜淮套工已降旨停止其湖水泛漲宜籌宣洩之道故諭張鵬翮親率能員於高家堰蔣家壩相度舊有河形之處建閘蓄洩以期永利爾等可即張示徧諭各州縣人等咸悉朕慎重河務周恤民隱之至意 致仕在籍大學士張英來朝 福建將軍祖良璧來朝 丁未遣官祭先農之神

實錄卷二二九

五

上駐蹕淮安府城內 吏部題一等阿思哈尼哈番關報病故銷去恩詔所得一拖沙喇哈番餘二等阿思哈尼哈番以其子悟實承襲從之 戊申

御舟泊寶應縣 杭州將軍宗室諾羅布等奏稱杭州兵民翫望

聖駕臨幸伏祈俯賜俞允

上諭曰朕已允江南百姓懇請渡江巡省浙江當一體臨幸

己酉

孝昭皇后忌辰遣官祭

陵

御舟泊高郵州九里廟地方 湖廣總督石文晟湖北巡撫劉殿衡偏沅巡撫趙申喬來朝 庚戌

御舟泊揚州府是日揚州紳衿商民等跪迎

聖駕 賜致仕大學士張英

御書世恩堂匾額及對聯書籍入參 河道總督張鵬翮以悞奏開溜淮套河具疏請罪得旨黃淮兩河關係運道民生總河身任河務必勿憚煩勞時親勘閱將應修應築之處斟酌合宜又能任用得人斯為稱職張鵬翮聽信小人徐光啟議開溜淮套河竟不親加審勘輒奏稱此河開濬有益所立開河樑竿至毀壞民間墳塚田廬又地勢甚高雖開濬成河亦不能水出清口徒滋生事擾民張鵬翮輕舉妄動大負職掌九卿詹事科道將張鵬翮並前會題請開溜淮套督撫等俱嚴加議處具奏 辛亥

上駐蹕揚州府寶塔灣行宮 宗人府題輔國將軍都統阿顏圖行止不端應革職從之 兵部等衙門議奏大學士席哈納等審審土司田畝年一案疏稱原畧田畝年僭越淫縱等款俱虛應毋庸議其假捏幼孫年歲造冊報部希圖承襲又私將伊子田畝如冒原任石梁土司田畝之名襲為主司及鑄錢擅殺等款俱實應治罪似已經身故亦毋庸議至向久忠等捏詞控告應飭責令妻妾抽內地革職宣慰司土司田

晒如暴戾虐民抗不赴審應加責僉妻安插內地桑植宣慰司土司向長庚隱匿由晒如不解聽審應降四級留任總督石文晟不行詳察草率具題應降三級調用巡撫劉燾衡趙申喬提督俞益謨將奉旨審理事件不行詳察具題應各降一級罰俸一年俱應如所題其承襲容美司土司之職應將田舜年之子田岐如田曜如田暢如田映如等開列伏候上裁得旨石文晟著降三級從寬留任容美司土司著田岐如承襲餘依議 士子還官祭

歷代帝王 賜扈從大臣侍衛護軍等執事人員白金有差 福建陸路提督藍理來朝

實錄卷一百一十八

五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十八

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十九

康熙四十六年丁亥三月甲寅朔 乙卯

上駐蹕江天寺 丙辰清明節遣官祭

永陵

福陵

昭陵

暫安奉殿

孝陵

仁孝皇后

實錄卷一百一十九

孝昭皇后

孝懿皇后陵

御舟泊鎮江府 丁巳

上登陸駐蹕句容縣龍潭地方 戊午諭江南江西總督邵穆

布江蘇巡撫于準曰今日天雨道路泥濘明日朕往江寧爾

等可傳諭兵民不必迎接 己未

上駐蹕江寧府城內是日江寧府紳衿兵民等自龍潭至江寧

城跪伏迎

駕者填塞衢路仰觀

天顏歡聲雷動 庚申遣大學士馬齊祭明太祖陵 鄂爾多

斯固山貝子杜稜故遣官致祭。○辛酉

上幸演武場率諸皇子及善射侍衛射

上親射二次發矢皆中次令江寧官兵馬步射 諭大學士等

曰朕欲於明日往謁明太祖陵大學士等奏曰

皇上前此臨幸江南明太祖陵或遣官致祭或遣皇子致祭亦
有

皇上親行濯奠之時又重新廟貌專人看守自古加厚前朝未
見如此者今

皇上又欲往謁臣等以為太過况此行已遣大臣致祭天氣驟
熱不必親勞

聖躬往謁

上諭曰天氣驟熱何足計耶朕必親往。○陞刑部郎中溫察為

通政使司通政使。○壬戌

上詣明太祖陵乘步輦由東石橋至大門下輦由東門陞殿行
禮畢回行宮。○致仕大學士張英率江寧百姓跪奏懇請

聖駕多留數日

上曰朕原欲明日啟行因張英及眾百姓諄請留一日後日往

燕子磯再留一日。○諭江寧將軍諸滿曰朕前至江寧賜此

地兵丁一月錢糧京城馬匹甚多入秋令解來給江寧兵丁

此時兵丁有馬倒斃者且勿買補。○刑部議覆陝西巡撫鄂

海疏言興安州被水衝塌城垣隄岸請准令廢官捐造贖罪

應如所請得旨此城垣隄岸不必捐修所需錢糧著該撫明

白估計動正項錢糧修理。○賜扈從大臣侍衛護軍叅領及

執事人等綴足有差賜護軍校護軍等白金。○癸亥

上幸演武場率諸皇子及善射侍衛射

上親射五矢皆中。○賜江寧將軍諸滿江南江西總督卞穆布

江寧副都統鄂克遜達拜安徽巡撫劉光美江西巡撫郎廷

樞南昌總兵官高文燭等貂帽貂褂緞袍馬匹等物有差。○

甲子

上自江寧登舟啟行泊燕子磯。○乙丑

上登陸駐蹕句容縣龍潭地方。○丙寅

上自龍潭抵鎮江登舟啟行泊丹徒鎮。○丁卯

御舟泊常州府大王廟地方。○戊辰

御舟泊無錫縣。○己巳

御舟至蘇州府闔郡紳衿兵民等跪迎

聖駕仰觀

天顏歡聲雷動是日駐蹕蘇州府城內。○辛未

萬壽節停止行禮。遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵遣官祭真武東嶽城隍之神○是日萬民集行

宮前進表叩祝

萬壽○壬申蘇州閭郡紳衿兵民等齊集跪請

聖駕再留數日諭曰既爾等懇請明日再留一日以後不得瀆

請○癸酉賜江蘇巡撫于準貂帽貂褂緞袍○甲戌

御舟泊崑山縣青陽岡○乙亥

御舟泊青浦縣柘澤橋地方○丙子

御舟至松江府閭郡紳衿兵民等跪迎

聖駕仰觀

天顏歡聲雷動是日駐蹕松江府城內○丁丑

上幸演武場率諸皇子及善射侍衛射

上親射二次發矢皆中次令提標官兵等射○吏部題二等阿

思哈尼哈番常遠因病解退銷去恩詔所得一拖沙喇哈番

餘三等阿思哈尼哈番以其子齊寶襲替從之○陞江南壽

春副將俞章言為雲南曲尋總兵官福建臺灣水師副將張

應金為汀州總兵官○戊寅

上召江蘇按察使張伯行近前謂大臣曰朕至江南訪問張伯

行居官甚清此名最不易得張伯行由進士歷任按察使不

可以書生待之張鵬翮保舉人員內惟張伯行蔣陳錫尚優

上又命地方各官俱近前訓諭曰江南錢糧既多火耗雖輕斷

無不足養廉者清乃居官之常清官每多殘酷清而能寬斯

為盡善○諭吏部福建巡撫員缺甚為緊要張伯行為人篤

實即在行間亦非退縮者著陞為福建巡撫○大學士馬齊

等奏福建浙江總督梁鼐請將出洋漁船照商船式樣改造

雙桅之事臣等遵旨問梁鼐據稱漂洋者非兩桅船則不能

行且漁船人戶所倚為生者非但捕魚而已亦仗此裝載貨

物以貿易也若准其照商船樹立雙桅裝載貨物甚便於民

上曰所奏甚是著如議行○松江提督侯張雲翼及松江閭郡

紳衿兵民等跪奏懇請

聖駕再留數日

上以諄諄再四允留二日○己卯陞江南蘇松督糧道馬逸姿

為江蘇按察使司按察使○署甘肅提督吳洪以病乞休允

之○辛巳松江閭郡紳衿兵民等懇請

聖駕再留數日不允是日

上登舟泊松江府楊家浜○賜松江提督侯張雲翼

御書衣帽鞋帶及弓矢鞍馬○壬午

御舟泊嘉興府岳廟地方。○偏沅巡撫趙申喬疏言漕運旗丁舊有耗贈銀米於起運之前預行給發。近因科臣戴瑋條奏請將此項銀米暫留糧道倉庫內俟漕運抵通後詳查旗丁無掛欠者補行給發。如有掛欠者即行扣抵。臣查湖南地方去京遙遠若不預發耗贈銀米恐致誤漕。祈仍照舊例預給得旨。此項耗贈銀米非預行支給。旗丁必致困苦。且抵通後即無掛欠之處。或遇不肖有司不能如數補給。侵蝕入己。俱未可定。趙申喬所奏甚是。著仍照舊例行。

夏四月癸未朔享

太廟遣散秩大臣宗室德寧行禮。○

平錄永可元

不

御舟泊仁和縣武林頭地方。○浙江温州總兵官崔相國福建漳州總兵官許鳳來朝。○甲申

御舟至杭州府閩郡紳衿兵民等盈路跪迎

聖駕仰觀

天顏歡聲雷動是日

上駐蹕杭州府城內。○賜扈從大臣侍衛護軍參領護軍校護

軍執事人員緞疋有差。丁亥

上幸演武場率諸皇子及善射侍衛射續令杭州官兵射是日

上駐蹕西湖行宮。○己丑予故福建海壇總兵官楊世懋祭葬

如例。○辛卯賜福建將軍祖良璧福建浙江總督梁鼐浙江

巡撫王然福建巡撫張伯行等

御書匾額。○杭州將軍宗室諾羅布福建浙江總督梁鼐浙江巡撫王然等率兵民跪行宮前懇請

聖駕多留數日

上諭曰朕遠臨此地即多留數日何難但今時漸炎熱如河水一漲所關甚大既官民懇請再留二日啟行爾等不得再瀆

○癸巳諭福建浙江總督梁鼐浙江巡撫王然江南江西總督卽穆布安徽巡撫劉光美江蘇巡撫于準山東巡撫趙世顯等朕頃因視河駐蹕淮上江浙兩省官員及地方紳士軍民皆環道遠迎懇請臨幸朕勉順羣情涉江而南巡省風俗

所至郡縣見雨暘應時麥苗蕃殖比閭樂業可冀盈寧雖山東一路尚未悉覩而江浙田疇鬱葱在望深愜朕懷方今二麥垂熟正將刈穫之時一切扈從人員皆以次舟行不致蹂躪誠恐百姓沿途迎送老稚扶攜動盈千萬越阡度陌不無踐傷朕心甚為軫惜凡所過地方悉令停止迎送且節候漸熱朕舟行乘夜迎涼亦未可定民雖遠來無由親見爾等督撫可張示徧加曉諭無負朕重農愛民之意。○賜杭州將軍宗室諾羅布福建將軍祖良璧福建浙江總督梁鼐浙江提督王世臣福建陸路提督藍理水師提督吳英浙江巡撫王然杭州副都統覺羅鳴珥圓道福塞等衣各一襲。○甲午陞

雲南永昌道王家棟為廣西按察使司按察使。○賜浙江提督王世臣福建水師提督吳英陸路提督藍理浙江溫州總兵官崔相國福建漳州總兵官許鳳等

御書匾額 杭州閩郡紳衿兵民等懇請

聖駕再留數日不允是日

上登舟泊仁和縣塘棲。吏部題一等精奇尼哈番席喇因病解退銷去恩詔所得四拖沙喇哈番餘一等阿思哈尼哈番以其子三保住襲替從之。○予故盛京刑部侍郎布爾賽祭一次。○科爾沁多羅冰圖郡王達達布故遣官致祭。○乙未御舟泊石門縣。○丙申

御舟泊嘉興府王江涇地方。○丁酉

上駐蹕蘇州府城內。○吏部題一等精奇尼哈番黑雅圖病故銷去恩詔所得二拖沙喇哈番餘三等精奇尼哈番以其子官壽承襲從之。○戊戌賜扈從文武大小官員護軍校護軍執事人員緞疋有差。○賜江南江西總督邵穆布安徽巡撫劉光美江蘇巡撫于準江西巡撫郎廷樞南昌總兵官高文燭等

御書匾額。○己亥

孝端文皇后忌辰遣官祭

昭陵。○庚子

上駐蹕虎邱。○陞浙江溫州副將韓祖勳為黃巖總兵官福建浙江督標中軍副將湯明為福建海壇總兵官。○癸卯蘇州閩郡紳衿兵民等懇請

聖駕再留數日不允是日

上登舟泊丁堰鎮。甲辰

御舟泊丹徒鎮。乙巳

上駐蹕江天寺。丙午

上駐蹕揚州府寶塔灣行宮。○戊申賜扈從大臣侍衛護軍參領護軍校護軍執事人員白金有差。○陞江寧副都統鄂克遜為江寧將軍。○予故福建巡撫李斯義祭葬如例。○以荆

州將軍伯璘喀為正黃旗蒙古都統。○陞廣西按察使卞永式為四川布政使司布政使。○庚戌

上諭大學士馬齊等曰甘肅提督員缺甚為緊要吳洪為總兵官副都統時聲名俱佳今任提督患病是實觀西寧總兵官殷泰材健人優從軍十餘次身經二十餘戰被創數處口齒為烏鎗中傷馬步箭俱精而漢文亦通自任總兵官以來邊外蒙古內地人民無不稱頌且久居西土地方事情亦皆諳練著陞為甘肅提督又諭曰朕召福建提督吳英入語良久見其為人篤實深得大體而心中明達朕語及海寇吳英奏云海寇斷不至蔓延苟至蔓延則任臣等何用然亦不能使

不為小寇也海中與城郭不同城郭有里甲易查寇盜無所棲止海乃汪洋之水賊乘一小舟到處藏匿難以緝獲然而為盜者大都皆係商販本利虧折不得已而為之者多此即可謂之海寇乎所奏之言深中竅要且効力年久著加授將軍銜又提督中王世臣岳昇龍潘育龍為人俱優惜皆年老矣賜京口將軍侯馬三奇副都統蔡毓茂崔士英衣各一襲辛亥

上登舟泊高郵州馬棚灣

五月壬子朔

御舟泊山陽縣二鋪地方○癸丑諭河道總督張鵬翮及河官

等古今治河形勢不同舊時常患清水不足敵黃水每有黃水倒灌之虞今清水敵黃水有餘運河清水甚大反流入高郵湖設高郵湖水長溢入運河則運河東隄受險少有疎虞雖堵塞不難而生民田廬不可問矣應加謹防護以保無虞清口湖水七分敵黃三分濟運今應將大墩分水處西岸草壩再加寬大使清水多出黃河一分少入運河一分則運河東隄不致受險又於蔣家壩開河建閘引水由人字河芒稻河下江由下河及廟灣等處入海不惟洪澤湖之水可以宣洩而盱眙泗州積水田地亦漸次涸出水小則下板蓄水敵黃水大則啟板洩水且便於商民舟楫往來其祥符閘口門

甚窄越此黃水不甚高之時委幹員將歸仁安仁利仁三閘改寬洩水則徐州一帶民田可無淹沒之虞矣

御舟泊運口○河道總督張鵬翮疏言臣遵旨親率河員於高家堰武家墩天然壩等處一一踏勘天然壩迤南清水溝及蔣家壩等處舊有河形俱應挑濬并於南北兩岸修築隄工建石閘一座草壩一座共需銀七萬六千兩有奇得旨見今溜淮套地方停止開河其武家墩天然壩等處工程著交與尚書徐潮侍郎鐵圖將原派帶來官員內揀選二十五員存留修河并將所帶帑銀分工修理餘員俱著回京○甲寅仁孝皇后忌辰遣官祭

陵○

上渡黃河閱御壩行至桃源縣重興集泊舟○乙卯

御舟泊宿遷縣枝河溝地方○丙辰

御舟泊邳州大王廟地方○丁巳

御舟泊滕縣萬年閘○戊午

御舟泊沛縣夏鎮○己未

御舟泊魚臺縣南陽鎮○庚申

御舟泊濟寧州○辛酉

御舟泊汶上縣開河○壬戌

御舟泊東阿縣阿城○癸亥

御舟泊堂邑縣土橋地方 甲子遣官祭

關聖帝君

御舟泊夏津縣半壁店 丙寅

御舟泊德州 丁卯

御舟泊滄州 己巳

御舟泊黃莊 庚午

御舟泊和船屯 辛未

上自和船屯登陸至沙窩店駐蹕 壬申

上駐蹕南苑 癸酉

上回暢春園詣

皇太后宮問安 ○甲戌夏至祭

地於

方澤遣散秩大臣宗室德寧行禮 乙亥

上詣

皇太后宮問安 丙子九卿等議河道總督張鵬翮並原任江

南江西總督令陞刑部尚書仍帶革職留任阿山將溜淮套

地勢並不確視以不可開濬者題請開濬殊為溺職應將張

鵬翮革職阿山革任漕運總督桑額安徽巡撫劉光美江蘇

巡撫于準並不詳確定議各降五級調用

上諭大學士等曰聞驗視溜淮套之時張鵬翮桑額俱以為不

可開而阿山獨強以為可開公同奏請著將阿山革任張鵬

翮革去所加官保桑額降五級劉光美于準各降三級俱從

寬留任 諭兵部嗣後補授運糧千總爾等俱帶領引見

先是湖廣總督石文晟以病乞休疏未批發至是諭大學士

等曰石文晟人極粗鄙若為土司而罷其職似未得體彼既

自行引病請休可令解任 諭滿大學士學士九卿等曰部

院筆帖式當其初任筆帖式之日即應思勉以冀大用爾

等皆從筆帖式陞擢者也朕今見關差筆帖式多有從都統

及護軍統領之筆帖式派出者問以事務茫然不知併其該

管大人姓名亦不能記大約鑽營進身者多 況

太祖皇帝

太宗皇帝之時都統護軍統領並未設筆帖式著將都統護軍

統領之筆帖式盡行裁去候缺令都統取撥什庫披甲中知

書者用之護軍統領取護軍中知書者用之令二三年一換

又各門筆帖式亦皆裁去候缺其缺取護軍用之亦二三年

一換此外再有應裁之筆帖式亦著裁去至中書內竟有年

方童稚者此皆徇情補用嗣後補授中書著引見 以左副

都御史李旭昇為工部右侍郎 陞鑲黃旗滿洲副都統桑

阿禮為鑲黃旗護軍統領 陞理藩院右侍郎伊道為鑲白

旗蒙古副都統兵部左侍郎管右侍郎事范承烈為正藍旗

漢軍副都統湖廣永州總兵官王臣為正紅旗漢軍副都統
調江寧右翼副都統達拜為左翼副都統陞保定城守尉
塔拜為江寧右翼副都統○丁丑調四川建昌總兵官馬際
伯為陝西西寧總兵官陞直隸山永副將杜明義為四川建
昌總兵官 宗人府題叅右宗人輔國公齊克塔哈伊祖阿
敏屢犯重罪

皇上弘恩將伊父瓦山優授公爵瓦山歿後將公爵襲於齊克
塔哈又補授右宗人齊克塔哈屢承隆恩自應勉効力乃
凡事推諉妄行錯營趨承諂媚應將齊克塔哈革去右宗人
並公爵至間散宗室星尼係緣罪革去貝子繫禁家中之人

皇上寬恩裁出理宜懷改守分今仍任意妄行錯營應將星尼
交伊族弟康親王椿泰嚴加鎖禁從之○戊寅以禮部右侍
郎在學士裏行赫壽充經筵講官 諭九卿等曰今年朕南
巡閭河沿河百姓無不稱頌靳輔所修工程極其堅固自明
末流賊李自成決壞黃河之後一經靳輔修築至今河隄畧
不動搖皆其功也且開中河而糧船免行一百八十里之險
此可以尋常目之乎前後總河皆不能及地方軍民俱有為
靳輔立碑之意但畏張鵬翮耳靳輔歿已十餘年無有為之
舉奏者然功不可泯也 追贈江西殉難建昌府知府高天
爵為太僕寺卿謚忠烈從伊子浙江溫處道高其佩請也○

諭戶部朕屢次視河南巡凡所過地方遇有各省漕船務加
詢問備悉其長途輸挽之事每船額載糧米數百石全責成
於旗丁旗丁管領重運遠涉江河經行數千里始抵通州身
家性命攸關其責甚鉅及交納入倉時設有糧數不足則處
分追賠定例極嚴既有懲創處分之例則不可無獎賞激勸
之典如各營兵丁內有人材壯健勉力報効拔補將領者甚
多旗丁中有應運四五十年者累歲積勞奉公若不定議敘
之例則希榮無階衆丁何所鼓勵嗣後凡有領運照數全完
者應令總漕獎賞若於額定糧數之外有多交者計算米數
併領運次數議敘授以職銜庶各幫運丁皆踴躍自効而不

肖之徒侵蝕虧損之弊可以漸止此朕破格優恤旗丁裨益
漕務之至意爾部即遵旨會同兵部詳議定例具奏○諭兵
部國家綏輯兵民久安海嶠必資威望素重之臣以畀干城
之寄有能久鎮巖疆實彰勞績者則錫命酬庸宜加顯秩福
建水師提督吳英當王師初定八閩即親履行陣自偏裨以
至大將數歷四十餘年比任提督以來益殫壯謀克修軍紀
目前諸將中明習水性訓練舟師者罕與姚倫是用特渙殊
恩俾膺異數著授為威畏將軍仍管水師提督事務以示朕
優眷勞臣至意爾部即遵諭行○諭吏部朕屢念河防屢行
親閱凡自昔河道之源流及歷來治河之得失按圖考績靡

不周知粵從明李魁氛決黃灌汴而洪流橫溢歲久不治迄於本朝在河諸臣皆未能殫心修築以致康熙十四五年間黃淮交敵海口漸淤河事幾於大壞朕乃特命靳輔為河道總督靳輔自受事以後斟酌時宜相度形勢興建隄壩廣疏引河排衆議而不撓竭精勤以自効於是淮黃故道次第修復而漕運大通其一切經理之法具在雖嗣後河臣互有損益而規模措置不能易也至於創開中河以避黃河一百八十里波濤之險因而漕輓安流商民利濟其有功於運道民生至遠且大朕每莅河干徧加諮訪沿淮一路軍民感頌靳輔治績者衆口如一久而不衰夫人臣有大建樹於國家者

獎勲酬庸宜從優渥雖賜卹易名已循彝典尚應特予褒敘賁以殊恩靳輔著加贈太子太保仍給世職拜他喇布勒哈番用彰朝廷追美勞臣之典為矢忠宣力者勸爾部即遵諭行以正白旗護軍統領達爾占為荊州將軍 辛巳

上詣

皇太后宮問安 兵部議覆四川陝西總督博齊疏言四川化林營極邊緊要應將叅將改為副將其成都副將責任雖重但駐劄省城應將副將改為叅將俱應如所請從之

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百二十九

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十

康熙四十六年丁亥六月壬午朔

上回宮 癸未

上幸暢春園 以鎮國公額爾圖為宗人府右宗人 以司經局洗馬王奕清提督四川學政 轉左都御史耿額為刑部尚書 陞奉天府府尹王國安為兵部右侍郎宗人府府丞阮爾詢為都察院左副都御史內閣侍讀學士薦良為理藩院右侍郎 乙酉

上詣

皇太后宮問安 以刑部郎中江鼎金為陝西按察使司僉事 提調學政 丙戌

上詣

皇太后宮問安 河道總督張鵬翮疏請修築高郵等處隄工 上諭大學士等曰頃者朕往巡河工見黃淮俱已安流運河較前深通重運無阻但湖水大漲則運河東隄尤關緊要著將此處作速修築堅固完工報部又諭曰朕屢次閱河見沿途漕運船隻其領運千總內亦有最庸劣不足觀者此缺甚緊要著交兵部會同領侍衛內大臣將領運千總隨到隨考視其馬步射有不及者即罷斥之朕此番閱河回鑾時過臨清

間有一安慶運船觸損所載糧米俱被水浸恐部中以其不在江河不予豁免是乃朕躬親見者著傳諭戶部察明免其賠補 丁亥

上巡幸塞外命皇太子允初皇長子多羅直郡王允禔皇十三子胤祥皇十五子允禩皇十六子允祿皇十七子允禮皇十八子允禔隨駕自暢春園啟行是日駐蹕北石槽 以原任廣東廣西總督革職郭世隆為湖廣總督仍革職戴罪効力 陞刑部右侍郎巢可托為都察院左都御史 陞光祿寺卿艾芳曾為奉天府府尹左僉都御史宋駿業為宗人府府丞 以左春坊左中允汪士鋐充日講起居注官 戊子

上駐蹕密雲縣 己丑

上駐蹕遼寧 庚寅

上駐蹕兩間房 辛卯刑部題秋審事得旨今年各省重罪人犯甚少可停其秋審直隸著照常審鞫

上諭大學士馬齊曰坐糧廳赫為色聲名惡劣運丁欠糧苦累皆由於此聞伊每船取銀八兩一年約得四五萬金赫為色任坐糧廳十年則已得四五十萬矣朕之用彼原欲其做好官非令其圖利也是斷不可恕著革職鎖禁於城門又赫為色如此乖張而倉場總督及都察院堂官科道官員何以並不劾奏著一并問明回奏 壬辰

上駐蹕鞍子嶺 癸巳

上駐蹕花峪溝 陞鑲白旗滿洲副都統覺羅孟俄洛為正白旗護軍統領以一等侍衛壽志為鑲黃旗滿洲副都統陞正白旗叅領馮忠為鑲白旗滿洲副都統雲南臨元激江總兵官楊琳為鑲紅旗漢軍副都統 丁酉喀喇沁和碩端靜公主來請安 陞左副都御史牛祐納為刑部右侍郎 戊戌上出行宮率諸皇子及善射侍衛射

上親射二次發矢皆中 刑部議覆四川陝西總督博齊題審搶劫盜犯朱璽等一案查劫盜止三十一人而被搶者乃至百餘人此內或有以多報少以重報輕情弊應行該督查明

覆奏再議

上諭大學士等曰商州雒南等處嘯聚百餘人橫行劫奪地方官未經奏聞今部議駁回於理至當斯不愧為部院衙門此案著左都御史巢可托學士二高前往會同督撫詳審具奏若有干涉督撫處則不必會同 己亥蘇尼特多羅貝勒蘇泰賀蘭山厄魯特多羅貝勒已圖爾額爾克濟農和洛禮故俱遣官致祭 壬寅予故雲南永順總兵官周化鳳祭葬如例 陞通政使溫察為都察院左副都御史 癸卯上駐蹕喀喇和屯 甲辰陞湖廣黃州副將李如松為永州總兵官陝西慶陽副將張其蘊為雲南臨元激江總兵官 乙

己吏部題三等精奇尼哈番布納海年老解退銷去恩詔所得三拖沙喇哈番餘二等阿思哈尼哈番以其子胡士屯襲替從之

上諭大學士等曰今部院習氣極其不堪一切公事堂官諉之司官司官又諉之筆帖式皆不留心部院官員當以敬慎廉潔矢之於心勉勵不怠朕尚不憚勤勞朝夕與諸臣商榷政事伊等可圖安逸乎 戶部等衙門遵諭議覆運丁運米三年多交米一百石者給九品頂帶交米一百石以上者遞加議敘

實錄卷五

上諭大學士等曰此事若照部議行則富人希圖官職多交餘米數次即可至一品矣朕命議敘運丁者並非欲多取其米也特使運丁知所勸勉交米不至缺欠之意今部議謬矣著將運丁內有運糧三年多交米一百石者令注冊六年多交米二百石者令給以九品頂帶至運丁內有運糧二十年不欠米者亦當議敘此事著再議具奏尋部議旗丁運米二十年雖無多交米石並無掛欠及過犯事故者亦應給以九品頂帶榮身從之 丙午宗人府題齊克塔哈公爵請以其子襄林承襲得旨此輔國公爵著伊兄鄂飛襲替 己酉上諭大學士等曰朕觀醫書與儒書不同儒者之書皆言五倫之理作文者據以發揮雖文之優劣各由乎人然其理總不

出五倫之外。若醫書開一方於前。又列數方於後。米此一方。盡善。則彼數方者。又何用乎。以此揆之。彼著醫書之人。已自不能無疑也。至服補藥。竟屬無益。藥性宜於心者。不宜於脾。宜於肺者。不宜於腎。朕嘗諭人。勿服補藥。好服補藥者。猶人之喜逢迎者也。天下豈有喜逢迎而能受益者乎。先年滿洲老人多不服藥。而皆強壯。朕亦從不服藥。至使人推摩。亦非所宜。推摩則傷氣。朕從不用此法。朕之調攝。惟飲食有節。起居有常。如是而已。

秋七月辛亥朔。享

太廟。遣領侍衛內大臣尚之隆行禮。○陞太僕寺卿花塞為通

書奉

五

政使司通政使。○壬子。

上駐蹕熱河上營。戊午。蘇尼特多羅郡王垂基恭蘇隆科爾

沁和碩土謝圖親王阿拉善來朝。予故工部右侍郎周清

原祭葬如例。○辛酉。旌表安慶烈婦王錫連妻葉氏拒姦自

盡。給銀建坊如例。壬戌。

上駐蹕喀喇和屯。癸亥。阿霸垓多羅郡王吳爾占噶喇卜達

爾漢貝子車陵敦羅布等來朝。甲子。奈曼多羅達爾漢郡

王班弟故遣官致祭。乙丑。中元節。遣官祭

永陵。

福陵。

昭陵。

暫安奉殿

孝陵

仁孝皇后

孝昭皇后

孝懿皇后陵 丁卯

上巡歷諸蒙古地方。自喀喇和屯啟行。駐蹕喇門噶山。戊辰。

上駐蹕博洛河屯。己巳。蘇尼特多羅杜楞郡王達禮扎卜輔

國公阿必大烏朱穆泰輔國公滾布扎卜等來朝。賜袍褂緞

疋等物。○工部左侍郎李元振以衰病乞休。允之。○庚午。

書奉

下

上駐蹕張三營。辛未。以厄魯特羅卜臧西喇卜為散秩大臣。

壬申

上駐蹕拜布哈昂阿地方。癸酉。

上駐蹕海拉蘇台昂阿地方。甲戌。

上駐蹕德爾濟庫木都和洛。喀爾喀和碩恪靖公主來請安。

喀爾喀和碩額駙敦多卜多爾濟烏朱穆泰和碩車臣親

王色登敦多卜來朝。賜袍褂緞疋等物。乙亥。

上駐蹕和碩恪靖公主第。阿霸哈納多羅貝勒薄昭翁牛特

鎮國公索訥穆來朝。賜袍褂緞疋等物。丙子。土默特多羅

達爾漢貝勒馬呢等來朝。賜袍褂緞疋等物。丁丑。

上駐蹕卓素畢喇地方。工部議覆河道總督張鵬翮疏言宿遷縣白洋河迤上三教堂隄工近因北岸新長沙灘逼溜南趨其屬危險應於隄壩外建築磯嘴壩一座挑溜開行又於上流之處下護崖埽五十丈壩頭接築撐隄二十丈以保隄工。安東黃河北岸佃湖隄工單薄應加幫高厚計工二百丈其佃湖上流之處亦建築磯嘴壩一座山陽柳園頭隄工地勢彎曲今將曲處取直頂衝應建築月隄四百丈以為重門之障俱應如所題從之。戊寅

上駐蹕宜納哈布拉克地方。浙江巡撫王然疏報仁和等州縣亢旱情形。

上諭大學士等曰浙江巡撫王然報浙省旱災而近日江南總督邵穆布亦奏報江南全省俱旱以此揆之被旱之處甚廣朕屢幸南省其地方山川形勢及小民生業鮮有不知者南方溝洫最多水之出入固易然亦只可備平常小旱而已若至大旱河蕩盡涸惟近大河之處猶可薄收若田高河遠之處水不能到必至全荒且小民有田者少佃戶居多豐年則納糧之外與佃戶量其所入分之一遇歲歉則佃戶竟無策可施矣南方卑溼民間難以蓋藏故比戶而居有米者少凡飲食諸物每日見買此數年幸遇豐稔可以無慮今遇大旱所聞匪細奏聞之後若能得雨不必言矣如未有雨不早加

詳議殊非朕保民如赤子之心矣著九卿詹事科道會同速議具奏。又諭曰江浙被旱災事主然於六月二十八日具題邵穆布於七月初十日具題伊等具題之後有雨無雨著問江南浙江大小諸臣或有伊等家信或問之南方來人著即陳奏雖有錯悞亦不較也至江西湖廣兩省雨水米穀何如亦著問明具奏若江西湖廣兩省雨水調和米穀豐收尚無妨礙倘雨水不調關係甚大不可不預籌畫也。又諭曰前年山東饑饉朕發帑金遣旗員賑濟民乃安堵如故今巡行邊外見各處皆有山東人或行商或力田至數十萬人之多而該撫並未嘗奏稱彼處納糧人少者於此可以知小民生息之繁矣。○己卯。

上駐蹕宜車舍里地方。巴林和碩榮憲公主來請安。○巴林和碩額駙吳爾袞輔國公格勒爾圖翁牛特多羅達爾漢戴青貝勒額爾德布鄂齊爾等來朝賜袍褂緞疋等物。八月庚辰朔。

上駐蹕西喇穆倫地方。轉工部右侍郎李旭升為左侍郎陞左副都御史阮爾詢為工部右侍郎。吏部題三等精奇尼哈番查密嚴故銷去恩詔所得三拖沙喇哈番餘二等阿思哈尼哈番以其子馮升額承襲從之。辛巳。

上駐蹕和碩榮憲公主第。遣多羅直郡王允禔護軍統領代

喀至固倫淑慧公主墓前奠酒（阿霸垓多羅卓禮克圖郡

王畢額等來朝賜袍褂緞疋等物）癸未

上駐蹕郭爾果爾台喀喇烏蘇地方 嵩齊忒多羅郡王雅穆

畢爾巴林固山貝子鄂齊爾桑來朝賜袍褂緞疋等物 甲

申

上駐蹕巴顏烏蘭地方 吳喇忒鎮國公達拉瑪西禮等來朝

賜袍褂緞疋等物 乙酉

上駐蹕綽諾瓜扎爾哈地方 丙戌

上駐蹕特門呼朱地方 丁亥

上駐蹕畢齊克圖烏蘭哈達地方 戊子

太宗文皇帝忌辰遣官祭

昭陵

上駐蹕喀奇爾畢喇地方 己丑

上駐蹕達喇爾畢喇地方 阿祿科爾沁多羅貝勒穆寧鎮國

公布尼烏朱穆泰多羅額爾德尼貝勒博木布扎魯特鎮國

公巴圖等來朝賜袍褂緞疋等物 庚寅

太祖高皇帝忌辰遣官祭

福陵

上駐蹕格得爾呼布拉克地方 辛卯

上駐蹕西爾哈和洛 壬辰

上駐蹕阿祿崑都崙地方 甲午

上駐蹕靠爾畢喇地方 盛京將軍貝子蘇努寧古塔將軍宗

室楊福黑龍江將軍博定等來朝 科爾沁多羅郡王代布

和碩額駙多爾濟塞稜多羅貝勒阿畢達郭爾羅斯鎮國公

巴土等來朝賜袍褂緞疋等物 乙未

上駐蹕札喀朱爾麻地方 喀爾喀和碩親王額駙策妄扎卜

等來朝賜袍褂緞疋等物 丙申

上駐蹕烏喀納布拉克地方 兵部議覆雲南貴州總督貝和

諾疏言普安州三江苗人黃柱漢等在菴章寨等處肆行劫

掠請發官兵前往緝捕若獻出罪犯則撤回官兵否則即行

征剿應如所請得旨依議遣往官兵不得沿途騷擾苗民著

該督撫提鎮各嚴行禁飭 丁酉

上駐蹕扣恩昂阿地方 戊戌

上駐蹕海拉蘇台昂阿地方 己亥

上駐蹕薩爾納台昂阿地方 庚子

上駐蹕喇克薩哈拜察地方 辛丑

上駐蹕克爾木台和洛 科爾沁多羅扎薩克圖郡王鄂齊爾

鎮國公圖努滿爾扎賴特固山貝子特固思杜爾伯特固山

貝子沙金等來朝賜袍褂緞疋等物 壬寅

上駐蹕特白特土城地方 癸卯

上駐蹕西里克台達巴漢地方喀爾喀扎薩克多羅郡王益

蘇克鎮國公車步登來朝賜袍褂綬足等物甲辰

上駐蹕洮爾畢喇地方賜索倫總管賽音察克杜拉圖打牲

壯丁人等布帛銀兩有差丙午

上駐蹕多和倫台畢喇地方丁未遣大學士李光地祭

先師孔子

上駐蹕額默克齊台地方戊申祭

大社

大稷遣領侍衛內大臣尚之隆行禮秋分夕

月於西郊遣戶部尚書希福納行禮

上駐蹕塞特爾畢喇地方己酉

上駐蹕扎木哈圖畢喇地方

九月庚戌朔辛亥

上駐蹕努克圖哈達河朔地方壬子

上駐蹕木西匣畢喇地方癸丑

上駐蹕訥默爾根地方乙卯

上駐蹕格綢額阿林地方丙辰

上回鑾駐蹕木西匣達巴漢昂阿地方諭大學士馬齊曰部

院事務已完未完科道官員每月並不察奏是以錢糧命盜

等案動即經年累月直至事完題奏時始稱逾限一併題參

嗣後一應欽件交與某官審理及已完未完該督撫等四季

奏聞如部發案件其已完未完亦著本部查明四季奏聞如

此則事務不至遲延矣丁巳

上駐蹕桂勒齊克地方戊午

上駐蹕烏闌輝海拉蘇台諭領侍衛內大臣護軍統領等曰

據夸蘭大伊道奏今日營東失火即時撲滅查失火之由係

膳房人佛泰家人二格吃烟所致朕惟

太祖皇帝

太宗皇帝時火禁最嚴此行甚遠正值草枯之時倘如此不謹

或致延燒將若之何此事關係甚重不可不嚴加懲治著將

二格耳鼻穿箭遊營示衆俟至京定罪其主佛泰到京後著

枷號三個月鞭一百賜科爾沁達爾漢親王額駙班第多

羅扎薩克圖郡王鄂齊爾等屬下官員兵丁白金有差己

未

上駐蹕阿拉達爾畢喇地方賜搭橋修路蒙古人等白金

庚申

上駐蹕準朱爾麻哈達河朔地方吏部題康熙四十四年浙

省漕艘過淮遲延逾限除原任浙江巡撫張泰交已故不議

外應將原任福建浙江總督令陞兵部尚書金世榮罰俸一

年

上諭大學士馬齊曰此雖前任之事而金世榮平日原極怠惰著降五級調用（京口將軍侯馬三奇疏奏鑲白旗參領張綸為人暴戾動輒鞭責兵丁難以姑容得旨外省城守營兵因管束不嚴氣習甚壞張綸若有貪婪事蹟自應列款糾參今因責治有過兵丁即加處分則嗣後兵丁必有妄評該管官員之事此風甚不可長該將軍題參張綸不合張綸不必處分 諭大學士馬齊曰白都納副都統胡武巴寧古塔副都統喀珥圖年力衰老不能供職著令休致其盛京副都統魏塞為人罷軟不能管轄兵丁著革職又諭曰協領巴勒馬步射俱優人材壯健視其管轄圍獵甚佳惟向與將軍蘇努不睦朕屢以協領內或有人材壯健者問蘇努而蘇努並未嘗以巴勒啟奏今魏塞員缺著陞巴勒為盛京副都統○喀爾喀車臣汗吳默赫扎薩克多羅郡王納木扎爾固山貝子布達扎卜阿拉布坦鎮國公車禮布穆輔國公根敦等來朝賜袍褂緞足等物 辛酉

上駐蹕靠爾畢喇地方 壬戌

上駐蹕濟闌拖羅海地方 癸亥

上駐蹕和爾博圖鳴金地方 甲子

上率諸皇子及善射侍衛射

上親射二次每發必中射畢閱察哈爾巴爾虎蒙古兵丁射

實錄卷三

三

賜喀爾喀車臣汗吳默赫銀五百兩袍褂帽帶等物（乙丑）
上駐蹕奎屯畢喇地方（丙寅）
上駐蹕阿里雅畢喇地方 丁卯遣官祭
歷代帝王（遣官祭城隍之神）
上駐蹕喀奇爾畢喇地方 戊辰予故署甘肅提督事副都統吳洪祭葬如例（己巳）
上駐蹕鄂倫瑚都克地方 庚午
上駐蹕綽諾瓜扎爾哈地方 辛未
上駐蹕巴顏烏蘭地方（壬申）
上駐蹕郭爾果爾台喀喇烏蘇地方 癸酉
上駐蹕和碩榮憲公主第（喀爾喀扎薩克多羅貝勒汪扎爾鄂爾多斯多羅貝勒噶希扎木素四子部落多羅達爾漢卓禮克圖郡王散濟扎卜等來朝賜袍褂緞足等物 丙子）
孝慈高皇后忌辰遣官祭

福陵

上駐蹕西喇穆倫地方 丁丑

上駐蹕喀喇烏蘇地方 戊寅

上駐蹕宜納哈布拉克地方 故漢多羅郡王鄂爾齊圖多羅

額駙扎木肅喀爾喀多羅郡王多爾濟喇卜坦等來朝賜袍

褂緞足等物 賜喀喇沁隨同官兵白金布疋有差（續儀

實錄卷三

十四

使羅託泰布年老革退以護軍統領宗室訥音圖和碩額駙
延布為鑾儀衛鑾儀使

實錄卷三十一

五

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十一

康熙四十六年丁亥冬十月己卯朔享

太廟遣領侍衛內大臣尚之隆行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵（頒康熙四十七年時憲曆）

上駐蹕卓素烏蘭哈達地方（庚辰）

上駐蹕西爾哈畢喇地方（辛巳）

皇太后聖壽節遵

懿旨停止行禮筵宴

上駐蹕席北畢喇地方遣翰林院掌院學士揆敘一等侍衛

隆科多至翁牛特多羅杜楞郡王額駙蒼津祖母郡主墓前

奠酒（九卿議覆江蘇巡撫于準疏言江寧蘇州等處旱災

米貴請勸支藩庫錢糧至湖廣買米平價糶賣應如所請從

實錄卷三十一

十

之○兵部議覆福建浙江總督梁霽疏言臣遵旨察審黃巖總兵官仇機與原任黃巖總兵官今陞京口副都統許國桂互許一案許國桂設立小票收取漁船規禮銀三百兩仇機收取漁船規禮銀一千一百兩零查定例非因公科斂人財物入己者以枉法論罪止杖流今許國桂仇機專任海疆貪婪不職不便照此輕例應照沿邊地方鎮守總兵等官科斂軍人財物入己三百兩以上永遠充軍之例將許國桂革職充軍係旗人解部枷責仇機革職貪婪發邊衛充軍應如所題從之○喀爾喀車臣汗遣使進九白年貢宴賚如例○喀喇沁多羅杜楞郡王額駙噶爾臧等來朝賜祀褂緞足等物○壬午。

實錄卷三十一

上

實錄卷三十一

上

上駐蹕端靜公主第○遣鎮國公散秩大臣暖托合二等待衛五格至喀喇沁多羅杜楞郡王扎什墓前奠酒○癸未免浙江錢塘等四縣湖州一所本年分旱災額賦有差○甲申上行圍射殪一虎○乙酉上駐蹕拜尚台地方諭戶部江南地方頻年雨暘時若百穀順成閭井黎氓咸得遂生樂業但民間夙鮮蓋藏禦荒無術一遇歲歉即有匱乏之憂朕屢次南巡素所洞悉今年自夏入秋雨澤愆期該督撫先後奏至朕念小民久未被災驟罹荒旱所關甚鉅隨命九卿等速同詳議應行事宜業經敕令

停徵並發倉穀賑濟顧倉儲數少未足徧給惟各州縣截留漕米可以實惠及民目下時已屆冬總漕桑額無事著會同總督卽移布巡撫于準親歷各州縣被災地方備加察勘將今年所徵漕糧每州縣或留八九萬石或留十萬石酌量足支賑濟之數分別多寡存留支散及今漕米尚未開兌截見收之糧以濟待哺之衆實於民生大有裨益此朕殷殷懷保赤子軫念如傷之至意爾部即移文該督等實心奉行仍開具賑濟實數奏聞○又諭曰從來漕糧關係倉儲最為重要每歲刻期輸輓聚不停徵即蠲除節年額賦亦不及漕項朕前以國家經費尚充曾有酌免漕糧之事係出特恩去年頒發諭旨已將江南省民欠地丁銀米自康熙四十三年以前通行豁免而漕項所欠尚在徵收今念江南地方見被旱災除新徵糧米另有諭旨酌量截留散賑外其康熙四十三年以前江蘇巡撫所屬各府州縣未完民欠漕項銀兩六十八萬七千兩有奇米麥三十一萬一千八百石有奇著該撫一察明悉數豁免用紓閭閻之餘力俾辦額運之正供事切利民蠲逾常格爾部移文該撫令張示徧諭務使均沾實惠以稱朕深軫民依之意如有不肖有司朦混重徵者察出從重治罪爾部即遵諭行○外藩諸王貝勒貝子公台吉等各率所部進獻馬駝

上却之。衆皆叩首奏曰：臣等祖父以來受

聖主隆恩，撫恤養養，俾各得其所，已數世矣。逮及臣等，遭噶爾

丹之變，父母兄弟妻子俱不能相保，蒙我

皇上軫念特遣大臣官員將離散之人收養，又頒賞銀米布帛

牲畜等物，使永立生業，教之播種。比年以來，馬匹蕃滋，衣食

豐足，高厚之恩，萬難仰報。今

聖駕遙臨邊塞，巡視臣等生息進獻之物，倘蒙收納，則仰沐洪

福，嗣後馬匹愈加蕃盛矣。奏入。諭曰：朕今教養爾等人，皆富

庶物盡蕃滋。爾等竭誠進獻，朕心嘉悅，即與收納無異。嗣後

爾等其益勤生計，圖維滋息，姑副朕愛養至意。○丙戌

實錄卷五

四

上駐蹕特門哈達地方。○丁亥。

上駐蹕茅溝畢喇地方。○己丑。

上駐蹕中關。○庚寅。

上駐蹕熱河上營。○辛卯。

上駐蹕喀喇和屯。

上諭大學士馬齊曰：聞內閣諸臣常將部院題奏本章駁回，刪

改近為內閣侍讀題補盛京員缺，事屢次駁回，果有不當，則

有票擬之例在。題奏本章擅自駁回，刪改殊為可駭。俟進京

時察奏。又諭曰：觀此時學士皆不及昔年。阿蘭泰、佛倫為學

士時，俱能強記，又善於辦事。伊桑阿才筆成文，構詞頗順。此

時廷臣中能強記者，誰耶？馬齊奏曰：溫達能強記，又見馬爾

漢引武弁入見，人名俱不錯，亦能強記者也。

上又曰：昔年批本皆在乾清門諸學士手，自批寫折爾肯所書

尤速。或諸人一二張未完，而折爾肯已書成五頁。草書更為

敏捷。其時皆稱折爾肯為書寫中飛手。至原任學士布達禮

向聞其善辦事，後試用之，並無所能，徒空言而已。○壬辰，諭

內務府據河屯營守備楊弘德奏稱：駐防河屯兵丁二百名

已給錢糧，請將原給地畝交回。朕思兵丁內陞轉病故者，伊

等妻子既無地畝，又無錢糧，何以養贍？著將地畝仍令伊等

耕種。○癸巳。

實錄卷五

上

上駐蹕鞍子嶺。○甲午。

上駐蹕兩間房。○乙未。

上駐蹕遙亭。○丙申。

上駐蹕密雲縣。○丁酉。

上駐蹕三家店。○戊戌。

上回宮詣

皇太后宮問安。己亥。戶部議覆雲南貴州總督貝和諾等疏

言：雲南金銀銅錫等礦，敝自康熙四十四年冬季起，至四十

五年秋季止一年之內，共收稅額銀八萬一百五十二兩零

金八十四兩零。應駁回，令該督據實嚴查加增。

上諭大學士等曰雲南礦稅一年徵銀八萬兩零用撥兵餉數亦不少若又令增加有不致累民乎此所得錢糧即數所用矣本發還著照原題議結 又諭曰江浙地方今年旱荒有被災之處朕心殊覺惻然屢頒諭旨截留漕糧以賑飢餉免歷年拖欠以濟困厄想被災人民已各得其所矣但江浙乃財賦要區爾等可會同戶部將江浙所屬被災州縣幾何所免田糧幾何丁糧幾何仍應徵收田糧幾何丁糧幾何及不成災州縣幾何應徵田糧幾何丁糧幾何通計錢糧幾何查明具奏 又諭曰邊外地廣人稀自古以來從未開墾朕數年避暑塞外令開墾種植見禾苗有高七尺穗長一尺五寸者今年南巡曾以此語張鵬翮伊未敢深信近值邊外收穫之時命特刈數本驛送總漕秦額轉示張鵬翮矣且內地之田雖在豐年每畝所收止一二石若邊外之田所獲更倍之可見地方不同然人力亦不可不盡也 庚子

上詣

皇太后宮問安 陞左都御史蕭永藻為兵部尚書宗人府府丞宋駿業為都察院左副都御史 陞前鋒叅領常關保為白都納副都統 辛丑諭吏部尚書溫達等曰今觀部院衙門司官甚是不及京察甄別既經停止若不行考察漸至廢弛司官雖稍能辦事倘行止不端豈可容留其不能做稿說

堂者亦應革退爾等俱係大臣此次考察不可互相徇情或各部院官員有彼此遷轉任事未久者本衙門堂官不能悉知其人著九卿會同考察分別具奏 免山東章邱等七縣本年分水災額賦有差 壬寅浙江巡撫王然疏言杭州嘉興等處今歲少雨無收請截留漕糧五萬石以備駐防兵糧又奉命賑濟查常平倉積穀無多請照山東例於常平倉開例捐納

上諭大學士等曰浙省被災州縣亦照江南著總漕秦額親身會同該撫於被災各州縣截留漕糧賑濟飢民何必捐納爾等傳諭戶部 以戶部郎中張懷為廣西按察使司僉事提

調學政 癸卯

上御太和殿視朝文武陞轉各官謝恩 九卿等遵旨查各部院衙門司官萬塔布等十二員得旨伊等俱著革退其各部院大小衙門筆帖式內有鑽營攬事行止乖亂狂妄庸劣不能舉筆者亦著革退 甲辰

上詣

皇太后宮問安

上幸暢春園

十一月己酉朔諭戶部江浙地方賦役殷繁倍於他省朕屢經巡歷時切軫懷比年以來業已節次敷恩頻行蠲貸頃因

兩省偶被旱災隨命按數減徵豁免漕欠並分截本年漕糧令該督撫親往散賑猶念民間素鮮儲積生計不充非更加格外滋培則荒歉之餘未能驟臻康阜茲特再施膏澤用弘休養康熙四十七年江南浙江通省人丁共額徵銀六十九萬七千七百餘兩著悉與蠲免其今年被災安徽所屬七州縣三衛江蘇所屬二十五州縣三衛應徵康熙四十七年田畝銀共二百九十七萬五千二百餘兩糧三十九萬二千餘石浙江二十州縣一所應徵康熙四十七年田畝銀九十六萬一千五百餘兩糧九萬六千餘石亦俱著免徵所有舊欠帶徵銀米並暫停追取俟開徵時一并輸納務使小民一歲

書報卷三

之內絕跡公庭安處隴畝俾得優游作息經理農桑庶幾閭閻氣象可以日加豐豫諭旨到日該督撫體朕軫恤黎元至意各飭有司實心奉行仍張示通曉令咸知悉倘蠲除不實致有假冒察出從重治罪爾部即遵諭行 庚戌以署理倉場侍郎事正黃旗漢軍都統富寧安為漢缺都察院左都御史 阿祿科爾沁多羅貝勒穆寧故遣官致祭 免江南太倉六合等二十一州縣本年分旱災額賦有差 免浙江安吉餘杭等一十六州縣本年分旱災額賦有差 癸丑琉球國中王尚貞遣陪臣馬元勳等進貢方物宴賚如例以翰林院侍讀學士徐元正充日講起居注官○旌表

直隸烈婦王孝兒妻王氏拒姦殞命給銀建坊如例○甲寅

免江南蘇州衛本年分旱災額賦有差 刑部等衙門議覆左都御史葉可托等疏言臣等遵旨察審陝西盜犯朱璽等搶劫一案查朱璽與魏學吾等行劫商州雒南等處沿途搶逼鄉民入夥嘯聚至二百餘人燒燬房屋姦淫婦女拒捕傷兵逃匿山澤雖經千總趙璉等招安投降但招降之時延挨時日因官兵四面圍繞計窮出降與自行投首者不同朱璽係造意為首之犯應擬斬立決其妻妾子女給與功臣之家為奴財產入官父母祖孫兄弟遣發二千里安插又盜犯頭目魏學吾等十四人亦應斬立決為從之孔易先等九人雖

書報卷三

經判奪財物未有姦殺等情請減等發遣寧古塔其李本明等二百餘人俱係被賊逼勒跟隨行走又於招安時先行投首應從寬免罪從前承審此案並未審出實情之督撫司道府縣等官請照例分別降革招降之千總趙璉等請照例議敘再陝西總督博霖等以雒南鎮安山陽商南等四縣多山谷林麓之處請增設兵弁防守臣遵旨詳查雒南山陽商南等三縣額兵無多應各添設把總一員兵八十名惟鎮安縣地方與興安鎮相近請調撥興安鎮標把總一員兵丁八十名就近移駐不必另行添設俱應如所題從之 乙卯陞福建按察使金培生為福建布政使司布政使福建巡海道宋

致為福建按察使司按察使。喀爾喀澤卜尊丹巴胡土克圖土謝圖汗遣使進九白年貢宴賚如例。丁巳陞左通政廖騰烽為光祿寺卿。己未

皇四子多羅貝勒 恭請

上幸花園進宴。諭大學士等曰福建內地之民住居臺灣者甚多比來海罹災被米穀不登在土著之人猶可採捕為生內地人民在彼者糧食缺少既難以自存欲歸故土又遠隔大洋誠為可憫著行文該地方官察明情願復歸本地者或遇兵丁換班之船或遇公務奉差之船令其附載帶回原籍。庚申旌表山東烈婦金生福妻蘇氏拒姦殞命給銀建坊。

辛未

如例。壬戌陞正紅旗護軍統領汪悟禮為正黃旗漢軍都統。免江南句容等三縣本年分旱災額賦有差。癸亥吏部議覆偏沅巡撫趙申喬疏言全楚延袤數千里中隔洞庭大湖路途既遙風波復險懇將候選候補教職之恩拔歲副貢生籍係湖北者則選湖北之缺籍係湖南者則選湖南之缺應如所題從之。免直隸文安等三縣本年分水災額賦有差。丁卯理藩院以外藩諸王供應議折給銀兩事具奏上曰爾等所議殊不均平少者太少多者太多蒙古護衛及喇嘛等供應俱如所議行公主每日食物折價銀兩可稍裁減至公主等來未嘗攜如許隨從今當計彼來人實數酌量給

發如果隨來人多再照爾等數目供給勿得逾額昔年外藩蒙古來朝員必濫開浮數冒支錢糧朋分肥己此弊已久今如此行則錢糧不致安費而事務亦易清楚爾等再議具奏至外藩蒙古來京有當住五日者亦有當住七日者今一舉俱五日一次給發銀兩則住七日者不得不將所餘兩日另作一次支領矣今爾等可將五日者五日一次給發七日者七日一次給發如是則於外藩蒙古甚便爾等辦理之事亦不至繁瑣也。戊辰皇三子多羅貝勒允祉恭請

上幸花園進宴。己巳投和碩簡修親王雅布庶出子巴魯為三等輔國將軍。壬申九卿等議覆廣東巡撫范時崇疏言

辛未

原任鹽運使陸曾鵬空庫銀一案原任巡鹽御史鄂羅等不行詳查捏報商欠請令一體分賠應如所請

上諭大學士等曰此議不合理鄂羅等但因誣報之故當議處而已陸曾鵬空之庫銀自應勒限著落陸曾鵬還不當即令鄂羅等分賠也從前張霖案內有不當賠償之銀議令賠償朕亦免之此等不應追賠者朕斷不准行。吏部議覆山西巡撫噶禮疏參潞安府知府白邦傑借欠官銀一年限滿未完請將白邦傑降俸二級令其戴罪完結

上諭大學士等曰凡借官銀者因不能完銀治罪若留任追賠必希圖還債以致剋剝小民矣嗣後凡牧民官員借欠官銀

不能完納即令離任追賠已還後准其開復如不能清還即以家產抵償如此則官銀不致虧欠而亦無剝民之事矣著交九卿定例議奏 免江南揚州儀真二衛本年分旱災額賦有差 以蘇尼特故多羅貝勒蘇泰之孫西禮襲爵 癸酉陞鑲紅旗蒙古副都統辛泰為正紅旗護軍統領 甲戌上自暢春園回宮詣

皇太后宮問安 諭戶部今屆嚴寒步軍每夜巡邏殊可憐憫著賞撥什庫銀各五兩布各二疋披甲銀各四兩布各二疋若家下人則諭令伊主以所賞銀布與之勿得扣取又諭領侍衛內大臣前鋒統領八旗護軍統領等今屆歲暮朕欲恩

賞兵丁爾等將所統兵丁細查曾出兵從獵十次者為一等七次者為一等或中傷有功牌者亦入在十次一等之內其餘者另作一等共分三等此內有不曾出兵從獵一次者亦開明具奏爾等務行嚴查若少有徇庇其該管官員必斥退之 乙亥

上御乾清宮西暖閣召江南浙江兩省在京大學士以下翰林科道官以上齊集乾清門外又命大學士張玉書等入諭曰朕在宮中無刻不以民間疾苦為念恐遇旱澇必思豫防至巡幸各省於風俗民情無不諮訪即物性土宜皆親加詳考每至一方必取一方之土以試驗之今歲南巡江浙見天氣

久晴所經河渠港蕩之水比舊較淺即慮夏間或有亢暘之患是時麥秋雖見豐稔然南方二麥用以為麴蘖者多不似

北方專需麵食南方惟賴稻米北方則兼種黍稷梁粟有攜北方黍稷及蔬菜之類至南方種植者多不收獲此水土異宜不可強也且江浙地勢卑下不雨則蒸溼人不能堪有雨則涼快人皆與謔雖地稱水鄉然水溢易洩澇歲為患尚淺早歲為患甚劇若北方則經月不雨亦無礙南方夏秋間經旬缺雨則田皆坼裂禾苗漸槁矣喜雨亭記云十日不雨則無禾蓋謂此也江浙農功全資灌溉今見其河渠港蕩比舊俱淺者皆由素無儲蓄所致雨澤偶愆濱河低田猶可屏水

濟用高燥之地力無所施往往三農坐困朕茲為民生再三籌畫經久之計無如興水利建閘座蓄水灌田之為善也江南省之蘇松常鎮及浙江省之杭嘉湖諸郡所屬州縣或近太湖或通潮汐所有河渠水口宜酌建閘座平時閉閘蓄水遇旱則啟閘放水其支河港蕩淤淺者並加疏濬引水四達仍酌量建閘多蓄一二尺水即可灌高一二尺之田多蓄四五尺水即可灌高四五尺之田準此行之可俾高下田畝永遠無旱澇矣爾等其以朕意曉諭廷臣詳議以聞張玉書等隨出傳諭諸臣畢復入奏曰臣等恭傳

聖諭諸臣無不感頌請通行江浙兩省督撫查勘太湖水口酌

建閘座或有支流去湖稍遠歲久淤塞者宜令挑濬深廣一體建閘以蓄水源又凡通潮之地每月朔望潮汛盛長二次若將支河濬深建置閘座於潮盛時下板蓄水儘足供灌溉之用矣

上曰今所議閘座原與運道無涉而關係經費錢糧所以無人敢言朕特念江浙財賦重地小民粒食所資故欲講求經久之策諸臣所見既皆符合今總漕及各督撫俱為截漕散賑事見在彼地料理該部速行文伊等將各州縣河渠宜建閘蓄水之處並應建若干座通行確察明晰具奏以朕度之建閘之費不過四五十萬兩且南方地畝見有定數而戶口漸增偶遇歲歉艱食可虞若發帑建閘使貧民得資傭工度日餬口亦善策也○丁丑冬至祀

天於

圓丘

上親詣行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 停止次日朝賀 戊寅

上詣

皇太后宮問安 以科爾沁故多羅冰圖郡王達達布子宜希

班弟襲爵

十二月己卯朔免浙江新城等八縣衢州嚴州二所本年分旱災額賦有差 壬午以遊牧地方察哈爾改三等公噶爾瑪之子都噶爾襲爵 免江南滁州定遠等七州縣泗州等三衛本年分旱災額賦有差○甲申賞八旗護軍校俞鍾護

軍等銀兩有差○乙酉免江南靖江等二縣本年分旱災額賦有差○丙戌刑部議覆漕運總督桑額察審運丁張季友等抗拒巡捕私鹽將張季友擬充軍情罪不符應駁回

上諭大學士等曰漕船往來河道運丁人等夾帶私錢私鹽并裝載一切貨物遇有稽察員役輒抗拒傷人放火誣賴沿途商民船隻悉被欺凌種種不法之事甚多湖廣安慶運丁尤甚朕以南巡屢經河路運丁兇惡知之甚詳今張季友等偷裝私鹽顯被拏獲反敢抗拒捕強橫如此漕運總督倘不嚴察懲處則運丁恣意橫行必致重為民害桑額所審此案甚屬朦混顯有徇徇著該督再行確審作速定擬具奏又諭曰桑

額居官尚好待下極寬故運丁皆愛戴之然而運丁勞苦但可加惠而已若橫行不飭反致縱肆矣昔王樞任總漕時運丁畧有過惡即責四十板不少寬恕故運丁皆畏王樞今桑額待運丁不嚴一味用寬人不知畏凡用人行政不可偏於寬亦不可偏於嚴寬嚴適中始可謂善也 以吏部尚書溫達為文華殿大學士兼吏部尚書調兵部尚書馬爾漢為吏部尚書刑部尚書耿額為兵部尚書左都御史巢可托為刑部尚書以署理倉場侍郎事正黃旗漢軍都統補授漢缺之左都御史富寧安為滿缺左都御史○丁亥宗人府題奉國將軍滿達病故其子金珠爾請照例降一等授為奉恩將軍

青集卷百五

七

得旨滿達行事妄亂其子金珠爾不准授奉恩將軍著為閒散宗室○免江西新喻等四縣本年分旱災額賦有差督修上下兩河戶部尚書徐潮等疏言臣等遵旨將蔣家壩至高郵湖等處工程皆分與京中派出修河官員修築次第告竣會同河道總督張鵬翮驗明取具印領訖下部知之 庚寅陞護軍參領剛元為鑲紅旗蒙古副都統 辛卯上幸南苑行圍 以刑部郎中蔣德昌為湖廣按察使司僉事提調學政 癸巳免直隸霸州靜海東安三州縣本年分水災額賦有差 丙申先是建威將軍兼理歸化城將軍事務宗室費揚固等疏言歸化城附近之處居住喇嘛所屬人丁甚

衆請將伊等編作佐領以便差遣奉旨此事著蒙古都統蘇滿前往會查確議具奏至是蘇滿覆奏臣遵旨會同右衛將軍等查歸化城附近喇嘛屬下人丁共三千五百八十餘口除附丁老病丁口之外見存二千五百五十人應照土默特例以二百丁編一佐領共編作十三佐領其參領佐領驍騎校等官并請照例增設從之 陞護軍參領牛尼由為荊州副都統 以奈曼故多羅達爾漢郡王班第子垂忠喀爾喀故多羅貝勒羅布臧子準對鄂爾多斯故固山貝子杜梭子色楞喇錫各襲爵○考察天下軍政卓異官三十九員貪酷官二員貪官二員不謹官四十四員年老官八十員罷軟官

五十一員有疾官五十二員才力不及官一百十六員浮躁官三十四員俱分別陞賞處分如例○戊戌諭大學士溫達等曰頃因刑部彙題事內有一字錯悞朕以硃筆改正發出內外各衙門奏章朕皆一一全覽外人謂朕未必通覽故朕於一應本章見有錯字必行改正其繕譯不堪者亦改削之當用兵時一日有三四百本章朕悉親覽無遺今一日中僅四五十本章而已覽之何難一切事務不可少有怠慢之心也○己亥陞吏部左侍郎王九齡為都察院左都御史○予故江寧將軍諸滿祭葬如例 調湖廣襄陽總兵官張谷貞為鎮草總兵官陞陝西永昌副將高其位為湖廣襄陽總兵

官。○辛丑。

上回宮詣

皇太后宮問安。○癸卯。

孝莊文皇后忌辰遣皇太子允初祭

暫安奉殿。丙午。賜親王銀各八千兩。郡王及受封貝勒諸皇

子各七千兩。貝勒各六千兩。貝子公等各三千兩。未受封皇

九子皇十子皇十三子皇十四子各四千兩。皇十二子二千

兩。內大臣侍衛等賜銀百兩。○丁未。歲暮裕祭

太廟。遣領侍衛內大臣公阿靈阿行禮。○遣官祭

永陵。

福陵。

昭陵。

暫安奉殿

孝陵

仁孝皇后

孝昭皇后

孝懿皇后陵。遣官祭太歲之神。○陞大理寺少卿顧沂為宗

人府府丞。戊申。賜朝正外藩科爾沁翁牛特蒿齊忒扎魯

特烏朱穆秦王默特喀喇沁巴林阿霸垓喀爾喀至貝勒貝

子額駙公台吉及內大臣大學士侍衛等宴。○旌表八旗節

婦滿洲彭大妻瓜爾佳氏等十一人。蒙古敦楚克妻蘇氏等

三人。漢軍陳芳妻郭氏等三人。直隸各省節婦麥弘泰妻徐

氏等六人。員女楊觀果聘妻周氏一人。各給銀建坊如例。○

是歲人丁戶口二十四十一萬二千五百六十。田地山蕩畦

地五百九十八萬九千二百三頃六十二畝有奇。徵銀二千

七百四十二萬五百六十八兩有奇。米豆麥六百九十七萬

三千二十三石有奇。草二百八萬二千六百九十五束。茶十

五萬七千五百十二引。行鹽四百三十二萬一千四百七十

五引。徵課銀三百六十九萬八百二十八兩有奇。鑄錢三萬

三千八百八萬五千九百有奇。

大清聖祖合天弘運文武睿哲恭儉寬裕孝敬誠信中和功德

大成仁皇帝實錄卷之二百三十一

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十二

康熙四十七年戊子春正月己酉朔

上詣

堂子行禮還宮拜神畢率諸王貝勒貝子公內大臣大學士侍
衛等詣

皇太后宮行禮御殿王以下文武各官外藩王及使臣等上表

朝賀停止筵宴 朝鮮國王李焞遣陪臣李澤等表賀冬至

元旦

萬壽節及進歲貢禮物宴費如例 庚戌

上幸暢春園 甲寅領侍衛內大臣滿漢大學士及九卿等奏

我

皇上御極以來凡祭祀大典俱親詣行禮

皇上虔誠

上天早已洞鑒今次祭

祈穀壇正值

聖體初愈臣等誠恐禮數繁多

聖躬過於勞頓恭懇暫停親祭

上諭曰朕從前入冬後微覺頭眩今叨

上天佑庇身體康健步履如常若果朕躬久安不能行禮自當

遣官致祭朕生平從不作欺人語欺人即自欺况祭
祈穀壇乃為天下萬民粒食之計敬事

天地正朕之責豈可不親詣行禮耶朕志已決不必再奏 乙

卯

世祖章皇帝忌辰遣官祭

孝陵 丙辰並春享

太廟遣領侍衛內大臣輔國公鄂飛行禮 遣官祭太歲之神

戊午

上自暢春園回宮 辛酉祈穀於

上帝

上親詣行禮 順天府進春

上奉

皇太后幸暢春園 壬戌以上元節賜外藩科爾沁翁牛特嵩

齊武扎魯特烏朱穆泰土默特喀喇沁巴林阿霸垓喀爾喀

青海郭爾羅斯毛明安敦漢阿祿科爾沁王貝勒貝子公台

吉等及內大臣大學士侍衛等宴 癸亥

上詣

皇太后宮問安 上元節賜外藩王貝勒貝子公台吉等及內

大臣大學士侍衛等宴 乙丑

上詣

皇太后宮問安。賜外藩王貝勒貝子公台吉等銀帶鞍馬有差。戊辰轉吏部右侍郎張廷樞為左侍郎調兵部左侍郎曹鑑倫為吏部左侍郎管右侍郎事。己巳以內閣學士二高允經筵講官。庚午都察院僉都御史勞之辨疏言江浙米價騰貴皆由內地之米為奸商販往外洋所致請申嚴海禁暫徹海關一槩不許商船往來庶私販絕而米價平。

上諭大學士等曰聞內地之米販往外洋者甚多勞之辨條陳甚善但未有禁之之法其出海商船何必禁止洋船行走俱有一定之路當嚴守上海乍浦及南通州等處海口如查獲私販之米姑免治罪米俱入官則販米出洋者自少矣。浙

實錄卷三三二

上

江巡撫王然疏報大嵐山賊衆於嵎縣慈谿上虞等縣行劫隨遣官兵往捕前後斬殺賊人四名擒獲十五名。

上諭大學士等曰朕聞大嵐山不通舟楫糧運難到盜賊不能久棲自古以來必於宜戰之地而後戰不攻其所不可攻昔擊騰機思在昭莫多之地後擊噶爾丹亦在昭莫多之地以是觀之戰必於宜戰之地也大同渾源州左衛俱素稱難攻之城。

太宗文皇帝時三攻大同而不拔後姜勳反亦攻大同而不拔逮賊糧絕始克其城以是觀之自古及今難攻之城仍難攻也。辛未重修南嶽神祠工竣。

御製碑文曰衡嶽為天南巨鎮上應北斗玉衡亦名壽嶽主靈長於祿位綿福祚於子孫載在星經由來尚已往歲專官致祭肅薦馨香重以廟貌傾頤敕命修葺蠲吉歲事鳩工庀材不斂閭左之錢不費公旬之役羣臣歡忭庶民子來經始於康熙四十四年七月訖工於四十六年九月不三歲而落成棟楠一新丹碧重煥於時億萬臣民以茲嶽為主壽之山咸欲伸其愛戴之忱為朕祝釐而督撫諸臣亦合詞籲請謂宜親頒文翰宣導輿情朕以萬邦為懷踐阼以來殫思治理區畫周詳敬

實錄卷三三二

四

天勤民不遑暇逸而於嶽瀆諸祀典禮必虔凡以洽神人和上下也惟茲南嶽靈爽斯憑亦期與吾民共樂雍熙同登仁壽大四海從風之治固萬年有道之基是則朕斂時錫福之至願云爾爰書重修歲月以示崇德報功之意俾勒之貞珉昭諸億祀焉。壬申以刑部郎中袁乃瀚為湖廣按察使司僉事提調學政。癸酉以翰林院檢討潘宗洛充日講起居注官。以正白旗護軍統領覺羅孟俄洛為奉天將軍。大學士席哈納以老乞休得旨席哈納著在該管王門上行走。甲戌。

上詣

皇太后宮問安。乙亥轉兵部右侍郎王國安為左侍郎陞太

常寺卿鹿祐為兵部右侍郎大學士九卿等遵旨會議江南米貴應令漕運總督將湖廣江西起運本年漕米內截留四十萬石分撥江寧蘇州松江常州鎮江揚州六府交賢能官員減價平糶從之吏部題正藍旗一等伯兼一拖沙喇哈番天保坐官參入已革職銷去恩詔所得三拖沙喇哈番餘三等伯以其叔李繩宗襲替從之

二月戊寅朔祭

大社

大稷遣領侍衛內大臣尚之隆行禮 辛巳

上奉

皇太后自暢春園回宮以扎魯特故多羅達爾漢貝勒諾木

拉拜子阿諦沙襲爵 陞太僕寺卿張世爵為太常寺卿

陞正藍旗滿洲副都統圖爾海為正白旗護軍統領 壬午

上御太和殿視朝文武陞轉各官謝恩

上幸暢春園理藩院題喀爾喀故和碩達爾漢親王諾內王

爵應將其子詹達古米等開列承襲得旨諾內襲封王爵以

來並無感恩効力處著降封其子詹達古米為達爾漢貝勒

癸未以故一等阿思哈尼哈番馬哈理子保色襲職 陞

大理寺少卿李先復為太僕寺卿 丁亥遣大學士溫達祭

先師孔子 戊子

孝康章皇后忌辰遣官祭

孝陵 庚寅

上自暢春園回宮

上御經筵講畢賜大學士九卿詹事講官等宴

上奉

皇太后幸暢春園教漢多羅郡王扎穆蘇科爾沁輔國公班

第故各遣官致祭 辛卯吏部遵旨察議御史袁橋疏泰山

西巡撫噶禮各款既經噶禮辯明應無庸議袁橋以無憑據

之事參奏今又支吾巧供應革職御史蔡珍參山西學臣鄒

士璉受託題留噶禮亦無憑據應降一級罰俸一年從之

實錄卷五十五

十

戶部遵旨議覆僉都御史勞之辨請申嚴海禁暫徹海關一

疏查自康熙二十二年開設海關海疆寧謐商民兩益不便

禁止至奸商私販應令該督撫提鎮於江南崇明劉河浙江

乍浦定海各海口加兵巡察除商人所帶食米外如違禁裝

載五十石以外販賣者將米入官文武官弁有私放者即行

參處得旨著如議行江浙海口禁止私販船隻著部院保舉

賢能司官前往巡察 壬辰浙江巡撫王然疏報本年正月

續獲大嵐山賊周天祥朱飛虎張念一張念二等又淮蘇

巡撫于準解到所獲賊張君玉等俱發按察使審訊得旨此

案拏獲賊犯著戶部侍郎穆丹前往會同該撫作速詳審定

罪具奏。其未獲夥賊及奸僧一念著嚴行緝拏。○癸巳兵部議覆湖廣提督俞益謨疏。叅紅苗殺死民人。案內擅自發兵之守備王應瑞等。相應革職。交該督撫嚴審。應如所題得旨。著內閣學士二高前往會同該督撫審具奏。甲午上巡幸畿甸。命皇太子允初。皇長子多羅。直郡王允禔。皇十三子胤祥。皇十五子允禩。皇十六子允祿。皇十八子允祊。隨駕。是日自暢春園啓行。駐蹕南苑。乙未。免福建臺灣鳳山諸羅三縣康熙四十六年分旱災額賦有差。丙申。調正白旗蒙古副都統托克托和為正藍旗滿洲副都統。陞長史蘇克肫為正白旗蒙古副都統。丁酉。遣官祭

先農之神。○奉差浙江審大嵐山賊一案。戶部侍郎穆丹湖廣察審紅苗一案。內閣學士二高各請訓旨。

上諭穆丹曰。此賊結隊橫行。已二三年。不比尋常小盜。情罪可惡。爾今速往會同將軍督撫嚴審。若與江南干涉。便同江南督撫會審。務須決斷。毋得柔弱。一到即將賊首張念一所供朱三太子及其子等作連追拏。并將現獲賊犯速行審結。若俟眾犯全獲。則曠日持久。巡撫王然却過武官。委罪下屬。身為封疆大臣。地方有盜。謂之不知。可乎。況千總被殺。乃曰墜馬身殞。下屬欺蔽。不報。上官隱匿。不奏。釀成盜賊大玷。官方爾其傳旨諭之。諭二高曰。湖廣紅苗前已設官管轄。今何以

彼此爭鬪。以致殺戮。此皆地方官怠忽所致。況苗人所居之地。纔百里。一省之官。何難鎮壓。爾往會同總督郭世隆巡撫趙申喬。明白詳審。如兵民多事。則懲究兵民。果係苗人抗法。則處治苗人。不可姑息。其以此旨傳諭該督撫等。戊戌上駐蹕東安縣旺里村。

上親書諭旨。諭奉差浙江審事戶部侍郎穆丹。爾察審時。恐賊犯妄扳平人富戶。是彼黨羽貪官奸役。借以肆行。嚇詐當深察之。拏賊時。毋得恐嚇良民。以致失所。除賊犯正身外。株連人等。用刑尤宜謹慎。南方人愚弱。一遇嚴刑。即行招認。不復得脫矣。獲賊之官兵。及被賊傷之官兵。務必察明。奏聞酌給

恩賞。以示鼓勵。聞一念和尚父母在蘇州。爾執而訊之。再出示。徧諭南方寺廟僧徒。如獲一念。即令解送。倘窩藏。不肯一經發覺。舉作黨羽治罪。則擒一念易耳。工部議覆河道總督張鵬翮疏。請將修理子隄所存節省銀兩。貯庫為歲修費。應如所請。得旨。著如議行。河工動用錢糧。輒以數萬數十萬計。河官當估計之時。先行浮估。以為日後節省之地。此皆河工積弊。嗣後凡有修理工程。河道總督務親勘確估具奏。不可一任河員浮冒估計。已亥

上駐蹕永清縣義和村。庚子
上至霸州苑家口登舟。壬寅

御舟泊任邱縣趙北口地方 癸卯

孝昭皇后忌辰遣官祭

陵

御舟泊新安縣郭里口地方 乙巳

御舟泊新安縣段村 丙午春分朝

日於東郊遣吏部尚書馬爾漢行禮 禮部題暹羅國貢使所

帶貨物請聽其隨便貿易并免徵稅以示柔遠之意從之

三月戊申朔

御舟泊新安縣泉頭村 庚戌

御舟泊任邱縣趙北口地方 辛亥

御舟泊霸州苑家口地方 陞浙江樂清副將陳有功為福建

汀州總兵官 壬子

上自苑家口登陸駐驛永清縣蔡家營 癸丑

上駐驛李賢村 甲寅

上駐驛南苑 乙卯遣官祭

歷代帝王 理藩院題喀爾喀多羅郡王滾布故其封冊內

無世襲字樣其子額林陳應請旨襲爵得旨額林陳著封為

多羅貝勒 丙辰

上回暢春園詣

皇太后宮問安 戊午陞正黃旗護軍統領希思哈為正紅旗

漢軍都統正紅旗滿洲副都統圖思海為正黃旗護軍統領

陞殺虎口副將杜呈泗為河南河北總兵官 辛酉清明

節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵

上詣

皇太后宮問安 乙丑

萬壽節停止行禮筵宴 遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵○遣官祭真武東嶽城隍之神○已巳諭議政大臣等曰朕自幼時讀書之餘常習騎射因見滿洲中挽硬弓者甚少常以騎射鼓舞衆人今見官員兵丁中挽十五力及十餘力弓者甚多矣且朕自幼常習畋獵身體強健中路出征時往來行走四月有餘日進一餐五更起行至晚始歇遇沙地則下馬步行殊覺耐勞至寧夏出征時往來兩月有餘並不曾在途中歇養馬駝自往迄還馬駝俱無倒斃舊時將軍出於未到西安寧夏荊州等處之先必喂養馬匹二三十日然後起行尚不能無倒斃之累由是觀之凡領兵行走欲士卒精強馬匹壯健俱視率領之人措置何如耳且寧夏出兵之時朕帶領兵丁於六鄂爾多斯花馬池定邊等處行圍每日殺免數千一日所獲可作兵丁幾日乾糧朕於花馬池地方一日殺免三百一十八隻自寧夏回時至黃河渡口因無大船朕量帶侍衛人等乘小舟順流而下以所帶乾糧甚少每日往山間畋獵河中網魚而食二十餘日並未用及乾糧至湖灘河朔渡口朕日御小舟令新滿洲四人棹舟追射雁鴨等物一日可得數百隻彼時朕年方壯兼之熟習水性故毫不介意迄今思之轉覺自懼也然領大兵行走事必率先心能豫料始可服衆令其遵指授而行也朕於諸事閱歷已周行走已熟審其可成而後行似朕帥領有方身先士卒

嗣後將軍大臣等亦難倣效蓋天下事無有過於領兵之難者也 辛未廣東潮州總兵官安躍拔丁母憂命回籍守制 癸酉調正黃旗漢軍副都統瑚世巴為正紅旗滿洲副都統鑲藍旗漢軍副都統趙珀為正黃旗漢軍副都統正藍旗蒙古副都統索諾幕為鑲黃旗蒙古副都統陞一等侍衛托留為鑲藍旗蒙古副都統 甲戌 上詣 皇太后宮問安 丁丑 上自暢春園回宮 內閣學士王之樞丁父憂命回籍守制 閏三月戊寅朔 上幸暢春園詣 皇太后宮問安○重修北鎮神祠工竣 御製碑文曰醫巫閭屹峙東北為幽州巨鎮昔虞帝封十有二山此其一也穹崇磅礴靈瑞所鍾實護王氣以壯鴻圖與歡瀆諸神並垂祀典朕省方問俗嘗過其境望其佳氣鬱鬱蔥蔥上插霄漢下瞰蓬瀛懸瀑飛流喬松盤蔚知其所以保障而迎休者蓋有素矣向錫扁額式展褒崇而廟貌未隆無以昭顯特敕修造遣專官以恪乃事凡所需給皆頒自內府始於康熙四十五年七月迄本年十一月不四月而告厥成功焉規制宏備輪奐維新紺宇琳宮照耀山谷於時臣民瞻仰

罔不欣悅。而府尹臣艾芳曾奏請謂宜光文翰勒諸貞珉。朕御極以來勤卹民隱。祇奉

天庥。敬共神明。罔敢稍戢。惟北鎮之奕奕。為神京之翊輔。嘉符

凝集。靈爽式憑。神其永贊。雍熙益弘。福祐錫蕃。昌於庶類。固

丕祚於萬年。用慰朕精虔之至意。爰樹穹碑。書重修歲月。以

示來茲。 陞正白旗漢軍副都統伯李繩宗為鑲黃旗漢軍

都統 甲申

上詣

皇太后宮問安。 陞翰林院侍讀學士徐元正為內閣學士兼

禮部侍郎。 已丑。諭大學士等。朕聞湖廣襄陽地方鼓鑄私

錢糧船裝載至京各處售賣。此事須清其本原。著大理寺卿

塔進泰速往會同該督撫嚴察具奏。并檄總漕將楚省糧船

裝載私錢偷賣者嚴行查拏。 庚寅

上詣

皇太后宮問安。 陞前鋒叅領英赫紫為正白旗漢軍副都統

甲午。諭大學士等。前命直隸各省督撫將欵件部案限內

完結及未完結之處。逐季奏報。是以邇來盜案按限具題者

甚多。可傳諭吏部將逐季奏報之事。見在某省已奏某省未

奏者。即查明具奏。 諭兵部。烏鎗等火器祇當用於蒐獵行

陣之間。此外一應旗下民間不得擅用。著嚴行禁止。 乙未

陞浙江定海總兵官施世驃為廣東提督。廣東香山營副將吳郡為浙江定海總兵官。江西袁州副將丁祺昌為廣東潮州總兵官。 丙申

上詣

皇太后宮問安。 己亥。諭大學士等。直省人命盜案。今已漸少。

惟盛京尚多。皆因罪犯流徙多在盛京左側。僅有一府尹衙

門衙役人少。雖有駐守滿兵。不知查拏。盛京乃本朝龍興之

地。當興行教化。著諭兵刑二部。檄盛京將軍及副都統嚴加

稽察。禁止爭鬪。消弭盜賊。 扎魯特鎮國公巴圖故遣官致

祭。 庚子。吏部尚書宋學士以老病乞休。命原官致仕。 予致

吏部尚書宋學士

市

漢軍都統趙珣祭葬如例。 兵部題副將以下官員缺出。臣

部按雙單月分照例分缺掣補。及掣補之後。該省又行題補。

致滋煩擾。查福建臺灣澎湖等處缺出。係將本省見任官

員調補。其福建水師提標金門海壇二鎮。閩安協南澳鎮左

營。烽火營銅山營以及湖廣鎮寧永州二鎮。寶慶辰州沅州

靖五四協。天柱兩桂。臨藍宜柳武岡等五營。四川松潘鎮屬

各營。并近海沿邊地方。例應題補之缺。臣部停其掣補。該督

撫提鎮即將銜缺相當賢能應題之員。於十日內題補。如無

應題之人。即當於題報疏內聲明。臣部照例掣補。具題若逾

題補之限。或於臣部已經補入之後。始行題補者。槩不准行。

其不應題補省分請悉照舊例歸部掣補一切題補槩不准行再武弁之銜於陞轉大有關係非虛銜可比惟陝西雲南貴州三省邊地要缺准其越銜一二等題補此外越銜題補亦不准行從之 辛丑

上自暢春園回宮 陞戶部郎中吳進泰為山西布政使司布政使 壬寅

上御太和殿視朝文武陞轉各官謝恩

上幸暢春園 以翰林院侍讀學士王原祁充日講起居注官

甲辰

上詣

皇太后宮問安 內閣學士舒蘭以病乞休允之 諭吏部傳

繼祖著解吏部左侍郎任以原品辦理該管王府事 以正

白旗蒙古都統席柱為西安將軍

夏四月丁未朔享

太廟遣領侍衛內大臣輔國公鄂飛行禮 以故一等精奇尼

哈番垂查布子三濟查布襲職 吏部題三等精奇尼哈番

張振興以上朝失儀革職銷去三次恩詔所得二拖沙喇哈

番及優給一拜他喇布勒哈番餘三等阿思哈尼哈番以其

弟張振文襲替從之 己酉調戶部尚書徐潮為吏部尚書

仍兼翰林院掌院學士教習庶吉士 陞內閣侍讀學士音

達禮為內閣學士兼禮部侍郎 陞甘肅巡撫齊世武為四川陝西總督 庚戌

上詣

皇太后宮問安 壬子調工部左侍郎穆和倫為吏部左侍郎轉工部右侍郎莫音代為左侍郎陞翰林院掌院學士揆敘為工部右侍郎仍兼翰林院掌院學士 丁巳

上詣

皇太后宮問安 戊午

上諭大學士等曰山東巡撫趙世顯拏獲朱三父子解往浙江交穆丹處朱三者乃明代宗室今已七十六歲伊父子遊行

教書寄食人家若盡拏容留伊等之人恐株連太多可傳諭

穆丹知之 庚申先是

上以畿輔少雨命大學士等會同九卿詳議政事得失至是大

學士九卿等奏曰

皇上為天下人民宵旰憂勤稍有水旱即加賑濟且萬幾皆

皇上親理稍當更改者即斟酌更改已極周詳

皇上為民憂勤如此自當上格

天心甘霖旋沛也 辛酉

上諭大學士等曰湖廣提督俞益謨密摺奏請來秋發兵剿除紅苗爾等詳閱此摺議奏尋大學士等議奏紅苗目前無大

罪昭彰遽與兵進剿似乎無名。况如噶爾丹叛逆

皇上尚屢傳諭旨不得已而後興兵討滅今苗民有過惡亦當曉諭至不得已然後剿之則兵出有名彼敢不心服乎

上曰朕意亦然故命爾等閱之 調正藍旗蒙古都統公傳爾

丹為正白旗蒙古都統陞正藍旗護軍統領阿喇納為蒙古都統仍兼護軍統領 內大臣明珠故遣皇三子允祉往奠

茶酒賜馬四匹 癸亥

孝端文皇后忌辰遣官祭

昭陵 甲子

上詣

實錄卷三十三

七

皇太后宮問安 乙丑 雨 以二等伯唐保住為鑲黃旗護軍

統領原任甘肅提督李林盛為鑲紅旗漢軍都統 陞陝西

漢中副將郝宏勳為四川建昌總兵官 丁卯

上詣

皇太后宮問安 陞工科給事中岳代為山西按察使司按察

使 戶部議覆都察院左都御史署理倉場事務富寧安疏

言大通橋舊有滿漢監督二員於康熙四十一年裁汰將糧

務交坐糧廳管理今會清河糧務又歸并坐糧廳難以兼理

請復設大通橋滿漢監督二員應如所請從之 辛未

上詣

皇太后宮問安 以故二等精奇尼哈番善巴從第二等侍衛

兼佐領阿實坦襲職 以廣西道御史呂履恒為雲南鄉試

正考官兵部主事宋聚業為副考官吏部郎中蔡秉公為貴

州鄉試正考官內閣中書李棟為副考官 癸酉兵部議覆

原任四川陝西總督博爾濟疏言藍屋營遊擊所轄三縣商州

營守備所轄四州縣輕重稍偏應將遊擊移駐商州守備移

駐藍屋又西安副將止巡城防守汛地無多潼關參將管轄

七州縣並轄商州等四州縣汛地甚廣應將西安城守營改

設參將潼關營改設副將均應如所請從之 乙亥

上詣

實錄卷三十三

八

皇太后宮問安 禮部尚書凱音布以年老乞休允之 旌表

安徽烈婦宿州梁氏拒姦自縊給銀建坊如例

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十二

實錄卷三十三

元

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十三

康熙四十七年戊子五月丙子朔

上詣

皇太后宮問安 戊寅

仁孝皇后忌辰遣官祭

陵 己卯夏至祭

地於

方澤遣領侍衛內大臣尚之隆行禮 辛巳諭大學士等朕南

巡閱河見洪澤湖風浪危險隄岸陡立商民船隻觸石損壞

實錄卷三十三

一

傷人甚多朕心時切軫念因特令河臣沿湖隄創設救生木

椿自設椿以來數年內並未損船傷人於商民大有裨益此

椿應時加增修愈多愈善嗣後著江寧蘇州杭州三處織造

每歲於節省銀內各捐五百兩解送總河衙門以備救生椿

之用該省逐歲增修存案不必奏銷如不實行修理於別項

支用者從重治罪 壬午

上詣

皇太后宮問安 以兵部右侍郎恩丕充經筵講官 甲申

上詣

皇太后宮問安 調工部尚書王鴻緒為戶部尚書 以內閣

學士舒圖為甘肅巡撫。○以內務府郎中尚之傑署內務府總管。予故漢軍都統一等阿思哈尼哈番李正宗福建汀州總兵官張應金各祭葬如例。乙酉

上奉

皇太后自暢春園回宮。陞左都御史富寧安為禮部尚書仍兼管倉場事。以青海故多羅貝勒益蘇克子博碩克圖戴青阿拉布坦鄂木布襲爵。丙戌

上巡幸塞外命皇太子允初皇長子多羅直郡王允禔皇十三子胤祥皇十四子允禔皇十五子允禩皇十六子允祿皇十七子允禮皇十八子允祹隨駕是日啓行駐蹕順義縣南石槽。○丁亥

槽。○丁亥

上駐蹕密雲縣。古北口提督馬進良等來朝。戊子遣官祭關聖帝君。○

關聖帝君。○

上駐蹕遙亭。已丑

上出古北口駐蹕兩間房。辛卯授和碩顯密親王丹臻庶出子成仁和碩簡修親王雅布庶出子李生額俱為三等奉國將軍固山貝子福存庶出子德全奉國將軍勒塞禮子赫勒布俱為奉恩將軍鎮國公普貴子名保為三等鎮國將軍陞吏部左侍郎穆和倫為都察院左都御史內閣侍讀學士金寶為內閣學士兼禮部侍郎。壬辰

上駐蹕鞍子嶺。癸巳

上駐蹕花峪溝。乙未以通政使司右通政劉謙為四川鄉試

正考官內閣中書王鳳孫為副考官翰林院侍講學士年羹

堯為廣東鄉試正考官內閣中書劉曰炷為副考官禮科給

事中郝林為廣西鄉試正考官吏部主事潘錦為副考官河

南道御史戴夢麟為福建鄉試正考官內閣中書蔣書升為

副考官。命增雲南鄉試中式舉人額數五名。戊戌調戶

部左侍郎穆丹為吏部左侍郎。調正黃旗蒙古副都統羅

察為鑲藍旗滿洲副都統陞前鋒叅領達爾禡為正黃旗蒙

古副都統。予故河南河北總兵官閻定國原任四川建昌

總兵官杜明義各祭葬如例。旌表廣東烈婦何廣珍妻蒙

氏拒姦殞命給銀建坊如例。己亥

上駐蹕喀喇和屯。庚子諭九卿詹事科道昨侍郎穆丹等審

訊盜案內有賊犯王昭駿受偽兵備道銜擬凌遲處死其嫡

伯叔兄弟照例坐罪朕念太倉王氏大小官員甚眾今因一

人不肖照例坐罪朕心殊覺不忍爾等會擬但坐王昭駿本

身妻子其嫡伯叔兄弟俱著寬免。喀喇沁和碩端靜公主

來請安。壬寅厄魯特輔國公丹濟拉等來朝。甲辰科爾

沁和碩達爾漢親王額駙班第喀喇沁鎮國公善巴喇錫等

來朝。調禮部右侍郎赫壽為戶部左侍郎。內閣學士音

達禮以病乞休允之 予故漢軍都統李林隆祭葬如例

領侍衛內大臣公福善故賜馬四匹銀二千兩發引時遣皇

三子允祉皇五子允祺往送

六月丙午朔科爾沁多羅郡王代布來朝 丁未

上駐蹕熱河行宮 庚戌土默特固山貝子碩弟等來朝 辛

亥予故領侍衛內大臣一等公福善內大臣明珠各祭葬如

例 癸丑陞內閣侍讀學士馬禮為內閣學士兼禮部侍郎

乙卯科爾沁台吉吳勒木濟等來朝 丙辰陞內閣侍讀

學士達壽為內閣學士兼禮部侍郎 兵部議覆太原總兵

官馬見伯疏言火器烏鎗久奉明禁近來商民尚有私用私

造者請勅該地方官將民間見存烏鎗限期繳官入庫永行

禁止如有必用烏鎗之處先令呈明地方官止許長一尺五

寸刊刻地方姓名違者照律治罪至硝磺乃火器中所用請

嚴禁私賣以杜奸宄均應如所請從之 丁巳九卿議覆侍

郎穆丹等所審浙江賊犯朱三即王士元等二十九人俱擬

凌遲處死朱三等三十三人俱擬立斬僧洞然擬斬監候巡

撫王然不豫行嚴察盜賊又不能盡行拏獲應降一級調用

提督王世臣以千總婁汝初被賊殺害捏報墜崖身死應革

職又江南賊犯錢保等五十人俱擬凌遲處死張世侯等四

十二人俱擬立斬

上諭大學士等曰擬正法之人太多但將首惡正法其連坐人

犯等從寬改為流徙至朱三父子不可宥朱兆琦係旗下人

乃附從朱三亦不可宥俱著再議具奏王然降一級從寬留

任王世臣人材壯健從寬免革職降五級留任其捕賊受傷

官兵俱照例議敘 戊午巳林和碩榮憲公主科爾沁和碩

端敏公主來請安 庚申以太僕寺卿李先復為浙江鄉試

正考官山東道御史李紹周為副考官翰林院編修吳廷楨

為江西鄉試正考官戶部員外郎王澄慧為副考官廣東道

御史王企靖為湖廣鄉試正考官內閣中書張如緒為副考

官 辛酉索曼多羅達爾漢郡王垂忠等來朝 乙丑九卿

遵旨再議侍郎穆丹等所審浙江賊犯朱三即王士元等仍

照前議其立斬朱三等三十三人內董克昌等二十六人改

發寧古塔僧洞然仍監候秋後處決江南賊犯錢保等五十

人仍照前議其立斬張世侯等四十二人內張世侯徐四仍

即處斬王齊七等四十人改發寧古塔得旨匪類稱朱三者

甚多著將朱三即王士元伊子朱統朱三朱玉朱在朱坤伊

孫朱鈺寶等帶至京城問明正法浙江賊犯案內董春園張

念一張念二等七人俱著即凌遲處死朱兆琦依擬立斬董

綽奇等二十一人擬凌遲者俱著改為立斬僧洞然依擬應

斬監候秋後處決餘俱從寬免死并伊等妻子發往寧古塔

江南賊犯案內錢保王柏陸升王斌俱著即凌遲處死張世侯徐四依擬立斬施先等四十七人擬凌遲處死者俱著改為立斬餘俱從寬免死并伊等妻子發往寧古塔 又諭穆丹所遣奏事郎中樂拜等曰江浙兩省正法賊犯著侍郎穆丹會同督撫監視處決聞朱三同衆犯謀欲放火希圖越獄內中朱飛虎隨即出首按察使武國樞往查見虛套鐵索鎖內無黃因將鎖灌鉛朱飛虎如在擬斬之例停刑請旨爾等往傳諭穆丹所擬正法罪犯內有另當取供羈候者即留下監候至應誅之人雖奉朕旨從寬如有情罪不可宥者即行正法奏聞 以故一等阿思哈尼哈番多勒濟子冲林故一

等阿思哈尼哈番李正宗子李淑德各襲職 戶部議覆江蘇巡撫于準疏言江寧等府屬入夏久雨米價騰貴請將前截留分貯各州縣米石盡行平糶發賣至本地戶口繁庶產米不敷所食全賴外省客米接濟今湖廣江西等省俱嚴禁販米出境以致米商裹足米價愈增并請特敕各督撫開禁聽商販賣庶江南米價可平均應如所請得旨速依議行 丁卯清文鑑告成

上親製序文曰朕惟自古聖人易結繩以書契用使天下之義理悉歸文字天下之文字悉歸六書六書備而義理無不畢具苟不為講習修明則形聲點畫之制雖存其義幾息矣我

太祖高皇帝創業垂訓至仁合於天地肇造清書大文炳如日月

太宗文皇帝上聖之資開天之運繼志紹聞丕宣文治

世祖章皇帝神靈首出智勇天授東英斷之資持以恭儉擴寬

仁之量濟以憂勤朕以涼德膺

祖宗之鴻圖即位多年未嘗晷刻不以法

祖為念兢兢自守宵旰靡遑萬幾之暇惟以讀書窮理盡吾之

志凡五經四書已經繙譯之外如綱目講義等有關於治道

者靡不諱盡近老成耆舊漸就凋謝因而微文與旨久而弗

彰承謫襲舛習而不察字句偶有失落語音或有不正國書

所關甚鉅政事文章皆由此出非詳加釐定何所折衷非編

輯成書何以取法爰詔儒臣分類排纂日以繕纂進呈朕親

御丹黃逐一審訂解詁之疑似者必晰同異於毫芒引據之

闕遺者必援經史以互證或博咨於故老或參考於舊編大

而天文地理小而名物象數十二字母五聲切音具載集中

名曰清文鑑用採音聲之本原究字畫之詳盡為部三十有

六為類二百八十為書二十一卷清文得此而無餘蘊凡以

明

祖德之源流敬本之深意也易云觀乎人文以化成天下朕仰

承

列祖創造之弘謨深惟國家同文之盛典歲月數周彙成全帙
誦是編者尚其體朕歷載之勤劬因音聲以求字畫因字畫
以求文章繼自今詔令之出納章奏之敷陳以及達於遐陬
勒諸琬琰者大經大法咸有據依一話一言式循典則庶幾
國書永貽於千百禩而與日星河漢長垂天壤也夫 庚午
以左春坊左庶子顧悅履為陝西鄉試正考官吏部員外郎
段曦為副考官吏科給事中屠沂為江南鄉試正考官翰林
院檢討王景曾為副考官 科爾沁台吉畢里克圖來朝
癸酉喀喇沁多羅額駙門都來朝
秋七月乙亥朔享

書錄

八

太廟遣領侍衛內大臣尚之隆行禮 丁丑諭刑部凡減等流
徙者俱係死罪豁免之人理當在流所安靜守分若仍不改
過逃回作惡情罪殊為可惡嗣後流所逃回不犯罪者仍照
原定例完結外逃回後又復犯罪不論罪之輕重并將舊案
查出立時正法庶匪類知所警戒著為令 鄂爾多斯台吉
喇錫塞楞來朝 庚辰工部議覆江南江西總督邵穆布疏
言臣等遵旨親勘各屬水道如蘇州府太倉州常熟縣為通
江入海要道應建閘啓閉以資蓄洩灌溉田疇其劉河等舊
閘亦各損壞理應修葺常州府武進縣鎮江府丹陽丹徒兩
縣共計舊閘六座年久坍塌均當修葺至蘇松常鎮四府屬

各支河小港關係水利處率皆淤淺宜逐一疏浚共計修建
閘座并挑濬河工需銀一十七萬八千九百餘兩應如所題
從之 理藩院題鄂爾多斯郡王松阿喇布前請於察罕拖
灰地方暫行遊牧奉旨差穆和倫前往會同巡撫提督查勘
今穆和倫回奏臣等會查察罕拖灰係黃河以西內地寧夏
居民藉以樵採今松阿喇布既經奏請應令暫行遊牧設理
事官二員不時稽察庶樵採居民與遊牧蒙古不致互相生
事應如所題從之 癸未

御製親征平定朔漠方略序其文曰朕祇承

天眷懋紹

書錄

七

祖宗丕基為億兆生民主薄海內外皆吾赤子雖越在邊徼荒
服之地倘有一隅之弗寧一夫之弗獲不忍忽然視也西北
塞外喀爾喀七旗與厄魯特四部落並號雄藩同奉職貢非
一日矣不意有厄魯特噶爾丹者賦性兇殘中懷狡詐戕賊
其兄弟兼并四部蠶食鄰封其勢日張其志益侈朕初聞厄
魯特與喀爾喀交惡隨遣親近大臣頒賞賚以和解之迨其
後興兵構怨又命大臣曉譬利害諭令息爭乃噶爾丹抗旨
狂逞致喀爾喀為所潰敗叩關乞援朕收撫之置諸邊內資
給餼牽始皆得所而噶爾丹猶修葺如故所在侵陵忽闖入
我烏闌布通之地朕授錢親王大臣問罪聲討大師克捷未

即殄除時賊倉皇宵遁深懼我軍之窮追投牒指誓因而釋之假使噶爾丹能自此悔禍改圖則雖至今存可也夫何轉瞬渝盟包藏不軌窺伺我斥堠搖惑我外藩潛奪我納木扎爾陀音肆虐不止朕深念此寇斷宜速滅於是整飭士馬備峙糧糗決策親征而賊之蹤跡飄忽無常又慮其兵至遠颺兵退復入乃授密畫於科爾沁王沙津令其遣使誘賊約至近地旋調發盛京諸路軍禦東路分遣一軍截西路朕躬統六師從中路入比行近賊巢噶爾丹不敢抗我顏行聞風奔竄朕遂親率前鋒軍并日追擊賊窮蹙已極盡棄其子女輜重而遁會與我西路師遇大敗其軍噶爾丹僅以數人跳身

實錄卷五十一

十

走嗣是朕再駕而至鄂爾多斯三駕而至狼居胥山麓宣威布惠兼用互施招徠其黨羽遏絕其歸路其寨桑等接踵嚮附其子復為我擒賊自料勢不能遠遂爾仰藥授首所親信丹濟喇等亦相繼乞降二十餘年狡悍陸梁之勁寇曾不二載悉皆草薶禽獮而大業克就矣夫烈焰弗戢必將燎原積寇一日不除則疆圉一日不靖方親征之初舉也在廷諸臣多持異議狃於目前之計者謂兇鋒挫衄無足深憂憚於征繕之煩者謂大漠遊魂難以就縛不知除惡務盡制勝在謀歷觀漢唐宋之已事往往罷敝中國之力而不能成廓清邊塞之功良由經理失宜而殲鋤之不早也朕既遠鑒前轍復

追維烏闌布通之失故不避寒暑艱辛親蒞窮邊三勤薄伐惟是逆形已著然後徂征怙惡不悛然後探討身先士卒則櫛風沐雨而人皆忘勞指畫軍儲則轉饟饋師而人爭用命茂草茁於荒磧流泉溢於沙陀萬里經行安如枕席非邀神祐曷繇臻此易曰天之所助者順也人之所助者信也朕仰憑天道俯愜人情以萬不得已而用兵之意乘刻不容緩而滅寇之機立拯邊境之毒痛永底中原於清晏昭告

郊

廟適契成謀使非慮出萬全可輕言師旅哉茲前後用兵本末具載卷中覽是編者尚能喻朕心焉 甲申

孝懿皇后忌辰遣官祭

實錄卷五十一

二

陵 乙酉厄魯特輔國公茅海來朝 丙戌九卿遵旨議覆大理寺卿塔進泰疏言湖北現用私錢價值甚賤奸徒射利潛於襄陽漢口收買私錢運載糧艘至京城各處販賣以致流布四方請嚴行禁止并收買銷毀嗣後事發地方文武官員知情立斬家產人口入官不知情革職司道以上降二級調用其私鑄及工匠私販人等分別首從斬絞如糧艘鹽船私裝販賣運弁船戶等照私鑄為首人例治罪至湖北制錢甚少使用不足請將戶部所鑄重一錢四分之制錢每年發四萬緡給各府州縣分賣所賣銀兩即作兵餉給撥三年後停

止其武昌所鑄一錢重制錢限五年銷毀應如所請從之
丁亥喀爾喀多羅郡王多爾濟喇布坦來朝 己丑中元節
遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 刑科給事中王懿疏奏提督九門步軍統領託

合齊欺罔不法貪惡殃民等款得旨著託合齊明白回奏

工部議覆福建浙江總督梁鼎等疏言臣等遵旨親勘杭嘉

湖三府水道惟湖州府逼近太湖有七十二港漚為入湖要

道應建閘六十四座以為蓄洩之計其舊有閘座止須修理

至嘉興府去太湖稍遠大流即是運河支流環繞通連無可

建閘惟水道淤淺處急宜疏浚杭州府去太湖益遠雖通錢

塘江潮地高不能引水深入亦無庸建閘所有西湖通水諸

處各有舊閘以灌溉民田并為鄰邑借潤亦宜修葺其三府

支河港蕩內有淤淺者責令有司勸諭民間及時開浚不煩

支帑至三府內應建閘座與應疏通處共需銀四萬一千八

百餘兩俱應如所題得旨去歲杭州等處地方被災民生疲

敝今動支帑建閘其支河港蕩內淤淺處若勸民自行開

浚地方官員或藉此私派害民亦未可定亦著給發正項錢

糧開浚 予故原任蒙古副都統莫禮祭葬如例 壬辰

上行圍命皇太子允初皇長子多羅直郡王允禔皇十三子胤

祥皇十四子允禵皇十五子允禩皇十六子允祿皇十七子

允禮皇十八子允祊隨駕是日啓行駐蹕喀喇和屯 甲午

以大理寺少卿王度昭為河南鄉試正考官翰林院編修余

正健為副考官內閣學士徐元正為山東鄉試正考官刑部

主事高珍為副考官兵部右侍郎鹿祐為山西鄉試正考官

內閣中書鄒球為副考官 乙未

上駐蹕喇門噶山 以翰林院編修趙申季充日講起居注官

丁酉

上駐蹕博洛和屯 戊戌九卿等議覆侍郎穆丹所審續獲布

散偽劉賊犯一念和尚等三人俱應即凌遲處死其容留一

念和尚不行舉首陳賡元等五人俱應僉妻充發寧古塔從

之 刑部等衙門會議學士二南審理紅苗一案內殺傷得

勝營兵丁苗人廖老宰等俱應立斬梟示餘俱枷責至於擅

自遣兵前往苗寨革職守備王應瑞等俱應充發從之 庚

子

上駐蹕張三營 辛丑巳林多羅郡王額駙吳爾琿來朝 暹

羅國王森列拍照廣拍馬噶陸坤司由提耶菩埃遣陪臣坤

備叭喇插新厲噶喇插充等奉表進貢宴費如例 戶科給

事中高遐昌疏言提督九門步軍統領託合齊欺罔不法已

經科臣王懿糾參臣又何敢置喙但舊例有宜復者三一巡

捕三營請仍歸兵部管轄一民間詞訟請仍歸地方官審理

一五城街道請仍歸工部司官管理得旨從前巡捕三營屬

督捕管轄時營官侵蝕兵糧雖兵數具存而京城大臣官員

家丁皆充兵冒餉全無實濟積弊沿流極其懈弛以致漢官

所居地方盜賊疊告外城官民不能聊生因而漢官具疏陳

奏朕下九卿等會議歸并前任步軍統領等令其清釐營伍

選擇營弁盡力揆稽嚴緝攘剽然後盜賊漸減官民獲安此

衆所共知著有明效者也並非至託合齊任內方令統轄託

合齊一人之用舍有何關係但其人一經參劾則該部自據

定例具議絕不在於扶同附和相繼續參此風亦斷不可長

且巡捕三營官員或於各省營弁或於旗下武職皆經朕親

選壯健人才補用若果有一二驕悍不法之人言官即當指

名題參乃將百餘員之營弁三千餘名之兵丁一概濶指以

為驕悍不法可乎著仍指名具奏況武職兵丁兵部皆可稽

一察步軍統領巡捕三營亦隸於兵部誠欲建言則將兵部題

參未為不可高遐昌乃謂巡捕三營應歸并兵部所言大謬

又街道事務司坊等官管理時畏懼顯要職官駁削里巷小

民止知勒索舖戶銀錢而街道事務毫不置念因敝壞已極

故亦歸并步軍統領管理今既商民受街道之累即著高遐

昌兼管一年務令商民不致苦累街道大加肅清若果能綽

然辦理誠為能言即能行之人矣下所司知之 贈故廣東

提督黃登太子少保予祭葬如例 壬寅

上駐蹕喀布齊祿昂阿地方 癸卯

上駐蹕西爾哈達巴漢地方

八月甲辰朔日食 乙巳

上駐蹕玻璃昂阿地方 戶部議覆江西巡撫郎廷極疏言本

省康熙四十六年起運漕米奉旨截留三十萬石於江南平

糶令康熙四十七年秋收購買楚米附搭運通但糧艘負載

過重涉險堪虞請分作三年附運抵通應如所請從之 丙

午科爾沁和碩純禧公主來請安 阿霸哈納多羅貝勒簿

昭來朝 丁未遣大學士陳廷敬祭

先師孔子

上駐蹕噶拜和洛 戊申祭

大社

大稷遣都統崇古禮行禮

上駐蹕孟奎和洛 己酉

上駐蹕孟奎和洛色欽地方 以翰林院編修吳廷楨充日講

起居注官 以翰林院檢討潘宗洛為順天鄉試正考官江

南道御史李永紹為副考官 旌表山東烈婦張顯存妻張

氏拒姦殞命給銀建坊如例 庚戌

上駐蹕烏蘭哈爾哈昂阿地方 辛亥蘇尼特多羅貝勒西禮

來朝 壬子

太宗文皇帝忌辰遣官祭

昭陵

上駐蹕土城地方 以故雲南隴川宣撫使多治國子多世臣

襲職 癸丑秋分夕

月於西郊遣禮部尚書富寧安行禮 甲寅

太祖高皇帝忌辰遣官祭

福陵 喀爾喀扎薩克多羅郡王納木扎爾等來朝 丙辰

上駐蹕永安拜昂阿地方 喀爾喀和碩恪靖公主來請安

丁巳高齊忒多羅額爾德尼郡王達爾瑪吉里迪來朝 以

湖廣故五峯安撫使田燿子田鳴南故石梁安撫使田焜子

田輔南各襲職 厄魯特扎薩克輔國公丹濟拉故遣官致

祭 戊午阿霸垓多羅卓禮克圖郡王畢穎等來朝 己未

喀爾喀車臣汗吳默赫扎薩克輔國公根敦等來朝 庚申

上駐蹕森濟圖哈達地方 奉差祭告南嶽內閣學士宋大業

疏叅偏沅巡撫趙申喬輕褻

御書及過驛苛徵等款得旨著趙申喬明白回奏 壬戌先是

皇十八子允祚抱病留住永安拜昂阿地方調理至是病篤

上回鑾臨視駐蹕永安拜昂阿地方 諭戶部據寧夏民黃品

奇等叩關言都司何卜昌在任時開浚唐漢兩渠連年大獲

自伊罷任後兩渠淤塞每遇旱歲米穀歉收從前何卜昌如

何疏通河渠有益於民今應如何措置俾得永遠裨益地方

著行該督撫詳察議奏 癸亥免浙江仁和武康二縣本年

分水災額賦有差 丁卯

上駐蹕森濟圖哈達昂阿地方 己巳

上駐蹕森濟圖哈達之南 喀爾喀多羅郡王益楚克來朝

庚午

上駐蹕森濟圖哈達之北 喀爾喀扎薩克鎮國公顏朱卜多

爾濟來朝 辛未

上命侍衛吳什暢壽治儀正存柱傳諭隨從諸大臣曰近日聞

諸阿哥常撻辱諸大臣侍衛又每尋釁端加苦毒於諸王貝

勒等諸阿哥現今俱未受封爵即受封後除伊屬下人外凡

有罪過亦當奏聞候朕處分伊等何得恣意妄行撻撻乎朕

為天下元后凡事但遵大義而行無罪之人未嘗枉法處治
國家惟有一主朕日禱祝於

天亦欲眾皆無事以享太平耳八議內三品以上官員雖犯死
罪不遽擬斬擬絞而必奏聞者所以敦國體非為臣下也諸
阿哥擅辱大小官員傷國家大體此風斷不可長伊等不遵
國憲橫作威勢致令臣僕無以自存是欲分朕威柄以恣其
行事也豈知大權所在何得分毫假人即如裕親王恭親王
皆朕親兄弟也於朕之大臣侍衛中曾敢笞責何人耶縱臣
僕有獲罪者朕亦斷不輕宥然從未有輕聽人言橫加僇辱
之事且

太祖

太宗曾降訓旨戒勿濫行捶楚奈毒無辜煌煌

實錄紀載甚明不意今日竟流而漸下不法多端也去年朕幸
洮爾河時喀喇沁之護衛茅欣管理園場因科爾沁之人行
列不整意欲撻之朕尚遣人往諭茅欣云爾乃喀喇沁人而
責科爾沁之人恐科爾沁人衆寒心喀喇沁之人尚不可責
科爾沁之人諸阿哥何得妄將大臣侍衛尋釁捶撻加以苦
毒嗣後諸阿哥如仍不改前轍許被撻之人面詰其見撻之
故稍有寬抑等情即赴朕前叩告朕且欣然聽理斷不罪其
人也至於爾等有所聞見亦應據實上陳若一切隱諱後來

漸至殺人亦將隱而不奏乎爾等隱而不奏即爾等之罪矣
若吳什暢壽存柱三人將朕斯旨或隱一言不宣諭明白使
眾咸知即將伊等正法 壬申湖廣巡撫劉殿衡丁父憂令
回旗守制 予故護軍統領桑阿禮祭葬如例 癸酉
上駐蹕克勒木台昂阿地方 科爾沁多羅貝勒阿必達來朝
調浙江溫州總兵官崔相國為臺灣總兵官

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十四

康熙四十七年戊子九月甲戌朔

上駐蹕驚和洛○乙亥諭扈從諸大臣等自十八阿哥患病以來朕冀其痊愈晝夜療治今又變症諒已無濟朕躬所係甚重上則恐貽高年

皇太后之憂下則天下臣民咸賴予一人區區稚子有何關係朕乃割愛即此就道至二十里許駐蹕特諭是日

上駐蹕布爾哈蘇台○予故四川陝西總督兼管西安將軍事博爾濟察葬如例○丁丑

上召諸王大臣侍衛文武官員等齊集行宮前命皇太子允礽跪

上垂涕諭曰朕承

太祖

太宗

世祖弘業四十八年於茲兢兢業業軫恤臣工惠養百姓惟以治安天下為務今觀允礽不法

祖德不遵朕訓惟肆惡虐眾暴戾淫亂難出諸口朕包容二十年矣乃其惡愈張僇辱在廷諸王貝勒大臣官員專擅威權鳩聚黨與窺伺朕躬起居動作無不探聽朕思國惟一主允

初何得將諸王貝勒大臣官員任意凌虐恣行捶撻耶如平郡王訥爾素貝勒海善公普奇俱被伊毆打大臣官員以至兵丁鮮不遭其荼毒朕深悉此情因諸臣有言及伊之行事者伊即讐視其人橫加鞭笞故朕未將伊之行事一詢及於諸臣朕巡幸陝西江南浙江等處或駐廬舍或御舟航未嘗跬步妄出未嘗一事擾民乃允礽同伊屬下人等恣行乖戾無所不至令朕報於啟齒又遣使邀截外藩入貢之人將進御馬匹任意攘取以至蒙古俱不心服種種惡端不可枚舉朕尚冀其悔過自新故隱忍優容至於今日又朕知允礽賦性奢侈著伊乳母之父凌普為內務府總管俾伊便於取用孰意凌普更為貪婪致使包衣下人無不怨恨朕自允礽幼時諄諄教訓凡所用物皆係庶民脂膏應從節儉乃不遵朕言窮奢極欲逞其兇惡今更滋甚有將朕諸子不遺噍類之勢十八阿哥患病眾皆以朕年高無不為朕憂慮伊係親兄毫無友愛之意因朕加責讓伊反忿然發怒更可異者伊每夜逼近布城裂縫向內竊視從前索額圖助伊潛謀大事朕悉知其情將索額圖處死今允礽欲為索額圖復仇結成黨羽令朕未卜今日被鴆明日遇害晝夜戒慎不寧似此之人豈可付以

祖宗弘業且允礽生而剋母此等之人古稱不孝朕即位以來

諸事節儉。身御敬褥。足用布襪。允初所用。一切遠過於朕。伊猶以為不足。恣取國帑。干預政事。必致敗壞。我國家戕賊我萬民而後已。若以此不孝不仁之人為君。其如

祖業何諭畢

上復痛哭仆地。諸大臣扶起。

上又諭曰

太祖

太宗

世祖之締造勤勞。與朕治平之天下。斷不可以付此人。俟回京。昭告於

天地

宗廟。將允初廢斥。朕前命直郡王允禔。善護朕躬。並無欲立允禔為皇太子之意。允禔秉性躁急。愚頑。豈可立為皇太子。其允初黨羽。凡係畏威附合者。皆從寬不究。外將索額圖之子格爾芬。阿爾吉善。暨二格。蘇爾特。哈什。太薩爾。那阿。俱立行正法。杜默臣。阿進泰。蘇赫陳。倪雅漢。著充發盛京。此事關係天下萬民。甚屬緊要。乘朕身體康健。定此大事。著將允初即行拘執。爾諸王大臣官員兵民等。以允初所行之事為虛。為實。可各秉公陳奏。眾皆叩首流涕。奏曰

皇上所見至聖至明。諭旨所言。皇太子諸事。一一皆確實。臣等

實無異辭。可以陳奏。○皇子允禔薨。戊寅。

上駐蹕蘇賽色地方。已卯。遣官祭

歷代帝王。遣官祭城隍之神。

上駐蹕張三營。諭領侍衛內大臣等。鑲白旗護軍統領。伐喀

其為人朕甚疑之。不可使居領兵之任。著革職。庚辰。

上駐蹕博洛和屯。命近御侍衛吳什等傳諭諸大臣侍衛及

官兵人等曰。允初為皇太子時。有所使令。爾等敢不遵行。但

其中豈無奔走逢迎之輩。今見皇太子廢斥。恐為朕訪知。或

旁人首告。必至誅戮。日夜危懼。靡有寧時。朕以允初兇戾勢

不得已。始行廢斥。斷不輟轉。搜求旁及多人。若將從前奔走

之人。必欲盡行究處。即朕宮中宦侍將無一人得免者。今事

內干連人等。應正法者。已經正法。應充發者。已經充發。事皆

清結。餘眾不更推求。嗣後雖有人首告朕。亦不問。毋復疑懼。

至於三貝勒。允祉。平日與允初甚相親睦。所以召允祉來者。

因有所質問。並非欲拘執之也。伊雖與允初相睦。未嘗慫恿

為惡。且屢曾諫止允初。允初不聽。此等情節。朕無不悉知。其

杜默臣等四人。朕心疑之。故充發盛京。然伊等無大惡。款果

有大惡。已早在誅戮之列矣。朕頃因悵恨不寧。中心煩悶。故

於眾人危懼不安之處。未暇宣明諭旨。今可徧諭本營及後

營人等。○命貝勒允禔署內務府總管事。○辛巳。

上駐蹕喇門噶山○壬午。

上諭領侍衛內大臣滿洲大學士前鋒統領護軍統領副都統護軍叅領侍衛滿洲侍郎學士起居注官等曰朕歷覽書史時澹警戒從不令外間婦女出入宮掖亦從不令狡好少年隨侍左右守身至潔毫無瑕玷見今關保伍什俱在此伊等自幼隨侍朕躬悉知朕之行事今皇太子所行若此朕實不勝憤懣至今六日未嘗安寢。

上涕泣不已諸臣皆嗚咽奏請曰天下臣民所仰賴者惟我

皇上伏願

皇上以

祖宗弘業為重暫釋痛憤頤養

聖躬。

上曰朕承繼大統數十年來擴從古未入版圖之疆宇服從古未經歸附之喀爾喀厄魯特等今雖年齒漸增亦可以縱橫天下。非自矜伐也。爾諸大臣官員軍民人等皆愛戴朕躬出於至誠朕於大小臣工亦無不撫恤從未嘗妄行笞辱一人今歲中外大臣病故者甚多朕皆為之摧心墮淚爾諸臣未必知也諸臣既以朕躬當頤養為請朕豈有不加意頤養者耶又諭曰今歲有事朕已預知朕意中時若有一事將發者曾向允初言之今歲朱三一念和尚事發後允初奏曰皇父

之言驗矣。朕謂之曰尚恐未盡於此也。彼時亦不知所發何事而不意竟有此事也。又諭曰朕閱

實錄。

太宗皇帝統大軍抵北京擊敗明兵凱旋之時諸大臣固請曰臣等隨從至此。本圖建立功業。今奈何薄城而不取。

太宗皇帝曰今取此城甚易當視天意何如。嗣後北京為流賊所據我諸王佐

世祖皇帝直取北京統一區宇逮於朕躬歷二代六十五年。今天下治安率土人民咸享太平之福此亦朕恪守

祖業夙夜勤勞之所致也。朕嘗因亢旱宮中齋戒三晝夜焚香

懇禱

上帝至祀

圓丘之日立見感格大沛甘霖始知幽獨之誠具在

上天昭鑒中也。後又值旱災左右奏請朕仍前禱雨朕言今天下豐裕朕心之誠恐不及前

上天皆已鑒知不宜輕禱此朕不敢稍有虛偽之意故以此心告之諸臣自今以後益當與爾等加意圖治耳 是日

上駐蹕喀喇和屯 癸未

上駐蹕鞍子嶺 甲申

上駐蹕兩間房○諭內大臣大學士翰林官員等近觀允初行

事與人大有不同。晝多沉睡。夜半方食。飲酒數十巨觥不醉。每對越神明。則驚懼不能成禮。遇陰雨雷電。則畏沮不知所措。居處失常。語言顛倒。竟類狂易之疾。似有鬼物憑之者。

乙酉

上駐蹕遥亭 陞福建福州城守副將胡泮為浙江温州總兵官。川陝督標副將路振聲為陝西肅州總兵官。旌表山西烈婦谷發妻王氏拒姦殞命。給銀建坊如例。○丙戌

上駐蹕密雲縣。○丁亥

上駐蹕牛欄山。○陞河南按察使蔣陳錫為山東布政使司布政使。○予故原任貴州巡撫王學祭葬如例。○戊子。

上駐蹕孫河地方。○諭大學士等。凡初宮人所居櫛芳殿。其地陰黯不潔。居者輒多病亡。凡初時常往來其間。致中邪魅。不自知覺。以此觀之。種種舉動。皆有鬼物使然。大是異事。○己

丑。

上回宮。詣

皇太后宮問安。○先是拘執廢皇太子允初時。沿途皆直郡王允禔看守。至是抵京設壇。惟居允初於上駟院旁。

上特命

皇四子 同允禔看守。○大學士等遵旨召集諸王貝勒等副都統以上大臣。九卿詹事科道官員等於午門內宣諭曰。

皇太子名分關係重大。朕熟觀史冊。豈有輕舉之理。當允初幼時。朕親教以詩書。繼令大學士張英教之。入令熊賜履教以性理諸書。又令老成翰林官隨從朝夕。納誨彼不可謂不知義理矣。且其騎射言詞文學。無不及人之處。今忽為鬼魅所憑蔽。其本性忽起。坐言動失。常時見鬼魅不安。寢處屢遷。其居啖飯七八碗。尚不知飽。飲酒二三十觥。亦不見醉。匪特此也。細加訊問。更有種種駭異之事。至其近侍人員。亦不為少。其中豈無一二受伊恩遇者。而竟不能得一二人之心。以此觀之。非狂疾何以致是。朕初意俟進京後告祭奉先殿。始行廢斥。乃勢不可待。故於行在拘執之。爾諸王貝勒

實錄卷二百三十四

大臣官員眾意云何。和碩康親王椿泰等諸王貝勒滿漢文武大臣官員齊跪奏曰。

皇上之於皇太子仁以育之。義以訓之。歷年已久。不意數年來皇太子忽染狂疾。為鬼物所憑。種種行事。不似平時。

皇上深念

祖宗弘業。國計民生。如此施行。允協於理。臣等當同上本具奏。

上諭曰。朕志已定。當即告祭。

天地

太廟

社稷廢斥皇太子著行幽禁○調京口右翼漢軍副都統崔世英為左翼漢軍副都統陞叅領黃象坤為京口右翼漢軍副都統○免湖北江夏等十三州縣衛湖南巴陵等三縣本年分水災額賦有差○庚寅諭諸皇子及領侍衛內大臣滿洲大學士尚書侍郎學士等允初乃皇后所生朕煦嫗愛惜親加訓諭告以

祖宗典型守成當若何用兵當若何又教之以經史凡往古成敗人心向背事事精詳指示允初雖於他事不知寧不知人心之不可失耶乃幼承朕訓習知義理而反致人心盡失其為鬼魅所憑狂惑成疾彰彰明矣今允初事已完結諸阿哥中倘有借此邀結人心樹黨相傾者朕斷不姑容也昔我太祖高皇帝時因諸貝勒大臣訐告一案置阿爾哈圖土門貝勒褚燕於法

太宗文皇帝時因莽古爾泰德格類貝勒一案罪及哈達公主又因永平一案幽禁阿敏貝勒

世祖章皇帝時禮親王劾舉其子碩託貝子及其孫阿達禮王壞法亂國均正典刑睿親王輔政時錫翰貝子諸人因謁媚伏誅者甚多迨至朕躬贅拜欲殺蘇克薩哈朕年尚幼屢經敕諭而贅拜卒將蘇克薩哈誅滅諸大臣多株連被殺者此等大案間常有之而宗室內互相傾陷者尤多此皆要結黨

援所致也爾等可不戒乎朕今御極四十有八年矣歷覽史冊鮮有如朕在位之久者以此觀之

上天之眷佑可知矣既承

天眷朕安得不為國為民竭盡心力乎大學士等以翰林撰

擬廢斥皇太子告祭

天地

太廟

社稷文呈奏得旨朕之所行無不可昭告

上帝者爾等所撰文未盡朕意朕親撰一文抒寫悃誠爾等不可改移一字即行繕譯呈覽尋大學士等以繕譯

御製告祭文呈奏

上召入諭曰朕所撰文內有鞠躬盡瘁死而後已乃用諸葛亮出師表之語爾等殆謂此語惟人臣可用而人君則不可用是以變其文而譯之朕每謂諸葛亮乃純臣亮之此語非特人臣當如此而人君益當如此朕常為諸臣言之為人臣者猶有可諉為人君者將安諉乎惟當敬

天勤民鞠躬盡瘁而已朕為

上天之子朕所仰賴者惟

天所倚信者惟皇太子今皇太子所行若此欲行廢斥豈可不

昭告

上天定於明日告祭○以黑龍江將軍博定為領侍衛內大臣
○諭大學士等吏兵刑三部彙題之事朕先屢經明諭應十
日彙題十五日彙題者即如期具奏今觀彙題之事每遲延
數月始奏內有丁憂遷葬終養省親老病乞休等事有司員
缺不可遲延傳諭該部嗣後如期具奏勿得久稽○辛卯遣
官告祭

天地

太廟

社稷廢皇太子允初幽禁咸安宮

御製告

天祭文曰臣祗承丕緒四十七年餘矣於國計民生夙夜兢業
無事不可質諸

天地稽古史冊興亡雖非一轍而得衆心者未有不興失衆心
者未有不亡臣以是為鑒深懼

祖宗垂貽之大業自臣而隨故身雖不德而親握乾綱一切政
務不徇偏私不謀羣小事無久稽悉由獨斷亦惟鞠躬盡瘁
死而後已仰蒙

上天鑒佑諸逆命者望風翦滅無水之地感召靈泉不毛之區
徧生豐草祈求雨澤立沛甘霖俾得久為四方寧謐海宇昇
平之主殆亦

上天欲使之養育黎元之意乎臣欽崇

眷命益加惕勵專務保惜此身但在位一日則此為萬國勤求
治理之意斷斷不敢少懈不知臣有何辜生子如允初者秉
性不孝不義為人所不為暴戾恣睢至於斯極若非鬼物憑
附狂易成疾有血氣者豈忍為之凡若此者想

上天久已洞鑒之矣今允初口不道忠信之言身不履德義之
行咎戾多端難以承祀用是昭告

昊天上帝特行廢斥俾勿致貽憂邦國痛毒蒼生抑臣更有哀
籲者臣自幼而孤未得親承

父母之訓惟此心此念對越

上帝不敢少懈臣雖有衆子遠不及臣如大清歷數綿長延臣
壽命臣當益加勤勉謹保始終如我國家無福即殃及臣躬
以全臣令名臣不勝痛切謹告其告祭

地壇

太廟

社稷文畧同○癸巳

上詣

皇太后宮問安○大學士等遵旨齊集各部院衙門大臣問廢
皇太子有將部院衙門事情私行更改處否如有察明具奏
據大臣等奏稱廢皇太子並無將部院衙門事情更改之處

得旨朕殊批事情伊何敢私自更改。但好攬事。或將此作重。或將彼作輕。或將此寬免。如此私行囑託之事甚多。朕俱知之。所以凡事少有可疑者。朕俱不准行。○丁酉。以廢皇太子允初頒詔天下。詔曰朕承

天眷命。紹

祖宗弘圖。四十八年於茲。宵旰孳孳。不敢暇逸。所敬惟

天。所重惟民。每念天生民而立之。君無非欲其愛養。黎元俾無失所。故於四方閭閻情形。周咨博訪。纖悉周遺。凡有可以厚民生。拯民困者。不惜數千萬帑。藏以溥施濟。累歲減免獄所全活者。不下數千百人。良以君道在於愛民。此帝王之常

經。

祖宗之家法。亦用以垂示後人。使知所則效也。允初自立為皇太子。時勤教諭。並簡名望大臣為之講明性理。歷有年所。顧秉性乖戾。罔體朕心。違背朕訓。雖愆尤日積。尚冀其悔悟自新。屢次南巡江浙。西巡秦晉。皆命允初隨行。原望其諳習地方風俗。民間疾苦。乃輒強勒督撫大吏及所在官司索取財賄。所用宵小匪類。尤恣意誅求。肆行攘奪。夫地方物力皆屬小民脂膏。朕屢諭允初宜加節儉。伊乃窮奢縱欲。逞惡不悛。既已苛索外吏。復奪取外藩入貢馬匹等物。私用內外庫帑為數甚多。流毒臣民。安所底極。邇來暴虐。惱淫過端。彌著自

諸王以及大臣官員。悉被非禮凌辱。橫加捶撻。向因索額圖常泰交通。設謀朕洞覺。其情置索額圖於死。而允初時蓄忿於心。近復有逼近幔城。裂縫窺伺。中懷叵測之狀。凡此舉動。類為鬼物所憑。狂易成疾。書曰。夫視自我民視。天聽自我民聽。人心所惡。天必厭之。

宗社事重。何以承祀。朕圖維再三。萬不獲已。於康熙四十七年

九月十八日奉

皇太后慈命。告祭

天地

太廟

社稷。特廢黜拘禁。所以仰安

宗祏。俯慰臣民也。茲歷指廢黜之由。宣示中外。又因允初貪暴縱恣。被累者多。深切軫念。爰敷寬恤之深仁。並布普施之德意。用弘懷保。丕被寰區。於戲。澄清國本。謹萬年久遠之圖。誕沛恩膏。渙九重惇大之詔。布告天下。咸使聞知。○詔內恩款凡三十三條。○戊戌。

上諭諸皇子曰。拘禁允初時。允初提奏。允初所行卑污。大失人心。相面人張明德。曾相允初。後必大貴。今欲誅允初。不必出自皇父之手。言至此。朕為之驚異。朕思允初為人。允初頑愚。昧不知義理。倘果同允初。聚集黨羽。殺害允初。其時但知逞其兇

惡豈暇計及於朕躬有礙否耶。似此不諳君臣大義。不念父子至情之人。洵為亂臣賊子。天理國法皆所不容者也。○諭刑部尚書巢可託。都察院左都御史穆和倫等。直郡王昨等相面之人。張明德交與爾等。聞彼曾為允禔看相。又散帖招聚人眾。其情節朕知之甚明。此案甚大。干連多人。爾等慎毋滋蔓。但坐張明德一人。審結可也。爾等皆大臣。此事不可蒙蔽朕躬。大學士溫達侍郎穆丹。皆熟於辦事之人。可會同伊等。速審具奏。○己亥。

上詣

皇太后宮問安。○庚子。

孝慈高皇后忌辰。遣官祭

福陵。○諭兵部正紅旗漢軍都統希思哈。出身微賤。不宜都統之任。著革職。○辛丑。

上諭諸皇子曰。爾等應將各屬下人。嚴行禁止。勿令生事。守分而行。爾等護衛官員乳母之夫。并隨從人等多係下賤。無知之人。必有各為其主。在外肆行者。如允禔之太監三四人。護衛一二人。妄探消息。恃強無忌。朕悉知其姓名。况允禔之人。見殺於人。及因罪充發者。亦復不少。宜自知分量。速行更改。且皇太子之人。有干犯國憲者。尚不寬宥。爾等之人。又何論焉。前召爾等面諭時。允禔奏伊弟兄等嗣後同心合意。在皇

父膝下安然度日。似此亦非善言。假使爾等內有不肖人行非禮事。亦可眾人一心助之。而行乎。允禔既將人毀謗。欲致之死地。今又為和好之言。誰其信之。且允禔於朕之侍衛執事人等。擅自責打者。不少。今被打之人尚在也。其看守允禔時。將允禔處所有匠人。盡行收去。又加以苦刑。以致匠人逃遁。且有自縊者。如此行事。何以服眾。今有十八阿哥之事。又有允禔之事。朕心傷不已。爾等宜仰體朕心。務存寬厚。安靜守分。勿與諸事競競業業。各慎厥行。經曰。愛親者不敢惡於人。敬親者不敢慢於人。爾等若不能謹身率下。復生事端。以傷朕心。是於臣子之道。兩失之矣。爾等豈忍為之乎。可將此

旨遍諭爾等屬下人知之。○署內務府總管事八貝勒允禩等。以所查原任內務府總管凌普家產一案。啟奏。

上諭曰。凌普貪婪巨富。眾皆知之。所查未盡。如此欺罔。朕必斬爾等之首。八阿哥到處妄博虛名。凡朕所寬宥及所施恩澤。處俱歸功於己。人皆稱之。朕何為者。是又出一皇太子矣。如有一人稱道汝好。朕即斬之。此權宜肯假諸人乎。士寅。上召諸皇子入乾清宮。諭曰。當廢允禔之時。朕已有旨。諸阿哥中如有鑽營謀為。皇太子者。即國之賊。法斷不容廢。皇太子後。允禔曾奏稱允禔好。春秋之義。人臣無將。將則必誅。大寶宜人可妄行窺伺者耶。允禔柔奸性成。妄蓄大志。朕素所深

知其黨羽早相要結謀害允初。今其事皆已敗露。著將允禔鎖拏交與議政處審理。皇九子允禔語皇十四子允禵云爾。我此時不言何待。允禵奏云。阿哥無此心。臣等願保之。上震怒。出所佩刀欲誅允禵。皇五子允禩跪抱勸止。諸皇子叩首懇求。

上怒少解。命諸皇子禔。允禵將允禔。允禵逐出。大學士溫達等遵旨審訊相面人張明德供由順承郡王長史阿祿薦於順承郡王。及賴士公普奇公。由順承郡王薦於直郡王。我信口妄言。皇太子暴戾若遇我當刺殺之。又捏造大言云。我有異能者十六人。當招致兩人見王。聳動王聽。希圖多得銀兩。

實錄卷二百三十四

七

又由普奇公薦於八貝勒。看相時我曾言。手神清逸。仁誼敦厚。福壽綿長。誠貴相也。以上俱是實情。等語。應將張明德擬斬立決。繕摺具奏。留中。

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十四

實錄卷二百三十四

八

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十五

康熙四十七年戊子冬十月癸卯朔享

太廟遣領侍衛內大臣尚之隆行禮遣官祭

永陵

福陵

昭陵

暫安泰殿

孝陵

仁孝皇后

孝昭皇后

孝懿皇后陵○頒康熙四十八年時憲曆○

上詣

皇太后宮問安

上諭諸皇子議政大臣大學士九卿學士侍衛等曰阿哥允

禪向來奸詐爾等如以八阿哥係朕之子徇情出脫罪坐旁

令朕斷不允

皇天在予朕凡事俱從公料理豈以朕子而偏愛乎允禪先聽信其乳母之夫雅齊布之言擅責御史雍泰奏朕云乃罵修大高殿事責之朕云雍泰係言官如果有罪即朕亦必熟思

再三始行治罪爾豈可擅責御史皇太子奏云八阿哥責雍泰皆其乳母之夫譖毀所致自此允禪與皇太子遂成仇隙後又因充發伊乳母之夫愈加怨恨如索額圖長泰等子姪及迎合索額圖之令今雖鎖拏朕心猶有酌量不即行殺戮而允禪將人執行責處可乎觀伊等以強凌弱將來兄弟內或互相爭鬪未可定也

世祖六歲御極朕八歲御極俱賴羣臣勦助今立皇太子之事朕心已有成算但不告知諸大臣亦不令衆人知到彼時爾等只遵朕旨而行戶部議覆浙江巡撫王慧疏請賑濟杭州湖州兩府屬被水災民應准行

實錄卷三百三十五

二

上諭大學士等曰去年已有旨蠲免江浙兩省丁銀及被災州縣田地銀米今年江寧安徽浙江地方穀不甚收或有州縣又復被災江浙乃財賦要區著查明江寧安徽浙江康熙四十八年丁銀及被災州縣田地銀米亦應照去年蠲免例一概蠲免○甲辰

上詣

皇太后宮問安

上諭領侍衛內大臣大學士等曰張明德於皇太子未廢之前謀欲行刺勢將漸及朕躬據彼言有飛賊十六人已招致兩人在此但好漢俱經皇上收錄若於其中不得一二人斷不

能成事又言得新滿洲一半。方可行事。如此搖惑人心。幸朕之左右持心堅正。故不為所搖惑耳。此等情節。直郡王早已詳悉。密奏王布穆巴公賴士普奇等。乃亂之首也。允禩知而不奏。為臣子者。當如是耶。張明德為允禩看相。設無他言。允禩何以轉語九阿哥十四阿哥九阿哥十四阿哥。又何所見。而奏聞於朕。允禩現在鎖罕著將布穆巴賴士普奇阿祿一併鎖罕爾等。會同議政大臣。即嚴加質訊。具奏張明德所犯情罪。極太不止於斬。當凌遲處死。領侍衛內大臣大學士議政大臣等。會審順承郡王布穆巴。供張明德往普奇公家。回至我府。言普奇謂皇太子甚惡。與彼謀刺之。約我入其夥。我不從。故以語直郡王。直郡王云。爾勿先發此事。我當陳奏。可見此令。送至我府。因送往直郡王府。阿祿口供無異。公普奇供我無狂。瘡何敢尋死。而向彼妄言。此皆毫無影響之語。公賴士供我於順承郡王府中。見張明德因喚至我家中。看相。普奇囑使送往伊處。故送往是實。此外我皆不知。九阿哥允禩十四阿哥允禩供八阿哥曾語我等。有看相人張姓者。云皇太子行事兇惡。已極。彼有好漢。可謀行刺。我謂之曰。此事甚太爾何等。人乃輒敢出口。爾有狂疾耶。爾設此心。斷乎不可因逐之去。八阿哥允禩供我以此語告諸阿哥。是實。問張明德口供無異。取供具奏。

上諭諸皇子議政大臣大學士九卿學士侍衛等。目貝勒允禩聞張明德如許妄言。竟不奏聞。允禩革去貝勒。為閒散宗室。布穆巴以所聞情節。商之長史阿祿。告直郡王使之奏聞。布穆巴阿祿俱無罪。著釋放。公普奇知情不首。革去公爵。為閒散宗室。公賴士但令看相。並無他故。著釋放。張明德情罪極為可惡。著凌遲處死。行刑之時。可令事內干連諸人往視之。上又親書諭旨。示諸皇子大臣等。諭旨曰。昨日諸大臣侍衛等奏請調養朕躬。朕念君臣一體。有懷宜即盡言。故特舉朕素念及不遂朕意之虞。一一明諭。朕每思自古帝王撫世承平。歷年久遠。未有如朕者。朕無日不向皇太子允初言治理天下。愛育黎庶。維繫人心之事。又嘗慕宋孝宗之孝。養高宗。語允初曰。將以政事付汝。朕當擇居水土佳處。時間汝之令名。以優游養性。迨後見其所行不善。難託重器。遂絕此望。古來為君甚難。兢兢業業。猶有錯誤。今朕年已老愈。加畏懼。當念幸際眾心。胥戴萬國咸寧之時。得終天年。於願足矣。今允初過端業已如此。宗廟社稷。天下黎元。皆繫朕躬。朕豈可不白愛耶。頃者告天之文。極為明晰。無俟復言。即使朕躬如有不諱。朕寧敢不慎重。

祖宗弘業置諸磐石之安乎迨至彼時衆自知有所倚賴也此意極深即朕亦不自喻豈可徧喻衆人乎爾諸臣知朕精誠無私深加體念各勤職業不妄生事則朕易於圖治而天下庶績亦咸理矣所謂各勤職業者即文臣盡忠不愛錢武臣爲國不惜死之類爾諸臣誠能如是則朕懷自暢朕體自安矣若不敬慎所行而欲朕懷寬慰此非忠愛之實心也特諭河道總督張鵬翮題報秋汛水勢情形一疏得旨今年秋汛工程平穩知道了張鵬翮自任總河以來克遵朕指示修築工程殫心盡力動用錢糧絕無糜費此年兩河安晏隄岸無虞深爲可嘉所帶革職者與開復應追賠銀兩俱著豁免

該部知道○乙巳

皇太后聖壽節

上率王以下文武大臣侍衛等詣

皇太后宮行禮遵

懿旨停止筵宴○丙午

上諭諸皇子大臣侍衛等曰允初自幼朕親爲教養冀其向善迨年長親近匪類薰染惡習每日唯聽信小人之言因而行止悖亂至極允禩乘間處處沽名欺誑衆人希冀爲皇太子朕惟據理毅然獨行以定國家大名正君臣大義耳允禩自幼性奸心妄其糾合黨類妄行作亂者有故伊乳母之夫雅

齊布之叔廩長吳達理與御史雍泰同出關差因雍泰少與銀兩雅齊布訴之允禩允禩借端將雍泰痛責朕聞知將雅齊布發翁牛特公主處伊因此怨朕處處誑人以竊名譽邀結蘇努爲黨羽蘇努自其祖相繼以來即爲不忠其祖阿爾哈圖土門貝勒褚燕在

太祖皇帝時曾得大罪置之於法伊欲爲其祖報仇故如此結黨敗壞國事再允禩素受制於妻其妻係安郡王岳樂之女所出安郡王因諂媚輔政大臣遂得親王其妃係索額圖之妹

世祖皇帝時記名之女子其子馬爾渾景熙吳爾占等俱係允

禩妻之母舅並不教訓允禩之妻任其嫉妬行惡是以允禩迄今尚未生子此皆衆阿哥所知者衆阿哥當思朕爲君父朕如何降旨爾等即如何遵行始是爲臣子之正理爾等若不如是存心日後朕躬考終必至將朕躬置乾清宮內爾等束甲相爭耳○丁未

上韋暢春園鑲紅旗漢軍副都統趙世芳以病乞休允之
以內務府郎中海章署內務府總管事先是奉差查審大嵐山賊吏部侍郎穆丹押解賊犯朱三即王士元等父子六人至京下九卿詹事科道會審至是九卿等覆奏朱三供伊係崇禎第四子查崇禎第四子已於崇禎十七年前身故又

遵旨傳喚明代老年太監俱不認識朱三明係假冒朱三父子應凌遲處死得旨朱三即王士元著凌遲處死伊子朱杭朱奎朱壬朱在朱坤俱著立斬○已酉陞內閣學士二品爲禮部右侍郎仍兼管詹事府詹事事陞正黃旗護軍統領圖思海爲正紅旗漢軍都統正紅旗滿洲副都統戴米納爲正黃旗護軍統領以候陳泰爲鑲白旗護軍統領陞多羅信郡王王府長史和禮爲鑲黃旗蒙古副都統以原任雲南布政使佟國勳爲湖南布政使司布政使陞直隸守道金世揚爲河南按察使司按察使○辛亥偏沅巡撫趙申喬遵旨回奏緣康熙四十二年內閣學士宋大業奉齋碑額兩次至楚多方需索臣曾借司庫俸工銀九千兩餽伊此次來楚臣以南嶽廟工餘剩銀兩報部充餉彼不得染指又僅餽伊銀五百兩以此蓄忿是以捏造輕褻

實錄卷二三五

七

御書等款將臣奏劾得旨此回奏情節著該部一併察議具奏○壬子諭吏部內閣學士阿世坦都察院左副都御史江藻行止不端俱著革職○癸丑陞內閣侍讀學士黃秉中翰林院侍讀學士色爾圖侍讀學士孫柱俱爲內閣學士原禮部侍郎陞都察院左僉都御史勞之辨爲左副都御史調鑲紅旗蒙古都統車納福爲鑲藍旗滿洲都統○免湖廣益陽武陵二縣長沙等四衛本年分水災額賦有差○甲寅以

翰林院侍讀黃叔琳提督山東學政○乙卯

上回宮詣

皇太后宮問安○調刑部尚書王樸爲工部尚書陞河道總督

張鵬翔爲刑部尚書○丙辰

上奉

皇太后幸暢春園○以翰林院編修李愈爲順天武鄉試正考官錢名世爲副考官○戶部議江南浙江所屬被災州縣奉有截留漕糧平糶之諭江蘇應截留十萬石安徽應截留五萬石浙江杭嘉湖三府應截留八萬石俱令減價平糶價銀貯庫於來歲收獲後買米還項又山東河南二省奉有年歲

實錄卷二三五

八

薄收酌量改折之諭應將本年額徵漕米每省各留八萬石餘俱令照例折銀解部得旨著漕運總督桑額作速會同江浙督撫將何州縣被災并應截米數查明一面截留一面奏聞餘依議○丁巳多羅貝勒允祉奏臣牧馬廠蒙古喇嘛巴漢格隆自幼習醫能爲咒人之術大阿哥知之傳伊到彼同喇嘛明佳噶卜楚馬星噶卜楚時常行走

上命將明佳噶卜楚馬星噶卜楚巴漢格隆并直郡王府護衛雷楞雅安等鎖繫交侍郎滿都侍衛拉錫查審巴漢格隆等供直郡王欲咒詛廢皇太子令我等用術鎮壓是實隨差侍衛納拉善等掘出鎮壓物件十餘處命交和碩顯親王衍潢

等嚴擬具奏○戊午諭戶部朕屢次南巡見閭里殷阜之象
遠不逮於舊時雖不時蠲免額賦停徵積逋僅可支吾卒歲
絕無餘蓄朕每念及此未嘗不為惻然去年江南浙江兩省
俱被旱荒多方軫恤民力稍蘇迨今歲復報潦災旋經照例
蠲賑並留漕資濟但歲再不登生計益匱欲令辦賦力必難
供康熙四十八年除漕糧外江南通省地丁銀四百七十五
萬四百兩有奇浙江通省地丁銀二百五十七萬七千兩有
奇著全行蠲免所有舊欠帶徵銀米仍暫行停止此朕因江
浙二省為東南重地特於格外施仁用弘休養之至意該督
撫各飭有司張示偏諭務令窮鄉僻壤咸共知悉倘或別借

實錄卷一百三十五

九

事端侵冒征派事發定從重治罪○己未以領侍衛內大臣
輔國公鄂飛兼管宗人府左宗人事○庚申免山東濟寧鄒
平等二十九州縣本年分旱災額賦有差○辛酉

上幸南苑行圍○癸亥陞湖北按察使徐欉為浙江布政使司
布政使○甲子陞正紅旗護軍統領辛泰為鑲紅旗蒙古都
統鑲紅旗滿洲副都統萃泰為正紅旗護軍統領調鑲紅旗
蒙古副都統禪布為正紅旗滿洲副都統陞護軍參領吳書
為鑲紅旗蒙古副都統一等侍衛伯王弢為鑲紅旗漢軍副
都統一等侍衛武格為鑲紅旗滿洲副都統○乙丑
聖躬違和自南苑回宮○諭領侍衛內大臣大學士等曰自有

廢皇太子一事朕無日不流涕頃幸南苑憶昔皇太子及諸
阿哥隨行之時不禁傷懷因是今日回宮已召見八阿哥并
將召廢皇太子一見頃之內侍傳諭曰朕適召廢皇太子亦
既見之矣自此以後不復再提往事廢皇太子現在安養咸
安宮中朕念之復可召見習中亦不更有鬱結矣○戊辰
上幸暢春園詣

實錄卷一百三十五

皇太后宮問安○以故領侍衛內大臣一等公福善子海金襲
爵○庚午以浙江杭州湖州等處水災命內閣學士黃秉中
前往會同督撫動支庫帑倉穀速行賑濟○壬申諭領侍衛
內大臣侍衛等曰大阿哥允禔素行不端氣質暴戾朕嘗對
衆屢加切責爾等俱悉聞之九月初四日諭旨內亦曾決絕
言之今一查問其行事嚴犯親弟及殺人之事盡皆顯露所
遣殺人之令俱已自縊其母惠妃亦奏稱其不孝請置之於
法朕固不忍殺之但此人斷不肯安靜自守必有報復之事
當派人將允禔嚴加看守畧有舉動即令奏聞伊之身命猶
可多延數載其行事比廢皇太子允初更甚斷不可以輕縱
也

十一月癸酉朔諭領侍衛內大臣等曰允禔著革去王爵即
幽禁於其府內凡上三旗所分佐領可盡撤回給與允禔將
鑲藍旗所分佐領給與弘玉其包衣佐領及渾託和人口均

分以一半給與允禔一半給與弘玉○丙子年故禮部侍郎仍管國子監祭酒事孫岳頒祭葬如例○丁丑賜王以下內外文武大臣清文鑑各一部免山東德平等六州縣本年分旱災額賦有差○己卯年故致仕文華殿大學士張英祭葬又加祭一次謚文端○庚辰諭領侍衛內大臣等近有為廢皇太子條陳保奏者朕前因灼見允初行事顛倒似為鬼物所憑籌度周詳始行拘禁並非聽信人言而為此也今允初之疾漸已清肅亦自知其罪謂理當拘執其隨從之人亦以為允當朕以父子之情不能忍置召見兩次詢問前事允初竟有全然不知者深自愧悔又言我章心內畧明猶懼父

實錄卷二百三十五

十

皇聞知治罪未至用刀刺人如或不然必有殺人之事矣觀彼雖稍清楚其語仍畧帶瘋狂朕竭力調治果蒙天佑狂疾頓除不違朕命不報舊讐盡去其奢費虐眾種種悖謬之事改而為善朕自另有裁奪如狂疾不痊仍蹈前惡天亦不容也朕為君父凡事皆朕真知灼見當斬者斬之當罪者罪之並未嘗聽信人言而為此也且一切暗中搆煽悖亂行事俱係索額圖父子頃廢皇太子亦奏言其向時悖亂皆自伊等為之此等情節小人不知妄意朕召見廢皇太子似非無故欲致慙於廢皇太子而條陳保奏者甚非也凡事皆在朕裁奪其附廢皇太子之人不必喜其不附廢皇太子

至祀

實錄卷二百三十五

十

之今不必憂朕自有定見十月十七日查出魔魅廢皇太子之物服侍廢皇太子之人奏稱是日廢皇太子忽似瘋顛備作異狀幾至自盡諸官侍抱持環守過此片刻遂復明白廢皇太子亦自驚異問諸官侍我頃者作何舉動朕從前將其諸惡皆信為實以今觀之實被魔魅而然無疑也○辛巳都察院左副都御史勞之辨上疏保奏廢皇太子允初得旨勞之辨將朕下旨已行之事作為已功行事甚為奸詭著革職交刑部責四十板遂回原籍○調廣東瓊州總兵官范時振為陝西寧夏總兵官陞貴州銅仁副將孫成龍為廣東瓊州總兵官○陞護軍參領篇圖為鑲白旗蒙古副都統○壬午冬

天於

園立遣領侍衛內大臣公阿靈阿行禮遣官祭

永陵。

福陵。

昭陵。

暫安奉殿

孝陵

仁孝皇后

孝昭皇后

孝懿皇后陵○停止次日朝賀○癸未陞山東巡撫趙世顯為河道總督○甲申予故京口左翼漢軍副都統蔡毓茂祭葬如例○乙酉

上詣

皇太后宮問安 丙戌

上召滿漢文武諸大臣齊集暢春園命先到之內大臣都統護軍統領入見面諭曰朕躬近來雖照常安適但漸覺虛弱人生難料付託無人倘有不虞朕此基業非朕所建立關係甚大因躊躇無代朕聽理之人遂至心氣不寧精神恍惚國家鴻業皆

實錄卷二百三十五

主

祖宗所貽前者朕亦曾言務令安於磐石皇太子所關甚大爾等皆朕所信任將權大臣行陣之間爾等尚能効命今欲為朕効命此其事也達爾漢親王額駙班第雖蒙古人其心誠實朕深知之新滿洲婁徵額侍朕左右殆三十餘年其人亦極誠實今令伊等與滿漢大臣等會同詳議於諸阿哥中舉奏一人大阿哥所行甚謬虐戾不堪此外於諸阿哥中眾議誰屬朕即從之若議時互相瞻顧別有探聽俱屬不可爾等會同大學士部院大臣詳議具奏著漢大臣盡所欲言繼又諭曰議此事勿令馬齊預之於是達爾漢親王及文武大臣分班列坐滿漢大臣曰此事關係甚大非人臣所當言我等

如何可以推舉內大臣阿靈阿等曰頃者面奉諭旨務令舉出毋得瀆奏阿靈阿鄂倫岱揆敘王鴻緒遂和相計議與諸大臣暗通消息書八阿哥三字於紙交內侍梁九功李玉轉奏頃之梁九功李玉出傳諭曰立皇太子之事關係甚大爾等各宜盡心詳議八阿哥未嘗更事近又罹罪且其母家亦甚微賤爾等其再思之諸大臣奏曰此事甚大本非臣等所能定諸皇子天姿俱聰明過人臣等在外廷不能悉知臣等所仰賴者惟我

皇上

皇上如何指授臣等無不一意遵行梁九功李玉出傳諭曰爾

實錄卷二百三十五

臣

等不必疑懼此事甚太非兩內侍口傳所能定俟眾論僉同召入爾等觀面一言即可決也爾等其各出所見各書一紙尾署姓名奏呈朕覽將裁定之梁九功李玉又傳諭大學士李光地曰前召爾入內曾有陳奏今日何無一言李光地奏曰前皇上問臣廢皇太子病如何醫治方可痊好臣曾奏言徐徐調治天下之福臣未嘗以此告諸臣梁九功李玉又傳諭曰今日已暮爾等且退可再熟思之明日早來面有諭旨○丁亥上召科爾沁達爾漢親王額駙班第領侍衛內大臣都統護軍統領滿大學士尚書等入諭曰

太皇太后在日愛朕殊深升遐以後朕常形夢寐奇異甚多烏蘭布通出兵之前夢

太皇太后止朕曰爾慎毋出兵出恐無益後朕強行果至半途抱疾而還中路出兵之時亦夢

太皇太后謂朕曰爾此番出兵克奏大勳但非爾親獲其俘耳朕彼時不能深解後出兵聞噶爾丹遁去朕自拖諾山發兵往追噶爾丹遂西奔遇伯費揚古大敗之多所俘獲始知夢兆符合如此近日有皇太子事夢中見

太皇太后顏色殊不樂但隔遠默坐與平時不同皇后亦以皇太子被冤見夢且執皇太子之日天色忽昏朕於是轉念是

實錄卷二百五十五

七

日即移御饌賜之進京前一日大風旋繞駕前朕詳思其故皇太子前因魔魅以至本性汨沒耳因召置左右加意調治今已痊矣朕初謂魔魅之事雖見之於書亦未可全信今始知其竟可以轉移人之心志也諸臣奏曰

皇上灼見廢皇太子病源治療已痊誠國家之福天下之福也伏祈

皇上即賜乾斷頒示諭旨諸臣出頃之召諸臣入問曰群臣皆合一否諸臣齊奏曰臣等無不同心

上曰爾等既同一心可將此御筆硃書對衆宣讀咸使聞知諭旨目前執允初時朕初未嘗謀之於人因理所應行遂執而

拘繫之舉國皆以朕所行為是今每念前事未釋於心一一細加體察有相符合者有全無風影者況所感心疾已有漸愈之象不但諸臣惜之朕亦惜之今得漸愈朕之福也亦諸臣之福也朕嘗令人護視仍時加訓誨俾不離朕躬今朕且不遽立允初為皇太子但令爾諸大臣知之而已允初斷不報復讐怨朕可以力保之也戊子

實錄卷二百五十六

八

上召廢皇太子諸皇子及科爾沁達爾漢親王額駙班第領侍衛內大臣都統護軍統領等入諭曰朕初次中路出師留皇太子辦理朝事舉朝皆稱皇太子之善及朕出師寧夏後皇太子聽信匪人之言素行遂變自此朕心春愛稍衰置數人於法因而外人竊議皇太子不孝及所行不善者遂自此始其後皇太子不知改悔有類狂易朕特命拘繫之初未嘗謀之於人今觀廢皇太子雖曾有暴怒捶撻傷人事並未致人於死亦未干預國政若人果被殺豈有無姓名見証凡此等事皆由允提魔魅所致允提所播揚諸事其中多屬虛誣皇太子既執之後在途中行時若非朕委任親信侍衛加意防護廢皇太子必為允提害矣到京後令廢皇太子居咸安宮朕亦熟籌及此凡彼處宦侍俱責令小心守護今朕體違和每念皇太子被廢之事甚為痛惜因奏之

皇太后奉

皇太后懿旨。余意亦惜之。朕聞之心始稍慰。今是以當衆人之前。釋爾爾可將爾之意。亦於衆前剖白之。廢皇太子。奏曰。皇父諭旨至聖。至明。凡事俱我不善。人始從而陷之。殺之。若念人之仇。不改諸惡。天亦不容。今予亦不復有希冀爾等衆人。若仍望予爲皇太子。斷斷不可。

上又諭諸王大臣曰。朕覽史冊。古來太子既廢。無得生存者。過後人君莫不追悔。自禁允初之後。朕日日不能釋然於懷。染疾以來。召見一次。宵中疏快一次。朕之諸子多令人視養。大阿哥養於內務府總管噶祿處。三阿哥養於內大臣綽爾濟處。惟四阿哥朕親撫育。幼年時微覺喜怒不定。至其能體朕

實錄卷五十五

辛

意愛朕之心。懇懇懇切。可謂誠孝。五阿哥養於

皇太后宮中。心性甚善。爲人淳厚。七阿哥心好。舉止藹然。可親。乃若八阿哥之爲人。諸臣奏稱其賢。裕親王存日亦曾奏言。八阿哥心性好不。務矜誇。允初若親近伊等。使之左右輔導。則諸事皆有歲規矣。又諭廢皇太子允初。日朕今釋汝。汝當念朕恩。人言汝惡者。勿以爲仇。前執汝之時。即汝宦侍亦有訐奏汝惡者。此皆因朕有問而奏。汝不得歸咎其人。且凡規汝過之人。即汝恩人。順汝行事之人。即陷汝之人。

祖宗基業。可惜。古放太甲。卒成令主。有過何妨。改之即是。今此諸臣或爲內大臣。或爲部院大臣。皆朕所簡用。允堪重任者。

汝當傾心信任之。汝果遵諭而行。固朕之福。亦汝之福。亦衆人之福。朕惟冀汝洗心易行。觀性理諸書。以崇進德。業若仍不悛改。復蹈前愆。是終甘暴棄而自趨死路矣。朕涕泣宣諭。其敬慎奉行。自此以後。朕不復再言前事矣。倘有冀汝宥悅。爲汝稱寃之人。汝即執之。奏聞於朕。又諭諸王大臣曰。今日朕意中之事。俱已明白。想明日為始。朕體全愈矣。是日皇四子○奏臣侍。

皇父左右時蒙訓誨。頃者復降

褒綸。實切感愧。至於喜怒不定一語。昔年曾蒙

皇父訓飭。此十餘年以來。

實錄卷五十五

庚

皇父未曾降旨。飭臣有喜怒不定之處。是臣省改微誠。已荷

皇父洞鑒。今臣年逾三十。居心行事。大概已定。喜怒不定四字。

關係臣之生平。仰懇

聖慈。將

諭旨內此四字。恩免記載。內侍梁九功。李玉轉奏。出復傳諭曰。十餘年來。實未見四阿哥有喜怒不定之處。頃朕降旨時。偶然諭及。無非益加勉勵之意。此語不必記載。諭兵部八旗漢軍人員。以文職用者多。以武職用者少。嗣後武科鄉會場。當令八旗漢軍應試。著爲令。己丑科爾沁達爾漢親王額駙班第及文武諸臣。爲請復皇太子事。具疏上奏。留中。庚寅。

先是

上體違和至十一月初旬日漸增加至是

上召

皇四子入內

皇四子泣奏曰

聖體違和為日已久應選擇太醫及臣兄弟中稍知藥性者允
祔允祺允禔同臣檢視方藥

上服藥後漸就痊愈○辛卯

上詣

皇太后宮問安○

實錄卷三百三十五

九

上命內侍梁九功李王傳諭諸皇子及王公大臣曰前拘禁允
初時並無一人為之陳奏惟四阿哥性量過人深知大義屢
在朕前為允初保奏似此居心行事洵是偉人

皇四子奏曰臣奉

皇父諭旨謂臣屢為廢皇太子允初保奏臣實無其事

皇父褒嘉之旨臣不敢仰承奏入復傳諭曰爾在朕前屢為允
初保奏爾意以為無有証據故於眾前強辯耶且爾為諸阿
哥陳奏之處甚多爾亦將強辯以為無其事乎

皇四子奏曰為諸阿哥陳奏臣誠有之至於為允初保奏
臣實不敢任受也○癸巳

上詣

皇太后宮問安○丙申陞黑龍江右翼副都統宗室發慶為黑
龍江將軍○己亥

上詣

皇太后宮問安○以教漢故多羅郡王扎穆蘇子垂穆普爾襲
爵○庚子復封允禩為多羅貝勒

十二月癸卯朔戶部議覆江蘇巡撫于準疏言海州安東縣
碩項湖佃湖等田地處窪下常被淹沒請減賦額照海灘下
則例徵收應如所請從之○甲辰禮部議覆廣東巡撫范時
崇疏言前耿逆之變隨臣父范承謨殉難者五十餘人○內生

實錄卷三百三十五

十

員嵇永仁王龍光儒士沈天成及臣族叔范承謨俱偕臣父
幽囚三載殉難死節仰祈特沛恩綸予以一命陪祀臣父祠
堂以慰忠魂生員嵇永仁王龍光應照例追贈國子監助教
沈天成范承謨雖庶民無追贈例但殉難死節風烈可嘉應
酌量追贈國子監學正并准其入祠陪祀從之○庚戌授輔
國將軍拜察禮子雲柱為三等奉國將軍○予故陝西延綏
總兵官柯彰祭葬如例○壬子革雲南楚姚蒙景總兵官徐
登甲職以標員扣餉徇庇不報故也○癸丑宗人府題鎮國公
公普奇以罪革退應將所有三佐領撤回給與伊兄鎮國公
普貴從之○乙卯陞護軍參領陳太為黑龍江副都統○陞

陝西西寧道遲所為湖北按察使司按察使（丁巳浙江巡撫王熊以病乞休允之）以內閣學士黃秉中為浙江巡撫調貴州巡撫陳說為湖廣巡撫陞山東布政使蔣陳錫為山東巡撫雲南布政使劉蔭樞為貴州巡撫己未兵部議覆湖廣總督郭世隆條奏防守紅苗三款一沿邊安設塘汛已經周密惟威華哨起至鎮溪所一帶山高箐密難於瞭望應於鎮算官兵內酌撥八百名另設四營分駐每日派官一員帶兵五十名遊巡設有奸宄可以即行追捕一舊日苗來內地生事民往苗叢被劫今以塘汛為界址苗除納糧買賣外不得擅入塘汛之內民亦不得私出塘汛之外違者各照例

實錄卷二百三十五

主

治罪并將地方官員處分一內地奸民與苗人結親往來勾通不可究詰嗣後如有前弊應斷離異仍按律定罪永行禁止地方有司亦坐以失察之罪俱應如所請從之（以故扎魯特鎮國公巴圖子蘇禮襲爵辛酉陞貴州平遠副將駱儼為雲南楚姚蒙景總兵官壬戌陞翰林院侍讀學士仇兆鰲為內閣學士兼禮部侍郎太常寺卿張世爵為都察院左副都御史陞山東按察使葉九思為山東布政使司布政使貴州按察使李華之為雲南布政使司布政使以江南蘇州松江常州淮安四府并徐州水災命動支淮徐二屬積貯穀麥七萬五千餘石賑濟并免蘇松常三府白糧耗米

九萬七千餘石○癸亥吏部等衙門察議原任內閣學士宋大業疏參偏沅巡撫趙申喬輕輿

御書等款俱經趙申喬回奏辨明應無庸議其趙申喬所奏宋大業兩次奉差湖南共得銀九千餘兩宋大業已經自認應將宋大業革職杖流所得銀兩追取入官趙申喬於回奏內首明銀應減罪二等將趙申喬革職擬徒得旨趙申喬從寬免革職治罪著降五級留任宋大業從寬免杖流餘依議○以翰林院侍讀喇薩理庶子黨阿賴充日講起居注官○丁卯

孝莊文皇后忌辰遣官祭

實錄卷二百三十五

主

暫安奉殿○順天府進春己巳

上奉

皇太后自暢春園回宮庚午諭領侍衛內大臣及禮部頃者

朕躬有疾今雖痊愈尚覺軟弱元旦不能詣

堂子行禮於宮中拜

神照常陞殿辛未歲暮禘祭

太廟遣領侍衛內大臣公阿靈阿行禮遣官祭太歲之神

遣官祭

永陵

福陵

昭陵。

暫安奉殿

孝陵

仁孝皇后

孝昭皇后

孝懿皇后陵 壬申賜朝正外藩科爾沁烏朱穆秦翁牛特阿

霸城萬齊武土默特喀爾喀杜爾伯特巴林喀喇沁敖漢毛

明安扎魯特阿霸哈納王貝勒貝子公台吉等及內大臣大

學士侍衛等宴 旌表八旗節婦滿洲色楞妻富氏等二十

七人蒙古鄂諾妻巴氏等九人漢軍周成有妻曲氏等二人

實錄卷二百五十五

三

烈女滿洲六格聘妻田氏一人直隸各省節婦王元弼妻姚

氏等三十四人各給銀建坊如例 是歲人丁戶口二十一

百六十二萬一千三百二十四田地山蕩畦地六百二十一

萬一千三百二十一頃三十二畝有奇徵銀二十七萬八千

萬四千五百五十三兩有奇米豆麥六百五十三萬一千三

百五十二石有奇草二百九十五萬一千六百八十七束茶

十六萬二千四百十五引行鹽四百三十二萬九千五百九

十七引徵課銀二百九十五萬七百二十八兩有奇鑄錢二

萬六千八百四十二萬二千六百有奇

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十五

實錄卷二百五十五

三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十六

康熙四十八年己丑春正月癸酉朔

上於宮中拜

神畢率諸王貝勒貝子公內大臣大學士侍衛等詣

皇太后宮行禮御殿王以下文武各官外藩王及使臣等上表

朝賀停止筵宴○朝鮮國王李煒遣陪臣閔敦厚等表賀冬

至元旦

萬壽節及進歲貢禮物宴賚如例○丙子

上奉

實錄卷二百三十六

皇太后幸暢春園○丁丑孟春享

太廟遣領侍衛內大臣輔國公鄂飛行禮○遣官祭太歲之神

○己卯

世祖章皇帝忌辰遣官祭

孝陵○辛巳祈穀於

上帝遣領侍衛內大臣公阿靈阿行禮

御製祭文曰臣仰承眷命撫育萬方念切民生亟圖康乂兩年

以來江浙地方遭罹水旱民失生業去歲山東河南亦因被

旱由禾歉收又去冬至今乾暵無雪臣雖抱病心切靡寧○朔

自順治二年以迄今日垂七十載承平日久生齒既繁縱當

大獲之歲猶慮民食不充倘或遇旱潦則臣雖竭力殫思竭

祖散賑而窮鄉僻壤豈能保無轉於溝壑之人在臣憂國憂

民之念即始終不渝而雨澤應期實惟

上天仁愛愚氓是賴茲者時屆上辛春耕將舉臣理應躬詣齋

次祇修祀事但今幸荷

天佑疾漸痊愈肅將大禮尚未克勝身雖未能致齋而為萬

民懇切祈禱之誠敢用摠布仰籲

洪庥特命臣僚潔蠲敬虔備玉帛牲醴潔盛庶品恭祀

上帝伏冀昭鑒俾雨暘時若百穀用成三農弘濟奉

實錄卷二百三十六

太祖

太宗

世祖侑神尚饗○丙戌

上詣

皇太后宮問安○以上元節賜外藩科爾沁烏朱穆秦翁牛特

阿霸垓嵩齊忒土默特杜爾伯特巴林喀爾喀喀喇沁敖漢

毛明安扎魯特厄魯特阿霸哈納王貝勒貝子公台吉及內

大臣大學士侍衛等宴○丁亥上元節賜外藩王貝勒貝子

公台吉及內大臣大學士侍衛等宴○戊子

上詣

皇太后宮問安○賜外藩王貝勒貝子公台吉銀幣鞍馬有差

○庚寅

上詣

皇太后宮問安○癸巳

上詣

皇太后宮問安○

上召領侍衛內大臣滿漢大學士尚書等問曰去年冬朕躬違和命爾等於諸阿哥中保奏可為儲貳者爾等何以獨保允禩允禩獲罪於朕身摠縲絏且其母家微賤豈可使為皇太子況允禩乃允禔之黨允禔曾奏言請立允禩為皇太子伊當輔之可見伊等結黨潛謀早定於平日矣其日先舉允禩

實錄卷三三六

三

者為誰爾等各據實陳奏時阿靈阿鄂倫岱揆敘王鴻緒私議保舉允禩情形廷臣不便舉出於是領侍衛內大臣巴渾德奏曰其日宣旨之後臣等眾人奏稱立皇太子事關係重大臣等何敢保舉奉

上諭爾等在行間俱能効死今正為朕効死之日也不可稍有隱諱奉旨後臣等出文武分兩班序坐眾人欲保允禩遂公同入奏並無首先發言之人

上曰爾等所舉皆同即大可疑矣此必有倡首之人爾等作速詳查舉奏諸臣出復入巴渾德奏曰臣等領侍衛內大臣是日集坐一處實係公同保奏並無倡首之人

上問領侍衛內大臣坡爾盆坡爾盆奏曰臣等內巴渾德先發言

上又問領侍衛內大臣尚之隆尚之隆奏曰保奏允禩巴渾德發言在先是實

上曰朕知之矣此事必舅舅佟國維大學士馬濟以當舉允禩默喻於眾眾乃畏懼伊等依阿立議耳馬濟奏曰是日議斯事奉旨命臣毋得干預是以臣即避去諸臣所議臣實不知上曰朕知馬濟謬亂是以不使之干預此事朕但加究問必然發露爾等務行詳究舉奏諸臣出復入巴渾德等奏曰是日奉

實錄卷三三六

四

上諭此事著漢大臣盡所欲言是以臣等見漢大臣舉出允禩遂公同保舉是實

上問大學士張玉書等張玉書奏曰是日列坐於後者俱舉出允禩是以臣等公保之並無倡首之人

上曰爾等再行查奏朕至晚朝務必究其根源諸臣出復入張玉書奏曰是日滿漢諸臣奉旨齊集馬濟溫達到在臣先臣問馬濟溫達何故召集諸臣馬濟云命於諸阿哥中舉可為皇太子者臣又問所舉為誰馬濟云眾意欲舉允禩後眾人俱舉允禩臣等因亦同行保奏

上曰此事明係馬濟暗中喻眾馬濟向來謬亂如此大事馬濟

尚懷私意伊等謀立允禩豈非欲結恩於允禩為日後恣肆專行之計耶馬齊奏曰臣實庸劣無知但素無朋比懷私之事其日張玉書問臣何故召集諸臣臣答云命於諸阿哥內舉可為皇太子者為此召集張玉書又問所舉為誰臣答云尚未定聞衆人中有欲舉八阿哥者張玉書係臣等同僚辦事之人彼既有問臣不得不答並未嘗使之保奏允禩

上曰朕欲辨明此事是以究問今既問明另候諭旨○

上召舅舅佟國維至衆大臣前傳旨詰問曰前因有人為皇太子條奏朕降殊筆諭旨示諸大臣時爾曾奏稱皇上辦事精明天下人無不知曉斷無錯悞之處此事於聖躬關係甚大

實錄卷五十六

五

若日後皇上易於措處祈速賜睿斷或日後難於措處亦祈速賜睿斷總之將原定主意熟慮施行為善爾係解任之人此事於爾無涉今乃身先衆人如此啓奏是何心哉佟國維奏曰臣雖以庸愚解任蒙

皇恩命為舅舅仰見

聖體違和冀望速愈故奏請速定其事臣有何辭可對傳諭佟國維曰將來誠如爾言朕有難於措處之處自不必言衆人亦將謂舅舅所奏果是矣若朕無難於措處之處彼時將如之何日月甚長且試待之到彼時自知之耳人其可懷私仇而妄言乎○以內閣學士馬禮年老不能供職命解退○甲

午

上詣

皇太后宮問安 諭滿漢諸臣曰朕自抱疾以來皇太子三阿哥四阿哥五阿哥七阿哥晝夜侍奉用藥調治今已愈矣並非諸臣醫療得痊也皇太子雖縲絀幽禁並不怨恨乃諄切以朕躬為念故今釋之如彼又有不善仍可幽禁也所以拘執皇太子者因其獲戾於朕耳並非欲立允禩為皇太子而拘執之也皇太子獲罪之處虛誣者甚多今馬齊佟國維與允禩為黨倡言欲立允禩為皇太子殊屬可恨朕於此不勝忿恚况允禩乃縲絀罪人其母又係賤族今爾諸臣乃扶同

實錄卷五十六

六

偏徇保奏允禩為皇太子不知何意豈以允禩庸劣無有知識倘得立彼則在爾等掌握中何以多方簸弄乎如此則立皇太子之事皆由於爾諸臣不由於朕也且果立允禩則允禩必將大肆其志而不知作何行事矣朕悉觀其情形故命亟釋皇太子朕聽政四十九年包容之處甚多惟於茲事忿恚殊甚朕原因氣忿成疾昨日一怒遂不御晚膳今日晨餐所食尚少如謂伊等作威可畏則好官如齊世武張鵬翮趙申喬彼何以俱不能殺之耶朕觀大小諸臣無不實心愛戴朕躬而伊等結為朋黨故欲使朕氣忿情理可恨無如此者朕因馬齊効力年久初心俟其年老聽彼休致以保全之昨

乃身作威勢拂袖而出。衆人見之，皆為寒心。如此不誅將誰誅乎？著將伊族屬一併拘拏。爾等傳問馬齊伊之作威可畏，果何益哉？馬齊奏曰：「臣原無威勢，但因事務重大，心中驚懼，并不知作何舉動，臣罪當死。」奏入。諭曰：「馬齊原係藍旗貝勒，德格類屬下之人，陷害本旗貝勒，投入上三旗，問其族中有一人身歷戎行而陣亡者乎？」乃不念朕恩，擅作威勢。朕為人主，豈能容此？馬齊之弟李榮保妄自尊大，虛張氣焰。朕屢加儆戒，而怙惡不悛，亦當治罪。馬齊等著諸王大臣會集速審擬奏。是日和碩康親王椿泰等遵旨審鞫馬齊等覆奏。馬齊等係正藍旗貝勒，德格類屬下，陷害本旗貝勒，投入上三旗，其族中並無一人行間効死者。今馬齊圖謀專擅，欲立允禩為皇太子，且馬齊於

實錄卷二百二十六

十

御前拂袖而出，殊為可惡，不可留於斯世者也。李榮保妄自尊大，虛張氣焰，亦甚可惡，俱應立斬。馬武與馬齊、李榮保係親兄弟，亦應立絞。馬齊、馬武、李榮保及馬齊之兄馬思喀等之子孫有職者，革職，概行枷責。其妻子並發黑龍江。馬齊之族護軍參領莊圖等有職者，革職。其護軍披甲及閒散人俱鞭一百。奏入。諭曰：「馬齊原不諳事，此數年中起自微賤，歷陞至大學士，其處心設慮無恥，無情但務貪得。朕知之已久，早欲斥之。乃潛窺朕意而蓄是心，殊為可惡。理應立斬，以為衆戒。」

朕因任用年久，不忍即誅。著即交允禩嚴行拘禁。李榮保著免死，照例枷責。亦聽允禩差使。馬武著革職，其族中職官及在部院人員俱革退。世襲之職亦著除去，不准承襲。又諭曰：「馬思喀在日曾有効力之處，著將伊子佐領三等侍衛納爾泰從寬釋放。」

實錄卷二百二十六

八

上命將硃筆諭旨及舅舅佟國維回奏之語示衆。大臣硃筆諭旨曰：「舅舅年老之人，屢向朕所遣人云：『我夫妻每日祝天求佛，願皇上萬壽。』朕思自五帝以至今日，尚未及萬載，朕何敢侈望及此？此皆以荒誕不實之言欺朕，朕不信也。今舅舅既有祈望朕躬易於措處之言，嗣後舅舅及大臣等唯篤念朕躬，不於諸王阿哥中結為黨羽，謂皆係吾君之子，一體看視，不有所依附而陷害其餘，即俾朕躬易於措處之要務也。又諭諸大臣原任內務府總管馬思喀事君極其耽戀，凡有關君上之事，皆實意奉行。前鎖拏伊子故著釋放，其普奇楚宗斷非安靜之人，俱係八阿哥相面案內株連之輩，諸事無不悉知。若將伊等寬容，恐其所識匪類既多，復生事端。爾諸大臣亦不獲安矣。著將此二人拏交宗人府拘禁。大阿哥朕亦不容其閒散，俟朕將未完之事理畢，即行嚴禁。不然則必思報復矣。」○護軍統領趙賴以保皇太子時推病不到。上命將趙賴革職，交該管王令入辛者庫。當下賤差使。○科爾

沁和碩達爾漢親王額駙班第及滿漢文武官員奏請復立皇太子得旨立皇太子事理應即行宣諭前因滿漢大臣有請立允禩之言朕深念患欲俟朕劇疾少愈將皇太子獲罪時乘隙紊亂國家首倡欲立允禩之情務期明晰今邀天之佑朕躬漸加康豫事跡俱已昭著皇太子允初累月以來晝夜在朕前守視湯藥其被鎮壓詛咒以致迷惑之處已經全愈是皆仰賴

天地

祖宗眷朕眇躬歷年勤瘁以克有此著即查典禮具奏○乙未論文武諸臣曰朕向待大臣不分滿漢體恤包容是以獲罪

實錄卷五十六

九

者甚少諸臣當人人感戴自効乃九卿會議時但一二人發言眾俱唯唯其漢大臣則必有涉於彼之事方有所言若不涉於彼之事即默無一語方伊等居下位時亦似可取及授大職即僅圖自保以全其身熊賜履嘗講理學後為大學士亦唯緘默自容此皆為彼門生掣肘故也尤可異者漢官議事前人畫題後人亦依樣畫題不計事之是非但云自有公論又有至畫題已畢始問為何事者如此寧不有愧於舉國之清議耶馬齊王鴻緒李振裕向在部院聲名俱劣朕早欲罷之因念若等効力年久是以遲至今日且張鵬翮乃一清官朕南巡時馬齊當眾前詈之曰殺材因不餽伊銀幣遂爾

辱詈誰不畏死敢不餽之銀幣乎生人殺人乃朕之權彼焉得操之此後爾等皆當省改凡人既讀書知義理即當以其所學見之於事非僅作文已也平時讀書至臨大事竟歸無用則所讀何書所學何事耶王鴻緒李振裕向來早應罷斥朕姑為容忍今不可再容矣蔡升元輕浮無實楊瑄知交雜濫其人品亦皆不端俱著原品休致○浙江巡撫黃秉中陛辭

上諭之曰為督撫者但清以持已實心辦事不交通近侍不夤緣部院則無往不宜矣黃秉中奏曰臣去歲奉旨到浙賑濟飢民見萬姓無不頂戴

實錄卷五十六

十

上曰此何足言大抵遇有凶年除蠲糧發粟賑粥三者之外別無奇策但在地方官實心舉行耳○浙江定海總兵官吳郡陛辭

上諭之曰舟山在海中所以防海寇者不可不慎也爾係福建人殆必知之近聞廣東武官使兵丁貌為商人出洋緝盜悞以商船為賊船妄與交戰者有之此等緝盜之法殊未善也吳郡奏曰昔施世驃亦用此法擒盜不可云無弊

上曰如將地方官已經給照之商船捏稱賊船朕斷不許也○理藩院題阿祿科爾沁故固山額駙巴特瑪之妻縣君叩聞稱我孀居無子將已特瑪弟考南撫養不意考南成人竟懷

異心。即家下人等亦將我藐視。人願以所屬人丁盡獻皇上。止乞撥給六十人。日後為我夫婦二人看守墳墓。

上曰。此等人斷不可受。縣君乃中朝下嫁者也。所獻之人。乃阿祿科爾沁之番兵。豈可取乎。爾等將朕諭旨。明諭蒙古諸王。照土默特蘇克圖爾之妻所獻八佐領一例。暫遣官至彼處管理事務。日後仍將此所獻之人。安插彼旗內可也。○吏部尚書馬爾漢以老乞休。命原官致仕。○丙申。

上詣

皇太后宮問安。

上幸南苑駐蹕。

實錄卷三三六

上

上諭八旗都統等曰。朕此番抱病。肌體癯瘦。自分難於調治。朕

承

祖宗弘業。垂統萬世。愛養生民。勤勞宵旰。理所宜然。並未有神奇之德。乃聞舉國兵民。男婦老幼。俱以朕躬不豫。竭誠祈禱。仰蒙

上天垂慈。今獲痊可。已能挽弓乘馬矣。爾等將此諭旨及朕躬痊愈之處。明白曉諭。務使比戶咸知。以慰兵民祈禱懇切之意。○丁酉。以翰林院侍讀戴紱提督順天學政。右春坊右中

允楊中訥提督江南學政。右春坊右贊善吳垣提督浙江學政。○刑部題散給偽劄之朱永祚附從一念和尚。擅稱大明

天德年號。妄題詩句。搖惑人心。應立斬。得旨。朱永祚著即凌遲處死。○己亥。鄂爾多斯多羅郡王松阿喇布。朝正來京。病故。命給銀一千兩。辦理喪事。擬歸日。遣多羅貝勒允禩及侍衛等往送。○先是。拉臧立波克塔胡必爾汗。為達賴喇嘛。青海眾台吉等。未辨虛實。彼此爭論。許奏。

上命內閣學士拉都渾。率青海眾台吉之使人。赴西藏看驗。至是。拉都渾回奏。臣遵旨。會同青海眾台吉之使。前往西藏。至噶木地方。見拉臧。問以所立達賴喇嘛情由。據云。前將假達賴喇嘛。解京時。曾奉諭旨。令尋真達賴喇嘛。今訪聞得波克塔胡必爾汗。係真達賴喇嘛。亦不能信。又問班禪胡土克圖。

實錄卷三三六

上

據云。波克塔胡必爾汗。實係達賴喇嘛。我始為之安置。禪榻非敢專擅。奏入。命議政大臣等議。尋議。拉臧所立達賴喇嘛。既問之班禪胡土克圖。確知真實。應毋庸議。但達賴喇嘛例有封號。今波克塔胡必爾汗。年幼。請再閱數年。始議給封。又青海眾台吉等。與拉臧不睦。西藏事務。不便令拉臧獨理。應遣官一員。前往西藏。協同拉臧。辦理事務。得旨。依議。其管理西藏事務。著侍郎赫壽去。

二月壬寅朔。

上諭大學士等曰。觀今之部院司官。殊不如昔。或長於理事。而人輕浮。或優於學問。而短於辦事。欲得辦事優。而又極謹慎。

者甚少。禮部尚書富寧安為人謹而信。以今視之甚善。但始終不易亦未可得而知也。○癸卯。陞少詹事。噶敏圖為內閣學士兼禮部侍郎。○以拖沙喇哈番車克初為鑲藍旗護軍統領。陞叅領石如璧為鑲黃旗漢軍副都統。雲南曲尋武雷總兵官俞章言為鑲白旗漢軍副都統。○甲辰。蘇尼特輔國公阿必大故遣官致祭。○乙巳。以黑龍江將軍宗室發度行止悖謬。命革職。在一等侍衛行走。○丁未。遣大學士張玉書祭。

先師孔子。○以大學士李光地為會試正考官。吏部左侍郎張廷樞為副考官。○予故原任陝西寧夏總兵官張開元祭葬如例。○戊申。祭。

大社。

太稷。遣散秩大臣宗室德寧行禮。○己酉。

上巡幸畿甸。命皇太子允初。

皇四子多羅貝勒。皇七子多羅貝勒。允祐。皇八子多羅貝勒。允禩。皇十三子胤祥。皇十四子允禵。皇十五子允禩。皇十

六子允祿。隨駕。是日啟行。駐蹕禮賢村。直隸巡撫趙弘燮。

天津總兵官師懿德來朝。陞侍講學士年羹堯通政使王

思軾俱為內閣學士兼禮部侍郎。詹事府少詹事王原祁為詹事。○調寧古塔將軍宗室楊福為黑龍江將軍。奉天將軍

覺羅孟俄洛為寧古塔將軍。陞山東登州總兵官王文雄為貴州提督。○庚戌。

上駐蹕永清縣張家村。○辛亥。春分朝。

日於東郊。遣刑部尚書果可托行禮。

上駐蹕馬家營。○壬子。

孝康章皇后忌辰。遣官祭。

孝陵。

上至霸州苑家口登舟。是日泊保定縣田歌莊。以厄魯特故

多羅貝勒巴圖爾額爾克濟農和羅禮子額駙阿寶襲爵。○

癸丑。

御舟泊任邱縣趙北口。○甲寅。陞陝西波羅營副將馬天寵為雲南曲尋武雷總兵官。貴州提標副將李雄為山東登州總

兵官。○乙卯。

上以天雨雪。命直隸巡撫趙弘燮委員勘報。尋趙弘燮率勘雪

同知閻穀等奏京城天津景州定州等處皆有雪。透地四五

寸不等。於田禾大有裨益。

上曰朕聞各處有雪中甚慰。○丙辰。

御舟泊新安縣郭里口。以翰林院侍講高其倬提督山西學

政。編修陳至言提督河南學政。左春坊左贊善范光宗提督

福建學政。編修李愈提督廣東學政。檢討孫勳提督貴州學

政吏部郎中董佩笈為江西按察使司僉事提調學政刑部

郎中朱軾為陝西按察使司僉事提調學政戶部郎中馮佩

實為雲南按察使司僉事提調學政免湖廣蘄州鄖西等

五州縣康熙四十七年分旱災額賦有差戊午以吏部左

侍郎管右侍郎事曹鑑倫禮部左侍郎管右侍郎事胡會恩

內閣學士徐元正仇兆鰲俱充經筵講官命正紅旗滿洲

都統嵩祝署理奉天將軍事務庚申

御舟泊新安縣段村辛酉

御舟泊任邱縣泉頭壬戌

御舟泊趙北口○以翰林院檢討王景曾充日講起居注官

實錄卷二百六

七

癸亥遣官祭

先農之神○

御舟泊霸州苑家口甲子遣官祭

歷代帝王

上自苑家口登陸是日駐蹕永清縣義和村陞奉天府尹

艾芳曾為通政使司通政使乙丑

上駐蹕永清縣裴家鋪丙寅

孝昭皇后忌辰適遇清明節是日先遣官祭

陵

上駐蹕南苑丁卯清明節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○禮部題多羅安和郡王側妃故得旨五旗諸王

宗室等並不為朕勤勞効力每將朕事敗壞這喪事不必令

朕之諸阿哥及福金等會集惟著八阿哥與伊福金去○旌

實錄卷二百六

八

表山西烈婦白霽妻蕭氏拒姦殞命給銀建坊如例○戊辰

上回暢春園詣

皇太后宮問安己巳

上諭舅舅佟國維曰爾曾奏皇上凡事斷無錯悞之處此事關

係重大日後易於措處則已倘日後難於措處似屬未便等

語觀爾所言必是捨命陳奏爾乃國舅且為大臣榮貴極矣

年已老邁子孫甚多若欲捨命見朕之病勢漸增即當親身

入內奏云醫生等既可入內我又何不可入我親身領醫生

診看晝夜侍奉湯藥使朕疾得痊方係實心方可稱為舅舅

乃漠不相關並未嘗念及朕躬朕仍賴皇太子及諸阿哥晝

夜侍奉率領醫人診看進藥調理仰蒙

上天護佑今已痊愈。由是觀之爾並非實心乃置身兩可意謂皇上若獲痊愈我仍沾祿食苟且度日倘有不測則皇太子將何所往必合我言矣。此非爾之本意乎。皇太子允初前染瘋疾朕為國家而拘禁之後詳查被人鎮壓之處將鎮壓物俱令掘出其事乃明今調理痊愈始行釋放朕將此情由俱曾硃筆書出詳悉諭諸大臣。今譬有人因染瘋狂持刀砍人安可不行拘執若已痊愈又安可不行釋放而必欲殺之乎。朕拘執皇太子時並無他意殊不知舅舅肆出大言激烈陳奏者係何心也。諸大臣之情狀朕已知之不過碌碌素餐

實錄卷五十五

七

全無知識。一聞舅舅所奏之言眾皆恐懼欲立八阿哥為皇太子而列名保奏矣。且蘇努鄂飛普奇之祖俱曾正法故伊等邀結黨羽悚動人心不可謂之無意也。皇太子立已三十餘年並無他故朕為人君臨御既久安享太平並無難處之事。臣庶託賴朕躬亦各安逸得所今因有舅舅所奏之言及羣下小人就中肆行捏造言詞所以大臣侍衛官員等俱終日憂慮若無生路者。此事關係甚重今眾人之心既如此憂慮不安朕躬及皇太子三阿哥四阿哥五阿哥七阿哥父子六人亦必至於志意不舒弗獲安適也。諸小阿哥又無足論矣。中心寬暢者惟大阿哥八阿哥耳。鄂倫岱隆科多順安顏

與大阿哥相善人皆知之爾等又欲立八阿哥為皇太子將

置朕躬及皇太子諸阿哥於何地耶。亂臣賊子自古有之今觀眾人情狀果中舅舅所奏日後難於措處之言矣。爾為舅舅聞外邊匪類妄言理應禁止爾乃倡造大言驚駭眾心有是理乎。爾既捨命陳奏必有確見之處其何以令朕躬及皇太子諸阿哥志意安舒不至殷憂之處亦可明白陳奏。爾乃朕之舅舅特降此旨非欲誅爾也因眾皆憂慮煩事明後眾心乃可定耳。舅舅當體念朕心勉力為之。若懷藏私意別有作為天必誅之。舅舅佟國維奏曰臣從前啟奏之言俱載在檔案今並不推諉。眾人因臣大言妄奏皆畏懼列名致貽

實錄卷五十五

大

聖體及皇太子諸阿哥之憂莫大之罪當即誅戮。

皇上雖憐憫不誅臣何顏生斯世乎。祈速誅臣示眾。傳諭曰朕前拘執皇太子時並未召一人商議亦未有一人陳奏皆出自朕意朕之所行公正無私諸臣從前既未曾陳奏今又何畏懼。但從前皇太子因瘋狂妄動之時諸大臣理應諫勸或奏聞於朕其並不諫勸又並不奏聞者即諸大臣之重罪也。至於保奏列名時諸大臣皆不知其故糊塗書名伊等何用懷憂。前拘執皇太子之日朕於眾人前已降諭旨斷不立大阿哥為皇太子此眾所知也大阿哥為人下賤無恥不堪之處大臣侍衛等無不知曉。但不出諸口耳。心實惡之。朕今特

為安撫羣下降旨申明。非欲有所誅戮也。舅舅前啟奏時。外間匪類。不知其故。因盛讚爾云。如此方謂之國舅。大臣不懼死亡。敢行陳奏。今爾之情形畢露。人將謂爾為何如人耶。洵可恥之極矣。朕若誅爾。似類沽名。朕今斷不誅爾。其坦懷勿懼。但不可卸責於朕躬。觀爾迷妄之狀。其亦被人鎮壓歟。○上又諭領侍衛內大臣曰。朕何等施恩於額駙順安。顏伊乃並不思圖報。反與大阿哥附和相善。著革退額駙。令其在家居住。交與舅舅。○庚午。調刑部尚書張鵬翮為戶部尚書。陞戶部右侍郎許汝霖為禮部尚書。吏部左侍郎張廷樞為刑部尚書。○辛未。

上自暢春園回宮。

實錄卷三三七

元

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十六

實錄卷三三六

辛

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十七

康熙四十八年己丑三月壬申朔以喀爾喀故車臣汗吳默赫子滾陳襲爵 癸酉

上幸暢春園 吏部題二等精奇尼哈番南第故銷去恩詔所得一拖沙喇哈番餘三等精奇尼哈番請以其子烏爾土納思圖襲職從之 甲戌

上詣

皇太后宮問安 陞太僕寺卿李先復為太常寺卿 陞直隸天津道李發甲為山東按察使司按察使 丙子 予故副都

中錄事官李

一

中錄事官李

十

統鄭元敷祭葬如例 戊寅 轉吏部右侍郎曹鑑倫為左侍郎陞內閣學士徐元正為吏部右侍郎左副都御史張世爵為戶部右侍郎 兵部議覆原任河道總督張鵬翮疏言總河標下兵丁前奉諭旨裁汰今請於所汰一千六十一名兵內乞留存五百八十三名以為催漕防汛之用應不准行得旨河標應裁兵丁內准照該督所請留五百名 庚辰以復立皇太子允初遣官告祭

天地

宗廟

社稷告祭

天壇祭文曰臣仰荷

天庥撫臨海寓深維國本統緒攸關建立嫡子允初為皇太子歷有三十餘載不意忽染暴戾狂易之疾臣以

祖宗所遺洪業及萬邦民生不敢姑息遂行退廢絕無纖毫私意前者告祭俱已悉陳嗣是漸次體勘當有此大事之時性生奸惡之徒因而各庇邪黨借端構釁臣覺其日後必成亂階隨不時察窮極始末後乃確得病源亟為除治幸賴皇天眷佑平復如初臣比因此等事情常切慚恨心神耗損致成劇疾自維勢難必愈但深念

祖宗垂貽丕基臣諸子中允初居貴雖被鎮壓已漸痊可遂召

諸臣明諭而寬釋之自此以後見其夙夜祇事憂形於色藥餌躬親克盡子職臣復屢加省驗惟誠惟謹歷久弗渝嗣後信能敬慎修身常循茲軌則允堪主器矣謹於康熙四十八年三月初九日用申虔告之儀復正儲貳之位尚祈昭鑒永錫寵綏謹告其告祭

地壇

太廟

社稷文畧同 辛巳以大學士溫達李光地為正使刑部尚書張廷樞都察院左都御史穆和倫為副使持節授皇太子允初冊寶復立為皇太子以禮部尚書富寧安為正使禮部侍

郎鐵圖為副使持節授皇太子妃冊寶復封為皇太子妃○上硃書諭旨示衆大臣曰朕觀五旗諸王並無一人念及朕躬竟以朕躬為有何關係惟各飽煖是圖外面匪類有將朕諸子肆行訛議者朕諸子並不與之較以此觀之朕之諸子可謂厚重矣人情若此朕深為憤懣朕諸子坐次何故今在伊等之下今將諸阿哥之名書出惟八阿哥乃獲大罪身繫縲絏之人留其貝勒足矣故未書名今日乃立皇太子吉日將此旨抄錄速發宗人府召諸阿哥宣諭○諭宗人府自去年九月不幸事出多端朕深懷愧憤惟日增鬱結以致心神耗損形容憔悴勢難必愈於時概觀衆人不過為尋常虛語襲

用空文此外別無良法惟貝勒允祉特至朕前奏稱皇父聖容如此清減不令醫人診視進用藥餌徒自勉強耽延萬國何所倚賴臣等雖不知醫理願冒死擇醫令其日加調治因痛哭陳請爰於十一月十八日始用醫藥時皇太子已經開釋亦同竭力趨侍晝夜不懈今朕之劇疾業已全愈從前朕之諸子所以不封王爵者良恐幼年貴顯或至驕侈恣意而行故封爵不踰貝勒此亦朕子之以勉進之路也今見承襲諸王貝勒貝子等日耽宴樂不事文學不善騎射一切不及朕之諸子又招致種種匪類於朕諸子間肆行讒譖機謀百出凡事端之生皆由五旗而起朕天性不嗜刑威不加

窮究即此輩之幸矣茲值復立皇太子大慶之日允祉允祺俱著封為親王允祐允祿俱著封為郡王允禔允禎允禩俱著封為貝子爾衙門即傳諭旨察例具奏○壬午以復立皇太子允初詔告天下詔曰朕惟建立儲嗣承奉宗祧國本攸關元良是託信能飭身深德敬學勤修行懋著於宮庭論允乎於臣庶申命主器實協彝章皇太子允初久踐青宮夙標譽望克殫誠孝篤守恪恭不意忽染迷惑狂易之疾朕深惟

祖宗洪業及萬邦民生所繫至重不得已而有退廢之舉嗣後漸次體勘當國家有此事時性生奸惡之徒各庇邪黨借端構釁朕覺其日後必成亂階遂窮極始末究其情實因而確得病源悉由鎮魔所致亟加除治盡滌前疴累月以來朕因諸事憤鬱心神耗損允初朝夕侍朕左右憂形於色藥餌必親寢膳必視惟誠惟謹歷久不渝今德益昭丕基克荷此誠仰賴

上天垂庥

列祖篤祐以默相我國家於有永者也茲特昭告

天地

宗廟

社稷載稽典禮於康熙四十八年三月初十日授以冊寶復立

為皇太子正位東宮用洽四海之人心茂衍萬年之應服事
成慶典宜沛洪恩於戲春陽應律協氣溢於宮闈海潤流膏
恩波遍於寰寓布告中外咸使聞知詔內恩款十六條
甲申刑部等衙門議覆福建浙江總督梁鼎疏言革職浙江
布政使黃明詐財殃民贓盈八萬請按例論絞應如所題得
旨黃明依擬應絞著監候秋後處決○乙酉陞侍講學士顧
悅履為內閣學士兼禮部侍郎太常寺卿李先復為都察院
左副都御史丁亥封下嫁巴林貝爾袞額駙之和碩榮憲
公主為固倫公主授貝爾袞為固倫額駙○旌表直隸烈婦
張昆妻賈氏拒姦殞命給銀建坊如例○戊子

御錄卷五

五

上詣

皇太后宮問安○已丑

萬壽節

上詣

皇太后宮行禮停止朝賀筵宴遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵遣官祭真武東嶽城隍之神辛卯策試天下

貢士戴名世等於

太和殿前制曰朕君臨海寓垂五十年每念致治之道以任
賢能安民生為急務所為獎進公忠振興名節轉移風化教
育人材者不啻鼓舞之股而牖導之切矣顧循名責實大小
臣工果能精白乃心而士習民風舉皆蒸蒸丕變否歟從來
人臣之於國家詎均休戚所謂腹心股肱聯為一體者也倘
或營己懷私背公植黨則臣職謂何夫不欺之謂忠無偽之
謂誠古名臣忠與誠合然後能守正不阿獨立不倚今欲戒
欺去偽以共勉於一德一心之誼豈無其道歟夫名節者為
臣之表率也誠能以名節自勵則持已有清介廉潔之修臨
事自有勁挺激昂之氣立身服官悉始基於此其何以使在
位者咸以禮法為防檢以名教為矩範歟至於氓之蚩蚩皆
吾赤子乃或迫於飢寒或失於訓誡轉而為盜非其本心為
有司者能曲體民隱經畫其生計勤施以禮教使其民皆有
樂生嚮義之念則良善既安而莠頑可格此非民牧之切務
歟國家養士期於實用文辭非所重也昔之儒臣淹通博洽
有援據經傳以議禮旁引春秋以斷獄者今之專一經者多
矣其能盡抒所學以施諸政事否歟欲令士皆窮理達務以

御錄卷五

六

收明體達用之效何道而可大抵朝廷有竭忠矢節之臣則民俗日淳而士氣益奮學校多通經稽古之彥則致身有本而奉職無愆爾多士講明於學術治理者久矣其悉陳於篇朕將親覽焉 癸巳

上自暢春園回宮 甲午傳臚賜貢士趙熊詒等二百九十二人進士及第出身有差以正白旗蒙古都統公傅爾丹為領侍衛內大臣 乙未

上幸暢春園 丙申陞光祿寺卿廖騰燧為奉天府府尹左通政祖允圖為太僕寺卿 丁酉

上詣

實錄卷二三七

七

皇太后宮問安 己亥轉禮部尚書富寧安為吏部尚書 陞直隸口北道李錫為貴州按察使司按察使 辛丑予故陝西肅州總兵官劉漢業祭葬如例 夏四月壬寅朔享

太廟遣領侍衛內大臣尚之隆行禮

上詣

皇太后宮問安 贈故貴州提督太子少保鎮遠將軍李芳述太子少傅子祭葬諡壯敏 工部議覆河南巡撫汪灝疏言豫省黃河南岸之黃壩壩素係險工臣遵旨修建挑水壩一座又於上流下護崖埽七十大俱各工竣請每年動支河庫

銀兩修防應如所請從之 癸卯河南南陽總兵官方凱以病乞休得旨方凱前於中路出師時奮勇効力著加左都督銜致仕仍給一拖沙喇哈番 甲辰陞左都御史穆和倫為禮部尚書 乙巳陞左通政劉謙為光祿寺卿 丙午

上詣

皇太后宮問安 陞鑲白旗蒙古副都統朱麻喇為正白旗蒙古都統 丁未授一甲進士趙熊詒為翰林院修撰戴名世繆沅為編修 庚戌陞吏部左侍郎穆丹為都察院左都御史 壬子諭吏部庶吉士介孝璿等教習已久今加考試應分別授職除王雲錦賈國維已授修撰編修外滿書庶吉士馬汝為沈翼機彭維新吳相衛昌績戴思訥馬豫熊本楊緒張懋能彭廷訓謝履忠林之濬嵇曾筠萬民欽洪晨等鄭任鎰陳均王簪柯喬年鄒奕鳳涂天相萬經李鍾義莊令興蔡學洙介孝璿漢書庶吉士吳士玉錢榮世官鴻歷俞長策李日更王邁王思訓李掌國賈兆鳳王士銰諸起新西庫查嗣庭伊泰俱照例授為翰林院編修檢討李堂顧秉直楊標韓鳳聲尚彤庭杭宜祿董泰徐能容才住常生滿漢文俱劣著革職爾部即遵諭行 癸丑

上詣

皇太后宮問安 陞通州副將丁興為河南南陽總兵官 甲

寅陞左僉都御史王度昭為太常寺卿。○乙卯

上自暢春園回宮。諭翰林院選拔庶常原係作養人材。今科進士特加簡閱。取朱元英儲在文陳。隨員徐斌、戚麟、祥阿、克敦、須洲、張起麟、李紱、朱一鳳、惠士奇、路仍起、徐用錫、李中泰、道然、沈時宜、方觀蔡、世遠、陳似源、唐紹祖、朱青選、鄒汝模、蔣連、于廣閭、圻、呂謙、恒、汪倬、宋筠、黎致遠、張照、顧五達、馬益、李同聲、盧軒、陸紹琦、張玠、謝履、厚、劉大輟、何世璠、王時憲、徐士鷺、曹如琯、崔璨、程祺、邱尚志、張應綬、范令譽、曾謹、詹銓、吉、張作舟、濮起熊、嚴思位、陶成、黃越、趙音、王承烈、周鳳來、高維新、朱綸、陳會、張大受、曹掄、彬、鄧葵、友、車松等六十四員俱著改

為庶吉士。并修撰趙熊詒、編修戴名世、繆沅、分別滿漢書教

習。○丙辰

上御太和殿視朝。文武陞轉各官謝恩。

上幸暢春園。

上諭王公及領侍衛內大臣八旗滿洲蒙古都統護軍統領滿洲大學士部院諸大臣等。大阿哥鎮魔皇太子及諸阿哥之事。從前侍郎滿篤與侍衛拉錫審取供招。俱與朕所指示相同。甚屬明白。並無罅隙。果有罅隙。朕早已發露之矣。並非欲將此事重行翻改。但大阿哥行止甚屬暴戾。無恥並不念及父母兄弟。殺人害人。毫無顧忌。任意妄為。朕在宮中。伊何能

為。倘朕躬在外。伊或挾一不堪。太監指稱。

皇太后懿旨。或朕密旨肆行殺人。猖狂妄動。諸阿哥皆兄弟也。稱有旨意。誰敢攔阻。關係甚大。朕聽政年久。何事不曾經歷。以託賴朕躬。宵旰經畫。安享太平之人。設或一二見殺。豈不可憫。觀伊之黨羽。俱係賊心惡棍。平日鬪雞學習。拳勇不顧罪戾。惟務誘取銀錢。稍知禮義之人。斷不為此。即今三旗大臣侍衛。為大阿哥所愚者。不過一二人。具五旗蠢然無知。諸王幼子。被愚者甚多。大阿哥若出而妄動。則此蠢然無知之輩。又將附和之矣。且相面張明德所相之人。現今俱欲死不得。求生無路。成何景況。與伊所相之語。合耶。否耶。朕亦有用喇嘛和尚道士之處。並不令伊等占驗。所以不為所欺。現今鎮魔之事。發覺者如此。或和尚道士等更有鎮魔之處。亦未可定。日後發覺。始知之耳。此等情節。爾等但聞其大概。將此供招閱過。方知朕震怒憤懣。為合理也。朕意今欲將大阿哥安置一處。令其安靜。不致生事。方好。倘萬一事出。朕在塞外須兩三日。後始聞知。必致遲誤。此所發御書。著諸王大臣一詳閱。定議具奏。倘托病不行。看閱斷乎不可。尋議看守大阿哥。允禔請於八旗派護軍參領八員。護軍校八員。護軍八十名。仍於允禔家中輪班看守。候

皇上回鑾之日。徹去。其看守官兵。應另派員巡查。調戶部左

侍郎赫壽為吏部左侍郎陞山西巡撫噶禮為戶部左侍郎陝西布政使蘇克濟為山西巡撫丁巳調歸化城副都統智勇為鑲白旗蒙古副都統戊午

孝端文皇后忌辰遣官祭

昭陵免江南和州潛山等十七州縣衛康熙四十七年分水災額賦有差庚申以翰林院編修陳璋充日講起居注官

上諭諸王大臣爾等議將大阿哥仍在伊府中看守府中門戶既多恐匪類仍行往來大阿哥慣會潛行即於伊旗分地方令八旗官兵看守匪類仍行鑽刺行走斷乎不可惟別旗地

實錄卷二二七

上

方始可耳從前諸事凡鎮魔皇太子使之不善播揚惡名者俱係大阿哥皇太子雖有惡名並未殺人亦無黨羽大阿哥黨羽甚多前執皇太子時朕尚以為看守不嚴大阿哥豈容不嚴加看守裨色父子之房凌普之房圖樣曾經呈覽再所造諸王府內聞有小府一所與十四阿哥府相仿著領侍衛內大臣宗人府大學士往看何處牢固朕特派嚴加看守再聞大阿哥之席北駐扎烏拉白都納者一二百人此係何處席北又聞各處俱有大阿哥之人著問雅突雷楞又聞去年將天津鎮兵調至口上虛實未知著問兵部辛酉和碩顯親王衍潢等遵旨會議喇嘛巴漢格隆等咒魔皇太子情

實應將巴漢格隆明佳噶卜楚馬星噶卜楚鄂克綽特巴俱凌遲處死查巴漢格隆已充發奉天其明佳噶卜楚等亦發往杭州看守應行文該地方將軍巡撫委員監視即行正法至皇長子護衛雷楞雅突明知大逆之事乃敢同行又雅突將皇長子復行咒魔俱屬大逆亦應凌遲處死再此案內有察蘇齊引誘宗累格隆陶州胡土克圖行咒魔之事因布彥圖知情欲行出首即將布彥圖殺害身死察蘇齊雖經身故係大逆首惡應將察蘇齊之親兄弟子孫并雷楞雅突之親兄弟子孫俱即處斬伊等妻女媳婦俱發往打牲烏喇處貧人為奴其族人內有職者革職枷號三月鞭一百并妻子充發黑龍江當苦差查雅突係諾木插什佐領下人諾木插什不能覺察亦屬不合應將諾木插什革職枷號三月鞭一百并妻子充發黑龍江當苦差伊等內有世職者俱不准承襲咒魔諸物例有明禁太監楊得志違例應付亦應枷號三月鞭一百充發黑龍江當苦差其脫逃之喇嘛扎什盆蘇克羅布藏扎什等俟緝獲另結得旨此本交內閣收貯癸亥以禮部左侍郎鐵圖充經筵講官甲子以吏部郎中董思凝為湖廣按察司僉事提調學政以蘇尼特故輔國公阿必太子羅雷襲爵

上諭領侍衛內大臣朕已派八旗章京十七人令看守大阿哥

矣若輩俱係朕所深知堪以信任之人意念肫誠惟知君上至每日用幾人看守之處著伊等會議再派員勒延壽貝子蘇努公鄂飛都統辛泰護軍統領圖爾海陳泰每日二員不斷看守其護軍如何派出看守之處著伊等公議此內並無率領之人俱係一體看守不得以貝勒貝子公徇情分也所留領侍衛內大臣著不時巡察前執皇太子時朕並未諭以作何嚴加看守之處大阿哥生性暴戾乃不安靜之人務須嚴加看守方好斷不可稍有疎忽也并傳諭看守章京等朕因信任伊等故行派出務各遵照朕旨嚴加看守不得稍違設有罅隙朕必知之彼時將爾等俱行族誅矣斷不姑宥

實錄卷五十七

革

乙丑兵部議覆湖廣總督郭世隆等疏言鎮算紅苗良頑不一嗣後如有兇苗不法依恃夥眾潛匿不服者地方官訪確准即移咨營將量其事之大小撥兵緝獲正法然後奏報應如所請文武各官如不計事之大小動輒生事擾亂地方該督撫提鎮仍不時查叅從之 丙寅

上詣

皇太后宮問安 丁卯

上巡幸塞外命皇太子允初皇三子和碩誠親王允祉皇七子多羅淳郡王允祐皇八子多羅貝勒允禩皇十三子胤祥皇十五子允禩皇十六子允祿隨駕是日自暢春園啟行駐蹕

南石槽 禮部題纂緝平定朔漢方畧告成應發部刊刻頒行中外昭示臣民從之 旌表山東烈婦張強妻張氏拒姦殞命給銀建坊如例 戊辰

上駐蹕密雲縣 以哈密故扎薩克一等達爾漢額貝杜拉子白克郭帕白克襲職 己巳

上駐蹕遙亭 庚午

上駐蹕兩間房 河南巡撫汪灝疏言臣遵旨開濬鄭州賈魯河故道自東趙地方起至黃河涯口新莊地方止俱已開濬可通舟楫又於東趙建石閘一座黃河涯口築草壩石閘各一座亦次第工竣下所司知之

實錄卷五十七

南

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百三十八

康熙四十八年己丑五月辛未朔

上駐蹕鞍子嶺 壬申

上駐蹕花峪溝 喀喇沁多羅杜楞郡王額駙噶爾藏等來朝

陞吏部郎中樂拜為陝西布政使司布政使 戶部議覆

廣東巡撫范時崇等疏言廣東連州總鹽額引原派行銷本

州及湖廣之桂陽臨武藍山嘉禾等四州縣樂昌總鹽額引

原派行銷本縣及湖廣之郴州宜章興寧永興等四州縣今

應將此項引餉作為十分量地均勻連州樂昌二處行銷十

實錄卷二百三十八

分之三桂陽郴州等八州縣行銷十分之七又潮州惠州韓

州三府俱行銷廣濟橋之鹽此三府所屬平遠鎮平程鄉興

寧長樂五縣額引較別州縣獨多而惠州府屬之龍川和平

永安三縣及江西贛州府屬十二縣額引獨少應將平遠等

五縣之引勻銷於龍川等十五縣至贛屬十二縣內信豐龍

南定南三縣原食潮鹽接壤惠州距潮路遠轉運維艱應就

近改食惠鹽又福建汀州府屬八縣額引內長汀一縣之引

幾居通府之半應撥長汀縣額引勻銷於寧化等七縣廣西

全州灌陽興安三州縣鹽引易銷靈川陽朔義寧三縣鹽引

難銷應撥靈川等三縣額引勻銷於全州等三州縣庶於商

民均有裨益應如所請從之 兵部議覆廣東廣西總督趙

弘燦疏言南澳鎮標守備潘成龍等出洋巡哨偶遇賊船不

能擒剿潘成龍為賊所殺并奪去船隻器械其南澳總兵官

林臯統任水師平日不嚴加訓練臨事之時又不據實速報

甚屬溺職請將南澳總兵官林臯革職應如所題得旨林臯

著革職 鄂爾多斯固山貝子根都西希布故遣官致祭

癸酉

仁孝皇后忌辰遣官祭

陵 甲戌

上駐蹕熱河行宮 丙子喀喇沁多羅額駙門都等來朝 以

內閣學士噶敏圖顧悅履教習庶吉士 陞太僕寺卿祖允

圖為宗人府府丞 辛巳

上幸上坂城駐蹕 陞護軍叅領顧業禮為歸化城副都統

壬午

上幸上坂城駐蹕

上回駐熱河行宮 癸未遣官祭

闕聖帝君 乙酉夏至祭

地於

方澤遣領侍衛內大臣公傅爾丹行禮 丙戌

上幸上坂城駐蹕 戊子

上回駐熱河行宮 江南江西總督邵穆布等疏言江南四月

內霖雨連綿上江之泗州臨淮下江之邳州沭陽泰州等處雨水停積麥苗淹沒臣即檄司道宣洩水勢實濟斯民並查明被災分數申報得旨江浙兩省連年被災施恩重疊爾等身為督撫於被災人民理應實心拯救各令得所今疏內止稱檄令宣洩水勢實濟斯民並無籌畫於此而民果有實濟朕不之信也著速查明另奏 庚寅江南提督張雲翼疏報江海積盜趙五等糾合兇類往來江浙洋面以及大江南北肆行劫掠趙五熟諳水性難於洋面擒拏今巡哨官兵尾至內地先後擒獲趙五等十七名盜犯并賊船五隻所得軍器甚多得旨此案著該提督會同該督撫嚴審定擬仍窮究餘

黨協力緝拏務靖根株 辛卯諭領侍衛內大臣等日來大雨恐山水驟發爾等往閱扈從官兵等行營如有駐劄低窪地方者立令移駐高阜處所其驛站送本之人恐因定限於水發之處冒險前進著一併傳諭水發之時即稍有避誤亦不究問 壬辰鄂爾多斯故多羅郡王松阿喇布子甘珠爾等來朝 癸巳陞廣東虎頭門副將黃龍為廣東南澳總兵官 工部議覆河道總督趙世顯疏言桃源蔣溝地方因對岸新長沙灘逼溜南行崖岸日漸坍塌宜建挑水壩二座并下護崖埽以資保障山陽老壩口內運外黃其中惟恃一線土隄又全河大溜直入南岸舊壩短縮宜加築寬長以保堤

工均應如所請從之 先是寧夏民黃品極叩閭稱寧夏唐漢兩渠歷久不修水澤淤塞奉有該撫查議之旨至是甘肅巡撫舒圖疏言漢渠地形卑下照舊暢流應毋庸議惟唐渠地居上流口高於身水勢不能通暢今應引黃河之水滙入唐渠其唐渠口之宋澄堡兩岸宜加修治猶恐水不足用請於唐渠上流逼近黃河之處開河引水并酌建木石閘壩以資蓄洩下部議行 丁酉諭大學士等曰在部効用人員初為筆帖式之日即當念日後擢用可以為國家大臣自立品行今之尚書富寧安非從武員擢用者乎其辦事縱未必綽綽有餘而人皆稱其操守廉善是以授為尚書又原任石匣

副將今授總兵官江琦壯健出眾居官亦甚優以此觀之不全在讀書也 部院中欲求清官甚難岳飛云文官不愛錢武官不惜死則天下太平矣今觀漢諸大臣凡事不發言但恣意滿大臣言之彼則從中自便而已或部院之人守身不謹結聯朋黨干預非分之事者亦有之欲知部院之善惡甚易或問之督撫或訪之他處可悉知之若云今部院官員之中無品行不端者朕不信也 喀喇沁鎮國公善巴喇錫來朝 己亥湖廣巡撫陳詵疏言臣查湖北藩庫虧空銀七萬七千餘兩請將布政使王毓賢解任候審得旨王毓賢著解任該督嚴審究擬具奏 兵部議覆江南提督張雲翼疏言江

南洋汛與山東浙江二省南北連界請敕令崇明狼山兩鎮各統本標兵弁巡哨出洋其崇明鎮兵應巡至浙江省交界地方狼山總兵應巡至山東省交界地方自二月出哨至九月終回汛應如所題從之

六月庚子朔吏部議覆江南道監察御史張運條奏疏言一午門前官員會集體統攸關理宜嚴肅乃多有閑雜人奔馳往來畧無顧忌請敕守門兵弁嚴查禁止一民間設立香會千百成羣男女混雜又或出賣淫詞小說及各種秘藥引誘愚民請敕地方官嚴行禁止一貿易貨物設立牙行例給官帖使平準物價乃地方棍徒於瓜果菜蔬等物亦私立牙行

聖祖實錄

五

名色勒捐商民請敕部查稅課定例除應立牙行者照舊設立外其餘一切私設牙行盡數除革俱應如該御史所請從之 癸卯

上辛喀喇和屯駐蹕 理藩院題鄂爾多斯多羅郡王松阿喇布故應令其子襲爵查伊封冊內並無世襲字樣相應請旨得旨著甘珠爾襲封多羅貝勒 甲辰

上駐蹕花峪溝 乙巳

上回駐熱河行宮 丁未土默特多羅貝勒馬呢來朝 戊午和碩康親王椿泰薨予祭二次造墳立碑謚曰悼 己未巴林多羅郡王額駙吳爾察來朝 癸亥旌表浙江烈婦俞德

範妻韓氏拒姦殞命給銀建坊如例 戊辰奈曼多羅郡王垂忠來朝 山西巡撫噶禮疏言原任工部尚書楊義身故無嗣亦無同宗應繼之人承分家產請將楊義遺產照例入官內有田十七頃估價變賣部議應如所請其田畝估價之處恐遺漏短少應令該撫核實增估得旨楊義曾為大臣並無過犯今因其無嗣即將家產入官又再行駁查竟與罪人無異非待大臣之道此事關係體統從前有無入官定例著九卿確查議奏尋九卿遵旨議覆凡戶絕無嗣者家產入官本有定例楊義家產應照例入官今臣等仰體

聖祖實錄

五

皇上篤念舊臣至意請將原任工部尚書楊義應入官田產內撥田二百畝為楊義祭掃修墳之用交伊家人管領并令地方官不時查核務使故臣得沾實惠其田畝估價之處准照原題完結從之 直隸巡撫趙弘燮疏言

皇上軫念直隸百姓每歲敕諭有司留心捕蝗又臣面奏諭旨凡有蝗蝻之處著地方武弁亦率領兵丁會同撲滅臣查捕蝗不力文職例有處分請嗣後武職內有捕蝗不力者亦照文官一體議處又蝗蝻生長時臣恐地方官不能盡力撲滅每委員協捕但恐事非切已急急從事亦未可定請敕部將協捕不力之員一并定例處分得旨該部議奏尋議捕蝗不力武職應照文職處分例降三級留任其協捕不力官弁應

罰俸一年著為令從之

秋七月庚午朔享

太廟遣領侍衛內大臣公傅爾丹行禮 喀爾喀扎薩克多羅郡王多爾濟喇布坦來朝 辛未烏朱穆泰和碩車臣親王色登敦多卜等來朝 癸酉鄂爾多斯固山貝子塞楞額錫等來朝 乙亥諭大學士等曰偏沅巡撫趙申喬湖北巡撫陳詵江西巡撫郎廷樞等奏湖廣江西稻穀豐收沿江販米甚多而近日江浙米價愈貴朕為民生計時切憂勞輟轉思之上江之米不禁其沿江而下者特欲使江浙米價平耳今富豪之家廣收湖廣江西之米囤積待價於中取利雖米船

實錄卷一百一十八

七

沿江而下而糶賣之米愈少此事關係貧民甚大爾大學士及九卿諸臣皆國家倚賴之人所以為民生憂慮者必與朕同當何如有濟於民者公同詳議速奏 吏部題一等阿思哈尼哈番三寶柱因行止不端革退其所襲世職請以三寶柱之弟博羅襲替從之 丁丑科爾沁多羅貝勒巴克什古爾來朝 戊寅戶部議覆浙江巡撫黃秉中等疏言浙省寧波紹興二府人稠地窄連年薄收米價騰貴台州溫州二府上年豐熟米價頗賤請給殷實商民印照將台州溫州之米從內洋販運入寧波紹興令沿海防汛官兵驗照放行以浙省之米接濟浙省之民實有裨益應如所請從之 刑部題

奉天副都統發喀綠商人販買私參事收受賄賂有玷官箴應革職追贓從之 己卯

孝懿皇后忌辰遣官祭

陵 大學士九卿等遵旨議覆江西湖廣產米甚多但恐富豪奸商廣收米石囤積圖利以致貧民愈困應撥各該督撫選委廉能官員凡有名馬頭令其嚴行察訪如有富豪人等將市米囤積者即令在囤積之處照時價發糶不許囤積違者以光棍例治罪其有販米私出外洋者令沿途文武官弁嚴查禁止使湖廣江西販買之米俱入江南浙江地方則米價自平似於貧民有益

實錄卷一百一十八

八

上諭大學士等曰朕因湖廣江西之米商販由江而下者多而江浙米價不減故命爾等會議閱爾等所議與朕意迥殊如照爾等所議定例禁止囤積米石則胥役借此稽查徒滋需索而已不但於百姓無益反至受害矣爾等但言其枝葉未嘗究其本源朕意以為必於本源之地清查自無收買囤積之弊湖廣江西之米或江浙客商或土著人民某人於某處買米石若干清查甚易應行文湖廣江西督撫委賢能官將有名馬頭大鎮店買賣人名姓及米數一并查明每月終一次奏聞并將奏聞之數即移知江浙督撫湖廣江西之米不往售於江浙更將何往此米眾所共知則買與賣不待申令

而米之至者多即大冇利於民也。可將朕諭旨宣示在京九卿令檄行湖廣江西江南浙江督撫。庚辰科爾沁多羅郡王代布鄂爾多斯多羅郡王董羅布等來朝。辛巳轉兵部右侍郎鹿祐為左侍郎陞左副都御史李先復為兵部右侍郎。癸未喀爾喀多羅達爾漢貝勒詹達古米固山貝子扎穆巴來朝。甲申中元節遣官祭

永陵

福陵

昭陵

暫安奉殿

孝陵。

仁孝皇后

孝昭皇后

孝懿皇后陵。陞雲南按察使張聖猷為湖北布政使司布政

使。免河南虞城永城二縣本年分水災額賦有差。丁亥

扎賴特同山貝子持古思來朝。予政原任江寧副都統達

爾華祭葬如例。庚寅陞四川陝西總督齊世武為刑部尚

書甘肅提督殷泰為四川陝西總督延綏總兵官江琦為甘

肅提督四川陝西督標中軍副將李耀為延綏總兵官。陞

內閣學士拉都渾為工部左侍郎。阿霸垓多羅郡王吳爾

占噶喇卜固山達爾漢貝子車林敦羅布來朝。免河南商邱等四縣本年分水災額賦有差。山東巡撫蔣陳錫疏言東省雨澤充足秋成豐稔瑞穀一莖雙穗一莖三穗者所在多有更有一莖十穗者史冊亦不多見此皆我

皇上德被萬方至誠感應實為盛世嘉祥下所司知之。辛卯

以戶部左侍郎噶禮為江南江西總督陞直隸天津總兵官

師懿德為江南提督。下嫁翁牛特和碩溫恪公主薨遣官

致祭。士辰蘇尼特多羅杜楞郡王達禮扎卜四子部落多

羅達爾漢卓禮克圖郡王散濟扎卜來朝。癸巳予政原任

四川提督唐希順祭葬如例。丙申陞通政使艾芳曾為都

察院左副都御史。旌表四川烈婦蔣王錫妻張氏夜遇強

暴姦污不從身死給銀建坊如例。丁酉科爾沁和碩卓禮

克圖親王巴特麻來朝。戊戌

上行圍自熱河啟行命皇太子允初皇五子和碩恒親王允祺

皇十五子允禩皇十六子允祿隨駕是日駐蹕喀喇和屯

正黃旗護軍統領戴米納以值班不到命革職在藍翎侍衛

內行走

八月己亥朔日食。轉戶部右侍郎赫申為左侍郎陞四川

巡撫能泰為戶部右侍郎。陞侍讀學士達色為內閣學士

兼禮部侍郎。安徽巡撫劉光美疏言鳳陽府所屬地方雨

多傷稼臣與督臣邵穆布公議措銀二萬兩委員採買米石運至鳳陽缺米州縣減價平糶得旨知道了督撫為地方大吏凡水旱災傷及疾疫之處即應據實陳奏屢有明旨今年上江州縣春災劉光美隱匿不報人民疾病者甚多亦匿不奏聞殊屬不合著該部察議具奏 調鑲藍旗蒙古副都統托留為奉天副都統 調懷慶總兵官杜呈泗為天津總兵官陞陝西寧夏中衛副將馮君洗為懷慶總兵官 旌表直隸烈婦趙國臣妻陳氏拒姦殞命給銀建坊如例 庚子

上駐蹕小營 士寅

上駐蹕博洛和屯 鄂爾多斯固山貝子拉希扎木素烏朱穆

秦輔國公滾布扎卜郭爾羅斯鎮國公巴圖和托輝特輔國公博貝厄魯特扎薩克輔國公多爾濟色卜騰等來朝 甲辰

上駐蹕張三營 旌表直隸烈婦王公弼妻宋氏拒姦殞命給銀建坊如例 乙巳陞太常寺卿王度昭為通政使司通政使 陞山東布政使葉九思為四川巡撫 諭兵部國家慎簡武臣專膺閭寄惟是教寧疆圉和輯軍民斯於地方大有裨益而酬庸獎勲之典宜加優渥馬陝西提督潘育龍久履戎行蔚有勞績歷試重鎮克殲謀猷自擢任西秦以來御兵飭伍有勇知方邊境肅清閭閻安堵既威望之茂著亦年齒

之日增茲特晉加顯秩用彰異數著授為鎮綏將軍仍管陝西提督事務以示朕隆眷老臣至意 丙午 上駐蹕汗特木爾達巴漢昂阿地方 喀爾喀車臣汗滾陳多羅額爾德尼郡王納木扎爾等來朝 丁未 太宗文皇帝忌辰遣官祭

昭陵

上駐蹕汗特木爾達巴漢昂阿之北 喀爾喀多羅郡王額駙敦多卜多爾濟阿霸哈納扎薩克固山貝子額林臣達西扎魯特鎮國公蘇禮等來朝 戊申祭

大社

大稷遣都統汪悟禮行禮 己酉

太祖高皇帝忌辰遣官祭

福陵

上駐蹕穆祿喀喇沁和洛 陞廣東按察使黃國材為廣西布政使司布政使雲南驛鹽道李莖為雲南按察使司按察使 工部議覆河道總督趙世顯疏言桃源九里岡談家壩二工本年黃水大長隄工危險亟宜建壩築隄以資捍禦應如所請從之 庚戌

上駐蹕愛里奎屯昂阿地方 辛亥

上駐蹕愛里昂阿地方 壬子

上駐蹕愛里格爾齊老地方 癸丑萬齊忒多羅額爾德尼郡

王達爾瑪吉里迪扎魯特多羅貝勒畢魯瓦等來朝 申寅

上駐蹕克勒和洛 乙卯

上駐蹕岳羅哈達地方 陞江西按察使傅澤淵為江西布政

使司布政使 丙辰

上駐蹕克勒烏里雅蘇台 科爾沁多羅扎薩克圖郡王鄂齊

爾來朝 丁巳

上駐蹕西拉諾海地方 喀爾喀扎薩克多羅貝勒準對阿霸

哈納扎薩克多羅貝勒齊當萬舒克等來朝 戊午秋分夕

月於西郊遣都統圖斯海行禮

上駐蹕西拉諾海昂阿地方 陞陝西神木道申奇貴為廣東

按察使司按察使 陞護軍叅領翮圖為鑲藍旗蒙古副都

統 偏沅巡撫趙申喬疏言永州鎮中營遊擊唐之變違禁

取利將餉銀發錢鋪換錢給銀少而取錢多又令營兵放債

盤剝小民其永州鎮總兵官李如松故縱屬員不加管束又

自行開設典鋪亦屬違例相應題參得旨該部嚴察議奏

已未

上駐蹕噶海圖昂阿地方 庚申科爾沁固山額駙般迪來朝

辛酉

上駐蹕烏喇低和洛 壬戌

上駐蹕烏喇低納爾蘇台達巴漢地方 烏朱穆泰多羅額爾

德尼貝勒博木布來朝 癸亥

上駐蹕格爾齊老昂阿地方 喀爾喀扎薩克多羅貝勒額林

陳等來朝 甲子

上駐蹕布爾哈蘇台 免湖廣漢陽荆門等十五州縣衛本年

分水災額賦有差 乙丑

上駐蹕巴顏和洛 丙寅

上駐蹕鄂爾沁哈達地方 諭內大臣等曰朕自熱河啟行之

時因身體虛弱思擇水土佳處游行調養而來不意即能乘

馬行園畧不疲困雖肌體未復原而寢食固已如舊矣特諭

爾等知之 護軍統領車克初以管園不嚴命革職發往奉

天 丁卯遣大學士陳廷敬祭

先師孔子

上駐蹕扎克旦鄂佛羅地方 厄魯特多羅郡王策零旺布等

來朝 陞直隸天津道吳存禮為江西按察使司按察使

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十八

實錄卷二百三十八

五

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十九

康熙四十八年己丑九月戊辰朔

上駐蹕克木爾特昂阿地方己巳

上駐蹕永安拜昂阿地方庚午

上駐蹕齊老圖地方辛未

上駐蹕烏蘭哈爾哈地方河南巡撫汪灝以疾乞休允之

陞四川按察使侯居廣為山東布政使司布政使壬申

上駐蹕哈瑪爾孟克地方甲戌

上駐蹕伊瑪圖畢喇地方乙亥

實錄卷二百三十九

一

上駐蹕烏里雅蘇台丙子

上駐蹕博洛和屯賜來朝科爾沁烏朱穆秦喀爾喀尼魯特

鄂爾多斯阿霸垓阿祿科爾沁扎賴特蘇尼特郭爾羅斯四

子部落阿霸哈納扎魯特土默特敖漢奈曼高齊忒王貝勒

貝子額駙公台吉等衣帽銀兩綬疋有差賜隨圍蒙古官

兵銀兩疋有差丁丑

上駐蹕西中關地方吏部遵旨察議安徽巡撫劉光美於地

方災傷隱匿不報應照溺職例革職得旨劉光美著降五級

調用安徽巡撫員缺緊要著四川巡撫葉九思調補以三

等公馬爾賽為正黃旗護軍統領戊寅

上回駐熱河行宮○以兵部左侍郎鹿祐為河南巡撫○陞陝西驛傳道包太隆為四川按察使司按察使○庚辰以禮部左侍郎胡會恩為武會試正考官都察院左僉都御史江球為副考官○甲申

上自熱河回鑾駐蹕喀喇和屯○遣官祭

歷代帝王○遣官祭城隍之神○以內閣學士年羹堯為四川巡撫○轉兵部右侍郎李先復為左侍郎○陞左副都御史宋駿業為兵部右侍郎○乙酉

上駐蹕鞍子嶺○丙戌

上駐蹕兩間房○丁亥

實錄卷三百三十九

十

上駐蹕遙亭○免江南高郵山陽等十一州縣本年分水災額賦有差○偏沅巡撫趙申喬疏奏提督俞益謨抽調衡協兵丁三十五名以致營伍空缺得旨著俞益謨明白回奏○刑部題京城民人重犯例於刑部監內收禁官飯官衣按時給發惟旗人犯罪者交該旗門上收禁刑部審問時道路往返或遇雨水寒冷感冒患病受刑者不能動履膝行而前殊屬可憫查督捕衙門業經歸并刑部其督捕監禁之地與刑部衙門接壤請嗣後旗下人犯停其分送各門收禁即於督捕監中看守以便審理則犯人少往返之累而審問之事亦易按期完結從之○戊子

上駐蹕密雲縣○己丑

上駐蹕南石槽○予故領侍衛內大臣博定祭葬如例○庚寅上回駐暢春園詣

皇太后宮問安○癸巳陞通政使王度昭為都察院左副都御史○甲午

孝慈高皇后忌辰遣官祭

福陵○諭大學士等工部光祿寺每年所用銀兩奏請預為儲備赴戶部支領用完復奏一年之中光祿寺用二十萬餘兩工部用四五十萬兩至百萬兩不等俱造黃冊奏閱所用數目雖較前畧省而動工之處奉委官員於未估計之先即已

實錄卷三百三十九

三

領銀備用以致浮支肥己之弊不絕嗣後工部光祿寺著十五日一次將所委官姓名及支給銀數具摺奏聞如是則事務清而奢用之端絕矣又凡督工人員於工竣後銷算延挨時日至十年銷算者有之至二十年銷算者亦有之凡工作物料俱登冊籍何故稽遲若此此不過欲從中作弊耳工上錢糧朕常核算極其簡易數日可畢嗣後官員銷算如有踰年者立即奏聞罷斥○戶部議覆江蘇巡撫于準疏言丹陽縣練湖一區冬春可洩水濟運夏秋可分灌民田自康熙二十年間撫臣慕天顏題請上湖之地佃種陞科部議准行歷年以來奸民圖利將下湖之地亦漸次佃種陞科練湖涓滴

無存湖旁民田悉成荒瘠矣。今請改下湖陞科之田復令蓄

水為湖可資千頃灌溉利益民生兼濟漕運應如所請從之

○乙未河南巡撫鹿祐陛辭

上諭之曰為督撫者不畏懼令奉職循理本無所難每因部費繁多以致不能潔己誠使實心任事專意民生一切情面俱不宜瞻顧近來科道糾參皆受人指使並無從公出於己見者督撫亦然明知某州縣居官不善必私計其人曾有權要相託與否如有囑託便不敢糾參賢否混淆不能辨別皆此故耳河南俗樸民淳易於為治比年以來五穀豐收今年開歸等處雖少被水已經蠲免錢糧令地方官賑濟矣嗣後一

實錄卷二百三十九

四

有災傷爾即當據實奏聞不可隱匿亦不可過實積穀備荒最屬緊要但各處積穀未必皆實推陳易新之說聽之雖美而行之甚難當青黃不接時將倉穀散去倘值秋成歉收便不能還倉若再如此一年則倉穀必多虧缺雖遇災荒將何賑濟爾等漢官一見倉庫虧空心中張皇因而有託人打點安排之事聲名便不能好巡撫乃地方大吏不在徒務虛文宜實心籌畫惠有益於民者為之況清廉不專在一己必使布按以下一井為廉吏始能有益於民所謂廉吏者亦非一文不取之謂若纖毫無所資給則居官日用及家人胥役何以為生如州縣官止取一分火耗此外不取便稱好官其實

係貪黷無忌者自當叅處若一槩從苛糾摘則屬吏不勝叅

矣至於刑獄關係民命凡錢糧等事有不合者部院可以駁

查惟刑獄之事定案達部部院亦難更改爾於疑獄應詳慎

駁審朕即位五十年於刑名最加慎重凡督撫陛辭之時每

以欽恤刑獄訓諭再三爾可加意詳究以仰體朕矜恤庶獄

之心至地方文武共事每多不和總兵等官私扣月糧未足

深罪文官雖極潔清尚足自給武職有何所入倘地方有事

文臣可以坐鎮武官須有身臨鋒鏑之苦自唐以後文武始

分從前文武相兼之時可云我非武臣亦推諉他人耶爾蒞

任後須文武和衷兵民一體為要○天津總兵官杜呈泗陛

實錄卷二百三十九

五

辭

上諭之曰朕巡幸陝西時見西省兵卒操練有方直隸山東江南浙江皆不逮也但御之過嚴軍士易怨爾蒞任後可漸次訓練天津甚近便於請旨更無多言也前師懿德居官甚優凡事循彼所行可耳諭九卿等曰江浙連年水旱湖廣江西米至安慶地方官輒遏止之不令南下又江蘇等處被災百姓甚苦地方官匿不奏報如安徽布政使李法祖四川布政使何顯祖皆年老龍鍾不能治民調取來京令爾等見之可知其不足任事也江浙水旱朕連免兩年錢糧聞有私徵不行豁免者科道官並未叅劾一人即有叅劾皆受人指使

並非出自己意。督撫於屬官中亦計較某人門生某人保舉及某人所託之官分毫不爽其所舉劾亦非從公起見。此等情弊朕已熟聞之矣。丙中以散秩大臣公鄂倫岱為領侍衛內大臣。丁酉。

上自暢春園回宮。陞少詹事潘宗洛為內閣學士兼禮部侍郎。光祿寺卿劉謙為太常寺卿。左通政戴璠為太僕寺卿。吏部右侍郎杜敏以啓奏錯悞命革職。冬十月戊戌朔享。

太廟遣領侍衛內大臣公傅爾丹行禮。遣官祭永陵。

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。頒康熙四十九年時憲曆。己亥。

上幸暢春園。以詹事府少詹事喇薩理充經筵講官。庚子。皇太后聖壽節。

上率王以下文武大臣侍衛等詣

實錄卷二百三十九

六

皇太后宮行禮。遵。

懿旨停止筵宴。辛丑。策試天下中式武舉於

太和殿前。以左春坊左中允張明先提督廣東學政。陞右通政左必蕃為光祿寺卿。翰林院侍讀學士那漢泰為光祿寺卿。陞陝西漢興道何士毅為安徽按察使。司按察使。予故原任都察院左都御史吳涵祭葬如例。壬寅。

上御暢春園內西廡閱試武舉騎射技勇。畢。選田峻等二十三人。等曰八旗漢軍以文職用者多以武職用者少。嗣後武科鄉會試當令八旗漢軍應考。即增額無多而精壯技勇者可得矣。上率善射侍衛等射。

上親發五矢皆中。癸卯。

實錄卷二百三十九

七

上御暢春園內西廡閱試武舉騎射技勇。畢。選田峻等二十三人。復試以步射。又選八人。再試以騎步射。召禮部侍郎胡會恩近前問曰。爾觀會元田峻文章何如。胡會恩奏曰。文章頗佳。上曰。從前以武會元為狀元者少。今田峻騎射俱優而文章又佳。其以田峻為第一名。官祿為第二名。韓光愈為第三名。上率善射侍衛等射。

上親射二次。每發必中。又令八旗善射人員射。以示諸武舉。上命貝子允禧往翁牛特送和碩溫恪公主殯。諭大學士及兵部大臣等曰。考試武舉進士乃國家大典。視近科所取之

今武藝勇力漸不如前。此事所關甚大。當擴考試之典。以備錄用。即今在內院司官筆帖式兼武職。而歷陞堂官者不少。在外提督總兵官。由行伍出身者甚多。何地無才。現今八旗監生。為護軍驍騎者。俱有入文場考試之例。直隸各省綠旗營兵。千總把總及年滿千總。不但人才壯健。善騎步射。其中。有通曉文藝。願入場就試者。可分別令就武鄉會試。即於某人充伍為弁之地。就近鄉試。不必令回原籍。至雲南貴州廣西等遠省。赴京會試者。亦酌定中額。不使虛費跋涉。以示鼓勵。如此。則綠旗官兵。內有才有力者。俱得入彀。而武舉進士。亦得實有才力之令。其於武鄉會試。大有裨益矣。至福建廣東兩省。不拘舉人進士生員監生兵民。內深諳水性。熟習水師營務之人。有願附巡哨船艦出洋。効力擒斬盜賊。建立功名者。著該督撫查明保奏。○甲辰。傳臚。賜殿試武舉田峻等一百一人。武進士及第出身有差。丙午。諭大學士等曰。趙申喬為人苛刻。劾武官甚多。武官與文官不同。即爾等文官能一無所取乎。已。即不取能禁家人一無所取乎。故抑武人。乃明代陋習。武人粗鹵。不宜抑之太甚。大凡治天下之道。當以和平為貴也。又諭曰。近來科道言事。必有所倚藉。方始上疏。至有闕國計民生者。全不念及。如朕因江浙年歲歉收。米價騰貴。令江西湖廣米商報名。不許積囤沿海一帶。集

實錄卷三百十九

八

守制。○已酉。

實錄卷三百十九

九

約不許出洋。聞江浙米價皆平矣。科道何不言及耶。朕凡遇饑荒。即蠲本年錢糧。及歷年逋欠。又留漕賑濟。但恐民未必得沾實惠。聞江南有催徵蠲免錢糧。以償已之虧空者。科道何以不行指參。又諭曰。人難求全。責備即如翰林官。有工詩賦者。有工文章者。亦有講理學者。若一一責其全備。則無地可容矣。然人當以立品為主。學問次之。從前韓荃作時文甚佳。而為人不稱。所學有學問。而無人品。其所學亦何足道哉。○陞太常寺卿劉謙為通政使司通政使。○以鄂爾多斯故固山貝子根都西希布子羅卜藏襲爵。戊申。以公海金為右翼前鋒統領。○浙江黃巖總兵官韓祖斬于母憂。命離任。上詣皇太后宮問安。四川巡撫年羹堯陸辭。上諭之曰。四川苗民。雜處性情不一。務須殫心料理。撫綏得宜。使之相安。比年湖廣百姓。多往四川開墾。居住地方。漸以殷實。為巡撫者。若一到任。即欲清丈地畝。增加錢糧。即不得民心矣。湖南因丈量地畝。反致生事。擾民當年四川巡撫噶爾圖。曾奏請清丈。亦未曾清楚。爾須使百姓相安。錢糧以漸次清查可也。此為四川第一要事。至於刑名。尤宜慎重。人命關係至太。審結之事。達部亦難更改。若有疑處。即須駁審。爾當

留心。地方武官母獲一小賊。輒張大聲勢。自以為大有勞績。盜賊何處無有。但須嚴行巡緝。不可將小事看大了。武官當勿令生事。然亦須稍留餘地。使伊等養給其家。爾為巡撫。須文武和衷。不可偏刻。又諭曰。為督撫者。不請託在京之人。便是好督撫。漢軍中督撫。如張長庚。白如梅。屈盡美。張自得。韓世琦。賈漢復等。皆以貪污致富。五十年來。朕所目睹。今伊等子孫零落殆盡。可見做官不善之報。汝須念一絲一粒民脂。民膏。得一錢。須知從何處來。爾不可學從前漢軍行事。總之以安靜為要耳。○廣東副都統何天培入京。陛見。

上問之曰。爾在廣東年久。綠旗各營兵糧有冒支者否。何天培

實錄卷三百三十九

十

奏曰。總兵名下。有空糧百名。餘營各官俱有額規。無敢冒支者。

上曰。為將者。不徒在一己奮勇。須平時鼓勵士卒。使同心協力。

勇於戰鬥。為是。○庚戌。陞江蘇按察使馬逸安為安徽布政使。司布政使。○辛亥。

上回宮。○壬子。

上幸暢春園。諭內務府張家口每年解送羊皮等物。聞地方官將彼處居民及旗人。派供解費。恐多騷擾。嗣後應於出差回京官員內。派一員前往解送。事既易辦。而民間苦累亦得免矣。爾等會議具奏。尋議張家口解送羊皮等物。向係地方

官起運。派累民間。應遵旨停止。地方官解送。嗣後每年於差回官員內。派一員前往。協同內務府司官并匠役人等。揀選羊皮及馬牛皮等物。俱令解送來京。其不堪用之皮。即於張家口變價交庫。得旨。嗣後揀選皮張。仍照舊揀選。其揀遺之皮。著變價賞牧馬場貧窮蒙古。餘依議。○諭大學士九卿等。江南浙江連歲災荒。地方困苦。今年兩省疫癘盛行。人民傷斃者甚眾。雖該省督撫未經奏聞。而朕訪知災病之狀。深用惻然。民命至重。朕宵旰孜孜。惟以矜全百姓為念。一切刑獄奏讞。尤加矜恤。比年因江浙盜案疊見。凡犯盜劫者。悉依律坐罪。今閱秋審情實各案。所議情罪。俱屬允協。但念災荒疫癘之餘。復將數十罪犯。一時正法。朕心殊為不忍。江浙兩省應處決情實人犯。俱著停止一年。○癸丑。

實錄卷三百三十九

十一

上詣

皇太后宮問安。○以和碩康悼親王椿泰子冲安襲封和碩康

親王。○甲寅。陞廣東雷瓊道焦映漢為江蘇按察使。司按察

使。○以翰林院編修俞長策充日講起居注官。○丙辰。

上詣

皇太后宮問安。○免山東東平等四州縣本年分旱災額賦。有差。○戊午。冊封皇三子多羅貝勒允祉為和碩誠親王。

皇四子多羅貝勒允禩為和碩雍親王。皇五子多羅貝勒允禩

為和碩恒親王。皇七子多羅貝勒允祐為多羅淳郡王。皇十子允祿為多羅敦郡王。皇九子允禧。皇十二子允禩。皇十四子允禵。俱為固山貝子。調鑲藍旗滿洲副都統。羅察為右衛副都統。喀爾喀車臣汗。澤卜尊丹巴胡土克圖遣使進九白年貢宴資如例。辛酉。

上奉

皇太后自暢春園回宮。○陞左僉都御史江球為太常寺卿。○壬戌。

上御太和殿視朝。文武陞轉各官謝恩。○諭戶部。今歲入夏以來。朕因南方二麥不登。北地微潦。宵旰軫念甚切。焦勞繼而

實錄卷一百三十九

三

畿輔總收三吳秋熟。兼以四方奏報咸獲有年。朕心始為稍慰。夫水旱災傷。雖事所時有。而小民皆如赤子。一以疾苦見告。即不忍忍置於懷。今念江南淮安府揚州府徐州三屬地。卑水積被災獨重。秋禾未播。種者甚多。本年錢糧業經全免。又遣官分賑而失業之民。更宜加格外之恩。以弘愛養。康熙四十九年。淮揚徐三屬之邳州等二十二州縣衛額徵地丁銀五十九萬三千八百兩有奇。著通行蠲免。又河南省歸德府屬商邱等六縣。山東省兗州府屬濟寧等四州縣或被夏災或被秋災。雖已各依分數例免額賦。並宜更施膏澤。用厚民生。康熙四十九年。商邱等六縣應徵地丁銀二十萬二千

四百兩有奇。濟寧等四州縣應徵地丁銀一十四萬六千六百兩有奇。俱著通行蠲免。其蠲免州縣有舊欠未完錢糧。亦著停徵一年。諭旨到日。各該督撫務嚴飭有司體朕殷殷恤災至意。張示徧諭。悉心奉行。俾窮鄉僻壤均沾實惠。如有不肖官吏。借端私徵者。即行察參。爾部即遵諭行。疏。球。國中。山王尚貞遣陪臣向英等表貢方物。宴資如例。陞浙江台州副將王文煜為浙江黃巖總兵官。甲子。陞監察御史阿米達為甘肅布政使司布政使。乙丑。先是致仕大學士熊賜履奏遺本內有薦舉伊姪翰林院編修熊本清廉謹飭可用之語。

實錄卷一百三十九

三

上曰。熊賜履學問既優。人品亦端。此遺疏內薦舉熊本等語。必係虛偽。著行文地方官確查。至是查取熊賜履疏稿進呈。上諭大學士等曰。熊賜履遺疏稿內並無薦舉熊本之言。觀此明係被人將遺疏更改。增入熊本一段。著該部嚴審具奏。尋部覆臣等審訊熊本串同熊賜履家人。將遺疏私行添改是實。應將熊本革職。擬斬秋後處決。從之。免直隸蘭州武清等十州縣衛所本年分水災額賦有差。

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百三十九

實錄卷二百三十九

十四

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百四十

康熙四十八年己丑十一月丁卯朔

上詣

皇太后宮問安。己巳諭大學士等曰。故大學士熊賜履除另
議賜卹外。其令禮部派滿漢司官各一員前往臨視其喪。并
給卹銀一千兩。庚午。內閣學士達壽以啟奏折本錯誤。內
閣學士金寶以行止不端。俱革職。賑濟浙江餘杭等六縣
水災飢民。賑濟湖廣漢陽等十五州縣衛水災飢民。壬
申。兵部遵旨議覆八旗漢軍包衣人等嫖習弓馬者多。嗣後

實錄卷二百四十

一

八旗漢軍包衣無品筆帖式烏林人及閒散人等有願考試
武生者。該旗移送順天府照例考取武生八十名。鄉試時將
所取武生并中書及部院衙門六品七品八品筆帖式廕生
監生以及監生之披甲攏牙喇撥什庫拜唐阿有願應武鄉
試者。該旗移送順天府與武生一體鄉試。取中武舉四十名。
如不中式者。仍令當差。會試時取中武進士八名。照文場編
合字號考取。其直隸各省綠旗營兵有願應武鄉試者。即於
充伍地方令該營將弁申送巡撫同武生一體鄉試。於原額
內取中。不中者。仍令歸伍。其千總把總及年滿千總等官。願
應武會試者。於任事地方令該督撫提鎮給咨送部。年滿千

總在京候選者自行赴部具呈同武舉一體會試亦於原額內取中不中者仍回原任原職如鄉會試中式之後有願歸職伍者亦令暫歸職伍照文會試定例雲南取中二名貴州取中一名廣西取中一名至福建廣東二省武進士武舉生監或兵民人等有熟諳水性練習水師事宜願隨官兵出洋巡哨効力者該督撫預先列名咨部果能擒殺賊衆立有功績該督撫保題引見以遊守千把用年滿千總中武進士者照例以營衛守備另班推選請著為令從之○癸酉。

上諭

皇太后宮問安○乙亥調鑲紅旗蒙古副都統剛元為鑲藍旗

實錄卷五十一

二

滿洲副都統陞護軍參領蘇爾法為鑲紅旗蒙古副都統○丙子。

上諭大學士等曰適科臣郝林條奏各省錢糧虧空郝林但知州縣錢糧有虧空之弊而所以虧空之根原未之知也凡言虧空者或謂官吏侵蝕或謂餽送上官此固事時有然地方有清正之督撫而所屬官員虧空更多則又何說朕聽政日久庶事甚多於各州縣虧空根原知之最悉從前各省錢糧除地丁正項外雜項錢糧不解京者尚多自三逆變亂以後軍需浩繁遂將一切存留項款盡數解部其留地方者惟俸工等項必不可省之經費又經節次裁減為數甚少此外

則一絲一粒無不陸續解送京師雖有尾欠部中亦必令起解州縣有司無纖毫餘剩可以動支因而有那移正項之事此乃虧空之大根原也再如正項錢糧二千兩徵收未完五百兩者按分數議處其例甚輕若因公那用五百兩則處分甚重今但責令賠償足額其罪似乎可寬不必深究凡事不可深究者極多即如州縣一分火耗亦法所不應取尋常交際一二十金亦法所不應受若盡以此法一槩繩人則人皆獲罪無所措手足矣且如戶部庫中錢糧歷年存積數極難清前此庫貯一二千萬時曾令部中逐案盤查轉多二十餘萬即各倉糧米亦歷年堆積陳陳相因贏餘不少不肖官役侵盜銀米未嘗無令若行盤查數仍不缺總之定例所存存犯必懲其中細微不必深究諸事大抵如此現在戶部庫銀存貯五千餘萬兩時當承平無軍旅之費又無土木工程每年經費極其節省此存庫銀兩並無別用去年蠲免錢糧至八百餘萬兩而所存尚多因思從前恐內帑不足故將外省錢糧盡收入戶部以今觀之未為盡善天下財賦止有此數在內既贏則在外必絀凡事須預為之備若各省庫中酌留帑銀似於地方有濟倘在外各省一旦倉猝需用及從京師解出得無有緩不及事之慮此亦當於無事之時從長商榷者也爾等可將朕此旨一一傳諭九卿○丁丑。

實錄卷五十一

三

上詣

皇太后宮問安○多羅安郡王馬爾渾薨

上輟朝二日。早祭二次。造墳立碑。諡曰愍。○陞內閣侍讀學士滿不圖子監祭酒覺羅滿保俱為內閣學士兼禮部侍郎。都察院左副都御史溫察以病乞休。允之。○己卯。諭吏部漕運總督歲輸王糧。上裕京儲。經理軍民。拊循丁弁。職任至為重要。桑額自簡任治漕以來。老成持重。謹厚寬平。殫力轉輸。悉心經畫。每歲身親趨運。俾漕艘依期抵通。十餘年間。從無稽遲貽誤之事。且馭衆有法。恤下有恩。所屬運官旗丁。無不感頌愛戴。不愧為地方大吏。今年齒已長。而精力未衰。久任太子太保。以示朝廷崇獎老臣。酬庸褒勲至意。爾部即遵諭行。○庚辰。

上諭大學士等曰。本朝自統一區宇以來。於今六十七八年矣。百姓俱享太平。生育日以繁庶。戶口雖增。而土田並無所增。分一人之產。供數家之用。其謀生焉能給足。孟子曰。無恒產者無恒心。不可不為籌之也。朕意欲將康熙四十九年應徵錢糧。預配各省用度。為之抵算。至五十年。將天下應徵錢糧一槩蠲免。如近省有支用之事。則以戶部庫銀給發。應用戶部尚書希福納奏曰。每年天下地丁錢糧及鹽課關稅雜項。

錢糧內除照常存留各省應用及解往別省協濟之外。一年共起解銀一千三百萬兩有餘。京城俸餉等項。一年需用九百萬兩有餘。每年所積不過一二百萬兩。如將天下錢糧全免。似乎國用不足。

上曰。今年免江浙錢糧八百萬兩。並未嘗有所不足。希福納奏曰。今年免江浙錢糧。命下之後。臣等催取各省缺解銀兩六百

萬到部。始能足用。上問張鵬翮曰。爾意云何。張鵬翮奏曰。

皇上加惠於民。實出非常。但通免天下錢糧。其事甚大。容臣等

與大學士九卿核議。奏上曰。爾等速議具奏。○贈故原任大學士兼吏部尚書熊賜履

太子太保。予祭葬。仍加祭一次。諡文端。○壬午。江南江西總

督噶禮疏。奏江蘇布政使宜思恭貪婪請革職。密擬得旨。宜

思恭著革職。此案著尚書張鵬翮學士噶敏圖前往會同總

漕桑額嚴提究擬具奏。其江蘇巡撫于準案內必有干連。并

將于準解任。江蘇巡撫員缺緊要。著福建巡撫張伯行調補。江蘇布政司事著蘇州府知府陳鵬年署理。免直隸靜海

永清二縣本年分水災額賦有差。○癸未。大學士等以朝審

情實罪犯應勾決者四十二人。請旨定奪。

上詳閱刑部招冊及覆研究其中有一線生路者寬免一十六人。因諭大學士等曰：向來勾決罪犯止開犯人姓名順治年間有兩犯同名者，一勾一留，唱名時二人同應，監斬御史不能辨別，其本請旨其被勾者亦留，至次年正法。今令開明承審各司及罪人籍貫年歲，自無錯誤矣。自順治初年至康熙八年滿洲內無殺人之罪犯，後來殺人之罪漸多，朕欲禁除之，故交與該旗即行完結，著為定例。其時大臣或謂朕立法太嚴，朕決意行之，由是殺人罪犯日少。去年止有一案，今年竟無矣。又諭曰：明季事蹟卿等所知，往往皆紙上陳言。萬歷以後所用內監，曾有在御前服役者，故朕知之獨詳。正統間，事史書所載不能明確，其在沙漠嘗生一子，今有裔孫現在旗下。天啟呼魏忠賢為老伴，凡事委之，已竟不與。楊漣左光斗受杖，老內監猶有目擊者，能具言之。陳新甲所議本受指於崇禎及科道文章，彈劾崇禎反畏人言，歸咎於陳新甲，實非其罪也。明季諸帝俱不甚諳經史，崇禎頗讀書，流賊將至京，營官兵俱分遣至真定保定居庸關諸處堵禦，其守城者惟內監數萬人而已。賊兵破外羅城，由西便門轉攻阜成門，崇禎率內監數人微行至襄城伯家，其家方閉門演戲，不得入，回登萬壽山。四顧無策，猶欲出奔。太監王承恩止之曰：出恐受辱於賊，崇禎乃止，以身殉國。

世祖皇帝御製王承恩碑文，極賞其忠，以旌表之。明朝費用甚奢，興作亦廣，一日之費可抵今一年之用。其宮中脂粉錢四十萬兩，供應銀數百萬兩至

世祖皇帝登極始悉除之。紫禁城內砌地磚橫豎七層，一切工作俱派民間，今則器用樸素，工役皆現錢雇覓。明季宮女至九千人，內監至十萬人，飯食不能徧及，自有餓死者。今則宮中不過四五百人而已。明季宮中用馬口柴、紅螺炭，以數千萬觔計，俱取諸昌平等州縣。今此柴僅天壇焚燎用之，爾等亦知所謂馬口柴乎？大學士等奏曰：不但不知，亦所未聞。上曰：其柴約長三四尺，淨白無黑，黑兩端刻兩口，故謂之馬口

柴。又明季所行多迂濶可笑，建極殿後階石高厚數丈，方整一塊，其費不貲，採買搬運至京，未能昇入午門。運石太監參奏此石不肯入午門，乃命將石網打六十御棍。崇禎嘗學乘馬，兩人執轡，兩人捧鐙，兩人扶鞦，甫乘輶已墜馬，乃責馬四十發，苦驛當差馬猶有知識，石何所知？如此舉動，豈不發噱？總由生於深宮，畏於阿保之手，不知人情物理故也。甲申上諭大學士等曰：朕聽政年久，凡事無不留心。昔朕西巡時，嘗以戰地問於曾經行陣之提督總兵官等，皆言自古戰陣之事，必於舊戰地交戰，從無戰於不可戰之地者。朕觀韓信鎮上下凡七十里，未嘗有一戰於此者，以無水不可立營故也。

前我師往征漠北與噶爾丹戰於昭莫多之地。明永樂出塞時亦嘗戰於昭莫多。以此觀之。皆於舊戰地交戰也。行兵之道。立營必視水草。西北土厚。掘至百丈有餘。始能得泉。一井之汲。緩須一騎負之。其地如此。焉可屯兵。是以用兵必以地理為要。古人善用所長。後人萬不能及一也。○大學士九卿等以遵旨會議全免天下錢糧事覆奏。

上問戶部諸臣曰。爾等作何定議。張鵬翮奏曰。

聖主施殊恩於天下。頒發諭旨。欲將康熙五十年天下地丁錢糧一槩蠲免。止存額徵鹽課關稅六百萬兩。實浩蕩之隆恩。但所存之數。恐不足用。勢必另發帑銀以濟之。臣等會議自

實錄卷二百四十

八

康熙五十年起。視各省之大小。斟酌配搭。於三年內免完。如此則萬民俱沾實惠。而庫帑亦不至缺乏矣。

上曰。爾等所議良是。至明年十月間。視各省秋收何如。先免歉收之省。張鵬翮奏曰。臣查戶部冊籍。自康熙元年起。以至於今。所免錢糧共萬萬兩有餘。是誠亘古所無也。

上曰。果至此數矣。又諭曰。凡地方水旱督撫。即行奏聞。預為料理。則被災百姓不至失所。今年安慶府太平府屬俱被災荒。而巡撫劉光美竟不奏聞。其意以為災荒非盛世所宜言。不知天時水旱之災。乃所恒有。生民關係甚大。豈不以聞殊為非理矣。○湖廣提督俞益謨遵旨回奏。疏言巡撫趙申喬參

臣抽取衛協兵丁三十五名。以致營伍空缺。此特言臣冒餉之意。提督衙門例有執事人役。向無額設。亦無工食。臣微督撫衙門衙役工食。取給於各州縣之例。分派各營。令其呈送。如各營將人餉并送者。則臣各派職役。若但將名糧呈送者。臣即募充其餘剩之餉。以為操演賞賚各公費之需。並無分毫扣剋。臣不能與趙申喬同省辦事。乞賜罷斥。得旨。九卿詹事科道察議具奏。○乙酉。調兵部右侍郎恩。不為吏部右侍郎。○陞河南布政使許嗣興為福建巡撫。○戊子。冬至。祀

天於

園丘。遣領侍衛內大臣公阿靈阿行禮。○遣官祭

實錄卷二百四十

北

永陵。

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。停止次日慶賀行禮。

上詣

皇太后宮問安。

上幸暢春園○庚寅

上諭大學士等曰京城米價甚貴朕聞小米一石須銀一兩二錢麥子一石須銀一兩八錢爾等與九卿會議如何可以平價江浙前兩年無收今年大熟米價仍未平者亦必有故李光地奏曰今人口甚多即如臣故鄉福建一省戶口繁息較往年數倍米價之貴蓋因人民繁庶之故

上曰生齒雖繁必令各得其所始善今河南山東直隸之民往邊外開墾者多大都京城之米自口外來者甚多口外米價雖極貴之時秣米一石不過值銀二錢小米一石不過值銀三錢京師亦常賴之○又問大學士等曰汝等知山東碭石

實錄卷一百一

十

等山脉從何處來乎李光地奏曰大約從陝西河南來

上曰不然山東等山從關東長白山來即如山海關與山東登萊相對渡海不過二百里中係海套凡山東泰岱諸山來脉俱從長白山來來龍甚遠不知里數李光地奏曰

皇上博通典籍是以知之甚詳

上又曰濟水伏流三處其實不止濟水凡水發源處多是伏流常問蒙古人言之甚詳渠亦有書凡黑水弱水詳記明白黃河九曲其實不止九曲其大曲有九其小曲不知幾千黃河從崑崙來未到積石亦是伏流即如長江之水書云岷山導江似乎江源在岷山其實不在岷山亦從崑崙來也伏流到

岷山更不伏流矣此等事土人知之書籍中未能詳載也○戶部尚書張鵬翮學士噶敏圖以往審江南江西總督噶禮來江蘇布政使宜思恭一案請訓旨

上曰審事但從公而已若預存一意則不可也諭張鵬翮曰朕聞江寧盜案尚有八百件爾到江南送朕旨意諭噶禮作速審結總之罪疑惟輕功疑惟重與其殺不辜寧失不經凡為督撫者俱當體此語以行事又諭曰河工雖奏績然不可一日不防倘兩隄稍有疎忽則前功盡棄爾以朕此旨諭總河趙世顯時時防之始善蓋河源出於崑崙朕曾遣官往視上流水長則陝西河南江南之水俱長知之甚詳爾可宣旨趙

實錄卷一百一

上

世顯令行文川陝總督甘肅巡撫倘遇水大之年黃河水漲即著星速報知總河預為修防始得保全也○辛卯以盛京工部理事官蘇爾德為都察院左副都御史○調理藩院左侍郎滿篤為兵部右侍郎陞侍讀學士諾木齊岱為理藩院左侍郎○壬辰

上往謁

暫安奉殿

孝陵命皇太子允初皇五子和碩恒親王允祺皇七子多羅淳郡王允祐皇八子多羅貝勒允禩皇十三子胤祥皇十五子允禩皇十六子允祿隨駕是日自暢春園啟行駐蹕南苑○

以翰林院侍讀學士暴珠充日講起居注官。○甲午。

上駐蹕通州南關。○乙未。

上駐蹕夏店。○丙申。

上駐蹕白潤。

十二月。丁酉朔。

上駐蹕桃花寺。○戊戌。

上駐蹕臨河。授故輔國公吳友子傳曾為三等鎮國將軍。○

陞廣西按察使王家棟為河南布政使司布政使。○己亥。

上謁

暫安奉殿。

實錄卷二百

三

孝陵行禮。奠酒舉哀。○賜守

陵官弁兵丁等銀幣有差。○

上駐蹕唐家莊。○庚子。

上駐蹕遵化州。○辛丑。

上駐蹕燕家屯。旌表直隸烈女樊可愛之女樊永拒敵殞命

給銀建坊如例。○壬寅。

上駐蹕三屯營。○癸卯。

上駐蹕汗爾莊。○甲辰。陞陝西督糧道王用霖為廣西按察使

司按察使。○贈故江南提督一等侯張雲翼為太子太保兵

部尚書。予祭葬。謚恪定。○授原鎮國公蘇爾發之女為鄉君。

壻噶爾臺為鎮國公。壻秩四品。○乙巳。

上駐蹕郭家峪。○九卿等議覆湖南巡撫趙申喬奏湖廣提督

俞益謨冒支兵餉。又叅永水州總兵官李如松遊擊唐之夔縱

兵放債及違禁開設典鋪各款。請交湖廣總督郭世隆詳審

具奏。得旨著吏部尚書蕭永藻都察院左副都御史王度昭

前往與該督會審具奏。○丙午。

上駐蹕大屯。○丁未。

上駐蹕下青山營。○戊申。

上駐蹕韓家莊。○庚戌。

上駐蹕灤河灣。○轉戶部右侍郎張世爵為左侍郎。陞左副都

實錄卷二百

三

御史王度昭為戶部右侍郎。○吏部議覆吏科給事中郝林

疏言歷科進士候選者積至六百餘人未免壅滯。其中有願

就教職之人請准其告降。以教授用。應如所請。從之。○辛亥。

上駐蹕燕家屯。○壬子。

上駐蹕娘娘廟。諭大學士溫達曰。從前鄂羅斯事務俱交原

任大學士馬齊管理。今鄂羅斯來京貿易著將馬齊釋放。管

理鄂羅斯事務。○癸丑。

上駐蹕張泗河。○甲寅。

上駐蹕鄭家莊。○諭大學士等曰。世襲之員較佐領尤為緊要

今襲職之人庸劣者甚多。嗣後凡襲職之人。令該旗大臣引

見。如其人可用。准令承襲。否則不拘其幼子族各擇可用者。與之承襲。先是工部左侍郎兼管光祿寺卿事莫音代。奏劾署承杭務禮等。侵盜光祿寺庫銀一案。刑部尚書巢可托不行詳察。令承審郎中瓦爾達將杭務禮夾訊。逼供以致杭務禮子素納海情急赴熱河叩閣。

上命巴渾德阿靈阿孫渣齊。額等嚴審具奏。至是巴渾德等覆奏。莫音代。承杭務禮侵盜庫銀。並無確據。明係誣枉。且莫音代職司光祿。於凡

御用食物。漫不經心。奉旨。在侍衛行走。又不竭誠効力。情罪可惡。應將莫音代擬斬立決。刑部尚書巢可托。將不應夾之杭

實錄卷五

五

務禮。枉行夾訊。殊屬溺職。應革職。承審刑部郎中瓦爾達。應降一級罰俸一年。得旨。莫音代。從寬免死。著枷號三月。鞭一百。巢可托。著革職。餘依議。○乙卯。

上駐蹕夏店。○甲戌。原任安徽巡撫高承爵。祭葬如例。○丙辰。

上駐蹕東市地方。○陞順天府府尹施世綸。為都察院左副都

御史。仍兼理順天府事。○土默特固山貝子頒弟故。遣官致

祭。○戊午。

上駐蹕南苑。○己未。

上回宮。詣

皇太后宮問安。○辛酉。

孝莊文皇后忌辰。遣官祭。

暫安奉殿。○乙丑。歲暮。裕祭。

太廟。遣散秩大臣宗室德寧行禮。遣官祭。

永陵。

福陵。

昭陵。

暫安奉殿。

孝陵。

仁孝皇后。

孝昭皇后。

實錄卷五

五

孝懿皇后陵。○遣官祭太歲之神。○丙寅。賜朝正外藩烏朱穆

泰科爾沁。敷漢高齊。喀喇沁。土默特。杜爾伯特。鄂爾多斯。

巴林。吳喇。忒。扎魯特。喀爾喀。翁牛特。阿霸垓。蘇尼特。毛明安。

諸貝勒貝子額駙。台吉及內大臣。大學士。侍衛等宴。○

上詣

皇太后宮問安。○旌表八旗節婦。滿洲額爾都妻趙氏等七人。

漢軍房國器妻蕭氏等九人。直隸各省節婦溫達光妻徐氏

等六十六人。各給銀建坊如例。○是歲。人丁戶口。二千一百

九十二萬一千三百二十四。田地。山。蕩。畦地。六百三十一萬

一千三百四十四頃三十四畝有奇。徵銀一千八百二十萬

四千五百五十二兩有奇。米。豆。麥。六百五十二萬一千三百五十二石有奇。草。三百二十五萬一千六百八十七束。茶。十八萬二千四百十五引。行鹽。四百八十二萬九千五百九十七引。徵課銀。三百二十七萬一千二百二十八兩有奇。鑄錢。二萬九千四百九十四萬二千六百有奇。

實錄卷二百四十一

并

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十一

康熙四十九年庚寅春正月丁卯朔

上詣

堂子行禮還宮拜神畢。率諸王貝勒貝子公內大臣大學士侍

衛等詣

皇太后宮行禮。御殿王以下文武各官外藩王及使臣等上表

朝賀。停止筵宴。朝鮮國王李焯遣陪臣趙泰耆等表賀冬

至元旦

萬壽節。及進歲貢禮物宴賓如例。○辛未。祈穀於

實錄卷二百四十一

上帝

上親詣行禮。○

上奉

皇太后幸暢春園。○癸酉。

世祖章皇帝忌辰。遣官祭

孝陵。○甲戌。孟春享

太廟。遣都統翁俄禮行禮。遣官祭太歲之神。庚辰。諭理藩

院喀爾喀扎薩克多羅貝勒額林陳人甚老成在昭莫多地

方亦甚効力。其父滾布原係郡王。額林陳著封為多羅郡王。

襲封時仍襲貝勒。○以上元節。賜外藩烏朱穆秦科爾沁敦

漢高齊忒喀喇沁王默特杜爾伯特鄂爾多斯巴林貝喇忒郭爾羅斯喀爾喀翁牛特阿霸垓尼魯特蘇尼特毛明安阿霸哈納手貝勒貝子額駙公台吉及內大臣大學士侍衛等宴○辛巳上元節賜外藩手貝勒貝子額駙公台吉及內大臣大學士侍衛等宴○壬午

上詣

皇太后宮問安先是諭禮部蟒式舞者乃滿洲筵宴大禮至隆重歡慶之盛典向來皆諸王大臣行之今歲

皇太后七旬大慶朕亦五十有七欲親舞稱觴是日於

皇太后宮進宴

皇太后升座樂作

上近前起舞進爵○丁亥

上詣

皇太后宮問安戊子江南江西總督噶禮疏言臣前因江蘇布政使宜思恭貪婪曾經題參今查江蘇藩庫錢糧宜思恭任內兵虧空四十六萬一千兩有零應請審追得旨著差往審事尚書張鵬翮等并嚴察究擬具奏○己丑陞護軍參領衛赫納為鑲黃旗蒙古副都統以浙江平陽總兵官王應虎為福州副都統賜朝正外藩王貝勒貝子公台吉等銀幣鞍馬有差○庚寅諭八旗大臣及內閣部院大臣等朕

總理國家大小事務必計久遠今見八旗忽於生計習為奢侈此皆由該管之令不能約束及伊等族長平時不先訓誡所致也去冬因米價騰貴以二月應給之米於正月給發米價隨即稍減可見八旗官兵以所支之米不運至家惟圖微利一時即行變賣及至此銀費去米價又貴勢必請將八月之米於六七月間給發且求將來年之米於今年豫支矣八旗官兵應互相告誡自是以後務將所支之米力加節省必用至支米之時庶不墮富商囤米術中爾等大臣官員俱有教養之責當仰體朕心潔已奉行尋大臣等覆奏嗣後八旗支米之時請撥人監督務令到家不使鬻賣至兵丁先期典賣米石亦應禁止從之○諭大學士等滿字既有清文鑑蒙古字書亦應纂輯著交與教習唐古特書之官員阿爾必特祐乾清門侍衛拉錫等繕譯會同蒙古侍讀學士中書等修成滿洲蒙古合璧清文鑑一部一邊寫滿洲字一邊寫蒙古字其引經處俱行裁去若有伊等不知之處著問八旗年老通曉蒙古書之人於朕起行之前酌量繕寫數篇呈覽○辛卯諭禮部朕祀祈穀壇時見太常寺卿嚙仕圖朝帽頂上鑲嵌東珠又見陪祀各官用紅坐褥者甚多凡官員品級俱有定例豈可任意僭用爾部職司禮儀應行查禁尋禮部遵諭議覆內外文武七品八品九品官員加級者俱不准過五品

五品六品官員加級者不准過四品。三品四品官員加級者不准過二品。二品官員加級者不准過一品。惟大學士尚書俱係頭等大臣。准照一品例朝帽頂嵌東珠一顆。坐狼皮坐褥。從之。○士辰

上詣

皇太后宮問安。湖廣提督俞益謨疏奏偏沅巡撫趙申喬母事苛刻反直為曲。今劾臣侵冒兵餉荷蒙

皇上特命大臣察審祈將臣與撫臣趙申喬俱行解任聽審。得旨巡撫趙申喬提督俞益謨互相叅劾有乖大體。巡撫有疆陲之責提督有彈壓地方之任伊等同在一省而不相睦必

致貽誤地方著俱離任候審湖廣提督印務令鎮守總兵官

四

張谷貞署理偏沅巡撫印務著差往審事侍郎王度昭署理

御史艾芳曾為刑部右侍郎乙未命和碩簡親王雅爾江

阿掌宗人府事諭八旗都統等八旗兵丁每人所得四十

斛之米人口多者適足養贍人口少者食之不盡必至售賣

倉中支放米石惡棍及偷竊之人甚多可帶領布庫等前往嚴加訪拏尋訪獲三十七人奏交刑部治罪得旨著將看守

倉門章京等重責革退

二月丙申朔

上詣

皇太后宮問安。丁酉遣大學士溫達祭

先師孔子

上幸五臺山命皇太子允初皇三子和碩誠親王允祉皇八子多羅貝勒允禩皇十子多羅敦郡王允祹皇十三子胤祥皇十四子固山貝子允禔隨駕自暢春園啟行是日駐蹕房山縣直隸巡撫趙弘燮天津總兵官杜呈泗來朝。命多羅安慈郡王馬爾渾之子華璫襲爵吏部尚書兼翰林院掌

院學士徐潮以老乞休命原官致仕。戊戌祭

北

大社

大稷遣領侍衛內大臣公傅爾丹行禮

上駐蹕小營。己亥

上駐蹕涇水縣石亭。庚子

上駐蹕易州。辛丑

上駐蹕唐壺地方。壬寅

上駐蹕滿城縣。授故輔國將軍巴魯子肅為三等奉國將軍

陸宗人府府丞祖允圖為都察院左副都御史。大計天下官員卓異官十七員貪酷官四員貪官十一員酷官四

員不謹官四十三員浮躁官二十六員罷軟官十七員年老官四十六員有疾官三十六員才力不及官三十五員分別陞賞處分如例○旌表湖廣烈婦羅國棟妻梅氏拒姦殞命給銀建坊如例○癸卯

上駐蹕唐縣高昌店○諭大學士溫達曰保定府城守尉額爾濟圖人材壯健亦曾効力行間自授城守尉以來行事不苟聲名頗佳朕欲拔用他處但年已邁可令謹守此地授副都統品級食俸著戴孔雀翎○甲辰

上駐蹕曲陽縣鎮里村○乙巳

上駐蹕阜平縣王快鎮○山西巡撫蘇克濟太原總兵官馬見

伯大同總兵官張文煥提督學政翰林院侍講高其倬來朝

○丙午

孝康章皇后忌辰遣官祭

孝陵○

上駐蹕阜平縣○丁未

上駐蹕龍泉關演武場○右衛將軍宗室費揚圖副都統禪穆布歸化城都統吳赫丹津副都統蘇永祚來朝○戊申

上出龍泉關駐蹕山西五臺縣射虎川地方○己酉

上駐蹕羅喉寺○安南國王黎維貞遣陪臣陳廷諫等進貢宴賚如例○辛亥

上駐蹕白雲寺○壬子

上回鑾駐蹕射虎川地方○癸丑

上入龍泉關駐蹕演武場○予故都察院左都御史王九齡祭葬如例○陞福建浙江督標副將姚堂為浙江平陽總兵官旌表山西烈婦杜良芽妻李氏拒姦殞命給銀建坊如例

○甲寅

上駐蹕阜平縣○乙卯

上駐蹕阜平縣王快鎮○丙辰

上駐蹕行唐縣楊家莊○四子部落多羅達爾漢卓禮克圖郡王散濟扎卜故遣官致祭○丁巳春分朝

日於東郊遣刑部尚書齊世武行禮○

上駐蹕行唐縣○戊午

上駐蹕真定府○諭兵部廣東右翼總兵官羅聯芳人甚庸庸著革職○陞光祿寺卿左必蕃為宗人府府丞○己未

上駐蹕無極縣○辛酉

孝昭皇后忌辰遣官祭

陵○

上駐蹕祁州○壬戌

上駐蹕蠡縣新興鎮○癸亥遣官祭

先農之神○

上乘舟行泊新安縣段村○甲子遣官祭

歷代帝王○

御舟泊郭里口○兵部議覆福建浙江總督梁鼎疏言浙江處州府所屬十縣在深山之中地甚險要舊設副將一員額兵甚少稽察難周請將平陽總兵官移駐處州其金華衢州二副將俱歸處州總兵官統轄處州副將移駐平陽聽溫州總兵官統轄實於地方有益應如所請從之○乙丑

御舟泊任邱縣趙北口

三月丙寅朔

御舟泊霸州苑家口○丁卯

實錄書

上登陸駐蹕霸州王起營○戊辰

上駐蹕固安縣蒟林店○己巳

上駐蹕南苑○欽天監奏京城及各省月食分數

上曰朕嘗習算法天文地理靡不詳究月食三分以上者例當入奏不及三分者不奏此疏言雲南四川兩省月不食因地之體圓月之所食被其所掩而人不見若以不見之故而即書不食則人不知之矣此所奏糊塗本發還著將雲南四川兩省月食被掩之故另行開明具奏尋欽天監奏雲南四川兩省月未出地平已復圓其初虧復圓俱地平遮掩不見月食下部知之○以內閣學士兼禮部侍郎潘宗洛充經筵講

官○庚午

上回駐暢春園詣

皇太后宮問安○予故福州副都統李華祭葬如例○壬申清

明節遣官祭

永陵

福陵

昭陵

暫安奉殿

孝陵

仁孝皇后

實錄書

孝昭皇后

孝懿皇后陵○甲戌

上自暢春園回宮○乙亥諭大學士陳廷敬等朕留意典籍編定羣書比年以來如朱子全書佩文韻府淵鑑類函廣羣芳譜并其餘各書悉加修纂次第告成至於字學並關切要允宜酌訂一書字彙失之簡畧正字通涉於汎濫兼之四方風土不同南北聲音各異司馬光之類篇分部或有未明沈約之聲韻後人不無訾議洪武正韻雖多駁辯迄不能行仍依沈約之韻朕嘗參閱諸書究心考證凡蒙古西域洋外諸國多從字母而來音由地殊難以牽引大抵天地之元音發於

人聲。人聲之象形寄於點畫。今欲詳畧得中。歸於至當。增字彙之闕遺。刪正字通之繁冗。勒為成書。垂示永久。爾等酌議式例具奏。吏部開列提督四譯館太常寺少卿員缺。

上諭大學士等曰。今觀漢大臣俱已年邁。繼此可用者難得其人。至於直隸。見為大臣者無一人矣。昔如魏裔介。李蔚。杜立德。主熙。梁清標等。俱優。李蔚任大學士時。始終恪慎。懋著勤勞。伊孫近曾引見。主事在何部行走者。查奏。尋大學士等奏。查李蔚嫡孫李敏啟。見任工部主事。得旨。李敏啟著越格陞補提督四譯館太常寺少卿。以示崇獎。舊臣優錄。後嗣至意。○丙子。

上幸暢春園。○丁丑。

上詣

皇太后宮問安。○理藩院題請差往四十九旗及邊外喀爾喀會盟大臣。得旨。四十九旗者。都統蘇滿尚書。耿額。散秩大臣郭廉。學士達色。去。左翼喀爾喀著護軍統領辛泰。侍郎諾木齊。低副都御史張格。一等侍衛外山。去。右翼喀爾喀著護軍統領伯唐。保住。副都統剛元。副都御史蘇爾德。學士色爾圖。去。戊寅。議政大臣等議。拉藏及班禪胡土克圖。西藏諸寺喇嘛等會同管理西藏事務。侍郎赫壽。疏請頒賜波克塔胡必爾汗。以達賴喇嘛之封號。查波克塔胡必爾汗。因年幼奉

旨。俟數年後授封。今既熟諳經典。為青海諸眾所重。應如所請。給以印冊。封為六世達賴喇嘛。從之。○辛巳。戶部議覆浙

江巡撫黃秉中疏。言杭州湖州二府所屬仁和等八州縣。康熙四十七年。緩徵漕糧。應於四十八年徵收。帶運除見完之米。已令起運外。尚有未完米九萬二千石。有零。請於四十九年徵收。帶運。應如所請。得旨。漕糧例不蠲免。念浙省被災之後。民力艱難。其未完漕米九萬二千餘石。著免徵。○工部題盛京城垣坍塌。請發帑銀交與盛京工部官員修理。俟修完之日報銷。得旨。盛京各部堂司官行事。陋劣不堪。屢經嚴飭。未能改。改殊不足委任。此次城垣工程。著遣在京堂官一員

帶領司官前往堅固修理。○工部議覆盛京工部侍郎席爾

圖疏。言錦州採鉛。請改於遼陽州採取。應如所請。得旨。採鉛事情。前因白爾克條奏。自遼陽州改往錦州大碑嶺等處。今又因席爾圖所奏。議仍在遼陽州採取。前所奏是。則今所奏非。今所奏是。則前所奏非。一切事務。該部當據理剖斷。分別是非。定議。乃止。據見在條奏。草率議。殊為不合。凡部院及督撫官員更換一人。皆如此頻更。舊例貽誤必多。著嚴飭行。此事著再行確議具奏。尋議。自改在大碑嶺等處採鉛以來。將近十年。鉛觔足用。今席爾圖不思事之有無。裨益。題請更改。甚屬不合。應交吏部議處。從之。○壬午。

上詣

皇太后宮問安。癸未。

萬壽節。

上率諸王貝勒貝子八內大臣大學士侍衛等詣

皇太后宮行禮。停止朝賀筵宴。遣官祭

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。○遣官祭真武東嶽城隍之神。○丁亥。

上諭大學士等。

皇太后今年七袞大慶應行典禮著禮部查照

皇太后六旬時。一切典禮遵行。又諭曰雲貴四川等處俱係

邊疆殊為緊要。督撫以下官員謂去京遼遠朕不及聞知故

違法妄行者多。督撫為一省之表率。職任極重。用伊等者原

為愛養生民安撫地方。非使之富貴而已。近聞四川官員惟

學道陳瓊操守尚清廉。其餘地方官橫行加派恣肆者甚多。

戶部侍郎能泰前為四川巡撫不能嚴加檢束。訓誡屬員使

民困苦屬下文武官員無一善者。如此之人若仍留為侍郎

何以明賞罰示勸懲。著將能泰革去侍郎。四川布政使下永

式居官尤為著解任。江西按察使吳存禮著陞為四川布政

使。至於甘肅乃要地也。巡撫舒圖辦事無能極其糊塗著解

任。甘肅按察使鄂奇居官頗優著陞為甘肅巡撫。宗人府

題科爾沁和碩敦恪公主來京薨逝。茲值歸葬請遣官護送。

得旨著多羅安郡王華琿多羅平郡王訥爾素散秩大臣阿

錫坦殷扎納侍郎二員護送前往。戊子。諭吏部前以補授

雲南貴州廣西四川四省官員不能如期到任懸缺甚多。故

豫發人員備用。今觀此等官員但圖以邊俸速陞居官無一

善者。地方關係甚屬緊要。嗣後四省停其豫發。仍照舊例歸

於月選。得缺人員嚴限速催赴任。如此則缺不致久懸而於

地方亦有裨益。其以前發往未經得缺人員俱著掣回。各歸

月分補用。己丑。

上詣

皇太后宮問安。以吏部郎中趙珣為河南按察使司僉事提

調學政。辛卯。予故原任雲南鶴麗總兵官劉廷傑祭葬如

例。癸巳。陞前鋒叅領瑯圖為正紅旗蒙古副都統。以右

翼前鋒統領公海金為領侍衛內大臣。吏部題一等伯四

格因病解退銷去恩詔所得拜他喇布勒哈當再一拖沙喇

哈番餘一等精奇尼哈番應以其長子德敏襲替得旨著伊第三子吉當阿襲替

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十一

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十二

康熙四十九年庚寅夏四月丙申朔享

太廟遣領侍衛內大臣公阿靈阿行禮 辛丑陞廣西梧州副

將白道隆為廣東右翼總兵官 壬寅兵部議覆浙江巡撫

黃秉中疏報衢州府龍游縣影賊搶劫居民都司張朝臣等

率官兵緝捕張朝臣被賊殺死其所屬兵卒並未受傷隨經

眾官兵合力進剿斬獲甚多查張朝臣被殺所屬官兵不能

協力救助皆由該管官平日不嚴加訓練故至失事其間或

有隱諱之處應行文該督將此案隱諱情節及該管官職名

一并查叅其未獲餘賊著嚴緝務獲得旨此事著郎中察爾

欽前往會同該撫將軍副都統親至都司張朝臣被殺之處

詳查情由明晰議奏 諭兵部朕觀天下綠旗兵惟直隸及

西方沿邊一帶兵畧有可觀此外各省之兵俱屬不堪江浙

之兵尤不足觀不耐勞苦該管官訓練稍嚴即出怨言甘汰

所食之糧而不願操練此等人平時尚然倘至行陳之間安

可用耶各省皆有食空糧者然不至已甚若浙省兵千名食

空糧者則有五百名所存五百名亦僅充數而已俱非可用

者近日處州協標都司張朝臣往追山賊其身當先而進眾

兵棄之先退此皆平時訓練不善之故也若滿兵則不然戰

陣間雖至死地亦皆願効死無離本伍退回一步之理江浙駐防滿洲兵朕帶往行獵之處以苦差試之畧無怨意交相詬勉是以朕心大慰以此觀之兵在訓練之善不善耳不關乎風土也 陞大理寺卿塔進泰為戶部右侍郎 乙巳都統蘇滿等以差往蒙古會盟請訓旨

上曰會盟之事肇自

太宗文皇帝三年一次遣大臣會盟朕遵行已久爾等前去不得生事蒙古漸次皆已富饒亦無甚大事或有小事來訴汝等但從公審理而已至蒙古餽汝等馬匹勿得收受亦不得買其馬匹 陞內閣學士仇兆鰲為吏部右侍郎 以原任

中書省

中

詹事陳元龍為翰林院掌院學士兼禮部侍郎 調兵部尚書蕭永藻為吏部尚書 陞監察御史巴襲為甘肅按察使 司按察使 陞郎中保佳為內務府總管 萬齊武多羅額爾德尼郡王達爾瑪吉里迪故遣官致祭 丙午諭大學士九卿等曰倉都御史屠沂條陳節儉細小之處其大者能言之而能行之者少屠沂條陳皆節儉細小之處其大者未經指出古人未嘗無餽遺即有餽遺亦不過羔豚等物而已今人禮物多用金錢或取庫銀餽送以致國帑虧空至僧徒寺廟各有田園甚或一僧住持一寺即欲為開山始祖聚集徒眾以千百計此皆糜費之大者也屠沂條奏內並未言

書錄

中

及至所云永禁官民奢靡僭妄之處爾等會同詳議具奏又諭曰凡事言之匪艱行之維艱昔江蘇巡撫湯斌好輯書刊刻其書朕俱見之當其任巡撫時未嘗能行一事止奏毀五聖祠乃彼風采耳此外竟不能踐其書中之言也 又諭曰據欽天監奏立夏時巽方風起是日朕於宮中占驗乃東北風起欽天監務取吉利者具奏不知此等事件應據實啟奏何必避忌至各處風信不同或彼處東風亦未可定且春秋誌災不言其應孔子書此之意所以示警今但取吉利可乎本朝並未嘗有所避忌也爾等傳諭欽天監知之 又諭曰人有喜言災異遇風雨皆記之者彼幸身處太平而幸災樂禍

誠為無知果使其身遇災禍又豈能自免乎 予故刑部右侍郎張睿祭葬如例 丁未陞廣西右江道張聖佐為江西按察使司按察使 陞光祿寺卿那漢泰為通政使司通政使仍兼光祿寺卿 陞大理寺少卿吳一蜚為光祿寺卿 己酉

戊

上自暢春園回宮 大理寺卿馬士芳以老病乞休允之 庚

上御太和殿視朝文武陞轉各官謝恩 上幸暢春園 調工部尚書王掇為兵部尚書 陞左通政綽奇為大理寺卿 以司經局洗馬長壽翰林院侍讀長蘊俱

充日講起居注官。阿霸哈納多羅貝勒齊丹萬舒克故遣官致祭。辛亥。

上詣

皇太后宮問安 壬子

孝端文皇后忌辰遣官祭

昭陵 以戶部郎中王俊為四川按察使司僉事提調學政

丙辰

上詣

皇太后宮問安 陞少詹事彭始搏為內閣學士兼禮部侍郎

○丁巳吏部遵旨議覆錦州大碑嶺等處採鉛奉行已久今

盛京工部侍郎席爾圖請改歸遼陽州採取紛更成例殊屬

不合應降二級調用從之 陞盛京刑部理事官巴查爾為

太僕寺卿 已未以原任大理寺卿張志棟補原官 予故

福建漳州總兵官李友臣祭葬如例 以土默特故固山貝

子頒第子哈穆罕巴雅斯呼朗圖襲爵 辛酉諭大學士等

適引見行取知縣人材俱佳令其候補殊覺可惜著留伊等

於京食俸遇主事缺出以主事用遇要地知州缺出以知州

用九卿內有知伊等者著問明具奏 右衛將軍宗室費揚

同疏言右衛有空閒官房無人居住恐至倒塌請將此空房

交與該撫照時值變價

上諭大學士等曰滿洲戶口滋息甚繁兵丁內無屋可居者有

之右衛見有所造空房若增駐兵丁極是善策爾等可會同

領侍衛內大臣八旗都統副都統滿九卿議奏 九卿等遵

旨議覆僉都御史屠沂條陳節儉事

上諭大學士等曰禁止奢僭而崇尚節儉極當於理朕近查宮

中人數

皇太后宮及朕所居正宮不過數百人較之明代宮人則減省

多矣先是光祿寺供應宮中用度每年用銀七十萬兩有餘

朕漸次節省不使濫溢一年止需七萬兩矣理藩院向來每

年賞賜供應外藩賓客用銀八十萬兩今裁減浮費一年止

需八萬兩矣戶工兩部前此每年所用錢糧其數過多今十

日一次奏聞用過數目所需錢糧已極少矣朕用錢糧節省

如是因臣民僭用妄費從前屢有禁約今若又行禁約徒有

法令繁滋而已究無補於事也今法令非不詳盡皆由臣下

奉行不善而然步軍統領順天府尹地方該管官員果實心

遵行何至如此乎著將屠沂原疏發還 陞內閣學士孫桂

為盛京工部侍郎 以內閣學士覺羅滿保充經筵講官

癸亥大學士等奏臣等遵旨以行取知縣問諸九卿等薦舉

廖之諒鄒汝魯二人得旨此二人著以科道員缺用餘著給

知縣俸分與六部候主事缺出挨次銓補如有別項應用處

著候旨行。諭大學士等禮部侍郎鐵圖有疾人亦糊塗不請事務著解任。以翰林院掌院學士陳元龍充日講起居注官。甲子陞內閣侍讀學士瓦爾答為內閣學士兼禮部侍郎。

五月乙丑朔

上詣

皇太后宮問安。

上巡幸塞外命皇太子允初

皇四子和碩雍親王

皇七子多羅淳郡王允祐皇八子多

羅貝勒允禩皇九子固山貝子允禧皇十二子固山貝子允

實錄卷二百一

禔皇十五子允禩皇十六子允祿隨駕自暢春園啟行。是日

駐蹕南石槽。封和碩簡修親王雅布子陽桑阿為鎮國公

授奉國將軍索達塞子寶亮奉國將軍勒塞禮子達里殊奉

國將軍鄂岳子多福俱為奉恩將軍。以翰林院侍讀周起

渭提督順天學政。丙寅

上駐蹕密雲縣。丁卯

仁孝皇后忌辰遣官祭

陵。

上駐蹕遙亭。戊辰

上駐蹕兩間房。己巳領侍衛內大臣大學士等奏護軍人喀

爾處渾告稱願當苦差安行叩聞應加責發往黑龍江當差。上曰喀爾處渾極其狂妄將伊妻子兄弟一并发往并行文將軍嚴加防範昔

世祖皇帝時以巴龍之祖愛寶狂妄不堪充發烏喇在充發處怙惡不悛擊回正法。此所謂懲惡也。今喀爾處渾之族噶什圖噶爾圖等原係內府佐領下人出旗受職家已極富乃交結部院人員恃其鑽營將子弟三十餘人俱用部院今已將噶什圖噶爾圖之族取回內府仍歸原佐領矣。又和素常書將噶爾處渾具保咨部授為署丞必有夤緣情弊。觀其保喀爾處渾則凡屬伊等保送之人皆不可用。著查伊等從前保

實錄卷二百一

送者盡行斥革。且常書生性不孝不義行事不端言語繁多和素為人亦極庸劣學問雖優其他皆無足觀也。庚午

上駐蹕鞍子嶺阿霸垓多羅郡王吳爾占噶喇卜等來朝。調

吏部右侍郎恩丕為禮部左侍郎。辛未

上駐蹕花峪溝。刑部等衙門議覆奉差江南審事戶部尚書

張鵬翔疏言原任江蘇布政使宜思恭於允收錢糧時勒索

加耗又受各屬餽送應擬絞監候巡撫于準同城居住並不

糾劾擬革職應如所擬從之。癸酉

上率善射侍衛等射

上親射二次發矢皆中繼閱吉林烏喇黑龍江官兵射。○刑部

議覆奉差江南審事戶部尚書張鵬翮疏言宜思恭任江蘇布政使時因地方有賑濟平糶等事與巡撫于準商議先將司庫銀墊用俟扣各屬每年俸工等銀還庫今補還二十九萬七千餘兩尚欠一十六萬四千餘兩並無可以扣抵之項請在宜思恭于準名下勒限嚴追補完應如所題從之○甲戌

上駐蹕喀喇和屯○丙子

上諭大學士等曰自趙申喬參俞益謨以來武弁始知警畏今天下兵丁額數缺少而空名食糧者甚多所關者大卿等皆國家大臣當於此留心○禮部議覆江蘇巡撫張伯行疏報

實錄卷五十三

朝鮮國商人高道弼等被風壞船飄至海州地方已經救獲請候朝鮮國使來交付還回應如所請

上曰若俟朝鮮使來為日遲久著將高道弼等令高麗通事一人自部給文驛送前去○兵部議覆福州將軍祖良璧疏言康熙二十二年撥耿精忠藩下兵一千名分入上三旗因閩省從未有正黃旗兵駐防故將應入正黃旗人等分入正藍鑲白二旗查別旗藩下人有缺將本旗人補授嗣後有正藍鑲白二旗缺出請將從前應入正黃旗兵丁數內補授應如所請得旨此事著如議行天下之人皆朕民庶今藩下之人均朕之人并入漢軍嗣後不得仍稱藩下○諭內閣兵部內

務府數年以來已無蝗蟲矣今復見一二宜急捕之朕於去歲秋間曾諭直隸巡撫趙弘燮山西巡撫蘇克濟河南巡撫鹿祐山東巡撫蔣陳錫加意捕捉今應傳諭邊外皇莊八旗之莊并提督馬進良令各行捕除若不實心奉行斷不輕恕○調盛京禮部侍郎哈山為吏部右侍郎○陞護軍叅領覺羅阿臘納為鑲黃旗蒙古副都統○丁丑遣官祭關聖帝君

上駐蹕熱河行宮○癸未陞左副都御史蘇爾德為盛京禮部侍郎○陞河南按察使金世揚為江蘇布政使司布政使○戊子巴林多羅郡王額駙吳爾袞來朝○己丑陞大理寺卿

實錄卷五十四

綽奇為都察院左副都御史○庚寅夏至祭

地於

方澤遣領侍衛內大臣公傅爾丹行禮○大學士等遵旨議覆右衛應添設八旗驍騎二千四百名漢軍火器營兵六百名將見在空間官房撥派居住從之

六月乙未朔先是

上至熱河遣內侍及侍衛等恭請

皇太后駕避暑塞外至是

上命皇太子諸皇子恭迎

皇太后駕於王家營○陞左道政多善為大理寺卿○予故浙

江巡撫王然祭一次。丁酉

上自熱河啟行至花峪溝恭迎

皇太后駕親於

皇太后輦旁步行導引送至花峪溝行宮是日

上駐蹕花峪溝 戊戌

上奉

皇太后駕至喀喇和屯行宮

上先行駐蹕熱河行宮。以故三等精奇尼哈番費揚午之子

希昌襲職陞陝西榆林道張伯琮為河南按察使司按察

使。己亥

書錄事官上

皇太后駕至熱河

上跪迎親扶

皇太后輦送至行宮。辛丑諭刑部本年朝審秋審凡係可矜

可疑罪犯著照例審奏其情實罪犯停止審理。乙巳烏朱

穆秦和碩車臣親王色登敦多卜來朝。喀爾喀鎮國公吳

巴達故遣官致祭。辛亥諭兵部江南狼山總兵官劉念高

年老著解任。癸丑以故一等阿思哈尼哈番巴達爾戶之

弟噶冷襲職。丙辰喀爾喀鎮國公車布登等來朝。丁巳

蘇尼特多羅郡王垂際恭蘇隆來朝。戊午先是江南江西

總督噶禮疏言康熙四十六年間荷蒙

皇上頒發帑金令江南督撫於蘇州松江常州鎮江等處建開

開河應用錢糧蘇州府知府陳鵬年於司庫支領轉發蘇松

糧道賈樸於督修時先扣留三萬四千餘兩於完工後詳司

報銷止稱餘剩銀二千四百餘兩顯係侵蝕其承修各官辦

事草率甚屬溺職應一并題參

上命差往江南審事尚書張鵬翮等一并嚴審具奏至是張鵬

翮等覆奏糧道賈樸督修河開倡議扣留錢糧為將來保固

修理之用遂行捏造印冊朦混報銷革職布政使宜思恭革

職巡撫于準不詳察具題除宜思恭已於別案擬罪外賈樸

于準均應按律杖流仍勒限追完承修官蘇州府同知張廷

書錄事官上

采等未照原估之處修治是實均應革職勒限補修知府陳

鵬年所發所存銀兩皆由巡撫飭令遵行應無庸議得旨觀

張鵬翮所審建開一案各官皆議處獨陳鵬年脫然事外陳

鵬年本係重罪之人朕從寬免其死罪復授為知府理應激

切圖報乃身在同城日見伊等侵扣不盡力勸止且此項錢糧

出納俱經陳鵬年之手而任憑賈樸于準指使其公同作

弊可知矣今若免議衆心不服大凡公事雖係師生同年朋

友亦當從公審理張鵬翮所審此案內有畏懼徇庇之處著

交與九卿嚴察議處其同審理此案之學士噶敏圖及總督

噶禮總漕桑額著一并議處具奏。吏部議覆湖廣總督郭

世隆疏言翰林院侍讀學士陳壯履致祭南嶽紆道嘉魚縣騷擾地方應將陳壯履降一級罰俸一年得旨陳壯履身為翰林奉差在外濫行生事學問亦甚不及著革去侍讀學士停止內廷供奉仍為翰林院編修吏部題刑部察審偷盜富新倉米之檀張三等例應擬斬監候乃尚書張廷樞另議充發甚屬不合應將張廷樞罰俸一年得旨張廷樞諸事偏執素性好勝有忝大臣之任著革職科爾沁和碩達爾漢親王額駙班第故遣官致祭已未陞陝西甘山道沙木哈為四川按察使司按察使

秋七月甲子朔享

太廟遣領侍衛內大臣公傅爾丹行禮○乙丑以湖南永州總兵官李如松為杭州副都統予故原任河南南陽總兵官方凱祭葬如例辛未陞廣東龍門水師副將施而寬為江南狼山總兵官陝西永固城副將祖維新為湖南永州總兵官黑龍江叅領金鐘為陝西興漢總兵官兵部議覆四川陝西總督殷泰疏言西固堡民安忠因峯崖山生番奪牛不與被殺該汛守備韓國元守禦所千總洪章高仲元等領兵往緝兇犯深入番地亦俱被殺其後洮岷營副將張弘印及土司馬天驥等統領官兵攻破峯崖山剿殺生番七十餘人其餘三十四族生番俱已招撫查生番殺奪之事例應詳報

上司勒獻兇犯明正國法今守備韓國元等不報上司即行進剿本應議處但身已戰歿無庸議其該管各官平日不能管轄屬員以致臨事失機應將兼轄之副將張弘印總兵官馬際伯提督江琦等俱照例議處得旨此事非副將張弘印起釁且一聞事發即率官兵剿撫可嘉著降二級仍留原任守備韓國元千總洪章高仲元因地方公務被害情屬可憫著該部議敘餘依議尋兵部議守備韓國元加贈一級為署都司僉書廕子弟一人以衛千總用千總洪章高仲元各廕子弟一人以衛千總用應得卹銀令該省督撫照例賞給從之○予故一等伯發保祭葬如例○癸酉

孝懿皇后忌辰遣官祭

陵○戊寅中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○庚辰調工部左侍郎拉都渾為理藩院左侍郎

管右侍郎事。轉工部右侍郎。授敘為左侍郎。以左副都御史張頌為工部右侍郎。旌表山西烈婦蘭國秀妻房氏。拒姦殞命。給銀建坊如例。○壬午。兵部議覆奉差湖南審事吏部尚書蕭永藻等疏言。巡撫趙申喬疏。參提督俞益謨。侵冒兵餉。遊擊唐之夔。將銀換錢。少與多取。總兵官李如松。不能約束兵丁。在任所開設典鋪。提督俞益謨。疏。參巡撫趙申喬。每事刻意苛求。故欲陷人。今將伊等審訊所。參俱實。提督俞益謨。應革職。原任總兵官。今陞杭州副都統李如松。及遊擊唐之夔。應各降三級調用。巡撫趙申喬。亦應革職。得旨。俞益謨著休致。趙申喬著革職留任。李如松著降三級從寬免調用。

實錄卷二十四

古

留副都統任。餘如議。○癸未。戶部議覆署理偏沅巡撫事。戶部右侍郎王度。疏言。鎮單地方。自改協為鎮之後。兵民聚處生齒。日繁。請酌借帑銀三千兩。買穀貯倉。穀貴之時。平價發糶。秋成穀賤之時。買補還倉。預備賑濟。每年將餘剩價銀。於六年之內。補還所借之項。應如所請。從之。一等侍衛海清。故加贈副都統銜。并賜鞍馬二匹。內廐馬一匹。散馬一匹。銀一千兩。及粧蟒緞疋等物。甲申。旌表山東烈婦王進忠妻法氏。拒姦殞命。給銀建坊如例。丁亥。刑部議覆都察院左副都御史祖允圖疏。參戶部內倉虧空。草豆一案。審據書辦胡文思。沈遵泗供稱。每年買賣人等所領銀兩。有送堂司

實錄卷二十四

王

官公費。其銀數賬目。俱存買賣人金壁處。隨傳問金壁。取出康熙四十五六七八等年送堂司官銀數賬簿。內開得銀之堂官。希福納等。司官。根泰等。共六十四員。此等堂司官員。俱應革職。拏問。尚書張鵬翮等。雖無入己之贓。但伊等家人。有與買賣人要銀之處。應否將伊等一并革職。拏問。請旨定奪。得旨。國家錢糧。關係重大。見今俱已發露。必從設立監督之年。稽察著此案內無名之九卿大臣。官員。公同秉公審理。本身不曾得銀。家人得銀者。免其革職。拏問。餘如議。○戊子。上諭大學士等曰。據刑部摺奏。戶部虧空。辦買草豆銀兩一案。干連甚眾。大臣官員等。不能潔己革除。積弊。今事已敗露。誠為可恥。朕昨覽此事。終夜無寐。反覆思維。姑開以自新之路。見在得贓人員。於未審之前。若將自身所得之銀。即行賠完。則免其革職。拏問。爾衙門即將此旨。驛發刑部。○上出行宮前。諭。扈從大臣官員等曰。副都御史祖允圖。為戶部內倉虧空。買辦草豆銀兩事。參劾希福納等。共侵欺銀二十餘萬兩。朕以希福納。年久能辦事。故用之。今事已如此。朕亦無如何也。朕反覆思之。終夜不寐。若將伊等審問。獲罪之人。甚多矣。今觀戶部弊端。始自尚書科爾坤。佛倫。後之諸臣。皆循伊等所行。以至於此。今與以自新之路。暫停革職。拏問。凡為大臣者。理應廉潔。自守。跪免從事。方無忝厥職也。○庚寅。

兵部議覆陝西肅州總兵官路振聲疏請增陝西武舉額數應不准行

上諭大學士等曰陝西人材壯健者甚多入令兵丁一體鄉試武舉額數若少則有才者不免遺漏以致壅滯著將武舉中額照原數增二十名兵部議覆四川提督岳昇龍疏言川省寧番衛界逼近番地本年二月內有番賊闖入寧番衛肆行搶劫該汛遊擊周玉麟率領官兵前往追緝被傷身死事係封疆臣請親歷邊境或剿或撫相機而行綏靖地方應如所請得旨依議巡撫年羹堯亦著前去

實錄卷之二十四

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十二

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十三

康熙四十九年庚寅閏七月甲午朔鄂爾多斯固山貝子拉布扎木素來朝丁酉以四子部落故多羅達爾漢卓禮克圖郡王散濟扎卜子阿喇卜坦多爾濟襲爵戊戌先是下嫁喀喇沁多羅郡王噶爾臧額駙之和碩端靜公主於本年三月薨逝

上命皇十三子胤祥貝勒海善公鄂飛德寧振衡等致祭至是禮部題請遣官造墳立碑從之辛丑以原任山西布政使司布政使雍泰補原官甲辰喀爾喀多羅郡王額林陳科

實錄卷之二十五

一

爾沁多羅郡王畢力克圖故各遣官致祭丙午科爾沁多羅郡王代布故遣官致祭己酉江蘇巡撫張伯行以江南藩庫賠補虧空疏稿送江南江西總督噶禮會題不俟噶禮咨覆即行具題後噶禮發回疏稿並未畫題於是張伯行具疏檢舉請罪

上諭大學士等曰覽張伯行奏疏則伊等不和可知為人臣者當以國事為重協心辦理今以不和之故於公事兩相矛盾可乎朕總理幾務垂五十年凡事無不經歷似此違例專擅者朕未嘗令一人得逞其私爾等將此本批知道了該部知道似此者但二三次置之不問彼自覺無味漸就消融矣

庚戌下嫁喀爾喀策楞額駙之和碩純愍公主薨造墳立碑如例 癸丑諭兵部四川北總兵官羅大虎年老著原品休致 甲寅

上駐蹕喀喇和屯 喀喇沁多羅杜楞郡王額駙噶爾臧來朝 乙卯

上駐蹕喇門噶山 蘇尼特輔國公羅雷來朝 丙辰

上駐蹕博洛和屯 巴林多羅郡王額駙吳爾袞來朝 戊午

上駐蹕張三營 奈曼多羅達爾漢郡王垂忠來朝 庚申

上駐蹕穆祿喀喇沁昂阿地方 阿祿科爾沁台吉鄂齊爾圖來朝 兵部議覆奉差浙江審事郎中察爾欽杭州將軍宗

實錄卷二百四十一

十

實錄卷二百四十一

上

室諾羅布等疏言浙江都司張朝臣聞龍游縣夥賊行劫即往追捕因賊衆拒捕張朝臣中鎗身死其隨去兵丁張斌等亦被殺害張朝臣請照例追贈遊擊廕子弟一人以衛千總用并給卹銀其兵丁張斌等之家各給卹銀提督王世臣總兵官胡泮平日不嚴加訓練軍士失事之後又不能查明詳報均應照例議處巡撫黃秉中止報都司張朝臣被鎗戮死其兵丁張斌等被殺之處並未查出亦應照例議處得旨提督巡撫係地方大吏凡事應據實奏聞殫心効力王世臣等隱諱賊情殊屬不合王世臣著降五級胡泮著降二級戴罪圖功黃秉中著降五級戴罪効力餘依議 諭九卿等自趙

申喬參俞益謨之後為督撫者每每苛求武弁武弁非讀書之人但披堅執銳用命殺敵而已地方文官多有火耗銀兩武弁絕無所得然於兵丁能効力者必量加賞勸庶軍士盡皆鼓舞遇敵肯前若毫無賞勸何以使人樂為之用乎昔人云重賞之下必有勇夫今文官生當太平但知以成法苛求武弁總不為武弁一籌畫之昔三藩變時張勇王進寶趙良棟孫思克等戮力為國埽除逆寇亦因朕倚任恩深帑餉繁多犒賞無缺故士卒聽其指麾用命効死乃能成功武弁雖不可縱之使驕亦不可摧之使弱我朝武弁歷來並未驕縱若挫辱之使氣漸頹則所關甚大總督殷泰係窮兵出身歷加擢用至西寧總兵官朕諭陝西督撫等助以銀兩犒賞士卒是以殷泰得展舒其志今湖廣提督員缺爾等知總兵官內有才守兼長者即行舉出如總兵官內無人副將內設有之亦行舉出副將內無人即於文武官員內有確知其可用者亦行舉出

八月癸亥朔秋分夕

月於西郊遣禮部尚書穆和倫行禮

上駐蹕愛里昂阿地方 戶部議覆江蘇巡撫張伯行疏言江蘇所屬州縣平糶賑濟等項錢糧數目未清查江蘇錢糧先經總督噶禮泰原任布政使宜思恭虧空一案已經審明今

何得又稱署布政使陳鵬年詳稱司庫尚有虧空一十六萬兩扣收無著應令該撫會同該督確查議奏得旨此事曾令張鵬翮審結今張伯行又奏未清錢糧數目甚多不敢容隱即著原審大臣逐款審明定議具奏 甲子

上駐蹕噶克達昂阿地方 乙丑

上駐蹕西拉諾海哈達地方 丙寅

上駐蹕噶海圖昂阿地方 阿霸哈納台吉垂鍾喀喇沁扎薩克多羅額駙門都喀爾喀扎薩克台吉多爾濟達錫科爾沁

台吉特古思喇禮達等來朝 丁卯遣大學士陳廷敬祭

先師孔子 喀爾喀貝勒羅卜藏丹巴等來朝 戊辰祭

大社

大稷遣都統崇古禮行禮

上駐蹕烏喇岱昂阿地方 蘇尼特台吉巴閭來朝 庚午

上駐蹕額爾滾阜地方 辛未

太宗文皇帝忌辰遣官祭

昭陵

上駐蹕烏里雅蘇台布爾哈蘇台交界地方 壬申

上駐蹕巴顏和洛昂阿地方 癸酉

太祖高皇帝忌辰遣官祭

福陵

上駐蹕鄂爾楚克哈達地方 陞陝西漢中副將王應龍為四

川川北總兵官 甲戌

上駐蹕得爾吉惠漢地方 乙亥

上駐蹕克爾木台地方 諭戶部福建將軍祖良璧奏稱福建

泉州漳州等處被旱未收福建民多田少不可不急為拯救雖總督梁鼎曾疏請借銀買米平價糶賣但所買米數不多

且一時不能運至曩昔山東江南等處被災朕一聞知即為

拯救天下人民皆朕赤子應即遣部院大臣會同江浙督撫

截留本年起運鎮江漕糧十萬石松江湖州漕糧各十萬石

鎮江之糧運至狼山松江湖州之糧運至乍浦著福建督撫

提鎮不拘一人率領福建戰船將運往狼山乍浦三十萬漕

米轉運至福建賑濟被災人民務期均沾實惠雖此米不能

速至而被災之民聞朕此旨即歡悅而定矣其泉州漳州今

年未完錢糧亦著暫行停徵 丙子

上駐蹕永安拜昂阿地方 喀爾喀輔國公克塞克來朝 青

海多羅貝勒那穆扎爾尼爾德尼故遣官致祭 丁丑

上駐蹕哈達和洛昂阿地方 戊寅

上駐蹕齊老圖地方 己卯

上駐蹕烏闌哈爾哈地方 工部議覆河道總督趙世顯疏言

天妃閘座損壞請乘水涸之時拆修又天妃閘外有越河一

道向無閘座值黃水內灌之時無從抵禦今請於越河添建石閘一座則水漲下板可以禦黃而運河不致淤墊應如所請從之 庚辰諭大學士等曰江南浙江截留撥運漕米著塔進泰李旭升前往監兌并令馳驛先往福建將賑濟事宜會同該督撫明悉詳議料理船隻事再回江浙候領運官到日將所截漕米照數交明回京 裁浙江驛傳道缺其驛站事務歸浙江鹽法道兼理復設金衢嚴道缺 福建浙江總督梁鼎疏言江浙二省官兵會哨海洋必豫定期期互相移會若風力不順則兩省哨船不能如期而至又須守候請嗣後停止江浙會哨但令該總兵官各循邊汛分行出洋巡哨似屬有益

實錄卷二百三

下

上諭大學士等曰海中行舟必俟風便福建遇南風始可北來江浙遇北風始可南去風之順逆不同難以會同巡邏著照所請停止會哨並行文江南浙江福建廣東山東五省各查明海邊分出巡哨 又諭曰朕自即位以來辦理軍務甚多向年平定三逆取臺灣降鄂羅斯討滅噶爾丹用兵之道朕知之甚明部院諸事朕尚與諸臣商酌之惟軍旅之事皆出自一心籌畫前於烏闌布通擊敗噶爾丹人言彼時天晚未獲全勦嗣後費揚古於昭莫多地方至傍晚時大敗噶爾丹殺賊竟夜以此觀之隨時遇見賊寇即當擊殺豈可以日夕

推諉而不奮擊乎朕巡行塞北至烏闌布通觀我軍排列陣勢俱甚合節但噶爾丹乃行陣積年之賊於沙岡之下排列所以我軍火器俱高未獲盡勦後費揚古遵朕指示奮力擊殺始能勦滅今海內承平邊疆無事選擇武弁但視其步射騎射才堪管轄者用之而已其於行陣如何則無由知之也或有軀幹短小步射平常而善於行陣者或有相貌魁偉且善技射而不善於行陣者必遇敵時方能知之耳凡人誠知顧惜顏面能効命者即為勇士原任正白旗副都統色格印善射且相貌魁偉善於管轄兵馬烏闌布通之戰彼則大懼故推受暑下馬其家人俱憤曰身為二品大臣如此臨陣退

實錄卷二百三

上

怯歸去何顏見人耶扶之上馬色格印復下馬卧於草內及回營猶戰慄不已身披甲冑蒙被達旦因此伊所管兵丁無不恥笑內府員外郎喀青阿之父海西尼身小力微曾往福建隨征得本旗頭等功牌八次雖身體數處被傷而攻城之時猶令人用木板舁之前往以觀攻城及城既拔謂眾曰我因殘疾未獲與汝等一同効力憤恨大哭又原任巡撫楊熙亦甚瘦小醜陋當尚之信反叛時彼與海澄公之弟黃世名拜音達禮俱在廣東城內被賊圍困三人各率家人殺出重圍往赴大兵營內以此觀之人之勇怯斷不可以相貌定也且三逆叛時李之芳曾任浙閩總督伊雖不諳騎射執刃立

於船首率衆突前大破敵人以立功績彼時同出征者回京俱稱李之芳之勇近征紅苗提督李芳述親冒礮銃鼓衆力戰連破數寨聞趙中喬亦甚強毅又將軍穆占孫思克等在平涼時與賊大戰孫思克之手被賊砍中馬進良曾為孫思克標下武弁聞之曰砍我總兵之手者吾必殺之遂突入萬軍中追殺砍孫思克手之賊馬進良數處中傷至今尚有傷痕可謂奇勇矣今承平日久善於馬步射能管轄兵丁者尚不乏人若屢經行陣之人甚難得也野戰尚易水戰尤難蓋水戰必待迎風方出此特為易退之計也或我兵欲出之日賊兵不出或賊兵欲出之日我兵不出彼此相遇甚難必能

實錄卷五十五

八

實錄卷五十五

九

識水性諳水陣之人始可隨機應變調度成功先是海寇偽將劉國軒投誠授天津總兵官朕行水圍時問彼戰陣之事彼云曾與我兵戰七十餘陣皆敗朕問本朝兵丁何如彼云滿洲兵實精銳無敵但皆以強勇勝並未有一次得戰之理據地之利勝我也窺其意實乃稱揚我兵至若將軍大臣彼雖不明言頗有不足之狀大學士溫達奏曰滿洲兵丁遇敵惟知効命死戰稍有退避人皆恥之故所向無敵上又諭曰朕用福建廣東人甚多福建人性濁好勇文人亦能舞藤牌挑刀彭鵬任三河縣時聞某處有賊即跨刀親往擒賊今泉州歉收民皆困厄福建之事爾諸臣最宜留心○辛

已

上駐蹕巴顏拖羅海地方 壬午

上駐蹕布爾哈蘇台 癸未

上駐蹕納木生札色地方 甲申

上駐蹕博洛和屯 賜來朝喀爾喀蘇尼特阿霸垓阿祿科爾沁翁牛特巴林阿霸哈納鄂爾多斯烏朱穆泰土默特科爾沁喀喇沁王貝勒貝子公台吉等銀幣鞍馬有差 賜隨圍

蒙古官兵銀兩布疋有差 福建浙江總督梁鼎芬母憂命

回籍守制 乙酉

上駐蹕西中關 戶部題舊例漕運抵通查各幫糧米有挂欠

實錄卷五十五

九

者將本幫運官旗丁照例議罪者落追賠然每年舊欠未能如數追足而新糧又復拖欠查總漕糧道及監兌押運僉運等官皆有盤查之責嗣後追賠漕米應逐幫分計派作十分欠糧之本旗丁名下仍追賠一半其餘一半應令總漕糧道及監兌押運僉運等官一體分賠則舊欠易完新欠亦可漸減矣請著為令從之 丙戌

上回駐熱河行宮 庚寅遣官祭

歷代帝王 遣官祭城隍之神 湖廣提督俞益謨員缺九

卿等遵旨保舉總兵官崔相國等

上諭曰此缺著荊州副都統俄倫特補授聞其居官清貧著該

省督撫量加資助。諭吏部閩省散賑災黎事關重大，總督印務著將軍祖良璧暫行署理。廣東巡撫范時崇著陞補福建浙江總督，馳驛赴任。廣東巡撫員缺著內閣學士滿丕補授。辛卯福建巡撫許嗣興疏言閩省各屬本年春夏之交雨水霑足，自六月終至七月初雨澤稀少，泉州漳州二府及福寧一州地方亢旱，米價騰貴。至閏七月十一日以後漸次得雨，米價稍平。得旨督撫係封疆大吏，永旱情形理應及時奏報。福建泉州漳等處五六月旱災，督撫並未據實上聞。至閏七月得雨後始行具奏，殊屬溺職，著嚴飭行。

九月壬辰朔○甲午。

上奉

皇太后自熱河回京。是日啟行。駐蹕喀喇和屯。○乙未。諭大學士等吏兵二部彙題之事。朕先屢經明諭。應十日一次彙題者。即於十日具奏。應十五日一次彙題者。即於十五日具奏。今觀彙題之事。每遲延數月。始行具奏。彙題事內有丁憂還葬。終養省親。病老乞休等事。皆有關係。缺不可遲延。此等有留滯者。著速行具奏。丙申。

上駐蹕鞍子嶺。諭戶部直隸各省抽分監督嗣後有奏請展限者。著永行禁止。丁酉。

上駐蹕兩間房。戊戌。

上駐蹕遙亭。己亥。
上駐蹕密雲縣。庚子。
上駐蹕南石槽。辛丑。

上奉

皇太后回駐暢春園隨詣

皇太后宮問安。壬寅。諭吏部福建巡撫許嗣興才力不能任事。著解任。福建巡撫員缺著浙江巡撫黃秉中調補。癸卯。予故正黃旗副都統哈克三祭葬如例。丙午。以戶部右侍郎王度昭為浙江巡撫。以兵部左侍郎殷特布翰林院掌院學士陳元龍充經筵講官。以翰林院檢討蔡廷編修李鳳翥充日講起居注官。○以內閣侍讀學士瓦爾喀為內閣學士兼禮部侍郎。辛亥。九卿等議奏。臣等遵旨查自康熙三十四年戶部設立辦買草豆監督起至康熙四十四年止。據買賣人金璧等供稱。得銀之堂司官共一百十二人。共侵蝕銀四十四萬餘兩。并前查出康熙四十五六七八等年希福納等侵蝕二十萬餘兩。均應勒限賠完。免其議處。

上諭大學士等曰。凡事有罪雖大而情可恕者。有罪雖小而情不可恕者。即如督撫居官清廉。則屬員交相效法。皆為良吏。部院衙門實為本原之地。希福納身為大臣。操守不能清廉。豈可恕耶。希福納即著革職。餘如議。兵部議覆太原總兵

官馬見伯疏言武經七書註解五異請選定一部頒行又祭先師孔子時文臣自驛丞以上官員皆得陪祭武臣惟副將以上方准陪祭請將武臣亦照文臣一體行禮俱不准行上諭大學士等曰此本亦是武經七書朕俱閱過其書甚難未必皆合於正所言火攻水戰皆是虛文若依其言行之斷無勝理且有符咒占驗風雲等說適足啟小人邪心昔平三逆取臺灣平定蒙古朕料理軍務甚多亦曾親身征討深知用兵之道七書之言豈可全用孟子云仁者無敵又云夫時不如地利地利不如人和今日若欲另纂一書而此時又非修武書之時李光地奏曰令習武者讀左傳即佳

上曰左傳浮誇昔人曾議之孟子有言可使制梃以撻秦楚之堅甲利兵矣若知此意而用兵方是總之仁者無敵此是王道與其用權謀詐偽無稽之言不若行王道則不戰而敵兵自敗矣王道二字即是極妙兵法從古窮兵黷武皆非美事善戰者皆時至事迫不得已而後用兵也昔吳三桂反時江南徽州所屬叛去一縣將軍額楚往征之有人獻策於賊云滿洲兵不能步戰若令人誘至稻田中即可勝之矣豈知滿洲兵強勇爭先未及稻田已將誘者盡殺之此獻策之人亦為我兵所殺用武經七書之人皆是此類今於武經七書內作何分別出題及論語孟子一并出題之處著九卿定議具

奏嗣後祭

先師孔子時令武臣與文臣一體行禮於理甚合著照馬見伯所請行 諭大學士等奉天將軍嵩祝奏報錦州邊海之處有洋賊二百餘人上岸搶劫經防禦官兵殺死洋賊三十人擒獲一人詢知賊首鄭盡心係浙江寧波府人見今冬季正遇北風餘賊敗逆者必乘風自東南方去一至山東江南又必行劫恐山東江南兵不能追殺舟師出大洋中不遇南風即難回汎畧有疎虞關係非小此番之賊原欲劫糧因巡哨兵弁奮力殺之故皆敗走總之洋賊惟仗行劫若地方官實心防禦使洋賊不得行劫則船中無糧必自饑餓而死矣○諭兵部據山東巡撫蔣陳錫奏報八月二十五日文登營副將報有北來烏船七隻泊成山頭外洋等處二十六日賊船移入棉花島官兵攻打又遁出外洋等語地方一有賊寇即當立時題報該撫於彼時並未奏聞及奉天將軍報擊敗海賊之後該撫始具摺陳奏殊屬不合賊船往盛京者原從東省經過沿海官兵何以不行堵剿今賊船敗回經行山東江南浙江該管各汛官兵務必嚴加追擒勿致疎縱爾部作速通行 乙卯

上奉

皇太后自暢春園回宮○丙辰

上御太和殿視朝文武陞轉各官謝恩 江蘇巡撫張伯行以老病求罷溫旨慰留之 予故理藩院右侍郎薦良祭葬如例 喀爾喀澤卜尊丹巴胡土克圖土謝圖汗遣使進九白年貢宴賚如例 戊午

孝慈高皇后忌辰遣官祭

福陵 已未諭戶部陝西州縣官有因地瘠民貧並不虧空錢糧故為虧空被參解任後即行填補希圖別處美缺者朕知之甚確著九卿議奏尋議嗣後直省州縣官虧空錢糧被參離任後賠補已完開復者不准別省補用仍以原缺補用庶無規避之弊從之 辛酉以故一等伯發保子法爾薩襲爵

實錄卷二百四十三

市

實錄卷二百四十三

十五

○轉禮部尚書穆和倫為戶部尚書陞雲南貴州總督貝和諾為禮部尚書 鑲白旗護軍統領陳泰以管兵不嚴命革職 鑾儀使廷布緣事革退以冠軍使侯偏圖為鑾儀衛鑾儀使 旌表直隸烈婦王國士妻曹氏拒姦殞命給銀建坊如例

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十四

康熙四十九年庚寅冬十月壬戌朔享

太廟

上親詣行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵頌康熙五十年時憲歷癸亥

上詣

皇太后宮問安以次日

皇太后七十聖壽進獻禮物與

皇太后六十聖壽時同甲子

皇太后聖壽節

上率王以下文武大小官員行慶賀禮遵

懿旨停止筵宴諭戶部朕恭膺

天眷祇承

列祖鴻庥統御萬方子育兆庶厯懷至治宵旰靡寧幸際海宇同風邊隅嚮化遐邇中外帖然衽席之安是皆仰荷

天地

祖宗福佑之所致也方朕八齡踐阼之初

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思民為邦本勤恤為先政在養民蠲租為急數十年以來除水旱災傷例應豁免外其直省錢糧次第通蠲一年屢經舉行更有一年蠲及數省一省連蠲數年者前後蠲除之

數據戶部奏稱共計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需禁從儉約各項奏銷浮冒亦漸次清釐外無師旅饋餉之煩內無工役興作之費因以歷年節省之儲蓄為頻歲減解之恩膏朕之蠲免屢行而無國計不足之慮亦恃此經籌之有素也比來省方時邁已歷七省南北人民風俗及日用生計靡不周知而民生所以未盡殷阜者良由承平既久戶口日蕃地不加增產不加益食用不給理有必然朕洞矚此隱時深軫念爰不靳敷仁用甦民力明年為康熙五十年思再沛大恩以及吾民將天下錢糧一槩蠲免因衆大臣議奏恐

各處需用兵餉撥解之際兵民騷擾益致煩苦朕因細加籌畫自明年始於三年以內通免一周俾遠近均霑德澤直隸奉天浙江福建廣東廣西四川雲南貴州所屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免並應年舊欠共一百一十八萬五千四百兩有奇亦俱著免徵其五十一年五十二年應蠲省分至期候旨行民間舊欠既經豁免嗣後每年額徵錢糧務如數全完倘完不及額或別有虧空託稱民欠則負國甚矣即責令督撫以下官員償補仍從重治罪夫地方大吏以及監司守令皆與吾民

實錄卷二百四十四

三

誼均休戚者也誠克體朕孳孳保赤之懷實心愛養力杜侵牟朕則閭閻咸得衣食滋殖無有失所而為官吏者亦身名俱泰豈非昇平樂利之盛事歟爾部移文各督撫諭旨到日即刊刻頒布徧示窮簷令咸知悉特諭丙寅諭吏部提督江南學政楊中訥聲名不好著革退其員缺著左春坊左諭德張元臣補授以戶部郎中龔霖為江西按察使司僉事提調學政丁卯諭理藩院每年蒙古王貝勒貝子公台吉等朝正來京向有成例但今年行圍處其已經來朝者念道里遙遠免其重至京師以稱朕格外優恤之意爾衙門即傳諭知之○鑲藍旗漢軍都統諾穆圖以老乞休允之○戊

辰

上詣

皇太后宮問安○以左副都御史兼管順天府府尹事施世綸為戶部右侍郎京口副都統黃象坤以老乞休允之○子故白都納副都統胡式已祭葬如例庚午九卿等議覆太原總兵官馬見伯疏言武經七書請揀選頒行查武經七書惟孫子吳子及司馬法議論近正嗣後考試武生武童論二篇一題出論語孟子一題出孫子吳子及司馬法舊例鄉會試論一篇策二篇今改出論題二策題一從之○辛未上奉

實錄卷二百四十四

中

皇太后幸暢春園○癸酉戶部左侍郎赫申以病乞休允之○甲戌陞內閣侍讀學士李仲樞為內閣學士兼禮部侍郎○調正紅旗蒙古副都統瑯圖為滿洲副都統以一等侍衛鄂代為正紅旗蒙古副都統乙亥

上詣

皇太后宮問安○丙子陞雲南巡撫郭琿璵為雲南貴州總督四川布政使吳存禮為雲南巡撫陞湖廣總督鄂世隆為刑部尚書陞陝西巡撫鄂海為湖廣總督以侯伊爾拜為鑲藍旗漢軍都統○戊寅諭兵部鑲白旗蒙古副都統篇圖糊塗不知事著革職○以宗人府府丞左必蕃為都察院左

副都御史辛巳轉戶部右侍郎塔進泰為左侍郎陞甘肅巡撫鄂奇為戶部右侍郎壬午陞左僉都御史屠沂為順天府府尹癸未命翰林院掌院學士陳元龍教習庶吉士陞山西布政使雍泰為陝西巡撫陝西布政使樂拜為甘肅巡撫諭大學士九卿等江南虧空錢糧兩次命張鵬翮察審朕意地方雖有不肖之官侵蝕錢糧未必多至數十萬兩前朕南巡時曾有諭旨凡沿途所用之物悉出內帑預備未嘗絲毫取諸官民督撫等官不遵朕旨肆意挪用以致虧空朕若不言內外諸臣誰敢言者但彼任事之令離任者已多若將因公那用等項責之新任官賠補朕心實不忍也問

張鵬翮曰爾往江南訊問此事地方官有言及南巡者乎張鵬翮奏曰地方官員願將俸工逐年扣除以補諸項虧空並未言及南巡之事

上曰俸工銀兩有限即逐年扣補亦難清理且官無俸祿役無工食必至私派以累民依爾所言能保地方官日後不累民乎朕為天下生民計蠲免各省錢糧已逾萬萬矣免此四五十萬之銀有何足惜爾等會議具奏乙酉

上詣皇太后宮問安戶部議覆直隸巡撫趙弘燮等疏言臣等遵旨查勘原任天津總兵官監理開墾水田一百五十頃令天

津參將藍珠料理接種但水田一百五十頃內有窪地五十頃時被水浸不便耕種又有高地五十頃不宜種稻止種收雜糧供給農工其可作水田種稻者止五十頃康熙四十八年內藍珠所種稻穀據報收二千五百餘石至高窪不等之田地旱澇難於蓄洩所有五十頃水田不便安設官屯查此項開墾水田前經差內務府總管黑碩子侍郎穆丹等往勘據奏監理開墾之田其洩水處淺而且狹見在田地俱被水浸應將洩水之處挑濬設閘使一百五十頃俱可耕種試種一二年果否有益令該巡撫查明具題今一百五十頃內止種有五十頃稻田一年之內見經收穫二千五百餘石其餘田地並未曾全種遂稱不便安設官屯難以定議應行文該巡撫照原勘黑碩子等所奏將洩水之處挑濬設閘使一百五十頃水田盡令種稻驗明收穫多寡具題到日再議得旨此開墾田地著文與趙弘燮有情願耕種人民撥與耕種○陞正白旗滿洲副都統善丹為護軍統領○調正白旗蒙古副都統蘇克肫為滿洲副都統陞護軍參領寶色為正白旗蒙古副都統護軍參領宗室吳禮為鑲白旗蒙古副都統○丙戌陞原任護軍參領寧古禮為荊州副都統○戊子諭大學士九卿等曰前命張鵬翮察審江南虧空曾諭爾等查議已查明否爾等主意若何大學士等奏曰臣等尚未商酌未

有主見

上曰此項虧空據稱因公那用係何公事未經明晰張鵬翮奏曰大槩如賑濟年糴以及修塘等事

上曰朕總理幾務垂五十年事無大小凡臣下情隱無不灼知洞鑒朕屢次南巡地方官預備繕夫修理橋梁開濬河道想皆借用帑銀原冀陸續補足而三次南巡為期相隔不遠且值蠲免災荒所徵錢糧為數又少填補不及遂致虧空如此之多爾等皆知之而不敢言也張鵬翮奏曰

皇上屢次南巡必大沛恩膏於百姓所至之地小民無不懽欣鼓舞至於一切供億悉由內府儲備從無絲毫累及民間

實錄卷二百四十四

七

上曰即如繕夫一項需用既多伺候日久勢必給與口糧工價安得無費至於修造行宮必然亦借用帑銀前者朕巡視溜淮套工程至彼處見有舍宇三間此係取用何項張鵬翮奏曰係俸工銀兩所造

上曰雖云俸工銀兩所造然必先借用庫銀後方抵補爾等豈肯明言其故乎今合計江南虧空共有幾何張鵬翮奏曰約計共五十餘萬于准宜思恭應賠十六萬其餘將俸工抵補至康熙五十三年可補足矣

上曰三年之內地方官員或陞遷或調用或革退或亡故以前各官那用虧空而將後來者之俸扣補於理不順朕心實為

不忍至於胥吏賤役若不給與工食此輩何所資生必致累民今部中每遇一事輒議令地方官設法料理皆修飾美名實則加派於地方也張鵬翮奏曰

皇上聖明無微不照所以養育百姓者至深至渥

上曰朕非但為百姓亦為大小諸臣保全身家性命也朕南巡時聞龍潭地方建造行宮恐致累民曾諭總督阿山令其折毀至他處建造行宮朕皆未之知也總之此不欲累民之念可以自信亦可見信於天下後世朕歷年蠲免天下錢糧至數萬萬兩有餘今此項虧空若令補墊亦不為多然豈忍以此累地方乎至於查明款項亦非難事錢糧冊籍皆有可考

實錄卷二百四十四

八

地方官借因公那用之名盈千累百餽送於人若加嚴訊隱情無不畢露也朕意果從寬典不更深求今海宇昇平國用充足朕躬行節儉宮中用度甚為省約計明朝一日之用足供朕一月之需今即因數次巡幸用錢糧四五十萬亦不為過明後年天下錢糧以次盡行蠲免若留此虧空之項以為官民之累甚非朕寬仁愛養嘉與維新之至意爾等可公同詳議具奏

陞太常寺卿江球為宗人府府丞 己丑

上自暢春園回宮 陞福建按察使宋致為四川布政使司布政使

十一月辛卯朔兵科給事中高遐昌疏言凡遇蠲免錢糧之

年請將佃戶田租亦酌量蠲免著為例

上諭大學士等曰蠲免錢糧但及業主而佃戶不得沾恩伊等田租亦應稍寬但山東江南田畝多令佃戶耕種牛種皆出自業主若免租過多又虧業主必均平無偏乃為有益此本著交部議尋戶部議覆嗣後凡遇蠲免錢糧合計分數業主蠲免七分佃戶蠲免三分永著為例從之 癸巳冬至祀

天於

園丘

上親詣行禮遣官祭

永陵

實錄卷四百

九

福陵

昭陵

暫安奉殿

孝陵

仁孝皇后

孝昭皇后

孝懿皇后陵 停止次日朝賀

上幸暢春園詣

皇太后宮問安 甲午以戶部郎中查林布為山西布政使司布政使吏科給事中覺羅額倫布為陝西布政使司布政使

○乙未以科爾沁故和碩達爾漢親王額駙班第子羅卜藏滾布襲爵丙申

上諭大學士等曰朕觀滿洲蒙古人甚為淳朴易於恭養即如今歲遣大臣會盟蒙古竟無一事昔皆三年一會盟今五年始一會盟而尚無一事大學士等奏曰此皆

皇上聖德所感被也禮部尚書許汝霖以老乞休允之庚子大學士陳廷敬以老乞休溫旨慰諭命原官致仕○

上問大學士九卿等曰張鵬翮所審江南虧空一案爾等所議若何大學士等奏曰臣等議行文督撫徹底清查

實錄卷四百

十

上曰行查誠是但虧空之由皆因南巡費用所致若不聲明反屬不宜朕之巡幸原以為民無庸隱諱即用帑銀百萬亦所當然著將朕諭旨全行抄錄行該督撫令查南巡時所用數目但舉其大畧而已至於俸工扣補三年之內雖可全完然必至派累百姓斷不允行 陞光祿寺卿吳一蜚為太常寺卿○四川提督岳昇龍疏言臣遵旨率領官兵進剿生番於閏七月內擒獲賊首羅都等交撫臣年羹堯審擬其尾都月落口等處生番俱已投誠惟尾白宿等處生番倚恃險阻潛匿不出臣遍行搜探相機一併剿撫

上諭大學士等曰岳昇龍効力殊屬可嘉巡撫年羹堯係與提督岳昇龍同往勦撫之人乃畏避不行前往著明白回奏○

陞江西贛南道董永茂為福建按察使司按察使○辛丑戶部議覆奉差江南審事戶部尚書張鵬翮疏言江寧等府屬虧空銀兩已議扣康熙四十八年至康熙五十三年各屬俸工等銀抵補內有四萬七千五百餘兩原係有著之項蘇州知府陳鵬年署布政使時造入無著數內殊屬不合應將陳鵬年革任充發黑龍江但臣等見奉南巡時修理行宮預備絳夫或動用帑銀不准俸工抵補之旨應俟該督撫查明南巡時實在動用數目具題到日再議其議處陳鵬年之處亦俟題到日再議從之○癸卯轉兵部尚書王拱為禮部尚書陞左都御史徐元正為工部尚書內閣學士瓦爾喀為都察院左副都御史○戶部議覆奉差福建戶部左侍郎塔進泰等疏言泉州漳州二府被災奉旨截留江浙漕米三十萬石運往賑濟今二府屬於秋初得雨收成可望臣等酌議運至十五萬石足備賑濟之用其餘十五萬石漕米請令江浙督撫停止截留應如所請從之○甲辰諭大學士等倉務最要石文桂軟弱無能著授施世綸為倉場侍郎石文桂調補施世綸員缺為戶部右侍郎○乙巳

上往謁

暫安奉殿

孝陵命皇太子允初皇五子和碩恒親王允禔皇七子多羅淳

郡王允祐皇八子多羅貝勒允禔皇十五子允禩皇十六子允祿隨駕是日駐蹕南苑○以吏部尚書蕭永藻為文華殿大學士○丙午陞山西鴈平道楊宗義為安徽按察使司按察使○丁未

上駐蹕八里橋○陞內閣侍讀學士覺和托為內閣學士兼禮部侍郎○以鑲白旗漢軍都統公孫徵灝為兵部尚書○偏沅巡撫趙申喬以老乞休溫旨慰留之○戊申

上駐蹕夏店○己酉

上駐蹕白澗莊○庚戌

上駐蹕桃花寺○辛亥

上駐蹕淋河地方○陞前鋒統領鄂繕為鑲白旗漢軍都統○

壬子

上詣

暫安奉殿

孝陵行禮奠酒舉哀畢次至

仁孝皇后

孝昭皇后

孝懿皇后陵奠酒舉哀是日駐蹕南新峪○命和碩恒親王允

祺多羅淳郡王允祐至裕親王純親王墓奠酒○癸丑

上駐蹕遵化州○甲寅

上駐蹕三屯營○乙卯

上駐蹕韓家莊○陞漕運總督桑額為吏部尚書○丙辰

上駐蹕下青山營○丁巳

上駐蹕馬大口○以科爾沁故多羅郡王畢力克圖子諾門額

爾赫圖襲爵○戊午

上出喜峯口駐蹕龍顏門○己未

上駐蹕大吉昂阿地方○庚申

上駐蹕察罕和屯○喀喇沁鎮國公善巴喇錫等來朝

十二月辛酉朔

上駐蹕鄂倫蒿齊忒地方○以護軍統領伯唐保佳為左翼前

書

士

鋒統領○壬戌

上駐蹕西拉烏蘇地方○癸亥

上駐蹕特布克地方○甲子

上駐蹕鶯圖地方○乙丑

上駐蹕鄂倫特地方○丙寅

上駐蹕八溝地方○以科爾沁故多羅郡王代布子拉卜坦襲

爵○丁卯

上駐蹕七溝地方○戊辰

上駐蹕二溝地方○以內閣學士王思誠充經筵講官○免直

隸霸州大城天津等六州縣衛本年分旱災額賦有差○兵

部議覆海澄公黃應續疏言伊父黃芳泰以京口總兵官承

襲公爵已故二十餘年尚未營葬懇賜卹典應行文該督查

明題到再議

上諭大學士等曰平定三逆之事朕知之甚明黃應續之祖黃

梧

世祖章皇帝時曾遣人令伊投降因海寇鄭芝龍遺書阻之故

黃梧未降後鄭芝龍之子鄭成功寇鎮江瓜洲貝子羅託總

兵官梁化鳳內外夾攻大破之餘賊敗北投黃梧黃梧遂獻

海澄縣歸順因封為海澄公黃梧故後公爵與伊子黃芳度

承襲黃梧之弟有二子長子黃芳世次子黃芳泰黃芳世自

書

由

一等待衛授廣東總兵官耿精忠叛時黃芳度堅守漳州府舉

家被害黃芳泰逃至廣東請兵值尚之信叛黃芳泰同伊兄

黃芳世巡撫楊熙力戰而出黃芳泰等實心効力所立功績

部中亦有檔案不必行查即著該部查明議奏尋兵部議黃

芳度於逆賊耿精忠叛時舉家殉難黃芳泰突圍請援引兵

入閩恢復地方應將黃芳泰賜卹之處交禮部從之○己巳

上駐蹕葛過蘇台地方○免江南舒城縣本年分水災額賦有

差○庚午

上駐蹕熱河行宮○賜隨圍蒙古官兵銀兩布疋有差○壬申

上駐蹕喀喇和屯○癸酉

上駐蹕鞍子嶺 以吏部左侍郎赫壽為漕運總督 甲戌

上駐蹕兩間房 乙亥

上駐蹕遙亭 內大臣步軍統領費揚古奏故遣內大臣伯四

格侍衛十員送飯奠茶酒 丙子

上駐蹕密雲縣 丁丑

上駐蹕南石槽 順天府進春 以阿爾哈納故多羅貝勒齊

當萬舒克子索諾穆喇布坦襲爵 戊寅

上回駐蹕春園詰

皇太后宮問安 以禮部侍郎恩丕為

孝陵總管 湖廣永順宣慰司土司彭弘海以年老辭職命其

子彭肇槐襲替 己卯

上詣

皇太后自暢春園回宮 庚辰河道總督趙世顯摺奏御壩西

壩工程請修築加長繪圖進呈

上諭大學士等曰御壩西壩關係緊要甲子年朕南巡時清流

不暢黃水倒灌以致洪澤湖上流淤墊朕指修御壩西壩清

水遂暢然流出黃水不致倒灌淮黃文會之區始得安瀾但

其地甚卑濕彼時朕步行閱視十餘里泥濘沒膝指授方畧

總之治水如治天下得其道則治不可用巧妄行靳輔善於

治河惟用人力于成龍心計太過張鵬翮但遵舊守成而已

張鵬翮係漢人豈能乘騎在在馳驅料理惟於朕諭遵行不

違是以河工底績耳今御壩西壩加長工程俱如所請令及

時興工修築 辛巳諭吏部朕每因朝列舊臣漸次衰謝時

切軫懷特命內閣查順治年間進士罷職在籍者已無多人

其王士正江皋周敏政葉矯然徐淑嘉宋慶遠皆以公事坐

誤屏廢里居今年臻耄耋深可憫念著復還原職以示朕格外

加恩至意 陞右通政湯右曾為光祿寺卿 陞偏沅巡撫

趙申喬為都察院左都御史 予故原任護軍統領圖爾海

祭葬如例 乙酉

孝莊文皇后忌辰遣官祭

暫安奉殿 丙戌

上詣

皇太后宮問安 戊子歲暮禋祭

太廟遣都統崇古禮行禮 遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵遣官祭太歲之神己丑賜朝正外藩阿爾喀
鄂爾多斯教漢科爾沁毛明安土默特喀爾喀杜爾伯特阿
爾哈納烏朱穆泰札魯特郭爾羅斯萬齊武巴林王貝勒貝
子額駙公台吉及內大臣大學士侍衛等宴旌表八旗節
婦滿洲圖雅納妻郭氏等二百十三人蒙古設德妻噶氏等
三十八人漢軍吳洪圖妻劉氏等四十一人直隸各省節婦
萬璫妻邵氏等三十一人貞女馬氏等四人孝子魯子琳一
人各給銀建坊如例是歲入丁戶口二千三百三十一萬
二千二百三十六田地山蕩畦地六百六十三萬一千一百
三十二頃二十四畝有奇徵銀二千九百二十萬二千五百
四十二兩有奇米豆麥六百九十一萬二千二百五十四石
有奇草三百五十二萬一千二百四十七束茶十八萬二千
五百十七引行鹽四百九十一萬五千八百七十五引徵課
銀三百三十五萬一千三百四十八兩有奇鑄錢二萬九千
七百九十六萬三千四百有奇

實錄卷一百四

孝

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百四十四

實錄卷一百四

太

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十五

康熙五十年辛卯春正月庚寅朔

上詣

堂子行禮還宮拜神畢率諸王貝勒貝子公及內大臣大學士侍衛等詣

皇太后宮行禮御殿王以下文武各官外藩王及使臣上表朝賀停止筵宴○朝鮮國王李焞遣陪臣鄭載崙等表賀冬至

元旦

萬壽節及進歲貢禮物宴資如例○辛卯。

實錄卷二百四十五

上奉

皇太后幸暢春園○甲午孟春享

太廟遣領侍衛內大臣侯巴渾德行禮○遣官祭太歲之神○

丙申

世祖章皇帝忌辰遣官祭

孝陵○丁酉

上詣

皇太后宮問安○戊戌

上自暢春園回宮○庚子皇子允禧生○辛丑祈穀於

上帝

上親詣行禮○

上幸暢春園○癸卯

上詣

皇太后宮問安○以上元節賜外藩阿霸垓鄂爾多斯敦漢科

爾沁毛明安喀爾喀厄魯特杜爾伯特阿霸哈納烏朱穆泰

扎魯特郭爾羅斯巴林高齊感王貝勒貝子公台吉及內大

臣大學士侍衛等宴○甲辰上元節賜外藩王貝勒貝子公

台吉及內大臣大學士侍衛等宴○乙巳

上詣

皇太后宮問安○戊申先是

實錄卷二百四十五

上諭領侍衛內大臣公鄂倫岱曰延慶州地方藏匿盜賊逃人

甚多常行劫擄擾害居民莊頭未獲安處爾率前鋒參領豐

盛額護軍參領沈保前鋒護軍八十人聲言放鷹前往緝捕

刑部尚書齊世武帶賢能司官同往審理尋鄂倫岱等前往

獨石口外營盤口等處擒獲盜賊逃人李得功陳大等百餘

人交齊世武審理至是齊世武奏李得功等六人俱擬斬立

決逃人陳大等照例係旗人給還原主係民人發回原籍得

旨李得功方小嘴白達子黑子劉八短子劉四俱著即處斬

逃人陳大等依議此案內額楚係圈禁家中之人今逃遁村

莊夥同賊盜肆行不法情罪可惡著交與伊父英赫紫伊母

舅齊世武處死○已酉轉吏部右侍郎哈山為左侍郎調威京兵部侍郎傅紳為吏部右侍郎轉禮部右侍郎二鬲為左侍郎以鑲白旗滿洲副都統馮忠為禮部右侍郎○科爾沁台吉畢力克圖故賜銀五百兩○庚戌

上詣

皇太后宮問安○禮部議覆朝鮮國王李煒疏報伊國人李玩枝等越界殺人劫奪財物應將該犯嚴拏候審查朝鮮國王李煒將此事並未審明不便遽議應移咨朝鮮國王李煒令其審明具題到日再議得旨此事該將軍及地方官並未舉報這被殺者或係逃往彼處偷創人參之人不可與越界殺

實錄卷四十五

三

掠者比著將此處問明詳議具奏○陞偏沅衛永柳道王朝恩為偏沅按察使司按察使○陞鑲黃旗蒙古副都統覺羅阿臘納為鑲白旗護軍統領正紅旗滿洲副都統瑯圖為鑲藍旗護軍統領○陞陝西波羅營副將趙良佐為陝西興漢總兵官○辛亥理藩院題喀爾喀扎薩克多羅郡王額林陳故查康熙四十九年奉旨勒額林陳曾在昭莫多地方効力著晉封多羅郡王至襲封時仍著以多羅貝勒承襲今應令伊子垂扎木蘇承襲多羅貝勒從之○賜朝正外藩王貝勒貝子公台吉等銀幣鞍馬有差○以內閣學士潘宗洛為偏沅巡撫○陞右通政戴夢麟為太僕寺卿○壬子達賴喇

嘛拉藏汗遣使進貢賞賚如例○以故青海多羅貝勒額爾德尼那木扎爾子羅卜臧察罕襲爵○癸丑

上詣

皇太后宮問安

上巡視通州河隄命皇太子允初

皇四子和碩雍親王○皇五子和碩恒親王允祺皇八子多

羅貝勒允祺皇十四子固山貝子允禩皇十五子允禩皇十

六子允祿隨駕自暢春園啟行是日駐蹕鵞坊○陞內閣學

士色爾圖為盛京兵部侍郎通政使司左通政劉相為通政

使司通政使○以吏部右侍郎傅紳內閣學士覺和托俱充

實錄卷四十五

四

經筵講官○甲寅

上駐蹕瑚琳店○乙卯

上駐蹕王吳營○諭吏部兵部給事中王懿奏請禁止海洋商

賈不知海洋盜劫與內地江湖盜案無異該管地方文武官

能加意稽察盡力搜緝匪類自無所容豈可因海洋偶有失

事遂禁絕商賈貿易王懿所奏無益下所司知之○丙辰

上至苑家口登舟泊保定縣○丁巳

御舟泊趙北口○陞內閣侍讀學士傅音岱為內閣學士兼禮

部侍郎○戊午

御舟泊郭里口○陞詹事府少詹事胡作梅為內閣學士兼禮

部侍郎○二等阿思哈尼哈番沙津達賴因病解退以其弟圖古思襲替○已未以鑲藍旗護軍統領瑯圖為右翼前鋒統領

二月庚申朔

御舟泊段村○辛酉

御舟泊圍頭○調鑲黃旗蒙古都統班滴為正藍旗滿洲都統
陞鑲黃旗護軍統領善丹為蒙古都統正白旗滿洲副都統
蘇克肫為鑲黃旗護軍統領○壬戌春分朝

日於東郊遣都察院左都御史穆丹行禮○癸亥

御舟泊趙北口○遣官祭

先農之神○甲子

御舟泊范家口○免直隸慶雲縣康熙四十九年分水災額賦
有差○調正白旗滿洲副都統英赫紫為鑲白旗滿洲副都
統陞前鋒參領五兩為鑲黃旗蒙古副都統調正白旗蒙古
副都統寶色為滿洲副都統陞護軍參領赫連圖為正白旗
蒙古副都統調正黃旗蒙古副都統毛奇塔特為正紅旗滿
洲副都統陞護軍參領吳勒為正黃旗蒙古副都統○工部
議覆河道總督趙世顯疏言徐州洪福寺西及清河縣之天
妃壩兩處石工俱宜修砌以為永固之計應如所請從之○
乙丑

上登陸駐蹕西鎮率諸皇子及善射侍衛等射

上發五矢皆中的○丙寅

上駐蹕張家營○丁卯遣大學士蕭永藻祭

先師孔子○

上自和韶屯乘舟往閔匡兒港減水壩諭監修河工主事牛鈕
曰引河前崖應建一挑水壩減水壩之前亦建一挑水壩或
長三丈或長四丈其高應與舊挑水壩相等是日

上回駐和韶屯○戶部議覆四川陝西總督殷泰疏言打箭爐
土司及煖歹土千戶馬喇長官司等各願納馬輸糧請於康

熙五十年起徵從之○戶部議覆原任偏沅巡撫趙申喬疏

言鎮谿所苗民麻隆德等願歸版圖納糧請將此等苗民令
乾州同知管轄辰沅靖道統轄應如所請從之○陞正黃旗
滿洲副都統宗室扎爾圖為鑲藍旗護軍統領○戊辰祭

大社

大禮遣領侍衛內大臣公傅爾丹行禮○諭監修河工主事牛
鈕曰三里淺之二挑水壩偏在上流朕已釘椿於釘椿處再
添一挑水壩或長三丈或長四丈高與隄相等○

上自和韶屯乘舟閱河至河西務登岸諭監修河工主事牛鈕
曰挖河不礙村落方善若從此挖去恐於村落有礙因步行
二里許指示曰此沙地著挖河寬十丈長四百七十餘丈平

坦處深四五尺高阜處或七八九尺不等其河灣處著建二小挑水壩挖河之土即置兩邊對新河上曰舊河下流著建兩挑水壩一長二十丈一長十丈其高與岸相等於是取儀器插地上令將豹尾鎗縱橫豎立

上親視儀器定方向命諸皇子大臣等分釘椿木以紀丈量之處又於尾處立黃蓋以為標準取方儀盤置於膝上以尺度量用針畫記硃筆點之算畢令從尾處丈量至所插儀器處其丈尺與所算之數些微不爽因諭諸皇子大臣等曰用此可以測量天地推算日月交食至此等微事算之甚易因令大學士溫達等及直隸巡撫趙弘燮至前諭趙弘燮曰爾為

書錄彙編

七

巡撫丈量田地不可不知朕將大槩示爾知之於是量繩二丈以五尺各為一面按定四角指示曰辟如此一區四面各稱丈量之畝數俱與繩數相符但地有犬牙相入勢不能如此丈量者則丈量之人必任意折丈欺誑有破此弊之法惟從中橫量一繩而畝數即出彼技無所施矣丈量田地關係甚大天下隱匿田地亦不少但不可搜剔耳夫算法之理皆出自易經即西洋算法亦善原係中國算法彼稱為阿爾朱巴爾阿爾朱巴爾者傳自東方之謂也凡有推算七九之奇數不能盡悉十二二十四之偶數方能盡之此皆體象十二時二十四氣也復取矢畫地作數圈示諸皇子大臣曰此即

定位之理雖千萬品類不能出此今凡物若干幾人應得若干之數用此頃刻可得即推而至於聲音之高下亦可測而知也○

上駐蹕羊坊地方○禮部議覆朝鮮國人李玩枝等越界殺人刦奪財物一案臣等遵旨問朝鮮國使臣鄭載崙等據云不知被殺之人姓名來歷揆此其被殺者或係偷創人參之人或係無賴之徒逃往彼處俱未可定令其酌量議結得旨此案派部院賢能司官一員盛京司官一員著朝鮮國遣官一員在鳳凰城會同審明議奏○諭大學士等曰河務甚難朕昔因挖子牙河親身往視有大城武清縣民跪於兩岸互相

書錄彙編

八

爭訴朕慰之曰爾等勿得爭競朕自有處置之法因一一指授監修官員而回後河工告成於兩處百姓俱有裨益前張鵬翮任總河時來陛見朕訓之曰爾於河工不可任意從事但守成規遵奉朕訓而行及修御壩之時朕親身指授釘椿張鵬翮遵朕指授修建自此壩告成清黃二水始會流入海矣黃河水性善於更移朕幸寧夏時由黃河行二十一日至湖灘河朔因邊外無修治之人故黃河處處更移視水性每向南流北岸尚可南岸多被衝決古時黃水由天津碣石而流此言載在書經禹貢後又移流在德州自後漸移於南方矣治河固宜順水性亦在隨宜調度今使諸水入大海者豈

盡隨水性哉○己巳

上駐蹕紹歌莊○庚午

孝康章皇后忌辰遣官祭

孝陵○

上駐蹕南苑○吏部右侍郎仇兆鰲以病乞休允之○壬申

上回駐暢春園詣

皇太后宮問安○遣官祭

歷代帝王○乙亥○以內閣學士噶敏圖李仲極彭始搏俱充

經筵講官○調正紅旗蒙古副都統鄂代為正黃旗滿洲副

都統○陞護軍叅領吳法為正紅旗蒙古副都統○丁丑○清明

節○遣官祭

永陵○

福陵○

昭陵○

暫安奉殿

孝陵

仁孝皇后

孝昭皇后

孝懿皇后陵○陞翰林院掌院學士陳元龍為吏部右侍郎○仍

管翰林院事○陞福州協領周良相為京口左翼副都統○西

安協領劉起芳為京口右翼副都統○江寧協領戴色為杭州

左翼副都統○以戶部右侍郎石文桂為正白旗漢軍副都

統○戊寅○兵部議覆管理奉天將軍事務都統嵩祝疏言奉

天所屬錦州鐵山離山東所屬隍城島只半日程途嗣後請

令山東之防海水師官兵巡哨至錦州鐵山又請揀選盛京

滿洲兵一千教習鳥鎗為火器營俱應如所請從之○庚辰

上自暢春園回宮○陞宗人府理事官韋圖布為陝西布政使

司布政使○辛巳

上御經筵諭大學士等曰從來經筵之設皆帝王留心學問勤

求治理之意但當期有實益不可止飾虛文朕觀前代講筵

人主惟端拱而聽默無一言如此則雖人主不諳文義臣下

亦無由而知之若明萬曆天啟之時何嘗不舉行經筵特存

其名耳何裨實用朕御極五十年聽政之暇勤覽書籍凡四

書五經通鑑性理等書俱經研究每儒臣逐日進講朕輒先

為講解一過遇有一句可疑一字未協之處亦即與諸臣反

覆討論期於義理貫通而後已蓋經筵本係大典舉行之時

不可以具文視也

上親講四書忠恕違道不遠一節易經九五飛龍在天一節講

畢賜大學士九卿詹事及講官等宴○

上幸暢春園○癸未○刑部左侍郎魏齊以老病乞休允之○甲

申爭故都統和碩額駙諾穆圖祭葬謚愍傷○喀爾喀土謝圖汗多爾濟厄爾德尼阿海故遣官致祭○乙酉

孝昭皇后忌辰遣官祭

陵○陞太常寺卿吳一蜚為戶部右侍郎○丙戌

上詣

皇太后宮問安 禮部議覆陝西道御史楊篤生疏言教官之老少優劣惟學臣知之甚明嗣後直隸各省教官如係學道所屬令布政使按察使會同學道考核開送督撫具題如係學院所屬布政使按察使開送督撫學院會同考核具題應如所請從之○戊子贈故原任一等海澄公黃芳奏太子少

保孚祭葬如例○已丑

上詣

皇太后宮問安○

上自暢春園回宮○以喀爾喀故扎薩克鎮國公吳巴達子巴

穆襲爵

三月庚寅朔諭大學士等曰內閣繕譯通本事甚緊要如一二語不符漢文則於事之輕重大有關係內閣侍讀學士及侍讀官員俱係按俸補授之人恐所繕本章不甚妥當在內廷行走之和素徐元夢雖係革職之員見今學繕譯者無能過之將和素徐元夢補授額外侍讀學士繕改本章○諭大

學士等曰督撫大吏辦事當於大者體察不可刻意苛求寬則得衆信則民任焉治天下之道以寬為本若吹毛求疵天下人安得全無過失者趙中喬任浙江巡撫時民多怨之後任湖南巡撫大小官員無不被參豈一省之內無一好官耶總之為大臣者不可輕率參人明時臣工不能秉公顛倒是非挾讐彈劾此風不可不戒夫官之清廉只可論其大者今張鵬翮居官甚清在山東兗州為官時亦曾受人規例張伯行居官亦清但其刻書甚多刻一部書非千金不得此皆從何處來者此等處亦不必究兩淮鹽差官員送人禮物朕非不知亦不追求蓋惟愚民為不可欺居官之善與不善到任

實錄卷五十五

十一

不過數月人即知之故曰天視自我民視天聽自我民聽民意即天意也又諭曰漢人雖有師生之名仍好互相結仇若平日稍有不合必尋求其過失陷之如或不能即作為文章極論其非以抒其憤而後快此漢人陋習至今尚未改也上幸暢春園諸王貝勒貝子公大學士九卿文武大小官員及生監百姓等奏稱

聖德茂膺景運敷天慶際昌辰懇請誕受鴻稱用光盛典允愜輿情事伏念皇上勵精圖治宵衣旰食之勤勞雖在廷諸臣日侍左右而至德之淵微未能窺測惟是揆文奮武手定太平以守成而兼

開創之勲則凡中外臣民無不共覩。今綜考輿圖所載東至朝鮮琉球暹羅南至於交趾西至於青海烏思藏諸域北至於喀爾喀厄魯特鄂羅斯諸部以及哈密番彝之族使鹿使犬之區皆歲時朝貢輸誠恐後聲教之遠孰有媲隆於今日者此惟我

皇上以至仁為心以如天好生為德自察哈爾之剪滅三逆之削平所誅止屬元惡而脅從盡皆寬釋臺灣既克不罪其負固之久而仍酌予以祿位喀爾喀與厄魯特修好構兵喀爾喀舉國內附則受而恩撫爵賞之厄魯特逆天抗命則三出塞以親討之而且殲除至少生全至多則知五十年以來數

天率土所以優游樂育獲享昇平之福者無非至仁好生之念所涵濡而長養者也至於盛德在躬無善不備尤有未易悉數者一歲再郊必親對越四時享廟務竭精誠祀事之嚴茲數十年如一日也繼志述事以揚祖烈承歡侍養以奉

慈闈孝思之篤摯數十年如一日也篤念本支則紹封不循年歲遴選宗彥則擢任惟視才賢弘睦族之仁休戚均為一體渥展親之誼賚予出自殊恩以隆天宗以蕃王室德澤蓋未有艾也立政則凡諸司所掌歲稽月考燦然綱舉而目張用

人則自一命而上詢事考言靡不因材而器使至慎重者民命酌獄情輕重之等而時予矜全至軫念者農桑度土壤生殖之宜而教民儲蓄又以水利切於民生河道關乎國計躬臨相度指示修防在北則桑乾滹沱漳滏諸水治而沮洳悉成沃壤在南則長淮大河諸水治而漕輓永獲安瀾此自昔所未有也水旱災傷天行偶沴而蠲除賑糶特旨屢頒統計積累賜租之數已踰萬萬而三年通免一周之令復渙德音此自昔所未有也優恤禁旅之勞時沛非常之澤設官庫以濟緩急資帑金以清宿逋而且導之以資生訓之以節用此自昔所未有也追眷世勲則延懋賞以及於累葉特編史傳

則錄副本以賜其後人朝列舊臣務全終始行間宿將倍錫恩榮此自昔所未有也若夫禮闈盛德事異恒常如尊崇先聖則親詣闕里九拜致虔而宸章御藻光昭雲漢弘開經學之精微褒錄諸賢之遺裔此皆前史所未見也駕臨浙省則拜祀禹陵及幸秦中則命書御名致祭周文武陵寢而南巡江寧於明洪武陵復屢經拜辭優禮勝國之君用盡執謙之節此又前史所未見也惟我皇上銘經籍史酌古準今故凡所措施悉高出於前代帝王之上而

聖心典學勤政寒暑靡依無一日不延見廷臣無一日不親裁

庶務。且睿慮愈益清明。綜理愈益精密。事歷久而不忘。人經見而即識。因而躬居九重之內。明照萬里之外。四方土風民俗。無不周知。一切操縱弛張。無不悉當。自經筵日講。以及策士掄才之典。皆務歸實用。自天文地輿。以及律歷度數之法。皆務窮實理。總之事無鉅細。期於盡善。功無難易。期於力行。以天縱之聖德。兼天授之精神。因以自強不息之乾行。建久道化成之大業。信乎巍巍蕩蕩。蔑以加矣。茲五十年春。恭遇萬壽聖節。臣等僉謂

皇上之峻德弘功。實與帝堯比隆。敢舉聖神文武大德廣運二語恭上

尊稱。以竊比於堯臣頌君之義。得旨朕自幼讀書。歷觀經史。持身務以誠敬為本。治天下務以寬仁為尚。此心此念。恪守五十年夙夜無間。即纖悉細務。不敢稍有怠忽。嘗觀古昔帝王君臨天下之久。能持終者蓋鮮。朕今春秋漸高。血氣漸衰。而朝乾夕惕。實與日加增。正當恪慎保終。孜孜為萬姓圖治安之時也。蓋朕之御極年久。皆

祖宗厚德景福。積累留貽之所致。至於請上尊號。特虛文耳。於朕躬毫無裨益。史書所載。加上尊號等事。徒為先儒所譏。有何善處。而欲行之。這所奏知道了。○壬辰。諭兵部曰。朕於水陸兵丁。調用年久。深悉其情事。船出海洋。必俟風候。若不察

風候而強行之。必致兵船損壞。官兵係朕歷年養育之人。遇賊自應効死。如無賊而徒以巡哨受傷。實屬可惜。凡提鎮等官。當於此留意。務加謹慎。○癸巳。陞光祿寺卿湯右曾為太常寺卿。甲午。諸王貝勒貝子公大臣官員等。復繕本題請上

尊號。得旨朕前已有諭旨。不必再請。此本著發還。○乙未。轉刑部右侍郎牛祐。納為左侍郎。以一等侍衛覺羅法喇。為刑部右侍郎。○以雲南開化總兵官黃秉鉞。為正黃旗漢軍副都統。○丙申。刑部等衙門奏。江南江西總督噶禮疏。報緝獲海賊余國樑。係鄭盡心之黨。請發往廣東。令其指拏逸賊八十

三等。福建浙江總督范時崇疏。報緝獲海賊鄭盡心。請解京質審。俱應如所請。得旨此二本俱收貯。令刑部派出司官二員。一帶余國樑至廣東。令其指拏逸賊八十三等。一令至福建。將鄭盡心解京。若於途中遇見。即令解來。○丁酉。陞內閣侍讀學士巴顏柱為內閣學士兼禮部侍郎。○戊戌。陞兵部郎中薩睦哈為陝西按察使。司按察使。○庚子。諸王貝勒貝子公大臣官員等奏。稱今當五十年昇平之會。中外臣民。喁喁引領。懇祈

誕受尊號。以慰輿情。我

皇上德威不居。屢詔未允。臣等未敢更請。茲者恭遇

萬壽聖誕。乃敷天率土。衢歌封祝之辰。

皇上臨御正朝。鵷班虎拜。並非虛飾繁文可比。仰祈

皇上御殿受朝賀。以愜中外諸臣及士子兵民人等之望。得旨。朕於壽日停止朝賀。已二十餘年。茲諸王羣臣以今歲當五

十年昇平之會。特請御殿行禮。以愜中外官員士子及兵民人等仰望之心。公疏陳奏。詞意誠懇。朕勉順羣情。如所請行。

○壬寅。陞兵部右侍郎殷特布為都察院左都御史。○甲辰。

上詣

皇太后宮問安。○丙午。

上奉

皇太后自暢春園回宮。○丁未。

萬壽節。

上率諸王貝勒貝子公內大臣大學士侍衛等詣

皇太后宮行禮。御殿王以下文武各官上表慶賀。停止筵宴。

遣官祭

福陵。

昭陵。

暫安奉殿

孝陵。

仁孝皇后。

孝昭皇后。

孝懿皇后陵。遣官祭直武東嶽城隍之神。○先是。

上以喀喇沁地方盜賊逃人甚多。命近御侍衛關保署理藩院侍郎事務。已錄率八旗前鋒參領八員前鋒八十名。聲言放鷹前往緝捕。至是關保等覆奏於喀喇沁地方緝獲盜賊逃人共五百六十餘人。

命將盜首二人正法。餘令各歸原籍。○辛亥。

上奉

皇太后幸暢春園。○甲寅。旌表直隸烈婦周氏。拒姦殞命。給銀建坊如例。○乙卯。偏沅巡撫潘宗洛陛辭。請訓旨。

上諭之曰。凡為督撫者。操守甚為緊要。爾宜潔已為下屬表率。

今天下太平無事。以不生事為貴。興一利即生一弊。古人云。

多事不如少事。職此意也。馭下宜寬。寬則得衆。為大吏者若

偏執已見。過於苛求。則下屬何以克當。至於紅苗處在荒隅。

不得與內地百姓同視。宜善為撫綏。朕觀爾等漢官一遇難

事。便欲告退。夫設官分職。原欲令其寧謐地方。撫養百姓。既

為封疆大臣。凡事一已擔當。勉効力。一遇難事。即圖脫

卸可乎。○陞內閣侍讀學士薩爾臺為內閣學士兼禮部侍

郎。○工部尚書徐元正以父年老乞請終養。允之。○丙辰。

上詣

皇太后宮問安○兵部議覆江南江西總督噶禮疏言每年派遣官兵駐扎馬跡山等處巡邏海洋賊盜其浙江大衢山等處亦應每年派遣官兵駐扎巡邏令江浙官兵每月約定期日在盡山花鳥山會巡應如所請得旨前番捕獲洋盜皆係住居內地之人並非盤踞島嶼者其盡山花鳥山等處原無海港可以泊船今欲遣官兵駐扎巡邏一年一更大洋之中徒勞兵力且恐致有傷損該地方文武官員惟嚴查內地奸民使不得出洋行劫則民生自然安輯這所奏無益○衍聖公孔毓圻進呈幸魯盛典報聞○丁巳鑲紅旗漢軍都統李林威以老乞休慰留之○陞大理寺少卿王企靖為光祿寺卿

實錄卷五十五

十九

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十五

實錄卷五十五

二十

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十六

康熙五十年辛卯夏四月己未朔享

太廟遣領侍衛內大臣公阿靈阿行禮○庚申

上詣

皇太后宮問安○諭大學士等朕綜理政事以人命為重務必再三斟酌除情實死罪外其餘皆酌量寬宥如偷盜人參等案為從者俱照例完結其為首之人擬絞罪在獄者甚多此等人到秋審時亦宜赦之時值立夏天氣漸熱監禁人犯易於染病致斃甚為可憫著交與刑部酌量減等議奏○陞湖

實錄卷二百四十六

一

一

廣巡撫陳詵為工部尚書○轉吏部右侍郎陳元龍為左侍郎調戶部右侍郎吳一鰲為吏部右侍郎轉兵部右侍郎滿篤為左侍郎調戶部右侍郎鄂奇為兵部右侍郎陞內閣學士噶敏圖為戶部右侍郎辛酉科爾沁和碩土謝圖親王阿拉善色林固山貝子厄爾德尼故各遣官致祭壬戌

上詣

皇太后宮問安○

上自暢春園回宮 癸亥

上御太和殿視朝文武陞轉各官謝恩○諭大學士等曰李光地病尚未平復大抵皆濕熱所成服溫補之藥所致朕從前

歲病後乃知溫補之藥大非平人所宜醫必深明乎此然後可無錯誤不然徒增益其疾耳○又諭張玉書曰朕所纂輯朱子書見在李光地處校勘彼既有疾汝可閱之此是極切實緊要之書須隨得隨刻亟令告成○

上幸暢春園○調浙江黃巖總兵官王文煜為雲南開化總兵

官陞江南鎮海將軍中軍副將李近為浙江黃巖總兵官○甲子四川提督岳昇龍疏報臣率官兵征勦瓦尾白宿等處生番斬殺七十餘人擒獲男婦子女一百四十餘名諸蠻情願投降下部知之○乙丑陞內閣學士李仲樞為戶部右侍郎○丁卯三等鎮國將軍蘇爾臣以病解退命其子佛爾奇

實錄卷二百四十六

一

襲替○戊辰增直隸各省鄉試中額順天生員十八名南北監生十三名滿洲蒙古四名漢軍二名江南浙江湖廣各十六名福建十四名江西十五名山東河南各十二名山西陝西各十名廣東四川各十一名廣西八名雲南九名貴州六名著為令○庚午

上詣

皇太后宮問安○以翰林院檢討史貽直為雲南鄉試正考官

戶部主事黃叔琬為副考官編修宋至為貴州鄉試正考官工部員外郎莫象年為副考官○陞內閣侍讀學士宗紳保為內閣學士兼禮部侍郎○以內閣學士胡作梅詹事府少

詹事史夢俱充經筵講官○甲戌領侍衛內大臣侯巴澤德等題臣等察審喀喇沁塔布囊丹巴等控告額駙噶爾臧於公主喪事之時霸佔索諾穆之妻等款俱係情實與所告相符查噶爾臧以行事妄亂前已革退王爵今應將和碩額駙職銜革去即行處斬在喀喇沁地方拿獲逃盜趙四等俱擬立斬助噶爾臧為惡之鄂托齊等擬絞監候秋後處決得旨噶爾臧著從寬免死監禁在京交與步軍統領託合齊派所屬官兵看守飲食許其送進伊子及伊屬下人有看視者不必禁止但不許閒雜人擅行出入趙四馬禮三李二丁破鼻子俱著立斬鄂托齊丹巴吳勒穆濟俱照擬應絞監候秋後

實錄卷五十七

主

處決○諭大學士等朱子全書凡天文地理樂律歷數俱非泛論皆能確見其所以然之故朕常細加尋繹欲求毫釐之差亦不可得即如徑一圓三崎零之數講論已自通徹尚有留待後人參考之語其虛心不自是如此黃鍾之管朕曾試過葭管飛灰未經候驗但南北地形高下不同一時難於定準今如暢春園距京城觀星臺地形便微有不同至於各省或同此一時未必同此一刻矣以原任湖廣巡撫劉殿衡為湖廣巡撫○乙亥

孝端文皇后忌辰遣官祭

昭陵○贈征勦四川番人陣亡叅將周玉麟副將職銜廕子弟

一人以守備用給卹銀四百兩○丁丑諭大學士等曰去歲冬雪應時入春以來雨澤霑足無風朕即向眾諭云文夏必旱秋月轉恐雨水過多今觀天時果旱雲氣方起即繼以風自古人事有必于天和或政事未盡合宜或用人未能允當大小官員有暗結黨援以及殘忍之人尚居職位園囿中或有無辜凡若此等不能保其必無爾內閣會同九卿科道一一詳問具奏以緣罪革退喀喇沁多羅杜楞郡王噶爾臧弟塞稜襲爵○戊寅吏部議覆四川巡撫年羹堯奏旨勦撫番人並未前往今回奏疏稱因提臣岳昇龍將生番之首惡羅都等三人已經拿獲臣故中道回署自行認罪應將年

實錄卷五十七

四

羹堯照規避例革職得旨年羹堯著革職從寬留任○己卯上詣

皇太后宮問安○陞都察院左僉都御史鄒士璵為內閣學士兼禮部侍郎○陞鑲黃旗蒙古副都統五福為本旗護軍統領○庚辰

上奉

皇太后避暑塞外命皇太子允初皇五子和碩恒親王允禩皇七子多羅淳郡王允祐皇八子多羅貝勒允禩皇十二子固山貝子允禩皇十四子固山貝子允禩皇十五子允禩皇十六子允祿皇十七子允禮隨駕自暢春園啟行是日駐蹕南

石槽○大學士九卿科道等覆奏臣等恭繹聖諭不勝悚惶

皇上行政無關用人悉當天下臣民罔不共知至於臣子結黨乃王法所不容一有敗露即祈立正刑章殘忍之人存心陰刻讒毀媚嫉設有其人亦即祈嚴加處分今天時稍旱皆臣等奉職無狀致干天和並祈即賜罷斥至刑獄之中蒙聖恩寬釋見在重犯僅二百人其有疾病者又命法司盡心料理哀矜無所不至

聖心好生行見上格天心膏雨立沛伏望紓釋天懷毋過焦勞以慰臣民之望報聞○以戶部郎中李其昌為

實錄卷二百四十六

年

雲南按察使司僉事提調學政○壬午

上駐蹕密雲縣○癸未

上駐蹕遙亭○乙酉陞多羅敦郡王王府長史額爾錦為鑲黃

旗蒙古副都統多羅淳郡王王府長史睦森為正白旗蒙古

副都統○丙戌

上駐蹕兩間房○丁亥

上駐蹕鞍子嶺○戊子

上駐蹕喀喇和屯○以翰林院侍讀潘從律提督陝西學政

五月己丑朔

上駐蹕熱河行宮○庚寅戶部議覆戶科給事中冷宗旦疏言

黔省地方荒僻公事無多官役俸工遇有公捐者應年終據實題明以杜中飽之弊又蜀省州縣一切供應皆取給於里民請嚴行禁革應如所請從之○辛卯

仁孝皇后忌辰遣官祭

陵○壬辰工部議覆河道總督趙世顯疏言高家堰臨湖柴工年久朽腐宜補築于隈以資捍禦應如所請從之○癸巳吏部議覆甘肅巡撫樂拜疏言狄道縣知縣汪鈞控告原任巡撫今陞兵部右侍郎鄂奇及臨洮道衛瑛等受伊節禮款項甚多請解任確審應將鄂奇等暫令解任發往陝西質審上曰鄂奇原係一無定之人因總督殷泰薦舉朕試行擢用自

實錄卷二百四十六

年

任巡撫以來所奏之事俱不可信鄂奇著革職鎖拿遣司官一員解送陝西該督嚴行質審定擬具奏恐殷泰為己所薦之人瞻徇庇護亦未可定將朕旨明白發去令其從公審理○諭大學士等曰天上度數俱與地之寬大相合以周時之尺算之天上一度即有地下二百五十里以今時之尺算之天上一度即有地下二百里自古以來繪輿圖者俱不依照天上之度數以推算地理之遠近致差誤者多朕前特差能算善畫之人將東北一帶山川地里俱照天上度數推算詳加繪圖視之混同江自長白山後流出由船廠打牲烏喇向東北流會於黑龍江入海此皆係中國地方鴨綠江自長白

山東南流出向西南而往。由鳳凰城朝鮮國義州南間流入於海。鴨綠江之西北係中國地方。江之東南係朝鮮地方。以江為界。土門江自長白山東邊流出向東南流入於海。土門江西南係朝鮮地方。江之東北係中國地方。亦以江為界。此處俱已明白。但鴨綠江土門江二江之間地方知之不明。前遣部員二人往鳳凰城會審朝鮮人李玩枝事。又派出打牲烏喇總管穆克登同往。伊等請訓旨時。朕曾密諭云爾等此去并可查看地方。同朝鮮官沿江而上。如中國所屬地方可行。即同朝鮮官在中國所屬地方行。或中國所屬地方有阻隔不通處。爾等俱在朝鮮所屬地方行。乘此便至極盡處詳

實錄卷五

十

加閱視。務將邊界查明。奏。想伊等已由彼起程前往矣。此番地方情形。庶得明白。諭大學士等曰。朕已發諭旨至京師。令自本月初六日起。三日不宰牲。虔誠祈雨。此處俱係一體。即自初六日至初八日。不宰牲。相應嚴禁。扈從人員及村落居民。并著於各廟誦經。合意虔誠祈禱。朕三日茹素。傳諭膳房知之。打鹿放鷹俱行禁止。乙未夏至祭地於

方澤。遣領侍衛內大臣公傅爾丹行禮。諭大學士等曰。傳諭禮部。自本月十一日至十三日。祈雨三日。禮部大臣不虔誠。亦未可定。尚書貝和諾係懶惰懈弛之人。令戶部尚書穆和

倫代伊祈禱。○陞廣東肇慶副將何國雲為廣東瓊州總兵官。喀喇沁多羅杜楞郡王塞稜來朝。○丙申。諭大學士等曰。將朕手書諭旨。發往京城。令會集大學士九卿詹事科道官詳晰傳諭。伊等有應陳奏之事。各自親書奏摺。即當九卿前。交明具奏。朕自京師抱恙而出。今尚需人扶掖而行。又兼天時亢旱。晝夜焦勞。以致不安寢食。自古君臣之義甚重。必下一德相成。然後能感

實錄卷五

十

上天之心。召致和氣。不在徒飾虛文。務空名以從事也。今當此亢旱之際。我君臣應夙夜靡寧。以為萬民籌畫生計。大抵諸臣內實心以國家為念者固自不少。而秉性奸惡。亦不可謂無人。惟爾諸臣。宜仰體朕懷。自存憂惕。為羣黎竭誠祈禱。庶幾甘霖可冀。早沛也。○丁酉。諭大學士等曰。朕觀比來亢旱漸甚。雖朕躬尚未大安。猶可勉強起行。正值亢旱之際。處此清涼之地。於心不安。朕欲急速回京。著在京諸臣速議具奏。○扈從大學士等摺奏。竊念水旱靡常。事所時有。自四月微早以來。

皇上即降諭旨。清察刑獄。減免罪人。又訓飭大小臣僚。竭誠齋戒。祈禱雨澤。出京以後。猶復傳諭再三。皇上夙夜焦勞。無一時一事不以羣生為念。在京在外。無異視也。今

聖躬方覺少安。寢食尚須調攝。冒此酷暑。遠行數百里。所關甚重。斷斷不可。臣等激切懇求。請留。

聖駕奏入。留中。戊戌。在京文武大臣摺奏。

皇上以雨澤少有愆期。為生民念切。不忍住清涼之地。急欲回京。如此焦勞誠敬。自然上格。

天心甘霖大沛。值此溽暑之際。

聖躬勞於道路。所關甚重。臣等懇祈少寬。

睿慮。顯養。

聖躬仍留熱河。以慰天下臣民之望。奏入。留中。喀爾喀和碩額駙敦多卜多爾濟翁牛特多羅貝勒額爾德布鄂齊爾來。

實錄卷四

七

朔。己亥。戌刻雨。至丑刻止。庚子。酉刻雨。至丑刻止。辛

丑。遣官祭。

闕聖帝君。在京大學士等奏報得雨日期。

上將前留中二摺。硃批發出。曰。雨澤既報霑足。這所奏知道了。

○阿霸垓多羅郡王吳爾占噶喇卜等來朝。○陞內閣學士

覺和托為兵部右侍郎。○以故一等伯阿席坦姪英德襲爵。

○以故一等阿思哈尼哈番劉應柱子劉奇襲爵。○等故致

仕內閣學士兼禮部侍郎徐秉義祭一次。○甲辰。午。故吏部

左侍郎曹鑑倫祭葬如例。○乙巳。吏部題三等精奇尼哈番

孫蘭故。其世職例應承襲。查孫蘭恩詔內。所得兩拖沙喇哈

番削去。餘一等阿思哈尼哈番。請以其子兵部員外郎孫惟善襲職。從之。○工部議覆河道總督趙世顯疏言。寶應縣七里閘至柳園頭隄工。宜加修理。以固河防。應如所請。從之。○丙午。大學士張玉書故。

上命大學士溫達會同翰林部院官員內務府總管往帛料理。照漢禮衣殮。賜銀一千兩。○丁未。諭大學士等曰。朕自幼讀書。見大臣多不能保其初終。故立志待大臣如手足。不論滿漢蒙古。非大奸大惡。法不可容者。皆務保全之。五十年來。如大學士蔣赫德。衛周祥。李蔚。杜立德。馮溥。黃機。吳正治。王熙。李之芳。宋德宜。梁清標。李天馥。張英。熊賜履。吳興。陳廷敬。皆

實錄卷四

十

以年老告辭。林下怡養。保全名節。朕亦未嘗少忘。常使人存問。始終如此。凡在朝諸臣。朕待之甚厚。伊等亦矢忠盡力。歷數十年之久。與朕同鬚髮。皤然矣。朕念宿學老臣。辭世者。辭世告退者。告退。每每傷心痛哭。今又有大學士張玉書之事。朕悲悼不已。故援筆作輓詩一首。令爾等知之。○以翰林院編修俞長策為四川鄉試正考官。大理寺寺丞嚴虞惲為副考官。吏部郎中張為經為廣東鄉試正考官。內閣中書金璣為副考官。檢討劉師恕為廣西鄉試正考官。內閣中書阮應商為副考官。檢討介孝璠為福建鄉試正考官。工部主事劉儼為副考官。○己酉。刑部等衙門題福建海賊鄭盡心。浙江

海賊蔡元良。山東海賊張景龍等俱擬即行正法。奉旨此案正法人犯五十餘名人數甚多。朕心殊屬不忍。鄭盡心並未與官兵抗拒。不過迫於飢寒搶奪財物。聞鄭盡心等漢仗俱好。且俱係熟諳水性之人。今將伊等從寬免死。或歸併旗下。或發往盛京烏喇等處為水手當差。著問九卿詹事科道以聞。尋九卿等議奏。鄭盡心等應免死。發黑龍江寧古塔等處充水手當差。得旨依議。著問鄭盡心伊等人內有能遠視善水善舞藤牌挑刀者。爾等揀選四五人。遣一司官送至熱河。諭大學士等曰。朕總理幾務年久。閱本甚速。凡一應奏摺及綠頭牌頃刻即能遍閱。前尚書穆和倫數次奏事。意朕未

實錄卷一百一十五

二

加詳閱。復行奏請。朕將事內緣由指明。穆和倫乃默然無語而退。且朕閱事不止於速。凡一經目者。斷不遺忘。一應奏章及彙題案件皆無不詳閱。有差訛字句。朕必以硃筆更改。發出。諭戶部。江蘇巡撫張伯行奏。江蘇等府州縣無著錢糧十萬八千兩有奇。此項錢糧朕知之甚悉。係地方官因公動用。未敢申明之項。若著落後任官員賠補。必致科派擾害百姓。朕殊不忍。著將此項錢糧免其賠補。以示朕軫恤官民至意。諭大學士等曰。聞福建百姓聚集數千在泉州所屬地方搶奪食物奔入山中。提督藍理三路率兵進剿。一路兵少為折挫。如果有所獲。藍理必早已題報矣。此事督撫提督等

俱未奏聞。將軍祖良璧雖大畧奏聞。亦不明白。朕乃得之傳聞者。其賊盜各處所貼揭帖。朕亦得之。揭帖內稱皇上以我等閩省老幼如同赤子。恩養屢次蠲免錢糧。又截漕由海運而至。欲令賑濟乏食之民。閩省老幼子女無不感激歡躍。但地方官負皇上之恩。不曾施及百姓。故我等窮民窘於衣食不得已而為此。若各處富戶不將屯積米石糶賣我等。必搶奪等語。去年朕一聞福建饑荒。即命截漕三十萬石賑濟。差去大臣及地方官以三十萬石太多。十五萬石即足。因止存留十五萬石。想此米俱散給兵丁。未必散給百姓。所以無甚裨益。若果截留三十萬石米運去。民食充足。於地方必大有

實錄卷一百一十五

三

裨益也。伊等原非賊盜。因年歲歉收。乏食不得已行之耳。若即出官兵征剿。未免又生一事。朕意遣部院大臣侍衛往行招安即可平服。如此則人民不傷。亦不致有害地方。著問九卿詹事科道具奏。又諭曰。藍理人材壯健。梁萬奏稱地方扣兵丁錢糧。故地方官兵俱怨。即伊同鄉人無有不言其貪者。前任總督梁萬來京。朕言藍理人材壯健。梁萬奏稱地方大吏必實心効力。為國愛民。方於事有益。藍理人材雖壯健。然負皇上推用之恩。剋扣兵丁錢糧。有害地方。扼腕陳奏。在朕前幾致失儀。由此觀之。藍理居官貪劣已極。藍理為遊擊時。因剋扣兵丁錢糧。曾拿問革職。因伊在朕前數次跪請進

勦臺灣海賊贖罪。始發往効力。後累加擢用。授為福建提督。伊當思朕洪恩。改悔前非。乃仍然不改。以致人人含怨。可見貪婪成性之人。冀其改移。誠難事也。庚戌。諭大學士等曰。比來天時又覺稍旱。可傳諭在京大臣。自二十四日起。禁止宰牲。照前虔誠祈雨。此處著一體行。授和碩簡親王雅爾江阿。為郡主。塔碩詹為和碩額駙。添貴州黎平府屬西山汛守備一員。千總一員。把總二員。兵丁三百名。從貴州巡撫劉蔭樞請也。○辛亥。陞內閣侍讀學士芭格為內閣學士兼禮部侍郎。○壬子。辰刻雨。至酉刻止。○癸丑。酉刻雨。至亥刻止。○喀喇沁鎮國公善巴喇錫來朝。○辛故正白旗蒙古

實錄卷二百四十六

主

副都統白起鑲黃旗護軍統領覺羅噶珥圖。各祭葬如例。○工部議覆河道總督趙世顯疏。言桃源縣九里岡。宿遷縣朱家莊邳州董家掌各處險工。俱須築壩。以為永固之計。應如所請。從之。○丙辰。吏部以大學士張玉書員缺。題請補授。得旨。張玉書病故未久。此本著暫收貯。其大學士員缺。俟回鑾後再奏。大學士李光地。見在患病。原任大學士陳廷敬。係年老告休。令暫到衙門辦理事務。○吏部議覆都察院左都御史趙申喬疏。言部行則例。刊刻已久。其間情事。未無酌量更改。請將續行之例。未經刊刻者。各部院遵委司官詳查。應行應刪之處。臣等會同核定。進呈。

實錄卷二百四十六

主

御覽。旨刊刻頒行。應如所請。從之。○增鄉試五經中式額數。順天二名。各省俱一名。會試二名。從左都御史趙申喬請也。○丁巳。烏朱穆泰和碩車臣親王色登敦多卜來朝。六月。己未朔。差戶部左侍郎張世爵。等侍衛巴亥三等侍衛賴希等。前往福建招安泉州山寇。諭曰。此輩山寇。原係農民。今一旦為寇。田畝無人耕種。必至荒蕪。如此。則米價益貴。無有生路矣。彼若來降。仍可耕田度日。將伊等不行治罪之處。使之通曉。為首一二人。須加懲治。爾等到地方。可將朕諭旨。盡行書出。大張告示。明白曉諭。○癸亥。諭大學士兵部。今來熱河。自京城出東直門。按驛站路行。必由順義縣至密雲縣。其間有孫河牛欄山九道河。水發輒至阻誤。若出安定門。或德勝門。由南石槽至密雲縣。可無雨水阻誤之慮。著於南石槽附近處。設一驛站。○又諭曰。趙申喬奏請河南蔡澤縣水衝地畝。錢糧應行蠲免。從來河流原無一定。如河水遷流南岸。則北岸地畝涸出。河水遷流北岸。則南岸地畝涸出。地方官但將衝潰地畝。錢糧奏請蠲免。其衝後涸出地畝。並無一人奏聞者。此等處。朕非不知。但未曾深究耳。觀趙申喬此奏。必係與河南巡撫鹿祐有隙。藉之以辱鹿祐。且欲使人皆懼彼之意。不知人有懼彼者。亦有不懼彼者。苟係誠心為國之令。又何他懼哉。凡人於事。貴能中正和平。能合乎中。即是。

合理。朱子曰。所謂中者在皆有。如房室有房室之中。庭院有庭院之中。牀有牀之中。惟中為難得。得中則諸德悉備矣。
○丁卯。蘇尼特多羅杜楞郡王達禮扎卜。輔國公羅雷來朝。
○戊辰。設廣西西隆州儒學。撥武緣縣訓導一員。移駐西隆州。專司督課。歲科兩試。定取文武生員各六名。從廣西巡撫梁世勲請也。
○己巳。阿霸哈納固山貝子額林臣達西來朝。
○癸酉。以內閣學士胡作梅為浙江鄉試正考官。翰林院編修薄有德為副考官。太常寺少卿周道新為江西鄉試正考官。編修廖廣謨為副考官。大理寺少卿張德桂為湖廣鄉試正考官。檢討馬汝為為副考官。
○甲戌。喀爾喀扎薩克鎮國

實錄卷五十六

十五

公車步登來朝。
○乙亥。刑部等衙門議覆四川巡撫年羹堯疏言生番羅都等搶劫寧番衛居民殺傷官兵。應將為首之羅都等俱擬斬立決。應如所奏。得旨。番人殺死內地官兵。情罪可惡。此案著刑部右侍郎艾芳曾前往會同該督撫詳明確審具奏。
○諭大學士等曰。先曾令各部彙題案件。每十日十五日之內。務須彙題一次。諭旨甚明。從前彙題案件。殊多壅積。朕催促具奏。俱已完結。今看彙題之事。又多踰限具奏者。著再行嚴飭。
○科爾沁和碩達爾漢親王羅卜臧滾布。和碩卓禮克圖親王巴特麻多羅郡王拉卜塔來朝。
○己卯。諭大學士等曰。據浙江福建總督范時崇等奏稱。山寇盡皆

平服。著速行文差往招撫官員。令其回京。
○壬午。翁牛特多羅杜楞郡王額駙蒼津來朝。
○乙酉。以吏科給事中常紳為陝西鄉試正考官。翰林院編修涂天相為副考官。副都御史左必番為江南鄉試正考官。翰林院編修趙晉為副考官。
丙戌。扎魯特鎮國公蘇里歸化城土默特都統丹津來朝。

實錄卷五十六

十六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十七

康熙五十年辛卯秋七月戊子朔享

太廟遣領侍衛內大臣公傅爾丹行禮 壬辰科爾沁多羅貝

勒巴克什古爾來朝 丁酉

孝懿皇后忌辰遣官祭

陵 予故文華殿大學士贈太子太保張玉書祭葬加祭一次

謚文貞 戊戌陞貴州銅仁副將葉芝蘭為雲南開化總兵

官 己亥鄂爾多斯固山貝子拉錫扎木素來朝 庚子以

湖廣道御史徐樹庸為河南鄉試正考官翰林院檢討西庫

中錄奉旨

為副考官 壬寅中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 癸卯蒿齊忒多羅額爾德尼郡王阿噶尼斯達

來朝 甲辰喀爾喀土謝圖汗多爾濟厄爾德尼阿海故以

其子安扎爾多爾濟襲爵 乙巳以兵科給事中馬之鵬為

山東鄉試正考官翰林院編修陳世倌為副考官刑科給事

中郭徽祚為山西鄉試正考官編修萬經為副考官 己酉

刑部議覆察審山東民班漢傑等叩聞控告山西民陳四等

聚眾搶擄一案証見檔案俱在楚豫二省不便懸擬應將陳

四等七人併班漢傑王殿極發往湖廣總督會同河南巡撫

查明嚴審定擬具題又本年四月奉旨獄囚甚多俱著速行

完結應將陳四等婦人子女發回原籍取保安插俟陳四等

審結定案得旨此案部議甚謬被獲陳四供稱康熙四十四

四十五年因本省歉收不能度日於康熙四十六年自山

西帶領我等婦人子女及親戚一百三十餘口逃荒至陝西

慶陽府居住二年康熙四十八年至河南由河南流移湖廣

貴州此等言語顯係欺誑自朕巡陝西等省以來每年俱係

大有督撫等每年題報豐稔之疏見在陳四等何曾遭遇饑

饉若果係流移飢民自應徒步荷擔沿途乞食至有良田之

處即應棲止耕種養贍妻子為何又乘驟馬手執刀鎗等器

械繞行各省似此百什成羣越界遠行該督撫並不奏聞是

何心也且如許人眾飄流數載每日口糧若干喂馬草料若

干俱從何處得來尚謂之流民可乎前偽朱三太子人知之

者甚多曾有巨室迎接至家供其酒食延之讀書朕無不知

也。此案部議將陳四等妻子各發回原籍安置。伊等離家多年發回無產業度日。更撥何處地畝與之耕種乎。於此等處並不詳審濫援今年四月釋放監禁罪人之例蒙混議奏可乎。齊世武等罔念恩遇將事推諉自圖安逸。似此草率議覆溺職極矣。今刑部事件廢弛皆由齊世武卞永譽等所致。部院堂官俱朕所擢用。理應感念主德實心盡職報効。乃頓忘朕恩將事盡行廢弛。至加刑戮之時悔無及矣。此案著再議具奏。庚戌諭大學士等曰。趙世顯張鵬翮任總河以來河工底績。今由水路行者不復聞有涉險之嘆。于成龍任總河時朕南巡自清口步行十餘里。將應修築處皆釘椿標記。朕

回鑾後于成龍竟不修築。故至河道大壞。為此朕將于成龍帶去司官赫碩色擬成死罪。後授張鵬翮為總河。朕諭之曰。爾但遵朕訓諭而行。倘有差悞朕不汝咎。張鵬翮果照朕指授修築。故今河工底績更無可慮之處。又諭曰。昨四川陝西總督殷泰以察審鄂奇一案奏請訓旨。朕統理萬幾五十年來。凡差大臣官員審事。但訓以從公聽斷。並未諭以作何審理。若一有指授奉差者。必偏向一邊矣。又殷泰此摺似途間有折看更改者。是以朕未加批。奏摺關係緊要。嗣後督撫奏摺俱令各鈐關防。以除更改之弊。辛亥陞安徽巡撫葉九思為戶部左侍郎。移温州府城守副將駐防嘉興府。嘉興

府左營守備駐防海鹽縣。改嘉興府遊擊為温州府城守遊擊。温州府中軍都司為中軍守備。癸丑

皇四子和碩雍親王赴熱河請安。丙辰

上行圍命皇太子允初皇三子和碩誠親王允祉

皇四子和碩雍親王皇八子多羅貝勒允禩皇十五子允

禩皇十六子允祿隨駕自熱河啟行駐蹕喀喇河屯。喀爾

喀和碩恪靖公主來請安。多羅郡王和碩額駙敦多卜多

爾濟等來朝。丁巳

上駐蹕小營。翁牛特多羅杜稜郡王額駙蒼津阿霸垓多羅

卓禮克圖郡王畢額鄂爾多斯多羅貝勒甘珠爾喀爾喀扎

薩克固山貝子阿拉卜坦輔國公萬舒克等來朝。

八月戊午朔祭

大社

大稷遣領侍衛內大臣公傅爾丹行禮。

上駐蹕博洛和屯。喀爾喀扎薩克多羅貝勒納木扎卜來朝。

已未鄂爾多斯多羅貝勒塔西拉卜坦喀爾喀扎薩克多

羅貝勒宗對來朝。庚申

上駐蹕張三營率諸皇子及善射侍衛等射

上發五矢皆中的。辛酉調廣西巡撫梁世勲為安徽巡撫

諭大學士等曰。廣西巡撫員缺著將吏部左侍郎陳元龍補

授陳元龍任翰林年久並未辦理事務自任侍郎以來常保薦人行事不端任伊以邊疆之職試其辦事何如 諭大學士等曰頃者梁世勲題請復熱審減等例朕聽政多年惟日孜孜期人安萬姓故凡發政施令務以真誠為尚倘矜憫犯法之人博取虛名夏則遇熱而審冬則遇寒而審不時遣官恤刑將督撫審擬案件頻飭堂司官分行駁改則貽累於兵民官驛糜費於迎送饋遺互許多端不知作何底止督撫之專責首在敦厚風俗導民於善不時訓飭有司簡清詞訟速結案件不因細事多繫妻子無辜以致蕩析家資逃匿流亡即為良吏雖不熱審亦無所害使不清本原不愛黎庶徒以

實錄卷二百四十七

平

熱審為言則各省刑獄之事未至熱時而審結者甚多是有熱審之名而無其實益滋煩擾矣梁世勲不諳事體輕重冒昧具題殊屬不合理應從重治罪但念伊係無知陳奏姑從寬免又諭曰太平之時不宜屢赦罪犯執法之人若將不應宥之人宥之則奸徒逞欲怙惡不悛矣 福建陸路提督藍理摺奏福建所屬永春德化二縣交界地方有盜首陳五顯等逼勒愚民二千餘人入夥搶奪百姓拒敵官兵臣令參將尚之璜統領官兵往緝兩次遇敵殺賊八十餘名中傷脫逃者不記其數盜黨張辰主富蘇標俱已投到其附近賊巢村民仍不廢耕織照常安業惟陳五顯脫逃俟拏獲正法得旨

督撫提鎮等平時不能撫卹百姓訓練兵丁及有事又不能相機速行勦撫縱容盜賊滋蔓騷擾地方肆行搶奪且遲延日久不將其事奏聞乃稱百姓不廢耕織照常安業夫強盜竊盜多至三四十人百姓尚畏懼逃避況數千民人為盜搶奪豈得謂百姓不廢耕織安居樂業乎此係伊等掩飾已過希圖卸罪巧行誣奏著該部嚴察議奏

上諭大學士等曰前差打牲烏喇總管穆克敦等查看鳳凰城至長白山邊界伊等業將所查地方繪圖呈覽因路途水大故未能至所指之地著於來春冰解之時自義州乘小舟遡流而上至不可行之處令其由陸路向土門江查去但道里

實錄卷二百四十七

平

遠達萬一中途有阻令朝鮮人供應將此情由令該部曉諭來朝正之朝鮮國官員書旨給與帶付伊王 蘇尼特多羅郡王垂基恭蘇隆阿祿科爾沁扎薩克多羅貝勒旺扎爾來朝 壬戌

上駐蹕穆祿喀喇沁河洛 癸亥

上駐蹕汗特木爾達巴漢昂阿地方 烏朱穆泰扎薩克多羅貝勒博木布來朝 以都察院左都御史趙申喬為順天鄉試正考官宗人府府丞江球為副考官 甲子諭領侍衛內大臣曰目今天氣初寒扈從人員宜各加意令衣服溫暖方好春秋二季之寒不得以冬季之寒為比若謂此些須之寒

何害著衣單薄受寒則必受害矣。果於嚴寒之時不凍鼻臉能挽弓拈箭騎射者方可謂之善耐寒人。此時即勉強忍受何難之有。喀爾喀扎薩克多羅郡王益楚克來朝。乙丑

上駐蹕西爾哈色欽地方 丙寅

太宗文皇帝忌辰遣官祭

昭陵

上駐蹕克勒烏里雅蘇台 喀爾喀扎薩克鎮國公顏朱布多

爾濟來朝 丁卯遣大學士蕭永藻祭

先師孔子

上駐蹕哈達鄂佛羅地方 戊辰

太祖高皇帝忌辰遣官祭

福陵

上駐蹕西拉諾海和洛 厄魯特多羅郡王車零旺布來朝

己巳秋分夕

月於西郊遣禮部尚書貝和諾行禮 喀爾喀和碩親王多羅

額駙車妄扎卜科爾沁多羅扎薩克圖郡王鄂齊爾來朝

庚午

上駐蹕噶海圖之土城地方率諸皇子及善射侍衛等射

上發五矢皆中的 兵部議覆貴州提督王文雄疏言黃草壩

一汛接連滇粵地方遼濶最易藏奸請撥安龍左營遊擊一

員千總一員把總二員於原撥兵二百五十名外再撥鎮兵

五十名駐彼防守新城一汛接近安龍安南請將原撥右營

遊擊一員把總一員撤回止留守備一員千總二員兵一百

九十名防守安龍一鎮民苗雜處最為緊要之區嗣後武職

官員缺出請會同督臣揀選保題補授均應如所請從之

癸酉喀爾喀車臣汗滾臣多羅郡王納木扎爾等來朝 轉

吏部右侍郎吳一蜚為左侍郎調禮部左侍郎管右侍郎事

胡會恩為吏部左侍郎管右侍郎事 陞詹事府詹事王原

祁為翰林院掌院學士兼禮部侍郎 甲戌

上駐蹕烏喇岱地方 丙子

上駐蹕額爾滾臯地方 吳喇忒鎮國公達拉瑪西禮輔國公

垂扎木素來朝 丁丑

上駐蹕烏喇岱西界 己卯

上駐蹕巴顏和洛 工部議覆河道總督趙世顯疏言山陽黃

河南岸上張莊尹家莊何家莊三工因河勢大溜直趨隄根

必須各建挑水壩一座挑溜開行以保隄工應如所題從之

庚辰

上駐蹕鄂爾楚克哈達地方

止於是日哨獲大鹿十一隻船廠佐領那柳不勝驚異奏曰臣

生長本地一日獲十一鹿者臣實未經見真神奇也

上曰朕從來哨鹿行圍多所殺獲何神奇之有 兩浙巡鹽御史顧圖疏言兩浙鹽差於每年十二月交代請改期八月當秋水滿盈場鹽盤運不難則錢糧易於完納下部議行 辛巳

上駐蹕得爾吉惠漢地方 科爾沁多羅貝勒阿必達來朝 壬午

上駐蹕克爾木台地方 陞內閣學士胡作梅為禮部右侍郎詹事府少詹事史變為詹事府詹事 戶部議覆偏沅巡撫潘宗洛等疏言平糶鎮算買貯倉穀若無責成之員恐有虧空那移情弊應將買貯穀石責令鳳凰營通判專管辰沅靖

中錄卷五十七

九

道兼轄年終盤查出結如有虧空那移道員照知府例通判照知縣例議處所貯穀石照例於青黃不接之時平糶秋後買補還倉應如所請從之 予故戶部左侍郎張世爵祭葬如例 癸未

上駐蹕永安拜昂阿地方 烏朱穆泰和碩車臣親王色登敦多卜來朝 甲申

上駐蹕齊老圖之土城地方 乙酉

上駐蹕烏蘭哈爾哈地方 禮部議覆江南學政張元臣疏言子游在聖門十哲之列其後裔世居常熟縣請照閔子子貢例世襲五經博士應如所請從之 丙戌

上駐蹕巴顏拖羅海地方

九月丁亥朔

上駐蹕布爾哈蘇台 戊子

上駐蹕納木生扎色地方 鎮綏將軍陝西提督潘育龍以病乞休溫旨慰留之 刑部等衙門議覆偏沅巡撫潘宗洛疏言原任湖南布政使董昭祚扣剋湖南各屬康熙四十五年俸工銀兩先據原任巡撫趙申喬題參今審董昭祚扣剋各屬俸工銀五千餘兩入已是實擬斬監候應如該撫所題從之 喀爾喀車臣汗遣使進九白年貢宴賚如例 己丑

上駐蹕博洛和屯 賜來朝翁牛特阿霸垓喀喇沁烏朱穆泰

中錄卷五十八

蘇尼特阿霸哈納喀爾喀科爾沁扎魯特鄂爾多斯高齊忒尼魯特吳喇忒王貝勒貝子額駙公台吉等鞍馬緞疋銀兩有差 庚寅

上駐蹕中關 賜隨圍外藩官兵銀兩布疋有差 辛卯

上回駐熱河行宮 壬辰奉差鳳凰城審事司官長泰等審訊朝鮮國人李萬枝等實係誘致中國之人二名打死投之江中掠取人參等物是實其被殺之人姓名來歷皆無從查究得旨此事著部交與該王令其治罪完結聞得此案犯人內有親弟兄三人者定例弟兄俱擬正法存留一人養親并移會該王將此案犯人親弟兄三人內亦照例留一人養親

兵部議覆福建陸路提督藍理係封疆大臣縱容盜賊滋蔓搶奪擾民不能招撫又遲延日久不行奏聞反巧行粉飾誣奏應將提督藍理革職交刑部治罪總督范時崇巡撫黃東中漳州總兵官許鳳汀州總兵官陳有功照溺職例俱革職得旨藍理前曾奏稱福建水師提督有吳英陸路提督有臣料理地方可保寧謐倘猶有盜賊之事臣無面目再覲天顏等語今盜賊竊發不能即行勦撫縱容至今尚未盡獲且藍理居官不端殊為溺職著革職從寬免交刑部范時崇黃東中許鳳陳有功俱從寬免革職著各降五級戴罪圖功盜賊務令盡行拏獲如不能盡行拏獲再加議罪○廣西巡撫陳元龍陛辭請訓旨

上曰廣西地方近已寧靜爾至彼處當使文武和睦兵民相安巡撫亦有管兵之責宜不時操練古人云兵可百年不用不可一日不備爾為翰林年久朕特試用以邊疆之職觀爾辦事何如爾宜盡心加勉至於居官聲名自有公論在也命杭州副都統高登符署理福建陸路提督事務甲午四川提督岳昇龍以疾乞休允之乙未遣官祭歷代帝王遣官祭城隍之神戊戌設四川新撫土官宣慰使二員宣撫使二員安撫使七員長官司五員千戶二十一員百戶七十六員辛丑

上奉

皇太后回鑾駐蹕喀喇和屯以故一等精奇尼哈番巴爾彌特弟齊唐襲職以鑲紅旗漢軍副都統楊琳為福建陸路提督陞陝西西安總兵官馬際伯為四川提督壬寅

上駐蹕王家營癸卯

上駐蹕鞍子嶺予故原任江南京口副都統崔士英祭葬如例刑部議覆兵部尚書今陞大學士蕭永藻察審四川加派一案原任布政使卞永式徵收錢糧每兩加派銀一錢二分除送原任四川巡撫能泰等銀二萬二百兩外共計入已銀二萬七千四百兩有奇應將原任布政使卞永式照律擬

絞已經病故毋庸議原任巡撫能泰身為巡撫屬官私派不行覺察又身受贓銀應照律擬絞監候秋後處決從之甲辰

上駐蹕兩間房乙巳

上駐蹕遙亭丙午

上駐蹕密雲縣諭刑部本年直隸各省情實人犯著停決理藩院右侍郎拉都渾以遣往科爾沁地方辦理事務不能和輯彼處之人而又生事降五級調用諭理藩院今歲外藩諸王貝勒貝子公台吉等來行圍處請安者免其來朝都察院左都御史趙申喬疏言臣今科典試時取中順天生

員查為仁為第一名舉人今據順天府府尹屠沂內場監試
阿爾賽等來文以本生卷面大興與冊內開宛平不符榜發
十日本生尚未赴順天府聲明籍貫有無情弊難以懸定據
實題明乞敕部查究實情得旨該部嚴察議奏 丁未

上駐蹕南石槽 戊申

上奉

皇太后回駐暢春園 命內閣學士彭始搏教習庶吉士 辛

亥

上詣

皇太后宮問安 癸丑

實錄卷二百四十七

三

孝慈高皇后忌辰遣官祭

福陵 甲寅

上詣

皇太后宮問安 陞內閣學士博音岱為理藩院右侍郎詹事

府少詹事凌紹震為內閣學士兼禮部侍郎 陞護軍叅領

恒祿為鑲紅旗漢軍副都統 以西安左翼副都統王以謙

為陝西西寧總兵官 乙卯

上自暢春園回宮

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百四十七

實錄卷二百四十七

四

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十八

康熙五十年辛卯冬十月丙辰朔享

太廟遣領侍衛內大臣公傅爾丹行禮 遣官祭

永陵

福陵

昭陵

暫安奉殿

孝陵

仁孝皇后

實錄卷一百八

孝昭皇后

孝懿皇后陵 頒康熙五十一年時憲歷 戶部議覆福建巡

撫黃秉中疏言康熙四十九年奉

上諭蠲免直隸奉天浙江福建廣東廣西四川雲南貴州等省

康熙五十年應徵地丁銀兩至臺灣府屬三縣地畝向徵稻

穀並無額編銀兩其應徵本色稻穀請應一體蠲免查此項

錢糧該撫應於春夏開徵之前即行題請遲至秋季方行具

奏應不准行得旨臺灣府屬五十年應徵稻穀已經徵完在

官雖蠲免與小民無益其應徵康熙五十一年稻穀著行蠲

免○刑部等衙門題太原府民陳四等鳩黨搶奪逃行陝西

湖廣貴州等省一案應將為首陳四擬斬立決為從陳六等

三十六名及婦女三十六口俱發往黑龍江給披甲人為奴

得旨陳四著即處斬其餘犯及婦女人口分別發往白都納

寧古塔墨爾根黑龍江給披甲人為奴行文各該將軍嚴加

拘守勿致脫逃如有一二脫逃者即行奏聞

上召三省原任督撫禮部尚書貝和諾刑部尚書齊世武郭世

隆工部尚書陳詵左都御史趙申喬詰問縱容滋蔓陳四等

情由各免冠引罪下部察議尋部議陳四等在湖廣藏匿巡

撫陳詵不即行緝拏縱往別省又在陝西行走巡撫齊世武

並不查拏俱照溺職例革職湖廣總督郭世隆偏沅巡撫趙

申喬該管上司例各降四級調用雲南貴州總督貝和諾

不行奏聞照例降一級調用其陳四經過府州縣各官應行

文該督撫查叅得旨陳詵齊世武俱降五級留任郭世隆著

革職趙申喬著降四級留任貝和諾著降一級調用餘依議

○江蘇巡撫張伯行疏言臣屬七府一州比來年歲豐登家

給人足嗣後臣更勸民積儲教民節儉厚民生以復民性行

見戶慶豐盈人敦禮讓黃童白叟共樂雍熙矣得旨自古人

臣事君必令民生疾苦具以上聞勸善懲惡屏絕私黨以愛

民弭盜革除惡習敦厚風俗為務前張伯行奏稱務期家給

人足仰報君恩今未及一年而遽云家給人足毋乃文飾太

過乎。聞江浙地方盜賊叢集。鄉紳兵民甚屬不安。又聞今歲錢糧未清。虧欠甚多。又糧船遲悞。米色不堪。昔朕南巡時。米價較前甚賤。且並無災祲。猶慮小民窮苦。屢頒諭旨。令盜賊滋蔓。該撫反稱家給人足。者無非掩飾前言耳。未必於小民實有利益也。嗣後毋得如此虛詞矜譽。凡事必速行完結。敦風厚俗。弭盜安民。催趨糧船。清理錢糧。以圖報効。該部其嚴飭之。○丁巳。

上幸暢春園。詣

皇太后宮問安。○以管盛京將軍事務都統高祝為禮部尚書。

○湖廣鎮軍總兵官張谷貞疏報。毛都塘苗人蠢頑不馴。臣

實錄卷二百六

三

實錄卷二百六

四

欲親督官兵入寨搜剿。先行具摺奏聞。奉旨不可擾害良民。臣遵

聖訓。督兵進剿。毛都塘苗人吳天星等。聞聲震恐。俱已輸誠向

化。臣見蠢苗悔罪仰體

皇上好生之德。徹兵而歸。下部知之。戊午。

皇太后聖壽節。

上率王以下文武大臣侍衛等詣

皇太后宮行禮。遵

懿旨。停止筵宴。○以翰林院掌院學士王原祁充經筵講官。

以翰林院檢討張廷玉。充日講起居注官。○諭戶部。朕誕膺

大統。撫育寰區。夙夜孜孜。不自暇逸。凡以為民也。勤圖利濟。休養安全。即無水旱之虞。時布寬仁之政。蠲租除賦。務使遐方率土。無不均沾。或值雨暘偶愆。出帑發粟。多方賑恤。其有益於吾民者。靡弗備舉。而亟行之。朕懃懃周詳之。至意前四十九年所頒諭旨。申晰甚明。原欲將五十年天下錢糧。通行蠲免。以諸臣集議。恐需用兵餉。撥解之際。兵民驛遞。益致煩苦。故自五十年為始。三年之內。全免一週。除將直隸奉天等九省康熙五十年地丁錢糧。一概蠲免。及歷年舊欠錢糧。一併免徵外。山西河南陝西甘肅湖北湖南各撫屬除漕項外。五十一年應徵地畝銀共八百四十萬四千兩有奇。人丁銀共一百二十萬八千一百兩有奇。著察明全免。並歷年舊欠共五十四萬一千三百兩有奇。亦俱著免徵。其康熙五十二年應蠲省分。至期候旨行。民間舊欠。既經豁免。嗣後每年額徵錢糧。務如數全完。倘完不及額。或有虧空。託稱民欠。即責令督撫以下官員償補。仍從重治罪。該督撫須實心力行。期副朕憫憫愛民之意。如有指稱事故。侵欺科派。事發之日。必嚴行究治。諭旨到日。徧示城郭鄉村。深山窮谷。咸使知悉。爾部即遵諭行。○辛酉。刑部左侍郎卞永譽。以病乞休。允之。○調工部左侍郎李旭。升為刑部左侍郎。○陞正紅旗滿洲副都統瑚世巴。為本旗蒙古都統。○陞侍讀學士阿爾法。為太

僕寺卿○壬戌以詹事府少詹事沈涵翰林院檢討阿珥賽俱充日講起居注官○癸亥陞光祿寺卿馬良為內閣學士兼禮部侍郎仍兼管光祿寺卿事○甲子吏部議覆內監試御史阿爾賽等題奏正主考都察院左都御史趙申喬等順天鄉試發榜過期有違定例應將趙申喬等各罰俸三月得旨直隸各省生員舉人增額既多赴試者較前倍衆考試官不能細心徧閱草率錄取以致遺失佳卷此皆因出榜之期太近故耳如出榜多展數日則考試官得以詳閱試卷庶不致有遺珠之歎爾等問九卿具奏趙申喬等著免議處○兵部題福建臺灣總兵官崔相國調補三年任滿缺應另補

聖錄恭錄

五

上曰臺灣總兵官殊屬緊要應調補之人著問九卿及福建省官員亦遣人往問大學士李光地并曉諭福建總督等將該省武官內好者即行薦舉勿致隱漏如果伊等據實具奏則福建省官員知賢否皆能上達咸勉力相率為好官矣如藍理兇惡盈滿朕始聞而褫革之倘當伊罪惡未著之前先行罷黜於地方豈不更有裨益耶定海總兵官吳郡居官甚優實心効力今署理江南提督事務江南人亦皆稱道此人不可調補臺灣朕欲留俟緊要處提督用之著於列名應調補人內舉奏○江南正主考副都御史左必蕃疏言臣膺簡命典試江南兢兢以搜拔人才為務微聞後聞輿論喧傳有句

容縣知縣王曰俞所薦之吳泌山陽縣知縣方名所薦之程光奎皆不通文理之人臣不勝駭愕或係傳遞代做文字或與房官打通關節亦未可定祈將新中舉人吳泌程光奎或提至京覆試或發督撫嚴訊以正國法而肅科場至臣不能查出罪亦難辭得旨該部嚴察議奏○丙寅

上詣

皇太后宮問安○丁卯都察院左都御史趙申喬疏奏翰林院編修戴名世妄竊文名恃才放蕩前為諸生時私刻文集肆口游談倒置是非語多狂悖今身膺恩遇叨列巍科猶不追悔前非焚削書板似此狂誕之徒豈容濫廁清華祈敕部嚴

聖錄恭錄

六

加議處以為狂妄不謹之戒得旨這所奏事情該部嚴察審明具奏○喀爾喀澤卜尊丹巴胡土克圖遣使進九白年貢宴賚如例○戊辰陞參領楊長泰為西安左翼漢軍副都統○己巳翰林院編修吳廷楨為順天武鄉試正考官編修陳世倌為副考官○庚午以故奉恩將軍顧祿固子殷圖襲職授故輔國公法塞子阿裕爾為三等奉國將軍○以原任乾清門一等侍衛副都統馬武為內務府總管○調鑲藍旗蒙古都統碩德為正紅旗滿洲都統○辛未

上詣

皇太后宮問安○諭大學士等曰竊盜強盜皆係不良之徒不

可姑息。乃地方官不肯緝拏。督撫提鎮文移往來。不過沿襲故套。州縣有司。藥行不究。更有鄉紳大戶。始而畏賊。相為容隱。久之便作窩家。盜賊橫行。皆由於此。直隸山東。為年盜案甚多。近日地方官協力躡緝。漸漸稀少。北方盜賊。流往南方。因而江南浙江湖廣江西。所在多有。若地方官實心辦事。尚難消弭。即如往年朱三一案。初不過一二人。州縣不能緝獲。致成大盜。今年福建山寇。至於拒傷官兵。此皆地方官畏葸之故。須嚴行申飭。○又諭曰。天文歷法。朕素留心。西洋曆大端不悞。但分刻度數之間。久而不能無差。今年夏至。欽天監奏聞午正三刻。朕細測日影。是午初三刻九分。此時稍有舛錯。悉數十年後所差愈多。猶之錢糧徵磨。抄忽雖屬無幾。而總計之。便積少成多。此事實有証驗。非比書生作文。可以虛詞塞責也。○轉工部右侍郎阮爾詢為左侍郎。陞通政使司通政使劉謙為工部右侍郎。○壬申。陞直隸石匣副將楊桂為河南南陽總兵官。調浙江處州總兵官姚堂為福建臺灣總兵官。臺灣總兵官崔相國為處州總兵官。○癸酉。以故二等精奇尼哈番阿實坦弟沙津襲職。○乙亥。

上詰
皇太后宮問安。○步軍統領託合齊。以病乞假。命一等待衛行走。隆科多署步軍統領事。○陞太常寺卿湯右曾為通政使。

司通政使。○陞雲南按察使李泌為廣西布政使。司布政使。○九卿遵旨議奏。直隸各省生員舉人額數。屢增赴考士子較前倍眾。因揭曉期迫。考試官不能細心徧閱。草率錄取。以致遺失佳卷。嗣後會試揭曉。寬於三月十五日內。鄉試揭曉。大省寬於九月十五日內。中省寬於九月初十日內。小省寬於九月初五日內。直隸江南浙江鄉試人數。倍於他省。照會試例。加用房官二員。限期既寬。主考官閱房考官之薦卷外。餘卷亦令徧閱。庶不致遺失佳卷。從之。○丙子。貴州巡撫劉蔭樞疏。奏貴州布政使張建績。久病懣憤。侵蝕庫銀。得旨。張建績著革職。該督審擬具奏。○以正黃旗護軍統領公馬爾賽為鑲藍旗蒙古都統。○調正黃旗蒙古副都統吳勒為正紅旗滿洲副都統。世泰領騰額特為正黃旗蒙古副都統。○刑部等衙門議覆大理寺卿張志棟等。奏審浙江糧道程鑾。私自改折漕糧一案。應將程鑾照例革職。未完平糶米銀著落程鑾及原任浙江巡撫今調福建巡撫黃秉中。賠補運官李斌等。欠平糶米脚價銀兩。亦著落程鑾追還交倉。倘有不敷。仍在程鑾黃秉中名下追補。至黃秉中照程鑾所詳批行。不行題參。顯係通同作弊。黃秉中亦照例革職。從之。○丁丑。江蘇巡撫張伯行疏言。今歲江南文闈榜發後。議論紛紛。於九月二十四日。有數百人。擡擁財神。直入學宮。稱科場。

不公。臣不敢隱匿。相應題明。得旨。該部嚴察議奏。○戊寅。諭禮部。朕統御寰區。撫綏萬國。中外一體。保育維殷。惟期遐邇咸寧。其享昇平之福。至於藩邦。有能仰體此心。修明厥職者。朕尤加意優待之。茲朝鮮國王李煒。自襲爵以來。慎守封圻。恪循儀度。歲時貢獻方物。克殫忱忱。四十餘年。未嘗少懈。其國中之事。稍有關係者。必奏明仰請定奪。罔敢隱諱。每於欽差人員。竭盡小心。倍加敬禮。且撫恤國。人善於愛養。所屬靡不悅服。朕用是深為嘉美。既嘗曲示恩誼。值彼地饑饉。又自海洋運米賑濟。故舉國人。衆至今猶深感戴。朝鮮貢物。朕屢次裁減。以至甚輕。但國小地隘。其年例貢物。內有白金一千兩。紅豹皮一百四十二張。猶恐艱於備辦。嗣後將此二項。永停貢獻。又聞朝鮮國使。沿途館舍。盡皆傾圮。難以止宿。歷年進貢奏事人員。甚為勞瘁。著令各該地方官。修葺堅固。用副朕加惠遠人至意。○鑲白旗漢軍副都統俞章言。以人材不及解任。以雲南永北總兵官吳坤補授。○庚辰。諭八旗及部院衙門大臣。各將灼知確見大臣以下。閒散人。以上。篤行孝義者。署名保奏。雖本旗無有。別旗有之。願保奏者。亦著保奏。如大學士溫達。尚書穆和倫。富寧安之孝。不但衆人俱知。即朕亦深知之。孝者首行之首。果有篤行孝義之人。爾等不可謂無由得知也。○以都察院左副都御史綽奇。為福建巡撫。

○辛巳。

上詣

皇太后宮問安。刑部議覆福建浙江總督范時崇疏言。先經原任總督梁繼題奏。致仕延綏總兵官柯彩家人鄭連等。首告柯彩身死不明。係伊家人王增賢等謀殺一案。歷經司府縣研審。前後供詞互異。詳報勘語。屢次更易。此案情由。承審官不能推問。請遣部員察訊。應遣部院官員。會同該督撫審理。得旨。此案著遣戶部尚書張鵬翮前往審明具奏。○

上諭大學士等曰。今年秋審人犯。較之往年大減。自康熙十三年以後。奏章一日至二百餘件。今亦大減於前矣。○甘肅布

政使阿米達。丁母憂。命回旗守制。○壬午。

上御暢春園大西門內箭廳。召諸王貝勒貝子。公文武大臣。諭曰。今國家大臣。有為皇太子而援結朋黨者。諸大臣皆朕擢用之人。受恩五十年矣。其附皇太子者。意將何為也。此事惟鄂繕知之。遂召出都統鄂繕。及尚書耿額齊。世武。問之。鄂繕叩首奏曰。臣蒙

皇上養養擢用。厚恩若果知此。豈敢隱諱。耿額奏曰。臣實不知知之。敢不陳奏。齊世武奏曰。臣於各處並不行走。此事誠不知也。

上曰。朕聞之久矣。因訪詢未得其實。故遣人追問。都圖云。今有

人首告供出爾黨。爾據實奏聞。不然將爾族誅。所以都圖俱開寫陳奏矣。遂出都圖所奏摺。又將包衣達張伯良縛出。令其在副都統內認看。召出副都統悟禮問張伯良曰。實有此人乎。張伯良奏曰。是實。

上問諸臣曰。蘇滿已查邊去。楊岱為何不來。諸臣奏曰。因病未來。

上問張伯良曰。有楊岱乎。張伯良奏曰。有一年老都統。

上問都統迂圖曰。爾知鄂繕行事否。迂圖奏曰。鄂繕在衆前常言感激。

皇恩。欲行効力。其曖昧事。臣不得知。又問曰。有汝否。迂圖奏曰。

無。

實錄卷四十八

上

上顧鄂繕等曰。朕不得實據。豈肯屈無辜之人。爾等謂朕年高。邀結黨與。肆行無忌。今在朕前。爾等能行何事。且有何顏面。仰視天日。諸臣內不入爾黨者甚多。爾等視之。寧不愧乎。悟禮奏曰。臣蒙

皇恩。授為副都統。又身係宗室。豈肯行此等事。臣居宅與鄂繕宅近。鄂繕曾具酒食延臣。是實。並無與伊等結黨之處。齊世武奏曰。臣性不能取悅於人。素無朋友。久在

皇上洞鑒之中。不知都圖為何仇恨扳臣。此等之事。臣並不知。惟有鄂繕延臣用飯一次。臣亦延鄂繕用飯一次。若果結朋

黨。自當族誅。

上曰。爾云各處俱不行。走為何。又供出彼此延請之事。齊世武奏曰。鄂繕之母係佟氏。以舅呼臣。故有彼此延請之事。

上曰。齊世武乃最無用之人。夫豈不如伊等將如此齷齪之人。援入黨內。有何益處。又指耿額曰。耿額乃索額圖家奴。在烏喇時。諂媚索額圖。饋送禮物。於索額圖案內。即應誅戮。朕特宥之。今乃負恩造謀結黨。伊等所行。皆由於耿額。耿額叩首奏曰。臣蒙

皇上隆恩。苟有此事。即當凌遲。

上曰。索額圖之黨。竟不斷絕。俱欲為索額圖報復。豈伊等祖父

實錄卷四十八

上

皆索額圖之奴僕乎。此事正黃旗大臣無不知之。又指鄂繕顧諸王曰。曩者鄂繕自謂為郭爾羅氏。欲入朕之旗分內。朕不允。隱之至今。未一明言。伊並不思朕之恩德。反結朋黨。妄行。洵不肖之人也。又諭曰。凡人有所甚愛之子。亦有所不甚愛之子。奴僕中有親近用之者。亦有不親近用之者。為人子為人奴僕。豈可不安分而妄行乎。以酒食會友。有何妨礙。此不足言。伊等所行者。不在乎此。夫効力者在行間。用命方可謂之効力。如都統能操練旗兵。護軍統領能訓練護軍。前鋒統領能訓練前鋒。文臣能潔已辦事。此可謂之効力。伊等欲因皇太子而結黨者何也。皇太子朕之子。朕父子之間。並

無他故。皆伊等在其間生事耳。此輩小人。若不懲治。將為國之亂階矣。伊等著。監禁在宗人府。都圖不久。即到。俟其到時。即行質審。鄂善耿額齊世武。悟禮著鎖拏。以光祿寺卿王企靖。為太常寺卿。陞湖北按察使遲忻。為貴州布政使司布政使。江西驛鹽道段志熙。為雲南按察使。司按察使。甲申。福建巡撫綽奇。未赴任。丁父憂。命仍留左副都御史原任。

乙酉。賞賜八旗步軍銀兩。

十一月。丙戌朔。

上詣

皇太后宮問安。○浙江黃巖總兵官李近陞辭。請訓旨。

寶錄卷六

主

上曰。黃巖地近海濱。爾去加意巡防。一有賊盜。即報提督。海賊俱係內地之人。須留心嚴察。勿得懈弛。禮部議覆。江南正主考副都御史左必蕃疏言。中式舉人吳泌等。不通文義。外議沸騰。請將吳泌等。或提至京覆試。或交該督撫嚴審。有無傳遞關節。又江蘇巡撫張伯行疏言。有數百人。擅擁財神直入學宮口。稱科場不公等語。應行文該督撫。將舉人吳泌等。速行解京。到日。請旨覆試。如果文義不通。即將情弊嚴審。究出定擬。得旨。這事情。著張鵬翮會同江南江西總督。江蘇安徽巡撫。在揚州地方徹底詳察。嚴加審明具奏。左必蕃趙晉俱著解任。發往質審。○陞都察院左都御史殷特布。為兵部

尚書。吏部左侍郎哈山。為刑部尚書。○丁亥。陞山東東兗道年欽元。為湖北按察使。司按察使。○戊子。以內閣學士覺羅滿保。為福建巡撫。○己丑。授故輔國將軍賽音圖子東海。為三等奉國將軍。庚寅。

上詣

皇太后宮問安。辛卯。大學士學士部院各衙門大臣等奏言。

皇上每次親祭

天壇。誠敬之心。

上天早已洞鑒。今

聖體少有違和。請停止親祭。遣官恭代。得旨。爾等既誠懇奏。請

寶錄卷六

主

遣大臣恭代。朕仍照常齋戒。○琉球國中山王世孫尚菴。遣陪臣孟命時等進貢。宴賚如例。○陞叅領發福。禮為正黃旗蒙古副都統。○予故雲南開化總兵官王文煜祭葬如例。壬辰。陞吏部左侍郎吳一斐。為刑部尚書。兵部左侍郎滿萬為都察院左都御史。奉天府府尹廖騰奎。為都察院左副都御史。內閣侍讀學士二郎保。為內閣學士。兼禮部侍郎。調盛京工部侍郎孫柱。為吏部左侍郎。調正藍旗蒙古都統阿拉納。為鑲黃旗滿洲都統。正白旗蒙古都統朱麻喇。為鑲白旗滿洲都統。陞前鋒叅領覺羅圖拉。為鑲白旗蒙古副都統。雲南提督偏圖。為鑲白旗漢軍都統。○實授一等侍衛行

走隆科多為步軍統領。癸巳授和碩顯密親王丹臻庶出之子顏德和碩簡修親王雅布庶出之子悟格俱為三等奉國將軍。多羅貝勒延壽庶出之子揆慧原固山貝子福存庶出之子德延奉國將軍勒塞里子達里伯色痕圖子綽鼐原奉國將軍索飛子壽海俱為奉恩將軍。授和碩顯密親王丹臻庶出之女為縣主。塔教漢二等台吉滾布子羅布臧為多羅額駙。甲午。

上詣

皇太后宮問安。以散秩大臣輔國將軍薩忒為正黃旗護軍統領。乙未。

實錄卷四十八

辛

上奉

皇太后自暢春園回宮。諭大學士等曰

天壇大祭朕親行禮曾有諭旨嗣因朕躬少有違和大臣等再三奏阻故下旨遣大臣恭代朕則照常齋戒兩日來朕躬安好如常必親祭方展誠心朕仍親詣行禮大臣等不知朕意或又行奏請朕今年已六十行禮時兩旁人少為扶助亦可爾等即傳諭該衙門知之。以吏部左侍郎管右侍郎事胡會恩為左侍郎調刑部左侍郎李旭升為吏部左侍郎管右侍郎事轉兵部右侍郎覺和托為左侍郎陞內閣學士巴顏柱為兵部右侍郎。以原任禮部尚書降級調用貝和諾為

盛京工部侍郎。陞太僕寺卿戴夢麟為奉天府府尹。陞左通政李濤為光祿寺卿。戊戌冬至祀

天於

國丘

上親詣行禮遣官祭

永陵

福陵

昭陵

暫安奉殿

孝陵。

實錄卷四十八

壬

仁孝皇后

孝昭皇后

孝懿皇后陵停止次日朝賀。己亥賜前鋒叅領護軍叅領

侍衛護軍校護軍等銀兩有差。庚子

上詣

皇太后宮問安

上御太和殿視朝文武陞轉各官謝恩。陞內閣侍讀學士傅

爾筭納為內閣學士兼禮部侍郎。陞右通政孟世泰為太

僕寺卿。辛丑

上謁

暫安奉殿。

孝陵命皇太子允初皇三子和碩誠親王允祉皇七子多羅淳

郡王允祐皇十二子固山貝子允禩皇十四子固山貝子允

禩皇十五子允禔皇十六子允祿皇十七子允禮隨駕是日

啓行駐蹕南苑。○陞鑲黃旗滿洲副都統趙山為正白旗蒙

古都統鑲白旗護軍統領覺羅阿臘納為正藍旗蒙古都統

仍兼護軍統領事。鑲白旗滿洲副都統英赫紫為正藍旗護

軍統領。○陞湖廣鎮草總兵官張谷貞為雲南提督。○壬寅。

上駐蹕瓊寺。○癸卯。

上駐蹕夏店。○王默特固山貝子哈穆罕巴雅斯呼朗圖來朝。

○甲辰。

上駐蹕白澗莊。○乙巳。

上駐蹕黃土坡地方。○丙午。

上駐蹕姚家莊。○陞沂州副將汪一桂為雲南永北總兵官。永

昌副將閔光燁為雲南開化總兵官。丁未。

上詣

暫安奉殿。

孝陵行禮奠酒舉哀畢次至

仁孝皇后

孝昭皇后

孝懿皇后陵奠酒舉哀賜守

陵官員執事人等銀兩馬匹有差

上駐蹕湯泉。戊申。

上駐蹕遵化州。己酉。

上駐蹕三屯營。庚戌。

上駐蹕蘭陽。土默特多羅達爾漢貝勒馬呢奈曼多羅達爾

漢郡王垂忠來朝。辛亥。

上駐蹕蒙古額地方。壬子。

上駐蹕龍鬚門。○癸丑。

上駐蹕大吉口地方。○科爾沁多羅郡王阿拉卜坦喀喇沁多

羅杜稜郡王塞稜來朝。○陞宗人府理事官折爾舍為甘肅

布政使司布政使。○四川巡撫年羹堯疏報川省成都等府

百姓自首田地一萬五千三百八十頃有奇照例於康熙五

十年起科。下所司知之。○調鑲黃旗蒙古副都統和禮為本旗

滿洲副都統。陞護軍叅領德勒慎為鑲黃旗蒙古副都統。調

鑲黃旗蒙古副都統額爾錦為鑲白旗滿洲副都統。陞護軍

叅領佛濟保為鑲黃旗蒙古副都統。調鑲藍旗蒙古副都統

嗣圖為鑲紅旗滿洲副都統。陞護軍叅領和克屯為鑲藍旗

蒙古副都統。○廣東高雷廉總兵官趙文璧丁母憂。命回籍

守制。○

上命大學士等傳問九卿編修楊緒為人何如。九卿等奏曰楊緒為人。不端。

上諭曰楊緒著革職。驛解回籍。交與地方官嚴禁在家。勿令擅出行走。更生事端。翰林院員內尚有如此等人。亦著九卿舉出。尋九卿等舉出侍講錢名世。修撰王式丹。編修賈國維。賈兆鳳。西人具奏得旨翰林官理當安靜守分。錢名世王式丹賈國維賈兆鳳。行止不端。聲名不好。俱著革職。甲寅。

上駐蹕蘇賽包地方。喀喇沁多羅額駙門都來朝。

十二月乙卯朔。

上駐蹕鄂倫蒿齊忒地方。丙辰。

實錄卷四十八

光

上駐蹕西喇烏蘇地方。免江南六安壽州等六州縣廬州衛鳳陽右衛。本年分旱災額賦有差。丁巳。

上駐蹕特布克地方。己未。

上駐蹕驚圖地方。庚申。

上駐蹕鄂倫特地方。辛酉。

上駐蹕八溝地方。癸亥。

上駐蹕二溝地方。禮部題康熙五十年湖廣鄉試少中舉人十名。應將提調布政使張聖猷監臨巡撫劉殿衡正考官大理寺少卿張德桂副考官翰林院檢討馬汝為各降級調用。得旨張聖猷著降二級調用。劉殿衡著降二級留任。張德桂馬

汝為俱著降二級調用。甲子。

上駐蹕張家莊。乙丑。

上駐蹕熱河行宮。予故河南南陽總兵官丁興祭葬如例。

陞湖廣九溪副將韓永傑為湖廣鎮寧總兵官。福建浙江總督范時崇疏報海賊鄭五顯先逃安溪後逃漳平入山藏匿。臣遣人招撫。陳五顯投誠。下所司知之。江南江西總督

噶禮疏奏江蘇按察使焦映漢貪黷性成蔑視民命巧詐欺飾。命革職提問。旌表直隸烈婦李氏拒姦畢命給銀建坊如例。丙寅。刑部等衙門議覆差往四川審事刑部右侍郎艾

芳曾等疏言。審訊四川番人羅都等搶奪民人妻子。會集番

人拒敵官兵殺死參將周玉麟。是實。應將羅都等照謀叛已

行律不分首從皆立斬。應如所擬。從之。丁卯。

上駐蹕喀喇和屯。禮部議覆左都御史趙申喬疏言直隸各

省寺廟常窩藏來歷不明之人。行不法之事。嗣後請除原有

寺廟之外。不許創建。將現在寺廟居住僧道查明來歷。令按

季呈報。甘結。不許容留。外來可疑之人。如事發。將該管官員

照例處分。應如所請。得旨依議。近見直隸各省創建寺廟者

甚多。建造寺廟則佔踞百姓田廬。既成之後。愚民又為僧道

日用。奏集銀錢。購買貧人田地。給與。以致民田漸少。且游民

充為僧道。窩藏逃亡罪犯。行事不法者甚多。實擾亂地方。大

無益於民生者也。著各省督撫及地方官除原有寺廟外，其創建增修，永行禁止。禮部議覆福建巡撫黃秉中疏言生員陳樹儀等以舉人王湯三等係鑽營中式，據呈題請覆試。應遣部院堂官一員，將王湯三等覆試正考官翰林院檢討介孝琮副考官工部主事劉儼一併發往，以備質審。得旨：此案著交與張鵬翮審明具奏。介孝琮劉儼亦著發往質審。戊辰。

上駐蹕鞍子嶺。○陞鑲黃旗滿洲副都統和禮為鑲白旗蒙古都統。○己巳。

實錄卷五十八

五

上駐蹕遙亭。○浙江提督王世臣以老乞休。允之。○陞貴州按察使李錫為湖北布政使司布政使。○旌表河南烈婦翟氏拒姦殞命給銀建坊如例。○辛未。

上駐蹕密雲縣。○壬申。

上駐蹕大東流地方。○陞浙江平陽副將左世永為廣東高雷廉總兵官。○癸酉。

上回宮。詣

皇太后宮問安。甲戌。陞四川建昌道盧詢為江蘇按察使司按察使。調正白旗蒙古副都統睦森為鑲黃旗滿洲副都統。陞前鋒叅領溫普為正白旗蒙古副都統。○丙子。

上詣

皇太后宮問安。○己卯。

孝莊文皇后忌辰。遣官祭

暫安奉殿。庚辰。

上詣

皇太后宮問安。壬午。順天府進春。癸未。歲暮。裕祭

太廟。

上親詣行禮。遣官祭

永陵。

福陵。

實錄卷五十八

五

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。遣官祭太歲之神。甲申。賜朝正外藩科爾沁

鄂爾多斯烏齊克扎魯特蘇尼特鄂爾羅斯吳喇忒翁牛特

喀爾喀巴林散漢阿霸垓喀喇沁王默特諸王貝勒貝子公

台吉等及內大臣大學士侍衛等宴。旌表八旗節婦滿洲

和雅圖妻孔氏等五十四人。蒙古陸什依妻魏氏等四十五

人。漢軍吳洪聲妻劉氏等八人。直隸各省節婦。何德麟妻高氏等六十二人。孝子刁鴻舉等三人。各給銀建坊如例。○是歲。人丁戶口二千四百六十二萬一千三百二十四。田地。山蕩畦地六百九十三萬三千四百四十四頃三十四畝有奇。徵銀二千九百九十萬四千六百五十二兩八錢有奇。米。豆。麥。六百九十一萬二千二百五十四石有奇。草。四百八十五萬五千四百六十一束。茶。二十三萬五千二百一十五引。行鹽五百九萬一千六百九引。徵課銀三百七十二萬九千二百二十八兩有奇。鑄錢三萬七千四百九十三萬三千四百有奇。

實錄卷二百四十八

聖

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十八

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十九

康熙五十一年壬辰春正月乙酉朔

上詣

堂子行禮還宮。拜神畢。率諸王貝勒貝子。內大臣。大學士。侍

衛等詣

皇太后宮行禮。御殿王以下文武各官外藩王及使臣等上表

朝賀。停止筵宴。○朝鮮國王李焞遣陪臣李枋等表賀冬至

元日

萬壽節及進歲貢禮物宴資如例。○丙戌

實錄卷二百四十九

上奉

皇太后幸暢春園。○己丑孟春享

太廟。遣吏部尚書富寧安行禮。○遣官祭太歲之神。○庚寅

上詣

皇太后宮問安。○辛卯

世祖章皇帝忌辰遣官祭

孝陵。○甲午

上詣

皇太后宮問安。○戊戌。以上元節賜外藩科爾沁鄂爾多斯高齊。成。孔。魯。特。蘇。尼。特。郭。爾。羅斯。吳。喇。威。翁。牛。特。喀。爾。喀。巴。林。

土默特教漢阿霸孩手貝勒貝子公台吉及內大臣大學士侍衛等宴○已亥上元節賜外藩王貝勒貝子公台吉及內大臣大學士侍衛等宴 辛丑

上詰

皇太后宮問安 甲辰賜朝正外藩王貝勒貝子公台吉等銀幣鞍馬有差 丙午刑部等衙門題察審戴名世所著南山集遺錄內有大逆等語應即行凌遲已故方孝標所著滇黔紀聞內亦有大逆等語應剉其屍骸戴名世方孝標之祖父子孫兄弟及伯叔父兄弟之子年十六歲以上者俱查出解部即行立斬其母女妻妾姊妹子之妻妾十五歲以下子

聖訓卷九

十

孫伯叔父兄弟之子亦俱查出給功臣家為奴方孝標歸順吳逆身受偽官追其投誠又蒙恩免罪仍不改悖逆之心書大逆之言今該撫將方孝標同族人不論服之已盡未盡逐一嚴查有職銜者盡皆革退除已嫁女外子女一併即解到部發與烏喇寧古塔白都納等處安插汪灝方苞為戴名世悖逆書作序俱應立斬方正王尤雲鸞聞等自首應將伊等妻子一併發寧古塔安插編修劉嚴雖不曾作序然不將書出首亦應革職僉妻流三千里

上曰此事著問九卿具奏案內方姓人俱係惡亂之輩方光琛投順吳三桂曾為偽相方孝標亦曾為吳三桂大吏伊等族

人不可留本處也○諭大學士等原任大學士張玉書久任機務小心恪慎懋著勤勞朕追念難忘伊惟一子張逸少見任編修著從優陞為翰林院侍讀學士以示朕篤眷舊臣至意 授輔國公蒲昌女為鄉君婚英貴為輔國公婚秩四品

丁未

上自暢春園回宮 戊申以司經局洗馬李鳳書提督順天學政陞廣西左江道李世仁為貴州按察使司按察使 辛亥祈穀於

上帝

上親詣行禮○

聖訓卷九

十

上幸暢春園詣

皇太后宮問安 壬子諭大學士等曰今天下承平日久人多重文輕武殊不知天下雖太平武備斷不可廢朕補授武官必簡用曾經効力及弓馬嫻熟者以此人皆互相激勸學習弓馬勉効力如滿洲身歷行間隨圍行獵素習勤苦故能服勞若漢人則不能矣雖由風土不同亦由平日好自安逸之所致也 諭領侍衛內大臣大學士都統尚書副都統侍郎學士副都御史等自古帝王統馭天下君臣一心無有異意故凡事無不就理倘上下睽隔各懷一心則凡事無不滋弊此理所必然也朕今春秋已高聽政年久眾亦謂朕事事

經歷無不周知。但不聞不見之事甚多。雖有言官類多瞻顧。緘默是以託合齊等輩小人常昂然張膽。構集黨羽。今已顯露。亂臣賊子歷代有之。但為君者見於幾先。則不露聲色。自然滅除。若漸使滋蔓。其弊不可勝言矣。朕為國為民宵旰勤勞。亦屬分內常事。此外所不得聞者。常令各該將軍總督巡撫提督總兵官因請安摺內附陳密奏。故各省之事不能欺隱。此於國計民生大有裨益也。爾等皆朕所信任。位至大臣。當與諸省將軍督撫提鎮一體於請安摺內將應奏之事各罄所見。開列陳奏。所言若是。朕則擇而用之。所言若非。則朕心既明。亦可手書訓諭。而爾等存心之善惡。誠偽亦昭然可見矣。朕於諸事謹慎。舉朝無不知之。凡有密奏。無或洩漏。但大膽不肖。惡不畏死之徒。從中折視。或原奏之人朋友眾多。口不容而洩漏者亦有之。至一舉奏摺不遲時刻。皆不留稿。朕親自手批發還。凡奏事者皆有朕手書証據在彼。處不在朕所也。爾等果能凡事據實密陳。則大貪大奸之輩。不知誰人所奏。自知畏懼。或有宵小誑主竊賣恩威者。亦自此顧忌收斂矣。為此特諭。翰林院檢討文志鯨。充日講起居注官。○癸丑。

上以巡幸畿甸。命皇太子允初。皇三子和碩誠親王允祉。皇九子固山貝子允禧。皇十子多羅敦郡王允祿。皇十四子固山

貝子允禧。皇十五子允禩。皇十六子允祿。隨駕。是日自暢春園啟行。駐蹕南苑。○諭大學士等。右衛將軍宗室費揚古為人正直。奏事朕前。言語誠實。凡伊所見所聞之事。即行直奏。並無欺隱。且盡職年久。聲名亦佳。今已年邁。又係王之子。可授為公。著宗人府議奏。尋議費揚古應授為輔國公。從之。○以翰林院侍講學士長壽充經筵講官。

二月甲寅朔。諭黑龍江將軍宗室楊福爾。前為寧古塔將軍時。曾經降級。自調任黑龍江以來。居官甚善。故復還爾所降之級。以示獎勵。○賜盛京將軍唐保住。寧古塔將軍覺羅孟俄。洛黑龍江將軍宗室楊福銀各一千兩。盛京副都統巴勒

白。都納副都統常關。保黑龍江副都統陳太銀各二百兩。○

丙辰春分朝。

日於東郊。遣兵部尚書殷特布行禮。○丁巳。遣大學士蕭永藻

祭

先師孔子。○諭大學士等。朕自冲齡。篤好讀書。諸書無不覽誦。每見歷代文士著述。即一句一字。於理義稍有未安者。輒為後人指摘。惟宋儒朱子註釋。羣經闡發道理。凡所著作及編纂之書。皆明白精確。歸於大中至正。經今五百餘年。學者無敢疵議。朕以為孔孟之後。有裨斯文者。朱子之功最為弘鉅。應作何崇禮。表彰爾等會同九卿詹事科道詳議具奏。尋

大學士會同禮部等衙門議覆宋儒朱子配享孔廟本在求
廡先賢之列今應遵旨升於大成殿十哲之次以昭表彰至
意從之○江蘇巡撫張伯行疏參江南江西總督噶禮得銀
五十萬兩徇私賄賣舉人程光奎吳泌等未肯審明請將噶
禮解任嚴審得旨噶禮著解任此事著張鵬翮會同總漕赫
壽確審具奏江南江西總督印務著江西巡撫郎廷極署理
江南江西總督噶禮疏參江蘇巡撫張伯行誣臣私賣舉
人得銀五十萬兩乞賜對質得旨張伯行著解任此事著張
鵬翮會同總漕赫壽確審具奏江蘇巡撫印務著浙江巡撫
王度昭署理○諭九卿等噶禮張伯行互參一案噶禮有辦

事之才用心緝拿賊盜然其操守則不可保張伯行為人老

成操守廉潔然盜劫伊衙門附近人家高不能查拏噶禮當
參原任知府陳鵬年陳鵬年居官雖善乃一膽大強悍之人
噶禮張伯行互相不睦者皆陳鵬年慝惡所致據張伯行參
疏云噶禮得銀五十萬兩未必全實亦未必全虛即噶禮所
參張伯行之事亦必有兩三款是實至海賊一案命江南浙
江福建三省督撫前往乃皆畏懼推委惟噶禮至盡山花鳥
緝拏賊盜因此各省督撫甚怨噶禮此案容審實難若命滿
大臣審則以為徇庇滿洲若命漢大臣審則以為徇庇漢人
至張伯行題參疏內連及張鵬翮者意欲審理此事時使張

鵬翮迴避故朕仍令張鵬翮前往從公審理○吏部等衙門
議覆福建浙江總督范時崇條奏沿海捕魚船隻只許用雙
桅不准越省行走交與該州縣查明令沿海提鎮副協等營
鈐束應如所請

上曰觀范時崇條奏之事與地方民生無益福建大洋內無賊
盜內地沿海一帶俱係小賊文武各官果實心盡力撫綏緝
獲自然無事今若照所題將捕魚船戶併入水師營分轄則
啟武弁兵丁剋削之弊矣且賊盜竊發何地無之若欲將賊
盜盡除亦斷不能凡事只應視有益於民者行之不當迫之
以法此條奏不可行將原本發還○大學士等以吏部題補

各省學政請旨

上曰提督學政有教育士子選取人才之責關係甚要從前學
差聲名不善者多善者少或有取二三學問優者因而得名
或有取二三寒士因而得名俱不可謂之善今大臣官員子
弟內不無學問優者但提督學政之人伊身鄉會試時或僥
倖而得故提督學政之日取士亦多未公科道官員知其情
弊徇情不行指參此任甚要開列人員內有爾等所知者各
從公舉出又諭曰川陝總督殷泰居官善不但操守好而人
才亦優但知為公効力毫不徇部院中人情面乃實心辦事
之人浙江提督吳郡居官亦善福建武官內無有及之者福

建提督楊琳人明白。雲南提督張谷貞。江南提督師懿德。延綏總兵官李耀寧。夏總兵官范時捷。居官俱善。福建提督藍理。居官甚劣。但其屬下額兵缺伍。不補者較之。俞益謨尚少耳。直隸守道祁國祚。前此居官尚善。今改易其操。為人亦屬奔競。鑽營巡撫趙弘燮。至今仍隱忍不參。又原任巡撫汪灝。任山西學政時。聲名甚佳。後任河南巡撫時。即改易其操。聲名掃地矣。○以科爾沁故和碩土謝圖親王阿拉善子鄂爾齊圖襲爵。○以故正黃旗二等精奇尼哈番阿玉錫子吳巴錫襲職。○戊午。祭

大社

大稷。遣都統崇古禮行禮。○己未。以都察院左都御史趙申喬為會試正考官。內閣侍讀學士徐元夢為副考官。○以翰林院編修陳煥提督山東學政。檢討孔尚先提督山西學政。檢討史貽直提督廣東學政。編修王誥提督四川學政。編修龔鐸提督廣西學政。左春坊左諭德蔡珪提督貴州學政。禮部郎中吳卜雄為河南按察使。司僉事。提調學政。吏部郎中張為經為福建按察使。司僉事。提調學政。原授湖廣學道服闋。候補蔣德昌為湖廣按察使。司僉事。提調學政。○庚申。轉刑部右侍郎覺羅法喇為左侍郎。陞內閣學士薩爾臺為刑部右侍郎。○旌表河南烈婦翟氏。遇姦不從。盡節殞命。給銀建

坊如例。○壬戌。

上駐蹕稻田地方。○直隸巡撫趙弘燮。天津總兵官杜呈泗。來朝。○陞雲南按察使李苾為河南布政司布政使。○癸亥。

上駐蹕北賽地方。○甲子。

孝康章皇后忌辰。遣官祭

孝陵。○

上駐蹕南坊。○乙丑。

上駐蹕魏家營。○丙寅。

上自霸州苑家口登舟。泊張清口。○陞太僕寺卿阿爾賽為內閣學士兼禮部侍郎。○旌表直隸烈婦馬超雲妻李氏。拒姦

殞命。給銀建坊如例。○丁卯。

御舟泊雄縣河口。○戊辰。

御舟泊趙北口。○庚午。

御舟泊郭里口。○山東總兵官李雄來朝。○辛未。遣官祭

先農之神。○壬申。

御舟泊段村。○癸酉。

御舟泊園頭村。○甲戌。

御舟泊趙北口。○乙亥。

御舟泊苑家口。○丙子。

上自苑家口登陸。駐蹕南八里莊。○丁丑。遣官祭

歷代帝王○

上駐蹕北寺盛地方○戊寅

上駐蹕李家渠地方○命卓異武職官員亦照卓異文職官員

例引見○己卯

孝昭皇后忌辰遣官祭

陵○

上駐蹕南苑○庚辰

上回駐暢春園○壬午清明節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○諭大學士九卿等朕覽各省督撫奏編審人丁數目並未將加增之數盡行開報今海宇承平已久戶口日繁若按見在人丁加徵錢糧實有不可人丁雖增地畝並未加廣應令直省督撫將見今錢糧冊內有名丁數勿增勿減永為定額其自後所生人丁不必徵收錢糧編審時止將增

出實數察明另造清冊題報朕凡巡幸地方所至詢問一戶或有五六丁止一人交納錢糧或有九丁十丁亦止二三人

交納錢糧詰以餘丁何事咸云蒙皇上弘恩並無差徭共享

安樂優游閒居而已此朕之訪聞甚晰者前雲南貴州廣西

四川等省遭叛逆之變地方殘壞由畝拋荒不堪見聞自平

定以來人民漸增開墾無遺或沙石堆積難於耕種者亦間

有之而山谷崎嶇之地已無棄土盡皆耕種矣由此觀之民

之生齒實繁朕故欲知人丁之實數不在加徵錢糧也今國

帑充裕屢歲蠲免輒至千萬而國用所需並無遺悞不足之

虞故將直隸各省見今徵收錢糧冊內有名人丁永為定數

嗣後所生人丁免其加增錢糧但將實數另造清冊具報豈

特有益於民亦一盛事也直隸各省督撫及有司官編審人

丁時不將所生實數開明具報者特恐加徵錢糧是以隱匿

不據實奏聞豈知朕並不為加賦止欲知其實數耳嗣後督

撫等倘不奏明實數朕於就近直隸地方遣人逐戶挨查即

可得實此時伊等亦復何詞耶此事毋庸連議俟典試諸臣

出闈後爾等會同詳加確議具奏

為奉天府府尹

三月甲申朔

上詣

皇太后宮問安○

上自暢春園回宮○丙戌

上幸暢春園○通政使司題奉天府尹戴夢麟遺本品級未及例應駁回得旨戴夢麟本係卿員陞任之人所奏遺本准其收奏嗣後凡各衙門卿員遺本俱准收奏○青海輔國公索諾穆達世故遣官致祭○己丑陞太常寺卿王企靖為宗人府府丞○辛卯諭大學士等前論事積十日彙題一次者朕意原指部院衙門已結案件今各部將督撫等所題事件亦入在彙題案內啟奏此斷不可嗣後督撫等所題事件為一本具奏著傳諭各部又繙譯本章關係甚大昨見本內有假官二字繙作偽官舛謬殊甚昔

太宗皇帝時朝鮮國進表原無不恭之語繙譯官意欲起釁故將表文繙錯以致問罪往征後纂修

實錄見彼表內漢文與所繙滿文大不相同始知當時繙譯有弊且偽官與假冒不同何得錯悞此皆繙譯各官不熟習滿文所致嗣後其慎之○壬辰以原任浙江黃巖總兵官韓祖漸為江西南贛總兵官○癸巳

上詣

皇太后宮問安○陞盛京禮部理事官馬進泰為太僕寺卿左通政田從典為光祿寺卿○甲午授

皇四子和碩雍親王側妃所生女為郡君嬌性德為多羅

額駙○丙申

上自暢春園回宮○丁酉

上御經筵講畢賜大學士九卿詹事及講官等宴○戊戌

上御太和殿視朝文武陞轉各官謝恩○諭大學士等去年順天解元以科場事發脫逃朕心甚疑今中式進士內或有不

能作文令人頂替者亦未可定著於二十日齊備試卷令赴暢春園朕親加覆試

上幸暢春園詣皇太后宮問安○陞左僉都御史崔徵璧為太常寺卿○庚子

諭大學士等曰趙申喬題請雲南貴州廣西三省中額量增數名今覆試中式進士可令趙申喬將所取三省備卷舉人亦帶來考試邇來浙江江南人冒直隸等處北籍及代人考試者甚多十三省語音朕悉通曉觀人察言即可識辨著出示通曉中式進士等其中有冒籍替代等項俱赴部實首覆試之日朕前亦許面奏倘隱蔽不發朕一查出悔之無及○辛丑

萬壽節停止行禮筵宴○遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵 遣官祭真武東嶽城隍之神 癸卯覆試會試

中式舉人卜俊民等及趙申喬所薦雲南貴州廣西三省備

卷舉人於暢春園並諭九卿搜閱遺卷○禮部等衙門覆都

察院左都御史趙申喬請增雲南貴州廣西進士額數一疏

上曰朕先因此三省路遠人少每至脫科念邊陲窮士跋涉山

川當諭該部酌量增額以示勸興故今三省文風日盛士子

俱各勉勵肄業考試者漸多但取中額數尚少宜更加增爾

等會議具奏再此當覆試不到者作何區處亦著議奏試卷

內有不通者若革去進士不另行補取則進士數缺矣於某

省革去者即將某省未中卷內擇其佳者取補○乙巳諭大

學士等今歲考取進士額數無多止一百六十一人揀拔庶

吉士者不過四五十人其餘俱挨次選授知縣縣令與民切

近有刑名錢穀之責未登仕以前如不知事宜典禮則登仕

之後於地方民生事務無裨益今歲考中進士除揀選庶

吉士外其餘勿使回籍俱交與禮部選翰林內學優品端者

數人派令教習文藝從事典禮如有修書處率同修書又考

中武進士皆以參將遊擊守備等項員缺補用此等俱有約

束兵丁整飭營伍之責未補官以前不可不先令其學習嗣

後考取武進士亦著勿回原籍見在年滿千總皆分撥八旗

武進士等亦著分撥八旗隨園學習行走○吏部議覆浙江

巡撫王度昭疏言杭州嘉興湖州三府及紹興府屬山陰會

稽蕭山餘姚寧波府屬鄞縣慈谿鎮海台州府屬臨海黃巖

太平溫州府屬永嘉平陽等知縣缺均屬繁劇請照各省調

補例揀選具題應如所請從之○戊申

上詣

皇太后宮問安○大學士九卿等遵旨會議雲南貴州廣西三

省應各增進士一名即將趙申喬所薦三卷作新增之數又

覆試不到中式舉人二十六名行文各該撫速行咨送到日

請旨覆試又今科取中進士內文字不堪者已革退所缺額

數伏乞

皇上將各省考試不中落卷內選擇取中從之○諭大學士等

傳諭主考官趙申喬徐元夢於落卷中有可中者著選百卷

呈覽又各館修書舉人落卷亦著查出一并呈覽殿試為期

甚迫覆試卷不及再分等第俱准其殿試其不通五卷革去

進士仍留舉人下科會試○己酉以翰林院修撰趙熊詔充

日講起居注官○辛亥以翰林院侍講學士陳璋提督順天

學政。編修宋季提督浙江學政。○壬子。賜舉人王圖炳等十七人一體殿試。○喀爾喀多羅貝勒布達扎卜故。遣官致祭。

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百五十

康熙五十一年。壬辰夏四月。癸丑朔。享

太廟。遣領侍衛內大臣公阿靈阿行禮。○甲寅。策試天下貢士卜俊民等於

太和殿前。制曰。朕臨蒞天下五十餘年。永惟所以仰答

上天眷祐之厚。下愜四海望治之心。夙夜孜孜。久而彌惕。蓋大

業戒於鮮終。而遠慮謹於防微。故日與內外諸臣動色咨儆。

欲其以公正者居心。以恪慎者守職。庶幾賢路有所鼓舞。而

日開士習有所觀型。而益勵。然猶未能一德同風。以臻斯道。

者。其故何歟。唐虞之世。皋陶陳謨曰。同寅協恭。夫協同者。豈

其朋黨比周之謂歟。無亦寅畏恭敬則精白無私。故能偏黨

不生。和衷共濟歟。記曰。大臣法。小臣廉。然則大臣者。小臣之

表也。吏不廉則民生不安。大臣不法則小臣不廉。今內而卿

貳外而督撫皆朕所倚為心膂股肱。望其率屬阜民者也。其

何以使廉法相承。永底盛治歟。夫薦賢受上賞。蔽賢蒙顯戮。

古之道也。國家需人。惟亟。故常命九卿廷推。督撫保舉。期得

人材以裨實用。其或借此以援私交。徇請託。將何以稱朕寤

寐求賢之心歟。然則古大臣以人事君之義。何道之操也。書

曰。學古入官。議事以制。故士不學則無以居官。學不正則無

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百四十九

以致用夫六經四書濂洛關閩學之正者也。歷稽往代莫不崇尚經術興數百年太平之基。今士行猶未盡修士業猶未盡醇其將何以養育陶成紹休聖緒歟。夫國家有誠正之臣則百僚師師而官方互飭學校有端粹之品則多士濟濟而賢俊並登爾多士皆養成於庠序出而宣力國家者也。其各抒所蘊以著於篇朕將親覽焉。○乙卯

上詣

皇太后宮問安。○皇三子和碩誠親王允祉恭請

上幸王園進宴。○丙辰

上自暢春園回宮。○丁巳

上御太和殿傳臚賜殿試貢士王世琛等一百七十七人進士及第出身有差。○戊午

上幸暢春園詣

皇太后宮問安。○轉刑部右侍郎薩爾臺為左侍郎調理藩院右侍郎博音岱為刑部右侍郎陞內閣學士二郎保為理藩院右侍郎。○辛酉諭吏部庶吉士潘體震等教習已久今加考試應分別授職除趙熊詔繆沅蔣連已經授修撰編修外其庶吉士潘體震閔圻惠士奇李紱俞兆晟張起麟儲在文戚麟祥徐用錫周彝阿克敦呂謙恒陳似源朱元英秦泰道然楊開沅索泰方觀須洲孫時宜徐斌授為編修李天祥鄧葵

友張煦黎致遠黃趙音潘楷謝履厚詹銓吉張作舟高維新劉大轂王瑋邱尚志曹榆彬謝王寵顧五達陳會史尚節曾謹盧軒馬益何世璠陸紹琦張大受程敬嚴思位黃越壽致潤車松授為檢討。○壬戌諭大學士等曰刑科給事中王懿參步軍統領託合齊一疏有應議之處故朕未發出今託合齊之不法彰明較著王懿所參皆實此事著交九卿審明具奏。○刑部等衙門議覆戴名世等一案

上諭大學士等曰案內擬絞之汪灝在內廷纂修年久已經革職著從寬免死但令家口入旗方登嶧之父曾為吳逆偽學士吳三桂之叛係伊從中慫恿偽朱三太子一案亦有其名

今又犯法妄行方氏族入若仍留在本處則為亂階矣將伊等或入八旗或即正法始為允當此事所關甚大本交內閣收貯另行啟奏。○癸亥陞太僕寺卿馬進泰為內閣學士兼禮部侍郎。○予故近御一等侍衛授副都統品級海清祭葬諡果毅。○予故散秩大臣授副都統品級納拉善祭葬如例。○甲子九卿等議戶部書辦沈天生等串通本部員外郎伊爾賽等包攬湖灘河朔事例額外多索銀兩沈天生伊爾賽應擬絞監候秋後處決并此案受賄之原任刑部尚書齊世武原任步軍統領託合齊等應分別處分

上諭大學士等曰閱此本齊世武託合齊口供並未取入齊世

武品行齷齪無恥前曾奏云不與人往來不取一文今於湖灘河朔事例一案受賄矣託合齊行事悖亂又在鄂繕家行走不時請人會飲其中亦有懼彼而往者亦有結成黨羽以威嚇人者今伊等現拘禁宗人府著王雅爾江阿貝子蘇努公景熙大學士溫達蕭永藻會同刑部詳審事已發覺實供則已若或巧辯爾等即行刑訊○陞直隸宣化總兵官康泰為四川提督○乙丑

上詣

皇太后宮問安○宗人府等衙門遵旨將託合齊等結黨會飲一案審訊各供具奏得旨此等事俱因允初所致允初行事

實錄卷二百五

四

天下之人無分貴賤莫不盡知若果以孝為本以仁為行天下之人皆知係朕之子必無異心何必求此等人保奏惟其行事不仁不孝難於掩蓋徒以言語貨財買囑此等貪濁諂媚之人潛通信息尤屬無恥之甚矣託合齊最為下賤恣意貪婪事跡彰著鄂繕無知穉子巧語誘人止圖哺啜不惜顏面齊世武自幼與光棍結黨好為爭鬪行事粗鄙昏濁殊非人類耿額居心暗昧臨事苛刻從前寶鼎佟保索額圖長泰等皆知之迺圖係高麗之賤俘為安親王屬下辛者庫因王厚待之朕不次擢用授為都統與上三旗大臣一體加恩賞賚不意王喪事未畢即與人會飲藐視小王子妄自尊大負

實錄卷二百五

五

恩背義如此都圖卑保武拜張伯良俱係辛者庫貧窮下賤並非守分安靜之人朝奇素多惡謀慙不畏死刁險叵測允初亦所深知曾欲致之死地者此輩之黨早應族誅以昭國法但朕自御極以來好生為德諸事詳慎將此輩從寬養養冀其改悔乃猶有此等之事朕亦愧焉將此諭旨於眾犯前宣讀令伊等疎聽託合齊耿額圖齊世武朝奇等現在別案審擬即於各案完結鄂繕著革職拘禁迺圖仍入安親王屬下辛者庫者看守王墓都圖等係辛者庫人著交與內務府總管請旨此外若犯別故即於所犯案內定擬其一應發審取供之人不可留於原任俱著革退○丁卯禮部等衙門題嗣後會試不必預定額數亦不必編南北字號并分官字號名色請按省編號印於卷面以便分別取中其滿洲蒙古漢軍卷面亦如各省例另編字號俱令知貢舉合算進場舉人實數臨期具題恭請

皇上酌量省分大小人數多寡定額取中從之○己巳

孝端文皇后忌辰遣官祭

昭陵○

上詣

皇太后宮問安○授一甲進士王世琛為翰林院修撰沈樹本徐葆光為翰林院編修○辛未諭翰林院選拔庶常原係作

養人材。今科進士特加簡閱取卜俊民曹鳴李鍾僑陶貞一劉於義潘允敏王圖炳鄂爾奇楊士徽何國宗秦靖然由嘉穀徐雲瑞馮汝軾許鎮俞鴻圖杜詔鮑開孟班楊祖楫何應鰲林昂顧嗣立王澍狄貽孫徐杞易簡漆紹文周天祐程夢星薄海春山秦休周金簡王時鴻喬時遠董宏周彬郭孫順錢廷獻楊潛沈世屏夏慎樞陳王謨舒大成覺羅名昌胡煦李如璐徐依張淳湯大輅莫與及白子雲曹立王夢旭林景拔主遵辰謝濟世鄭之僑張旭劉蛟孫詔鄭其儲潘祥王晦戈懋倫等六十六名俱著改為庶吉士并修撰王世琛編修沈樹本徐葆光分別滿漢書教習爾衙門即遵諭行。○壬申。

實錄卷三

六

諭吏部原任大學士熊賜履宿學老臣歷任多年朕初立講官熊賜履早夜惟謹未嘗不以內聖外王之道正心修身之本直言講論務得至理而後已況品行清正學問優長身歿以後朕屢加賜卹至今猶軫於懷原任大學士張英張玉書朕因眷念舊勞伊等之子俱已擢用優陞熊賜履之子雖未中式但伊只有一子長成應照張英張玉書之子一例推恩著調取來京酌量錄用以示朕不忘耆舊至意爾部即遵諭行。○以工部侍郎兼翰林院掌院學士揆欽通政使司通政使湯右曾教習庶吉士。○大學士等遵旨覆奏臣等再訊沈天生伊爾賽一案原任刑部尚書齊世斌受賄三千兩原任

步軍統領託合齊受賄二千四百兩原任兵部尚書耿額受賄一千兩俱取供得實應照律擬絞監候秋後處決戶部侍郎李仲極不能查拏本部包攬情弊反縱容家人受賄又為伊子從中捐納應降五級調用戶部尚書穆和倫侍郎塔進泰不能查拏本部包攬情弊反縱容家人受賄俱應降三級調用戶部侍郎噶敏圖雖不知情而本部包攬情弊失於覺察應降一級調用得旨齊世斌託合齊耿額依擬應絞著監候秋後處決李仲極著革職穆和倫塔進泰著降三級從寬免調用噶敏圖著降一級從寬免調用。○大學士陳廷敬故遣皇三子允祉及大臣侍衛等往奠茶酒命各部院滿漢大

實錄卷三

下

臣往弔。○甲戌。

上詣

皇太后宮問安。○陞盛京兵部理事官阿錫鼐為太僕寺卿。○乙亥。禮部題直隸各省舉人貢監生員李長庚等呈稱康熙五十二年恭遇

皇上六旬萬壽普天胥慶率土同歡恭請特開萬壽鄉會科以彰千載一時之盛應如所請照順治丙戌科特行鄉試已亥科特行會試例於二月內舉行鄉試八月內舉行會試以愜輿情以彰盛典得旨造就人材實為美事著如所議行。○以禮部尚書嵩祝為文華殿大學士兼禮部尚書

以禮部尚書王模為文淵閣大學士兼禮部尚書調工部尚書陳誥為禮部尚書以原任刑部尚書革職張廷樞為工部尚書調工部尚書黑碩咨為禮部尚書以都察院左都御史滿篤為工部尚書

御製致仕大學士陳廷敬輓詩一首遣乾清門一等侍衛伍格南書房翰林勵廷儀張廷玉齋賜并給治喪銀一千兩○上諭大學士等曰從來米價騰貴由於收成歉薄比來屢歲豐登米價並未平減或有謂蒸燒酒用米太多故米價騰貴蒸燒酒多用高粱則高粱宜貴其他米穀宜賤而高粱價值並未增於別種米穀別種米穀價值亦未減於高粱或有謂殷

實錄卷二百五

九

實人家多屯米糧謀利夫年歲不可必多屯之後若遇豐年則米價必減賤賣不能得利屯糧糶賣之人預籌及此必不敢多屯也今地少人稠各處人民往邊外居住耕種者甚多比年又皆豐收附近京師之人俱賴此穀大有裨益而米價終未賤者皆生齒日繁闕人衆多之故耳又諭曰前年羹堯摺奏稱原任提督岳昇龍借用藩庫銀一萬兩臣等願捐俸代還等語此項係前任巡撫能泰前任布政使下永式擅行借給其非固不待言但岳昇龍効力處甚多伊等設法完結亦無不可乃年羹堯商之總督殷泰殷泰不允故爾陳奏以此觀之伊等必不睦將來必似噶禮張伯行互相揭參矣○

丙子

上詣

皇太后宮問安○

上奉

皇太后避暑塞外命皇太子允初皇五子和碩恒親王允禩皇八子多羅貝勒允禩皇九子固山貝子允禔皇十四子固山貝子允禔皇十五子允禔皇十六子允禔皇十七子允禔隨駕是日自暢春園啟行駐蹕南石槽○調刑部尚書吳一鰲為吏部尚書陞吏部左侍郎胡會恩為刑部尚書翰林院掌院學士王原祁為戶部左侍郎都察院左副都御史廖騰燧為戶部右侍郎轉刑部右侍郎艾芳曾為左侍郎陞大理寺卿張志棟為刑部右侍郎光祿寺卿田從典為都察院左副都御史仍管光祿寺卿事○以左春坊左庶子胡潤提督江南學政○丁丑

實錄卷二百五

九

上駐蹕密雲縣○陞直隸石匣營副將司九經為宣化總兵官

○戊寅

上駐蹕遙亭○已卯

上駐蹕兩間房○陞通政使湯右曾為翰林院掌院學士仍教

習庶吉士○庚辰

上駐蹕王家營○辛巳

上駐蹕喀喇和屯○壬午

上至熱河駐蹕行宮○右衛左翼副都統禪穆布以老乞休允之

五月癸未朔陞太常寺卿崔微壁為通政使司通政使太僕

寺卿孟世泰為大理寺卿○甲申喀喇沁多羅杜楞郡王塞

稜來朝○乙酉

仁孝皇后忌辰遣官祭

陵○戊子以鑲紅旗蒙古都統新泰為歸化城右翼都統調正

白旗蒙古副都統赫連圖為右衛左翼副都統○刑部題原

任江蘇布政使宜思恭叩關控告總督噶禮等需索銀兩以

實錄卷五

十

致虧空應差部院滿漢堂官往江南審理得旨此案著張鵬

翮審明具奏○授故輔國將軍永吉子麟臺為三等輔國將

軍○兵部議覆福建浙江總督范時崇疏言淡水營為臺灣

極邊要地請以佳里興官兵移撥駐防將臺灣鎮標官兵撥

防佳里興應如所題從之○以湖廣桑植故宣慰使向長庚

子向國棟襲職○已丑翁牛特多羅杜楞郡王和碩額駙蒼

津等來朝○轉吏部右侍郎李旭升為左侍郎調禮部左侍

郎王頊齡為吏部左侍郎管右侍郎事陞內閣學士王思軾

為禮部左侍郎宗人府府丞王企靖為都察院左副都御史

○陞護軍叅領顏壽為歸化城左翼副都統護軍叅領齊式

為歸化城右翼副都統○壬辰

上幸湯泉○喀喇沁多羅額駙門都來朝○癸巳諭刑部爾部

事件甚屬緊要齊世武膽大狂妄法喇無識無恥將事務堆

積遲延不能整理自補授哈山以來叅革劣員剔除積弊辦

理之事明而不煩一應案件漸次完結可謂効力但恐意在

速完或至草率刑名關係重大務須加意詳慎以副朕委任

至意○甲午喀爾喀多羅郡王益楚克阿喇布坦故遣官致

祭○乙未遣官祭

關聖帝君○丙申禮部題朝鮮國王李煊為免年貢內銀兩

豹皮等物謝恩遣使貢獻禮物得旨謝恩禮物准抵冬至元

實錄卷五

十

旦貢獻該部知道○諭大學士溫達曰朕年六旬凡朝政尚

能記之看過之書今則不能記矣溫達奏曰臣伏見

皇上記性較前更勝每發出折本臣等恐其遺忘再三翻閱及

至

御前不盡記憶

皇上一覽即洞悉始末處置得宜

皇上聰明天縱實迥出尋常萬萬也○丁酉

上自湯泉回熱河駐蹕行宮○巴林榮憲公主來請安以原

任內閣學士服闋王之樞補原官○陞奉天府府尹李鴻為

宗人府府丞○旌表直隸烈女張氏拒姦被戮給銀建坊如

例○已亥喀喇沁鎮國公善巴喇錫來朝○庚子夏至祭地於

方澤遣都統崇古禮行禮○陞廣西按察使王用霖為廣東布政使司布政使○壬寅諭大學士等曰湖廣民往四川墾地者甚多伊等去時將原籍房產地畝悉行變賣往四川墾地至滿五年起徵之時復回湖廣將原賣房產地畝爭告者甚多潘宗洛以此情由曾繕摺啟奏嗣後湖廣民人有往四川墾地者該撫將往墾地民人年貌姓名籍貫查明造冊移送四川巡撫令其查明其自四川復回湖廣者四川巡撫亦照此造冊移送湖廣巡撫兩相照應查驗則民人不得任意往

實錄卷二百五

七

返而事亦得清釐爭訟可以止息大學士等侯潘宗洛具題到日會同九卿確議具奏○又諭曰山東民人往來口外墾地者多至十萬餘伊等皆朕黎庶既到口外種田生理若不容留令伊等何往但不互相對閱查明將來俱為蒙古矣嗣後山東民人有到口外種田者該撫查明年貌姓名籍貫造冊移送稽察由口外回山東去者亦查明造冊移送該撫對閱稽查則百姓不得任意往返而事亦得清釐矣烏米穆泰和碩車臣親王色登敦多卜來朝○乙巳土默特多羅達爾漢貝勒馬呢等來朝○戊申諭吏部嗣後布政使按察使缺出將應陞官員通行開列候朕選擇補授○刑部題四川

陝西總督殷泰疏奏縱容游民連直等不行查拏地方文武官員應分別議處

上諭大學士等曰連直等俱以行醫小業為生各處餬口地方官員著從寬免其查拏朕前諭各省督撫查拏越省游行者另有深意蓋謂奸惡之徒有為僧道而行者亦有市藥賣卦而行者若不防微杜漸嚴行禁止令其任意行走結成黨類漸致人多勢盛即行劫掠有害地方或致難圖凡多費錢糧養兵丁者特欲剪除惡亂之輩耳明代李自成即其驗也不豫為之計可乎○以原任都察院左都御史病痊穆丹補原官○陞廣東按察使申奇貴為雲南布政使司布政使○

實錄卷二百五

三

予故致仕文淵閣大學士兼吏部尚書陳廷敬祭葬又加祭一次諡文貞○壬子陞正黃旗滿洲副都統鄂代為鑲紅旗蒙古都統護軍叅領赫達為正白旗蒙古副都統六月癸丑朔日食○乙卯予故江西南贛總兵官楊鈞祭葬如例○丁巳湖廣總督鄂海疏報鎮寧邊外紅苗素稱強悍臣於康熙五十年九月會同撫提二臣親入苗寨宣布皇上威德令悔過革心今紅苗頭目吳老化等率毛都塘等處五十二寨三千餘人實心投順得旨紅苗盤踞深山秉性兇惡自古以來並未歸順今總督鄂海等身入苗寨設法招撫殊為可嘉該部將在事官兵一併議敘○差往江南審事戶

部尚書張鵬翮等回奏查審解任江南江西總督噶禮江蘇巡撫張伯行互參一案應將張伯行革職擬徒准贖噶禮降一級留任

上諭大學士等曰張伯行參噶禮索銀五十萬兩審屬情虛江南一省舉人能有幾何縱盡行賄買亦不能至此數噶禮若受贓即五萬亦當置之重典噶禮原非清廉之官但在地方亦有効力之處張鵬翮等審噶禮參張伯行並未審出一款張伯行原參噶禮內有干係國家之語亦未訊明審出似為兩邊掩飾和解瞻徇定議大臣互相參劾豈可不徹底審明乃兩面調停草率完結況督撫等凡遇事故初參之時率張

實錄卷首

十四

大其事以極重之詞參奏及至審時務必開脫消釋者甚多此亦陋習斷不可行此案發回著大學士九卿等詳看會議具奏○張鵬翮等又奏查審正考官左必蕃疏參吳泌等賄買舉人一案將吳泌等擬絞監候秋後處決副考官趙晉同考官王曰俞方名俱革職命妻發烟瘴地方充軍正考官左必蕃所參雖實而取中舉人革退四名應將左必蕃革職上諭大學士等曰考試舉人進士所以為國家遴選人才關係甚大

世祖章皇帝諭旨炳明即朕為此事屢有諭旨亦甚嚴切從前科場有此等弊發俱議軍法從事今趙晉干犯國憲於考試

時私受賄賂暗通關節張鵬翮等並未將伊等問嚴審且趙晉行止不端舉國無不知者左必蕃昏愚已甚被趙晉欺弄今但照革去舉人三四名之例僅以革職軍流草率完結可乎此案亦發回著大學士九卿等詳看會議繕摺具奏○戊

午陞浙江按察使武國楹為福建布政使司布政使四川東道王之麟為廣西按察使司按察使山東濟東道武廷選為廣東按察使司按察使○兵部議覆福建浙江總督范時崇疏參海壇總兵官湯明巡海疎忽不能約束兵丁以致盜賊殺兵燒船應將湯明革職所參各款交該督嚴審定擬具奏得旨此事關係甚重交張鵬翮審明具奏○辛酉調鑲紅

實錄卷首

十五

旗漢軍副都統恒祿為正黃旗滿洲副都統以鑲藍旗漢軍副都統張朝午為廣西提督陞鑲黃旗參領伯馬士斌為杭州左翼副都統○旌表河南烈婦趙明建妻孫氏逼姦不從自刎完節給銀建坊如例○壬戌禮部議覆教習進士翰林院侍講文志鯨等題請將

御製詩文集并

御評通鑑

御選古文等書各頒一部教習進士應如所請從之○甲子教漢多羅郡王垂穆普爾來朝○陞湖廣糧道張文燦為浙江按察使司按察使○丙寅諭扈從領侍衛內大臣等近日頗

有患痢之人。或因山水暴來之故。亦未可定。朕思未雨之前。泉水清潔。有益於身。而人不覺。既雨之後。泉水污濁。多致瀉痢。而人亦不知也。可傳諭各處。當差人等。並莊頭民間。以後勿用河水。況素日所浚之井。亦不少。何必用濁水。以致疾病乎。爾等即行曉示。俱令遵旨特諭。○阿霸垓多羅卓禮克圖郡王畢額來朝。○丁卯。翁牛特多羅達爾漢貝勒額爾德布鄂齊爾來朝。○陞太常寺卿。荆山為大理寺卿。仍管太常寺卿事。○己巳。鄂爾多斯固山貝子拉希札木素來朝。○庚午。大學士等遵旨。議覆議處。解任總督噶禮。巡撫張伯行。考官左必蕃。趙晉等一案。應仍交與張鵬翮。再審具奏。得旨。此案

著交部議

十

不可仍交與張鵬翮等審理。著戶部尚書穆和倫。工部尚書張廷樞。前去再行嚴加審明。具奏。穆和倫等不必來請訓旨。即帶滿漢司官速行。○癸酉。科爾沁和碩土謝圖親王鄂爾齊圖來朝。○陞叅領周卜輔為鑲紅旗漢軍副都統。叅領唐色為鑲藍旗漢軍副都統。○旌表正藍旗漢軍烈婦馮自功妻劉氏。強姦不從。被戮焚屍。貞烈可嘉。給銀建坊。如例。○甲戌。

皇四子和碩雍親王。赴熱河請安。○戊寅。科爾沁和碩卓禮克圖親王巴特馬來朝。○己卯。蘇尼特多羅杜楞郡王達禮查布來朝。○庚辰。阿霸垓多羅郡王吳爾占噶喇卜固山

貝子車林敦多布等來朝。○辛巳。上出行宮。東門率善射侍衛射。

上親射二次。發矢皆中。射畢。回行宮。

秋七月壬午朔。享

太廟。遣吏部尚書富寧安行禮。○予故原任散秩大臣圖胡魯

克祭葬如例。○丙戌。烏朱穆秦多羅厄爾德尼貝勒博木布

來朝。○戊子。

皇四子和碩雍親王。恭請

上幸王園進宴。○辛卯。

孝懿皇后忌辰。遣官祭

十

十

陵。○貴州巡撫劉蔭樞。以年老乞休。慰留之。○戶部工部議覆。偏沅巡撫潘宗洛疏。言湖南所用制錢。多係康熙三十九年以前所鑄。錢小而輕。私鑄易於攬和。康熙四十一年以後。寶泉寶源所鑄一錢四分重大錢。雖現在搭和使用。尚屬未敷。請每年撥給新大制錢四萬貫。於回空糧船載回。運到之日。按照州縣大小。赴司領發。易銀解貯司庫。以三年為限。將舊小制錢收燬。應如所請。從之。○壬辰。諭吏部。七八九月。掣職官員。若俟朕回鑾。引見缺必久懸。著即行啟奏。○乙未。鄂爾多斯固山貝子羅卜臧來朝。○丙申。中元節。遣官祭

永陵。

福陵。

昭陵。

暫安奉殿

孝陵。

仁孝皇后

孝昭皇后

孝懿皇后陵○丁酉戶部題原任西安驍騎校正藍旗巴布叩

閣言伊兄薩爾布善曾撫養和碩安親王之子塞冷額。田產家人等俱為塞冷額佔踞入在包衣佐領下。審問皆虛。應將巴布枷責。以年老折贖。

上諭大學士等曰此事所議不明。

世祖皇帝時將裕親王恭親王付與殷實官員撫養。及至分封宗人府議將撫養官員產業給與二王。朕未允行。大阿哥曾付與內務府總管噶祿三阿哥曾付與內大臣綽爾濟撫養。分封時亦議將伊等產業給與。朕俱不准行。蓋凡將子孫付與屬下人員撫養者並非欲得其產業也。撫養之人能自孩提時兢兢業業侍奉撫養即其功也。及至長成又得其產業籍其入口不但於理不合。即為所撫養之人亦於心不安。五旗多有此事。此風斷不可長。凡事但以理斷之始合大體。前下嫁阿祿科爾沁巴特麻之縣君曾奏獻伊三佐領。朕諭云

朕乃天下大君在彼在此俱為朕之臣庶若取至京師反滅

損其旗分故不准行蒙古王等聞之無不感激涕泣土默特

有七佐領該台吉無後者至今朕恩養閒居彼處前曾奏請

編在察哈爾旗下朕未允行後又奏請陪送公主朕亦未允

此皆朕至公無私之意今薩爾布善將宗室塞冷額撫養成

人反將其產業佔踞人口入在包衣佐領下為奴可乎此處

並未明白陳奏原本著發還科爾沁和碩端敏公主來請

安科爾沁和碩達爾漢親王羅卜臧滾布來朝○己亥嵩

齊武多羅厄爾德尼郡王阿噶尼斯達來朝○癸卯喀爾喀

土謝圖汗汪扎爾多爾濟輔國公車林昆爾多羅貝勒丹津

多爾濟巴林固山貝子鄂齊爾桑等來朝○丙午陞浙江驛

鹽道呂猶龍為浙江按察使司按察使命湖北糧儲道新陞

浙江按察使張文燦帶陞銜留原任○丁未諭內閣皇四子

之女前授郡君今著授為郡主可傳諭該部○賜四川提督

康泰鞍馬一匹白金一千兩○己酉喀爾喀多羅貝勒宗對

來朝○予故四川提督加增右都督馬際伯祭葬諡襄毅

八月壬子朔科爾沁多羅冰圖郡王宜希班第來朝○癸丑

上行圍命皇太子允初皇五子和碩恒親王允祺皇八子多羅

貝勒允禔皇十二子固山貝子允禎皇十五子允禩皇十六

子允祿隨駕是日自熱河啟行駐蹕中關○喀爾喀輔國公

汪札爾車木楚克納木札爾尼魯特多羅貝勒和碩額駙阿寶等來朝。○甲寅。

上駐蹕湯泉。乙卯禮部題。

皇四子和碩雍親王之女先授為郡主額駙性德授為多羅額駙。今奉特旨授郡主額駙性德應授為和碩額駙。從之。○丙辰。

上駐蹕中闕。○丁巳遣大學士王拱辰。

先師孔子。○

上駐蹕博洛和屯。○巴林固倫榮憲公主來請安。○翁牛特多羅杜楞郡王和碩額駙蒼津來朝。○戊午祭。

大社。

大禮遣禮部尚書黑碩咨行禮。○喀爾喀和碩恪靖公主來請

安。○喀爾喀多羅郡王和碩額駙敦多布多爾濟青海多羅

貝勒塞布騰扎爾多羅貝勒羅卜臧察罕貝子車臣戴青羅

卜臧達爾渣等來朝。○己未。

上駐蹕張三營。○科爾沁和碩純禧公主來請安。○以故鄂爾

多斯固山貝子色冷喇錫子魯木布襲爵。庚申。

太宗文皇帝忌辰遣官祭

昭陵。○辛酉。

上駐蹕穆穆喀喇沁昂阿地方。○巴林固山貝子扎錫那木塔

爾來朝。○壬戌。

太祖高皇帝忌辰遣官祭

福陵。○

上駐蹕汗特木爾達巴漢地方。○喀爾喀多羅厄爾德尼濟農

郡王納木札爾來朝。○癸亥。

上駐蹕愛里昂阿地方。○甲子。

上駐蹕克勒烏里雅蘇台。○乙丑喀爾喀和碩親王達西敦多

卜來朝。○丁卯。

上駐蹕哈達那佛羅地方。○戊辰。

上駐蹕西拉諾海地方。○己巳。

上駐蹕噶爾圖昂阿地方。○喀爾喀和碩親王多羅額駙策汪

札卜輔國公索諾木伊斯札卜敦漢多羅郡王垂穆普爾科

爾沁多羅扎薩克圖郡王鄂齊爾等來朝。○庚午。

上駐蹕布呼圖和洛。○辛未。

上駐蹕烏喇岱昂阿地方。○陞貴州威寧遊擊陸臣揚為廣東

碣石總兵官。○旌表山東烈婦邵氏拒盜被戮給銀建坊如

例。○癸酉。

上駐蹕納爾蘇台達巴漢地方。○科爾沁和碩卓禮克圖親王

已特麻土默特多羅貝勒羅卜臧哈密達爾漢伯克額敏等

來朝。○甲戌秋分夕。

月於西郊遣刑部尚書哈山行禮○

上駐蹕額爾滾鼻地方○烏朱穆泰和碩車臣親王色登敦多

卜札魯特多羅貝勒畢魯瓦等來朝○乙亥

上駐蹕烏里雅蘇台布爾哈蘇台交界地方○阿祿科爾沁多

羅貝勒旺扎爾來朝○丙子

上駐蹕巴顏和洛○丁丑喀爾喀輔國公根敦來朝○戊寅諭

禮部朝鮮國王李煒奏前往伊國境內海洋捕魚船隻請再

行嚴禁現今內地海洋小寇雖飭地方官嚴行查拏但海面

遼闊時或有之邇來浙省海洋賊寇潛行劫奪官兵追捕遊

擊一員被傷身亡曩者附近朝鮮海洋潛行捕魚船隻曾經

實錄卷五

五

申飭盛京將軍及沿海地方官員嚴加巡察緝拏而今尚有

八九船隻違禁潛出外洋竟至朝鮮邊界捕魚是即賊寇也

嗣後如有此等捕魚船隻潛至朝鮮海面者許本國即行勦

緝如有生擒作速解送毋因內地之人致有遲疑特諭○諭

領侍衛內大臣等連日雨雪交下諸臣必以不得行獵之故

未愜於心不知此番雨雪於秋麥大有裨益直隸各處亦皆

如此則更佳矣可傳諭扈從諸臣知悉○庚辰

上駐蹕五虎爾岱地方

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十

實錄卷五

五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百五十一

康熙五十一年壬辰九月辛巳朔

上駐蹕鄂爾楚克哈達地方○以先賢言偃七十三世孫生員

言德堅世襲五經博士○予故翰林院侍講加禮部侍郎銜

徐俸祭葬如例○壬午

上駐蹕得爾吉惠漢地方○科爾沁多羅貝勒阿必達來朝○

癸未

上駐蹕克爾木台地方○甲申

上駐蹕永安拜昂阿地方○乙酉

平定蒙古王

上駐蹕齊老圖地方○丙戌

上駐蹕烏蘭哈爾哈地方○喀爾喀多羅郡王多爾濟喇布坦

鎮國公顏中多爾濟扎魯特多羅貝勒阿諦沙等來朝○丁

亥

上駐蹕巴顏拖羅海地方○戊子

上駐蹕朱爾哈代碩倫地方○己丑

上駐蹕郭里營○庚寅

上駐蹕納木生札色地方○賜來朝科爾沁烏朱穆泰喀爾喀

厄魯特鄂爾多斯阿霸垓阿祿科爾沁蘇尼特扎魯特土默

特教漢喀喇沁翁牛特巴林青海哈密高齊忒王貝勒貝子

額駙公台吉等鞍馬綴足銀兩有差○賜隨圍蒙古官兵銀

兩布疋有差○辛卯

上駐蹕博洛和屯○壬辰

上駐蹕中關○癸巳

上駐蹕熱河行宮○以內閣學士凌紹雲為武會試正考官翰

林院侍讀學士汪澄為副考官○丙申遣官祭

歷代帝王○遣官祭城隍之神○丁酉調廣東提督施世驄

為福建水師提督○禮部題鑲紅旗閒散瓦色之女許字正

紅旗護軍陸格緣陸格未婚病故女至夫家剪髮守孝奉姑

三年服滿縊死與尋常守節不同應請旌表從之○庚子先

實錄蒙古王

是原任陝西寧州知州大計參革姚弘烈妻孫氏叩關控告

原任甘肅布政使覺羅伍實慶陽府知府陳弘道等勒索銀

兩一案又原任慶陽府知府陳弘道妻王氏叩關控告四川

陝西總督殷泰等徇庇知州姚弘烈將氏夫嚴刑拷訊一案

命都察院左都御史趙申喬戶部侍郎噶敏圖赴陝一并察

審尋趙申喬等審畢覆奏事下刑部會同宗人府吏部核擬

至是刑部等衙門會議左都御史趙申喬等所審姚弘烈陳

弘道互許兩案除知州姚弘烈照律定罪應於虧空錢糧案

內從重歸結知府陳弘道雖有聽許財物情弊然無貪婪實

蹟應照律革職杖流准其折贖外其原任刑部尚書齊世武

於甘肅巡撫任內受布政使覺羅伍實火耗銀三千六百餘兩原任甘肅巡撫鄂奇於署布政使任內得火耗銀三千三百餘兩丁憂布政使阿米達於任內得火耗銀六千七百餘兩原任布政使覺羅伍實於任內得火耗銀六千七百餘兩俱實查齊世武已於包攬湖灘河朔事例受賄案內擬絞應無庸議鄂奇阿米達覺羅伍實俱係旗人應照律革職加責准其折贖至現任總督殷泰係封疆大臣不能除弊反出示令州縣徵收錢糧每兩加一火耗殊屬溺職現任甘肅巡撫樂拜與覺羅伍實同城居住失於覺察均應照律革職得旨殷泰樂拜居官之優陞西通省無不盡知俱從寬免革職餘

實錄卷三十一

三

依議○湖廣總督鄂海題報鎮寧邊外紅苗除前招撫三千餘名外臣復差土百戶紅苗頭目深入大山再宣

皇上威德將盤塘高等八十三寨生苗盡行招撫共計男婦大小二千一百八十餘名苗目龍天保等前赴武昌投誠得旨紅苗等居深山之中自古以來並未向化鄂海等宣示朝廷德澤盡行招撫殊屬可嘉今紅苗等已去邪輸誠削髮投順地方文武官員務仰體朕無分內外俾盡享昇平無不樂業之至意將紅苗等安插得所從容化導教之禮義倘有不肖官員將紅苗視為度外侵蝕擾害者該督撫即行指名題參○予故廣西提督加贈太子少保張旺祭葬如例○壬寅

上奉

皇太后自熱河回鑾駐蹕喀喇和屯○癸卯

上駐蹕王家營 甲辰

上駐蹕鞍子嶺 乙巳

上駐蹕兩間房 丙午

上駐蹕已克什營 陞詹事府少詹事沈涵為內閣學士兼禮部侍郎○喀爾喀車臣汗滾臣遣使進九白年貢宴賽如例

○兵部議覆鎮海將軍侯馬三奇疏言浙江提督吳郡等咨稱拒殺官兵焚燬戰船之黃巖海寇今已擒獲取供夥黨俱住閩廣現在會同江南督撫提鎮出洋搜緝自當緝獲無遺

實錄卷三十一

四

但臣曾任湖鎮浙提頗知海上情形洋面叢雜故飄突賊寇知有官兵會捕即移彼匿此遽難蹤跡每於春夏則乘東南風勢來至浙江邊剽劫商船秋冬則乘西北風勢攜帶賊物還歸本籍今際秋冬之候正賊徒還歸閩廣之時况數省兵船搜捕洋面彼未有不棄船登陸或徑回原籍或潛匿鄰近地方應嚴飭沿海管轄大吏并文武各官於沿海口隘及內地所屬稽查訪緝則賊在外洋可以俘獲賊歸內地可盡根株矣應如所題從之○丁未

福陵○

孝慈高皇后忌辰遣官祭

上駐蹕遼寧○戊申

上駐蹕密雲縣○工部議覆河道總督趙世顯疏言黃林莊至
貓兒窩一帶山水噴沙流入運河今夏山水暴漲遂成淤淺
急宜築壩挑濬又清河縣南岸清口西壩秋汎水長勢甚危
險必於本壩上流加築雁翅隄一道以挑黃溜又清邑中河
鹽河石閘年久裂損必須拆造以資啓閉又高郵以下露筋
閘至三溝閘等處河身彎曲舟行維艱亦宜取直應如所請
得旨依議速行○己酉

上駐蹕南石槽○庚戌

上奉

實錄卷五十一

奉

皇太后回駐暢春園○諭諸皇子等皇太子允初自復立以來
狂疾未除大失人心

祖宗弘業斷不可託付此人朕已奏聞

皇太后著將允初拘執看守朕明日再頒諭旨示諸王大臣

冬十月辛亥朔享

太廟遣吏部尚書富寧安行禮○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○頒康熙五十二年時憲曆○

御筆硃書諭諸王貝勒貝子大臣等前因允初行事乖戾曾經

禁錮繼而朕躬抱疾念父子之恩從寬免宥朕在衆前曾言

其似能悔改伊在

皇太后衆妃諸王大臣前亦曾堅持盟誓想伊自應痛改前非

晝夜警惕乃自釋放之日乖戾之心即行顯露數年以來狂

易之疾仍然未除是非莫辨大失人心朕久隱忍不即發露

實錄卷五十一

六

者因向有望其悔改之言耳今觀其行事即每日教訓斷非
能改者朕今年己六旬知後日有幾況天下乃

太祖

太宗

世祖所創之業傳至朕躬非朕所創立恃

先聖垂貽景福守成五十餘載朝夕惕耗盡心血竭蹶從事

尚不能詳盡如此狂易成疾不得衆心之人豈可付託乎故

將允初仍行廢黜禁錮為此特諭又傳諭曰朕今雖六旬賴

祖父之福自幼嘗以英傑自許朕於允初非不能制但今之人

善者少而惡者多允初秉性兇殘與惡劣小人結黨允初因

朕為父雖無異心但小人輩懼日後被誅倘於朕躬有不測之事則關係朕一世聲名彼有一小太監善福如廁皆遣人伺察以此觀之當無處不留心伺察者矣昨實問彼隨侍二太監當面唾辱伊毫無愧色其不堪可知況前者釋放時曾有諭旨善則為皇太子否則復行禁錮詳載檔冊今毫無可望故有此諭諸王大臣奏曰皇太子乃

皇上之子

皇上所知較臣等更切皇太子復立之後

皇上日加訓誨望其自新今

皇上洞鑒其未改重念

太祖

太宗

世祖皇帝創立鴻業不得已籌畫備至自出乾斷頒示諭旨臣等自應欽遵但

皇上聖躬關係甚重祈寬釋頤養臣等庶可稍慰

上諭曰著傳諭諸臣自釋放皇太子以來數年之間隱忍實難惟朕乃能之即今皇太子飲食服御陳設等物較之於朕殆有倍之伊所奏欲責之人朕無不責欲處之人朕無不處欲逐之人朕無不逐惟所奏欲誅之人朕不曾誅以朕性不嗜殺故耳凡事如所欲行以感悅其心冀其遷善也乃朕如此

實錄卷三十一

七

實錄卷三十一

八

俯從而仍怙惡不悛是以仄心毫無可望至於臣庶不安之處朕無不知今衆人有兩處總是一死之言何則或有身受朕恩傾心向主不肯從彼寧甘日後誅戮者亦有微賤小人但以目前為計逢迎結黨被朕知覺朕即誅之者此豈非兩處俱死之勢乎此數年間侍朕左右之人因朕有勿得責罰之命故伊不加荼毒至伊屬下内外人等種種撻楚不可勝計今即伊妻孥亦皆寒心俱以為當廢無一墮淚者項在熱河駐蹕時朕之侍衛每日射箭歡笑飽餐頒賜食物顏色豐潤無不愉樂伊處黃褂侍衛溽暑之時流汗執役肩擔損木手執鋤鋤手足胼胝哭泣怨望無有不知者伊處只有一門

出入之人甚雜亦衆所知朕雖日遣大臣一員侍衛十員看守俱似無目者然今爾等奏請朕躬關係甚重宜加頤養但自釋放皇太子以來數年之間朕之心思用盡容顏清減衆皆緘默曾無一人如此勸解者朕今處置已畢奏此勸解之言何用前次廢置朕實憤懣此次毫不介意談笑處之而已前廢皇太子之時朕所誅不過數人皆係皇太子惡劣所致今鎖拏之人雖多朕惟將一二惡慝皇太子為惡者誅之其餘罪不深究不忍令臣庶無辜受戮也嗣後衆等各當絕念傾心向主共享太平後若有奏請皇太子已經改過從善應當釋放者朕即誅之果爾初拏皇太子之時何無一人保奏

今已頒諭旨完結之後奏亦無益日後朕若再行復立其何以示天下耶○諭大學士等內務府事件積滯甚多所關甚要著原任大學士馬齊署理總管事○諭宗人府正紅旗護軍統領莘泰已經革職所遺員缺著原任鎮國公普奇補授伊爵及所屬佐領俱著給還原任副都統宗室楚宗著仍授為副都統遇缺即補○壬子

上詣

皇太后宮問安○吏部議覆陝西巡撫雍泰題四川陝西總督殷泰以患病不能理事應准其解任調理得旨殷泰自為兵丁時朕灼知其義勇歷加簡用陞授總督以來不負委任潔

實錄卷二百五十一

九

清自持約束屬下恩威並用陝西軍民無不感戴朕深愛惜之今聞病勢已減著在任調攝○癸丑

皇太后聖壽節

上率王以下文武大臣侍衛等詣

皇太后宮行禮遵

懿旨停止筵宴○諭戶部朕宵旰孜孜勤求民瘼永惟惠下實政無如除賦蠲租除每歲直隸各省報聞偶有水旱災傷照輕重分數豁免正供仍加賑恤外將天下地丁錢糧自康熙五十年為始三年之內全免一週使率土黎庶普被恩膏除將直隸奉天浙江福建廣東廣西四川雲南貴州及山西河

實錄卷二百五十一

十

南陝西甘肅湖北湖南康熙五十年五十一年地丁錢糧一概蠲免歷年舊欠錢糧一并免徵外所有江蘇安徽山東江西四省除漕項外康熙五十二年應徵地畝銀共八百八十二萬九千六百四十四兩有奇人丁銀共一百三萬五千三百二十五兩有奇俱著察明全免其歷年舊欠銀二百四十八萬三千八百二十八兩有奇亦并著免徵計三年之內總蠲免天下地畝人丁新徵舊欠共銀三千二百六萬四千六百九十七兩有奇各該督撫務須實心奉行體朕軫念民生至意如有侵欺隱匿使惠不及民借端科派者該督撫嚴行察參督撫失察事發之日亦嚴加究治諭旨到日立即偏示城郭鄉村咸使知悉○爾部即遵諭行○乙卯吏部議覆戶部尚書穆和倫等察審解任江南江西總督噶禮江蘇巡撫張伯行互參一案張伯行所參噶禮各款既經穆和倫等審明皆虛張伯行畏縮不能出洋反誣陷張元隆通盜不審不結耗斃多人不能嚴拏盜賊遲延命案又妄行參奏有玷大臣之職應如所題革職至噶禮所參張伯行各款既經穆和倫等審明俱係從前舊案不於彼時參奏亦應議處但所參張伯行不能出洋等處俱實應如所題免議得旨張伯行居官清正天下之人無不盡知允稱廉吏但才不如守果係無能噶禮雖才具有餘辦事敏練而性喜生事並未聞有清正之名伊等

互參之案皆起於私隙聽信人言所致誠為可恥朕臨蒞天下五十餘年徧諳諸事於滿洲蒙古漢軍漢人毫無異視一以公正處之且嚮禮屢次具摺參張伯行朕以張伯行操守為天下第一斷不可參手批不准諭旨現在嚮禮處此所議是非顛倒著九卿詹事科道會同矢公據實再議具奏又諭大學士等閱朕此旨是則是非則非面奏時即從直具奏朕不但加責而且甚喜漢大臣不可又以皇上聖明承順覆旨朕聽政五十餘載凡滿漢大臣皆當知朕之居心滿漢俱係朕之臣子朕視同一體並不分別無知之輩且謂朕為何不護庇嚮禮朕乃天下之主凡事惟順理而行豈可止護庇

實錄卷一百一

七

滿洲明日回奏時朕另有諭旨○予改正白旗原任前鋒統領伊巴漢祭葬如例○丙辰

上詣

皇太后宮問安○九卿詹事科道面奏嚮禮張伯行互參一案上曰從古治天下者莫要於至公朕御極五十餘年凡內外大小之事皆以公心處之觀近日外官滿洲所參大抵多漢人漢人所參大抵多漢軍皆非從公起見朕悉據理處之並無偏向張伯行居官清廉人所共知其家亦殷實朕巡河工時彼適為按察使知之甚悉但才具畧短耳嚮禮辦事歷練至其操守朕不能信若無張伯行則江南地方必受其腹削一

半矣語云文官不愛錢武官不惜命然後天下乂安又云清官不累民朕為天下主自幼學問研究性理等書如此等清官朕不為保全則讀書數十年何益而凡為清官者亦何所倚恃以自安乎左都御史趙申喬奏曰

上諭清官不累民極是張伯行居官果清

上曰爾等俱係大臣既知張伯行清官當會議時何無一言今朕既有諭旨爾等方贊其清亦晚矣又諭曰如蕭永藻富寧安張鵬翮趙申喬施世綸殷泰張伯行此數人皆清官朕皆愛惜保全昔日趙申喬任偏沅巡撫時居官甚清但有性氣人皆畏其議論伊與俞益謨互相訐參彼時亦有以趙申喬為非者朕細加察訪即俞益謨所轄武官及同鄉陝西人良心不昧俱言俞益謨之非無有以趙申喬為不是者清官固所當惜而其言之不可行者朕亦不行如趙申喬條奏黃河坍地免糧一事朕不准行雖所言未當而並無私見凡交與伊一應事件皆實心辦理朕是以護惜之至陳鵬年稍有聲譽學問亦優嚮禮之欲害之也久矣張伯行聽信陳鵬年之言是以嚮禮與之不和曾將陳鵬年虎邱詩二首奏稱內有悖謬語朕閱其詩並無干礙朕纂輯羣書甚多詩中所用典故朕皆知之即末句鷗盟二字不過託意漁樵陳鵬年詩現在非無據者今與爾等公看可知朕心之公矣又諭曰嚮禮

實錄卷一百一

七

張伯行互參一案初次遣官往審為噶禮所制不能審出及再遣大臣往審與前無異爾等諸臣皆能體朕保全清官之意使為正人者無所疑懼則人俱欣悅海宇長享昇平之福矣○諭大學士等滿洲大臣母謂朕偏向漢人朕至公無私之心天下共見斷不肯讓美於古人自幼所學者此以所學見諸行事者即此也○諭領侍衛內大臣等馬齊等所管佐領乃朕鑲黃旗舊有佐領前曾撥給皇八子貝勒允禩今撤回仍著馬齊等管轄其族人一并隨入本旗馬齊原係大學士朕另有諭旨馬武李榮保傳爾敦不必復職其餘族人莊圖法生等三十七人俱著復還原職○丁巳諭大學士等

實錄卷二十一

十三

年浙江等處海賊沿途劫奪客商船隻殺傷官兵直至盛京殊屬可惡現今正當北風之時海賊俱焚燬船隻各回本省家中應趁此時嚴加查拏著派兵部刑部賢能滿漢司官各一員差往浙江福建廣東會同該督撫逐戶嚴行搜查如查拏鄭盡心務期必獲方好這逐戶搜緝民雖累受辛苦盜賊一靖於民大有裨益喀爾喀澤卜尊丹巴胡土克圖土謝圖汗遣使進九白年貢宴賚如例已未陞山東按察使李發甲為福建布政使司布政使四川永寧道蔡琦為山東按察使司按察使○庚申

上諭

皇太后宮問安○策試天下中式武舉於

太和殿前○都統吳達禪故賜馬四匹銀一千兩○辛酉

上御暢春園內西廡閱試武舉騎射技勇○壬戌

上御暢春園內西廡閱試武舉騎射技勇○諭兵部提鎮等官在任所置立產業不回原籍恐管轄兵民受其苦累爾部會

同九卿確議具奏○吏部等衙門遵旨再議解任江南江西

總督噶禮江蘇巡撫張伯行俱係封疆大臣不思和衷協恭

互相訐參殊玷大臣之職應將噶禮張伯行俱革職但地方

必得清正之員方不貽累百姓張伯行應否革職留任候

聖裁得旨噶禮著革職張伯行著革職留任○癸亥

實錄卷二十一

十四

上御暢春園內西廡閱試武舉騎射技勇畢○諭武殿試讀卷官等曰令兵丁讀書考試誠一美事武職雖以騎射嫺熟人材壯健為要若不知讀書則不知兵法今提鎮等官俱簡用學問優者該管兵丁令其教習故為兵者亦皆鼓舞而讀書者多矣○

上諭大學士李光地曰爾曾以易數與眾講論乎算法與易數

脗合朕凡閱諸書必考其實曾將算法與朱子全書對較過

今人看正書者少宋儒講論性理亦未嘗不作詩賦但所作

詩賦皆醇厚朱子以蘇軾所作文字偏於粉飾細閱之果然

若看聖賢講論性理諸書雖賦性魯鈍及至日就月將定有

裨益○甲子傳臚賜殿試武舉李顯光等九十九人武進士及第出身有差○乙丑宗人府題員勒海善違旨令太監李煥在各處妄行又不將實情陳奏應將伊員勒革退得旨海善著革退員勒令伊兄滿都祐襲替○丙寅陞工部左侍郎揆敘為都察院左都御史仍兼管翰林院掌院學士事○調漕運總督赫壽為江南江西總督陞江西巡撫郎廷極為漕運總督○直隸巡撫趙弘燮題真定府屬井陘縣秋被旱災請發倉賑濟得旨直隸各省督撫每奏報年穀收成朕必批令預籌積貯以備小有災荒即行賑濟諭旨甚明井陘係小縣村落無幾偶遇小災便聞人民不得安堵如果能遵前旨於豐

實錄卷五十一

年

年豫為貯積何至艱食此皆因地方官奉行不實全無儲蓄所致嗣後地方官須遵朕前旨實心奉行務期有濟民生○以翰林院編修周尋為雲南鄉試正考官內閣中書查布扎納為副考官翰林院編修潘體震為貴州鄉試正考官通政司知事常任為副考官○調貴州提督王文雄為廣東提督陞山西大同總兵官張文煥為貴州提督○陞大理寺少卿李敏啓為太常寺卿○兵部議覆湖廣總督鄂海疏言鎮寧歸順新苗一百三十五寨交原招撫之土百戶等分管約束准與土百戶職銜應如所請至所稱每名給步糧一分以為養贍查土司無食糧之例應無庸議得旨依議土百戶需用

錢糧無多著該督撫酌量給發○丁卯旌表直隸烈女張氏逼姦不從完貞被戮給銀建坊如例○戊辰免山東魚臺等四縣本年分水災額賦有差○己巳命禁錮廢皇太子允初於咸安宮○庚午

上詣

皇太后宮問安○禮部題康熙五十二年恭遇

皇上六旬大慶中外臣民莫不欲竭尊親之戴上無疆之頌臣等職任秩宗應行典禮謹會同大學士九卿詹事科道詳議具題得旨朕御極以來惟欲萬國乂安上則敬

天法

實錄卷五十一

年

祖下則垂令名於後世孜孜然以至鬚髮盡白心血耗散歷盡憂勤蕩平險阻自古帝王在位不久享年不遐者論者往往歸於別故而未諒帝王實不勝其難實不堪其勞憂懼所迫以致享祚之不永也朕反覆思維昔帝堯固辭華封之祝必似朕臨蒞年久之君方能知聖人言之有實也餘則斷不能知矣朕本涼德惟賴

祖

考得國之正積福之深在位五十餘年壽屆六十今憂勞倍增血氣漸憊惟恐愈久而力不支願不遂以至不全終始一世勤瘁俱屬徒然朕惟兢兢惕厲並無留心祈求甲子之週也

覽禮部請旨之奏悉屬虛文無有實際朕惟願臣清子者見友弟愛人人皆讀正書勉盡職業國安民治盜賊寧息各以至誠實意為朕六秩慶祝朕即嘉納此外儀文朕無所嗜亦無所好這所奏不准行○轉工部右侍郎張格為左侍郎陞內閣學士馬進泰為工部右侍郎○陞湖南布政使佟國勳為江西巡撫○辛未以正紅旗護軍統領鎮國公普奇為正紅旗滿洲都統○壬申以吏部右侍郎王碩齡充經筵講官○以翰林院掌院學士湯右曾充日講起居注官○陞左通政周道新為太僕寺卿○癸酉贈故原任威畧將軍福建水師提督吳蕃太子少保予祭葬如例○土默特多羅達爾漢

實錄卷二百五十二

七

貝勒馬呢故遣官致祭○以故喀爾喀多羅郡王益楚克子格勒克顏木聘爾襲爵○甲戌

上詣

皇太后宮問安

上自暢春園回宮○以都察院左副都御史綽奇為內閣學士兼禮部侍郎○免江南海州山陽等十二州縣并淮安大河二衛本年分水災額賦有差 乙亥

上御太和殿視朝文武陞轉各官謝恩

上幸暢春園○丙子諭大學士等曰吏部引見八月分掣籤官員內有行止不端出身不正者著几卿各據見聞陳奏將所

奏之員即令原品休致此等人員不於此時查明俟到任後被上司叅劾致缺久懸於地方甚屬無益嗣後月選官員掣籤後某人得某缺人品何如行止何如之處著問九卿具摺啓奏○九卿議覆山東總兵官李雄題武舉告降補用者請先分與八旗教習限滿以千總補用應不准行得旨告降武舉遽以千把補用不諳營伍事務殊為無益李雄所題亦是將伊等分撥八旗照漢護軍一體學習再行補用○陞原任貴州按察使子牙河分司阿琳為湖南布政使司布政使○丁丑

上詣

實錄卷二百五十二

八

皇太后宮問安○陞都察院左僉都御史董弘毅為奉天府府尹○己卯諭大學士等曰刑部事件人命攸關故凡刑部所奏之事朕尤細心詳閱二字不肯輕忽訛舛者必改定發出朕在熱河駐蹕命內閣於本章到時將刑部本章次日送進以便詳閱蓋慎之又慎也○陞正黃旗副都統噶爾弼為正紅旗護軍統領

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十一

實錄卷之二百五十一

九

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十二

康熙五十一年壬辰十一月庚辰朔

上詣

皇太后宮問安○癸未旌表山東烈女張春女張氏守節不辱
慘死完貞給銀建坊如例○甲申九卿遵旨議覆現任提鎮
以至守備及丁憂革職提鎮等官俱不准在任所入籍置產
如違定例令該地方官嚴查催回原籍得旨依議如已經身
故不能回籍者著該督撫另行具奏○乙酉陞工部郎中明
安為都察院左副都御史○先是福建巡撫覺羅滿保會同

實錄卷之二百五十二

一

浙閩總督范時崇列款糾參革職原任福建提督藍理貪婪
酷虐流毒士民現在京師應請拏究

上命兵部左侍郎覺和托等將藍理帶往福建會審至是覺和
托察審藍理霸市抽稅婪贓累萬被害不止一家流毒已極
應擬斬立決得旨藍理應依議處斬但在臺灣澎湖對敵之
時奮勇向前著有勞績著從寬免死調取來京入旗○丁亥
上詣

皇太后宮問安○己丑授故奉國將軍李生額子德倫為奉恩
將軍○免江南沛縣本年分水災額賦有差○免浙江安吉
長興諸暨三州縣本年分水災額賦有差○辛卯

上諭大學士等曰前原任四川巡撫能泰曾具摺奏請開礦後又奏稱江中有銀派官監視撈取以為兵餉朕以此二事俱不可行隨硃筆批發朕乃人君豈有令江中撈取銀兩之理觀此二事即知能泰必貪爾等可傳能泰問之尋大學士等奏傳問能泰據云奏請二次

皇上皆硃筆批不准行算開礦所用工費價值亦無大益

上曰以此觀之一面奏請一面即行矣督撫提鎮奏摺一二朕即可知其行事也○廣東碭石總兵官陸臣揚陸辭

上諭曰爾昔年出征曾至廣東此乃熟悉之地務訓飭將卒以盡職守今聞彼地尚有海賊爾到任之後當嚴行查拏不可

實錄卷二百五十二

二

急急若入海巡察時須多帶人去此係國家要務當謹誌遵行○壬辰以翰林院侍講學士周起渭充日講起居注官○廣州副都統汪世臣以病乞休允之○癸巳吏部尚書兼管倉場總督事務富寧安奏曰九江興武等七處回空漕船至東光阻凍此皆因量兌裝載過闌以致遲悞此等船隻若俟明年解凍去而復來則又必至於遲悞臣請行文總漕查在何處遲悞即令伊等之力運至

上曰漕運遲悞皆有故朕南巡時知之甚悉漕船難於在江停泊由江左來者過江自儀徵至寶塔灣停泊由江右來者亦過江自瓜洲至寶塔灣停泊雖有先到寶塔灣之船亦必俟

未到之船按次挨幫而行故爾遲悞並非量兌裝載過闌遲延之故若一到即行不但漕船不致有悞而於商民亦有裨益○

上諭大學士等曰今年河道平穩所報黃水清水勢力相當其先清水不能抵黃每每倒灌自朕指示築隄引清水由北岸流去之後黃水始不倒灌又將楊家閘處修理所以大得利益朕以河道關係甚要故將河圖置於座右不時詳閱即小處地名亦皆留意也○甲午戶部議覆都察院左都御史趙申喬疏言

實錄卷二百五十二

三

皇上施恩天下將地丁銀兩俱皆蠲免請將陝西潼關衛及山西大同府所屬徵收米豆草束一體蠲免應不准行得旨潼關衛大同府所屬康熙五十一年應徵米豆草束已經徵完今雖蠲免無益小民明年應徵米豆草束著蠲免○乙未

上自暢春園回宮○以廢皇太子允初遣官告祭

天地

太廟

社稷告

天祭文曰嗣天子臣敢昭告於

皇天上帝曰臣纘承鴻業祇迓

天庥夙夜憂勤惟以社稷蒼生久安為務向以允初狂惑成疾

難以負荷丕基。於康熙四十七年九月十八日特行廢黜。嗣以臣體違和。因念父子之恩。冀其悔悟自新。遂從寬釋。允初亦自立誓痛改前非。因而復行冊立。詎意數年以來。狂疾益增。暴戾僭越。迷惑轉甚。臣念

太祖

太宗

世祖締造艱難。付託不易。如允初者。罪咎滋深。斷難承祀。爰行廢黜。用加禁錮。

昊天上帝俯鑒臣衷。謹告。其告祭

地壇。

太廟。

社稷文廟。○調正黃旗蒙古副都統發福。禮為鑲紅旗滿洲副都統。陞步軍總尉。晏布為正黃旗滿洲副都統。護軍參領宗室善壽為正黃旗蒙古副都統。○陞甘肅永固城副將張自興為山西大同總兵官。○丙申。大學士等。以秋審情實罪犯五十人請旨。

上將刑部重囚招冊逐一詳閱。反覆審定勾者三十二人。既畢。諭大學士等曰。明代決囚。俱於西四牌樓。其時秋決之囚亦甚多。崇禎時。偶遣內侍往觀。有鳴冤者否。俄有一人鳴冤。即歸奏聞。乃遣太監袁本清傳諭將此人暫停處決。時禁城不

許乘馬。而袁本清習於安佚。兩人扶掖逾時方至。其人已典刑矣。袁本清不得已。將應決人犯盡釋。崇禎怒。杖袁本清臀肉俱盡。朕昔親見袁本清言之甚詳。此皆不慎之於平時。以致臨期舛錯也。故朕於招冊皆細加研勘。此情實五十人。即盡誅之。並無冤枉。而猶必反覆詳究。於無可生之中求一線可生之路。無非矜慎民命之意也。○丁酉。

上幸暢春園詣

皇太后宮問安。兵部議覆廣東廣西總督趙弘燦疏言。廣東和梢山為翁源曲江英德三縣要區。應於後山添設千把總。各一員領兵一百名駐防。又翁源縣龍眼崗亦應設千把總。

各一員領兵一百名駐防。此添設官兵。即於臣標提標下撥給。應如所請。從之。○戊戌。以吏部郎中裴君弼為四川鄉試正考官。禮部主事趙守易為副考官。翰林院編修查嗣璣為廣東鄉試正考官。禮部主事鄒瑄為副考官。吏部郎中郭晉熙為廣西鄉試正考官。內閣中書盧弘嘉為副考官。翰林院檢討謝履忠為福建鄉試正考官。工部主事董之燧為副考官。○先是。鎮國公景熙首告託合齊父子於該王服內宴會。并貪婪不法各款。

上命皇三子誠親王允祉

皇四子雍親王。皇五子恒親王。允祺。皇七子淳郡王。允祐。

領侍衛內大臣阿靈阿內務府總管赫奕署理內務府總管
事馬齊海章會同宗人府察審至是奏稱景熙首告各款俱
實應將託合齊即行凌遲處死伊子舒奇擬絞監候秋後處
決奏入留中己亥

上奉

皇太后自暢春園回宮諸王貝勒貝子公文武大臣官員等
公奏欽惟我

皇上至聖至神允文允武道貫三極勲配兩儀

御極以來敬

天法

實錄卷二百五十二

+

祖勤政愛民聖敬日躋乾行不息宵衣旰食勵精圖治者五十
餘年厚澤深仁向風被化者千百餘國論功則超越三王語
德則包涵二帝蕩蕩巍巍麟麟炳炳自生民以來聰明天亶
學問性成篤敬純孝仁至義盡聲教暨訖幅輿廣大未有如
我

皇上者也 是以運際昌期

一人有慶

天錫純嘏

萬壽無疆率土咸寧兆民永賴洵乎德福兼隆成平極至臣等
曾率文武大臣官員軍民等屢表請上

聖神文武大德廣運尊號我

皇上聖德謙沖未蒙俞允今欣逢

萬壽六旬正誕禮部請旨慶賀又未蒙俞允臣等何敢再奏惟
是

聖德崇隆臣民愛戴萬方普慶千載一時敢竭愚忱籲懇我

皇上俯順輿情允上

尊號綸音特沛鉅典聿昭則臣等幸甚天下幸甚得旨朕臨蒞
日久每於讀書鑒古之餘念君臨天下之道惟以實心為本
以實政為務若侈陳功德加上尊號以取虛名無益治道朕
所不喜前諸王大臣等屢有奏請朕曾手書批示諭以斷不

實錄卷二百五十二

+

允行前旨甚明所奏知道了○以故喀爾喀鎮國公巴穆子
諾爾布襲爵○庚子

上詣

皇太后宮問安○差往江南審事戶部尚書張鵬翔疏言原任
江南布政使宜思恭叩閣案內原任江南江西總督阿山江
蘇巡撫宋榮索取節禮查審是實應交該部議處得旨阿山
宋榮俱係年老大臣著從寬免 癸卯冬至祀

天於

園丘

上親詣行禮○停止次日朝賀 遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 甲辰

上詣

皇太后宮問安○諭大學士李光地曰張鵬翮疏奏福建水師

海壇總兵官

八

甚要朕思臺灣澎湖之地關係甚大。海壇南澳二處不甚緊

要。李光地奏曰海壇實無緊要。閩安是一要口。海壇總兵官

移駐閩安。方善。

上曰頃總兵官李雄率領舟師追趕海賊報稱至登州海面適

遇風波幾至危殆。今值冬季北風正多。李雄入洋以來朕甚

以為念。又聞海中商船三日即可到盡山花鳥。伊等用船勝

於北人遠甚。若言乘馬不但漢人遠不及滿洲。即漢軍亦不

足論乘船則南人為善。皆由熟練之故耳。江海中行甚險。朕

意欲令投誠海賊指引路徑。乃有益也。

上謁

暫安奉殿

孝陵命皇三子和碩誠親王允祉皇八子多羅貝勒允禩皇十

五子允禩皇十六子允祿皇十七子允禮隨駕。是日啟行。駐

蹕南苑。兵部議覆都察院左都御史趙申喬疏言。自兵有

項名之事。然後官有侵餉之弊。蓋兵之召募者。為新收事故

者。為開除。今召募食糧。悉項舊名。則新舊無從辨別。而糧餉

易致侵蝕矣。請嗣後通飭直隸各省督撫。提鎮嚴查凡營兵

項名食糧者。速報改定。事故兵丁。即行開除造冊。召募新兵

年貌籍貫。按季造冊。并出具印結送部。如有兵丁冒替食糧

混行造報者。該管官及兵丁。皆從重議處。應如所題。從之。

宣統二年九月十三

九

賜和碩莊親王博果鐸和碩簡親王雅爾江阿和碩裕親王

保泰和碩誠親王允祉

和碩雍親王 和碩恒親王允祺多羅淳郡王允祐多羅敦

郡王允祜銀各五千兩。多羅貝勒允禩固山貝子允禔允禔

允禔蘇努銀各四千兩。多羅順承郡王布穆巴多羅安郡王

華妃多羅貝勒延壽鎮國公景熙吳爾占準達登色額爾圖

陽桑阿普奇納墨孫鄂飛塞勤銀各二千兩。賜領侍衛內

大臣侯巴渾德等三人銀各二千兩。領侍衛內大臣公海金

等七人銀各一千兩。近御侍衛哈達那等十二人銀各二百

兩。近御侍衛佛倫等十二人銀各一百兩。○乙巳

上駐蹕趙里○丙午

上駐蹕三河縣○丁未

上駐蹕五里橋○以廢皇太子允初頒詔天下詔曰朕誕膺統緒五十餘年宵旰孳孳不敢暇逸惟以不克仰承

上天之眷佑丕顯

祖宗之鴻庇為懼在位彌久惕勵彌深此內外臣工海宇黎庶之所共諒也緬惟

累朝創造大業之艱主祭承桃所係綦重如朕憂勞無間晷刻猶且若涉淵冰慮罔攸濟允初向以狂惑成疾難荷丕基已於康熙四十七年九月十八日特行廢黜嗣後重念父子之

實錄卷二百五十二

十

恩冀其悔心易得允初亦當衆矢誓痛改前愆因釋其禁羈復行冊立詎意年來狂疾益增罪尤日積昏暴僭越罔有悛心朕念

天地

祖宗付託之重四海臣民屬望之殷如允初者既不率誨而忝青宮何以篤祐而對天下仍行廢黜加以禁錮既已諷日祭

告

天地

太廟

社稷是用特申廢黜之由宣示中外書不云乎一人元良萬邦

以貞澄清國本奠億年垂裕之圖式渙綸音懷兆姓具瞻之願布告天下咸使聞知戊申

上駐蹕淋河地方○己酉

上詣

暫安奉殿

孝陵行禮奠酒舉哀畢次至

仁孝皇后

孝昭皇后

孝懿皇后陵奠酒舉哀是日駐蹕湯泉賜守

陵大臣官員老人銀兩有差授輔國公阿布蘭子富爾珊為

實錄卷二百五十三

十一

三等輔國將軍奉國將軍鄂濟禮子鄂臺費揚阿俱為奉恩將軍原奉國將軍鄂明子查喇芬奉國將軍增壽子康泰奉國將軍色痕圖子熙文俱為奉恩將軍陞江西按察使張聖佐為安徽布政使司布政使子故都察院左都御史穆丹祭葬如例鄂爾多斯固山貝子喇錫札木素故遣官致祭

十二月庚戌朔

上駐蹕西雙城○辛亥

上駐蹕牛家莊○壬子

上駐蹕北臺地方○癸丑

上駐蹕冰窖廠地方○以原任內閣學士蔡升元為內閣學士兼禮部侍郎○免直隸真定府井陘縣本年分旱災額賦有差○甲寅

上駐蹕煖泉地方○乙卯

上駐蹕雅圖溝地方○丙辰

上駐蹕鄂倫蒿齊武地方○吏部議覆湖廣道御史徐樹庸疏言舊例文武卓異及河工薦舉各員俱隨本引見請嗣後直隸各省督撫如有特薦之員倘蒙俞允仍照例令其赴部引見庶督撫保題益加詳慎又藩臬與督撫最為親近定例大計不得薦舉卓異所以絕夤緣杜偏聽也嗣後藩臬缺出督

撫不許坐名題補聽部通行開列均如所題從之○予故杭州副都統高登符祭葬如例○丁巳

上駐蹕西拉烏蘇地方○科爾沁多羅郡王鄂齊爾等來朝○戊午

上駐蹕特布克地方○庚申

上駐蹕鶯圖地方○翁牛特多羅杜稜郡王和碩額駙倉津等來朝○以正黃旗故一等公坡爾盆子永乾襲爵○正白旗三等阿思哈尼哈番歸化城副都統蘇永祚緣事革職以其兄子宗申保襲替○諭理藩院聞鄂爾多斯地方連年大雪饑饉洊臻將人口賣與四十九旗並喀爾喀者甚多可速差

官查問送還本籍務使各遂生業以副朕體恤外藩至意尋理藩院遵諭議覆應選遣司官至蒙古各旗王貝勒貝子公台吉等處查明鄂爾多斯人口數目送還本處從之○辛酉戶部議覆正白旗滿洲副都統吳爾德黑條奏請增造通州中南大西倉廩座應不准行

上諭大學士等曰增添廩座乃一善事蓋廩座增設之後則入新收貯換陳放出廩座一空又將新者收入不但米不致耗費而出入之數亦清每年放給米石皆有一定之數如此一清則各倉之弊可絕矣爾等會同九卿詹事科道詳議具奏尋會議中南大西二倉共添設倉廩一百座從之○壬戌

上駐蹕八溝地方○癸亥

上駐蹕七溝地方○甲子

上駐蹕二溝地方○諭大學士等曰朕辦事有年凡人命審擬事件要期悉當乎理今陳汝成條陳應照宋時洗冤錄較定致命傷痕處所畫一除鎗刀弓箭銅鐵等器械外木棍等俱不作兇器夫人命事件有拳毆脚踢木棍毆打致死者若酌兇器輕重定罪之輕重則事必致舛錯如針乃最微之物將針刺人致死豈可因針非殺人兇器而免其罪乎孟子云可使制梃以撻秦楚之堅甲利兵由此觀之木棍亦兇器也○乙丑

上駐蹕張家莊。以翰林院侍讀學士汪澄為浙江鄉試正考官。

檢討吳相為副考官。禮部右侍郎胡作梅為江西鄉試正考官。

翰林院檢討王士禛為副考官。太僕寺少卿嚴虞惇為湖廣鄉試正考官。

翰林院檢討李天祥為副考官。丙寅。

上駐蹕熱河行宮。先是。

上命御史陳汝咸出洋招撫海賊陳尚義等。至是陳汝咸摺奏海賊陳尚義等皆已投順。

上傳示諸王貝勒貝子公大臣等知之。賜科爾沁翁牛特貝勒貝子公台吉等銀幣鞍馬有差。賜隨圍蒙古官兵銀兩有差。戊辰。

上駐蹕喀喇和屯。授多羅安郡王華璉之妹為郡主。壻起福為多羅額駙。考察天下軍政。卓異官二十五員。貪酷官二員。不謹官八員。罷軟官三員。浮踪官四員。才力不及官二十員。年老有疾官六員。分別陞賞處分如例。陞直隸天津道劉葵為江西按察使。司按察使。以廣東高雷廉總兵官左世永為廣州漢軍副都統。己巳。

上駐蹕鞍子嶺。庚午。

上駐蹕兩間房。辛未。

上駐蹕遼寧。以翰林院編修俞長策為陝西鄉試正考官。工部員外郎李士瑜為副考官。都察院左僉都御史呂履恒為

江南鄉試正考官。戶部郎中喬雲名為副考官。詹事府少詹

事梅之珩為河南鄉試正考官。翰林院編修阿克敦為副考

官。予故正紅旗滿洲都統碩鼐祭葬如例。壬申。

上駐蹕密雲縣。癸酉。

上駐蹕三家店。甲戌。

孝莊文皇后忌辰。遣官祭。

暫安奉殿。

上回宮詣。

皇太后宮問安。丁丑歲暮。祫祭。

太廟。遣領侍衛內大臣公傅爾丹行禮。遣官祭。

永陵。

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。遣官祭太歲之神。戊寅。賜朝正外藩科爾沁

烏朱穆泰桑宴翁牛特嵩齊感扎魯特杜爾伯特阿霸哈納

郭爾羅斯喀爾喀阿霸孩敦漢巴林。毛明安阿祿科爾沁尼

魯特諸手貝勒貝子公台吉及內大臣大學士侍衛等宴○
旌表八旗節婦滿洲查福塔妻康氏等六十九人蒙古額爾
濟圖妻杜氏等六十八人漢軍汪如洲妻李氏等三十四人
直隸各省節婦裴君弼妻熊氏等五十六人貞女黃氏等三
人孝子趙璧等五人各給銀建坊如例○是歲人丁戶口二
千四百六十二萬三千五百二十四田地山蕩畦地六百九
十三萬四百四十四頃五十五畝有奇徵銀一千九百五十
萬八千三百五十三兩五錢有奇米豆麥六百九十一萬三
千六百七十五石有奇草四百八十五萬八千六百七十二
束茶二十三萬八千三百二十八引行鹽五百九萬三千六
百八引徵課銀三百七十二萬九千八百九十八兩有奇鑄
錢三萬七千四百九十三萬六千八百有奇

實錄卷五十一

孝

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十二

中統元年九月

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百五十三

康熙五十二年癸巳春正月己卯朔

上詣

堂子行禮還宮拜神畢率諸王貝勒貝子內大臣大學士侍衛等詣

皇太后宮行禮御殿王以下文武各官外藩王及使臣等上表

朝賀停止筵宴○朝鮮國王李燾遣陪臣金昌集等表賀冬

至元旦

萬壽節及進歲貢禮物宴齊如例○庚辰

實錄卷五十三

上幸暢春園○乙酉

世祖章皇帝忌辰遣官祭

孝陵○丙戌孟春享

太廟遣領侍衛內大臣公傅爾丹行禮遣官祭太歲之神

丁亥諸王大臣等奏本年祈穀行禮請遣官恭代得旨

郊祀乃朕之事去年朕雖抱疾誠敬之心有加無已猶勉強扶

持往祭今朕躬甚康又值六旬大慶之年尤當親祭爾等所

奏知道了

上自暢春園回宮○戊子順天府迎春辛卯祈穀於

上帝

上親詣行禮○

上奉

皇太后幸暢春園壬辰以上元節賜外藩科爾沁烏朱穆秦

奈晏翁牛特嵩齊感扎魯特杜爾伯特蘇尼特郭爾羅斯喀

爾喀喀喇沁阿霸垓敖漢色林毛明安厄魯特王貝勒貝子

公台吉等及內大臣大學士侍衛等宴○癸巳上元節賜外

藩王貝勒貝子公台吉等及內大臣大學士侍衛等宴○甲

午

上詣

皇太后宮問安○乙亥賜朝正外藩王貝勒貝子公台吉等銀

實錄卷五十三

幣鞍馬有差○辛丑諭大學士等曰朕思防海之道惟在陸

路兵弁守禦嚴緊乃為扼要如盛京山東沿海汎地官兵能

加意防緝以致賊勢窮蹙遠草心向化以次投誠此即嚴巡

之明驗也蓋海賊原無窩巢初時不過數人或係窮民或為

水手其力不能自備船隻亦無器械因飢寒所迫搶奪營伍

及商賈之船隻器械漸次嘯聚久而勢衆又苦無米糧乃往

來海洋肆行劫掠每趁夏月南風至山東盛京等處至十一

月西北風發方能南回其停留數月之中或被官兵緝獲或

因風霜凍餒漸次傷損所餘無幾如現在浙江巡撫王度昭

解到海賊陳尚義等詢其原夥賊船十一隻賊衆不下千餘

人。今止餘船四隻。賊衆不滿百人矣。觀去年十月十七日陳尚義等在山東與官兵抵敵一事。遊擊閔福玉率官兵船六隻在劉公島地方巡哨。遇賊船四隻乘西北風而來。見官兵船即先發礮。官兵放船追勦。遊擊閔福玉奮勇向前。因所乘之船出諸船之先里許。賊見其勢孤。遂三面圍住。鏖戰良久。其餘官兵船隻為風飄散。不能前救。以致遊擊閔福玉被傷殞命。而賊衆亦傷多人。迨官兵後船追至。賊船已於十八日至盡山花鳥矣。原其所以傷官兵者。皆因官兵與賊船相遇。安排火器之際。致賊人乘間圍擁。若如滿洲兵操弓挾矢以待。賊船何由能逼近耶。且海賊出沒狡猾。素習海性。非徒恃

實錄卷三十三

三

水戰所能撲滅也。朕御極五十餘載。凡水陸用兵。機宜無不洞悉。今沿海地方。督撫提鎮。能用心防禦。不時稽察。使賊無所掠奪。則不期滅而自滅矣。前年關東海汛。章京二員帶領官兵八九十人。擊殺海賊四百餘人。朕西問二章京爾等。何不誘賊遠離海岸。再行勦獲。可無遺類。據奏離海岸五里有莊村居民。若容賊眾過此。倘地方萬一有失。即不能免疎防之罪矣。故未敢遠誘。是知沿海防禦。果能嚴肅。賊一登陸。便成擒矣。此防海之策。惟陸路守禦為最要也。○癸卯。諭大學士等。鄉會試皆掄才大典。關係緊要。今見考試官不遵取真才。止圖賄賂。賁綠作弊者漸多。此等人若不加嚴處。即行正

法。斷乎不可。正考官係考場統領之員。副考官同考官等。通同作弊。嚴加覺察。是其專責。而謂不知情可乎。趙晉吳聲中二案處分。正考官等互異。應行嚴議。著問九卿具奏。又諭曰。近聞部院衙門堂司官員。俱各守分。惟刑部侍郎張志棟。前任三省巡撫時。居官何如。已必自知。屢經革職。降級之後。補小衙門堂官。及授刑部以來。辦事好勝。把持衙門。凡九卿會同揀選保舉時。惟伊保薦者甚多。猶以為未足。文在別人保薦處列名。自大吏降補小衙門。理宜自愧。乃復覲覲。貪戀官職。專以保舉為事。殊屬無恥。著革職。○甲辰。陞江蘇按察使盧勛為雲南布政使。司布政使。湖北按察使牟欽元為江蘇

實錄卷三十三

四

布政使。司布政使。○九卿議覆江南科場賄通關節之副考官編修趙晉原擬斬監候。但趙晉係副考官。擅通關節。大干法紀。應照順治丁酉科場例。改斬立決。呈薦吳泌試卷之同考官句容縣知縣王曰俞原擬流三千里。查王曰俞通同作弊。亦應改斬立決。賁綠中式之吳泌及說事通賄之俞繼祖等。照原擬絞監候。呈薦程光奎試卷之同考官山陽縣知縣方名原擬絞監候。查方名平素與程光奎往來。見過程光奎之文。程光奎在場內抄錄舊文。方名明知其文。即行呈薦。榜後又向程光奎索謝。應改斬立決。其場前在貢院內埋藏文字入場抄寫中式之程光奎。照原擬絞監候。倩人代筆中式

之徐宗賦及夾帶文字中式之席珩並照原擬枷責正考官副都御史左必蕃係專任科場之官失於覺察應革職從之又議福建科場賄通關節之同考官吳肇中應擬斬立決賞錄中式之王湯三說事通賄之林華應擬絞監候正考官檢討介孝琰副考官工部主事劉儼失於覺察應革職從之○乙巳以吏科給事中盧炳為山東鄉試正考官翰林院編修俞兆晟為副考官禮科給事中陳允恭為山西鄉試正考官翰林院編修俞梅為副考官○以翰林院檢討海寶提督雲南學政○多羅貝勒滿篤祐生母薨遣官致祭○戊申諭理藩院班禪胡土克圖為人安靜熟諳經典勤修貢職初終不倦甚屬可嘉著照封達賴喇嘛之例給以印冊封為班禪額爾得尼○以左副都御史王企靖為刑部右侍郎○以原任內閣學士兼禮部侍郎舒蘭補原官○和碩裕親王保泰妃薨遣官致祭

實錄卷五十三

上

二月己酉朔庚戌諭領侍衛內大臣大學士九卿等趙中喬陳奏皇太子為國本應行冊立朕自幼讀書凡事留意纖悉無遺況建儲大事朕豈忘懷但關係甚重有未可輕立者昔立允初為皇太子時索額圖懷私倡議凡皇太子服御諸物俱用黃色所定一切儀注幾與朕相似駭縱之漸實由於此索額圖誠本朝第一罪人也宋仁宗三十年未立太子我

太祖皇帝並未預立皇太子

太宗皇帝亦未預立皇太子漢唐以來太子幼沖尚保無事若太子年長其左右屏小結黨營私鮮有能無事者今非聖人誰能無過安得有克盡子道如武王者今眾皇子學問見識不後於人但年俱長成已經分封其所屬人員未有不各庇護其主者即使立之能保將來無事乎且為君難為臣不易古來人君窮兵黷武者有之崇尚佛老者有之任用名法者有之朕御極五十餘年朝乾夕惕上念

實錄卷五十三

下

祖宗遺緒之重下念臣民仰望之殷乾綱獨斷柔遠能通體恤臣庶毫無私心當吳三桂叛亂時已失八省勢幾危矣朕灼知滿漢蒙古之心各加任用勵精圖治轉危為安是以數十年來海寓寧靖今欲立皇太子必能以朕心為心者方可立之豈宜輕舉即臣僚為國為民念茲在茲先憂後樂者實不易得太子之為國本朕豈不知立非其人關係匪輕朕將允初從幼教訓迨後長成變為暴虐無所不為不知忠孝不識廉恥行事乖戾有不可言者推其故皆由瘋狂成疾迷惑所致此疾有二十餘載矣凡人醉後傷人醒時知悔伊似長醉不醒所為過惡身不自知伊之儀表及學問才技俱有可觀今一至於此非瘋狂而何自廢而復立以來朕尤加意教訓心血耗盡因伊狂疾終不痊癒故又行廢黜孟子云父子之

間不責善。責善則離。離則不祥。莫大焉。大學言人莫知其子之惡。蓋父之於子。嚴不可寬。亦不可誠為難事。如朕方能處置得宜耳。爾諸大臣俱各有子。凡人幼時。猶可教訓。及其長成。一誘於黨類。便各有所為。不復能拘制矣。立皇太子事。未可輕定。特召集爾衆大臣。明示朕意。趙申喬所奏。摺著發還。

辛亥。福建巡撫覺羅滿保奏。

皇上六旬大慶。閩省閩屬紳衿兵民等。請於九仙山建立碑亭。申祝。

萬壽。得旨。建立碑亭。尚曾禁止。此所奏不合著飭行。宗人府等衙門。題託合齊肆行悖逆。罪惡重大。今雖於監禁之處。病

寶錄卷五

七

故。應將伊剎尸揚灰。不許收葬。伊子舒起。仗父威勢。恣意橫行。應擬絞監候。從之。○甲寅。諭大學士等。朕昨間投誠海賊陳尚義。伊等出洋行劫。遇西洋船隻。懼其火器。不敢逼近。惟遇東洋商船。則掠取其銀米。亦不盡取。以此商船仍往來不絕也。中國與西洋地方。俱在赤道北四十度內。海洋行船。中國人多論更次。西洋人多論度數。自彼國南行八十度至大狼山。始復北行。入廣東界。常六閱月在海中。不見一山。又自西洋至中國。有陸路可通。因隔鄂羅斯諸國。行人不便。故皆從水路而行。鄂羅斯距京師約萬二千里。西洋及土兒虎特地方。皆與鄂羅斯接界。鄂羅斯倚土兒虎特馬匹。土兒虎特用

寶錄卷五

八

鄂羅斯皮張。往年鄂羅斯與雪西洋戰。土兒虎特助鄂羅斯。大敗雪西洋。又回子溫都斯坦布海兒。夜兒根等處。產綿製中四十層可敵浙江綿八十層。曾以烏鉛試驗知之。又過哈密六百里。有吐魯番地方。去雪山百餘里。其人晝伏。至夜始出耕種。其地甚熱。而多石。若日出時。耕種輒熱死。又哈薩克即古陽關地。其人性好鬪。常結隊以殺擄為事。人心亦齊。若婦女被人擄去。其擄去之婦女。必乘間手刃其人。而回此地。亦熱草極肥。盛馬皆汗血。所產蘋果葡萄梨等物。皆大而美。又西北回子種類極多。皆元太祖後裔。又有一支在小西洋約十萬人。皆住帳房。惟北極下為最寒。往時曾有人築室而居。明年人往視之。其人已無復存者。但見林間雪深數丈而已。昔人云。北海有積冰數百丈。向以為荒誕。以此觀之。信不誣也。總之西北地方。極大。其風土亦各不同。朕曾詳悉訪問。是以周知也。○以戶部尚書張鵬翮為順天鄉試正考官。翰林院侍講文志鯨為副考官。陞山東登萊道甘國璧為江蘇按察使。司按察使直隸通永道張連登為湖北按察使。司按察使。以喀爾喀故鎮國公車步登子屠巴襲爵。○乙卯上巡幸畿甸。命皇五子和碩恆親王允祺。皇八子多羅貝勒允祿。皇十四子固山貝子允禩。皇十五子允禩。皇十六子允祿。皇十七子允禮。隨駕。是日自暢春園啟行。駐蹕稻田地方。

大計天下各官卓異官三十八員貪酷官八員不謹官三十九員罷軟官二十四員年老官六十七員有疾官三十員才力不及官三十六員浮躁官三十六員分別陞賞處分如例陞通政使在徵筆為都察院左副都御史陞河標副將曹廷諫為高雷廉總兵官大學士等以刑部等衙門審擬戴名世私造南山集照大逆例凌遲一案請旨

上諭曰戴名世從寬免凌遲著即處斬方登嶧方雲旅方世烈俱從寬免死並伊妻子充發黑龍江此案內干連人犯俱從寬免治罪著入旗○丙辰

上駐蹕馬家莊○丁巳

實錄卷五十三

九

上駐蹕內渠地方○遣大學士王掾祭

先師孔子○理藩院題喀爾喀多羅貝勒布達扎卜故查冊內並無世襲之語其子雲敦林臣或襲貝勒或降襲公爵請旨定奪得旨雲敦林臣著襲封鎮國公○戊午祭

大社

大搜遣都統崇古禮行禮

上駐蹕南沙口○己未

孝康章皇后忌辰遣官祭

孝陵

上登舟泊趙北口○庚申

御舟泊郭里口○以吳喇忒故鎮國公杜公子諾爾布林臣襲爵○癸亥

御舟泊段村○陞左通政都惟謬為通政使司通政使○手故議政大臣正藍旗滿洲都統吳達禪祭葬諡襄敏○手故內閣學士兼禮部侍郎凌紹震祭一次○乙丑

御舟泊圈頭○丁卯

御舟泊趙北口○己巳

上自趙北口陸行駐蹕苑家口○以土默特故多羅達爾漢貝勒馬呢子阿喇卜坦襲爵○戶部議覆山東道御史成文運疏言奉差收稅官員定限一年期滿不應攜帶家口其有廣

實錄卷五十三

十

收童僕及任所置婢妾者亦請禁止○回京後考核未畢不得擅買田宅并放債等項應如所請從之○庚午

上駐蹕南八里莊○辛未

上駐蹕北寺堡○癸酉春分朝

日於東郊遣禮部尚書赫碩咨行禮

上駐蹕李家渠地方○諭大學士等曰福建巡撫覺羅滿保奏閩縣等十六州縣員缺請於卓異人員內揀選補授部議不准督撫等為地方得人起見懇切陳奏理所宜然其應否准行補授恩出自朕近見督撫此等事題請官每從中阻撓邇來一御史奏稱閩屬十六州縣員缺滿保請揀選卓異薦

舉官員補授可為一時之計未可為經久之例。不如擇本省

之員調補若揀選卓異薦舉官員補授必致懸缺以待於地

方無益等語閱之似乎有理其實皆係卓異薦舉官員逆料

伊等應該陞轉不願往海濱苦地希圖美缺因於未經部覆

之先預行條奏則部議自然不准所以特囑言官言之也如

此則權盡歸都察院科道等官此是明末惡習斷不可長爾

等到京問九卿詹事科道具奏朕回鑾時務將閩屬十六州

縣員缺即行補授發往特諭○刑部等衙門會議順天鄉試

中式第一名查為仁之父查日昌倩人為伊子代筆賄買書

辦傳遞文章事發後又脫逃被獲應斬監候查為仁中式情

弊雖由伊父主使而通同作弊又相隨脫逃希圖漏網其書

役龔大業收受賄賂傳遞文章俱應絞監候代查為仁作文

之舉人邵坡應革去舉人杖徒失察之監察御史常泰李弘

文應罰俸一年從之○先是

上諭九卿科道等將直隸各省提鎮官員賢否公舉具奏時御

史鄭恂保舉山東登州總兵官李雄御史段曦保舉雲南鶴

慶總兵官郝偉嗣因通政使司參議陳汝咸兵部侍郎宋駿

業言李雄郝偉居官不職鄭恂等將註出保舉字樣復行抹

去至是九卿等奏鄭恂段曦應交部議處

上曰鄭恂段曦有玷言職著革退○甲戌

孝昭皇后忌辰遣官祭

陵遣官祭

先農之神

上駐蹕南苑江蘇巡撫張伯行疏言江南漕船定限正月內

過淮嗣經前任總漕桑額題請展限一月改於二月以內過

淮定限一寬官民率皆緩視過淮既遲則抵通不克如期安

得望回空之早請仍照原限令正月以內過淮又重運漕船

並回空漕船皆給以限單經過沿河州縣註明出境入境時

日則運丁不敢逗遛而抵淮到通之限皆凜遵無逾矣得旨

著照該撫所請行○刑部等衙門會議順天鄉試中式之周

啟係原任步軍統領訖合齊家人周三之子倩人代筆串通

謄錄受卷所吏役通同作弊應絞監候周三於賄賂司獄周

芝荅致死首告伊子之邵文卿希圖滅口案內已經論斬從

重歸結至於說事通賄之談汝龍高岳受賂之謄錄所書吏

阿亮公受卷所書吏錢燦如亦應絞監候代周啟作文之王

廷銓應杖徒失察受卷所官唐縣知縣李崢瑞降一級罰俸

一年監試御史楊篤生陳勳阿通審石芳桂各罰俸一年謄

錄所官無極縣知縣陳明倫已經休致提調官順天府府丞

李法祖已經別案革職俱無庸議得旨周三周啟身係奴僕

肆行賄賂紊亂科場大典情罪可惡俱著即處斬李崢瑞楊

篤生尚通審名芳桂陳勲等係專司科場事務官員怠玩疎忽不行嚴察殊屬溺職著革職餘依議○乙亥

上回駐暢春園○丙子

上詣

皇太后宮問安○丁丑

上自暢春園回宮○諭吏部尚書兼管倉場事務富寧安等朕聞米價比往年稍昂緣今歲天下各省人民來集者甚多米價故較往年翔貴今倉內米數充足先發一萬石照時價減糶則來集之民可以賤價得米而京城米又得盈餘於民生大有裨益若一萬石不敷再發一萬石糶賣爾等將價值定議具奏○予故太子太保吏部尚書桑額祭葬如例○厄魯特輔國公雲木春故遣官致祭

實錄卷五十三

三

實錄卷五十三

十四

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百五十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百五十四

康熙五十二年癸巳三月戊寅朔諭諸王貝勒貝子公大學士九卿等朕昨進京見各處為朕六十壽誕慶賀保安祈福者不計其數朕實涼德自覺愧汗從來帝王之治天下罔不以民生為念若為一己之私即不能擴而充之矣朕若先知必令止之今已成矣難違眾志夜來思之達旦朕為天下萬國蒼生之主萬姓安即朕之安天下福即朕之福若能祈禱雨暘時若家給人足則朕安寢飽食可以却病延年此朕之求福非有妄想也傳之各處凡有祝延萬壽者必以雨暘時

實錄卷之二百五十四

十

若萬邦咸寧為先朕已老矣有若無實若虛夙夜匪懈履薄臨深之念與日俱增豈敢自有滿假乎特諭諭大學士等內閣學士宗紳保為人糊塗著解退發伊該管王處行走已卯兵部議覆戶部尚書張鵬翮疏言閩省沿海地方請將深知水性謀勇兼全之人委用凡各緊要之處添設兵丁營船及船中所用器械火藥預備訓練又春秋二季令該總兵官親身巡查有海賊逃匿者即行文廣東江南浙江等處協力擒勦應如所請

上諭大學士等曰張鵬翮所奏海上事宜率皆空言無補不可施行賊船停泊必依據海島有淡水之處每日在山頂瞻望

見官兵船來即遁去外洋官兵退後乃復却回有謂商船宜改為平底只用一桅者不知商船重載入水數尺方能壓浪每造一船費至一二千金若勒令改造則不肖官員因此擾

害商人將何以堪商船雖帶軍器火藥一遇賊船商人並不與敵船中所有隨其所取盛京泛海兩三日即可抵盡山花鳥利之所在人所必趨泛海往來既速又省路費商船豈有不往之理朕昨問投誠海賊陳尚義康熙三十八年間伊等賊船尚多因與廣東提標官兵拒敵大敗而遁止存船四隻此後從未登岸沿海官兵防守甚嚴即海外諸小國亦不聽伊等停泊賊船缺少火藥無處購買俱託漁船往盛京旅順等處代買朕昨閱地圖山東水師往處未為扼要然設立已久不便議裁宜於盛京上游要地添設營船二十隻此駐防之船即將各省水師營船及駕船水手酌量調取出洋巡哨并帶陳尚義等前往海中盜賊伊悉知之自然漸次擒獲矣張鵬翮並未熟悉情形其所條奏即令伊身任其事亦未有益也此本著發還

上幸暢春園禮部議覆欽天監監正明圖等疏言康熙三十二年歷內科爾沁等二十四處蒙古節氣太陽出入俱照理藩院舊圖推算近差官員人等用

御製新儀測量各省及口外北極高低經緯度數精詳更勝舊

圖請依新圖推算。又歷內現有科爾沁等三十四處蒙古。其哈密等衆蒙古亦請增入歷內通行頒發。應如所請。其應入歷蒙古之地。令理藩院逐一查明交與欽天監添載。歷內從之。又議欽天監奏言科爾沁等二十四處蒙古地勢寬廣。駐劄無定。太陽出入節氣時刻未免杪忽之謬。請示明某地為據。以便欽遵推算。查欽天監造歷直隸各省皆各以本省省城為準。其哈密等有城池及蒙古王貝勒貝子公等蓋造房屋居住之處。即以各處城池居住房屋處推算。至蒙古游牧之地甚多。仍令明圖等遵照新圖查明某扎薩克應於某處為準。定議推算。從之。○辛巳。

實錄卷二百五十四

上

上詣

皇太后宮問安○甲申遣官祭

歷代帝王○乙酉諭大學士等朕聞各省為祝萬壽來京者

甚衆。其中老人更多。皆非本地人。時屆春間寒熱不均。或有水土不服亦未可知。爾等即傳與漢官等倘有一二有恙者。即令太醫院看治。務得實惠。以示朕愛養耆老之至意。丙

戌皇三子和碩誠親王允祉恭請

上幸王園進宴○丁亥

上詣

皇太后宮問安○戊子清明節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 諭南書房翰林等聞各省祝萬壽老人俱於十

七日在西直門外本省龍棚下齊集接駕十八日至正陽門內聽禮部指地方行禮行禮後若再至龍棚恐城門擁擠年

實錄卷二百五十四

丙

老之令實有未便。況十七日朕進宮時經過各省龍棚諸老

人已得從容瞻仰。十八日行禮後老人不必再至龍棚下接駕。爾等傳與各省漢官徧諭各省老人知悉。己丑諭大學

士等今歲直隸各省年老官員來京祝萬壽者甚多。此內除本身犯罪官員外。或有因公罪誤降級革職者。俱酌量復還

原品。於十八日隨班行禮。又諭曰敕詔一事關係甚大。今頒

詔日近若不預定。恐臨期舛錯。朕將歷年所下詔款皆已徧閱。應用者一一標記。其中有款同而字句異者。亦另行標出

爾等詳審酌定。又祭祀古帝王陵寢等款。應列於前。庚寅

上詣

皇太后宮問安○壬辰大學士等遵旨查奏直隸各省來京叩祝

萬壽官員除年不及六十犯重罪者不開外將文官李錄子等二十三人武官王世臣等二人開列請旨得旨原任提督王世臣侍郎李錄子彭會淇副都御史勞之辨侍講楊大鶴御史鹿賓袁橋運使孫之鼎知府章文璜光祿寺署正邢儼通判趙明仁知縣沈宗演俱著給與原品又諭曰漢官內年逾六旬者俱已施恩滿洲蒙古漢軍官員亦照此例查奏諸王貝勒貝子公內外文武大臣官員等以十八日恭遇

皇上六旬大慶各進鞍馬緞匹等物却之○癸巳大學士等遵

實錄卷二百五十四

五

旨查奏八旗滿洲蒙古漢軍官員內除年不及六十犯重罪者不開外將文官阿山等一百二十三人武官扎喇克圖等四十八人開列請旨得旨原任尚書阿山郭世隆總督石文晟喻成龍侍郎常書敦多禮色錫戴都里多奇巡撫王國昌許嗣興府丞李法祖御史穆恕邁色舒述布郎中津達善碩木鼎知府孔興遠范承訓姜承基員外郎范時彥李勳黑色禮李起鰲陳懷德白靖塔海主事吾拜治中吳泰知縣蒲敏政徐秉元楊起鳳原任都統扎喇克圖侍衛吳勒塞勒參將蘇繼武拖沙喇哈番費雅哈查林步軍校沙海防禦綽英額守備張顯位驍騎校多起俱著給與原品○甲午

上奉

皇太后自暢春園回宮直隸各省官員士庶夾道羅拜歡迎御輦耆老等跪獻萬年壽觴

上停輦慰勞徧賜老人壽桃及食品諸王貝勒貝子公宗室覺羅人等及文武大臣官員兵丁並於誦經處跪迎

上霽容俯視皆賜以食品鑲藍旗蒙古副都統賴都母年九十率其子孫迎

駕

上停輦命賜壽桃慰諭之○諭大學士等今歲天下老人為朕六旬大慶皆從數千里匍匐而來如何令其空歸欲賜伊等

實錄卷二百五十四

六

筵宴然後遣回著查八旗滿洲蒙古漢軍漢人大學士以下民以上年逾六十五歲者奏聞在本月二十三兩日內擇定一日賜宴預為奏聞便於備辦內有艱於動履不能前來者聽之其能來者俱令之來即不能來者朕另行按分頒給詔內有恩賜老人一款凡恩賜有名者於名下註明今時漸炎熱賜宴後即令回籍耕種其家奴勿入所查數內再查八旗滿洲蒙古漢軍以至包衣佐領下不論官員閒散人等年七十以上老婦亦著奏聞俟老人賜宴後再定一日送至皇太后宮賜宴有艱於動履不能前來者聽之其能來者俱令之來若有貧乏不能來者著各屬協助車馬使之前來俱開

真實年歲不可捏報。再敕宗人府諸王以下。宗室子孫內。三十歲以下。十歲以上。選擇聰明。堪供任使者。六七十人。令於耆老前執爵。即朕子孫皆令之出。宗室外不用他人也。○乙未。

萬壽節。

上率諸王貝勒貝子公內大臣大學士都統尚書精奇尼哈番侍衛等詣

皇太后宮行禮畢。御殿。王以下文武各官及致仕給還原品官員行慶賀禮。八旗兵丁直隸各省耆老士庶齊集午門外大清門內叩祝。

實錄卷二百五十四

七

萬壽。

上回宮。內大臣侍衛內閣翰林院禮部都察院詹事府等衙門侍直官員詣

乾清門行禮。

上奉

皇太后幸暢春園。王以下滿漢文武官員直隸各省耆老士庶仍於各誦經處跪送。遣官祭

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。遣官祭真武東嶽城隍之神。頒詔天下。詔曰。

朕五十餘年。上畏天命。下凜民望。以敬以誠。覃思上理。且以

一心對越。

上帝。未嘗瞬息稍懈。賴

昊穹之孚祐。

祖宗之蔭庇。國家蓄積有餘。民間年歲豐稔。朕以涼德。勉思列聖。體大順公。操心慮患。敷景運於休期。洪基業於光顯。夙夜

實錄卷二百五十四

八

冰兢。宵旰靡遑。屈指春秋年屆六旬矣。覽自秦漢以下。稱帝者一百九十有三。享祚綿長。無如朕之久者。朕之虛薄。良深歉仄。何敢稍有倦怠。以負孜孜圖治之初心。況在位之久者。始勤終忽。往往不能垂令名於後。所以乾惕之懷。彌殷憂勞之志。愈切。兼之承平歲久。幅員日廣。戶口漸增。風俗日薄。朕與臣鄰。夙夜在茲。以剛健中正。惇大成裕。謙尊有終。持盈保泰。猶恐未能。豈自滿假。少有逸豫。朕以天下為心。天下當亦體朕之衷。各矢盡誠。敦孝敬。型仁講讓。守已奉公。務勤職業。官僚胥勸。人士奮興。使遐邇之均被。小大之咸周。以享昇平之福。此非朕之德。乃

天地

祖宗之賜。今朕式慰中外臣民之情。博考典禮。大沛膏澤。用稱
躋世於仁壽之至意。於戲。錫民以福。為皇極得壽之徵。御眾
以寬。乃萬國咸寧之本。布告天下。咸使聞知。詔內恩款四
十五條。丁酉

上詣

皇太后宮問安。庚子。諭大學士九卿等。朕聞廣東米價騰貴。
每石賣至一兩八九錢。至二兩不等。將軍管源忠亦因米貴。
具摺奏聞。朕軫念天下民生無間。遠邇雖微之外。視之猶
輦轂之旁也。粵地素號產米之區。從無價高至一兩以上。及

實錄卷一百五十四

九

二兩者。茲米價驟增。小民必致艱食。督撫係封疆大吏。凡有
關地方事務。隨所見聞。應即據實陳奏。今萬里情形。朕已周
悉。而伊等漫無奏報。殊屬懈怠。前福建歲荒米貴。朕特旨截
漕數十萬。由海道轉運賑濟。諭旨方頒。市價立平。於地方大
有裨益。今廣東亦宜照福建截漕海運。朕因詳詢投誠海賊
陳尚義等。目今截留江南漕糧。可否由海轉運廣東。據稱截
江南漕糧。由海轉運。八九日可至福建。自福建八九日可抵
廣東。但此事關係重大。非微賤所敢身任。現今風勢不順。斷
不可轉運。必至八九月後。北風漸利。始可轉運等語。朕意於
八九月後。將水師營戰船裝載米石運送。易於到廣。而兵丁

亦并可熟練水務。其天下地丁錢糧。前已於三年內全免一

周。今粵地米價翔湧。若將本年地丁錢糧。仍行催徵。則民力
維艱。難免輸將之苦。應將本年地丁錢糧。停其催徵。遣趙申
喬等前往廣東。會同督撫。將朕軫念民生至意。刊示宣布。以
慰輿情。再。恩詔內有賞賚綠旗兵丁一款。即令趙申喬等。乘
便動支彼處庫帑。覈行核實。按名逐一散給。俾各沾實惠。爾
等會同確議具奏。又諭曰。國家幅員甚大。水旱豐歉。勢有不
齊。凡遇歉收之年。督撫等但據實速報。則或蠲賑或停徵。先
期酌行。於百姓乃有裨益。至所奏地方官員捐俸賑濟。皆虛
名而已。何益之有。州縣為親民之官。科目出身之人。亦多有
迂疎不能辦事者。惟張鵬翮。任浙江巡撫時。閩省錢糧七年
全完。馬齊任山西巡撫時。亦全完七年錢糧。其餘各省報數
年錢糧全完者。未之有也。辛丑。

實錄卷一百五十四

上詣

皇太后宮問安。壬寅。宴直隸各省漢大臣官員士庶人等。年
九十以上者三十三人。八十以上者五百三十八人。七十以
上者一千八百二十三人。六十五以上者二千八百四十六
人。於暢春園正門前。傳諭眾老人曰。今日之宴。朕遣子孫宗
室執爵授飲。分頒食品。爾等與宴時。勿得起立。以示朕優待
老人至意。又諭曰。書稱文王善養老。孟子云。七十者非帛不

暖非肉不飽帝王之治天下發政施仁未嘗不以養老尊賢為首務近來士大夫只論居官之賢否而移風易俗之實政入孝出弟之本心未暇講究朕因今日之盛典特宣此意若孝弟之念少輕而求移風易俗其所厚者薄而其所薄者厚矣爾等皆是老者比回鄉井之間各曉諭鄰里須先孝弟倘天下皆知孝弟為重此誠移風易俗之本禮樂道德之根非淺鮮也昨日甘霖大沛田野霑足朕心大悅爾等無誤農時速回本地特諭是日

上陞座命扶掖八十歲以上老人至

御前

實錄卷二百五十四

上

親視飲酒○賜現任大學士李光地王揆致仕吏部尚書宋榮給還原品工部侍郎彭會湛現任福建將軍祖良璧原任京口副都統黃象坤復還原職浙江提督王世臣等袍帽等物○賜直隸各省老人白金有差 諭大學士等年老諸大臣內於

世祖章皇帝時居官者惟宋榮田種玉而已今年齒老邁雖間居林下朕睹之不禁軫恤宋榮現有尚書品級在身田種玉著給與工部尚書銜俱准給誥封宋榮田種玉著酌加官保以示朕不忘耆舊之至意尋議宋榮加太子少師田種玉加太子少傅從之○甲辰宴八旗滿洲蒙古漢軍大臣官員護

軍兵丁間散人等年九十以上者七人八十以上者一百九十二人七十以上者一千三百九十四人六十五以上者一千十二人於暢春園正門前諸皇子出視頒賜食品宗室子執爵授飲

上陞座命扶掖八十歲以上老人至

御前

親視飲酒 賜現任大學士溫達致仕吏部尚書馬爾漢給還原品刑部侍郎敦多禮現任正白旗都統崇古禮都統班滴復還原職都統扎喇克圖等袍帽等物○賜八旗滿洲蒙古漢軍老人白金有差○乙巳八旗滿洲蒙古漢軍七十歲以

實錄卷二百五十四

上

上婦人齊集暢春園

皇太后宮門前隨召九十歲以上者入宮門內八十歲以上者至丹墀下七十歲以上者集宮門外大臣妻年老者亦皆召至宮門內賜坐

皇太后

皇上親視頒賜茶果酒食等物其餘令諸皇子率宗室子以次頒給又賜大臣妻衣飾綵緞素珠銀兩 諭大學士等致仕尚書徐潮徐元正侍郎仇兆鰲丁憂回籍內閣學士顧悅履以慶祝萬壽遠來京師著照伊等品級與現任官一體給與廕生可傳諭吏部知之○和碩莊親王博果鐸母妃年八十

六副都統賴都母年九十。

上各賜以

御書匾額

夏四月戊申朔享

大廟遣領侍衛內大臣公阿靈阿行禮諭諸王貝勒大臣等曰朕今日傳集爾等因憶及數事朕若不言無敢言之人非朕亦無知此事者藍旗兩貝勒及碩托貝勒皆緣事問罪微帶革去宗室

世祖皇帝時恩卹藍旗貝勒之子薩哈連碩托之子岳塞布俱給以阿思哈尼哈番之俸伊等皆係

實錄卷五十四

上

太祖皇帝之孫至朕僅歷四世凡宗室革退者不載玉牒

太祖皇帝有十五子緣事革退者亦未經載入似此革退者若不載入玉牒久後竟無人知矣宗室有罪僇之處之自有定法非欲復翻舊案也今若不查明而差別之則日久年遠漸致湮沒所關甚大應將此等查明俱續載於玉牒內酌量給帶以示差別再覺羅等其始亦由祖分支有緣罪徹帶革退者若不查明示以差別亦必致湮沒再宗室覺羅之棄子今雖記藍檔內以宗人府定例甚嚴懼而不報亦未可定如原任內大臣覺羅他達為上駟院大臣時因子衆多將棄其妾所生之子包衣佐領鄭特聞之乞與收養他達遂與之朕知

其事曾下旨於內務府總管倘遇采選之時切不可將伊女

混入後鄭特欲將此子遣回此子以撫養之故云寧不得帶子必不忍離撫養之父母朕念其孝給以紅帶仍留伊養母處有似此等者亦應查明再我朝從征効力大臣中莫過於鰲拜巴圖魯者伊功勞冊內現有念伊効力之處欲襲其官但其子那摩佛所生達里善達福俱謫劣行止不端勾引蘇完之人在二阿哥處行走不絕朕知之至今未授官職鰲拜功勞顯著應給世職惟達里善兄弟斷不可襲應於伊兄弟中另擇承襲之人再五大臣內蘇完扎爾虎齊公彭春之祖鄂善之祖伊等現有世職鑲藍旗順科落巴圖魯安費揚古之功勞已經裁去今阿靈阿之祖額亦都巴圖魯之功勞載在

實錄卷五十四

古

實錄甚明現在

太廟配享此等有功之人身後子孫緣罪干連既去其官誥命敕書亦並無存此等皆係

太祖

太宗皇帝時輔佐開創功勳大臣因其子孫自作之罪及株連之罪將伊等勞苦功績所得之官革去實為不忍朕知之甚悉應查明給與官職五大臣及十六員扎爾虎齊內緣罪革職者又襲職子孫緣罪革去者亦應查明酌議具奏已酉

賜八旗滿洲蒙古漢軍年老婦人白金有差○庚戌上詣

皇太后宮問安○辛亥都察院左都御史趙申喬以奉差廣東平糶倉穀奏請訓旨

上曰朕覽廣東奏銷冊內現有存倉米石即以之減價平糶似屬有益爾至廣東詳查如所糶穀石尚不足用即速奏聞朕令動正項錢糧買米平糶江西湖廣二省不禁商人販米良有益處前江浙米貴朕諭將湖廣江西米船放下江浙米價遂平廣東督撫若於正月間早行奏聞則海運可及今風信不順海運尚難行也○壬子陞雲南騰越營副將張友鳳為

四川建昌總兵官兩廣督標中軍副將張天福為福建海壇總兵官○甲寅大學士等以左都御史趙申喬奏農忙之時京城地方亦應遵例停訟疏請旨

上曰農忙停訟之言聽之似乎有理而細究之實無裨益趙申喬總未知事之本源耳天下之民非獨農人商賈涉訟即廢生理百工涉訟即廢手藝地方官不濫准詞狀於應准者准之即行結案則不失農時訟亦少矣若但四月至七月停訟而平日濫收民詞案牘堆積冬季詞訟遲至次年五六月而後審理雖停訟何益康熙元年間去明代不遠明之官員太監尚有存者朕聞其君常處深宮不與臣下相見而惟與宦

監相處既不讀書亦不勤政所以上下之情壅蔽不通民間疾苦竟罔聞知朕理天下五十餘年周知民隱一切訟事皆有代告說合之人暗司其事地方官於此等人應嚴加懲治孔子云聽訟吾猶人也必也使無訟乎無訟之本並不在停訟為大臣者當先憂後樂凡事周詳籌畫實心辦理乃能利益民生趙申喬謂農忙之時應行停訟倘四月至七月數月之間或有光棍詐害良善則究向誰訴耶且自八月以後正當收穫並非閒時果如伊言亦不應准詞狀至如南方四月收穫北方五月收穫福建廣東十一月收穫二月收穫五月收穫十月收穫四季皆農時也如此等處豈終歲停訟乎趙

實錄卷二百五十四

六

申喬居官固清但性多疑所屬州縣每疑其貪詐書云用人勿疑朱子曰疑人即自疑今朕所用大臣朕曷嘗疑之凡督撫有才者未必有守有守者未必有才然自恃清廉每事紛更則民即受其害矣讀書之人務先明理當以克己為要不過則改無容掩飾惟有益於民之事朕即允行否則斷乎不行也○又諭曰朕生性不嗜殺人然於差官恤刑之事不欲舉行惟恐奸宄之徒乘此徼倖免罪耳聞趙申喬為巡撫時好准詞訟張鵬翮為巡撫時不肯准詞訟兩人之性各有偏向如此今以場中閱文一事論之主試之衡文取士必當除去偏見選拔佳文若以偏見閱文則人心不服上科京闈

鄉試雖無交通賄賂之弊而所中之卷不佳且有少年稚子
微倖入彀即題目應出各種乃得佳文今歲京闈鄉試所出
七題皆係理致士子偶有一二語合主司意者遂獲登錄其
同考官選文薦闈又皆揣摩主司之意場中士子未能各展
其長而實學之今多被擯不錄者職是故也○諭吏部川陝
總督殷泰前曾因病奏請解任調理朕念殷泰清潔自持約
束屬下恩威並用陝省軍民罔不感戴朕甚愛惜今在任調
攝已有諭旨今病勢未能即愈總督印務雖有巡撫署理但
陝西地方遼濶最屬緊要總督員缺不可久懸殷泰著解任
湖廣總督鄂海屢任陝西熟諳地方兵民情性俱所深悉且
才具頗優將鄂海調補川陝總督○乙卯

實錄卷二百五十四

下

上詣

皇太后宮問安 戊午以鑲紅旗護軍統領阿爾西為本旗蒙古都統陞正黃旗滿洲副都統晏布為鑲紅旗護軍統領調杭州副都統道福塞為正黃旗滿洲副都統陞護軍叅領額亦圖為正紅旗蒙古副都統 己未

上詣

皇太后宮問安 陞翰林院侍讀學士周起渭為詹事府詹事 庚申諭禮部恩詔內有賞賚各省綠旗兵丁一條今遣官致祭各省歲瀆等處賞兵一事應即交遣祭之員其省分無

遣祭者著另遣人去○鑲紅旗漢軍都統李林威以老乞休允之 辛酉

上自暢春園回宮 以翰林院檢討阿珥賽為順天武鄉試正考官編修車鼎晉為副考官 壬戌

上御太和殿視朝文武陞轉各官謝恩○

上幸暢春園 癸亥以湖廣提督額倫特為湖廣總督 甲子 孝端文皇后忌辰遣官祭

昭陵 乙丑

上詣

皇太后宮問安 丙寅喀爾喀輔國公滾扎爾以病解退命其

實錄卷二百五十四

上

子敏珠爾襲替○丁卯

上問戶部尚書張鵬翮曰明末時張獻忠兵到四川殺戮甚慘四川人曾有記其事之書籍否張鵬翮奏曰彼時四川人屠戮殆盡無有記其事者

上曰李自成與張獻忠在河南鄧州分兵張獻忠遂至四川其間詳細未能悉知爾父今年八十有七以張獻忠入川時計約已十七八歲必有確然見聞之處爾問明繕摺進呈又諭大學士等曰明末去今為時尚不甚遠傳聞李自成兵到京師之人即以城獻又聞李自成麾下之將李定國在西便門援城而上由此觀之仍是攻取可云獻乎此等載入史書甚

有關係必得其實方善。張獻忠有養子三合耳鼻皆被割去。朕曾見之。又明代行兵多用太監管領以致敗亡。爾等纂修明史其萬歷夫啟崇禎年間之事應詳加參考不可忽畧。正藍旗滿洲都統班滴以老乞休允之。以翰林院掌院學士湯右曾充經筵講官。以詹事府少詹事王奕清充日講起居注官。遣一等侍衛覺羅外山祭長白山醫無閭山等處。內閣侍讀學士殷扎納祭遼太祖陵。副都統馬雲霄祭南海。副都統王臣祭額碩高陽氏等陵。內閣學士蔡升元祭黃帝軒轅氏等陵。內閣侍讀學士查弼納祭西嶽華山及江濱等處。內閣侍讀學士拉都渾祭南鎮會稽山。詹事周起渭祭禹陵及明太祖陵。侍郎孫柱祭東嶽泰山等處。侍郎廖騰燧祭少昊金天氏等陵。孔子闕里。侍郎李先復祭中嶽嵩山等處。副都御史明安祭太昊伏羲氏等陵。左通政羅瞻祭南嶽衡山。叅議陳汝咸祭炎帝神農氏等陵。內閣學士鄒士璉祭女媧氏等陵。太常寺卿李敏啟祭北嶽恒山等處。兼賞賚直隸各省綠旗兵丁。遣兵部郎中額爾氣賞賚江西綠旗兵丁。副都統穆賽賞賚福建綠旗兵丁。副都統許廷臣賞賚廣西綠旗兵丁。禮部郎中瓦哈立賞賚雲南綠旗兵丁。副都統朱廷柱賞賚貴州綠旗兵丁。戊辰四川提督岳昇龍遺疏請將伊家口改入四川民籍得旨武職官員不許在任所入

籍置產曾有諭旨。今岳昇龍奏稱伊母年逾九旬不能遠涉著照所請准其家口入籍四川。己巳

上詣

皇太后宮問安。庚午吏部題二等精奇尼哈番額爾赫德以庸劣革職銷去恩詔所得三拖沙喇哈番餘一等阿思哈尼哈番以其弟蘇班泰襲替從之。四子部落多羅卓禮克圖郡王阿喇布坦多爾濟故遣官致祭。壬申兵部議霞山東登州總兵官李雄疏言水師營兵每月給餉銀一兩五錢惟登州水師營兵止照步兵例每月給銀一兩請一體加給應不准行。得旨山東水師營兵原額三百八十六名前任總兵官王文雄奏請於各營內抽調八百一十四名共足一千二百之數。此兵丁俱係陸路抽調之人不諳水師事務雖多無益著該鎮選擇五百名留水師營每月給與銀一兩五錢餘兵仍各回本營。以鄂爾多斯故固山貝子拉希扎木素之子納木扎爾色冷襲爵。癸酉

上詣

皇太后宮問安。陞湖廣襄陽總兵官高其位為湖廣提督。陞正紅旗漢軍副都統馬雲霄為鑲紅旗漢軍都統。甲戌宗人府題宗室內素無廕子入監讀書之例。今奉萬壽恩詔授宗室之子為廕生其應將何等宗室給與廕生及

廢生入監讀書期滿作何行走之處相應請旨得旨未入八分公以下鎮國將軍輔國將軍及宗室內為一二品大臣者俱准給廢生其廢生入監讀書之後即令隨旗行走乙亥和碩顯親王顏滿等題請於宗人府衙門內恭建

皇上功德碑不允以左春坊左贊善薄有德提督湖廣學政

欽天監題據理藩院開送厄魯特貝勒阿寶輝特公羅卜臧喀爾喀六十五旗哈密扎薩克額敏厄魯特王車零旺布公多爾濟色卜騰茅海等職名依新圖推算其所居地名共十七處應增入歷內刊刻頒行得旨枯倫鄂莫奇樓格納孔俄羅阿濟爾漢此二處著裁去餘依議丙子先是正白旗

實錄卷二百五十四

主

漢軍副都統楚宗奏伊曾祖塔拜於

太祖高皇帝時建立功績懇請撰文立碑奉有該衙門議奏之旨至是宗人府覆奏臣等查

實錄內

太祖高皇帝時令塔拜率兵一千勦東海呼爾亥部落克之降其衆一千五百人塔拜係輔國將軍歿後追贈為輔國公應如楚宗所奏准賜撰文立碑從之追賜故陝西涼州總兵官師帝寶諡曰恪僖

大清聖祖合天弘運文武睿哲恭儉寬裕孝誠信中和功德大成仁皇帝實錄卷之二百五十四

實錄卷二百五十四

主

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百五十五

康熙五十二年癸巳五月丁丑朔

上詣

皇太后宮問安 戊寅刑部尚書胡會恩乞假遷葬允之已卯

仁孝皇后忌辰遣官祭

陵 大學士等奏從前奉旨收貯審擬喇嘛巴漢格隆等呪厭廢皇太子允礽一案查案内除喇嘛巴漢格隆馬星噶卜楚鄂克綽特巴等已經身故不議外其現在監禁擬凌遲之喇

實錄卷五十五

一

實錄卷五十五

十

嘛明佳噶卜楚護衛色楞雅圖及擬斬之拜雅爾圖俱請照原議正法又擬發遣之太監楊得志等亦請照原議發遣得旨明佳噶卜楚從寬免死著永遠嚴加拘禁色楞雅圖拜雅爾圖俱從寬免死著發遣白都納楊得志從寬免發遣著交與內務府總管 工部題直隸巡撫趙弘燮疏稱柳岔至石景山往復四百餘里恐驟發大水之時永定河分司不能兼理請派官專管應如所請

上曰石景山隄工關係緊要著派爾部司官一員管理堂官亦不時巡查倘有坍塌之處即行奏聞 庚辰諭大學士等曰武官係朕親驗騎射及人材壯健補授故爾識認文官皆係

臨民之官關係尤重凡掣籤月官悉行引見應補授者俱行補授其年老不及者令原品休致惟在外陞補等官概不引見伊等賢否豈得周知嗣後作何察驗之處爾等與九卿會議具奏又諭曰朕前聞廣東米價騰貴即降諭旨將漕糧截留由海運濟并作何速行賑濟之處交與九卿會議發帑平倉穀三十萬石平價糶賣已經交與趙申喬等前往辦理令將軍管源忠又以米價騰貴繕摺具奏及朕詳問巡撫滿丕遣來進摺家人據稱彼處雨水調勻麥稻茂盛現今收麥等語巡撫滿丕今又發帑平倉積穀二十萬石現在平糶趙申喬等再到彼處賑濟民間斷不致乏食俟八九月北風起時從江浙兩省撥米二十萬石用水師營戰船裝載由海運往不惟米石可以濟民而兵丁亦得學習水務若廣東豐收將此運至米石一半存貯粵省一半分運閩省備貯庶於民生大有裨益又諭曰提督康泰奏稱蜀省一碗水地方聚集萬餘人開礦隨逐隨聚現在差官力行驅逐等語朕念此等偷開礦廠之徒皆係無室可居無田可耕乏產貧民每日所得錙銖以為養生之計若將此等乏產貧民盡行禁止則伊等何以為生果如滇省礦廠所出頗多亦可資助兵餉此處所出無多該地方文武官員作何設法使窮民獲有微利養贍生命但不得聚眾生事妄行不法似屬可行爾等與九卿會

同議具奏。陞杭州佐領噶什為杭州副都統。辛巳大學士九卿等遵旨議覆開礦一事。除雲南督撫雇本地人開礦及商人王綱明等於湖廣山西地方各雇本地人開礦不議外。他省所有之礦。向未經開採者。仍嚴行禁止。其本地窮民現在開採者。姑免禁止。地方官查明姓名。記冊聽其自開。若別省之人往開及本處殷實之民有霸佔者。即行重處。

上曰。有礦地方。初開時。即行禁止。乃可。若久經開採。貧民勉辦。資本爭趨。覓利藉為衣食之計。而忽然禁止。則已聚之民。毫無所得。恐生事端。總之。天地間自然之利。當與民共之。不當以無用棄之。要在地方官處置得宜。不致生事耳。又諭曰。今

實錄卷五十五

平

年八九月內。撥江南積貯倉米十萬石。用鎮海將軍標下戰船及松江提標戰船。狼山鎮標戰船。裝載著總兵穆廷斌。總管船隻。浙江省積貯倉米。內撥十萬石。用浙江提標戰船。及定海鎮標戰船。裝載著總兵吳陞。總管船隻。俱運至廣東。此運米兵丁往返時。或遇風勢不順。行船有阻。亦未可定。所需口糧。亦宜預備。帶往。不得動用賑濟額米。江南織造署內。朕曾預備米一萬石。如八九月間。江南有動用處。則已如無所。動用。將此項米石。亦應一并運去。所缺米石。朕另行補貯。著行文該督撫。詳悉。速議具奏。壬午

上詣

皇太后宮問安。甲申。大學士九卿等遵旨議覆。在外論俸。推

陞官員。素未引見。內有年老衰邁。人才不及者。亦未可定。嗣後。布政使按察使。運使直隸守道。巡道員缺。應通行開列。候皇上欽點。補授。今其引見。其在外論俸。推陞道府以下。知縣以上。由吏部掣籤。者得缺。後并令引見。再督撫題補。及請留任之員。俱令隨本引見。凡在外引見。過文職官員。應照武職例。三年內陞補者。停其引見。已滿三年後陞補者。仍令引見。從之。乙酉。命留京教習進士。以內閣中書缺補用。○二等精奇尼哈番鄂都緣事革職。以其姪鄂岱襲替。○盛京刑部侍郎慕成額。以老乞休。允之。○丙戌。

實錄卷五十六

中

上奉

皇太后避暑塞外。命皇三子和碩誠親王允祉。皇八子多羅貝勒允禩。皇九子固山貝子允禔。皇十五子允禩。皇十六子允祿。皇十七子允禮。隨駕自暢春園啟行。是日駐蹕南石槽。轉工部尚書張廷樞為刑部尚書。陞吏部左侍郎管右侍郎事。王碩齡為工部尚書。以左副都御史田從典為兵部右侍郎。予故吏部尚書吳一蜚祭葬如例。丁亥。

上駐蹕密雲縣。戊子。

上駐蹕遙亭。己丑。遣官祭

關聖帝君。

上駐蹕兩間房 庚寅

上駐蹕王家營 西藏拉藏汗遣使進貢賞賚如例 辛卯夏至祭

地於

方澤遣都統崇古禮行禮

上駐蹕喀喇和屯 授故輔國將軍博爾都之子石通為三等

奉國將軍 陞翰林院掌院學士湯右曾為吏部右侍郎兼

管翰林院學士事 陞浙江嚴州副將佟國弼為湖廣襄陽

總兵官 壬辰

上駐蹕熱河行宮 乙未喀喇沁多羅杜稜郡王塞稜等來朝

實錄卷二百五十五

五

以左副都御史瓦爾喀為盛京刑部侍郎 陞湖廣永州總兵

官祖維新為正紅旗漢軍副都統 戊戌遣鑲黃旗蒙古副都

統佛濟保正白旗蒙古副都統赫達戶部侍郎塔進泰禮部侍

郎馮忠通政使司通政使劉相往喀爾喀等處給賞蒙古老人

已亥喀喇沁鎮國公善巴喇錫來朝 辛丑命停止本年秋審

審 癸卯諭兵部直隸各省給賞綠旗兵丁會令差往大臣會

同督撫頒賞今正值農時若令督撫於各州縣俱親身前往恐

妨民事應令督撫於駐劄之地會同頒賞其餘各州縣令該

提鎮會同頒賞 禮部題黃巖守備管遊擊事閻福玉與海賊

交戰陣亡業已蒙恩賜卹贈參將職銜又廕子第一人以守備用

其給與祭葬相應停止

上曰閻福玉係登州人朕曾召見人材壯健戰時為賊所傷血

流滿面謂眾曰此即報主之處也奮勇前入手刃十餘人力

戰而亡此係與伊交戰賊人所說宜優加恩卹以示鼓勵著

給與祭葬 陞通政使郝維諤為都察院左副都御史 甲

辰刑部議覆差往盛京審事戶部尚書穆和倫等審拖沙喇

哈番常葆等偷創人參一案白都納副都統常關係總管

大臣不但失於覺察又違例給常葆印文往奉禁之地行走

常關係應革去副都統因事在赦前免議拖沙喇哈番常葆

應革職論絞援赦減等發落得旨常關係著革去副都統餘

實錄卷二百五十六

六

依議 乙巳以內閣學士阿爾賽為都察院左副都御史陞

內閣侍讀學士常泰為內閣學士兼禮部侍郎 阿霸琿台

吉德木楚克科爾沁台吉諾木桑等來朝

閏五月丁未朔 壬子翁牛特台吉羅卜臧滾布來朝 癸

丑奉國將軍吳爾登以家人藏匿託合齊貲財坐罪革退令

其子奇兆襲替 陞太僕寺卿周道新為通政使司通政使

吏部議覆內閣中書奉旨用進士出身之人嗣後滿中書

缺出應論旗分於進士內挨次擬用如無進士將舉人挨次

擬用漢中書缺出用留京教習進士其從前進士舉人候選

中書者停其選授改歸知縣教職等項用其候選中書不由

進士舉人出身者對品改選以鑾儀衛經歷詹事府主簿等缺用從之 裁通政使司漢左叅議一員詹事府漢諭德一員漢中允一員漢贊善一員漢錄事一員鴻臚寺漢寺丞一員四譯館序班三員國子監滿助教四員漢博士一員漢學正二員行人司行人四員太醫院御醫二員吏目六員預授吏目四員禮部司牲官二員 喀喇沁多羅額駙門都來朝 乙卯兵部題就撫海賊陳尚義等應作何安插請旨定奪 上諭大學士等曰先經拏獲海賊俱已發遣寧古塔等處現今陳尚義等一百餘人又來歸誠內有熟識水性之人將伊等歸併盛京金州地方著設立水師營近據山東總兵李雄奏請裁伊標下水師營戰船十隻即將所裁數內截留數船分往金州看守地方巡防海洋似有裨益著滿漢九卿詹事科道會同確議具奏又諭曰古大臣進言於君皆云墾荒積穀節用愛民明代萬厯年間於養心殿後窖銀二百萬金我朝大兵至京流寇挈金而逃因追兵甚迫棄之黃河大抵明代帑金流寇之難三分已失其一又於達賴喇嘛處費用無算凡製造器皿等物亦繁費不貲朕自御極以來酌量撙節不敢濫費從古無如朕之節用者大學士等奏曰不但如此節用為從古未有 皇上愛民蠲免天下錢糧亦古所未有

上曰若不蠲免錢糧則民間匱乏將何所賴耶又諭曰人之喜怒不可有偏即今內大臣侍衛等有厯事者亦有未厯事者未厯事之人一聞殺人之事必勃然大怒設令閱刑部奏章豈勝其忿耶又讀書人於觀書時見有不合其意者輒生憤怒古書所載皆屬往事其善惡特為後人法戒閱之但當自加警省耳 賜熱河居住者老白金有差 戊午翁牛特多羅達爾漢戴青貝勒額爾德布鄂齊爾來朝 已未 上自熱河幸湯泉駐蹕 甲子 上自湯泉回駐熱河行宮 科爾沁輔國公布尼等來朝 辛未江西巡撫佟國勦疏言入夏以來米價漸長小民籲請發粟臣已將所貯倉穀令有司糶賣俟秋收後買補還倉 上諭大學士等曰去年江西省年穀甚熟或因地方官虧空倉穀借此抵銷亦未可定著戶部詳議具奏尋議佟國勦題報發糶倉穀原疏內並未申明係何州縣及所糶倉穀若干應行令該督嚴查其現在糶穀州縣中有泡爛虧空借此開除等弊即著指名題參從之 諭大學士等曰總督額倫特殷泰皆朕特用之人初用時人不知其善迨後乃稱皇上知人之明咸以為異殷泰居官雖甚優然未免過於嚴厲人有怨之者巡撫張伯行家計饒足居官甚清日用之物一切取給於其家但於所屬官員輒心疑之自古疑人勿用人勿疑

方且欲推心置腹以示人陰刻何為若於所愛者故為怒容待之於所惡者故以喜色遇之是欺人即自欺也朕之喜怒無不即令人知者惟以誠實為尚耳天下凡事難以預防惟恐事多見理明乃隨事之來措置合理朕於朱子全書序文內曾論及之又諭曰部院衙門辦事皆有成例憑例而行雖稍有未當其失猶輕若無例則無可憑矣如數十事一例者自應畫一各任意見辦理可乎爾等辦事允宜遵守成例而行 甲戌陞直隸河間副將陳尚武為湖廣永州總兵官 六月丙子朔丁丑諭和碩誠親王允祉律呂算法諸書應行修輯令將朕所製律呂算法之書發下爾率領庶吉士何

實錄卷五十五

九

國宗等即於行宮內立館修輯 翁牛特多羅郡王和碩額駙蒼津來朝 戊寅科爾沁和碩額駙多爾濟來朝 己卯皇三子和碩誠親王允祉恭請

上幸王園進宴 科爾沁台吉三濟扎卜來朝 授鎮國公普奇女為鄉君壻趙世昌為鎮國公壻秩四品 癸未烏朱穆泰和碩車臣親王色登敦多卜來朝 予故懷紅旗蒙古都統鄂代祭葬如例 丙戌赦漢多羅郡王鄂爾齊圖來朝 是日

上出行宮率善射侍衛等射

上親射二次每發皆中 己丑諭大學士等昔言壬辰癸巳年

應多雨水去歲幸而未滂觀近日雨勢連綿山水驟發亦未可定此處東邊河隄為城垣所逼水必洶湧巡守之人應預為防備至於貿易人民所居房屋凡當澗口之處亦各應防備將此旨即行曉諭 辛卯戶部題廣東米價騰貴總督趙弘燦巡撫滿丕隱匿不報應交吏部議處

上諭大學士等曰趙弘燦滿丕居官不善於地方之事不思効力務為隱匿是實聞奉差大人至廣東時民人懼忤焚香迎接奉差係國家大臣督撫獨非大臣乎觀此可知民情所向矣廣東米價先增至三兩一石今止需一兩六錢矣朕留意民瘼悉心採訪諸凡地方之事此處不報他處必有奏報者

實錄卷五十五

十

即如盛京之事盛京不報但問烏喇往來之人即知之矣朕前巡幸江南時預聞江南有賊後果有一念和尚叛案總之事貴預防朕聽政年久一聞地方荒歉等事皆先為籌畫措辦以消患於未萌乃督撫等不留心預防及至地方有事謂皇上自能辦理豈可謂之大臣乎此事俟趙申喬到時再議 禮部題兵部侍郎宋駿業詹事府詹事史夔故應照例賜卹

上諭大學士等曰漢人中史夔宋大業宋駿業張志棟皆甚無耻張志棟好保舉人不顧顏面與山東人結黨宋駿業以能畫在內廷行走乃一險人專事結黨學問不及朕知而遠之

姑念其內廷効力給與半葬史變為浙江考官聲名甚著因在河工効力故復起用其祭葬俱著停止 大學士等以原任河道總督王新命之子王纘緒因曹遠芳等誣伊父為開戶之人情急叩關一案請旨

上曰王新命乃四川生員被曹姓人擄為養子事非虛誣但王新命曾為大臣待曹姓甚厚前王新命富貴時並未言及今其子孫貧困索取不遂加以訐辱未免太刻八旗如此等人甚多此案事已年久且係國家大吏爾等與九卿會議似此等者當行禁止又諭曰連日之雨朕深恐致澇大學士等奏曰

皇上殷憂為民昨下旨祈晴今即晴明洵屬奇異

上曰朕記

太祖皇帝時壬辰年澇

世祖皇帝癸巳年大澇京城內房屋傾頽明成化時癸巳年澇城內水滿民皆避居於長安門前後水至長安門復移居端門前若今霖雨不止雖無妨居人而田禾豈不有損耶今日天氣晴霽朕心藉以稍慰 癸巳科爾沁多羅冰圖郡王宜希班第喀喇沁扎薩克葛勒爾來朝 乙未予山東巡海師亡登州水師營遊擊贈參將滕國相祭葬如例 調盛京副都統托留為白都納副都統陞護軍叅領徐昌為盛京副都

統護軍叅領松阿禮為西安副都統 諭大學士等曰朕歷

觀前史凡事皆壞於隱匿明代盜賊情形俱隱匿不報盜賊已及門尚然不知也豈知旱澇之災民生疾苦乃自古所有之事奏聞何傷若果督撫凡事皆據實奏聞預為防備雖有事亦復何害且朕臨馭年久凡事有應商酌之處朕必與大臣等商酌而行惟軍機河工事朕即批示恐與不知之人商酌反致有悞也又諭曰甘肅巡撫樂拜奏陝西省免康熙五十一年錢糧甘肅衛所應徵之米未邀恩免請一併免徵朕令樂拜度兵餉之米足與不足再行奏請及彼詳計之果不足兵餉一如朕言彼但為己之聲名計於兵餉緊要之處乃並不計及也○秦曼多羅達爾漢郡王垂忠來朝 戊戌旌表浙江烈女陳氏拒姦不從完貞自縊給銀建坊如例 辛丑科爾沁多羅郡王諾門額爾赫圖多羅貝勒巴克什古爾來朝 壬寅克西克騰扎薩克台吉齊巴克扎布來朝 甲辰

上諭大學士等曰偏沅巡撫潘宗洛行事糊塗其所屬地方雨水田禾情形至今尚未奏報為人行止何如著問九卿又諭曰人聞譽言如服補藥無益身心朕在位五十餘年聞人譽詞溢於耳矣實見其無益也又諭曰邵康節所言陽奇陰偶之數陽數少而陰數多是以凡物皆好者少惡者多人亦從

善難從惡易至於滿洲漢人之性迥然不同漢人以喜怒不形於色為尚不知存心行事貴在誠實開誠示人人自服之若懷詐挾術誰肯心服耶嘗見大奸大偽之人喜怒不形於色如吳三桂噶爾丹類皆如此此等人終必敗壞耳 刑部議覆奉差福建戶部尚書張鵬翮察審原任延綏總兵官柯彩身死一案前因柯彩家人劉四邁首告柯彩被家人王增寶等謀害身死訊實王增寶等直認不諱應將王增寶李其慧斬小二鄭連蔡永壽俱照例凌遲處死其家人王吉余益高童釋無知為李其慧威嚇入夥應擬斬監候柯彩之子柯蔭於伊父身死之時自稱患病不行首告忘親縱仇亦應擬絞監候從之

秋七月丙午朔享

太廟遣吏部尚書富寧安行禮（庚戌宗人府題三等侍衛尼雅罕奏稱伊曾祖飛揚古於

太宗文皇帝時曾革退宗室祈查明增載玉牒臣等查檔案內並無宗室飛揚古之名應否載入玉牒請旨定奪得旨尼雅罕曾祖飛揚古乃

太祖皇帝之子朕知之甚確但不知為第幾子

太宗皇帝時飛揚古因獲大罪正法年久之事既無檔案朕亦不便遽定其尼雅罕著給以紅帶并伊祖父之名入黃檔內

實錄書畫

古

載入玉牒記載時即將此情由錄明於後（壬子宗人府題臣等遵奉諭旨將革退之宗室覺羅等子孫分別給紅紫帶續載玉牒查革退宗室內除原任和碩睿親王多爾袞無嗣無庸議外其原任貝勒莽古爾泰德格類和碩英親王阿濟格貝勒碩托鎮國公艾都立貝勒拜音圖貝子輩阿岱西罕濟麻護多羅郡王阿達禮和碩莊親王舒爾哈齊等子孫共二百一十六人俱應給以紅帶記黃檔內纂修玉牒時一併載入又宗室阿爾通阿之子孫四人現入覺羅紅檔無庸另議應將阿爾通阿之名補入黃檔內增載玉牒其覺羅勒爾森昂阿拉吳丹等之子孫共二十九人俱應給以紫帶記紅檔內亦俟纂修玉牒時一併載入又定例覺羅等所生之子設稽查幼子之員咨送宗人府惟宗室等所生之子各從本家咨送恐有遺漏嗣後請照覺羅例增設稽查幼子之員將宗室等所生幼子徧查咨送免致遺漏得旨依議此等宗室覺羅等載入玉牒黃檔時亦照尼雅罕例各書於後 癸丑科爾沁台吉畢禮滾達賴翁牛特台吉鄂齊爾來朝 禮部題直隸大名縣烈女周官聘妻徐氏夫亡往哭願守節孝養翁姑嗣因翁姑堅不允從絕食十六日而死從容就義應否旌表得旨著照例旌表（乙卯

孝懿皇后忌辰遣官祭

陵○四川陝西總督鄂海疏言督撫提鎮揀選保送武弁請以曾出兵効力者保送如無出兵効力之人應論俸揀選保送以絕徇私之弊

上曰國家承平日久行間効力之人所餘無幾前此保舉人員尚覺公平今漸滋流弊督撫提鎮等官皆各為其子弟賣緣保送者多即部院大臣亦多為其子弟互相援引此本著照鄂海所請行諭大學士等曰部院官員內能辦事者有之但尚多疎畧之處朕當繁劇時日閱二百餘本曾無一字疎畧今閱二三十本更覺寬裕矣昔年少時步行四五十里今雖高年尚可步行十餘里可知凡事皆在留心歷練耳又諭

實錄卷五十五

五

曰朕於算法律呂等書探究本源今已明晰知黃鍾為最要凡數學以及斗斛尺度無不繫乎其中也大學士九卿等遵旨覆奏偏沅巡撫潘宗洛行事糊塗材畧平常不稱厥任上曰此事俟回鑾時再奏丙辰賜大學士嵩祝兵部尚書公孫徵顯等

御製避暑山莊詩集各一部○旌表山東烈婦王啟龍妻程氏拒姦不污寧死守節給銀建坊如例○丁巳厄魯特多羅郡王車零旺布等來朝○諭大學士等曰總督赫壽為廣東省運米疏稱京口戰船今係大修之年俱各修理不堪應用請雇民船運米等語沿海各省設立戰船者特為防護地方禪

益民生以備急需也今據稱戰船俱不堪用請雇民船觀此可知戰船少而民間貿易之鳥船多雖有修船之名徒致耗費錢糧况修一戰船需用之錢糧甚多且將所修戰船或賣與民人或雇與民人貿易并將民人破壞船隻頂補充數捏稱修理亦未可定倘有用處將如之何此習相沿成風應用之時恐必致遲誤著問九卿令會議以聞已未調四川北總兵官王應龍為廣東潮州總兵官陞四川遵義副將魏相為四川北總兵官庚申中元節遣官祭

永陵

福陵

實錄卷五十五

五

昭陵

暫安奉殿

孝陵

仁孝皇后

孝昭皇后

孝懿皇后陵○四川茂州及平番營地震辛酉諭大學士等

朕十三歲親政時有援引恩詔誤赦一人者曾以此事問原任大學士李蔚李蔚奏云業已誤矣聽之便朕諭曰有人可聽其誤若殺人亦聽其誤可乎李蔚不勝歡忭奏云皇上此諭誠可昭垂萬世又輔政大臣共理政事時紅本已發科抄

有取回改批者。馮溥為給事中。奏云。凡一切本章。既批紅發抄。不便更改。輔政大臣等。欲罪馮溥。朕以馮溥所言亦是。因嘉獎之。并諭輔政大臣等。此後當益加詳慎。批發且首聽政時。每令讀本。朕與輔政大臣共聽之。或因一時言論。往往忽畧。朕諭伊等。此內有關係民命者。尤不可不慎。伊等皆經行間。効力不以殺人為意。朕必慎焉。但懲惡所以勸善。亦有不

可寬宥之處。聖人法內有仁。惟仁者能好人。能惡人。朕於此尤加詳審。從無少忽也。兵部議覆山東巡撫蔣陳錫疏言。原任河標副將惠占春。等於山東地方立業。年久請免。伊子孫等回籍。應不准行。

上曰。現任官不得於任所置產。若已經身故。又立業年久者。何必追究。嗣後凡有此等官員家口。著一體免查。甲子。厄魯特多羅貝勒額駙阿寶來朝。乙丑。子故原任四川提督岳昇龍祭葬如例。丙寅。

上行圍命。皇三子和碩誠親王允祉。皇五子和碩恒親王允祺。皇九子固山貝子允禔。皇十四子固山貝子允禩。皇十五子允禩。皇十六子允祿。隨駕自熱河啟行。是日駐蹕中關。丁卯。

羅布喀爾喀多羅貝勒諾爾布班迪來朝。己巳。上駐蹕張三營。喀爾喀固山貝子巴特瑪旺扎爾喀爾喀扎薩克台吉阿里雅來朝。辛未。

上駐蹕穆祿喀喇沁昂阿地方。蘇尼特多羅郡王垂基恭蘇降來朝。旌表陝西烈婦徐永來妻張氏。強姦不從。投崖身死。給銀建坊如例。壬申。

上駐蹕雲特木爾昂阿地方。癸酉。

上駐蹕格爾齊老地方。郭爾羅斯台吉諾爾布章阿祿科爾。

心台吉阿喇布灘來朝。甲戌。

上駐蹕克勒烏里雅蘇台。乙亥。

上駐蹕哈達郭佛羅地方。

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十五

實錄卷之二十五

七

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十六

康熙五十二年癸巳八月丙子朔科爾沁台吉厄爾得晉圖
來朝○丁丑遣大學士蕭永藻祭

先師孔子

上駐蹕噶海圖昂阿地方喀爾喀和碩親王多羅額駙車安
扎布來朝○先是鄂爾多斯王松阿喇布奏請於察罕託灰
之地暫行遊牧遣尚書穆和倫等往勘定以黃河西河之間
柳墩等四臺為界并設理事官二員稽察遊牧蒙古禁止生
事寧夏總兵官范時捷疏言察罕託灰係版圖內地今蒙古

實錄卷之二十六

一

遊牧多致越界行走與寧夏居民朦混樵採實屬不便請以
黃河為界停止蒙古遊牧則民生有益即地方亦易防守
上諭理藩院曰前松阿喇布以察罕託灰水草佳茂懇請暫行
遊牧並未有令永遠遊牧之旨此事著爾衙門員外郎莫禮
布前往查明具奏至是莫禮布回京奏稱鄂爾多斯蒙古現
在遊牧漸至賀蘭山下與原定之界實係踰越奏入下九卿
會議一議察罕託灰本屬版圖內地因前遣尚書穆和倫等
勘定以柳墩等四臺為界故將察罕託灰許令遊牧今蒙古
等越界行走應行文地方官即查明越界蒙古逐出柳墩等
四臺之外其察罕託灰遊牧之處應否照穆和倫等原議請

旨定奪。又兵部尚書殷特布等一議黃河西河之間草木極盛。寧夏居民藉以樵採。若令蒙古遊牧與居民混雜行步洵屬未便。又察罕託灰與寧夏相近。既許蒙古遊牧則地方汛防未無艱難之處。應如范時捷所請改定黃河為界。於民生地方均有裨益。得旨從前原以黃河為界著照後議行。戊寅祭。

大社。

大稷遣都統崇古禮行禮。

上駐蹕車爾布庫地方。免福建侯官縣本年分水衝田地額賦。○己卯秋分夕。

月於西郊遣禮部尚書赫碩咨行禮。

上駐蹕噶海圖昂阿地方。○庚辰。

上駐蹕烏喇岱地方。○阿祿科爾沁多羅貝勒汪扎爾來朝。

辛巳。以大學士王揆主部尚書王頊齡為會試正考官。兵部

左侍郎李先復內閣學士沈涵為副考官。壬午。

上駐蹕準烏喇岱地方。○癸未。

上駐蹕布爾哈蘇台。○甲申。

太宗文皇帝忌辰遣官祭。

昭陵。

上駐蹕巴顏和洛。○乙酉。

上駐蹕五虎爾濟地方。○丙戌。

太祖高皇帝忌辰遣官祭。

福陵。○戊子。工部議覆河道總督趙世顯疏言淮安府城外南角樓一帶埽工及寶應縣之運河東隄朱馬灣埽工。又張家直盧家直五里淺龍王廟等處工程。俱應釘埽加幫以保運道。其高郵城北永安西隄石工急應折砌以固隄防。又蕭縣之李家莊張家莊宿遷縣之老隄頭卓家莊劉家莊桃源縣之談家莊九里岡山陽縣之童家營范家莊安東縣之佃湖密灣等處工程。俱逼溜頂衝甚屬危險。各應建挑水壩并加幫縷隄。以資抵禦。俱應如所題速行修築。從之。○己丑。

上駐蹕鄂爾楚克哈達地方。○庚寅。

上駐蹕得爾吉惠漢地方。○科爾沁和碩純禧公主來請安。

辛卯。

上駐蹕克爾木台地方。○戶部議覆山東道監察御史李景迪疏言京師五城地方設立司坊官共十五員所居房屋各極宏敞每年租價約合計之幾至千有餘兩司坊官私派總甲總甲私派居民甚至供輸不給有追呼紛擾之弊請敕行裁革嗣後司坊官等所居房屋皆令捐俸自租不得私派累及小民應如所請從之。○壬辰。

上駐蹕永安拜昂阿地方。○科爾沁和碩端敏公主來請安。

癸巳喀爾喀扎薩克輔國公根敦來朝○甲午。

上駐蹕齊老圖地方○乙未。

上駐蹕烏蘭哈爾哈地方○丙申。

上駐蹕瑚爾布勒畢喇地方○丁酉。

上駐蹕渾津布拉克地方○戊戌。

上駐蹕多羅諾爾廟地方○阿霸垓扎薩克多羅郡王吳爾占

噶喇卜蘇尼特扎薩克多羅杜楞郡王達禮扎卜阿霸哈納

扎薩克固山貝子額林臣達西來朝○庚子。以原任齊齊哈

爾副都統宗室勒色禮為正藍旗滿洲副都統○陞雲南布

政使李華之為太僕寺卿○壬寅。

實錄卷五十六

四

上駐蹕渾津布拉克地方○癸卯。

上駐蹕瑚爾布勒畢喇地方○甲辰。

上駐蹕烏蘭哈爾哈地方

九月乙巳朔。

上駐蹕巴顏拖羅海地方○遣官祭

歷代帝王○遣官祭城隍之神○丙午。

上駐蹕朱爾哈代碩倫地方○江西巡撫佟國勳奏請陛見允

之○丁未。

上駐蹕郭里營地方○戊申。

上駐蹕喀布齊祿地方○己酉。

上駐蹕博洛和屯○賜來朝外藩手負勒貝子、台吉等衣帽

銀幣鞍馬有差○賞隨圍蒙古官兵銀兩布疋有差○庚戌。

上駐蹕中關○陞宗人府府丞李濤為都察院左副都御史。左

僉都御史呂履恒為宗人府府丞○辛亥。

上回駐熱河行宮○壬子。刑部議覆四川陝西總督鄂海疏言

凡人民控告州縣官員者一經題參即令解任恐畏刁風嗣

後州縣官被告請暫免解任先交布按兩司審明情實後再

行題參應如所請從之○丙辰。賑濟四川茂州及平番等營

堡地震被災飢民○丁巳。

上奉

實錄卷五十七

五

皇太后自熱河回鑾駐蹕喀喇河屯○戊午。

上駐蹕鞍子嶺○己未。

上駐蹕兩間房○庚申。

上駐蹕巴克什營○辛酉。

上駐蹕遙亭○免廣東三水等五縣本年分水災額賦有差

壬戌。

上駐蹕密雲縣○癸亥。

上駐蹕南石槽○甲子。

上奉

皇太后回駐暢春園○諭和碩誠親王允祉等修輯律呂算法

諸書著於蒙養齋立館并考定

壇

廟宮殿樂器舉人照海等四十五人係學習算法之人爾等再加考試其學習優者令其於修書處行走○丁卯

上問尚書張鵬翮曰四川巡撫年羹堯居官如何張鵬翮奏曰聞年羹堯在地方實心理事

上又問曰操守如何張鵬翮奏曰臣於本籍來京之人緊不接見知之不確

上又問曰爾前往浙江審事巡撫王度昭居官如何張鵬翮奏曰王度昭於地方事尚能留心

實錄卷二五六

六

上諭九卿等曰王度昭初莅浙江時聲名甚佳後因保題屬員聲名頓減天下督撫內惟額倫特張伯行操守最優劉蔭樞亦佳爾等俱為大臣天下督撫之賢否貪廉俱應平時留心細訪以備顧問東公陳奏雖門生故舊不少徇庇庶督撫等皆知畏懼而勉勵矣乃往往朕有所諮詢或謂未經同署辦事或自謂平日不接見人知之不確以此推辭殊為非理爾等知福建布政使李發甲居官如何大學士等奏曰李發甲居官聲名好

上曰潘宗洛任湖南巡撫後不及為翰林時著革退福建布政使李發甲著陞補湖南巡撫○戊辰

上詣

皇太后宮問安○陞漕運總督中軍副將黃葵為福建金門總兵官○庚午

上諭大學士李光地曰朱子全書四書註解刊刻告竣可速頒行又諭曰孟子云排淮泗而注之江朱子謂淮水不入江古今水道不同當時淮水或有入江之跡後來湮塞亦未可知孟子必無錯處李光地奏云

皇上此論誠發千古所未發也

上曰爾傳諭九卿有明於性理實學之人令各舉所知○免浙江臨海等六縣并台州衛本年分旱災額賦有差○辛未

實錄卷二五六

七

孝慈高皇后忌辰遣官祭

福陵○戶部題臣等遵奉諭旨撥江南浙江之米各十萬石運至廣東福建備賑但浙江巡撫王度昭疏稱浙江臨海等六縣及台州衛現報旱災請於撥運米十萬石內仍留五萬石於本省分貯被災州縣衛以備賑濟之用應如所請得旨浙省今歲歉收十萬石俱留備用江南十萬石內將五萬石運至福建五萬石運至廣東未到日即行平糶勿致泡爛陞正黃旗蒙古副都統騰額特為正紅旗護軍統領 癸酉

上詣

皇太后宮問安○以刑部尚書張廷樞充經筵講官 甲戌大

學士等。以科道內陞外轉請旨。

上曰。言路不可不開。亦不可太雜。明朝國事。全為言官所壞。今之進言者。輒云某為上所喜。某為上所惡。每揣摩朕意。私心窺伺。以圖迎合。朕並無所愛憎之。其居官善者。則愛之。不善者。則憎之耳。即如噶禮居官如此不善。不但無一人劾奏。反有從而譽之者。後噶禮與張伯行互參。差往審事。滿漢大臣。謂朕意有偏向。故審理俱不公平。朕亦不露意旨。直至議定奏聞。方向九卿明諭。於是眾乃知朕無偏向之意。大凡人臣事君之道。公爾忘私。乃為正理。且性理諸書中。亦不過辨別公私二字。事君者果能以公勝私。於治天下何難。若挾其私心。則天下必不能治。今科道於內外官員。亦有明知其不善者。或其人有所倚仗。或其人素有聲勢。不可搖動。遂莫敢叅劾。亦由學淺膽小故耳。為清官者。惟潔己。不要錢。循是易事。若論公爾忘私。誠為難得。科道官員內。朕無深知者。今條奏亦稀。將伊等照例。挨次陞轉可也。是日

上自暢春園回宮。九卿等遵旨議覆。盛京錦州地方設立水師營。於防守海洋。大有裨益。查錦州城舊有召募島丁一千四百三十二名。今新設水師。應於島丁內挑選四百七十名。加以發往陳尚義等。諳練水性之人三十名。共兵五百名。應立協領一員。佐領二員。防禦四員。驍騎校八員。均屬奉天將

軍統轄。從之。湖廣總督額倫特奏。請陞見允之。先是。隨從二阿哥允初之得麟。為人狂妄。奉旨鎖禁在家。因伊父阿哈占補授

福陵關防時。奏請將得麟帶往奉天。既而得麟之叔佛保。奏得麟怙惡不悛。請交奉天將軍正法。

上命交伊父阿哈占將得麟處死。伊父阿哈占及伊子白通。詭稱得麟自縊身死。潛蹤逃匿。

上察知其詐。遣刑部員外郎納齊喀等。至山東膠州。拏獲得麟。付法司會勘。至是。刑部等衙門覆奏。得麟係屢犯重罪。奉旨處死之人。乃擅行恃旨。假死逃匿。情罪可惡。應照大逆律。將

得麟凌遲處死。其父阿哈占。雖已身故。應開棺戮尸。得麟之

子白通。擬絞監候。其逃匿地方文武官。失於覺察。應行令該

撫查叅議處。從之。

冬十月乙亥朔。享

太廟。遣都統崇古。禮行禮。遣官祭

永陵。

福陵。

昭陵。

暫安奉殿。

孝陵。

仁孝皇后

孝昭皇后

孝懿皇后陵○頒康熙五十三年時憲歷○兵部議覆廣西提督張朝午疏言粵西之南太恩慶四府皆烟瘴地請以桂平梧州柳五府將弁揀選調補三年無過者照文職例准其候缺陞用應如所請從之○陞雲南按察使段志熙為浙江布政使司布政使○丙子

上幸暢春園○戶部議覆原任偏沅巡撫潘宗洛疏請墾荒展限應行文接任巡撫查明詳議

上曰凡督撫條陳地方事務應據實陳奏潘宗洛奏湖南荒田

實錄卷二五六

十

五百餘頃今天下戶口甚繁地無棄去湖南安得有如許未墾之田著差戶部司官一員會同湖廣總督額倫特就潘宗洛奏疏內所有州縣查勘詳明具奏入諭曰湖廣陝西人多地少故百姓皆往四川開墾聞陝西入川之人各自耕種安分營生湖廣入川之人每每與四川人爭訟所以四川人深怨湖廣之人或有將田地開墾至三年後躲避納糧而又他往者今四川之荒田開墾甚多果按田起課則四川省一年內可得錢糧三十餘萬朕意國用已足不事加徵且先年人少田多一畝之田其值銀不過數錢今因人多價貴一畝之值竟至數兩不等即如京師近地民舍市廛日以增多畧無

實錄卷二五六

十

空隙今歲不特田禾大收即芝蔴棉花皆得收穫如此豐年而米粟尚貴皆由人多地少故耳朕巡幸時見直隸自苑家口以下向年永定河衝決之處今百姓皆築舍居住下鹵變為膏腴不下數十百頃皆未嘗令起稅也又江南黃河隄岸至所隔遠隄有二三里者亦有六七十丈者其空地先皆植柳以備河工取用今彼處百姓盡行耕種亦並未令起課昔黃河泛漲時水常灌入遠隄不得耕種自清水暢流以來河底刷深水必長至二丈方能及岸遠隄以內皆成沃壤矣大凡濁水與清水合流方可無壅決之患如直隸永定河一交冬令水乃漸涸或有壅沙高出河身及夏秋水發不由故道而行遂至潰散淹沒田廬朕詳度河工情形引莽牛河之清水入於永定河春冬之時雖水小不能行舟而仗此引流故道不至壅淤及水發時清水合流水力甚大故河底刷深無衝決之患矣又去年趙申喬條奏黃河近邊被衝田畝請查明數目蠲免錢糧不知黃河東岸刷則西岸之田出西岸刷則東岸之田出被衝之田應免錢糧則新出之田不應取錢糧乎今年浙江提督吳郡陞見時朕諭吳郡云聞浙江海中漁船甚多其船進海口時防汛官兵橫索錢財方令入口中有不聊生之窮人不得入海口遂為海賊觀此則海賊即內地漁人乃官兵迫而驅之海中為賊者也朕下此諭旨特欲

使提鎮等知朕於各省事無不洞悉也。今遣官勘驗湖南荒田亦此意耳。總之督撫不可侵部院之權。部院亦不宜刻求督撫之非。凡事宜用中不可一偏也。○轉戶部尚書張鵬翮為吏部尚書。陞都察院左都御史趙申喬為戶部尚書。工部右侍郎劉謙為都察院左都御史。○調正藍旗蒙古都統兼鑲白旗護軍統領覺羅阿臘納為鑲白旗滿洲都統。○喀爾喀澤卜尊丹巴胡土克圖土謝圖汗遣使進九白年貢。宴賚如例。○丁丑。

皇太后聖壽節。

上率諸王、文武大臣侍衛等詣

皇太后宮行禮。遵

實錄卷百六

十一

懿旨停止筵宴。○調西安副都統松阿禮為正白旗滿洲副都統。正白旗漢軍副都統楚宗為正藍旗滿洲副都統。陞鑾儀衛冠軍使巴爾佈為西安副都統。以禮部右侍郎馮忠為正白旗漢軍副都統。○陞直隸大名道年希堯為廣西按察使。司按察使。○陞四川按察使沙木哈為福建布政使。司布政使。○庚辰諭大學士等御史周祚顯條奏百姓保留地方官員督撫代為題請應行禁止。其言甚是。頃口外青城地方有二百餘人叩關保留萊州知府朕未准行。後又至熱河叩關止五六十人。朕疑之。因令拏審果係現居口外之山東民為

知府家人雇覓指使而來耳。凡有百姓糾黨保留地方官者若准留任則官必為民挾制實非美事。且今民不畏官。官不畏其上。司關係匪輕。故宜留意清官。或倚仗廉潔不畏上司而貪官被參之後亦謂我不能迎合上司。所以被參學為清官之語以自飾。朱子畏大人註云大人理所當畏。國家有上下貴賤之體雖清官可不畏上司乎。○九卿等遵旨議覆八旗出征舊人有將擄獲之人為養子分產開戶者傳至于孫輩或因勒索不遂稱為祖父家奴混行控告殊違祖父初心嗣後有子孫控告祖父時為養子分產年久者永行禁止。其惡劣不肖之徒不遵法度捏造他故控告者該部指名題參。

實錄卷百六

十一

有職者革職。無職者枷號兩個月。鞭一百。如有勒索款跡審實照訛詐律處分。著為定例。得旨依議。養子於分居開戶之後其原主子孫或極庸懦或至絕嗣養子之子孫或冒稱近族兄弟反肆欺凌及爭告家產者亦著嚴行禁止。先是御史董弘彪保舉山西冀寧道彭騰翹上命大學士等傳問九卿至是九卿覆奏彭騰翹聲名不佳上曰朕知彭騰翹向來奉職不善九卿因朕問及不得已乃行舉出。天下官員甚多朕不能盡識雖識之亦不能確知其為人然後問於九卿。九卿宜一意秉公據實舉奏。今觀九卿大臣率多苟且謂何必與人為仇。不肯直言。人臣居官一月則

當盡一日之職。若互徇情面。不實心辦事。事何由而得理。殊非臣道所宜然也。且科道者耳目之官。九卿保舉不公。即當糾叅。又科道有互叅之例。今伊等惟有所倚恃。始行題叅耳。董弘彪彭騰翹俱著革職。予故正白旗滿洲副都統吳爾德黑祭葬如例。予故輔國公鄂飛祭二次。造墳立碑如例。○癸未。陞大理寺卿兼管太常寺卿事荆山為禮部右侍郎。仍兼太常寺卿。陞都察院左副都御史崔徵璧為工部右侍郎。策試天下貢士孫見龍等於

太和殿前。制曰。朕惟治天下之要務。莫先於敬持其心。心者所以飭官。方勵人才。而消釁孽之本也。朕自御極以來。翼翼

兢兢五十餘年。如一日。至於大小臣工。亦無不以國爾忘家。以人事君之義。相為告戒焉。邊疆雖靖。尤加意於武備之修。凡以立國之道德。威不可偏廢。古帝王所以深根固本。杜漸防微。是朕之所夙夜而不敢康者也。書曰。儆戒無虞。又曰。制治未亂。保邦未危。今國家承平日久。文恬武嬉。朕惟唐虞成周之隆。君臣所以動色咨儆者。豈過慮歟。夫亦察於天命人心之理。而無荒無怠。期以長凝。

上天之眷。而永底烝民之生也。其何以使中外臣僚悉喻朕意歟。夫洪範進人有猷。有為。歸於有守。周官弊吏則善能法之類。必首於廉。然則廉隅者士行之先也。服官之本也。督撫者

州縣之帥。部院大臣者首僚羣吏之表。故李膺按部而貪墨為之解官。楊綰登朝而勲舊為之徹樂。今吏道未盡澄清。官邪未盡振肅。具亦倡率之道有所未至歟。易曰。拔茅茹以其彙。書曰。舉能其官。惟爾之能。稱匪其人。惟爾不任。內而部院卿貳。外而督撫提鎮。朕所寄腹心耳目也。有薦舉朕必虛心而採用焉。然課其成效。往往不能悉副。任使者何也。夫無至公之心。則知交姻婭。各徇其所私。無至明之識。則劣品庸流。各阿其所好。古大臣薦賢。不使人知。而補牘必爭。夾袋必滿者。其風豈遠歟。立政之篇。致意於庶言。庶獄。庶慎。而終以克詰戎兵。古者簡閱車徒。一年而四舉焉。朕鑒於前代。慎選將

勤恤兵。甄微勞。酬壯烈。留神戎事。用樹國威。然自禁旅之所。在營伍。盡能核軍實。而肅行陣歟。夫練習不素。則技勇之藝。疎。節制不嚴。則驕惰之兵衆。其何以振紀宣威。使國家長收衛民之用也。要之潔清自勵。則援引必公。而大小莫非法廉之選。憂危共惕。則防維必至。而內外永享寧謐之休。朕之所。以敕臣工者。即其所以望多士者也。爾多士其悉據所學。以對朕將親覽焉。○乙酉。

上自暢春園回宮。○殿試讀卷官大學士等遵例以試卷十本進呈。

上閱至第二卷。曰。此卷必係南省人。命折視之。果然。

上一閱畢。諭大學士等曰。爾等大臣多係進士出身。深知文字。凡文章書法。各有所習。一覽可知。朕適閱第二卷。未及拆封。早知為南省人。昭然不爽。聞來京應試之人。將伊等所作文字。各處投送。其應開考試官。悉令過目。以博已之聲名。以求人之採取。爾等場中閱卷。當一東虛公。畧無私意。始稱厥職。至五經四書。俱係聖賢之言。考試出題。專意取冠冕者。則題目漸少。士子易於揣摩。甚有將不出題之書。刪而不讀。尚得言學問乎。經書內有不可出之題。試官自然不出。其餘出題之處。須以各種題目試之。則懷才實學之士。自無遺棄矣。

○丙戌。

上御太和殿傳臚。賜殿試貢士王敬銘等二百四十三人進士及第出身有差。

上幸暢春園。○丁亥。陞太僕寺卿阿錫鼐為大理寺卿。宗人府府丞呂履恒為都察院左副都御史。以刑部尚書張廷樞為武會試正考官。詹事府少詹事王奕清為副考官。喀爾喀車臣汗遣使進九白年貢。宴賚如何。已丑。

上詣

皇太后宮問安。○庚寅。諭九卿等曰。朕念福建廣東沿海州縣。值此青黃不接之時。宜酌量蠲免。張鵬翮奏曰。頃蒙

皇上特加殊恩。已令運米賑濟矣。且連年蠲免甚多。現今動用

至康熙四十九年錢糧矣。

上曰。即動用至五十年錢糧。有何妨礙。今米雖運去。但足餬口。不能辦錢糧也。朕心惟以百姓為重。蠲免之事。不可遲延。○諭大學士等曰。翰林官員內。多有不識字義。不能作詩文者。此皆教習不勤之故。比年以來。武英殿行走之人。鄉會試中式者甚多。蓋以在武英殿行走。每日不釋卷耳。此後凡修書校書處。著并派庶吉士。又諭曰。道學者。聖賢相傳之理。讀書人固當加意。然詩文亦不可廢。或有務取道學之名。竟不留心於詩文者。此皆欺人耳。○壬辰。陞太僕寺卿李華之為宗人府府丞。○庚子。陞雲南驛鹽道劉曾為雲南按察使。司按察使。四川建昌道王沛。擢為四川按察使。司按察使。○辛丑。陞內閣侍讀學士拉都渾為理藩院右侍郎。陞正藍旗蒙古副都統穆賽為正藍旗蒙古都統。正藍旗滿洲副都統楚宗為鑲白旗護軍統領。簡親王王府長史孟周為正黃旗蒙古副都統。壬寅。予故原任右衛副都統。禪穆布察葬如例。○陞鳳凰城城守尉白濟為黑龍江副都統。癸卯。諭大學士等。朕覽朝鮮人所作文章。佳者甚少。彼所用者。皆中國方域之名。即如稱道路之至險者。或井陘。或棧道。現今疏治。悉成坦途。倚險之有。彼但據舊時書籍所記。未經身歷。宜其不能工也。朝鮮國王甚恭順知禮。即我朝所遣使臣。亦皆守分。

一切餽遺未嘗需索。明代遣一使至彼國費用動至數萬。此尚可為撫遠之道乎。授一甲進士王敬銘為翰林院修撰。任蘭枝魏廷珍為翰林院編修。諭大學士等翰林官關係緊要必讀書立品方稱厥職。今翰林官甚多朕皆不識。自講讀學士以下編檢以上滿洲漢軍由進士選入翰林者其中或有不修行檢自事飲博於詩文書法全不究心。人或督學典試分校聲名不好者。爾等會同九卿詳查舉出即行黜退。各省皆有翰林。九卿豈無聞見。毋容徇隱。其現在散館庶吉士及教習進士內有此等令亦舉出革退。○甲辰諭大學士等曰朕閱庶吉士散館試卷其習清書者僅學習一年。雖無甚優亦不甚劣。即至三等之卷猶能對漢文繙譯。伊等俱著留翰林院習漢文者詩文俱平常。一等卷畧有可觀。仍留衙門。其餘十一卷總屬不堪。將伊等俱革去庶吉士於教習進士處照常學習。至一等第三卷曹鳴詩甚牽強將此易置末名。王圖炳字甚好。易至第三。○陞左通政郝林為太僕寺卿。○廣東副都統何天培奏請陞見。允之。

實錄卷五十六

六

實錄卷五十六

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百五十六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百五十七

康熙五十二年癸巳十一月乙巳朔

上奉

皇太后自暢春園回宮

世祖章皇帝叔惠妃薨輟朝三日 丙午

上詣

叔惠妃靈前奠酒 諭

皇四子和碩雍親王 曰朕適往奠時見一切陳設器皿及祭品等物甚覺粗率爾逐一詳閱敬慎整理并查係何人所

實錄卷五十七

十

辦理之事即指名參奏尋奏陳設器皿及祭品等物係工部光祿寺辦理請將工部尚書滿篤侍郎馬進泰內閣學士兼管光祿寺御事馬良一并交刑部治罪又內務府總管於此事有兼管之責請將內務府總管赫奕署總管事馬齊亦交部議處從之

上詣

皇太后宮問安 己酉冬至祀

天於

闕丘

上親詣行禮 停止次日朝賀 遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵

上奉

皇太后幸暢春園 諭戶部朕勤求民瘼無間遠邇雖在邊徼

實錄卷五十七

遠省偶有旱澇災傷無不訪察情形殫思賑救今歲直省各處俱獲收成惟廣東三水清遠高要高明四會五縣福建侯官縣福州右衛二處甘肅靖遠衛環縣鎮原縣固原州固原衛平涼縣平涼衛崇信縣慶陽衛靈州所會寧縣寧夏中衛寧夏所古浪所一十四處今歲夏秋被災各督撫已經奏聞雖各省地丁錢糧新經全免然一方災歉慈懷朕心艱食之際重以追呼朕所不忍其明年應徵廣東省三水等五縣額銀七萬七千九百兩零米一萬七千六百石零福建省侯官縣等二處額銀三萬六千六百兩零米六千四百石零甘肅靖遠衛等十四處額銀四萬七千七百兩零糧八萬八千五

百石零草八十四萬三百束零盡與豁免。爾部即行文各督撫務須星速奉行。即刻偏行曉諭。俾民間無徵催之累。肆力東作用。稱朕撫恤災黎至意。倘有不肖有司奉行稽遲。或借端另行科派。使小民不沾實惠。該督撫嚴察叅處。如該督撫失察。一并從重處分。爾部即遵諭速行。庚戌諭翰林院選拔庶常原以作養人材。今科進士特加簡閱。取楊繩武。劉自潔。孫見龍。王猷。萬承蒼。吳襄。徐駿。蔡嵩。陳治。潞景考。祥。馮。高。劉。嵩齡。主。奕。仁。蔣。洽。秀。李。元。正。高。學。君。劉。泌。莊。楷。蔣。繼。賦。王。希。曾。唐。建。中。屠。洵。曹。鑑。臨。厲。煒。張。縉。世。祿。姚。三。辰。梅。廷。對。潘。述。祖。張。珍。孫。嘉。淦。陳。春。英。何。人。龍。陳。世。侃。史。在。甲。吳。孝。登。朱。

實錄卷二百五十七

三

曙。孫。陳。法。高。日。貞。蘇。彤。紹。張。漢。朱。天。保。徐。流。謙。文。大。漳。莊。論。賈。姓。張。元。懷。鞏。建。豐。臧。爾。心。王。國。棟。吳。州。胡。安。王。運。元。等。五。十三。名。俱。著。改。為。庶。吉。士。併。修。撰。王。敬。銘。編。修。任。蘭。枝。魏。廷。珍。分。別。滿。漢。書。教。習。辛亥。策。試。天。下。中。式。武。舉。於。

太和殿

上御暢春園內西廡閱試武舉騎射技勇畢。辛。善。射。侍。衛。等。射。

上親發五矢皆中 癸。止。

上御暢春園內西廡閱試武舉騎射技勇選宋如柏等十五人。

再試以騎步射。令善射侍衛等射畢。

上親射二次每發皆中。諭大學士等近見直隸各省考取武進。

士額數或一省偏多或一省偏少。皆因不知其弓馬武藝止憑文章取中。以致騎射嫻熟諳習韜畧之人多有遺漏。嗣後考取武進士不必拘定額數。俟天下會試武舉齊集京師。令該部將各省赴試到部武舉照例考試弓馬。將合式武舉等實數查明預行奏聞。朕計省之大小人之多寡。照考取文進士例按省酌定取中武進士額數。考取時就本省卷內擇佳者照所定數取中。如此則學習武藝弓馬優長者不致遺漏矣。甲寅。

上諭

皇太后宮問安。諭大學士等文武考試雖曰兩途俱係遴拔

實錄卷二百五十八

四

人才。而習文之內亦有學習武畧善於騎射者。習武之內亦有通曉制義學問優長者。如或拘於成例以文武兩途不令通融。應試則不能各展所長。必至遺漏真才。嗣後文童生員舉人內有情願改就文場考試者。應各聽其考試。如此則各得施其所學。文武兩途皆得真才矣。著九卿詹事科道議奏。刑部題內閣學士兼管光祿寺卿事馬良於。

淑惠妃靈前供設祭品不敬慎辦理。應革職。枷號兩月。鞭一百。工部尚書滿篤侍郎馬建泰於該衙門備辦靈帟等物不加詳慎。殊屬不合。應各降二級調用。其內務府總管赫奕著。

總管事馬齊於陳設祭器祭品之時不逐一詳閱亦屬不合
應降一級罰俸一年從之 丙辰傳臚賜殿試武舉宋如栢
等九十八人武進士及第出身有差 江西巡撫佟國勳陞
解

上曰為督撫者惟潔己奉公而已米若居官清正以百姓為朝
廷之百姓加意愛養視之如子雖甚刁之民必且悅服而倉
庫錢糧亦不致有虧空之弊矣 丁巳

上詣

皇太后宮問安

上謂

實錄卷五十五

五

暫安奉殿

孝陵命皇五子和碩恒親王允祺皇十子多羅敦郡王允禩皇

十五子允禩皇十六子允祿隨駕自暢春園啟行是日駐蹕

南苑 命都察院左都御史兼翰林院掌院學士揆叙吏部

右侍郎兼翰林院掌院學士湯右曾教習庶吉士 調內閣

學士常泰為都察院左副都御史 戊午

上駐蹕瓊寺 己未

上駐蹕夏店 先是

上諭宗人府從前

淑惠妃發引朕之諸子俱步行恭送聞公普照等在後乘馬

而行隨從之人皆曾共觀年老大臣內或因殘疾乘騎者有
之普照等係年少之人如是倘安爾衙門不行查察恐滋流
弊爾等應將是日乘馬往送之人確查舉奏至是宗人府題
臣等查從前

淑惠妃發引時公普照以子蘇努公星海發色額爾圖吞珠
門度賴士等俱各乘馬往送其屬不合請將伊等嚴加議處
得旨普照星海俱著革職禁錮宗人府另擇襲封之人承襲
其蘇努等六人皆已年邁著從寬免議 庚申

上駐蹕白澗莊 辛酉

上駐蹕黃土坡 壬戌

實錄卷五十六

六

上駐蹕姚家莊 吏部題三等精奇尼哈赤尼哈託噶爾故銷

去恩詔所得三拖沙喇哈番餘二等阿思哈尼哈金應令其

子濟柱承襲從之 陞內閣侍讀學士徐元夢為內閣學士

無禮部侍郎 旌表直隸東安縣烈女駱氏青年處女拒姦

被戮給銀建坊如例 癸亥

上謂

暫安奉殿

孝陵行禮奠酒舉哀次至

仁孝皇后

孝昭皇后

孝懿皇后陵奠酒舉哀。是日駐蹕湯泉。乙丑。

上駐蹕遵化州。諭吏部庶吉士王圖炳等教習已及年餘。令加考試。應分別授職。除王世琛徐葆光已授修撰。編修外。其餘庶吉士何國宗田嘉穀俞鴻圖許鎮漆紹文周金簡林昂泰休劉於義周天祐徐杞李鍾僑潘允敏陶貞一朱一鳳程夢星薄海易簡于廣湯之旭王圖炳秦靖然狄貽孫何應鰲徐昂發徐雲瑞汪份鮑開楊祖楫王時鴻楊士徽王謝鄂爾奇曹鳴等授為編修。謝濟世將綱裔時適張珩周彬郭孫順陶成鄭其儲舒大成沈世屏王夢旭趙泰臨潘祥張淳汪傳鄭之僑李如璫劉蛟湯大輅王遵宸張旭夏慎樞覺羅名昌錢廷獻戈懋倫王時憲楊浩胡煦等授為檢討。琉球國中山王尚貞遣陪臣毛九經等進貢方物。宴賚如例。予故原任吏部尚書太子少師宋華祭葬如例。丙寅。

實錄卷二百五十七

六

上駐蹕三屯營。丁卯。

上駐蹕蘭陽。戊辰。

上駐蹕蒙子嶺。己巳。

上駐蹕龍驤門。四川陝西總督鄂海疏言。蜀省建昌至東川一帶盡係深山。世居苗人。今有苗目阿木咱率眾投誠。共計三千一百二十五戶。下所司知之。庚午。

上駐蹕大吉口地方。辛未。

上駐蹕雅圖溝地方。壬申。皇子允禔生。

上駐蹕多惠畢喇地方。癸酉。

上駐蹕鄂倫特地方。旌表江寧烈婦朱大妻陸氏拒姦被殺。給銀建坊如例。

十二月甲戌朔。

上駐蹕烏爾克勒木地方。乙亥。

上駐蹕特布克地方。戊寅。

上駐蹕布魯圖地方。己卯。

上駐蹕鄂倫特地方。以內務府總管赫妻為工部尚書仍兼理總管事。陞內閣學士舒蘭為工部右侍郎。大理寺少卿巴

實錄卷二百五十七

濟納為內閣學士兼禮部侍郎。授輔國公塞勤之女為鄉君。塔明寶為輔國公塔秩四品。予故都察院左副都御史郝惟謬祭葬如例。庚辰。

上駐蹕八溝地方。辛巳。

上駐蹕七溝地方。壬午。

上駐蹕二溝地方。授輔國公阿布蘭之女為鄉君。塔查祿為輔國公塔秩四品。旌表江寧烈婦陸慶妻顧氏拒姦不污。自死完節。給銀建坊如例。癸未。

上駐蹕張家莊。甲申。

上駐蹕熱河行宮。吏部議覆湖廣道御史徐樹庸疏言。九卿

保舉陞用之員。如有不肖者。查原保舉官處分。舊有定例。但年久法弛。嗣後保舉人員。倘貪婪事發。請將原保舉之官從重議處。又知府保陞道缺。道員保陞臬司。缺其陞任之後。尚未經到任者。不准復行保舉。俱應如所請從之。旌表直隸烈婦萬榮妻程氏。遇姦不從。被戮慘死。給銀建坊。如例。丙戌。

上駐蹕喀喇和屯。丁亥。

上駐蹕鞍子嶺。陞內閣侍讀學士鄂齊。珥為內閣學士。兼禮部侍郎。戊子。

上駐蹕兩間房。己丑。

實錄卷五十五

九

上駐蹕遙亭。宗人府題輔國公普照。緣事革退。奉旨令緯克都之子承襲。今將緯克都子經刃等開列請旨。得旨。此輔國公著經召承襲。庚寅。

上駐蹕密雲縣。辛卯。

上駐蹕南石槽。宗人府題鎮國公星海。緣事革去。公爵應將伊子膺福照例降一等襲封輔國公。得旨。此輔國公著給還星尼。禮部等衙門。遵旨議覆。文武生員舉人有願改考者。准其改考。

上曰。改考實係佳事。但恐武生記文數篇。而圖僥倖者多。學臣於文生員。公取者或有之。至武生全無公道矣。此弊朕皆

知之。嗣後由武考文。不中者。若再令考試。則弊生矣。應許改考一次。其不中者。即著停止。先是。

上諭領侍衛內大臣內務府總管等。得麟係奉旨處死之人。擅自逃匿。經朕訪聞。始行拏獲。正法。又託合齊案內。發遣白都納犯人常名。並未至發遣之地。見居房山縣李姓家內。似此應殺者不殺。應發者不發。蔑視國憲。情罪可惡。爾等派人即將常名等。鎖拏交刑部嚴訊。再從前刑部堂官受常名囑託。曾於彙題案內。將常名奏請援赦。此案仍著爾等會同審擬具奏。至是。領侍衛內大臣等會審。議覆常名係託合齊案內。免死發遣之人。於本年二月內。已在京發遣。乃詐稱患病。逗遛中途。冀三月頒詔之後。援赦寬宥。刑部尚書哈什侍郎王企靖等。並不查今年詔赦原未。有中途遇赦。即免發遣一條。乃擅引寬律。將常名縱釋。又將此案入彙題之內。希圖朦混。雖刑訊常名。堅供無營求之事。而作弊顯然。情罪可惡。應將常名擬斬立決。其妻子充發黑龍江。刑部尚書哈山侍郎王企靖。均照溺職。例革職。再常名於房山縣居住。李姓之房。原用印契。購買居住。應將此房入官。李姓免議。得旨。常名係發遣之人。仍著免死發遣。哈山王企靖。有玷官方。俱著革職。餘依議。免浙江寧海等三縣。本年分旱災額賦。有差。調正紅旗蒙古副都統拜音。佈為正黃旗滿洲副都統。鑲黃旗蒙

實錄卷五十六

十

遼中途。冀三月頒詔之後。援赦寬宥。刑部尚書哈山侍郎王企靖等。並不查今年詔赦原未。有中途遇赦。即免發遣一條。乃擅引寬律。將常名縱釋。又將此案入彙題之內。希圖朦混。雖刑訊常名。堅供無營求之事。而作弊顯然。情罪可惡。應將常名擬斬立決。其妻子充發黑龍江。刑部尚書哈山侍郎王企靖。均照溺職。例革職。再常名於房山縣居住。李姓之房。原用印契。購買居住。應將此房入官。李姓免議。得旨。常名係發遣之人。仍著免死發遣。哈山王企靖。有玷官方。俱著革職。餘依議。免浙江寧海等三縣。本年分旱災額賦。有差。調正紅旗蒙古副都統拜音。佈為正黃旗滿洲副都統。鑲黃旗蒙

古副都統佛濟保為正藍旗滿洲副都統。陞護軍參領雍吉納為正紅旗蒙古副都統。以盛京禮部侍郎蘇爾德為懷黃旗蒙古副都統。工部左侍郎張格為正藍旗蒙古副都統。壬辰。

上回駐暢春園詰

皇太后宮問安。癸巳順天府進春。免甘肅會寧等四縣衛本年分旱災額賦有差。并命發粟賑濟飢民。先是九卿等遵旨會議各省邊海地方設立戰船。以備急需應用。今江南江西總督赫壽因撥運米石前赴廣東奏稱京口戰船已屆大修之期。不能裝載米石。則平時修理船隻皆係虛名情弊

實錄卷二五七

七

顯然。應行查江南將軍督撫等衙門。令各據實回奏。又山東浙江福建廣東等省。凡設立戰船之處。俱應一體行查。奉有依議之旨。至是據各省將軍督撫等覆疏。會覈除山東等省戰船照常免議外。惟江南京口水師戰船將軍侯馬三奇。於從前承修之時。並未如式修造。又私買民船十隻混充戰船。船關係軍務。應將馬三奇照例革職。該督撫等從前並未糾參。迨奉旨確查之後。始行陳奏。相應一體照例議處。得旨。馬三奇著革退將軍。以伊侯爵隨旗行走。餘依議。兵部議覆步軍統領隆科多疏。言暢春園汛守之地。共六十八處。請增設馬步兵防守。應如所請。得旨。漢軍間散人甚多。

此添設馬步兵缺著將漢軍間散人預補。嗣後巡捕三營兵丁缺出亦著與漢軍漢人一并挑補。○甲午。

上諸

皇太后宮問安。○兵部題臺灣換班官兵遭風壞船及沉溺兵器應令地方武官速行賠補。

上諭大學士等曰。此前往臺灣換班人等乘坐船隻遭風擊碎。部議照例著該武官賠補。海面風勢險阻。倉卒之間。豈人力所能。以若與賊對敵失陷。被其焚劫。應令照例賠補。似此遭風損壞者。並令賠補。殊屬寬宥。自後除遇賊不能勦捕。損失船隻或因船被賊搶。捏報遭風者。議罪外。仍照例令其賠補。如果不幸遭

實錄卷二五七

二

風沉溺。賠補應從寬免。其船上溺死兵丁皆係因公殞命。即有沒水幸得登岸者。九死一生。亦可憐憫。地方大吏宜酌量恩恤。以示鼓勵。○陞江西按察使劉榮為四川布政使。司布政使四川川東道許北麟為四川按察使。司按察使。轉工部右侍郎舒蘭為左侍郎。陞左副都御史常泰為工部右侍郎。內閣學士巴濟納為盛京禮部侍郎。左副都御史李蔚為刑部右侍郎。○陞大理寺少卿王鑾為順天府府尹。以翰林院侍讀學士汪澄提督浙江學政。湖南巡撫李發甲丁母憂。命回籍守制。授多羅淳郡王允祐之女為郡主。壻重忠為和碩額駙。以鑲黃旗護軍統領五嵩為正白旗蒙古都統。仍

兼鐵黃旗護軍統領○貴州威寧總兵官韓忠以老乞休允
之追給巴圖魯額亦都一等精奇尼哈番世職以其孫尹
德承襲順科洛巴圖魯安費揚古三等阿達哈哈番世職以
其曾孫明泰承襲巴圖魯整拜一等阿思哈尼哈番世職以
其親弟之孫蘇福承襲乙未

上奉

皇太后自暢春園回宮 戊戌

孝莊文皇后忌辰遣官祭

暫安奉殿 辛丑歲暮洽祭

太廟

實錄卷五十七

十一

上親詣行禮○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 遣官祭太歲之神

上詣

皇太后宮問安○壬寅賜朝正外藩科爾沁奈曼鄂爾多斯高
齊克扎魯特烏木穆泰翁牛特喀爾喀巴林阿霸垓敖漢土
默特蘇尼特阿祿科爾沁喀喇沁王貝勒貝子公台吉等及

內大臣大學士上三旗都統副都統尚書侍郎學士侍衛等

宴 薩衣八旗節婦滿洲馬進納妻朱氏等二百六十五人

蒙古白克什妻杭氏等五十三人漢軍田仲金妻李氏等七

十六人直隸各省節婦洪可選妻項氏等二十七人各給銀

建坊如例是歲人丁戶口二千三百五十八萬七千二百

二十四又永不加賦滋生人丁六萬四百五十五田地山場

畦地六百九十三萬八百八十九頃六十九畝有奇徵銀二

實錄卷五十七

十一

千一百八萬九千六百五十八兩五錢有奇米粟麥六百九

十二萬五千七百七十五石有奇草四百八十七萬八千六

百八十五束茶二十三萬九千五百三十六引行鹽五百九

萬八千九百六引徵課銀三百七十三萬九千九百五十六

兩有奇鑄錢三萬七千五百六十二萬九千八百有奇

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十七

實錄卷二百五十七

十五

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十八

康熙五十三年甲午春正月癸卯朔

上詣

堂子行禮還宮拜神畢率諸王貝勒貝子公內大臣大學士侍
衛等詣

皇太后宮行禮御殿王以下文武各官外藩王及使臣等上表

朝賀停止筵宴朝鮮國王李焞遣陪臣趙泰來等表賀冬

至元旦

萬壽節及進歲貢禮物宴齊如例（甲辰）

實錄卷二百五十八

上幸暢春園 丁未

上自暢春園回宮 己酉

世祖章皇帝忌辰遣官祭

孝陵 庚戌孟春享

太廟遣吏部尚書富寧安行禮遣官祭太歲之神 辛亥祈

穀於

上帝

上親詣行禮

上奉

皇太后幸暢春園 丙辰以上元節賜外藩科爾沁泰安第納

多斯高齊武扎魯特烏朱穆泰郭爾羅斯翁牛特喀爾喀巴林阿爾喀敦漢土默特蘇尼特阿祿科爾沁喀喇沁王貝勒貝子公台吉等及內大臣大學士侍衛等宴 丁巳上元節賜外藩王貝勒貝子公台吉等及內大臣大學士侍衛等宴 己未

上詣

皇太后宮問安 九卿議覆大學士等疏言

皇上以天地生成之心為心每遇諫奏命案再三審詳曲加矜恤五十餘年間仁恩寬宥者不可勝計是以太和洋溢祥瑞叠見今歲在甲午乃

皇上聖誕本命之年衢歌巷舞祝綿麻慶即因罪繫亦莫不冀望生全之德請以康熙五十三年立決重犯緩至五十四年行決軍流以下人犯除情由可惡外平常罪犯酌其輕重量予減等等語應如所請今年重罪人犯停其正法暫行監禁其平常罪犯酌量減等完結得旨此事關係甚大所犯輕罪猶可犯十大惡兇亂之人情實即宜正法又各省州縣拏獲強盜仍有越獄脫逃者此等兇徒豈可監禁又待一年乎著再議具奏 和碩誠親王允祉等奉命重修各

廟宮殿樂器 癸亥戶部題禁用小錢限期三年已滿見今大

錢不敷用度請將小錢再展限三年與大錢兼用

上曰爾等所見甚善自古錢法未有如本朝流行之廣者如宋時錢至元末尚有元時錢至明末亦尚有惟本朝不但順治錢於今已少即康熙初年之錢亦少前者湖廣總督額倫特來奏湖廣一省小錢甚多若將大錢二百萬貫運去收買小錢則小錢可盡矣朕諭爾但知一省之事未知天下之事以二百萬貫錢運至湖廣能保途間無不測之事乎伊愕然奏稱上諭甚是臣竊意料不及總之錢法必期便民若不計便民而但期法之必行嚴加禁止亦有何益凡事必酌量權變不失其宜方有濟耳 盛京禮部侍郎巴濟納陸辭

上諭之曰盛京地方甚要今事務廢弛爾須詳查加意料理授奉國將軍楊福子三官保為奉恩將軍 以內閣學士綽奇充經筵講官 甲子文華殿大學士兼吏部尚書溫達以年老乞休溫旨慰諭以原官致仕 陞山東臨清副將張之麟為貴州威寧總兵官 以故青海厄魯特輔國公索訥木達西子諾爾布益楚克襲爵 丙寅賜朝正外藩王貝勒貝子公台吉等銀幣鞍馬有差 丁卯

上詣

皇太后宮問安 戶部尚書穆和倫以老病乞休慰留之 戊辰

上巡幸畿甸。命皇十二子固山貝子允禩、皇十五子允禩、皇十六子允禩隨駕。是日自暢春園啟行。駐蹕稻田地方。

監旗蒙古副都統賴都為刑部尚書。陞內閣侍讀學士查

嗣納為內閣學士兼禮部侍郎。陞宗人府府丞李華之為

都察院左副都御史、大理寺卿兼太僕寺卿、阿錫爵為都察

院左副都御史。仍管太僕寺卿事。以翰林院修撰王雲龍

提督陝西學政。禮部郎中黃叔琬為山西按察使。司僉事提

調學政。陞山西河東道楊朝麟為江西按察使。司按察使

陞廣東廣州副都統何天培為京口將軍。西藏達賴喇

嘛、拉藏汗遣使進貢。賞賚如例。寧古塔將軍覺羅孟俄

疏請將三姓及渾春之庫雅拉人等編為六佐領。添設協領

二員。佐領防禦驍騎校各六員管轄。從之。陞湖北布政使

李錫為偏沅巡撫。己巳。

上駐蹕馬家莊。庚午。

上駐蹕內渠地方。辛未。

上駐蹕南沙口。

二月癸酉朔。

上自南沙口登舟。是日泊趙北口。甲戌。

御舟泊郭里口。九卿等遵旨議覆。凡一應立決人犯俱係情

罪重大之人。不便停決。秋後處決人犯去歲朝審秋審暫停

一年。係奉特旨。軍流人犯雖係輕罪。應否減等。洪恩出自

皇上。將大學士等所奏之處。毋庸議。得旨。今年秋審著停止。情

有可矜疑人犯。著照常審理。具奏。見審人犯內罪不至死者

亦著減等發落。丙子。陞盛京戶部理事官覺羅常泰為大

理寺卿。丁丑。遣大學士王掾祭

先師孔子。

御舟泊段村。戊寅。祭

大社。

大稷。遣兵部尚書殷特布行禮。春分。朝

日於東郊。遣工部尚書赫奕行禮。

御舟泊園頭村。陞奉天府府尹董弘毅為宗人府府丞。庚

辰。

御舟泊趙北口。辛巳。

御舟泊張青口。刑部議覆江蘇巡撫張伯行疏稱江南鄉試

副考官趙晉自縊身死一案。審無受賄情弊。但不嚴行看守

令重犯得以縊死。應將揚州府知府趙弘燧等分別議處。且

題得旨。各官自當議罪。趙晉果否身死之處。著交巡撫張伯

行徹底查明具奏。壬午。

御舟泊苑家口。旌表陝西烈婦劉氏。強姦不從。完貞被戮。以

銀建坊如例。癸未。

孝康章皇后忌辰遣官祭

孝陵

上自苑家口陸行是日駐蹕南八里莊(甲申)遣官祭

先農之神

上駐蹕北寺壑地方(乙酉)

上駐蹕南苑諭大學士掌院學士等曰近見翰林等官告假

者甚多三分中已去其二又庶吉士等正當學習時遽回本

籍至三年考試將近又來考試似此任意告假焉得學習此

後除丁憂終養外凡翰林庶吉士告假者應照致仕知縣例

不准補用又見在教習進士內有告假者亦應照此例行再

書錄奉旨奉人

未

科道官員職任甚重亦有任意告假回籍者爾等會同九卿

一并議奏尋議翰林院修撰編修檢討庶吉士教習進士并

科道官員有告病回籍者悉令休致從之(兵部議覆四川

陝西總督鄂海疏稱洮岷邊外大山內居住生番傾心歸順

著洮州土司楊如松管轄應如所請又請給楊如松印應不

准行得旨楊如松管轄土司甚多新投順番人又令伊兼管

非給予印信何以管轄著俱照該督所請行以厄魯特故

輔國公雲木春子羅卜賊達爾扎(丁亥)

上回駐暢春園請

皇太后宮問安(疏表直隸烈婦田貴妻郭氏拒敵不污甘心

被戮給銀建坊如例(癸巳)清明節遣官祭

永陵

福陵

昭陵

暫安本殿

孝陵

仁孝皇后

孝昭皇后

孝懿皇后陵(甲午)

工部議覆河道總督趙世顯疏言瓜洲頭

閘西閘修築年久閘牆軟斜樑木朽爛亟宜重修以固河防

書錄奉旨奉人

未

應如所請從之(乙未)

上詣

皇太后宮問安(丙申)諭大學士九卿等去歲九月間雨多最

冬雪少方春正待雨之時爾等可交禮部照例祈雨仍會同

九卿於政事內有當行事件酌議具奏尋議奏

皇上至聖至明臨馭天下每事皆符合

天心故致時和年豐家給人足今以立春後雨水稍遲遂下諭

旨問臣等以當行事宜此誠勤求治理之盛心也臣等伏念

內外大小官員當行事件曾經

密慮詳加審定稍有不合即發回改易故大小庶事無不燦然

就理。臣等惟慚不能奉行。實無可酌議之處。

上曰朕遣人掘地看視土雖潮濕。但去冬無大雪。今春復又少

雨。可交禮部速行祈雨。(戊戌)

孝昭皇后忌辰。遣官祭

陵。授和碩簡修親王雅布庶出子鍾寶為三等輔國將軍。

己亥。陞太僕寺卿郝林為奉天府府尹。(庚子)

上詣

皇太后宮問安。字故原任兵部尚書范承勳祭葬如例。(阿

霸城多羅郡王吳爾占噶喇卜故。遣官致祭。(辛丑。九卿遵

旨議。覆廣東廣西總督趙弘燦。廣東巡撫滿不將米價騰貴

之處。並未據實預先奏聞。及奉旨明白回奏。復行巧飾。殊屬

溺職。趙弘燦滿不俱應革職。得旨趙弘燦滿不俱著降五級

留任

三月。壬寅朔。

上自暢春園回宮。

予故原任廣東廣州副都統汪世臣祭葬

如例。(甲辰)

上幸暢春園。(兵部議覆江蘇巡撫張伯行疏言商船漁船與

盜船。一并在洋行走。難於識辨。以致盜氛未靖。商船被害。嗣

後請將商船漁船前後各刻商漁字樣。兩旁刻某省某府州

縣第幾號商船漁船及船戶某人。巡哨船隻亦刻某營第幾

號哨船。並商漁各船船戶舵工水手客商人等各給腰牌。刻

明姓名年貌籍貫。庶巡哨官兵易於稽查。至漁船出洋時。不

許裝載米酒。進口時。亦不許裝載貨物。違者嚴加治罪。俱應

如所請。從之。(乙巳)

上詣

皇太后宮問安。(戶部議覆四川陝西總督鄂海等疏言甘肅

所屬靖遠等處被災窮民當青黃不接之時。應大口給糧三

合小口二合。以為養贍。其有田地缺乏籽粒者。每畝給糧五

升。作為籽粒令其竭力耕種。其未回籍者。令該地方官送回。

到籍之日。房屋倒塌無棲身者。臣等酌量安插。應如所請。從

之。(諭戶部甘肅一帶地方去年春麥失收。秋田亦歉。經該

督撫奏報甚明。其地俱係山田。稍遇天旱。易致荒歉。是以舊

歲特沛恩澤。蠲免租賦。見在雖據該督撫設法賑濟。給與牛

種。此外更應作何籌畫。使小民得所。永有裨益。著遣工部右

侍郎常泰。大理寺少卿陳汝咸。到彼會同該督撫詳察地方

百姓情形。確議具奏。(丙午。古北口總兵官馬進良以衰老

乞休。允之。(丁未。陞左通政王景魯為太僕寺卿。戊申。工

部議覆河南巡撫鹿祐疏言封邱縣大王廟前大溜衝刷。直

射隄根。亟宜加套埽。以資捍禦。應如所請。從之。(己酉)

上詣

皇太后宮問安○辛亥。兵部議覆廣東提督王文雄疏言廣東番禺縣屬石碁市橋並順德等處多有盜賊。臣前後招撫山海盜賊四百三十九名。公同督撫籌畫有願入伍者擇其精壯二百二十名分發附近水陸各營入伍食糧隨營操練嚴加管束。即令在本處洋面地方專司捕盜。其餘二百十九名發各地方官收管安插。應如所請。從之○癸丑。差往甘肅工部右侍郎常泰大理寺少卿陳汝咸請訓旨。

上諭曰。朕曾至寧夏。其地方有似蒙古。所種惟青稞。遇歲不收。民即流散。爾等到彼應與總督鄂海巡撫樂拜計議教百姓牧養牛羊。蓋甘肅地方不比直隸。山東與蒙古同。宜畜牛羊。

實錄卷五十八

十

雖遇荒歲食乳亦可度日。又地產肉蓯蓉。天門冬。煮食之。味似山藥。又一種沙米。亦可食。被災諸處爾等親身往勘。會同督撫酌議以聞○甲寅。皇三子和碩誠親王允祉恭請

上幸王園進宴○丙辰。

上詣

皇太后宮問安○丁巳。遣官祭

歷代帝王○原任戶部尚書王鴻緒進所撰明史列傳二百八十卷。命交明史館○己未。

萬壽節。

上詣

皇太后宮行禮。停止朝賀筵宴。遣官祭

昭陵

暫安奉殿

孝陵

仁孝皇后

孝昭皇后

孝懿皇后陵。遣官祭真武東嶽城隍之神。癸亥。

上詣

皇太后宮問安。丁卯。京口將軍何天培陸辭。

實錄卷五十八

十一

上諭曰。京口地方緊要。練兵修船二事。所當留意。朕南巡時。次金山寺。欲觀舟師操練。將軍等數以風大為辭。未行操練。爾時朕即疑其為船不備故也。後用船時果未全備。馬三奇尚安靜。但於事務不甚留心耳。爾宜盡心料理。奉天府府尹郝林陸辭。

上諭曰。盛京旗民雜處。命案甚多。爾必親歷所屬地方。誠心教導。毋謂此非久任之地。將事接與將軍各部。國家設一官。即有一官之職。為官者當立志盡職。興起教化。有一番整頓。方無忝厥職也○西藏班禪胡土克圖遣使進貢。賞費如例。夏四月。壬申朔。享。

太廟遣領侍衛內大臣公阿靈阿行禮

上詣

皇太后宮問安○諭兵部貴州威寧總兵官張之麟年老衰邁不能騎射殊不勝總兵官之任著以原品休致此缺另擬補授○癸酉諭吏部教官有教養士子之責員缺甚屬緊要嗣後掣選教官者應取至京師令大臣面試方可補授又諭補授州同人內不堪者甚多亦應取至京師令九卿面試補用有出身不明者著革退○諭和碩誠親王允祉等古歷規模甚好但其數目歲久不合今修歷書宜依古之規模用今之數目為善○甲戌

上詣

皇太后宮問安○乙亥諭禮部朕惟治天下以人心風俗為本欲正人心厚風俗必崇尚經學而嚴絕非聖之書此不易之理也近見坊間多賣小說淫辭荒唐俚鄙殊非正理不但誘惑愚民即縉紳士子未免遊目而盡心焉所關於風俗者非細應即行嚴禁其書作何銷毀市賣者作何問罪著九卿詹事科道會議具奏尋議凡坊肆市賣一應小說淫辭在內交與八旗都統都察院順天府在外交與督撫轉行所屬文武官弁嚴查禁絕將板與書二并盡行銷毀如仍行造作刊印者係官革職軍民杖一百流三千里市賣者杖一百徒三年

該管官不行查出者初次罰俸六個月二次罰俸一年三次降一級調用從之戶部左侍郎塔進泰以老病乞休允之

○庚辰

上詣

皇太后宮問安○辛巳轉戶部右侍郎噶敏圖為左侍郎陸內閣學士師奇為戶部右侍郎甲申諭兵部正白旗護軍統領蘇克胞久病入亦不及著革退○乙酉喀爾喀扎薩克輔國公車禮布穆故遣官致祭○兵部議覆廣東提督王文雄疏言廣州府番禺縣之市橋石碁及歸善縣之飯羅岡皆濱海要區應撥虎門協都司一員千把總各一員帶兵三百名駐守市橋撥千總一員帶兵一百名駐守石碁并移沙灣司巡檢同駐市橋其石碁陸汛撥廣州協大龍汛把總帶兵六十名移駐防守飯羅岡陸汛撥惠州協平山汛守備一員帶兵一百名移駐防守平海營駐防稔山之把總移駐平山庶海疆實有裨益應如所請從之○丙戌

上詣

皇太后宮問安○陸內閣侍讀學士管寶為內閣學士兼禮部侍郎○丁亥諭大學士等昔人有言正朝廷以正百官正百官以正萬民舉賢退不肖正百官也二者不可偏廢如但舉賢而不退不肖則賢者知所勉而不肖者不知所懲終非勸

衆之道。惟黜退不肖之員。則衆人方知所戒。俱勉為好官矣。
（以翰林院侍講陳邦彥充日講起居注官。戊子）
孝端文皇后忌辰遣官祭

昭陵。年故順國公訥墨孫祭二次。造墳立碑。如例。加賜銀二
千兩。調江南提督師懿德為甘肅提督。陞江南蘇松水師
總兵官穆廷斌為江南提督。調河南南陽總兵官楊鍾為
古北口總兵官。鑲白旗滿洲副都統鄂齊。以病乞休。允
之。己丑。以禮部郎中楊存理為雲南鄉試正考官。檢討趙
泰臨為副考官。大理寺少卿俞化鵬為貴州鄉試正考官。編
修林之濬為副考官。○庚寅。

上詣

實錄卷三百五十八

十四

皇太后宮問安。○陞四川化林副將杜汝崑為貴州威寧總兵
官。河間副將高成為河南南陽總兵官。刑部題原任江南
江西總督噶禮之母叩關。稱我親生子噶禮。令廚下人下
毒藥。欲將我藥死。此等兇惡。皆係我少子色爾奇。與噶禮之
子干都合謀而行。又噶禮以昌泰之子干泰。為己子。令妻
私自撫養。我丈夫普善在日。將噶禮之妻并干泰逐出。昌泰
聚集親戚。拆毀我房屋。幾至毆打。又噶禮家巨富。將妻子及
親密人等。俱往河西務。不知何意。噶禮奸詐兇惡。已極。請正
典刑等語。審據噶禮及噶禮之弟色爾奇。子干都。並首服。噶

禮身為大臣。任意貪婪。又謀殺親母。不忠不孝。已極。應凌遲
處死。妻論絞。弟色爾奇。子干都。立斬。昌泰之子干泰。黑龍
江當差。家產並入官。得旨。噶禮著自盡。其妻亦令從死。色
爾奇。干都。俱改應斬監候。秋後處決。餘依議。旌表山西烈
婦郭命。以妻李氏拒姦頑命。給銀建坊。如例。○辛卯。

上奉

皇太后避暑塞外。命皇三子和碩誠親王允祚

皇四子和碩雍親王 皇八子多羅貝勒允禩。皇十五子允

禩。皇十六子允祿。皇十七子允禮。隨駕。是日。自暢春園啟行。

駐蹕林溝地方。○壬辰。宗人府題。輔國公賴古。不安靜守分。

實錄卷三百五十八

十五

令伊太監李壽。事同內太監。在各處探聽信息。希散流言。行
事甚屬不端。應將賴古之公革退。監禁。撤去所屬佐領人員。
得旨。賴古著革退。監禁。其公爵。與應襲之人承襲。所徹屬下
佐領人員。給與承襲公爵之人。○乙未。

上駐蹕南石槽。丙申。

上駐蹕密雲縣。○調正白旗蒙古副都統赫達。為鑲白旗滿洲
副都統。正紅旗蒙古副都統額亦圖。為鑲藍旗滿洲副都統。
陞一等侍衛阿蘭圖。為鑲黃旗蒙古副都統。護軍參領杭琦。
為正紅旗蒙古副都統。護軍參領蘇禾。為正白旗漢軍副都
統。京口協領祖良相。為廣東廣州副都統。以江西南昌總兵

官高文燭為陝西西安副都統○陞鑲黃旗滿洲副都統陸
赫為正白旗護軍統領○丁酉。

上駐蹕遜亭○戊戌。

上駐蹕兩間房○己亥。

上駐蹕王家營○禮部等衙門議覆署理偏沅巡撫布政使阿
琳疏言辰州府屬之乾州鎮溪所雖處邊隅近蒙

皇上德教覃敷苗人向化比年以來民知向學請設立學校建
於乾州自康熙五十四年為始歲科取文武生員各八名以
瀘溪縣訓導就近兼攝應如所請從之○庚子。

上駐蹕喀喇和屯

實錄卷二百五十八

十

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十八

人清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十九

康熙五十三年甲午五月辛丑朔

上至熱河行宮駐蹕 上寅喀爾沁多羅杜楞郡王塞後來朝

癸卯

仁孝皇后忌辰遣官祭

陵 宗人府題輔國公賴士綏事革退奉旨賴士之公與應襲
之人承襲查此爵應與賴士之姪鎮國將軍傅曾承襲得旨
傅曾著襲封輔國公 旌表直隸烈婦喬得儒妻劉氏拒姦
完節自縊身死給銀建坊如例 乙巳協理翁牛特旗下事

實錄卷二百五十九

一

務台吉鄂齊爾來朝 丙午陞雲南督標副將胡駿為江南
蘇松水師總兵官 參領甘國培為江西南昌總兵官 旌表
奉天烈婦康泰妻楊氏拒姦殞命給銀建坊如例 戊申協
理阿霸垓旗下事務台吉德木楚克來朝 己酉陞內閣侍
讀學士敦樸為內閣學士兼禮部侍郎 調鑲白旗蒙古副
都統智勇為鑲黃旗滿洲副都統陞一等侍衛薩爾禪為正
紅旗滿洲副都統護軍參領龐海為鑲白旗蒙古副都統以
鑾儀使宗室訥音圖為鑲紅旗蒙古副都統陞前鋒參領楊
都為鑲藍旗蒙古副都統 辛亥夏至祭
地於

方澤遣領侍衛內大臣公傅爾丹行禮 壬子皇三子和碩誠親王允祉恭請

上幸王園進宴 癸丑遣官祭

關聖帝君 科爾沁和碩端敏公主來請安 科爾沁和碩

達爾漢親王額駙羅卜臧滾布來朝 戊午

上出行宮率善射侍衛等射

上發五天悉中的 喀喇沁鎮國公善巴喇錫來朝 己未科

爾沁和碩純禧公主來請安 科爾沁和碩額駙般迪來朝

授輔國將軍葉爾圖之子新代為奉恩將軍 辛酉扎賴

特台吉畢瑪里來朝 福建福寧總兵官張玉麒以老病

實錄卷五十九

二

乞休允之 予故都察院左副都御史阿爾筏祭一次 癸

亥以戶部郎中王奕鴻為四川鄉試正考官編修沈翼機為

副考官翰林院侍讀陳世倌為廣東鄉試正考官編修鄒奕

鳳為副考官鴻臚寺少卿文志鯨為廣西鄉試正考官編修

汪份為副考官通政使司右叅議魏方泰為福建鄉試正考

官編修徐印發為副考官 翁牛特多羅達爾漢藏青貝勒

額爾德布鄂齊爾來朝 甲子江蘇巡撫張伯行疏奏布政

使牟欽元將上海縣奸棍張元隆之兄張令濤潛匿署中似

此豪棍抗官布政使不行緝解反為容納誠恐有悞地方不

得不據實糾參得旨年欽元著暫革職該督察審具奏 丙

寅巴林固倫榮憲公主來請安

六月辛未朔教漢多羅郡王鄂爾哲圖來朝 壬申

上出行宮率善射侍衛等射

上發五天皆中的 癸酉科爾沁台吉三濟扎卜來朝 乙亥

諭領侍衛內大臣等曰朕想拉藏汗一子前往策妄阿拉布

坦處娶親一子見在青海地方駐劄在策妄阿喇布坦處娶

親之子策妄阿喇布坦若託辭愛塔留住數年不令之歸再

如駐劄青海之子朕復憐愛留住伊處總無人矣豈不孤危

況拉藏汗年近六十自當為其身計伊之人少土伯特人甚

多而又秉性兇惡可保常無事乎拉藏汗將兇惡第已殺死

實錄卷五十九

三

朕加褒獎封為扶教恭順汗伊真傾心內嚮不但朕知之即

各處人亦皆知之但厄魯特秉性猜疑又甚疎忽倘或事出

不測朕雖憐伊伊雖倚朕此間地方甚遠相隔萬里救之不

及事後徒貽悔耳即朕亦無法也朕此想甚屬遠大伊亦係

曉事之人若不深謀防範斷乎不可朕為拉藏汗時常留意

烏朱穆秦多羅厄爾德尼貝勒博木布來朝 丙子先是

原任戶部尚書希福納叩閣告伊家人長命兒等夥同惡棍

桑格存住趙六明圖屠巴海原任左副都御史壽齡之子常

有雅代達爾布七十鄂羅太監李進忠鄧珍楊茂生陶國泰

王國柱曹貴德陶進孝蘇國用等訛詐伊家財物又強勒放

出家人等款

上命領侍衛內大臣侯已渾德同內務府總管查奏尋奏查希福納告和碩誠親王允祉屬下人明圖屠已海固山貝子允禧屬下人常有太監李進忠多羅敦郡王允祹屬下太監鄧珍楊茂生固山貝子允禔屬下人雅代達爾布七十鄂羅皇十五子允禩屬下太監陶國泰王國柱皇十六子允祿屬下太監曹貴德陶進孝衣裳庫太監蘇國用等訛詐之處並無証據應無庸議其家人長命兒等因希福納居官貪婪希圖訛詐是實應交刑部審理再希福納叩聞後伊家人虎兒首告希福納侵盜庫銀應將希福納并虎兒亦交刑部審理得

臣等謹案

旨依議案內太監等指稱小阿哥妄行甚屬可惡不可不嚴加審訊爾等仍會同刑部嚴行審擬具奏至是領侍衛內大臣侯已渾德內務府會同刑部審奏希福納家人長命兒等夥同桑格等訛詐希福納得銀一千餘兩應將長命兒對泰二小子愷七禮俱照惡棍為首例擬斬立決桑格存住趙六照為從例擬絞監候秋後處決太監李進忠等逐一夾訊雖訛詐皆虛而身為太監干涉外事往來希福納之家殊屬兇惡亦應照為從例擬絞監候秋後處決其明圖等與希福納質對並無訛詐實迹俱無庸議再希福納家人虎兒首告希福納侵盜庫銀一案查審情實應將希福納擬斬監候秋後處

實錄卷二百五十九

五

決其侵盜庫銀九萬七千兩照數追取入官至希福納擅將庫銀私自入已前任戶部郎中今陞山西布政使查林布等隱匿不首俱應革職得旨希福納著從寬免死長命兒對泰二小子愷七禮俱著改為秋後處斬桑格存住趙六李進忠鄧珍楊茂生王國柱陶國泰曹貴德陶進孝蘇國用俱著擬絞監候秋後處決查林布等俱著革職餘依議諭大學士等曰太監等不可假以威權事發即殺之朕御極之年去明代不過二十年萬歷時太監以及官員朕俱曾任使伊等向朕奏明末時事謂流賊自南而來將兵盡發往保定後流賊從居庸關入跳越京師南關攻城城內無兵祇太監百姓官員家人防守七日城即陷平日太監等專權人主不出聽政大臣官員俱畏懼太監以致悞事此輩性情與常人異祇足備宮中使令耳天下大權惟一人操之不可旁落豈容假之此輩乎又萬歷年間太監奏庫內積銀二百萬兩有餘應入大內遂盡收養心殿後掘窖埋藏後欲取用已無有矣所以我朝者舊常言明代蓄積徒資太監侵盜耳今我朝庫銀有數千萬兩若收進埋藏亦安所用朕常謂漢大臣云明代以爭議河套事曾殺大臣此一小事何至殺戮大臣若當此時朕只須遣一筆帖式一撥什庫事即定矣漢大臣皆相顧驚愕朕幸寧夏過鄂爾多斯地方謂松阿喇布王云爾等祖

不過欺侮漢人遂據河套耳若朕則自橫城坐船帶糧從鄂爾多斯之後抄出據守爾等將若之何松阿喇布王瞿然奏云今內外一家皇上奈何出此可畏之言回鑾時朕由橫城坐船計二十一日至湖灘河朔已將馬匹發往陸路此二十一日率步行開獵打魚而回又諭曰朕自幼讀書聽政已久治國之道莫要於寬舒今天下承平無事凡屬老幼無不歡欣鼓舞以為得生斯世皆有福之人也又諭曰條奏官員每以墾田積穀為言伊等俱不識時務令人民蕃庶食衆田寡山地盡行耕種此外更有何應墾之田為積穀之計耶○陞護軍叅領法喇為正白旗蒙古副都統○戊寅教漢多羅郡

實錄卷五十九

六

王推母頻爾多羅額駙羅卜臧來朝 已卯以戶部右侍郎綽奇為甘肅巡撫 壬午工部議覆盛京工部侍郎貝和諾疏言呼努河等處商人所販木植於十五根之內抽取一根其抽分之處請派盛京各部才能司官一員抽分一年差滿更換應如所請從之 江蘇巡撫張伯行疏言臣查江南鄉試副考官趙晉進監之後揚州府知府趙弘煜一任典史金鎬縱容及報趙晉自縊又草率取供不親自相驗委高郵州知州李之檀驗報屍圖與趙晉狀貌不符而眾供互異據此趙弘煜故行疎縱情弊顯然江都縣知縣王銑等既已疎玩於先復不能確查於後不惟趙晉生死難明並在監與否

亦不敢定請將揚州府知府趙弘煜等革職一併嚴審得旨趙弘煜李之檀王銑等俱著革職該撫嚴審定擬具奏 土默特貝子哈穆罕巴雅斯呼朗圖來朝 癸未諭領侍衛內大臣等連日甚熱大臣等早朝畢即令散去免其晚朝伊等俱在此環居如有差遣往召可也侍衛等亦如之巡守及執事人等除值班外亦著免到似此大熱天氣諒無多時最甚亦不過十日耳爾等傳諭扈從文武大臣知悉 諭兵部報上遞來事件每限傍晚時到今值酷暑驛遞人馬交困應著少緩限次日日出前到著退後仍照常行○諭刑部朕避暑塞外駐蹕山莊素稱清涼之地尚覺煩熱想京師自然更甚

實錄卷五十九

七

朕時以民生疾苦為念今天下承平農商樂業惟有罪人拘繫囹圄身被枷鎖當茲盛暑恐致疾疫軫念及此不勝惻然應將在京監禁罪囚少加寬恤獄中多置冰水以解鬱暑其九門鎖禁人犯亦著減其鎖條至枷號人犯限期未滿者暫行釋放候過暑時照限補滿爾部即遵諭速行以副朕法外施仁至意 丙戌諭領侍衛內大臣等天氣甚熱貿易人等多夜行者伊等但知為利不顧其身朕甚念之嗣後有緊要事方許夜行朕視商民皆如赤子無論事之鉅細俱當代為熟籌也至於一應隨行官員兵丁執事人等如有公事不必過亟緩緩前行將此交與兵部自喀喇和屯以至口上俱遍

張告示并於各該管處通行曉諭○以翰林院侍講學士吳垣為浙江鄉試正考官編修莊令與為副考官翰林院侍讀學士熊華為江西鄉試正考官編修鄭任鑰為副考官內閣學士沈涵為湖廣鄉試正考官編修查嗣庭為副考官戊子湖廣彝陵總兵官王允昌以老病乞休允之己丑翁牛特多羅杜楞郡王額駙蒼津來朝辛卯陞浙江按察使呂猶龍為湖北布政使司布政使貴州按察使李世仁為江蘇布政使司布政使癸巳科爾沁和碩土謝圖親王鄂爾齋圖來朝丁酉喀喇沁多羅額駙門都來朝己亥科爾沁和碩額駙多爾濟塞稜來朝○戶部議覆四川巡撫年羹堯疏言增引行鹽原屬裕課便民查成都所屬犍為等七州縣寬民請增水陸鹽引一千一百四十五張徵稅銀七百三十兩有奇於康熙五十三年為始徵收應如所請從之先是鑲白旗滿洲副都統額爾錦疏奏原任都統朱麻喇等冒領庫銀一案奉旨朱麻喇等文都察院查審具奏至是都察院審奏原任都統朱麻喇內閣學士芭格等俱冒領銀兩三百兩以上應照律擬斬監候伊等內有世職者著應襲之人承襲驍騎校常祿等冒領銀兩未至三百之數照銀數分別加責得旨朱麻喇等俱依擬應斬監候餘依議

秋七月庚子朔享

太廟遣領侍衛內大臣公傅爾丹行禮○巴林榮憲固倫公主來請安辛丑以翰林院侍講楊名時為陝西鄉試正考官編修索泰為副考官詹事府少詹事梅之珩為江南鄉試正考官編修湯之旭為副考官癸卯科爾沁多羅貝勒巴克什古爾來朝甲辰烏朱穆泰和碩車臣親王色登敦多卜來朝旌表江南黟縣烈女盧顯聘妻葉氏聞訃即往拜墓服滿絕食而逝給銀建坊如例乙巳巴林多羅郡王固倫額駙吳爾袞來朝丙午

上自熱河幸湯泉是日駐蹕中關喀爾喀扎薩克台吉旺布來朝丁未

上駐蹕湯泉○己酉

孝懿皇后忌辰遣官祭

陵○諭禮部直隸各省學臣文武鄉試兩闈後閒居候代毫無所事嗣後新學臣於鄉試之年秋間點出限十月終到任則舊學臣免曠職之愆新學臣得以從容考試矣旌表直隸烈婦張自友妻李氏不受姦污寧甘慘死給銀建坊如例

辛亥

上駐蹕中關諭大學士九卿等朕聽政年久深悉民生利弊凡國家要務無時不豫為籌畫有前來奏摺之人皆曾問及咸稱江南天旱江浙米價亦不甚賤今春山東河南田麥歉

收交冬米必騰貴彼時即急為料理亦不能及朕詳悉思維將漕糧撥三十萬石江寧府十萬石蘇州府八萬石淮安府揚州府共五萬石杭州府五萬石開封府二萬石著漕運總督親身閱兌速行運至令其加謹照數收貯有此米石軍民心安而米價自不驟貴且與通倉無甚關係較之一年所缺之數亦屬無多至豫省漕糧該部亦應豫行詳議今若雨澤及時田禾豐收則此項米石由水路撥給他處亦可著議奏尋議江寧淮安揚州等處已報雨澤霑足鳳陽府屬及淮安府屬之桃源等縣見報旱災浙江所屬州縣見報水災查淮安至鳳陽水路不遠應將所撥淮揚五萬石盡運至淮安府收貯江寧所撥十萬石留五萬石在江寧餘五萬石運至杭州並杭州所撥五萬石俱存杭州府收貯蘇州所撥八萬石仍存蘇州府收貯開封府所撥二萬石水運迂遠陸運艱難且見今豫省貯穀甚多請暫存臨清州倉收貯如豫省或有當撥給之處題請撥給得旨依議速行宗人府題鑲黃旗護軍叅領覺羅阿爾圖等呈稱覺羅阿哈納烏達哈係伊親叔祖馬福塔之子生而為父母所棄康熙五十二年已賜伊等紅帶子為覺羅請將伊等附入族內

上諭大學士等曰伊等有無出嗣承業之處著查奏如已出嗣承業者亦不過給與紅帶以別之而已前者原任內大臣覺

實錄卷九

十

羅塔達之子與包衣佐領下人撫養為嗣但給與紅帶並未令附入族內也尋大學士等查奏覺羅阿哈納烏達哈已經出嗣承業伊等呈稱雖將我等附入本族仍不敢忘撫育父母之恩願子子孫孫在伊墳前祭奠

上曰善若如此著伊等附入本族 壬子

上回熱河行宮駐蹕 喀爾喀和碩恪靖公主來請安 癸丑

喀爾喀土謝圖汗妄扎爾多爾濟來朝 甲寅中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 戊午

皇四子和碩雍親王 恭請

上幸王園進宴 以刑部郎中陳元為河南鄉試正考官編修王蔞為副考官刑部郎中李士瑜為山東鄉試正考官檢討衛昌績為副考官吏部郎中葉弘綬為山西鄉試正考官檢

實錄卷九

十一

討彭維新為副考官 免河南鄭州祥符等二十六州縣本年分旱災額賦有差 刑部議覆江蘇巡撫張伯行疏言秋審大典臣應與督臣赴常州府會審但臣所屬地方近海蘇松一帶五方雜處最易藏奸前有上海奸民張元隆通賄肆行經臣特疏奏聞近又有奸民張令濤潛匿江蘇布政使年欽元署內屢捉不出臣恐蘇州地方不無可慮請候新任提督穆廷弼到松後臣再往常州與督臣會審應不准行得旨張伯行居官清潔素所聞知清則衆心無有不服縱有一二匪類小人國法具在蘇州府有何可慮張伯行疑惑恐懼殊為過甚這所奏不准行者仍照舊例速赴常州府會審 工

聖祖實錄

主

部議覆河道總督趙世顯疏言睢寧縣黃河水勢南徙逼近隄根須於坍塌之處建挑水壩三座以保隄工應如所請從之 已未諭大學士等曰朕理事年久洞悉錢法錢價隨時不同銅價貴即燬小錢作銅賣銅價賤即盜鑄小錢用小錢則私鑄之人有利用大錢則私鑄之人無利然小錢又不可禁今大小錢兼用於民甚便錢法流行莫如我朝南至雲南貴州北至蒙古皆用制錢從古所未有也治天下當寬裕仁慈以因人性不可拂逆即如滿洲蒙古各方之人飲食日用其性各殊必欲一之亦斷不可行也問學士關保曰爾曾居蒙古一年用漢人之道可治蒙古否關保奏曰不可

上曰拂人之性使之更改斷乎不可譬如陝西江南百姓令其易地而居則不但彼處田土此不能耕此處器械彼不能用即水土亦多不服惟天賦忠孝之性無有異同即窮荒僻壤亦有至忠至孝之人不可以地論也 庚申克西克騰扎薩克台吉齊巴扎布來朝 辛酉陞江蘇按察使甘國璧為山東布政使司布政使陝西西寧道楊宗仁為浙江按察使司按察使 陞浙江嚴州副將周士元為福建福寧總兵官湖廣寶慶副將邵登雲為湖廣歸陵總兵官 工部議覆河道總督趙世顯疏言巡河兵丁與綠旗兵丁不同千總把總足以管轄所設遊擊一員守備二員俱可裁去應如所請從之

聖祖實錄

主

甲子以翰林院侍講查嗣琛提督順天學政 戶部議覆直隸巡撫趙弘燮疏言直屬旗人退還田地原有二項一係退還民人當差納糧永行停園者一係退還民人承種輪租應園之時例令園撥者滄州旗人退還田地係奉旨永行停園之地今莊頭李必達等具呈內務府指園滄州旗人退還地六百餘頃查此田地滄州民人耕種當差納糧已久若聽園撥必致失所請於各屬旗人退還輪租地內均勻撥給應不准行尚書趙申喬另議滄州旗人退還地原係奉旨停園之地應如該撫所請於輪租地內均撥得旨著照趙申喬所議行 阿霸哈納多羅貝勒索諾穆喇布坦來朝 乙丑厄

魯特輔國公多爾濟色卜騰來朝 丙寅諭大學士等曰拉
藏汗題請打箭爐地方朕思打箭爐原係本朝地方我朝之
人實處其地於拉藏汗大有裨益我朝之人若行撤回則茶
市亦停大無益於伊等倘必要此地著伊親來與我諸王大
臣等會議如此議行則伊斷不來矣 丁卯戶部等衙門遵
旨議覆查豫省漕糧例每石折徵銀六錢五分該撫委官就
近於衛輝府水次採買今據該撫題報豫省開封河南彰德
懷慶等府屬二十州縣各被災六七分不等衛輝府屬六縣
被災七八分不等本年漕糧二十三萬三千餘石若仍於被
災衛輝水次採買恐秋冬之間米價騰貴臣等議將豫省康
熙五十三年分漕糧暫行停買令其於康熙五十四五六年
年分買補運從之 戊辰翁牛特多羅達爾漢貝勒額爾德
布鄂齊爾來朝

實錄卷九

市

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百五十九

實錄卷九

注

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十

康熙五十三年甲午八月庚午朔以故輔國公納墨孫之子

鎮國將軍訥圖襲爵陞浙江金衢嚴道祖業弘為江蘇按

察使司按察使癸酉予故甘肅巡撫樂拜祭葬如例甲

戌封和碩恒親王允祺之女為郡主壻納穆魯為和碩額駙

乙亥

上行圍命皇三子和碩誠親王允祉皇十五子允禩皇十六子

允祿皇十七子允禮隨駕是日自熱河啟行駐蹕中關以

國子監祭酒徐日暉為順天鄉試正考官河南道御史田軒

來為副考官丙子

上駐蹕博洛和屯科爾沁台吉厄爾得卜圖來朝丁丑遣

大學士蕭永藻祭

先師孔子

上駐蹕張三營喀爾喀扎薩克多羅貝勒旺扎爾來朝戊寅

寅

太宗文皇帝忌辰遣官祭

昭陵

上駐蹕汗特木爾達巴漢昂阿地方己卯

上駐蹕雲特木爾昂阿地方移甘肅慶陽府捕盜同知駐劄

靖遠衛與衛守備協同理事其慶陽捕務歸并知府兼管

以阿霸垓故多羅郡王吳爾占噶喇卜子巴特瑪滾楚克襲爵庚辰

太祖高皇帝忌辰遣官祭福陵

上駐蹕阿納達達巴漢和洛昂阿地方萬齊忒多羅郡王雅穆畢爾來朝辛巳都察院題兩淮鹽差將原任管理江寧織造事通政使曹寅之子曹顥職名開列具奏得旨兩淮鹽課先欠一百八十餘萬兩自將李陳常補授運使所欠銀兩俱已清完李陳常實能効力鹽務將伊授為御史巡視兩淮鹽課一年李陳常原係九卿保舉之員此運使員缺著九卿必如李陳常之人揀選保舉具奏壬午

鹽課

上駐蹕克勒烏里雅蘇台喀爾喀台吉車零汪扎爾來朝癸未工部議覆河道總督趙世顯疏言山陽縣黃河南岸王公隄老壩口二處俱屬險工宜建挑水壩二座以資捍禦應如所請從之甲申秋分夕

月於西郊遣禮部尚書赫碩咨行禮丁亥

上駐蹕哈達鄂佛羅地方工部議覆管理錢法工部侍郎崔徵壁疏稱解銅之限不可不嚴處分例不可不定嗣後每年額銅若干辦銅商人作何定限責其完解逾限不完作何

處分永為定例以便遵守應如所請奏銷時各商照應辦銅鉛額數以十分為率未完不及二分者免其處分限一年完足未完二分至五分以上者照分數分別治罪未完六分以上者照侵欺錢糧例從重治罪俱限一年照欠補完不能補完者變產追賠又稱直隸各省州縣錢糧無論有無閏月俱於次年五月奏銷是以完欠分明考成畫一惟錢法之奏銷俱論閏月而滿漢監督又更換參差嗣後應照地丁錢糧之例總以次年五月奏銷滿漢監督亦必於奏銷之後更換如商人之銅劬挂各監督之鼓鑄缺額俱於奏銷時一并查核分別處分應如所請嗣後錢法衙門俱於次年五月奏銷滿漢監督俱於奏銷之後更換每年鑄錢定限三十六卯銅劬不完責歸商人銅劬既完而鼓鑄不足卯數責在監督若商人上半年解銅甚少至下半年始解足者即鼓鑄不足卯數咎亦不在監督統於奏銷疏內聲明商人完欠照州縣徵收地丁錢糧未完之例治罪從之（戊子科爾沁多羅郡王阿喇布坦來朝）（己丑）

實錄卷五

三

上駐蹕布湖圖昂阿地方（庚寅科爾沁和碩額駙般迪來朝）

（壬辰）

上駐蹕烏喇岱地方（以原任國子監祭酒余正健提督江南學政侍講李周望提督湖廣學政編修車鼎晉提督福建學

政叢澍提督廣西學政廖原謨提督四川學政萬經提督貴州學政檢討王傳提督山東學政劉師恕提督河南學政陞吏部郎中魚鷹翔為江西按察使司僉事提調學政湖廣漢陽府知府郝士鐸為雲南按察使司副使提調學政免浙江建德等四縣嚴州一所本年分水災額賦有差癸巳喀爾喀扎薩克台吉陶賴來朝甲午

實錄卷五

四

上駐蹕布爾哈蘇台諭兵部販馬人等往往暗結將軍總督巡撫提督總兵官子弟將疲憊不堪之馬發於不肖道府營弁索取高價代為壓派甚至無驛站之州縣及管步兵之頭目一概濫派以致所屬官員勉強收受負累甚多著行令直隸各省將軍等嚴查禁止乙未蘇尼特台吉津大克來朝

丙申

上駐蹕巴顏和洛予故原任漢軍都統李林盛祭葬如例

以廣東左翼總兵官金弘振為正藍旗漢軍副都統丁酉

上駐蹕五虎爾濟地方戊戌祭

大社

大稷遣領侍衛內大臣公傅爾丹行禮

上駐蹕努湖代地方

九月己亥朔

上駐蹕鄂爾楚克哈達地方庚子

上駐蹕得爾吉惠漢地方 辛丑

上駐蹕克爾木台地方 喀爾喀扎薩克多羅郡王多爾濟喇

布坦來朝 壬寅

上駐蹕永安拜昂阿地方 甲辰

上駐蹕齊老圖地方 乙巳

上駐蹕烏蘭哈爾哈地方 丙午遣官祭

歷代帝王 遣官祭城隍之神

上駐蹕巴顏拖羅海地方 丁未

上駐蹕朱爾哈代碩倫地方 戊申

上駐蹕郭里營 戶部議覆江南道御史陳珣疏言水路設立

實錄卷二百

五

汎兵原以稽查匪類與設立鈔關收稅者不同乃近日借端

勒索販糧船隻甚至攔阻不許越境興販商賈殊為苦累嗣

後如有犯者祈將營弁一并嚴加治罪應如所請行令各該

督撫提鎮嚴行禁止從之 己酉

上駐蹕喀布齊祿地方 庚戌

上駐蹕博洛和屯 戶部議覆湖廣總督額倫特疏言臣奉命

同戶部郎中瓦渾泰查勘湖南荒田一案實在各州縣荒蕪

田地四萬六千一百頃有奇各屬士民無不踴躍爭先願為

開墾仰懇

皇上洪恩於六年後仍照下則陞科應如所請從之 科爾沁

和碩額駙多爾濟塞楞來朝 免浙江山陰縣本年分水災

額賦有差 旌表山西烈婦喬五滿妻郭氏拒姦被戮節烈

可嘉給銀建坊如例 辛亥

上駐蹕中關地方 壬子

上回熱河行宮駐蹕 科爾沁和碩端敏公主來請安 免江

南蒙城縣本年分旱災額賦有差 乙卯免江南桃源等四

縣本年分旱災額賦有差 喀爾喀固山貝子扎木巴故遣

官致祭 賜來朝外藩王貝勒貝子額駙公台吉等銀幣鞍

馬有差 賜隨圍蒙古官兵銀兩布疋有差 戊午

上奉

實錄卷二百

六

皇太后自熱河回鑾是日駐蹕喀喇和屯 己未

上駐蹕鞍子嶺 庚申

上駐蹕兩間房地方 辛酉

上駐蹕巴克什營 右衛將軍宗室費揚圖疏奏左翼副都統

赫迂圖強佔優人嚴刑致死請遣官詳審以彰國法得旨著

兵部尚書殷特布會同該將軍審擬具奏尋殷特布等審奏

赫迂圖杖斃優人身死是實赫迂圖應擬絞解部監候秋後

處決得旨赫迂圖著從寬免死照例減等發落 壬戌

上駐蹕遙亭 癸亥

上駐蹕密雲縣 甲子

上駐蹕懷柔縣(乙丑)

孝慈高皇后忌辰遣官祭

福陵

上駐蹕林溝地方諭戶部臨清關錢糧每至缺額皆由地方

積棍串通作弊所致不必派遣監督著交該巡撫收稅(青

海厄魯特親王扎什巴圖爾故遣官致祭(丙寅)

上奉

皇太后回駐暢春園詣

皇太后宮問安(戊辰)

上詣

皇太后宮問安自暢春園回宮

冬十月己巳朔享

太廟遣領侍衛內大臣公傅爾丹行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵(頒康熙五十四年時憲歷)諭和碩誠親王允

祉等北極高度黃赤距度於歷法最為緊要著於瀋寧居後

每日測量等奏測得暢春園北極高三十九度五十九分三

十秒比京城觀象臺高四分之三十秒黃赤距度比京城高二

十三度二十九分三十秒報聞刑部議覆江南江西總督

赫壽疏言江蘇巡撫張伯行奏布政使年欽元藏匿海賊黨

羽張令濤一案查上海縣民顧協一因贖房控告張令濤與

海賊合夥見在海內及審問顧協一並無証據又搜查年欽

元署內亦並無張令濤訊張令濤子張二稱伊父往湖廣福

建應行文兩省巡撫拏解送審得旨著吏部尚書張鵬翮都

察院左副都御史阿錫鼎前往審明具奏(庚午)

上幸暢春園陞貴州糧驛道白潢為貴州按察使司按察使

免甘肅靖寧等八州縣衛本年分旱災額賦有差(辛未)

皇太后聖壽節

上率王以下文武大臣侍衛等詣

皇太后宮行禮遵

懿旨停止筵宴(壬申先是差往甘肅察勘飢民工部右侍郎

常泰等條奏安插失業窮民六款

上命九卿詳議具奏至是九卿遵旨議覆一無依窮民宜加意

安插無致失所並令該地方官講讀

上諭十六條教以禮義嚴申保甲約束百姓則各有生路各知自愛一荒棄地畝招民開墾將荒地查出置立房屋每戶二間無業之民給與口糧籽種牛具令其開墾即給與本人永遠為業照例六年後起科其給房屋口糧等項於現存庫銀內動用一甘屬水利亟宜興行令地方官相度地勢有可以開渠引水者募夫開浚可以用水車者雇匠制車可以穿井造害者即行穿造其應用銀兩亦於存庫銀內動用一牛羊牧畜令民墾生甘屬不耕種之山場甚多宜於牧畜牛羊應令該督撫查明無業窮民每戶給羊種十隻每二戶給牛種一隻俟六年之後將墾生羊羔十隻牛犢一隻交官變價其買牛羊價值將存庫銀內撥給一督理官員宜加遴選安插窮民等事原係地方官專司應行該督撫選才具優長賢能之員具題調補俟歷俸五年有果能招徠開墾興行水利墾畜牛羊教導百姓者令督撫保題照五年俸滿即陞之例即行陞用一倒塌城垣亟宜脩理於明年春和之時修築令窮民傭工得以養贍從之○癸酉內閣學士管寶以老病乞休允之○乙亥諭九卿九卿內各省人俱有凡翰林中曾差正副主考及房考者其聲名賢否必皆知之著從公舉出優者陞用劣者革退九卿於本省出差人員不必與議蓋伊等子弟試而中即以為好試而不中即以為不好殊不可為據也

實錄卷二百六

九

若不存私意賢否皆從公舉出則科場可得清理矣即如月選官員悉令九卿驗看凡出身不明行止不端者俱知畏懼不敢謁選此甚有益以內閣學士徐元夢充經筵講官禮部議覆監試御史倪滿等條奏科場四款一順天鄉試舉子入闈俱穿折縫衣服單層鞋襪只攜籃筐小檯食物筆硯其餘物件不許攜入則夾帶文字之弊可杜一舉子入闈任意接談往來行走嗣後應添設營官一員八旗每翼添設參領一員章京二員一體入闈坐明遠樓前漢人責令營官稽察旗人責令參領等稽察務令舉子照卷面字號押進號舍不許私從柵欄出外至代作傳遞夾帶等弊皆由號軍頂冒入闈嗣後號軍務選正身每十名以一人為號頭將號軍面用印記造冊送入一向來鄉會試舉子交卷領籤照出止於申酉二時令則徹夜交卷恐滋弊竇嗣後應遵舊例天晚不准收卷即行封門則諸弊自然肅清一貢院號舍七千四百有奇今科投卷舉子七千四百九十餘人恐致不敷查貢院左右尚有閒地請交順天府酌量添造至貢院四面圍牆多係土築請用磚砌棘圍自然嚴密俱應如所請得旨倪滿等所奏甚是著九卿會同議奏其各有所見應增款項議增

上詣

丙子

實錄卷二百六

十

皇太后宮問安○戊寅旌表直隸烈婦王福海妻陳氏調姦不從以致被戮給銀建坊如例○壬午以翰林院檢討阿珥賽為順天武鄉試正考官檢討馬豫為副考官○旌表江寧烈女曹小五尚聘妻孫氏痛夫慘死捐生就義給銀建坊如例
癸未

上詣

皇太后宮問安○旌表河南烈婦蔣成龍妻王氏拒姦殞命給銀建坊如例○乙酉鑲藍旗滿洲都統車納福以老病乞休允之○丁亥

上詣

實錄卷五十一
皇太后宮問安○兵部議覆四川巡撫年羹堯疏言烏蒙土知府祿鼎乾擄掠貴州阿底土司頭目祿世華人畜遣官曉諭將罪犯隱匿抗不送審請將祿鼎乾革去職銜解擄掠首惡之人詳審完結如或仍前違抗請會同雲南貴州督撫提鎮掃蕩巢穴改土為流等語查祿鼎乾係四川所屬祿世華係貴州所屬兩省土司擄掠情由應令該撫會同貴州巡撫查明具題再議得旨此案駁回則為日久土司等知其無碍益放恣矣著鑲黃旗滿洲都統阿爾納會同雲南貴州總督四川貴州巡撫提督詳審土司聞遣京師大臣懼而送出罪人則已設或抗拒即行征剿事一舉而畢也尋阿爾納等奏

實錄卷五十一

十

實錄卷五十一

十

烏蒙土知府祿鼎乾擄掠世華人口牲畜已經退還和息并請納糧折價自康熙五十四年為始令交藩庫下部議行諭刑部朕聽政多年勤求民瘼刑獄之事尤所留心詳閱直隸各省題奏命盜各案自審結以至具題或踰時或經歲部議又問有覆駁再令詳審者案內牽連之人雖笞杖輕罪不免羈禁以俟完結淹歷歲時離家失業至於飢寒病斃者往往有之朕軫懷民命深用憫惻嗣後直省刑名除重犯案內軍流徒罪仍應候旨完結外所有杖罪以下輕罪著各該督撫於審結日即行發落不必羈候部覆只於疏內逐一聲明務使無知里誤之民早得脫身寧家以副朕哀矜體恤至意其不關題請各該督撫應自行審結發落者仍著照例舊例兩部即遵諭行○以翰林院侍讀陳世倌充日講起居注官○予故原任四川陝西總督殷泰祭葬謚清端予故漢軍副都統趙雲錦祭葬如例○戊子刑部議覆江蘇巡撫張伯行疏言奸商張元隆廣置洋船海上行走審據夥黨吳良佐供係原任將軍馬三奇家人請飭部將馬三奇并船戶發至江南質審應如所請得旨著張鵬翮等詳審具奏張伯行與馬三奇不合乘機奏請發審馬三奇之父陣亡伊身又係大臣不必發往江南聽審著兵部取供咨送旌表山東烈婦管玉璽妻李氏逼姦不從甘心就死給銀建坊如例○己丑諭

南書房翰林等向來陛殿所奏中和樂章皆仍明代所撰句有短長體製類詞後因文體不雅命大學士陳廷敬等改撰其章法皆以四字為句而奏樂人未易聲調仍以長短句法湊合歌之是雖文法易而聲調未易也今考察舊調已得其宮商節奏甚為和平必得歌章字句亦隨詞調則章法明而宮調諧此事所關最要著南書房翰林同大學士等詳考定議務使章法與聲調協和歸於允當○陞監察御史噶什圖為山西布政使司布政使○辛卯

上詣

皇太后宮問安○壬辰諭大學士等朕自幼讀書無一時不以

實錄卷二百六

十三

民間疾苦為念巡撫乃專任封疆之大吏理應實心為民勤求樂利邇來浙省地方歉收民生艱難每觀巡撫王度昭所奏並無盡心利民之處再河南巡撫鹿祐所奏事宜亦未得當爾等傳問九卿○又諭工部侍郎兼管光祿寺卿事舒蘭人甚糊塗事多差錯著降三級調用○甘肅巡撫綽奇疏言甘肅寧夏等處令歲被災窮民請計口散賑至明年夏收時停止得旨著九卿詹事科道會議具奏又諭曰甘肅地方被災流移各處就食之民見令招回本處但時尚近寒本處並無糧米招回無益俟來年春耕時送回方有益也○工部議覆署理奉天將軍事前鋒統領伯唐保住疏言奉天戰船年

久船底朽爛俱不堪用請行拆造所用木料桅杆等物交與浙江巡撫採買解送應如所請得旨盛京木料最多停其浙江採買惟桅木著於通州購之○甲午

上詣

皇太后宮問安○乙未陞叅領汪鉉為廣東左翼總兵官○丁酉大學士等奏臣等遵旨以浙江巡撫王度昭河南巡撫鹿祐問九卿九卿僉云浙江巡撫王度昭前居官亦有才能今不盡心為民全無益於地方河南巡撫鹿祐向來居官謹慎此數年來精力衰邁處事不當誠如

聖諭報聞○戶部議覆盛京戶部侍郎董國禮疏言

實錄卷二百六

十四

萬壽恩詔將各省地丁錢糧盡行蠲免其盛京所屬各處旗人所種地畝內應徵之米豆草與歷年舊欠之米豆草請照奉天府地丁錢糧蠲免之例蠲免應如所請得旨依議各省州縣徵糧之官皆有考成盛京並無考成之例故每年拖欠甚多盛京地方官聲名不好部員徵取肥己亦未可料著交與戶部嚴查嗣後盛京等處徵取米豆草官員亦著考成○以故三等精奇尼哈番寶德之子白葵二等阿思哈尼哈番毛奇他特之子三等侍衛常保並襲職○戊戌九卿等遵旨議覆監察御史倪滿等條奏四款俱應照禮部原議臣等又增議四款一文章抄成底子或隔牆傳遞或於食物夾帶或由

窩鋪挖孔送進。皆由巡緝官疎忽所致。嗣後貢院牆垣著令修高。窩鋪藩棚不許挨牆搭蓋。交與巡緝官員等晝夜嚴查。進放食物。內外監試御史各細檢放入。違者從重治罪。一。謄錄書手對讀生員務令選擇正身。禁止不肖之人頂冒入闈。代人作文。闈中所備空白卷子。交外場監試收貯。如至公堂有應用處。俟行文給發應用。違者從重治罪。一。太醫院及各館咨送應考生監。俱於各該管處具題移送。國學監生照例考試。錄送各省監生。有情願入京應試者。於鄉試前一年起。本省印文到部。劄監。違者照例議處。一。揭曉後中式舉人。俱定期到府丞衙門填寫親供。與試卷一同送部。交與磨勘試卷九卿對墨卷細驗筆跡。如親供逾限不即送部。禮部將府丞題參照例議處。得旨依議。每翼派遣都統一員。副都統一員。督理稽察。喀爾喀澤卜尊丹巴胡土克圖土謝圖汗車臣汗等遣使進九白年貢宴賚如例。一。陞翰林院侍讀學士達禮虎為光祿寺卿。

實錄卷五十一

十五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十

實錄卷五十一

十五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十一

康熙五十三年甲午十一月己亥朔

上詣

皇太后宮問安 免浙江錢塘等十三縣衢州一所本年分旱災額賦有差 壬寅兵部議覆山東登州總兵官李雄疏稱分撥戰船十隻送錦州並請分巡海汛等語應敕奉天將軍委官收領船隻於各該管之處分地巡哨得旨山東至錦州海中巡察事宜若不將邊界指畫分定則應行巡察之處必至遺漏著議政大臣九卿看圖分定海汛議奏尋議臣等閱

實錄卷二百六十一

二

看海圖鐵山舊旅順新旅順海帽塔蛇山紹並頭雙島虎坪島桶子溝天橋礮菊花島等處俱係盛京所屬海汛北隍城島南隍城島欽島砣磯島黑山島廟島長山島小竹島大竹島成山頭八家口之榮島小崆峒島崆峒島養馬島等處俱係山東所屬海汛今盛京與山東各有戰船十隻水師營官兵嗣後盛京所屬地方應令盛京將軍撥水師營官兵巡查山東所屬地方應令山東總兵官撥水師營官兵巡查鐵山與隍城島中間相隔一百八十餘里其中並無泊船之所恐有小盜往來行走亦未可定應交與盛京將軍山東總兵官自鐵山起九十里之內令盛京官兵巡哨自隍城島起九

十里之內令山東官兵巡哨并令盛京將軍山東總兵官定為界限從之 癸卯旌表山東烈婦牟法妻曲氏拒姦被戮給銀建坊如例 丙午

上詣

皇太后宮問安 丁未以鑲藍旗蒙古都統公馬爾賽為領侍衛內大臣 戊申九卿等遵旨議覆甘肅巡撫綽奇疏請今歲甘肅寧夏等處被災窮民應計口散賑俟明年夏收時停止應如所請但窮民有流移別州縣者若令回本處就賑銜寒往來不無有累應將流移百姓令所到州縣地方動倉糧發賑倘不敷用於附近州縣倉糧內作速輓運接濟從之

實錄卷二百六十一

己酉

上詣

皇太后宮問安 庚戌

上自暢春園回宮 山西布政使噶什圖陞辭

上諭之曰布政使一官專管錢糧山西錢糧每年全完並無虧欠州縣或有徵耗過重者爾宜加意訪察至凡有益百姓之處當酌量行之 諭戶部朕撫御寰區勤求民瘼凡地方水旱災傷必詳加諮詢先事豫籌其有荒歉上聞蠲賑頻施務令得所五十餘年來夙夜孜孜如一日也前因甘肅靖邊衛等處年歲不登民艱粒食已多方賑濟本年錢糧或蠲或停

而山地磽瘠民鮮蓋藏。若不大沛恩施。目前已自艱難。來歲更何倚恃。這被災二十八州縣衛所。康熙五十四年額徵銀九萬七千八百七十兩零糧三十三萬九千四十石零草二百五十三萬七千八十束。零俱著通行蠲免。行文甘肅巡撫。實心奉行。務使比屋均沾實惠。用副朕撫恤災黎至意。辛亥和碩誠親王允祉等奏。昔郭守敬修授時歷。遣人各省實測日景。故得密合。今修歷書。除暢春園及觀象臺逐日測驗外。亦不必各省盡測。惟於里差之尤較著者。如廣東雲南四川陝西河南江蘇浙江七省。遣人測量北極高度及日景。則東西南北里差及日天半徑。皆有實據。得旨廣東著何國棟去。雲南著索柱去。四川著白映棠去。陝西著貢頤去。河南著那海去。江南著李英去。浙江著照海去。○甲寅冬至祀

實錄卷五十五

三

天於園丘。

上親詣行禮。奏

上新定樂律。遣官祭

永陵。

福陵。

昭陵。

暫安奉殿。

李陵。

仁孝皇后。

孝昭皇后。

孝懿皇后陵。停止次日朝賀。

上幸暢春園。乙卯諭戶部。朕臨御多年。無時不軫念民瘼。每歲於直隸各省。凡雨暘期候。豐歉情形。莫不留心訪察。雖在僻遠。必務周知。偶值一二處災傷。蠲免賑救。不惜重費。倉帑以蘇我民困也。朕思賑濟災歉。以速為貴。必待督撫奏報往返候命。使小民嗷嗷待哺。何如豫備積貯於平時。則所在有可恃之資。糧而臨事免轉移之勞費。今漕輓通行。大倉充裕。

實錄卷五十五

四

江浙地方年來頗有歉收。州縣應酌量截留漕米。分貯各處。江寧原留五萬石。今再截留十萬石。蘇州原留八萬石。今再截留二萬石。安慶截留十萬石。杭州原留十萬石。今再截留十萬石。皆於本年一起兌內。就近截留。令地方官加謹收貯。至應動用之時。著該督撫題請。兩部即遵諭行。和碩誠親王允祉等以

御製律呂正義進呈。得旨。律呂歷法算法三書。著共為一部。名曰律歷淵源。以故一等精奇尼哈番殷達弟歸化城副都統希福襲職。理藩院題喀爾喀輔國公車禮布穆故。查伊封冊內並無世襲字樣。應否襲爵。相應請旨。得旨。著伊子葛

勒克巴木批爾襲封輔國公○丙辰。

上詣

皇太后宮問安。

上巡幸塞外。命皇子多羅敦郡王允禔。皇十二子固山貝子允禔。皇十五子允禔。皇十六子允禔。皇十七子允禔。隨駕。是日自暢春園啟行。駐蹕南苑。命和碩簡親王雅爾江阿為纂修。

玉牒總裁官。內閣大學士蕭永藻。主撰學士查弼納。禮部右侍郎荆山。為副總裁官。旌表浙江烈婦李子嘉妻陳氏。拒姦殞命。給銀建坊如例○丁巳。

上駐蹕瓊寺○戊午。

上駐蹕獅子營○己未。

上駐蹕密雲縣○庚申。

上駐蹕達亭○辛酉。

上駐蹕古長川地方。裁山東東兗道缺其所屬州縣事務統歸兗州東昌兩府管理○壬戌。

上駐蹕鞍子嶺○癸亥。

上駐蹕花峪溝地方。諭領侍衛內大臣等曰。今有人條奏。應頒予領侍衛內大臣印信者。朕思三旗之領侍衛內大臣。共給一印。即可以足用。至於八旗事務俱屬一體。左翼右翼都

統每翼給一印。前鋒統領護軍統領亦每翼給一印。遇有應行事件。著會同押印咨行○甲子。

上駐蹕東莊地方。諭諸皇子允禔。因伊母二週年往祭。事畢。理應趨赴行在。乃允禔於朕駐蹕達亭之次日。以將斃鷹二架。遣太監一名親隨人一名來請朕安。言伊在湯泉等候。回京。並不請旨。親視朕躬。朕因憤怒。心忤幾危。允禔係辛者庫賤婦所生。自幼心高陰險。聽相面人張明德之言。遂大背臣道。覓人謀殺二阿哥。舉國皆知。伊殺害二阿哥。未必念及朕躬也。朕前患病。諸大臣保奏。八阿哥。朕甚無奈。將不可冊立之允禔放出。數載之內。極其鬱悶。允禔仍望遂其初念。與亂

臣賊子等。結成黨羽。密行險奸。謂朕年已老邁。歲月無多。及至不諱。伊曾為人所保。誰敢爭執。遂自謂可保無虞矣。朕深知其不孝不義情形。即將所遣太監馮進朝等於朕所御帷幄前。令眾環視。逐一夾訊。伊已將黨羽鄂倫岱阿靈阿盡皆供出。自此朕與允禔父子之恩絕矣。朕恐後日必有行同狗彘之阿哥。仰賴其恩。為之興兵。構難逼朕遜位。而立允禔者。若果如此。朕惟有含笑而歿已耳。朕深為憤怒。特諭爾等。眾阿哥俱當念朕慈恩。遵朕之旨。始合予臣之理。不然。朕日後臨終時。必有將朕身置乾清宮。而爾等執及爭奪之事也。允禔因不得立為皇太子。恨朕切骨。伊之黨羽亦皆如此。二阿

哥特逆屢失人心。允禔則屢結人心。此人之險實百倍於二阿哥也。○乙丑。

上駐蹕老牛河地方○

上覽允禔奏摺。諭諸皇子曰。朕前命將雅齊布夫妻充發。乃敢違旨潛匿在京。朕已差官將雅齊布等正法。此事與二阿哥釋放應正法之得麟相似。豈非藐視朕躬而為此舉乎。伊摺內奏稱寬抑試問伊所謂寬抑者何在。總之此人黨羽甚惡。陰險已極。即朕亦畏之。將來必為雅齊布等報仇也。○吏部議覆四川陝西總督鄂海疏言。山西蒲州陝西朝邑疆界相連。百姓每因爭地相關。且朝邑縣治在河以西。而所屬王家莊等處及大慶關皆在河東。與山西接界。請將同州州同移駐大慶關。撥潼關千總一員移駐王家莊。以資防禦。應如所請。從之。○丙寅。

上駐蹕兩家寨地方○諭諸皇子允禔甚是狂妄。竟不自揣。伊為何等人。於復廢二阿哥之時。朕前密奏云。我今如何行走。情願臥病不起。朕云。爾不過一目勒。何得奏此越分之語。以此試朕乎。伊以目勒存此越分之想。探試朕躬。妄行陳奏。豈非大奸大邪乎。○丁卯。

上駐蹕雅圖溝地方○戊辰。

上駐蹕多輝昂阿地方○

十二月己巳朔。

上駐蹕呼斯台昂阿地方○雲南巡撫吳存禮于母憂。命回旗守制。予故甘肅提督贈署都督僉事江琦祭葬如例。○辛未。

上駐蹕西拉烏蘇地方○壬申。以故三等阿思哈尼哈番單巴子厄爾德尼襲職。免江南鎮江儀徵揚州三衛本年分旱災額賦有差。○癸酉。

上駐蹕特布克地方○賜喀喇沁隨圍蒙古官兵銀幣有差。○甲戌。

上駐蹕鶯圖地方○先是吏部以大學士溫達員缺。開列尚書

富寧安等請旨。本留中。至是諭吏部曰。溫達補授大學士以來。寬厚簡靜。今雖年老告退。尚自康健。著仍在大學士任辦事。○轉工部右侍郎常泰為左侍郎。以廣東巡撫滿不為工部右侍郎。陞內閣學士傅爾丹納為戶部右侍郎。內閣侍讀學士渣克旦為內閣學士。兼禮部侍郎。少詹事王奕清為詹事府詹事。陞正黃旗滿洲副都統拜音佈為正紅旗蒙古都統。右翼前鋒統領瑯圖為正黃旗蒙古都統。仍兼前鋒統領。正紅旗護軍統領騰額特為鑲藍旗蒙古都統。鑲紅旗蒙古副都統宗室訥音圖為正紅旗護軍統領。以鑾儀衛冠軍使伯欽拜為鑲藍旗蒙古副都統。陞山東登州總兵官李雄

為杭州左翼副都統。王府長史覺羅舒魯為正白旗蒙古副都統。調正紅旗蒙古都統瑚世巴為鑲藍旗滿洲都統。正藍旗蒙古副都統伯索訥穆喇錫為右衛左翼副都統。正白旗蒙古副都統溫普為正藍旗滿洲副都統。正白旗漢軍副都統蘇木為正藍旗滿洲副都統。乙亥。

上駐蹕鄂倫特畢喇地方。以浙江巡撫王度昭為工部右侍郎。以總督倉場戶部侍郎施世綸為雲南巡撫。阿霸垓多羅卓里克圖郡王畢穎故遣官致祭。丙子。

上駐蹕八溝地方。丁丑。

上駐蹕三家子地方。戊寅。

御錄卷五十五

九

上駐蹕楊樹溝地方。己卯。

上駐蹕二溝地方。庚辰。

上駐蹕張家莊。辛巳。

上駐蹕熱河行宮。陞光祿寺卿達禮虎為內閣學士兼禮部侍郎。免湖廣沔陽州潛江縣及沔陽衛本年分水災額賦有差。兵部議覆都察院左部御史揆敘疏言近聞在京各省提塘及刷寫報文者除科抄外將大小事件採聽寫錄名曰小報送與各處。甚至任意捏造駭人耳目祈嚴加禁止庶好事不端之人有所畏懼等語。應如所請嚴行禁止違者從重治罪。從之。旌表湖廣鍾祥縣烈女邵世錦聘妻張氏夫

亡往哭守柩姑舅遣歸絕食五日而死。給銀建坊如例。癸未。

上駐蹕喀喇和屯。陞左副都御史呂復恒為總督倉場戶部右侍郎。以內閣學士徐元夢為浙江巡撫。免湖廣嘉魚等八州縣及武昌等二衛本年分旱災額賦有差。甲申。

上駐蹕鞍子嶺。乙酉。

上駐蹕邊橋試馬臺。河南巡撫鹿祐以病乞休。允之。調偏沅巡撫李錫為河南巡撫。丙戌。

上駐蹕遙亭。宗人府題奉國將軍勒塞禮因病乞休。應以其子達里祐照例降一等襲奉恩將軍。從之。戶部議覆陝西

御錄卷五十六

十

道御史周祚顯疏言直隸各省起解各項錢糧物料到部。司務廳將批文存案。呈堂之後即委之庫官任其勒索。延及數月尚不兌收。庫官與胥吏通同作弊。解員熟識者竟以銀兩輸入庫官之家。虛給回批。此盜取之實情。請自今凡解錢糧物料到部。批文呈堂驗明。即示兌收日期。不得延逾五日。屆期滿漢堂官當面收兌。交與庫官員即發批回。如有淹留時日已攬勒索等弊。即指名糾參。應如所請。從之。刑部議覆陝西道御史周祚顯疏言近京畿輔之地旗民雜處。一應詞訟解部候實。以致牽連拖累者多。請敕下各該部凡關毆賭博以及田產等事。未必令其解部。交與理事同知審理詳

報巡撫完結。違者照滋事擾民例參處。應如所請。從之。工部議覆河道總督趙世顯疏。言下家汪及山陽縣運河西岸地洞口一帶隄工俱宜加長修築。以資捍禦。應如所請。從之。

丁亥

上駐蹕密雲縣。戊子。

上駐蹕南石槽地方。先是商人馬維屏等以願領大錢收買

小錢叩闕。

上命內務府同戶部會議。戶部尚書趙申喬以其事不可行。而郎中羅復晉將准行議稿。送侍郎王原祁。廖騰峰畫題具奏。不曾送伊畫題。疏請罷斥。至是迎

駕。

上命近前問曰。爾欲告退何意。趙申喬奏曰。司官藐視無顏。居職。

上曰。凡事有理不可尚氣。君子懲忿窒慾。此語最宜詳思。此小事。司官藐視即當參拏。何必忿怒。且寬則得衆。爾性苛急。不能容人。向任巡撫時。所參官員有身自知之而參者。亦有因人言而參者。果皆實耶。天地之大德曰生。所謂好生者。非但不殺而已。蓋於萬物皆養育而保全之之謂也。爾居官雖清。豈可自恃其清。而為矯激之行乎。隨將原疏批發。趙申喬身係大臣。非微員可比。此事若斷不可行。理應具疏陳奏。乃

為無可控告之狀。輒欲乞休。殊屬不合。著連入部辦事。○諭大學士等曰。布政使年欽元居官好。巡撫張伯行題參年欽

元交通海賊。此皆伊多疑所致。朕曾遣張鵬翮往審。尋張鵬翮摺奏。時朕批令張鵬翮同張伯行領兵於有海賊之處。親身往拏。總督赫壽聞此消息。坐小船往黃天蕩探察。方知張伯行所言皆虛妄耳。張伯行又奏。噶禮下人甚衆。恐欲殺伊。為噶禮報仇。此亦無影響之事。特因向年欽元索幕賓。不得遂起營端。總督巡撫皆有幕賓。若為此生疑。尋隙。亦非為大臣之體。清官多刻刻。則下屬難堪。清而寬。方為盡善。朱子云。居官人清而不自以為清。始為真清。又如易云。不家食。為官

之人。凡所用之物。若皆取諸其家。其何以濟。故朕於大臣官員。每多包容之處。不察察於細故也。人當做秀才時。負笈徒步。及登仕版。從者數人。乘馬肩輿而行。豈得一一問其所從來耶。又諭曰。直隸各省州縣官。或革職。或被參解任。或身故。妻子尚能回籍。其縣丞主簿典史。驛丞等微員革職解任。身故者。無力回籍。羈留異鄉。不免凍餒。甚至有全家死亡者。即使犯罪至死。亦與妻子無涉。甚屬可憫。且如各地方鰥寡孤獨。不能度日。尚設立養濟院。以育養之。此等微員理應撫恤。嗣後將伊等作何令回原籍。爾等與九卿會議以聞。尋大學士等議。行文直隸各省。如有縣丞等微員革職解任身

故無力回籍者該督撫設法令回原籍無致失所從之○陞宗人府府丞董弘毅為都察院左副都御史內閣侍讀學士勒什布為內閣學士兼禮部侍郎陞參領李樹德為山東登州總兵官免江南上元等四十八州縣衛所本年分旱災額賦有差 己丑

上回駐暢春園詰

皇太后宮問安免浙江山陰蕭山宣平三縣本年分旱災額賦有差刑部題查律內追贓人犯監追至一年以上將正犯發遣拘家屬監追如無家屬仍將正犯監追又監守常人盜侵欺人犯贓至二十兩以上限一個月二百兩以上限三個月果能通完俱減等近軍流等犯贓銀追完方行發遣因

書錄卷一百一

年

此有家產者畏發不肯清還定例承追止罰俸一年督催上司並無處分所以追比不力嗣後追賠贓銀及分賠等項文到之日限一年通完死犯減二等軍流等犯俱免罪追完三百兩以上承追官每案紀錄一次督催知府直隸州每三案道員每五案督撫布按每十案並紀錄一次如不完承追官罰俸一年督催知府直隸州罰俸六個月司道督撫罰俸三個月再限一年追完如完減等若再不完軍流充發死罪監追承追官降一級留任督催知府直隸州罰俸一年司道督撫罰俸六個月再限一年著落妻子追賠限內能完承追官

開復若不完調用督催知府直隸州降一級留任司道督撫罰俸一年如果家產盡絕保題豁免倘題後另有房產錢財人口俱入官出結官革職督催知府直隸州降二級調用司道降一級留任督撫罰俸一年所欠銀米出結官賠補武職官亦照此例交旗人犯死罪仍監追軍流等犯暫停枷責亦限年追比其佐領驍騎校照承追官參領照督催知府直隸州都統副都統照督撫布按紀錄處分又承追官不著落犯人妻子將親族濫行追賠者革職得旨依議該管上司如有勒逼出結之事屬官不行出首者著從重治罪○庚寅浙江巡撫徐元夢雲南巡撫施世綸陸續

年錄卷一百一

五

上諭徐元夢曰浙江有滿洲將軍駐劄凡滿洲兵商當與將軍協同訓練浙江錢糧虧空不多即畧有之商宜清理無累百姓至於用人宜隨材器使不可求全謹遵朕諭無忽諭施世綸曰爾居官聲名甚好但過於偏執不度事理惟以己所知者為是天下凡事當中道而行今為封疆大臣理宜盡改前非不可拘執己性雲南年來米價騰貴地方甚遠倘遇災荒難於賑救爾宜留心料理至馭下屬務以寬恕為本諭大學士等部院衙門不曉事人甚多若不革退則有才能之人安得陞轉學士沈涵人甚不及著革退 辛卯

上詰

皇太后宮問安○調正紅旗蒙古副都統雍吉納為正黃旗滿洲副都統陞護軍參領宗室勒特渾為正紅旗蒙古副都統護軍參領覺羅伊敦為鑲紅旗蒙古副都統護軍參領覺羅英柱為正白旗漢軍副都統一等侍衛尼雅哈楚為正藍旗蒙古副都統陞左庶子黨阿賴為光祿寺卿兵部議覆四川陝西總督鄂海疏報洮岷所屬邊外生番喇子等一十九族頭目扎世咱等歸誠番地週圍約有千餘里計一千二百九十二戶男婦大小共八千四百十六口請令土司楊如松管轄應如所請從之壬辰諭大學士等戶部尚書趙申喬保舉潮州知府張應詔准其陞補兩淮運使但趙申喬又奏張應詔為郎中時寓居寺院能耐貧苦授知府不製衣服隨從數人果如此言殊為未當為清官者並不係於貧富張伯行家道甚饒任所日用之物皆取諸其家足跡所至防人謀害隨從四五十人今以為不清可乎且巡撫管理軍務一應兵丁宜鼓舞作興常加恩恤今以己為清官獨市餅餌而食兵丁賞賚不及豈合於理凡事皆有道理為官之人不取非義之財一心為國効力即為好官或操守雖清不能辦事無論諭旨批駁與部駁之事積年累月弊不完結似此清官亦何裨於國事乎以福建陸路提督楊琳為廣東巡撫陞福建臺灣道陳璘為偏沅巡撫 癸巳

孝莊文皇后忌辰遣官祭暫安奉殿

上奉

皇太后自暢春園回宮丙申歲暮禋祭

太廟遣領侍衛內大臣公傅爾丹行禮遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵遣官祭太歲之神

上詣

皇太后宮問安丁酉賜朝正外藩科爾沁烏朱穆秦高齊志

喀喇沁鄂爾多斯土默特杜爾伯特敖漢翁牛特毛明安喀

爾喀尼魯特巴林阿霸垓蘇尼特王貝勒貝子公台吉及內

大臣大學士侍衛等宴旌表八旗節婦滿洲西蘭妻楊氏

等一百一十三人蒙古班濟達妻薩氏等十九人漢軍徐廷賓

妻王氏等三十三人直隸各省節婦石函喻妻李氏等一百

三十一人。貞女高其序。聘妻楊氏等四人。孝子宋貞儒等三人。各給銀建坊如例。是歲人丁戶口二千四百六十二萬二千五百二十四。又永不加賦滋生人丁十一萬九千二百二。田地山蕩畦地六百九十五萬七百六十四頃九十畝有奇。徵銀二千九百八十九萬三千二百六十二兩五錢有奇。米豆麥六百八十三萬一千六十六石有奇。草四百四萬六千二百七十四束。茶三十四萬一千四百二十四引。行鹽五百九萬九千八百五引。徵課銀三百七十四萬一千一百二十四兩有奇。鑄錢三萬八千六百五十五萬九千九百有奇。

實錄卷六十一

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十一

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十二
康熙五十四年乙未春正月戊戌朔

上詣

堂子行禮還宮拜神畢率諸王貝勒貝子公內大臣大學士侍衛等詣

皇太后宮行禮御殿王以下文武各官外藩王及使臣等上表朝賀停止筵宴。朝鮮國王李焞遣陪臣李澤等表賀冬至元旦

萬壽節及進歲貢禮物宴安如例。順天府進春。己亥。

實錄卷六十二

十

上奉

皇太后幸暢春園。甲辰

世祖章皇帝忌辰遣官祭

孝陵。乙巳

上詣

皇太后宮問安。丙午孟春享

太廟遣吏部尚書富寧安行禮。遣官祭太歲之神。辛亥以

上元節賜外藩烏朱穆秦嵩齊忒科爾沁喀喇沁鄂爾多斯

土默特克西克騰教漢翁牛特毛明安喀爾喀厄魯特巴林

阿霸哈納蘇尼特王貝勒貝子公台吉等及內大臣大學士

侍衛等宴 壬子元節賜外藩王貝勒貝子公台吉等及內大臣大學士侍衛等宴 癸丑

上詣

皇太后宮問安 中寅諭理藩院今年蒙古地方雪大先曾聽見下雪不知近日如何著派善於馳驛好司官三員令其馳驛出張家口古北口喜峯口三處直至哨地盡處回來凡牲畜被雪倒斃傷損者勿得隱諱因雪大特差爾等看牲畜即以此意告之凡經過旗分俱著問明回來 丁巳

上自暢春園回宮 辛酉祈穀於

上帝

上親詣行禮

上幸暢春園 壬戌

上詣

皇太后宮問安 賜朝正外藩王貝勒貝子公台吉等銀幣鞍馬有差 諭宗人府黑龍江將軍楊福自簡用歷任以來居官敬慎人材壯健著將伊父托克托慧鎮國公爵令其承襲不必入八分 陞直隸天津總兵官杜呈泗為福建陸路提督調山西太原總兵官馬見伯為直隸天津總兵官 甲子諭大學士九卿等科場出題關係緊要鄉會經書題目不拘忌諱斷不可出熟習常擬之題朕常講易及修定天文律呂

實錄卷五十二

十二

實錄卷五十三

十三

算法諸書人人皆知必以此等書擬題爾等皆係應點考試之官雖未派定何人然斷不可以此諸書出題表題亦不可出修書賜書等類不然則人皆可以擬題倖進實學何由而得張鵬翮為主考所出經書策論題皆主理學意義相同彼雖無情弊而所取之人甚多僥倖人殊怨之趙申喬所取解元係倩人代作畏罪逃竄以致人皆不服趙申喬亦無言可以自解然彼不過觀其文章耳其中情弊何由得知故知出題乃大有關係之事再房官亦屬緊要若房官有弊主考亦無如之何今可將一房卷令不同省房官二人同閱如一人有情弊發覺後二人並坐則各知畏懼互相糾察矣部院司官凡進士舉人出身者皆例應分房之人若學問不堪不識文字何以衡文取士伊等宜加考試再五經中式甚屬無益十七八歲之幼穉皆能之不過手敏多寫字耳殊無實學著停止 又諭朕前日考試翰林竟有不能詩文之人詩中有用習坎等字者此因朕素講易經故皆濫用不計切題與否彼皆以荒疎已久為辭部院司官有辦理之事猶可云荒疎翰林理應讀書亦云荒疎可乎今之翰林迥不如昔如熊賜履張玉書張英陳廷敬徐乾學徐元文徐秉義王士正等學問俱佳又如內廷行走及武英殿修書翰林亦較在外翰林不同詩文皆大方總由每日纂修校對之故也 封阿霸琰

台吉德木楚克為輔國公達爾漢以隨征三次嚮導効力故也乙丑以刑部尚書賴都充經筵講官翰林院侍讀學士薩哈布為日講起居注官授多羅平郡王訥爾素之妹為縣主塔邁茶為多羅額駙丙寅諭宗人府貝勒允禔延壽行止卑污凡應行走處俱懶惰不赴著將伊等俸銀俸米及伊屬下護衛官員俸銀俸米執事人等銀米俱著停止

二月戊辰朔祭

大社

大稷遣工部尚書赫奕行禮奉差江南審事吏部尚書張鵬翮等疏參江蘇巡撫張伯行捏造無影之事屢以海中有賊

平定回疆

四

誣奏請將張伯行暫行革職審理得旨張伯行著暫停革職審理伊疏內有不欺君并張元隆夥賊甚多將蘇州米糧買去等語巡撫係地方大吏管轄文武官員且有調兵責任若海中有賊即應率領官兵親身察拏況盛京山東江浙閩粵等處沿海地方設立將軍督撫提鎮水師官兵原為防海張元隆等銀兩雖多沿海一帶官兵豈能盡行賄賂鄭盡心陳尚義等本係海賊頭目朕久已招撫拏獲今張伯行將伊等支吾搪塞希圖完事與伊不欺君之語殊為乖謬張伯行必深知賊巢始奏稱海中有賊務將此賊察拏審明具奏已諭大學士等總漕所管皆窮苦運丁事最冗雜即廷極為

總漕盡心撫恤人皆感悅年年漕船抵通獨早糧米並無虧欠向空船隻亦不致凍阻由其實心辦事區處得宜也昔桑額任內尚因糧船遲悞不免議處以前總漕未有能及郎廷極者昨聞病故甚為軫恤漕運總督職任重大可著雲南巡撫施世綸陞補但其性氣有偏僻處朕前已諭諭之矣廣西提督張朝午疏參新太營參將王啟雲擅自領兵與強人交戰殊屬輕躁請勅部議處

上諭大學士等曰朕觀王啟雲不惟無罪且似有功強人劫掠村莊圍繞州署知州曉諭不解參將有防守地方之責若以起釁是懼設執縛有司刻奪倉庫亦坐視不救可乎強性凶

實錄卷五

五

頑豈得任其恣行昔年陝西番人擅過邊界領兵官理諭不聽遂領標兵五百人深入番地剿之部議照例處分朕從寬降級留任今王啟雲情事畧同議處亦只降級罰俸而已尋兵部議覆王啟雲因強賊猖狂始行剿殺非輕躁動兵之例可比且續經題明傷亡應無庸議從之陞山東布政使甘國璧為雲南巡撫庚午諭大學士等曰部院滿漢司官皆有辦事職任必謹慎勤敏始克稱職如有懶惰昏庸輕浮躁妄生事招搖疾病疲癯者豈容姑留又各省地方官內有大臣子弟及大臣保舉陞任之人恃伊父兄及保舉大臣更或倚藉師生恣意妄行督撫俱不能約束即居官清廉之人亦

應素位而行謹慎自持豈可自恃清廉偏僻固執乎爾等會同九卿詳議具奏尋議覆部院及在外地方官員內如有不盡職者即行糾參倘徇情隱蔽堂官督撫一併議處從之

辛未

上詣

皇太后宮問安

上巡幸畿甸命皇十五子允禩皇十六子允祿隨駕是日自暢春園啟行駐蹕籬笆房直隸巡撫趙弘燮等來朝以原

任內閣學士兼禮部侍郎王之樞補原官以奉天府府尹

郝林為宗人府府丞○免江南江浦縣康熙五十三年分旱

災額賦有差○壬申

上駐蹕長店○癸酉

上駐蹕方關○以工部尚書王頊齡都察院左都御史劉謙為

會試正考官內閣學士蔡升元王之樞為副考官乙亥

上駐蹕王鄉灣○丙子

上登舟泊趙北口以故喀爾喀固山貝子扎木巴子達濟襲

爵○丁丑遣大學士嵩祝祭

先師孔子戊寅

孝康章皇后忌辰遣官祭

孝陵○己卯

御舟泊郭里口○庚辰諭直隸巡撫趙弘燮朕嘗讀無逸篇留

心稼穡久矣去歲臘前瑞雪盈尺時屆陽節細雨連綿輿情

怡悅早得布種矣所慮者起發太盛則收穫之際恐有二疸

之虞爾等徧示民間芸鋤時令苗稍疎預防風蠹朕以民生

為念勸農為本已有所知不得不示特諭壬午

御舟泊段村旌表江寧烈婦戴有功妻薛氏拒姦殞命烈女

孟行可女閨姐拒姦自盡各給銀建坊如例癸未春分朝

日於東郊遣戶部尚書穆和倫行禮○甲申

御舟泊圈頭村乙酉

御舟泊趙北口丙戌遣官祭

先農之神○

御舟泊張青口丁亥遣官祭

歷代帝王○

御舟泊保定縣戊子

御舟泊辛張陞陝西花馬池副將金國正為山西太原總兵

官○己丑

上自楚河港登岸駐蹕响口村諭直隸巡撫趙弘燮朕每年

春間行幸水淀近見民生雖不能家給人足比之往時似覺

差勝但村莊之中誦讀尚少朕思移風易俗莫過讀書況畿

輔之地乃王化所先宜於窮鄉僻野皆立義學延師教讀以

勉勵孝弟可望成人矣爾即徧示村莊俾皆知朕崇文好學之深意 庚寅

上駐蹕馬房地方 辛卯

上至河西務閱新挑河隄岸所築攔水壩挑水壩雞嘴壩諭監修郎中扭牛曰修築甚堅固但隄岸畧低兩岸所立月隄標竿甚好即依此修築其坍塌處亦照舊修理又新挑河內挑水壩三處亦應修築 是日

上駐蹕楊坊 壬辰

上駐蹕邵哥莊 癸巳

孝昭皇后忌辰遣官祭

實錄卷六十一

陵

上駐蹕南苑○鑲藍旗滿洲副都統剛元以管兵不嚴革職

鑲紅旗漢軍副都統王鈺以人才不及革職 命戶部尚書

趙申喬管錢法堂事 戶部議覆奉天府尹郝林疏言奉

錦兩府多係招徠民人恐愚民一時窘迫將子女賣與別省

人攜去或典賣旗下請勅部定議作何禁止又旗民地土雖

各有圈開界分但互相交錯易於侵占以致爭競且貪占已

成熟田必不肯盡力以墾未開荒地亦請勅部通行嚴飭勿

許侵占以杜爭端查奉天民人原與他省不同嗣後有將子

女賣與別省人及旗下者將買賣之人照滿洲蒙古一應人

等賣與漢軍民人例治罪州縣官分別知情與否罰俸其旗

民有不於所圈界內墾荒而侵占熟田者照定例治罪得旨

奉天地方旗民雜處生事之人及盜賊人命之事甚多必照

駐防省分旗民分居方可無事亦於地方有益著九卿會同

議奏尋議覆應令奉天將軍府尹將奉天城內外旗民作何

分開居住定議具題到日議奏從之 甲午調福建陸路提

督杜呈泗為江南提督江南提督穆廷斌為福建陸路提督

乙未

上回駐暢春園詣

皇太后宮問安 貴州大定總兵官王鳳以病乞休允之○旌

實錄卷六十二

表陝西烈婦吳氏拒姦殞命給銀建坊如例

三月丁酉朔

上詣

皇太后宮問安 戊戌清明節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 宗人府題右宗正貝勒延壽行止卑污人甚懶惰應革去宗人府右宗正從之○領侍衛內大臣公傅爾丹以懶惰託疾革領侍衛內大臣職 己亥先是

上以蒙古地方大雪命理藩院遣官閱勘牲畜倒斃缺食窮困人等至是回奏得旨散賑之事勢難速達吳喇忒等旗居近黃河蒿齊忒阿霸珍阿霸哈納蘇尼特等旗有達爾諾爾郭果蘇泰察漢諾爾諸水可先教其捕魚為食每處派新滿洲三十人併造船人等遣理藩院司官帶網前去教導蒙古人等其作何運給米糧及給與牲畜養贍之處理藩院速議具

賞錄奉聖主

十

奏○庚子諭吏部趙弘燮簡任直隸巡撫已屆十年勤勞供職旗民輯睦京畿重地趙弘燮著加總督職銜仍管理巡撫事務○陞直隸巡道李成龍為山東布政使司布政使 辛丑

上詣

皇太后宮問安 以正白旗護軍統領陸森署理寧古塔將軍事 壬寅陞左僉都御史邵觀為奉天府府尹 甲辰

上詣

皇太后宮問安 乙巳

上自暢春園幸湯泉○丙午

上回駐暢春園詣

皇太后宮問安 庚戌皇三子和碩誠親王允祉恭請

上幸王園進宴 辛亥奉差江南審事吏部尚書張鵬翮等疏叅張伯行現任巡撫不肯實供其屬員又不敢實証請將張伯行革職審究得旨張鵬翮等係特遣審理此案大臣欽交事件應盡心審明原委具奏海中如果有盜賊張鵬翮等應同張伯行親往賊巢查拏審明若海中無賊張伯行前奏不欺君之語平謬顯然如此則事之是否自明其有應行請旨之處宜具奏候旨審理乃屢次前往未能徹底審明希圖苟且完事朦混結案今又請將張伯行革職嚴審殊玷官箴此

賞錄奉聖主

十一

事仍著張鵬翮阿錫鼐前往徹底審明具奏○壬子理藩院遵旨議覆蒙古被雪損傷牲畜吳喇忒等十四旗缺食之人酌量速運附近糧米散給兩月其三吳喇忒毛明安喀爾喀貝勒詹達古米此五旗應將湖灘河朔存倉米石散給其四子部落二蘇尼特此三旗應將張家口存倉米石散給其二阿霸珍二蒿齊忒二阿霸哈納此六旗應將唐三營存倉米石散給其米石派八旗佐領下官駝運往戶部理藩院各派司官一員會同該扎薩克等查明散賑又察哈爾八旗缺食人等戶兵二部各派官會同察哈爾統領等將各該旗存倉米石算至秋收酌量散賑得旨所派官員帶領八旗兵丁駝

駝前去若駝有倒斃運米不到失落拋散必致悞事著戶部尚書穆和倫前去查看又喀爾喀厄魯特蒙古侍衛執事人等亦著派往 甲寅

萬壽節停止朝賀筵宴 遣官祭

福陵

昭陵

暫安奉殿

孝陵

仁孝皇后

孝昭皇后

實錄卷二六二

三

孝懿皇后陵遣官祭真武東嶽城隍之神戊午

上詣

皇太后宮問安奉天府府尹邵觀陞辭以詢問事情全不能奏對革職吏部議覆湖廣監利等縣江隄衝決應照舊河例將總督以下各降三級留任

上諭大學士等曰江隄與河隄不同黃河之流無定時有移徙故特設河員看守隄岸江水從不移徙偶有泛濫亦非人力所能保護該部引黃河例將地方官議處悞矣本發還再議尋議覆總督以下應分別罰俸從之庚申諭阿霸垓輔國公德木楚克等從前四十九旗田禾不收以致大饑朕施恩

給以米糧又賞牲畜嗣因大雪牲畜殆盡朕復施恩如前爾等三年內已漸致富又七旗喀爾喀為噶爾丹所敗牲畜帳房全無單身來歸者朕恩賜米糧牲畜等物不令死傷一人拯救以後當逾舊日今爾等十餘扎薩克蒙古縱多不過萬數令爾等富足甚易但爾等目今窮困救濟宜速而運米勢需時日故先教以捕魚資食以待米至給散至其後施恩養贍處朕現在籌畫二三年內可使致富也爾等徧諭衆蒙古知之 辛酉

上詣

皇太后宮問安癸亥諭大學士等自古帝王敬天勤政凡遇

實錄卷二六三

三

垂象必實修人事以答天戒今歲四月朔日蝕望又月蝕凡關係國計民生或有應改應行之處爾等會同九卿詳議以聞尋議覆現在政事實無可更改之處

上諭曰朕有所見數事特諭爾等天下承平久矣自昔太平日久必生事端今內而各部院大臣外而各省督撫提鎮漸耽逸豫於事稍涉疎忽夫治益求治安益求安制治於未亂保邦於未危朕之素志也爾等宜皆體朕慎終如始之意共勸久安長治之業至於一切頌揚之文俱屬無益朕見近來頌聖之語殊多悉應停止凡事皆宜務實何必崇尚虛文即如爾等師生之間一發議論即互相推贊書札來往亦大都樊

舉過情此甚無謂也又如注書一事所繫匪輕必深識古人之意得其精要乃可注解若學力未到妄自注輯則意義反晦矣朱子所著諸書其義甚明迄今五百餘年人無訾議朕每見近今人所注書細探其旨大約皆私意為人如張伯行所作有一部書全為湯斌一人其他書亦有為明時數人者皆伊同鄉人也至於近思錄乃朱子之書義甚明晰何必更注且朱子亦言其中尚有數處未妥可見著書誠非易事朕所諭數者俱於世道人心大有關係爾等宜皆識之戶部議覆署奉天將軍前鋒統領伯唐保住疏言盛京近海錦州等處米運至直隸山東發難請將直隸山東船隻撥往運送應如所請

實錄卷三

十四

上諭大學士等曰唐保住所奏及部議俱非將此米留本處限定數目往來客商有願買者糶之即可完矣何用撥船往運耶陞陝西洮岷副將張弘印為貴州大定總兵官浙江温州總兵官胡泮以病乞休允之甲子調正紅旗蒙古副都統宗室勒特渾為鑲藍旗滿洲副都統陞鑲藍旗步軍副都統宗室巴賽為正紅旗蒙古副都統以廣東碣石總兵官陸臣揚為鑲紅旗漢軍副都統乙丑諭領侍衛內大臣等曰朕常講論天文地理及算法聲律之學爾等聞之輒奏曰皇上由天授非人力可及如此稱譽朕躬轉掩却朕之虛心勤

學處矣爾等試思雖古聖人豈有生來即無所不能者凡事俱由學習而成務學必以敬慎為本朕之學業皆從敬慎中得來何得謂天授非人力也賜內廷行走舉人梅穀成一體殿試

實錄卷三

十五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十二

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十三

康熙五十四年乙未夏四月丙寅朔日食 享

太廟遣領侍衛內大臣公阿靈阿行禮

上詣

皇太后宮問安 丁卯策試天下貢士李錦等於太和殿前制

曰朕誕膺圖歷仰承

天眷蒙宇乂安五十餘年惟是夙夜祇懼宵旰不遑冀庶績咸熙進斯民於仁壽之域而猶念大業戒於鮮終日與內外諸臣動色咨儆欲其以惕厲者居心廉平者盡職庶多士無奇

聖祖實錄卷之二百六十三

衷之學而疆宇有磐石之安故教幾圖治未嘗一日釋諸懷也夫自古帝王必謹小慎微克終厥德乃能底於久安長治之祿書曰儆戒無虞又曰無怠無荒是以永保天命懋登上理今者承平日久朝野內外保無有習於恬嬉以疎畧而漸幾叢勝者乎夫兢業所以保泰要安或致肇功其相與維持警戒益求致治保邦之道宜若何以副朕意歟記曰大臣法小臣廉周官六計弊吏皆冠以廉則廉固居官所首重矣然廉非緣飾之具綜核或近於煩苛膠滯亦鄰於偏執非所以表平庶司錫福兆民也茲欲大小臣工奉公潔已無矯情干譽之弊養和平惇大之風其道何由儒者著書立說薈萃

聖祖實錄卷之二百六十三

言務期闡明大道折衷於至當古來聖賢經傳純粹以精先儒論著疏通易曉即不立注解其義自明而或逞其臆見人自為書家自為說或假以立名或用以阿世使聖賢精意反因之而滋晦其何以芟刈繁雜倡明正學歟至揆文奮武國家並重故有百年不用之兵無一日可弛之備古者蒐苗獮狩皆以講武而克詰戎兵即在庶獄庶慎之後今雖六宇蕩平戈甲永息而訓練之方可遂忽焉不講歟夫紀律不明則無以申賞罰休養不至則無以協衆心其必綏輯有方恩威並著然後將士多干城之寄中外享教寧之福歟夫上下交儆斯百爾砥潔清之操儒生識道義之宗文教覃敷國威永振凡皆治益求治安益固安所以保泰持盈者無以踰此多士留心經濟久矣其詳著於篇朕將親覽焉 戊辰

上詣

皇太后宮問安 內閣學士達禮虎以年老乞休允之 己巳

上自暢春園回宮 庚午

上御太和殿傳臚賜殿試貢士徐陶璋等一百九十人進士及第出身有差 諭吏部凡月選官員與民最親有關地方故令九卿驗看今並未將劣員舉出嗣後月選官員內有出身不明或係人家僕或捐還原職官員內從前居官有劣蹟者九卿各據所見即行指出與其到任參劾不若初選時黜退

地方亦不受害如此則吏治咸修民生大有裨益將此傳諭九卿旌表河南烈女鄭維德義女喜孜拒姦殞命湖廣烈婦任邦畿妻何氏拒姦自盡各給銀建坊如例是月

上幸暢春園(辛未理藩院題先經青海右翼貝勒戴青和碩齊察漢丹津等奏稱裏塘地方新出胡必爾汗寶條達賴喇嘛轉世懇求冊封其從前班禪胡土克圖及拉藏汗題請安置禪榻之胡必爾汗是假等語蒙

皇上睿鑒以伊等俱願寶汗子孫欲使共相和睦若將此胡必爾汗留住青海恐其弟兄內或起爭端特遣侍衛阿齊圖等前往諭令將裏塘之胡必爾汗送京觀看又遣主事衆佛保

實錄卷五十一

上

往班禪處問此胡必爾汗之真假續經戴青和碩齊等奏請俟來秋送至京師奉旨著將裏塘胡必爾汗暫於西寧口內寺廟居住今侍衛阿齊圖疏言主事衆佛保自班禪處回據班禪稱裏塘胡必爾汗是假而戴青和碩齊等堅求親往班禪處問其真假應令阿齊圖等傳集青海兩翼諸貝勒台吉等於會盟處宣示

皇上仁愛之意及班禪送來印文令將胡必爾汗送至紅山寺居住從之(壬申)

上詣

皇太后宮問安(諭理藩院阿霸琿王畢額阿霸哈納貝勒索

諾穆利布堪二旗分缺食貧窮之令務須豐裕養贍著議奏

尋理藩院議覆應將二旗窮丁自十歲以上每口給乳牛一頭母羊三隻其無牲畜台吉每口給乳牛一頭母羊五隻派部院大臣一員及臣院司官一員前往散給得旨著工部侍郎常泰去餘依議(甲戌內閣學士鄂齊瑛以病乞休允之)(乙亥先是太常寺題請將新定樂律載入典訓得旨此樂本明朝所作審定原好但因年久樂律舛錯聲音畧有不同朕為正之並非出於敕造今此告成之事不可全歸於朕大學士同九卿等會議具奏至是禮部等衙門題覆樂器相沿歲各制度漸善音律多舛

實錄卷五十一

上

皇上深究元音釐定損益制度協中音韻合宜恭請欽定樂章擬定樂名并將起造告成年月制度一併注明載入典訓昭垂萬世報聞(丙子調福建漳州總兵官許鳳為浙

江温州總兵官廣東高雷廉總兵官趙文壁為福建漳州總兵官陞總河督標副將陳昂為廣東碣石總兵官(丁丑予故貴州威寧總兵官韓忠祭葬如例(戊寅)

上詣

皇太后宮問安(陞內閣侍讀學士星峨泰翰林院侍講學士長壽俱為內閣學士兼禮部侍郎(己卯甘肅提督師懿德疏報四月初二日喀密扎薩克達爾漢白克額敏咨言厄魯

特策妄阿喇布坦遣兵至其北境侵掠五寨初三日又言賊兵於三月二十五日抵哈密城下臣檄肅州總兵官路振聲領兵先赴哈密臣俟出厥馬調到即親身往救得旨策妄阿喇布坦遣兵侵掠哈密肅州總兵官已領兵往救應再發西安滿洲兵三千總督標下營兵二十甘肅提督標下兵亦酌量派出星急前去救應再行文青海左翼及喀爾喀扎薩克等各令防備著議政大臣會同理藩院大臣速議具奏議政大臣等隨遵旨議覆西安滿洲兵令將軍席柱與副都統一員帶領總督標下兵令副將一員帶領甘肅提督亦令帶領標下兵俱於文到三日內啓行兵馬錢糧令西安巡撫永

實錄卷二百六十三

五

泰沿途料理此三處兵應派大臣一員前往調遣選厄魯特巴爾虎大臣侍衛官員等帶至軍前以備偵探賊踪之用西寧嘉峪關兩路各設驛站派筆帖式坐臺西寧青海等處事務令侍衛阿齊圖等暫駐西寧料理青海左翼與哈密相近貝子阿拉布朱兒與噶斯路相近西寧及四川松潘俱與青海相近皆應行文各令整備現今甘肅兵丁俱調出口應調涼州兵一半至甘肅要路防守再策妄阿喇布坦現侵哈密未必不至喀爾喀地方應派大臣一員前往傳諭喀爾喀并厄魯特王策零旺布公多爾濟色卜騰茅海輝特公羅卜藏等各令預備得旨依議今總兵官路振聲現率標兵前往路

振聲係諸練行間之人朕所稔知如策妄阿喇布坦兵少此兵足以制之彼若擁衆而來我兵似覺不足必須詳加籌畫相機而行著速行文提督至爾等所議三處兵派一大臣總統調度此兵乃西安將軍所管之兵將軍親往不便又令大臣管轄應派一能辦事大臣與將軍公同商酌而行著吏部尚書等安馳驛前往派新滿洲侍衛十員前往効力現派法腦著隨富寧安前去祁里德原係大臣著授為散秩大臣馳驛前往推河亦派新滿洲侍衛前往著將呢牙韓楚妻徵額派出隨去厄魯特巴爾虎侍衛官員亦令挑選帶往 庚辰

實錄卷二百六十三

六

上詣

皇太后宮問安 諭議政大臣等策妄阿喇布坦作何舉動雖不得知其實其到我哈密地方便不可為虛若彼傾國而來勢有萬餘我一總兵之力微有不足不可不預為周備也應著右衛兵即刻預備八旗察哈爾厄魯特巴爾虎兵內挑選千名發往歸化城如用右衛兵時令其一同前往鄂爾多斯及厄魯特阿寶額駙之兵亦應令預備一同前去著詳議具奏議政大臣等隨遵旨議覆右衛兵應選三千名令將軍費揚古預備八旗察哈爾厄魯特巴爾虎之兵選千名令總管銓特爾丹常濟保阿禮渾管領速往歸化城如用右衛之

兵一并遣往右衛察哈爾兵給與六月食米錢糧鄂爾多斯
兵派二十名令王董羅布貝勒甘珠爾管領厄魯特貝勒額
駙阿寶兵五百名歸化城土默特兩旗兵一千名令都統新
泰副都統齊式預備令將軍費揚圖統領兵馬事務再派大
臣一員與將軍費揚圖同行商議管理得旨現有將軍費揚
圖且不必派大臣若嗣後有事著都統新泰為將軍參贊餘
依議諭議政大臣等八旗馬匹俱已出廠著照出廠馬數
令佐領殷寶之家並該佐領人公派給養照常給發錢糧目
下雖稍覺煩難後來究竟有益如有行動則從此騎馬前去
一到口去彼處之馬又到諸凡便益著詳議其給養駱駝之

實錄卷一百一

七

處并著詳議具奏○辛巳奉差軍前辦事吏部尚書富寧安
請訓旨諭之曰朕以爾堪信任故命爾前往軍中凡事俱宜
詳慎若離朕相近猶可指授調遣今相隔甚遠遇有倉猝即
馳驛傳送亦多需時日軍機大事不宜遲緩爾至彼有應調
遣之事不必請旨即與將軍席柱商酌而行董大成吳坤亦
著隨往議政大臣等遵旨議覆八旗出廠之馬共一萬四
千九百一十四匹駝七百九十一隻今照出廠馬駝之數每
佐領下添設馬十七匹八旗共添設駝七百九十一隻交與
八旗喂養照例給與錢糧得旨依議其有不能添設之佐領
著借與庫帑(壬午)

孝端文皇后忌辰遣官祭

肥陵 武新選處占士陳儀等四十五人於暢春園內魏協韓
從上以文理未優仍歸進士班用 予故原任漕運總督郎
廷極祭葬溫溫勒 甲申諭禮部教習進士已滿三年今加
考試其優者以月選官內黜退之缺即用餘令回籍候補
甘肅提督師懿德疏報駐防哈密遊擊潘至善筆帖式常保
住守於三月二十六日率領官兵二百餘人同哈密白克額
敏擊敗策妄阿喇布坦兵於哈密賊退駐城南二十里外得
旨官兵甚少輒奮往爭先殺退二千餘賊深為可嘉所有在
事及受傷陣亡官兵哈密兵應行賜卹之處該部速議具奏

實錄卷一百一

尋兵部議覆應遣臣部司官及理藩院司官各一員於甘肅
巡撫處領帑銀一萬五千兩前往哈密賞賜白克額敏遊擊
潘至善以下及在陣陣亡受傷兵丁等事定日其應議叙及
加恩兵丁處一并議奏從之 諭議政大臣等澤卜尊丹巴
胡土克圖處著派賢能司官一員馳驛前往諭以策安阿喇
布坦二千兵前來被哈密回子額敏並遊擊潘至善等領二
百綠旗兵盡行擊敗殺九十人生擒三人再令胡土克圖速
遣人前往策安阿喇布坦處去云中國至聖皇帝大沛仁恩
欲天下共享太平爾無故發兵被駐扎哈密二百綠旗兵及
哈密回子盡行擊敗今既敗北如何度日何不速遣使至皇

帝前跪請伏罪爾若不如此懇求必加天討衆生靈亦遭塗炭現在滿洲蒙古漢人並喀爾喀厄魯特各處兵俱已整備我係出家人但爲衆生憐惜性命兼念舊好素人指示爾當作速跪請伏罪無貽後悔等語撰寫呈覽具奏發往 予故原任吏部尚書徐潮祭葬如例 授一甲進士徐陶璋爲翰林院修撰繆曰藻傳王露爲翰林院編修 乙酉

上詣

皇太后宮問安 以禮部右侍郎荆山署理總督倉場事務 陞光祿寺少卿朱軾爲奉天府府尹 丁亥諭議政大臣等著派黑龍江兵五百名並打牲索倫打虎兒兵五百名三處

實錄卷二百六十三

九

喀喇沁兵一千名每人各帶長鎗烏鎗其黑龍江及打牲索倫打虎兒兵著從口外往歸化城去喀喇沁兵著乘自有馬匹從本處起程其口糧到湖灘河朔再支領倉米倘糧不足著支領唐三營倉米於八旗出廠馬匹內給喀喇沁兵每人馬二匹如同歸化城察哈爾並右衛預備之兵發往推河地方駐扎則不拘何處俱可去得著議奏議政大臣等隨遵旨議覆右衛察哈爾歸化城之兵已經預備應令將軍費揚古於咨文到日率領起程現在所調黑龍江索倫打虎兒喀喇沁兵令其陸續往推河地方其厄魯特額駙阿寶及鄂爾多斯兵亦令至推河俱聽將軍費揚古調遣得旨喀喇沁兵著

實錄卷二百六十三

十

格勒爾帶往侍衛色楞校爲副都統前去黑龍江兵著副都統白濟帶往索倫打虎兒兵著總管布珠並哈忒虎之子衣里布帶往 又諭喀喇沁兵行期甚速路復遙遠著侍郎覺和托一等侍衛色楞攜內帑一萬兩速往賞賜 諭吏部庶吉士楊繩武等教習年餘今加考試應分別授職除王敬銘任蘭枝魏廷珍已授修撰編修外其庶吉士喬學尹蔣洽秀李元真許玉猷陳治滋萬承蒼張縉曹鑑臨王奕仁劉泌劉自潔景考祥蔣繼軾吳襄蔡嵩王布魯楊繩武莊楷何焯馮嵩校爲編修未曙蔣陳法陳世侃姚三辰輩建豐梅廷對向日貞徐流謙張元懷孫嘉淦張漢董宏吳孝登王國棟陳春英何人龍潘述祖臧爾心朱天保世祿蘇彤紹賈姓史在甲文大漳授爲檢討其唐建中清漢文俱著革退 刑部右侍郎李鴻告假遷葬允之 己丑諭議政大臣等朕經歷軍務年久且曾親統大兵出塞征討凡行兵機務靡不周知今欲用兵兵非不敷但慮路遠餉餉殊難誠能輓輸無悞令全軍得至策妄阿喇布坦之地朕心始慰此兵多係從前在昭莫多烏爾布通屢經對敵之兵且人人懷報効之志若策妄阿喇布坦來戰不論何地制勝有餘再若由噶斯路進兵一萬赴伊里河源抵彼巢穴由哈密吐魯番進兵一萬由喀爾喀進兵一萬前至博克達額倫哈必爾漢地方如此三路進

剿料必成功但其間進止又在臨時相機而行未可預定爾等雖未身歷軍旅既為國家大臣於議此等要事時當詳審籌度務合機宜非可視同泛常也 庚寅

上詣

皇太后宮問安 辛卯

上奉

皇太后避暑塞外命皇三子和碩誠親王允祉

皇四子和碩雍親王 皇七子多羅淳郡王允祐皇十五子

允禔皇十六子允祿皇十七子允禮隨駕是日自暢春園啓

行駐蹕湯泉 諭翰林院選拔庶常原以作養人材今科進

實錄卷一百一

二

士特加簡閱取李文銳張應造吳應楨任中柱汪受祺蔡衍

誥陳儀李錦李克敬梅穀成胡彥穎懷淵中陳邦直楊超魯

曹友夏湯侯李鳳岐張鳴鈞楊克茂朱璋張麟甲趙城成文

凌如煥侯度李天龍裘璉江濟楊鳳岡栗爾璋德齡關啟寶

啓璣宋懷金沈竹籬綸錫吳傳觀蔣林陳世仁冀棟徐學栢

高荀僑潘淳德新等四十四人俱著改為庶吉士分別滿漢

書教習 正黃旗護軍統領宗室薩山以懶惰不赴班革職

陞鑲藍旗滿洲副都統宗室勒特渾為正黃旗護軍統領

癸巳

上駐蹕懷柔縣 甲午

上駐蹕密雲縣 肅州總兵官路振聲疏報臣領兵兼程前往哈密於本月十二日至額爾特木爾地方去哈密百二十里據哨探人來報云哈密人聞

天兵來援老幼歡悅策妄阿喇布坦兵聞信已於初七日遁去

疏入報聞 諭兵部遊擊潘至善率領綠旗兵二百人擊敗

策妄阿喇布坦二千餘眾當此承平日久兵革休息時乃倉

猝聞能如此奮勇直前殊為可嘉前雖諭令賞給朕心猶為

未足今再加恩將此二百名兵丁各給與把總劄付其中陣

亡兵丁十餘人亦給與把總劄付准伊妻子食俸著速議具

奏尋兵部議覆遊擊潘至善等俱應越等陞用從之 諭議

實錄卷一百一

三

政大臣等著遣侍衛一人速往諭喀喇沁此進剿兵丁路途

遙遠可俟料理齊備啓行其調來黑龍江索倫打虎兒等兵

可將策妄阿喇布坦兵戰敗遁去情形傳諭之祁里德處亦

遣司官一人往諭令眾喀爾喀知之厄魯特額駙阿寶輝特

公羅卜藏兵即著此司官差人往諭令其前往哈密駐扎

乙未

上駐蹕遙亭 皇三子和碩誠親王允祉

皇四子和碩雍親王 入見

上籌及西邊用兵之計

皇四子和碩雍親王奏曰當日天兵誅誣噶爾丹時即應將果

妄阿喇布坦一同剿滅因伊畏罪懾服備極恭順是以特賜生全今乃漸漸狂悖居心險詐背負

聖恩種種不恭至於侵擾我哈密干犯王章於國法難以寬貸自當用兵撲滅以彰天討

上深然之 諭議政大臣等軍中糧務甚屬緊要前剿噶爾丹時曾由兩路運米至翁金河乃已經熟識之地而推河與翁金甚近又從前兩路所運之米至回軍時尚未用完度今所用錢糧最多不過三四百萬可以足用著戶部動支正帑運送軍務乃係大事著遣司官二員分往富寧安祁里德處令公同商議策妄阿喇布坦兵已大敗而去今若三路進兵或

實錄卷二六二

上

即行進剿或前逼近彼處遣使招降著富寧安與將軍提督總兵官祁里德與喀爾喀汗王台吉等各詳議具奏喀爾喀汗王台吉等若自度兵力可以進剿固善或再助以我兵及黑龍江索倫打虎兒兵更為妥當再西安甘肅巡撫處著將河東鹽課銀四五十萬解往 又諭殺虎口藤牌烏鎗綠旗兵六百名著副將帶領前往推河令將軍費揚古統領 又諭噶斯口著先派滿洲綠旗兵各一千前往駐防令富寧安就隨去官員內揀一人率領前往

五月丙申朔

上駐蹕兩間房(亭)故原任鑲藍旗滿洲都統車納福祭葬如

例(丁酉)

上駐蹕王家營 喀喇沁多羅杜楞郡王塞稜多羅額駙門都等來朝 戊戌

仁孝皇后忌辰遣官祭

陵

上駐蹕喀喇和屯 翁牛特多羅杜楞郡王和碩額駙蒼津來朝 己亥

上駐蹕熱河行宮 庚子宗人府議奏護軍校賴圖庫妻叩閣告多羅順承郡王布穆巴以

御賜鞍馬給優人乘坐雖在赦前但肆意妄行有玷王爵應革

實錄卷二六二

高

退從之○辛丑教漢多羅郡王鄂爾齋圖來朝(理藩院遵旨議覆蘇尼特旗分無牲畜之台吉壯丁戶口六萬四千九百餘口應給牲畜請將銀兩折給共需銀十萬餘兩動用戶部帑金派部院大臣一員戶部及臣院司官各一員前往賞給得旨著禮部尚書赫碩咨內閣學士長壽去餘依議 壬寅烏朱穆泰和碩車臣親王色登敦多卜來朝 癸卯以故三等阿思哈尼哈番興麟弟京麟襲職 甲辰諭理藩院開被雪各蒙古因朕贍濟並未傷損一人朕甚喜悅蒙古等已知捕魚可將漁船及網給與伊等令其仍在澤傍捕魚而食將所給米糧節省留以度冬又所給牲畜不久蕃息即可漸

致富饒矣。諭議政大臣等哈密為策妄阿喇布坦所侵恐不能生理著甘肅巡撫遣官運送米糧牛羊往賑。乙巳教漢多羅郡王垂穆普爾來朝。丙午

上手書諭諸大臣等聞黑龍江將軍楊福已故朕心軫惻伊人材壯健且係為君為國捨身効力之臣將軍之任甚屬緊要伊子三官保為人甚孝住彼已久熟悉地方情形目今雨水之時家口不可行著十月內來此時著三官保署理俟伊父喪回時奏明再行定奪寫此旨時不覺潛然淚下。賜故黑龍江將軍鎮國公楊福銀一千兩命散秩大臣和碩額駙尚崇義乾清門侍衛傅森等馳驛往弔。命都察院左都御史

實錄卷五十一

五

兼翰林院掌院學士揆叙吏部右侍郎兼翰林院掌院學士湯右曾教習庶吉士。丁未諭八旗都統此番出兵之路甚遠請往効力軍前人內有不能自備盤費者查明啓奏給與糧馬監禁中除重罪大盜外其餘罪輕者若不能自備亦給與糧馬前去効力功成即可以贖罪誠伊等自新之路也。

戊申遣官祭

關聖帝君。科爾沁和碩端敏公主來請安。己酉甘肅提督師懿德疏言臣領兵至西吉木地方據總兵官路振聲報稱策妄阿喇布坦兵已遠遁隨行令路振聲暫駐哈密候旨并撤回涼州官兵臣亦領兵暫回肅州續將擒獲之厄魯特

解送京師外令路振聲因哈密地方無牧馬之處可以駐扎領兵去哈密一日之程移駐塔爾那泰地方有水草處臣思賊雖遁遁而哈密勢屬孤單應令路振聲等暫駐塔爾那泰

地方候旨遵行近奉旨著吏部尚書富寧塞西安將軍督撫等率領滿洲練旗官兵前往救援臣於五月初一日自肅州往甘州以備會議軍務報聞。庚戌大學士溫達故遣皇九子允禔及大臣二員侍衛二十員往奠茶酒。壬子議政大臣等奏遵旨訊被擒厄魯特滿濟據稱我本圖爾古特人我阿玉奇汗之子三濟扎布當年與父有隙率一萬令投策妄阿喇布坦策妄阿喇布坦擒三濟扎布送還圖爾古特盡留

實錄卷五十一

五

我等萬令分給伊屬下寨桑等其來侵哈密之故曾聞年老準噶爾人言去年喀爾喀擒我處阿爾泰打牲一人殺一人又我處貿易之人為哈密人阻截以此欲蹂躪哈密使之殘困其人眾每一部落有千五百戶約共三萬人其微賦俱無定規凡有所需一切向屬下斂取人皆疲敝自和朔特圖爾古特輝特杜爾伯特台吉屬人外策妄阿喇布坦十四部落之今無不怨之去年雪深三尺餘其所居伊里等地方牲畜盡斃其子往攻安箭地方之布魯特被殺者五百人回時又多染疾而死再我國爾古特一萬餘人俱愁苦度日各有戀土之心常思乘變奔回本地或來歸

天朝其來侵哈密衆人皆言策妄阿喇布坦不知自量輕犯天朝若大兵來討何以待之妖孽已現猶不耕食安生甚無謂也奏入得旨策妄阿喇布坦處著遣使分兩路齎諭旨前往將喀爾喀所獲之厄魯特著隨哈密路使臣去哈密所獲之厄魯特著隨喀爾喀路使臣去喀爾喀和碩親王多羅額駙車安扎卜來朝吏部題正黃旗三等公阿爾泰因病解退銷去恩詔所得二拖沙喇哈番餘一等侯應以其弟之子噶爾薩襲替從之○以故三等伯蟒喀子圖璐襲爵旌表直隸烈女張耿女張氏拒姦自盡陝西烈婦王氏拒姦殞命各給銀建坊如例(癸丑)

上以諭策妄阿喇布坦敕書示議政大臣等曰朕經歷軍事甚多今觀滿濟所言策妄阿喇布坦情勢與朕所預料者相合乘彼人馬疲弱之時應兩路興兵扼要駐扎遣使往諭乙卯遣原任員外郎保住由喀爾喀路藍翎克什圖由哈密路各齎諭旨往策妄阿喇布坦處諭曰去年爾衆掠掠步喀爾喀之人故喀爾喀巡哨之兵追逐殺爾打牲一人擒一人而歸我哈密之往吐魯番貿易者因爾亦不令回故從吐魯番處行文與爾不知曾到與否今爾無故領兵二千侵我哈密為我兵二百人所敗而遁今我兵已四路雲集斷難中止從前爾雖狂妄啓奏朕為天下主無不寬宥况爾曾奏云令我

等喀爾喀厄魯特青海之衆皆復舊業以安人衆爾今可令和朔特圖爾古特輝特之人俱回原處與伊兄弟完聚其在我處之輝特朕亦令回原處完聚於阿拉克山居住拉藏汗之子爾可速送還拉藏爾只領準噶爾之衆僻在額爾齊斯居住則已再前給爾準噶爾之衆本我所應有之人彼等亦不願屬爾處爾之人心離異各為身計不但衆人皆知即爾亦自知之爾果欲起兵此等人朕皆當收養誰不欲享太平乃肯為爾冒死耶况我用兵並無掩襲爾常自以為強可親身前來會盟定議不然恐爾又詭稱使臣不能盡達爾言也前爾屢奏所遣使人中途為人阻隔朕因遣使約爾來會爾

又懇奏戶口無幾原不足數且僻在一隅若相近邊境有可効力之處情願報効今何無端食言侵我哈密若不來會盟斷無了期兵興之際受傷生齒必多爾若畏懼不來則爾向稱欲安人衆之言皆為虛偽朕必親征或令王大臣等領兵直抵爾巢穴必不容爾信口支吾也爾其定意即於所遣使臣回時具奏賜擒送厄魯特之哈密佐領色珀爾等蟒袍銀緞衣服等物丙辰夏不祭地於

方澤遣都統汪悟禮行禮戊午諭議政大臣等策妄阿喇布坦無故侵我哈密今大兵進討應行文曉諭鄂羅斯邊界地

方楚庫拜姓城之頭目令其加意防守邊界如有策妄阿喇布坦之人投向爾處即宜收留授內閣侍讀品級圖禮琛從前往圖爾古特時路經鄂羅斯熟識彼處頭目可著前往議政大臣等遵旨議奏前調西安滿洲綠旗兵五十已各遣一千駐哨斯口扼要外餘兵止有三十及甘肅提標兵現回甘肅由哈密進發之兵稍覺單弱應撥甘肅提標兵三千涼州固原寧夏兵各二千遣官率領前進著席柱富寧安統領其支給兵丁糧米應將肅州等處米二萬石運至哈密其運米駱馬令勒正項錢糧在西安甘肅等處採買如不足數則在青海等處採買如遇冬天驅至甘肅等處喂養進兵時令其使用兵丁行糧將米及牛羊兼給令甘肅巡撫綽奇隨大兵料理得旨固原寧夏兵著董大成吳坤率領前進甘涼兵著師懿德率領前進餘依議○陞左副都御史李華之為刑部右侍郎○已未翁牛特多羅達爾漢戴青貝勒額爾德布鄂齊爾來朝○議政大臣等議奏據哈密佐領色珀爾稱策妄阿喇布坦兵驟至城北我數村莊田不得耕種令官兵在西喇胡盧蘊太地方駐扎若移在北邊托河齊哲克得里等處我等八俱得安心耕種應令總兵官路振聲將兵移駐托河齊哲克得里等處形勢地方在巴爾庫爾等要路口安設汛界哨探從之○庚申科爾沁和碩卓禮克圖親王巴特麻

實錄卷五十一

五

實錄卷五十一

五

來朝○辛酉命多羅順承恭惠郡王勒克德渾庶出之子杭州將軍諾羅布襲封多羅順承郡王○諭扈從領侍衛內大臣等今年雨勢頗急河之水面板房甚多恐夜間水至倉猝間顧惜什物必至傷生著各處傳諭令知防備○壬戌科爾沁和碩純禧公主來請安○土默特多羅達爾漢貝勒阿喇卜坦科爾沁和碩額駙般迪來朝○陞宗人府府丞郝林為都察院左副都御史○奉差江南審事吏部尚書張鵬翮等題參江蘇巡撫張伯行屢奏海中有賊今其回奏疏內假捏巧飾奸欺殊甚已故張元隆案內船戶余元亨等張伯行必欲陷為海賊五年不結夾斃十二人破家者不知凡幾即監犯之存活者亦以拖累日久疾病冤號者甚多今已遵旨釋放其在赦後者俱於張元隆等案內分別定罪得旨張伯行著革職看守審理○調正紅旗蒙古副都統宗室巴賽為鑲紅旗滿洲副都統鑲藍旗蒙古副都統楊都為滿洲副都統陞和碩康親王長史覺羅杜業禮為正紅旗蒙古副都統前鋒叅領胡錫圖為鑲藍旗蒙古副都統

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百六十三

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百六十四

康熙五十四年乙未六月乙丑朔科爾沁台吉孟克鄂爾齋
來朝 戊辰先是戶部尚書趙申喬面奏商人王綱明領庫
帑採辦銅觔歷年懸欠請停其承辦另行酌議事下九卿尋
九卿議覆鼓鑄係戶部及錢法衙門專責銅觔即應交與採
買得旨依議至是趙申喬疏言現在錢局乏銅商人現有買
來銅鉛五百五十六萬餘觔請令交與寶泉局以資鼓鑄其
採買銅觔請照舊交各關差鹽差海差承辦得旨前趙申喬
同戶部堂官等具摺面奏時不勝忿激奏稱朝廷庫帑商人
等侵蝕二百餘萬現今銅觔不能繼續作速停止商人採辦
仍交與各關差官員等語朕亦可其所奏愚設法補完缺欠
銀兩故將商人所欠之銀俱清還戶部停其採辦其所缺銀
兩現在內務府追補與戶部無涉今趙申喬疏稱皇上神謀
睿慮無微不至朕治天下惟寬仁是務此等細事素不縈懷
且非不知為君者無庸干與部院司官筆帖式辦理之事但
遇有關係者豈可以細事忽之乎九卿所議甚是今趙申喬
又何必固執已見以圖更改疏內又稱現有買來銅鉛五百
五十六萬三千觔交完寶泉局五十四年之銅額而有餘等
語既有一年有餘之銅鉛前面奏時何不明白陳說為何如

此躁急以致前後互異錢法事務係戶部專責爾部仍須平氣屏私再行公同逐一明白議奏 庚午諭議政大臣等喀爾喀扎薩克王等著會議給與憑據伊等所居地方相隔遙遠若當有事即互相救援甚好況敏珠爾公旗分尤遠居界外勢亦單弱喀爾喀等同係扎薩克倘遇有事私去救援不知是與不是大家觀望事必擔誤著將給與符驗之處議奏尋議覆推河左近杭愛山陰下居住之敏珠爾公等扎薩克額爾坤圖拉居住之喀爾喀土謝圖汗扎薩克等如有至推河地方來備兵者其輜重妻子必留本處應行文祁里德等令杭愛山陰及額爾坤圖拉居住之扎薩克兵往額克阿拉爾等處駐扎杭愛山陽居住之扎薩克兵往推河駐扎其間酌量安臺彼此傳信令兵部發往令箭每扎薩克給十二枝遇有緊要之事持令箭傳諭鄰居扎薩克即領兵救援如有遲悞按軍法治罪從之 以原任宗人府府丞江球補原官 壬申諭議政大臣等今敏珠爾公所住厄德爾齊老圖地方去推河不遠應令祁里德等在厄德爾齊老圖左近擇有水草可以耕種及魚獸繁多處移兵駐扎則既便於打牲又可保護敏珠爾公等眷屬將米運至駐兵處不但有華而進兵亦近運米事不可遲緩著即結摺具奏尋議政大臣等議覆應行文將軍費揚固散秩大臣祁里德會同喀爾喀汗王

等公議於敏珠爾公所居厄德爾齊老圖左近額克阿拉爾和布多烏蘭古木等處擇有好水草可以耕種要緊適中處令衆兵會集駐扎現在右衛等處官兵所領之糧雖足一年之用但給發兵丁之糧不可不預為起運應將湖灘河朔細米動運二萬四千石先就近令直隸山西動正項錢糧採買馬騾一萬五千匹於七月驅至湖灘河朔運米一萬二千石至駐兵處再於山東河南亦勅正帑購買馬騾一萬五千匹明年草青時送至湖灘河朔運米一萬二千石至駐兵處將此運過米石馬騾於大兵前進時令駝子母礮位等物再御製子母礮應運三十位給將軍席柱處五十位給將軍費揚固處備用從之 荆州將軍達爾占以老病乞休允之 命都統圖思海及侍郎艾芳曾李先復右通政魏方泰前往湖灘河朔管理運送軍糧等事 癸酉科爾沁多羅水圖郡王宜希班第來朝 陞江寧左翼副都統達拜為杭州將軍 甲戌西安將軍席柱吏部尚書富寧安遵旨議奏吐魯番與哈密接壤且係策妄阿喇布坦咽喉要地不可不先取沿邊安站運米之事應於布隆吉爾巴爾庫爾兩處各設兵五百名大兵喂養馬匹五十日於七月二十日起程八月十五日前後至巴爾庫爾地方休養馬匹數日從哈密之北大山後烏蘭烏蘇路進兵九月初五六日間到皮千吐魯番地方越

山近臨吐魯番城池相機剿撫平定吐魯番後招安素爾通等處回子一面通知哈薩克布魯特不但吐魯番易取即策妄阿喇布坦親來亦可剿滅吐魯番既平再相機進剿策妄阿喇布坦奏入

上諭議政大臣等曰覽富寧安席柱所奏今年進兵取吐魯番等語若在甘肅等處將馬匹喂養肥壯於九月間方取吐魯番則時值冬令且伊地方太近不如仍照原議明年前進為當祁里德處信息亦應等候再策妄阿喇布坦曾有秋天兵至哈密之語總兵官路振聲之兵止有一千力量單弱西安之兵既在甘肅等處喂養馬匹著將甘肅提標營兵二千添

甘肅提標營兵

四

發路振聲處○乙亥皇三子和碩誠親王允祚恭請

上幸王園進宴○丙子議政大臣等議覆吏部尚書富寧安疏言臣遵旨派滿洲綠旗兵各一千令鑾儀衛鑾儀使董大成總統前往噶斯口查前經奉旨令董大成吳坤帶領固原寧夏官兵應將董大成撤回令將軍席柱派西安副都統噶爾璧前往得旨董大成既已派往不必撤回 戊寅議政大臣等議覆甘肅提督師懿德疏言吏部尚書富寧安西安將軍席柱等奉命前至甘州與臣等公議除派往噶斯路防守之滿洲兵督標綠旗兵各一千外其進剿時派滿洲兵二千督標綠旗兵一千臣標兵二千火器營兵五百涼州鎮標馬兵

甘肅提標營兵

五

一千寧夏鎮標馬兵一千肅州鎮標馬兵一千火器營兵五百其各鎮標派出之兵所需乘騎及運米馬匹俱向各鎮取給臣標馬步兵二千五百共需馬五千二百五十匹除將現存馬匹給與外尚不足二千匹請將寧夏涼州等鎮標下馬協助但臣所屬各營俱沿邊要路營馬不便空懸請於料理軍務之大臣處支取錢糧購買補足應如所請得旨依議現今需用緊急收取各營馬匹時價必致騰貴其補給價值務使兵丁得沾實惠令其速補 議政大臣等議覆西安將軍席柱疏言運米馬匹請在甘肅等處喂養五十日於七月二十間出口八月十五前後至巴爾庫爾恐口外至八月間草將乾黃且馬匹喂養五十日亦未甚肥今塞草方茂應令將軍席柱等傳其在甘肅喂養除將師懿德提標下二千兵添往駐防哈密總兵官路振聲軍前外其餘兵丁俱令挨次出口由布隆吉爾塔爾那泰至巴爾庫爾等地方擇好水草處酌量分駐其運送哈密之米令巡撫綽奇兼用車輛運載自嘉峪關尾大兵後直至巴爾庫爾兵部理藩院各遣章京一員於甘肅等州縣調取人馬安設臺站派出部院衙門筆帖式坐臺從之 已卯議政大臣等議覆甘肅巡撫綽奇疏言奉旨大兵所需米石交甘肅地方備辦但河西地方不甚產米所以倉貯之穀多係麥豆必須河東鄰省採買等語應行

文巡撫綽奇酌量料理兩三月口糧給與前進兵丁此外應運米石令總督鄂海將鄰省倉內所貯米麥遣員送至綽奇處再令綽奇陸續運至哈密從之 都察院等衙門議奏護軍鎮和岱首告鎮藍旗護軍統領扎爾圖於補授護軍校時作契徇私將鎮和岱名裁去應將扎爾圖革職從之 庚辰命發打布孫諾爾及太僕寺馬廠所有馬駒驃馬各二千匹往甘州 議政大臣等議覆都統圖恩海疏言臣奉旨管理運米事計自湖灘河朔至推河地方須設七十臺每臺應派兵三十名除所派直隸山西兩省撫標下步兵各二百名及歸化城土默特兩旗察哈爾右翼四旗兵共六百名外尚不敷兵一千一百名請將土默特察哈爾兵及直隸山西兩省步兵增給應如所請從之 甘肅巡撫綽奇題報蘭州等十八處旱災

上諭大學士等曰甘肅地方被災之民應作何賑濟著九卿詹事科道會同速議具奏賑濟飢民之事較之征剿策妄阿喇布坦更為緊要爾等可速傳諭 癸未土默特台吉滾濟斯扎布來朝 乙酉兵部議覆甘肅提督師懿德疏言奉旨命臣領進剿兵丁前往但臣所管諸營皆係沿邊防守最為緊要請將鎮安將軍滿育龍標下馬兵二千撥給甘州總兵官表鈴管轄應如所請從之 予故文華殿大學士兼吏部尚

實錄卷一百一十五

六

實錄卷一百一十五

七

書溫達祭英謚文簡 予故錄紅旗副都統發福禮祭英如例 戶部議覆甘肅巡撫綽奇疏言康熙五十五一五十二年向原州等處未完額賦請分年帶徵應如所請得旨固原州等十七處未完銀米即分年帶徵被災之民斷不能完納著察明蠲免 丙戌徵秋大臣祁里德等遵旨議奏臣等傳集喀爾喀汗王台吉及熟識路徑之散秩大臣晉巴等公議據喀爾喀汗王台吉等稱我兵從此進剿策妄阿喇布坦有兩路一由布拉克順額米爾河尋伊里河過阿爾灘厄默爾嶺一由博克達額倫哈必爾漢進塔爾奇嶺此兩路俱至額米爾河波羅塔喇地方會合計策妄阿喇布坦兵可四萬人尚書富寧安等兵應由哈密至巴爾庫爾侯將軍費揚古等兵一同征取吐魯番前進朱爾土斯地方我等喀爾喀兵止一萬須合內地之兵方可深入應於博克達額倫哈必爾漢一路設兵一萬五千布拉克順額米爾河三萬進剿我等喀爾喀兵應於七月二十間起行在布樓爾布拉克順口左近駐扎養馬其應否即行進剿或遣使招降再行具題請旨至哨探處各扎薩克安站連接直至推河等語臣思策妄阿喇布坦縱有兵四萬各處分守兵亦無多若博克達額倫哈必爾漢一路有兵一萬布拉克順一路有兵萬五六千度可足用疏

入

上諭議政大臣等曰喀爾喀汗王等所議意欲增兵助勢似屬相宜今年未便進兵之處喀爾喀等尚在未知其欲令將軍費揚岡等兵合併哈密一路朕意哈密一路富寧安之兵甚屬整壯費揚岡兵不必發往哈密仍與喀爾喀兵為一路於明歲進兵時再行添發可也 丁亥諭兵部從前議政大臣所議之事到部後曾經復行奏聞今議政大臣議覆一切事件著該部俱照前結本用印奏聞 陞山西布政使噶什圖為西安巡撫 命西安巡撫噶什圖前往甘肅同巡撫綽奇隨軍料理糧餉馬匹等事尚書富寧安亦著總理 兵部尚書孫徵瀚故賜鞍馬二匹散馬二匹銀五百兩 已丑阿霸

實錄卷二百六十四

九

亥輔國公德木楚克阿祿科爾沁台吉阿喇布坦來朝 壬辰諭兵部覽爾部查奏臺站事已有三十餘次臺站乃為軍機設立有應令特行馳送之事亦有乘便發往之事若不論緊要與否一槩馳送則臺站必致苦累矣 諭刑部近日天氣炎熱頗似去年罪犯人等著照去年例遵行 戶部等衙門遵旨議覆蘭州等十八處被災飢民應將甘肅所屬州縣及附近甘肅之州縣所有倉糧散賑至明年麥秋之後停止現今巡撫綽奇往邊地料理軍需應遣大臣一員前往監賑 侍古著左副都御史明安去餘依議

秋七月甲午朔享

實錄卷二百六十四

九

太廟遣戶部尚書穆和倫行禮 諭議政大臣等近和托輝特公博貝奏請招撫吳梁海及策妄阿喇布坦所屬厄魯特杜爾伯特丹津一千戶人若伊等抗拒不服即行攻取等語似此動作以彰聲勢甚是其間設有不睦致相仇敵聞博貝之兵前往以為大軍將至紛紛擾亂便可得彼真信雖策妄阿喇布坦兵來救援地方亦遠更有阿爾泰嶺之雪攔阻不能前進矣又據博貝奏臣有兵一千五百度已足用若聖意以為尚應添兵則有根殺扎薩克羅卜藏所屬翁科特兵扎薩克濟納米達兵扎薩克台吉阿里雅兵俱善於攻戰可以破敵將此三扎薩克兵添給足矣著照博貝所請將三扎薩克兵添給博貝帶領前去遣人往吳梁海處以好言招撫若不歸順逃入樹林深密處亦無關緊要相機行事可也至杜爾伯特丹津處應再探其情實或撫或剿博貝領兵前往時若有策妄阿喇布坦兵向我喀爾喀直衝前來即著尾其後以牽制之杜爾伯特丹津與厄魯特散秩大臣車領為弟兄可令車領遣一親信人寫給書信爾等將現在所議之事發與博貝或派章京或筆帖式飛馳發往并帶車領人同去即隨博貝兵一齊進發 烏朱穆秦多羅厄爾德尼貝勒博木布來朝 予故黑龍江副都統布爾九祭葬如例 兵部題湖廣散毛土舍覃煊為不准承襲摺印逃匿桑植地方宣慰司

土官向國棟藏匿不解應將向國棟革職從之 丙申賜出征齊齊哈爾副都統白濟索倫總管布珠孔雀翎及銀兩馬匹 已亥諭議政大臣等推河一路臺站俱係歸化城之土默特三處吳喇武毛明安四子部落之臺站伊等去年遭雪牲畜損傷軍需事務恐致遺誤既現有運米大臣所設臺站遇有緊急事務著將運米臺站馬匹通用 庚子科爾沁多羅扎薩克圖郡王鄂齊爾來朝 壬寅戶部題鼓鑄銅劬請仍交商人王綱明採買

上諭大學士等曰商人採買銅劬前已令停止今復交商人採買必致積累拖欠無了期矣已經料理完結之事豈得再有

實錄卷一百四

十

紛更今各關差官員更換將畢應將銅劬交與各關差官員

速行採買不可有誤鼓鑄前趙申喬面奏時語氣忿激今若

以此事為難則原奏時即應詳慎計處及事不能行又欲交

與商人可乎今銅劬事或有不曉事細人謂朕仍欲交與商

人以此揣度亦未可定今將不可復交之處明白下旨著再

議具奏 喀爾喀多羅貝勒羅補藏來朝 陸江寧協領吳

納哈為江寧左翼副都統 予故鑲黃旗護軍統領洪海祭

葬如例 癸卯

孝懿皇后忌辰遣官祭

陵 甲辰大學士李光地以老病乞解任葬親命給假二年營

葬畢仍未京辦事 予故原任福建浙江總督梁鼎芬祭葬如

例 兵部議覆四川陝西總督鄂海疏言四川建昌鎮屬涼

山營目陳應麟率部落歸順請授土千戶准其世襲應如所

請從之 乙巳科爾沁多羅郡王諾門額爾赫圖來朝 丁

未諭議政大臣等軍務糧餉關係甚大天時地利不可不通

徹籌畫現今運米一事朕甚為躊躇近日直隸河南巡撫奏

稱牲口已如數起解又稱因雨水過多恐泥濘不能即到等

語看來今歲雨水實大此項牲口到湖灘河朔定疲瘦不堪

且前去路遠必值沍寒之時迨回時更屬歲暮嚴寒人與牲

口不慣受冷必致傷損所遣大臣雖欲竭力圖効亦無可奈

實錄卷一百五

十一

何著將此旨發示將軍費揚固並散秩大臣祁里德等滿洲

索倫蒙古兵糧若能節用支持到明年五月則今歲預備齊

畢來春青草一發運米前往於計為得也著詳議具奏尋議

政大臣等遵旨議覆冬天惟駱駝耐寒計運送今年米石三

千駱駝可以足用其直隸山西驛馬應令該撫傳其解送各

在本省喂養俟明年青草將出之前起解湖灘河朔交都統

圖思海等合山東河南驛馬運送餘剩之米隨兵前進再圖

思海等亦應令停往湖灘河朔俟來春前去得旨依議朕有

進哨時所用駱駝三百隻在打布孫諾爾亦取來發往 戊

申中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 辛亥喀爾喀車臣汗漆臣來朝 議政大臣等

奏今年運米所需駱駝三千隻除官駝一千隻外應派大臣

一員動正項錢糧前往張家口殺虎口鄂爾多斯歸化城等

處購買令足三千之數送往湖灘河朔得旨著吏部侍郎傅

紳前往 壬子喀喇沁多羅杜楞郡王塞稜來朝 甲寅科

爾沁多羅貝勒巴克什古爾來朝 戊午議政大臣等議覆

肅州總兵官路振聲疏言奉部文令臣移駐哈密城後托河

齊括克得里等處查此地即哈密第三堡西北之沙泉泉其

地濕熱馬難肥壯沙泉泉西北九十里有山名為無克克嶺

其山下即巴爾庫爾地方山上遠瞭甚明臣領兵移營於此

要路駐扎其餘山峽小徑俱撥兵防護俟額駙阿寶輝特公

羅卜藏等兵到日於巴爾庫爾地方再議駐扎之處應如所

請從之 己未喀喇沁和碩額駙納穆賽來朝 庚申翁牛

特多羅杜楞郡王和碩額駙蒼津來朝 辛酉陞河南按察

使張伯琮為河南布政使司布政使 右衛將軍宗室費揚

固等疏報臣等於五月初二日領兵起程中途因少水草分

隊而行七月初十日臣等先率前鋒至推河綽諾和朔地方

後隊陸續前來報聞 以正紅旗蒙古都統拜音佈為荊州

將軍 陞正紅旗滿洲副都統吳勒為鑲藍旗護軍統領

議政大臣等議奏奉旨 乙酉事令右衛將軍宗室費揚固等

確議今據費揚固等疏言臣等以 乙酉事詢喀爾喀土謝圖

汗等據稱蘇勒圖哈拉烏蘇拜達拉克河明愛察罕格爾庫

爾奇勒扎布罕河察罕搜爾布扎罕口烏蘭古木等處俱可

種地再臣等所統兵丁現駐扎察罕托輝扎布罕河特斯河

一帶地方應派善種地之土默特兵一千名每旗派台吉塔

布囊各一員前往耕種遣大臣一員監管應如所請再哈密

地方亦可耕種應行文將軍席柱尚書富寧安將西吉木布

隆吉爾等處勘明具奏得旨依議公傳爾丹情願前往効力

即交伊辦理再著原任都統宗室愛音圖護軍統領達尼納

侍郎能泰鐵圖同往 壬戌

皇四子和碩雍親王 恭請

上幸王園進宴

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百六十四

實錄卷之二百六十四

高

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百六十五

康熙五十四年乙未八月甲子朔乙丑喀爾喀固山額駙
功額喇卜坦來朝議政大臣等議覆四川陝西總督鄂海
疏言甘肅存倉米麥及現在採買米石儘足配給兵丁又莊
浪西寧羣昌三處有舊貯粟米四萬餘石將此米運送三萬
石至甘州與甘肅存倉之麥陸續運至軍前相兼支給軍需
有餘若從鄰省運送路遠費多請行停止應如所請從之
又議奏前令西安甘肅巡撫俱隨軍料理糧餉今年既不進
兵應令一人前往軍前辦事一人駐劄肅州料理一切糧餉
事務俟明年進兵時同隨軍料理從之○丁卯遣大學士
王掞祭

先師孔子○科爾沁輔國公烏爾呼滿爾來朝○陞湖南按
察使王朝恩為廣東布政使司布政使理藩院郎中蘇瞻為
山西布政使司布政使○戊辰祭

大社

大稷遣刑部尚書賴都行禮○蒿齊忒多羅郡王阿噶尼斯達
科爾沁台吉畢力克圖來朝○庚午議政大臣等議奏今年
用駱駝所運四千八百米石及明年用騾馬所運一萬二千
米石俱以預備前往推河之右衛黑龍江兵丁及藤牌手等

口糧但明年進兵時或再須添兵亦未可定除前應運米石外亦須再行多運其運米惟駱駝行走便利又不多需人夫而所載較騾馬人多查高齊忒蘇尼特等旗公雖去年被雪傷損馬匹牛羊而駱駝未經受損應差大臣一員攜帶前赴各旗購買駱駝四千帶至大同宣府交地方官動用正帑喂養肥壯俟明年青草未出之前送至湖灘河朔亦交與都統圖思海等為運送米石之用得旨著兵部尚書殷特布去餘依議 辛未大學士李光地以予假墓親至行宮謝恩上親製詩以賜并敕諸王大臣等各賦詩送之○壬申太宗文皇帝忌辰遣官祭

中興未字字

二

昭陵○癸酉

上行圍命皇三子和碩誠親王允祉皇十五子允禩皇十六子允祿隨駕是日自熱河啟行駐蹕中關 甲戌

太祖高皇帝忌辰遣官祭

福陵

上駐蹕湯泉(乙亥甘肅巡撫綽奇疏請運糧哈密需用嚮導上諭大學士等曰據綽奇題請嚮導看來辦事平常隨尚書富寧安前往之人熟知路徑者甚多且有一佐領回子駐扎肅州何用再以嚮導奏請況富寧安係特旨派往辦理軍務糧餉大臣凡事應與合心辦理豈可各自具奏若一事而內閣

兵部理藩院各自行文巡撫提鎮並不會同富寧安各行具奏則往來需四五十日必致悞事驛站亦多騷擾此後除軍機要事外其巡撫提督總兵官所奏之事著會同富寧安具奏至此等平常事件著將兩三件會為一處遇便進呈事務不可煩多如將軍費揚圖散秩大臣祁里德同心辦理事無煩擾殊可嘉也 丙子

上駐蹕中關○丁丑

上駐蹕博洛和屯○鑲黃旗漢軍副都統石如璧以年老乞休

久之○戊寅巴林固倫榮憲公主來請安○己卯

上駐蹕張三營○右衛將軍宗室費揚圖以病求解任得旨費

中興未字字

丰

揚圖著帶右衛將軍印徐回右衛今年既不進兵將右衛等

處兵交與散秩大臣祁里德喀喇沁塔布囊額駙格勒爾齊

齊哈爾副都統白濟右衛副都統齊格公同管理著都統穆

賽馳驛前往總理軍務俟進兵時另派大將軍給與印信○

庚辰郭爾羅斯鎮國公巴土來朝 辛巳

上駐蹕汗特木爾達巴漢昂阿地方 壬午

上駐蹕雲特木爾達巴漢昂阿地方 癸未

上駐蹕阿納達巴漢昂阿地方 甲申

上駐蹕克勒烏里雅蘇台 諭議政大臣等購買蒙古各旗駱

駝兵部尚書殷特布一人不能料理著散秩大臣郭庶護軍

恭領巴祿前往協同購買送至宣化大同喂養即著殷特布
監管俟明年發往軍前 乙酉

上駐蹕哈達鄂佛羅地方 丙戌

上駐蹕布湖圖昂阿地方 丁亥科爾沁台吉拉里達來朝○

以阿霸垓故多羅卓禮克圖郡王畢額子扎木巴爾扎卜襲
爵 戊子

上駐蹕烏喇岱地方 阿祿科爾沁多羅貝勒汪扎爾來朝○

庚寅秋分夕

月於西郊遣戶部尚書穆和倫行禮○

上駐蹕額爾滾畢地方 扎魯特多羅貝勒畢魯瓦來朝○辛

實錄卷五十五

四

卯諭都統穆賽朕以爾為人可用特令前往統領大兵其右

衛黑龍江喀喇沁察哈爾土默特鄂爾多斯喀爾喀等處兵

丁務令共相和好至管攝兵丁不可失之柔弱其効力贖罪

諸人可分在各滿洲蒙古綠旗兵內勿任其聚於一處祁里

德諳練蒙古事務且誠實有膽氣妻微額雖老病曾隨朕行

兵熟識地利諸事應與伊等酌議奏聞朕所派往之新滿洲

等行走熟練可令同我兵往汛界哨探再彼處有黃羊沙米

等物應令兵丁採取食用如省一月口糧即得一月之益總

兵官藍理頗驍勇熟諳軍機著隨爾辦事其原有官爵効力

軍前者可揀選署理章京護軍校驍騎校等官特諭○壬辰

上駐蹕布爾哈蘇台○鑾儀衛鑾儀使董大成疏報臣於六月

二十二日領兵從肅州出嘉峪關自嘉峪關至噶斯口三千

餘里行至常馬爾河因山水暴發所有運米牲口及兵丁所

乘馬匹多致傷損倒斃今於八月十二日抵噶斯口得旨自

邊上至噶斯口一千七百里曾經阿南達奏過今董大成何

以又稱有三千餘里噶斯口路徑甚窄策妄阿喇布坦斷不

由彼行走今正寒冷之時著董大成將噶斯口迤內放火燒

荒領兵回赴肅州

九月癸巳朔諭議政大臣等今年既不進兵令富寧安回至

肅州料理一應軍務錢糧俟明年進兵時再令前去○喀爾

實錄卷五十六

五

喀和碩額駙策零來朝○甲午

上駐蹕巴顏和洛○乙未

上駐蹕五虎爾濟地方○丙申

上駐蹕努湖代地方○丁酉

上駐蹕鄂爾楚克哈達地方○戊戌諭兵部著遣司官一員齎

羊袍狐帽各一千六百件馳驛送往右衛將軍費揚古軍前

給右衛兵丁之少冬衣者恐有不足並攜銀二千兩於喀爾

喀扎薩克處購買酌量賞給○己亥

上駐蹕得爾吉惠漢地方○科爾沁和碩達爾漢親王和碩額

駙羅卜減滾布來朝○庚子議政大臣等議奏厄魯特貝勒

額駙阿寶先經奉旨為將軍費揚古散秩大臣祁里德參贊
今阿寶等兵既令歸將軍席柱等軍伍應令阿寶為席柱等
參贊從之 辛丑

上駐蹕克爾木台地方 壬寅

上駐蹕永安拜昂阿地方 喀爾喀扎薩克台吉根敦來朝

癸卯

上駐蹕齊老圖地方 甲辰

上駐蹕烏蘭哈爾哈地方 乙巳

上駐蹕巴顏拖羅海地方 丙午
以內閣學士王之樞為武會試正
考官翰林院侍讀學士李紱為副考官

實錄卷之六

六

上駐蹕布爾哈蘇台 丁未

上駐蹕納穆生噶山地方 戊申 遣官祭

歷代帝王 遣官祭城隍之神

上駐蹕博洛和屯 賜喀喇沁翁牛特烏朱穆秦放漢科爾沁

喀爾喀土默特阿霸垓阿祿科爾沁萬齊武扎魯特王貝勒

貝子公台吉等銀幣鞍馬有差 賜隨圖喀喇沁官兵人等

銀兩布疋有差 已酉

上駐蹕中關 刑部等衙門議覆吏部尚書張鵬 駟疏言原任

江蘇巡撫張伯行以海上有賊欺君妄奏監斃良民數人之

處皆實應照律將張伯行擬斬監候秋後處決應如所請得

旨張鵬回京將張伯行帶來到日再奏 和托輝特公博
貝疏報招撫吳梁海已經歸順大學士等奏曰四年前吳梁
海頭目和羅爾邁為我哨兵擒獲

皇上寬恩不殺又加重賞遣回以此感恩早欲投順但於妻子
艱於攜帶恐為厄魯特所追故遲延至今頃聞策妄阿喇布
坦侵犯哈密之信已先遣子胡洛虎納等前來輸誠適博貝
兵到吳梁海即時歸順此皆由

皇上之恩淪肌浹髓故不發一矢而遠人向化如此

上曰前吳三桂遣猱猱數萬到平涼助王輔臣與我軍對敵後
來歸順諸大臣皆欲殺之朕謂何以殺為歸順即良民矣悉

實錄卷之六

六

加恩宥發回原籍後進四川至保寧賊又欲率伊等與我軍
對敵猱猱頭目陸道清云我等雖無知識前蒙聖主不殺之
恩豈忍對敵即登山去平賊之後伊等方下山引導我軍極
其効力再攻取尼布湖雅克薩城之時鄂羅斯數千人諸大
臣亦欲盡殺之朕從寬遣回西洋國聞之皆云攻其城而遣
回其人亙古未有今吳梁海歸順固自然之理也 科爾沁
多羅扎薩克圖郡王鄂齊爾來朝 錄黃旗蒙古副都統德
勒慎以病乞休允之 庚戌

上駐蹕熱河行宮 免湖南安鄉等四縣及岳州衛本年分水
災額賦有差 署理總督倉場事務禮部右侍郎荆山題泗

州衛糧艘在通州張家灣遭風損壞十二隻沉米五千二百餘石得旨今歲北河水發風大溜急以致船壞米沉著照大江黃河漂沒之例免其賠補○乙卯巡視南城御史任典鑾疏參左都御史劉謙令家人柴敬臣等同伊塔侍衛王廷梅家人顧光祖等十餘人登臣門毀罵復親同其子翰林院編修劉自潔至臣寓令家人擊傷臣頭面手足諸處得旨著吏兵刑三部嚴察議奏○戊午正藍旗漢軍副都統范承烈以病乞休允之○己未

奉慈高皇后忌辰遣官祭

福陵○辛酉議政大臣等議覆西安將軍席柱吏部尚書富寧

實錄卷五十五

八

實錄卷五十五

九

安疏報策妄阿喇布坦屬下特木爾白克木忒等首先投誠應賞賚袍帽等物歸併八旗蒙古佐領下為兵給與糧餉產業妻室從之○又議覆西安將軍席柱吏部尚書富寧安疏言臣等於六月二十九日自甘州率領頭隊官兵起程於八月十八日至巴爾庫爾閱視地方形勢除總兵官路振聲已於吳爾圖等地方設立哨探外所有吳圖布拉克庫勒墨圖搜濟等處俱添設哨探再巴爾庫爾東西兩邊俱係大谷地方寬長且水草甚好已令見到之兵自巴爾庫爾接連立營安設斥堠俟兵丁全到於巴爾庫爾東邊一百里盡處奎蘇地方遍立營盤應將席柱等所奏無庸另議外查前哈密白

克額敏曾報稱策妄阿喇布坦欲於秋時復來哈密見今投

順之厄魯特人特木爾等亦言策妄阿喇布坦傳令治辦器

械預備行糧不許屬下人私騎驢馬凡有人問但云向哈薩

克地方出兵今大兵見於巴爾庫爾一路阿爾泰一路整備

正欲策妄阿喇布坦前來然哨探之地最屬緊要應令將軍

席柱等嚴加防範不時巡查從之○又議覆侍衛阿齊圖等

疏言臣等至會盟處傳集青海兩翼諸貝勒台吉等宣諭

皇上仁愛之意貝勒色卜騰扎爾等皆言應遵旨將胡必爾汗

送至西寧口內而貝勒戴青和碩齊等仍諉云胡必爾汗年

幼未出疹痘且今年不宜出行等語應行文阿齊圖暫駐西

實錄卷五十五

九

寧探其信息從之

冬十月癸亥朔享

太廟遣都統崇古禮行禮○遣官祭

水陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○頒康熙五十五年時憲歷○乙丑

皇太后聖壽節

上率扈從王以下文武諸臣詣

皇太后行宮前行禮○遵

總旨停止筵宴○丙寅諭大學士等曰閱刑部秋審奏章繁複

者甚多皆由府州縣司道各官審錄供招盡行全載所致該

府司道果識有別情自應敘入若無互異之處但註明該府

司道與州縣各官應審皆同一語止將州縣初招並督撫等

大吏審擬之處敘明本內足矣此非為朕便於省覽案牘繁

多則事務亦必致遲延矣又諭曰各處奏摺所批硃筆諭旨

實錄卷二六五

皆出朕手無代書之人此番出巡朕以右手病不能寫字用

左手執筆批旨斷不假手於人故凡所奏事件惟朕久原奏

人知之若有漏泄亦係原奏者不容朕聽政年久未嘗輕以

語人也又諭曰辦理事務固不可不知文理然亦須諳練政

務之人方善若遇大事不可徒執虛文又如外省督撫但以

不貪為盡善以朕觀之清乃居官一端之善苟於地方生事

雖清亦無益也○戊辰鑾儀衛鑾儀使董大成疏言臣至噶

斯口巡查並無來往人迹噶斯地方三面雪山中有一線水

草皆係蘆葦其大路在得布特里地方西南走藏東南走青

海西寧大通河半月即到永固城西北走柴旦木吐魯番等

處乃策妄阿喇布坦出入咽喉要路又據夸蘭大吳通保等

各報兵丁兩月口糧已完運米官又不能全運至噶斯地方

是以臣於九月十一日移駐得布特里地方得旨董大成已

有旨著回肅州到後著勒限馳驛來京其官兵交尚書富寧

安統轄○戶部尚書穆和倫以老病乞休允之○陞浙江定

海總兵官吳陞為浙江提督○壬申

上奉

皇太后自熱河回鑾是日駐蹕喀喇和屯○癸酉

上駐蹕鞍子嶺○甲戌

上駐蹕兩間房○乙亥

實錄卷二六五

上駐蹕巴克什營○丙子

上駐蹕遙亭○丁丑

上駐蹕密雲縣喀爾喀澤卜尊丹巴胡土克圖王謝圖汗遣

使進九白年貢宴春如例戊寅

上駐蹕懷柔縣○宗人府題定例貝勒以下之子照父爵降一

等襲封今已故多羅貝勒延壽行止悖戾應降二等將伊長

子奉恩將軍揆慈襲封鎮國公從之○子故原任刑部尚書

胡會恩祭葬如例○以故雲南永昌府芒市安撫使放天球

之子放仁襲職○己卯

上駐蹕湯泉○庚辰諭大學士等曰刑部等衙門所奏各省緩

決罪犯案件。並不將緩決情由聲明。只書某人打死某人。應行緩決一語。嗣後應照舊例聲明情由。其情實可矜犯人等。案亦著照舊例聲明。○辛巳。

上奉

皇太后回駐暢春園。○癸未。

上詣

皇太后宮問安。○丙戌。

上自暢春園回宮。○丁亥。

上御太和殿視朝。文武陞轉各官謝恩。○是日。

上幸暢春園詣

實錄卷五十五

七

皇太后宮問安。○吏部等衙門議覆左都御史劉謙及子編修

劉自潔縱僕毆傷御史任奕鑒是實。劉謙劉自潔應革職。其

家人柴敬臣等照律治罪。侍衛王廷梅身在熱河。應無庸議。

得旨。劉謙器量褊淺。考試進士聲名亦甚不好。率僕毆傷御

史殊玷官箴。劉謙劉自潔俱著革職。餘依議。○吏部議覆奉

差江南審事吏部尚書張鵬翮等疏言。原任江蘇布政使牟

欽元前經巡撫張伯行以藏匿張令濤題參革職。今張伯行

既自認誣參。請罪應將牟欽元照例復職從之。○戶部尚書

趙申喬疏言。臣子山西太原府知府趙鳳詒居官不肖。受贓

三十餘萬兩。撫臣列參。臣不能教子。求賜罷斥。得旨。朕禮遇

諸大臣甚優。自始至終。無不期其保全。凡官員才守及居官

之處。靡不詳察。朕巡狩至龍泉關。駐蹕之日。曾面詢趙鳳

詒。禮居官何如。趙鳳詒奏稱。嚙禮為山西第一清廉官。朕

以趙鳳詒乃趙申喬之子。斷不欺朕。因擢嚙禮為江南總督。

趙鳳詒入以居官受賄。比之婦女失節。朕諭爾言雖鄙俚。誠

能如此存心。甚佳。逮嚙禮事敗。後朕以趙鳳詒居官處。詢尚

書張鵬翮。而張鵬翮言其貪婪。近晉撫蘇克濟奏。趙鳳詒

受賄甚多。今閱趙申喬所奏其詞意忿激。殊非大臣之體。著

飭行。仍令在任供職。○庚寅。陞福建臺灣副將張國為浙江

定海總兵官。湖廣辰州副將薛士傑為浙江處州總兵官。○

實錄卷五十五

七

工部議覆河道總督趙世顯疏言。碭山縣黃河南岸定國寺

迤下王家莊戴家馬路。二處險工。請各建挑水壩一座。應如

所請從之。○辛卯。陞陝西興漢總兵官楊世昌疏請軍前効力

從之。○壬辰。諭大學士等。凡滿漢大臣遇事應同心辦理。今

每滿洲大臣一議。漢大臣一議。此處大有關係。

世祖章皇帝時。為此曾下嚴旨。至今

聖訓昭然。可不恪遵耶。如果兩議亦應滿漢相聞。豈可截然兩

議。從前未曾如此。自趙申喬來始。然凡事只有一理。不可執

拘。今朕聽政五十餘年。何者不曾經歷。即小事必向大學士

學士九卿問之。大臣執拘猶之可也。若為君者自行執拘。則

如之何著將滿漢兩議者交與吏部都察院察出議罪○諭戶部朕早夜孜孜軫懷民瘼四方水旱時勤咨詢惟恐閭閻之蓋藏未裕一遇歉歲收獲失望窮黎即無以資生也直隸順天保定河間永平宣化五府所屬地方今歲雨水過溢田畝被淹者甚多穀耗不登民艱粒食見今緩徵賑貸雖惠澤頻施而來春應辦錢糧若仍行徵取恐匱乏之民輸將難繼著將五府州縣康熙五十五年地丁銀八十五萬五千八百兩零糧米豆穀一十一萬五千五百石零草九萬四千九百束零俱通行蠲免爾部行文該督過飭所屬實心奉行俾窮鄉僻壤均霑朝廷德意倘有不肖官吏私徵侵蝕者察出從重治罪爾部即遵諭行

實錄卷二百六十五

南

實錄卷二百六十五

五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十六

康熙五十四年乙未十一月癸巳朔吏部尚書富寧安疏報奉旨命臣回赴肅州料理軍務糧餉臣於九月二十四日自巴爾庫爾地方起程於十月十四日至肅州報聞○喀爾喀車臣汗遣使進九白年貢宴賚如例○甲午陞福建浙江總督范時崇為都察院左都御史○以翰林院侍讀學士張逸少提督順天學政工部郎中蔣洞為雲南按察使司僉事提調學政○以翰林院侍讀學士蘇庫充日講起居注官○以雲南曲尋武雷總兵官馬天寵為鑲黃旗漢軍副都統陞驍騎參領瓦哈里為正藍旗漢軍副都統○乙未賑陝西延安府屬龍州堡等九處霜災窮民米穀有差○陞鑲紅旗滿洲副都統宗室巴賽為正紅旗蒙古都統○丁酉兵部議覆山西太原總兵官金國正疏言臣標下向無子母礮今願捐造二十二位分給各營操練應如所請

上諭大學士等曰子母礮係八旗火器各省概造斷乎不可前師懿德馬見伯曾請造子母礮朕俱不許此事不准行○諭九卿秋審案牘俱九卿所辦之事若在朕前書寫未必能書十件何也此皆爾等漫不經心草草完結之故嗣後爾等應實心辦事并保舉參劾之處亦不可執私意○戊戌

上詣

皇太后宮問安○諭大學士等刑部侍郎博音岱人才不及凡事疎忽兵部侍郎巴顏柱年老人才不及俱著革職○兵部題古北口總兵官楊鑄醅拷披甲五哥致死誣奏自縊應照奏事不實律革職其世襲阿達哈哈番與應襲之人承襲得旨楊鑄著革退總兵官留其世職○庚子諭大學士等今年京師情實罪犯甚少此內稍有可矜者再宥數人其應勾決者十四五人而已即至來年亦不過二三十人今年停刑亦無不可將此情實緩決案內折角處記檔來年審奏時聲明具奏○戶部議覆湖南巡撫陳瓚條奏請禁加耗一疏

上諭大學士等曰朕御極五十餘年於誠偽公私之介詳加審辨萬幾之暇勤求古帝王先聖治理無不專務誠敬屏棄虛浮先行其言而後從之垂訓甚明是以朕孜孜圖治亦皆崇尚實政不貴空言督撫係地方大吏凡關係民生興利除弊有裨風化鼓舞士子果有真知灼見者即應竭慮殫心見諸躬行以利地方若徒撫拾浮辭沽名要譽不但無裨政治且恐有累民生即如張伯行初授巡撫時即稱移風易俗家給人足報効朝廷迨後絀於才力張弛失宜反致漸生事端擾累民生地方盈寧之狀迥不如前此非不能身體力行言過其實之故乎今覽陳瓚條奏皆伊分內應行事宜當於力見

施行後再行具奏乃將空言妄陳殊屬無謂且督撫膺地方重任最重者年穀順成民生樂業陳瓚甫授湖南巡撫衆災紛紛此必撫綏安輯未盡其道上千天和之所致也疏稱湖南徵收錢糧每兩加至一錢二三錢不等並不指明加徵起自何年趙申喬昔任偏沅巡撫時居官甚清其於加耗一事禁止甚嚴今覽陳瓚所奏豈趙申喬亦未曾禁止耶陳瓚身係撫臣一切事務不圖躬行實踐將久經定例禁止之事致張大其言沽名條奏殊玷官方加耗起自何年何撫著陳瓚即行指參宗人府題臣等遵旨確審輔國公阿布蘭普告正紅旗滿洲都統公普音縱徇醫生賀孟頴以礬水寫字通信二阿哥一案賀孟頴因醫治二阿哥福金病二阿哥令伊將緊要事密送信息遂用礬水寫字往來通信又囑託普音保舉二阿哥為大將軍又稱從前澤卜尊丹巴胡土克圖會言二阿哥災星未脫因復探聽澤卜尊丹巴胡土克圖來京之信又妄稱

皇上有褒獎二阿哥之旨各處探聽冀有釋放信息普音具悉其情不行奏聞普音又有若齊世扎喇克圖為將軍我必告出兵之語愚亂已極應將普音擬絞立決賀孟頴擬斬立決得旨普音著照前拘禁賀孟頴著改擬斬監候○戶部右侍郎廖騰燊以老乞休允之○設貴州安順府南籠廳學取進

文武童生各八名從巡撫劉蔭樞請也○琉球國中山王世曾孫尚敬遣使進貢宴賚如例○辛丑諭大學士等張伯行為巡撫時每苛刻富民如富民家堆積米粟張伯行必勒行賤賣否則治罪此事雖窮民一時感激要非正道亦祇為米價翔貴欲自掩飾耳地方多殷實之家是最好事彼家貲皆從貿易積聚並非為官貪婪所致何必刻剝之以取悅窮民乎況小民無知貪得無厭近聞陝西有方耕種即挾制州縣報荒者此等刁風亦不可長又賑荒一事苟非地方官實心奉行往往生事蓋聚飢寒之人於一鄉勢必爭奪明時流賊亦以散糧而起此不可不慎也書言明四目達四聰朕於天下事無不洞悉然知之而即發亦非大體總之為政以中正誠敬為本中正則能公誠敬則能去私朕日讀性理諸書見得道理如此○以宋儒范仲淹從祀孔廟從江南提督學政余正健請也○命偏沅巡撫陳瓚來京陛見○壬寅

上詣

皇太后宮問安○癸卯諭刑部翰林何焯為人狂妄衆所共知朕欽賜以舉人進士伊當終身感激乃生性不識恩義將今時文章比之萬曆末年文章將伊女與允禩撫養又為潘耒之子黃緣罪應正法但念其稍能記誦從寬免死著將伊官銜并進士舉人革去在修書處行走如不悛改著該管官員

即行參奏 陞福建巡撫覺羅滿保為福建浙江總督 申
辰策試天下中式武舉於

太和殿前 陞光祿寺卿黨阿賴為兵部右侍郎 乙巳

上御暢春園內西廡閱試武舉騎射技勇 予故黑龍江將軍
鎮國公楊福祚葬謚襄毅 丙午

上御暢春園內西廡閱試武舉騎射技勇 丁未
上詣

皇太后宮問安

上御暢春園內西廡閱試武舉騎射技勇（九卿等議覆署奉
天將軍事前鋒統領伯唐保住奉天府府尹朱軾疏言奉天

實錄卷五十六

五

城內及關廟居住民人三百餘戶應令搬移在城外關廟內
擇一處安插至村莊地方雖立旗民界限仍有攙雜居住者
若盡令搬移恐致苦累應令嗣後有賣房者在旗界內之民
房賣與旗人在民界內之旗房賣與民人違者照侵奪例治
罪庶旗民得從容搬移日後自各在界內分開居住而互相
爭告之事可省應如所請至奉天錦州二府人民或將子女
典賣與旗人別省人及旗民互相侵占田土者仍如前議治
罪從之 戊申傳臚賜殿試武舉塞都等一百七人武進士
及第出身有差 己酉諭大學士九卿等曰部院司員見在
官職雖卑日後亦可致大寮伊等朕多不認識必數數問諸

大臣而用之亦不勝其煩今觀部院司官等劣者甚多前考

校武進士馬步射時侍郎覺和託舉止粗鄙尚背不知何以

辦事又有一司官因劣革退舊例滿洲不分文武兩途出征

時則令於奉蘭大章京等處行走此後部院衙門滿洲司官

著輪班佩刀在侍衛裏行如此賢否始見部院漢司官等朕

亦未盡認識應照見今翰林官分班行走例令伊等分班引

見○又諭曰今科道官員雖有條陳多出私意簡任言職不

可任結納聲氣之人若使互相標榜援引附和其勢漸成朋

黨矣又如理學之書為立身根本不可不學不可不行朕嘗

潛心玩味若以理學自任必至執滯已見所累者多宋明季

實錄卷五十六

六

世人好講理學有流入於刑名者有流入於佛老者昔熊賜
履自謂得道統之傳其沒未久即有人從而議其後矣今又
有自謂得道統之傳者彼此紛爭與市井之人何異凡人讀
書宜身體力行空言無益也○陞都察院左副都御史明安
為刑部右侍郎○辛亥以內閣學士蔡升元充經筵講官
壬子

上詣

皇太后宮問安○福建海壇總兵官張天福以老病乞休允之

○陞翰林院侍讀學士薩哈布為光祿寺卿○諭議政大臣
大學士九卿等天下承平日久漢官但能作無實之文說現

成話。至軍務大事。並不能盡職。平日常謂旗員赴任。多挈人。騷擾地方。漢官家口少。所需無幾。朕因此會屢向漢大臣。言漢官不能騎馬耐勞。設有緊急之事。邊塞地方。必兼用旗員。方有裨益。漢官或自謂清廉。不取不與節用。度日如解馬。運糧等事。督撫俱差。州縣漢官。漢人出口一二僕從。何濟於用。遇勞苦之處。旋亦逃亡。縱令參處。何益。彼亦但願任咎。卸事。將所得宦囊。回籍自娛耳。朕曾親統大軍。經歷軍務甚多。用兵無謀畧。學問斷然不能。朕閱宋明馬政兵書。皆紙上空談。全無用處。朕安不忘危。時勤訓練。見在官弁。俱各出口効力。地方文官。有何効力之處。為督撫者。明賞慎罰。以鼓勵兵丁。臨事時。方能致命效死。平日並無恩惠。彼何所感。而捨身為辭。如滿洲蒙古。每歲塞外居住。漢人何以不能。此皆不習慣行走之故耳。山陝督撫。賴是滿洲。如張伯行為之。必致悞事。張伯行任江蘇巡撫時。見漁船數隻。疑為海賊。遂致張皇。如遇此等口外行走之事。早已乞休而去。於事何益。前李之芳為浙閩總督時。領兵親戰。豈可謂漢人中無其人。但如此等人。甚少耳。○乙卯。江南江西總督赫壽。丁母憂。命在任守制。○諭大學士等曰。前曾屢次議。將張伯行拏問。朕念張伯行居官清廉。未受餽送。故不准拏問。伊缺未經補授。今調來

引見。甚屬糊塗。實非堪任巡撫之人。但能杜苞苴。操守甚好。可於錢糧無多處。令其管守。又諭曰。吏部事務甚屬緊要。張鵬翮雖丁艱。著暫留辦事。俟富寧安回日。再令張鵬翮回籍守制。○旌表河南烈婦孫氏。拒姦殞命。給銀建坊。如例。○丙辰。上自暢春園回宮。已未。冬至祀天於圜丘。上親詣行禮。用御定雅樂。○停止次日朝賀。○遣官祭永陵。福陵。昭陵。暫安奉殿。孝陵。仁孝皇后。孝昭皇后。孝懿皇后陵。○上幸暢春園。○庚申。兵科給事中楊存理疏。請嗣後武弁投文。十日之內。即考驗弓馬。奏請引見。如

駕幸熱河即按月帶赴熱河引見速催赴任從之○旌表江西烈女宜黃縣符德彰聘妻楊氏聞訃剪髮衣編自縊室女完貞給銀建坊如例

十二月癸亥朔刑部等衙門議覆吏部尚書張鵬翮審奏原任江蘇巡撫張伯行將良民張元隆等以窩藏盜賊招聚匪類題參殊屬不合應將張伯行照律擬斬監候秋後處決應如所擬得旨張伯行著從寬免死○予故原任刑部尚書安布祿祭葬如例○甲子陞通政使劉相為都察院左副都御史○丙寅議政大臣等議覆吏部尚書富寧安疏言今將噶斯一路官兵撤回肅州牧養馬匹但肅州地方窄狹二千兵

實錄卷二百六十六

九

丁不能盡容且從他處運送草豆又煩費錢糧而甘州地方寬敞民房甚多倉內既有存貯麥豆且於附近地方買送草束亦便今令西安滿洲兵一千名駐扎肅州督標綠旗兵一千名駐扎甘州各令加謹約束勿致生事擾民應如所請從之○丁卯調偏沅巡撫陳瓚為福建巡撫以原任偏沅巡撫李發甲補原官○免江南邳州華亭等十八州縣本年分水災額賦有差○戊辰

上詣

皇太后宮問安○大理寺卿孟世泰以老病乞休允之○以正紅旗漢軍都統圖思海為滿洲都統○己巳以原任雲南巡

撫吳存禮為江蘇巡撫○陞江寧右翼副都統塔拜為杭州將軍○旌表河南烈婦張玉生妻程氏拒姦殞命給銀建坊

如例○辛未諭大學士等朕昨召陳瓚入見細察其舉動言語實係清官且陳瓚係海濱務農之人非世家大族又無門生故舊而天下之人莫不知其清非有實行豈能如此朕面諭陳瓚云爾為巡撫與為司道等官不同若貪財好利誠為非理但應得之物亦宜取為賞兵之需身為封疆大吏而室中蕭然無一物可以與人亦非大臣所宜夫第謂一介不以與人一介不以取諸人豈真一無所取不過不肯與人到後日仍是自肥耳陳瓚亦深心服至陳瓚之學問雖平常而其才尚能辦事凡為地方官者但能持己以正不為非法之事即稱良吏如陳瓚者豈可多得國家得此等人實為祥瑞允宜從優表異以鼓勵清操朕所以寬容張伯行者正愛其清耳○諭大學士等劉蔭樞屢奏稱貴州按察使白潢居官好內外官員無論滿漢大小有如陳瓚李陳常者爾等善為留心昔年九卿保舉兩淮鹽運使張應詒操守好如此等人俱屬難得江南學院余正健操守甚好但不知其辦事之才何如爾等可傳諭九卿有如陳瓚之清操為人所共知者著奏聞○壬申陞驍騎參領苞佐為古北口總兵官江南壽春副將程漢鵬為福建海壇總兵官直隸河間副將楊鯤為雲南

實錄卷二百六十六

十

曲尋武雷總兵官○甲戌

上詣

皇太后宮問安○諭大學士等曰武官不論大小朕俱親驗補授各於營伍事務勉効力○部院滿洲司官今入侍衛班次行走漢官亦時常引見所以俱各勤謹惟外省州縣官員雖調來引見仍未能周知九卿大臣俱有言責伊等亦當留心可傳諭之○乙亥

上幸湯泉○丙子陞直隸巡道張聖弼為湖廣按察使司按察使○戊寅議政大臣等議覆都統穆賽疏言臣等率領大兵於空各衣扎布罕等處連營駐扎所有右衛黑龍江索倫打

實錄卷二百六十六

十一

虎兒喀喇沁察哈爾王默特前鋒兵共六百名請於現在此處大臣內委一前鋒統領應如所請得旨委齊齊哈爾副都統白濟為前鋒統領○庚辰內閣學士鄒士聰以老病乞休允之○增直隸府州縣衛入學額數各三名從總督趙弘燮請也○壬午議政大臣等議覆侍衛阿齊圖疏言據青海貝勒色卜騰扎爾來稱貝勒察罕丹津等因去年胡必爾汗之事貝勒阿喇布坦鄂木布益蘇克汪扎爾色卜騰扎爾台吉達顏蘇爾雜等遵旨不與同心今欲與羅卜臧丹津等盟誓先攻取五家將胡必爾汗送往西地請會同西寧總兵官王以謙嚴整兵馬預為之備查去年裏塘地方新出胡必爾汗

以來。

皇上睿鑒洞徹此胡必爾汗若在彼處則青海諸台吉兄弟必致互相爭競特降敕旨遣侍衛阿齊圖等前往調取欲其彼此和睦今察罕丹津欲將胡必爾汗送往西地恐色卜騰扎爾等尾擊其後遂欲先攻伊等亦未可定應派出西安滿洲兵一千命大臣一員統領前往西寧并令總兵官王以謙派標兵三千預備若察罕丹津果肆猖狂即領兵征剿或色卜騰扎爾等被攻來奔即收入邊內安插再察罕丹津所居地方去松潘止四日程應令四川提督康泰松潘總兵官程正李預備兵馬如有送胡必爾汗西往之信即從後追剿得旨依議著護軍統領晏布前往○癸未諭大學士等曰方春

實錄卷二百六十六

十二

祭

祈穀壇原用上辛日明年正月初十乃上辛日尚未立春前亦有用次辛下辛祭者此處大學士會同太常寺議奏尋大學士等議覆應擇明年正月三十日下辛日祭

祈穀壇從之○甲申

上自湯泉回駐暢春園詣

皇太后宮問安○諭大學士等倉場侍郎呂履恒為人甚懦著調補戶部右侍郎張伯行係革職之員著授為總督倉場侍郎於倉廩工上戴罪効力○議政大臣等議覆散秩大臣祁

里德疏言明年所運軍糧若用直隸山西山東河南購買馬騾運送稍覺勞苦請於喀爾喀左翼車臣汗衆扎薩克令協濟駝隻則運送米石較為便易應如所請令車臣汗等旗分協濟駝隻六千於青草未發之前度量自湖灘河朔至扎布罕之中途有水草處屯扎預備見今尚書殷特布所買四千駝隻外再令增買二千此所買六千駝隻兩次即可運米二萬石自湖灘河朔運至中途有水草處再用喀爾喀之六千駝隻作兩次運送軍前其四省馬騾應就近撥八千匹於明年草生之時送往甘肅交尚書富寧安為兵丁騎載之用從之○以原任內閣學士顧悅履補原官○爭故散秩大臣鄂

實錄卷一百一十

十一

羅祭葬如例加賜銀一百兩○爭故戶部侍郎王原祁祭一次○以戶部左侍郎伯噶敏圖為正紅旗漢軍都統調正黃旗蒙古副都統孟固為正紅旗滿洲副都統陞鑲紅旗前鋒叅領昌鼎為正黃旗蒙古副都統調正紅旗蒙古副都統杭琦為鑲紅旗滿洲副都統陞正黃旗護軍叅領雅徒為正紅旗蒙古副都統德州城守尉努爾布為鑲紅旗漢軍副都統以和碩恒親王長史道保為鑲黃旗蒙古副都統陞鑲紅旗護軍叅領沈保為江寧右翼副都統○九卿遵旨議覆寶泉寶源二局需用銅劬請勻交江南等處八省巡撫擇賢能官動正帑採買鉛由戶部發銀給商人採買見今寶泉局銅少

不敷鼓鑄所買銅鉛令其四月內交一半九月全完嗣後俱照此例於四月九月分交從之○乙酉諭戶部朕統一寰宇宵旰孜孜惟以年穀順成民生康阜為念故凡地方水旱情形必時加諮詢其有歲偶不登即詔所司亟行蠲賑五十餘年來未嘗稍懈前因甘肅靖遠衛等處年歲歉收既已多方籌畫蠲賑頻施復將甘肅被災二十八州縣衛所康熙五十四年額徵銀糧草束通行蠲免但被災之餘民鮮蓋藏若非再沛弘施恐來歲辦賦猶艱除寧州隴西渭源狄道臨洮五州縣衛康熙五十五年額徵銀糧草束已經蠲免外其靖遠等二十八州縣衛所康熙五十五年額徵銀九萬七千八百七十兩零糧二十三萬九千四十石零草二百五十三萬七千八十束零亦盡與蠲免諭旨到日該督撫即徧行曉示俾遐陬僻壤莫不周知務期均霑實惠以副朕軫恤邊民至意○丙戌戶部議覆署倉場總督禮部右侍郎荆山條奏漕船至臨清德州水淺遲延應令山東巡撫選派司道官員自濟寧督運出山東地界將出界日期奏聞又各州縣舊例將樣米小袋裝送倉場外該糧道親驗將各船每船兌米一石裝袋鈴印加封仍放原艙內到淮總漕折驗加封抵通驗卸如此運丁攬和糠粃等弊可除又掛欠弁丁免其留通勒限即發本省照折例每石一兩四錢完納如此則易於賠補應如

實錄卷一百一十

十二

所請從之○丁亥

孝莊文皇后忌辰遣官祭

暫安奉殿○

上奉

皇太后自暢春園回宮○庚寅歲暮祫祭

太廟遣領侍衛內大臣公阿靈阿行禮○遣官祭

永陵○

福陵○

昭陵○

暫安奉殿○

孝陵○

仁孝皇后

孝昭皇后

孝懿皇后陵○遣官祭太歲之神○

上詣

皇太后宮問安○辛卯賜朝正外藩科爾沁色林翁牛特奈曼

烏朱穆秦扎魯特阿祿科爾沁阿霸垓敖漢高齊忒喀爾喀

蘇尼特等諸王貝勒貝子公台吉等及內大臣大學士侍衛

等宴○旌表八旗節婦滿洲千岱妻傅氏等一百五十八人

蒙古達穆巴妻查氏等四十三人漢軍黃天寵妻劉氏等四

實錄卷二百六十六

十五

實錄卷二百六十六

十六

十八人直隸各省節婦吳道暹妻江氏等八十五人貞女滕
天祐聘妻譚氏一人孝子韓資初一人各給銀建坊如例○
是歲人丁戶口二千四百六十二萬二千五百二十四又永
不加賦滋生人丁十七萬三千五百六十三田地山蕩畦地
六百九十五萬七百六十四頃九十畝有奇徵銀二千九百
七十九萬五千三百九十兩有奇米豆麥六百五十九萬二
千石有奇草一百五十萬八千四百七十四束茶三十四萬
一千四百二十四引行鹽五百九萬九千八百五引徵課銀
三百七十四萬一千一百二十四兩有奇鑄錢三萬八千六
百五十五萬九千九百有奇

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百六十六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十七

康熙五十五年丙申春正月壬辰朔

上詣

堂子行禮還宮拜神畢率諸王貝勒貝子公內大臣大學士侍衛等詣

皇太后宮行禮御殿王以下文武各官外藩王及使臣等上表

朝賀停止筵宴○朝鮮國王李煒遣陪臣鄭載倫等表賀冬

至元旦

萬壽節及進歲貢禮物宴齊如例○癸巳

上奉

皇太后幸暢春園○甲午

上詣

皇太后宮問安○丁酉孟春享

太廟遣都統崇古禮行禮遣官祭太歲之神戊戌

世祖章皇帝忌辰遣官祭

孝陵庚子

上詣

皇太后宮問安○癸卯順天府進春○乙巳

上詣

皇太后宮問安○以上元節賜外藩科爾沁巴林翁牛特奈曼

烏朱穆泰扎魯特阿祿科爾沁阿壩喀喇沁教漢萬齊武

喀爾喀蘇尼特王貝勒貝子公台吉等及內大臣大學士侍

衛等宴丙午上元節賜外藩王貝勒貝子公台吉等及內

大臣大學士侍衛等宴○己酉諭尚書富寧安將軍席柱等

朕意微回哨斯口駐扎之兵倘蒙妄阿喇布坦聞知發兵從

哨斯路來襲我兵之後亦未可定仍令新滿洲侍衛及厄魯

特侍衛等前往偵探庚戌

上詣

皇太后宮問安○壬子

上幸湯泉駐蹕○安南國王黎維正遣陪臣阮公墓等進獻歲

貢方物宴齊如例○陞盛京工部理事官楊柱為通政使司

通政使○癸丑以原任廣西按察使王之麟為浙江按察使

司按察使原陞貴州按察使扣缺候補毛文銓為江南按察

使司按察使陞河南糧道張孟球為河南按察使司按察使

○賜朝正外藩王貝勒貝子公台吉等銀幣鞍馬有差丙

辰議政大臣等奏駐劄巴爾庫爾之滿洲兵丁及提督師懿

德等各處之綠旗兵丁於進剿時所需馬匹應令尚書富寧

安將軍席柱詳查如有不足之處即行照數補給從之○辛

酉祈穀於

上帝遣領侍衛內大臣公阿靈阿行禮○議政大臣等奏將軍席柱先以兵丁米糧不能接濟具奏續據尚書富寧安奏稱將現在運到之六十五百餘石未麥於冬季給散兵丁尚有餘剩但席柱以米糧不能接濟為辭既已行文富寧安作速運送又不俟富寧安回文即以米糧不能接濟遽爾奏聞殊屬不合俟軍務完日應將席柱查議現今大兵駐札巴爾庫爾與哈密之額敏相近應令席柱將額敏所有之米糧牲畜給與兵丁接濟俟將運到之米償還牛羊折銀償還至於糧餉甚屬緊要應照富寧安所奏用山西陝西小車三千輛每輛用車夫三名自嘉峪關至哈密安設十二臺每臺各分車

青錄卷五

三

二百五十輛令其陸續轉運此臺應令巡撫綽奇前往安設至阿爾泰一路軍中現有預備駱駝羊隻喀爾喀地方購買尚屬容易應行文都統穆賽等將駱駝三千隻羊十萬隻陸續出阿濟汎界送至巴爾庫爾交付席柱以羊給兵丁作為口糧駱駝於運米使用得旨依議速行

二月壬戌朔諭議政大臣等運送糧餉安設臺站牧養馬匹等項俱係領兵將軍職任今米糧不能運至皆由水草不足故朕昔親統大兵中路出征時沿途必留有水草之處以牧運米牲畜爾等所親知者身為領兵將軍此等事不能深曉領兵直前致沿途水草如火燒赤地後隊兵馬及運米人

千錄卷五

四

役牲畜有不致困乏者乎朕曾屢諭眾大臣云領兵將軍甚難凡事不可不周到今歲停止進兵候種地及一應事務預備完畢審察兩下軍情再行定奪者為此故也且去年駐防哈密二百名兵戰敗策妄阿喇布坦時眾大臣俱欲進兵如果彼時即行進兵路途遙遠米糧焉能接濟現在駐扎食用米糧尚不能接續若彼時即行進剿不知作何景況矣如喀爾喀一路都統穆賽等所統之兵俱係滿洲蒙古熟練之人並無糧餉不足等事將軍席柱等所統之兵尚未熟練所以如此倘運糧不至所關甚大行令將軍席柱提督師懿德等酌留足用汎守調遣之兵其庸懦不堪者著會議撤回○癸亥宗人府題原任黑龍江將軍鎮國公楊福子三官保應照例降一等承襲得旨楊福任將軍以來甚屬効力三官保者仍襲封鎮國公○工部議覆河道總督趙世顯疏言山陽縣范家莊楊家馬頭柳園頭徐家莊安東縣南門便益門等處俱係險工即宜建壩築隄以資捍禦應如所請從之○乙丑諭議政大臣等巴爾庫爾科布多烏蘭古木等處種地之事甚屬緊要若種地得收則諸事俱易著會議具奏尋議開墾田地現今公傅爾丹等帶領土默特人一千前往烏蘭古木等處耕種所需牛種田器應交都統穆賽等動支正項錢糧購買發往至軍前贖罪人員內有願耕種者亦准其耕種俟收

成後將米數奏聞議敘再先經尚書富寧安奏稱哈密所屬布魯爾圖呼魯克接壤之處並巴爾庫爾杜爾博爾金地方哈喇烏蘇及西吉木達里圖布隆吉爾附近之上浦下浦等處俱可耕種應各令派人耕種給與口糧牛種再兵丁內有願耕種者亦令耕種俟收成後將米數奏聞議敘至尚書富寧安現駐扎肅州應將肅州附近之西吉木達里圖布隆吉爾等處交與富寧安酌量耕種圖呼魯克杜爾博爾金哈喇烏蘇等處耕種之事派大臣一員管理得旨依議著副都統蘇爾德前往管理丁卯遣大學士蕭永藻祭

先師孔子戊辰祭

大社

大稷遣工部尚書赫奕行禮陞江南鹽驛道朱作鼎為安徽按察使司按察使已已禮部題御史董之燧疏參會試同考官儲在文等作弊之處請將原任左都御史劉謙等提至京城質審

上諭大學士等曰漢大臣等有好干預科場之事者看來不待臨期往往前一年先為之計或選刻文章或刊行寬稿令人誦習揣摩場中一見即可知為何人矣故選文刻稿皆應懲戒總之科場事當秉至公不可稍參私意去歲考試官聲名不好朕亦聞之但劉謙已於別案革職若又提審牽連甚多

著從寬免將董之燧參本發還又諭曰趙晉果否身死之處前令張伯行確查今究竟如何著問張伯行具奏尋大學士等奏臣等詢問張伯行據云趙晉未死之處實係傳言尚未有確証

上曰此案甚久牽連人亦多且府縣官皆因此誣誤若趙晉果不死便當查拏若已死便當結案將此交與刑部速行完結庚午諭將軍席柱提督師懿德總兵官路振聲額駙阿寶等爾等出兵日久策妄阿喇布坦處並無信息今值春令遣侍衛滿泰閱視營伍汛界西安滿洲兵陝西綠旗兵因係同城所以甚和爾等亦宜和睦為是刑部左侍郎薩爾臺以

年老乞休允之壬申

孝康章皇后忌辰遣官祭

孝陵陞順天府府尹王懿為大理寺卿提督江南學政國子監祭酒余正健為順天府府尹癸酉

上自湯泉回駐暢春園詣

皇太后宮問安乙亥以陝西蘭州等處連歲被災命散給飢民口糧外每畝再給籽粒五升丙子

上詣

皇太后宮問安陞貴州按察使白潢為湖北布政使司布政使四川建昌道王沛懷為貴州按察使禮部題

安南進貢禮物請交與內務府察收

上諭大學士等曰安南國年例進貢犀角象牙等物物既沉重道復遙遠運送未免勞苦非所以柔遠之意嗣後著將犀角象牙免其進貢 戊寅大計天下官員卓異官三十六員貪酷官九員不謹官三十三員罷軟官十二員年老官五十三員有疾官三十二員才力不及官二十四員浮躁官十九員分別陞賞處分如例 西安副都統高文燭以年老乞休允之 己卯

上詣

皇太后宮問安○

實錄卷二百六十七

上巡幸畿甸命皇十二子固山貝子允禩皇十六子允祿隨駕自暢春園啟行是日駐蹕拱極城 庚辰遣官祭先農之神

上駐蹕十三里地方 辛巳

上駐蹕胡良橋地方 壬午

上駐蹕半壁店 癸未

上駐蹕王廟 甲申

上登舟泊趙北口 予故工部左侍郎阮爾詢祭葬如例 予故陝西巡撫雍泰祭葬如例 丙戌

御舟泊郭里口○丁亥

孝昭皇后忌辰遣官祭

陵 戊子春分朝

日於東郊遣禮部尚書赫碩咨行禮 庚寅禮部題

昭陵副關防西蘭泰等咨稱

昭陵千丁効力七十餘年懇照

福陵千丁子弟例一體考試入學應如所請從之 戶部議覆

雲南道御史董之燧疏言直隸各省內有丁從地起者其法

最善但愚民每急欲售地而去而丁存貽累無窮嗣後民間

買賣地畝其丁隨地輸課應如所請從之○以故張繼宗子

張振麟承襲正一嗣教大真人○辛卯

實錄卷二百六十八

御舟泊段村

三月壬辰朔

御舟泊園頭 甲午

御舟泊趙北口 乙未遣官祭

歷代帝王

御舟泊苑家口 丙申

上自苑家口登陸駐蹕王喜營 丁酉

上駐蹕良渠地方 戊戌

上駐蹕南窩地方 陞陝西漢中副將路振揚為四川松潘總

兵官○原任廣西新太營參將王啟雲子武舉王士懷摺奏

右江徭人倡獮臣父王啟雲率官兵往剿中傷身亡提臣以輕躁指叅蒙

皇上不加議處爾爾來京謝恩得旨武職官員皆係朕簡用之人故俱實心効力以盡厥職無有退縮者王啟雲人材壯健曾有效力處朕深知之授為叅將徭人圍萬承州時王啟雲領兵奮力勇戰以致傷亡甚為可嘉著該部議卹具奏尋議王啟雲應贈為副將得旨依議王士懷著照難廕例錄用已亥

上駐蹕戴嶺地方 庚子

上回駐暢春園詣

實錄卷五

九

皇太后宮問安 辛丑諭議政大臣等差往策妄阿喇布坦處之克什圖保住並澤卜尊丹巴胡土克圖之使人楚楊託音及策妄阿喇布坦差至澤卜尊丹巴胡土克圖處之使人潘提忠內等來京朕詢問策妄阿喇布坦情形皆已悉知策妄阿喇布坦乃巨猾奸詭之人甚屬無恥以朕之使臣非係使臣旨意非係諭旨是部文等語今爾諸大臣等向克什圖保住等詳詢策妄阿喇布坦情形將克什圖保住及楚楊託音潘提忠內等一同遣往其作何遣往之處爾等會同副都統以上並九卿大臣各陳所見詳議再傳諭漢大臣等從前但以兵糧牲畜路遠難到為念今祁里德處糧米現剩有二十

餘石而西路之米亦皆陸續運到兩處之米委屬充裕無容

計慮朕從前中路出兵時曾於沿途按站留米令煮粥以養瞻營中困乏之步行跟役并貿易人等大有裨益今兩路進兵之站亦應照此行將軍席柱曾中毫無主見一應軍務糧餉俱將軍之責伊云我但統領兵丁運米之事與我無涉糧到我即行等語可見席柱無將軍之才此處亦著確議再總兵官路振聲一聞侵犯哈密即領兵往救且聞伊愛養標下兵丁甚屬出力路振聲著授為叅贊據策妄阿喇布坦奏懇遣使一賢能大員等語克什圖保住出使策妄阿喇布坦處所已經數次今加伊等大銜前去即係大員矣再凡為使臣者果能一體同心於事方克有濟若內有不睦互相掣肘彼此言語矛盾一有差失則無益於事伊等有不合處即當明言為是再派出在京一人偕克什圖保住前去此處亦著會議書諭旨時令克什圖保住等面看繕寫伊等俱以為宜其再明示諸大臣我兩路兵馬牲畜糧米一應俱已齊備兩處軍中業已種地收穫可期此番使臣到策妄阿喇布坦處得其確實情形即將大兵逐漸進至伊地告以會講遣往並非進剿之兵亦無不可也 癸卯清明節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵

吏部尚書富寧安疏言貝子阿喇布珠爾及諾

顏綽爾濟等居住之色爾騰等處達顏台吉屬下之台吉等

居住之柴旦木等處俱通噶斯口之察罕齊老圖地方請令

新滿洲二等侍衛俄木巴里厄魯特一等侍衛達克巴臧布

等駐札色爾騰柴旦木等處形勝之地偵探從之 甲辰皇

實錄卷二六七

七

三子和碩誠親王允祉恭請

上辛王園進宴

乙巳大學士等奏臣等遵旨開欽天監春分

之日風候從何處起據監正明圖等云是日風從西北乾方

來

上曰朕常立小旗占風并令直隸各省凡起風下雨之時一

奏報見有京師於是日內起西北風而山東於是日內起東

南風者古人云隔里不同風此言最確又嘗考驗雷聲不出

百里之外易云震驚百里若霹靂則不過七八里也至於礮

聲竟可聞於二三百里從前蘆溝橋演礮天津皆聞之此其

驗也書籍所載雖不可盡信然亦有鑿鑿可憑者書中云北

方苦寒之處冰結十丈春夏不消今果有其地又淵鑑類函

有云礮鼠有重至萬觔者今亦有之其身如象牙亦似象牙

但稍黃耳此皆與古書相符者也又諭曰地理上應天文宋

儒云天下至大不可執中國地方推算其言甚精而有理中

國山脈皆由崑崙而來彼地四面有江土人呼崑崙為枯隴

又云疆地推算天象中國與瀚海俱在赤道四十五度之內

四十五度之南水皆向南而東流四十五度之北俱向北流

此皆天文地理相合處也大學士等奏曰

皇上於天文地理逐一考驗精確實前人所未發也○議政大

臣九卿等遵旨議覆策妄阿喇布坦係巨猾奸詭之人今仍

實錄卷二六七

七

遣使前往頒示諭旨伊若怙惡不悛則現今阿爾泰巴爾庫

爾兩路大兵俱已齊備應於明年草發時進剿克什圖保住

及同往之原任郎中奔璽應加品級候旨酌定再策妄阿喇

布坦現行文與澤卜尊丹巴胡土克圖應令澤卜尊丹巴胡

土克圖給與回文仍差楚揚託音帶去策妄阿喇布坦向喀

爾喀台吉扎穆巴拉極力修好又唆調喀爾喀等應令喀爾

喀汗王等給與回文仍差楚揚託音帶去現今兩路軍前糧

米甚屬充裕應行文都統圖思海尚書富寧安等從容運送

前中路由兵時因奉

上諭沿途按站留米於步行跟役及貿易人等大有裨益今亦

應令按站留未交與驛站官員令其煮粥養贍席柱無將軍之才應派大臣一員前往代替總兵官路振聲愛養標下官兵効力行間相應授為參贊得旨依議著護軍統領晏布前往代將軍席柱禮部議覆廣東巡撫楊琳疏言直隸各省俱有額設衛學獨粵東衛所從未設立請將廣州等處八衛二所文武童生各取進二名其餘三十六衛所文武童生各取進一名撥入各府學應如所請從之○戊申

上詣

皇太后宮問安○已酉

萬壽節

青錄卷五十七

五

上詣

皇太后宮行禮停止朝賀筵宴○遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵遣官祭真武東嶽城隍之神壬子宴衍聖公

孔毓圻於禮部癸丑

上詣

皇太后宮問安圖爾胡特貝子阿喇布珠爾奏請軍前効力上諭議政大臣等曰阿喇布珠爾所居之處與噶斯口甚近伊既奏請往軍前効力著帶領伊屬下兵丁五百名於青草發時前往噶斯口防守設有策妄阿喇布坦往來之人令其擒送并行令青海台吉達顏貝勒益蘇克汪扎爾亦派兵百名協同防守甲寅諭宗人府自王貝勒以下至閒散宗室以上有年長未許配之女查明具奏俟朕親為擇配其中有情願不情願者亦著陳奏至於無力出嫁者朕給奩具嫁之○以左春坊左中允林之濬提督江南學政○乙卯議政大臣等

青錄卷五十七

五

議覆侍衛滿泰疏言將軍席柱缺少兵丁亟甲器械倒斃馬匹一萬四千有餘副都統吳坤年老疲憊應將席柱革去將軍調取來京嚴行察議吳坤亦應徹回另派總兵官管理得旨著總兵官張弘印馳驛前往代副都統吳坤餘如議丙辰諭大學士等朕觀今人皆能勤於讀書昨將各部院司官輪班引見出題考試完篇者居多即不能詩文之人所書出身履歷亦甚明順若不知文義如何居官辦事今讀書之人甚多夫是好事原任西安將軍席柱等疏言臣等遵旨會議將庸懦不堪西安滿洲兵二百名督標馬兵五百名固原將軍標下馬步兵一千一百名甘肅提標馬步兵七百名肅

州鎮標馬步兵三百名涼州鎮標馬步兵一千一百名寧夏鎮標馬步兵一千一百名撤回派該管官員陸續各回本營巴爾庫爾現在駐扎兵丁除派出種地五百名外尚有滿洲綠旗兵丁七千五百名儘可足用得旨噶斯口撤回之滿洲兵丁一千名綠旗兵一千名現在肅州養馬俱已肥壯於青草盛時發往巴爾庫爾再派綠旗兵三十名預備之處著行文富寧安令其速為料理戊午九卿等議覆貴州巡撫劉蔭樞題請緩圖北征一疏查劉蔭樞本不知兵且遠在天末未悉邊界情形妄為陳請應交與該部議處得旨策妄阿喇布坦無知蠢動侵擾我哈密應發大兵即行殄滅但朕好生

實錄卷二百六十七

五

為念不忍驟加剿除因備兵邊地遣使宣諭俟其悔罪自新為中外生靈計其萬全措置之際必籌其前後慮及久遠防微杜漸始合機宜自策妄阿喇布坦侵擾哈密以來朕從容與大小臣工公同商酌辦理軍務並未嘗有逞一己之怒形諸聲色及統兵親剿之處劉蔭樞聽信訛傳邸抄妄行具奏以為分清邊界便可畢事如策妄阿喇布坦乘間竊發邊民能保不受害乎劉蔭樞尚未來邁著乘驛前赴軍前盡心周閱夫公詳議具奏

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十七

實錄卷二百六十七

六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十八

康熙五十五年丙申閏三月辛酉朔

上詣

皇太后宮問安 吏部題雲南布政使盧詢前任江蘇按察使時失察得麟家人多太潛住上海應於按察使任內降二級調用從之 議政大臣等奏據兵部尚書殷特布疏稱在張家口及歸化城等處共買駱駝六千餘隻應送至宣化大同交與都統圖思海以備運米之用從之○士戍兵部題前阿南達奏稱自邊界至噶斯口一千七百里今鑾儀使董大成奏稱自嘉峪關至噶斯口三千餘里董大成誤信協領吳通寶導引不由阿南達所行之路繞道紆行以致兵丁勞苦馬匹損傷應將董大成革退鑾儀使從之 癸亥諭吏部湖廣總督額倫特著署理西安將軍事務併協同川陝總督辦理軍餉湖廣地方緊要總督事務著工部右侍郎滿丕前往署理 兵部議覆原任福建浙江總督今陞左都御史范時崇疏言商船出海有在外洋被劫者與汛地相去甚遠其兼轄統轄官員請免題叅查外洋被劫者惟責之分巡總捕等官限一年緝獲限滿不獲分別議處但海洋緝賊較陸地倍難嗣後無論內洋外洋之賊該管官能獲一半者免其處分其

各省內外洋名臣部無憑稽查應令該督撫造冊咨部以備查核倘有以內洋失事捏稱外洋者守汛官及該管官俱照例議處從之 甲子

上詣

皇太后宮問安 陞西安按察使薩睦哈為西安布政使司布政使 戊辰諭吏部貴州巡撫劉蔭樞已遣往軍前其巡撫印務著湖北布政使白潢署理 陞盛京戶部理事官馬晉台為盛京刑部侍郎 工部議覆河道總督趙世顯疏言黃河兩岸及高家堰迎溜衝刷之奎山店朱家海邱家莊胡家莊羊路劉大交陵唐家堡各宜建壩築隄山盱二汛龍門壩石舌亦宜修砌加高應如所請從之 己巳 上自暢春園幸湯泉 壬申諭吏部行取直隸各省知縣覃岱等四十二員俱著授額外主事不拘月分遇缺即行題補 陞戶部郎中永太為西安按察使司按察使 甲戌 上自湯泉回駐暢春園詣 皇太后宮問安 陞正黃旗滿洲副都統雍吉納為鑲藍旗蒙古都統調正黃旗蒙古副都統昌鼐為滿洲副都統陞護軍叅領巴祿為正黃旗蒙古副都統護軍叅領宗室赫世亨為鑲紅旗漢軍副都統驍騎叅領班岱為西安右翼副都統護軍叅領覺羅阿爾圖為正藍旗滿洲副都統前鋒叅領噶薩

禮為荊州左翼副都統調正藍旗漢軍副都統瓦哈里為右衛左翼副都統陞驍騎參領阿琳寶為正藍旗漢軍副都統

乙亥

上詣

皇太后宮問安 丁丑陞廣州副都統左世永為廣西提督

戊寅以原任江蘇布政使金世揚為雲南布政使司布政使原任四川布政使宋致為湖南布政使司布政使原任江蘇布政使年欽元為湖北布政使司布政使（已卯議政大臣等議覆侍衛阿齊圖疏言青海台吉等初言將胡必爾汗送往紅山寺繼又請將胡必爾汗送往宗喀巴寺始終推諉不

中書奏

三

令起程自奉旨令護軍統領晏布統兵駐扎西寧四川提督康泰松潘總兵官程正李等整兵豫備復屢次曉諭青海台吉等伊等果爾恐懼於三月十五日將胡必爾汗送至宗喀巴寺居住但青海二翼台吉今雖和睦恐不能久請將羅卜臧丹津察罕丹津達顏管理右翼事務額爾得尼厄爾克托克托奈阿喇布坦鄂木布管理左翼事務再派大臣同郎中長受主事巴特麻至青海會盟令其永遠和睦應如所請得旨依議著公策旺諾爾布侍衛布達理前往 庚辰諭議政大臣等前令西寧駐扎之晏布往噶斯口防守今派晏布令代將軍席柱可將西寧駐扎之西安滿洲兵選五百名令侍

實錄卷二六八

四

衛阿齊圖護軍參領欽第由統往噶斯口形勝之地防守見在胡必爾汗之事俱已就緒其四川松潘等處豫備兵丁著撤回 議政大臣等議覆尚書富寧安疏言巴爾庫爾兵丁庸懦不堪者已撤回五十名遵旨將噶斯口撤回之滿洲綠旗兵二千名於四月內發往巴爾庫爾外其豫備綠旗兵三千名請將西寧鎮標下馬兵一千名火器營步兵五百名涼州鎮標下馬兵七百名火器營步兵三百名甘肅提標馬兵三百名火器營步兵二百名派出併派副將等官豫備調遣其應給騎馱之馬將甘肅等處營馬派給應如所請得旨西寧地方關係甚要見將西寧之兵派出五百名同阿齊圖前往則西寧兵丁不必再派著仍於固原寧夏兵丁內選擇派出餘如議 又議覆都統穆齊等疏言烏蘭古木地方在新設汎界之外俱係山坡山溝不便耕種其和布多布延土郭兒等處耕種收穫甚多應豫備籽粒田器交與公傳爾丹帶領土默特人一千及出兵歸化城之土默特兵一千名前往耕種應如所請從之 辛巳議政大臣等議覆尚書富寧安疏言甘肅巡撫綽奇兒今用小車安設臺站直抵哈密應將所運之米用駱駝馱載運至巴爾庫爾但哈密至巴爾庫爾程途雖近其間有科舍土嶺自巴爾庫爾至科舍土嶺北口請安設三臺令巴爾庫爾駐扎之步兵擡駝運送自哈密至

料舍土嶺南口亦請安設三臺令哈密駐扎之二百兵丁擇駝運送即令見今運米官員併發往効力官員協同管理應如所請從之 工部議覆河道總督趙世顯疏言瓜洲花園港去歲六月內江流北徙坍塌一百二丈應於運河北岸挑挖月河以為屯船之地至瓜洲息浪巷前之石馬頭亦為江潮衝壞應早為修築其花園港挑挖月河之處應如所請至瓜洲城垣與息浪巷相去不遠今息浪巷前之石馬頭漸致坍塌恐江流汕刷逼近城垣應照荊州杭州等處建築護城隄岸行文河道總督會同江南督撫漕運總督親勘確議具奏得旨據趙世顯奏稱江流北徙花園港地方被衝坍塌一

軍機處

五

百二丈瓜洲息浪巷前之石馬頭亦被汕刷倘江流北徙日漸衝刷瓜洲城垣必致危險若不豫為籌畫修隄保護斷乎不可著江南督撫總河總漕速行親往詳加察看作何修理保護之處作速詳議一面動帑修築一面奏聞 壬午諭大學士等曰直隸巡撫趙弘燮因順天永平兩府所屬地方米價騰貴民多乏食奏請借帑銀差官貴賈賤賣再借莊頭積貯之米減價糶賣朕思治天下之道以養民為本當此太平之際而使民乏食可乎從前如福建廣東遠處偶遇災荒猶海運賑濟況京師畿輔之地乎去年順天永平保定河間宣化五府因雨水過多米穀歉收已將錢糧盡行蠲免積貯之

米減價糶賣見今閭閻積貯無多若又以銀買穀則米價益加騰貴今京倉通倉之米甚多將倉內所貯之陳米發二十萬石差堂司官運至各處地方不論旗民確查賑濟窮民始得均沾實惠且直隸北四府地方有水路可通即由旱路運去亦不甚遠不過在人區畫而已至於運米腳價以米給之亦可糶粥之柴以米易之亦可果如是更為有益當責黃不接之時發通倉米於近京之地減價糶賣今又發陳米賑饑則小民斷無乏食之虞矣又諭曰朕聞今年直隸南四府地方麥苗甚好但麥收時亦止有地之人得食而已未種麥之人何由而得朕意此番賑濟濟至九月民方不致乏食每歲

軍機處

六

五城糶粥施濟至三月即止今尚未停止於民大有裨益古之人君居深宮之中不知民間疾苦者甚多朕巡行各處曾目擊之故知之甚確又於直隸各省年穀豐歉時加訪問地方大吏所以不敢隱瞞朕凡事但求實濟不務虛名即如積貯之事聞之似善而行之甚難從前連歲豐收朕曾諭地方官令民間節省積貯但窮民一年所得餬口之外別有費用何得餘剩至於社倉一事李光地任直隸巡撫時曾以此為有益卒不能行今太平已久生齒甚繁而田土未增且士商僧道等不耕而食者甚多或有言開墾者不知內地實無閒處今在口外種地度日者甚多朕意養民之道亦在相地區

處而已陝西臨洮鞏昌等地方雖不可耕種若於有水草之地效蒙古牧養則民儘可度日而百姓但狃於種地不能行此昔年去山東賑濟人員曾云或有人在牛傍不知取乳而食竟坐以待斃此皆不習之故耳爾等將趙弘燮所奏之事會同九卿確議具奏尋大學士九卿等議覆將京倉通倉米發二十萬石於大州縣先運三千石小州縣先運二千石揀選各部院賢能官員親往散賑俟九月秋收時停止得旨依議速行刑部等衙門議覆奉差山西審事湖廣總督額倫特疏言原任山西太原府知府趙鳳詔巧立稅規勒索銀兩應照枉法受贓例擬絞但趙鳳詔受恩深重不便照此例議

實錄卷二百六十八

罪應將趙鳳詔擬斬監候秋後處決其贓銀十七萬四千六百餘兩照數追取入官應如所擬得旨著九卿等會同確議具奏尋九卿等議覆趙鳳詔應即行正法

上諭大學士等曰趙鳳詔前者自謂清廉一文不取取錢無異婦人失節又奏嚙禮為第一清官甚屬欺妄伊父趙中喬居官尚廉趙鳳詔如此貪濫不忠不孝極矣似此不忠不孝之人應當正法九卿議立決甚是但伊贓銀甚多不可不追著照數追比此本著暫收貯 癸未

上詣

皇太后宮問安 陞浙江鹽驛道黃炳為山東按察使司按察

使甲申以吏科給事中陳沂震提督山東學政都察院題五城賑濟粥廠或於麥熟時停止或俟秋收後停止請旨得旨著俟秋收後再行停止○丙戌

上詣

皇太后宮問安戶部題散賑順永兩府所屬貧民請差大臣監視得旨著倉場侍郎荆山張伯行副都御史阿錫鼎通政使楊柱前往監視戊子予故浙江提督吳郡祭一次予故浙江處州總兵官崔相國祭葬如例

夏四月庚寅朔享

太廟遣都統崇古禮行禮○

上詣

皇太后宮問安宗人府題和碩簡修親王雅布子敬儼應照伊兄敬順陽桑阿降二等封為鎮國公之例亦封鎮國公得旨敬儼之兄敬順陽桑阿及蘇努之子蘇爾金封公後並不効力行走俱著革退敬順陽桑阿併敬儼俱著授為一等鎮國將軍蘇爾金著授為三等鎮國將軍壬辰吏部議覆銜聖公孔毓圻疏言請將貢生楊浩補授四氏學正應如所請得旨學官俱考試引見四氏學官亦令考試引見以後行聖公所屬應補官員俱著考試引見 癸巳

上詣

皇太后宮問安。丙申。授固山貝子蘇努子吳爾臣鎮國公登色子塞爾臣俱為三等鎮國將軍。和碩簡修親王雅布庶出子神保柱為三等奉國將軍。多羅貝勒延壽庶出子揆良奉國將軍。勒特渾子昂阿圖俱為奉恩將軍。戊戌。

上詣

皇太后宮問安。諭議政大臣等兩路兵駐扎已久。軍中哨探之事甚屬緊要。倘有疎忽。致策妄阿喇布坦之人在邊境私自往來。則大有關係。其嚴加防範之處。著速議具奏。尋議各防守處派能幹弁員不時巡查。若策妄阿喇布坦之人有歸順前來者。作速解送來京。其私行往來者。即行拘執。從之。

庚子。

上詣

皇太后宮問安。辛丑。轉兵部右侍郎党阿賴為左侍郎。陞內閣學士查弼納為兵部右侍郎。和碩額駙李叔鰲所尚郡主卒。遣官致祭。壬寅。

上詣

皇太后宮問安。以內閣學士敦禔充經筵講官。以翰林院侍講學士長壽侍讀陳恂翼鐸侍講魏廷珍俱充日講起居注官。癸卯。

上奉

皇太后避暑塞外。命皇三子和碩誠親王允祉皇七子多羅淳郡王允祐皇十五子允禩皇十六子允祿皇二十子允禔隨駕。是日自暢春園啟行。駐蹕湯泉。諭大學士嵩祝曰。觀麥苗發。苗雖發生。暢茂。但天氣稍旱。當豫期祈雨。著諭禮部。甲辰。

上駐蹕南石槽。乙巳。

上駐蹕懷柔縣。諭領侍衛內大臣等。聞熱河米價甚貴。每石至一兩七錢。危從人等復行齊集採買。則米價益加騰貴。官兵每月既得錢糧。若復給口糧。未免重複。但以所給錢糧買米。久恐不敷。著將熱河之倉及唐三營倉所貯之米發出。設

立一廠。每石定價銀一兩。賣與隨駕官兵。今各該管之人查視。不許多買。自無轉賣之弊。而於官兵亦大有裨益矣。丙午。

孝端文皇后忌辰。遣官祭昭陵。

上駐蹕密雲縣。丁未。

上駐蹕羅家橋地方。戊申。

上駐蹕遙亭。諭大學士嵩祝曰。近聞外省奏摺人等。僉云麥苗甚好。但路上未曾遇雨。據此則朕早不但京北地方矣。見今麥穗秀齊。若再不雨。豈能生發。結實。朕望雨心切。爾將此

旨錄出發往京師令大學士九卿等再虔行祈禱戶部議覆直隸巡撫趙弘燮疏言順天永平二府去年被水歉收見奉旨發米賑濟但永平府屬地多瀕海艱食尤甚臣聞得山海關外米穀頗多向因奉禁不敢入關請暫開兩月之禁俾關外之民以穀易銀益見饒裕關內之民以銀易粟得賴資生應如所請從之陞光祿寺卿薩哈布為內閣學士兼禮部侍郎仍兼管光祿寺卿事予故刑部侍郎明安祭葬如例予正黃旗故二等精奇尼哈番保柱祭葬如例已酉

上駐蹕巴克什營庚戌

上駐蹕兩間房辛亥

上駐蹕巴克什營

二

上駐蹕鞍子嶺諭領侍衛內大臣等曰時已暑熱隨駕人員

遇水不可妄飲當令擇好水飲之今已出口外與口內不

同早晚甚涼日中則熱可通諭隨駕人員各宜謹慎予故

鑲紅旗漢軍副都統周卜輔正藍旗滿洲副都統蘇木各祭

葬如例工部議覆河道總督趙世顯疏言清河縣運口大

墩草壩歲久傷裂宜添築二壩又儀真縣通濟羅泗二閘軟

斜倒卸水難存蓄亟宜興修俱應如所請從之壬子

上駐蹕王家營喀喇沁多羅杜楞即王憲稜等來朝癸丑

上駐蹕花峪溝地方甲寅

上駐蹕喀喇和屯乙卯

上至熱河駐蹕行宮喀喇沁鎮國公善巴喇錫來朝調正紅旗蒙古副都統杜崇禮為正黃旗滿洲副都統陞前鋒參領伊禮布為正紅旗蒙古副都統以廣東瓊州總兵官何國雲為廣州右翼漢軍副都統戊午翁牛特多羅杜楞郡王和碩額駙蒼津來朝已未諭大學士嵩祝曰今日閱京師奏報及直隸巡撫奏摺俱云各處有雨尚未霑足自五月初一日起仍齊戒祈雨

五月庚申到諭大學士嵩祝曰自密雲縣至邊北雖雨水霑足無煩再禱但京城左右仍然暝旱朕心不安不知眾大臣亦念及否目前端午節恐互相會飲應行嚴禁並令各官竭

上至熱河駐蹕行宮

三

誠祈禱爾將此旨速發京師傳諭九卿辛酉夏至祭

地於

方澤遣都統崇古禮行禮諭扈從諸臣曰朕因祈雨降降諭

旨在京諸臣遲延日久並不奏聞今始摺奏熱河得雨臣等

不勝忻幸之語止於此處得雨有何忻幸部院諸臣但知營

求財喻在家安逸而已求雨之處未必親到朕雨降諭旨命

嵩祝抄發京師乃並不直書中飭又不嚴查題奏伊平日似

務趨奉李光地趙申喬令於朕前稱伊之善今漢大臣輕視

滿大臣咸習以為常朕幾次令科道陳奏伊令科道緘口

不言皆入李光地趙申喬之黨瞻徇情面唯唯諾諾而已伊

乃大學士也。是非所在豈特當與衆言之。即於朕前亦當懇切言之。朕所用大學士三四十人矣。從未見有如嵩祝者。伊自謂能自守之人。乃趨奉二阿哥。隱匿得麟逃走之事。與噶禮結親。自守者果如是乎。且索額圖噶禮朕皆誅之。嵩祝豈更甚於索額圖噶禮。朕不能誅之乎。抑畏伊鑲藍旗之黨乎。今滿洲大臣內無能令漢大臣心服者。朕因仍用馬齊為武英殿大學士。兼戶部尚書。穆和倫為戶部尚書。若嵩祝即馳驛前往京城。問用不勝忻幸之語者。為誰祈雨不到者。為誰嚴查題參。若仍徇情面。一經覺察。必將嵩祝并誅之。陳名夏即伊榜樣也。○諭大學士嵩祝曰。近觀部院諸臣。並不以朝廷事務緊要。民生關係重大為念。惟圖恩威由已。多方設法。極力結黨而已。今部院諸臣。越次陞用者多。而一切禮儀。尚且不諳。況其他乎。今值暵旱之際。朕心憂慮。兩發諭旨。始見臣等不勝忻幸之語。朕心深為失望。由此觀之。九卿並未會集。或止聽一人之言。如此難免欺君之罪矣。總之伊等結黨甚衆。若非伊等援引之人。科道言官。何以不行糾參。恐此風漸長。故將原任大學士馬齊原任尚書穆和倫。亟行補授。爾齋此旨。切責在京諸臣。士戍。

仁孝皇后忌辰遣官祭

陵。○諭學士等曰。京畿地方至今雨未霑足。朕心不勝焦勞。自

密雲至口外。田禾甚佳。及問各處來人。俱云尚有雨水不足之處。念京城人民輻輳。就食者多。且太平日久。人口滋生。多至數倍。以此平素聞諄諄以此事。面諭衆大臣。今值暵旱之際。若再不亟為籌畫。為君為臣者。所理何事乎。閱此次報內。米價又長八旗官兵糧米定例。於八月初十日起。即行支放。至京城月米價必愈加騰貴。著於五月初十日起。即行支放。至京城米石若仍行減糶。甚為有益。著再發米三萬石。交與原派賣米官員減價糶賣。爾等傳諭戶部。○諭署理內務府總管事務散秩大臣觀寶曰。去年直隸所屬地方水滯。未得豐收。自今京師又旱。朕心深為憂慮。自明日為始。朕於宮中每日止

進膳一次。先人而憂後人而樂。庶可感召天和也。○癸亥。轉戶部右侍郎傅爾丹。為左侍郎。陞內閣學士敦禪為戶部右侍郎。左副都御史阿錫鼎。為刑部左侍郎。左副都御史劉相。為刑部右侍郎。○甲子。大學士嵩祝。摺報京師下雨日期。得旨。宋儒有言。求雨得雨。早豈無因此意。甚深。今雖下雨。但雨勢未必遠及。有何可喜之處。求雨斷不可止。必處處需足方可停止也。○乙丑。諭扈從諸臣曰。今歲米價甚昂。頃曾降旨。將八月所放之米。令即支給。目前雨水之時。應於未雨之前。即將此米給與衆人。始為有益。今年四月前甚早。既雨之後。又恐多雨。都統副都統。叅領等。於此等處。未必能實心籌

畫倘雨水過多道路泥濘車輛難行勢必至米糧潮濕拋棄於軍民全無實惠著將此旨傳示八旗都統等○諭學士等曰禮部前奏求雨以雨足為止今早又奏止求七日於何日起何日止之處並未聲明其屬朦混至齋戒日久人心易至懈怠未必實能遵行爾等將此旨明白抄發傳諭禮部○柰曼多羅達爾漢郡王額駙垂忠來朝○丁卯署內務府總管馬齊以復授為大學士赴熱河謝恩得旨馬齊著留此處辦事嵩祝著在京辦事○兵部議覆四川陝西總督鄂海疏言巴爾庫爾留駐兵丁帳房衣帽等物俱已破壞交秋寒冷請於西安藩庫存貯豫備軍需銀兩內借支三月錢糧製辦於每月給發兵丁錢糧時扣除抵償應如所請得旨著動正項錢糧製造連行運給不必扣除抵還○科爾沁多羅永圖郡王宜希班第來朝○戊辰禮部題臣等自四月二十二日祈雨起連日微雨至五月初三日雨大霽初七日據差看雨人員等報稱京城週圍初三初四等日雨水皆足今於初十日停止祈禱報聞已已

上因得雨始照常進膳喀喇沁多羅額駙門都來朝陸內閣侍讀學士尼雅達為內閣學士兼禮部侍郎以正黃旗故二等精奇尼哈番保佐子保壽襲職○庚午大學士嵩祝疏叅戶部尚書趙申喬工部尚書王項齡左都御史范時崇

吏部侍郎傅紳刑部侍郎李華之學士蔡升元王之樞彭始博詹事王奕清於祈雨處俱不親到殊屬溺職應交與吏部都察院嚴加議處大學士王掾副都御史郝林以患病為辭於祈雨處只親到一二次亦屬不合應交與吏部察議近因雨澤未足重煩

皇上屢念乃九卿等不虔心祈禱反於奏摺內妄稱忻幸甚屬不合應將會題此事之九卿諸臣交與未豫此事之九卿諸臣嚴加議處至於奏報雨澤需足與否及浸地幾許之處實係禮部專責不行明白具奏甚屬溺職應將禮部堂官等交與吏部都察院嚴加議處臣既奉明旨不即題參實係庸劣

愚昧應將臣一併交部嚴加議處從之○辛未河道總督趙世顯等疏言臣等遵旨齊集瓜洲將花園港急浪卷前街冊之處併遠城河勢細加詳勘今已動工修理謹繪圖呈覽得旨瓜洲城週圍地方甚屬緊要見今正值雨水之際隄工告成以前著善為防守保護烏朱穆泰和碩車臣親王色登敦多卜來朝壬申遣官祭

關聖帝君○諭大學士等曰閏今歲督撫等奏摺陝西山西河南山東等省三麥豐收乃京師麥價未見甚減京師所賴者山東河南之麥此兩省俱通水路不知一年販來幾何或沿途富商大賈豫行收買以致京師麥價不減亦未可知從

前江南浙江所買湖廣江西米數及湖廣江西賣去米數該督撫俱具摺奏聞大有裨益今山東河南除陸路販賣者無庸稽察外自水路買來麥穀數目可否照湖廣江西督撫具摺奏聞之處爾等會同九卿確議具奏 申戌

皇四子和碩雍親王

遵旨赴熱河行在

乙亥皇子允祕

生 丙子福建浙江總督覺羅滿保疏言臺灣遠屬海外民番雜處南北兩路生番自古聲教未通今據臺灣鎮道詳報南北生番四千七百餘口傾心向化願同熟番內附得旨生番遠居界外從未投順今慕義輸誠請入版籍著地方官加意撫恤倘有侵派擾害者該督撫即行指名題參從重治罪

○土默特多羅達爾漢貝勒阿喇卜坦來朝 丁丑

上諭大學士等曰禮部已將大雨雷足停止祈雨之處具題今內務府總管赫奕復將祈雨之處請旨奏事如此疎忽殊屬不合著將赫奕革去工部尚書併內務府總管其恩詔所得廕生亦著革退 已卯皇三子和碩誠親王允祉恭請

上幸王園進宴 乙酉以正黃旗滿洲都統孫渣齊為工部尚書陞通政使楊柱為都察院左副都御史 陞江南壽春副將任重遠為廣東瓊州總兵官

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十八

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十九

康熙五十五年丙申六月己丑朔九卿等遵旨察議戶部尚書趙申喬工部尚書王頊齡左都御史范時崇吏部侍郎傅紳刑部侍郎李華之學士蔡升元王之樞彭始博詹事王奕清奏摺妄書不勝忻幸之語祈雨處又不親到殊屬不合俱應革職禮部尚書赫碩咨陳說侍郎二高王思誠胡作梅祈雨乃其專責並不虔心祈禱而雨澤曾否霑足之處又不明白具奏殊屬不合俱應革職大學士蕭永藻王揆學士星峨泰長壽吏部尚書張鵬副侍郎孫柱李旭升湯右曾戶部侍郎傅爾丹納呂履恒兵部尚書殷特布侍郎党阿賴由從典刑部尚書賴都張廷樞工部侍郎王度昭左副都御史董弘毅郝林通政使周道新祈雨處雖曾親到奏摺妄稱不勝忻幸之語亦屬不合俱應革職留任大學士嵩祝不將在京諸臣不虔誠祈雨奏報遲延之處即行指名奏參亦屬不合應革職留任得旨趙申喬王頊齡范時崇傅紳李華之蔡升元王之樞彭始博王奕清俱著降三級留任恩詔所得廢生俱著革退赫碩咨著革職恩詔所得廢生著革退陳說二高王思誠胡作梅俱著降五級留任恩詔所得廢生俱著革退蕭永藻星峨泰長壽張鵬副孫柱李旭升湯右曾傅爾丹納呂

實錄卷之九

一

一

一

一

一

一

一

一

一

一

一

一

一

一

一

一

一

郎傅爾丹納呂履恒兵部尚書殷特布侍郎党阿賴由從典刑部尚書賴都張廷樞工部侍郎王度昭左副都御史董弘毅郝林通政使周道新祈雨處雖曾親到奏摺妄稱不勝忻幸之語亦屬不合俱應革職留任大學士嵩祝不將在京諸臣不虔誠祈雨奏報遲延之處即行指名奏參亦屬不合應革職留任得旨趙申喬王頊齡范時崇傅紳李華之蔡升元王之樞彭始博王奕清俱著降三級留任恩詔所得廢生俱著革退赫碩咨著革職恩詔所得廢生著革退陳說二高王思誠胡作梅俱著降五級留任恩詔所得廢生俱著革退蕭永藻星峨泰長壽張鵬副孫柱李旭升湯右曾傅爾丹納呂

實錄卷之九

二

二

二

二

二

二

二

履恒殷特布党阿賴由從典賴都張廷樞王度昭董弘毅郝林周道新俱著降二級留任恩詔所得廢生俱著革退嵩祝著革職留任恩詔所得廢生著革退四月內朕起身前一日曾面諭大學士王揆爾氣色不好仍似有病今夏爾宜在家調養王揆將此緣由並未聲明今若同眾議處與朕從前面諭不符著寬免予故兵部左侍郎覺和托祭葬如例予故右衛副都統一等伯索訥穆喇錫祭葬如例科爾沁和碩卓禮克圖親王已特麻來朝壬辰諭大學士等曰熱河地方涼爽尚未甚熱觀京師奏報內六月初二日甚熱今時漸大暑應將監禁人犯暫行從寬拘繫此旨速行傳諭刑部○丁酉喀爾喀和碩親王多羅額駙車妄扎布來朝陞禮部右侍郎荆山為禮部尚書辛丑諭大學士等曰熱河地方雖日日布雲時有雷電而雨未大沛問各處來人言京城四圍亦覺稍旱此處自十五日起齋戒祈雨京城亦從十五日起一體祈雨將此旨速行傳諭禮部壬寅直隸巡撫趙弘燮將所用搭橋墊道銀兩數目繕摺呈覽得旨每次必派工部侍郎一員隨行應著隨行侍郎與嚮道官員等公同監看搭橋墊道不但錢糧不致糜費而夫役亦均沾實惠矣戊申科爾沁和碩端敏公主來請安都統圖思海疏言臣等自湖灘河朔起程運米至郭多里巴爾哈孫地方換用喀

爾喀之駝駝運原用過駝五千餘隻已交侍郎艾芳曾帶回付大同宣化二府官員喂養續運米石於明歲再運從之旌表河南烈女劉常玉之女劉氏拒姦殞命給銀建坊如例己酉達賴喇嘛班禪胡土克圖拉藏汗遣使進貢賞賚如例壬子議政大臣等議覆尚書富寧安疏言布隆吉爾等處所種田禾俱可豐收應造倉廩併收貯農器房屋請派官豫為修治理應如所請從之癸丑議政大臣等議覆尚書富寧安疏言甘肅地方今年田禾茂盛秋收可期各處民人俱具呈欲往口外併哈密地方以及駐兵之處貿易者一百四十餘起請令地方官給與出口印票以便前往應如所請從

平定回疆方略卷七

之○甲寅科爾沁固山貝子鄂齊爾桑來朝○丙辰上自熱河幸湯泉是日駐蹕中關丁巳

上駐蹕湯泉○大學士九卿等遵旨議覆河南山東與京師甚近兼之連年豐收乃京師麥價未見甚減者皆由商賈富戶等豫行收買所致應行文河南山東巡撫查明由水路北來賣與商賈麥穀數目每月繕摺奏聞仍行文直隸巡撫凡本處商賈及沿途富戶有多買者俱嚴行禁止從之予故杭州將軍達拜祭葬如例

秋七月戊午朔享

太廟遣都統汪悟禮行禮○喀爾喀多羅貝勒準對來朝己

未授鎮國公登色女為鄉君塔郭多澤為鎮國公壻秩四品辛酉

上回駐熱河行宮○癸亥吏部題請引見月官得旨道員以下教官以上著滿洲侍郎一員帶來引見其中有衰老不能來者即著革退諭刑部嗣後八旗命案著該旗大臣會同爾部詳審定擬具奏○甲子賜大學士馬齊

御製避暑山莊詩集

御選唐詩周易折中道德寶章各一部○丙寅阿祿科爾沁多

羅貝勒汪扎爾來朝○丁卯

考懿皇后忌辰遣官祭

中興蒙古方略卷七

陵○庚午

皇四子和碩雍親王○恭請

上幸王園進宴○辛未侍衛阿齊圖疏言臣於六月初六日到察罕烏蘇地方據台吉達賴等言察罕烏蘇地方水草既好地亦寬濶宜於駐兵若策妄阿喇布坦使人到青海必由此路若往西藏必由察罕托灰之路此兩路設兵防守則噶斯口以內更無可行之路再自噶斯口過打布孫瀚海有地名噶順可進色爾騰地方此處亦當設兵防守臣遣人往視噶斯口果無可以駐兵之處今將兵分為四營駐扎察罕烏蘇令護軍參領欽第由等領兵駐扎噶順設汛防守報聞壬

申。中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵。喀爾喀和碩親王額駙車妄扎卜所配之縣主卒。遣官致祭。○于故寧古塔將軍覺羅孟俄洛祭葬如例。

實錄卷二百六十九

七

戊寅。領侍衛內大臣侯巴澤德等奏。鑾儀使護軍統領宗室訥音圖。冠軍使副都統欽拜。遲誤。

御輻應交部議處。得旨。訥音圖賦性昏愚。人亦庸懦。著革職。交該管王處行走。欽拜著革職。

上諭。領侍衛內大臣等曰。本朝舊制。王大臣及眾執事人等。凡係辦理御用之物。各極謹慎。不致遲誤。今漸染漢人氣習。惟尚虛浮。遲誤御輻之事。無大關係。但該管官於御用之物。怠忽從事。情屬可惡。朕令將伊等拏問。觀鄂倫岱之意。大以為不然。朕洞察其情。必欲懲治。以彰國法。特諭爾等知之。己卯。偏沅巡撫李發甲疏言。瀘溪縣李枝與妻張氏。李枝行妻

龔氏。李枝永妻楊氏。李枝嚴妻劉氏。李枝英妻張氏。妯娌五人。守節完貞。請加旌表。得旨。該部議奏。庚辰。高齊武多羅額爾德尼郡王阿噶尼斯達來朝。壬午。免浙江蘭谿等七縣嚴州一所本年分水災額賦有差。戶部題請更換鳳陽等關監督。

上諭。大學士等曰。各關監督所欠錢糧甚多。未派之先。俱願前往。及到任之後。額稅必缺。此皆多帶人役徵收過刻之故。昔南新關有一監督。商巡撫王度。昭錢糧如何不致缺額。王度昭告以從寬徵收。斷不欠缺。後果如其所言。鳳陽關額稅著交與該巡撫徵收。餘缺俟朕另派。厄魯特多羅郡王車零

實錄卷二百六十九

七

旺布來朝。○癸未。

上行圓。命皇三子和碩誠親王允祚。皇十五子允禩。皇十六子允祿。隨駕。是月自熱河啟行。駐蹕中關。甲申。

上駐蹕博洛和屯。○巴林固倫榮憲公主來請安。○翁牛特多羅杜楞郡王和碩額駙蒼津烏朱穆泰多羅厄爾德尼貝勒博木布來朝。○乙酉。喀爾喀鎮國公屠巴來朝。丙戌。

上駐蹕張三營。○戶部議覆署理奉天將軍事前鋒統領伯唐保住疏言。奉天承德等九州縣地畝人丁。仍照舊例徵收米豆。應如所請。得旨依議。承德等九州縣地畝人丁。原徵收米豆。因府尹董弘毅題請。方將舊例更改。今該將軍奏稱。存倉

米豆漸致缺之者將董弘毅交與該部察議具奏。○丁亥。吏部尚書富寧安疏言臣遵旨於達里圖等處耕種。田苗茂盛。豐收可期。但軍需莫要於糧。米臣復細訪自嘉峪關至達里圖可墾之地尚多。肅州之北口外金塔寺地方亦可耕種。請於八月間臣親往通行踏勘。會同巡撫綽奇招民耕種外。再令甘肅陝西文武大臣及地方官捐輸耕種。無論官民有願以己力耕種者亦令前往耕種。俟收穫之後。人民漸集。請設立衛所於邊疆大有裨益。得旨著議政大臣九卿詹事科道會議具奏。尋議相應令富寧安會同督撫等同往踏勘詳議具奏。

實錄卷一百一

八

上諭議政大臣等曰踏勘墾種地方及設立衛所之事。令富寧安會同督撫踏勘之議不合。富寧安係駐扎肅州管理軍務之人。不宜派往。著巡撫綽奇將可以墾種地方前往勘明。會同富寧安確議具奏。以三等侍衛伍達禮為鑾儀衛鑾儀使。○歸化城土默特都統丹津來朝。

八月。戊子朔。祭

大社

大稷遣都統崇古禮行禮。○己丑。

上駐蹕汗特木爾達巴漢昂阿地方。○庚寅。

上駐蹕雲特木爾昂阿地方。○辛卯。

上駐蹕阿納達達巴漢昂阿地方。○壬辰。先是。

上諭議政大臣等富寧安處需用馬匹可將八旗添設之馬及直隸山東山西河南喂養之馬酌量撥給。著議奏。至是議四省之馬前後已將一萬四千八百匹撥送尚書富寧安處。至八旗添設之馬應停其撥送從之。○陞湖廣辰州副將史成為浙江黃巖總兵官。○免湖廣安鄉等四縣本年分水災額賦有差。○癸巳。科爾沁和碩額駙多爾濟塞稜來朝。○甲午。上駐蹕克勒烏里雅蘇台。○乙未。秋分夕。月於西郊遣戶部尚書穆和倫行禮。○上駐蹕哈達鄂佛羅地方。○丙申。

實錄卷一百一

八

太宗文皇帝忌辰遣官祭

昭陵。○

上駐蹕噶海圖地方。○免湖廣巴陵等三縣岳州一衛本年分水災額賦有差。○丁酉。遣大學士蕭永藻祭

先師孔子。○

上駐蹕烏喇岱地方。○戊戌。

太祖高皇帝忌辰遣官祭

福陵。○己亥。授故奉國將軍塞爾都子格爾璽英為奉恩將軍。

○辛丑。

上駐蹕額爾滾畢地方。○壬寅。

上駐蹕布爾哈蘇台。○陞內閣侍讀學士長蘊為內閣學士兼

禮部侍郎。甲辰烏米穆泰和碩車臣親王色登敦多卜來

朝。乙巳免江西寧州武寧等三州縣本年分水災額賦有

差。喀爾喀輔國公敏珠爾來朝。○丙午

上駐蹕格爾齊老地方。○丁未

上駐蹕舒虎爾昂阿地方。○戊申

上駐蹕克爾木台地方。○科爾沁和碩達爾漢親王和碩額駙

羅卜臧滾布土謝圖親王鄂爾齊圖來朝。○庚戌

上駐蹕永安拜地方。○辛亥

上駐蹕鶯圖色欽地方。○壬子

上駐蹕齊老圖地方。○癸丑

上駐蹕烏蘭哈爾哈地方。○甲寅

上駐蹕巴顏拖羅海地方。○戶部題定例各關監督一年限滿

更替。邇來捏造錢糧虧空題請展限者甚多。嗣後如有捏稱

虧空題請者請照溺職例革職從之。○郭爾羅斯鎮國公巴

土來朝。○乙卯。遣官祭

歷代帝王。○遣官祭城隍之神。○

上駐蹕朱爾哈代碩倫地方。○吏部遵旨察議原任奉天府府

尹今陞都察院左副都御史董弘毅將承德等九州縣應徵

米豆題請改徵銀兩。以致存倉米豆缺乏。董弘毅應降三級

調用從之。○丙辰

上駐蹕郭里營。

九月。丁巳朔。免江南宣城等三縣本年分水災額賦有差。

○戊午

上駐蹕喀布齊祿地方。○己未

上駐蹕博洛和屯。○賜來朝喀喇沁翁牛特泰曼科爾沁烏米

穆泰教漢土默特阿霸垓喀爾喀高祿科爾沁嵩齊感郭爾

羅斯主貝勒貝子公台吉等銀幣鞍馬有差。○賜隨圍蒙古

官兵銀兩布疋有差。○庚申

上駐蹕中關。○壬戌

上回至熱河。駐蹕行宮。○免湖廣江夏等八縣武昌等六衛奉

年分水災額賦有差。○陝西涼州總兵官袁鈴丁母憂。令回

籍守制。○丁卯。授和碩誠親王允祉女為郡主。塔根扎布多

爾濟為和碩額駙。○戊辰

上聞皇八子多羅貝勒允禩染患傷寒。降旨十四阿哥允禔向

來與八阿哥允禩相好。著伊同太醫商酌調治。○庚午。陞山

東巡撫蔣陳錫為雲南貴州總督。以山東登州總兵官李樹

德為山東巡撫。○予故都統善丹祭葬。諡敏壯。○壬申

上奉

皇太后自熱河回鑾。是日駐蹕喀喇和屯。○癸酉

上駐蹕鞍子嶺。○兵部議覆江南蘇松水師總兵官胡駿疏言臣不諳水性請調極邊効力應行文該總督將胡駿果否諳練水性之處查明到日再議

上諭大學士等曰朕聞蘇松兵丁習俗甚惡自胡駿到任因其約束嚴峻兵丁幾起釁端總督巡撫提督等欲潛行消弭故未奏聞至於給餉俱係知縣等微員不能彈壓兵丁胡駿征剿海島勤勞素著今為兵丁惡習所迫故爾奏請改調部臣未悉此情議將胡駿果否諳練水性之處行查該督誤矣倘因胡駿不諳水性另行改調則兵丁惡習愈長此斷不可況崇明遠在海島民稠地廣應將江南事簡地方道員移駐於

彼以資彈壓著九卿議奏尋九卿等議胡駿不准改調請將

江南江常鎮道移駐崇明監放官兵俸餉從之○授輔國公訥圖女為鄉君壻英貴為輔國公壻秩四品○免山東泰安商河等六州縣本年分水災額賦有差 甲戌

上駐蹕兩間房

上問

皇四子和碩雍親王 八阿哥病汝曾使人往看否回奏云尚未使人往看

上曰汝當使人往看○議政大臣等遵旨察議原任將軍席柱係領兵進剿之大臣而兵丁內八千餘人盡甲器械俱不齊

備馬匹牲畜至巴爾庫爾地方不尋水草佳處收牧以致倒斃一萬四千有餘副都統蘇爾德前往種地所需牲畜田器籽粒席柱不即行料理備辦管轄官兵之員不行加意遴選濫將護軍校晉保委為前鋒章京於八月間迷失延至十二月始行奏聞尚書富寧安所運之米散給兵丁尚有餘剩而席柱竟以兵糧不能接濟造次具奏扎布罕駐扎之兵丁俱以打牲為業節省米糧而席柱反行禁止打牲再察席柱於原任都統西安將軍時補授屬下官兵俱勒索銀兩是實應將席柱即行處絞家產籍沒原任副都統吳坤身係參贊並不勸阻應將吳坤革職家產籍沒疏合留中○乙亥

上駐蹕巴克什營○丙子

上駐蹕遙亭○免湖廣黃陂等四縣荆左一衛本年分水災額賦有差○喀爾喀車臣汗遣使進九白年貢宴賚如例○丁丑

上駐蹕羅家橋地方○戊寅

上駐蹕髻髻山○貴州巡撫劉蔭桓疏言臣遵旨親赴巴爾庫爾軍前閱視滿漢官兵共立二十三營週圍二百餘里軍勢雄壯首尾相應但巴爾庫爾地方居雪山之後聞入冬大雪動深數尺倘道路壅阻糧何以運草皆覆壓馬駝何以牧放臣不勝憂懼謹密奏聞

上諭大學士等曰軍機事務關係重大一言可以鼓勵士氣一言可以退縮人心本朝自

太祖高皇帝

太宗文皇帝

世祖章皇帝迄今百有餘年所向成功事事上應

天心以正討逆巡撫劉蔭樞乃讀書之人年已八十非屬無知初以朕為不能忍怒及至軍前無可奏對又稱嗣後雪至三四尺糧何以運駝馬何食於此愈知其無能矣外藩蒙古兵有百餘扎薩克人無一分糧餉馬無一束草乾自古及今極寒之地何以各安生業觀其一經雪後驚惶失措忘其身為

聖祖實錄

三

巡撫管轄文武之責如敵稍強必至效曹中吉羅森方光琛輩所為也朕三統大兵曾當嚴寒酷暑及行沙漠不毛乏水之地於軍機事務以至調養駝馬無不熟悉然後知古人論兵不得其道多無成功每至敗事深為太息朕中路統兵至上都博洛河屯於三月十六等日遇雨雪風霰自京師運米出口馬匹肥者倒斃反多兵丁馬匹不甚傷損蒙古馬匹如常於此愈知古人乘春以圖蒙古之失策也朕近訓兵校獵至烏里雅蘇台八月十六日嶺巔雪深尺許至行營中惟深七寸駐蹕二日雪已全消此去京師七百里即如此矣設劉蔭樞見黑龍江東海北海等處冰結八尺之處必至奏請毀

城郭棄地方盡行移徙矣古人云雪盈尺表瑞過尺成災劉蔭樞今奏稱巴爾庫爾地方雪深三四尺或係伊親見或係何人告伊之處並未聲明仍著劉蔭樞前去雪深三四尺果屬親見著據實奏聞倘聽信他人妄誕恐嚇之語亦著據實奏聞○已卯

上駐蹕密雲縣

皇四子和碩雍親王奏云臣使人往看八阿哥允禩病勢

甚篤今欲先回看視

上允之後發來

上諭云四阿哥隨駕在外惟伊一人乃置危駕之事奏請先回

聖祖實錄

四

看視允禩觀此關切之意亦似黨庇允禩允禩醫藥之事即著四阿哥料理○庚辰

上駐蹕懷柔縣諭兵部直隸各省提督總兵官以下千把總

以上皆有空糧一年之內將兵丁馬匹數目四季造冊報部必有所費武官無書吏雇人造冊俱將空糧與之四季冊報徒勞驛站甚屬無益嗣後每年著止報一次以科爾沁故多羅郡王阿拉布坦弟羅卜藏喇錫襲爵○辛巳

上駐蹕湯泉因允禩卧病在暢春園路傍園內降旨將允禩移

回家中之處著諸皇子議奏

皇四子欲移允禩回家問及諸皇子俱說應當移回惟允禩憤

怒云。八阿哥今如此病重。若移往家中。萬一不測。誰即承當。激切攔阻。將欲移允禩之事奏聞。

上天降旨云。八阿哥病極。其沉重不省人事。若欲移回。斷不可。推諉朕躬。令其回家。諸皇子議云。八阿哥允禩。見今病勢雖未至於十分沉重。然已甚篤。倘有不測。允禩見駐之處。乃

皇父經由之御路。所關非細。理應移回。一面奏聞。一面即將允禩移回家中。諭議政大臣等。盛京船廠二處著揀選兵丁一千名。於伊等弟兄親戚內擇可用之人。每一名派與跟役二名。於三月十八日前來京。給與馬匹器械。前赴祁里德軍前。再延綏總兵官李耀曾。奏請軍前効力。著伊帶領所屬兵

五百名。於青草發時。亦前赴祁里德軍前。免江南宿松縣本年分水災額賦。有差。○癸未。

孝慈高皇后忌辰。遣官祭福陵。

上命固山貝子蘇努。舅舅佟國維。大學士馬齊。領侍衛內大臣公阿靈阿。鄂倫岱。侯巴渾。德同。往看視允禩病。同四阿哥多方延醫。竭力調治。

皇四子和碩雍親王。因至湯泉。奏云。向在途次。皇父問及。曾使人往看八阿哥否。及使人往看。面稱病篤。故爾奏請看視。臣未審輕重。實屬錯謬。罪所難逭。況臣素不諳醫。

藥。今既送允禩到家。臣無可料理之事。奏知前後始末。

上方釋然。得旨。所奏已悉。甲申。

上回駐暢春園。諭大學士九卿詹事科道等曰。國家設立科道。寄以耳目。重任。建言參劾。乃其專責。原任將軍席柱任都統時。補授官員及披甲撥什庫等。混索賄賂。為西安將軍時。尤貪婪不堪。頃交議政大臣審訊。真情盡露。人無不知。而科道等官。竟不糾參。昔年所用武大臣。邇來漸少。所以補授都統副都統等官。止視其効力。處漸次陞用。但伊等多不諳事體。亦不能約束兵丁。兵丁全無畏懼法度。大為廢弛。如原任右衛副都統赫遜圖。人皆稱為胡打鐵。卒以殺人獲罪。宗室

內朕亦嘗試用。皆少不更事。無勝任者。至於總督巡撫。但於地方不生事。年歲豐登。錢糧清楚。即為稱職。或有人自謂清官。縱妻子奴僕。暗受賄賂。以此為清。朕斷不許。如此清官。何益之有。且九卿及督撫。提鎮內居官貪婪。行止不端者。亦或有之。科道官員。即當從公參劾。乃或因係某大臣保舉。或因係某大臣門生。故舊彼此。瞻徇情面。並不題參。間有條奏彈章。亦止受人請託。或欲使人畏懼。自立威名耳。至於會同保舉時。或有欲舉之人。指使他人舉出。而已佯為不知。朕為人君。特從寬不深求而已。非不知也。爾等皆讀書之人。性理一書。公私甚明。凡事一出於公。斯為善矣。科道內有招搖生事。

索詐取財代人陳奏者九卿即行參奏。又諭曰。聞山西陝西今歲收穫較往年甚豐。但西邊見有軍務沿邊一帶地方錢糧及舊欠錢糧應予蠲免。其在軍前綠旗兵丁所借錢糧免其坐扣。今歲湖廣收成亦好。湖南大熟。湖北微不及。江西雖覺稍早。究亦無妨。江浙素稱豐富。朕前巡幸南方時。米價每石不過六七錢。近聞竟貴至一兩二三錢。如此民何以堪。今江浙兩省被災地方錢糧作何蠲免之處。爾等會同詳議具奏。前張伯行曾奏江南之米出海船隻帶去者甚多。若果如此。亦有關係。洋船必由乍浦松江等口出海稽查亦易。聞臺灣之米尚運至福建糶賣。由此觀之。海上無甚用米之處。朕理事五十餘年。無日不以民生為念。直隸今年米價稍昂。朕發倉糧二十萬石分遣大臣巡視散賑。米價即平。小民均沾實惠。若內而九卿科道外而督撫提鎮悉體朕軫念蒼生至意。則天下無不理之事矣。乙酉。

上詣

皇太后宮問安 丙戌

上自暢春園回宮

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百六十九

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十

康熙五十五年丙申冬十月丁亥朔享

太廟遣戶部尚書穆和倫行禮○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○頒康熙五十六年時憲歷○諭大學士等曰張

伯行條奏宜立社倉前李光地為直隸巡撫時亦曾請立社

倉朕諭此事言之甚易行之甚難爾姑試行後試行之果無

成效倉糧庫帑設官專理尚且虧空社倉所收穀石交百姓

收貯寺廟虧空又何待言耶其果否可行之處爾等會同九

卿詳議具奏○又諭曰朕前曾諭九卿科道等文武大臣內

有聲名不好者科道即行題參科道內有行止不端者九卿

亦行參奏今部院司官內有辦事雖勤而操守平常者亦著

查參可傳諭九卿○又諭曰聞富寧安駐扎肅州地方秋毫

無犯彼處兵民無不懽悅誠無愧於大臣之道矣○又諭曰

見今緩決人犯長繫囹圄殊屬可憫爾等會同九卿查其年

分久遠情屬可矜者即分別奏明發落○戊子

上幸暢春園○陞白都納副都統托留為黑龍江將軍○喀爾

喀澤卜尊丹巴胡土克圖土謝圖汗遣使進九白年貢宴齊

如例○己丑

皇太后聖壽節

上率王以下文武大臣侍衛等詣

皇太后宮行禮遵

懿旨停止筵宴○辛卯允祺患傷寒病愈後囑內侍魏珠奏聞

上命將所停允祺之俸銀俸米俱照前支給○壬辰陞廣東廣

西總督趙弘燦為兵部尚書安徽巡撫梁世勲為戶部左侍

郎都察院左副都御史郝林為工部左侍郎順天府府尹余

正健為都察院左副都御史仍兼管府尹事○陞內閣學士

薩哈布為禮部右侍郎仍兼管光祿寺卿事左通政羅瞻為

都察院左副都御史盛京戶部理事官海壽為通政使司通

政使○癸巳諭戶部朕統一寰宇無分中外皆欲久安長治

共樂昇平宵旰孜孜五十餘年未嘗頃刻去懷也策妄阿喇

布坦前曾頻行請安遣使來往近忽狂悖侵擾哈密哈密已

經編置佐領即與內地無異若不遣發師旅置之不問斷乎

不可故特徵兵備邊。一切飛芻輓粟悉支正項毫無累及閭閻。然而行軍置驛及諸凡輓運皆由邊境。今歲山陝二省雖年歲豐收喜登大有。但邊民効力轉輸在所宜恤。茲特大沛恩膏。將山西屬前衛右衛大同懷仁馬邑朔州保德等州縣衛陝西屬府谷神木安塞綏德米脂安定吳堡保安榆林保寧常樂雙山魚河歸德嚮水波羅懷遠威武清平山丹高臺古浪莊浪西寧肅鎮寧夏左右中屯平羅中衛靈寧平涼固原鎮戎西安慶陽阜城甜水河州蘭州洮州等州縣衛所堡康熙五十六年額徵銀八萬六千一百兩零糧米豆穀三十一萬七千七百二十五石零草一百七十六萬五千九百束

實錄卷二百一

三

零通行蠲免。並將從前積年逋欠亦悉與蠲除。諭旨到日該督撫即徧行張示。使遐陬僻壤莫不周知。仍嚴飭所司實心奉行。以副朕加厚邊民至意。其或陽奉陰違。澤不下究。該督撫題參從重治罪。爾部即遵諭行。諭兵部國家綏靖邊圉。剪除賊寇。必須士馬飽騰。方克立奏膚功。恤兵之道宜亟講也。朕御極五十餘年。無時不以愛養士卒為念。內而八旗禁旅。外而各省綠旗兵丁。視同一體。或代還私債。或遣官犒賞。或嚴禁剋減。所以體恤之者。惟恐不至。近策妄阿喇布坦狂逞跳梁。侵我哈密。故特徵兵預備。既已轉輸糗糧。又復頒給馬駝籌畫倍周。加惠尤渥。而山陝綠旗兵丁首奉調遣。遠

跋涉資用惟艱。因而預借公帑。朕念從軍兵丁披堅執銳。戮力戎行。又責以還帑。深可憫惻。其綠旗兵丁所借帑金四萬八千八百餘兩。咸與蠲除。並嚴飭統轄將領實心奉行。倘有仍行私扣者。該督撫據實指參。從重治罪。以仰副朕軫恤邊兵至意。爾部即遵諭行。甲午諭大學士等。朕令大臣皆奏密摺。最有關係。此即明目達聰之意也。其所奏之或公或私。朕無不洞悉。凡一切奏摺皆朕親批。諸王文武大臣等知有密摺。莫測其所言何事。自然各加警惕。修省矣。爾等可傳諭九卿知之。免直隸隆平等五縣本年分水災額賦有差。乙未以翰林院侍講學士樺色充日講起居注官。○等故兵

實錄卷二百一

四

部尚書公孫徵灝祭葬。謚清端。○丙申

上詣

皇太后宮問安。○丁酉議政大臣等。歲費吏部尚書富寧安疏言。巡撫綽奇前往勘閱肅州迤北地方。可以開墾之處甚多。酌量河水灌溉。金塔寺地方可種二百石籽種。自嘉峪關至西吉木地方可種一百三十石籽種。達里圖地方可種一千一百餘石籽種。方成子等處地方可種五百餘石籽種。臣查今歲西吉木達里圖布隆吉爾三處耕種共收糧一萬四千餘石。布隆吉爾係沙土之地。明年應停其耕種。至西吉木達里圖及金塔寺等處地方。請動正項錢糧。派官招民耕種。應

如所請從之○戊戌吏部議覆河道總督趙世顯疏言管河官員必得在工年久諳練工程者方克勝任請將丁憂人員仍留河工効力應如所請

上諭大學士等曰河工告成二十餘年善後之方不可不講在工之人必年久諳練方能辦理譬如行軍務須曾經出征者始於營伍熟諳況黃河之水遷徙不常最難疏治如下埽築隄建挑水壩非久於其地之人不能熟悉著照所議行但築隄亦有不同黃水難於修築而易於保固清水易於修築而難於保固此又不可不知再清水暢流可以刷沙使河水深通水無倒灌之虞然欲使清水暢流必全開六壩使盡由清

書錄卷五十一

五

口而出方能敵黃朕昔南巡乘船閱河隄內民居歷歷可見今於隄內望黃河行舟桅檣皆不可見可知近日河水之深矣○大學士九卿等遵旨議覆張伯行疏請直隸等地方建立社倉應不准行

上諭曰此議甚是設立社倉殊無裨益豐年猶可若遇饑饉之年開倉賑濟所司奉行不善往往生變即如浙江賑濟百姓幾至毆官明代李自成之亂亦由賑濟而起為督撫者過地方有此等事須善為消弭張伯行任江蘇巡撫時地方有一二小賊恐為所害甚至不敢赴常州會審如此倉皇失措平日學問安在哉○又諭曰人命案件關係重大不可稍有疎

忽朕御極以來於奏讞刑獄之事必極其慎重細察情罪反覆披閱幾可成誦如此詳勘毫無疑竇方分別輕重批發施行閱今年朝審情實人犯止七十餘名迨三次覆奏後勾決

者不過二三十名除緩決人犯已有諭旨令將年久者分別減等發落外其朝審情實人犯今年處決著停止○陞通政使周道新為都察院左副都御史○陞翰林院侍讀學士穆爾台為內閣學士兼禮部侍郎○陞廣東巡撫楊琳為廣東廣西總督山東布政使李成龍為安徽巡撫○調正紅旗蒙古都統宗室巴賽為正黃旗滿洲都統陞鑲藍旗蒙古副都統胡錫圖為正紅旗護軍統領調正黃旗蒙古副都統宗室

書錄卷五十一

六

善壽為鑲藍旗滿洲副都統陞護軍統領丁壽為正黃旗蒙古副都統前鋒參領常齡為鑲藍旗蒙古副都統驍騎參領沙喀為白都納副都統正白旗護軍統領睦森為鑲黃旗蒙古都統鑲白旗滿洲副都統額爾錦為本旗漢軍都統步軍總尉鄂三為黑龍江副都統護軍參領吳世巴為鑲白旗漢軍副都統以南昌總兵官甘國培為京口副都統○予故雲南貴州總督郭琿祭葬諡勤恪○庚子

上詣

皇太后宮問安○辛丑

上自暢春園幸湯泉○以貴州安籠總兵官李得勝為鑾儀衛

鑾儀使○陞山東膠州副將李麟為山東登州總兵官陝西永昌營副將康海為陝西涼州總兵官○甲辰貴州巡撫劉蔭樞疏言臣妄奏軍前雪深奉旨令臣親往閱視但臣年老患病不能親往謹在甘州候旨得旨劉蔭樞前奉旨親赴軍前並未周閱營壘即稱患病不候諭旨回至甘州且云入冬後雪深數尺恐懼奏陳今令伊親閱彼處積雪情形據實陳奏又不遵旨往閱仍託病求回原籍若伊意欲乞休久當奏請乃未奉旨之前顧總官職不請休致及至軍前稍經寒雪即舉動失措違旨退縮奏請回籍理應從重治罪但伊年老居官以來操守尚清覽伊奏摺情辭甚屬可憫諭旨到時著即回貴州辦事從寬免其議處○乙巳陞鑲紅旗護軍統領晏布為正紅旗蒙古都統多羅平郡王長史喇色為鑲藍旗蒙古副都統正藍旗滿洲副都統溫普為正白旗護軍統領調鑲黃旗蒙古副都統道保為鑲白旗滿洲副都統陞多羅安郡王長史宗室色亨圖為鑲黃旗蒙古副都統○丙午

上自湯泉回駐暢春園詣

皇太后宮問安○兵部議覆福建巡撫陳璘疏言往臺灣澎湖貿易之船不宜零星放出必至二三十隻方許一同出洋臺廈兩汛亦酌量船隻多寡撥哨船三四隻護送應如所請從之○侍衛阿齊圖疏報策安阿喇布坦賊徒來馬廠偷盜馬

匹官兵擊敗賊徒遁去臣隨遣官兵會同駐扎噶順汎界之護軍參領欽第由追緝蹤跡始知賊由山後過沙喇於欲來盜馬之時先執青海台吉羅卜賊丹濟布而去報聞○丁未諭議政大臣等策安阿喇布坦賦性狡詐知我兵在巴爾庫爾阿爾泰等處防守嚴密若探聽噶斯口兵勢單弱由噶斯口來犯侵擾青海亦未可定不可不預為防備朕意派西安滿洲兵及督標兵二千名著護理西安將軍印務總督額倫特帶往西寧預備如策安阿喇布坦由噶斯口來犯著西寧預備之兵與青海左翼台吉等會合提督康泰帶領四川之兵與右翼台吉等會合兩路協守策安阿喇布坦斷不敢來犯倘由嘉峪關外及布隆吉爾等處以彼微弱之卒驚我大兵之後亦未可定著行文富寧安令選兵一千名預為防備朕意以為策安阿喇布坦知祁里德之兵今值冬季雨雪之時決不前進或由公博貝之後以微弱之卒潛來驚擾亦未可定著行文曉諭爾等速議具奏尋議欽遵

上諭各行預備外應行令西寧總兵官王以謙撥派西寧綠旗兵二千名預備王以謙非諳練軍務之人應令固原提督滿育龍將伊標下副將參將等官員內有彼素知熟練軍旅者派出數員遣往西寧聽尚書富寧安侍衛阿齊圖調遣至主事已特麻熟練青海之事令與提督康泰同協理事務再

西寧駐扎之郎中長受亦熟練青海之事。令與總督額倫特會同商議不時偵探。倘有調遣之處。將貝勒益蘇克汪扎爾等兵酌量調遣護軍參領欽第由已經進追賊徒。若請接續之兵。令阿齊圖等即調遣西寧預備之兵前進。從之。○諭吏部嗣後應引見教官俱不必來京。著該督撫考試可用者補用。年老不堪者著革退。○議政大臣等奏據副都統蘇爾德報稱杜爾博爾金圖呼魯克哈喇烏蘇等處所種之地俱已收穫。應令蘇爾德預備牲畜器械籽種。明年仍行耕種。從之。○已酉。諭議政大臣等。江南杭州。荆州。西安。固原。甘州。寧夏等處拴養馬駝。如有用處甚屬有益。著西安兵拴養馬二千

實錄卷三十一

九

匹。駝一百隻。固原。甘州。寧夏兵各拴養馬一千匹。駝一百隻。江南杭州。荆州兵各拴養馬一千匹。俱給發價銀。令其購買。○庚戌。諭議政大臣等。一等侍衛尤吉爾達狄納。二等侍衛佛替監銅發喀喇哈爾哈代。著往富寧安處聽用。二等侍衛諾里爾達色爾圖。都墨策德。爾格爾格色立。三等侍衛厄爾必赫。西拉扣。尼布齊爾罕。藍銅。南代。查倫。插著往阿齊圖處聽用。俱令馳驛前往。○予故散秩大臣侯偏圖祭葬如例。辛亥。

上詣

皇太后宮問安。○諭大學士等曰。朕訪問海外有呂宋噶喇吧。

兩處地方。噶喇吧乃紅毛國泊船之所。呂宋乃西洋泊船之所。彼處藏匿盜賊甚多。內地之民希圖獲利。往往於船上載米帶去。并賣船而回。甚至有留在彼處之人。不可不預為措置也。太常寺題冬至祀

天。請遣官行禮。得旨。朕自御極以來。天祀俱親詣行禮。諸大臣以朕年高。恐致煩勞。請遣大臣恭代。朕雖年高。凡大祀每思親詣行禮。今朕躬康健。仍親詣行禮。壬子。諭大學士九卿等。天下事未有不由小而至大者。猶不可忽。大者益宜留心。爾等在衙門或能辦理事務。或以清白自持。亦止為身計耳。其關係封疆大事。未必深思遠慮也。即如海防。乃今日之

實錄卷三十一

十

要務。朕時加訪問。故具知原委。地方督撫提鎮亦或未盡悉也。朕南巡過蘇州時。見船廠間及咸云。每年造船出海貿易者多至千餘。回來者不過十之五六。其餘悉賣在海外。齋銀而歸。官造海船數十隻。尚需數萬金。民間造船何如許之多。且有人條奏海船龍骨必用鐵梨。勞木。此種不產於外國。惟廣東有之。故商人射利偷賣。即如查訊俱捏稱遭風打壞。此中情弊速宜禁絕。海外有呂宋噶喇吧等處。常留漢人自明代以來有之。此即海賊之藪也。官兵出哨或遇賊船四五隻。官兵船止一二隻。勢不能敵。舵工又不奮力向前。將領亦無可如何。不過尾追而已。何能剿滅。耶張伯行曾奏江浙之

米多出海販賣斯言未可盡信然不可不為預防出海貿易海路或七八更遠亦不過二十更所帶之米適用而止不應令其多帶再東洋可使貿易若南洋商船不可令往第當如紅毛等船聽其自來耳且出南洋必從海壇經過此處截留不放豈能飛渡乎又沿海礮臺足資防守明代即有之應令各地方設立往年由福建運米廣東所雇民船三四百隻每隻約用三四十人通計即數千人聚集海上不可不加意防範臺灣之人時與呂宋地方人互相往來亦須預為措置凡福建廣東及江南浙江等沿海地方之人在京師者爾等可加細詢朕令廣州將軍管源忠浙閩總督滿保兩廣總督楊

實錄卷二百七十

廿

琳來京陛見亦欲以此面諭之海外如西洋等國千百年後中國恐受其累此朕逆料之言又漢人心不齊如滿洲蒙古數十萬人皆一心朕臨御多年每以漢人為難治以其不能一心之故國家承平日久務須安不忘危爾等俟管源忠等到京後會同詳議具奏○（陞奉天府府尹朱軾為通政使司通政使）陞江西袁州副將曹建龍為江西南昌總兵官以革退翰林院侍讀學士法海為廣東巡撫○（癸丑工部右侍郎王度昭丁母憂准回籍守制）甲寅免直隸濬縣本年分水災額賦有差○（乙卯諭議政大臣等散秩大臣阿喇衮著前往西路於八旗察哈爾兵丁內揀選人材壯健並從前

隨過阿南達出兵舊人共四百名帶往巴爾庫爾軍前著阿喇衮在衆贊行走此次派出察哈爾官兵亦照從前蒙古官兵之例給賞

十一月丁巳朔

上詣

皇太后宮問安○以原任廣東布政使王用霖為山東布政使

司布政使 己未

上詣

皇太后宮問安 庚申

上自暢春園回宮○以河南巡撫李錫為工部右侍郎原任順

實錄卷二百七十

主

天府府尹屠沂為奉天府府尹○辛酉諭議政大臣等朕綜理軍務年久經歷甚多且曾親統大兵安定邊塞衆議欲於明歲進兵又慮路遠糧米難運其見不可謂非但大兵進剿策妄阿喇布坦勢不能當必致逃避明年著暫停進兵加意耕種將糧餉馬匹預備整齊後年再行進兵其盛京寧古塔兵丁照舊發往京城之兵著暫停止策妄阿喇布坦詞雖卑遜竟遣人盜我噶斯口兵丁之馬我兵豈可坐守著將孔格扎布罕兵內揀選精騎由阿爾泰作三四路襲擊巴爾庫爾兵內揀選精騎作兩路襲擊此襲擊之兵遇可擊之處即行襲擊可取則取應退則退相機而行襲擊後仍回駐兵處策

妄阿喇布坦地方必然震動其餘黨或有變端以致逃亡亦未可定我兵如此一舉其道路地勢皆可悉知將此詢滿漢大臣若仍欲明歲進剿爾等將原議具奏尋議明年應暫停進剿令孔格札布罕之兵移近汎界駐扎加意耕種然我兵與其坐守不如兩路派兵襲擊至所派兵丁數目由何路襲擊及派領兵官員應令軍中大臣酌議奏聞從之○壬戌以領侍衛內大臣公馬爾賽掌鑾儀衛事多羅額駙李杲為鑾儀使免江南邳州清河等十一州縣本年分水災額賦有差○甲子冬至祀

天於

圜丘

上親詣行禮○停止次日朝賀遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵○

上幸暢春園詣

皇太后宮問安○乙丑以原任領侍衛內大臣公傅爾丹為鑾黃旗領侍衛內大臣鑲白旗漢軍都統額爾錦為正白旗領侍衛內大臣○丁卯

上詣

皇太后宮問安諭大學士等提督直隸學政張逸少聲名甚劣著革退以內閣學士長蘊充經筵講官○鑲藍旗護軍統領吳勒以年老乞休允之○調正黃旗蒙古都統瑯圖為鑲藍旗滿洲都統兼前鋒統領以散秩大臣伯四格為鑲紅旗護軍統領調鑲白旗蒙古都統和禮為正白旗滿洲都統正

白旗蒙古副都統法喇為正藍旗滿洲副都統陞護軍統領莊圖為正白旗蒙古副都統○戊辰

上謁

暫安奉殿

孝陵命皇十子多羅敦郡王允祇皇十二子固山貝子允禔皇十六子允祿隨駕是日自暢春園啟行駐蹕南苑庚午

上駐蹕瓊寺地方○辛未

上駐蹕馬起乏地方○壬申

上駐蹕三河縣○癸酉

上駐蹕孫家莊○予故領侍衛內大臣兼理藩院尚書掌鑾儀

衛事公阿靈阿祭葬如例○甲戌。

上駐蹕豪門地方○授和碩恒親王允祺女為郡主。塔策靈旺布為和碩額駙。固山貝子允禧女為郡主。塔塞布騰旺布為和碩額駙。○陞四川永寧副將王之俊為四川建昌總兵官。

(乙亥)

上詣

暫安奉殿行禮奠酒舉哀是日。

上駐蹕新城○丙子。

上詣

孝陵行禮奠酒舉哀次至

會葬至百子

其

仁孝皇后。

孝昭皇后。

孝懿皇后陵奠酒舉哀是日。

上駐蹕湯泉○戊寅。

上駐蹕遵化州○己卯。

上駐蹕三屯營○庚辰。

上駐蹕蘭陽○辛巳。

上駐蹕蒙子嶺地方○壬午。

上駐蹕頭道河地方○癸未。

上駐蹕暖泉地方○以軍前一等侍衛法璫為額外副都統暫

管西安兵丁○甲申。

上駐蹕雅圖溝地方○陞正藍旗滿洲副都統覺羅阿爾圖為鑲白旗蒙古都統。以一等侯馬三奇為鑲白旗漢軍都統。陞鑲紅旗護軍統領四格為正黃旗蒙古都統。鑲紅旗副都統杭奇為鑲藍旗護軍統領。乙酉。

上駐蹕多輝昂阿地方○刑部題盜犯韓七等偷掘明朝陵寢為首之韓七見在脫逃獲日另結為從之王五等擬絞監候秋後處決。得旨偷掘先朝陵寢即與掘伊祖父墳墓相同。韓七著該管官嚴緝務獲到日著即處斬。王五等著立絞○丙戌。

會葬至百子

其

上駐蹕呼斯台昂阿地方。

十二月丁亥朔。

上駐蹕西拉烏蘇地方○翁牛特多羅杜楞郡王和碩額駙蒼津等來朝。吏部議覆尚書富寧安疏言兵餉錢糧事務甚繁。見在官員不足辦理。請揀選賢能官員前來肅州以便調用。應將陝西鄰近之河南山西湖北等處各揀選五員。發往得旨將八旗漢軍丁憂候補道員以下知縣以上官員九卿揀選三十員發往富寧安處遇缺題請補授○戊子。

上駐蹕濟魯克地方○內閣學士彭始博請回籍葬親允之。庚寅。

上駐蹕洪吉爾岱地方○辛卯

上駐蹕蘇巴爾漢白爾齊爾地方○壬辰

上駐蹕奎達蘇地方○阿霸哈納固山貝子額林臣達錫喀爾

喀輔國公雲敦林臣故○各遣官致祭○癸巳

上駐蹕清吉爾岱地方○甲午

上駐蹕鄂倫特地方○乙未

上駐蹕八溝地方○陞安徽布政使張聖佐為河南巡撫○湖廣按

察使張文燦為湖廣布政使司布政使○丙申

上駐蹕三家村地方○丁酉

上駐蹕楊樹溝地方○戊戌

書錄事

主

上駐蹕二溝地方○吏部尚書富寧安疏言遵旨派甘州提標

及涼州肅州鎮標馬步兵共一千名令參將等官率領前往

布隆吉爾防守○併令沿途居住之貝勒貝子台吉等遣人不

時偵探報聞○己亥

上駐蹕張家莊○庚子

上至熱河駐蹕行宮○吏部題鑲白旗二等精奇尼哈番拉善

故應銷去恩詔所得一拖沙喇哈番○餘三等精奇尼哈番與

伊子安寶承襲鑲藍旗一等精奇尼哈番輝色故應銷去恩

詔所得二拖沙喇哈番○餘三等精奇尼哈番與伊子伊靈阿

承襲從之○子故漢軍都統偏圖祭葬○謚襄敏○壬寅

上駐蹕喀喇和屯○直隸巡撫趙弘燮疏言具定知府劉民瞻

報稱誠親王允祉游行山西等省令沿途預備○臣查並無部

文明係光棍假冒請敕部嚴查得旨該部嚴察具奏○癸卯

上駐蹕鞏子嶺○甲辰

上駐蹕兩間房○乙巳

上駐蹕遼寧○轉禮部右侍郎薩哈布為左侍郎○陞左副都御

史羅瞻為禮部右侍郎○陞翰林院侍講學士張廷玉為內

閣學士兼禮部侍郎○翰林院侍讀學士覺羅蘇庫為詹事府

詹事○陞廣西恩恩副將張仕傑為貴州安龍總兵官○雲南

元江副將林國賢為雲南臨元徵江總兵官○子故黑龍江

書錄事

主

副都統白濟京口副都統周良相各祭葬如例○子故四川

松潘總兵官贈署都督僉事程正李祭葬如例○丙午

上駐蹕密雲縣○諭侍衛郎泰等曰爾等往諭尚書富寧安明

歲暫停進兵之故朕親加籌度復命議政大臣等詳議已降

旨於兩路出征大臣矣○遣兵襲擊之處爾等與富寧安彼處

大臣及公傅爾丹并厄魯特喀爾喀王貝勒貝子公等會同

詳議具奏○至厄魯特等甚屬狡詐指稱投誠或潛來侵犯亦

未可定○此處應加意防範○如果實心率眾來投將彼為首之

人解送來京其餘今在克魯倫河地方遊牧交與左翼喀爾

喀扎薩克等酌量安插○所遣襲擊兵丁將擒獲賊犯釋放一

二人告彼云汝輩盜竊中國馬匹所以邊上駐扎之兵並未候旨即行追勒前進。今朝廷深憫汝輩降旨不許肆行殺戮。因此各回汛界。再傳諭公博貝此處正伊効力之所。著益加勤慎。厄魯特喀爾喀公內亦有身材壯健者著將和托輝特等處兵派出。一同前往襲擊。如此則策妄阿喇布坦情形自然顯露矣。然軍機事務臨期酌量難以預揣。惟在領兵大臣善為籌度耳。爾等會同定議後速行奏聞。先是散秩大臣祁里德疏言巴爾庫爾之兵若前進必易得吐魯番。乘勢即可攻取朱爾土斯地方。相應選兵一萬六千分為兩路。一由布拉罕河。一由額倫哈必爾漢前進。兵丁食用駐扎與行走無異。必於明年進兵始為有益。至是

實錄卷二

九

上諭議政大臣等祁里德奏請明年必宜進兵意見亦是在祁里德必有確見之處。或一應糧餉馬匹俱已齊備有易於成功之機會亦未可定著阿喇衲與郎泰保住同往祁里德處會同衆喀爾喀王貝勒貝子公等并軍中大臣一同詳議議定後阿喇衲等再往巴爾庫爾軍前會同彼處大臣詳議倘明年進兵之處稍有遲疑即照朕從前諭旨將襲擊之處詳議具奏。丁未

上駐蹕南石槽。戊申

上駐蹕湯泉。陞廣西按察使年希堯為安徽布政使司布政

使。己酉

上自湯泉回駐暢春園詣

皇太后宮問安。順天府進春。辛亥

孝莊文皇后忌辰遣官祭

暫安奉殿。

上奉

皇太后自暢春園回宮。壬子諭戶部朕御極以來念切民生時勤宵旰。凡巡歷所至必以編氓疾苦備悉詢問。蓋欲比戶之蓋藏恒裕三時之水旱無虞斯民氣和樂業成豐。豫大之休也。頃者朕巡幸口外經過三河等州縣暨永平府交界

實錄卷二

十

地方。見今歲秋成豐稔米價稱平。惟是去年雨水過溢田畝間被淹沒朕深加軫恤蠲賦平糶轉漕分賑貧民使不失所。今者雖復有秋然僅足支一歲之用。恐來年之輸將尚多難繼。是必再沛恩膏始可大培民力。著將順天永平兩府大興宛平通州三河密雲薊州遵化順義懷柔昌平寶坻平谷豐潤玉田良鄉涿州武清永清香河霸州大城文安固安東安房山保定延慶梁城盧龍遷安樂亭灤州撫寧昌黎山海等州縣衛所康熙五十六年地丁銀二十六萬四千三百三十六兩零米豆高粱二萬一千六百四十六石零草九萬四千九百五十束零俱通行蠲免。所有歷年積欠銀九萬三百九

十六兩零米豆高粱一萬六千二百七十五石零草八萬四千四百七十束零亦並與豁除爾部行文該督嚴飭所屬實心奉行俾遐村窮谷均沾德意倘有不肖有司借端朦混私行徵收者察出定行從重治罪爾部即遵諭行○甲寅歲暮裕祭

太廟遣都統汪悟禮行禮○遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 遣官祭太歲之神○乙卯諭理藩院青海已故

親王扎什巴圖爾自效順以來一心向化伊子羅卜藏丹津

人材亦優著封為親王其台吉達顏係達賴巴圖爾之孫為

人誠實感朕深恩實心辦事甚屬勤勞著封為貝勒台吉巴

爾珠爾阿喇布坦喇扎卜阿喇布坦俱著封為貝子台吉丹

津著封為輔國公察罕丹津之壻台吉阿喇布坦格勒克著

封為一等台吉○賜朝正外藩科爾沁翁牛特奈曼喀爾喀

土默特扎魯特巴林郭爾羅斯烏朱穆秦高齊武喀喇沁青

海阿祿科爾沁毛明安王貝勒貝子公台吉等及內大臣大

學士侍衛等宴○旌表八旗節婦滿洲申蘭妻郎氏等八人

蒙古阿育士妻翁氏等十三人漢軍劉世俊妻夏氏等十二

人直隸各省節婦李枝與妻張氏等二十二人孝子熊耀璣

一人各給銀建坊如例○是歲人丁戶口共二千四百七十

二萬二千四百二十四又永不加賦滋生人丁十九萬九千

二十二田地山蕩畦地七百二十五萬六百五十四頃九十

畝有奇徵銀一千九百九十九萬四千五百六十二兩五錢

有奇米豆麥六百八十九萬三千六十六石有奇草四百五

萬八千二百七十四束○茶三十五萬三千四百二十四引行

鹽五百十萬二千三百五引徵課銀三百七十六萬一千一

百二十四兩有奇鑄錢三萬九千八百九十六萬九千九百

有奇

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百七十

實錄卷二百七十

三

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百七十一

康熙五十六年丁酉春正月丙辰朔

上詣

堂子行禮還宮拜神畢率諸王貝勒貝子公內大臣大學士侍
衛等詣

皇太后宮行禮御殿王以下文武各官外藩王及使臣等上表
朝賀停止筵宴○朝鮮國王李焞遣陪臣鄭載崙等表賀冬

至元早

萬壽節及進歲貢禮物宴會如例○丁巳

實錄卷二百七十一

一

上詣

皇太后宮問安○辛酉祈穀於

上帝

上親詣行禮○孟春享

太廟遣都統汪悟禮行禮○遣官祭太歲之神

上奉

皇太后幸暢春園○壬戌

世祖章皇帝忌辰遣官祭

孝陵○癸亥

上詣

皇太后宮問安○乙丑諭內閣學士星裁泰等爾等曾出江南海差海船一年造若干應令報明監督於出洋時將前報過造船人名與船隻字號逐一查對方不致隱匿凡大船指稱貿易領票出洋每另泊一處用小船於各處偷買米石載入大船不知運往何所乍浦地方有隱一應貨物必於此逃運他處大船不能出入惟上海崇明等口甚屬緊要爾等傳諭九卿著議奏○丁卯賜大學士以下翰林主事以上等官周易折中各一部○已巳

上詣

皇太后宮問安○以上元節賜外藩科爾沁翁牛特泰曼喀爾

牛特泰曼喀爾

十

喀上默特扎魯特巴林郭爾羅斯烏朱穆秦嵩齊武喀喇沁青海阿祿科爾沁毛明安克西克騰王貝勒貝子公台吉等及內大臣大學士侍衛等宴○庚午上元節賜外藩王貝勒貝子公台吉等及內大臣大學士侍衛等宴○壬申

上詣

皇太后宮問安○諭議政大臣等據青海多羅貝勒達顏奏稱噶斯路兵勢單弱應添兵駐劄所奏甚是添兵之處爾等議奏尋議噶斯路駐劄兵止一千名似覺稍弱應將西安兵二千名及西寧鎮標兵一千名添派噶斯路駐劄此四千兵應分為兩班更換行走換班時令兵丁各帶口糧以省挽運之

費其一切駐劄設哨及分兵防守之處應令領兵侍衛阿齊圖詳議具奏得旨依議噶斯路軍前現今止阿齊圖一人著侍衛霍善前往阿齊圖處一切軍務公同商酌而行再著石臣副將趙坤河間副將卜應奎前往管領換班綠旗兵丁○議政大臣等議覆領侍衛內大臣公傅爾丹等疏言臣等帶來開墾耕種器具查已經用敝者有三分之二請補行購買於本年未種地之前即行運送軍前除現在開墾人員臣等督令竭力耕種外再請添派効力之人前來種地於事務有益應如所請添買農具令山西地方官運送軍前其增發種地人員於八旗廢官內有願往効力者准其具呈發往從之

牛特泰曼喀爾

十

○甲戌

上自暢春園幸湯泉○陞正黃旗滿洲副都統昌為鑲紅旗護軍統領調鑲藍旗漢軍副都統唐色為鑲紅旗滿洲副都統陞三等侍衛永泰為鑲藍旗漢軍副都統直隸保定府城守尉馬海為西安右翼副都統調正白旗漢軍副都統覺羅英柱為正藍旗滿洲副都統陞護軍參領覺羅諾穆綽為正白旗漢軍副都統廣東右翼總兵官白道隆為杭州左翼副都統○丙子賜朝正外藩王貝勒貝子公台吉等銀幣鞍馬有差○以阿霸哈納故固山貝子額林臣達錫子班珠爾襲爵○已卯

上諭諸皇子及領侍衛內大臣等曰

世祖章皇帝嘗以禮殯葬崇禎念太監王承恩盡忠并命大學士為之殯葬諸帝陵寢皆躬親奠醑命人看守歲時祭祀垂為定例近日拏獲偷掘明代陵寢之賊部議將為從者擬以充發朕思今日之百姓皆明代所遺之百姓也此與掘伊祖父之墓何異是以降旨將首從諸賊俱行處死但明代諸陵年久或看守之人不謹亦未可定爾等往各陵祭奠詳細查明具奏○陞通政使司通政使海壽為都察院左副都御史○庚辰兵部等衙門遵旨會同陞見來京之廣東將軍管源忠福建浙江總督覺羅滿保廣東廣西總督楊琳議覆凡商

時休養

中

船照舊東洋貿易外其南洋呂宋噶囉吧等處不許商船前往貿易於南澳等地方截住令廣東福建沿海一帶水師各營巡查違禁者嚴拏治罪其外國夾板船照舊准來貿易令地方文武官嚴加防範嗣後洋船初造時報明海關監督地方官親驗印烙取船戶甘結并將船隻丈尺客商姓名貨物往某處貿易填給船單令沿海口岸文武官照單嚴查按月冊報督撫存案每日各人准帶食米一升并餘米一升以防風阻如有越額之米查出入官船戶商人一并治罪至於小船偷載米糧利運大船者嚴拏治罪如將船賣與外國者造船與賣船之人皆立斬所去之人留在外國將知情同去之

人枷號三月該督行文外國將留下之人令其解回立斬沿海文武官如遇私賣船隻多帶米糧偷越禁地等事隱匿不報從重治罪并行文山東江南浙江將軍督撫提鎮各嚴行禁止從之○鑲紅旗蒙古都統阿爾西以病乞休允之○辛巳

上自湯泉回駐暢春園詰

皇太后宮問安○陞湖廣上荆南道孔毓珣為廣西按察使司按察使○雲南竊麗總兵官郝傳以病乞休允之○壬午陞浙江巡撫徐元夢為都察院左都御史兼管翰林院掌院學士事○癸未

時休養

上詣

皇太后宮問安○都統圖思海等奏今歲運米官員不敷請添派部院官十七員帶往運米從之○正藍旗護軍統領英赫紫以病乞休允之○甲申陞雲南騰越副將宋虎山為雲南楚姚蒙景總兵官直隸河間副將卜應奎為雲南永順總兵官廣東廣西督標中軍副將謝治為廣東右翼總兵官直隸石匣副將趙坤為雲南竊麗總兵官○福建浙江總督覺羅滿保廣東廣西總督楊琳奏南澳總兵官黃龍才具平常人地未宜福寧總兵官周士元才識明敏實心辦事請將周士元調補南澳總兵官黃龍調補福寧總兵官得旨黃龍著以

原品解任周士元調補南澳總兵官其福寧總兵官員缺著
浙江嚴州副將費俊補授○

上因皇八子允禩病愈遣人傳諭曰爾疾初愈思食何物可奏
朕知朕此處無物不有但不知於爾相宜否故不敢送去允
禩至門上跪求奏稱諭旨內不敢二字承受不起

上悵然諭諸皇子曰允禩往往多疑每用心於無用之地朕因
伊病初起遣人傳諭云爾想何食物可奏朕知朕此處無物
不有但不知於爾相宜否故不敢送去伊反以朕旨內不敢
二字懷疑奏稱承受不起來門上跪求於無事中故生事端
衆人觀之咸何體統

二月丙戌朔

上巡幸畿甸命皇三子和碩誠親王允祉皇十五子允禩皇十
六子允祿隨駕是日自暢春園啟行駐蹕離宮地方○以
翰林院侍讀吳士玉提督順天學政○陞江西按察使楊朝
麟為江蘇布政使司布政使貴州巡撫劉蔭樞遵旨自軍
前回黔行至西安以病疏請解任得旨劉蔭樞著仍速赴任
所○丁亥遣大學士王掾祭

先師孔子○

上駐蹕長店○戊子祭

大社

大猷遣都統汪悟禮行禮○

上駐蹕方關○巳丑

上駐蹕王鄉○庚寅

上至趙北口登舟○多羅順承郡王諾羅布覺賜銀二千兩發
引時遣皇五子和碩恒親王允禔往送予祭二次造墳立碑
謚曰忠○辛卯

御舟泊郭里口○以通政使司通政使朱軾為浙江巡撫○予
故都察院左都御史兼管翰林院掌院學士事揆叙祭葬謚
文端○欽天監題正月二十一日奉有歷日內所列男女九
宮以上元為中元傳誤已久宜悉依朕所定星歷考原更改

之故今以康熙二十三年甲子為上元男起一宮嗣後中元
甲子起四宮下元甲子起七宮三度花甲循環一百八十年
週而復始謹將康熙五十七年更改三元九宮民歷式樣繕
寫進呈下所司知之○癸巳春分朝

日於東郊遣刑部尚書賴都行禮甲午

御舟泊段村○賜來朝隨圍青海親王羅卜臧丹津多羅貝勒
厄爾德尼額爾克托克托篤達顏固山貝子阿喇布坦公丹
津扎薩克台吉阿拉卜灘洛勒克等袍帽有差乙未賜來
京陛見廣東廣西總督楊琳福建浙江總督覺羅滿保總督
管直隸巡撫事趙弘燮廣東將軍管源忠天津總兵官馬見

伯雲南竊麗總兵官趙坤永順總兵官卜應奎等

御書及內府書籍與人參等物○命副都統丁壽圖拉率領威

京船廠兵一千名往赴祁里德軍前○丙申

孝康章皇后忌辰遣官祭

孝陵○

御舟泊閶頭○丁酉

御舟泊趙北口○刑部議覆總督管直隸巡撫事趙弘燮疏報

假稱誠親王允祉遊行山西等各省之惡棍等查拏治罪等

語應行文山西等五省將假稱妄行之惡棍嚴拏并將經過

地方失察文武官員交部議處得旨著選賢能司官分往山

增錄遺書

西陲西四川湖廣廣西諸省會同巡撫將光棍嚴拏務獲并

將初次接受輾轉遞報沿途地方文武各官題參○戊戌

御舟泊苑家口○己亥

上自苑家口登陸是日駐蹕西鎮○陞直隸霸昌道祁國祚為

江西按察使司按察使○辛丑

上駐蹕旺里○壬寅

上駐蹕南苑○陞通政使司右通政張連登為通政使○以詹

事府詹事覺羅蘇庫為通政使司通政使○癸卯

上回駐暢春園詔

皇太后宮問安○兵部議覆福建水師提督施世驄疏言臺灣

地方人民日盛臣與督臣酌議每歲臺灣澎湖兩協副將輪

委一員為總巡兩協遊擊分巡本汛洋面聽副將調度均於

二月初一日起至九月終止期滿徹回其各營分巡官兵船

隻照例四個月更換以均勞逸應如所請從之○丙午遣官

祭

先農之神○丁未遣官祭

歷代帝王○諭大學士等嗣後各省大盜案件爾等會同三

法司將此內有造意為首殺傷人者一二人正法餘俱減等

發往黑龍江等處著為令○戊申喀爾喀輔國公索諾穆伊

斯札布故遣官致祭○四川重慶總兵官韓成以病乞休允

增錄遺書

之○己酉清明節遣官祭

永陵○

福陵○

昭陵○

暫安奉殿○

孝陵○

仁孝皇后○

孝昭皇后○

孝懿皇后○庚戌

孝昭皇后忌辰遣官祭

陵○辛亥

上詣

皇太后宮問安○諭九卿等去年劉蔭樞所奏軍前之事並無實見徒飾虛語搖惑人心以致將軍晏布亦為所惑任事不如從前渠意不過屢屢言之希圖僥倖或有所中去冬之雪止有尺餘天氣亦和暖渠云雪深三四尺米糧難運水草缺乏今糧亦運到焉亦甚肥此其虛妄之明驗矣劉蔭樞若有人心亦當慚愧朕從前中路出兵與將軍費揚古於五月十五日會齊及至克魯倫地方即有以運糧艱難阻朕勿往者彼時高士奇陳元龍隨從亦勸朕回朕意以出兵時祭告

天地

宗廟

社稷而費揚古已經先去豈可違約不相繼而往乎所以決意前往糧米亦不遲誤遂成大功若聽人言則必有誤大事矣○諭吏部都察院左副都御史管順天府府尹事余正健居官雖清全不能辦事伊原由祭酒擢用今仍以祭酒銜在修書處行走○壬子

上詣

皇太后宮問安○陞內閣侍讀學士赫成額為詹事府詹事
癸丑兵部議覆四川巡撫年羹堯疏言越舊衛阿羊蠻加巴

貫子等擾害地方殺死官員臣親調漢土官兵於十一月初

八日抵越舊差員曉諭仍前抗違臣即撥將弁堵截自十三日至二十七日攻克已沽白石巖寨殺傷賊蠻數百加巴貫子遠竄臣於二十八日徹兵回省查加巴貫子等二逆應令該撫速行設法擒獲奏報從之○乙卯

上自暢春園回宮○以內閣學士王之樞都察院左都御史兼管翰林院掌院學士事徐元夢兵部侍郎在學士裏行查弼納俱充經筵講官○旌表直隸深州烈婦馮淳妻齊成幼齡烈性拒姦殞命給銀建坊如例

三月丙辰朔

上諭大學士等免江南通賦一事似有情弊前總督赫壽題請求免舊欠錢糧部議不准行伊又以特恩或出自上摺奏求免朕批令繕疏具奏今赫壽復行奏請戶部滿大臣力主不行甚是夫既經部議不准而赫壽以已完之事復奏謂無情弊可乎此必京中大臣札托赫壽商議已定方如此奏耳爾等即同九卿在午門前嚴詰赫壽將囑託之人舉出如有隱諱斷不寬宥○丁巳

上御經筵講畢賜大學士九卿詹事及講官等宴○戊午

上幸暢春園○以仍帶國子監祭酒銜修書處行走余正健提督雲南學政○已未

上詣

皇太后宮問安。○庚申諭大學士學士元卿等總督巡撫提督總兵官皆可密奏地方有布即當據實奏聞。前者四川之民流往貴州地方者甚多。貴州巡撫密奏可知四川巡撫能泰之無能。江南三江口地方朕曾駐蹕。此處鹽賊藏於蘆葦之處甚多。地方官並不查拏。至於山東地方鹽賊於沿村買賣之處散鹽於百姓公然勒取重價以致官鹽壅塞不行。商旅受害。地方官並不查拏。亦不據實申報。此中賊首旗人甚多。朕差兵百人往拏矣。此等事必待朕親聞。差人往拏。地方官職守何事。皆係不實。心効力以至於此。曹寅李煦曾有密摺啟奏。其江南山東之督撫提督總兵官內並無一人據實奏聞。適拏獲之盜甚多。竊

福陵金鑑之賊亦在其內。此賊曾經報死。今復被獲。如此重犯脫逃。仍復作賊者不少。即如假稱誠親王允祉巡視五省招搖一事。年羹堯雖經奏聞。不即行緝拏。亦屬不合。朕已差人各省查拏。必獲方已。不然則狂妄書生將風聞為實。事遂以誠親王允祉於各省嚇詐取賄。筆之於書。此處關係聲名非小。地方官不行查訪報明。乃為之豫備驛遞。謂無干。法紀可乎。不但王所差之人。即朕所差密訪之人。爾等諸臣亦當察問虛實密奏。有關國體不可輕忽。前于來鳳私自出京於各

省生事。朕已查拏問罪。此等不畏王法。假冒王差胆大生事者。不可謂無其人。凡有旗人現在各省。或已經回京。該旗逐一查明具奏。若隱瞞不奏。朕一經查出。或被旁人舉首定照軍法治罪。決不寬恕。朕嘗觀書見唐明皇遊月宮。宋真宗得天書。此皆好事。狂妄書生偽造。豈可以為實而信之乎。又宋太祖明太祖皆有易服微行之事。此開創帝王恐人作弊。昌言於外耳。此等事朕斷不行。舉國臣民以及僕隸未有不識朕者。非徒無益。亦且有妨大體。況欲知天下事。亦不係於此也。○諭大學士等。趙申喬奏錢局鼓鑄一疏。內有鉛將朽爛之語。若鉛至朽爛。金銀亦必至蟲蛀矣。著趙申喬明白具奏。

○貴州巡撫劉蔭樞題報赴任日期。得旨。劉蔭樞從前奏稱患病求請解退。今奏報起程赴任。日期並未將病勢聲明。現今病勢如何之處。著奏聞。甲子戶部議覆。長蘆巡鹽御史田文鏡疏請將山東所裁鹽引補足。辦課應准行。

上諭大學士等曰。鹽務朕所深悉。加引雖可增課。然於商人無益。如兩廣鹽課累年虧空至一百八十餘萬。職是故也。戶部大臣往往錙銖必較。而有闕百餘萬之國帑。反置之不問。殊覺失宜。辦理鹽務必得廉能素著實心辦事之人。庶正課不至有虧。商人亦不受累。著問九卿具奏。○河道總督趙世顯疏請就近撥兩淮鹽課四十萬兩運至河庫備用。

上諭大學士等曰趙世顯奏請撥銀四十萬收貯河庫現今正值軍需之時一應錢糧必須明晰一年河工所用數目何項支銷著查覈具奏河工乃極險之處看守亦難今具呈願往河工効力之人甚多伊等若無所利何故踴躍前往著問九卿○吏部尚書富寧安疏報已爾庫爾一路兵揀選八千五百名分為兩路前往襲擊策妄阿喇布坦邊界烏魯木齊吐魯番等處得旨軍務關係緊要著將尚書富寧安授為將軍給與印信其署理西安將軍事務總督額倫特現在西寧駐札彼處事件無多著額倫特前往駐兵之處與富寧安會同商議料理總兵官王以謙係旗人曾歷任西安副都統彼處又有郎中長受將駐札西寧之西安滿洲兵綠旗兵令王以謙長受管轄肅州地方甚屬緊要延綏總兵官李耀停其前往穆賽等處令將伊所帶之兵前赴肅州駐札看守今既遣兵前往襲擊策妄阿喇布坦之汎界地方其留後接應及緊要形勢之地安營看守接運糧餉等事關係重大富寧安額倫特二人內著一人帶領襲擊之兵前去留一人料理事務若吐魯番地方可取則取將伊處米石充作口糧食用遂以彼力協同看守倘力稍單弱有由厄倫哈畢爾漢一路所進五千之兵即將此兵酌量調往併力看守過冬之時運送米糧牧放馬匹及防敵人之潛劫襲後等處務須詳加籌畫看

守吐魯番之兵不可撤回別路襲擊之兵作何張大軍勢著兩路大臣公同確議在於要緊適中之處暫行駐札若易取而難守則仍照前議令其襲擊而回烏魯木齊布魯兒布喇罕厄倫哈畢爾漢四路之兵亦令襲擊而回此等軍務萬里之外不便詣旨遵行此處亦難遙度指示令軍中大臣等酌量詳議作速遣人知會阿爾泰路之大臣等互相約定日期相機而行著議政大臣都統滿漢大臣等各抒已見詳議具奏○乙丑

上詣

皇太后宮問安○丙寅陞都察院左僉都御史俞化鵬為順天

府府尹○福建巡撫陳瓚以巡撫衙門一年支用賞兵給役並各項費用銀兩奏聞得旨前陳瓚奏稱將此項公用銀兩撥充餉銀曾諭以督撫等將此項銀兩充餉具奏者朕俱批知道了並未准其撥充緣此項係伊等應用之銀並非正項錢糧若撥充餉銀嗣後不肖之徒必將此項銀兩充餉為正項此外又行侵蝕索取諭旨甚明且此項銀兩滿保亦曾在朕前陳奏凡係動用正項錢糧例應奏銷此並非正項陳瓚將伊等所用銀兩數目瑣屑具題殊屬不合著嚴飭行○丁卯命大學士蕭永藻在議政處行走○諭大學士等朕以兩廣鹽羨錢糧問總督楊琳曾奏過數年來虧空錢糧數目甚

多此皆由部內不嚴行清查所致。著派賢能官一員會同該撫將所欠錢糧作何完結之處明白議奏。派出官員留至三四年方要令九卿會議具奏。○陞太僕寺卿王景曾為都察院左副都御史。○陞直隸真定副將胡琨為四川重慶總兵官。○戊辰皇三子和碩誠親王允祉恭請

上幸王園進宴。○以直隸宣化總兵官司九經聲名甚劣命革退。○陞直隸張家口副將張自成為宣化總兵官。○庚午

上諭八旗都統副都統等舊例八旗官兵派往馬場牧馬皆預支俸餉按月扣除嗣後每年往口外馬場牧馬官兵每人各賞給行月錢糧五月不必扣除俸餉。○辛未諭大學士等記

實錄卷二七一

書

注官陳璋於今年三月內查閱檔案抄朕去年十二月所諭江南錢糧之旨與趙熊詒伊等皆屬有心特以朕於去年有欲免江南舊欠錢糧之意偶爾諭及今年未行蠲免伊等欲將朕前後互異之處指出書寫耳。去年兩江總督赫壽摺奏請蠲前項錢糧朕批令繕本具奏及繕本具題後朕知赫壽受人囑託又彼此私同商定具題欺朕朕以西邊正值軍需之時故舊欠未准蠲免照部議分年帶徵朕御極以來蠲免天下錢糧數千萬豈有惜此些微舊欠之理江南官員衆多赫壽惟欲沽取美譽而民殊不感戴聲名甚劣朕於事無不經歷人亦焉能欺朕朕豈肯以大權授人乎若不將此故曉

實錄卷二七一

書

諭諸臣皆謂朕前後諭旨不符所係非輕且漢人著作文集內有將來題之稿云欲行具奏以事已完結未獲具題等語似此並未入告者尚且書寫況其他乎起居注衙門自古未有久遠設立者亦有旋立旋止者或因所記不實故耳朕聽政之日記注官人侍伊等跼蹐無措豈能備記諭旨侍班漢官歸寓後纂寫數日方攜至署與滿官校看又每爭競是非則其遺漏舛訛可知諭旨皆有關係惟朕硃書諭旨及批本發科者始為的確其起居注所記難於憑信也陳璋趙熊詒抄寫記注之處著問九卿具奏至大臣所辦之事功則歸己過則諉之年老糊塗為人臣者在官一日當盡一日之心安

可以年老糊塗推諉耶今國家大臣俱係年高髮白之人朕亦年高今爾等以年老糊塗推諉若朕亦以年老推諉或致事理失宜諸臣能堪此乎○遣大臣一員侍衛十員攜茶酒往奠故禮部尚書兼太常寺卿署倉場總督事荆山予祭葬諡端簡○癸酉

萬壽節停止朝賀筵宴遣官祭

福陵

昭陵

暫安奉殿

孝陵

仁孝皇后

孝昭皇后

孝懿皇后陵遣官恭奠武東嶽城隍之神○丁丑諭議政大臣等若大兵前進宜攻取吐魯番或招撫之即與哈密相類盡入國家版圖既入版圖不得不善為保護若襲擊之兵勢覺單弱或策妄阿喇布坦擁眾而來救援吐魯番或吐魯番等更變彼時不能看守則得而復失關係甚大著軍中大臣詳加籌畫如有難處之勢仍照前議襲擊回來為是又軍務應相機而行若此兵襲擊能使策妄阿喇布坦軍中內亂分散來歸則竟行襲擊不必請旨將此訓旨曉諭軍中大臣○

實錄

卷

戊寅議政大臣等議尚書富寧安進兵之處如吐魯番易於攻取看守即令其攻取若有難於攻取看守之處仍照前論襲擊而回得旨依議軍前革職効力之人甚多伊等俱係小人如偽造浮言搖動眾心應加嚴禁總兵官李耀帶領駐札肅州之兵令富寧安酌量調遣巴爾庫爾一路授富寧安為將軍給與靖逆將軍印阿爾泰一路授公傅爾丹為將軍給與振武將軍印祁里德授為協理將軍令都統穆賽率阿爾泰兵三千出汎界於三路要緊適中地方以備應援其襲擊之兵兩路應互相約會路遠者先行路近者接續起程俱於七月前進兵乘秋季而回馬匹方可過冬著即奏滿泰克什

圖保住等將朕旨傳示兩路將軍○己卯諭議政大臣等布妻爾一路常關係委署副都統偕公博貝前往常關係員缺令軍前將軍大臣另行題補由厄倫哈畢爾漢一路前往○上諭大學士等曰今地方官總不實心辦事如每年修治道路開銷錢糧多至三萬餘兩小民不沾實惠朕今現發官帑差工部堂官前往料理所費不過二三千兩用夫不過數千人此皆由上司不能留心查察故被屬下欺隱又山東鹽賊余大麻子本係偷盜

實錄

卷

陵上金鑰案內人犯逃在山東為偷販私鹽賊首千百成羣公然開店買賣人多畏懼不敢與抗其行劫之事亦甚多巡撫總兵亦未奏報朕問往來之令皆云山東地方鹽賊甚多有害行旅朕差人密拏悉已擒獲山東人無不驚悅即賊犯亦自首服云若非欽差嚴緝地方官斷不能拏獲我等也 壬午上詣

皇太后宮問安

上巡視河西務要兒渡等處隄岸自暢春園啓行駐蹕南苑諭領侍衛內大臣護軍統領等令麥苗方長應加意謹慎不可蹂踐朕仍從此路而回可徧行傳諭交與諸大臣等派出人員嚴為管束○以都察院左都御史兼管翰林院掌院學士事徐元夢充日講起居注官○戶部尚書趙申喬遵旨回

奏臣管理錢法事務上年十二月見寶泉局報稱存庫鉛二百二十六萬餘觔止存銅三十八萬觔臣恐無銅配鉛有誤鼓鑄是以繕摺具奏又臣居家時見鐵器物件安放地上年久即有銹壞竊揣鉛與鐵相同堆積多時或有壞爛亦未可定冒行附奏原非確有實見今蒙

聖明批示則臣愚昧之罪誠有難逭總由臣年衰智短致滋咎戾伏祈

聖慈寬宥得旨趙申喬從前奏稱鉛觔壞爛今又云鉛觔壞爛之處原非確有實見諉稱年老衰邁所致鉛觔之不壞天下通知趙申喬自幼讀書身登進士歷陞尚書今年逾七旬無

實錄卷二百七十一

半

書不覽鉛觔壞爛之處見於何書趙申喬於所辦之事功則歸已過則諉之年老衰邁可以糊塗了事國家事務作何處置即且於緊要事情並不留心稽覈錢糧出入漫無稽察惟於一二兩之細務膠執已見刻責苛求以鉛觔壞爛等語率意妄奏殊屬不合該部察議具奏○癸未

上至要兒渡等處徧閱隄岸駐蹕河西務正白旗和碩額駙性德所尚郡主卒遣官致祭○甲申

上駐蹕南苑以刑部左侍郎阿錫爵署理倉場總督事務○以贊禮郎三泰特陞太常寺卿陞提督四譯館太常寺少卿王盛園為太僕寺卿

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十一

實錄卷二百七十一

半

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十二

康熙五十六年丁酉夏四月乙酉朔享

太廟遣領侍衛內大臣公海金行禮○

上自南苑回駐暢春園詣

皇太后宮問安○江南蘇松水師總兵官胡駿以病乞休允之

○丁亥福建巡撫陳瓚題惠安縣知縣田廣運等十二員徵收錢糧有方居官聲名俱好懇

聖恩破格鼓舞於吏治民生大有裨益

上諭大學士等曰此奏甚善徵收錢糧惟少加火耗百姓易於

實錄卷一百七十二

輸納從前馬齊任山西巡撫張鵬翮任浙江巡撫時錢糧俱

清楚蔣陳錫任山東巡撫時錢糧亦清楚外省總督巡撫居

官好少加火耗錢糧斷不至缺欠也田廣運等俱著該部議

敘○大學士等遵旨以陳璋趙熊詔鈔寫記注之事問九卿

九卿稱起居注事關機務陳璋等將去歲十二月所下之旨

至今年三月復行鈔閱斷非無故應交與刑部嚴加治罪得

旨陳璋趙熊詔從寬免交刑部著革職仍在原行走處効力

行走○九卿遵旨查河道總督趙世顯河工動用錢糧數目

繕摺呈覽并議現在河工効力陳思佑等八十九人及原在

河工効力之人應行該督查有無用人員盡行發回嗣後情

願河工効力人等俱停其發往從之○戊子諭大學士等今

春地氣潮濕所種春麥甚多朕頃閱河西務隄岸時麥苗甚

佳但近來風大漸有旱意爾等會同九卿如有事不合宜應

更改之處詳查議奏自初五日起齋戒三日求雨尋議奏陸

等伏思

皇上睿慮無微不至無遠不屆今內外大小諸務悉皆治理得

宜實無可更張之事奏入報聞○議政大臣等議覆○等侍

衛霍善疏言噶斯路駐扎官兵從前議分兩班更換行走春

季換班之兵帶八閱月口糧冬季換班之兵帶四閱月口糧

臣查西寧至插罕烏蘇路程四十日往返行走得八十日其

實錄卷一百七十二

春季換班之兵雖帶八閱月口糧扣去沿途往返日期止餘

一百六十日口糧冬季換班之兵雖帶四閱月口糧扣去沿

途往返日期止餘四十日口糧噶斯地方甚緊要看守兵丁

不可一日空缺又兵丁往返行走十月以後沿途不得水草

馬匹難養臣請將換班之兵每年一次一調自西寧赴汎兵

丁今五月起程六月至插罕烏蘇其插罕烏蘇回汎兵丁於

換班兵到後即行起程令七月內回至西寧每年如此更換

止添給八十日口糧而防守之兵更無一日空缺又兵丁往

返在夏秋之時沿途水草可以供用於養馬有益應如所請

從之○己丑以遊牧地方察哈爾故一等精奇尼哈番兼一

拖沙喇哈番阿爾渾子根杜渣布襲職。○壬辰。

上詣

皇太后宮問安。○癸巳。兵部議覆四川陝西總督鄂海題。參四川建昌總兵官張友鳳一疏。查越舊番彝加巴貫子等肆行搶奪。該鎮張友鳳匿不報聞。又不能緝拏首惡。應照溺職例革職。從之。○以鄂爾多斯故固山貝子魯木布穆弟色冷納木扎爾襲爵。○甲午。命都察院左都御史兼管翰林院掌院學士事徐元夢教習庶吉士。○乙未。諭大學士九卿。倉場總督等曰。通年以來。通倉積米甚多。著分運直隸各府州縣存貯預備。於民甚有裨益。每府或貯萬石。每州縣或貯數千石。

實錄卷二十七

七

附近通州河道者。交與倉場總督等運送。其餘府州縣所運米石。速行文直隸總督。派地方官乘未雨之先。輓運。值此青黃不接之時。於各府州縣平糶。亦大有益於百姓。其江南浙江如有應行截留漕糧若干之處。爾等一并速議具奏。又諭。日陰晴雨雪地方時候。各有不同。如雲南貴州四川廣西等處。從未以旱澇報荒。朕御極以來。每年北地之雪。不過三四寸許。從未見有盈尺者。昔年南巡在浙江。曾見有尺許之雪。此外從未之有也。朕每讀書。至風不鳴條。雨不破塊。二語。不能無疑。所謂雨暘時若是矣。若雨竟不能破塊。可乎。點綴文章。無所不可。如講到實際。不能無議也。即如東西南北之風。

朕細加體驗。俱帶偏旁。下雨亦有時候。每月十八。二十。二十二。二十四等日。朕留心占驗。往往有雨。惟京師雨澤。每年至四月。或畧愆期耳。○丙申。

上詣

皇太后宮問安。○陞江南江西總督赫壽為理藩院尚書。調兵部尚書殷特布為禮部尚書。陞吏部左侍郎孫柱為兵部尚書。以都察院左都御史范時崇為兵部尚書。○禮部題。皇上命諸皇子。及領侍衛內大臣等。拜奠明朝諸陵。請宣付史館。得旨。明朝十三陵。朕四十年前曾經親往。今已多年。恐看守人等疎忽。陵寢或有毀壞之處。故遣諸皇子等往奠。據回

實錄卷二十七

四

奏云。宮殿與一切屋宇。修葺堅整。歷年雖久。毫無動壞。看守人等亦俱謹慎。此所奏已知之。○以庶子王岡炳。中允何國宗。侍講學士李紱。編修嵇曾筠。秦道然。俱充日講起居注官。○丁酉。諭大學士九卿等曰。近來米價。必不能如往年之賤。昔大學士張英。曾奏桐城縣米價銀一兩。可得三石。現今四川米價。亦復如此。雲南廣西貴州。米價亦不甚貴。大抵戶口稀少。則米價自賤。今太平日久。生齒蕃息。安能比數十年前之米價乎。戶口殷繁。固是美事。然當預籌安養之策。今將米石運送各處。或平糶。或賑濟。不過僅可餬口。未必即能充裕。張伯行曾奏。於永平府設立社倉。永平知府近日行之甚苦。

社倉之法。既屬難行。通倉米石有餘。不如運送各州縣為便。又諭曰。現今通倉米石甚多。應運送之州縣。即當運送。去年皇莊米石。俱交州縣積貯。但倉中未必實有其數。畿南廣平大名等府。有水路可通。應交直隸總督作何運送。至密雲告北口。去年曾運通倉米每處各一萬石。亦甚易。或仍交倉場總督運送。爾等速議具奏。又諭曰。從前工部及光祿寺每年動用錢糧數千餘萬。近來鋪戶招買頗有難於辦理者。以此故於此即無益於彼。近來鋪戶招買頗有難於辦理者。以此故耳。如欲禁止江浙養蠶織帛。亦屬甚易。然衣布者多。則布價更昂於帛。亦未可知。朕記從前曾禁貂鼠而諸項皮張。竟與

實錄卷五十五

五

貂皮同價。總之天下事。託諸空言則易。見諸實事則難。行文與辦事固不同也。○吳喇忒鎮國公諾爾布林臣故。遣官致祭。○戊戌。轉理藩院右侍郎喇多。渾為左侍郎。陞理藩院郎中特古忒。為理藩院右侍郎。○陞江西九江副將歐陽凱。為江南蘇松水師總兵官。○兵部議覆廣東碣石總兵官陳昂疏言。天主一教。設自西洋。今各省設堂招集匪類。此輩居心叵測。目下廣州城。設立教堂。內外布滿。加以同類洋船叢集。安知不交通生事。乞教早為禁絕。毋使滋蔓。查康熙八年。會議天主教一事。奉旨天主教除南懷仁等照常自行外。其直隸各省立堂入教者。嚴行曉諭禁止。但年久法弛。應令八旗

直隸各省並奉天等處再行嚴禁。從之。○己亥。

上諭

皇太后宮問安。旌表直隸武邑縣烈婦滕氏。青年村婦守貞拒暴甘死。不污給銀建坊如例。○庚子。雨。

上諭九卿詹事科道等曰。現在倉廩陳米甚多。此時尚屬可用。若再日久。必致浥爛。著於八旗放米之時。除應領正數外。將此陳米酌量每石加給或一斗或五升。兩年間可以全完。如此不但陳米可清。而官兵亦有裨益矣。又諭曰。目下雨澤愆期。今早雖得小雨。未能需足。但從來月望時。雨極難得。昨十二十三等日。朕固知未必有雨。嗣後十八二十二十二等日。

實錄卷五十五

五

或可望其大需也。今歲少雨處甚多。聞江南大麥收有十分小麥猶望雨。山東巡撫未曾奏報得雨。想亦未需足。昨河南巡撫有摺云。今歲雨澤頗調。窪地有十分收成。朕心差慰。又諭曰。天時地氣亦有轉移。朕記康熙十年以前。西月初八日已有新麥。前年江南時。三月十八日亦有新麥麵食。今四月中旬麥尚未收。又黑龍江地方。從前冰凍有厚至八尺者。今却和緩不似從前。又聞福建地方。向來無雪。自本朝大兵到彼。然後有雪。雲南貴州廣東廣西舊有瘴氣。從前將軍賴塔進征雲南。留八百人在廣西。俱為瘴氣所傷。今聞雲南惟元江微有瘴氣。餘俱清和。與內地無異矣。○以翰林院侍講學

士李紱為雲南鄉試正考官。編修張起麟為副考官。刑部郎中張謙為貴州鄉試正考官。編修許鎮為副考官。辛丑。孝端文皇后忌辰。遣官祭

昭陵。

上奉

皇太后巡幸塞外。命皇三子和碩誠親王允祉。

皇四子和碩雍親王。皇五子和碩恒親王。允祺。皇七子多

羅淳郡王允祐。皇八子多羅貝勒允標。皇九子固山貝子允

禧。皇十五子允禩。皇二十子允禔。隨駕。是日自暢春園啟行。

駐蹕湯泉。吏部題戶部右侍郎呂履恒。保舉御史徐樹庸

實錄卷三十三

七

內陞。但徐樹庸人甚平常。呂履恒應照保舉不實例。降二級調用。從之。○癸卯。

上駐蹕南石槽。諭大學士等曰。今日覽刑部審取孟光祖口

供摺內。有架鷹牽犬侍衛太監往各省等語。由此觀之。各省

肆行詐騙之人甚多。若論放鷹應在口外。豈有差往南省之

理。前差李秉中等往畫輿圖。俱給有憑文。亦行文督撫。令其

知悉。其賞賜浙江巡撫徐元夢書籍亦有憑據。朕差遣人員

如此嚴密。而于來鳳一案。刑部尚且恐為朕所差遣之人。密

理時兩相瞻顧。此皆督撫猶豫不奉。餽送盤纏。但圖苟且。令

其出境。故至如此之極。光天化日之下。容此魑魅魍魎。任意

橫行。如果王阿哥差人賞賜外省大臣官員衣服等物。理應

將差人留住。叩稟王阿哥等。如果採買物件。亦應將差去之

人留住。一面將情由聲明各該管王等。并將物件呈送。則虛

實立辨矣。不應令差人遊蕩各省。以壞該管王之聲名。且如

朕凡有恩賜。即將送去之人。所賞之人。俱登記檔案。公賴士

向太監鄒海要求取御用紅京米。鄒海因不能得。在街市採

買。誣哄賴士送去。此事發覺。已將鄒海正法。朕稽察之嚴。如

此。現今拏獲孟光祖。在各省指稱阿哥名色。誣騙行走。殊屬

可惡。雖凌遲處死。不足以蔽其辜。將審出之處。著即行文各

省通行曉諭。巡撫年羹堯。曾餽送過馬匹銀兩。修國勳。亦餽

實錄卷三十三

八

送過銀兩緞疋。將此等俱隱匿不奏。著明白回奏。孟光祖在

各處誣騙數年。並無一人奏聞。若趙弘燮不奏。朕尚不得洞

悉。此事若不發覺。外省漢人。即認作實事。編書記載。誣枉之

事。尚有甚於此者耶。爾等會同九卿議奏。甲辰。

上駐蹕懷柔縣。以盛京兵部侍郎色爾圖。為吏部左侍郎。

以內閣學士長蘊。為江南江西總督。乙巳。

上駐蹕密雲縣。丙午。

上駐蹕羅家橋。諭大學士等曰。昔有一人。將小魚十尾。齎賜

信郡王。詐稱此魚奉旨賜王。不必謝恩。如王給什物。即收領。王覺其謊言。挽留之。暗使護衛看守。欲往謝恩。伊懼曰。奉旨

不令王謝恩豈可違旨。王曰。上賜物。何敢在家靜坐。即入謝恩。啓奏。伊謊言盡露。即行拏問。擬斬監候。三載後遇恩。詔乃免。又有一人。誑永平府知府。指稱二阿哥。許以委署學院印務。索銀一萬兩。知府即詳上司報部。部中奏明正法。地方官員果皆如此。孟光祖之徒。何能妄行乎。又諭曰。外省總督巡撫提督總兵官。俱有繕摺請安之例。伊等請安。摺子朕俱硃筆批發。其在外大臣。於朕所差人員。前請安。理所應當。今聞凡由京出外。及各省引見官員。前亦俱請朕安。甚屬不合。伊等既欲請安。即可繕摺具奏。乃以督撫提鎮大臣。在微員前跪請朕安。殊不合理。且雖行請安。伊等亦不能轉奏。嗣後在

此等往來人員之前。奏請朕安者。永行停止。○丁未雨。○

上駐蹕遙亭。○戊申。

上駐蹕巴克什營。○諭大學士馬齊曰。二十二日夜間。迅雷大雨。著人巡看。雨至白石橋。朕所經過之處。如遙亭地方。周圍不過微雨。口外雨多。數次。所以不早。四月十六日。又得大雨。未知近京一帶若何。問九卿大臣。著禮部請旨。○以和碩簡親王雅爾江阿為纂修

玉牒總裁官。大學士嵩祝。主揀禮部尚書殷特布。內閣學士星我泰。為副總裁官。○己酉。

上駐蹕兩間房。○庚戌。

上駐蹕王家營。○辛亥。

上駐蹕喀喇和屯。○吏部題。等公阿靈阿病故。銷去恩詔。所得一拖沙喇哈番。餘二等公。以其子阿爾松阿承襲。侯偏圖病故。銷去三次恩詔。超授六拖沙喇哈番。餘一等精奇尼哈番。以其弟郎圖承襲。從之。○戶部議覆。四川巡撫年羹堯疏。言成都等八府嘉定等四州。首出九千一百一十一戶。上中下田地一千七百五十二頃五十八畝零。丁一千一百三十丁零。照例於康熙五十五年起徵。應如所請。從之。○壬子。上至熱河行宮駐蹕。

五月甲寅朔。○丙辰。

仁孝皇后忌辰。遣官祭

陵。○諭大學士等曰。四月二十九日。熱河雷雨。五月初三日申時。雷雨復作。簷溜下注。先是京城雖曾得雨。尚未能霑足。今又數日矣。京城雨足則已。若雨尚未足。應將祈雨之處。速行具奏。爾等將此旨發去。○戊午。諭大學士等曰。禮部所奏。據欽天監咨。稱自本月初三日亥時。微雨至。初四日寅時止。雨之大小。霑足與否。並未聲明。欽天監若不行文禮部。即不奏聞矣。寅時雨止。應即具奏。如何未時方奏。各處報雨。皆未有如此之糊塗者。此又欲效去年之事耶。將朕此旨發問。回奏時。著殷特布兩日內。星夜到此面奏。○吏部題。等精奇

尼哈番又一拖沙喇哈番張朝午病故銷去恩詔所得三拖沙喇哈番餘三等精奇尼哈番以其子張理承襲從之○已未雨○

上幸湯泉駐蹕黃土坎○教漢多羅郡王垂木頓爾翁牛特多羅郡王和碩額駙蒼津一等台吉鄂齊爾來朝○庚申○

上駐蹕湯泉○貴州巡撫劉蔭樞奏稱病愈○

上諭大學士等曰前令劉蔭樞往軍前偏視營壘再行具奏伊奏云陸馬傷臂及足病勢危篤斷難前往今聞有旨令伊復任又奏臂傷足傷並胃弱舊症頓然全愈飲食如常情偽顯然矣○九卿遵旨議覆凡王阿哥差人賜屬下外任官物件

實錄卷二十七

十一

該督撫即應奏聞如無勘合而擅索取船馬者即行參究係妄行詐騙者正法地方官私自供應革職治罪督撫隱匿不奏降二級調用從之○辛酉諭諸王貝勒貝子公差來請安之護衛等伊等向來二十日差人請安一次今乃雨水之時著一月差人請安一次來時亦不必會同前後自來可也其間若有奏請之事未必限定日期來時若被水阻則遲數日俟水消時前來亦可○河南巡撫張聖佐題報宣陽縣脫逃徒犯亢璉亢珩等聚眾拒捕肆行搶掠直抵縣城河邊放礮迫脅鄉民似此目無國法斷難輕縱臣發標兵三百名委左營守備羅列統領會同鎮標弁兵相機協拏得旨亢璉等聚

眾拒捕肆行搶掠大干法紀該撫嚴拏究擬具奏○喀喇沁多羅杜楞郡王塞穆固山貝子善巴喇錫故俱遣官致祭○壬戌禮部尚書殷特布以報雨遲延遵旨赴熱河回奏○

上命大學士等取供尋大學士等議應將殷特布等革職交刑部嚴加治罪得旨都察院現議此事此奏著暫存貯○癸亥上自湯泉啟行駐蹕黃土坎○甲子○

上回駐熱河行宮○四川陝西總督鄂海題八月秋闈例應巡撫監臨今陝西撫臣噶什圖在口外移臣監臨但今大兵在外臣駐西安承辦軍需偶遇軍前要務時值封鎖棘闌必致貽誤應將監臨一切事宜令西安布政使薩睦哈代理從之

實錄卷二十七

十二

○乙丑翁牛特鎮國公索訥木來朝○丙寅雨○夏至祭地於

方澤遣都統宗室延信行禮○遣官祭

關聖帝君○喀喇沁多羅額駙門都來朝○戊辰諭左都御史兼翰林院掌院學士徐元夢等近看科場之事盡為大臣主持朕思內閣九卿大臣不立門戶不預科場之事弊端自除大臣遇考期將至未惟為子弟鑽營甚且為他人圖謀如劉謙平素猶講道學及為會試主考官名甚是不堪又同考官儲在文有閱試卷皆專執己見同房閱卷之楊萬春不得參酌此等陋習不可不知警戒諭眾知之○癸酉諭將軍傅

爾丹等吳梁海與禽獸等耳。有無總無關係。見今掃滅策妄阿喇布坦之事。乃屬緊要。若大處不理。止將吳梁海收取遷移。以為緊要。一經舉動之日。向何地驅逐耶。策妄阿喇布坦若一搖動。吳梁海自俱為我有。凡謀大事者。應將小處暫置。見今羅卜臧達席之信。亦尚未來也。○阿爾拔輔國公達爾漢德木楚克來朝。○乙亥。以翰林院編修楊士嶽為四川鄉試正考官。戶部司庫滿寶為副考官。檢討嚴思位為廣東鄉試正考官。戶部主事吳曹直為副考官。檢討黎致遠為廣西鄉試正考官。兵部主事江為龍為副考官。檢討柯喬年為福建鄉試正考官。檢討陸紹琦為副考官。○己卯。雨。○科爾沁

實錄卷五十七

卷五十七

台吉諾木桑三濟扎卜來朝。○壬午。巴林台吉達色來朝。

六月。甲申朔。科爾沁和碩卓禮克圖親王巴特麻來朝。○乙酉。內閣學士兼禮部侍郎顧悅履祭一次。○丙戌。諭大學士等曰。今年雖旱。得雨之後。或連綿陰雨。亦未可定。應傳諭八旗軍民人等。將危圯房屋牆垣修理。滲漏之處。早行苫蓋。并潮濕朽壞物件。移置高處。凡事豫則易。備朕凡經歷之處。心思所到。即行傳諭。即不連綿陰雨。平常豫備亦可也。○喀喇沁和碩額駙納木賽來朝。○丁亥。皇三子和碩誠親王允祉恭請。

上幸王園進宴。○戊子。江西布政使司布政使傅澤淵子繼母

憂。命回旗守制。○予故鑲白旗蒙古都統覺羅阿爾圖祭葬。

如例。○庚寅。振武將軍公傅爾丹疏奏。本年種地。除從前耕熟之處。已經播種外。查有阿爾滾故哲西巴里鄂希那馬爾濟虎勒克查漢郭爾等處。地土肥厚。見在開渠引水。體增種。五月內。又遇甘霖霑足。所種青稞。小麥。大麥。各極暢茂。報聞。○辛卯。予故古北口提督馬進良祭葬。謚襄毅。○癸巳。諭大學士等曰。口外原係涼爽地方。六月初十日。甚覺炎熱。京城自必更甚矣。爾等將此旨傳與刑部。所有罪人。照往年寬釋例行。又諭曰。現在銅少。錢局收買廢銅。以致鎔毀制錢。作銅賣者甚多。著問九卿具奏。○甲午。予故廣西提督一等精

實錄卷五十八

卷五十八

奇尼哈番又一拖沙喇哈番加贈太子少保張朝午祭葬。謚襄毅。○乙未。補原陞未任湖廣布政使護理貴州巡撫事白潢為江西布政使司布政使。○都察院遵旨察議析雨事。關民生甚屬緊要。今五月初三日亥時下雨。至初四日寅時止。禮部遲至未時具奏。報雨乃禮部之專責。俟欽天監知會後始行具奏。殊屬溺職。應將尚書殷特布陳說侍郎薩哈布主思職羅瞻等革職。得旨。殷特布著革職。陳說薩哈布主思職羅瞻著革職。留任。○己亥。議政大臣等議覆。靖逆將軍富寧安疏。請襲擊之兵。停其進吐魯番。臣等將從前所派之兵八千五百名。分為三隊。前往烏魯木齊襲擊。頭隊兵令散秩大

臣阿喇納等帶領二隊兵。臣自行帶領三隊兵。令都統晏布等帶領。各攜六十日口糧。以次前進。查伊兒布爾地方為策安。阿喇布坦設立汎界。即令頭隊之散秩大臣阿喇納等於兵丁內挑選五百人。夜行晝伏。前往擒其守汎之人。又調延綏總兵官李耀尾大軍之後。於色畢威烏蘭烏蘇等緊要地方設立營寨。駐扎防守。恐李耀標下兵少。再於巴爾庫爾兵內派五百名。協力預備。其進兵緣由。曾令侍衛折爾德等往報阿爾泰一路將軍。為會前進。據阿爾泰將軍公傳爾丹等咨稱。伊等奏將原派兵丁。由布婁兒布喇罕額倫哈必爾漢三路進發。但巴爾庫爾三隊兵馬。今往襲擊烏魯木齊。則伊

實錄卷二十七

五

等所派額倫哈必爾漢之兵。應俾其發往。將此兵添派布婁兒布喇罕兩路兵內。與巴爾庫爾進兵之期。同進發。亦帶六十日口糧。令至厄爾齊斯河。烏圖等處相機襲擊。應如該將軍所奏。得旨。從前議進兵時。帶四十日口糧。不令深入。今又議帶六十日口糧。深入襲擊。時漸寒冷。兵回時恐馬匹疲瘦。應令於何處過冬。并進兵道路多有與吐魯番相通之處。應作何防備之處。著再行詳議具奏。尋議。巴爾庫爾阿爾泰兩路進兵。應照原議。止帶四十日口糧。前至烏魯木齊及厄爾齊斯河。烏圖等處。應擊則擊。應取則取。有不便襲擊之處。仍將兵整隊而回。其總兵官李耀之兵。尚恐單弱。應再添派

五百名。尾後策應。凡進兵道路與吐魯番有相通之處。遵旨行文領兵將軍。加意防守。其回兵之時。馬匹過冬。作何喂養。亦令將軍等詳加商酌而行。從之。大學士元卿等遵旨議覆。民間私毀小制錢。作銅變賣。當嚴行禁止。

上曰。毀壞制錢。原有明禁。特因銅少價昂。部內鑄錢不敷。採買廢銅。以致小民射利。毀小制錢。作廢銅變賣。朕辦事五十餘年。屢次更定錢法。皆視民之形勢。從未嚴行禁止。銷毀小制錢。亦屢為寬限。前李光地請將小制錢嚴禁。朕曾下旨。斷不能行。伊後知其不可。始以朕所見為是。總督額倫特請於湖廣省發大制錢二百萬貫。通用將小制錢銷毀。朕以不可之

實錄卷二十七

六

故分晰下旨。伊始曉然。小制錢私毀如何禁止之處。九卿詹事科道會同確議具奏。癸卯。以翰林院編修索泰為浙江鄉試正考官。檢討張懋能為副考官。修撰王敬銘為江西鄉試正考官。編修秦道然為副考官。檢討胡煦為湖廣鄉試正考官。太常寺少卿林洪烈為副考官。戊申。上默特台吉鄂齊爾喀喇沁塔布囊阿必達等來朝。己酉。雨。以故輔國將軍巴哈穆庶出子吳鼎為三等奉國將軍。予故兵部尚書趙弘燦祭葬。謚敏恪。庚戌。教漢多羅額駙羅卜藏等來朝。壬子。戶部等衙門遵旨議覆錢局收買舊器。廢銅小民圖利。以致將小制錢銷毀。作銅變賣。嗣後止許買舊器。以

銅解送不准買新鑄板塊銅如有銷毀小制錢作廢銅變賣者嚴緝治罪從之 兵部議覆甘肅巡撫綽奇疏言武場鄉試例係巡撫主考今臣現在肅州辦理軍需入場考試恐致有悞等語應將今歲武場事宜令藩臬二司照例舉行從之 予故雲南永順總兵官段騰龍祭葬如例 旌表滿洲烈婦饒黃旗王嘉寶妻瓜爾嘉氏夫亡矢志殉節伊母及兄嫂勸阻託言如廁自縊給銀建坊如例 旌表浙江永嘉縣烈婦程德福妻陳氏弱齡守志夫祖欲嫁之值夫亡忌辰為戶自縊給銀建坊如例

實錄卷七十三

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十二

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十三

康熙五十六年丁酉秋七月癸丑朔享

太廟遣都統瑯圖行禮 乙卯鄂爾多斯扎薩克多羅貝勒達

西拉卜坦來朝 戊午予故雲南臨元澂江總兵官張其繼

祭葬如例 工部議覆河道總督趙世顯疏言徐州郭家嘴

昨寧縣黃河南岸王家堂宿遷縣黃河南岸鍾家灣北岸吳

家莊各應建築挑水壩以保隄工應如所請從之 辛酉以

翰林院檢討王時憲為陝西鄉試正考官內閣中書色楞額

為副考官浙江道御史連肖先為江南鄉試正考官翰林院

實錄卷七十三

編修戚麟祥為副考官 刑部等衙門會議江西巡撫佟國

勳四川巡撫年羹堯不將逃人孟先祖查拏奏聞反接受物

件咨拜餽送禮物應將佟國勳年羹堯俱革職付令佟國勳

著革職年羹堯著從寬革職留任効力 壬戌

孝懿皇后忌辰遣官祭

陵 丁卯中元節遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 科爾沁扎薩克和碩達爾漢親王和碩額駙羅

卜臧滾布來朝 予故雲南楚姚蒙景總兵官駱儼祭葬如

例 旌表四川烈婦姜榮吉妻劉氏夜遇強暴力拒不污母

子五命慘斃給銀建坊如例 戊辰

上諭大學士等曰朕前閱

太宗文皇帝實錄所載戰敗明朝滿貴何雲龍馬登雲孫祖壽

四總兵時天正大霧人覲面不相見敵營火礮烏鎗施放不

實錄卷一百一

二

絕樹木枝葉皆燬

太宗文皇帝恐我兵受傷遣副都統覺羅艾塔往視艾塔回奏

曰敵之火礮烏鎗止損樹木我兵並無傷者可見

上天佑護非人力所能至也夫天象最難揣測而機之所動亦

可預知朕少年時在興安嶺上行茂林中迅雷忽作乃避出

茂林雷止遣人往視樹木皆為迅雷所擊此皆朕親歷之事

也大學士等奏曰

太宗文皇帝實是神奇凡用兵事宜先期指示事後無不允合

皇上所行事事相符是以眾人莫不驚異

上因諭左都御史徐元夢曰朕常留心格物之學如雷擊木必

於畧無瑕疵枝葉整齊者方擊之如擊馬已割耳鼻之馬亦

不擊再書冊所載有所謂雷斧雷楔者大約得自深林者皆

石得自平原者皆銅朕所得甚多將小石一塊置於泉水攪

之即可祈雨蒙古人謂之查達齋書冊則曰查達也 故漢

多羅額駙扎木蘇來朝 庚午毛明安多羅貝勒班迪故遣

官致祭 諭大學士等曰戶部尚書趙申喬奏摺內有一念

愚誠誓不欺君但精力既衰救過不逮惟皇上終始矜全等

語如不欺君伊子趙鳳詔居官甚屬貪婪侵欺數十萬銀兩

伊何不陳奏為人臣者居官一日當盡一日之心屢以衰老

推諉糊塗辦事其如國家之事何凡事不平心靜氣以求合

宜有意固執迨至勢不能行則云我衰老救過不逮將以此

為錯悞手抑知而不改手若如此行事為君者安能終始矜

全耶 辛未靖逆將軍富寧安疏報臣等將兵分為三隊於

六月二十六日由巴爾庫爾進發今散秩大臣阿喇納等領

兵一千三百有餘為頭隊往擊厄魯特邊境擒其生口臣統

大兵尾其後於七月初四日將至阿克他斯地方據阿喇納

報稱我等領兵前進夜行晝伏初三日至烏蘭烏蘇地方擊

獲策妄阿喇布坦哨兵二人一名阿籌拉克一名推扎布此

二人理應解京但伊等所識路徑甚多臣等現率兵前往襲

擊暫用為嚮導俟前途更有俘獲之令將此二人齎

聖訓遣回本處宣諭或用後獲者齋

聖訓遣回本處宣諭此二人解京之處俟臣等至烏魯木齊擒賊後酌量而行得旨朕年日增血氣漸衰故此事遲疑至今如當朕少壯時早已成功矣然朕以老年之人籌畫調遣無不符合者此即軍機之吉兆也初兆既吉終無不吉矣此疏著示諸皇子及眾大臣 士中

上召理藩院尚書赫壽侍郎特古忒協理理藩院事一等侍衛色楞等入諭曰鄂羅斯尼布潮城頭目爭逃人之事部議非矣此並非為逃人特借此來通交易耳將軍托留即宜駁回今爾等當代托留作文云爾邊城頭目因欲交易故以爭逃

實錄卷五

中

人為名借以行私原係小事乃爾所呈之文輒寫兩國講和以來等大言由此觀之爾惟知圖利以交易為重也前爾察罕汗之臣噶噶林呈文云我察罕汗交易之外凡一應物件無我印記者概不交易等語又前兩國議定疆界後因定議喀爾喀事曾行文於察罕汗今十餘年未嘗回文和議在先喀爾喀之事在後爾何得妄言及此且喀爾喀之人既入爾鄂羅斯後澤卜尊丹巴胡土克圖土謝圖汗將金銀緞匹等物贖回爾乃稱將所賣之人已死欺誑爾察罕汗若察罕汗索爾能骸骨示之乎爾邊方頭目任意行私之處我皆深知我大國待爾交易來使數百人俱令乘驛送至京城留

住數月給以廩食飼餵馬匹諸事應付所費錢糧甚多聖主

此恩爾自宜感戴倘我國如是多人到爾地方久住所食所來如此煩擾爾其何以堪我乃聖朝鎮守北藩等處將軍爾乃邊塞一小頭目如有察罕汗之言噶噶林之文始聽若爾頭目之言我皆不聽此後察罕汗之言噶噶林之文至於大部我亦將爾行私之處行文知會於噶噶林因此將爾帶來貨物不許交易一并駁回爾等可會同將此文交與托留發往鄂羅斯又諭赫壽曰爾可以已意作一勸諭書送於拉藏汗云蒙皇上之恩將我補授理藩院尚書昔時曾到爾處汗甚愛敬我念彼此相好之情盡我之心作書相告頃者統領

實錄卷五

五

駐扎巴爾庫爾地方兵丁將軍富寧安等率先鋒兵問罪於策妄阿喇布坦之境拏獲策妄阿喇布坦哨兵尼魯特阿等拉克推扎布二人問之云策妄阿喇布坦仍住伊本處與鄂羅斯哈薩克布婁爾皆為仇敵拉藏之子娶策妄阿喇布坦之女三年已經生子達賴喇嘛班禪及拉藏之使俱在策妄阿喇布坦處聞卜穆之子策零敦多卜托布齊都噶爾參都克等率六十兵去年往阿里克處助拉藏汗征卜魯克巴至今未回以此思之策妄阿喇布坦之奸狡甚不可信或助爾征卜魯克巴或侵爾以取西邊地方俱未可定再頃者爾呈部之文有部中若不料理我等除力爭之外別無他法等語

由此觀之爾或欲侵戴青和碩齊羅卜臧丹津以引導策妄阿喇布坦之兵亦未可定爾誠受我主之封食我主之祿而侵我邊疆之貝勒我四川等處所有三萬兵丁與貝勒戴青和碩齊同在一處又豈有坐視爾臨擲磨渾武巴什穆魯斯烏蘇等處侵青海之理乎至彼時我兵助戴青和碩齊與爾交戰我雖有禁止之文亦無及矣將此作書可也 大學士馬齊奏觀將軍富寧安所奏襲擊之兵前進直至策妄阿喇布坦邊境擒其哨兵不出

皇上睿算之中今伊等必共相驚恐此後捷音自應相繼而至矣

上諭曰策妄阿喇布坦之人皆烏合之衆其心不一我大兵一到即或降或散朕經理軍務已久每事慎重所以用襲擊之兵劉蔭樞並不知此意聽傳聞之言即勸朕息怒休兵用兵之事如此妄奏可乎伊不過用此空言作文章而已無知之徒即由此互相傳播從來遇賊迎降即此等空言作文之輩流賊李自成進京之際明文臣迎降稱頌李自成奏表云邁湯武而無慚德比堯舜而多武功本朝兵至復降本朝逆賊吳三桂叛時貴州巡撫曹申吉降而提督李本深亦降四川巡撫羅森降而提督鄭化蛟亦降王師至簞食壺漿迎之賊兵至亦簞食壺漿迎之誠可恥也又諭曰吳三桂叛時朕方

二十歲朕理兵事吳三桂聞之曰年方幼稚何能如此乎吳三桂在長沙時伊坐於城上笑曰看我墮敗滿洲之兵著夏國相領兵與我兵交戰碩鼎率數百人奮然敗之殺至城下夏國相背負三箭而逃吳三桂見之謂滿洲兵仍如此之勇也此等事皆在伊左右之人歸降後所奏聞者又諭曰蒙古等感戴本國之恩忘身以奉事者甚衆當索約爾濟河地方與噶爾丹交戰時阿祿科爾沁之董牛忒台吉自戰場出謂衆曰我等受皇恩甚深若稍退縮有何面目以見聖顏乎率伊屬兵三百名復進皆歿此內祁里德族中數人亦戰歿朕甚憫之近日綠旗武官亦好遊擊潘至善駐防哈密策妄阿喇布坦二千兵來侵潘至善率伊屬兵二百名即行擊敗臨陣時潘至善奮然一手持刀一手執弓笑曰是我等報皇上之日也哈密回子及被獲厄魯特等無不言潘至善漢人而有勇如此為之極口稱贊頃者總督滿保摺奏自旅順口逃去之賊從浙江而來福建遊擊鄭勤領兵追及跳上賊船或斬或擒綠旗武官感朕之恩皆有捐生敢死之心朕慮其奮勇太過或致有傷殊以為念耳 癸酉靖逆將軍富寧安疏言臣等自烏魯木齊回兵向畢留圖而來路過厄魯特兵三百餘人尾我兵後臣隨即整兵迎勦賊衆不支敗奔深山此戰反特台吉扎穆畢首先奮勇以鎗刺賊賊墜馬被擒又復

前追適賊回放鳥鎗中扎穆畢之胸而死得旨扎穆畢首先奮勇剿賊以致陣亡甚屬可嘉著追封輔國公以其子承襲巴林固山貝子扎錫納木塔爾來朝甲戌以喀喇沁故杜楞郡王塞陵子伊達木扎卜故固山貝子善巴喇錫子僧滾扎卜各襲爵丙子

皇四子和碩雍親王恭請

上幸王園進宴陞江西布政使白潢為江西巡撫以翰林院檢討海寶為河南鄉試正考官檢討張玠為副考官編修呂謙恒為山東鄉試正考官檢討朱天保為副考官編修王時鴻為山西鄉試正考官檢討陳世倌為副考官予故西

實錄卷五十一

安副都統噶爾琿奏葬如例戊寅靖逆將軍富寧安疏報臣等領襲擊之兵於七月初十日至烏魯木齊地方俘獲回子探問準噶爾消息隨於十一日整兵前進至通俄巴錫地方分派隊伍搜查山林俘獲回子男婦幼童共一百六十九名並獲駝馬牛羊等物甚多將烏魯木齊賽音他拉毛他拉等處耕種地畝俱行踐踏於十二日將兵撤回得旨著議政大臣議奏喀爾喀固山額駙功額喇卜坦來朝己卯諭大學士等曰前河南巡撫張聖佐奏摺內止稱宜陽縣賊亢琨等拒捕搶奪派出官兵攻破神后寨殺賊數十生擒二十二人閩鄉縣賊尹喬主更一等令知府李廷臣領兵往拏等

語所奏殊未明晰頃報奏米價摺內閩鄉縣賊拏獲與否亦未申奏看來張聖佐無能宜陽閩鄉澠池等縣與懷慶府甚近不過三百餘里皆朕所經歷此間並無峻山不可攻戰之處河北總兵官馮君洗並未將賊情奏聞此案朕留心久矣朕交山西巡撫蘇克濟總兵官金國正從實訪問今蘇克濟奏稱賊王更一等拏獲亢琨仍未拏獲此盜案根源因宜陽縣丁憂知縣指稱軍需科派豫徵明歲錢糧又以道官瘦馬分給勒養情由激變亢琨等將知縣拏去官兵往戰攻破賊寨始將知縣取回擒賊兵丁貽累於民又將村房放火此皆原任巡撫李錫任內之事聞賊亢琨等言皇上因李錫居官

實錄卷五十一

甚劣已取進京若李錫伏誅我等情願引頸受刑李錫居官固屬不堪但此賊不盡拏獲斷乎不可著刑部尚書張廷樞內閣學士勒什布乘驛急往嚴加查獲詳審一面於彼處正法一面奏聞辛巳河南巡撫張聖佐疏報賊徒王更一等拏獲

上諭學士勒什布曰爾等往審此事將本帶去前蘇克濟奏摺內事爾已聞之到彼處將賊潛住地方與河北總兵官馮君洗住處相近伊為何並不奏聞又不將賊黨即行拏獲之處察問此事起端緣由如何漸致滋蔓於何處行掠於何處潛藏及放火殺傷民命等情盡行詳察指稱軍需科派豫徵來

年錢糧之知縣若果情實即行拏問丁憂知縣被賊拏去伊等為何隱瞞不奏被賊拏去今復得回之知縣現在何處須一並詳察爾等到時此賊悉行拏獲則已若仍拒捕逃避爾等即領兵追拏 刑部奏鑲黃旗蒙古佐領色楞五十二佐領下獲軍校拉布達孫等告伊佐領叩閣一案奉旨查從前被告有額德勒呼者是否即係此二佐領下人今查額德勒呼之子常保現與被告之佐領色楞五十二皆係喀喇沁一族兄弟

上諭大學士等曰朕記得告額德勒呼者乃一弓匠馬齊奏曰刑部所查之處皆與

皇上所記相符此係三四十年前事人名皆不遺忘誠為神奇上曰朕一生所賴者惟在記性縱有極冗長之本朕俱能全記因辦事年久所以事到即知始末也

八月壬午朔

上行圍命皇三子和碩誠親王允祉皇十五子允禩皇十六子允祿隨駕是日自熱河啟行駐蹕黃土坎先是靖逆將軍富寧安疏報拏獲回子阿都呼里供稱策妄阿喇布坦令伊寨桑都噶爾參都克策零敦多布托布齊等帶領六千兵於去年十一月由阿里克路往西進發或前去征拉藏或幫助拉藏之處我知得不甚明白等語疏入得旨策妄阿喇布坦

由阿里克地方發兵一事雖虛實未知朕意料之甚屬可惡策妄阿喇布坦先曾向澤卜尊丹巴胡土克圖之使者云拉藏汗係嗜酒無用之人不足介意羈留其子並留達賴喇嘛班禪之使不令前去今此兵或征取拉藏收取西邊地方或幫助拉藏侵犯青海俱未可定若係征取拉藏其兵於去年十一月前往今已成警我兵欲救援拉藏恐地方遙遠策妄阿喇布坦之兵若幫助拉藏同來侵犯青海則不可不備兵協助迎勦現今巴爾庫爾有富寧安阿喇布坦等一應軍務俱已諳練行兵甚易應將額倫特徹回仍駐扎西寧將協助兵丁與青海之人一同豫備著議政大臣等議奏至是議覆

聖諭甚是周詳應令署理將軍總督額倫特速往西寧料理軍務糧餉西寧總兵官王以謙侍讀學士查禮渾等在松潘豫備提督康泰主事巴特麻等時密遣人往青海地方偵探信息若得實信一面速行奏聞一面彼此知會各相機而行駐扎噶斯之侍衛阿齊圖霍善等加意固防探其蹤跡從之烏朱穆泰扎薩克多羅厄爾德尼貝勒博木布來朝 福建浙江總督覺羅滿保疏報旅順口脫逃海賊除孫森等已獲外尚有陳君元等未獲今據閩安協烽火營先後報獲賊犯阿吉尼等據供陳君元等一船逃至廣東外洋不知蹤跡遇哨船殺死余阿二等十五名活擒十七人臣查阿吉尼余阿

二俱係陳君元同夥現被殺獲陳君元等竄逸已經嚴行兩省緝追其用命官弁受傷兵丁會同撫臣給賞銀兩得旨官兵奮勇擒殺賊犯殊屬可嘉兵丁阮經卹賞官弁亦著議叙
癸未

上駐蹕湯泉 乙酉

上駐蹕中關 禮部題請派順天鄉試正副考官及同考官將九卿舉出官員職名開列

上曰棘闈弊端甚多此番房考官即在所開正副考官內每房派二員其各省人著參雜派出每房所派二人不得派同省之人諭大學士等曰朕偏覽明代實錄未錄實事即如永

實錄卷五十五

上

樂修京城之處未記一字史臣但看野史記錄錯悞甚多朕又覽史記漢書亦僅文詞之工記事亦有不實處即如所載項羽坑秦卒二十萬夫二十萬卒豈有束手待斃之理乎

振武將軍公傅爾丹疏言臣等派襲擊之兵分隊前進公博貝統兵於六月二十九日至博羅布爾哈蘇地方見有賊蹤隨即追斬厄魯特五人生擒四人投順者十六人額駙英爾衮都統穆賽令喀爾喀台吉益楚克及妻徵額等分路尋探並無賊蹤隨於七月十七日回兵疏入報聞 丙戌

上駐蹕博洛和屯 巴林固倫榮憲公主來請安 喀爾喀扎薩克一等台吉格木品爾阿霸垓多羅郡王巴特瑪滾楚克

多羅卓禮克圖郡王扎木巴爾扎卜來朝提督雲南學政國子監祭酒余正健以病解退以工部郎中張學厚為雲南按察使司僉事提調學政 丁亥遣大學士嵩祝祭先師孔子 蘇尼特多羅杜楞郡王達禮扎布喀爾喀多羅達爾漢貝勒詹達古米鎮國公索諾木巴爾珠爾來朝以署倉場總督戶部侍郎張伯行為順天鄉試正考官翰林院編修鄂爾奇為副考官 陞四川按察使許兆麟為江西布政使司布政使 戊子祭

大社

大稷遣都統宗室延信行禮 己丑

實錄卷五十五

上

上駐蹕唐土溝地方 庚寅

太宗文皇帝忌辰遣官祭

昭陵

上駐蹕張三營 扎魯特多羅達爾漢貝勒阿諦沙來朝 辛卯

上駐蹕宜孫喀布齊祿地方 壬辰

太祖高皇帝忌辰遣官祭

福陵

上駐蹕雲特木爾昂阿地方 授多羅淳郡王允祐女為和碩郡主 塔多爾濟拉錫為和碩額駙 癸巳

上駐蹕愛里格爾齊老地方 喀爾喀扎薩克一等台吉多爾濟達錫來朝 甲午

上駐蹕漠達巴漢地方 丙申諭議政大臣等三路襲擊軍兵俱遵朕指示成功整旅而還其將軍蒙古王貝勒貝子公台吉等及武職大臣官員以下軍兵以上俱到極邊之處回來凡地方遠近道路平險水草多少以至敵人情形大畧悉知著逐一繕摺奏聞再令將軍兵作何料理之處令將軍蒙古王貝勒貝子公台吉等及武職大臣官員各抒已見具奏並行文將軍富寧安傅爾丹等三路之兵俱已回來或敵入侵犯哨汛偷竊搶奪事未可定我軍應作何防範著詳議以聞

聖祖實錄卷三

五

尋會議自逆賊妄阿喇布坦起釁以來一應軍務皆係

皇上睿慮周詳豫行指授將軍大臣等發兵三路襲擊俘獲策妄阿喇布坦部落厄魯特回子多得馬駝牛羊等物將伊所種田禾盡行踐躪賊不能當我軍銳氣驚駭逃竄今三路襲擊兵俱各成功旋師行令將軍富寧安傅爾丹等將伊等所屬之兵及鄂爾多斯右衛西安綠旗兵丁內有怯弱者揀出編隊或應遣回原處速行奏聞從之 丁酉

上駐蹕克勒烏里雅蘇台 戊戌

上駐蹕哈達鄂佛羅地方 土默特多羅達爾漢貝勒阿喇卜坦固山貝子巴雅斯呼朗圖郭爾羅斯扎薩克一等台吉查

滾來朝 己亥

上駐蹕噶海圖昂阿地方 庚子秋分夕

月於西郊遣兵部尚書孫柱行禮

上駐蹕烏喇岱地方 辛丑烏朱穆泰和碩車臣親王色登敦多卜來朝 壬寅

上駐蹕格爾齊老昂阿地方 工部議覆河道總督趙世顯疏言宿遷縣黃河北岸柳園頭應建築挑水壩黃河南岸陳家灣蔡家道口應加幫內戩清河縣運口爛泥淺等處引河應下埽加鑲林家西天然壩亟宜加鑲柴工高家堰山盱一帶石工亟應修砌俱應如所請從之 甲辰

聖祖實錄卷三

三

上駐蹕德布遜惠漢地方 乙巳

上駐蹕布爾哈蘇台 科爾沁和碩額駙多爾濟塞稜來朝

裁偏沅所屬湘陰縣等營田巡檢八員從巡撫李發申請也

河南河北總兵官馮君洗疏言河南之宜陽閿鄉澠池等處奸民聚眾拒捕官兵攻破逆寨宜陽賊首亢璉逃匿現在嚴緝閿鄉黨惡王更一等現在擒獲交有司收審餘眾俱散又宜陽縣申報亢璉等一十八人藏匿澠池縣李一寧山中隨令遊擊楊泰等并各營官兵移赴澠池緝拏臣先未經摺奏罪屬難逃得旨凡總兵官平素應嚴督防守一有賊盜隨聞隨即查拏處治安靖地方利益民生馮君洗身任總兵官

於宜陽等處盜犯亢琨等雖發遣官兵聊以塞責。謂非伊事若為不知並未奏聞一次。伊所司何事。似此盜犯不豫為緝拏以致延蔓。又壅於上聞。苟且希圖了事。殊玷官箴。著張廷樞等嚴審議奏。丁未

上駐蹕巴顏和洛 議政大臣等議覆西寧駐扎侍讀學士查禮渾等疏報據西邊拉藏汗咨文云策妄阿喇布坦遣兵於七月初四日掠其納克禪邊內波木寶一部人眾。且言又令策零敦多卜領兵萬人前來征取拉藏等語。我兵不可不豫為防備。應令松潘西寧兵丁出口安營。得旨依議。但地方遼遠。俟信息到時始行調兵。恐或不及。可派荊州滿州兵二千

名發往成都。派太原滿洲兵五百名發往西安。戊申

上駐蹕五虎爾濟地方 己酉

上駐蹕努湖代色欽地方 庚戌

上駐蹕巴顏和洛 辛亥

上駐蹕得爾吉惠漢地方

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十四

康熙五十六年丁酉九月壬子朔差往青海諾爾布色楞布達理等請訓旨

上諭曰爾等俱往來青海路途已熟所以派往今拉藏若能敗策妄阿喇布坦之兵信到即可調回爾等倘拉藏被策妄阿喇布坦所敗爾等即與青海台吉等協力征討明白曉諭務令合而為一使伊等絕無猜疑不致生變方善或拉藏與策妄阿喇布坦之兵會合欲征戴青和碩齊須諭知青海眾台吉等策妄阿喇布坦與我大軍為敵今拉藏與之合一是

平錄永吉

顯為讐敵聖主始終仁愛保護顧實汗之子孫直至於今實係聖主天高地厚之恩此時正當奮發報効與我并力而行甚易易也今四川西寧等處邊界之兵有十萬見在又調荆州滿兵二千在成都豫備調太原等處滿兵在西寧豫備我兵實不可勝用將此情亦明白諭知戴青和碩齊策妄阿喇布坦之兵先侵拉藏方去圖謀達賴喇嘛必以此告知再將軍額倫特才略過人爾等凡事一體同心若有聞見務必公同商議而行癸丑

上駐蹕克爾木台地方甲寅

上駐蹕永安拜昂阿地方丁巳議政大臣等議覆靖逆將軍

尚書富寧安奏稱滿洲漢軍官兵及各綠旗兵丁以來歲進征當豫行整理馬匹軍器等物借支俸祿錢糧共計銀二十五萬六千兩有餘請如數借給俟事定之日扣除得旨此次官兵雖未臨陣克取地方然同心効力甚屬可嘉將朕內庫銀兩發出二十六萬令其整理馬匹器械如恐路遠不能即達將附近地方所有錢糧著戶部速行料理成功時此項銀兩不必扣除若無効力之處空回各本汛者如議政所議仍行扣除見將內庫銀兩照數交與戶部此項錢糧係朕特恩其另造檔案務令清楚予故鑲藍旗蒙古都統騰額特祭葬如例戊午

上駐蹕克爾木台地方己未

上駐蹕額勒蘇台達巴漢昂阿地方授故奉國將軍塞特庶出子塞本臣為奉恩將軍庚申

上駐蹕拜布哈昂阿地方辛酉

上駐蹕柏敦畢喇地方壬戌

上駐蹕克勒烏里雅蘇台吏部題貴州巡撫劉蔭樞屢次奏本俱不繕寫貼黃年老昏憤不便仍留巡撫之任應照例休致得旨劉蔭樞著解任仍令來京癸亥

上駐蹕西爾哈烏里雅蘇台賜來朝教漢翁牛特喀喇沁阿霸垓科爾沁巴林土默特鄂爾多斯烏朱穆秦喀爾喀蘇尼

特扎魯特郭爾羅斯杜爾伯特奈曼王貝勒貝子。公台吉等銀幣鞍馬有差。賜隨圍蒙古官兵銀兩布匹有差。甲子。

上駐蹕阿納達達巴漢昂阿地方。乙丑。

上駐蹕古都里呼昂阿地方。丙寅。

上駐蹕王三窩鋪地方。

上出行帳。令諸皇子射。觀諸蒙古射畢。

上親射二次。每發皆中。丁卯。遣官祭

歷代帝王。遣官祭城隍之神。

上駐蹕畢爾珠海地方。奈曼多羅達爾漢郡王和碩額駙垂忠教漢和碩額駙多爾濟拉什多羅額駙羅卜臧來朝。○戊

辰。

上駐蹕黃土坎。○已巳。

上回駐熱河行宮。禮部題朝鮮國王李煒因目盲甚劇。遣人來購空青。應准其採買。

上諭翰林院侍讀學士阿克敦鑒儀衛治儀正張廷枚曰。朝鮮國王李煒安靜奉法。人民愛戴。四十餘年。伊國中享太平之福。未有如此之久者。朕甚嘉之。覽禮部奏請主因病目來購空青。朕聞王疾深為軫念。即於行在特簡爾等齎空青往賜。此係格外之恩。凡一應禮節。爾等到時。令王不必拘於成例。隨處可以相見。并傳諭之。○庚午。裁通政使司漢軍知事一

實錄卷一百一十五

實錄卷一百一十五

員。○辛未。諭大學士等曰。從前曾諭九卿。各省官員內有居官不好聲名。不堪者。隨聞隨即繕摺具奏。今李錫居官甚劣。何竟無一人奏朕。各省官員賢否。九卿豈無所聞。凡大臣啓奏。苟所聞不確。於奏摺內。言臣所聞如此。不甚詳確。一併聲明。未嘗不可。朕亦止欲知之耳。並非不加訪實。即行治罪也。况奏摺又不發出。隨聞隨奏。各省官員亦知懲戒。後改近閱九卿保舉。以為好官而薦引者有之。以為劣員而糾參者何並無一人。著傳諭九卿。○諭大學士馬齊。左都御史徐元夢。朕料理軍務年久。屢次親統大軍。綠旗兵丁較滿洲蒙古相去甚遠。滿洲兵只用二千。蒙古兵只用五千。朕親統時。任意所向。綽然可以成功。若綠旗兵丁。任伊衆多。朕心亦難倚任。適於議政。大臣屢亦下此旨。今扎薩克蒙古等。雖不給與糧餉。於伊等該管。手台吉等。皆實心効力。推而至於苗蠻。盡知各為其長。若綠旗兵丁。糧餉必以時給發。稍不如意。即至相怨。昨提督康泰所領兵一千餘人。至黃勝關。柏木橋鼓譟。竟棄提督而去。提督前並無一兵。止餘僕從。總兵官路振揚駐扎松潘。相距七十里。聞信即往前迎。因衆兵不可止遏。給銀米撫慰。令回成都。此兵至成都。巡撫年羹堯曲加安戢。交提標中軍參將管束。年羹堯復奏。此參將甚好。常諫阻康泰。將此兵交與。斷然無妨。隨將總督鄂海奏聞一摺。年羹堯所奏

二摺并康泰路振揚移咨總督巡撫文書交馬齊觀之。因命康泰馳驛來京。路振揚署提督事。○命浙江提督學政汪潯山東提督學政陳沂震四川提督學政廖廣謀俱照該督撫所題留任三年。○諭兵部貴州威寧總兵官杜汝崑年老衰憊著革退。○壬申靖逆將軍富寧安疏言進剿一萬三千兵外請添喀爾喀兵三千。

上諭議政大臣等曰將軍富寧安處派察哈爾兵一千京城八旗護軍一千前往。所派護軍內將烏鎗手護軍派五百名。此兵到時將彼處綠旗兵之不整齊者著將軍酌量撤回。再西安滿洲兵派往軍前者甚多。將京城驍騎兵內每佐領各派

實錄卷二七四

三名前往西安駐扎。豫備調遣。○癸酉。

上諭大學士馬齊曰旅順口脫逃陳君元等賊黨不過八人。昨廣東巡撫法海奏稱此夥已獲七人。只有一名未獲。朕前以海中各島皆可為賊藪。及詢投誠海賊云島內樹木不生地皆礫石。不可耕種。亦無好水。故難棲止。即如澳門地方所居不過萬人。因無田耕種。米無所出。俱自廣東運米而食。今海中潛藏賊蹤。皆沿海所居奸民。春時覓小船捕魚。遇商船即行劫奪。商船既得便。拒敵官兵。至嚴冬時水米既無。伊等焚船上岸藏匿。大勢不過如此。斷不能於海島棲止也。明代金門廈門海壇澳門普陀巖崇明盡山花鳥等處俱有海賊。從

前海賊鄭芝龍投順。本朝用為內大臣。令伊作字。招降伊子鄭成功。若果投順。皇上即以海澄公見授。伊竟不從。順治十六年領海賊三十萬侵犯江南。攻鎮江城。宜思恭之父宜永貴時為巡撫。坐鎮瓜洲。因未從賊。城得不陷。及賊進圍江寧。時滿兵甚少。值貴州回軍之副都統噶褚哈等至。同江寧將軍喀喀穆合軍出東門。於明太祖陵南誘賊進三十里。大敗之。殲其衆。朕幸江南。曾親閱其戰地。我朝所殲敵衆。松山否。敗洪承疇兵十三萬。山海關敗敵兵二十萬。安親王於永興地方敗吳三桂兵。并此番所敗海賊。共計四處。海賊既潰。敗於江南。而福建地方施琅等又收取金門廈門。賊無棲止之處。始取臺灣為巢。今臺灣一帶又皆入版圖矣。又諭曰。古時有一二美事。即以為奇。互相傳說。朕於邊疆處處巡幸。閱歷之事甚多。往寧夏時。豫州無水。地方官豫貯水三百甕。以待朕見。有涸河故道。意春水方長之時。或值水發。亦未可知。因遣馬武海青往看。伊等去猶未遠。即回奏云。河水發矣。朕乘驛往觀。見軍民僕隸擁視水漲。因汲用此水。三百甕之水竟無所用。中路往征噶爾丹時。至察漢託灰。見泉流甚細。朕令八旗所扎八營。每營各掘一井。八井之水泛溢而出。人馬俱賴以濟。後皇七子送四公主。經過此泉。已無涓滴矣。馬齊奏曰。噶爾丹之惡已盈。

皇上又安中外之意甚切所以

上天默佑如此○以翰林院編修嵇曾筠提督山西學政編修查嗣庭提督河南學政檢討覺羅逢泰提督陝西學政編修繆沅提督湖廣學政檢討王思訓提督江西學政檢討李鍾我提督福建學政檢討陳均提督廣東學政編修鄒奕鳳提督廣西學政編修沈翼機提督貴州學政陞直隸大名道李育德為四川按察使司按察使四川陝西總督鄂海疏言西寧鎮標官兵因前往噶斯路駐防借領六個月俸餉若照數扣除各兵無以自給請將已換班回西寧官兵每季扣除一月仍留兩月糧餉給本兵贍養再見今駐防噶斯路官

實錄卷一百一

七

兵亦每季將兩月糧餉解送軍前給散本兵留一月糧餉贍養伊等家口俟換班回西寧之日陸續扣還得旨噶斯路換班回來並見往駐防官兵所借糧餉著暫停扣除俟功成事竣作為朕所賞賜如不成功照該督所題扣除其行月糧餉送至軍前并存留贍養家口之處著照該督所題給放該部知之○予故鎮國公景熙祭二次并造墳銀兩奉差河南審事刑部尚書張廷樞等疏言審據河南府知府李廷臣供去年河南府屬十四處每地一畝派銀四釐係原任巡撫李錫傳八府知府面諭照派又李錫發河南府瘦馬二百九十七匹每匹交銀十二兩糧驛道戴錦轉發馬八十四匹每匹

交銀十二兩五錢除提問布政使張伯琮糧驛道戴錦外請

敕吏部問取李錫確供發帑以便與張伯琮等所供核對定

議得旨李錫著革職逮行發往質對丙子以翰林院檢討

謝履厚提督江南學政旌表浙江烈婦李御天妻高氏備

工養慈惠僧誘姦不從自縊完節給銀建坊如例戊寅

孝慈高皇后忌辰遣官祭

福陵己卯陞廣西布政使黃國材為貴州巡撫

冬十月辛巳朔享

太廟遣都統宗室延信行禮○遣官祭

永陵

實錄卷一百一

八

福陵

昭陵

暫安奉殿

孝陵

仁孝皇后

孝昭皇后

孝懿皇后陵頒康熙五十七年時憲歷壬午喀喇沁多羅

額駙門都阿祿科爾沁多羅貝勒汪扎爾來朝○癸未

皇太后聖壽節

上率扈從王以下文武各官詣

皇太后行宮行禮。遵

懿旨停止筵宴。乙酉。兵部議覆太原城守尉阿霖疏言太原

兵丁舊無鳥鎗。請將伊帶往軍前之太原兵丁三百名內選

一百五十名保定兵丁二百名內選五十名備鳥鎗二百桿

為火器兵丁。復選太原閒散滿洲百名令其當差。兵回之日

有缺即令披甲。應如所請。從之。○陞都察院左副都御史海

壽為盛京兵部侍郎。○命戶部左侍郎梁世勳盛京兵部侍

郎海壽督理巴爾庫爾屯田。○已丑。

上奉

皇太后回鑾。自熱河啓行。駐蹕喀喇和屯。○授多羅淳郡王允

肅錄恭旨

九

祐女為和碩郡主。塔寶進奏為和碩額駙。庚寅。

上駐蹕王家營。○鄂爾多斯固山貝子色冷納木扎爾故遣官

致祭。○辛卯。

上駐蹕鞍子嶺。議政大臣等遵旨議覆靖逆將軍富寧安等

統領襲擊官兵至策妄阿喇布坦邊境烏魯木齊地方擊獲

回子訊問賊蹤。隨派弁兵搜查山林。所獲回子男婦幼童及

駝馬牛羊等物甚多。又踐踏其所種地畝。振旅而回。實能遵

奉

聖訓行走。可嘉。應令註冊。俟事定之日將大臣官員等議敘。從

之。○壬辰。

上駐蹕兩間房。陞通政使司通政使覺羅蘇庫為都察院左

副都御史。○癸巳。

上駐蹕巴克什營。喀爾喀車臣汗滾臣遣使進九白年貢。宴

齊如例。○甲午。

上駐蹕遼寧。陞江南蘇松糧道李馥為江蘇按察使。司按察

使。以翰林院編修周彝為順天武鄉試正考官。檢討張漢

為副考官。荊州將軍拜音佈疏報副都統寧古禮遵旨領

兵二千赴成都駐劄。下部知之。○乙未。

上駐蹕羅家橋。○丙申。

上駐蹕密雲縣。觀新修城及河道隄岸。○喀爾喀澤卜尊丹巴

呼圖克圖

胡土克圖。土謝圖汗汪扎爾多爾濟遣使進九白年貢。宴齊

如例。○厄魯特多羅郡王額駙策零旺卜之母故。賜銀五百

兩。○丁酉。

上駐蹕懷柔縣。以詹事府詹事赫成額為通政使司通政使

。○戊戌。

上駐蹕湯泉。○己亥。諭大學士等曰。河南省盜賊肆行如此。地

方官未嘗奏聞。朕諭山西總兵官金國正巡撫蘇克濟查奏

復遣尚書張廷樞等前往查拏。今已全獲。覽其供狀與金國

正蘇克濟等所奏相符。皆河南巡撫等不能查緝之故。此案

鄰省各官俱已確聞。而九卿豈竟無所聞耶。九卿內有豫省

今何亦無一人奏聞也。四川巡撫年羹堯所賞差往松潘兵丁銀兩米石牛羊茶葉。康泰等領去並未全給兵丁。致各兵鼓譟而回。此皆康泰平素不訓練。并不撫恤之故也。各省督撫提臣。悉係封疆大吏。總兵官等各有管轄官兵防守地方之責。關係甚重。凡補總兵時。朕惟視其騎射嫻熟。人材壯健。曾有効力之處。即行除授。此內有居官甚劣。不留心地方者。九卿應隨聞隨奏。今觀九卿保舉人員。惟圖利己。冀其酬報。似此有關地方要務。以及大吏賢否。雖有聞知。並不具奏。此何故也。又諭曰。凡地方有綠旗兵丁處。不可無滿兵。滿兵縱至糧缺。艱難困迫。至死斷無二心。若綠旗兵丁至糧絕時。少

實錄卷一百一十五

上

或窘迫。即至怨憤作亂。康泰之事。未起以前。朕竟若豫知。調荊州駐防滿兵二千名。往成都駐劄。意此時已到彼矣。陞廣東按察使武廷道為廣西布政使。司布政使。雲南驛鹽道金啟復為本省按察使。司按察使。庚子。

上回駐暢春園。詰

皇太后宮問安。○辛丑

上詣

皇太后宮問安。○壬寅

上以

皇太后聖體違和。奉

皇太后回宮。○癸卯。浙江巡撫朱軾疏言。武舉吳之杞。生員胡起。率領眾生員告稱。新科舉人陳鳳墀。倩人作文中式。有弊。請將吳之杞。胡起。陳鳳墀。俱暫行褫革。嚴審。

上諭大學士九卿等曰。今年浙江科場聲名不好。再各省主考官。提學等官。內有聲名不好者。九卿當有聞即參。雖已所舉之人。亦當參出。九卿所保之人。只知其見在行事而保之。能保無改節乎。又諭曰。今天下承平日久。民生疾苦。事無大小。爾等皆當留意。勿謂太平之時。區區小事。無妨礙也。凡事皆由小滋大。爾等凡有見聞之處。即當奏聞。斷勿隱匿。隋煬帝時。處處起兵。尚未之知。此非皆臣下隱匿。不以上聞之故乎。昔

實錄卷一百一十五

上

三藩叛逆。將自京發兵。原任尚書魏象樞。力言不可。聖人舞干羽。而有苗格。何必勞師於遠。賊至我。以逸待勞。即可息弭矣。滿大臣面嗤之曰。賊逼城下。始出兵禦敵。有是理乎。自古以來。無不以蒙蔽債事者。今河南盜亢珽所據之神後寨。即李自成據以作亂之地。礮鎗兵器皆在焉。朕巡行西安。由河南陝州而行。凡形勢緊要之處。必留心登覽。是以知之。亢珽一無能小賊。緝拏並無難處。此皆總兵官馮君浚。不以奏聞。巡撫張聖佐。又庇護前撫李錫。不肯奏聞。以致擁奪縣令。殺害平民。仍蒙蔽不奏。朕聞之。密諭太原總兵官明白查奏。始知地方官不能緝拏。亢珽殺害良民。蹂躪地方。故速遣在京

大臣前往擒獲。不然幾成大事。此事總由巡撫李錫知府李廷臣知縣白澄等居官不善行止不端逼迫人民以致此也。李錫原係劉蔭樞所保。問九卿亦云可用。及用為布政使到京引見時察其言辭明白舉動尚好。因即擢用巡撫。聞其到

任後。加派橫斂。居官不堪。朕即行撤回。張聖佐亦係九卿所保。由此觀之。保舉人實難。今聞諸臣保舉人時前班大臣。每無所舉。侍郎以下官員保舉者多。或自己不便保舉。暗令他

實錄卷二七四

二十

人保之。保舉人關係甚大。必至公無私始為善耳。又諭曰。朕理事五十餘年。無時不以民生為念。凡巡行所至之地。即加訪問。故於民之疾苦無有不知。各省奏事之令。伊所過地方。年景豐歉。米價貴賤。無不詳悉。問之。故總督巡撫提督總兵官等。一切事皆無敢隱匿者。如有隱匿。朕即知之。今年各處皆豐收。河南連年大熟。石米價銀五錢。朕念切民生。爾諸臣當體朕恤民之意。凡有聞見之處。即當奏聞。不可佯為不知也。先是四川巡撫年羹堯疏報。松潘兵譟回成都。後臣委提督中軍叅將楊盡信率馬兵二百步兵三百赴松潘。細察兵情有斷不為提臣康泰所用之勢。萬一領兵出口。難保不蹈前轍。或令臣前往松潘協同料理。或簡親信大臣領兵駐扎。伏祈

皇上批示遵行。

上留中未發。至是命副都統法喇前往四川。會同年羹堯料理軍需。○甲辰。諭議政大臣等。派往西安豫備驍騎兵丁。每佐領三名。三名內火器營兵丁一名。此火器營兵丁著護軍統領胡錫圖帶領前往甘州駐扎。○乙巳。先是。

上諭靖逆將軍富寧安等。今年襲擊回。駐兵丁內有殘疾者。應查出撥還原汛。並將兵撥補發往之處。爾等速議具奏。至是富寧安等疏言。色爾庫爾。見在官兵內殘疾之人甚少。又於來年進兵。此時撤兵稍有關係。請停止兵丁撤回原汛。從之。

實錄卷二七四

四

○諭議政大臣等。見在西邊用兵之處。與雲南及打箭爐地方道路相通。應豫為防備。著都統和禮前往雲南。護軍統領溫普前往打箭爐。各帶護軍叅領及侍衛部員二人。即行馳驛前往。○青海親王羅卜藏丹津疏報。策妄阿喇布坦屬下策零敦多布等領兵三千來西藏。欲滅拉藏汗。拉藏整兵迎敵。交戰數次。兩無勝負。策零敦多布等之兵自遠路衝雪前來。士卒凍餒。馬駝倒斃。沿途食人太俱。徒步而行。三千兵內厄魯特之兵少。兵梁海之兵多。到者只二千五百。其餘五百兵丁皆疲極。不能同到。疏入。

上諭議政大臣等曰。西藏之地。達賴喇嘛所蓄糧餉頗多。器械亦備。且西藏人眾守法。今策妄阿喇布坦無故欲毀教。占藏衆人豈肯容伊。且策零敦多布等之兵疲敝已極。除陣亡病

死外未必滿二千。又安能取得拉藏城池。但策零敦多布等自分攻取。則兵力不支。撤兵而回。亦無生路。或因情急恣行侵掠。亦未可定。不可不加意防備。爾等其確議具奏。尋議著青海台吉等速行領兵前往。令內大臣公策旺諾爾布將軍額倫特侍衛阿齊圖等統兵駐扎青海形勝之地。松潘之兵亦令駐扎形勝之地。以便哨探。萬一有事。彼此相助。相機而行。并速行文著將軍富寧安等知悉。從之。○丙午。兵部左侍郎李先復通政使司右通政魏方泰自西路運米回京入奏。上曰。運米事難易如何。李先復奏曰。臣等從未在口外行走。初時甚畏其難。今二年運米往回六次。始知容易。到處俱有水草。

上諭九卿等曰。口外路徑未經者輒畏其難。伊等運米兩年。便知其易。明年若再運米。益不啻輕車熟路矣。口外有一定當行之路。水草足用。若不諳路徑。則難於前進。所以行路先須酌量形勢。策妄阿喇布坦所住之處。即古陽關。哈密以西。即古瓜州。沙州所通之地甚廣。前有以守邊界之說。進者勢必將邊牆之外棄去。斷斷不可。即如臺灣南澳人。以為孤懸海外。無關緊要。自得其地。福建廣東之賊。便無容身之地。所係匪輕。然海中之路。亦有一定。福建至盛京沿海一路。曾令詳細繪圖。島嶼停泊皆有定所。口外亦是如此。彼處行路宜於

冬不宜於春夏。昔人用兵。以為春間口外馬瘦。內地馬肥。殊不知春間馬一出。口肥者先壞。受累不小。凡人平時易出大言。臨事多畏縮。逡巡口外行走。遇大雨大雪。即驚惶無措。趙弘燦曾在川陝地方屢經行陣。後廣東苗蠻竊發。伊率綠旗兵四百往剿。俱畏怯退縮。伊亦甚倉皇。可見用兵須主意堅定。若主將倉皇。人心皆為搖惑矣。趙中喬前在偏沅征紅苗。挺身前進。新滿洲令其在後。以避鳥鎗。伊云。即有不測。我後人尚可得廕襲。與我身在何異。趙中喬並不嫻軍旅。但立定主意。便無畏怯。從前耿逆變亂。李之芳守備州。亦是身先士卒也。當初西路用兵。滿兵已先進。綠旗兵畏死。欲退。將軍孫

思克諭云。滿兵前發。並未傷損一人。汝等且看滿兵若有死傷。再退未遲。衆始前進。因成大功。○丁未。命多羅順承忠郡王諾羅布子錫保襲封多羅順承郡王。○以鎮國公準達為宗人府右宗正。○以鎮國公吞珠為禮部尚書。○陞內閣學士蔡升元為都察院左都御史。都察院左副都御史王景曾為戶部右侍郎。大理寺卿王懿為工部右侍郎。詹事府少詹事蔣廷錫為內閣學士。兼禮部侍郎。翰林院侍讀學士阿克敦為詹事府詹事。○以原任內閣學士尼雅達補原官。○以輔國公塞勤為鑲白旗滿洲都統。陞正藍旗滿洲副都統法喇為鑲白旗蒙古都統。鑲黃旗蒙古副都統宗室色亨圖為

正藍旗護軍統領。正紅旗護軍統領胡錫圖為鑲紅旗蒙古都統。鑲藍旗滿洲副都統楊都為正紅旗護軍統領。調鑲紅旗漢軍副都統宗室赫世亨為正黃旗滿洲副都統。陞護軍叅領常賚為鑲紅旗漢軍副都統。調鑲藍旗漢軍副都統永泰為鑲紅旗滿洲副都統。陞護軍叅領談巴為鑲紅旗漢軍副都統。○以廣東碣石總兵官陳昂為廣東右翼副都統。旌表直隸烈婦王子文妻李氏拒姦被毆自縊完節。給銀建坊如例。○戊申。以吏部左侍郎色爾圖詹事府詹事阿克敦俱充經筵講官。○己酉。

上詣

皇太后宮問安。○庚戌。太常寺疏請致祭

天壇。應遣大臣恭代。

上諭大學士等曰。朕自即位以來。凡大祀皆躬親行禮。去年大臣等。以朕年高。恐致勞瘁。請遣大臣恭代。彼時朕躬尚能親往行禮。故不允所請。今年入夏。雨水稍不及時。慮傷稼穡。積悶之極。身體甚是不安。頃雖較前稍愈。猶覺無力。難以行禮。祀典關係重大。勉強而行。倘畧有錯誤。反非誠敬之意。著如所奏。遣大臣恭代。○諭大學士九卿等曰。朕於各省錢糧。分年蠲免。無不周徧。今年各處豐收。亦無可免。止有帶徵一項。或十三年。或十五六年。久不清結。通計各省帶徵。亦不過

一二百萬。爾等會同戶部。將項款查明具奏。可免則免之。但蠲免之事。恩出自上。則可。前趙申喬欲以己意行之。可乎。又諭曰。朕近日精神。漸不如前。凡事易忘。向有怔忡之疾。每一舉發。愈覺迷暈。天下至大。一念不謹。即貽四海之憂。一日不謹。即貽數千百年之患。爾等大臣。又多年老。鬚髮盡白。有奏事畢。不能起者。辦事有誤。或推耳聾。年邁者。如此。則事必致貽誤。古人雖云。無為而治。人主不過總其大綱。然一日二日萬幾。豈皆大綱乎。書中之言。多不可憑。二十一史。朕皆曾披閱。悉屬筆底描摹。無足徵信。所以讀書與行事。截然不同。爾等以為我讀書報皇上。亦是虛文。務在各盡心勉力。庶不致有誤天下之事。○諭領侍衛內大臣等。額爾錦觀寶。俱不勝大臣之任。著革退。額爾錦。用為淳郡王府長史。伊所襲精奇尼哈番。並非伊祖父所立之職。著掣回。與原立職之英武爾代。曾孫英敏。承襲。其恩詔所得。廢生。亦著革去。觀寶。著授為藍翎侍衛。効力行走。○以鄂爾多斯故固山貝子色冷納木扎爾子齊安。班珠爾襲爵。○陞鴻臚寺少卿景日昫為太僕寺卿。

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百七十四

實錄卷之二百七十四

十九

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百七十五

康熙五十六年丁酉十一月辛亥朔

上詣

皇太后宮問安 陞湖廣寶慶副將牛射斗為貴州威寧總兵
官黃州副將馬良燦為江西南贛總兵官洞庭副將王允吉
為四川北總兵官 壬子

上幸暢春園 諭領侍衛內大臣等朕自回京腿膝疼痛因

皇太后聖體違和故勉強支持昨因往

寧壽宮問安稍受風寒以致咳嗽聲啞如再強忍數日恐愈加

增今

實錄卷之二百七十五

一

皇太后聖躬少愈朕明日往湯泉調理數日 諭九卿凡人命

之事關係重大朕必一一詳閱盡知其情方行批出比來朕

身欠安一時不能詳閱若俟徐徐詳閱之後始行批出三覆

奏將不及矣可矜者減等完結緩決者仍監禁情實者今年

停決 癸丑

上自暢春園幸湯泉 諭大學士兵部步軍統領等湯山至德

勝門四十餘里德勝門至大內將及十里此間設立腰站二

處各派部院賢能司官一員筆帖式一員如此則朕遣人請

皇太后安並

皇太后差人至朕處俱不致遲誤矣 以內閣學士王之樞為

偏沅巡撫 陞福建臺灣道梁文科為廣東按察使司按察

使 予故鑲紅旗滿洲副都統嗣圖祭葬如例 旌表山西

烈婦楊月斗妻梁氏守義拒姦甘死不辱給銀建坊如例

丁巳陞太常寺卿李敏啟為大理寺卿 戊午陞宗人府府

丞江球為都察院左副都御史 己未河南巡撫張聖佐疏

報蘭陽縣奸民李雷臣子李興邦在生員李山義家以白蓮

教為名聚徒惑眾今已拏獲得首交審事刑部尚書張廷樞

等嚴審定擬具奏 旌表江西萬安縣烈女許將愈聘妻鄧

氏夫亡聞訃哀號自縊給銀建坊如例 壬戌以禮部尚書

公吞珠為纂修

玉牒副總裁官 癸亥以皇十二子固山貝子允禔署理內務

府總管事 以毛明安故多羅貝勒班地子羅卜臧布喇布

吳喇武故鎮國公諾爾布林臣弟希喇布各襲爵 乙丑

上自湯泉回駐暢春園 丙寅酉刻

上聞

皇太后違和不待警蹕止領近侍人員急從西直門進神武門

詣

皇太后宮問安 丁卯

上詣

皇太后宮問安 戊辰

上詣

皇太后宮問安 己巳

上詣

皇太后宮問安 庚午冬至祀

天於

圜丘遣領侍衛內大臣公馬爾賽行禮 遣官祭

永陵

福陵

昭陵

暫安奉殿

孝陵

仁孝皇后

孝昭皇后

孝懿皇后陵 停止次日行禮

上詣

皇太后宮問安 辛未

上詣

皇太后宮問安

上御乾清宮東暖閣召諸皇子及滿漢大學士學士九卿詹事

科道等入諭曰朕少時天稟甚壯從未知有疾病今春始患頭暈漸覺消瘦至秋月塞外行圍蒙古地方水土甚佳精神日健顏貌加豐每日騎射亦不覺疲倦回京之後因

皇太后違和心神憂瘁頭暈頻發有朕平日所欲言者今特召爾等面諭從來帝王之治天下未嘗不以敬

天法

祖為首務敬

天法

祖之實在柔遠能邁休養蒼生公四海之利為利一天下之心為心體羣臣子庶民保邦於未危致治於未亂夙夜孜孜寤寐不遑寬嚴相濟經權互用以圖國家久遠之計而已自古

得天下之正莫如我朝

太祖

太宗初無取天下之心嘗兵及京城諸大臣咸奏云當取

太宗皇帝曰明與我國素非和好今取之甚易但念中國之主不忍取也後流賊李自成攻破京城崇禎自縊臣民相率來

迎乃翦滅闖寇入承大統昔項羽起兵攻秦後天下卒歸於漢其初漢高祖一泗上亭長耳元末陳友諒等並起後天下

卒歸於明其初明太祖一皇覺寺僧耳我朝承席

先烈應

天順人撫有區宇以此見亂臣賊子無非為真主驅除耳今朕年將七十位在位五十餘年者實賴天地

宗社之默佑非予涼德之所致也朕自幼讀書於古今道理粗能通曉凡帝王自有天命應享壽考者不能使之不享壽考

應享太平者不能使之不享太平自黃帝甲子至今四千三

百五十餘年稱帝者三百有餘但秦火以前三代之事不可全信始皇元年至今一千九百六十餘年稱帝而有年號者

二百一十有一朕何人斯自秦漢以下在位久者朕為之首古人以不矜不伐知足知止者為能保始終覽三代而後帝

王踐祚久者不能遺令聞於後世壽命不長者罔知四海之疾苦朕已老矣在位久矣未卜後人之議論如何而且以目

前之事不得不痛哭流涕豫先隨筆自記而猶慮天下不知吾之苦衷也自昔帝王多以死為忌諱每觀其遺詔殊非帝

王語氣并非中心之所欲言此皆昏瞽之際覓文臣任意撰擬者朕則不然今豫使爾等知朕之血誠耳當日臨御至二

十年不敢逆料至三十年三十年不敢逆料至四十年今已五十七年矣尚書洪範所載一日壽二曰富三曰康寧四曰

攸好德五曰考終命五福以考終命列於第五者誠以其難

得故也今朕年將七十子孫曾孫百五十餘人天下粗安四

海承平雖不能移風易俗家給人足但孜孜汲汲小心敬慎夙夜不遑未嘗少懈數十年來殫心竭力有如一日此豈僅勞苦二字所能該括耶前代帝王或享年不永史論驟以為侈然自放耽於酒色所致此皆書生好為譏評雖純全盡美之君亦必挾摘瑕疵朕為前代帝王剖白蓋由天下事繁不勝勞億之所致也諸葛亮云鞠躬盡瘁死而後已為人臣者惟諸葛亮一人耳若帝王什肩甚重無可旁諉豈臣下所可比擬臣下可仕則仕可止則止年老致政而歸抱子弄孫猶得優游自適為君者勤劬一生了無休息如舜雖稱無為而治然身歿於蒼梧禹乘四載胼手胝足終於會稽似此皆勤

實錄卷二七五

六

勞政事巡行周歷不遑寧處豈可謂之崇尚無為清靜自持乎易遯卦六爻未嘗言及人主之事可見人主原無宴息之地可以退藏鞠躬盡瘁誠謂此也昔人每云帝王當舉大綱不必兼總細務朕心竊不謂然一事不謹即貽四海之憂一時不謹即貽千百世之患不矜細行終累大德故朕每事必加詳慎即如今日留一二事未理明日即多一二事矣若明日再務安閒則後日愈多壅積萬幾至重誠難稽延故朕莅政無論鉅細即奏章內有一字之訛必為改定發出蓋事不敢忽夫性然也五十餘年每多先事綢繆四海兆人亦皆戴朕德意豈可執不必兼總細務之言乎朕自幼強健筋力頗

實錄卷二七五

七

佳能挽十五力弓發十三握箭用兵臨戎之事皆所優為然平生未嘗妄殺一人平定三藩掃清漠北皆出一心運籌戶部帑金非用師賑饑未敢妄費謂此皆小民脂膏故也所有巡狩行宮不施采績每處所費不過一二萬金較之河工歲費三百餘萬尚不及百分之一幼齡讀書即知酒色之可戒小人之宜防所以至老無恙自康熙四十七年大病之後過傷心神漸不及往時況日有萬幾皆由裁奪每覺精神日逐於外心血時耗於內恐前途倘有一時不諱不能一言則吾之衷曲未吐豈不可惜故豫於明與之際一言之可以盡一生之事豈不快哉人之有生必有死如朱子之言天地循環之理如晝如夜孔子云居易以俟命皆聖賢之大道何足懼乎近日多病心神恍忽身體虛憊動轉非人扶掖步履難行當年立心以天下為己任許死而後已之志今朕躬抱病怔忡健忘故深懼顛倒是非萬幾錯亂心為天下盡其血神為四海散其形既神不守舍心失怡養目不辨遠近耳不分是非食少事多豈能久存况承平日久人心懈怠福盡禍至泰去否來元首叢脞而股肱惰至於萬事隳壞而後必然招天災人害雖然並至雖心有餘而精神不逮悔過無及振作不起呻吟牀榻死不瞑目豈不痛恨於未死昔梁武帝亦創業英雄後至耄年為侯景所逼遂有臺城之禍隋文帝亦開

創之主不能豫知其子煬帝之惡卒致不克令終又如丹毒自殺服食吞餅宋祖之遙見燭影之類種種所載疑案豈非前轍皆由辨之不早而且無益於國計民生漢高祖傳遺命於呂后唐太宗定儲位於長孫無忌朕每覽此深為恥之或有小人希圖倉卒之際廢立可以自專推戴一人以期後福朕一息尚存豈肯容此輩乎朕之生也並無靈異及其長也亦無非常八齡踐祚迄今五十七年從不許人言禎符瑞應如史冊所載景星慶雲麟鳳芝草之賀及焚珠玉於殿前天書降於承天此皆虛文朕所不敢惟日用平常以實心行實政而已今臣鄰奏請立儲分理此乃慮朕有猝然之變耳死

聖訓卷五

八

生常理朕所不諱惟是天下大權當統於一十年以來朕將所行之事所存之心俱書寫封固仍未告竣立儲大事朕豈忘耶天下神器至重倘得釋此負荷優游安適無一事嬰心便可望加增年歲諸臣受朕深恩何道俾朕得此息肩之日也朕今氣血耗減勉強支持脫有誤萬幾則從前五十七年之憂勤豈不可惜朕之苦衷血誠一至如此每覽老臣奏疏乞休未嘗不為流涕爾等有退休之時朕何地可休息耶但得數旬之怡養保全考終之死生朕之欣喜豈可言罄從此歲月悠久或得如宋高宗之年未可知也朕年五十七歲方有白鬚數莖有以烏鬚樂進者朕笑却之曰古來白鬚皇帝

有幾朕若鬚鬢皓然豈不為萬世之美談乎初年同朕共事

者今並無一人後進新陞者同寅協恭奉公守法皓首滿朝可謂久矣亦知足矣朕享天下之尊四海之富物無不有事無不經至於垂老之際不能寬懷瞬息故視棄天下猶敝屣視富貴如泥沙也倘得終於無事朕願已足願爾等大小臣鄰念朕五十餘年太平天子惓惓丁寧反復之苦衷則吾之有生考終之事畢矣此諭已備十年若有遺詔無非此言披肝露膽罄盡五內朕言不再 壬申刑部尚書賴都母故遣一等侍衛宗室勒什亨攜茶酒往奠予祭一次○癸酉諭諸皇子及諸大臣等曰京師初夏每少雨澤朕臨御五十七年

聖訓卷五

九

約有五十年祈雨每至秋成悉皆豐稔昔年曾因曠旱朕於宮中設壇祈禱長跪三晝夜日惟淡食不御鹽醬至第四日

步詣

天壇虔禱油然忽作大雨如注步行回宮水滿兩韉衣盡沾濕後各省人至始知是日雨徧天下朕自謂精誠所感可以上

邀

天鑒後

太皇太后不豫朕以保育恩深益復虔誠步禱請減己算為聖祖母延年詎意竟不可回朕以此抱痛於心知天道幽遠難可期必朕為

聖祖母不能祈求永年而為民請命即使

天心有感能不負慚於中乎自此以後每遇求雨朕但於宮中齋戒不復躬親祈禱此意從未告人諸臣所未知者也

上言及此流涕嗚咽不能自止諸臣莫不感動頃之又諭曰禮部於各寺廟祈雨所用僧人道士但務虛文殊無實意大約每月十八二十二二十四等日往往有雨人多言宜及此數日祈禱朕以為既知有雨何用禱為若知有雨而後禱此心便已不誠矣總之天行不齊多賴人事補救朕倉有餘粟帑有餘金隨時隨地皆可賑濟故雖逢旱歲亦不能為災也

以翰林院侍講學士勵廷儀檢討文岱俱充日講起居注官

戊

上以甘肅提督師懿德議不可進兵一摺示滿漢大學士學士九卿詹事科道等諭曰此事彼處督撫不奏師懿德獨奏亦是仿劉蔭樞之意且將師懿德等留京用兵之事原要機謀非拘執不通者所能辦理當中路出兵時人云地寒馬瘦到彼處馬匹必致凍死又包衣大力言糧餉未到難以前進朕即止之云此中機謀非爾等所知如再妄言即律以軍法朕來時祭告

天地

聖祖實錄

二

宗廟必見噶爾丹方回又與伯費揚古約兩路合兵今不前進如何先回朕親率大兵深入敵境算在必勝也噶爾丹使人來朕留營中七日諭來使云不見噶爾丹必不輕回鼓兵前進差人往視噶爾丹已遁去二日再差人往視已盡棄虛帳器械遠遁矣朕乃回兵今策妄阿喇布坦本屬小醜不足為慮但怙惡不悛侵陵哈密前曾以二百人敗其二千餘人矣今因其移兵到藏道路甚遠又無接應自去年十月起行今年七月方到過三層冰山噶斯等處實為難行然彼既可以到藏我兵即到彼處兵亦不用多二百餘人便可破之矣人奏彼處雪深八尺兵不可往今李先復係漢人自阿爾泰口外來氣色甚好云途中並不見有病人是邊外水土原可居住故復議明歲三四月出兵用兵惟以安寧百姓保護地方為先故各省督撫奏摺俱批先固內地緊要不可聽小抄以惑人心我朝驛遞之設最善西邊五千餘里九日可到荊州西安五日可到浙江四日可到三藩叛逆吳三桂輕朕年少及聞驛報神速機謀深遠乃仰天歎服曰休矣未可與爭也又諭曰朕莅政五十餘年海內昇平皆恃眾大臣為朕股肱耳目朱子亦云為政在於用人大小臣工俱宜實心任事直言勿隱方為社稷蒼生之福如李錫在河南居官甚劣九卿科道無一人言其貪婪者河南百姓受其荼毒私派

科欽地方壞亂以至於此當日請訓旨時朕一一條戒李錫奏稱恭聆聖訓盡心以報皇上不意今日大員朕恩此人斷難輕恕大凡為地方官者皆當知足為大臣者當識大體不可瑣屑刻薄朕待大學士尚書侍郎以至小臣各有等級若待大學士與小臣無異即非禮也又如翰林等作詩寫字作古文或時文朕皆因材器使未嘗求全責備也今日朕身安和故召諸臣來將朕閱歷之事諭爾等知之

上諭大學士等曰法海有似瘋狂與將軍口角又題參總督各自立異所屬亦不知何所遵行如此必致生事著問九卿具奏尋九卿奏法海好任性氣

皇上或教訓留任或別調用得旨著驛遞發去令法海看諭戶部朕統御寰區撫綏萬國無分中外凡兵民生計未嘗一日不為勤求也自剿滅三逆以後為八旗甲兵詳加籌畫曾頒發帑金數百萬兩代清積逋又資其匱絀復賞銀數百萬兩凡隨圍出征雖給行月錢糧官駝馬匹猶恐用度不繼設立八旗官庫以濟官兵四十五年復施恩將官庫未經扣完銀三百九十五萬六千六百餘兩盡與除免嗣後官庫事務漸至紛擾故停止八旗之庫設立總庫自此以來官兵有益庫內案件亦甚清楚但每月扣取錢糧朕深為廕念曾有無恥積惡撥什庫侵欺兵餉朕故交與戶部將兩月錢糧一次

支放俱令給與本人近聞領取銀兩兵丁甫出部門即被人持

去公庫既行扣除又復償還私債兵丁所剩甚少以此養贍室

家奉行差務斷然不足朕每懷及此深切軫惻茲特大沛恩

施式弘撫育停止公庫將見今未行扣完銀一百九十六萬

八千兩有奇通行豁免自五十七年正月為始著給與兵丁

全分銀兩爾部即傳諭八旗都統等出示通曉俾咸知朕優

恤禁旅至意乙亥八旗都統等因奉特恩豁免公庫扣除

銀兩率領兵丁謝恩得旨小人得財則喜用盡則怨見今八

旗得見舊日風景者已無其人而能記憶祖父之遺訓者亦

少以致風俗日奢人心不古嗣後務期悔改以副朕諄諄訓

誠至意吏部議覆差往河南審事刑部尚書張廷樞等疏

言新安縣知縣錢汝駟前於灑池山中搜獲賊首亢珽之屍

又節次搜獲亢珽亢珽母妻女媳子孫並賊犯李一寧等請

將該縣議敘應如所請從之陞鑲白旗護軍統領宗室楚

宗為歸化城都統丙子諭大學士等曰凡外吏居官雖清

廉然地方些微火耗其勢不能不取即如大學士蕭永藻之

清廉中外皆知前任廣東廣西巡撫時果一塵不染乎假令

蕭永藻自謂清官亦效人布衣蔬食朕亦將薄其為人矣

上諭大學士等曰前大學士王揆密奏及御史陳嘉猷等八人

公疏俱為請立皇太子事伊等以朕為忘之矣此等大事朕

豈有遺忘之理。且伊等奏請分理天下之事，豈可分理乎？又顧王掞曰：凡密奏條陳之人，皆為名起見，以為吾曾陳奏，遂刊刻傳播，或有未經陳奏即行刊刻者。夫所謂密奏者，惟所奏之人知之，朕獨知之，方可言密。今爾等所奏摺稿或尚存乎？王掞奏曰：臣安敢如此。

上曰：朕非專指爾而言，即如李光地為此事，亦曾口奏。朕謂之摺奏可乎？大臣乃朕股肱耳目，所聞所見，即應上聞。若不可用，露章者應當密奏。天下大矣，朕一人聞見，豈能周知？若不容密奏，何由洞悉？即如人家奴僕，甚屬微賤，朦混捐納，為官者有之。朕所知亦有一二人。此等事爾等有所聞，不行陳奏。

即如有股肱而不能運動，有耳目而不能聞見矣。焉用股肱耳目為哉？令人密奏亦非易事。偶有忽畧，即為所欺。朕聽政有年，稍有曖昧之處，皆洞悉之人不能欺朕，亦不敢欺朕。密奏之事，惟朕能行之耳。前朝皆用左右近侍分行探聽，此輩顛倒是非，妄行稱引，債事者甚多。朕曾遣人往五臺武當等處，皆於兵部起票馳驛前往，并將差遣緣由聲明。光明正大，伊等亦不能假借也。孟光祖假誠親王允祉之名，遊行各省，趙弘燮陳奏甚屬可嘉，一經發覺，天下皆知矣。又原任黃巖總兵官仇機是大惡妄行之人，朕訪聞其私鑄九鼎，曾令步軍統領查拏。如此舉動，意欲何為？漢人膽大無所不為，於此

可見。又諭曰：為君之道要在安靜，不必矜奇立異，亦不可徒為誇大之言。程子曰：人不學為聖人，皆自棄也。此語亦屬太過。堯舜之後，豈復有堯舜乎？昔人有言：孟子不足學，須學顏子。此皆務大言不務實踐者。朕自幼喜讀性理書，中千言萬語，不外一敬字。人君治天下，但能居敬終身，行之足矣。又諭曰：柔遠能邇之道，漢人全不理會。本朝不設邊防，以蒙古部落為之屏藩耳。蒙古終年無殺傷人命之事，即此可見風俗醇厚。若直隸各省人命案件不止千百，固緣人多，亦習尚澆漓使然也。諭戶部：朕撫御寰宇五十餘年，夜寐夙興，為小民勤求生遂，凡率土遠近皆期共享樂利，事成家給人足之休，未嘗一日去諸懷也。數十年以來，各省正賦屢經全免，歷年積欠亦已蠲徵。偶有雨澤愆期，或發倉廩散給，或截漕糧賑救，不惜億萬金錢。米穀頻沛，恩施誠恐窮簷艱難，或至於顛連失所耳。近者民力雖已稍紓，然念分年帶徵銀兩，若不格外優免，則小民一歲之所獲，分納二年之賦，以其贏餘養贍室家，斷難充足。朕每念及此，軫惻良深，宜更加殊恩，通行豁免。今將直隸、安徽、江蘇、浙江、江西、湖廣、西安、甘肅等八處帶徵地丁屯衛銀二百三十九萬八千三百八十兩有奇，槩免徵收。其漕項雖例不准免，亦著破格施恩，將安徽、江蘇所屬帶徵漕項銀四十九萬五千一百九十餘兩，米麥豆一百

十四萬六千六百一十餘石內免徵各半爾部即行文該督撫嚴飭所屬實心奉行徧行曉諭俾民間無徵催之累均沾實惠用稱朕撫恤羣黎至意倘有不肖有司借端朦混私行徵收者該督撫嚴察叅處如該督撫不行察出一并從重治罪爾部即遵諭行 丁丑兵部議覆順天府府尹俞化鵬疏言順天武鄉試舊例自十月初九日試騎射技勇至十三日考完十四日入闈止餘半日諸務忙迫請照會試例於初七日校射十三日入闈時日寬餘騎射技勇得以詳細選拔應如所請從之 戊寅陞護軍叅領陀博克為歸化城右翼副都統 己卯陞翰林院侍讀學士高其倬侍講學士勵廷儀俱為內閣學士兼禮部侍郎 調正藍旗漢軍副都統阿琳寶為滿洲副都統鑲紅旗蒙古副都統覺羅伊敦為鑲藍旗滿洲副都統陞護軍叅領哲爾袞為正藍旗漢軍副都統長史宗查布為鑲黃旗蒙古副都統前鋒叅領鄂米達為鑲紅旗蒙古副都統 庚辰

上自

皇太后違豫晝夜焦勞以致

聖體違和頭暈足痛艱於動履猶親詣

寧壽宮問安御東暖閣辦事諸王大臣官員等奏云

皇太后較前稍安

清 實 錄 康熙五十六年十一月

聖躬關係甚重伏乞往湯泉調攝

上不允 陞太僕寺卿景日珍為宗人府府丞大理寺少卿陸經遠為太僕寺卿

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十六

康熙五十六年丁酉十二月辛巳朔

皇太后病勢漸篤

聖心憂勞以致

聖體日就羸瘦且足痛加劇艱於步履於是諸王大臣等合詞

公奏

皇上孝事

兩宮超越萬古間寢視膳晨昏定省未嘗稍間即如

太皇太后賓天已經三十年

并錄太皇太后

皇上前日與廷臣言及輒涕下如雨哀不自勝今

皇太后慈體違和惟恐或有不虞不能行禮惓惓以此為憂禮

記論居喪之制五十不致毀六十不毀七十飲酒食肉處於

內凡尋常無疾之人尚宜如此況

皇上聖壽將近七旬今又抱病斷宜遵循禮制且

皇太后受

皇上六十餘年孝養玉食萬方壽至八旬亦古來母后中所僅

見者脫有不虞一切禮儀令諸王大臣恪恭將事

皇上一循禮記定制即聖經無過不及之中道也伏祈

皇上加意調養以慰中外臣民之望奏入留中癸未陞鑲白

旗漢軍副都統吳世已為鑲白旗護軍統領○甲申辰刻命諸皇子傳諭旨曰

皇太后病勢漸增朕承歡奉養歷數十年不幸值此朕躬雖抱病此心未能稍釋頃親往請安朕體甚覺委頓

皇太后倘有不諱朕自當竭力以盡禮節惟慮病體難於支持

此事著諸皇子領侍衛內大臣大學士禮部滿漢大臣滿九

卿會同議奏其割辦之禮亦著議奏未刻諸王滿漢文武大

臣等奏臣等先因

皇上聖體違和懇求暫停詣

寧壽宮今因

實錄卷二百七十六

皇太后病勢漸增

皇上即親詣問安

聖躬關係重大不可稍冒風寒叩請停詣

寧壽宮奏入得旨朕今日親往體中不能支持是以問安後即

回

皇太后之事關係重大朕當竭力行之耳禮部奏臣等查例

皇帝孝服用白紡絲倘遇

皇太后大事照例預備白紡絲孝服

妃嬪亦預備白紡絲孝服又查

慈和皇太后大行時

皇上未經割辦倘遇

皇太后之事

皇上亦斷不可割辦奏入得旨倘

皇太后不諱孝服用布為是朕必行割辦此事著領侍衛內大臣滿漢大學士禮部滿漢大臣滿九卿會議具奏其諸皇子割辦之處亦著議奏尋內大臣等奏遵旨孝服用布為是應預備孝布查禮記喪禮六十不毀七十飲酒食肉處於內再滿洲舊例年老有疾者皆以孝服為忌今

皇上聖壽將近七旬

聖體違和設有

皇太后大事

皇上服孝服不必行割辦之禮諸皇子皆係孫枝亦停其割辦奏入得旨朕前旨甚明當遵朕言為是諸皇子停其割辦是日

上足背浮腫不能轉移因

皇太后病勢漸增用手帕纏足乘軟輿詣

寧壽宮請安捧

皇太后手慘切倍常以

聖體不能支持出在蒼震門內設帷幄以居乙酉命諸皇子

傳諭諸大臣

皇太后病勢大增朕若居於素所寢處之地心甚不安因於蒼

震門內設立帷幄以居衣不解帶朕數日足疾更劇兼之偏身沉重中心煩燥不能成寐三鼓時稍寢即醒醒時頭暈隨又起坐至五鼓始寢半刻朕欲竭力盡禮似此形勢甚恐不能支持益滋不安耳又諭諸大臣昨日朕足背浮腫不能轉移因

皇太后病勢愈增用手帕纏足乘軟輿詣

寧壽宮朕捧

皇太后手奏云

母后臣在此

皇太后張目畏明以手障光視朕執朕手朕心悲慟欲在

寧壽宮守視因病體萬不能支而出從前自謂猶能勉強昨勞瘁後頭甚迷暈難支五阿哥允祺奏云臣自幼蒙

皇太后祖母養育皇父聖體違和一應事務臣可料理朕云我在爾何可代理耶朕務期躬盡典禮耳以內閣學士張廷

玉充經筵講官丙戌滿漢文武大臣官員等奏竊惟

皇太后遽豫

皇上焦勞以致頭暈足腫仍勉強詣

寧壽宮省問

皇太后握手心傷復移帷幄次於蒼震門內以致

聖躬勞瘁頭愈眩暈不能支持臣等不勝恐懼

皇上至孝純誠

皇太后脫有不虞必欲力疾盡情盡禮仰惟

皇上春秋已高又適抱恙

皇太后丰躋上壽受備物之奉者垂六十年是

皇太后之福

皇上之孝皆極古今之所稀有矣至於一切禮儀臣等雖愚豈不知

皇上孝思維則然考之於古漢儒鄭康成最精於禮其論國有大憂而君有疾者使子執事即朱子謹禮終身及暮年有疾

遇家有祭祀坐視子孫拜跪而已此皆典禮明證伏乞

皇上深抑

聖情俯衷古制如

皇太后有不虞之事命諸皇子悉心經理凡拜跪行走一切勞力禮節

聖躬切未可身親萬分保攝仰承

宗社之重上以慰

皇太后之心下以愜朝野臣民之望奏入得旨

皇太后倘有不虞朕當力疾盡禮爾等各有父母勿過為勸阻

若屢勸阻朕益傷悼愈增疾矣（是日酉刻）

皇太后崩於寧壽宮

上拊膺哀號即行割辦孝服用布哭泣弗輟視

梓宮安設畢奠酒慟哭不已諸皇子及近侍人員屢次叩請始

回蒼震門舊制國有大喪宗室公以上服素帛今因

上孝服用布亦俱用布 丁亥

上居蒼震門內以

大行皇太后遺詔頒示天下

仁憲恪順誠惠純淑瑞禧皇太后誥曰予以藐德幼侍奉

世祖章皇帝贊助內職方期遐勉以紹前人徽音不幸薄祐

章皇帝仙馭早賓哀痛摧斷願以身殉維時

太皇太后春秋高劬今皇帝正在冲齡諸王大臣合辭堅請謂

宜勉自節哀上慰

太皇太后之心次為今皇帝聖躬調護遂以義抑情苟延歲月

皇帝內秉誠孝外勤政務雖當削平逆亂之際羽檄交馳而

視膳問安之節始終無間暨乎天下大定四海一家民物豐

樂予甚慰焉或皇帝巡幸畿甸猶恐久曠宸昏必以安車致

請散目遊懷帳殿行宮溫清彌篤予優游而受孝養者五十

餘年歷稽史冊未有壽福全備如斯今年七十有七適當寢

疾皇帝寢食俱捐哀誠祈禱顧惟大期將盡遂致彌留環顧

海宇雍熙既無遺恨而得上從

世祖章皇帝於天庭素心亦慙矣。皇帝當念大孝尊親極隆自至哀毀過度反傷冥冥之心勉强自愛以

宗社人民為重。中外文武羣臣宜恪共厥職以贊休明。至喪制悉遵典禮。成服後三日皇帝即行聽政。其持服依

世祖章皇帝遺詔以日易月二十七日而除天地

宗廟大祭及

社稷百神羣祀俱照常行。不可以眇躬稽廢。故茲詰諭。其各遵行。○是日諸王貝勒貝子公以下文武大小官員外藩王貝

勒貝子公台吉塔布囊等公王王妃以下八旗二品以上官

員之妻各照所定齊集之處舉哀○戊子

上居蒼震門內。滿漢文武大臣官員奏

聖體違和自後

寧壽宮舉哀并親送

梓宮俱求

皇上停止得旨知道了。朕在喪次諸大臣不必請安。是日滿

漢文武大臣官員齊集舉哀。己丑

上居蒼震門內。自是日始至

梓宮發引之日。諸王貝勒貝子公內大臣大學士學士侍衛等

外藩王貝勒貝子公台吉塔布囊等一日三次齊集舉哀。文

武大小官員一日一次齊集舉哀○庚寅

上居蒼震門內。辛卯

上居蒼震門內。壬辰

上居蒼震門內。先是

上御乾清宮東暖閣召諸皇子及滿漢大學士學士九卿詹事

科道等面降諭旨至是

上將諭旨手書發出命大學士等翻譯進呈。癸巳

上居蒼震門內。是日命諸皇子侍諭旨曰。十五日

寧壽宮致祭朕可親往。十七日發引。朕身體甚弱難以行走若

乘輿先行。此心不安。途中風冷。萬一冒寒。夙疾頓增。尤為可

慮。今以不能去之故。明諭爾等。十七日朕往

寧壽宮親視

梓宮發引○甲午

上居蒼震門內。乙未

上因

大行皇太后梓宮於十七日發引詣

寧壽宮。率王以下文武大小官員及外藩王貝勒等讀文致祭

奠酒慟哭久之。始回蒼震門內。丙申

上居蒼震門內。丁酉奉移

大行皇太后梓宮安設於朝陽門外殯宮。發引時

上詣

寧壽宮親奠。慟哭。近侍人員不忍仰視。亦皆慟哭。

梓宮啟行後

上猶慟哭不已。諸皇子再四跪勸良久始回。蒼震門內○是日

梓宮前儀仗全設。自東華門出。朝陽門王以下奉恩將軍以上

外藩王以下。台吉塔布囊以上。於協和門外齊集。內大臣侍

衛於東華門外齊集。左翼民公侯伯以下。有頂帶官員以上。

於燈市口齊集。右翼民公侯伯以下。有頂帶官員以上。於紅

廟大路齊集。候

梓宮至。舉哀跪迎。隨行哭送。漢文武官員於

殯宮牆外齊集。候

梓宮至。舉哀跪迎。公主王妃以下。八旗二品以上官員之妻先

至

殯宮二門外兩翼立

梓宮至。舉哀跪迎。奉安

梓宮。設帷幔畢。皇子奠酒。王等公主王妃以下。隨班行禮。舉哀

戊戌

上居蒼震門內。諸王大臣等奏

大行皇太后安設

殯宮喪事已畢。今時值嚴寒

聖體違和。兼之足疾累日以來。力疾盡禮。臣等叩請

皇上節哀調攝。實

宗廟

社稷之慶。亦大小臣工四海蒼生之大幸也。奏入。報聞。己亥

上居蒼震門內。大學士等奏查康熙二年上

慈和皇太后尊諡。大學士等會同翰林院擇二十四字。分為兩

條奉旨尊為

孝康慈和莊懿恭惠崇天育聖今上

大行皇太后尊諡。臣等會同翰林院亦照例揀擇具奏。得旨。此

奏甚屬錯誤。爾等查

太廟

奉先殿二位

文皇后神主。便知其誤矣。庚子

上居蒼震門內。大學士等奏。臣等遵旨恭詣

太廟。謹瞻

神位。見

孝端

孝莊兩太皇太后並從

太宗文皇帝廟號。俱有文字。臣等愚昧。查康熙二年

慈和皇太后尊諡。舊檔僅擬

尊謚字樣具奏。未將康熙九年奉旨

慈和皇太后從

世祖章皇帝廟號升祔

太廟之例不以

章皇后字樣一并寫出甚屬錯誤。因將所擬字內填寫

章皇后字樣具奏。得旨。此事不比尋常。但聲明錯誤。則已。該部

嚴察具奏所擬

尊謚亦未明晰。朕記

太皇太后徽號字樣甚多。即就原

徽號字內刪減擬定。並未改換。今通行改擬。恐於例有不合。○

辛丑於

大行皇太后梓宮前行初祭禮。讀文致祭。諸王貝勒貝子。公文

武大小官員外藩王貝勒貝子。公台吉塔布囊等。公主王妃

以下八旗二品以上官員之妻。齊集舉哀。○

上居蒼震門內。大學士等將

上所降漢字諭旨翻譯進呈。得旨。滿漢字句甚相符。此旨俱係

朕肺腑之言。作何頒發之處。爾等速議具奏。○壬寅行繹祭

禮

上居蒼震門內。○癸卯

上居蒼震門內。○甲辰

上居蒼震門內。○大學士等奏前所降

皇上手書諭旨。臣等應照原旨繕寫。於本月二十八日交吏部

傳集滿漢九卿詹事翰林科道等官。於午門前宣示。內閣起

居注各寫一通。加謹收貯。此外有何應存之處。恭候

皇上指示。奏入。留中。○乙巳

孝莊文皇后忌辰。遣官祭

暫安奉殿。○

上居蒼震門內。○諭大學士等。朕所下諭旨。乃朕一生至苦之

事。今爾等奏稱。內閣起居注各寫一通。加謹收貯。此外有何

應存之處。恭候指示等語。無一語言及朕躬之事。若欲朦朧

完結。其如朕垂老之身何。據此。則諸臣竟無忠愛之心。為朕

籌畫。俾稍得休息也。且朕繕寫一生之事。已備十年。朕言不

再之語。已盡之矣。爾等奏稱。此外有何應存之處。恭候指示

等語。若更有指示。爾等之處。朕豈不寫出。乎。申刻。大學士等

奏。

皇上。一生所行之事。所存之心。俱已手書發出。臣等不能詳加

議奏。以致

聖心憂慮。臣等雖萬死不足蔽辜。懇

皇上從重議處。奏入。得旨。吏部都察院會同嚴察議奏。○丙午

諸王貝勒貝子。公滿漢文武大臣官員。公奏明日

大行皇太后殯宮行大祭禮。

聖躬近日方稍愈。請今晚不必親詣。

梓宮前哭奠得旨。二十一日。朕本欲親詣致祭。因二十

七日欲親往釋服。是以未去。自二十三日二十四日以後。朕

躬比前較愈。儘可往矣。諸皇子大臣屢次勸止。倘朕今可以

去而不去。他日回想。豈非遺憾乎。今朕親去。將此諭眾知之。

○大學士等奏。臣等恭查舊檔。

太皇太后徽號原有昭聖慈壽恭簡安懿章慶敦惠溫莊康和

仁宣弘靖二十字。賓天之後。追上

尊諡。將原字減去十五字。留五字。又添擬七字。尊為

貴集卷五

孝莊仁宣誠憲恭懿翊天啟聖文皇后。升祔

太廟。

慈和皇太后徽號原有慈和二字。後尊為

孝康慈和莊懿恭惠崇天育聖皇后。康熙九年升祔

太廟。時添寫

章字

大行皇太后徽號原有

仁憲恪順誠惠純淑瑞禧十字。今欽遵

上諭。照追上

太皇太后尊諡。將原字內留五字。添擬七字。尊為

孝惠仁憲端懿純德順天翊聖章皇后。又將原字內留四字。添

擬八字。尊為

孝惠仁憲莊定端純順天翊聖章皇后。恭候

皇上指示。具應行典禮。交禮部查明議奏。得旨。前一條所擬是

是日申刻。

上詣

大行皇太后梓宮前。親奠上食。哭泣盡哀畢。駐蹕行宮。○丁未

上於

大行皇太后梓宮前行大祭禮。讀文致祭。親奠。哭泣盡哀。釋服。

諸皇子王貝勒貝子。公。文武大小官員。外藩王貝勒貝子。公。

貴集卷五

台吉塔布囊等及公主王妃以下八旗二品以上官員之妻

齊集舉哀。釋服。

上仍回居蒼震門內。○諭兵部。四川提標兵至松潘未久。鼓譟

回省。俱係康泰。平素不能撫恤。不加整飭訓練。信用原任守

備汪文藻任意苛刻。驕悍妄行所致。法喇等已遵旨將汪文

藻及為首兵丁皮登雲等五人正法。張玉林等九人解送陝

西安。插其餘衆兵俱無干涉。俱照舊留營給餉。効力行走。

戊申歲暮。給祭

太廟。遣內大臣都統公鄂倫岱行禮。遣官祭

永陵。

福陵

昭陵

暫安奉殿

孝陵

仁孝皇后

孝昭皇后

孝懿皇后陵 遣官祭太歲之神

上居蒼震門內 滿漢文武大臣官員等公奏自

大行皇太后違豫以來

皇上晝夜憂勞力疾定省及

慈馭賓天之日羣臣再三恭請節哀節勞

皇上堅不俞允屢次親詣哀慟又力疾恭送

梓宮攀號不已昨

大行皇太后服滿之辰又親詣哭奠伏念

皇上年近七旬兼

天心如此勞瘁而自始至終猶必盡禮盡哀大孝至極無以復

加今已經釋服又屆新年伏乞

皇上即回乾清宮靜攝調養以慰普天臣民之望

上閱畢本發出 已酉

上居蒼震門內酉刻回宮

旌表八旗節婦滿洲九什妻馮氏

等三十三人蒙古花色妻鈕氏一人漢軍孟淑賢妻張氏等

二人直隸各省節婦郭奇選妻王氏等五十一人貞女濮氏

等六人各給銀建坊如例 是歲人丁戶口二十四百七十

二萬二千四百二十四又求不加賦滋生人丁二十一萬二

十五田北山蕩畦地七百二十五萬七百五十四頃九十畝

有奇徵銀三千九百七十二萬三千五百六十二兩有奇米

豆麥六百八十五萬三千五百五十五石有奇草三百八十五萬

八千二百七十四束茶三十五萬三千四百二十五引行鹽

五百十萬三千五百三引徵課銀三百七十八萬一百二十

四兩有奇鑄錢三萬九千九百一十六萬七千三百有奇

大清聖祖合天弘運文武睿哲恭儉寬裕孝敬誠信中和功德

大成仁皇帝實錄卷之二百七十六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十七

康熙五十七年戊戌春正月庚戌朔以

大行皇太后梓宮在殯命停止朝賀筵宴○朝鮮國王李燾遣陪臣俞命雄等表賀冬至元旦

萬壽節及進歲貢禮物賞賚如例○辛亥

上居蒼震門內○壬子

上詣

大行皇太后梓宮前行月祭禮甫至即大慟奠酒畢復痛哭移時方止諸王貝勒貝子公等以下三品官員以上皆隨班行

禮舉哀

上回居蒼震門內○癸丑諭諸王大臣等曰諸王大臣往往羣

集請安云望朕躬速愈朕身罹大憂因致獲疾動履甚難寢

卧幾及五旬一切喪事未得盡心何暇調治今右足較左足

消瘦容顏亦殊憔悴或有冒昧之人不詳瞻朕容第謂聖躬

如天行至健雖暫染痾疾有何妨礙不知天行無時止息而

世運屢有變遷人豈得與天比乎或又粉飾殷勤套語謂宜

節憂勞簡幾務以養聖躬及至問其憂勞之宜節者何在幾

務之宜簡者何事彼仍不能舉以對也朕於此等空言惡之

殊切厭於聽聞故特降諭宣示○是日

上回宮○甲寅順天府進春○議政大臣等議覆四川松潘總

兵官路振揚疏言松潘所屬黃勝關並無墩堡向設漳臘營

遊擊一員統兵六百四十名駐劄管轄雜番迤南為雜穀安

撫土司種部繁多俗稱勇悍南境直抵打箭爐與天全招討

司明正土司接壤今該土司良兒吉之子班弟兒吉尚未襲

職臣備兵之初密令該土司遴選部屬防守各處隘口頗稱

勤順請准其襲職并加賞賚又有加渴瓦寺安撫土司桑郎

溫懌所部羌番亦來接近漢地現募運糧人夫屬其部落居

多又有漳臘營所轄之祈命上下包坐司等土官土兵習於

戰鬪熟諳邊情臣亦曾令預備土兵一千聽候調遣咸各踴

躍亦請各加賞賚如有調發准其支給口糧俱應如所請其

班弟兄吉承襲之處令都統法喇等查明議奏從之○乙卯

孟春享

太廟遣領侍衛內大臣公馬爾賽行禮○遣官祭太歲之神

上以足疾幸湯泉是日啟行駐蹕暢春園○兵部議覆原任貴

州巡撫劉蔭樞疏言定番州屬大華司土官狄守亨因挾仇

射死麻嚮司土官得君佐已經題參革職但狄守亨之子狄

世雄仍習光頑難以約束部苗別無應襲之人請將大華司

土官永行裁革地方錢糧歸併定番州管轄應如所請從之

○丙辰

世祖章皇帝忌辰遣官祭

孝陵○丁巳

上駐蹕湯泉。庚申議政大臣等議覆都統法喇等疏言打箭爐地方窄狹米糧一時難到。去年荊州滿洲兵來時因路遠難行馬匹微瘦俟喂養稍肥臣將滿洲兵內遴選五百名派官帶領前往打箭爐又遴選建昌鎮綠旗馬步兵七百名化林營綠旗馬步兵八百名令在各本處預備以便酌量調遣應如所請將荊州之五百名滿洲兵令護軍統領溫普等帶領前往打箭爐駐扎巡撫年羹堯派賢能官員辦理糧餉從之○辛酉諭大學士等諸臣陳奏國家之事輒用稱頌套語

於朕躬並無裨益朕歷年夏月避暑九月回鑾所積四月內口外不能辦理之事日夜料理必在歲內完結至次年開印又復速為辦理無致壅積今自五十六年四月至今所積事務應作何辦理之處諸臣當切實指陳國家事務所關甚大豈可潦草完結若朕置事務不理諸臣又誰能擔任朕每念及中心惕然嗣後當盡刪除稱頌套語將有益於朕躬之處速為指陳使事務不致壅積可以知諸臣之實心報効而朕之病體亦得調護矣○甲子上元節以

大行皇太后梓宮在殯停止筵宴○戊辰議政大臣等議覆侍衛查什遵旨將松潘等處兵馬應否撤回之處前問察罕丹

津據察罕丹津回奏云大兵前往西邊策安阿喇布堪必不敢前來現今天寒草枯馬匹難行軍兵亦甚勞苦不若將四川松潘之兵撤回原所牧養馬匹休息士卒等語查現今兵丁駐扎之阿爾錫巴爾錫地方離口不遠應行文副都統寧古禮總兵官路振揚將兵馬撤回松潘口內附近地方駐扎仍令不時差人至青海探聽消息從之○己巳翰林院檢討朱天保奏請復立允初為皇太子

上御行宮正門召朱天保問曰爾奏摺內云二阿哥仁孝爾何由而知朱天保供云臣父朱都納語及故得聞之

上問曰爾父行走之時二阿哥尚無疾病其學問弓馬及一切技能皆有可觀後得瘋疾病發時即諸事不省舉動乖張曾背立朕前辱罵徐元夢即伊伯父及伯叔之子等往往以不可道之言肆詈此非瘋疾所致乎爾知之否耶朱天保供云臣實不知冒昧陳奏理應萬死

上問曰爾奏摺內云今二阿哥聖而益聖賢而益賢爾何從而知朱天保供云皆臣父聞之看守之人

上問曰看守之人何名朱天保辭窮但云該死

上問曰朕以爾陳奏此等大事若遣人傳問或將爾有理之言遺漏故親加研訊爾一無知穉子數語即窮必有同謀通信之人可據實供明朱天保供云此皆臣父朱都納同戴保商

議繕本。令臣來奏。

上諭大臣等將朱都納戴保鎖等并朱天保俱交與皇子大臣等嚴審。又諭曰。自

太祖

太宗以來宗室中患瘋疾者不止一人。英郡王臨陣甚勇効力甚著。但瘋疾一發即便妄行。大阿哥允禔。公景熙亦皆有瘋疾。普奇為人總無定準。不可聽信。三官保為人閃爍不常。楚宗為人亦多反覆。朕嘗面責伊云。爾甚是反覆不常。必至如爾祖殺而後已。朕宗室中漢仗皆好。臨陣奮往。不肯讓人。但心無定準。不可信者甚多。再旗人內如齊世為人心性閃爍。

實錄卷二百七

五

已渾德曾奏齊世聰明異常。其心思所至。立即轉變。非臣等所能測。即齊世亦奏稱。臣之心性臣亦不能自信。伊且不能自信。又豈有信伊之人耶。又諭貝子蘇努曰。齊世狂悖之言。爾盡知之。齊世當康熙十年時。以為如何能至十五年。及至康熙十五年。以為如何能至二十年。因將伊祖墳移至盛京。可見伊居心行事狂悖極矣。尋將朱都納戴保等至。供連副都統常賚原任內閣學士金寶。因將常賚金寶亦等至。○庚午。大學士會同九卿等繕摺具奏。皇太子係天下根本。近奉上諭建儲大事。朕豈忘之。臣等仰見聖心。注念國本。匪朝伊夕。伏願

皇上遂行乾斷。四海臣民莫不懽慰。現今題奏之事。即可命皇

太子在

皇上左右。票奉

皇上指示贊襄辦理。俟

聖躬大安再親幾務。至於今年應補各官及旗下官員。請停其引見。陸續具題補授。伏候

皇上諭旨。再行引見。

上召入。諭之曰。自去年春夏之交。朕體不安。留心調養。漸就痊愈。意謂從此便可平復。自熱河來京。心中沈悶。又值

皇太后大事。總無暇調治。以致身體不安者七十餘日。朕自幼

頗能耐病。是以起居照常。仍辦理幾務。今至湯泉。顏色稍復精神。亦增。特諭爾等知之。爾等今日為立皇太子之事來奏。前允初為皇太子時。一切禮儀皆索額圖所定。服用儀仗等物。踰越禮制。竟與朕所用相等。致二阿哥心性改移。行事悖亂。皆索額圖導之也。自二阿哥近侍人員。以至內監。言及索額圖。常泰無不切齒。天無二日。民無二王。名不正則言不順。今於未立皇太子之前。當預將禮儀議定。爾等會同將明代會典及漢唐宋以來典禮。查核詳議具奏。○

上御行宮正門。召朱都納問曰。爾子朱天保供稱所奏皆出爾意。朕問爾。二阿哥仁孝。且於拘禁處甚是安靜。聖而益聖。賢

而益賢。爾何以知之。朱都納供云。原聞二阿哥之賢。意拘禁之後。應益賢矣。所以具奏。

上曰。爾並不詳明。亦無確見。妄奏此等大事乎。從前二阿哥原無不善之處。後因病發諸事乖張。是以拘禁。然朕猶望其痊愈。故復釋放。五年以內。朕父子每日相見。凡事盡心教訓。乃並不悛改。始復拘禁。伊於拘禁處。以礬水作書。致普奇。囑其保舉為大將軍。有齊世扎拉克圖。皆當為將軍之語。朕遣內監往詢。伊直認礬水之書。係其親筆。此等處。爾知之否耶。朱都納供云。我所聞未明。妄行陳奏。該萬死。

上問曰。爾奏摺內。引戾太子之事為比。戾太子父子間隔。不能覲面。朕於二阿哥並無間隔。即拘禁處。朕常遣內監往視。賜物賜食。現今二阿哥顏貌豐滿。伊子七八人。朕皆留養宮中。爾何得比於戾太子之事。爾又稱費揚古將二阿哥陷害。費揚古係功臣。伊病篤時。朕親臨視。歿後。遣二阿哥往奠。爾何得任意妄言。爾希圖僥倖。取大富貴。又以朕有疾。必不親加詳訊。故擅敢具奏。今詰問之下。乃始知當死乎。且爾奏此等大事。必有通同商議之人。密探消息。然後具奏。與爾相商者。為誰。與爾通信者為誰。朱都納供云。臣實知之。不明冒昧。引証妄奏。與他人無涉。應將臣凌遲處死。罪在臣之一身。求將臣子朱天保寬免。

上曰。令爾看殺爾子。後始將爾凌遲。又問戴保曰。爾前往海關時。曾奏趙姓之人。族眾聚居。皆趙太祖之裔。或至作亂。亦未可定。遣爾至蒙古地方。又奏扎賴特蒙古等。修理器械。訓練兵丁。有謀叛之意。何歷年來帖然安靜。此非爾欺妄耶。且爾因瘋疾拘禁。如何朱都納所奏之事。爾又與之商議同行。戴保供云。臣係朱都納之婿。望伊父子富貴。同副都統。常查商議而行。伊所奏本章。臣看過是實。

上又問金寶曰。左翼朝奇右翼金寶。皆著名匪類。朱都納所奏之事。爾如何與之商議同行。金寶供云。既有臣名。臣即應死。但臣往軍前種地。甫回。曾見朱都納是實。至伊所奏之事。臣實全然不知。臣現有老母在家。年已八旬。並無兄弟子嗣。求聖主寬宥。

上曰。爾有八旬老母。毫不為念。是以罹此案耳。上又問常賚曰。爾如何與朱都納商議。妄行陳奏。常賚供云。臣係朱都納之婿。此皆伊父子希圖富貴。同伊愛婿戴保商議而行。並未與臣相商。

上曰。爾係朱都納之婿。朱都納平日與何人行走。此事與何人商議。爾必盡知之。常賚供云。章泰齊世兩人。皆與朱都納來往。章泰行走甚密。齊世行走畧疎。至此事。同伊等相商。與否臣實不知。尋將齊世章泰並等至。○辛未。祈穀於

上帝遣領侍衛內大臣公海金行禮。○壬申。

上御行宮正門。召齊世諭曰。齊世秉性不肯安靜。有似獼猴。二阿哥甚惡之。呼為獼猴都統。朕以為與獵犬相似。道旁鵲起。則逐鵲。蛙出則逐蛙。人所射之野獸。反不逐也。凡人有過。皆悔悟思改。若齊世。怙非遂過。到老不知改悔。每一感。額即謀欲陷人。至於騎射材力。全無寸長。屢次出兵。並不向前効力。及犯事之處。未有無其名者。二阿哥鑒水寫書之事。亦有其名。朕皆寬宥。給以都統職銜。朕施恩如此。伊當守分安靜度日。乃今朱都納之事。又有其名。豈非奸詭特甚乎。今試問爾。爾族中佐領員缺。如何將增壽之名刪去。但將爾名進呈。增壽係爾兄之子。襲公爵者。伊名如何可刪。爾以身為都統。只將爾名進呈。載入檔案。傳至後日。便與增壽子孫無涉。爾之籌算。竟及數世以後。奸詭如此。朕斷不使爾得遂其志。究將增壽之名。列於爾前。爾之奸計。何益。齊世語塞。不能對。但云臣心地不堪之處。皆

皇上洞照。有何辨處。

上又曰。革泰乃卑污無恥之人。無足問也。○諭議政大臣等去。年朕欲撥一大臣在甘州駐扎。辦理軍務。今額倫特既在西寧諸事。可以無虞。且自有軍機以來。凡事朕皆預為籌畫。調度。後亦無不相符者。近經將軍富寧安奏請兵餉。朕已下旨。

賞給銀二十五萬兩。今提督師懿德奏請撤兵。此銀付之空處。不知朕於軍機事務。並不惜錢糧。已動用過數百萬兩矣。又甘肅等處綠旗兵丁。自出兵以來。曾賞過馬匹錢糧口糧。并給在家之妻子米糧。此等恩澤。曾否均沾。其間有無剋扣。尚未明晰。如兵丁之在家妻子。未沾恩澤。朕心亦不能安。朕思固原地方。提督潘育龍。乃年久之將軍。諸事諳練。自可無虞。其甘州地方。甚屬緊要。須派大員在彼駐扎。查明此等事務。且所處既近。可以互相應援。尤為有益。又派滿洲兵一千名。喂養馬匹。肥壯。春間天暖。不令由口外前去。著令由內地到肅州駐扎。尋議政大臣等。開列大臣職名具奏。得旨。著派侍郎色爾圖前往。寧夏總兵官范時捷。著署理甘肅提督事務。亦令前往甘州。偕色爾圖一同辦理。其寧夏總兵官員缺。令范時捷舉伊所知之賢能。副將護理。○甲戌。陞參領宜兆熊為鑲白旗漢軍副都統。○乙亥。右衛將軍費揚古。以病乞休。命解任。○議政大臣等議。覆總督額倫特等疏。報據拉藏使人胡喇奇云。從前與策妄阿喇布坦之兵交戰。曾斬獲伊衆二百餘人。策零敦多卜及準噶爾等。因不服水土。徧身浮腫。今拉藏現在布達拉地方固守。達賴喇嘛班禪額爾得尼俱同在一處。令我齋疏往奏。

聖主。又大喇嘛鄂爾齊木藏布。拉木渣木。已奏稱我等自剛歸。

沙回至拉薩。拉藏告云。策妄阿喇布坦令策零敦多卜等率兵六千餘人。至淨科爾庭山內。踞守險要。來與我戰。夜間越嶺而來。復踞住達穆地方等語。又侍衛阿齊圖等疏報。據拉藏使人胡喇奇云。拉藏蘇爾扎前與策妄阿喇布坦之兵交戰。殺獲甚衆。今拉藏蘇爾扎俱自達穆已至。招中等語。應行令侍衛阿齊圖。總督額倫特等。加謹設防。作速預備。遠探賊情。相機進剿。得旨。依議。速行。○丙子。滿九卿等議奏。朱都納應凌遲處死。朱天保立斬。朱都納二幼子立絞。家產籍沒入官。戴保常養俱應絞監候。秋後處決。金寶。充發黑龍江當差。辛泰。枷號三個月。鞭一百。齊世革去都統職銜。交該旗及族中人等在伊家永行拘禁。

上將奏摺發還。諭云。所議尚未詳盡。朕親御門窮詰。朱都納之處。亦未載入。○以僉都御史李永紹為太常寺卿。○丁丑。吏部議覆大學士馬齊等議上。

大行皇太后尊謚。不將

章皇后字樣寫出。甚屬錯誤。應將大學士馬齊。高祝。李光地。蕭永藻。王揆。各降三級調用。其革職留任之大學士高祝。無級可降。應革去大學士之任。得旨。馬齊。李光地。蕭永藻。王揆。俱從寬免降三級調用。高祝從寬免革任。○以喀爾喀故輔國公索諾木。伊斯扎卜子。噶爾臧。薩用。襲爵。○戊寅。諭議政大

臣等。兩路軍兵駐扎邊塞。三年矣。勞苦殊甚。衣服亦將損敝。朕深加軫念。特令製衣二萬襲。現今所有一萬襲。派侍衛一員。由內地驛站送至將軍富寧安軍前。賞給軍兵。再一萬襲。俟製造完日。送至將軍傅爾丹軍前。著爾等大臣查驗。裝載牢固。發往。如尚有無數計算軍兵數目。照此衣服將庫貯布疋賞給。令其自行製造。○大學士九卿等遵旨。將皇太子儀仗冠服一切應用之物。及應行禮儀。俱查明裁減。定議具奏。得旨。所議甚善。

二月。庚辰朔。皇子生。即於是日薨。未命名。○壬午。轉刑部右侍郎李華之為左侍郎。陞都察院左副都御史周道新為刑

部右侍郎。○甲申。月祭

大行皇太后。○兵部等衙門議覆。福建浙江總督覺羅滿保等疏言。福建海洋當浙粵之交。自北至南。有極衝地方。逼臨大海。港口為郡縣之門戶者。有次衝地方。為船隻登泊之要津者。如福寧州之沙埕所等處。皆扼水陸之衝。前建立礮臺城寨。日久塌壞。應加修葺。而緊要處所。增設礮臺。添撥弁兵。修造營房。更不可緩。至於閩安鎮以南。至南臺沿海之梅花所等處。黃琦以南。至東石鎮海衛以南。至懸鐘一帶。陸路城寨向隸水師金門銅山二營撥兵分防。但水師兵數無多。應改撥陸路官兵防守。又浙江海洋極衝次衝地方。有原無礮臺

者有舊有礮臺城寨傾圮倒塌者有原設汛防兵數應酌量增添者臣等相度衝要之地修築礮臺城寨分別極衝次衝如平湖之乍浦等五十處安設礮四百六十位添造營房派撥弁兵分防巡守以固海疆俱應如所請從之○又議覆福建浙江總督覺羅滿保疏言海洋大弊全在船隻之混淆米糧之接濟商販行私偷越奸民貪利竊留海洋出入商漁雜沓應將客商責之保家商船水手責之船戶貨主漁船水手責之澳甲同鄉各取保結限定人數出入盤查并嚴禁漁船不許裝載貨物接渡人口至於臺灣廈門各省本省往來之船雖新例各用兵船護送其貪時之迅速者俱從各處直走外洋不由廈門出入應飭行本省并咨明各省凡往臺灣之船必令到廈門盤驗一體護送由澎而臺其從臺灣回者亦令盤驗護送由澎到廈凡往來臺灣之人必令地方官給照方許渡載單身遊民無照者不許偷渡如有犯者官兵民人分別嚴加治罪船隻入官如有哨船私載者將該管官一體叅奏處分應如所請從之○以高齊忒故輔國公孔木弼弟達西達爾扎襲爵○乙酉滿漢九卿請安

上手書諭旨曰朕大臣官員時來請安朕甚難答若謂身安則羸瘦已甚未覺全復足痛雖較前稍愈步履尚難近方閱理政務一時難於清楚因慮壅積漸多心忤不安更痛

皇太后大事適值朕躬抱病未盡朕心而一二不法匪類曾經治罪免死之徒探知朕疾夥同結黨謀欲放出二阿哥觀此則亂臣賊子尚不乏人每思此等事食且不能下咽何由萬安○以吏部尚書張鵬翔戶部尚書趙申喬為會試正考官刑部左侍郎李華之工部右侍郎王懿為副考官○丁亥遣大學士王掾祭

先師孔子○兵部議覆廣東廣西總督楊琳疏言據原任碭石總兵官陳昂條奏臣詳察海上日本暹羅廣南噶囉吧呂宋諸國形勢東海惟日本為大其次則琉球西則暹羅為最東南番族最多如文萊等數十國盡皆小邦惟噶囉吧呂宋

最強噶囉吧為紅毛市泊之所呂宋為西洋市泊之所而紅毛一種奸究莫測其中有英圭黎千絲蠟和蘭西荷蘭大小西洋各國名目雖殊氣類則一惟有和蘭西一族尤異常且澳門一種是其同派熟悉廣省情形請敕督撫關差諸臣設法防備或於未入港之先查取其火礮方許進口或另設一所關束彝人每年不許多船並集祇許輪流貿易臣查外國彝商利與中國貿易而彝商憎服有素數十年來沿習相安應聽其照常貿易將該鎮所請查取火礮另設一所關束輪流貿易之處無庸議請於彝船一到之時令沿海文武官弁晝夜防衛使其憎服無致失所至於西洋人立堂設教仍

照康熙五十六年九卿原議禁止再行嚴飭均應如所請得旨依議西洋人之處著俟數年候旨再行禁止○戊子祭

大社

大稷遣都統宗室延信行禮○刑部尚書賴都母故命加祭一

次○議政大臣等議覆陝西西寧總兵官王以謙疏言往噶斯換班兵丁在鎮標所屬內派往實屬不敷等語應於都統胡錫圖帶往兵丁及固原涼州所備綠旗兵丁內均勻派撥前往西寧得旨噶斯一路兵丁換班現有總督額倫特公策旺諾爾布侍衛阿齊圖等在彼處著行文令伊等定議具奏○甘肅巡撫綽奇疏報金塔寺地方安插民人三十五戶西

吉木地方安插民人二百七十戶達里圖安插民人五百三十戶錫拉谷爾安插民人一百六戶俱經蓋造房屋分撥居住耕種地畝收糧報聞○已丑滿九卿等遵旨將

皇上親究朱都納等口供添入再議具奏

上手書諭旨曰戴保常養一體定擬甚屬不合戴保久已應斬因託瘋疾拘禁今又不改再戴保從拘禁處如何放出行走之處並無一字察及著再議○議政大臣等議覆靖逆將軍富寧安疏言西吉木設立赤斤衛達里圖設立靖逆衛各添設衛守備一員錫拉谷爾設立柳溝所添設守禦所千總一員再添設同知通判各一員兼管二衛一所其駐防兵丁武

職官員令肅州鎮管轄衛所官員令肅州道員管轄應如所請從之○庚寅

孝康章皇后忌辰遣官祭

孝陵○議政大臣等議覆據拉藏奏稱臣世受

聖主洪恩不意惡逆策妄阿喇布坦發兵六千與我土伯特兵交戰兩月雖並無勝負而敵兵復又入招臣現在率兵守護招地但土伯特兵少甚屬可慮若將喀木危藏之地被伊踞去將使黃教殄滅為此懇求

皇上聖鑒速發救兵并青海之兵即來策應等語查拉藏係願實汗後裔維持黃教今懇求救援應令西寧松潘打箭爐噶

實錄卷一百七十一

求

斯等處各預備兵馬并土司楊如松屬下兵丁一同前往現今青海王台吉等派兵六千在正月初十日起程但非有滿洲兵丁不可應令侍衛色楞侍讀學士查禮渾在西寧滿洲兵內選二百名綠旗兵內選二百名及土司之兵一千帶至青海地方會同青海王台吉等商酌行事其青海王台吉等發兵去後伊等家口無人看守應行文公策旺諾爾布總督額倫特與青海王台吉等妥議於屯兵形勝之處用心守護從之○戶部議覆廣東巡鹽御史昌保疏言鹽政衙門職司鹽務今臣力不行於州縣錢糧必致有誤請將臣撤回鹽務令督撫專理查昌保係奉旨派往廣東留任三四年清完新

舊錢糧之員。應將所請無庸議。得旨著照昌保所奏。鹽務交與巡撫法海專理。准昌保回京。○予故一等精奇尼哈番阿禮渾。四川北總兵官魏相。各祭葬如例。○兵部議覆廣東廣西總督楊琳疏言。粵東沿海地方。東連福建。西達交趾。南面一路汪洋。諸番羅列。素稱險要。請於通省沿海泊船上岸之處。據高臨險。相地制宜。修築礮臺城垣。添設汛地。建造營房。分撥官兵。以靖海洋。應如所請。從之。○刑部等衙門會議據原任貴州巡撫劉蔭樞供稱。臣年老昏愚。茫無知識。伏見皇上用兵西陲。妄行摺奏。及命臣赴軍前周閱營盤。謊稱適逢大雪。馬上跌傷腿足。病勢沉重。不能行走。又不請旨。竟回甘

州。蒙恩寬恕。令臣仍往看雪。又不遵行。妄求寬免。蒙恩令臣赴任。彼時病勢漸減。遂爾直行前往。種種乖謬。罪應萬死等語。應將劉蔭樞革職。擬絞立決。但議政大臣等議。將不肯進兵之提督師懿德立絞。奉旨暫停治罪。劉蔭樞亦應暫行停法。發往侍郎海壽處種地。俟大兵回日。再行治罪。得旨。劉蔭樞豈可復行發往陝西。著發往傅爾丹等地方種地。○辛卯九卿詹事科道。以建儲事繕摺請旨。

上手書諭旨曰。國家大臣。凡事宜詳細思維具奏。豈可草率同於兒戲。朕將何賴。現今

皇太后之事。未滿百日。

梓宮尚未安厝。舉國素服。未曾剃頭。乃將大慶之事。請。朕實不解。著即回奏。九卿詹事科道。回奏云。臣等冒昧。請。大體所關。全未見及。今奉旨明示。方豁然醒悟。自知愚昧。謹具摺請罪。

上又手書諭旨曰。至愚極昧之處。不止一二次矣。如此何以辦事。必至終日為人欺蔽。倘至誤事。不亦可恥耶。○陞宗人府府丞景日珍。為都察院左副都御史。○予故原任陝西肅州總兵官麥良璽。原任雲南鶴麗總兵官郝偉。各祭葬如例。○壬辰。議政大臣等議。覆振武將軍公傅爾丹等奏。請兩路大兵進剿之處。得旨。爾等議欲兩路進剿。但聞策妄阿喇布坦

遣策零敦多卜等。前往西藏之時。曾有令伊等翦滅拉藏。即在藏駐扎。彼復身至西藏。再攻取危藏。已爾喀木之人等語。雖其虛實未可懸定。而傳聞拉藏有陣亡之信。若策妄阿喇布坦。果帶妻子。前往西藏而去。我國兩路大軍。即至伊里地方。恐屬徒然。朕意。今即令色楞額。統率軍兵。征剿西藏。稍俟此軍消息。本年暫停進剿。此皆有闕軍機糧餉。爾等再議具奏。○甲午。戶部議。覆雲南巡撫甘國璧疏。言。鶴慶。永北。二處皆通西邊要路。今奉旨備兵看守。則糧米甚需多儲。查滇省之蒙化。麗江。安寧。普寧等府州縣。應徵糧米。例係四年折徵一次。今康熙五十七年。又屆折徵。請將本年分蒙化等府州縣

應徵糧米仍徵本色。應如所請。將糧米徵收酌量要路備貯。從之。○改江南南陵縣中學為大學。從學臣林之濬請也。○丙申。考察天下軍政。卓異官三十九員。不謹官十二員。罷軟官七員。年老官四十六員。有疾官二十八員。材力不及官十員。浮躁官六員。分別陞賞處分如例。○丁酉。滿九卿等遵旨。將朱都納等議罪案內。戴保改擬立斬。戴保之兄三等阿達。哈哈番。兼佐領達壽。私將戴保從拘禁處放出。應革職。枷號三個月。鞭一百。不准折贖。得旨。本交內閣。○工部議覆河道總督趙世顯疏。言宿遷縣黃河北岸。大古城險工。因大溜北徙。傾注埽根。請建築月隄一道。以資捍禦。山陽縣李家馬頭。

實錄卷一百七十七

康熙五十七年

一帶黃河南岸。沙壅大溜。直射北岸。請幫築下埽。以資保固。均應如所請。從之。○戊戌。兵部議覆廣東廣西總督楊琳疏。言澳門。彙船往南洋貿易。及內地商船往安南貿易。臣面奏請旨。不在禁例。應如所請。仍行該督嚴飭地方文武巡查。如有澳門。彙人。夾帶中國之人。并內地商人。偷往別國貿易者。查出照例治罪。如該管官。盤查不實。徇情疎縱。從重治罪。從之。○旌表浙江烈婦李氏。拒姦殞命。給銀建坊如例。○己亥。春分。朝。

日於東郊。遣都統武格行禮。○庚子。琉球國中山王世子尚敬。遣陪臣夏執中等。計告故曾祖尚貞。故父尚益喪。并請襲封。

表貢方物。賞賚如例。○壬寅。九卿等議覆趙鳳詒由縣令越。

陞太原府知府。不思潔己。共婪贓一十七萬四千六百兩零。歷審情實。應擬斬立決。從之。○陞散秩大臣覺羅外山為領。

侍衛內大臣。○陞太常寺卿李永紹為宗人府府丞。○戶部。

議覆湖廣巡撫劉殿衡疏。言沔陽衛屯田。實係水淹窪地。歲。

輸屯餉。又輓漕運。兩差難。以兼辦。請照清浪衛減則之例。科。

糧以舒軍困。應如所請。從之。○陞福建臺灣總兵官姚堂為。

廣東提督。○癸卯。陞肅州總兵官路振聲為甘肅提督。調江。

南蘇松水師總兵官歐陽凱為福建臺灣總兵官。○甲辰。吏。

部議覆廣西巡撫陳元龍疏。言廣西南太慶思四府所屬對。

實錄卷一百七十八

年

品調補官員。請照雲南調補例。停止引見。應如所請。從之。○

免福建臺灣諸羅鳳山三縣康熙五十六年分旱災額賦。有。

差。○乙巳。

孝昭皇后忌辰。遣官祭。

陵。○議政大臣等議奏。四川提督康泰平時不能撫恤官兵。賞。

賚之物。又不全給。以致官兵鼓譟。應革職。交刑部從重治罪。

廣東提督王文雄平時不能禁戢盜賊。致賊聚眾侵擾鄉村。

擄掠人口。知巡撫法海具奏。又思脫罪。粉飾陳奏。殊屬溺職。

應革職。

上曰。此二事。暫存貯。康泰。王文雄。原任宣化總兵官。司九經伊。

等漢仗俱好。經歷戰陣。著有備鞍馬。前赴色楞軍前効力。果能効力將伊等免罪。如不効力加等治罪。○大學士等以議處朱都納等一案請旨。

上諭曰朱天保希圖僥倖違旨妄奏又首將伊父供出不忠不孝極矣著卽正法令伊父朱都納視之戴保最爲兇惡斷不可留亦著卽正法朱都納常賚從寬免死金寶從寬免充發交與步軍統領永遠枷示伊等妻子俱入官朱都納二幼子亦免死入官達壽著革職枷號三個月鞭一百去歲山東浙江正副主考官係何人保舉著查奏大學士等又以齊世莖奏或照朱都納等枷示或照部議完結請旨

上曰齊世人甚不端。著交宗人府照鄂繕等拘禁。革泰卑污無恥。著照部議完結。此旨不用批本。令部中記檔。○刑部等衙門議覆刑部尚書張廷樞察審河南閹鄉縣賊首王更一等一案。原任巡撫李錫因科派激變。應行立斬。

上諭大學士等曰李錫據理應斬第官員與賊盜合為一本定擬難以批發此本發回著分晰兩本具奏○又議覆張廷樞等察審蘭陽縣奸民李雪臣等一案將白蓮教賊首朱復業即索進論凌遲案內養袁進為子之郭英論斬秋後處決上諭大學士等曰郭英係養朱復業之人即是伊父理應照謀叛人之祖父例即行處斬部議秋後處決誤矣此本發還再

議并李錫等議罪之事。過三月再奏。○丙午。以通政使張連登為湖廣巡撫。○丁未。遣官祭

先農之神。

上自湯泉回宮。予故領侍衛內大臣和碩額駙尚之隆祭葬如例。予故刑部左侍郎艾芳曾祭一次。旌表河南烈婦宋氏拒姦殞命給銀建坊如例。戊申遣官祭歷代帝王。己酉諸王大臣等求

皇上傳送

大行皇太后梓宮繕摺奏請

上諭之曰三月二十三日送

皇太后梓宮。朕躬不可不去。但足尚痛。不能乘馬隨行。或於二十日前後。朕由通州南關先往。每日量行二三十里。計

梓宮入地宮日期前預至

陵寢若自彼處即往熟河道路崎嶇遇雨難行可將此交諸皇子領侍衛內大臣會議具奏尋諸皇子諸王滿漢文武大臣官員及順天府耆老等公奏。

聖躬違和兼又足痛請停止親送得旨日期尚早再遲數日定奪○陝西涼州總兵官康海疏言紅番薩馬喇木扎木巴等聞知拉藏被傷不無恐怖又據貝勒羅布藏亦遣人呈稱其事臣所巡南山一帶地方大通河相離百十餘里即通青海

西藏噶斯之要路。扁都口。酸茨河。寬溝等處。邊隘亦關緊要。宜加防守。臣等所屬兵丁。在城喂養馬匹。倘有用處。聽候調遣。臣等督臣會商安撫防備。報聞。

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百七十七

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百七十八

康熙五十七年戊戌三月庚戌朔。鄂爾多斯多羅郡王董羅布故。遣官致祭。○辛亥。

上諭大學士等曰。保舉山東浙江鄉試考官之人。查出否。馬齊奏曰。保舉山東正考官呂謙恒。係工部侍郎王懿。保舉副考官朱天保。係吏部侍郎色爾圖。左副部御史海壽。保舉浙江正考官索泰。係工部侍郎常泰。保舉副考官張懋能。係通政使司參議張世祺。

上曰。王懿等俱著革職。留任。永停陞轉。不准開復。又諭曰。凡有保舉。俱有王懿等先後之名。科道內保舉人者甚多。果屬賢員。自當保舉。但伊等竟以此射利。王懿從前歷官尚勉。強自愛。自任府尹後。甚屬平常。○以翰林院侍講學士薄有德充日講起居注官。○陝西岷州衛圓覺等六寺僧綱司。后失菜寧卜等進貢。賞賚如例。○壬子。諭大學士等。歷觀從來帝王設立起居注。多有更張。亦間有裁革者。朕在位日久。設立多年。近見記注官內年少之員甚多。皆非經歷事體之人。伊等且自顧不暇。又豈能詳記朕之諭旨耶。且官職卑小。不識事之輕重。或有事關重大者。不能記憶。致將朕之諭旨。頗多遺漏。不行備錄。甚至如趙熊詒。曾私抄諭旨。攜出示人。記注之事。

關係甚鉅。朕設立起居注甚為久遠。在位五十七年。一切政事。現各有衙門檔案。何必另行記載。其作何裁革之處。爾等會同九卿議奏。○又諭曰。朕昔南巡時。曾下船閱視。沛縣在運河之西隅。地勢窪下。積水甚多。常因運河水淺。穴隄引所積之水。洩入運河。今看每年沛縣之田。皆以被水災具奏。特以沛縣地勢窪下。常被水災。遂視為一定之事。雖不成災。亦以成災奏請蠲免錢糧耳。將沛縣所積之水。作何區畫。與民有益之處。爾等會同九卿議奏。尋大學士九卿議令該督撫會同河道漕運總督確勘具奏。從之。○諭領侍衛內大臣等適因

皇太后大事。令十二阿哥署理內務府總管事務。令大事將畢。十二阿哥著停止署理內務府總管事務。○癸丑。陞太僕寺卿陸經遠為通政使司通政使。○命減徵大興。宛平。二縣各門廠房稅。○工部議覆河道總督趙世顯疏言中河劉老澗舊有減水壩一座。今盡行倒卸。請遵循舊式建造減水壩。置板啓閉。以保隄工。應如所請。從之。○甲寅。清明節。遣官祭永陵。

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵。○

上詣

大行皇太后梓宮前行禮。甫至。即哀慟。奠酒畢。哀痛不已。諸皇子跪勸良久。方止。諸王。貝勒。貝子。公以下。三品以上。文武官員。皆隨班行禮。舉哀畢。

上回宮。○丙辰。月祭。

大行皇太后。○

上幸暢春園。○陞貴州按察使王沛懷為廣西布政使。司布政使。○戊午。旌表直隸烈婦劉氏。拒姦斃命。給銀建坊如例。○庚申。以恭上

大行皇太后尊諡。遣官告祭

天地。

太廟。

社稷。

奉先殿及

大行皇太后梓宮前。○戶部議覆江西巡撫白潢疏言。臣往湖口縣周閱地形。虹橋一港。逼近石鐘山。夏秋水漲。僅容小船。

一二百隻。冬春水涸湖廣江南往來之船到關報稅必由梅家洲轉行十有餘里。若遇水漲則江湖二水橫激少有微風即蹈不測。惟湖口關右里許有武曲港可容千艘請自江岸起至港口止大為挑濬於港口建草壩二道以阻淤沙。外加排樁以固壩根。應如所請。從之。○禮部議覆福建浙江總督覺羅滿保疏。奏浙江熟革舉人陳鳳墀覆試之卷文理不通不如中式原卷。其中有無情弊。應行令該督嚴審。從之。○旌表河南烈婦康氏拒姦身死給銀建坊如例。○辛酉恭奉冊寶上

大行皇太后尊諡冊文曰。禮隆祔配將申假廟之誠。義極顯揚

特重崇親之典。奉明禋而有恪。熙鴻號以無窮。欽惟

皇妣大行皇太后儼天體順。應地含章。鍾渭涑之殊靈。繼蜀山之盛軌。歸我

世祖章皇帝克襄內治。每持敬慎之小心。允協坤成。實稟肅雝之令則。訓掖庭以節儉。躬曳練衣。率嬪御以勤勞。心親織室。迨乎奉事

太皇太后重闡節繼。日問長信之安。內殿羹湯時視太官之膳。

閱歲年而罔懈。繫仁孝之夙成。六官被慈惠之恩。感深

聖善。四海享和恒之福慶。衍昇平。展祀瑤齋。事虔修。美蘋藻。流

光玉牒。化徧洽於睢麟。自惟幼冲。備蒙

顧復。追憶昭隆之德茂。著兩朝。載懷尊養之悅。聿周五紀。謂遐齡之永錫。詎

仙馭之遽升。逮及無期。哀摧至極。緬思懿行。欲宣述以何由。式奉遺規。竭形容而莫罄。用咨羣議。敬告

三靈。謹奉冊寶上

尊諡曰。

孝惠仁憲端懿純德順天翊聖章皇后。於戲。考閔宮之樂。頌長發其祥。嗣京室之徽音。克昌厥後。伏冀

慈靈曲眷。

神貺斯憑。典冊常新。等球圖而並重。隆名罔極。與日月以齊懸。

炳耀琅函。輝華彤管。寶文曰。

孝惠仁憲端懿純德順天翊聖章皇后之寶。○

自上暢春園回宮。○諭議政大臣等侍衛色楞額等既統兵進征西藏。沿路汎守防護哨探。以及單身行走。認識路徑等事。甚有關係。曾令侍衛打克已藏布將侍衛等酌量派往。再於都統胡錫圖所帶兵丁內。將慣習行走漢仗好之新滿洲及烏拉齊索倫揀選幾名。即於彼處發往色楞額軍前。○壬戌。

上詣

孝惠章皇后梓宮前行。百日致祭禮甫至。即哀慟奠酒畢。哀痛不已。諸皇子懇切跪勸方止。諸王員勒貝子公以下三品以

上文武官員皆隨班行禮舉哀畢。

上回宮○諭諸王大臣曰前諸大臣勸朕停止親送

皇太后梓宮時朕曾諭以目前不能去稍需時日再行定奪今朕身較前稍健似可勉強前去但此時尚未可信或至途間朕身又或不安不惟諸臣不能擔荷即朕亦追悔無及若不欲從此朕身漸愈此心又大不安矣以此兩難朕下此旨非欲諸臣勸阻亦料諸臣必來諫止朕心實不能定故願與諸臣共計之耳爾等可公同詳議具奏又諭曰昔

皇太后大事時。

梓宮安厝畢方行剃頭今送

皇太后梓宮之人亦俟安厝後方行剃頭已經下旨朕意不送梓宮之人亦俟四月初七日後剃頭為是諸大臣可會議具奏是日諸大臣遵旨會議合詞奏曰

皇太后大事已滿百日諸禮俱畢請照禮部奏請明日十四日請

皇上剃頭衆人俱剃頭送

梓宮之人亦行剃頭奏入

上諭曰方

皇太后大事。

梓宮未出之前朕立意欲曲盡乃心不幸身病不能支持難以

勉強諸事未盡朕心抱恨無窮又思當此之時止有孝敬朕之人並無愛恤朕之人尊長輩皆已凋謝此等處每以無可與言為傷距四月初七日為日無幾何必爭此數日過四月初七日再行剃頭諸大臣復摺奏懇請

上諭曰諸大臣不知朕知之已有明旨諭諸皇子矣○癸亥諸皇子諸王滿漢文武大臣官員合詞奏言應觀自古帝王及明朝會典未有親送梓宮之例況

聖躬尚未全愈斷難親往伏懇

皇上俯順輿情。

上諭曰諸王大臣官員勸朕停止親送

梓宮再三叩請朕身亦不能往今不親送矣又諭曰朕不剃頭送

皇太后梓宮之諸王大臣官員亦著停止剃頭其在京之諸王大臣官員俱著剃頭○諭議政大臣等連年陝省適有軍務來往人等俱係巡撫綽奇與地方官應付今伊等之力有限原任河南巡撫李錫暫停止法并此案干連之府縣等官以及原任江西巡撫佟國勳俱發往西陲交與侍郎色爾圖令其捐辦如果効力即免其罪○總督額倫特疏言先經議政大臣等議據侍衛色楞奏稱唐古特人衆趨其計慮未定統領大兵前進穆魯烏蘇地方駐扎賊衆必不敢輕擾青海之

界。則青海人心俱定。爰遣人偵探賊情。如易於攻取。相機進剿。若無實信。將汎界遠設嚴加防守。但色楞所統滿洲綠旗土司之兵。及自西寧調往之兵。止二千四百名。數少力弱。應將額倫特等處所有綠旗兵二千。添派前往。其總督額倫特公策旺諾爾布等。備守青海之衆。即令隨後助威。至噶順古木二處地方。無兵駐扎。應將都統胡錫圖帶領之兵一千。令到彼處分派駐扎等因。到臣。臣查西寧抵藏共有三路。一為珠爾壠。一為庫庫塞。一為拜圖。除珠爾壠路狹難行外。其餘兩路俱可進兵。應令侍衛色楞等率領原派滿洲綠旗及各土司與青海之兵。從一路前進。臣自率領現在波羅和碩調來西寧之綠旗兵二千。以及綽克來那木查爾等所派唐古特之兵一萬。亦從一路前進。若賊衆一路迎敵。則我師又有一路。可以直取藏地。攻其後尾。若賊衆兩路迎敵。彼勢既分。亦無難於翦滅。再經議政大臣等議奏。策妄阿喇布坦偵知我師欲取西藏。或從噶斯一路潛有兵來。亦未可定。應行文侍衛阿齊圖防守噶斯。令侍衛等偵探賊人消息。以便傳報等語。臣查都統胡錫圖帶來兵丁之馬匹。來自京城。未經久息。難以出口。現有西寧之西安滿洲兵二百名。督標兵三百名。喂養馬匹。肥碩可用。又自固原發往西寧之兵一千。內選用五百名。地方既近。馬匹亦肥。再於都統胡錫圖所領兵丁

內。派撥一千名。揀選馬匹帶往。侍衛阿齊圖等處補其疲瘦殘缺。在噶順古木噶斯等地方。或看守駐扎。或相機行走。其於軍務大有裨益。又內大臣公策旺諾爾布疏言。先經議政大臣等議。照依侍衛色楞所請。令臣與總督額倫特都統胡錫圖在噶順古木等地方分兵駐扎。但青海之事。既有彼二人。無煩計慮。臣願隨進剿兵丁。稍圖報効。得旨。朕閱額倫特策旺諾爾布陸續所奏。伊等並未相商。各自陳奏。此處既難議斷。而彼處亦難遵守。此一人云我如此具奏奉行。彼一人云我如彼具奏奉行。事務舛錯。不能畫一。伊等俱係大臣。理應會商妥協。況相隔不甚遠。嗣後一應事務。著伊等同意相商定議。舉行。○丙寅。吏部議覆翰林院掌院學士徐元夢題。參編修儲在文張起麟。徐用錫。沈宗敬。宮鴻臚。叢澍等有玷官箴。均應照溺職例革職。得旨。儲在文張起麟。徐用錫。宮鴻臚。叢澍俱著革職。沈宗敬著從寬免革職。在武英殿修書處行走。永不准陞轉。○四川巡撫年羹堯疏言。打箭爐地方外通西域。內皆高山峻嶺。實為天設之險。皇上救援西藏。令護軍統領溫普帶領滿兵五百赴爐駐扎。臣以爐地素不產米。山路險遠。糧運為難。動支庫銀買米一萬石。遴選人員先運六千石抵爐。餘米收貯雅州。如有需用。再行酌運。所需草料。亦委官採買運送支給。自此源源買運必

不遲誤軍需得旨據奏相機購買米石草料委官設法陸續運至打箭爐年羹堯甚為實心効力殊屬可嘉著復還原職○陞山東濟東道申大成為貴州按察使司按察使○陞歸化城副都統顏壽為右衛將軍正黃旗漢軍副都統黃秉鈺為福州將軍○丁卯。

萬壽節停止慶賀筵宴○遣官祭

福陵。

昭陵。

暫安奉殿。

孝陵。

仁孝皇后。

孝昭皇后。

孝懿皇后陵○遣官祭真武東嶽城隍之神○戊辰大學士九卿等遵旨會議。

皇上手書諭旨及理事時所降之旨并轉傳之旨各處俱有記載檔案又如本章所批諭旨六科衙門既經記載發抄各部院又存檔案歷可稽查且記注官多年少微員或有事關重大者不能全記以致將諭旨舛錯遺漏又妄行抄寫與人倘伊等所記之旨少有五異關係甚鉅應將起居注衙門裁去從之○吏部議覆翰林院掌院學士徐元夢疏言學臣任滿

之日宜分別賢否以昭勸懲今查聲名中平者五員陝西江南福建貴州廣東學臣王雲錦林之濬車鼎晉萬經鄭冕聲名不好者二員廣西江西學臣黃澍魚鷹翔得旨王雲錦林之濬車鼎晉萬經鄭冕黃澍魚鷹翔俱著革職保舉黃澍之廖騰烽張德桂保舉魚鷹翔之耿惇劉士聰亦俱著革職○庚午行孝惠章皇后發引致祭禮○壬申。

孝惠章皇后梓宮從花園發引。

上親詣奠酒舉哀。

梓宮啓行。

上從東角門出於大路跪送慟哭諸皇子皇孫文武大臣跪勸

節哀及

梓宮已過良久諸皇子隨

龍輜後迴望。

上猶慟哭不已復各趨回環跪敦勸

上始止哭回宮○乙亥議政大臣等議覆振武將軍傅爾丹疏

言奉旨今年大兵暫停進剿姑俟色楞信息但今進剿軍兵

俱各齊備與其閒住請仍照去年前往襲擊以驚擾賊界振

揚軍威今選滿洲蒙古漢兵九千喀爾喀兵三千共一萬二

千臣與祁里德各領兵六千分作兩路裹帶五月口糧於五

月內起程其餘剿兵丁留都統穆賽副都統羅察管轄令於

汎界形勝之處駐扎防範。又據靖逆將軍富寧安疏言去年七月臣等自巴爾庫爾領兵至烏魯木齊地方蚊蟲甚多時令亦熱訊問就獲之厄魯特等訴稱夏日達什等衆覓寒涼之處於遮爾集斯地方遊牧居處至收穫之時仍回烏魯木齊過冬請將本年襲擊之兵照去年准備計值達什回時前往襲擊臣帶領軍兵七千裹帶四十日口糧於閏八月起程除烏蘭烏蘇集拉麻泰等處留兵三千駐扎外其四千軍兵減輕什物晝夜趨行至烏魯木齊等處襲取賊境人畜鈐束而回查兩路軍兵襲擊實揚我軍威使賊界震懼自應約定日期以便彼此應援今起程之期不符口糧之數各異應行文兩路將軍等速行商榷定議而行從之○丙子禮部題朝鮮國王李煥遣陪臣朴弼成等表謝賜空青恩進貢禮物應照例收受得旨朝鮮國王謝恩進貢禮物不必收受此項貢物帶回路遠艱難著留抵下次常貢○陞步軍副尉托賴為正黃旗漢軍副都統護軍叅領博爾吞為鑲紅旗漢軍副都統○丁丑命浙江南新北新兩關稅務交杭州府捕盜同知管理從撫臣朱軾請也○戊寅工部議覆浙江巡撫朱軾疏言海寧縣海塘俱屬浮沙塘脚空虛請用木櫃之法以木為櫃橫貼塘底實以碎石以固塘根又用大石高築塘身附塘另築坦水石以護塘脚每使潮水浸入再查塘內向有小河

名備塘河居民築壩遂淤為陸今應去壩疏河即以挑河之土培岸又石塘三十餘里均須防守不時修築東西土塘現在坍塌更宜及時堵禦俱應如所請速行修築從之

夏四月己卯朔享

太廟遣都統武格行禮○庚辰諭大學士等京畿一帶歷年以來二月內或大雪大雨故麥苗滋長田禾尚可耕種今歲二三月間天時亢旱麥苗漸黃且有妨耕種朕經國有大喪之年多遭水旱及今不可不預為準備爾等會同九卿詹事科道詳議或政事尚有缺失宜盡心講求雨澤亦應祈禱朕躬雖尚未愈為天下憂更加兢惕爾等毋視為故事也○戶部

東寧奏

議覆廣東廣西總督楊琳疏言粵東之米資藉粵西粵西之米又資藉湖南湖南販米至粵必由永州府經過彼地奸民每借禁糶名色攔阻勒索商販不前請敕湖南督撫如有奸民阻截取利者行令該地方官查拏治罪應如所請從之

辛巳月祭

孝惠章皇后○以奉安

孝惠章皇后梓宮於

新陵地宮遣官告祭

暫安奉殿

孝陵

仁孝皇后

孝昭皇后

孝懿皇后（陵）議政大臣等議覆侍衛阿齊圖疏報臣統兵至

柴旦木地方於正月初二日遇見伊打木扎布等帶領拉藏

子蘇爾扎之妻自招敗回告稱準噶爾兵來至達穆地方與

我土伯特兵交戰數次彼此傷損甚多去年十月三十日厄

魯特之噶隆沙克都爾扎布叛歸準噶爾將小招獻降我土

伯特兵衆解散台吉那木扎爾等在布達拉北城開門投順

準噶爾兵衆擁入十一月初一日蘇爾扎率兵三十人衝圍

而出被其擒獲拉藏被圍身亡我等逃奔而來等語今西藏

已失蘇爾扎之妻等投懇垂救應行文總督額倫特郎中長

受即給伊馬匹口糧仍令在波羅冲可克舊處暫為安插從

之（壬午）以奉安

孝惠章皇后梓宮於

新陵地宮遣官告祭

天地

太廟

社稷（癸未）以

孝惠章皇后梓宮奉安

地宮命

皇四子和碩雍親王（讀文告祭）策試天下貢士楊爾德

等於

太和殿前制曰朕臨御天下垂六十年仰惟

祖宗付託之重知天子以乂安海宇為孝是以夜寐夙興勤求

治理政事之餘留意經術期為天下廣文教承平之後不忘

邊備愚為萬世奠苞桑也粵稽周禮造士六行以孝為首其

察吏也六計以廉為先漢人承之亦用孝廉選舉郡國之士

未有內行不修而律身克謹者也朕日以孝廉獎勵天下而

敦篤彝倫樹立名節者舉不多見亦有欺世盜名自託於孝

廉而實行不孚往往見譏於鄉黨貽笑於清議其誠偽之間

可不辨歟夫卿大夫立身行己有風勵士庶之責今乃誦說

禮經而考其實行反不若村農田豎之誠篤者其故何歟易

之泰卦曰勿恤其孚於食有福言治亂雖有常數然人事既

修則可以勿憂而受其福也今天下安寧已久朕每懷積玩

之懼業業兢兢與中外臣鄰動色相戒古君臣所以永保天命

而固結人心者豈無其要歟持盈保泰宜何道之遵也廣勵

士習者以通經為要務近代詮釋羣經至朱子無可議朕潛

心玩味見其皆切於躬行日用絕無華言浮說以汨亂乎其

間夫虛文多則本意晦枝辭盛則實理微欲使士通一經則

明一經之義而收一經之用者其術安在古者內有民間之

儲外有邊境之備。自漢有屯田塞下之議。及後趙充國諸葛亮率用以濟師。著有成績。今欲推廣其法而行之。使疆內無轉運之艱。行間獲飽騰之利。其何以興良法而課實效歟。夫人皆知孝行之為先。則臣節必砥。此即經學之本也。人皆知泰運之難持。則綱繆必周。此即安邊之要也。諸士於經術世務素所宜講。其何以助上宣德化而成治功。悉心陳之。朕將親覽焉。乙酉。孝惠章皇后梓宮奉安。

新陵地宮。遣官祭。

暫安奉殿。

孝陵。

仁孝皇后。

孝昭皇后。

孝懿皇后陵。遣官祭。

昌瑞山。

后土之神。丁亥。傳臚。賜殿試貢士汪應銓等一百七十一人進士及第出身有差。予故偏沅巡撫李發甲察葬如例。

己丑。兵部議覆廣東巡撫法海疏請查勘海道。查巡撫不便越境遠出。應毋庸議。得旨。法海奏請自粵東以至浙江江南等處查勘海道。著照伊所請去。刑部等衙門議覆刑部尚書張廷樞等察審河南閭鄉縣叛犯亢珽等拒敵官兵。

一案除亢珽自縊外。王更一。李一寧等十五人。應照謀叛律。

立斬。為從梁必貴等十五人。應擬絞監候。其脅從尚可務等二十四人。并亢珽之弟亢珩。發三姓等處給披甲人為奴。從之。庚寅。兵部等衙門議覆廣東廣西總督楊琳疏言。粵東沿海要地。以廣惠潮三府為重。而三府之內。惠潮尤甚。敬陳防閑巡緝之法。一統巡職任之宜。分路也。南澳為閩粵交界。應令南澳總兵官瓊州水師副將為統巡。派出標員為分巡。專巡本營洋面。外自南澳而西。平海營而東。為東路。自大鵬營而西。廣海寨而東。為中路。自春江協而西。龍門協而東。為西路。各令總兵官副將為統巡。標員營員為分巡。每年輪班巡查。一外洋戰船之宜添撥也。請於澄海協裁船六隻。添造趕繒大船二隻。於大鵬營內撥出船二隻。歸澄海協。春江協添造趕繒大船二隻。碣石鎮改造船二隻。庶巡哨不致缺船。一內河哨船之宜勻設也。請裁順德等營內河哨船一十八隻。以十六隻移設左翼鎮。標左右二營。每營各分八隻。以二隻移設新安營。一水師要汛之宜添兵也。海門營達濠營經制弁兵撥守礮臺之外。出巡守汛不敷應用。應於督撫將軍提鎮等標二十營內。每營各裁出兵丁四名。又將新會營裁出把總二員。臣標右營內裁出把總一員。添補海門達濠兩營。再海門營並無額設馬匹。應裁達濠營馬匹添。

設海門營一濱海要地之宜駐官也查潮州府饒平縣屬之黃岡雖設有副將不便理民事而文職止有巡檢一員不能駕馭請將潮州海防同知移駐黃岡海陽縣屬之菴埤奸匪潛匿縣令隔遠難於兼顧請將海陽縣縣丞移駐菴埤一遠地協將之宜屬鎮也請將瓊州水師副將歸瓊州總兵官管轄龍門水師副將歸高州總兵官管轄俱應如所請從之○

刑部等衙門議覆刑部尚書張廷樞等察審河南閭鄉等縣官員私行科派以致賊首亢琰等拒敵官兵一案閭鄉縣令白澄以火耗等項借端取銀六萬五千兩宜陽縣令張育徽以馬價等項借端取銀四千零五十兩俱應擬絞監候河南

聖祖實錄

卷二七八

聖祖實錄

卷二七八

府知府李廷臣私派濫徵同武弁緝賊并傷良民應擬斬監候。原任巡撫李錫澂變地方應斬立決。查李錫李廷臣白澄張育徽俱發往甘肅効力。事完之日另行請旨。布政使張伯琮迎合李錫私動庫銀又失察屬員科派現任巡撫張聖佐未將賊情奏聞又不嚴加緝捕總兵官馮君洗不盡力緝賊俱應革職。馮君洗所有拖沙喇哈番亦應革退。得旨張伯琮張聖佐俱著革職。馮君洗著革退。總兵官留伊拖沙喇哈番餘依議。辛卯

上幸熱河命皇三子和碩誠親王允祉皇七子多羅淳郡王允祐皇八子多羅貝勒允禔皇九子固山貝子允禧皇十五子

允禩皇十六子允祿皇二十子允禕隨駕是日啟行駐蹕湯泉吏部議覆戶部尚書穆和倫將戶部收納錢糧隨平餘銀並未據實陳奏應降五級調用從之。陞大理寺少卿吳梁為太常寺卿。予故原任吏部右侍郎仇兆鰲祭葬如例。壬辰陞貴州銅仁副將漢都為河南河北總兵官。癸巳工部議覆廣東巡撫法海疏言廣東雷州府海康遂溪二縣有洋田萬頃逼近海潮設有隄岸包圍因年久失修以致海潮泛濫侵損民田福建巡撫陳瓊奏請修築奉旨令臣查明臣查海康遂溪二縣東洋塘隄岸十七處水閘十三處每年用土修築今改用木石大于以免隨時修築之勞應如所請令該撫修築堅固從之。○予故江西南贛總兵官韓祖斯原任四川重慶總兵官韓成各祭葬如例。○甲午調工部尚書孫渣齋為戶部尚書。○陞原任安徽按察使楊宗義為河南布政使司布政使。○乙未

孝端文皇后忌辰遣官祭

昭陵○陞直隸通州副將魏經國為江南蘇松水師總兵官

丁酉

上駐蹕南石槽地方諭禮部王阿哥等之母備位宮闈俱年及六十五十四十有餘宮中雖稱妃嬪尚未受封今封博爾濟錦氏和嬪瓜爾嘉氏淳郡王允祐之母達甲氏為妃封貝

子允禔之母瓦劉哈氏十五阿哥允禔十六阿哥允祿之母
王氏十七阿哥允禮之母陳氏為嬪爾部察例具奏 戊戌
上駐蹕懷柔縣 予故二等奉國將軍勒塞禮祭葬如例 刑
部等衙門議覆刑部尚書張廷樞等察審河南蘭陽縣白蓮
教賊首李雪臣等聚眾謀為不軌一案除李雪臣已經蘭陽
縣拏獲杖斃外為首之袁進即朱復業應照謀反律凌遲處
死郭英撫奏進為子應照謀反之祖父律擬斬立決為從之
李興邦等二十二個俱照謀反律擬斬立決孫丙等十四個
俱擬斬監候洪知所等俱發三姓等處給披甲人為奴其各
處白蓮等邪教之人行令地方官嚴查治罪從之○己亥

上駐蹕密雲縣○裁浙江分巡金衢嚴道缺 庚子

上駐蹕羅家橋○辛丑

上駐蹕遙亭○壬寅

上駐蹕巴克什營 諭領侍衛內大臣侯巴渾德等爾等保舉
外山授為領侍衛內大臣此職甚屬緊要外山多病懶惰豈
能勝任著即解退仍令在散秩大臣處行走 癸卯

上駐蹕兩間房 以輔國公阿布蘭為宗人府右宗人 甲辰

上駐蹕王家營 喀喇沁多羅額駙門都來朝 乙巳

上駐蹕花峪溝地方 丙午

上駐蹕喀喇和屯 授故奉恩將軍殷圖子鄧柱為奉恩將軍

○授一甲進士汪應銓為翰林院修撰張廷璐沈錫輅為翰
林院編修 丁未諭大學士等近見八旗補授佐領及襲職
官員俱有遲至數年未曾啟奏者此等事甚不宜遲今遲延
至此顯有情弊交與都察院查明題參其應補應襲之人著
各旗大人帶往熱河引見 宗人府題鎮國公景熙以行止
悖亂革退不準承襲應將其所屬十一佐領令伊弟公吳爾
占管轄從之

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百七十八

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百七十九

康熙五十七年戊戌五月己酉朔

上至熱河駐蹕行宮○庚戌諭大學士等曰連日望雨近見西南風起雲生隨散理合祈求雨澤著交與該部速議令京師祈雨朕於此處候部覆到日亦一體祈求○陞河南布政使楊宗義為河南巡撫以原任江蘇布政使宜思恭為河南布政使司布政使○辛亥

仁孝皇后忌辰遣官祭

陵○科爾沁和碩達爾漢親王羅卜臧滾布敦漢和碩額駙多

實錄卷二百七十九

十

爾濟拉什等來朝○癸丑以左都御史徐元夢為工部尚書

仍兼翰林院掌院學士○授故輔國將軍德儀子尚建寶為

三等奉國將軍○以故二等精奇尼哈番穆赫林孫根敦渣

卜襲職○丁巳總督額倫特疏報四月初五日拏獲聚眾敦

多卜之使人羅卜臧等八人訊稱伊等自去年正月由特幾

斯起程十月至布搭拉地方本月二十八日夜攻取大招小

招次日圍住布搭拉殺害拉藏將伊幼子及所屬寨寨等送

往策妄阿喇布坦處伊子蘇爾扎遁走為土伯特擒獲拘達

賴喇嘛於扎克布裏廟班禪仍住拉錫倫布等語將使人羅

卜臧等交主事索曼代沿途防護解往京城報聞○戊午侍

衛阿齊圖疏奏蘇爾扎之妻與從前屬下人等現在一處若可以餬口聽其自為生理若不能餬口請令青海寨桑等酌量養濟得旨據奏蘇爾扎妻既云我係婦人屬下人等不能養育且恐他人欺壓亦未可定著翰林院侍讀學士樺色領銀一千兩前往波羅冲可克地方給與蘇爾扎之妻令其辦理生業且朕差官照看伊等必無有敢行欺壓之人矣○己未兵部議覆福建浙江總督覺羅滿保疏言臺灣一郡有極衝口岸九處應修築礮臺十一座內如中路之鹿耳門為全臺咽喉出入要口安平鎮為臺灣水師三營駐劄之所舊有紅毛城一座現在補築城垣其餘等處亦現在修葺有次衝

實錄卷二百七十九

十

口岸十五處應修築礮臺一十八座再查澎湖地方實為臺灣門戶金厦藩籬有極衝口岸四處內如媽祖澳原有新城一座現在修葺其餘等處應築礮臺七座有次衝口岸五處應築礮臺三座酌量派撥官兵建造營房巡防分守以固海疆俱應如所請從之○又議覆覺羅滿保疏言福建臺灣北路之淡水雞籠地方實為販洋要路又為臺郡後門向係臺協水師左營汛地並未安兵屯駐請於臺灣各營額兵內酌量抽調兵五百名戰船六隻設立淡水營令北路營叅將管轄并請移興化城守右營守備駐防淡水於臺鎮標中營撥千總一員臺協左營撥把總一員為淡水營千把每半年輪流分

防雞籠。俱應如所請。從之。○庚申。土默特固山貝子哈穆罕巴雅斯呼朗圖等來朝。○辛酉。遣官祭

闕聖帝君。○壬戌。陞護軍參領桑尼為歸化城副都統。○乙

丑。兵部等衙門遵旨會議。河南地接六省。應設八旗。滿洲蒙古馬兵六百名。烏鎗兵二百名。駐劄開封府。設城守尉一員。

隨印筆帖式二員。滿洲旗分佐領八員。防禦八員。驍騎校八員。蒙古旗分左右兩翼。共設佐領二員。防禦二員。驍騎校二

員。管轄兵丁。應給官兵俸餉口糧馬匹草料。俱照太原駐防官兵之例給發。從之。○教漢多羅額駙羅卜臧來朝。○旌表

山西烈婦梁氏。拒姦殞命。汪寧烈女唐氏。拒姦自盡。各給銀

建坊如例。○丙寅。科爾沁扎薩克圖郡王鄂齊爾故。遣散秩

大臣已查爾等往奠。賜銀二百兩。○戊辰。諭議政大臣等將

軍傳爾丹等曾奏請大礮今一百二十觔之礮造完八位。攜

帶行走。甚是便利。駝隻亦可馱載裝載之車。已經造完。應發

往何所作何送到之處。爾等另行議奏。○陞兵部左侍郎党

阿賴為都察院左都御史。○工部議覆河道總督趙世顯疏

言老壩口王公隄等處。近因水勢變遷。危險異常。應建挑水

壩一座。加築雁翅。以資保固。清河縣中河閘旁。越河草壩年

久朽腐。急需修築。挑源縣烟墩東壩。河溜下刷。日漸坍塌。應

建挑水壩一座。談家莊埽工沙灘漸廣。直頂河心。全黃射注

隄身河底。俱係鬆沙。一遇水漲。險要非常。應建挑水壩一座。

俱應如所請。速行建築。從之。○己巳。禮部等衙門議奏。遵奉

諭旨。二阿哥福金病勢沉重。倘有不虞。其安厝成服。發引致

祭之處。照和碩福金例。行外。但和碩福金有侍衛二十名。穿

孝。今二阿哥分內。並無侍衛。將侍衛穿孝之處。應行停止。得

旨。著派侍衛三十名。令步軍統領隆科多帶往。○辛未。兵部

議覆廣東廣西總督楊琳疏。言柔佛等國番人喇哈等五十

三名。嚙囉吧番人吧甘等三名。乘船被風。飄至新安等縣。擊

碎。隨令各地方官給與口糧。養贍撫恤。但查南洋柔佛等國

俱係應禁地方。無內地商船到彼。閩粵二省。又無彼國船隻

前來。原船已遭風擊碎。是喇哈等永無還鄉之日。請給內地

船一隻。令難番附合駕歸。嗣後如有飄至內地。難番驗其原

船。可修即與修整發遣。如已破壞。難修。又無便船可附者。酌

量給發。應如所請。從之。○兵部題直隸各省。參將遊擊員缺

應將一等侍衛二等侍衛。按年分開。列遊擊都司。僉書員缺。將

三等侍衛。按年分開。列都司僉書。守備員缺。將藍翎按年分

開。列俱與記名官員。一并具題。得旨。一等侍衛著於副將開

列。餘依議。○土默特多羅貝勒阿喇布坦來朝。○壬申。夏至

祭地於

方澤遣都統宗室延信行禮○議政大臣等議覆都統法喇等疏言打箭爐之外地名裏塘向係拉藏所轄而裏塘之外為已塘近聞策零敦多卜暗通密信與裏塘營官喇嘛誘伊歸藏臣等恐被其搖惑是以行咨員外郎已特麻等速往宣布聖主威德今已輯服續據裏塘之喇嘛格隆阿旺拉木喀云準噶爾五百人已至义木多地方現今裏塘有察罕丹津所遣之寨桑居住與準噶爾暗自通謀又據護軍統領溫普密信云窺探堪布之心尚在未定理應准備臣等酌議飛咨溫普在打箭爐挑選滿兵一百名令前鋒參領伍林帕等帶領再選綠旗馬兵一百名烏鎗兵三百名令化林協副將趙弘基等率領一同前往裏塘彈壓相機擒剿又聞自裏塘以外直至西藏敬信胡必爾汗有如神明今胡必爾汗生長裏塘其父現在西寧之宗喀巴廟應傳諭其父令伊遣人轉諭營官喇嘛及居民人等使知駐兵裏塘乃

實錄卷二七九

五

聖主保護胡必爾汗之本鄉不使賊人驚擾並無他故則裏塘已塘便為川省邊隘等語查裏塘距打箭爐甚近义木多地方距裏塘亦不甚遠應如所奏即派前鋒參領伍林帕等看守裏塘偵探信息並曉諭察罕丹津所遣之寨桑告以準噶爾之殘虐致干天討若义木多地方果有準噶爾之兵前來令伍林帕等詳加計算即便酌量行事從之○甲戌朝鮮國

王李煊以

孝惠章皇后喪遣使進香賞賚如例○丙子喀喇沁多羅杜楞郡王伊達木扎卜和碩額駙納木賽等來朝○丁丑陞貴州定廣副將陳亦為江西南昌總兵官○工部議覆河道總督趙世顯疏言瓜洲花園港一帶埽子因對岸沙灘挑溜北徙伏秋水發甚屬危險應建長隄一道以為重門保障捍禦伏秋驟漲之水應如所請從之

六月戊寅朔己卯議政大臣等遵旨議覆振武將軍公傅爾丹奏請大礮

聖主特計其攜帶行走便利駝隻便於馱載今造礮現得八位

實錄卷二七九

六

請分送阿爾泰巴爾庫爾兩路將軍軍前令工部派賢能章京二員馳送得旨今年既不進兵現今雨水之時難以送到俟地凍時將朕新造礮八位送往將軍傅爾丹等處每旗給礮一位其將軍富寧安處令將大將軍費揚古出征帶往八旗之大礮八位送去○庚辰遣翰林院檢討海寶編修徐葆光諭祭琉球國故中山王尚貞尚益並冊封世曾孫尚敬為中山王教諭曰朕惟昭德懷遠盛世之良規修職獻琛藩臣之大節輸誠匪懈寵賚宜頒爾琉球國中山王世曾孫尚敬屬在遐方克抒丹悃遣使齎表納貢忠盡之忱良可嘉尚是用降敕獎諭并賜王文綺等物王其祇承並勵忠貞以副朕

眷○旌表安徽烈婦卜氏殺身全節給銀建坊如例○辛巳
命學士長壽往查寧古塔兵丁所借倉糧○壬午議政大臣
等議奏據靖逆將軍富寧安奏稱臣一路之兵擇於七月二
十一日臣親率領起程裹帶行糧襲擊至烏魯木齊收回等
語又據振武將軍公傅爾丹等奏稱烏圖河泊克薩里等處
並無東安阿喇布坦之人若由布喇罕一路襲擊倘不深入
賊眾或未必就擒不如由布婁兒一路直至額爾齊斯河逼
近賊界可行襲擊臣擇七月十三日由汛界起程等語但近
將策零敦多卜差往青海台吉等處之使者帶來著伊傳旨
曉諭策妄阿喇布坦令其差人回奏今澤卜尊丹巴胡土克
坦自言

大國皇帝寬洪如海恕我之非去年邊境領兵之將軍等不行
具奏統兵三路前來蒙

聖主洪恩隨頒諭旨將兵撤回甚屬懽慰等語應將今年襲擊
之兵暫行停止俟伊回奏視伊情形如有不順明年再行進
剿應行文兩路將軍喂養馬匹整理器械又須預防其奸詐
將汛界加謹防守從之○癸未湖廣道御史黃叔瓚疏叅河
南學臣查嗣庭南陽鎮臣高成會疏保留河南革職巡撫張
聖佐捏稱八府一州士庶感戴應將查嗣庭高成救部議處

實錄卷之九

七

實錄卷之九

八

得旨朕聽政之餘每面諭九卿詹事科道朕自幼時讀性理
諸書凡通套虛文及一應稱頌典故除文章詩賦外切不可
用之於辦事今黃叔瓚所奏八府一州軍民之處即現成文
章也前保奏嚮禮張伯行之人皆云兩江人等翕然稱善即
罷市三日籲請題留三日之內兩江何由盡知且高成素不
識字或係微賤之人代筆高成亦未必解張聖佐為人謹慎
到任即遇此事因無能罷斥原不似李錫之貪惡黃叔瓚或
特叅查嗣庭以及高成或特叅高成以及查嗣庭俱不可知
這所奏知道了○兵部議覆江南江西總督長鼎疏言松江
府上海一邑離海口僅五十餘里洋船水手人等良頑不一
更有居民漁戶貿易小船往來不絕或有偷運米糧送至洋
船俱未可定查上海城中惟守備一員千總一員把總二員
兵二百七十五名分防之外存城無幾實不足彈壓巡查請
將提標右營官兵移駐上海就近管轄其原駐上海之黃浦
營改為水師營添設大沙船三隻哨船四隻專在海口巡查
均應如所請從之○刑部議覆刑科給事中永福條奏查定
例奉天將軍擊獲偷創人參未得者亦解送刑部審結但盛
京與京師相隔千餘里官兵解送復又遞回不無耗費且此
等偷創人參未得者俱係微末窮人較偷創人參已得者之
重罪委係不同請免其解送刑部交與盛京刑部奉天府府

尹衙門照例審結年終彙題。應如所請。得旨。倫創人參未得人犯案件。不可交於彼處究審。每年七月。自京派出堂官一員前往會同將軍府尹究審具奏。俟冬季人參過完之日。再令回京。丙戌。予故歸化城副都統齊武祭葬如例。己丑。上覽原任大學士李光地遺疏。論大學士等曰。李光地屢經求退。其奏摺已呈覽數次。因大學士王拔患病告假。故暫止其奏。俟王揆到閤時。令其具本奏請。並非李光地貪戀官職。而借以為名也。前摺衷心畢露。甚是詳明。今覽遺本。因陡染重疾。辭不達意。深可憫悼。前摺既經朕覽。即係奏明。故將前摺自京取來。與伊遺本一并批發。○命皇五子和碩恒親王允

祺內大臣公馬爾賽往奠故大學士李光地茶酒。賜銀一千兩。又命工部尚書徐元夢等。自熱河回京。護其喪事。癸巳。皇三子和碩誠親王允祉恭請

上幸王園進宴。命刑部將一切枷鎖人犯。俱遵往例釋放。減等。甲午。議政大臣等議。覆侍衛色楞額奏。臣近接總督額倫特書信內云。奉旨差涉。布往察罕丹津處。令伊遣人將準噶爾之兵誘來。俟所遣之人回信。然後進兵。臣愚以為。準噶爾殘害西藏。彼處人民懸望我師。如望雲霓。豈能刻緩。況聞準噶爾兵眾散處無紀。伊等伎倆。不過暮夜襲營。偷盜馬匹而已。臣所統兵丁二千有餘。器械堅銳。馬肥餉足。今於五月

十三日。已至穆魯斯烏蘇地方。值今河水淺涸。策鞭可渡。又探得距此五百里。現有準噶爾之哨兵。正當乘此機會。剿滅賊人。收復藏地。若復駐留。以俟額倫特兵到。恐需遲時。日口糧告罄。進退兩難。臣故不能延待。隨即陸續進兵。觀此所奏。甚是應令。色楞沿途小心相機行事。再行文額倫特等。亦作速進兵策應從之。乙未。陞協領鄧起章為西安副都統。兵部議覆雲南貴州總督蔣陳錫疏言。滇省蠻獍僻居山菁。其中有土苗不法。煽誘相殘。雖旋令解散。但距武定府之祿勸州甚近。羣性巨測。必須設立一汛。駐守彈壓。戢寧內地。請撥武定營馬兵三十名。步兵二百二十名。並附近之杉松營兵一百五十名。委守備一員。千把各一員。駐汛防守。庶地方可以永靖。應如所請。從之。戊戌。以故鎮國公額爾圖子愛音圖襲爵。三等精奇尼哈番保壽因病解退。以其親弟佛佑襲替。陞廣西按察使孔毓珣為四川布政使。司布政使辛丑。兵部議覆四川巡撫年羹堯奏。言裏塘地方。今因拉藏被害。無所統屬。臣等飛咨護軍統領溫普等。速選滿漢官兵前赴裏塘駐防。請設驛站。以速軍機。自打箭爐以至裏塘。應添十站。每站設馬六匹。照打箭爐養馬之例。倍付草料。另撥銀兩支給。應如所請。從之。甲辰。吏部題大學士李光地員缺。請旨補授。

上曰該部誤矣向來大學士病故必遲一兩旬然後題補著過
一月再列名具奏戶部議覆山東巡撫李樹德疏言山東
邱縣因漳河遷徙衝決南北羅村等處被淹地畝二百三十
九頃二十四畝有奇請將銀兩麥米准予豁免應如所請從
之丁未以原任江蘇按察使焦映漢為廣西按察使司按
察使吏部議覆福建浙江總督覺羅滿保疏言沿海各處
口岸各派弁兵防守撥文官查驗獨浙江嘉興府屬乍浦地
方為各處商漁船隻聚泊之區雖設有守備千總而文職止
一巡檢不足以資彈壓請移嘉興府同知駐劄乍浦協同武
職盤驗船隻嚴拏奸匪應如所請從之杭州副都統白道
隆以病乞休允之工部議覆河道總督趙世顯疏言徐州
黃河南岸黃家莊險工大溜頂衝遇水暴漲埽箇墊陷宿遷
縣黃河南岸蔡家集險工河流南徙直射隄根請各建挑水
壩一座以保隄工高家堰山圩一帶石工因上年湖水異漲
以致倒卸張裂請乘時修築以衛民生應如所請得旨依議
速行賜哈密兵丁衣服四百襲阿霸琿輔國公德木楚
克來朝

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百七十九

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十

康熙五十七年戊戌秋七月戊申朔享

太廟遣都統宗室延信行禮○庚戌吏部題一等阿思哈尼哈番又一拖沙喇哈番佟維藩故應銷去恩詔所得三拖沙喇哈番餘三等阿思哈尼哈番以其子佟桂承襲從之○工部議覆河道總督趙世顯疏言臣等遵旨察勘沛縣歷年被水情由蓋山東金鄉魚臺二縣之水由沛縣之昭陽湖應微山湖從荊山口出貓兒窩流入運河近因荊山口十字河一帶年久淤墊兼加雨水渾積以致低窪田地被水淹沒應將十

中書奏

+

字河一帶沙淤之處循舊河形酌濬深通俾水暢流下注不致淹浸民田又於十字河之上建築草壩一座若遇運河水淺即令堵塞俾水全歸微山湖出湖口閘以濟漕運則民田漕運兩有裨益又詢據土人云沛田豐被水淹總因東省運河南岸之徐家營房一帶堤工單薄每遇山水大漲下注沛湖請令山東巡撫將徐家營一帶堤工幫築寬厚以利民生均應如所請從之○免江南沛縣康熙五十六年分水災額賦有差○予故文淵閣大學士兼吏部尚書李光地祭葬謚文貞○壬子諭大學士等三阿哥福金秉資淑孝賦性寬和作配二阿哥以來辛勤歷有年所今忽溘逝凡在內知其懿

中書奏

+

範者無不痛悼其祭文該部未敢奏請今爾等可同翰林院撰成祭文交與該部俟秋後致祭并將祭儀酌行○甲寅刑部等衙門題據署理奉天將軍唐保柱疏報正白旗三太等控告王秀德等假造私票多放人數偷創人參一案供連寧古塔副都統麻漆請遣大臣前往審理得旨著禮部侍郎羅瞻工部侍郎王懿去○陝西平涼府屬靜寧州等處地震遣刑部侍郎李華之副都御史楊柱前往賑濟○乙卯翁牛特多羅杜楞郡王和碩額駙蒼津來朝○丙辰喀爾喀固山額駙功額拉布坦來朝○丁巳

孝懿皇后忌辰遣官祭

陵○喀爾喀澤卜尊丹巴胡土克圖遣使請安○己未兵部等

衙門議覆四川巡撫年羹堯等疏言喇嘛鄂穆布年扎卜向住墨裏廟係阿王滾住克之弟子原任提督岳昇龍剿撫打箭爐之時阿王滾住克曾獻墨裏地方岳昇龍恐係拉藏所屬未准今拉藏已被準噶爾之兵殺害而鄂穆布年扎卜將所屬墨裏地方誠心投順應收納給印於建昌邊境地方有

益應如所請從之○壬戌中元節遣官祭

永陵

福陵

昭陵

暫安奉殿

孝陵

孝惠章皇后陵

仁孝皇后

孝昭皇后

孝懿皇后陵 諭大學士等發往黑龍江三姓地方之人俱因
兇惡發遣人亦日多若發在一處必致生事行兇此後停其
發往著發喀爾喀和卜多烏爾古木地方彼處水土甚好著
築城安插令其開墾耕種八旗每佐領派護軍披甲各一名
於八月內馬匹肥壯時前去駐扎彼處看守二年一換其沿

途驛站甚屬緊要每站應預備車輛毋致犯人勞苦著交與
議政大臣會同九卿議奏○總督額倫特疏報臣先經與侍
衛色楞額商議穆魯斯烏蘇河水方漲未易過渡探知多倫鄂
羅木地方有七叉河可渡色楞額統兵先去臣於此間擇水草
好處稍息兵馬隨後趲行六月十八日臣統兵自穆魯斯烏
蘇起程至圖爾哈圖地方駐扎見河水雖深中流甚緩因製
造皮船於三日內兵馬齊渡至七叉河處候尋色楞額並無兵
馬渡河蹤跡路過運米回子達爾漢白克告云運米未到之
先遣人尋向色楞額通知其人自七叉河過去六日杳無消息
近聞色楞額自拜圖地方前往等語但自七叉河至拜圖山嶺

險峻無路可通若將兵馬調回改趨拜圖之路往返須二十

餘日勢難與色楞額同路臣於六月二十四日自七叉河向庫

庫塞一路進兵沿途整肅行伍遠設哨探若與賊兵相遇則

奮力剿滅若前至博克沙克地方遇見色楞額之兵則會同前

進報聞 癸亥刑部遵旨將各部院堂官開列請派往盛京

審理偷創人參未得之人各案得旨著刑部侍郎周道新大

理寺卿覺羅常泰去 蘇尼特多羅杜楞郡王達理扎卜輔

國公羅雷吳喇忒輔國公垂扎木素阿霸哈納固山貝子班

珠爾等來朝○甲子厄魯特多羅郡王額駙策零旺布和碩

額駙色卜騰等來朝○乙丑戶部議覆福建浙江總督覺羅

滿保疏言各省往來臺灣船隻經臣題明必令到廈門盤驗

送但查從前自臺灣往各省貿易船隻俱從外洋直至停泊之

處赴本處海關輸稅至於中途經過之所不便一貨兩徵嗣後

各省商船遵例來廈就驗除收泊廈港貿易者照舊報稅如收

泊江南浙江各省貿易者仍聽其彼處海關報稅其中途經過

之廈門關稅免其增添應如所請從之 戊辰工部議覆河道

總督趙世顯疏言宿遷縣黃河北岸葉家莊因大流北徙新增

險工請建築魚鱗壩三座淮城西門外文渠小石閘因水漲衝

裂請將衝裂處築挑水壩越壩更於舊閘分水之下接連添造

新石閘一座均應如所請從之 辛未兵部議覆四川巡撫年

羹堯疏言河西宣慰司故土官蛇蜡喳吧之土婦工喀病故並無應襲之人請將蛇蜡喳吧嫡女桑結承襲應如所請從之

扎魯特鎮國公蘇里來朝 旌表山東烈婦孫氏拒姦被殺給

銀建坊如例 癸酉科爾沁和碩端敏公主來請安 科爾沁

和碩達爾漢親王額駙羅卜臧滾布來朝 甲戌諭大學士等

河南南陽總兵官高成標下兵丁因查拏賭博人等至知府署

內爭鬧將知府沈淵檯至教場看守三日巡撫業已奏聞御史

楊汝毅一聞即行題參甚是聞此等人俱係說冒營兵夥同二

三百人詐擾百姓不獨河南一省他省俱有之其行文各省督

撫提鎮伊等地方有此等並不食糧說冒營兵夥要行不法

之人嚴查據實奏聞其作何禁約治罪之處著九卿議奏

禮部等衙門議覆都察院左都御史蔡升元疏言

皇上親閱河隄指示方畧淮黃底定漕運無虞商民永賴至於

翠華時巡察吏治訪民俗諮問必周躬養必納聖德神功洵可

為萬世法恭請編纂省方盛典一書以光至治應如所奏設

局纂修從之 兵部題各衙門効力人員至推選時每有弓

馬生疎年力衰邁之人請於單月考驗弓馬觀其年貌如有

衰老病廢不堪者題明勒令休致其有軍功帶傷之員雖年

老仍行推用從之 阿霸垓多羅卓禮克圖郡王扎木巴爾

扎卜來朝 乙亥奈曼多羅達爾漢王額駙垂忠來朝

八月丁丑朔遣大學士萬祀祭

先師孔子 以前鋒參領初爾薩為

孝陵總管一等侍衛庫爾禪為

陵寢總管 工部議覆江南江西總督長蘅疏言江南地方為

江海要區額設大小船隻皆為巡江巡海所必需一日不宜

空缺所有各營船隻同時設造大修小修亦往往同時無有

更替恐悞巡防請嗣後各營船隻修造屆期先修一半仍留

一半在汛巡防以俟續修又修造之時令布政使確驗不許

承修官員剋減工料如所造之船不堪將承修承勘各官參

處賠修如有捏報當修冒領工價者將捏報營官參處均應

如所請從之 巴林固山貝子扎什那木塔爾來朝 戊寅

祭

大社

大稷遣都統宗室延信行禮 喀喇沁和碩額駙納木賽阿壩

垓多羅郡王巴特瑪滾楚克來朝 辛巳諭大學士等覽廣

東巡撫法海請安奏摺語意異常似病瘋顛去歲

皇太后升遐並不摺奏請安豈彼時未聞朕躬欠安耶又聞伊

病噎膈總不出見一人九卿眾大臣以為何如著問明議奏

○壬午黑龍江將軍托留等疏報六月初九日夜索倫地方

山水突發衝沒人口牲畜及房屋地畝請將倉內米石動支

借給得旨見今戶部帶來銀兩內動支一萬兩遣學士副都統戶部賢能司官各一員速行前去將被災人口牲畜查明酌其輕重散給其需用米石著照該將軍等所議行○癸未上命內閣學士渣克旦副都統薩爾禪等前往索倫賑恤諭曰索倫人等効力圍場甚屬年久亦有見在出兵之人今被水災朕甚惻然令爾等前往散賑爾等會同將軍副都統將被災之人逐一查明無房屋者即給房屋無衣服者即給衣服務令均沾實惠以副朕軫恤至意○兵部議覆福建浙江總督覺羅滿保疏言駐防福建四旗兵共二千名其外尚有壯丁二千餘名不得披甲應於四旗壯丁內挑選三百名分發

將軍總督巡撫標下各一百名遇有各營缺出陸續驗補如四旗內遇有撥什庫缺出仍許其掣回拔補應如所請從之○刑部等衙門議奏鑲藍旗逃棍孟光祖捏稱誠親王差遣經歷各省誑騙財物應即凌遲處死得旨孟光祖著改即處斬○甲申旌表浙江東陽縣任君實女任氏因逆奴調戲憤激自刎貞烈完名給銀建坊如例乙酉

太宗文皇帝忌辰遣官祭

昭陵○丙戌吏部題貢監赴臣部考職者應交與九卿公同考試如有試卷與親供筆跡不同者察出從重治罪從之○先是二等侍衛泰雲等首告司庫保住等侵盜庫銀

上命領侍衛內大臣公鄂倫岱侯巴渾德會同九卿查審至是

議覆保住等侵盜庫銀一案查審情實伊等俱係庫官數次

侵盜庫銀至四萬九千一百五十兩應將司庫保住烏林人舒青格德世顯德星額照侵盜錢糧例擬斬監候從之○丁

亥

太祖高皇帝忌辰遣官祭

福陵○戊子

上行圓自熱河啟行命皇三子和碩誠親王允祉皇十五子允禩皇十六子允祿皇二十子允禔隨駕皇十四子固山貝子允禔自京師至亦令隨行是日駐蹕黃土坎○阿祿科爾沁

多羅貝勒汪扎爾來朝○己丑

上駐蹕湯泉○以鄂爾多斯故多羅郡王董羅布子薩克巴襲爵○庚寅

上駐蹕中關○翁牛特鎮國公索訥穆來朝先是四川巡撫

年羹堯疏言川省地居邊遠內有土司番人聚處外與青海

西藏接壤最為緊要雖經設有提鎮而選取兵丁別省人多

本地人少以致心意不同難於訓練見今駐扎成都之荊州

滿洲兵丁與民甚是相安請將此滿洲兵丁酌量留於成都

省城西門外空地造房可駐兵一千若添設副都統一員管

轄再將章京等官照兵數量選留駐則邊疆既可宣威內地

亦資防守第今正值用兵之時應將此事暫緩其修葺城牆蓋造兵丁住房之處理應預為料理得旨年羹堯欲於四川地方設立滿洲兵丁似屬甚是著議政大臣等會議面奏至是議覆川省設防滿洲兵丁一千恐不敷於調遣防守應再添六百名俟軍務畢時令巡撫年羹堯會同副都統寧古禮將見在四川駐防之二千荆州滿洲兵丁內照數撥派二旗合設協領一員每旗各設佐領二員施沙喇哈番品級章京各二員驍騎校各二員留駐四川再添設副都統一員管轄其蓋造兵丁住房等項交年羹堯預為料理從之○辛卯上駐蹕博洛和屯○壬辰以原任浙江按察使楊宗仁為廣西

按察使司按察使○厄魯特和碩額駙色卜騰旺布蘇尼特多羅貝勒西禮來朝○旌表直隸烈婦張氏拒姦殞命給銀建坊如例○甲午禮部尚書宗室鎮國公吞珠故賜鞍馬二匹散馬二匹銀二千兩發引時遣皇五子和碩恒親王允祺往送○乙未

上駐蹕唐土溝地方○吏部等衙門議覆都察院左都御史蔡升元條奏五款一督撫參處郡縣之本章有可裁省者如交代遲延承緝不力承追不力俱不必具本題參各照定例咨明各部處分該部彙題完結一督撫審擬案件有宜駁正者如所引律例不符或前後情詞互異經部院衙門駁回令其

詳審該督撫恐承審各官有失入失出之罪而伊等亦自涉朦混之愆遂始終徇庇不即改正嗣後部駁再審事件該督撫務虛心細按律例將糾錯處即行改正具題其承審官從前錯擬免其議處若始終不行改正令該部院衙門提取全案覆核改正將承審各官及該督撫並交部議處○六部侍郎開列之例有應畫一者查吏部侍郎有一兼學士銜者缺出開列禮部左右侍郎內閣學士翰林院掌院學士講讀學士正少詹祭酒共十七員有一不兼學士銜者缺出開列兵刑工四部侍郎副都御史共十員又禮部左右侍郎缺出開列內閣學士翰林院掌院學士講讀學士正少詹祭酒其戶兵刑工四部侍郎缺出開列副都御史宗人府府丞通政使大理寺卿是由翰林院出身者以十五員而陞兩缺由京堂出身者以五員而陞八缺不無稍偏嗣後凡遇有六部侍郎缺出不論翰林京堂應陞官員通行開列一刑部罪輕之犯有宜從寬者查拏送人犯到當月司官處即行收監因案內人犯提拏不齊遂至遲延時日直至審結擬罪方彙題發落此等輕罪人犯久禁獄中似屬可憫嗣後部中監犯凡徒罪以下不必監禁獄中交與該佐領及地方官保出候審俟刑部審結具題後即行發落一五城兵馬司之奉行牌票有宜禁飭者查五城司坊官拘拏人犯差役紛繁究其所奉牌票衙

門甚多嗣後五城司坊官奉行牌票除提督及部院堂官通政使司大理寺堂官順天府府尹本城御史批發事件外其各衙門不得擅行牌票交與司坊鎖禁人犯均應如所請從之九卿遵旨議覆查假冒營兵生事擾民之故皆由該管武職平日不行嚴查遇有兵丁缺出不肯充補侵蝕坐糧橫行科派所致嗣後各省督撫提鎮務須嚴飭各營該管官痛改積習遇兵丁缺出從公速補應領糧餉照數給發將此冒充之人嚴查逐逐如有不法之徒生事擾民挾制官長者該地方官審非食糧兵丁即分別首從照光棍律治罪若係見在食糧兵丁亦照此例一體治罪如該管武職不嚴行稽查

中載本書

上

或被文官揭報或被百姓告發將該管專汛官革職兼轄統轄武職降四級調用提鎮不行題參降二級調用該地方文職知情不報降二級留任該管道府不查明轉報降一級留任督撫不行題參罰俸一年各該省督撫提鎮每年仍具有無此等人印結於年終奏報從之刑部等衙門會審原任浙江黃巖總兵官革職仇機潛往京師訛詐官民罪款昭著應將仇機照光棍為首例論斬立決從之福建浙江總督覺羅滿保疏奏浙江熟革舉人陳鳳墀科場作弊一案察審陳鳳墀供連正主考索泰請差部院堂官往浙江審理得旨著禮部左侍郎王思軾大理寺少卿金應璧前往會同該督

嚴審定擬具奏○丙申

上駐蹕張三營喀爾喀鎮國公額朱卜多爾濟來朝○丁酉扎魯特多羅貝勒阿諦沙來朝○戊戌

上駐蹕宜孫喀布齊祿地方○己亥

上駐蹕哈克什圖畢喇地方○庚子

上駐蹕漠音昂阿地方○諭大學士等聞今年安徽所屬地方出蛟發水甚是傷民前日曹瀕家人來奏晴雨錄詢問是實總督巡撫雖未啟奏朕既聞知心切軫念京中有安徽地方官員著九卿速行問明○辛丑

上駐蹕昂巴西爾哈納林西爾哈交界地方○壬寅

實錄本書

上

上駐蹕克勒烏里雅蘇台○科爾沁土謝圖親王鄂爾齋圖卓禮克圖親王巴特麻達爾漢親王額駙羅卜臧滾布郡王諾門額爾赫圖伊錫班第羅卜臧喇錫公巴圖圖努滿爾土默特貝勒阿喇布坦貝子哈穆罕巴雅斯呼朗圖杜爾伯特貝子沙金等來朝○鄂爾多斯多羅貝勒甘珠爾故遣官致祭○癸卯

上駐蹕西拉諾海地方○乙巳秋分夕

月於西郊遣都察院左都御史黨阿賴行禮

上駐蹕烏喇岱地方

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百八十

實錄卷二百八十

十一

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百八十一

康熙五十七年戊戌閏八月丙午朔總督額倫特疏報七月
十六日臣等自門贊西里克起程至齊諾郭爾地方安營十
七日四更時分賊兵衝逼營盤臣即遣遊擊王汝載等率兵
進擊賊衆大敗賊人又自來自南齊進臣親統弁兵與賊對
敵鎗礮並發自寅至巳賊敗下山坡臣等追擊十餘里見賊
兵多而官兵少四面山溝俱有可通之路恐有埋伏未曾窮
追所獲被傷一賊訊稱賊酋托布齊杜喀兒二人率兵四千
由喀喇烏蘇河西小路而來臣即移咨公策旺諾爾布統兵
速來接應臣仍相度機宜渡過喀喇烏蘇前往狼臘嶺若與色
楞相遇則會兵前進倘不相值再隨機而行得旨據奏大敗
厄魯特賊兵傷殺甚多等語額倫特率領兵丁頗少直抵從
古未到之絕域奮勇直前建立膚功殊非尋常軍功可比見
今賞賚軍前人等家屬外事定後著從優議敘侍衛色楞
疏報唐古特人等原係達賴喇嘛所屬之人自去年被厄魯
特賊衆奪其牲畜擄其婦女擾害難堪是以晝夜懸望大兵
救援一聞大軍前至莫不歡躍投誠為首台吉卓里克圖之
子博音馬松台吉丹津綽音達克等率衆來降但臣未知額
倫特由何路進兵因將新滿洲侍衛諾里爾達等派出令投

實錄卷二百八十一

十二

誠之沙克扎寨桑為嚮導前往偵探額倫特信息今已得回
文臣在喀喇烏蘇候伊來到合兵一處前進達穆地方下所
司知之 丁未侍衛色楞疏報七月二十日臣等統兵至喀
喇烏蘇安營二十一日隨據新降台吉博音馬松等報稱見
在厄魯特賊人在伊地方勒索口糧謀擊我兵臣即率領滿
洲綠旗兵丁分列三隊前往截殺賊衆衝抵我師分道夾擊
連敗之奪其三處山梁賊兵竄走臣隨統兵追殺二十里斬
戮賊兵二百餘人受傷者甚衆得旨該部從優議敘 烏朱
穆泰和碩車臣親王色登敦多卜科爾沁和碩額駙多爾濟
來朝 庚戌

上駐蹕布爾哈蘇台 辛亥

上駐蹕已頤和洛 壬子刑部侍郎李華之等疏報陝西平涼
府屬靜寧等州縣地震臣等遵旨賑恤今總督鄂海續報鞏
昌府屬秦州等五州縣地震臣等往勘如果災重亦應賑恤
得旨此續報秦州等五處地震亦著察明散賑 乙卯議政
大臣等議覆和卜多烏闌古木等處築城駐兵護衛喀爾喀
令發遣之人種地謹奉諭旨遵行外查將軍傅爾丹祁里德
等見在彼處駐扎年久深知地方形勢應行令將軍傅爾丹
將和卜多烏闌古木等處果宜築城墾田及蓋造房屋之處
一并詳看具奏至於設立驛站甚屬緊要查自殺虎口至和

卜多烏闌古木地方均宜設立驛站其車輛馬匹亦應照例
添設但未便懸擬請遣堂官一員前往會同詳視確擬具題
到日再議得旨依議見今員外郎保住在彼不必另遣堂官
其築城墾田添設驛站等項俱交與保住會同將軍詳議具
奏 己未

上駐蹕得爾吉惠漢地方 庚申

上駐蹕克爾木台地方 辛酉兵部議覆先經都察院遵旨題
叅八旗都統副都統等咨送補授佐領承襲世職事件遲延
交與兵部定例按其遲延年月分別嚴加察議今議都統副
都統以下咨送事件遲延三年以上者應罰俸三年遲延二

年以上者應罰俸二年遲延一年以上者應罰俸一年通行
吏部八旗遵行從之 壬戌

上駐蹕永安拜昂阿地方 癸亥裁福州將軍衙門筆帖式二
員 丁卯

上駐蹕額勒蘇台達巴漢地方 以喀爾喀故輔國公雲敦林
臣子巴蘇襲爵 戊辰

上駐蹕胡魯蘇台地方 諭戶部朕臨宇五十七年凡師行轉
餉及災疫偶見靡不座懷憂切蠲免賑濟稠疊加恩蓋治安
天下惟期民生得所而欲民生得所必以敷恩寬賦為急也
三年以來因策安阿喇布坦狂逞跳梁發遣大兵屯駐西邊

一切軍興征繕雖動支正供錢糧不使累及閭閻而轉輸輓運陝西百姓勞苦急公實堪憫恤又莊浪等處地震隨經特遣部院堂官馳往察賑而用兵之後尤宜格外施仁撫綏黎庶應將陝西巡撫甘肅巡撫所屬通省各府州縣衛所錢糧米豆草束悉予蠲免目今係有軍務之時除米豆草束外其康熙五十八年應征地丁銀一百八十八萬三千五百三十六兩有奇并歷年積欠銀四萬七百五十七兩有奇著一槩蠲免爾部速行文該督撫通行曉諭實心奉行務俾均沾德惠以副朕篤念民勞拯恤災傷至意如有不肖官吏朦混私徵澤不下逮者該撫嚴察指叅從重治罪○庚午

上駐蹕克勒畢喇地方吏部議覆四川道御史楊汝穀條奏康熙五十一年行取知縣至今未補宜議疏通嗣後遇有單月主事缺出每三缺將伊等補用二人再查臣部從前咨取以五部主事補用之員亦未補用應俟行取人員補完之日亦照此例補用又五城司坊官查拏逃盜安輯居民宜照外省三年計典之例分別勸懲嗣後五城司坊官如有聲名不好者都察院查叅處分其俸滿三年果有操守清廉辦事勤敏者聽五城御史註明事實都察院查核薦舉又外任官員有因父母年老自己戀缺者臨選之時假捏過繼為辭而典史驛丞等官偶掣遠缺托名治喪回家希圖遷延另掣此弊

宜加嚴禁嗣後官員赴選該旗及該地方官所給文結內註明三代履歷有無過繼字樣如有假捏過繼捏稱治喪者本人以不孝論罪出結官一并議處從之內閣學士查克旦等疏報索倫近被水災臣等遵旨前往賑恤將索倫男婦人口傳集賞給馬牛帳房衣服銀兩其有現在出征兵丁之妻子加估給與銀兩

皇恩丕徧歡聲動地報聞 辛未遣官祭

歷代帝王 遣官祭城隍之神○壬申

上駐蹕阿納達達巴漢昂阿地方○予故杭州副都統李雄祭一次○陞福建澎湖水師副將藍廷珍為廣東南澳水師總

兵官雲南督標中軍副將馬會伯為雲南永北總兵官○甲戌

上駐蹕愛里格爾齊老地方○乙亥

上駐蹕雲特木爾昂阿地方○九卿議覆兵部奏稱直隸各省歷年驛站奏銷冊內倒斃馬匹數目多寡不一若不定額規恐不肖官員希圖冒銷錢糧捏報銷算應自康熙五十七年為始將直隸河南山東湖廣雲南貴州并盛京沙河站鳳凰城寧古塔黑龍江等處驛站地方馬匹十分之內倒斃不許過三分惟江寧安徽江西偏沅此四省之內驛站地方潮濕馬匹易於倒斃不許過四分應如所請從之

九月丙子朔

上駐蹕特木爾達巴漢地方 命吏部添設蒙古旗分御史二員六部郎中六員員外郎八員主事六員按俸分擬正陪具題引見 丁丑

上駐蹕張三營 戊寅

上駐蹕唐土溝地方 己卯

上駐蹕中關 諭議政大臣等在噶斯一路駐扎之阿齊圖等帶領兵丁一千業已進藏所剩兵丁一千有西安之佐領禪播等帶領駐扎柴旦木地方今屆秋時探知策零敦多卜等設兵處便可發大兵進剿若謂彼兵趁冬雪之際輕兵來至

噶斯一路驚擾青海而遽將進取西藏之兵撤回噶斯則彼且謂得計亦未可定朕意駐扎肅州之總兵官李耀漢仗好今聞住肅州若令李耀帶領兵丁前赴噶斯今冬在彼防守似有裨益爾等公同確議具奏尋議覆噶斯地方甚屬緊要若止添撥李耀之兵五百名為數尚少見今西寧駐扎兵多應將都統阿爾納帶至西寧之滿洲兵八百餘名發往柴旦木地方駐扎給與烏鎗火器等物甚為得用其副都統唐色患病留在西寧俟病痊聽調外令都統阿爾納至柴旦木地方統轄滿洲綠旗兵丁與總兵官李耀護軍叅領神保公同商議行事則防守之兵既增兵勢而此方水草良便馬匹亦

可過冬又穆魯斯烏蘇之地除副都統宗查布等之兵外更無兵駐扎其間所設各站兵數尚少不無盜竊馬匹以及斷截文郵之事且陸續解送大兵糧餉亦屬可慮應將甘肅撫標烏鎗步兵六百八十名派往除古木一站另有土司兵三百名駐防外其餘十七站各添設兵丁四十名以資防守從之 又諭山西巡撫及平陽總兵官大同總兵官各標下著派步兵一千名令副將叅將等管轄發往甘州若明年進兵可用之於看守之處此發往之兵各賞給銀兩 庚辰

上駐蹕馬華營 福建巡撫陳瓚以病乞休溫旨慰留之 封

固山貝子允禧女為郡主授其婿色布騰旺卜為和碩額駙

○予故禮部尚書宗人府左宗人鎮國公贈貝子品級吞珠祭葬立碑諡恪敏 辛巳

上駐蹕黃土坎 壬午

上駐蹕熱河行宮 癸未 理藩院題杜爾伯特貝子沙津呈稱本旗地方連年亢旱米穀不收牛羊倒斃兵丁人民逃亡於黑龍江郭爾羅斯等處餬口或致典身與人度歲者六千有餘理合奏聞得旨額制兵丁何可聽其逃亡著動庫帑贖回其被災人民逃亡者亦著盡數收回動支齊齊哈兒倉糧賑濟至於蒙古全賴牛羊為生若盡倒斃何以度歲著動庫銀給與窮苦台吉人民辦買牛羊爾衙門速派司官前往辦理

○禮部議覆廣東廣西總督楊琳疏言安南國進貢陪臣阮伯宗至廣西南寧府病故應照例予祭一次如欲留葬廣西令置地營葬從之○喀爾喀車臣汗遣使進九白年貢宴賚如例○丙戌以工部尚書王頊齡為武英殿大學士兼工部尚書○陞廣西巡撫陳元龍為工部尚書內閣學士渣克旦為兵部左侍郎○以鑲藍旗蒙古都統雍吉納為江寧將軍廣東高雷廉總兵官曹廷諫為廣州副都統陞參領查里渾為正白旗滿洲副都統○和碩顯親王衍潢母妃薨予祭一次○工部議覆河道總督趙世顯疏言清黃交匯之區乃係漕運咽喉最為緊要請於清口西岸舊西壩之處接築束水壩一座外以挑通黃流內以收束清水應如所請得旨依議速行○戊子以翰林院侍講學士李紱為武會試正考官侍講學士龔鐸為副考官○己丑理藩院議奏青海貝勒戴青和碩齊察罕丹津等來朝請安應照例賞賚鞍馬銀幣得旨察罕丹津當人心疑懼之際委身効順甚屬可嘉著封為多羅郡王○壬辰免甘肅涼州古浪等五衛所本年公旱災額賦有差○甲午

上自熱河回鑾駐蹕花峪溝 乙未

上駐蹕王家營 丙申

上駐蹕鞏子嶺 丁酉

上駐蹕兩間房○戊戌

上駐蹕巴克什營○陞正黃旗漢軍副都統趙珣為江南提督 己亥

上駐蹕遼寧議政大臣等議覆侍郎海壽疏言臣與將軍富寧安新舊開墾都爾白爾津土呼魯克地方以及回子扎薩克額敏所種之塔爾那沁地方種過籽粒所餘青稞各令本處修理舊倉加謹收貯看守已行文巡撫噶什圖綽奇令充兵糧其郎中蘇赫等急公耕種請約計所交穀石之多寡量予議敘應如所請從之 庚子

上駐蹕密雲縣○以科爾沁故扎薩克多羅郡王鄂齊爾子撒胡喇克襲爵○辛丑

上駐蹕懷柔縣○壬寅

孝慈高皇后忌辰遣官祭 福陵

上駐蹕南石槽地方 癸卯

上駐蹕湯泉旌表河南烈婦劉氏拒盜殞命給銀建坊如例 甲辰

上回駐暢春園 先是總督額倫特同侍衛色楞俱統兵至喀喇烏蘇地方與賊眾遇屢敗賊眾相持月餘至是復率兵進擊射死賊人甚眾矢盡額倫特猶力戰歿於陣

冬十月乙巳朔享

太廟遣都統伯四格行禮○遣官祭

永陵

福陵

昭陵

暫安奉殿

孝陵

孝惠章皇后陵

仁孝皇后

孝昭皇后

孝懿皇后陵○頒康熙五十八年時憲歷○諭大學士等今見

管佐領一二世後即爭告以為原管佐領不知八旗內原管

佐領甚少起初有帶來人丁賜給佐領者可稱原管佐領

若祖父傳至子孫所管佐領止可稱為世管佐領豈可稱為

原管佐領耶爾等會同該部查議具奏○丙午陞盛京工部

侍郎貝和諾為禮部尚書轉戶部右侍郎王景曾為左侍郎

陞宗人府府丞李永紹為戶部右侍郎○陞正黃旗漢軍副

都統托賴為鑲藍旗蒙古都統○喀爾喀澤卜尊丹巴胡土

克圖土謝圖汗遣使進九白年貢宴費如例○丁未諭議政

大臣等明歲大兵進剿將軍富寧安一路滿洲兵丁頗少宜

再增添以壯兵勢著將京城之滿洲兵每佐領派五名發往

至甘肅等處駐扎喂養馬匹整備以便臨時調遣此派往之

人每佐領派護軍二名委充護軍一名披甲二名除行圍用

過馬匹外其餘佐領下喂養之馬匹並戶部從前所買之馬

匹令其查明再令戶部將庫銀撥十萬兩購買馬駝應用○

庚戌以公阿爾松阿為領侍衛內大臣○士子陞詹事府詹

事阿克敦內閣侍讀學士德音額黑納俱為內閣學士兼禮

部侍郎○癸丑陞都察院左副都御史覺羅蘇庫為盛京工

部侍郎○陞太常寺卿吳梁為宗人府府丞○兵部題參正

紅旗漢軍都統伯噶敏圖人材不及漢仗軟弱並不勤勞供

職每以患病推諉且聲名不好應將噶敏圖革職從之○甲

寅諭吏部考試月官令作八股時文大都抄錄舊文苟且塞

責嗣後不必作八股時文止令寫履歷以三百字為限觀其

書法妍醜文理工拙則人之優劣自可立見矣○諭刑部凡

人命事朕必各案詳看方肯完結此次朝審情實各案朕欲

一一詳看覺精力不支若候從容看過再行批出則該部必

照例覆奏三次冬至以前總不能結前數年俱曾停決今年

亦著停決○丙辰命皇十四子固山貝子允禩為撫遠大將

軍○兵部議覆太原總兵官金國正疏言臣所轄地方甚屬

遼闊專汛千把弁員分防三四州縣不等不能偏歷請揀選

壯健兵丁每州縣設立一名委署把總分駐協防應如所請從之。戊午諭吏部庶吉士白子雲等教習已久今加考試應分別授職除徐陶璋傳王露已經授職外滿書庶吉士楊超魯凌如煥陳邦直胡彥顯趙城吳應榮張麟甲吳傳觀楊鳳岡蔣林汪受祺侯度薩綸錫漢書庶吉士懷淵中曹友夏陳儀李天寵厲煌成文張應造楊克茂屠洵龔棟德齡沈竹白子雲俱照例授翰林院編修檢討潘淳張鳴鈞徐學柄王承烈寶啟瑛德新著教習三年莊論書法不堪著革職己未策試天下中式武舉於

太和殿前○諭翰林院選拔庶常原以作養人材今科進士

賀錄卷一百一

上

特加簡閱取金以成潘瀚查祥陳萬策李志沅崔珪葉長楊董俊張夢徵徐本習窩吳家駒顏仔曹源郊許均伊爾敦鄂登恒宋照蕭宸捷曾元邁沈承烈徐大枚顧祖鎮劉丕謨楊爾德黃鴻中張煒杜藻夏開衡吳濤楊椿李天龍沈嘉麟李蘭鄭江王瓚康忱胡瀛嚴文在徐聚倫劉運尉張燦李士元鄭崐任際虞覺羅思強蔡曰逢卿悅王夢堯李洵李根雲嚴瑞龍解震泰雷天鐸劉燦等五十五員俱著改為庶吉士分別滿漢書教習轉宗人府右宗人輔國公阿布蘭為左宗人庚申

上御暢春園內西廡閱試武舉騎射技勇先是議政大臣等

奏請派出之兵由何路發往奉旨往西安一路為第一起往寧夏一路為第二起往宣府大同神木榆林沿邊一路為第三起如此三路前去則易於應付草束至是奏請出兵日期上命該軍統領吳世巴委署護軍統領噶爾弼帶領第一起兵於十一月十五日起程駐扎莊浪副都統宗室赫石亨寶色帶領第二起兵於十一月二十九日起程駐扎甘州撫遠大將軍允禔帶領第三起兵於十二月十二日起程駐扎西寧各於駐扎處喂養馬匹辛酉

上御暢春園內西廡閱試武舉騎射技勇○陞通政使司通政使赫成額為都察院左副都御史內閣侍讀學士傅繕為詹

賀錄卷一百一

上

事府詹事○陞鑲黃旗佐領蘭佳進為廣東高雷廉總兵官○旌表直隸烈女戴氏拒姦被殺河南烈婦董氏拒姦殞命各給銀建坊如例壬戌

上御暢春園內西廡閱試武舉騎射技勇禮部議覆故雲南貴州總督甘文焜值逆賊吳三桂之變不屈殉節故山西汾州府知府黃廷柏值逆賊姜瓖叛亂罵賊殉節應各建祠本處載入祀典從之癸亥傳臚賜殿試武舉封榮九等一百

十名武進士及第出身有差甲子諭議政大臣等四川巡撫年羹堯自軍興以來辦事明敏又能度量西去進勦之兵會同青海公丹仲之人運食物米糧接濟殊屬可嘉從前四

川地方亦曾設總督。年羹堯係巡撫止理民事。無督兵責任。見今軍機緊要。將年羹堯授為四川總督。如明年大兵前進。則由松潘一路進發。而在成都駐扎之滿洲兵止有二千。為數甚少。將荆州之滿洲兵再派一千前往成都駐扎預備。此滿洲兵俱令都統法喇管轄。所派一千兵之缺著挑選餘丁一千名令其披甲充補。諭吏部部院衙門滿洲官員既在侍衛班行走。漢官每遇奏事派六員引見。科員及御史無論巡城與不巡城。奏事日令派出滿洲三員。漢人三員侍班。翰林亦派出五員侍班。此侍班人員如有不得來者。不妨聽其缺少。其數不必補足。如此。朕於伊等皆可認識矣。○兵部

軍機處

五

議覆兩淮巡鹽御史李煦疏言。揚州府屬三江營地方。悉棍販賣私鹽者甚多。雖有分防汛兵。為數極少。不敷巡防之用。應於京口將軍標下派兵一百五十名。十總一員赴三江營地方駐防。聽江寧府江防同知鈐束。應如所請。從之。工部議覆河道總督趙世顯疏言。宿遷縣黃河南岸彭家堡等處險工。近年因河勢變遷。大溜南徙。直射堤根。請建築挑水壩一座。挑溜開行。以資捍禦。江都縣崇家灣等處堤工。屢經水勢漲發。衝刷。請下埽幫寬。以利漕運。高郵州城北永安堤石工。見在折裂。坐卸。難以抵禦。應拆砌重修。以保運道。均應如所請。得旨依議。速行。○乙丑諭大學士等。朕近日以西邊軍

務頗關念慮。前已降有諭旨。今冬至在邇。腿足漸覺不快。顏面亦殊消瘦。欲於二十四日暫往湯泉。爾等不必送駕。朕在湯泉不過住數日耳。諭兵部山東登州總兵官李麟勳。歷戎行。遇敵勇敢。著伊在所屬兵丁內挑選漢仗好者百名。出山西固關。由寧夏一路往赴軍前。其總兵官印務。即令伊於所屬副將內擇可托之人委署。○白都納副都統沙喀。以病乞休。允之。○命發盛京倉糧賑濟扎賴特固山貝子特固斯。屬下窮丁。○丁卯命四川總督年羹堯仍管理四川巡撫事務。陝西四川總督鄂海。為陝西總督。○戊辰。

軍機處

五

訃告故王黎維正喪。并請襲封表貢方物。宴祭如何。已。已以鎮國公吳爾占為宗人府右宗人。○予故雲南永北總兵官汪一桂祭一次。○庚午諭議政大臣等。十四阿哥既授為大將軍。領兵前去。其肅用正黃旗之肅。照依王肅式樣。簡親王之子永謙。令其帶伊父之肅前往。將上三旗侍衛派出三十員。莊親王之護衛。既於一切之處俱不行走。如其護衛并親軍中有情願告往効力者。爾等親加揀選。奏聞。弘昉屬下之人。亦著照此。凡有子弟出兵之王等。外其不出兵之王等。亦令各選護衛三員。貝勒貝子各二員。公等各一員。隨十四阿哥前往。効力。步軍協領愛哈那行走。熟諳。令其統轄王

等之護衛前去。尋將王等護衛散騎郎典儀共三十六員親軍校四員親軍二十六名開列具奏報聞。○以工部尚書兼翰林院掌院學士徐元夢教習庶吉士。○轉戶部右侍郎李永紹為左侍郎以原任刑部右侍郎革職王企靖為戶部右侍郎。兵部議覆四川總督年羹堯疏言川省與陝西接壤為松潘打箭爐孔道自西安至成都共三十二站其陝西十六站每站額設馬五六十匹不等川省十六站每站驛馬不過二十餘匹道路差使俱各相同川省神宣驛額馬不及黃霸驛之半近年川省備兵摺奏往來什倍昔時自成都至神宣驛十六站請照陝西驛馬一例酌增每站添足三十匹之

實錄卷二八二

七

數其新都一站越漢州至德陽行程甚遠請於漢州安設驛站應如所請從之。○諭議政大臣等每旗都統副都統或有起家微賤專意徇庇一應補授官員并佐領等事恒有遲至數年或十年不奏者或一官病故已久數年尚仍給俸者一切事件漫不稽察甚是曠廢近聞都統石文英不出門戶亦不見人有事來奏每不候事畢祇圖早歸亦不瞻仰朕容甚屬不堪見今正藍旗滿洲都統延信前往出兵其滿洲蒙古漢軍三旗之事著七阿哥辦理正黃旗滿洲都統巴賽署理黑龍江將軍事務其滿洲蒙古漢軍三旗之事著十阿哥辦理正白旗滿洲都統和禮差往雲南其滿洲蒙古漢軍三旗

之事著十二阿哥辦理如此則別旗各相效法自必發憤勤事也。旌表江西烈婦龍氏拒姦致死給銀建坊如例。辛未諭大學士等曰十一月冬至祀

天明日即應齋戒朕因腿足乏力來至湯泉身雖在此瞻望郊壇不能釋懷爾等轉諭太常寺令將齋戒牌銅人照常送至乾清門朕在此照常齋戒其從祀人員齋戒務令恭敬。○壬申戶部等衙門議覆廣東巡撫法海疏言廣東鹽務關係緊要不可無專轄之員請仍遣御史一員會同撫臣督徵應如所請從之。○甲戌都統延信等疏言八月二十一日土司楊如松率領兵丁五百名解送糧餉至穆魯斯烏蘇地方陡遇準噶爾賊人將千把總三名兵丁四十八名傷害楊如松等衝突而出今具呈情願効力行走又土司陸華齡祁顯邦等伊土兵前赴軍前經今數月俱受

實錄卷二八二

七

聖主隆恩何敢徒食錢糧求指示効力行走因令楊如松駐劄那蘭撒蘭地方陸華齡等駐扎古木地方查拏賊寇其被賊傷害之千把總及兵丁俟查明議奏從之。都統和禮等疏言據鶴麗總兵官趙坤報稱閏八月初四日有碟巴達節屬下之彭蹠達幾及伊跟隨之人九名潛至中甸貿易碟巴達節係投順策妄阿喇布坦委為藏內副王之人是以將彭蹠達幾拘住看守請示作何發落等語臣等隨令該鎮小心看守

外特疏奏聞得旨彭蹤達幾著解來京○和禮等又疏言臣等前往滇省會商料理沿邊軍務惟以安輯兵民為念乃有原任前鋒參領今陞副都統鄂米達二等侍衛邁徒原任主事今陞員外郎德成凡遇會商辦事任意不來又肆行生事合行奏聞得旨將鄂米達等自彼發往打箭爐令溫普管轄効力陞左僉都御史張大有為太常寺卿陞參領李林森為正黃旗漢軍副都統

實錄卷之二百八十一

大

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十一

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十二

康熙五十七年戊戌十一月乙亥朔冬至祀

天於

園丘遣領侍衛內大臣公馬爾賽行禮遣官祭

永陵

福陵

昭陵

暫安奉殿

孝陵

實錄卷之二百八十二

孝惠章皇后陵

仁孝皇后

孝昭皇后

孝懿皇后陵○停止次日朝賀○丙子

上回駐暢春園○丁丑九卿遵旨會議廣東巡撫法海病患噎

隔不勝封疆重寄應將法海革任從之 戊寅陞都察院左

副都御史景日珍為禮部右侍郎 陞鑲紅旗護軍統領昌

鼎為正紅旗漢軍都統參領許國桂為正黃旗漢軍副都統

甲申鑾儀使額駙孫承恩所配縣君故遣一等侍衛宗室

勒什亨往奠茶酒賜銀一千兩○乙酉陞內閣侍讀學士伊

特海為通政使司通政使。○陞廣西按察使楊宗仁為廣東巡撫。河南布政使宜思恭為廣西巡撫。○江蘇巡撫吳存禮題原任山西太原府知府正法趙鳳詔未完贓銀估變家產一案請將伊弟兄家產一體追賠得旨趙鳳詔甚屬貪婪因誑奏欺朕已行正法見今所查俱係伊弟兄家產著從寬免其追取。○福建浙江總督覺羅滿保疏報福建巡撫陳瓚病故得旨陳瓚居官甚優操守廉潔清官朕亦見之如伊者朕實未見恐古人中亦不多得也前任臺灣道任內所應得銀三萬兩並未入已俱於修理礮臺等公事動用署總督印務時應得銀兩亦未沾染前來京陛見曾奏稱貪官不在所取之多寬取一錢即與取千百萬金等必一錢不取方可謂之清廉人所以貪取錢財者皆因艱於用度臣曾任縣令便不至於窮苦即不取一錢衣食亦能充足等語今觀其居官實能踐所奏之言誠清廉中之卓絕者似此不加表揚賜卹何以示勸著追授禮部尚書凡祭葬立碑予諡之處皆照尚書銜給與並廢一子入監讀書以示朕優禮清廉大臣之意予故廣東南澳總兵官周士元祭葬如例 丙戌陞奉天府府尹屠沂為都察院左副都御史 丁亥陞大理寺少卿金應璧為太僕寺卿 戊子

上自暢春園回宮 陞鑲白旗漢軍副都統宜兆熊為正藍旗

漢軍都統 己丑

上以進勦策妄阿喇布坦大兵起程御太和殿排設齒簿前進其出征之王等以下俱戎服其不出征之王貝勒等以下俱蟒服以從

上親詣

堂子行禮次鳴角祭旗纛禮畢回宮 癸巳免湖廣鍾祥等十

二州縣武昌等七衛本年分旱災額賦有差 禮部左侍郎

王思軾等奏臣等遵旨會審浙江黜革舉人陳鳳墀科場作

弊一案據陳鳳墀供翰林院侍講學士陳恂同伊子候選知

府陳鈺在正考官索泰處通關節應將陳恂陳鈺革職嚴審

從之 甲午大學士九卿等恭議請

孝惠章皇后神牌入

太廟

奉先殿事得旨此議不合朕曾諭眾阿哥爾等同眾阿哥會議

具奏 丙申諸皇子諸王大臣等議奏去歲大事時臣等親

奉

諭旨大學士等恭上

皇太后尊謚將章字遺寫

皇太后係朕嫡母日後神牌升祔

太廟

奉先殿應安奉於

慈和皇太后神牌之上伏惟

皇上至孝超邁千古凡典禮攸關無不敬謹周詳茲恭請

孝惠章皇后神牌應供在左

孝康章皇后神牌應供在右請交與禮部改正得旨是 旌表

山東烈婦鄧氏拒姦身死給銀建坊如例 戊戌諭大學士

等朕從前屢諭諸臣及科道官員各省有應行奏聞事件隨

聞隨即繕摺具奏非令其糾參不過欲知之早耳朕雖聞之

亦不即聲明或未詳確亦不即治罪也即如去年河南兇犯

亢珽等擾害地方妄行不法朕他有所聞即特頒諭旨遣大

臣拏獲審結今歲聞江南地方起蛟即傳諭詢問陝西地震即

差大臣散賑彼處人民咸謂皇上注念小民加意軫恤少有

災異有聞即便施恩不令失所近日湖廣地方有奸究之徒

捏造妖言煽惑愚民放火劫掠曾經總督滿丕奏聞朕即諭

令審結此皆因朕聞知方傳旨遣人如無所聞何由降旨料

理耶且各省兵丁空糧甚多康熙五十二年大賞天下兵丁

時曾諭散賞諸臣逐一按名散給其遣往諸臣因不認識兵

丁不能清查頂冒以致所有空糧隱匿尚多不獨遠省為然

即直隸近處空糧亦不勝數養兵丁特為備用而設平時

將空缺之兵不行補足不行訓練臨時欲用縱有募補之兵

累萬亦何濟乎此事朕甚慮之前歲朕聞往呂宋葛羅吧之

人甚多恐其生事曾諭查明作何設法令回內地自從議奏

之後聞於來船附回者頗眾此係外洋於內地毫無關涉而

朕留心訪詢者並無他故不過欲知地方情形人數多寡以

便整理耳且各省文官私派加耗武官空糧等事朕頗得聞

知則人皆畏懼可以後改於事大有裨益此等有聞地方事

務及官員賢否諸臣何嘗不知即鄰省大吏亦未嘗不知或

係師生親友或係同年或因子弟親戚在伊省居官故彼此

相隱不以上聞何以防微杜漸嗣後九卿大臣科道官員凡

有關地方事務及官員賢否有聞即繕摺具奏若所聞未確

不妨即以所聞未確之處一併聲明可傳諭九卿○又諭各

省監禁緩決及秋後處決人犯甚多已經緩決斷不至死將

來仍然得釋與其久禁獄中不如分別完結為善爾等會同

九卿將此等人犯情罪作何分別完結之處詳加確議具奏

再被毆受傷至保辜限外身死部內奏明緣由請旨定奪者

無庸議外有當時不曾殞命逾數日或因傷風或因他病而

死仍將毆打之人議抵情有可矜此等向未有定例亦會同

九卿確議定例具奏 旌表山東烈婦鄭氏拒姦身死給銀

建坊如例 己亥以武英殿大學士馬齊文淵閣大學士王

揆為纂修省方盛典總裁官原任戶部尚書王鴻緒為承修

總裁官內閣學士阿克敦德音張廷玉勵廷儀為副總裁官
以原任正紅旗護軍統領革職噶爾弼為鑲紅旗護軍統
領陞護軍叅領達色為鑲黃旗蒙古副都統（辛丑諭滿漢
文武大臣等令歲

皇太后梓宮奉安地宮朕以兩足疼痛未得親送今必親自詣
陵致祭以盡思慕之意爾等無得勸止（壬寅陞原任湖北布
政使呂猶龍為福建巡撫陞浙江糧道劉廷琛為廣西按
察使司按察使

十二月甲辰朔乙巳遣大學士嵩祝王頊齡恭點

孝惠章皇后神主丙午以原任湖北布政使年欽元為河南

布政使司布政使丁未諭大學士等叅將員缺部內將小
銜叅將大銜遊擊開列具奏此定例不可更變但叅將補授
叅將該提督總兵官等每每奏請留任故雖補授亦不能赴
任甚屬無用嗣後叅將員缺著將就近地方應陞小銜叅將
大銜遊擊并應陞官員等察明職銜大小及補授叅遊或越
銜不越銜越銜者越幾等之處詳細開列具奏如此朕亦易
於揀選補授矣凡題補武職官員俱照此甚善爾等可明白
交部以故鎮國公吞珠親兄之孫達人為輔國公戊申
陞杭州協領阿圖為杭州副都統以鄂爾多斯故多羅貝
勒甘珠爾子諾衣羅卜查木蘇襲爵己酉

孝惠章皇后忌辰遣官祭

陵庚戌諭大學士等福建廣東地方潮濕馬匹難存所倒馬
匹若屢令償賠必致苦累兵丁業已給過草料銀兩者免其
追賠著照綠旗兵丁例半為馬兵半為步兵馬兵人各養馬
二匹爾等會同議政大臣九卿議奏辛亥陞

昭陵總管托羅科為白都納副都統（巴林固山貝子鄂齊爾
桑故遣官致祭壬子戶部議覆陝西總督鄂海疏言西寧
等處駐扎大兵所需米豆關係緊要若臨時採買恐米價騰
貴請於平糶寧夏等處各倉所貯糧石撥米四萬石疏豆六
萬石運至蘭州莊浪以備軍需應如所請從之○癸丑議政
大臣等議覆撫遠大將軍允禔疏叅正紅旗副都統祖維新
奉旨將所送軍前礮位推諉不前除另將礮位委員送去外
祖維新應行革退應如所請得旨祖維新革退副都統授為
三等侍衛仍著於軍前効力乙卯撫遠大將軍允禔率兵
起程

上命內閣大臣頒給大將軍敕印於太和殿其出征之王貝子
公等以下俱戎服齊集太和殿前其不出征之王貝勒貝子
公並二品以上大臣等俱蟒服齊集午門外大將軍允禔上
殿跪受敕印謝恩行禮畢隨敕印出午門乘騎出天安門由
德勝門前往諸王貝勒貝子公等並二品以上大臣俱送至

列兵處大將軍允禵望闕叩首行禮肅隊而行 丙辰

上以謁

陵命

皇四子和碩雍親王 皇五子和碩恒親王允祺皇十二子

固山貝子允禔皇十六子允祿皇十七子允禮隨駕是日啟

行駐蹕通州北關 以禮部尚書貝和諾內閣學士勒什布

為纂修

王牒副總裁官 丁巳

上駐蹕趙禮地方 戊午

上駐蹕石碑地方 以故一等精奇尼哈番鄂齊爾子永遠襲

職○已未

孝惠章皇后神牌升祔

太廟

奉先殿遣和碩誠親王允祉行禮致祭

上駐蹕黃土坡 順天府進春 庚申以恭奉

孝惠章皇后神牌升祔

太廟禮成頒詔天下詔曰朕惟善必歸親徽稱允符乎盛德禮

先報本孝思尤切於明禋備隆廟享之儀普洽海隅之慶舊

章伊在鉅典維昭欽惟

皇妣皇太后正位坤儀作配乾極光贊我

皇考世祖章皇帝外啟皇圖之式廓內彰盡教之懋修性秉慈
誠奉

文母於壽考維祺之日恩隆聖善翼藐躬於寰區永謚之時止

孝止慈化覃九有克恭克儉慶行六宮緬惟六十餘載之深

仁宜崇億萬斯年之鴻號博諮輿論虔考隆儀祇告

天地

宗廟

社稷於康熙五十七年三月十二日率諸王貝勒文武羣臣恭

奉冊寶上

尊諡曰

孝惠仁憲端懿純德順天翊聖章皇后十二月十六日升祔

太廟既表尊親之大誼當施逮下之洪仁於戲

九廟薦馨盡一人之孝享百禮既洽萃萬國之歡心澤被敷天

恩霑率土布告中外咸使聞知 詔內恩款凡十六條

上駐蹕新城 辛酉

上駐蹕馬伸橋 吏部題三等伯噶敏圖參革應銷去恩詔所

得三拖沙喇哈番餘二等精奇尼哈番應令其弟永台襲替

從之 兵部等衙門遵旨會議福州將軍黃秉鉞條奏福州

駐防四旗甲兵缺少馬匹一案查福建四旗甲兵共一千六

百六十名福建地方無甚需用馬匹應將一半充為馬兵一

半充為步兵馬兵每名拴馬二匹餉乾銀兩照例支給其馬兵充為步兵之人仍照馬兵給與餉銀二兩從前應追缺馬并支過乾銀俱從寬免從之 壬戌

上自行宮至

孝惠章皇后陵哀慟良久奠酒讀文致祭畢旋詣

暫安奉殿

孝陵舉哀奠酒行禮如常儀是日駐蹕小孫格莊○癸亥

上駐蹕新店○吏部題一等精奇尼哈番祖良璧故銷去恩詔

所得三拖沙喇哈番餘一等阿思哈尼哈番又一拖沙喇哈

番應令其子祖應樞承襲一等精奇尼哈番胡繩祖故銷去

恩詔所得三拖沙喇哈番餘一等阿思哈尼哈番又一拖沙

喇哈番應令其子胡世勳承襲從之○以故二等精奇尼哈

番沙進親兄子伽藍報襲職○吏部議覆雲南巡撫甘國璧

疏言撒甸苗人傾心歸順地方遼濶請將武定府同知移駐

撒甸分防治理應如所請從之○戶部等衙門遵旨會議鼓

鑄制錢全賴銅觔先經戶部尚書趙申喬奏准交與江寧等

八處督撫採辦今督撫並不揀選大吏但委州縣等官塞責

以致逾限不能完納應行文八處督撫於道府大員內揀選

令其親身採買舊例採買本年應用銅觔給發本年錢糧令

伊等四月完半限期太迫自不能依限完納以後採買次年

銅觔請於今年即預行動給錢糧從之○甲子

上駐蹕通州北關○四川總督年羹堯疏言成都駐劄滿兵已

經議設副都統以下官五十三員甲兵一千六百名其官署

兵房令臣料理今應造官房七百三十二間兵房四千八百

間見在備料鳩工報聞 乙丑

上駐蹕南苑○吏部題一等阿思哈尼哈番陶番齊故銷去恩

詔所得二拖沙喇哈番餘三等阿思哈尼哈番應令其嗣子

馬尼承襲從之○以故二等阿思哈尼哈番柏起孫鄂爾都

襲職○予故福建巡撫贈禮部尚書陳瓚祭葬諡清端○予

故漢軍都統馮國相禮部右侍郎胡作梅河南巡撫鹿祐各

祭葬如例○陞護軍參領希勒根為鑲白旗漢軍副都統

陞直隸河間副將線玉元為貴州安龍總兵官○兵部議覆

福建浙江總督覺羅滿保疏言閩浙兩省皆屬沿海要區各

處礮臺城寨逼近海口鹽潮蒸濕木植易致朽蠹原與內地

不同嗣後閩浙兩省沿海礮臺城寨及營房水哨船隻應令

道府督率各州縣官員不時查看修整遇新舊交代如有損

壞勒令修葺該營將領督率汛防弁員加謹看管應如所請

從之○刑部等衙門遵旨會議直隸各有人犯關毆傷輕未

即殞命或因傷風或因他病而死者將毆打之人免其擬抵

減等發落如係毆傷致死而捏報傷風他病死者承問府州

縣及司道督撫俱照失出例處分將府州縣官降一級調用
司道罰俸一年督撫罰俸六個月從之 戊辰

孝莊文皇后忌辰遣官祭

暫安奉殿 己巳

上回宮 以

孝惠章皇后升祔

太廟遣宗人府府丞吳梁祭長白山醫巫閭山內閣侍讀學士

朱汝錫祭東嶽泰山翰林院侍讀陳世倌祭西嶽華山侍讀

魏廷珍祭中嶽嵩山詹事府少詹事梅之珩祭南嶽衡山國

子監祭酒李周望祭北嶽恒山翰林院侍講學士薄有德祭

南鎮會稽山侍講學士李紱祭南海編修蔣連祭太昊伏羲

氏等陵編修惠士奇祭炎帝神農氏等陵左春坊左中允劉

師恕祭女媧氏等陵左春坊左贊善吳孝登祭黃帝軒轅氏

等陵內閣學士兼禮部侍郎張廷玉祭少昊金天氏等陵孔

子闕里翰林院侍講鄭任鑰祭顯項高陽氏等陵內閣侍讀

學士田文鏡祭夏禹王等陵翰林院侍讀馬豫祭遼太祖陵

庚午以冊封妃嬪祭告

太廟

奉先殿遣官行禮諭議政大臣等派黑龍江兵五百名索倫

打虎兒兵五百名寧古塔兵五百名船廠兵五百名盛京兵

一千名共兵三千名令於來年三四月間青草發生時各帶

馬匹由索爾濟地方至喀爾喀河下流上克魯倫河而去

其一路行糧著先派人前往車臣汗一帶令不魯派兵之二

十二處扎薩克幫助馬羊再於達里剛愛羣內取羊撥給其

盛甲器械著於京師製造給予此所派之兵俱發往將軍傳

爾丹處再將傳爾丹向時所領之安遠好兵三千名撥過富

寧安處至於胡錫圖英柱領去之兵並未到所指之處亦無

勞績將伊等帶去之每佐領下護軍一名披甲一名亦發往

富寧安處効力再有派往取吐魯番之兵今既不取應於吐

魯番界口並烏蘭烏蘇等形勢之處著設兵一枝修築城垣

四遠哨探加意防守則可得一切緊要信息亦可常得逃入

自此直至巴爾庫爾地方沿途修築墩堡每堡設兵四五百

名令其堅守而大兵仍照常駐扎巴爾庫爾如敵兵來少則

即行殲滅若多則相機進剿如此則我兵永占要地可以待

敵兵之自斃矣此各處邊境駐守之兵每年不過用銀一二

百萬兩將此等事爾等公同詳議具奏尋議覆查將軍傳爾

丹處見有兵二萬三千四百名將此內盛京及烏喇兵丁並

幫丁共三千名撥過將軍富寧安處其都統胡錫圖副都統

英柱等所領之兵將此內派出應行効力之人發與都統延

信前往富寧安處令其効力合計富寧安處所領之兵及今

撥往之兵通共一萬七千二百有餘名。凡於行走之處毫無貽誤。再行令將軍富寧安將不取吐魯番之兵移向吐魯番界口烏蘭烏蘇等處築城防守相機進剿。其大兵仍留在巴爾庫爾駐扎。至烏蘭烏蘇等處若何設兵若何修城立堡之處令富寧安詳議具奏從之。○辛未命大學士馬齊持節冊封博爾濟錦氏為宣妃。冊文曰：朕惟備位宮闈端重溫恭之選承休嬪御更推輔翼之賢簡碩媛於紫庭貴徽章於彤管。咨爾博爾濟錦氏中閨仰則內殿揚英爰歷歲年實資毗贊昭融茂質知率履之無違淑慎芳聲本含章之有耀茲以冊印封爾為宣妃。爾其懿規益懋承景福於方來令聞彌彰迺

中華書局影印

古

鴻庥於勿替。命大學士嵩祝持節進封和嬪瓜爾嘉氏為和妃。冊文曰：朕惟贊襄內政每慎簡乎六宮弼佐王風務先崇夫四教。眷茲懿行沛以新恩咨爾和嬪瓜爾嘉氏素嫺儀矩久職壺闈歷夙夜以宣勞兼肅雍而著範幽閒稟德爰位號之早膺婉穆為心用徽章之晉錫茲以冊印封爾為和妃。爾其淑慎有加尚祇承夫休命溫恭益懋期永集夫繁禧命大學士蕭永藻持節冊封達甲氏為成妃。冊文曰：朕惟壺儀首重夫柔嘉女宗著範內治更資夫祇慎典冊成休既協度於珩璜用增輝於綸翟。咨爾達甲氏恪勤奉職溫惠宅衷慎簡宮闈久更歲序夙興夜寐懷執履之小心守約思冲備持盈

中華書局影印

五

之懿德。茲以冊印封爾為成妃。爾其彌崇謙抑荷福履之永綏式佩綸言合邦家而行慶。命大學士王碩齡持節冊封瓦劉哈氏為定嬪。冊文曰：朕惟典司宮教率九御以承休協贊坤儀應四星而作輔祇膺異典載錫恩綸。咨爾瓦劉哈氏久簡宮闈動循禮法備令儀之淑慎彰厥有常稟懿德之靜專協於克一。茲冊封爾為定嬪。爾其徽音益懋積餘慶於家邦。譽命惟新荷殊榮於簡冊。命學士勒什布持節冊封王氏為密嬪。冊文曰：朕惟六宮贊化爰資婦職之修四德宜庥實行天潢之慶式稽彝典用責徽章。咨爾王氏早備令儀久嫺內則賢明之性雖在小而必詳淵懿之衷每經時而加誡。茲冊封爾為密嬪。爾其益宣禮教襄壺政而樹芳型蔚為女宗佩恩綸而膺景福。命學士長壽持節冊封陳氏為勤嬪。冊文曰：朕惟王化始於宮庭壺儀是式婦德彰於珩璜禮秩斯崇錫以綸言褒茲嬪則。咨爾陳氏夙著芳型久襄內治恪恭奉職殫夙夜以不遑祇慎居心歷歲年而匪懈。茲冊封爾為勤嬪。爾其彌昭懿範慶遙行夫金枝益懋成勞恩長承於玉祀。○壬申歲暮禋祭

太廟。遣都統伯四格行禮。○遣官祭

永陵。

福陵。

昭陵。

暫安奉殿。

孝陵。

孝惠章皇后陵。

仁孝皇后。

孝昭皇后。

孝懿皇后陵○遣官祭太歲之神○旌表八旗節婦滿洲莫爾

渾妻巴氏一人。蒙古博佛和妻馬氏一人。漢軍劉成名妻李

氏等二人。員女滿洲鈕祜盧氏一人。直隸各省節婦董氏等

四十人。員女張氏等三人。孝子金世臣等二名。各給銀建坊

實錄卷之二十一

如例○是歲人丁戶口二千四百七十二萬二千四百二十

四。又永不加賦滋生人丁二十五萬一千二十五。田地山蕩

畦地七百二十五萬九百一十一頃九十畝。有奇。徵銀二千

九百九十九萬四千五百六十二兩有奇。米豆麥六百八十

九萬三千五百五十五石有奇。草四百四萬八千二百七十五束

茶三十五萬三千四百二十七引。行鹽五百十萬二千三百

七引。徵課銀三百七十六萬一千二百五十五兩有奇。鑄錢

四萬一千三百二十六萬八千八百有奇。

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百八十二

實錄卷之二十一

七

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十三

康熙五十八年己亥春正月甲戌朔

上詣

堂子行禮還宮拜神停止朝賀筵宴○日食○朝鮮國王李煒

遣陪臣俞集等表賀冬至元旦

萬壽節及進歲貢禮物宴齊如例○丁丑諭太常寺初八日祈

穀朕因足疾不能親詣行禮第每逢祭祀朕必誠必敬仍照

常齋戒親視祝版○己卯孟春享

太廟遣戶部尚書孫渣齊行禮○遣官祭太歲之神○諭大學

實錄卷八十三

士九卿等日食雖係一定交限可以推算且今歲元旦日食

被陰雲微雪未嘗得見但別省無雲之處必有見者況日值

三始人事不可不謹或有缺失之處諸臣應商酌確議向來

京師地方間有地震今歲至夏秋時或稍地震亦未可定也

庚辰

世祖章皇帝忌辰遣官祭

孝陵○辛巳祈穀於

上帝遣領侍衛內大臣公海金行禮○壬午

上幸暢春園○乙酉諭兵部聞固原提督潘育龍患病不能動

履固原地方關係緊要見今用兵天津總兵官馬見伯人材

勇健甚有才幹管轄兵丁紀律森嚴著馬見伯馳驛速往協

理提督事務天津總兵官缺亦屬緊要著調蘇松總兵官魏

經國管理天津總兵官事務○丁亥以上元節賜外藩科爾

沁烏朱穆秦翁牛特嵩齊感扎魯特喀爾喀阿霸哈納蘇尼

特阿霸喀那爾羅斯毛明安克西克騰土默特喀喇沁奈曼

阿祿科爾沁吳喇感鄂爾多斯巴林西子部落扎賴特杜爾

伯特主員勒貝子公台吉等及內大臣大學士侍衛等宴○

戊子以上元節賜外藩王員勒貝子公台吉等及內大臣大學

士侍衛等宴○壬辰刑部等衙門會議查福建浙江總督覺

羅滿保等率獲旅順營脫逃海賊孫森等係海賊鄭盡心之

實錄卷八十三

黨奉旨免死發往黑龍江又從發遣處撥到旅順營當兵賊

犯仍不改惡偷盜軍器逃出糾黨在洋行劫拒敵官兵應將

孫森陳君元阿吉尾等擬斬立決從之○癸巳兵部奏河南

南陽總兵官高成標下兵丁將知府沈澗帶至教場凌辱一

案其差往審理之部院堂官開列請旨伏候欽點得旨著刑

部尚書張廷樞內閣學士高其倬前往審理○賜朝正外藩

王員勒貝子公台吉等銀幣鞍馬有差○甲午固原提督潘

育龍以老病乞休慰留之○乙未

上自暢春園幸湯泉○陞護軍統領伊爾哈岱為正紅旗漢軍

副都統○改河南開封府襄城縣中學為大學增額取進童

生十二名。戊戌議政大臣等議覆振武將軍傅爾丹等疏言鄂爾齊圖景爾地方由地肥饒四時寒暑與內地相同宜於此處築城駐兵其設立驛站之地員外郎保佳已自殺虎口至鄂爾齊圖景爾地方一路詳視水草甚佳宜設三十六站應如所奏得旨鄂爾齊圖景爾喀爾喀遊牧地方之中與大兵駐扎處相隔千里今欲衛護喀爾喀應於阿爾泰和布多等處築城遠立哨兵方是伊等既奏鄂爾齊圖景爾之田地肥饒寒暑與內地相同應築城以貯糧餉或於和布多地方另築一城駐兵看管充發人等耕種其應否築城之處著問保佳及喀爾喀手員勒貝子公等會議具奏尋議臣等

實錄卷五十五

丰

遵旨詢問保佳及軍前回來之喀爾喀王等據稱和布多方隔有大河水漲時難行且木料難得不便修築有與和多相近莫代察罕搜爾地方水草甚佳木料易購宜於此處築城此地與鄂爾齊圖景爾相隔千里與喀爾喀接壤果於此地築城屯兵衛護喀爾喀甚為有益應於莫代察罕搜爾另築一城其間宜設驛站及充發人等如何居住耕種之處應行令將軍傅爾丹等詳視地方形勢確議具奏從之己亥諭議政大臣等總管穆克登在烏喇地方聲名甚優人亦勇健著授為副都統打牲烏喇船廠烏喇之一千兵丁令其管轄盛京之一千兵丁將城守尉勒欽圖授為副都統令其

管轄其黑龍江索倫之一千兵丁令副都統鄂三管轄○庚子

上自湯泉回駐暢春園辛丑諭議政大臣等有本人立功授職後因年老或染病解任襲與弟兄子姪承襲之人若經病故即不准承襲立功之人見在而遂謂承襲世次已完不准襲職殊屬可矜嗣後立功授職之人本身若在理宜再准承襲一次爾等會議具奏尋議立功授職之人其承襲世次已完而本人見存者令將願與承襲之人准其承襲若無應承襲之人仍令本人支給全俸永著為例從之○命禮部侍郎羅瞻前往歸化城採買馬匹○壬寅諭大學士九卿等京城

實錄卷五十六

甲

通州倉內貯米甚多各省運至漕糧亦無虧欠在倉內堆積恐致紅朽杭州蘇州鎮江江寧淮安安慶等處俱有倉廩與水路相近江南浙江漕船想此時已過完朕意欲將湖廣江西等處未過漕糧截留存貯此等地方倉內遇米價騰貴之年將此存貯米石或減價糶賣或行散賑則民人得沾實惠大有裨益如蠲免地丁錢糧不過於田多富戶有益其無地窮民未必均沾實惠米穀甚屬緊要不可不預為備也年來豐收米價雖賤但歲歲大有豈能期必乎應將久遠裨益之處預行籌畫爾等將漕糧作何截留之處會同議奏尋議應行令總漕將江西湖廣等處今起運米內蘇州截留十萬石鎮江

截留三萬石。江寧截留十五萬石。淮安截留五萬石。安慶截留十萬石。俱交地方官加謹收貯。以備動用。從之。諭九卿各省錢糧虧空甚多。今總督楊琳因歷年積欠錢糧。將伊應得銀兩照數補完。鹽課事務俱已清楚。又行文趙弘燦。滿丕等。速將從前所得銀兩解送甘肅。以為軍需之用。由此觀之。各省虧空錢糧。督撫等果能盡心竭力完補。又何至虧空乎。其作何完補之處。商等會同詳議具奏。尋議應行令直隸各省督撫。將見今虧空各項錢糧數目。作速查明。何項虧空作何完補。并嗣後作何立法。始可永無虧空之處。一并確行定議具題。到日再議。從之。○癸卯。

實錄卷二八三

五

上自暢春園回宮。先是額駙吳爾琰有母喪。召回料理喪事。至是仍命往軍前。諭曰。今年大兵既不前進。若發兵襲擊。則策妄阿喇布坦情形自露。著派盛京烏喇察哈爾索倫喀喇沁及內地喀爾喀兵一萬。自前年進兵處。往彼襲擊。出兵時不必派厄魯特王策零旺布。公多爾濟色卜騰之人。又前欲令盛京三千兵。越過巴爾庫爾地方。今暫行停止。此次襲擊之兵。令六月發往。及秋而回。倘今年不便襲擊。來年另為計度。爾到傳爾丹處。詳議後。即差人到巴爾庫爾將軍處會議具奏。

二月甲辰朔春分朔

日於東郊。遣禮部尚書貝和諾行禮。○乙巳。

上巡幸畿甸。命皇三子和碩誠親王允禧。皇九子固山貝子允禧。皇十五子允禧。皇十六子允禧。皇二十子允禧。隨駕。是日啟行。駐蹕長店。丙午。

上駐蹕胡良橋地方。丁未。遣大學士王碩齡祭。

先師孔子。遣官祭。

先農之神。

上駐蹕小營。戊申。祭。

大社。

大稷。遣都察院左都御史黨阿賴行禮。○己酉。旌表湖廣節婦。

實錄卷二八三

六

薛氏拒姦身死。給銀建坊如例。○庚戌。

上登舟泊趙北口。○辛亥。

御舟泊郭里口。○壬子。

御舟泊段村。○命內閣中書鄧廷詒為正使。翰林院編修成文為副使。諭祭故安南國王黎維正并封嗣子黎維禔為安南國王。冊文曰。適安遠至。敷天懷嚮化之心。道一風同。率土凜來庭之義。惟尊親之戴世。篤忠貞。斯帶礪之盟。慶延苗裔。爾安南國王嗣黎維禔。地宅南交。心懸北闕。千秋茅土。常遵聲教之頒。萬里車書。時奉享王之會。茲當嗣爵。請命於朝。既舊服之克光。益弘令德。宜新恩之加賁。用沛褒綸。特遣官封爾。

為安南國王爾其恪守藩封長為屏翰虔共匪懈庶無數乎
前修忠孝相承尚永綿夫世澤欽哉無替朕命改江西贛
州府興國縣小學為中學從提督學政王恩訓請也旌表
河南烈女張氏拒姦守貞頒命給銀建坊如例癸丑

御舟泊園頭村(中寅)

孝康章皇后忌辰遣官祭

孝陵(乙卯)遣官祭

歷代帝王()

上自趙北口登陸駐蹕十三里鋪○諭內閣學士蔣廷錫皇興

金覽圖朕費三十餘年心力始得告成山脉水道俱與禹貢

實錄卷五十五

下

相合爾將此全圖並分省之圖與九卿細看倘有不合之處

九卿有知者即便指出看過後面奏尋九卿奏稱從來輿圖

地記往往前後相沿傳聞傳會雖有成書終難考信或山川

經絡不分或州縣方隅易位自古至今迄無定論我

皇上以生知之聖殫格致之功分命使臣測量極度極高差一

度為地距二百里晝夜之長短節氣之先後日食之分秒時

刻都邑之遠近方位皆於是乎定天道地道兼而有之從來

輿圖所未有也南北兩大幹一幹自崑崙東北歷西番境至

興安嶺達於盛京南折入朝鮮境入海一幹自崑崙東南歷

雲貴廣西湖廣江西境或東或北折至閩浙入海凡兩幹以

南以北之水大則名川靈濟小則泉澗溪潭莫不順山脉以

分流隨地形而轉下縈迴盤帶刻鏤繡錯而尋源溯委條貫

井然從來輿圖所未有也關門塞口海汎江防村堡戍臺驛

亭津鎮其間扼衝據險環衛交通荒遠不遺纖悉畧載星羅

棋布櫛比鱗次從來輿圖所未有也東南東北皆際海為界

西南西北直達番回諸部以至瑤池阿耨絕域之國黃流黑

水發源之地皆琛賁所寶育版輿所隸屬舉其土壤驚為創

見之名潮厥道途即可按程而至以六合為疆索以八方為

門戶幅輳該廣靡遠弗屆從來輿圖所未有也

皇上精求博考積三十年之心力核億萬里之山河收寰宇於

實錄卷五十五

八

尺寸之中畫形勝於几席之上臣等荷蒙

皇上教思不倦得以瞻仰披尋昔曾經過之區宛然阡陌素所

未歷之境不啻鄉閭而於禹貢所書古今圖誌所傳平日有

迷莫指有惑莫祛者一旦豁然貫通渙然水釋此誠開闢方

員之至寶混一區夏之鉅觀昭揭日月而萬世不刊者也謹

將原圖恭繳伏求頒賜得旨圖著頒發議政大臣等議覆

靖逆將軍富寧安疏言已爾庫爾地方一應生理聚集平時

物價原賤所給兵丁錢糧五月始發一次兵丁一領錢糧即

皆製辦衣服及需用什物遂致物價騰貴請將巡撫綽奇處

所存銀兩令其解送六萬兩交與料理糧餉之道員王全臣

等過兵丁未領錢糧之前價值賤時酌量先給令其製辦至應給錢糧之月照數扣除則錢糧不致糜費於兵丁大有裨益且營中存貯錢糧如一時遇有急需之處臣等酌量辦理於事亦屬有益應如所請從之○丙辰

上駐蹕駒馬河地方○戊午

上駐蹕長楊村○予故原任議政大臣經筵講官吏部尚書馬爾漢祭葬如例○予故江南提督杜呈泗祭葬如例○青海多羅貝勒達顏故遣官致祭○兵部議覆雲南貴州總督蔣陳錫疏言雲南武定府所轄之撒甸地處萬山之中前因土酋常應運擾害彝村行令設兵四百名并守備千把總各一

實錄卷一百三十三

九

實錄卷一百三十三

十

員駐守彈壓但武定府城止有兵四百三十五名今撥兵二百五十名同松杉兵一百五十名駐防撒甸存城兵少請徵回撒甸兵一百名并馬基渡兵一十五名駐劄府城應如所請從之○大計天下官員卓異官三十四員貪酷官二員貪官八員酷官一員不謹官三十六員罷軟官十五員年老官四十三員有疾官三十一員才力不及官二十六員浮躁官二十九員分別陞賞處分如例○己未清明節遣官祭水陵。福陵。昭陵。

暫安奉殿。

孝陵。

孝惠章皇后陵。

仁孝皇后。

孝昭皇后。

孝懿皇后陵○庚申。

上回駐暢春園○壬戌靖逆將軍富寧安遵旨議覆烏爾蘇四面皆山地方狹隘不便修城多駐兵丁有庫庫車爾地方週圍遼闊離烏爾蘇不遠應在庫庫車爾左近有水草之處修築城池駐兵二十名派大臣二員管理鄂龍吉噶順喀

桃等處俱修築堡子各駐兵一千名每處各派大臣一員管理約洛圖烏爾蘇虎爾渣圖二處離噶順喀桃不遠亦修築堡子各駐兵五百名庫爾麥圖地方亦修築堡子駐兵三百名俱令侍衛及副將等官管理以上諸處俱不產木料應修築上堡每堡相間之處修築烽火墩酌量安兵令其瞭遠傳送信息其庫庫車爾等處與巴爾庫爾相間有三百里應酌量派兵在見設汛界之故什希搜濟等處安營以為應兵大兵照常駐扎巴爾庫爾自吳爾圖海畢爾汗一路至庫庫車爾鄂龍吉其安設六站臣親身帶領大臣侍衛前往庫庫車爾等處將何處可以修築城堡烽墩如何展設汛界安設臺站

并收放牲畜之處逐一詳視後一面修築城堡烽墩一面令兵駐扎下議政大臣知之○癸亥議政大臣等議送往甘肅之五千駱駝應送至寧夏令巡撫綽奇撥派官員弁兵丁在察罕托灰水草佳處牧放冬時進口在寧夏支領草料喂養得旨此事議未周詳駱駝何必交付漢人仍令蒙古大臣侍衛弁兵丁看守牧放冬時亦在與駱駝相宜之處牧放何必支領草料著另行詳議具奏尋議送往甘肅之五千駱駝應令沿路撥派官兵遞送至鄂爾多斯地方此送駱駝之散秩大臣殷扎納策零弁侍衛等各分兩路一出張家口一出殺虎口徐送至鄂爾多斯時帶領伊處官兵在水草佳處牧放

實錄卷八十三

土

冬時亦仍在與駱駝相宜之處牧放以備巡撫綽奇侍郎色爾圖調撥從之○○鄂故貴州安龍總兵官張士傑祭葬如例○○鄂故廣州副都統陳昂祭葬如例○甲子禮部等衙門題古來帝后有不合葬而自為陵者俱就方位定名今

孝惠章皇后陵即在

孝陵之東不必另立陵名臣等恭擬

孝東陵字樣仰候

欽定得旨是乙丑年故原任領侍衛內大臣公舅舅佟國維祭葬如例丙寅以工部尚書陳元龍充經筵講官己巳孝昭皇后忌辰遣官祭

陵○鄂故廣東潮州總兵官王應龍祭葬如例○鄂故原任京口副都統黃象坤祭葬如例○辛未議政大臣等議覆都統法喇等疏言裏塘地方與打箭爐甚近若遣官招撫自當歸順已塘民心亦與裏塘相似遣官一員先至裏塘宣示威德彼若傾心向化即令開造地方戶口清冊繼至已塘亦照此行若有觀望不前者於青草發時以兵臨之必不敢相抗應挑選成都滿兵五百名令協領等帶領綠旗提標兵一千名化林永寧兵五百名令永寧副將等帶領一同深入雖已塘以外亦可傳檄而定若又木多地方亦來歸順則離藏甚近其會兵取藏之處一面知會西寧雲南領兵大臣仍一面星

實錄卷八十三

土

夜請旨應如所奏令法喇領兵赴打箭爐駐扎遣人招撫如觀望不前令法喇留兵在打箭爐帶領官兵前進攻取裏塘已塘即駐扎已塘其護軍統領溫普應調取回京成都既有滿洲兵丁應自京城派大臣一員前往成都令其管領得旨軍前大臣甚多著派護軍統領噶爾弼就彼馳驛作速前赴四川與年羹堯一同辦理軍務法喇離打箭爐切近即令領兵前往餘依議○壬申陞福州協領董象緯為福州副都統○癸酉議政大臣等議覆都統法喇疏言蒙古地方及西藏人民皆藉茶養生賊人即踞藏地非茶斷難久居我皇上憫念青海與裏塘已塘人眾非茶難以度日將作何定數

分晰禁止之處令臣等詳議臣等思唐占忒之人亦皆為賊所迫脅難禁其養生之物但松潘一路茶價甚賤青海一帶積茶必多應暫行嚴禁俟其懇請時再酌定數目令其買運至打箭爐外最近者為裏塘遣官招撫令營官造其所管番寨戶口清冊酌量定數許其買運已塘以外亦照此例其打箭爐一路當視番情之向背分別通禁應如所奏從之

三月甲戌朔戊寅鑲白旗蒙古副都統龐海以老病乞休允之辛巳諭議政大臣等四川總督年羹堯奏據西藏之第巴大克咱報稱果零敦多卜等將被截取藏之五百名兵丁自巴爾喀木一路送來其或確實送來或借送來之便相

實錄卷二百八十五

三

度地勢探聽信息俱未可定不可不預為防備此所請甚是爾等詳議具奏尋議年羹堯奏請親身領兵前往加詳防備但四川通省事件并松潘打箭爐兩路軍務錢糧甚屬緊要年羹堯不便前往見已議令都統法喇於青草發時領兵前往招撫裏塘已塘倘若送來之信確實應派兵五百名令道員高其佩前往會合法喇之兵相機而行倘借此窺探內地情形設計抗拒令即行剿滅設或送來之信是虛著高其佩將所領兵帶回從之乙酉皇三子和碩誠親王允祚恭請上幸王園進宴辛卯

萬壽節停止朝賀筵宴遣官祭

福陵。

昭陵。

暫安奉殿。

孝陵。

孝東陵。

仁孝皇后。

孝昭皇后。

孝懿皇后陵遣官祭真武東嶽城隍之神壬辰諭大學士等戶部見今採買器皿舊銅茲工部又行採買京城馬有如許器皿舊銅採買至不得之時不肖之徒乘機射利必致將

實錄卷二百八十五

四

制錢轉買銷毀毀錢則錢價必長甚與民生無益且伊等局內每月鑄錢即將伊匠役工錢作為採買銅觔所鑄之錢交部亦未可定此事不無情弊爾等詳問九卿具奏尋大學士等奏臣等遵旨詢問九卿據九卿云戶部已經採買舊銅工部又行採買京師無有如許舊銅恐射利之徒銷毀制錢作為廢銅則錢價必長且舊銅一時不得則匠役將自己所得工錢作為新鑄之錢交納亦勢所必有查現今寶源局餘剩銅一萬四千八百觔有奇又湖南解到銅五萬四千四百觔有奇湖北解到銅三萬觔有奇可以不誤鼓鑄其採買器皿舊銅之處應不准行至江寧等八處應解銅觔行文各該督

撫嚴催作速送至從之○乙未議政大臣等議覆撫遠大將軍允禔疏參吏部侍郎色爾圖奉旨料理西寧兵餉並不實心辦事任意遲延推諉縱令家人與筆帖式戴通色攬運米之事通同扣剋銀兩將滿洲綠旗兵丁苛刻情殊可惡請將色爾圖等嚴審確擬再色爾圖虧空甚多糧餉事關緊要伏乞另派賢能大臣一員前來辦理應如所奏將色爾圖嚴審定擬見今巴爾庫爾有巡撫綽奇噶什圖二人應將噶什圖調赴西寧辦理糧餉事務噶什圖所辦之事令前往種地之侍郎海壽兼管從之○又議覆允禔疏參都統胡錫圖領兵來時沿途索詐官吏騷擾百姓進藏之時兵無紀律糧米不

實錄卷五十三

五

行節省馬畜不行愛惜以致人馬傷損同時不親自率領兵丁先行進口請將胡錫圖革職嚴審應如所奏從之○丁酉上自暢春園幸湯泉○已亥戶部等衙門議覆河道總督趙世顯疏言黃河運河一切工程錢糧每歲題請發帑請以清江浦附近淮安關於淮安府屬裏外兩河同知內揀選一員管理照例徵收額稅銀十九萬兩外節省浮費等項可餘十五萬兩交河庫以濟工需庶免題請發帑之煩應如所請將此節省銀兩解交河庫倘收稅之員於十五萬兩之外仍收浮費該督撫指名題參其應徵銀兩如有虧缺將徵收之員并該管總河一并議處從之○固原提督潘育龍以老病再疏

乞休仍慰留之○庚子諭兵部年羹堯已授為總督其四川撫標中軍遊擊著改為四川督標中軍副將○封青海貝勒察罕丹津為多羅郡王○辛丑戶部議覆署理倉場事務刑部侍郎阿錫鼎等疏言運送本裕倉漕米必須雇募民船但民船每任意索價兼之所雇之船與民船並行以致偷米甚易請設立官船運送則車戶額外之費可省且偷盜之弊亦易於稽查應如所請從之○壬寅

上自湯泉回駐暢春園○陞奉天府府丞文志鯨為奉天府府尹○

實錄卷五十三

十六

大清聖祖今天弘運文武睿哲恭儉寬裕孝敬誠信中和功德大成仁皇帝實錄卷之二百八十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十四

康熙五十八年己亥夏四月癸卯朔享

太廟遣領侍衛內大臣公馬爾賽行禮○乙巳議政大臣等議覆撫遠大將軍允禔疏言據都統延信等稱準噶爾與青海之人聯姻已經多年大將軍若領兵出口外我兵所出之多寡青海人等一知則準噶爾之人即得聞知矣今年暫且停兵不進則口外駐扎似可不必又據自喀喇烏蘇回來之叅將達明等稱進噶爾賊衆雖與我兵交戰亦甚畏懼其土伯特之人為賊所迫雖與我兵對敵俱將烏鎗舉高放過當賊之背後則向我等營中放空鎗揆此則可知土伯特之人實心感戴

皇恩今既揚稱三十萬大兵進剿差使前往大事可成謹將伊等報明之處奏聞請旨查都統延信等既稱大兵不必出口應令在西寧駐扎至於作何料理駐扎以及留兵若干所留官兵馬匹於何處牧放等事俱令大將軍酌量而行從之○丙午

皇四子和碩雍親王恭請

上幸王園進宴○丁未以故一等阿思哈尼哈番劉奇子劉德禮襲職○庚戌戶部議覆陝西總督鄂海疏言甘肅邊地頗

微糧草居多銀兩數少且有全徵糧草並無銀兩者今奉恩蠲免地丁仍徵糧草獨甘民不得均沾實惠請將康熙五十三四五六等年未完舊欠糧草概行蠲免應不准行得旨甘肅所屬地方康熙五十三四五六等年民間舊欠銀米草豆著盡行豁免務令得沾實惠○辛亥諭大學士九卿詹事科道朕臨御以來一切機務必皆躬親從不敢稍自暇逸但少壯時精力有餘不覺其勞今氣血漸衰精神漸減辦事殊覺疲憊寫字手亦漸顫仍欲如當年事事精詳則力有不能若草率辦理此心又所未安從來書生論歷代帝王多指摘過失謂其安享富貴耽於逸樂朕披閱史書歷觀古來帝王因

深知為君之難即朕六十年宵旰勤勞雖金石為質亦應消耗況氣血之身乎又如詩文一事皆出朕心裁內書房翰林輩不過令其校對謄寫耳見今在位大臣年老大約與朕年相仿衙門辦事不過一二時辰即可歸寓安息有疾亦可告假且有托病偷安者同列與司屬豈能強之入署乎如舊年考試武進士趙申喬在朕前睡去侍衛屢次喚醒朕前尚且如此在衙門辦事時可知矣今天下大小事務皆朕一身親理無可旁貸若將要務分任於人則斷不可行所以無論鉅細朕必躬自斷制早夜焦勞而心血因之日耗也但年力雖衰而志意始終如一仍未敢少懈自朝至於日昃坐臥起

居曾無片晷餘閒。勉強支持心勞力竭。爾諸臣曾無一人為朕黽勉抒誠者。或有不肖之徒。見朕精神氣血漸不如前。因以為奸。亦未可定。此諸臣俱應留心者也。朕前冬曾有諭旨。爾諸臣未必記憶。理應不時省閱。今部中之事錯謬。亦有如恩詔援赦刑部逐件具題。殊非舊例。部院衙門如此類頗多。朕欲不悉心詳閱得乎。又如總督鄂海題請蠲免甘肅米石。草束章奏甚長。朕字字細覽。所擬票籤錯謬。朕曾刪改批出。總之諸臣徒事虛文。見朕躬煩勞。不過云皇上理宜靜養。似此皆如畫餅有何實濟耶。又凡有論說諸臣。不過敷陳頌揚套語。如勵精圖治。健行不息。聖不自聖。安愈求安之類。若與

實錄書事

年

不讀書者言之。甚覺可聽。朕讀書明理。凡事皆身體力行。此等粉飾浮詞。六十年中盈溢於耳。久已厭聞。爾等務須實心任事。盡去虛文。於國家方有裨益也。○癸丑。

上巡幸塞外。命皇三子多羅誠親王允祉。皇七子多羅淳郡王允祐。皇八子多羅貝勒允禩。皇九子固山貝子允禔。皇十子多羅敦郡王允祜。皇十五子允禩。皇十六子允祿。皇二十子允禕。隨駕。是日自暢春園啟行。駐蹕湯泉。○陸內閣學士勒什布。為吏部左侍郎。○丙辰。

上駐蹕南石槽地方。○丁巳。

上駐蹕懷柔縣。○戊午。

上駐蹕密雲縣。○己未。
孝端文皇后忌辰。遣官祭

昭陵

上駐蹕羅家橋。喀爾喀多羅貝勒準對巴林固山貝子鄂齊爾桑。故各遣官致祭。○旌表浙江義烏縣烈婦商德茂妻賈氏。夫亡家貧。翁欲遣嫁。氏斷指不從。既而翁歿。氏赴水自盡。給銀建坊如例。○庚申。

上駐蹕遼寧。○議政大臣等議。覆靖逆將軍富寧安疏。言見今出兵地方所出之西安察哈爾旗下員缺。請於軍前之官兵內遴選應陞並素有勞績。以及人材勇健。能鈐束人之官兵。

實錄書事

四

列名咨送。與內地之人。一井交與該旗具奏。應如所請。得旨。朕曾有旨。此次大兵在外。如遇章京並護軍校驍騎校缺出。令大將軍即行補授。今若照富寧安所奏。出兵地方所出之缺。又將軍前入等與內地之人。一井開列具奏。必致重複。富寧安傳爾丹兩路軍中所出官員之缺。將出征之官兵內所有應陞及人材勇健。善於鈐束素有勞績之人。令富寧安傳爾丹等即行遴選補授。俟事竣之後。再補行引見。如外首駐防官缺出。仍將在內人等題補。○旌表河南烈婦王氏拒姦斃命。給銀建坊如例。○辛酉。

上駐蹕巴克什營。○壬戌。

上駐蹕兩間房○議政大臣等議覆靖逆將軍富寧安疏言自巴爾庫爾至哈密每站俱安設馬匹自哈密以外之那秦起至布隆吉爾之間伊托忒巴爾楚忒等十處俱係瀚海是以每站安設駱駝遞送事件從前自策妄阿喇布坦處來投順之人及伊所差之使人送往京師時將巴爾庫爾臺站內馬匹送至哈密又自額敏處撥取馬匹送至布隆吉爾方乘驛馬送至京城嗣後陸續投順人多或再有差來使人巴爾庫爾驛馬及額敏之馬必不敷供應請行令甘肅巡撫綽奇在預備安站馬內撥送一百三十匹於巴爾庫爾之站添馬五十匹哈密之站添馬八十匹不令應付一切事件止酌給自策妄阿喇布坦處來投順之人及差來使人乘騎應如所請從之○癸亥

上駐蹕王家營○戶部等衙門議覆刑科給事中永福疏言盛京開原等處秋糧州縣官不親身監收俱差子弟家人親戚書辦兌收有折收銀兩任意發出借給與人諸弊應行文奉天府尹不時嚴查如州縣官員有私委私借之弊即指名題參從重治罪該府尹徇情不行題參察出將該府尹交部議處從之○丙寅

上駐蹕喀喇和屯○丁卯
上至熱河駐蹕行宮○戊辰議政大臣等議覆撫遠大將軍允

禔疏言臣遵旨不出口外駐扎西寧相機而行將每佐領下烏鎗護軍各一名令公策旺諾爾布帶領駐扎涼州每佐領下護軍各一名令副都統寶色帶領駐扎寧夏之喀喇沁等處蒙古兵令都統楚宗帶領俱到索落木駐扎將莊浪駐扎每佐領下馬兵各一名令都統汪悟禮副都統伊禮布帶領涼州所剩每佐領下烏鎗馬兵各一名令副都統宗室赫世亨宗查布帶領俱到波羅和邵駐扎以之宣揚聲勢再將宗室等分派令平郡王訥爾素公諾音托和揆慧蘭親王之子永謙鎮國將軍敬順蘇爾臣奉恩將軍華玠間散宗室吳爾渾等前往波羅和邵駐扎此各路兵馬俱令於四月盡間起程於九月內進口喂馬自阿什罕之站起前至索落木安十五站每站各設馬二十匹自索落木之旁通柴旦木之路安五站應各設馬十五匹每站派設固原之綠旗兵各十名青海之兵亦各派設十名再據策旺諾爾布稱若調取青海之兵六百名在軍營左近駐扎則於巡守并汎界之差遣等事甚有裨益是以行令青海首領於伊等兩翼各派兵三百名將蘭州所剩護軍一百二十九名馬兵八百七十一名俱調赴西寧駐扎查見今既調兵赴口外駐扎則汎界巡守之事甚要應將所調青海之六百名兵令在汎界巡守之處不時小心防守仍令揚言大兵目下兩路進剿從之○議政大臣

等議覆甘肅巡撫綽奇疏言見在甘涼喂養之四千九百駱駝暫且不用令喂養駱駝官員等帶領兵丁擇水草佳處牧放其購買之一千六百餘駱駝隨到即分與牧放駱駝之官員等令其牧放再甘涼所喂之馬騾並駐扎甘州之山西一千步兵所帶馬駝見今既無使用之處亦令其出青於文到日停給草料應如所請從之

五月癸酉朔 甲戌陞浙江湖州副將馬煥為山西大同總兵官 乙亥

仁孝皇后忌辰遣官祭

陵 丙子議政大臣等議覆四川總督年羹堯疏報臣等前聞

軍機處

★

軍機處

个

西藏送回官兵之信恐賊有奸計曾經奏請委永寧道高其佩前往料理今衆兵陸續至裏塘者共三百七十人其未到者不過數十人其間並無奸計道員高其佩不必前往裏塘至此一項滿漢兵丁到省時臣等將滿兵歸入荊州滿兵內漢兵歸入臣標一同操練以待將來調遣應如所奏從之

丁丑夏至祭

地於

方澤遣散秩大臣伯法爾薩行禮 兵部議覆四川總督年羹堯疏言越嵩地方盡屬崇山峻嶺今建昌屬印部宣撫司土司嶺安磐革職若一旦改土歸流恐別生釁端嶺安磐所轄

地方宜暫令其弟嶺安柱護理俟嶺安磐子嶺天長年歲合例之日另請承襲應如所請從之 翁牛特多羅杜楞郡王

和碩額駙蒼津喀喇沁多羅額駙門都來朝 戊寅諭戶部

朕幸熱河見一路麥苗盈野收穫必豐但麥熟之歲往往雨

水過多朕留心稼穡歷年最久深悉其故爾部即傳諭直隸

河南山東山西并口外地方速將已收之麥瞭乾入屯收貯

不致潮濕霉爛則今歲所收足用二年矣 已卯賜故和碩

額駙孫承運卹銀二千兩遣署內務府總管郎中海章經理

其喪內大臣侍衛等往奠茶酒發引時仍命往送予祭葬如

例 庚辰陞正紅旗護軍統領楊都為鑲紅旗蒙古都統仍

軍機處

个

兼護軍統領護軍參領吳廣為鑲白旗蒙古副都統 陞廣

東碣石副將游觀光為碣石總兵官 癸未議政大臣等議

覆振武將軍傅爾丹等疏言據巴林多羅郡王額駙吳爾琰

等稱內地扎薩克官兵俱各預備米糧牛羊馬匹前來一年

之後按月給官兵兩隻羊價銀一兩跟役一隻羊價銀五錢

見今羊價騰貴原給之口糧銀兩不敷食用請將內地扎薩

克官兵并跟役每隻羊價俱折銀一兩給散其喀喇沁之一

千兵歸化城之土默特一千兵並來種地之土默特一千兵

應得羊價銀兩亦照此支給查將軍傅爾丹等軍前見添發

黑龍江等處兵三千目下既不進兵應令將滿洲蒙古綠旗

官兵內查有殘廢老病者發回一千餘人將此發回兵丁之糧餉酌量添給蒙古兵丁從之○工部議覆河南巡撫楊宗義疏言儀封縣白家樓河勢因北岸忽長沙嘴淤積成洲以致全河大溜逼歸南岸逐漸坍至隄根甚屬危險須於大溜頂衝之處建築挑水大壩一座以當衝激再下護崖等埽以資防護應如所請從之○乙酉遣官祭

關聖帝君○喀喇沁多羅杜楞郡王伊達木扎卜來朝○丙戌陞國子監祭酒花部為內閣學士兼禮部侍郎○以詹事傳繕署理甘肅按察使司事務○兵部議覆廣東廣西總督楊琳疏言廣東沿海險要地方修造礮臺城垣汛地共一百

實錄卷二八四

九

二十六處蓋造營房共一千三百八十間撥守官兵共三千九百九十一人安礮八百零七位但各礮臺悉係踞高臨險海風潮氣易於殘缺是必定歲修保固之法方為永遠善後之圖請嗣後青成州縣官不時查看一有損壞立即修整應如所請從之○刑部等衙門議覆差往浙江審事禮部侍郎王思賦等疏言浙江正考官編修索泰應允侍讀學士陳恂囑托將陳鳳墀中式陸續借陳恂銀一千五百兩應擬斬監候秋後處決倩人作文賞綠中式之陳鳳墀營謀關節之陳莘衡陳恂應擬絞監候秋後處決陳鳳墀之父陳文熾往陳恂之子陳鈺家取回關節陳鈺接受銀兩轉付俱應擬絞監

候秋後處決費我功央伊岳父陳恂營謀關節未嘗中式應擬杖徒代陳鳳墀作文之段志閔照例枷責索泰等所得銀兩並費我功所許銀兩俱追取入官同考官知縣洪晨紱照例革職副考官檢討張懋能應降二級調用應如所擬從之○丁亥兵部題正白旗滿洲都統和禮將世襲佐領指稱舊管佐領甚屬不合應將和禮革職枷責得旨和禮著革職免其枷責○庚寅皇三子和碩誠親王允祉恭請

實錄卷二八四

一

上幸王園進宴○辛卯議政大臣等議覆差往西吉木等三處定設疆界之理藩院員外郎巴福壽疏報臣將厄魯特貝子阿拉布坦並伊所屬之台吉阿爾薩郎貝勒額爾得尼額爾克所屬之寨桑庫魯克貝子車臣所屬之護衛車臣藏布等傳齊會同西吉木等三處官員將設立疆界情由示知據貝子阿拉布坦等稱青海人等荷蒙

聖恩焉敢吝惜兵民耕種之地土但於可以耕種之地外留我等游牧處所并所屬人等種地之處足矣臣查西吉木等三處種地之所原係錫拉果爾蒙古人等游牧地方蒙古不曾種地而兵民業已耕種所有空地蒙古人等照常游牧其達里圖地方有車臣貝勒屬下人等與兵民遵循水道相雜耕種因西吉木之水源俱係淖泥草墩之地不堪耕種是以蒙古人等於此游牧循水之下流兵民與貝勒額爾得尼額爾

克以及貝子阿拉布坦屬下人等業已在水之兩岸交錯種地遂會同地方官員並台吉寨桑等將兵民蒙古人等見今交錯耕種地邊立號為界不令逾越應行令巴福壽將伊所設之疆界交明巡撫綽奇而回從之 科爾沁多羅郡王羅卜臧喇錫來朝 壬辰刑部等衙門議覆差往河南審事刑部尚書張廷樞等疏言南陽府淅川縣把總羅士英營內効力之民楊四因賭博被知縣崔錫枷責兵丁王爵等不平向知府沈淵告理知府不允遂聚眾將沈淵擡至教場圍辱應將王爵等照光棍為首例擬斬立決為從之劉長子等擬絞監候秋後處決遊擊王洪道素與知府不和縱令兵丁將知

實錄卷五十四

七

府圍繞教場凌辱又違總兵官令箭不諭兵丁解散應擬斬監候秋後處決把總羅士英應杖責發邊衛充軍總兵官高成平素既不能嚴束兵弁事後又不題參應照溺職例革職應如所擬從之 乙未巴林固山貝子扎什那木塔爾阿爾喀輔國公德木楚克來朝 丁酉阿祿科爾沁台吉垂木聘爾來朝 庚子土默特多羅達爾漢貝勒阿喇卜坦來朝 六月壬寅朔 甲辰以多羅貝勒滿篤祐為正白旗滿洲都統 議政大臣等議覆振武將軍傅爾丹等疏言臣等遵旨差貝勒丹津多爾濟等前往會同將軍富寧安等公議巴爾庫爾並阿爾泰兩路官兵之馬畜軍器口糧俱已敷用今年

進兵襲擊毫無遲滯但見今業已差人到策妄阿拉布坦處俟使臣回日如策妄阿喇布坦仍前巧飾推托即於來年兩路約會進剿今歲可暫停襲擊查兩路兵馬駐扎有年前歲進往襲擊未得深入今年雖差使臣前往應乘兵丁馬匹肥壯人力整齊會議襲擊但今時候已遲應令停其襲擊行文與兩路將軍預備來年進剿從之 丁未科爾沁和碩卓禮克圖親王巴特麻來朝 四川總督年羹堯疏報探得西海各部落近因貝勒達賴病故各有吞并之意又聞策零敦多卜見今左哨頭目春木益爾帶六百餘兵過喀喇烏蘇河前往青海又聞發兵八千來藏已至業爾根克里野地方臣思

實錄卷五十四

七

自藏至打箭爐南路險遠北路平近裏塘見有大兵南路可以無虞惟北路宜預為之防臣等已調兵防守中渡河口又酌調提標兵丁於打箭爐附近地方駐扎防守霍耳一路報聞 辛亥封固山貝子允禔女為郡君授其塔麟布為多羅額駙 吏部議浙江正考官編修索泰係工部左侍郎常泰保舉今索泰因科場作弊擬斬應將工部左侍郎革職留任常泰革任從之 乙卯諭刑部重犯人等去年恩詔釋宥者甚多見今內外人犯無幾今年朝審秋審俱著停止 予故西安副都統馬海祭葬如例 工部議覆河道總督趙世顯疏言蕭縣順河集睢寧縣王家堂桃源縣半路劉下壩顏家

莊宿遷縣談家道口夏家橋等處俱係項衝大溜甚屬危險必須建壩幫隄以資保障應如所請從之丙辰教漢和碩額駙多爾濟拉什多羅額駙羅卜臧來朝丁巳轉工部右侍郎署理湖廣總督事務滿丕為左侍郎陞內閣學士穆爾台為工部右侍郎議政大臣等議覆都統法喇等疏言臣等遵旨將綠旗兵令副將岳鍾琪帶領先行臣親領滿洲兵至打箭爐據副將岳鍾琪等稱一到裏塘即將達哇拉木渣木巴第巴色布騰阿住等傳齊安撫伊等出言抗拒不給人口數目因擒拿達哇拉木渣木巴第巴色布騰阿住并跟隨之人臣等隨訊問伊等領兵前來竊視我兵形勢情由俱各承認理應奏請正法但伊所調之蠻人衆多遲則恐生事端故將達哇拉木渣木巴等七人俱已正法隨安慰裏塘所屬地方並宣諭巴爾喀木等處又令副將岳鍾琪領綠旗兵一千名進取巴塘查都統法喇前進招撫巴塘招撫後即駐扎巴塘防守不可不發兵接應應行令護軍統領噶爾弼並總督年羹堯將見在打箭爐之滿洲綠旗兵內酌量添發法喇處見在成都之滿洲兵內酌量派往打箭爐駐扎至巴塘離雲南中甸不遠應行令都統武格偵探準噶爾之信酌量帶兵接應松潘離打箭爐亦不遠應行令副都統寧古禮等亦偵探準噶爾之信酌量領兵援應從之（都察院題舊例五

城一應事件俱五日一報臣衙門今五城止將審送刑部事件呈送兩月一次奏聞其本城自理案件並不呈送無憑查察或恐承行司坊借端生事擾民亦未可定請嗣後令五城官員每日進署辦事所行案件俱五日一次報臣衙門依限完結若將案件遲延不於限內完結或有縱容衙役混行訛詐等事即行題參議處再各部院交發兵馬司羈禁緝拿要緊人犯令兵馬司一面羈禁緝拿一面申報臣衙門又查定例兵馬司正指揮拿獲逃人三十名副指揮吏目拿獲逃人十五名各加一級至特交緝拿之重犯雖經拿獲無議叙之例故拿獲逃人者時有而拿獲要緊人犯者甚少嗣後緝拿要犯并逃人能照數拿獲者准其加級若只將逃人拿獲而不能拿獲要犯者不准加級若知係要犯與逃人不行查拿而縱容在其地方者察出題參交部嚴加議處從之已未吏部議覆河南巡撫楊宗義疏言駐防滿洲官兵首分皆設理事同知或通判一員今豫省既有滿兵駐防亦應循例添設應如所請於開封府添設理事同知一員從之庚申喀喇沁和碩額駙納穆賽來朝壬戌四川總督年羹堯護軍統領噶爾弼疏報探得策零敦多卜領兵六千止有二十餘準噶爾之人餘皆迫脅而來者再同領兵之三濟行事輕躁與策零敦多卜不相和睦又有郭莽喇嘛係策零敦多卜之

弟策零敦多卜調夫修理布達拉城池有欲為藏王率眾歸附之意臣等遙揣其情策零敦多卜深知策妄阿喇布坦之殘忍又與三濟不和恐難保全此亦必有之情似可密諭策零敦多卜速來歸順使守西藏令除三濟以自効報聞議政大臣等議覆四川總督年羹堯護軍統領噶爾弼疏報據副將岳鍾琪等稱果塘就撫之後即遣人至巴塘招撫及領兵行至巴塘所屬立登三木巴地方前差往招撫之人帶領喀木布第巴所遣之人來迎情願歸順遂准其投誠并令喀木布第巴開明戶口數目俟大兵一至巴塘即來親遞查巴塘既稱已經招撫應行令都統法喇仍駐扎巴塘看守從之

實錄卷一百一

事

○乙丑撫遠大將軍允禔疏報公策旺諾爾布等將出西藏而來之扎穆揚善木巴等送至西寧遂詢據扎穆揚善木巴等稱策零敦多卜三濟等領兵駐扎在藏聞得三濟於三月間向策妄阿喇布坦處去再策零敦多卜聞大兵分路進剿恐不能支欲於五月間遁回報聞丙寅陞直隸天津總兵官馬見伯為陝西固原提督丁卯河道總督趙世顯疏報湖河水勢甚長臣仰遵

聖諭嚴飭河工道廳等官加謹防護開放洪澤湖蔣家壩等各閘壩以資宣洩各處隄工見在加謹搶護得旨湖河水勢雖長因將各處洩水之閘壩俱行開放是以隄壩平穩然河水

復長亦未可定該督仍率領河員加謹防守保護務使隄壩完固以副朕注念河道至意

實錄卷一百一

事

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十四

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十五

康熙五十八年己亥秋七月壬申朔享

太廟遣散秩大臣伯富大禮行禮癸酉議政大臣等議覆都統武格等疏報江寧之兵已抵沅州地方福小大兵難以久居遂將湖南湖北雲南貴州各營之馬先撥給江寧兵四千九十八匹將前鋒作一起八旗官兵作四起令副都統吳納哈帶領陸續起程前往雲南俟浙江兵到之時亦照江寧兵馬之例料理令副都統噶什帶領陸續起程前往雲南臣等馳赴雲南詳視可以駐兵形勝地方並作何安設兵馬之處

實錄卷五

一

再行奏聞應行令都統武格俟兵馬到齊時與地方官會商在雲南之中甸左近應駐兵馬之形勝地方酌量駐扎仍不時偵探準噶爾確信即令其接應法喇從之甲戌陞通政使司左通政格爾布為內閣學士兼禮部侍郎丁丑以故奉恩將軍納爾特之子訥爾庫襲職陞浙江杭州副將林達為浙江黃巖總兵官直隸石匣副將張致為河南南陽總兵官庚辰大理寺卿李敏啟丁母憂命回籍守制辛巳孝懿皇后忌辰遣官祭

陵癸未陞副都統宗查布為西安將軍丙戌中元節遣官祭

永陵

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵山東巡撫李樹德疏報今歲二麥豐收恭進土產麥麵

實錄卷五

一

上諭大學士等曰據巡撫李樹德奏山東閩省雨暘時若三麥豐收貢獻麥麵此端一開各省必互相效法貢獻各色物件不惟事煩抑或不肖有司僭端科派苦累小民亦未可定所進麥麵著發還兵部題原任固原提督潘育龍奉旨授為鎮綏將軍其標下中軍改設副將令潘育龍已故將天津總兵官馬見伯補授固原提督其標下中軍副將應仍改設參將見在副將陳俊應令暫管參將事仍赴軍前効力從之己丑陞江寧城守營副將陳天培為蘇松總兵官乙未以故奉恩將軍石憲之子誠文襲職予故山西大同總兵官張自興祭葬如例杜爾伯特固山貝子沙進故遣官致祭

議政大臣等議覆撫遠大將軍允禔疏言辦理軍餉之原任侍郎色爾圖等扣剋軍糧應將色爾圖照失誤軍機律擬斬筆帖式戴通擬絞俱解部監候秋後處決應如所擬得旨色爾圖依擬應斬戴通依擬應絞俱仍鎖禁西寧遇有苦差之處差遣又議覆撫遠大將軍允禔疏言原任都統胡錫圖帶兵來時沿途索詐官吏騷擾百姓進藏之時人馬傷損回時不親自率領兵丁先行進口應將胡錫圖枷號鞭責解送京城完結應如所擬得旨胡錫圖仍鎖禁西寧遇有効力之處發往効力○科爾沁和碩端敏公主來請安○科爾沁達爾漢親王和碩額駙羅卜臧滾布來朝○戊戌吳喇忒鎮

實錄卷五十五

三

國公達拉瑪西禮來朝○已亥議政大臣等議覆四川總督年羹堯疏報松潘總兵官路振揚等令守備周瑛領兵出口於巡查邊界之便令其招撫鐵布生番而阿念塘惡番不遵勸諭且復抗拒射傷差去之人守備周瑛即奮勇率兵而進殺二百餘賊生擒五十餘人并獲馬匹等物查該督先將周瑛題補漳臘營遊擊業已准其補授其擒獲之五十餘人俟審明具題到日再議所得之馬匹等物令其賞給綠旗兵丁從之○庚子工部議覆河道總督趙世顯疏言入夏以來水勢相繼泛漲將唐埂等處滾水壩閘次第開放以資宣洩各處工程俱修整平穩惟山盱汎之古溝茆家園二處漫溢過水

應勒限修堵但今正值水大之時宜令暫緩堵閉留為宣洩驟漲之水俟水勢稍退即行修築應如所請從之○以巴林故固山貝子鄂齊爾桑子巴忒麻襲爵○翁牛特和碩溫恪公主來請安○翁牛特多羅杜楞郡王和碩額駙蒼津來朝八月辛丑朔○壬寅戶部議覆無湖關監督赫昌疏言無湖關缺欠錢糧因江西湖廣糧船二千餘隻每年過關旗丁任意將貨物滿載船尾拴扎木筏不令查驗請諭總漕令兩省糧道於本處糧船載米起運後親身先行到關查驗放行如有裝載貨物木筏盡行入官庶於糧船無誤而關課亦不致多缺應如所請令總漕於湖廣江西二省漕船載米起運後

實錄卷五十五

四

令各該糧道至上流漢口吳城馬頭親身稽查仍嚴飭押運官弁每船照定例除六十擔土宜外不許多載私貨如有違例多載及拴扎木筏過關者將貨物入官該管糧道押運官弁一并題參治罪從之○嵩齊忒多羅郡王雅穆聘爾來朝○甲辰喀爾喀輔國公妥扎爾來朝○乙巳命發貴州鎮遠府常平倉穀賑濟鎮遠施秉二縣被災貧民○工部議覆河道總督趙世顯疏言山清二縣運河清河縣中河頭草壩徐州郭家嘴長樊大壩睢寧縣王家堂宿遷縣陳家道口桃源縣九里岡胡家莊東壩尾宿遷縣黃河北岸葉家莊等處請加幫隄工建築挑水壩下埽保固草壩應如所請從之○丙

午烏朱穆泰多羅貝勒博木布喀爾喀多羅貝勒拉穆扎卜來朝。丁未。遣大學士蕭永藻祭

先師孔子。議政大臣等議覆振武將軍傅爾丹等疏言臣等導旨查明應發回之官兵。有右衛索倫等處官員一百一十人。兵丁二千一百六十八名。俱年老有病。相應發回。至於自備前來効力之原任副都統常關保等六十八員。俱年老殘疾無力行走。亦應發回。台吉蘇克都爾所屬十一佐領內種地官二員。撥什庫甲兵七十八名。應發回。令往驛站行走。此發回兵丁之行月錢糧羊價銀兩均添與內地二十三處扎薩克。並喀喇沁及種地之土默特兵丁跟役。但此項尚不敷用。請每月加增銀六千兩。將羊價每隻折銀一兩給發。俱應如所請。從之。○戊申。祭

大社

大稷。遣散秩大臣伯富大禮行禮。○己酉。

太宗文皇帝忌辰。遣官祭

昭陵。○庚戌。

上行圍。命皇三子和碩誠親王允祉。皇十五子允禩。皇十六子允祿。皇二十子允禔。隨駕。是日自熱河啟行。駐蹕中關。陞太常寺卿張大有為大理寺卿。吏部議覆浙江巡撫朱軾疏。參浙江巡鹽御史哈爾金往紹所掣鹽風聞挾妓酣酒因

而毆傷平民。又額外加派勒寫銀票。應遣部院官一員前往審明定擬。得旨著刑部尚書張廷樞。內閣學士德音前往審理。○右衛副都統羅察以老病乞休。允之。○辛亥。秋分。夕月於西郊。遣刑部尚書賴都行禮。○

太祖高皇帝忌辰。遣官祭

福陵。○壬子。

上駐蹕博洛和屯。○察哈爾公達錫林臣敷漢和碩額駙多爾濟拉什阿霸垓多羅卓禮克圖郡王扎木巴爾扎卜。科爾沁扎薩克圖多羅郡王撒胡喇克扎魯特多羅貝勒畢魯瓦來朝。○癸丑。

上駐蹕張三營。○甲寅。

上駐蹕蘇寨包地方。○科爾沁多羅郡王羅卜臧喇錫多羅冰圖郡王宜希班多羅貝勒巴克什古爾土默特多羅達爾漢貝勒阿喇卜坦喀爾喀多羅貝勒羅卜臧丹巴來朝。○旌表江西南昌縣烈女萬承雋聘妻劉氏夫故聞訃自經明志給銀建坊如例。○乙卯。

上駐蹕濟布克特昂阿地方。○丙辰。

上駐蹕舒虎爾和洛昂阿地方。○戊午。

上駐蹕土城地方。○己未。諭近御侍衛等曰朕於騎射哨鹿行獵等事皆自幼學習稍有未合式處侍衛阿舒默爾根即直

奏無隱。朕於諸事諳練者皆阿舒默爾根之功。迄今猶念其誠實忠直未嘗忘也。朕自幼至今凡用鳥鎗弓矢獲虎一百三十五熊二十豹二十五猞猯獾十麋鹿十四狼九十十六野猪一百三十二。哨獲之鹿凡數百。其餘圍場內隨便射獲諸獸不勝記矣。朕曾於一日內射兔三百一十八。若庸常人輩世亦不能及此一日之數也。朕所以屢諭爾等者以爾等年少宜加勤學。凡事未有學而不能者。朕亦不過由學而能。豈生而能者乎。庚申議政大臣等議覆振武將軍傅爾丹等疏言莫代察罕搜爾與鄂爾齊圖果爾二處各築一城。每城宜蓋房二千間。自鄂爾齊圖果爾至莫代察罕搜爾宜設立

實錄卷五

七

十一站。應如所奏。其新設驛站派理藩院司官一員前往會同該將軍將去馬車輛等項照從前古北口外安站例設立。其充發之人俟築城蓋房完日陸續發往令其耕種。俟耕種一年後再派官兵駐防。得旨依議。設立驛站之處甚屬緊要。著兵部尚書范時崇前往料理。甲子封固山貝子允禩女為郡君。授其以僧滾扎卜為多羅額駙。予故浙江黃巖總兵官史成祭葬如例。阿霸垓輔國公德木楚克來朝。乙

丑

上駐蹕巴顏和洛地方。烏朱穆泰和碩車臣親王色登敦多卜科爾沁多羅郡王諾門額爾赫圖教漢多羅郡王垂穆品

爾郭爾羅斯台吉查滾來朝。丁卯。

上駐蹕布爾哈蘇台昂阿地方。鄂爾多斯多羅貝勒達西拉卜坦固山貝子羅布藏來朝。戊辰克西克騰台吉齊巴克扎卜來朝。己巳。

上駐蹕格爾齊老昂阿地方。

九月庚午朔。

上駐蹕博通圖昂阿地方。予故原任福建福寧總兵官張玉麒祭葬如例。以青海故多羅貝勒達顏子汪楚克阿拉布灘喀爾喀故多羅貝勒達顏子噶爾桑各襲爵。辛未。

上駐蹕西拉諾海地方。癸酉遣官祭。

實錄卷五

八

歷代帝王。遣官祭城隍之神。

上駐蹕克勒烏里雅蘇台。禮部議覆浙江提督學政汪澄疏言浙江衢州府西安縣之孔氏乃先師嫡裔。查兗州府曲阜縣歲科兩試將孔氏子孫進數十人。鄉試另編耳字號將孔氏子孫及四氏子孫中式二人。今衢州孔氏後裔繁衍。仰請格外加恩於歲科兩試西安縣入學額數外將孔氏子孫另編字號每次額取二名。應如所請從之。改浙江金華府武義縣小學為中學。從提督學政汪澄請也。甲戌。

上駐蹕石寶諾爾地方。議政大臣等議覆四川總督年羹堯護軍統領噶爾弼疏言據差往巴塘知府遲維臺等稱。乍

又木道察哇三處胡土克圖羅布藏那木扎爾等欲來歸順將伊等所屬喇嘛民人等戶口會造總冊投遞因差郎中郭賴遊擊黃喜林等持銀牌茶緞輕騎前往三處曉諭犒賞外復令詳察三處形勢回報應行令年羹堯等俟差去之郎中郭賴等一到將彼處情形並所得一應信息即速奏聞從之

乙亥

上駐蹕克勒色欽地方○賜來朝翁牛特喀喇沁科爾沁巴林阿祿科爾沁阿霸垓土默特敖漢吳喇忒高齊忒烏朱穆秦喀爾喀察哈爾扎魯特郭爾羅斯郭爾多斯克西克騰王貝勒貝子公台吉等銀幣鞍馬有差○賞隨圍蒙古官兵銀兩布疋有差○丙子

上駐蹕雲特木爾昂阿地方○工部等衙門遵旨議覆臣等查兩局現貯銅八十三萬餘觔又各省運到張家灣銅一百六十八萬餘觔尚有報解歷年銅二百八十六萬餘觔今年秋冬明年春夏可以不誤鼓鑄其江寧等八處舊欠未完康熙五十五年七三年銅二百七十二萬八千六百觔有奇應令各該督撫於文到日勒限十月盡數解部如有遲誤將辦銅各官嚴加議處督催不力之督撫并承催不力之布政司俱照承追錢糧之例議處從之○丁丑

上駐蹕汗特木爾達巴漢地方○戊寅

上駐蹕張三營○己卯

上駐蹕唐土溝地方○庚辰

上駐蹕博洛和屯○辛巳

上駐蹕哈麻子營○免江南無為州本年分水災額賦有差○壬午

上駐蹕黃土坎○癸未

上駐蹕熱河行宮○丙戌以故一等侯張宗仁之子張謙襲爵○以郭爾羅斯故輔國公莽色子諾爾布襲爵○己丑以原任江蘇布政使司布政使李世任補原官原任江西布政使傅澤淵為浙江布政使司布政使○議政大臣等議覆四川

總督年羹堯護軍統領噶爾弼疏言從前松潘口外駐扎滿漢官兵原議於草枯之後撤回內地今口外雪多草枯官兵應請撤回又議政大臣議令駐扎打箭爐滿兵酌量發往法喇處量派成都滿兵至打箭爐今裏塘巴塘見有滿漢大兵二千七百名非特裏塘巴塘人等投順而作又木道察哇色相繼歸誠且探聽賊兵並無信息請將滿兵仍駐扎打箭爐俾其派往俱應如所請從之○庚寅議政大臣等議覆甘肅巡撫綽奇疏言據料理巴爾庫爾事務道員李宜麟等稱康熙五十七年在杜爾博爾金等處種收之青稞運至軍營五千五百餘石需腳價銀二萬三千三百餘兩白哈密運

至軍營七千九百餘石。裹帶之米需脚價銀三萬一千八百餘兩。共需銀五萬五千餘兩。懇請撥給。以便輓運。應將現今軍需銀內撥發。令其作速輓運。並將塔爾那泰等處計算程途。遠近每石應給脚價銀若干之處。令該道員等查明辦理。查先年收穫之糧運至軍營。並未雇運。應行文將軍富寧安。將種地之處離軍營近者作速運到。遠者作何給與脚價之處。定議具奏。從之。甲午。

上駐蹕花峪溝地方。乙未。

上駐蹕王家營。諭議政大臣等。此次差往西邊胡畢圖等前來。回稱策零敦多卜等及土伯特衆喇嘛民人俱言在西寧

實錄卷五十五

土

見有新胡必爾汗實係達賴喇嘛之胡必爾汗。天朝聖主將新胡必爾汗安置在達賴喇嘛禪榻上座。廣施法教。實與衆人相望之意允協。且土伯特處時有瘴氣。危魯特之子孫不能滋生。多生疾病。有何貪戀之處。惟懇天朝聖主將法教速為廣施。觀此情形。似乎易結。今將新胡必爾汗封為達賴喇嘛。給與冊印。於明年青草發時。送往藏地。令登達賴喇嘛之座。送往時著大臣帶滿洲兵一千名。蒙古兵一千名。土番兵二千名。綠旗馬兵一千名。步兵一千名前去。其行糧牲畜接續之處。令大將軍辦理。再由巴爾喀木帶四川滿洲兵一千名。綠旗兵一千名。土番兵酌量派往。其行糧牲畜接續之處。

今年差克辦理青海王貝勒貝子公等亦帶領屬兵或一萬或五六千。送往前去。策零敦多卜等若實為法教。自必俟達賴喇嘛登禪榻後。然後前去。若不行等候。遁走。即為無恥之賊。此行大將軍帶領兵馬在梭羅木週圍水草佳處駐扎。兼令其照管青海家屬四川兵二千名出口。駐扎兼照管王察罕丹津行裝事關甚大。將此旨傳諭大將軍處。令伊等公同確議具奏。又青海王台吉等令大將軍傳集一處。曉諭。唐古特國內達賴喇嘛班禪法教原係爾祖上設立。今策妄阿喇布坦無故將拉藏殺害。令寺廟喇嘛各自散去。將衆鄂里格一路截斷。令達賴喇嘛禪榻空虛。從前爾將此新胡必爾汗

實錄卷五十五

土

稱為達賴喇嘛之胡必爾汗。若安置在達賴喇嘛禪榻。為法教廣施之事。我等願捨命効力。業經保奏。土伯特之喇嘛民人及阿木島地方喇嘛等俱亦稱為達賴喇嘛之胡必爾汗。皇上將此胡必爾汗特封為達賴喇嘛。於明年一同送往藏地。令登禪榻。將法教廣施。放開衆鄂里格一路。令其販賣茶布。此正宜効力之時。爾等應各帶兵丁與送去之大臣會同一處前去。爾等之意如何。令伊等各陳已意。會盟畫一具奏。俟會盟完時。令都統延信楚宗公策旺諾爾布侍讀學士常授等由固關前來京師具奏。免江南歛縣等五縣康熙五十七年分水災額賦有差。封和碩裕親王保泰女為郡主。

授其婿策旺多爾濟為和碩額駙。旌表陝西烈婦牛氏拒
姦畢命給銀建坊如例。丙申。

孝慈高皇后忌辰遣官祭

福陵

上駐蹕鞍子嶺。丁酉。

上駐蹕兩間房。戊戌。

上駐蹕巴克什營。調鑲藍旗滿洲副都統覺羅伊敦為右衛

右翼副都統。陞前鋒叅領祁爾薩為鑲黃旗蒙古副都統。

○多羅安郡王華妃薨。祭二次。造墳立碑。謚曰節。己亥。

上駐蹕遙亭。議政大臣等議覆督理軍餉事務侍郎敦稗等

實錄卷二八六

三

疏言臣等於康熙五十六年八月內將收過都統圖思海等

陸續運到之米共三萬五百石。放給官兵跟役人等。給過米

一萬七千二百五十餘石。今存米一萬三千二百四十餘石。

將此米給與官兵跟役人等。並新派來之盛京烏喇官兵跟

役人等仍足用八月。但路途遙遠。不可不將米糧預為備辦。

請明年仍照前運送。應如所請。從之。

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百八十五

實錄卷二八六

古

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十六

康熙五十八年己亥冬十月庚子朔享

太廟遣都統伯四格行禮遣官祭

永陵

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵(頒康熙五十九年時憲歷)

上駐蹕羅家橋(辛丑)

上駐蹕密雲縣(壬寅)

上駐蹕懷柔縣(喀爾喀車臣汗遣使進九白年貢宴賚如例)

(癸卯)

上駐蹕南石槽地方(甲辰)

上駐蹕湯泉(喀爾喀澤卜尊丹巴胡土克圖土謝圖汗遣使

進九白年貢宴賚如例)(丙午)

上駐蹕鄭格莊(刑部等衙門議覆查辦理西寧軍餉陝西巡撫噶什圖題參李錫等七人借欠庫銀一案李錫係擬立決

之犯李廷臣係擬斬監候之犯白澄張育徽係擬絞監候之

犯佟國勦祖業弘係革職之人武廷造係致仕之人俱奉旨

發往軍前効力贖罪反推諉事故借軍需銀六萬六百餘兩

今又呈稱力竭不能應付以致遲誤軍務殊屬可惡應將李

錫等從重治罪但西寧見在用兵李錫等仍留彼處効力行

走如仍前不悛照原擬取來京城正法佟國勦祖業弘武廷

造另行議罪外其所借庫銀行令各該旗督撫查明伊等家

產作速變價償還如有隱匿將承查大臣各官一併從重治

罪從之○丁未

上回駐暢春園○壬子諭內閣學士長壽朕覽邵子聲音圖於

各國聲音有不能該括處朕於聲音之學究心二十餘年雖

未親至鄉里而鄉里人之聲音無不悉知有如清字之音有

漢字所無者漢字之音亦有清字所未備者朕將此聲音圖

討論多日欲該括各國聲音斷乎不能朕以為性理精義內

邵子聲音圖宜仍用漢字其清字圖可以不用蒙養齋修書

舉人王蘭生諳曉音韻之學爾與之商酌觀其意見如何並

將此旨令漢大臣同閱○癸丑諭兵部右衛副都統覽羅伊

敦狂妄暴戾著革退○甲寅吏部等衙門議覆差往貴州審

事刑部員外郎齊克坦等疏言查貴州巡撫黃國材進京陛見時。布政使遲斂指貴陽等十一府屬官役俸工。借與藩庫銀二萬五千二百餘兩一案。據黃國材供。司道各府聞知進京陛見。共送盤費銀一萬四千兩。總督亦幫盤費銀一千兩。是實。並無借藩庫銀兩之處。巡撫黃國材將各官所送盤費。即行收受。不合。應照例降三級調用。其所受銀一萬五千兩。追取入官。布政使遲斂。係專管庫帑之員。私將庫銀指俸工。借給。應照例降三級調用。總督蔣陳錫。係封疆大臣。不據實陳奏。應降一級調用。俱應如所擬。得旨。黃國材著解任。蔣陳錫著降一級免其調用。遲斂著降三級調用。○贈故鎮綬將

實錄卷二八六

上

軍固原提督潘育龍。為太子少保。予祭葬。諡襄勇。○乙卯。以刑部郎中徐樹屏。為廣西按察使。司僉事。提調學政。○丙辰。吏部題甘肅巡撫綽奇。已派辦理軍餉。其巡撫印務。請派官一員署理。得旨。著內閣學士花。鄒前往署理。○壬戌。予故廣東碣石總兵官潘承家。祭葬如例。旌表河南烈婦魏氏。拒賊身死。給銀建坊如例。乙丑。議政大臣等議。覆靖逆將軍富寧安。遵旨覆奏。查杜爾博爾金。因離營近。是以將歷年所收之穀。派令滿洲蒙古綠旗官兵。以已力運至營中。並未動用錢糧雇運。圖呼魯克。康熙五十五六七年。營種所收之穀。俱用官駝輪流運至營中。亦未動用錢糧雇運。至運送圖

實錄卷二八六

中

呼魯克所種之青稞。原應將腳價雇運到營。但圖呼魯克處所係曠野之地。難以雇覓夫驛車輛。兼之支放兵丁青稞。需用緊急。因將圖呼魯克應雇運之三千一百九十石青稞。用官駝運送至營。將駝臺應運之三千餘石之穀。照依運送圖呼魯克青稞之腳價雇運至營。再查主事達理等。捐種青稞一千八百十六石。理應以已力運送到營。乃止交送哈密倉內。仍動用錢糧七千二百餘兩雇運到營。應交與侍郎海壽著落主事達理等。照數追取。令在運糧等項事務使用。又查自哈密來巴爾庫爾之路。已成通衢。聚集之人亦多。應將自哈密雇運到營腳價。每石減銀五錢。給銀三兩五錢。額敏在塔爾那泰所種青稞。運至哈密腳價。每石減銀三錢。給銀一兩七錢。又自哈密運送至營。亦每石減銀五錢。給銀三兩五錢。共減銀四千四百兩有奇。見應給腳價銀三萬九百兩有奇。請令甘肅巡撫綽奇。照數速行解送。交與侍郎海壽將哈密收貯最帶之糧七千九百五十石。並額敏在塔爾那泰所種之青稞六百八十石。雇運至營。其在圖呼魯克塔爾那泰等處。捐種人等應交之穀。著侍郎海壽令捐種人等。以已力運送至營。應如所請。從之。○丙寅。諭議政大臣等。爾等皆係議政大臣。凡議政諸事。並不留心。俱草率議奏。聞自備運米人員親身並未前往。將官駝所運米石。以為本身運到。竟邀議敘。

自備種地人員並未種地交糧而管理種地之人希圖利益捏稱交糧入倉亦邀議敘。見今倉內米石已致缺乏。所以侍郎敦稭等奏請明歲運米應作速運到以補缺乏。爾等於諸事不甚留心草率議奏之處朕已屢降諭旨。嗣後爾等須加意恪遵。陞直隸巡道楊名時為貴州布政使司布政使。○刑部尚書張廷樞奏據關聖帝君五十六世孫關麟呈稱原籍解州遷洛守墓竊見宋儒邵子程子後裔俱思賜世襲博士。爵祖墳墓在洛。春秋致祭。懇與宋儒後裔一體恩賜博士。臣思邵子程子發明忠孝節義之理。關聖帝君力行忠孝節義之事。可否給與世襲博士。出自

書錄

五

聖恩下部議行。○戊辰陞雲南布政使金世揚為貴州巡撫。湖南按察使毛文鋒為雲南布政使司布政使。○詹事府詹事王奕清以病乞假。今回籍調理。○旌表直隸烈婦陳啟秀妻楊氏拒姦身死給銀建坊如例。

十一月己巳朔辛未。戶部左侍郎署正藍旗滿洲副都統事務傳爾勞納以辦理旗務遲延革職。○壬申以吏部左侍郎勒什布充經筵講官。○癸酉吏部議覆荊州將軍拜音佈疏言荊州府理事同知員缺以滿洲補授審理逃人及軍民事務似有裨益應如所請從之。○戶部議覆四川總督年羹堯疏言裡塘巴塘地居荒服大兵一抵其地堪木布第巴率

眾來歸請自康熙五十九年為始願輸納錢糧其錢糧即在軍前支用免入川省額賦。俟西歲平定另行請旨定奪。應如所請從之。乙亥諭大學士等敬

天尊

祖所關至重至大朕自御極以來凡

壇廟祭祀朕俱親詣行禮年來因多病足痛不能親往每遣大臣恭代孔子云吾不與祭如不祭朕不能親詣念切欽承欲

一瞻仰

郊壇而非祭祀之日則典儀未備又非盡誠盡敬之理今朕躬稍愈如南苑湯泉泉泉肩輿俱可行走今冬至齋戒之時朕足

雖不得加潔誠之念有餘擬於祭日朕躬親詣於祭祀之前升

壇瞻仰省視俎豆若可跪拜朕拜後退處更衣幄次俟恭代親王行禮畢然後回宮朕心始安已將此旨諭諸皇子爾大臣會同議奏此係創行之禮如漢大臣以從無此典或引據書史為言朕年已老在位六十年矣豈易得此例乎自今朕躬安好可以前往倘此數日內朕躬稍覺不能親往再傳諭停止未晚也尋奏

皇上敬

天之心誠一無間凡遇祭祀必躬詣行禮六十年如一日今

聖壽將屆七旬。足病稍愈。即欲躬詣

天壇告虔行禮。

聖心誠敬如此。早為

天心照鑒。但時值嚴寒。見宜調攝。

聖躬。矧在宮齋戒。與親詣祭所俱一體敬謹。仰懇俯允眾情。停

止。

親詣行禮。

上命諸皇子傳諭曰。

天壇朕必親往。前者朕躬欠安。偶未親祭。王以下。公以上。俱不

齋戒。此次著照常齋戒。隨朕前往。不必隨朕行禮。朕行禮時。

實錄卷二百六

十

不必贊禮作樂。俟拜畢。至更衣幄次。派出親王偕眾行禮。禮

畢。朕乃回宮。朕躬親往之處。亦著書於祝文內。諸臣又奏本

月十二日。

皇上躬詣

天壇。十一日御

太和殿視祝文。香帛。

聖躬未免太勞。懇祈

皇上暫停親視。令內閣恭捧送往。得旨。照常親視祝版。丙子。

上自暢春園回宮。禮部尚書革職。留任陳詵。以老病乞休。命

復還原職致仕。庚辰。冬至。祀。

天於

圜丘。

上親往。先拜畢。命皇三子和碩誠親王允祉行禮。遣官祭

永陵。

福陵。

昭陵。

暫安奉殿。

孝陵。

孝東陵。

仁孝皇后。

孝昭皇后。

孝懿皇后陵。停止次日朝賀。辛巳。

實錄卷二百六

十一

上幸暢春園。吏部議覆山東巡撫李樹德疏言。東省濱樂設

分公司一員。膠萊設分公司一員。膠萊分公司。不過在雒口。驗放商

鹽出關。雒口離省僅十里餘。而鹽法道駐劄省城。驗放最易。

請裁去膠萊分公司。其應管事務。令濱樂分公司兼轄。應如所請。

從之。又議覆李樹德疏言。兗州府屬州縣及東昌府屬夏

津等九州縣。向隸東兗道管轄。東兗道奉裁以後。東兗兩府

所屬州縣事務。統歸兩知府管理。至稽察該府之倉庫錢糧

及一切地方事務。竟無統轄之員。請將兗州府屬州縣事務。

改歸濟寧道統轄。東昌府屬夏津等九州縣事務改歸濟寧道統轄。應如所請。從之。○癸未。陞國子監祭酒李周望為詹事府詹事。仍兼管國子監事。○甲申。陞左僉都御史黃叔琳為太常寺卿。○乙酉。刑部等衙門議覆福建浙江總督滿保疏言。烽火門把總鄭祿帶兵坐船赴澎湖換班。陡遭颶風。衝溺。失礮械。經陸汛千總林霞撈救。鄭祿得免。應將鄭祿照毀棄官物律擬徒罪。其船隻礮械。著即賠補。得旨。把總鄭祿帶兵坐船換班出洋。遭風碎船。事出意外。因此治罪。殊覺冤抑。其鄭祿治罪賠補船隻器械之處。俱著寬免。○己丑。調正黃旗滿洲副都統覺羅杜業禮為右衛副都統。鑲紅旗蒙古副都統蘇爾法為鑲藍旗滿洲副都統。陞多羅平郡王長史吳禮布為鑲紅旗蒙古副都統。○庚寅。轉戶部右侍郎敦樸為左侍郎。陞左副都御史赫成額為戶部右侍郎。○禮部議覆江西巡撫白潢疏言。江西鄉試入場士子多至一萬二千餘人。而中額比浙江湖廣少九名。請照浙江湖廣額數取中舉人九十九名。應如所請。從之。○辛卯。予故理藩院尚書赫壽祭葬如例。○癸巳。戶部議覆刑部尚書張廷樞疏言。河南漕米自康熙十四年改折起。每石折徵銀八錢。解部。後因御史孫必振奏。豫省連年粟米甚賤。部議遂將八錢數內一錢五分解部。餘銀六錢五分。令巡撫買米起運。巡撫分委各州

縣。而州縣復派委小民。令其買米輸納。不無繁費苦累。請照舊例。每石折銀八錢。仍將銀一錢五分解部。其餘銀六錢五分。行令該撫交與糧道採辦米石。親自料理。如仍有分委州縣及苦累小民之處。該撫不時查察。該撫通同容隱。一併從重治罪。應如所請。從之。○免江南高郵州山陽縣本年分水災額賦有差。○丙申。琉球國中山王尚敬遣陪臣向秉乾等進貢方物宴費如例。○丁酉。陞直隸通永道張安世為湖南按察使。司按察使。○江南江西總督長蘧疏言。鳳陽府屬潁州知州王承勳曾告鳳陽府知府蔣國正。勒索銀一萬一千八百兩。安徽布政使年希堯勒索銀五千八百餘兩。又康熙五十六七年。蠲免民欠錢糧。司府鈎通捏造民欠冒蠲銀四千餘兩。請將布政使年希堯。知府蔣國正。知州王承勳。俱離任質審。得旨。著兵部右侍郎田從典。都察院左副都御史屠沂前往審理。十二月。己亥朔。庚子。刑部等衙門議覆。差往盛京審事內閣學士長壽等疏言。盛京戶部理事官保德題。參員外郎麻爾賽。領銀四萬七千兩。止買米九千石入倉。餘剩銀兩。並不買米是實。應照侵盜錢糧例。將麻爾賽擬斬監候。其所侵銀兩。勒限追賠。盛京戶部侍郎革職。留任董國禮。不行參奏。甚屬溺職。照例革任。應如所擬。從之。○壬寅。以左都御史蔡升

元為禮部尚書（癸卯）

孝惠章皇后再期致祭。命

皇四子和碩雍親王

皇五子和碩恒親王允祺。皇十七子

允禮恭代行禮。陞通政使伊特海為都察院左副都御史

（平故原任湖廣彝陵總兵官王允昌祭葬如例）（琉球國

貢使楊聯桂於通州病故。予祭一次。置地營葬立石）（甲辰

孝惠章皇后忌辰。遣官祭

孝東陵。吏部議覆河道總督趙世顯會同河南巡撫楊宗義

疏。言請將清化鎮河捕通判令其就近專管河務。改為管河

通判。懷慶府管糧通判令其專管鹽捕。改為糧捕通判。應如

實錄卷百六

七

所請。從之。○陞叅領安齡為正黃旗滿洲副都統。○乙巳。鑲

藍旗滿洲都統郎圖以老病乞休。允之。○旌表直隸烈女劉

成拒姦自盡。給銀建坊如例。○丁未。旌表浙江烈女姚氏。拒

姦完貞。給銀建坊如例。○戊申。湖廣總督護理西安將軍印

務陣亡額倫特櫬回京。命皇五子和碩恒親王允祺。皇十二

子固山貝子允禔迎奠。○兵部議覆山東巡撫李樹德疏。言

東省沿海礮臺共一百座。內有逼近大洋者。亦有遠隔大洋

者。請將不緊要礮臺兵丁撤回。添於緊要礮臺之處。其不緊

要礮臺改為煙墩。應如所請。從之。○兵部題江西南昌總兵

官陳赤果有舊疾。即應乞休。今奉旨調來。陛見始稱舊疾復

發。殊屬不合。應將陳赤照溺職例革職。得旨。陳赤著降五級

解任。○己酉。陞兵部右侍郎田從典為都察院左都御史。內

閣學士署理甘肅巡撫事務。花郵為盛京戶部侍郎。詹事傅

繕為通政使司通政使。○免江南清河淮安等五縣衛本年

分水災額賦有差。○庚戌。都統武格等疏報。臣等於十月初

一日抵中甸。查離中甸一日程途。有扎雅一口。兩日程途。有

奔雜拉渡口。曾令前鋒叅領曼不特衛張柱等往視。回稱扎

雅口乃通西之路。奔雜拉渡口乃通金沙江之渡口。此二日

俱係通西最要之路。臣等將駐扎中甸之二百名綠旗兵。肉

每口派兵二十名。令其防守外。臣等徧視石鼓劍川水北等

實錄卷百六

七

處之後。前赴雲南省城。與地方官會商。令行陳奏。報聞。○壬

子。旌表福建烈婦金氏拒姦身死。給銀建坊如例。○癸丑。授

故奉國將軍阿裕爾孫蘇赫納為奉恩將軍。○乙卯。以原任

工部右侍郎王度昭為兵部右侍郎。○以輔國公阿布蘭為

鑲藍旗滿洲都統。正黃旗護軍統領宗室勒特溥為右翼前

鋒統領。○陞浙江湖州副將劉業溥為湖廣彝陵總兵官。廣

西潯州副將鄭繼寬為廣東潮州總兵官。○丙辰。議政大臣

軍前召至大臣九卿等。公同議奏進藏一事。得旨。此議尚未

周詳。只議西地進兵。並未議及阿爾泰巴爾庫爾兩路之兵。

兩路兵會合。取吐魯番。若烏魯木齊難以堵塞。看守。應將兩

路之兵會合襲擊。或各減騎進入震懾。從呼爾達拉之處襲擊。則彼必畏懼。自然棄此牧放牲畜之處而去。再聞知西地大兵進剿。並兩路兵襲擊。不但驚惶無措。亦且首尾不能相顧矣。額駙阿寶所屬厄魯特兵五百名。察哈爾兵四百名。令帶往取藏。此柴旦木所有之兵。亦令前往取藏。大將軍留駐穆魯烏蘇三千兵。內令派兵一千前進。大將軍處之兵若少。將京師每佐領下派出護軍二名。馬兵一名。於二月內起程前往西寧。今新胡必爾汗奏稱各處俱有禪床。皆可安設。若為我興兵。實關係衆生。此或是新胡必爾汗之意。或是青海台吉等畏懼策妄阿喇布坦密囑新胡必爾汗奏。亦難預知。

實錄卷六十六

七

倘新胡必爾汗與青海台吉等意同。此新胡必爾汗不可送往。青海台吉等若無此意。必將新胡必爾汗送往。安設禪床。廣施法教。令土伯特之衆誠心歸向。則策零敦多卜自畏勢。逃遁。我師進藏。定立法教之後。或留兵一二十。暫行看守。或久住。則土伯特之衆即如我兵。縱策妄阿喇布坦策零敦多卜發兵前來。伊係勞苦之兵。我則安逸之兵。即可勦滅。朕意如此。事關重大。不可急迫。從容周詳。定議為是。今若照衆大臣議。惟行看守。自西寧至四川雲南內外土番雜居一處。西藏之人皆係土番。伊等俱是一類。倘藏地被策零敦多卜占據。則藏兵即是彼之兵丁。而邊疆土番豈能保全。爾等暫且

看守之議不合。著另行周詳定議具奏。○予故湖廣彝陵總

兵官邵登雲祭葬如例。戊午。調鑲紅旗漢軍副都統努爾

布為右衛副都統。右衛副都統覺羅杜業禮為鑲紅旗漢軍

副都統。議政大臣等議覆山西巡撫蘇克濟疏。言兵部咨

稱。來年仍將湖灘河朔之米運一萬石至軍前。臣查先年自

湖灘河朔運米將所用之駱駝并鞍。雇口袋等物。自大同雇

覓夫車。送赴湖灘河朔。每次用銀一萬餘兩。若就近即將大

同府大有倉之米。由得勝口轉運。則路途既近。且可節省雇

覓夫車之費。應如所請。從之。○己未。陞國子監祭酒登德為

內閣學士兼禮部侍郎。○陞內閣侍讀學士吳爾台為詹事

府詹事。○陞大理寺少卿盧詢為光祿寺卿。○授故奉國將

軍蘭爾子崇智為奉恩將軍。○封和碩誠親王允祉女為郡

主。授其壻伊達木扎卜為和碩額駙。○陞鑲藍旗滿洲副都

統蘇爾法為正黃旗護軍統領。○以故三等阿思哈尼哈番

佛輪子馬勒泰襲職。○以杜爾伯特故固山貝子阿金子巴

圖襲爵。○裁湖北驛鹽道歸并湖北糧道管理。從總督滿丕

請也。○庚申。諭議政大臣等。古北口宣化二鎮兵丁壯健者

每處各派兵五百名發往西寧。爾等議奏尋議將古北宣化

二鎮兵各派五百名。古北口之兵令副將韓良輔帶往。宣化

之兵令副將陳棟帶往。俱於二月內起程前往西寧。從之。

諭戶部今年湖廣田禾大收。若將漕糧截留湖廣米價更賤。而江浙米價自然亦賤。爾部將如何截留之處。速議具奏。尋議於湖廣額徵漕糧內截留十萬石。交與各府州縣官員。加謹收貯。從之。陞廣西恩恩副將李仙培為江西南昌總兵官。辛酉。諭戶部朕惟治天下之要務。首以安民生為先。故自御極以來。於閭閻疾苦。無不博諮廣詢。渙敷休澤。其有動民力之處。尤惻然軫念。刻不能忘。蓋六十年如一日也。比年因策妄阿喇布坦狂逞跳梁。興兵征勦。遠歷邊陲。其沿邊數處師旅屯駐。一切雖皆支用正項錢糧。而協辦轉輸行齎運送之事。民力勞瘁。朕心時切憫念。曾將陝西甘肅所屬康

實錄卷二八六

七

熙五十八年。額徵地丁銀一百八十八萬兩零。歷年舊欠銀四萬兩零。特沛恩綸。悉行蠲免。而沿邊各州縣衛所軍行既多飛輓之勞。辦賦復滋催科之擾。若非格外加恩。小民恐致失業。所有沿邊一帶陝西所屬府谷神木。安塞綏德米脂安定。吳堡保安榆林保寧常樂雙山。魚河歸德。嚮水波羅懷遠。威武清平。葭州龍川鎮靖鎮羅寧塞靖邊柳樹澗安邊碑井定邊饒陽水堡高家堡甘肅所屬山丹高臺古浪莊浪西寧肅鎮寧夏左右屯中屯。平羅中衛靈州寧州平涼衛固原州鎮戎西安阜城甜水。河州蘭州洮州寧夏前衛平涼縣固原衛河州衛蘭州衛慶陽涼州衛永昌衛鎮番衛甘州左衛右衛

肅州衛鎮彝所等六十六州縣衛所堡康熙五十九年錢糧米豆草束俱宜蠲免。但目今係有軍務之時。除米豆草束外。將康熙五十九年額徵銀九萬八千一百兩零盡行蠲免。爾部行文該督撫通行曉諭。實心奉行。務俾均沾德惠。以副朕曲軫邊民之至意。倘或借端科派。澤不下究。該督撫嚴察指叅。從重治罪。爾部即遵諭行。議政大臣軍前召至大臣九卿等。遵旨議覆。送往新胡必爾汗兵八千。為勢稍弱。應再添兵四千。令額駙阿寶親身帶厄魯特兵五百名。副都統常齡帶察哈爾兵四百名同往。其柴旦木駐防之都統阿爾納處二千兵內派一千五百名。令侍衛阿齊圖等帶領前往。大將

實錄卷二八六

七

軍留駐穆魯斯烏蘇三千兵內撥派一千六百名。此進藏之兵共一萬二千名。派大臣一員。校為將軍。給與印敕。令其統理。新胡必爾汗封為達賴喇嘛。應給印敕名號等項。令各該處議奏。都統延信楚宗公策旺諾爾布。侍讀學士常授等。回時。令與大將軍商酌。青海台吉等若實心送去。即將新胡必爾汗與兵馬一同前往。若俟事定之日。送去。令暫住滾穆布木廟內。先遣大兵將藏地攻取。令阿寶所領之五百兵并察哈爾四百兵滿漢二千兵青海二千兵俱駐扎看守。再令都統法喇等酌量帶兵由巴爾喀木一路前進。噶爾弼年羹堯亦派兵二千名發往法喇軍前。都統武格帶往兵內挑選滿

兵一千。綠旗兵二千。滿兵令都統武格副都統吳納哈統領。綠旗兵令總兵官趙坤馬會伯統領。前往與法喇之兵會合。應於何日起程何地會合之處。令大將軍咨行商酌。約會一同前進。再將阿爾泰二萬兵內挑選一萬五千令裹帶三月口糧。於六月下旬自布喇罕布魯爾兩處前進。若策妄阿喇布坦不行防備。即深入襲擊。若知覺防備。將兵速行帶回。巴爾庫爾一萬三千兵內挑選一萬。令三千兵輕騎襲擊吐魯番。二千兵輕騎襲擊烏魯木齊。其餘五千兵令其徐徐前進。接濟襲擊烏魯木齊之後。此襲擊之兵俱令裹帶兩月口糧。於七月初旬與阿爾泰之兵約定前進。其襲擊之兵及駐扎

實錄卷六十六

七

之兵令何人統領。進藏之兵於軍前大臣內派何人為將軍。及西寧等處提督總兵官內將何人派往之處。伏候諭旨。得旨此議甚詳。事務關係重大。著行令大將軍等與青海台吉等公同定議具奏。壬戌。議政大臣等遵旨議奏京城滿洲兵每佐領派烏鎗護軍一名。護軍一名。烏鎗馬兵一名。派護軍統領一員。副都統二員。統領每旗派護軍參領一員。每翼派烏鎗護軍參領一員。驍騎營之火器營各派參領一員。委為夸蘭大。前往西寧。所派大臣官員支給五年俸銀。兵丁支給二年錢糧。令其置辦。將驍騎營兵作一起。令副都統一員。統領護軍作一起。令護軍統領一員。副都統一員。統領俱於

明歲二月內起程。再查從前曾令山西大同平陽等處綠旗步兵一千名在甘州預備。今派一萬二千兵進藏。明歲若送達賴喇嘛登禪榻。即令此一千步兵前往看守從之。癸亥。孝莊文皇后忌辰。遣官祭。

暫安奉殿 甲子。

上自暢春園回宮 丙寅。歲暮。裕祭。

大廟。遣散秩大臣伯法爾薩行禮。遣官祭。

永陵。

福陵。

昭陵。

實錄卷六十六

六

暫安奉殿。

孝陵。

孝東陵。

仁孝皇后。

孝昭皇后。

孝懿皇后陵。遣官祭太歲之神。丁卯。賜朝正外藩科爾沁

烏朱穆秦高齊感羽牛特扎魯特喀爾喀杜爾伯特巴林蘇

尼特毛明安克西克騰郭爾羅斯王貝勒貝子公台吉等及

內大臣大學士侍衛等宴。旌表八旗節婦滿洲陸什妻查

氏等十五人。蒙古鄂謨克圖妻關氏等七人。漢軍馬光顯妻

楊氏一人直隸各省節婦熊起妻鄧氏等十人貞女阮淳聘妻沈氏等三人孝子嚴寅清各給銀建坊如例。是歲人丁戶口二千四百七十二萬二千四百二十四。又永不加賦滋生人丁二十九萬八千五百四十五。田地山蕩畦地七百二十六萬七千八百二十二頃五十畝有奇。徵銀二千八百一十五萬四千五百五十二兩有奇。米豆麥六百九十萬二千二百三十五石有奇。草四百五萬五千六百六十五束。茶二十九萬五千五百二十引。行鹽五百一十一萬五千七百二十五引。徵課銀三百七十七萬三千六百五十五兩有奇。鑄錢四萬三千七百四十五萬五千八百有奇。

實錄卷二百八十六

元

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十六

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十七

康熙五十九年庚子春正月戊辰朔。

上詣

堂子行禮還宮。拜神畢。御殿王以下文武各官外藩王及使臣等上表朝賀。停止筵宴。朝鮮國王李煥遣陪臣趙道彬等表賀。冬至元日。

萬壽節及進歲貢禮物宴賚如例。○辛未。

上幸暢春園。○壬申。諭議政大臣等曰。

太祖

實錄卷二百八十七

太宗時滿洲兵凡遇征戰馬匹口糧自備行走所向立功並無遲悞。今官兵行走處馬匹口糧器械等俱給帑置辦。且以為不足而怨咨生焉。此皆由該管官不行嚴飭之故也。朕辦理軍務閱歷甚多。向時攻取岳州。但從陸路抵禦許久不克。朕諭令於洞庭湖務備船隻以水路遏賊。貝勒察尼奏湖中風浪甚大船不能行。恐有礙於兵丁請徹戰船。朕諭以岳州城已被困不久即下。若將戰船撤回賊得由水道往來何能有得岳州之期哉。於是不徹船兵嚴飭看守。未幾而岳州下矣。再征討雲南時滿漢官兵合計四十餘萬。貝子章泰等離雲南城四十里安營。一面臨湖一面抵山。並未設兵湖中。斷其

水路。致賊寇米糧照舊運行城內並無危急。後趙良棟率寧夏兵至。云我等大兵連營四布。不就近速戰。迨至日久米糧不繼。滿兵無妨綠旗兵何以存立耶。章泰云皇上養之滿洲豈可輕進委之於敵。且爾兵遠來亦宜休養。何可令其傷損。趙良棟不從章泰之言。自率標兵前往力戰。奪取得勝橋。而趙良棟之兵亦瘁甚矣。章泰又向趙良棟云爾兵已瘁。應暫撤回。令總督蔡毓榮率兵看守。趙良棟云我死戰所得之地肯交與他人看守乎。因此章泰亦進軍圍城。賊兵被逼而出。在桂花寺地方與我兵接戰。大敗之。吳世璠等倉皇失措。無所逃匿。乃自殺。餘賊獻城投降。此亦由決於進戰乃得成功也。

平定回疆方略卷一百一十七

三

再出征烏闌布通時。阿密達因天晚撤兵。云皇上必不以撤兵故遂殺我等。將兵撤退。索額圖明珠選勇士數百。令近身防護。勇士云挑選我輩原擬或戰或追。詎意止令防護。共生忿怨。後中路出兵時。令大臣官員等會議進兵之處。衆皆謂不可。獨朕與費揚古以兵為可進。決意進兵。及至科圖地方。衆皆不欲前發。大臣等勸朕撤兵。朕諭以祭告

天地

太廟

社稷。親統兵前來。不見賊蹤。如何驟行撤去。不允所請。將兵前進。噶爾丹聞我兵威甚。是驚懼鼠竄而去。朕選兵令馬思喀

為將軍尾追噶爾丹。又過西路兵攻擊大敗之。朕將中路初次運到之米。遣明珠速送至費揚古軍前。二次米亦即令續送。三次米內。朕但留十八日口糧。餘俱送西路軍前。是以西路兵丁未至饑饉得保全而回。彼時若輕信大臣等言。中道撤兵。則兩路兵丁安得立功奏凱耶。今觀領兵大臣官員等。祇為保身之計。不以國事為重。內存私意。彼此爭論不和。又向兵丁等沽名市恩。多取口糧。及不能馱載。至於拋棄全無珍惜之意。如此居心行事。可乎。朕之滿洲兵。俱極精練。全在領兵者將國家之事。專心辦理。不圖安逸。賞罰嚴明。則斷無錯悞。進兵西藏時。色楞不候衆人獨自前往。額倫特亦隨後

平定回疆方略卷一百一十七

三

追至。為國家奮不顧身。雖至失機。豈可論伊等進兵太速乎。今策旺諾爾布。係差往策應之兵。而遲延不前。雖伊所統兵丁。悉全而歸。伊屬下之兵。固然感念於國事。有何裨益。惟西路陣亡兵丁。朕甚為憐憫。當分別加恩。至大臣官員等在部院衙門。亦能清廉自守。若行軍大事。又非僅清廉自守者能勝任也。朕年少時。每於講武。練兵等事。違命者必懲。以法內外大小。悉知儆惕。由此觀之。訓練之事。不可疎忽也。茲衆喀爾喀及青海等。俱服朕之風化。而策旺阿喇布坦之人。霸占藏地。毀其寺廟。散其番僧。青海台吉理應棄命忘身。奮勇致討。乃伊等口稱維持黃教。却無實心効力之人。策零敦多卜

領兵在藏。以我兵隔遠不能往救。朕思伊等每步行一年有餘。忍飢帶餒尚能到藏。我兵顧不能至乎。今滿漢大臣咸謂不必進兵。朕意此時不進兵。安藏賊寇無所忌憚。或煽惑沿邊諸番部。將作何處置耶。故特諭爾等。安藏大兵決宜前進。○癸酉。孟春。享。

太廟。遣領侍衛內大臣公馬爾賽行禮。○遣官祭。

太歲之神。○甲戌。

世祖章皇帝忌辰。遣官祭。

孝陵。○己卯。諸王大臣等奏。

皇上御極六十年。請行慶賀典禮。

聖祖實錄卷二八七

四

上諭曰。朕在位五十九年。皆由

上蒼眷佑。

先聖造福之所致也。見在西陲用兵。軍民勞苦。去歲正月朔日食。今年七月朔又值日食。海洋颶風飄沒官兵船隻。山左東三府水發被淹。黎民饑饉。淮黃水太。僅能搶護人心。風俗未盡淳。官箴政事未盡理。此正君臣孜孜求治之時。慶賀之事著停止。○辛巳。以上元節。賜外藩科爾沁烏朱穆秦萬齊威翁牛特扎魯特喀爾喀杜爾伯特色林蘇尼特毛明安克西克騰郭爾羅斯王貝勒貝子公台吉等及內大臣大學士侍衛等宴。○壬午。上元節。賜外藩王貝勒貝子公台吉等及內

大臣大學士侍衛等宴。○丙戌。賜朔正外藩王貝勒貝子公台吉等銀幣鞍馬有差。○辛卯。祈穀於

上帝。遣領侍衛內大臣公馬爾賽行禮。○壬辰。戶部等衙門議覆廣東廣西巡鹽御史昌保疏言。兩廣鹽課有歷年積欠九十一萬餘兩。康熙五十七年十月。經督臣楊琳題請先完新餉。舊欠五年帶銷。奉旨督臣兼理各屬凜遵。臣於康熙五十八年三月到任。查舊欠全未清完。因截住舊鹽飭完新餉。不但舊欠屢催罔應。新餉又復拖欠。且場鹽缺少。私鹽橫行。臣力不能任。請將臣撤回。交督撫管理。庶新舊課餉得按年清完。應如所奏。將兩廣鹽務并新舊錢糧交與廣東廣西總督

聖祖實錄卷二八七

五

楊琳專理。從之。○癸巳。工部議覆吏科給事中紀遵宜條奏

一。河工道廳佐貳等員缺出。日久始題。致有營求請託等弊。應定限一月內。令河臣揀選即行題補。如違限具題者。不准補授。○河工所需草束。河廳差役向民間採買。不無借端擾累。嗣後凡置辦工料。請嚴飭廳員協同地方官購買。不得短價多收。令民運送。如有累民之處。或經首告。許該地方官詳報總河督撫據實題參。如總河不行題參。經督撫題參者。將總河及道員等俱照徇庇例議處。應如所請。從之。○丁酉。上自暢春園回宮。命撫遠大將軍允禔率前鋒統領弘曙移駐穆魯斯烏蘇。管理進藏軍務糧餉。○授都統宗室延信為

平逆將軍率兵進藏以公策旺諾爾布副都統阿琳寶額阿寶隨印侍讀學士常授提督馬見伯總兵官李麟參贊軍

務○調西安將軍宗查布駐防西寧平郡王訥爾素駐防古

木等地方○調出征和碩裕親王保泰子廣善和碩簡親王

雅爾江阿子永謙固山貝子魯賓護國將軍敬順回京從撫

遠大將軍允禔請也○禮部尚書貝和諾以老乞休溫旨慰

留之○議政大臣等議覆原任西安將軍席柱呈請自備鞍

馬往軍前戴罪効力應如所請發往阿爾泰軍前効力從之

○刑部議覆差往浙江審事刑部尚書張廷樞等疏言臣等

遵旨察審浙江巡撫朱軾疏參浙江巡鹽御史哈爾金貪縱

不法等款除哈爾金縱容家人挾妓飲酒毆打民人輕罪不

議外其收受商人朱永寧等餽銀七百兩入己應擬絞監候

但係不枉法贓又事犯康熙五十七年恩詔以前請照律減

等初責應如所奏從之

二月戊戌朔祭

大社

大稷遣戶部尚書孫渣齊行禮○宗人府題

皇上六十年來教養宗室屢次加恩自親王以下至閒散宗室

覺羅等俱賜以厚祿其貧苦者賜之田房奴僕年高者賜

御書匾額表揚吉凶等事特立官庫賜給銀兩之嗣者特施洪

恩為之立後所以宗室覺羅等各得自立恒產臣等請將康

熙元年起

皇上養教誨宗室等屢次所頒

上諭并恩賞之處逐一開載於宗人府衙門建碑刻石永垂萬

世報聞○刑部題直隸各省有鹽梟就撫之後復行販賣私

鹽者應將本犯解部充發和布多烏闡古木地方其從前受

撫出結之地方專汛兼轄各該管官俱照失察例議處從之

○甲辰

上巡幸畿甸命皇三子和碩誠親王允祉皇九子固山貝子允

禧皇十五子允禩皇十六子允祿皇二十子允禔隨駕是日

啟行駐蹕南苑○旌表直隸烈婦李旺山妻屈氏逼姦不從

投水完節給銀建坊如例○乙巳

上駐蹕夏村○丙午

上駐蹕鎮安寺○封固山貝子允禧女為郡君授其婿永福為

多羅額駙○丁未遣大學士嵩祝祭

先師孔子○

上駐蹕華家店○戊申

孝康章皇后忌辰遣官祭

孝陵○

上駐蹕新開房○己酉春分朝

日於東郊遣都統伯四格行禮○是日

上登舟泊趙北口○辛亥

御舟泊郭里口○癸丑

御舟泊段村○諭大學士等曰總督年羹堯自軍興以來盡心効力訓練川兵甚是整齊可速行文與年羹堯令伊帶領兵丁進藏授為將軍如有能署理總督事務於地方不致生事者令年羹堯奏聞署理如地方緊要不得署理之人著護軍統領噶爾弼為將軍帶領雲南四川兩處兵馬前進定西將軍印速行送往尋年羹堯覆奏四川總督印務一時無可署理之人定西將軍之印請交與噶爾弼管理授為將軍率領

兵丁進藏并調都統法喇於打箭爐地方駐扎防守從之○

先是撫遠大將軍允禔覆奏臣遵旨傳集青海王台吉等會議進兵安藏及送新胡必爾汗往藏之事其青海王台吉等皆同心協力情願派兵隨征并請封新胡必爾汗掌持黃教至是命封新胡必爾汗為弘法覺衆第六世達賴喇嘛派滿漢官兵及青海之兵送往西藏其四十九旗扎薩克并喀爾喀澤卜尊丹巴胡土克圖等亦令遣使會送○甲寅

御舟泊圈頭村○以湖廣鎮算總兵官韓永傑為鑲黃旗漢軍副都統○旌表浙江烈女姚際飛女拒姦完貞服滿頒命給銀建坊如例○丙辰

御舟泊趙北口○科爾沁土謝圖親王鄂爾齊圖故遣官致祭

○黑龍江將軍托留故賜銀一千兩○旌表山東烈婦高爾嚴妻李氏獨處拒姦殞命全節給銀建坊如例○丁巳

上自趙北口登陸駐蹕王鄉灣○戊午

上駐蹕方關○己未

上駐蹕百草灣○庚申

上駐蹕南苑○辛酉

上回駐暢春園○陞京口副將楊長春為江西南昌總兵官○

壬戌遣官祭

歷代帝王○遣官祭

先農之神○癸亥

孝昭皇后忌辰遣官祭

陵○正紅旗漢軍副都統王臣以病乞休允之○甲子清明節

遣官祭

永陵

福陵

昭陵

暫安奉殿

孝陵

孝東陵

仁孝皇后。

孝昭皇后。

孝懿皇后陵○陞黑龍江副都統陳太為黑龍江將軍○議政大臣等議覆雲南貴州總督蔣陳錫疏言中甸地方原係雲南麗江土府所屬吳逆背叛時割賂西藏今巴塘裏塘雖經四川招撫而中甸一帶距蜀甚遠附滇最近尚有錢糧在麗江完納非四川舊屬也茲據麗江土知府木興詳報中甸等處番目及喇嘛營官到麗江投誠願仍歸雲南管轄應如所請將附近中甸地方及巴塘裏塘仍歸麗江土府管轄從之○乙丑吏部議覆廣西巡撫宜恩恭疏言主司承襲世職從

無考核請嗣後大計之期與流官一體考核優劣其陞賞降革之處仍照土司定例遵行如該管官有舉核不實者一并議處應如所請從之○丁卯鑾儀衛鑾儀使李得勝以老乞休允之

三月戊辰朔以翰林院侍講鄭任鑰提督江南學政○以散秩大臣吉當阿為鑲藍旗滿洲副都統○庚午吏部等衙門議覆四川道御史孫紹曾條奏倉差監督應於每年開印之時令各部院衙門將賢能滿漢官員保送戶部會同九卿揀選掣籤具題限二月內到任如有遲延之處令各該衙門將遲延之故題明○京官赴補應照外官例於前月初一日

投供驗到方准掣籤如未經投供驗到者不准銓補有無故掣籤不到者照外官規避例處分○首領雜職凡在外推陞者請停其赴京陞任之時吏部將文憑封發該撫詳加查驗照例給發速催赴任均應如所請從之○庚辰

皇四子和碩雍親王 恭請

上幸王園進宴○乙酉

萬壽節停止朝賀筵宴 遣官祭

福陵。

昭陵。

暫安奉殿。

孝陵。

孝東陵。

仁孝皇后。

孝昭皇后。

孝懿皇后陵○遣官祭真武東嶽城隍之神○己丑都統武格疏言雲南一路滿漢官兵奉調赴巴爾喀木地方與將軍噶爾弼會兵進藏臣等於二月十二日自雲南啟行又麗江土知府木興告請効力臣挑選土兵五百名令木興之子帶領隨征報聞○雲南提督張谷員疏言駐扎雲南滿洲兵及鶴慶永北二鎮綠旗兵見經都統武格等挑選三千名率領進

藏臣查雲南之麗江中甸一帶地方為西藏通衢最係緊要臣請親率官兵於麗江中甸適中之處駐扎防守從之○庚寅陞齊齊哈爾協領覺羅額爾賽為黑龍江副都統陞江西袁州副將戴良弼為湖廣鎮總兵官○辛卯工部等衙門議覆河道總督趙世顯等疏言臣等親率河員會勘高家堰等處石工自邵伯三溝開起至寶應縣白田鋪止逐段詳查共殘缺一萬四千一百八十餘丈請撥兩淮鹽課銀十四萬二千四百餘兩速行修築應如所請從之○壬辰戶部題臣部八旗司員有承審旗民互控案件多因提解人犯日久遲延不能完結嗣後請定限兩月內凡民人有不到案者將地方官交吏部議處八旗之人有三次行抗拒不赴審者將佐領驍騎校一并交兵部議處從之○乙未兵部題臣部向有武舉武生及官員子弟効力一途因取用太廣揀選年遠其中弓馬生疎人材不及者甚多請將武生官員子弟停其取用專取武舉其武進士內有情願効力者亦准收錄宗人府鑾儀衛兵科俱照臣部一體取用効力三年嚴加考試武進士一等者以營守備推用二等者以衛守備推用武舉一等者亦以營守備推用二等者以守禦所千總推用從之○丙申戶部尚書趙申喬以疾乞休溫旨慰留之靖逆將軍富寧安疏言今歲議發大兵進剿西藏其阿爾泰巴爾庫爾

兩路兵亦約會前進襲擊準噶爾邊境之地使賊人擾亂可以相機行事臣請率兵三千從烏魯木齊一路前往分兵四千由吐魯番一路前往其領兵大臣請旨派遣又兩路進兵之後另派兵三千隨後策應其餘存留之兵請暫交副都統雅圖侍郎海壽等管理得旨交與議政尋議政大臣等議覆將軍富寧安奏請派兵襲擊之處應如所奏其襲擊吐魯番一路兵令散秩大臣阿喇衲統領前進從之○征西將軍祁里德疏言阿爾泰一路官兵臣請領七千人從布婁爾一路前進將軍傅爾丹領八千人從布喇罕一路前進襲擊準噶爾邊境之地其餘兵丁請另派大臣統領得旨交與議政尋議政大臣等議覆將軍祁里德奏請派兵襲擊之處應如所奏其存留之兵應令將軍顏壽都統穆賽等統領擇形勝地方駐扎防守從之夏四月丁酉朔享太廟遣都統伯四格行禮○庚子鄂爾多斯多羅郡王薩克巴故遣官致祭○西安副都統巴爾佈以老乞休允之○辛丑多羅溫良郡王孟我妃薨祭一次壬寅議政大臣等議覆四川總督年羹堯疏言巴塘裏塘地方近經雲貴督臣蔣陳錫奏請歸麗江土知府管轄臣查巴塘裏塘向為西藏侵占臣宣示

聖主恩威招撫投順。雖歸蜀歸滇。莫非王土。但四川見在用兵。

一切運糧調遣之事。道經巴塘。裏塘。關係緊要。撥歸土司。則

呼之不應。移咨滇省。則往返遲延。請仍歸四川管轄。有濟軍

務。又准都統武格咨稱。雲南進藏兵丁。須接運三月口糧。雲

南山高路狹。艱於運送。請以四川所運之米支給。查滇蜀兩

省俱各進兵。而蜀省進兵七千。滇省進兵三千。多寡懸殊。恐

蜀省所運之糧不足供滇省之用。應如年羹堯所奏。行文雲

南督撫。將雲南進藏兵糧。速行趲運。如武格等所領之兵。與

噶爾弼兵會後。或雲南運米未到。仍暫撥四川餘糧支給。即

於雲南所運米內。照數補還。其巴塘裏塘地方。應暫歸四川

統轄。俟事平之日。再照原議改隸雲南。從之。○癸卯。陞江西

饒九南道石文煒為江西按察使。司按察使。○乙巳。原任領

侍衛內大臣公鼐。舅佟國維妻故命妃皇子公主等往弔。遣

大臣侍衛等奠酒。發引時。又命皇子公主福金及大臣侍衛

等往送。○以故湖廣高羅安撫司田經子田國鼎襲職。○戊

申。

上巡幸塞外。命皇三子和碩誠親王允祉。皇八子多羅貝勒允

禔。皇九子固山貝子允糖。皇十子多羅敦郡王允祿。皇十五

子允禩。皇十六子允祿。皇二十子允禧。皇二十一子允禧。皇

二十二子允祜。隨駕。是日自暢春園啟行。駐蹕鄭格莊。○免

江南高郵。江都等八州縣康熙五十八年分水災額賦。有差

○己酉。

上駐蹕湯泉。○辛亥。諭大學士等曰。去年秋雨。水害足。冬間大

雪。今春田皆種麥。朕出巡時。見麥苗頗佳。但尚需時雨。爾等

傳諭禮部。虔祈雨澤。○壬子。

上駐蹕南石槽。○癸丑。

孝端文皇后忌辰。遣官祭

昭陵。○

上駐蹕懷柔縣。○以故三等精奇尼哈番畢禮克子烏爾圖納

蘇圖襲職。○甲寅。

上駐蹕密雲縣。○乙卯。

上駐蹕羅家橋。○以翰林院編修李鍾儔為雲南鄉試正考官。

吏部主事姜朝勳為副考官。翰林院檢討宋筠為貴州鄉試

正考官。禮部主事顧芝為副考官。○丙辰。

上駐蹕遙亭。○丁巳。

上駐蹕巴克什營。○戊午。

上駐蹕兩間房。○戶部尚書趙申喬以衰疾乞休。

上諭大學士等曰。覽趙申喬奏疏。朕深憐之。念其操守清廉。始

終一轍。性雖暴躁。而為人樸直。年近八旬。病勢料難全愈。倘

一時不保。亦未可定。趙申喬乃革職留任之官。可復還原職。

仍令在任調理。其應賠之銀亦著從寬免追。爾等將此旨速行發去。使病人早知一日。五內安寧。便於調攝。頤養也。○己未

上駐蹕王家營。○庚申

上駐蹕花峪溝。○辛酉

上駐蹕喀喇和屯。○喀爾沁固山貝子多羅額駙僧滾扎卜來

朝。○壬戌

上至熱河行宮駐蹕。○癸亥。諭大學士等曰。昨據報京師雨已霽。而口外地方雨尚未足。爾等傳諭禮部。仍虔祈雨澤。○

甲子。奉故滿洲副都統道保廣東潮州總兵官謝璩各祭葬。

實錄卷二百八十七

未

如例。○丙寅。喀喇沁多羅杜楞郡王和碩額駙伊達木札。

來朝。○靖逆將軍富寧安疏言。巴爾庫爾軍前見駐西安滿

洲兵二千八百名。雖派都統晏布。副都統鄧其章管轄。但晏

布非本處大臣。鄧其章亦係漢軍副都統。將來事平之日。兵

丁回至西安。恐不知孰為有功。孰為無功。或將並未効力兵

丁濫行捏報軍功。亦未可定。請於西安滿洲協領內。每翼委

署副都統一員。稽察西安滿洲兵。則將來開報軍功。庶無捏

報情弊。於軍務有益。如蒙

皇上俞允。請將軍中所有西安滿洲協領內。揀選開列。伏候欽定。得旨。交與議政。尋議政大臣等議覆。應如將軍富寧安所

請西安滿洲兵丁將西安滿洲協領委署副都統。令其管轄至協領內。堪以委署副都統之令。即著富寧安揀選委署。從之。

實錄卷二百八十七

十一

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十七

大清明聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百八十八

康熙五十九年庚子五月丁卯朔巴林多羅額駙林穆布來朝○戊辰科爾沁和碩達爾漢親王和碩額駙羅卜臧滾布來朝○已巳

仁孝皇后忌辰遣官祭

陵庚午兵部等衙門議覆浙江道御史嚴開祀疏言江南浙江江西湖廣福建五省營驛每年遣人赴張家口向商人王網明等領受馬匹查五省距張家口計程數千里商人所給之馬未必盡皆臚壯路遠日各不無倒斃地方官員多受賄

實錄卷之六

十

累請嗣後五省營驛馬匹停其赴張家口領受准令就近購買以充營驛之用應如所請從之○壬申調右衛副都統覺羅圖拉赴將軍傅爾丹軍前叅贊軍務○以將軍祁里德軍前副都統穆克登署前鋒統領事戊寅議政大臣等議覆四川總督年羹堯疏言定例蜀省兵丁月米皆折銀給發聽其自行採買今成都駐防滿洲兵丁需米甚多年歲豐歉不齊恐一時採買長價兵丁艱食臣請將成都附近州縣中有水路通行者其應徵糧米停止折銀改收本色量給運費交送成都支給滿洲兵丁則軍需有益應如所請從之○已卯遣官祭

關聖帝君○宗人府左宗正固山貝子蘇努因年老解退以

多羅貝勒滿萬禧為宗人府左宗正○刑部左侍郎李華之以老乞休允之○刑部等衙門議覆都察院左都御史田從典等奏雷鳳陽府潁州知州王承勳許告安徽布政使年希堯鳳陽府知府蔣國正需索規禮逼勒交代將虧空銀兩捏造民欠冒蠲錢糧等款除年希堯需索規禮逼勒交代之處並無証據無庸議外其蔣國正於交代之時雖未向王承勳逼勒出結但曾受王承勳規禮銀八百餘兩又前任潁州知州王盛文虧空帑銀捏造民欠蔣國正不行查出迨王盛文病故之後承認代賠並無完解復因康熙四十六七等年分

實錄卷之六

二

蠲免民欠錢糧將伊應賠帑銀三千七百九十餘兩混入民欠冊內希圖冒蠲情實蔣國正應照侵盜錢糧例擬斬監候其捏造民欠及收受規禮銀兩俱著落蔣國正名下照數追完布政使年希堯於蔣國正冒蠲錢糧之事不行查出應照失察例革職從之○辛巳諭大學士等曰總兵官金國正奏陝西兩年歉收百姓有流離之狀地方關係緊要文武賢能之員多調往軍前者此處極應留心著交與九卿詳加議奏開四川綠旗兵丁照常操練其餘各省並不操練陝西兵丁較他省甚多出征者無幾見存之兵應行操練器械應行修整著嚴飭督撫提鎮實心奉行至總督鄂海從前居官亦優

今因年老聲名大不如前。陝西省兩年歉收之處並未詳悉奏聞。將此處亦傳諭九卿。○又諭曰。今年為祈雨屢次降旨。雖已得雨。尚未霑足。應虔誠祈禱。至政事有可更改之處。著九卿議奏。○諭議政大臣等。今歲稍旱。應速行文與各路將軍。或營中亢旱。馬匹未肥。或進兵之路甚旱。水草不敷。俱未可定。勿謂既經議定進兵。不敢復以亢旱為辭。奏請停止。朕念軍務所關甚大。從前屢諭爾等及領兵大臣。凡軍機之事。有今日定議。明日又改者。未可拘執。要在相其機變而行。朕於用兵之事。必熟思而後頒發旨意。若無旨意。又恐軍中之大臣難於奉行也。然軍前或因亢旱而無水草。馬匹倒斃。則兵丁如何前進。如何回旌。明年又如何進兵。耶。總之雨水及時。牧草果好。前進自無艱阻。應即行進兵。倘或亢旱。馬匹疲瘦。雨水不調。牧草不堪。則即不宜進兵之處。令軍中之大臣等定議具奏。斷不可以今歲若不進兵。來年亦可再進。作為游移之語。陳奏也。路途遙遠。恐發去文書遲延遺失。亦未可定。須於明日行文一次。續後再行文一次。有一處不可進兵。即著將此一處奏請停止。○土默特達爾漢貝勒阿喇卜坦來朝。壬午夏至祭

地於

方澤。遣多羅貝勒滿篤祐行禮。甲申。禮部題本月十五日酉

時雨至十六日申時止。甘霖大沛。田禾霑足。報聞。○先是鑲紅旗滿洲副都統永春。因為伊曾祖費英東立傳事。傳赴史館。永春奏見。

世祖章皇帝實錄。私取查閱。隨摺奏。

實錄內。將伊祖圖賴之事。並未記載。奉旨交內閣查奏。至是大學士馬齊疏劾副都統永春私閱。

實錄。又作史定例。惟關係國家之事。始入記載。其餘細微之事。例不編入。永春不加詳慎。妄行陳奏。殊屬不合。請將永春交與該部嚴加議處。得旨依議。尋兵部議。永春奏事不實。又違禁私閱。

實錄。應革去副都統并佐領之職。從之。○翁牛特多羅杜楞郡王和碩額駙蒼津來朝。○戊子。以翰林院檢討張大受為四

川鄉試正考官。檢討世祿為副考官。編修俞鴻圖為廣東鄉試正考官。中書科中書曾用瑞為副考官。工科給事中康五

瑞為廣西鄉試正考官。內閣中書韓瑛為副考官。刑科給事中蘭惟謙為福建鄉試正考官。內閣中書春臺為副考官。○

陞內閣學士張廷玉為刑部左侍郎。阿霸垓輔國公德木楚克來朝。○午。故領侍衛內大臣公海金正紅旗漢軍都統

昌胤各祭葬如例。○辛卯。放漢和碩額駙多爾濟拉什多羅額駙羅卜藏來朝。○癸巳。科爾沁多羅水圖郡王宜希班第

來朝)陞西安協領常壽為西安副都統

六月丙申朔丁酉封皇二十子允初女為郡主授其壻土默特多羅達爾漢貝勒阿喇卜坦為和碩額駙(己亥皇三子

和碩誠親王允祉恭請

上幸王園進宴九卿遵旨會議據太原總兵官署理固原提督金國正疏言陝西省兩年歉收應行令該督撫作速查明將陝西各州縣衛所存貯常平倉穀動支散賑恐不敷用應撥河南開封等府見存倉穀二十萬石運送西安貯倉備用其運送穀石或陸運或水運令河南巡撫作速詳議具題又陝西文武各官發往軍前者甚多應令該督撫將見任官員

實錄卷一百八十八

五

并從前發往効力人員內揀選賢能委署地方事務至於操練兵丁整理器械應行令直隸各省督撫提鎮嚴飭各營將弁將所管兵丁不時操練一應器械加意整理如有該營將弁廢弛營伍及該管上司徇庇不叅者俱照例議處陝西總督鄂海將二年歉收之處不行奏聞應令鄂海明白回奏從之(癸卯靖逆將軍富寧安振武將軍傅爾丹征西將軍祁里德等疏報色爾庫爾阿爾泰南路駐兵之處雨水調和馬匹肥壯又進擊策妄阿喇布坦邊境偵探沿途皆有水草應遵照原議巴爾庫爾兵於七月初一日起程阿爾泰兵於六月十六日起程前進報聞直隸保安懷來及山西蔚州等

處地震是日京師地震(己酉戶部議覆江蘇巡撫吳存

禮疏言吳江一邑地濱太湖凡傍湖臨水田地波浪衝擊坍派靡常其間或有新漲未陞或有坍沒包賠或廢地而完重賦或膏腴而納輕糧若非逐一丈勘難免苦樂不均請專委能員查丈確實將坍沒包賠者照例豁除隱匿漏賦者咸令陞科應如所請從之(乙卯翰林院侍講學士李紱為浙江鄉試正考官編修湯之旭為副考官詹事府詹事李周望為江西鄉試正考官翰林院編修鄂爾奇為副考官編修惠士奇為湖廣鄉試正考官編修呂謙恒為副考官(丙辰諭大學士納多羅貝勒索諾穆喇布坦故遣官致祭(丙辰諭大學士等曰朕聞保安懷來等處地震宜速遣大臣前往賑濟若俟部中啟奏恐致遲延著副都御史楊桂庵偕同速自京城出居庸關前往延慶保安懷來沙城等處查閱一面奏聞加恩並查驗蔚州廣昌渾源等處如果被災著一并加恩直隸守道李維鈞亦著量帶地方官數員前往賑濟(戊午兵部議覆原任廣東提督王文雄條奏出洋商船不應攜帶軍器遵旨令山東福建浙江江南廣東督撫公同定議今各該督撫等會議具覆皆言沿海各省出洋商船攜帶破位軍器應概行禁止其原有之破位軍器令該地方官查明收貯應如所請從之(乙丑巴林固山貝子巴忒麻來朝

實錄卷一百八十八

六

秋七月丙寅朔辛

太廟遣內大臣輔國公振衡行禮○已刻日食○丁卯諭左副都御史楊柱等曰保安等處地震爾等前往散賑毋得受惜銀兩有不足用即以奏聞務使百姓均沾實惠不可連回俟民情安定再行回奏其保安等處本年錢糧及次年錢糧俱著蠲免○兵部議覆雲南巡撫甘國璧疏言雲南省迤西一帶尚未設立驛站今因大兵出口自安寧州起至塔城止請添設二十一站應如所請從之○庚午陞江蘇按察使李蔚為安徽布政使司布政使湖北按察使張聖弼為湖北布政使司布政使○先是

上諭戶部直隸各省錢糧虧空甚多應作何立法使虧空之警永遠清理著行文各該督撫確議具奏至是戶部據各該督撫等覆疏會核定議查直隸各省督撫等所奏或與定例相符或與錢糧無益者均無庸議外如陝西總督鄂海福建浙江總督覺羅滿保廣東廣西總督楊琳浙江巡撫朱軾廣東巡撫楊宗仁廣西巡撫宜思恭湖廣巡撫張連登偏沅巡撫王之樞福建巡撫呂猶龍疏稱州縣錢糧令知府嚴加稽覈隨徵隨解無許久存州縣庫內以絕侵挪之弊應如鄂海等所請嗣後州縣官徵收錢糧務令隨徵隨解如違延不解即令該府查報參處如州縣批解錢糧而布政使抵充雜派扣

批不發許州縣官申報督撫並報部院衙門題參四川總督年羹堯江南江西總督長蘧疏稱州縣虧空錢糧或知府有扶同徇隱情弊別經發覺者請將知府參革責令獨賠應如年羹堯等所請令各該督撫確查虧空情由或因知府扶同徇隱以致虧空者即行參革令知府獨賠江南江西總督長蘧雲南貴州總督蔣陳錫山西巡撫蘇克濟疏稱州縣官恃有上司分賠之例本無虧空將庫銀藏匿假捏虧空應令督撫核實題參嚴加議處其虧空銀兩仍在該州縣名下獨賠應如長蘧等所請嗣後州縣官有捏報虧空審明定擬即於本犯名下獨追還項河南巡撫楊宗義雲南巡撫甘國璧江西巡撫白潢護理貴州巡撫印務布政使遲煇疏稱州縣因公挪用虧空錢糧請照霉爛倉穀之例革職留任限年賠完其霉爛倉穀者不論在任解任以及分賠之知府能於限內全完准其開復應如楊宗義等所請虧空錢糧果係因公挪用者將該員革職留任勒限賠補限內全完准其開復至霉爛倉穀覓在參追者於一年限內如數完補亦准開復再州縣虧空錢糧或有知府揭報而布政使不即轉揭或已揭而督撫不即題參者應令該知府申報部院將督撫布政使等官俱照徇庇例議處仍令分賠其衛所官員虧空屯衛等項錢糧亦照地丁之例處分著為定例以上徵解追賠各條既

經各該督撫等具題定議。即應責成督撫。如虧望未發之先。伊等不盡心防範。虧望已覺之後。伊等不竭力補苴。應將該督撫嚴加議處。責令分賠完項。從之。○以翰林院侍讀魏廷珍為江南鄉試正考官。檢討陳會為副考官。左春坊左諭德彭維新為陝西鄉試正考官。翰林院修撰王世琛為副考官。工部等衙門。議覆。福建浙江總督覺羅滿保條奏。浙省海塘事宜。○海寧縣老鹽倉北岸。東自蒲爾兜起。西至姚家堰止。共一千三百四十丈。砌築石塘。可保護杭州嘉興湖州三府民田。其沿海要害處。應築草壩。以資抵禦。○海寧縣沿海地方。俱係沙土。今沿塘新有漲沙。乘此速將石塘砌築。將來

實錄卷一百八十八

九

沙土漸聚。便可擁護塘根。每塘一丈。用大石砌作十層。共高二丈。塘面之內。培築土塘。計高一丈。寬二丈。○開中小壘一帶。淤沙。以復江海故道。則海寧土塘。石塘。可免潮水衝決。○築上虞縣夏蓋山石塘。一千七百九十丈。以防南岸潮患。○調委經理各官。以專責成。如有怠玩。悞公侵冒。滋弊者。察出叅處。○請專員歲修。以保永固。其南岸紹興府之上虞餘姚山陰會稽蕭山五縣石塘。土塘。交紹興府同知管理。北岸杭州府之海鹽仁和錢塘三縣石塘。土塘。將金華府同知裁去。添設杭州府海防同知一員。管理嘉興府之海鹽平湖二縣石塘。土塘。交嘉興府同知管理。○凡江海潮神。向登祀典者。

祈

皇上加贈封號廟額。今有司春秋致祭。均應如所請。從之。○癸酉。都察院左副都御史楊柱等疏報。延慶保安懷來沙城等處地震。見在徧查被災之戶。散給銀兩。其蔚州廣昌渾源等處。已經行查該撫。如果災重。臣等再行前往。又聞宣化龍門等處被災亦重。俟懷來等處賑畢之時。請一體散賑。得旨。懷來保安延慶等處。見在加恩。蔚州廣昌渾源宣化龍門等處。查被災重者。亦著一體加恩。○陝西總督鄂爾濟圖。奏。陝西西安等四府一州。連年豐收。百姓並無流離。惟延安府屬沿邊堡所。去秋薄收。甘肅涼州等處。康熙五十七年歉收。臣俱經題報。至於地方之事。不敢逐事奏聞。重煩聖心。謹將五十七八年。被災地方。借給銀米實數。明白陳奏。報聞。○以科爾沁故和碩土謝圖親王鄂爾齊圖子阿拉卜。襲襲爵。○乙亥。

實錄卷一百八十八

孝懿皇后忌辰。遣官祭

陵。諭大學士等曰。朕先巡幸陝西。曾問黃河水路由河南通至陝西之處。地方官回奏。不能行走。朕思上占大禹鑿龍門通洛水道。漢唐之時。俱經輓運。豈有不能行船之理。故特遣皇子允祉往勘。允祉乘騎渡黃河。至砥柱龍門。查看竟可行。船由龍門至黃河直通渭河。可至西安北門。從絳州汾河可。

至山西太原。彼時山西陝西河南將軍督撫等亦曾令會看。今總漕施世綸居官素優。歷年漕船俱催趲全完並無遲悞。本年漕船已經過淮更無他事。漕運印務著暫交與總河趙世顯署理。施世綸速赴豫省將河南府至西安黃河輓運路徑勘明具奏。陝西見存穀石數目亦著查奏。今陝西正值軍需之際。施世綸暫居陝西令協同鄂海辦理糧餉事務。○丙子。科爾沁多羅貝勒巴克什吉爾故遣官致祭。○已卯。吏部題一等阿思哈尼哈番又一拖沙喇哈番達爾占故。應銷去恩詔所得三拖沙喇哈番餘三等阿思哈尼哈番與其子達郎阿承襲。從之。○庚辰。中元節。遣官祭。

實錄卷二八八

二

永陵。

福陵。

昭陵。

暫安奉殿。

孝陵。

孝東陵。

仁孝皇后。

孝昭皇后。

孝懿皇后陵。○壬午。吏部題一等精奇尼哈番又一拖沙喇哈番關祿故。應銷去恩詔所得二拖沙喇哈番餘二等精奇尼

哈番與其弟祖俊承襲。從之。○丁亥。以翰林院侍講學士蔡璉為河南鄉試正考官。編修吳應崇為副考官。右春坊右贊善彭廷訓為山東鄉試正考官。翰林院檢討德齡為副考官。編修文岱為山西鄉試正考官。檢討何世璠為副考官。戊子。以江西巡撫白潢為戶部右侍郎。戶部右侍郎王企璜為江西巡撫。○庚寅。科爾沁多羅永圖郡王宜希班第輔國公布尼等來朝。辛卯。皇四子和碩雍親王赴熱河恭請上安。○壬辰。免浙江錢塘等二十一縣康熙五十八年分旱災額賦有差。

實錄卷二八八

三

八月。乙未朔。○丁酉。遣大學士王碩齡祭

先師孔子。○陞戶部郎中森圖為山西按察使司按察使。○

戊戌。祭

大社

大稷。遣刑部尚書賴都行禮。○

上行圖。命皇三子和碩誠親王允禔皇八子多羅貝勒允禩。皇

十五子允禩。皇十六子允禔。皇二十子允禔。隨駕是日自熱

河啟行。駐蹕黃土坎。○庚子。以都察院左副都御史屠沂為

順天鄉試正考官。翰林院侍讀陳世倌為副考官。琉球國

中山王尚敬疏請伊國官生入監讀書。允之。○辛丑

上駐蹕湯泉○毛明安多羅貝勒羅卜藏錫拉卜來朝○壬寅。
上駐蹕中關○癸卯。

太宗文皇帝忌辰遣官祭

昭陵

上駐蹕博洛和屯○甲辰靖逆將軍富寧安疏言臣於七月初
一日率襲擊兵七千啟行初二日駐叟集地方臣將此兵內
選精兵一千輕騎前進至烏爾圖地方晝伏夜行初六日黎
明進兵烏蘭烏蘇之源烏蘭烏蘇之口及托和穆圖等處並
無賊哨四面搜捕亦無蹤跡初七日駐兵烏蘭烏蘇口內是
晚派一等待衛哲爾德等領兵前赴阿克塔斯派二等待衛

實錄卷一百八

三

克什圖一等待衛阿玉錫等領兵前赴伊爾布爾和韶分擊
賊哨瀕行時臣囑哲爾德等烏蘭烏蘇與阿克塔斯相距七
十里與伊爾布爾和韶相距百餘里爾等至阿克塔斯相近
處即行潛伏約計克什圖之兵至伊爾布爾和韶時爾等始
行往擊慎勿急於進兵使伊爾布爾和韶之賊預先知覺又
囑克什圖等爾等沿瀚海邊界前進於天未明時即抵伊爾
布爾和韶圍擊賊哨臣率署前鋒統領法璽副都統常壽等
隨後前進初八日侍衛哲爾德等擊阿克塔斯賊哨賊衆畏
我兵勢望風而走我兵急往追捕擒獲一賊餘賊入深山中
逃散侍衛克什圖等擊伊爾布爾和韶賊哨見賊之馬匹在

谷內營邊收放阿玉錫帶領十餘騎入谷奪賊馬百餘匹而
回賊以我兵掩至據高山絕險之處藏身樹石中放鎗拒敵
克什圖等率兵奮勇追擊阿玉錫衝入賊中刺殺三人衆官
兵等共殺賊三十餘人擒二十四人所獲馬匹器械等物
臣即分給効力官兵等其賊哨頭目杜爾伯特台吉垂木拍
爾見被擒獲宜即解送京師因垂木拍爾身帶重傷暫送巴
爾庫爾交付副都統雅圖俟回兵時再將垂木拍爾解送京
師其餘擒獲之賊應否全送京師請旨定奪得旨將軍富寧
安圍擊賊哨生擒賊二十餘人著行文副都統雅圖派兵送
來京師沿途嚴加看守勿致逃亡其垂木拍爾暫停起解俟

實錄卷一百八

古

瘡痍愈後再行解京○乙巳。

太祖高皇帝忌辰遣官祭

福陵○

上駐蹕唐土溝地方○丙午。

上駐蹕張三營○陞浙江鹽驛道裴倬度為湖北按察使司按
察使福建興泉道葛繼孔為江蘇按察使司按察使○添設
本裕倉漢監督一員○丁未理藩院題奏受多羅達爾漢郡
王垂忠於

皇上行圍時不候送駕私自逃回應將垂忠革去郡王號鞭
責得旨垂忠著革去王爵從寬免枷責發京城拘禁其弟阿

雜掠著葉封多羅達爾漢郡王○戊申。

上駐蹕宜孫喀布齊祿地方○庚戌。

上駐蹕雲特木爾昂阿地方○土默特台吉滾濟斯扎卜來朝。

○壬子。

上駐蹕漢音昂阿地方○癸丑。

上駐蹕西爾哈地方○征西將軍祁里德疏言臣率領官兵前往襲擊恐厄魯特吳梁海等隨我兵之尾要截後路另派兵

一千二百人畱阿保喀布沁地方追尋厄魯特往來之人及山谷中設伏之吳梁海等蹤跡陸續擒厄魯特吳梁海等共四百餘人又七月二十九日臣領兵自鏗額爾河前進探知

實錄卷二八九

上

厄爾特寨桑色布騰等率賊衆赴鏗額爾河據山守險臣遣人招降賊恃險拒敵我師派分兩道奮力夾擊之賊衆大敗奔駐山麓至次日復遣人往諭宣布

聖主威德寨桑色布騰等率二千餘人來降所獲馬駝牛羊共

萬有餘隻其寨桑色布騰等俟回兵之日另派官兵護送京

師得旨此次擒獲之人及投降之寨桑色布騰等派官兵解

送時著喀爾喀協濟先送至歸化城將其中頭目數人解送

至京其餘吳梁海之人交與公博貝等設法護視勿致逃竄

○以內閣學士高其倬為廣西巡撫○甲寅

上駐蹕克勒烏里雅蘇台○乙卯

上駐蹕哈達鄂佛羅地方○丙辰秋分夕

月於西郊遣都統伯四格行禮○

上駐蹕噶海圖地方○丁巳

上駐蹕烏喇瓜地方○戊午

上駐蹕布爾哈蘇台地方○己未

上駐蹕巴顏和洛○庚申以鄂爾多斯故多羅郡王薩克巴弟喇錫班珠爾襲爵○壬戌

上駐蹕鄂爾楚克哈達地方○癸亥免浙江會稽上虞二縣康熙五十八年風災額賦有差○旌表浙江烈婦徐聖鳳妻童氏拒姦殞命貞烈可嘉給銀建坊如例○甲子

實錄卷二八九

上

上駐蹕達爾昂阿地方○靖逆將軍富寧安疏言散秩大臣阿喇衲等於七月初八日進兵齊克塔木地方遇賊兵設立營寨擊破之擒殺二十餘人賊衆悉降初十日至皮禪城有回

子兵守城拒敵官兵進擊擒回子一人復遣歸令曉諭衆回

子等我師為征勦策妄阿喇布坦而來與伊等無涉若速行

歸順即免屠戮否則進兵破城後悔無及是日皮禪城回子

頭目率三百餘人來降十三日大兵至吐魯番地方吐魯番

之阿克蘇爾坦及總管頭目沙克扎伯爾等俱率衆迎降共

獲烏鎗五百五十桿駝四十隻馬五百匹阿喇衲等於七月

十六日帶沙克扎伯爾等及官兵凱旋得旨將軍富寧安所

卷之二百八十九 大清聖祖合天弘運文武睿哲恭儉寬裕孝敬誠信中和功德

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百八十九

康熙五十九年庚子九月乙丑朔

上駐蹕爾吉惠漢地方 丙寅

上駐蹕和洛 陞詹事府詹事李周望翰林院侍講學士李

紱俱為內閣學士兼禮部侍郎 以翰林院侍讀陳世倌提

督順天學政 丁卯

上駐蹕和倫畢喇地方 己巳

上駐蹕永安拜昂阿地方 吏部題一等精奇尼哈番蘇黑故

應削去恩詔所得三拖沙喇哈番餘一等阿思哈尼哈番又

一拖沙喇哈番與其子蘇白赫承襲從之 和碩裕親王保

泰母妃薨遣皇十二子固山貝子允禩領侍衛內大臣公鄂

倫岱侍衛關保經理喪事照例致祭外又加祭一次 辛未

上駐蹕噶拜齊老圖地方 阿霸哈納台吉蘇珠克來朝 壬

申

上駐蹕巴顏拖羅海地方 阿祿科爾沁台吉拉特納來朝

靖逆將軍富寧安疏言臣於七月十八日至烏魯木齊賊人

並未設哨隨遣滿漢官兵通行搜尋亦無蹤跡有烏魯木齊

及哈西哈等處地方逃出回子陸續投降臣詢以策安阿喇

布坦之信據稱伊等係哈密屬下人為賊兵擄掠而來本月

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百八十八

十一日賊目徹格爾得自伊爾布爾和韶奔回。通知信息云：皇上大兵已至伊爾布爾和韶。將台吉吹音拍爾所領之兵盡行剿殺。故烏魯木齊有吹音拍爾所屬之人及附近地方厄魯特之人俱各震驚奔竄。伊等得來間逃出。即來投順。又稱烏魯木齊地方今年甚旱。牲畜倒斃甚多。臣遣人細加偵探。與回子之言無異。其阿喇衲襲擊吐魯番兵先於七月二十四日。回至烏闌烏蘇。臣所領兵於八月初二日亦回至烏闌烏蘇。初三日合兵凱還。初十日抵巴爾庫爾。得旨交與議政。癸酉。

上駐蹕朱爾哈代碩倫地方。○甲戌。

聖祖實錄

十

上駐蹕高麗營。喀喇沁多羅額駙門都來朝。○乙亥。

上駐蹕喀布齊祿昂阿地方。○丙子。

上駐蹕博洛和屯。賜來朝喀喇沁科爾沁巴林喀爾喀土默特翁牛特阿霸垓。教漢阿霸哈納。阿祿科爾沁王貝勒貝子。

公台吉等銀幣鞍馬有差。賞隨園外藩官兵銀兩。布疋有差。丁丑。吏部議覆署理甘肅巡撫盛京戶部侍郎花部疏。

參平涼府知府蔣兆龍才力不及。應照例降二級調用。得旨。西邊正值軍務之時。地方不肖官員。或有多有意規避情願降調及離任回籍。又希圖効力復職者。此輩不可不懲。蔣兆龍著革職。永不敘用。自後凡有此等官員。俱著照此例議處。

旌表直隸寧津縣烈婦賈氏。烈性貞操。拒姦被戮。給銀建坊。如例。戊寅。

上回駐熱河行宮。雲南貴州總督蔣陳錫雲南巡撫甘國璧以都統武格將軍噶爾弼從义木多起行。撥用四川雲南二省糧餉。具摺陳奏。得旨。蔣陳錫甘國璧皆係地方大臣。雲南進藏之兵。各項糧餉。應預先料理。如期運送。今蔣陳錫甘國璧於糧餉之事。並不留心料理。幾至遲悞。及大兵進藏之後。伊等方以運送米糧之事。繕摺奏聞。四川之米。若不到雲南之兵。從何就食。蔣陳錫甘國璧顯然有悞軍機。俱著革職。令自備口糧運米進藏。若遲悞不能抵藏。即行正法。其雲南貴州總督事務著貴州提督張文煥署理。雲南巡撫事務著貴州布政使楊名時署理。貴州提督事務著河南南陽總兵官張致署理。南陽總兵官事務著河南巡撫楊宗義於本省副將內揀選一人題請署理。伊等俱著速行赴任。壬午。遣官祭。

聖祖實錄

三

歷代帝王。遣官祭城隍之神。振武將軍傅爾丹疏言。臣領襲擊官兵至格爾厄爾格地方。有厄魯特之人。聞大兵即至。棄帳房等物。四路逃散。臣等分兵追勦。於七月二十一日。追及之。共殺賊二百餘人。擒寨桑貝肯等百餘人。招降三百餘人。并獲馬駝器械等物。又探知烏闌呼集爾地方為厄

魯特屯聚耕種之所臣親督官兵踐踏其地並將賊所積糧草焚燬一空整隊而回賊乘我師之尾潛蹤來犯我師截擊之賊復收遁請將寨寨貝肯等解送京師得旨將軍傅爾丹所奏著抄發京城傳諸王文武大臣公同看閱免陝西甘肅所屬會寧等一十七州縣衛所康熙五十八年分旱災額賦有差中諭理藩院朕巡視土默特喀喇沁等旗分見今年禾稼著霜微早來年恐致米貴應傳諭伊等各旗分務宜節省米糧不得耗費亡酉以故績順公沈熊照子沈之義襲爵陞翰林院侍讀魏廷珍為詹事府詹事戊子陞都察院左副都御史楊柱為盛京兵部侍郎○翁牛特多羅

聖訓

四

杜楞郡王和碩額駙蒼津喀喇沁多羅郡王和碩額駙伊達木扎卜土默特多羅達爾漢貝勒和碩額駙阿喇卜坦等奏臣等所屬旗分因亢旱歉收人口乏食請借支倉米賑濟於豐收之日如數交倉得旨各旗分設倉貯米原以備水旱賑濟之用從前蘇尼特阿霸垓等旗分荒旱之年朕曾令發帑賑濟其翁牛特等所屬之人朕視之均係一體該王貝勒等以此奏請極合朕心著即照所請行如尚有不敷之處仍著再行陳奏以阿霸哈納故多羅貝勒索諾穆喇布坦叔納木扎襲爵予故原任荊州將軍達爾占祭葬如例庚寅上自熱河回鑾駐蹕喀喇和屯辛卯

孝慈高皇后忌辰遣官祭

福陵陞四川永寧道高其佩為四川按察使司按察使工部等衙門議覆河道總督趙世顯疏言河標葦蕩營兵原令砍取葦柴以備工程之用今蕩地淤墊不產葦柴葦蕩營之弁兵虛糜俸餉請將此營裁去其兵丁原係農民即將蕩地撥給開墾輸租至河工需用葦柴有裁兵餉銀一萬八千餘兩並蕩地陞科銀兩可以購買備用於河工有益應如所請裁去葦蕩營千總二員把總四員及兵丁一千二百三十名從之○漕運總督施世綸疏言臣遵旨查河南府孟津縣至陝州太陽渡大小數十餘灘雖有絳路高低不等或在河之南或在河之北惟圪把窩魚林漆等處絳路年久間有坍塌其灑池以下水道下水之船可載糧三百餘石上水之船載及其半灑池以上河高迅激船可輓數十石由砥柱至三門神門本無絳路若小舟乘東南風猶或可上鬼門水勢洶湧土人從未行舟惟人門稍緩石崖鑿有絳路路旁鑿有方眼又有石鼻臣愚以為石鼻可穿鐵索方眼可裝木限援手助力亦未可知觀此則從前輓運之蹟猶存誠如聖諭自陝州至西安府河水平穩俱有輓運路徑臣謹將河道水勢並絳路繪圖呈覽下部知之壬辰上駐蹕花峪溝癸巳

聖訓

五

上駐蹕王家營。調正紅旗漢軍副都統伊爾哈岱為鑲紅旗

滿洲副都統。陞參領紀綬為正紅旗漢軍副都統。

冬十月甲午朔享

太廟。遣內大臣輔國公振衡行禮。遣官祭

永陵

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵

（頒康熙六十年時憲歷

上駐蹕小營。琉球國中山王尚敬遣陪臣向龍翼等進貢方

物宴齊如例。乙未

上駐蹕兩間房。丙申

上駐蹕巴克什營。丁酉

上駐蹕遙亭。戊戌

上駐蹕羅家橋。己亥

上駐蹕密雲縣。庚子

上駐蹕懷柔縣。辛丑

上駐蹕湯泉。壬寅

上駐蹕鄭格莊。戶部等衙門議撥漕運總督施世綸遵旨查

奏河南南府至陝州之三門一帶河道輓運米穀。見在無可寬

之船。請以河南府至陝州太陽渡三百餘里用車裝運。計期

五日。可到。每車可裝穀八石。計穀二十萬石。需車價銀四萬

三千七百五十兩。自太陽渡至西安府党家馬頭。水平穩

船隻通行。水運為便。需運費銀二萬六千兩。自党家馬頭至

西安府倉二十里。又需車價銀四千兩。其貯穀口袋二十萬

餘條。需價銀三萬兩。共計銀十萬三千七百五十兩。總於豫

省支銷。不令陝西接運。但運穀二十萬石。止得十萬之米。請

令豫省以二穀易一米。起運。則運費可省其半。若慮米難久

貯。請照例出陳易新。應如所請。得旨依議。今歲河南歉收。又

見往陝西齎送穀石。次年穀價必致騰貴。著於河南省來年

運京漕糧內。照數截留補還。運往陝西穀石。其餘漕糧亦停

止。運送京師。留河南收貯。授奉國將軍吳爾德子楊阿為

奉恩將軍。癸卯

上回駐蹕春園。喀爾喀澤卜尊丹巴胡土克圖王謝圖汗遣

使進九白年貢宴齊如例。甲辰。朝鮮國王李煒薨。世子李

昀遣使奏聞。兼貢方物。得旨。朝鮮國王李煒薨。封將五十載。

自來伊國從未有似此歷爵年久者。且襲封以來奉藩至為敬謹。進獻方物極盡誠款。未嘗稍懈。又防禦伊國邊疆安靜。克享太平。伊舉國老幼靡不感戴。具見事上恭順。撫民慈愛。深為可嘉。忽聞患病。溘逝。朕心不勝痛惻。除遣大臣往唁外。其所貢禮物著即交使臣帶回。以示軫念之意。應得卹典該部察例具奏。喀爾喀車臣汗遣使進九白年貢宴春如何。丙午。以右春坊右中允蔣漣為順天武鄉試正考官。翰林院檢討海寶為副考官。戊申。諭大學士等。朕臨御以來。凡事惟以實心行實政。務俾羣黎均沾實惠。從未諱言災傷。崇尚虛文。今歲江南浙江湖廣等省大稔。豫省微覺歉收。朕已

實錄卷五

八

頒諭旨將漕糧停止起運。今於彼處收貯。但陝西地方現有軍務。又年歲歉收。故朕豫頒諭旨。著總漕施世綸協同總督鄂海辦事。除陝西歷年錢糧屢經蠲免。并明歲錢糧另頒諭旨蠲免外。見令動支倉穀散賑。而地方官員大半悉在軍前辦事之人。殊少。應照從前賑濟山東百姓之例。差官往賑。著九卿詹事科道會議具奏。己酉。陞工部郎中牛鈕為都察院左副都御史。庚戌。諭戶部。朕自御極以來。無日不以民生為念。凡閭閻疾苦。必詳加咨訪。至於地方偶遇災傷。一有所聞。即行蠲賑。撫恤備至。務期黎庶遂生樂業。優游化日。六十年來。夙夜孜孜。未嘗稍釋也。邇年因西陲用兵。師行糧從

雖易粟志支正供。絲毫無擾民間。然轉輸必需民力。勞苦宜恤。曾將康熙五十八年陝西甘肅所屬額徵地丁銀一百八十八萬兩零。歷年舊欠銀四萬兩零。康熙五十九年沿邊各州縣衛所額徵銀九萬八千一百兩零。屢沛恩綸。盡行蠲免。近聞二年秋收。民有艱於粒食者。辦賦急公。力何能支。若非渙敷德澤。無以培養窮民。是宜特頒浩蕩之恩。用申勤求民瘼之念。著將陝西甘肅所屬各州縣衛所除應徵米豆草束外。康熙六十年應徵地丁銀一百八十八萬三千七百四十兩零。通行蠲免。爾部速行文該督撫。徧行曉諭。實心奉行。務俾均沾實惠。如有不肖官吏。陽奉陰違。澤不下究者。該督撫

實錄卷五

九

嚴察題參。從重治罪。又署撫花鄧奏稱甘肅地方數年歉收。糧草價值騰貴。兵丁採買維艱。朕念兵丁効力行間。勞瘁堪憫。准預給半年兵餉。著即行文附近省分撥銀三十萬兩。速解甘撫頒發。以副朕篤念民勞。優恤軍士至意。爾部即遵諭行。○定西將軍噶爾弼疏報。臣等領兵至拉里地方。探知吹穆品爾寨寨帶領賊兵二千六百人。由章米爾戎一路來拒我師。臣等議乘其不備。先取墨朱工喀地方。於八月初四日。臣率滿漢官兵。自拉里前進。王師所至。望風響應。隨有朱貢之胡土克圖。蘇地來降。次日進取墨朱工喀。賞賚第巴頭目安輯民人。臣遣千總趙儒等往諭第巴達克。雜來降。又喇嘛

鍾科爾頭目亦陸續來降。臣等隨令第巴達克雜聚集皮船於八月二十二日渡河。復令侍衛訥泰等率領官兵分為三隊。二十三日五鼓時分起程進取西藏。傳西藏之大小第巴頭目並各寺廟喇嘛聚集一處宣示。

聖主拯救西藏民人至意。隨將達賴喇嘛倉庫盡行封閉。西藏附近重地扎立營寨。撥兵固守。截準噶爾之往來行人及運糧要路。隨據三廟之坎布將各廟所有準噶爾之喇嘛共一百一人擒獻。內有為首喇嘛五人。據第巴達克雜及三廟坎布等首告。彼皆策零敦多卜授為總管之喇嘛。於是將此五名喇嘛即行斬首。其餘九十六名準噶爾之喇嘛盡行監禁。

聖祖實錄

十

得旨噶爾弼等遵朕指授率領官兵。應從古用兵未到之絕域。各加奮勵。克取藏地。將準噶爾人等信用之逆惡番僧五人正法。撫綏唐古特土伯特人民。甚屬可嘉。在事將軍以下兵丁以上。俱著從優議敘。諭兵部朕惟國家綏乂地方。愛養兵民實係緊要。朕自臨御以來。夙興夜寐。無時不以軍民生計為念。比年策妄阿喇布坦蠢動。跋扈侵我哈密藏及拉藏佔取藏地。騷擾土伯特唐古特人民。再吐魯番之人皆近四川雲南一帶邊境。居住準噶爾人等若將吐魯番侵取。又將土伯特唐古特人民煽惑。侵犯青海。不但難於應援。亦且難於取藏。是以調四川雲南滿漢官兵由拉里前發西路大

聖祖實錄

十一

兵由青海進藏。官兵俱感朕泰養之恩。遵朕指授。各加奮勵。直抵險遠絕域。克取藏地。殊堪軫念。應大沛恩澤。四川雲南滿漢官兵從前所領俸餉俱著免其扣取。仍遣堂官將取藏之四川雲南官兵每人賞銀十兩。即給本人妻子。以示朕軫恤官兵勞苦之至意。爾部即遵諭行。○癸丑工部議覆河道總督趙世顯疏言。睢寧縣王家堂宿遷縣蘇家莊工程危險。請各建築挑水壩一座。以資防禦。應如所請。從之。○甲寅戶部尚書趙申喬故遣內大臣公振衡刑部左侍郎張廷玉并侍衛十員往奠茶酒。○兵部尚書范時崇以病乞休。允之。○乙卯撫遠大將軍允禔疏報。平逆將軍延信等率領大兵於八月十五日駐扎卜克河地方。是夜策零敦多卜等率眾來犯。擊敗之。奪其馬匹器械。十九日自卜克河起程。二十日駐扎齊嫩郭爾地方。三更時有賊兵二千餘人來襲我師。我師嚴整備禦。賊眾久持不能抵敵。遂奔北。二十一日自齊嫩郭爾起程。二十二日駐扎綽馬喇地方。是夜五更又有賊兵千餘剽營。因營中四面哨兵鎗礮矢石齊發。賊兵被傷身死者甚多。餘賊皆望風而遁。延信等隨率領滿漢官兵於九月初八日自達穆地方起程。送新封達賴喇嘛進藏。其從前達賴喇嘛博克達不便留住藏地。應發回京師。得旨前遣大兵進藏。議政大臣及九卿等俱稱藏地遙遠。路途險惡。且有瘴氣。

不能遠至宜固守邊疆朕以準噶爾人等覓今佔取藏地騷擾土伯特唐古特人民再吐魯番之今皆近雲南四川一帶邊境居住若將土魯番侵取又鼓動土伯特唐古特人衆侵犯青海彼時既難於應援亦且不能取藏朕決意獨斷著靖逆將軍富寧安振武將軍傅爾丹征西將軍祁里德管領兩路官兵前往策妄阿喇布坦邊境驚擾襲擊又遣定西將軍噶爾弼領雲南四川滿漢官兵由拉里前進平逆將軍延信領西路官兵由青海前進又遣大將軍總領大兵駐扎穆魯斯烏蘇調遣官兵辦理糧餉伊等俱各加奮勵兩路襲擊之兵至策妄阿喇布坦邊境屢次大勝勦殺賊兵擒獲人畜招撫數千準噶爾人衆茲覽大將軍奏延信等三次將策零敦多卜殺敗賊兵逃竄殊屬可嘉在事將軍以下兵丁以上俱著從優議敘○丁巳靖逆將軍富寧安疏言今歲阿爾泰巴爾庫爾兩路官兵襲擊策妄阿喇布坦邊境將軍延信等進兵安藏各遵

皇上指授大振軍威賊人聞之心膽俱碎或因窘迫之故遣使投降詐為緩兵之計亦未可定臣愚以為賊性奸詭即使投降不足為信請乘勝於來年大舉進剿查見在巴爾庫爾之兵及固原甘肅等處預備駐扎之兵不下一萬七千請於此內派選精兵八千名由額倫哈必爾漢一路前進六千名由

吐魯番阿爾會一路前進酌帶三月口糧其安設驛站之事交巡撫綽奇預行料理又巴爾庫爾之草廠勝於各處所有安臺運米駝馬及調遣兵丁駝馬若早至巴爾庫爾收放三月則駝馬肥壯有益軍務其來年進兵之期作何策應之處臣再與阿爾泰一路大臣會議奏聞得旨交與議政等議政大臣議應如將軍富寧安所奏來年大兵進剿一切軍務宜預行齊備至進兵之時或直搗賊巢或扼據形勝須臨期相機而行其大將軍所領兵內應再派三千名添發富寧安處并行文與阿爾泰一路將軍伊等之兵作何會合前進亦令詳議奏聞得旨此事著行文允禩及富寧安傅爾丹祁里德

等將來年進兵之處互相商酌詳加定議具奏○戊午戶部等衙門遵旨議覆陝省歉收連行賑濟之事應將西安延安蘭州分為三路差大臣三員部院滿漢賢能司官十二員動戶部帑銀賑濟蘭州二十萬兩延安十五萬兩西安十五萬兩由驛遞運送散賑地方又會同督撫等率領地方官將陝屬常平倉存貯糧六十九萬二千石甘肅常平倉存貯糧六十七萬二千石酌量動用自散賑之日起至麥收之日銀糧兼賑令百姓均沾實惠至西安地方緊要米石應令多貯除見今施世綸具題運送十萬石外將河南截留康熙六十年漕米內再撥十萬石令巡撫楊宗義運至西安存貯備用得

旨此事不必差遣堂官著派出司官將銀兩交施世綸總管
公同賑濟餘依議 辛酉。議政大臣等議覆撫遠大將軍允
禎疏言八月二十三日官兵進藏之後探知策零敦多卜等
賊兵已自克里野一路遁去請將駐守噶斯布特爾之兵及
駐防青海土兵均行撤回應如所請但策零敦多卜等性甚
奸狡雖已經逃遁或乘隙侵擾青海地方亦未可定應令大
將軍仍派兵二千駐扎於青海相近形勝之地偵探防守從
之 癸亥。諭大學士等科道官係從部員內揀選補授每年
內陞外轉並未論其原陞品級一體開列今科道官內陞有
即超擢至堂官者果其卓然特出雖為布衣庶亦可不次任
用況科道乎若本屬平常而不查原陞品級竟一體內陞超
用未免越次著交與九卿將科道官由何銜陞任應作何分
別開列之處會議具奏尋九卿等議覆科道官內陞外轉應
查原陞之官係郎中補授者應俸二年員外郎補授者應俸
三年主事補授者應俸四年然後准其開列從之 諭刑部
朝審情實人犯內有遇赦應寬免者有不應寬免者今若不
詳察分別則明年或遇赦詔將伊等於赦詔前混行正法殊
屬可矜其外省事情與京城事情不同外省罪人甚少照例
完結惡棍亦知警懼至今年朝審人犯著九卿詹事科道會
議除照常不赦罪犯外其餘逐一詳核分別具奏 議政大

臣等議覆靖逆將軍富寧安疏言據軍前副都統覺羅英柱
常將提督路振聲等呈稱明年大兵進剿一切軍器馬匹應
行預備請借支官兵一年俸餉銀共三十五萬九千四百二
十餘兩於每季每月給發俸餉時將伊等所借之銀扣補還
項如蒙

聖恩俞允祈即敕諭甘肅巡撫綽奇按數運送軍前明年如果
進兵即將此銀兩預行借給否則存留軍前為每年軍餉備
用應如所請從之 陞戶部右侍郎白潢為兵部尚書

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百八十九

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十

康熙五十九年庚子十一月甲子朔○丙寅以翰林院侍講馬豫提督浙江學政左春坊左諭德彭維新提督山東學政右春坊右中允蔣漣提督河南學政右贊善彭廷訓提督山西學政翰林院編修王蔭提督陝西學政檢討黎致遠提督湖廣學政編修徐昂發提督江西學政檢討阿珥塞提督福建學政編修惠士奇提督廣東學政編修方觀提督四川學政編修汪份提督雲南學政檢討張大受提督貴州學政○年故戶部尚書趙申喬祭葬諡恭毅○旌表河南永城縣烈女張慕聘妻蔣氏結褵將屆夫亡投繯完節給銀建坊如例○丁卯

上自暢春園回宮○戊辰

上幸暢春園○辛未遣散秩大臣渣克畝禮部右侍郎羅瞻致祭故朝鮮國王李焞諡僖順兼冊封世子李昀為朝鮮國王敕諭曰爾父王焞薨逝朕心惻然據王妃金氏奏稱爾自幼岐嶷且有長人之德為國人所愛戴請冊封承襲朕俯順輿情特允所請茲遣官齎詔誕告爾國封爾為朝鮮國王繼理國政封爾繼妻魚氏為國王妃佐理內治並賜爾及妃誥命彩幣等物爾宜永矢靖恭懋績承於侯服迪宣忠順作屏翰

於天家爾其欽哉母替朕命○癸酉免陝西涇州本年分電災額賦有差○丙子諭大學士等朕見九卿薦舉之今有初次列名至第二次又不列名者是必因缺有美惡任意趨避也嗣後一次薦舉之人即當每次薦舉凡某官薦舉某令著吏部注册以備查核○議政大臣等議覆四川總督年羹堯疏言裏塘巴塘為蜀省出兵運道奉旨聽蜀省管轄乃雲南麗江土知府木興於巴塘所屬之喇皮等處節次遣人嚇令歸滇以致番人恐懼見在四川續運之米糧催募人夫不敢前進八月二十日木興帶領蠻兵前至喇皮因番目巴桑以已歸四川為詞即被殺死又示威番蠻勒令歸已以致番蠻欲圖報復各思構兵巴塘之運路遂阻木興狂悖生靈殺良阻運請革職○摺禁雲南省城侯西藏既平嚴審究擬查平藏大兵尚未入口應將年羹堯叅木興生靈阻運之處存案俟藏兵旋日差京城大臣一員前往審理從之○戊寅以左都御史田從典為戶部尚書陞浙江巡撫朱軾為都察院左都御史以左副都御史屠沂為浙江巡撫○庚辰

上自暢春園回宮○辛巳諭大學士學士九卿等朕於地理從幼留心凡古今山川名號無論邊徼遐荒必詳考圖籍廣詢方言務得其正故遣使臣至崑崙西番諸處凡大江黃河黑水金沙瀾滄諸水發源之地皆目擊詳載入輿圖今大兵

得藏邊外諸番悉心歸化。三藏阿里之地俱入版圖。其山川名號番漢異同。當於此時考證。明核庶可傳信於後。大概中國諸大水皆發於東南。諾莫渾烏巴西大幹內外。其源委可得而縷析也。黃河之源出西寧外枯爾坤山之東。眾泉渙散不可勝數。望之燦如列星。蒙古謂之敖敦他拉。西番謂之梭羅木。中華謂之星宿海。是為河源。匯為薩陵鄂陵二澤。東南行折北復東行。由歸德堡積石關入蘭州。岷江之源出於黃河之西。巴顏哈拉嶺七十七喇哈納。番名岷尼雅克。撮漢書所謂岷山在西徼外。江水所出是也。而禹貢導江之處。在今四川黃勝關外之乃褚山。古人謂江源與河源相近。禹貢岷山

實錄卷二九〇

三

導江乃引其流非源也。斯言實有可據。其水自黃勝關流至灌縣分數十支。至新津縣復合而為一。東南流至敘州府與金沙江合流。金沙江之源自達賴喇嘛東北烏尼尹烏蘇峯流出。烏尼尹烏蘇峯中華謂之乳牛山也。其水名穆魯斯烏蘇。東南流入喀木地。又經中甸入雲南塔城關。名金沙江。至麗江府又名麗江。至永北府會打衝河東流。經武定府入四川界。至敘州府流入岷江。經夔州府入湖廣界。由荊州府至武昌府與漢江合。漢江源出陝西寧羌州北嶓冢山。名漾水。東流至南鄭縣為漢水。入湖廣界東南流至漢陽縣漢口合岷江。此諸水在東南諾莫渾烏巴西大幹之內。源發於西番

實錄卷二九〇

四

委入於中國也。瀾滄江有二源。一源於喀木之格爾幾雜噶爾山。名雜褚河。一源於濟魯肯他拉。名敖母緋河。二水會於察木多廟之南。名拉克褚河。流入雲南境。為瀾滄江。南流至車里宜撫司。名九龍江。流入緬國。瀾滄之西為喀喇烏蘇。即禹貢之黑水。今雲南所謂潞江也。其水自達賴喇嘛東北哈拉腦兒流出。東南流入喀木界。又東南流入怒彝界。為怒江。入雲南大塘隘。更名潞江。南流經永昌府潞江安撫司境。入緬國。潞江之西為龍川江。龍川江之源從喀木所屬春多嶺流出。南流入雲南大塘隘。西流為龍川江。至漢龍關入緬國。此諸水在東南諾莫渾烏巴西大幹之外。皆流入南海也。又雲南邊境有檳榔江者。其源發自阿里之岡底斯東達木朱喀巴卜山。譯言馬口也。有泉流出。為雅魯藏布江。從南折東流。經藏危地。過日噶公噶兒城。旁合噶爾詔母倫江。又南流。經公布部落地。入雲南古勇州。為檳榔江。出鐵壁關。入緬國。而岡底斯之南有山名郎千喀巴卜。譯言象口也。有泉流出。入馬皮木達賴。又流入郎噶腦兒。兩河之水西流至桑南地。岡底斯之北有山名僧格喀巴卜。譯言獅子口也。有泉流出。西行。亦至桑南地。二水合而南行。又折東行。至那克拉蘇母多地。與岡底斯西馬卜家喀巴卜山所出之水會。馬卜家喀巴卜者。譯言孔雀口也。其水南行至那克拉蘇母多地。會東

行之水東南流至厄納忒可克國為岡噶母倫江即佛法所謂恒河也佛國記載魏法顯順恒河入南海至山東之渤海入口應即此水矣梵書言四大水出於阿耨達山下有阿耨達池以今考之意即岡底斯是唐古特稱岡底斯者猶云眾山水之根與釋典之言相合岡底斯之前有二湖連接土人相傳為西王母瑤池意即阿耨達池又梵書言普陀山有三一在厄納忒可克之正南海中上有石天宮觀自在菩薩遊舍是云真普陀一在浙江之定海縣海中為善財第二十八叅觀音菩薩說法處一在土伯特今番名布塔拉山也亦謂觀音現身之地釋氏之書本自西域故於彼地山川亦可引以為據也禹貢導黑水至於三危舊注以三危為山名而不能知其所在朕今始考其實三危者猶中國之三省也打箭爐西南達賴喇嘛所屬為危地拉里城東南為喀木地班禪額爾德尼所屬為藏地合三地為三危耳哈拉烏蘇由其地入海故曰導黑水至於三危入於南海也至於諸番名號雖與史傳不同而亦有可據者今之土伯特即唐之突厥唐太宗時以公主下降公主供佛像於廟令番人名招招查譯言如來也其地猶有唐時中國載去佛像明成化中烏斯藏大寶法王來朝辭歸時以半駕鹵簿送之遣內監護行內監至四川邊境即不能前進而返留其儀仗於佛廟至今往來

之人多有見之此載於明實錄者爾等將山川地名詳細考明具奏○壬午議政大臣等議覆四川總督年羹堯疏言大兵平藏之後有隨征把總哈元成回稱西寧進藏之路瘴氣獨盛見在平藏官兵俱欲從巴爾喀木一路行走臣查凱旋之兵所帶口糧按日計之尚屬有餘不必隨路接濟但恐官兵馬匹回至中途必多疲乏雖有口糧或不能裹帶而行亦未可定謹飛檄各處多運米糧預備接濟應如所請得旨依議年羹堯奏進藏大兵由巴爾喀木一路凱旋朕念武格等所領滿兵由雲南出口進藏今回兵時若仍令往雲南則路途遙遠著即同四川省凱旋之兵從四川入口其雲南縣旗兵丁著年羹堯擇路近之處發往雲南西寧進藏兵著從松潘一路行走至松潘後相視道里遠近或從口外前往西寧或從口內行走俱著年羹堯酌量辦理○陞貴州布政使楊名時為雲南巡撫○乙酉冬至祀天於圜丘遣領侍衛內大臣公馬爾賽行禮遣官祭永陵福陵昭陵暫安奉殿

孝陵

孝東陵

仁孝皇后

孝昭皇后

孝懿皇后陵○丙戌

上御太和殿王以下文武各官上表朝賀停止筵宴○

上幸暢春園○丁亥諭議政大臣等將軍祁里德奏伊軍前滿

洲兵少請將將軍傅爾丹處所領右衛滿兵酌量撥給朕思

傅爾丹處之兵不必調遣可將右衛烏鎗兵派五百名京城

烏鎗兵每旗派四十名發往祁里德軍前又富寧安軍前滿

兵亦少傅爾丹駐兵之處與巴爾庫爾相近或將傅爾丹所

領滿兵量撥富寧安軍前又祁里德傅爾丹兩路官兵或合

為一處爾等議奏尋議祁里德軍前應派右衛滿兵五百名

八旗滿兵三百二十名令副都統瓦哈里帶領前往其傅爾

丹所領滿兵調給富寧安軍前及祁里德傅爾丹兩路之兵

或應合為一路俟行文大將軍會議具題到日再議從之

庚寅以步軍統領隆科多為理藩院尚書仍管步軍統領事

務○辛卯免江南泰州江都等三州縣本年分水災額賦有

差○壬辰工部議覆河道總督趙世顯疏言清河縣王家莊

徐州狼矢溝宿遷縣蔡家集寶家林楊山縣定國寺等處均

係險工應各建築挑水領水等壩以資防禦應如所請從之

十二月癸巳朔以總督倉場侍郎張伯行為戶部右侍郎仍

兼管倉場事務○以內閣學士李紱為都察院左副都御史

仍兼學士銜○免直隸延慶宣化等五州縣額徵米豆穀共

三萬七千九百餘名以地震被災故也○丁酉旌表湖廣烈

女徐基盤聘妻歐氏矢志堅貞捐軀表烈給銀建坊如例○

戊戌

孝惠章皇后忌辰遣官祭

孝東陵○庚子以故一等公海金子豐盛額襲爵○壬寅陞廣

西按察使劉廷琛為貴州布政使司布政使福建糧道戴鐸

為廣西按察使司按察使○癸卯旌表湖廣烈婦吳大申妻

張氏夫亡三年服除闔戶自經從容盡節給銀建坊如例○

甲辰諸王貝勒貝子公滿漢文武大臣等謹奏

皇上御極六十年普天大慶恭請行慶賀典禮

上諭大學士等曰朕素性不喜行慶賀禮是以元旦日惟照例

行禮停止筵宴雖萬壽日亦久不行慶賀禮今王大臣等為

朕御極六十年奏請慶賀行禮欽惟

世祖章皇帝因朕幼年時未經出痘令保母護視於紫禁城外

父母膝下未得一日承歡此朕六十年來抱歎之處正月初七

日

世祖章皇帝忌辰二月十一日

孝康章皇后忌辰朕何敢於正月初七二月十一日以前行慶賀禮又見在西陲用兵地方官民運米送餉甚屬勞苦山陝二年歉收民有流離者去歲陝省地震兵民受傷今歲沙城地震即京城地亦微震正當君臣憂勤求治之時何喜之有此所奏不准行○陞詹事魏廷珍為內閣學士兼禮部侍郎○乙巳予故原任工部尚書徐元正祭葬如例○丁未以科爾沁故多羅貝勒巴克什古爾子阿臘布坦襲爵○陞直隸馬蘭關副將劉俊傑為雲南楚雄姚蒙景總兵官貴州鎮遠副將李定邦為貴州威寧總兵官○乙酉諭大學士等翰林官

實錄卷五十一

九

員雖多能撰擬碑碣文章者原不過數人此內有人材不及不諳進退之禮者亦有一無所知飲酒遊戲者伊等俱候派考試之官如此等人豈堪備用爾等同吏部翰林院查明參革或人雖平常實有學問者不必革退或年老翰林見在修書行走者亦不必革退又部院衙門滿漢官員內有才力不及並懶惰者爾等亦會同部院堂官查明參革尋大學士等查翰林及各部院官員內人材不及者少詹事龔鐸等一十八人均請革退從之○壬子以原任詹事府詹事王奔清補原官○授先賢卜商後裔世襲五經博士○予故原任寧古塔副都統喀珥圖祭葬如例○以原任甘肅提督師懿德為

鑾儀衛鑾儀使○癸丑諭大學士等朕觀九卿詹事科道保

舉人員並非失公悉有所為或有視地方優劣而舉者或有自謂屏絕交游閉戶不出而緘口不舉一人者或有自己不知舉轉令他人保舉者凡此等情弊伊等以朕為不知朕則知之甚悉也存是心者乃名教中罪人妄得謂之讀書人乎如果矢志公忠則伊所舉之人一有改操之處即宜糾參矣少詹事龔鐸保舉之人甚多伊並未外任何所見而濫行保舉耶此風漸不可畏宜加懲究使知儆畏爾等會同吏部都察院查從前保人甚多而無當者悉行參奏尋大學士等查濫行保舉之員大理寺少卿成文運等五人均請革退從之○

實錄卷五十一

十

陞刑部郎中張謙為雲南按察使司僉事提調學政○甲寅封和碩誠親王允祉子弘晟和碩恒親王允祺子弘昇俱為世子班次俸祿照貝子品級○予故廣西巡撫宜思恭祭一次○丁巳

孝莊文皇后忌辰遣官祭

暫安奉殿

上自暢春園回宮○戊午喀爾喀澤卜尊丹巴胡土克圖來朝宴費如例○庚申

上諭大學士等曰諸王大臣為朕在位六十年奏請慶賀而於典禮之大者並未議及朕在位六十年皆

祖宗積德陰佑所致幸而六十年來一無所失應先往盛京

三陵行大祭典禮但朕今年近七旬不能親謁

三陵應遣阿哥等恭代告祭俟上元節後朕親往

孝陵恭行大祭典禮爾滿漢大臣會議具奏其祭

陵撰文即將朕旨纂入○議政大臣等議覆振武將軍傅爾丹

等疏言明年大兵進剿請借支官兵一年俸餉銀共二十六

萬三千四百餘兩於每季每月將所借之銀照數扣補還項

應如所請得旨軍興時需用錢糧甚多爾等於傅爾丹奏請

之處應相度機宜詳核定議明年果否進兵及官兵之馬匹

器械當否齊備糧餉作何運送將軍等並未奏聞爾等亦未

實錄卷九十一

二

議及止議借支餉銀倘明年不進兵至後年進兵將再借乎

否乎從前運到軍前之米及種地所收之糧果否足用又各

官自備牛種交收之糧或係空名亦未可定官兵惟以借餉

為事不思借無底止則錢糧易至匱乏矣如聽信兵丁之言

預開借餉又徵俸明年徵兵或謂功成之目必邀恩免此豈

將兵之道乎爾等不加詳核縱軟從議亦屬不合軍務本無

年限必詳加籌度使糧無匱乏乃於軍務有益此本著再議

具奏尋議傳爾丹奏請借支一年俸餉不便即給應行文大

將軍等會議明年應否進兵及傳爾丹一路官兵應否借支

之處一並題明再議從之○辛酉歲暮裕祭

太廟

上親詣行禮遣官祭

永陵

福陵

昭陵

暫安奉殿

孝陵

孝東陵

仁孝皇后

孝昭皇后

實錄卷九十一

三

孝懿皇后陵○遣官祭太歲之神○賜朝正外藩科爾沁喀喇

沁翁牛特土默特扎魯特喀爾喀杜爾伯特阿霸哈納蘇尼

特阿霸璦教漢毛明安克西克騰郭爾羅斯貝勒貝子公

台吉等及內大臣大學士侍衛等宴旌表八旗節婦滿洲

雅圖妻覺羅氏等二十二人蒙古拖羅羅妻赫氏等五人漢

軍王國周妻王氏一人直隸各省節婦金章妻李氏等八十

三人貞女鄭氏等四人孝子嚴淑虞耿之翰任鼎福三令各

給銀建坊如例○是歲人丁戶口三千四百七十二萬四百

四又永不加賦滋生人丁三十萬九千五百四十五田地山

蕩畝地七百二十六萬八千一百二十二頃五十畝有奇徵

銀二千九百八十三萬一千八百九十二兩有奇。米豆麥六百九十萬二千三百五十三石有奇。草四百五萬五千三百二十束。茶二十九萬五千五百六十引。行鹽五百一十一萬四千五百三十五引。徵課銀三百七十七萬二千三百五十五兩有奇。鑄錢四萬三千七百三十二萬五千八百有奇。

實錄卷九十一

十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十一

康熙六十年辛丑春正月癸亥朔

上詣

堂子行禮還宮拜神畢御殿王以下文武各官外藩王及使臣等上表朝賀停止筵宴。朝鮮國王李昫遣陪臣李宜顯等表賀冬至元旦。

萬壽節及進歲貢禮物宴賚如例。丁卯議政大臣等議覆四川總督年羹堯遵旨議奏雲南進藏綠旗兵丁應自乍了以東之薩木墩與川兵分路而回其自雲南進藏之江寧杭州

實錄卷九十一

一

滿兵自打箭爐回至成都再由水路而回其撤回之西寧滿漢大兵應令至成都喂養馬匹再自寧羌州一路回至西寧。今定西將軍噶爾弼平逆將軍延信屬下官兵已自藏陸續起程應將打箭爐之滿兵撤回成都再兩路官兵一時聚集成都若必待同行力難照應請將辦事與管兵者留與兵馬同行如都統法喇侍衛邁徒等無事之員令其先期進京俱應如所奏其自西寧進藏之滿洲兵馬赴蘭州駐扎喂馬聽候調用綠旗兵丁各回原處從之。戊辰孟春享

太廟遣內大臣輔國公振衡行禮遣官祭太歲之神。己巳世祖章皇帝忌辰遣官祭

孝陵○庚午。順天府進春○辛未。祈穀於

上帝

上親詣行禮○壬申。命松江提督趙珀來京○乙亥

上以御極六十年大慶。命

皇四子和碩雍親王 皇十二子固山貝子允禩。世子弘晟

往祭

永陵

福陵

昭陵○丙子。以上元節。賜外藩科爾沁翁牛特。土默特。扎魯特

喀爾喀。杜爾伯特。阿霸哈納。蘇尼特。阿霸垓。毛明。麥克。西克

實錄卷二十九

騰郭爾羅斯王。貝勒貝子。公台吉等。及內大臣。大學士。侍衛

等宴○丁丑。上元節。賜外藩王貝勒貝子。公台吉等。及內大

臣。大學士。侍衛等宴○辛巳。議政大臣等議覆四川總督年

羹堯疏言打箭爐口外有裏塘所屬之上下牙色。上下牙呢

巴塘所屬之桑阿壩。與林卡石等處。生番出沒不常。時行劫

掠。臣遣官兵勦撫。俱已投順等語。應俟軍務報竣。將官兵再

行議敘。從之○壬午。賜朝正外藩王貝勒貝子。公台吉等銀

幣鞍馬有差○癸未。撫遠大將軍允禩疏奏。據平逆將軍延

信呈報。大兵送達賴喇嘛。至藏地安置。其所經過雷東。噴多

等處。居住喇嘛人等感激

聖主再造。弘恩。罔不踴躍。懽欣。男女老幼。襁負來迎。見我大兵

羣擁環繞。鼓奏各種樂器。合掌跪云。自準噶爾賊兵佔據土

伯特地方以來。父子分散。夫婦離別。擄掠諸物。以致凍餒。種

種擾害。難以盡述。以為此生。不能再見天日。今

聖主遣師。擊敗賊兵。拯救土伯特人眾。我等得脫患難。仍前永

享昇平樂業之福。似此再造。弘恩。何以報答。紛紛叩陳。出於

至誠。疏入。報聞○丙戌。以廣東潮州總兵官鄭繼寬為福州

副都統○丁亥。文武諸大臣等公奏

皇上以御極六十年大慶。欲

親詣

實錄卷二十九

陵寢告祭。誠

聖孝之至意。第

皇上足疾初愈。冒寒遠行。恐勞

聖體。且遣諸皇子等恭代

皇上詣

太廟行禮。即如

親謁

陵寢。懇祈

皇上停止。謁

陵

上諭曰朕前兩次欲親祭

陵寢皆因諸大臣勸阻未行至今猶自追悔爾等勸朕不去朕即不去至三月時諸臣若勸朕陞殿行慶賀禮朕亦借風寒不准所請可也文武諸大臣又再四懇求停止謁

陵

上手書諭曰諸大臣俱有經國之任聞見甚博忠孝素著朕已深知諸大臣謂朕宜停止謁

陵朕即停止不知至三月大慶時諸大臣亦愛朕請停止否若亦請停止朕心甚安否則不但朕不受慶賀之禮爾諸大臣必且有獲咎者

實錄卷三十九

上因書不辨風塵色安知天地心二語以示諸臣諸臣回奏云臣等原為雪大風寒應請停止謁

陵今敬讀

聖諭不勝悚惶

上曰據奏雪大風寒明日難以起程原擇二月初四日祭

孝陵已不及矣十一日

孝康章皇后忌辰不便祭祀外擇十二日或十三日致祭朕於

二月初旬起程且過初八日驚蟄之後天即和暖朕必親往

辛卯授固山貝子允禧女為縣君壻趙世揚為固山額駙

遣散秩大臣尚崇廩奏事雙全等攜茶酒往奠故鑲藍旗

滿洲都統兼前鋒統領瑯圖賜馬二匹銀三百兩予祭葬如例以故二等精奇尼哈番王珏子王世康襲職

二月壬辰朔諭大學士等山東巡撫李樹德以拏獲興販私鹽巨賊王美公等一案奏聞伊等假標將軍名目聚黨行兇妄亂犯法若將此事批出發科到部另議則致遲延著都統托賴侍郎張廷玉學士登德作速前往會同該撫鎮嚴行夾訊宜正法者於三月前即在彼處正法宜發遣者著伊等帶至京師發往和布多烏蘭古木地方○乙未

上以御極六十年大慶遣官告祭天地

實錄卷三十九

五

太廟

社稷○丁酉

上謁

暫安奉殿

孝陵

孝東陵命皇三子和碩誠親王允祉皇十六子允祿皇十七子

允禮皇二十子允禔隨駕是日自暢春園啟行駐蹕南苑

遣大學士蕭永藻祭

先師孔子以吏部尚書張鵬翮戶部尚書田從典為會試

正考官戶部右侍郎管倉場總督事張伯行都察院左副都

御史李紱為副考官○戊戌祭

大社

大稷遣都統伯四格行禮○是日

上駐蹕南紅門○免湖廣沔陽漢川等四州縣武昌等四衛康熙五十九年分水災額賦有差○授鎮國公登色女為鄉君

塔郭多宏為鎮國公塔秩四品○庚子

上駐蹕通州○辛丑

上駐蹕夏店○壬寅

孝康章皇后忌辰遣官祭

孝陵○是日

上駐蹕白澗莊○癸卯

上駐蹕黃土坎○甲辰

上駐蹕姚家莊○乙巳

上詣

暫安奉殿

孝陵

孝東陵行禮奠酒舉哀次至

仁孝皇后

孝昭皇后

孝懿皇后陵奠酒舉哀○是日

上駐蹕馬蘭峪○丁未祭

暫安奉殿

孝陵

孝東陵遣皇三子和碩誠親王允祉皇十六子允祿皇十七子允禮世子弘昇行禮○是日

上回鑾駐蹕馬伸橋○戊申免陝西宜川等六縣清平等十一所康熙五十九年分旱災額賦有差○是日

上駐蹕花園○己酉

上駐蹕白澗莊○四川總督年羹堯疏請陞見允之○庚戌

上駐蹕夏店○辛亥

上駐蹕通州○壬子

上駐蹕南苑○甲寅春分朝

日於東郊遣散秩大臣伯富大禮行禮○乙卯

上回駐暢春園○丁巳

孝昭皇后忌辰遣官祭

孝陵○已未諭大學士等見在科場之弊有最大者人皆不言朕

知之甚悉士子作文合三場計之祇六七日而今年放榜日期似欲遲至三月十五日以後通場卷數不過三四千試官

閱文乃至四十餘日方畢為日太多諸弊皆從此而生矣士子偶有夾帶倩代者原其情不過自為功名或貪士以圖利

起見犯者不過幾人其弊猶小況入場之時巡察官防閑甚嚴苟被搜獲必治以罪迨三場既畢巡察各官俱撤去貢院門名為封鎖而每日送水菜取食物遂至內外信息時通紛傳某人已中某人不中中者衆人皆為稱喜是外間先有一榜矣又何待於出榜耶甚有更易卷子改換名次主考官俱係大臣平日以清操自居或不至若此而不肖房考官職甚微身家亦輕何事不可為此乃弊之最大者言官等未嘗不知拘於親友師生情面且恐招後日之怨率皆緘默不言主考官日後即知有更易改換之事而業已失察不肯引咎檢舉其在內簾官員又拘於同輩不肯互相糾察考試大典豈

實錄卷一百九十二

八

容如此仍著原派巡察左右翼都統副都統等入場照舊巡察○撫遠大將軍允禔疏言西藏雖已平定駐防尤屬緊要見今留駐彼處者扎薩克蒙古兵五百名額駙阿寶兵五百名察哈爾兵五百名雲南兵三百名四川兵一千二百名以公策旺諾爾布總統管轄至空布地方之第巴阿爾布巴首先効順同大兵前進取藏阿里地方之第巴康濟鼐與準噶爾為讐截奪準噶爾之人又截準噶爾兵回路第巴隆布奈親身歸附應否授以職銜伏候諭旨得旨第巴阿爾布巴第巴康濟鼐著俱授為貝子第巴隆布奈著授為輔國公差往山東審事都統托賴等疏言臣等嚴訊興販私鹽巨賊王

美公等一案王美公李君錫曹龍章王天九王盛西等糾黨行劫拒殺兵丁寧陽縣捕役徐欽九不行緝拏反與曹龍章等私通書信安邱縣人鞠士林帶領張元皓等三十五人黨隨王美公等行劫俱係情實已將首犯王美公等五人照例斬決梟示將徐欽九鞠士林照例斬決再訊代徐欽九寫私書之寧陽縣書辦于淵及為從行劫之張元皓等亦俱係情實應將于淵張元皓等解至京師交與刑部照例僉妻即發往和布多烏蘭古木地方奏入報聞○辛酉陞福建督標中軍副將侯濬為廣東潮州總兵官

三月壬戌朔○癸亥遣官祭

實錄卷一百九十三

九

先農之神○乙丑遣官祭

歷代帝王○岷州衛法藏等六寺番僧丁均的落旦等進貢方物宴賚如例○山東巡撫李樹德疏言泰安州徂徠山前大小數十村莊地屬山區民多强悍應委官兵彈壓查徂徠山前樓德莊在各村適中之地請將泰安州巡檢帶兵六十名移駐其地再派撫標千把總各一員帶馬步兵一百名在官里村駐扎派鎮標千把總各一員帶馬步兵五十名在堯山口駐扎三路分防不時巡查則匪類自不敢復為犯法之事矣得旨李樹德所奏樓德莊等處駐扎官兵甚是著照伊所請行諸王貝勒貝子公滿漢大臣文武百官等疏言

皇上參天贊地。邁帝超王。手定平成。致海晏河清之盛。身兼創守。備文謨武烈之全。道德已貫乎三才。福壽更高於千古。臣等管蠡所見。聞謹鋪陳於萬一。有如

郊壇禋祀。每歲躬親。

宗廟薦馨。心惟對越。祈年報功之典。致敬而致誠。觀光揚烈之思。善繼而善述。六十年之敬

天尊

祖。古未有也。早承大統。常念栢棧。久奉

慈闈。時勤定省。尊養備至。合萬國之歡心。明發有懷。永千秋之孺慕。六十年之至德。大孝古未有也。愛篤天潢。誼隆玉牒。襲

平定縣志卷之十

十

實錄卷二百九十一

十

封不循乎年歲。教習悉徧於宗支。固磐石於維藩。聯休戚為一體。六十年敦本之仁。展親之禮。古未有也。親理庶務。總攬萬幾。當日昃而忘餐。至夜分而不寐。為生民以惜福。豈惟澣濯以朝。比古后之卑宮。仍是茅茨不剪。六十年蒞政之勤。持躬之儉。古未有也。至仁育物。大德好生。頻賜田租。正賦蠲踰千萬。屢宣赦詔。罪人宥至再三。六十年厚民之生。全民之命。古未有也。知人則哲。立賢無方。優禮大臣。恒曲全其終始。除授小吏。必親辨其賢才。厚爵祿以酬舊勲。嚴保舉而求實效。六十年知人之明。用人之當。古未有也。隆儒重道。右聖尊經。拜瞻闕里之堂。升配考亭之祀。賜博士以表先賢之裔。修往

籍而集羣聖之成。

特製訓箴。則士風丕變。數增科目。則人材蔚興。六十年敷文之德。同文之化。古未有也。優恤禁旅。整飭軍營。設官庫以濟有無。而復免其逋欠。增口糧以資騰飽。而并澤其室家。有勇知方。平時既嫻。武備除殘。伐叛臨事。必奏膚功。六十年養兵之厚。練兵之精。古未有也。身御九重。慮周萬里。最關心乎民瘼。更屢念於河防。

鑒輅時巡。凡土俗民風。靡不好問而好察。

龍舟特駕。凡川源水道。必皆周歷。而周知。頒內府之金錢。兼疏畿輔。偃洪河之雪浪。永定淮黃。既便漕艘。復饒水利。數千里

皆成沃壤。億萬世長慶安瀾。六十年治河之方。畧力挽化工。古未有也。布昭聖武。伊濯王功。三逆背恩。輒黨連而蠢動。六師討罪。遂次第以削平。收元季之流逋。定臺灣之島嶼。喀爾喀則願為臣屬。並予以安全。鄂羅斯則示以德威。自生其畏。服曩者厄魯特。噶爾丹。鴟張遠塞。

親駕六飛。而渠魁授首。近則策妄阿喇布坦。豕突鄰藩。用張九伐。而西藏歸心。六十年用兵之方。畧績懋軒皇。古未有也。凡此廣遠之

皇猷。實由高深之

聖學。含經味道。紹精一之心傳。鏡史垂箴。握平治之體要。金聲

玉振摘文則秘扶圖書鳳翥鸞翔染翰則光騰雲漢加以天文歷數創造前民極之樂律易圖研思入妙六十年之好古敏求開物成務古未有也

皇上聖德神功并包萬有文經武緯兼備一身以七十歲壽考之聖人為六十年太平之天子乃神聖首出猶歸之

祖德宗功而孝思無窮必推於水源木本既已肅將誠悃遣祭乎

三陵尤必躬詣

寢園告虔於

世祖此聖不自聖之盛心更度越帝王萬萬矣茲者春暉肆麗

協氣旁流恭逢

萬壽良辰正屆六旬寶曆一甲周而三陽泰兩儀正而百物昌

風雨順時年穀豐稔昆蟲草木並育於太和臣庶黎民同躋於仁壽黃童白叟萬里星馳漆齒雕題九衢雲擁當此熾昌

之會應有頌美之文據京城各省士民人等紛紛籲請恭上

尊號臣等博採衆論謹上

聖神文武欽明濬哲大孝弘仁體元壽世至聖皇帝尊號其應

行禮儀禮部議奏伏乞

皇上即頒俞旨誕受鴻稱上應

天心下慰民志用以垂光信史永紀萬年得旨諸臣奏請慶賀

六十年朕心深為不懌因將朕衷畧言大槩從來所上尊號

不過將字面上下轉換此乃歷代相沿陋習特以欺誑不學

之人主以為尊稱其實何尊之有當時為臣下者勸請舉行

以致後人譏議往往有之本朝受命以來惟以愛養萬民為

務如慶雲景星鳳凰麒麟靈芝甘露天書月宮諸事從不以

為祥瑞而行慶典亦無封泰山禪梁父改元貽誚之舉且見

今西陲用兵外則官兵披堅執銳冒暑衝寒勞苦已久內則

民人負重跋涉輓運遠道力亦疲困兼之被災之處民多受

累朕每念及此惟當修省圖治加惠黎元有何慶賀微賤無

恥之徒謂舉行慶典必有殊恩邀望非分若奸詐輩得邀殊

恩則軍前功罪輕重顛倒錢穀混亂不明更有甚者人知六

十年慶典必有殊恩故殺犯者不少況值暮春清明時正

風霾黃沙之候或遇有地震日晦幸災樂禍者將借此為言

煽惑人心恣行譏議私相紀戴亦未可知今謁

陵典禮已行凡詔赦恩賚等項槩行停止這所奏慶賀無益不

准行○諭大學士等今日出榜黃霧四塞霾沙蔽日如此大

風榜必損壞或因學問優長聲聞素著之人不得中式怨氣

所致或此番中式之人將來有大奸大惡亂臣賊子亦未可

知邵子於洛陽天津橋聞杜鵑即知南人有入相者而王安

石果相此皆書冊所載信有明驗自古帝王因不學問任彼

書生嘗議朕自幼讀書凡此等處無不研究先儒中惟朱子之言最為確當其他書冊所載有不可盡信者如云唐明皇焚珠玉於殿前珠可焚毀而玉亦可焚毀乎又云至治之世風不鳴條雨不破塊天地抑鬱之氣賴風以散若不鳴條則風無力何以鼓盪萬物農人墾田尚欲深耕令土破碎若不破塊何以播種而歲必荒矣又云囊螢讀書朕曾於熱河取螢數百盛以大囊照書字畫竟不能辨此書之不可盡信者也然亦有似乎荒邈而竟實有其事者東方朔記北方有層冰千尺冬夏不消今年鄂羅斯來朝以彼國地圖呈覽問其云其地去北極二十度以上名為冰海堅冰凝結人不能

實錄卷二十九

書

至始知東方朔所云不謬又從前有書吏三人徧傳西邊異獸形圖部議重罪具奏朕從寬免死令其往覓必得是獸方令回來後將軍祁里德等來自軍前朕問伊等奏云果有是獸自在乳旁口在臍旁巡哨侍衛等曾親見之有一侍衛欲以烏鎗擊之為旁人勸止蒙古名其獸為鄂布又有飛者名為積布飛者未曾得見蒙古名惡人為鄂布泰積布泰是即山海經所謂刑天無首以乳為目以臍為口也故將發遣書吏等俱令放回又神異經云北方層冰之下有大鼠肉重千觔名為鼯鼠穿地而行見日月之光即死今鄂羅斯近海北地有鼠如象穴地以行見風日即斃其骨類象牙土人以其

骨製碗碟梳篋朕親見其器方信為實又古人以天市垣為中國分野朕始疑其說細玩天球合以地圖中國去赤道二十度至四十度在穀雨立夏小滿三節氣上天市垣亦去赤道二十度恰與中國對照始知古人分野之說確有所據後人無關發者朕細心推測方悟其理故向爾等言之此又書之不可信而可信者也總之讀書務在明理方不為書所惑耳戊辰太常寺題萬壽節請遣散秩大臣伯法爾薩致祭太廟後殿得旨法爾薩身材短小不知禮節不壯觀瞻引導之人亦貌視之

實錄卷二十九

書

天地

太廟

社稷俱係大祭理宜敬謹如散秩大臣尚崇廩等為人輕佻不應令其行禮必將知進退之節威儀可觀之大臣遣往行禮方善著大學士等會同禮部將諸皇子及王以下大臣等另行開列具奏已已命皇三子和碩誠親王允祉皇四子和碩雍親王率大學士王碩齡原任戶部尚書王鴻緒內閣學士阿克敦蔣廷錫庶子王圖炳順天府府丞連肖先等磨勘會試中式原卷庚午清明節遣官祭永陵

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵○大學士等遵旨議覆各

壇

廟遣往祭祀行禮除顯親王衍潢信郡王德昭貝子魯賓公準

實錄卷三十一

宋

達登色內度塞勤經召傳曾等或年少或有疾及散秩大臣

孫承恩法爾薩年少富大禮有疾均不開列外將已封諸皇

子另開一摺諸王貝勒公等并內大臣及都統等開列一摺

候

皇上圈出交太常寺嗣後遇祭祀日開列請旨

上硃筆圈出皇三子和碩誠親王允祉

皇四子和碩雍親王皇五子和碩恒親王允祺皇七子多

羅淳郡王允祐皇十子多羅敦郡王允祿皇八子多羅貝勒

允禩皇九子固山貝子允禧皇十二子固山貝子允禔世子

弘昇世子弘晟和碩簡親王雅爾江阿署領侍衛內大臣事

多羅貝勒滿篤祜鎮國公吳爾占德普輔國公振衡星尼阿

布蘭訥圖領侍衛內大臣公馬爾賽阿爾松阿散秩大臣宗

室增盛都統圖思海安鮑楊都托賴尚書孫渣齊賴都交付

太常寺臨祭祀時請旨尋太常寺以

萬壽節遣官致祭

太廟後殿請旨

上命

皇四子和碩雍親王行禮○諭大學士等會試中式卷內

勞必達等十二名文章俱劣今科著停殿試過三年仍准其

殿試場內每房原派同考官二員今卷面上止有一人印記

或係一人獨閱或係二人同閱是何情由該部嚴察以聞此

番應試之人有學問優長不得中式以致抱屈者朕亦無從

而知即有人奏聞亦難深信如舉人王蘭生學問南人中或

有勝彼者若直隸人則未能及之前周易折中性理精義朱

子全書魏廷珍主蘭生等在朕前晝夜校對五年不遺一字

讀書人少全讀性理者王蘭生甚為精熟學問亦優屢試未

中或文章不佳抑別有故耶再滿洲舉人留保學問好滿洲

蒙古漢軍中罕有及者即翰林中諒如彼者亦少今番滿洲

內巡撫蘇克濟之親屬二人俱中張伯行幕中修書之人數

年來皆相繼中式惟王蘭生留保俱未得中此在朕前行走

之人朕深知其學問非屬偏向也。王蘭生留保俱賜進士著一體殿試。○癸酉皇三子和碩誠親王允祉恭請

上幸王園進宴。○甲戌監察御史陶彝任坪范長發鄒國雲陳嘉猷王允晉李允符范允錡高玠高怡趙成德孫紹曾公奏皇上深仁厚德浹於人心茲逢六十年景運方新普天率土歡忻鼓舞凡田父野老咸思扶杖來京仰瞻盛舉而建儲一事尤為鉅典懇

皇上獨斷宸衷早定儲位億萬斯年永祝

聖歷於無疆矣臣等非不知建儲大事

皇上聖明必有定見非小臣所宜輕言但臣等忠愛愚誠不能

自己謹合詞籲請伏祈

皇上睿鑒疏合得旨著交內閣○直隸各省老人王年豐等詣闕恭賀

御極六十年大慶并進土產諸物

上却之賞賚有差○丙子

上手書諭旨諭諸王大臣等六十年大慶大學士王揆等不悅以朕哀邁謂宜建儲欲放出二阿哥伊等借此邀榮萬一有事其視清朝之安危休戚必且謂與我漢人何涉似此兇頑愚昧一無所知不顧身命宗族干犯叛逆之罪而行者亦不少王揆以伊祖王錫爵在明神宗時力奏建儲之事為榮常

誇耀於今不知羞恥王錫爵極力奏請建立泰昌不久而神宗即崩崩時亦不甚明泰昌在位未及兩月明係神宗英靈奪其壽命天啓庸懦稚子承繼統緒客氏魏忠賢等專擅至使左光斗楊連輩皆相繼而斃天下大亂至愍帝不能保守為陝西馬牌子李自成所偏自盡屍首暴露東華門橋上官員無一尋收者太監慈有芳覓棺殯斂至

世祖章皇帝始行追封令衆漢大臣官員咸服而明遂亡當時全不知孟子所云以天下與人易為天下得人難之義故立泰昌耳亡國之賊王錫爵不能辭其罪也應剖棺斬首以祭神宗之陵神宗有靈必為首肯王錫爵行事同時之人亦甚惡之故作詞曲極肆詆訾至我朝其孫又入叛黨受偽爵付稱為總兵不久被擒朕宥其殄滅九族之罪止戮其身別無株連乃王揆不思圖報妄行陳奏其負恩可知矣二阿哥兩次冊立為皇太子教訓數十年不能成就朕為

宗社及朕身計故嚴行禁錮所以不殺者恐如漢武帝之後悔致後人滋其口舌也朕並無可悔之處見今時常遣人存問齋賜佳物其子朕為撫養凡此皆為父之私情不能自己所謂姑息之愛也人何得因此生疑耶王錫爵已滅明朝王揆以朕為神宗意欲搖動清朝如此奸賊朕隱而不發可乎朕並無誅戮大臣之意大臣自取其死朕亦無如之何朕御極

六十年慶賀典禮非不可受。因深知此等事故堅辭不允。朕哀老中心憤懣。衆人虛誑請行慶典。朕豈屑為此乎。諸王貝勒貝子公滿漢文武大臣等奏王揆身受

聖恩至重至厚。屢加擢用。至大學士前因伊姪身入叛黨。特寬其滅族之罪。止將伊姪正法。王揆乃背負

鴻恩。結黨營私於康熙五十六年。伊將國家最大之事。應候

乾斷者。妄行陳奏。隨後有御史陳嘉猷等八人條奏。今年二月

十八日。伊密奏。後隨又有御史陶彝等十二人條奏。王揆忌

我朝之太平。結成朋黨。奸惡已極。萬難姑容。請將王揆及陶

彝等俱革職鎖拏。俟過十八日大慶之後。臣等公同從重議

處。得旨。將朕所降諭旨。爾等持示王揆。再行具奏。隨將諭旨

示王揆。又奏臣等傳

旨詢問。王揆又不據實認罪。巧飾虛辭。情尤可惡。請將王揆等

即行鎖拏。俟過十八日後。從重嚴加治罪。疏入留中。○監察

御史舒庫等疏。參本月初九初十兩日。有不知姓名下第舉

子擁至會試副主考左副都御史李紱門前喧鬧。而散得旨

禮刑二部會同嚴審具奏。已卯

萬壽節。停止行禮筵宴。遣官祭

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵。遣官祭真武東嶽城隍之神。丙戌

上將諸王大臣等參劾王揆等奏章發出。諭大學士等曰。王揆

及御史陶彝等妄行陳奏。俱云為國為君。見今西陲用兵之

時。為人臣者。正宜滅此朝食。此係目前顯然効力之處。滿洲

八旗文官。俱以章京派往。惟在京漢官。不與其內。向年總督

姚啓聖李之芳。巡撫趙申喬等。俱曾於軍前披堅立功。伊等

俱係漢官。有何不可。將伊等暫停議罪。著於此番軍前。照滿

洲文官例。委署額外章京。遣往。王揆年老。著伊子王奕清代

去。俟立功回日。再奏。○己丑。諭議政大臣等。藏地甚屬緊要

見在。雖有蒙古綠旗兵三千名駐彼。但延信已將將軍印信

帶回。並無將軍統管兵馬。又無滿兵駐扎。不可不加籌畫。雲

南有副都統噶什所領滿兵一千著派五百名。並四川歇息

之綠旗兵五百名發往。速行文延信。令其前往藏地。延信及

雲南四川兵到藏後。如彼地食物米糧稀少。可將喀喇沁翁

牛特兵撤回。西寧公策旺諾爾布仍駐彼處。著議奏。尋議政

大臣等議覆留駐雲南之江寧杭州滿兵應令都統武格副都統吳納哈領兵五百名仍從雲南進藏之路前進四川歇息之綠旗兵應令總督年羹堯將軍噶爾弼派總兵官副將二員領五百名仍從打箭爐前進將軍延信傳其前往西寧令帶將軍印回至四川帶領四川兵進藏總統駐札得旨依議前令原任雲南總督蔣陳錫巡撫甘國壁接應進藏兵糧餉贖罪効力若尚未去令與此兵同往如已赴藏地令應付此兵糧餉効力○工部議覆河道總督趙世顯疏言桃源縣黃河北岸九里岡壩子原係全河直射之處康熙五十九年秋汎漲發對岸陡長淤灘宜建挑水壩三座并將軍薄縷隈加幫寬厚隄後空窪之地用土填平方資捍禦應如所請從之○庚寅撫遠大將軍允禩疏言據三路將軍報稱各路之馬駝糧餉俱甚充足器械俱已齊備官兵各思奮力進剿值策妄阿喇布坦人心惶惑恐懼震動之時乘此進兵可以直搗其巢穴掃蕩無遺得旨著議政大臣滿漢九卿詹事科道會同詳議具奏尋議將靖逆將軍富寧安之兵調在烏蘭烏蘇地方駐扎捍禦富寧安所領兵內派七千名交散秩大臣阿喇衲甘肅提督路振聲由烏蘭烏蘇一路前進取吐魯番既得之後令富寧安於阿喇衲所領兵酌量派出嚴加防守但進取吐魯番兵馬微少應於振武將軍傅爾丹處選兵三

千撥過富寧安一路振武將軍傅爾丹征西將軍祁里德各於本處駐扎預備再於祁里德所屬兵內派三千名前往以收取策妄阿喇布坦及吳梁海等逃竄之人倘若無人即行撤回合兵一處設或此際策妄阿喇布坦內變起釁或有逃來歸順之人得策妄阿喇布坦確信三路將軍相機即約大兵前進可以搗其巢穴矣得旨議政大臣等所議甚是朕意亦如此籌算將此行文與大將軍令三路將軍各行定議具奏

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十一

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十二

康熙六十年辛丑夏四月辛卯朔享

太廟遣和碩誠親王允祉行禮 壬辰策試天下貢士儲大文等於

太和殿前制曰朕自御極以來仰承

上天眷佑之弘

祖功

宗德福庇之厚惟期海宇乂安蒸民康阜共樂昇平之福兢兢業業宵旰不遑六十餘年如一日而猶慮人心誠偽不一凡

實錄卷九十二

一

在臣子欲其消朋黨而去偏私無懷二心以邀虛譽至於進賢為國無時不以公爾忘私以人事君之義相告誡焉若屯田以資兵食必無虛冒方克有濟勝兵尤易驕矜必能持重始為萬全凡以防微杜漸庶幾內外晏安以臻平治此朕之夙夜所志也夫粹然無私之為公凜然不欺之為忠為人臣者必能公忠自矢表裏如一乃不愧心膂股肱一體之義倘或緣飾於外則實行不孚甚至背公植黨起於心術之隱微而其害有不可勝言者今欲戒欺妄而去私偽果何以精白乃忱靖共爾位歟書曰舉能其官惟爾之能稱匪其人惟爾弗任古大臣薦賢不使人知義如是其重也國家需人惟亟

屢申保舉之法內而九卿外而督撫提鎮簡任既深當其薦舉之初僉曰才能未幾而以庸劣糾矣抑何前後判謬歟心

之不公識之不明而援引私交徇情請託其弊滋甚何由而

推賢讓能為朝廷收任使之實效歟國家幅員廣大一統車書青海流沙之遠莫不涵濡德化養兵以備邊即屯田以貯

粟兵食皆足古之良法美意無以踰此其有効力人員願種

邊地者酌量議敘所以獎成勞而興屯利也然或冒濫冊籍

虛報請敘亦復不少則所以核實而澄清之者豈無其要歟

抑兵不得已而用之者也驕兵有戒古志之矣今王師西討藏地克平為將者無袒於戰勝而志盈無忽於凱旋而意逸

實錄卷九十二

二

何道而使士卒斂戰而無驕悍之心持重而養敵愾之威歟夫人臣皆知公忠之義則臣節必砥而薦舉無私是即用人之本也邊屯而皆有實效之績則墾種無虛而士馬飽騰此即練兵之要也多士於忠君愛國之道經濟世務之宜講求有素矣其悉陳之無隱朕將親覽焉 癸巳諭議政大臣等從前令副都統吳納哈噶錫帶領江寧杭州之滿洲兵二千名前往雲南聽候調遣後派一千名進征西藏尚有一千名留駐雲南此內已著武格吳納哈噶帶領五百名前往守藏其餘五百名及原議自藏撤回令至成都之一千名今已回滇著噶錫俱帶回本處 旌表江寧縣烈婦儲江濤妻陳氏夫

亡寄食逼姦不從慘死完節給銀建坊如例○甲午陞山東登州總兵官李麟為固原提督叅領鍾世臣為山東登州總兵官

上自暢春園回宮○命禮部祈雨○乙未

上御太和殿傳臚賜殿試貢士鄧鍾岳等一百六十三人進士及第出身有差○喀爾喀多羅貝勒納木扎卜故遣官致祭丙申諭大學士等朕披覽史冊於前代帝王每加留意書生輩但知譏評往事前代帝王雖無過失亦必刻意指摘論列短長全無公是公非朕觀歷代帝王廟所崇祀者每朝不過一二位或廟享其子而不及其父或配享其臣而不及其

聖祖實錄卷九十二

十

君皆因書生妄論而定其未允當況前代帝王曾為天下主後世之人俱分屬臣子而可輕肆議論定其崇祀與不崇祀乎今宋明諸儒人尚以其宜附孔廟奏請前代帝王既無後裔後之君天下者繼其統緒即當崇其祀典朕君臨宇內不得不為前人言也朕意以為凡曾在位除無道被弑亡國之主外應盡入廟崇祀爾等將朕此旨錄出公同從容詳議具奏○

上幸暢春園○丁酉九卿等議覆山東巡撫李樹德疏言汶河沙積水不盈尺應行開濬彭口一帶淤沙屢開屢塞應改挑新河一道此皆運道所關挑修難緩又太行隈為充西之保

聖祖實錄卷九十三

四

障其坍塌之處亦應修築查運河所關甚要改挑新河錢糧亦甚浩繁請差部院堂官會同河道總督山東巡撫詳勘應否挑修之處確估具題得旨著吏部尚書張鵬翮前往會勘具奏○轉刑部尚書賴都為禮部尚書以鑲藍旗蒙古都統托賴為刑部尚書○己亥烏朱穆秦多羅貝勒博木布故遣官致祭○庚子諭大學士九卿等朕於河務留心最切經歷最深往年屢次閱河時精力尚強親乘小舟不避水險各處周覽凡水泉源委皆知之甚悉山東運河全賴眾泉灌注微山諸湖以濟漕運今山東多開稻田截湖水上流之泉以資灌溉上流既截湖中自然水淺安能濟運水在地中如人身之有血氣血氣有餘方可用滲泄之藥若氣血不足正需滋養安可再加滲泄乎地方官未知水之源流一任民間截水灌田以為愛恤百姓不知漕運實因此而誤也若不許民間偷截泉水則湖水易足湖水既足自能濟運矣今不講究本原但見湖水日少河身日淺徒事開濬假使河身日深泉水不繼雖費百萬帑金終歸無用且古人所置南北諸閘更將何以處之古人置閘其遠近疎密皆因地形高下水勢緩急以便啟閉或一處二閘或一二十里一閘確有一定丈尺不可更易分水龍王廟閘座尤關緊要當時宋禮用白英老人之策築戴村壩以遏汶水導之出鵝河口入南旺湖然後分

流南北以分水口為水脊蓋山東登萊諸山之脈自關東來結為泰山是北幹分支之一在黃河之東而黃河之西山脈自終南太一南屈淮汝為中幹分支之一黃河行乎兩支之中故昔時河自天津入海以後漸徙而南至淮安入海而登州以上馬谷山以下從無黃河之跡者山脈限之也分水口之水脊又為泰山分支之分脊處白英積數十年精思確有所見定為此議宋禮從之因勢均導南得七分北得三分增修水閘以時啟閉漕運遂通此等膽識後人實所不及亦不能得水平如此之準也今此二閘最宜斟酌啟閉若淺於南則當閉北閘使分北之水亦歸於南淺於北則當閉南閘使

實錄卷九十二

五

分南之水亦歸於北湖泉並注南北合流雖有旱暵亦無慮矣豈若徒事開濬勞費而無益乎往年山東百姓欲開新河朕恐其下流泛濫降旨弗許今巡撫請開彭口新河此地一面為微山湖一面為嶧縣諸山更從何處開鑿耶著張鵬翮到山東將朕此旨詳諭巡撫申飭地方官令其相度泉源蓄積湖水俾漕運無誤特易耳黃河關係最大自元至明歲有衝決未有安瀾二十餘年如今日者然圖治於已治保安於已安河工雖已告成尤當時加巡視不可疎忽今春多風而少雨恐秋間雨水必多地方官宜加意隄防張鵬翮去看山東運河由臨清起至韓莊閘韓莊閘離邳州不遠并往視邳

州低窪之水曾否洩出太行隄有坍塌之處亦當往看有賢能司官多帶幾員去地方有用著之處即留料理武英殿纂修陳鵬年熟諳河務亦著同張鵬翮前往壬寅予故黑龍江將軍托留察葬如例青海厄魯特固山貝子車臣戴青羅卜臧達爾扎輔國公羅卜臧達爾濟故各遣官致祭甲辰諭大學士等總督長蘄摺奏提督趙珀將應給兵丁錢糧遲延不發以致兵丁投擲謗帖應遣大臣審理張鵬翮現往山東閱視河工事竣之日著即從彼處前往再派學士葛爾布會同張鵬翮審擬具奏趙珀或有對質之處亦著前往乙卯免江南高郵寶應二州縣康熙五十九年分水災額賦

實錄卷九十三

六

有差○陞陝西西鳳副將述明為興漢總兵官○丙午上巡幸塞外命皇三子和碩誠親王允祉皇四子和碩雍親王允禩呈七子多羅淳郡王允祐皇八子多羅貝勒允禩皇九子固山貝子允禔皇十子多羅敦郡王允祜皇十五子允禩皇十六子允祿皇二十子允禔皇二十一子允禔皇二十二子允祜隨駕是日自暢春園啟行駐蹕湯泉○陞太僕寺卿金應璧為奉天府府尹丁未孝端文皇后忌辰遣官祭昭陵○己酉上駐蹕懷柔縣○諭大學士等曰去冬雪大所以今春雨澤甚

少大約冬雪多則春雨必少春雨少則秋霖必多此不必由占驗而後知也朕六十年來留心農事較量雨暘往往不爽且南方得雪有益於田土北方雖有大雪被風飄散於田土無益今歲山東得雨河南山西陝西未甚得雨備荒最為緊要不可不豫為籌畫若直隸山東河南已難料理至山西陝西其補救尤難古人云三年耕則有一年之蓄九年耕則有三年之蓄言雖可聽行之不易如設立社倉原屬良法但從前李光地張伯行曾經舉行終無成效至於各省積貯穀石雖俱報稱數千百萬實在存倉者無幾即出陳易新之法亦不為不善第春間僅有所出秋後並無所入州縣官侵蝕入己急則即以折銀掩飾此等積弊朕知之甚詳其報荒之真偽虛實朕亦無不洞悉如熱河所積穀石每年減價平糶秋收糴補還倉數目無多稽查頗易所以每有餘糧語云大兵之後必有凶年昔征勦三逆時豐收足以供給並無一州一縣貽誤及平定以後間有歉收之年不可不綢繆於未雨也邇來稍覺暝旱或者政事有缺失應行改正之處亦未可定爾等會同詳議具奏 諭禮部朕恭謁

孝陵時

世祖皇帝保母葉黑勒氏之孫懷誠李嘉氏之子喀都禮叩請加恩朕念兩保母舊侍禁庭殫心夙夜爰從籲請特沛殊恩

著贈葉黑勒氏為佐聖夫人李嘉氏為佑聖夫人爾部遵諭行○命奉差陝西賑濟漕運總督施世綸確查甘肅所屬窮民量給穀種俾得及時耕種○庚戌

上駐蹕密雲縣 辛亥

上駐蹕遼寧○議政大臣等議覆征西將軍祁里德等疏言副都統鄂三帶領兵丁出烏蘭古木汛界收撫吳梁海之人甚眾查吳梁海俱係遊牧之人不便久住軍前應送至巴顏諾爾克地方居住再兩處將軍自去年回兵之後並未將策妄阿喇布坦地方信息報知今年進取吐魯番探聽策妄阿喇布坦地方信息甚屬緊要乘此雪消草長之時應令官兵收復吳梁海逃散之眾並於汎界地方探聽信息從之○壬子

上駐蹕巴克什營 癸丑

上駐蹕兩間房 甲寅

上駐蹕小營 諭吏部庶吉士金以成等教習有年今加考試

應分別授職除繆曰藻張廷璐沈錫輅已授編修外其庶吉士鄒登恒張夢徵湯倭曹源郊夏開衡李文銳李志沆徐本崔紀楊爾德麟丕謨查祥陳萬策習富吳家驥金以成葉長揚黃鴻中顧祖鎮李錦伊爾敦李克敬顧仔張煒曾元邁杜藻蕭宸捷俱授為編修吳濤徐聚倫王瓚李根雲劉運鈞蔡曰達鄭嵎王夢堯高荀僑李蘭嚴文在張燦嚴瑞龍李天龍

沈嘉麟王承烈竇啟瑛楊椿胡瀛栗爾璋徐學柄德新劉燦卿悅任際虞潘淳俱授為檢討○乙卯

上駐蹕王家營○授一甲進士鄧鍾岳為翰林院修撰吳文煥程元章為編修○丙辰

上駐蹕花峪溝○諭戶部朕覽京畿所報米價甚貴著侍郎張伯行於京通倉內量發米石減價糶賣內務府莊頭所交穀石見在州縣收貯亦著派滿漢賢能司官減價糶賣正值穀價騰貴之時恐有偷盜倉內米石者著提督等不時緝拏爾部遵諭速行○丁巳

上駐蹕喀喇和屯○諭翰林院選拔庶常原以作養人材今科

實錄卷九十二

九

進士特加簡閱取王蘭生黃之雋俞鴻馨姚世榮邵基邵湘朱曾煜姚之駟靖道謨邵泰林廷選鄒世楠李鍼王敘福陳羣沈起元蔣恭裴勵宗萬留保謝道承俞元祺夏力恕覺羅恩壽吳端升姜任修梁機儲大文吳啟昆李光墀馮詠楊夢琰馮棧馮謙崔乃鏞唐繼祖宋在詩楊魁甲杜灝文張符驤夏立中侯來旌王克宏趙笏陸奎勳王溥楊績緒程仁圻王士俊喬世臣何朗黃秀屠用謙李梅賓王恕關上進黃煥彰曹涵萬繩枯董思恭李開葉晏斯盛李先枝等六十二人俱著改為庶吉士分別滿漢書教習○戊午

上至熱河行宮駐蹕○庚申諭大學士等曰今年亢旱傳諭京

師諸大臣不可不盡心祈雨自初二日祈起三日內得雨則

已如無雨著祈至初八日止爾等速繕寫此旨發往京師○

議政大臣等議覆據平逆將軍宗室延信疏言臣遵旨辦完

事務回至中途患病沈重不能再往藏內駐防應將延信調

回京師令署四川總督噶爾弼於年羹堯回任日仍帶定西

將軍印敕統兵赴藏駐扎防守仍令都統武格參贊從之

五月辛酉朔烏朱穆泰和碩車臣親王色登敦多卜來朝○

壬戌議政大臣等議覆撫遠大將軍允禩疏言駐扎巴爾庫

爾之兵征取吐魯番其策妄阿喇布坦之人必然震恐逐漸

投順來歸但甘肅肅州等處之滿洲綠旗兵見俱撥往巴爾

實錄卷九十二

十

庫爾應將臣處所有之兵帶進甘肅肅州駐扎為其聲援查

肅州地方偏小甘肅稍覺廣濶應令大將軍允禩帶領見在

西寧所有之兵前赴甘肅駐扎辦理調遣之事至西寧地方

緊要應派大臣一員駐扎管理得旨依議著大將軍允禩派

一要緊大臣駐扎西寧管理○河工効力筆帖式聶文鎰叩

關首告河道總督趙世顯侵蝕帑銀縱僕受賄各款得旨張

鵬翮見往江南審事著將此案交與張鵬翮確審具奏○癸

亥

仁孝皇后忌辰遣官祭

陵○甲子靖逆將軍富寧安疏言奉旨令臣派兵駐扎烏關烏

蘇進取吐魯番并令臣定議具奏。今議得烏闐烏蘇地方狹小難以駐扎大兵。有伊爾布爾和韶地方距烏闐烏蘇百有餘里水草既佳形勢亦險要可據薩爾海又通吐魯番之路高處可以遠望大兵應於其地駐扎。伊爾布爾和韶地方量留馬匹其餘馬匹俱於烏闐烏蘇色必忒地方另派官兵牧放至進取吐魯番之兵應照議政大臣所議派出七千名。但今已議將阿爾泰一路之兵撥三千名至巴爾庫爾如有機會可以自吐魯番進勦請於阿爾泰所撥之兵內再派一千名共八千名交與散秩大臣阿喇衲及提督路振聲帶領前往進取吐魯番。再派帶領京城三千兵之副都統一員領阿

實錄卷九十二

十一

爾泰兵前來之大臣一員見在巴爾庫爾之西安副都統一員總兵官一員同往俱令阿喇衲統領從之。乙丑喀喇沁多羅額駙門都來朝。辛未翁牛特多羅杜楞郡王和碩額駙蒼津來朝。壬申命工部尚書兼翰林院掌院學士徐元夢吏部右侍郎兼翰林院掌院學士湯右曾教習庶吉士。癸酉遣官祭

關聖帝君。陞署叅將管四川永寧副將岳鍾琪為四川提督。高齊武輔國公達西達爾扎來朝。乙亥吏部議覆廣東廣西總督楊琳疏言廣西太平府思明土知州黃而芸貪殘不法已叅革論絞請改土歸流其所轄地方歸併太平府

知府管理該土州原設吏目一員仍存留以司捕務應如所請從之。調盛京副都統徐昌為白都納副都統。陞盛京內府佐領來文為盛京副都統。丙子土默特多羅達爾漢貝勒和碩額駙阿喇卜坦厄魯特和碩額駙色卜騰旺布來朝。丁丑克西克騰台吉齊巴克扎卜來朝。戊寅諭議政大臣等從前議欲於今年大兵進勦後經議政大臣等議進取吐魯番扼其要地再偵探策妄阿喇布坦實信相機而行。已行文大將軍允禩及三路將軍近據大將軍允禩密奏以軍務重大欲俟明年進兵朕意亦如此。今年大兵著暫停進勦其進取吐魯番扼住要地之處俱著停止。行文各路將軍將

實錄卷九十二

十二

器械馬匹口糧諸務俱令預備整齊俟來年進兵其間如有可乘之機富寧安駐兵之處相近著即酌量而行。巴林多羅額駙林穆布來朝。己卯高齊武台吉策零扎卜來朝。辛巳戶部議覆直隸總督趙弘燮疏言春夏少雨米價騰貴請發常平倉粟貸給貧民其新舊錢糧暫行緩徵以紓民力應如所請得旨依議速行。戶部議覆山東巡撫李樹德疏言濟兗東青四府雨澤愆期請將本年錢糧緩徵并發常平倉穀賑濟窮民應如所請得旨依議速行。戶部等衙門議覆奉差陝西賑濟漕運總督施世綸疏言陝西四月無雨秋成可慮查先豫省運至米十萬石督臣已具題借支駐防兵

餉所存無幾。請速催豫省將後運米石運到平糶。再撥河南湖廣米各十萬石運至陝西存貯備用。俱應如所請。得旨依議。速行。○旌表安慶烈婦劉氏拒姦不從被殺完節。給銀建坊如例。○甲申諭戶部朕御極六十年。自沖齡時。惟以黎庶為重。宵旰圖維。勤勞至今。今春朕之子弟暨六世孫輩與舉國官兵人民請行大慶典禮。在朕固所應受。眾亦咸以為宜。朕意昔年辛丑係

皇考賓天之歲。今歲又值辛丑。況西陲用兵。事尚未竣。是以堅辭不受。朕躬自四月違和五月初旬。又復感寒。遂覺甚病。以致面色稍減。或稍行動。或多言語。便不勝倦乏。目今直隸山

實錄卷九十九

十一

東河南山西陝西麥已無收。民多飢餓。屢令大學士九卿議奏。茫無頭緒。似此尚忍而不言。將來不知作何底止也。諸大臣皆受高爵厚祿。應視萬民如一身。一家各抒拯救之法。若必俟朕降諭。旨推諉於朕。則大臣所任何事耶。今朕躬甚弱。心思過勞。易倦。善忘。惟諸大臣是賴。救民之策。不可不急為籌畫。著大學士九卿等速行詳議。慎勿輕視。倘再遲延。時日被災之民。不能待矣。○撫遠大將軍允禔疏言奉旨派大臣一員駐札西寧辦事。查西安將軍宗查布前曾調駐西寧。再侍讀學士常授辦青海事業。已有年。其可否派駐之處。請旨定奪。得旨常授著授理藩院額外侍郎駐札西寧辦事。宗查

布著赴大將軍允禔處聽候調遣。○改江南銅陵縣小學為中學。從學臣鄭任綸請也。○科爾沁和碩純禧公主來請安。

○科爾沁和碩額駙般迪來朝。○西藏達賴喇嘛土伯特貝子阿爾布巴公隆布奈遣使進貢賞賚如例。○乙酉諭大學士等陝西總督鄂海著辦理軍前糧餉。四川總督年羹堯著兼理四川陝西總督事務。原任侍郎革職。色爾圖著署理四川巡撫事務。皆馳驛速赴任。○又諭朕因陝西歉收。雖將錢糧蠲免。動給倉糧。又發庫帑特差官員散賑。百姓尚未安堵。今施世綸亦束手無策。此皆係地方官員不切實留心為民設法綏理。以致百姓流離。聞山西陝西富戶積藏米石甚多。

實錄卷九十九

十四

若有賢能官員勸諭糶賣。可以多得著將內庫銀發五十萬兩。令左都御史朱軾往山西光祿寺卿盧詢往陝西再派部院賢能官員隨往。每處帶銀二十五萬兩。勸諭富戶照時價糶賣米石。庶乎易得。將此旨傳示九卿。○翁牛特一等台吉鄂齊爾來朝。○旌表河南烈女范氏貞烈性成拒姦殞命。給銀建坊如例。丁亥夏至祭

地於

方澤遣固山貝子允禩行禮。○授固山貝子允禩女為縣君。塔達爾麻達都為固山額駙。○授皇子允祥女為鄉君。塔薩克信照鎮國公塔秩四品。○奈曼多羅達爾漢郡王阿雅拉來

朝○已丑科爾沁多羅貝勒阿喇卜坦來朝○庚寅諭議政大臣等大將軍允禩明年欲行進兵或今年冬季策妄阿喇布坦處廢敗事出有機會可乘亦未可定應令副都統穆克登將黑龍江船廠之新滿洲索倫打虎兒官兵揀選五百名和托輝特公博貝之弟台吉圖巴於伊兵內酌量派出幾人再喀爾喀貝勒丹金多爾濟揀選伊屬下兵丁兵梁海扎薩克台吉托穆克帶伊屬下兵丁俱赴巴爾庫爾軍前預備調遣著速議具奏尋議黑龍江船廠之新滿洲索倫打虎兒官兵應令穆克登帶領前去喀爾喀兵丁應令貝勒丹金多爾濟帶領前去從之○戶部等衙門遵旨議奏直隸山東河南山西陝西被旱除陝西已差大臣賑濟外今查常平倉米穀直隸一百六十萬五千二百七十石零山東四百七十三萬石零河南一百三十四萬七千石零山西四十八萬二百石零應令四省撫臣遣官分賑并平價糶賣再陝西康熙六十年分錢糧已經奉旨蠲免其直隸山東河南山西被災州縣錢糧應令各撫臣查奏分別蠲免得旨依議速行

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十二

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十三

康熙六十年辛丑六月辛卯朔四川陝西總督年羹堯陸辭賜弓矢等物 壬辰諭兵部後喀前任西安副都統時聲名甚好看其人尚可効力著授為成都副都統伊軍功所得拜他喇布勒哈番又一拖沙喇哈番著給還（調湖廣提督高其倬為江南提督陸天津總兵官魏經國為湖廣提督 癸巳福建浙江總督覺羅滿保等摺奏五月初六日臺灣奸民朱一貴等聚眾倡亂總兵官歐陽凱率兵往捕為賊殺害地方有司官俱奔赴澎湖惟淡水營守備陳策率領兵民堅守

實錄卷二百九十三

下

淡水營地方以待救援臣聞報即自福州前赴廈門辦理軍務提督施世驤前赴澎湖臣隨令南澳總兵官藍廷珍參將林政等率領官兵赴澎聽候提臣調遣下部知之

上發硃筆諭旨命兵部發往福建交總督滿保傳諭臺灣百姓諭曰據督臣滿保等所奏并伊等進摺家人所言臺灣百姓似有變動又奏稱滿保於五月初十日領兵起程等語朕思爾等俱係內地之民非同賊寇或為飢寒所迫或因不肖官員刻剝遂致一二匪類倡誘眾合殺害官兵情知罪不能免乃妄行強抗其實與眾何涉今若遽行征剿朕心大有不忍故諭總督滿保令其暫停進兵爾等若即就撫自原諒爾等

之罪倘執迷不悟則遣大兵圍剿俱成灰燼矣臺灣只一海

島四面貨物俱不能到本地所產不敷所用祇賴閩省錢糧養贍耳前海賊占據六十餘年猶且勒服不遺餘孽今匪類數合亦何能為耶諭旨到時即將困迫情由訴明改惡歸正仍皆朕之赤子朕知此事非爾等本願必有不得已苦情意謂與其坐以待斃不如苟且偷生因而肆行擄掠原其致此之罪俱在不肖官員爾等俱係朕歷年養養良民朕不忍勒除故暫停進兵若總督提督總兵官統領大兵前往圍剿爾等安能支持此旨一到諒必就撫毋得執迷不悟妄自取死特諭○諭大學士等曰杭州將軍塔爾賽著帶領滿洲兵一千

實錄卷二百九十三

下

名漢軍兵一千名速前往福建駐扎防守與福州將軍黃秉鉞各管轄所屬兵丁若有事務一同商酌料理○科爾沁台吉諾木桑來朝○甲午議政大臣等議覆征西將軍祁里德等疏言新收撫吳梁海之二千五百三十一口應派滿洲兵三百名喀爾喀兵四百名送至巴顏諾爾克地方居住再令車臣汗等旗分派兵三百名并派台吉一員副台吉二員協同駐扎防守應如所請從之 乙未諭九卿等滿漢大臣俱各守分惟吏部右侍郎湯右曾曾在九卿會議處頗多言所薦之人亦過多著解退吏部侍郎其學問尚優著專管翰林院掌院學士事 丙申諭宗人府平逆將軍延信朕親伯之孫

朕之姪也。此番統領滿洲蒙古綠旗兵丁過自古未到之烟瘴惡水無人居住之絕域殲滅醜類平定藏地允稱不辱宗末克展勇畧深屬可嘉。著封為輔國公。議政大臣等議覆撫遠大將軍允禴疏言臣今赴甘州將西寧所有兵丁帶去請將自西寧進藏回來之滿洲兵丁調赴西寧駐扎查從前曾奉諭旨自西寧隨平逆將軍延信進藏撤回之滿洲官兵俱令回京則此項滿洲兵丁應即回京請於駐扎涼州喂馬之披甲內量撥數百名在西寧駐扎即令侍郎常授管理從之。○吏部議覆四川陝西總督年羹堯疏言重慶府之合州請復設銅梁縣順慶府之廣安州請復設岳池縣各設知縣

實錄卷二百九十五

三

一員典史一員再成府之德陽灌縣安縣什邡綿竹五縣潼川州之安岳縣請各設典史一員應如所請從之。○戊戌禮部等衙門議覆監察御史舒庫等奏下第舉子在副主考李紱門首喧鬧一案李紱身為憲臣有參奏之責下第舉子羣到伊家喧鬧不奏聞殊屬不合應將左副都御史李紱照溺職例革職嗣後鄉會試發榜後考試官有不公之處許下第舉入生員據實赴該管衙門具控如有竟往考試官家喧鬧者該地方官即嚴拏送刑部從重治罪得旨李紱著革職發往永定河効力餘依議。○靖逆將軍富寧安疏言吐魯番歸順回人阿喇布坦等訴稱見今各城潛有回約有

實錄卷二百九十五

四

五百餘口情願歸順應即派兵前往收撫但他哈爾齊哈拉沙爾等處與吐魯番不甚相遠聞大兵到後回人必盡來投誠若今居住吐魯番等城不得不派兵看守而運送糧食甚屬艱難因此未發兵收撫報聞。申辰諭大學士等曰聞得米從海口出海者甚多江南海口所出之米尚少湖廣江西等處米盡到浙江乍浦地方出海雖經禁約不能盡止福建地方正在需米之時又派浙江兵二千往閩駐防恐米價益貴米到乍浦價值必賤交與浙江巡撫提督嚴禁私買不許出海動帑買米三萬石預備海船裝載提督派官兵護送押運從海運至廈門收貯自福州州直至福州府不過十數日之內即可達廈門斯事甚屬緊要嗣後出海米石交與江南浙江總督巡撫提督總兵官嚴行禁止其福建販買米石不必禁止爾等將此旨交九卿閱過速行。○丙午阿霸琿輔國公德木楚克來朝。○丁未戶部議覆直隸總督趙弘燮疏言今歲直隸亢旱已奉旨將常平倉米穀散賑平糶以濟窮民但恐秋收歉薄請將今歲漕糧就便在直隸所屬清河縣油坊地方截留二十萬石僱覓民船由水路分運大名廣平二府州縣收貯應如所請得旨依議著派部院賢能官二員倉場賢能官二員截留漕糧二十萬石著照該督所請運至大名廣平二府收貯於凡有用米之處俱近大有裨益。○壬子議

政大臣等議覆西安將軍宗查布疏言臣遵旨赴撫遠大將軍允禔處但見今西安左翼滿洲副都統常壽漢軍副都統邱奇章俱在巴爾庫爾軍前右翼滿洲副都統員缺尚未補授漢軍副都統班岱年老患病請差大臣一員前赴西安管理將軍印務查西安右翼滿洲副都統員缺已經補授駐扎西寧辦事副都統覺羅伊禮布應以將軍印務交與伊禮布署理再班岱既係年老患病應調回來京從之○甲寅戶部等衙門議覆奉差賑濟山西飢民都察院左都御史朱軾條奏一被叅司道以下貪劣官員請從寬留任仍令養活飢民以責後效一請令富戶出銀協同商人往南省販運糧食其

實錄卷一百一十

年

淮安鳳陽等關米船課稅請停徵半年至地方紳士願賑者按其多寡從優議敘一各省驛站之夫役大半虛名侵冒請確查實數召募壯丁按補一人受募即可全活一家一飢民流往覓食之處請令所在地方官隨在安插其有地方官捐貲養贍者督撫核實題薦一飢民羣聚易生癘疫請交所在地方官設廠醫治俱應如所請從之○旌表河南烈婦袁氏貞操烈性拒姦殞命給銀建坊如例○乙卯靖逆將軍富寧安等摺奏吐魯番回人阿里穆和派等訴稱策妄阿喇布坦將衆回人遷往哈喇沙爾地方衆回人相率逃回有準噶爾之人來追衆回人併力殺退見在魯克齊穆地方駐扎共議

以拖克拖麻穆忒為頭目差我等前來祈請速救臣等議衆回人仰慕仁化情願來歸應即遣兵收納但策妄阿喇布坦未滅將吐魯番回人收納勢必屯兵守護但恐糧運艱難是以不曾遣兵收納

上諭議政大臣等曰據富寧安奏稱策妄阿喇布坦將吐魯番回人拖克拖麻穆忒等遷往哈喇沙爾地方中途逃回在魯克齊穆地方駐扎等語見今歸順之回人與準噶爾之人爭鬪將準噶爾之人殺害取甲來獻觀此情形策妄阿喇布坦似畧無報復之意或伊同黨內有不睦亦未可定此機不可輕失朕意策妄阿喇布坦將伊等不能遷往哈喇沙爾又不

實錄卷一百一十

年

能護衛準噶爾之人足見萬不能敵我兵今收復吐魯番若不看守則策妄阿喇布坦處歸順之人以及來使逃人有回人居中倘行投掠此路必致阻隔爾等速議行文富寧安派綠旗兵一千名察哈爾厄魯特蒙古回兵一千名前赴吐魯番收納歸降回人照看駐扎將歸順之人及來使逃人往內解送之處牢設哨汛今回人歸降於我與厄魯特世成仇敵即係我民其巴爾庫爾相距吐魯番止六百里為途不遠如果策妄阿喇布坦率衆侵擾我兵前去救援不遲著富寧安預行轉飭回人等於我軍尚未抵境之時若有策妄阿喇布坦處來使逃人萬勿隱匿侵犯即行解送著議奏尋議回人頭

目拖克拖麻穆忒等來歸。應遣兵防護行文富寧安等欽遵諭旨施行。其蒙古回兵令輝特公巴濟察哈爾之兵將巴爾庫爾侍衛阿玉錫著為副都統與侍衛克什圖一同帶領前往綠旗馬步兵令富寧安處所有總兵官揀選一員帶領前往再令散秩大臣阿喇統轄前往至所需米糧作何運送之處令富寧安等酌議料理從之。丁巳諭大學士等陝西地方已經得雨漕運總督施世綸在陝西料理之事將完漕運緊要著將所理之事俱交與年羹堯伊可速回原任。調刑部左侍郎張廷玉為吏部右侍郎以原任戶部左侍郎王景曾為刑部左侍郎。己未旌表甘肅所屬烈婦閻耀斗妻

實錄卷九

七

何氏鄉村貧婦拒姦不污母女慘斃給銀建坊如例

閏六月庚申朔日食。蘇尼特多羅貝勒西禮來朝。朝鮮

國王李昀遣陪臣趙泰來等表謝冊封恩典宴齊如例。命

兵部尚書孫柱兼理吏部尚書事。癸亥奉差山東閱河吏

部尚書張鵬翮等疏言臣等會同總河趙世顯巡撫李樹德

查戴村壩遏汶水出南旺南北分流濟運舊設玲瓏亂石滾

水三壩年久汕刷應補葺堅實以資捍禦再山東運道全賴

汶泗二水上流泉源接濟今天氣亢旱泉流微細又蜀山馬

踏南旺諸湖貯水無多臣等遵旨交巡撫將坎河雞爪等泉

疏濬并嚴禁民間偷截灌田又查諸湖向築子隄分別湖地

實錄卷九

八

民田界址亦令巡撫查明補築湖隄嚴禁侵種每年蓄積湖水毋致乾涸至南旺分水口係南北分流水脊實為運道要區見在南北開口水深四尺三尺六寸不等臣等謹遵淺於南則開北開淺於北則開南開之旨留主事富明德御史梅琮住分水龍王廟管南北各閘以時啟閉請再於彭口內南岸建挑水壩一座北岸將沙嘴截去并將一路淤沙挑淨使彭口之水挾沙暢流直入微山湖內則蓄洩有資運道自無阻滯之虞矣再查邳州邱家樓一帶低窪之水從新開房停河洩瀉並無積滯太行隄延袤數百餘里其曹縣單縣及江南豐沛二縣埧壩之處交與河道總督修築其與直隸河南接壤者已行文該撫一體修築下部知之。甲子福建浙江總督覺羅滿保疏言臣調水陸各路官兵於六月初旬內陸續發往澎湖茲據提臣施世驃咨稱臺灣鹿耳門為賊首蟠聚之所見在與總兵官藍廷珍議合併攻鹿耳門六月十三日已自澎湖前進合先題報下部知之。丙寅諭大學士等曰每年暑熱時將犯人暫行釋放今年朕未降旨該衙門亦未陳奏著照前暫行釋放。翁牛特鎮國公索訥穆來朝。戊辰陞鑲紅旗護軍統領噶爾弼為鑲藍旗蒙古都統調正紅旗蒙古副都統德爾金為本旗滿洲副都統陞護軍統領阿拉那為正紅旗蒙古副都統一等侍衛廣福為鑲紅旗漢軍

副都統叅領耿化祚為鑲藍旗漢軍副都統護軍叅領席查實查可旦為歸化城左翼副都統王府長史伊席泰為右翼副都統已巳陞一等侍衛宗室駱達色為正黃旗蒙古副都統輔國公阿布蘭祖母故賜銀一千兩庚午禮部尚書蔡升元請假遷葬允之陞通州副將袁立相為天津總兵官辛未諭議政大臣等得今年歸順之厄魯特回子之信及西邊歸順之厄魯特信息知從前策妄阿喇布坦地方甚是震動但去冬至今策妄阿喇布坦移駐伊里地方未得確信倘策妄阿喇布坦處果有變亂機會斷不可失著行文將軍富寧安傳爾丹祁里德等用心偵探確實信息具奏○

實錄卷一百九十年

九

甲戌諭大學士等曰朕觀各省官員內或有欲避繁劇具呈告退不數月另行補用他省者今陝西省係用兵之際正在辦理錢糧重務或因聞訃丁憂以致遲悞事仲嗣後有此等丁憂及告退人員作何定議著九卿詹事科道會同議奏尋議陝西省自道員以下知縣以上有丁憂者應令在任守制其年老患病告退者令該督撫查驗確實保題到日准其回籍日後不准復用如有規避告退者照例革職從之乙亥陞內閣學士長壽為工部右侍郎陞湖北按察使裴律度為貴州布政使司布政使己卯巴林固山貝子巴忒麻來朝庚辰議政大臣等議覆撫遠大將軍允禔疏言據靖逆

將軍富寧安報稱和爾博斯厄穆齊寨叅帶領五百名厄魯特兵丁將回人圍困彼此互有殺傷若遣兵前往救援厄魯特必然逃竄回人所請留兵看守但少留兵則無益於事多留兵則糧運艱難不留兵則魯克齊穆地方見有回人萬餘口勢必隨入內地不加收撫則旋師之後恐厄魯特又來侵擾欲竟收留又無糧給食屯駐哈密則地方狹小扎薩克額敏亦不能養贍多人移至布隆吉爾達里圖等處安置則瀚海行走艱難所需糧食亦繁因此再三籌畫未敢遽行遣兵救援臣即行文富寧安收撫回人之事蒙

實錄卷一百九十年

十

皇上睿鑒令發兵二千名前往吐魯番諭旨到日即行派兵速往視緊要隘口形勢之處俱設立汛哨嚴加防守其運送米糧之處巡撫綽奇已經料理查大將軍允禔奏稱已經行文將軍富寧安應如所奏再令統領官兵前往之散秩大臣阿喇納將所得信息報與富寧安如有當救援之處令富寧安酌量救援從之戊子皇三子和碩誠親王允祉恭請上幸王園進宴旌表山西烈婦焦三桂妻趙氏獨處拒姦被毆殞命貞烈可嘉給銀建坊如例秋七月庚寅朔享太廟遣和碩恒親王允祺行禮禮部議覆廣東廣西總督楊琳疏言廣東自康熙三十一年設立鹽差各省人赴廣充商

者居住日久。生長日蕃。請照兩浙河東例。遇歲科二試。將商家子弟考取二十名入學。應如所請。從之。○科爾沁台吉畢禮袞達賴等來朝。○辛卯喀喇沁多羅杜楞郡王和碩額駙伊達木扎卜等來朝。○陞叅領馮毅為廣州副都統。○癸巳先是戶部議。河南省運米陝西。其存倉之米。止餘十七萬石。恐不足用。應將湖廣起運之米。截留二十萬石。運送河南。分貯開封等府。以資備用。奉有依議之旨。至是河南巡撫楊宗義疏言。湖廣校米運至河南。需運費銀十二萬兩。且校米貯倉。易致汜爛。請停止撥運。即以本省六十一年分起運漕米。截留二十萬石。每米一石。請易穀二石貯倉。可免汜爛之虞。下部議行。○科爾沁多羅郡王諾門額爾赫圖來朝。○丙申。議政大臣等議。覆靖逆將軍富寧安疏言。臣遵旨派兵二千看守吐魯番地方。令散秩大臣阿喇統統領前往。又烏闌烏蘇以內有潤舍圖色必忒等處。係赴吐魯番之隘口。且與瀚海交界。臣另派署前鋒統領法璫等率兵一千於潤舍圖等處據守要害。又恐賊衆由瀚海後路來襲。法璫等所屯之兵。查潤舍圖以內俄龍吉地方亦屬扼要。應於俄龍吉再設哨兵二百名。令侍衛哲爾德率領前往眺望偵探。如有變動之處。臣請親率大兵乘機進剿。應如所奏。從之。○免河南鄭州祥符等四十五州縣本年分旱災額賦有差。○己亥。

實錄卷二百九十三

十一

實錄卷二百九十三

十一

孝懿皇后忌辰。遣官祭。

○陞直隸天津道謝賜履為湖北按察使。司按察使。福建水師提督施世驤疏報。臣聞臺灣地方匪類竊發。即率領舟師出洋先抵澎湖。嗣於六月十六日抵臺灣鹿耳門。官兵奮勇前進。擊敗賊兵。遂乘勝進港。克取安平。二十二日進攻臺灣府治。賊衆敗遁。恢復臺灣。賊首朱一貴等為大軍所逼。逃匿諸羅縣尾溝莊地方。被鄉民擒獻。解送軍前。餘賊聞風。逃散。臣等一面派遣官兵四路搜緝。相機剿撫。一面安撫居民。令各安生業。得旨覽奏。賊首朱一貴已被擒獲。餘賊或剿或撫。居民各安生業。海寓清寧。知道了。該部知道。○諭兵部。臺灣變動時。淡水營守備陳策擒殺亂民范景文等。防護淡水營地方。能鼓勵兵民協同堅守。殊屬可嘉。陳策著從優加為左都督。陞授臺灣總兵官。與陳策同事官兵俱著從優議敘。○庚子。

皇四子和碩雍親王 恭請

上幸王園進宴。福建巡撫呂猶龍以福建浙江總督覺羅滿保丁母憂具疏題明。得旨臺灣新經恢復。一切整頓地方及調補官員等事。急需料理。滿保著在任守制。辛丑命副都統穆克登貝勒丹金多爾濟帶兵五百名赴巴爾庫爾軍前。俱令參贊軍務。○癸卯喀爾喀多羅郡王益蘇克等來朝。

甲辰中元節遣官祭

永陵

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵 喀喇沁固山貝子多羅額駙僧深扎卜來朝

實錄卷一百九十三

孝

乙巳工部議覆河道總督趙世顯疏言徐州黃河南岸韓家

山應建迎水領水二壩宿遷縣黃河北岸臧家莊隄工應加

幫桃源縣黃河北岸七里溝應建挑水壩南岸顏家莊隄工

應下埽加幫又高家堰山圩二汛運料小河見在淤塞應挑

濬深通俱應如所請從之 戊申四川陝西總督年羹堯疏

言川省榆關木稅原定歲額四千七百餘兩比年產木甚少

不能足額嗣後請委川東道監收儘收儘解不拘定數得旨

著照該督所請行 己酉

上行圍命皇三子和碩誠親王允祉

皇四子和碩雍親王 皇八子多羅貝勒允禩皇十五子允

禔皇十六子允祿皇二十子允禕隨駕是日自熱河啟行駐蹕黃土坎 庚戌

上駐蹕湯泉 辛亥

上駐蹕中關 壬子

上駐蹕西巴爾台 喀爾喀固山貝子達濟阿霸垓輔國公德

木楚克鄂爾多斯台吉鄂欽四子部落台吉甘珠爾厄魯特

散秩大臣車零等來朝 癸丑

上駐蹕博洛和屯 甲寅

上駐蹕唐土溝地方 福建水師提督施世驄疏言臺灣所屬

南北兩路地方距府治遠遠臣抵臺灣之後隨調參將林政

實錄卷一百九十三

書

等帶兵進征南路遊擊林秀等帶兵進征北路再遣遊擊朱

文等直趨北路諸羅山後追捕賊黨今據林政等報南路賊

衆與臺灣耕種粵民構難於六月十九日在漫漫莊地方被

粵民殺敗迨官軍繼至乘勢追捕賊目鄭廷瑞等已被千總

阮欽把總李興盛等擒殺餘夥盡皆逃散據林秀等報北路

賊衆於六月二十八日在大穆降地方被官兵截殺死傷甚

多餘衆悉降報聞 諭兵部臺灣賊首朱一貴等俱已擒獲

著行文該督將朱一貴等押解來京審明之後正法示衆

又諭臺灣地方平定行令杭州將軍塔拜撤兵回汛 乙卯

上駐蹕張三營 丙辰

上駐蹕宜孫喀布齊祿地方○翁牛特多羅杜楞郡王和碩額駙蒼津來朝○丁巳

上駐蹕雲特木爾昂阿地方 郭爾羅斯台吉察渾等來朝
戊午

上駐蹕愛里格爾齊老地方 以喀爾喀故多羅郡王納木扎爾厄爾德尼子達瑪林多爾濟烏朱穆泰故多羅厄爾德尼貝勒布木布子策卜登各襲爵

實錄卷二百九十三

五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十三

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十四

康熙六十年辛丑八月己未朔

上駐蹕哈達鄂佛羅地方 庚申

上駐蹕栢敦昂阿地方 喀喇沁和碩額駙納木賽來朝 辛酉秋分夕

月於西郊遣鎮國公吳爾占行禮 甲子

上駐蹕西拉諾海地方 教漢多羅郡王垂穆頻爾喀爾喀多

羅貝勒羅卜臧阿祿科爾沁多羅貝勒汪扎爾郭爾羅斯台

吉圖薩圖嵩齊忒台吉畢都禮雅等來朝○乙丑

實錄卷二百九十四

上駐蹕烏喇岱○丙寅

上駐蹕準烏喇岱○丁卯

太宗文皇帝忌辰遣官祭

昭陵

上駐蹕格爾齊老地方 戊辰祭

大社

大稷遣固山貝子允禔行禮

上駐蹕布爾哈蘇台 以故正白旗漢軍一等阿思哈尼哈番

孫維善之子寶得襲職 以故厄魯特輔國公羅卜臧達爾

濟之兄沙畢多爾濟襲爵 免甘肅靜寧州本年分電災額

賦有差○已已。

太祖高皇帝忌辰遣官祭

福陵

上駐蹕巴顏和洛 庚午

上駐蹕鄂爾楚克哈達地方 阿霸哈納多羅貝勒納木扎科

爾沁和碩卓禮克圖親王巴特麻等來朝 癸酉。

上駐蹕達爾昂阿地方 甲戌。

上駐蹕得爾吉惠漢地方 吏部題鑲藍旗一等精奇尼哈番

吳爾希緣病解任應銷去恩詔所得三拖沙喇哈番餘一等

阿思哈尼哈番又一拖沙喇哈番以其子德彝承襲從之○

乙亥。

上駐蹕驚和洛○吏部題八品以下雜職等官銓選之後例交

九卿驗看此等微員考職年久假冒情弊未能徹底清查即

九卿驗看亦無由悉知請嗣後將八品以下等官停其投供

驗到臣等按冊銓選後將文憑咨發該撫詳加驗看查無假

冒等情者即令給憑赴任從之○丙子。

上駐蹕和倫畢喇地方 丁丑。

上駐蹕車爾布庫地方○科爾沁台吉巴什等來朝 戊寅。

上駐蹕永安拜昂阿地方 庚辰福建浙江總督費羅滿保疏

言臣查臺灣起釁情由本年三月內因賊首朱一貴在鳳山

縣地方結黨聚眾知府王珍遣人往捕混將旁人株連需索

朱一貴等乘機於四月十九日豎旗倡亂遊擊周應龍帶領

營兵及土番赴勦土番殺無辜數人焚毀道旁廬舍賊遂逼

脅莊民隨從拒敵至二十七日周應龍敗回賊陷臺灣府治

朱一貴等蓄謀為惡知府王珍匿情不報縱役生事遊擊周

應龍縱番妄殺又戰敗逃回罪俱重大臺廈道梁文煊同知

王禮事前通同隱匿臨時一無備禦退回澎湖罪均難追臺

灣縣知縣吳觀棧諸羅縣知縣朱鑾永師遊擊張彥賢等俱

請一并發審分別定擬得旨臺灣府文職官員平日並不愛

民但知圖利苛索及盜賊一發又首先帶領家口棄城退回

澎湖殊屬可惡道員以下文職官員俱著提拏交總督滿保

提督施世驤會同審明即發往臺灣正法并查伊等家產給

賞効力有功之人所參遊擊張彥賢等亦俱著解任交該提

督總督會同審明定擬具奏 辛巳。

上駐蹕噶拜齊老圖地方 壬午遣官祭

歷代帝王 遣官祭城隍之神

上駐蹕布克達巴漢地方 癸未

上駐蹕朱爾哈代碩倫地方 免江南沛縣本年分旱災額賦

有差 甲申。

上駐蹕招蘇溝地方 乙酉。

上駐蹕哈唐海地方○丙戌。

上駐蹕張三營○直隸總督趙弘燮疏報長垣縣之甄家莊王家隄兩處隄工被水衝決下流之東明縣滑縣開州俱被水淹查衝決之故因上流之河南武陟縣等處隄工有決口三處又兼以沁河之水亦由胙城縣入滑流至長垣東明其甄家莊王家隄兩處隄外水面比隄內地高一丈有源之水日漸加長故決口頗難堵築若上流之決口一日不堵則長邑之水一日不退臣一面題明一面移咨河南撫臣飭令道府等將決口相機堵築以防後患下所司知之○丁亥遣大學士嵩祝祭

先師孔子○

上駐蹕唐土溝地方○戊子。

上駐蹕博洛和屯○賜來朝科爾沁喀喇沁喀爾喀阿霸垓鄂爾多斯四子部落厄魯特翁牛特郭爾羅斯敖漢土默特嵩齊忒阿祿科爾沁阿霸哈納王貝勒貝子公台吉等銀幣鞍馬有差賞隨圍蒙古官兵銀兩布疋有差

九月己丑朔

上駐蹕西巴爾台地方○庚寅

上駐蹕中關○辛卯。

上駐蹕熱河行宮○諭議政大臣等各路隨征兵丁內有殘疾

年老者虛耗糧餉無濟軍務應行文大將軍將軍等查明徹回并令派官管領回兵之時勿致沿途生事○癸巳兵部議覆福建浙江總督覺羅滿保疏言臺灣新復各營兵丁空缺請以隨征之兵照數派出暫留臺灣防守並貼防各緊要之地應如所請從之工部議覆河道總督趙世顯疏言山陽縣之上張莊韓家莊隄工為大溜衝刷請各添建挑水壩一座安東縣之黃河北岸及時家馬頭埽工亦頂衝大溜請各建磯嘴壩一座以資抵禦應如所請從之○甲午諭大學士等曰黃河遷徙無常每有衝決隄岸淹沒田廬之患昔黃河會九河從天津入海後漸遷徙而南約計遷徙之地已千餘

里矣漢武帝塞瓠子口嗣後代有衝決朕留心河務屢行親閱動數千萬帑金指示河臣將高家堰石隄及凡應修築之處悉行修築奏安瀾者幾四十年於運道民生均有裨益前巡幸至湖灘河朔保德州橫城潼關孟津徐州宿遷邳州桃源清口等處俱曾渡河自橫城舟行順黃河而下流歷人所未經行之河套直達數千里所至之處無不詳視惟孟津渡河時因淤沙不能直渡紆道而行彼時朕即慮淤沙則流滯隄岸必致衝決今據報黃河衝決流入沁河泛溢至直隸長垣縣等處若今冬將決口堵築堅固可保無虞否則自決處以下勢分沙壅河水陡長隄岸之危非一所矣此事著問九卿

具奏○四川陝西總督年羹堯疏報定西將軍噶爾弼領兵赴藏行至瀘定橋地方患病不能前進得旨噶爾弼患病調養尚需時日其將軍印著齋付公策旺諾爾布署理額駙阿寶都統武格俱著叅贊軍務○丙申吏部等衙門議覆吏科給事中常岱等疏言科道官有從編修檢討補授者應歷俸幾年後開列內陞外轉請敕下九卿定議查編修檢討科道俱屬七品編修檢討改授科道之員應照由郎中補授科道內陞外轉之例歷俸二年准其開列從之○奉差山西賑濟都察院左都御史朱軾疏言請於晉省建立社倉以備荒歉引泉溉田以興水利得旨建立社倉之事李光地任巡撫時曾經具奏朕諭以言易而行難爾可姑試李光地行之數年並無成效民多怨言張伯行亦奏稱社倉頗有裨益朕令伊行於永平地方其果有成效裨民之處至今未奏且社倉之有益無益朕久已留心採訪凡建立社倉務須選擇地方殷實之人董率其事此人並非官吏無權無役所借出之米欲還補時遣何人催納即豐收之年不肯還補亦無可如何若遇歉收更誰還補耶其初將眾人米穀扣出收貯無人看守及米石缺空之時勢必令司其事者賠償是空將眾人之米棄於無用而司事者無故為人破產賠償矣社倉之設始於朱子其言具載文集此法僅可行於小邑鄉村若奏為定例

屬於官吏施行於民無益前朕巡幸西省山陝地方山川形勢皆悉知之其地山多水少間有水泉亦不能暢引溉田設果有灌注之水前人豈不知乎今朱軾以建立社倉引水入田具奏此事不必令他人辦理即令伊久住山西鼓勵試行若所言有效甚善該部知道予故陝西固原提督馬見倫祭葬如例○河南巡撫楊宗義疏言懷慶府武陟縣黃水陡漲其所屬之馬營口詹家店魏家口等處舊隄俱被衝刷缺口一二十丈不等臣查詹家店魏家口水勢稍緩見在令該地方官開工堵築惟馬營口之水勢洶湧驟難開工請俟水勢稍平一體堵築下所司知之○丁酉諭大學士等曰福建浙江總督滿保解到賊首朱一貴等著刑部會同步軍統領衙門將此事詳勘有誰為造意設謀何處結黨何處拒敵伊等原籍何所兵器俱從何購買共幾次交戰其交戰時兵丁共有若干官員內交戰者為誰未交戰者為誰武職官員陣亡者甚多其文職諸臣何以得攜妻子來至澎湖伊等何以不行剗奪內地有伊等夥賊否應逐一問明先行繕摺後仍照常審擬繕本具題其餘賊黨再有拏獲者不必解京即著該省總督提督會審定議具奏○戊戌征西將軍祁里德疏言臣遵旨令叅贊副都統鄂三派遣官兵往阿爾泰哈道里等處若遇厄魯特吳梁海即行擒解或得信息亦行速報又

遣和托輝特公博貝屬下察胡賴等往紅郭壘哈撒兒渣兒圖拉等處探取策妄阿喇布坦信息。據參贊副都統鄂三所遣官兵回報前往哨探並無行人蹤跡。據察胡賴等回報詢問紅郭壘哈撒兒渣兒圖拉居住之人言策妄阿喇布坦已死。其子噶爾丹策零收聚伊屬下之厄魯特及居住阿爾泰之吳梁海等不知遷徙何處。臣隨復遣察胡賴等往探實信。如此信果確即行文將軍富寧安傳爾丹等同領大兵乘機進剿疏入。

上諭議政大臣等曰。上年策妄阿喇布坦將伊邊界之人收去。又將吐魯番回人移往哈喇沙爾。其阿爾泰烏魯木齊等處

實錄卷二百九十四

上

無一消息。因其寂然以處。遂有策妄阿喇布坦身死之信。然不可據以為實也。覽將軍祁里德奏策妄阿喇布坦若果身死。則機不可失。請預備進兵。爾等行文大將軍及靖逆將軍富寧安等。令歲將吐魯番堅守為要。又阿爾泰吐魯番一帶汛地均宜加意防守。冬令雪降草枯之際。不可貪功輕進。且將兵丁馬匹一應什物整齊備辦。以俟來年大舉征剿。此旨著即行抄錄傳諭軍前大臣等知之。庚子。先是。

上諭議政大臣等阿喇衲看守吐魯番地方。恐兵勢單弱。應行文將軍富寧安酌派官兵遣往吐魯番駐扎。至是靖逆將軍富寧安疏言。臣欽奉。

實錄卷二百九十四

九

上諭派兵二十名。令副都統莊圖管領於八月十六日起程前往吐魯番。今又續派兵二千名。令副都統穆克登等管領往吐魯番。於九月初三日起程。昨據散秩大臣阿喇衲報稱。十月內雨雪之際。擬乘賊之不備。進兵襲擊。雖吐魯番兵勢並非單薄。但恐前往襲擊。或有賊兵來乘我軍之後。亦未可定。臣請親率兵四千進駐伊爾布爾和部。接應調遣。其巴爾庫爾留兵三千。請交與都統睦森管領。得旨。交與議政。尋議政大臣等議覆。將軍富寧安奏請派兵吐魯番移駐伊爾布爾和部之處。俱應如所奏。但今冬雨雪之時。止可就近地襲擊。不宜深入。應行文將軍富寧安。令阿喇衲襲擊之。兵相機前進。即行整旅而回。從之。○辛丑。以翰林院侍講學士吳士玉為武會試正考官。戚麟祥為副考官。○壬寅。諭大學士九卿等。直隸總督趙弘燮奏。河南黃沁衝決隄岸。水勢泛溢。至長垣等處。朕即遣郎中傅爾賽查視所決地方。據奏河南武陟縣黃沁之水。衝決隄岸。由長垣流入山東張秋鎮。又據山東巡撫李樹德奏。河水泛溢。自直隸開州流入山東張秋鎮等處。由鹽河入海。以致運河隄決。漕船阻滯。其衝決隄岸。見在修築。朕思此衝決之處。只可畧加修防。使漕船無阻。如竟行堵塞。水無歸洩之地。他處又必衝決。斷乎不可。開州係古黃河故道。今黃沁泛溢。由開州至山東地方。已成河道矣。將來

堵塞完。不使沁水入黃直引至山東或有裨益亦未可定。朕留心河務各處黃河渡口俱曾親歷。適遣往看河之官所呈圖樣及李樹德所進河圖朕俱詳覽。知之最明。爾等繕寫諭旨發往張鵬翮處。伊所審事畢著即會同總漕施世綸至張秋鎮等處詳行查勘料理。使漕船往返不致遲悞。如張鵬翮已回即於接旨之處作速前往。至修築決河甚屬緊要朕自京中另遣專官著總河趙世顯將熟練河務官員工役派出并將修築物料多行備辦速發往河南衝決地方。○癸卯上自熱河回鑾駐蹕喀喇和屯。○甲辰上駐蹕花峪溝地方。○乙巳。

實錄卷一百一十五

十

上駐蹕王家營。○陞詹事府詹事吳爾台為內閣學士兼禮部侍郎。○丙午。

上駐蹕常山峪。○大學士等以九卿議覆黃河衝決一摺而奏上出河圖諭曰朕留心河務於直隸山東河南地方皆所親歷詳視水之源委洞悉於衷故指示繪畫此圖近因山東巡撫李樹德奏稱黃沁二水泛溢自開州流入張秋鎮等處曾諭爾等堵塞河口之後不使沁水入黃引入山東漕河有裨運道而前此詢問九卿之處則祇及黃河衝決情形未及引沁入運之事今覽九卿摺奏堵築黃河決口引沁入運所議深合朕心爾等將此圖看畢發與九卿即令定議具奏其直隸

山東河南被水之民著該督撫查明賑濟至堵築黃河決口引沁入運事朕另遣大臣前往。戊申。

上駐蹕兩間房議政大臣等議覆靖遠將軍富寧安疏言康熙五十七年內蒙

皇上恩賞巴爾庫爾官兵羊七萬隻除進兵襲擊及派兵吐魯番等處將所賞之羊撥用外尚存羊二萬餘隻見在吐魯番屯扎官兵應續運口糧每糧一石需運費銀幾及三十兩若給羊一隻充米一斗價銀止一兩五錢而解送尤易懇再撥官羊數萬隻交送巴爾庫爾軍前不但吐魯番等處軍餉羊米兼給節省甚多即於來年進剿軍需亦有裨益應如所請

實錄卷一百一十五

十

從之。○己酉。

上駐蹕巴克什營喀爾喀車臣汗遣使進九白年貢宴齊如例。○庚戌。

上駐蹕遙亭。○辛亥。

上駐蹕羅家橋。○諭近御侍衛等曰爾等日侍朕側於朕心憂勞之處差知大概若百官萬民何從而知朕日理萬幾其他姑置勿論即每年春時為雨水田禾時刻不忘留心究問直至秋成始稍釋念至於冬日內地常恐雪少口外地方又恐雪大此等苦心惟身歷方能知之即爾等日侍左右者亦未必悉知也。○壬子。

上駐蹕密雲縣○癸丑。

上駐蹕石槽○議政大臣等議覆靖遠將軍富寧安疏言據散秩大臣阿喇納報稱九月初八日探知策妄阿喇布坦遣人犯吐魯番城隨派侍衛克什圖等領兵迎戰阿喇納親率官兵尾後策應行至中途見有二十餘賊與克什圖之兵列陣對壘因將所領策應之兵分為三隊奮力衝殺賊衆不能抵敵敗入林中官兵追勦入林賊復棄騎步戰我師鎗礮齊發擒殺賊兵百有餘人獲軍器馬匹甚多賊衆奔逃我師追捕數十里因時已薄暮不便深入仍派公巴濟等率兵五百埋伏林中偵探防守餘兵撤回查吐魯番地方恐有賊兵窺伺先經奉旨添兵駐扎今果符

實錄卷二百九十四

三

聖算克奏捷功臣請於濶舍圖駐兵之處再增派五百兵俄隆吉駐兵之處再增派三百兵防賊人由瀚海一路犯我哨汛又濶舍圖俄隆吉與阿爾泰一路甚近倘遇有事亦便於接應調遣臣前因阿喇納報今冬雨雪之時欲進兵襲擊故疏請移駐伊爾布爾和韶為之聲援今賊人敗遁盡知我師在吐魯番等處則邊境地方必恐懼防備不宜襲擊阿喇納今冬進兵之處應暫令停止臣仍統兵駐巴爾庫爾俟來年大舉進剿應如所奏從之○都察院左都御史朱軾疏言臣從前奏晉省請立社倉兼興水利奉旨令臣試行臣仰惟

皇上至聖至明於民間利弊及山川地土之宜無不洞晰臣一時冒昧陳言今細加籌畫實屬難行伏祈

皇上俯鑒臣愚免令試行得旨朱軾親至山西深知地方情形既請立社倉興水利著仍留山西鼓勵試行戶部等衙門議覆都察院左都御史朱軾疏言直隸各省積貯倉穀不肖有司任意侵挪一經地方報奏或稱平糶或稱借貸或稱煮粥總係有名無實請敕該督撫等逐一詳查其虧空數少者勒限補還逾限不完將該州縣革職嚴追如虧空數多即行拏究詢有侵欺情弊立即正法嚴追家屬完項又地方官每因賑濟動支倉穀輒稱捐俸抵補查俸銀有限倉穀甚多不但抵補無期且冊開之數借非實借還亦非實還請敕該督撫等徧查捏報勒限嚴追督撫如有隱徇之處別經發覺一并交部嚴加議處均應如所請從之○甲寅

實錄卷二百九十四

三

上駐蹕湯泉○乙卯。
孝慈高皇后忌辰遣官祭

福陵○

上回駐暢春園○丙辰九卿等遵旨議覆堵築黃河決口引沁入運之處俟派出大臣令其會同總河及該督撫等詳勘議奏。

上諭大學士等曰堵築黃河漫溢工程此第一緊要之事著副

都御史牛鈕侍講蘇勒員外郎馬泰前往監修。其堵築時宜先於上流建挑水壩以減水勢。俟淤後再漸次加築。則漫溢之勢自平。而堵塞不甚費力矣。朕於清口建築挑水壩時曾經指示此事。齊蘇勒馬泰等悉知之。至於前項工程。毋得吝惜錢糧。河南地方河底不凍。今冬宜作速興築。其建挑水壩之時。應挑引河。黃河有曲折之處。即成洲渚。務詳勘酌量取直。挑成引河。俟黃河決口堵塞報竣後。再引沁濟運分水龍王廟之中八閘。北八閘春時水淺。船行有阻。應將沁河之水於此處引入運河。如不能容納。由鹽河瀉其水勢。自於運道有益。分水龍王廟南八閘水多不需濟以他水。再徐州

實錄卷一百一十五

十四

下流黃河無虞。獨徐州上流黃河多有沙淤。不可不防衝決。將此旨宣諭該管各官。預先防備。丁巳。授統兵駐扎吐魯番散秩大臣阿喇納為協理將軍。蒙古王員勒貝丁公台吉及土伯特酋長等奏西藏平定。請於招地建立豐碑以紀盛烈。昭垂萬世。

上允所請。

御製碑文曰。昔者

太宗文皇帝之崇德七年。班禪額爾德尼達賴喇嘛願實汗謂

東土有

聖人出。特遣使自人跡不至之區。經饑敵之國。閱數年。始達盛

實錄卷一百一十五

五

京至今八十載。同行善事。俱為施主。願極安寧。後達賴喇嘛之歿。第已隱匿不奏者十有六年。任意妄行。拉藏滅之。復興其法。因而允從。拉藏青海羣衆公同之請。中間策妄阿喇布坦妄生事端。動準噶爾之衆。肆行奸詐。滅達賴喇嘛。并廢第五輩達賴之塔。辱殲班禪。毀壞寺廟。殺戮喇嘛。名為興法。而實滅之。且欲竊據土伯特國。朕以其所為非法。爰命皇子為大將軍。又遣朕子孫等調發滿洲蒙古綠旗兵各數萬。歷烟瘴之地。士馬安然而至。賊衆三次乘夜盜營。我兵奮力擊殺。賊皆喪膽。遠遁。一矢不發。平定西藏。振興法教。賜今胡必爾汗冊印。封為第六輩達賴喇嘛。安置禪榻。撫綏土伯特僧俗人衆。各復生業。於是文武臣工咸謂王師西討。歷瘴癘險遠之區。曾未半載。輒建殊勳。實從古所未有。而諸蒙古部落及土伯特酋長亦合詞奏曰。皇帝勇畧神武。超越往代。天兵所臨。邪魔掃蕩。復興蒙古。向所尊奉法教。坎麻藏衛等部人衆咸得拔離湯火。樂土安居。如此盛德大業。非臣下頌揚所能宣罄。請賜御製碑文。鐫勒招地。以垂永久。朕何功焉。而羣衆勤請不已。爰紀斯文。立石西藏。俾中外知達賴喇嘛等三朝恭順之誠。諸部落累世崇奉法教之意。朕之此舉。所以除逆撫順。綏衆興教云爾。議政大臣等議。奏據駐扎西藏額駙阿寶移稱青海索羅木地方之西有郭羅克部落唐古特

等肆行剽掠往來行人曾將駐扎索羅木兵馬匹盜竊而去查郭羅克地方與歸附我朝之多隆汗地方相近應行令多隆汗曉諭伊等嗣後宜遵守法度不得仍前肆行倘伊等不遵訓諭請即發兵前往將首惡之人懲治令多隆汗於伊屬下之人揀選有才幹者使為郭羅克部落之首則西寧青海等處往來使人及商販之人俱獲安靜應如所請得旨額駙阿寶請將郭羅克部落懲治所言甚當郭羅克地方近四川松潘一路與多隆汗接壤應行文總督年羹堯提督岳鍾琪等著向多隆汗處詳詢郭羅克地方形勢若何發兵進剿用力幾何如易於攻取即令岳鍾琪帶領松潘兵進剿倘地險勢衆應酌量派遣滿洲蒙古兵丁及附近之察罕丹津處亦令派兵協助前往進剿著大將軍允禩侍郎常授總督年羹堯提督岳鍾琪會同定議而行先是刑部題福建巡撫呂猶龍疏言署甘肅巡撫事盛京戶部侍郎花善將故殺張丑之田三十六並不審擬具題擅將田三十六照關殺律擬絞援赦減等發往福建殊屬不合應將署甘肅巡撫花善交與吏部嚴加議處得旨花善甚是糊塗辦理此事大謬著交與該部議處至是吏部議覆應將花善降二級調用從之

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十四

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十五

康熙六十年辛丑冬十月戊午朔享

太廟遣和碩簡親王雅爾江阿行禮遣官祭

永陵

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵（頌康熙六十一年時憲歷）河南巡撫楊宗義疏言馬營口民隄衝決約一百餘丈南北兩岸皆水難以動工臣於李先鋒莊南北兩岸卡埽對築水面約有二百餘丈俟完工後即將馬營口民隄用土堅築自沁河隄頭起至詹家店民隄頭止此十八里歷來無隄自詹家店民隄頭起至榮澤縣官隄頭止十二里民隄甚是低小單薄須用加築臣細查河形黃河由西北而流東南因釘船幫上流淤灘河分二流正身到榮澤舊縣方往東流自釘船幫上流起直往南

流所以發一次水灘大一次須冬春月間自西北釘船幫起至榮澤縣下流止將所有河灘盡行挑挖則武陟榮澤二縣可無水患謹先繪圖進呈得旨黃河衝決之處漫溢水至之處朕俱指示繪圖令副都御史牛鈕等遵諭堵築修理并圖發往○庚申

上自暢春園回宮 壬戌

上幸暢春園 福建浙江總督滿保等疏言臺灣等三縣相距遼濶又隔重洋防汛額兵不免單薄伏請添兵丁

上諭大學士等曰福建總督巡撫提督俱奏請臺灣添兵朕意添兵無用也臺灣地方水師營著副將一員兵二千名陸路

營著副將一員兵二千名駐劄水師有事陸路可以照應陸路有事水師亦可照應其臺灣總兵官移於澎湖亦著兵二千名駐劄令其管轄均有裨益至駐劄之兵不可令臺灣人頂補俱將內地人頂補兵之妻子無令帶往三年一換每年自京派出御史一員前往臺灣巡查此御史往來行走彼處一切信息可得速聞凡有應條奏事宜亦可條奏而彼處之人皆知畏懼至地方事務御史不必管理也將此旨傳示九卿○又諭曰今年秋審情實事件俱已逐一詳閱其可矜緩決者皆係各省督撫詳審具題又九卿再加詳定朕好生之心不忍詳覽蓋矜疑之內或有情罪可惡者朕若深察或致

改重也。其下旨刑部諭知九卿。○喀爾喀澤卜尊丹巴胡土克圖土謝圖汗遣使進九白年貢。宴賚如例。癸亥。諭大學士等。盛京戶部侍郎缺著盛京戶部理事官保德陞補。盛京理事官事其簡少嗣後俱不必再行補授。議政大臣議覆四川陝西總督年羹堯疏言郭羅克各寨有隘口三處俱屬險峻利用步卒不宜騎兵若多調官兵恐口外傳聞使賊得潛為準備不如以番攻番量遣官兵帶領較為便易臣向知郭羅克附近之地如雜谷等處土司土目亦皆恨其肆惡願出兵助剿臣自陞辭回任即與提臣岳鍾琪商議遣官約會雜谷土司等據稱宜及時進剿恐冬天雨雪凍阻難行。適據額駙阿寶移本奉旨命臣與岳鍾琪酌量進剿機宜臣遵即移咨提臣令速赴松潘選領鎮兵出口并督率土兵前進其西寧滿洲兵及青海蒙古等兵不必再行調遣。應如所奏從之。○鑲白旗蒙古都統署護軍統領法喇以奏事不實革職。○甲子。陞湖廣布政使阿琳為太僕寺卿。奉差閱視河工。原任知府陳鵬年疏言河臣趙世顯委臣勘明河南武陟縣釘船幫決口。臣查看黃河老隄衝開八九里現今大溜直趨決口者約五六分老河內只存四五分急應堵築。臣愚以為對岸上流之廣武山下淤灘上應另開引河一道使溜南趨。再於決口稍東達灣取直開一引河止長三里餘引溜東行。

仍歸正河方可漸次堵築。得旨朕每留心河務黃河衝決之處一經奏聞即指示繪圖諭總河趙世顯派出熟練河務官員多備物料工役復遣副都御史牛鈕等將堵築事宜詳晰指示。其補修山東運河已交與尚書張鵬翮等。今覽陳鵬年所奏皆與朕前所頒諭旨相同該部知道。丙寅。諭大學士等福建總督提督巡撫俱摺奏臺灣颶風大作官兵商民損傷甚多朕心深為不忍。前朱一貴等謀反大兵進剿殺戮頗多今又遭此風災書云大兵之後必有凶年茲言信然。總因臺灣地方官平日但知肥己刻剝小民激變人心聚眾叛逆及大兵進剿征戰數次殺戮之氣上干天和颶風陡發倒塌房屋淹沒船隻傷損人民此皆不肖有司貪殘所致也。今宜速行賑恤以慰兆民爾等即會同詳議於一二日內面奏。○命理藩院侍郎常授甘肅按察使巴鼐管理西寧柴旦木等處軍餉事務。○議政大臣等議覆撫遠大將軍允禔疏言賊厄魯特侵犯吐魯番為我兵所敗鼠竄而去來年不可不大舉進剿盡行翦滅。但事關重大請容臣輕裝赴京恭請訓旨。應如所請。得旨大將軍允禔令其來京將印交與平郡王訥爾素。此際若策妄阿喇布坦屬下有自相離潰率眾來歸者則大將軍停止來京可速赴肅州將軍祁里德亦令來京將印交與都統圖拉將軍傅爾丹軍前之前鋒統領丁壽護軍。

統領覺羅涂掟亦令將伊等事務交明來京。將軍富寧安亦令於軍中派一可託大臣來京。俱於年內到京。以便指示來年大舉進剿方略。○丁卯。以鑲白旗滿洲副都統馬武光祿寺卿品級李英貴內務府員外郎伊都立俱署內務府總管事。○陞護軍參領偏徒為荊州副都統。○戊辰。議政大臣等議覆料理糧餉事務。陝西總督鄂海疏言。臣遵旨前至甘州。料理糧餉。甘州等處山多田少。所獲糧草無多。不得不預為多備。今河南湖廣之糧已運至陝西。請於此內運米六萬石。豌豆四萬石。半送甘州。半送涼州。臣前在西安時。因各倉無存貯。豌豆以糧更換。豌豆起運。請交與總督年羹堯照前料理。應如所請。從之。○己巳。陞廣東雷州副將金弘聲為浙江

欽定四庫全書

卷一百一十五

定海總兵官。直隸河間副將余三勇為廣西左江總兵官。喀爾喀輔國公汪舒克故遣官致祭。戶部等衙門遵旨議覆臺灣被風災民應照保安等處地震散給之例賑恤。其被災兵丁照出兵病故綠旗兵賞給之例賑恤。伊等妻子得旨依議速行。○辛未。諭大學士等。原任大學士熊賜履居官清正。學問優贍。朕每念舊勞。不忘於心。其長子素有風疾。其孫亦故所存幼子二人。朕每諭織造李煦曹頌周恤其家。今其二子來京。觀其氣質尚可讀書。熊賜履屢為試官。所取門生不下千人。身後竟無一顧恤其家者。朕於故舊大臣身歿之

後。不時存問。蓋共事日久。不忍忘懷。待滿漢臣工皆然。朕天性如此也。當熊賜履居官時。政事言論有不當者。朕未嘗不加訓飭。即凡大臣皆然。及已去位身故。則但念其好處。如李蔚王熙之孫勵杜訥之子俱現為京職。身居大位。現任大學士王項齡之子王圖炳亦在內廷行走。沈荃之子沈宗敬為人。參劾朕。念伊父存日勤勞。姑留其職。杜立德張玉書之家。時時問其子孫何如。至於讀書學問之事。必思及李光地其子姪亦現為職官。此皆爾等所知也。今熊賜履二子家甚清寒。爾等亦應共相扶助。令其讀書。俾有成就。命光祿寺卿盧詢署甘肅巡撫事。壬申。策試天下中式武舉吳

欽定四庫全書

卷一百一十六

太和殿前。○陞山東登州總兵官鍾世臣為浙江提督。巡捕營參將何祥書為山東登州總兵官。○癸酉。上御暢春園內西廡閱試武舉騎射技勇。一甲戌。上御暢春園內西廡閱試武舉騎射技勇。乙亥。上御暢春園內西廡閱試武舉騎射技勇。議政大臣等議覆征西將軍祁里德疏言。臣於今春三月間遣官兵在烏蘭古木之特里河邊耕種籽粒。每麥種一斗收麥二石有餘。烏蘭古木地煖土肥。請於來年多行耕種。可望大收。將所收糧石自特里地方以駱駝運至烏巴薩池。再以渡水小船運過特思河至營。不至勞費。而於兵餉大有裨益。應如所請。從之。○

丙子。傳臚。賜殿試武舉林德鏞等一百十人。武進士及第出身有差。己卯。安南國王黎維禔遣陪臣胡丕績等表謝冊封。諭祭恩。并貢方物宴賚如例。琉球國中山王尚敬遣陪臣毛廷輔等表貢方物宴賚如例。庚辰。戶部議覆福建巡撫呂猶龍疏言。前臺灣匪類竊發。調遣官兵駐防進剿。正值需米之時。奉旨動發帑金。自浙省乍浦買米三萬石。由海運至廈門收貯。但廈門逼處海濱。地多潮濕。請將此米石於福州省城收貯。應如所請。從之。旌表河南烈婦董位妻王氏。誘姦不從自縊完貞。給銀建坊如例。壬午。諭大學士等。福

實錄卷二百九十五

七

建水師提督施世驃病故。此缺甚屬緊要。著廣東提督姚堂調補。速行赴任。廣東提督事務著廣州副都統馮毅署理。禮部議覆廣東巡撫楊宗仁疏言。暹羅國貢使船內有郭奕遠等一百五十六名。俱係內地福建廣東人。請查明令其歸籍等語。應將郭奕遠等暫准回至暹羅國行咨國手俟有便船將伊等家口及此外或尚有漢人在彼地者一併查送回籍。從之。丙戌。諭兵部。施世驃効力年久。勞績懋著。沿海水師營務極為諳練。簡任提督。整飭營伍。實心盡職。當臺灣匪類竊發。即調遣官兵親渡海洋屢次大敗賊衆。七日内克復臺灣。擒獲賊首朱一貴等。俾地方寧謐。克奏膚功。殊屬可嘉。

海疆要地。正資料理。忽聞將星隕落。臺灣朕心深為悼念。著給還所降之級。其加宮保賜卹之處。著察例具奏。伊所借藩庫銀一萬兩。著賞給不必償還。將伊安葬。福建之處。著照伊所請行。此旨著徧諭督撫提鎮。陞大理寺少卿顧爾泰為詹事府詹事。丁亥。

上自暢春園回宮。免福建臺灣鳳山諸羅三縣本年分颺災額賦。西藏達賴喇嘛班禪胡土克圖遣使請安進貢。賞賚如例。

十一月。戊子朔。辛卯冬至節。祀

天於

實錄卷二百九十五

八

國丘遣

皇四子和碩雍親王

行禮。遣官祭

永陵。

福陵。

昭陵。

暫安奉殿。

孝陵。

孝東陵。

仁孝皇后。

孝昭皇后。

孝懿皇后陵○停止次日朝賀○諭吏部總河趙世顯現在河南著即從河南來京其總河印務著陳鵬年署理○壬辰

上幸暢春園諭大學士等原任總督額倫特侍衛色楞額副都統查禮渾皆陣亡伊等世職俱著承襲又陣亡提督康泰總

兵官康海司九經俱著議敘伊等有世職亦著承襲西安佐領札木素漢仗好在軍中頗出力索倫之藍翎札倫察漢仗

好交戰時頗勇猛射死數賊身受重傷自盡俱著交部議敘○癸巳四川陝西總督年羹堯疏言秦革西安府知府徐容

鳳翔府知府甘文煊虧空銀米一案據布政使塔林等詳稱徐容甘文煊供前任總督鄂海幕賓朱性本陳子和及原任

布政使薩木哈幕賓嚴堂等通同作弊以致虧空請

皇上特遣大臣一員赴陝與臣會同研審得旨著朱軾前往會同總督年羹堯審明具奏○甲午旌表福建烈婦俞順妻陳

氏貞烈性生拒姦慘斃給銀建坊如例丁酉西安副都統阿魯疏奏臣父濟世哈因軍前効力擢用至都統尚書於康

熙元年八月內病故未蒙諡典伏乞

皇上加恩賜諡

上允之賜諡勇壯○戊戌陞鑲白旗滿洲副都統署內務府總管事馬武為鑲白旗蒙古都統鑲紅旗滿洲副都統伊爾哈岱為正紅旗蒙古都統鑲紅旗滿洲副都統吉當阿為鑲紅

旗護軍統領前鋒參領伍林帕為鑲紅旗滿洲副都統一等侍衛勒什亨為正黃旗蒙古副都統軍前二等侍衛訥泰為鑲白旗滿洲副都統辛丑都察院左都御史黨阿賴以疾乞休允之己酉

上幸南苑免浙江錢塘等二十三縣衛嚴二所本年分旱災額賦有差旌表廣西烈女吳天源女弱齡烈性路遇淫兇脅姦不辱并其幼弟俱慘斃給銀建坊如例○癸丑撫遠大將軍允禩至南苑陞見貴州威寧總兵官李定邦以疾乞休允之○河道總督趙世顯等疏言臣等同欽差副都御史

牛鈕等閱看武陟縣黃河決口其釘船幫地方為黃河之上流兩岸地勢高於李先鋒莊應從釘船幫堵築已於十月二十四日開工十一月二十日合龍其下流之馬營口投土可塞而詹家店隄工矮薄加幫高厚亦不容緩臣隨令河道各官兼工修築下部知之山東巡撫李樹德疏言臣同欽差

吏部尚書張鵬翮查勘黃河衝決運河隄岸因運河水勢漸平三空橋五空橋俱不流水恐曹家隄決口洩水過多以致運河淤淺商議及時修築於十月二十日起工十一月十五日止工所有原決口八十一丈已堵築七十三丈尚留八大

未堵俟河南直隸上流堵完即行堵築至於開濬臨清開月河已於十一月初七日完工自今開河水小不用分洩倘遇

發水溜急之時。放入月河。以分水勢。實於漕運有益。下部知之。乙卯。旌表廣東烈婦鍾氏拒暴不污。慘斃。完節。給銀建坊如例。

十二月丁巳朔。壬戌。

孝惠章皇后忌辰。遣官祭。

孝東陵。以故三等公曾壽子恒太襲爵。旌表陝西烈婦鄭氏拒姦被毆。母女同斃。貞烈可嘉。給銀建坊如例。乙丑。吏部尚書張鵬翮等疏言。臣等遵旨。由山東張秋循流而上。一查勘黃河決口。在武陟縣之釘船幫支河口。由此衝入詹家店之魏家莊及馬營口。今副都御史牛鈕會同河南巡撫

楊宗義於支河口築攔水壩。魏家莊已經堵塞。馬營口之消落。指日成功。其引沁入運之處。臣等至武陟縣相度地勢。西北高而東南下。沁隄內地較沁河涯低有一丈。從此而東。則地形愈低。若引水從高直下。恐牽動全沁。灌入內地。而黃河隨躡其後。亦未可定。山東運道其在張秋一帶。則有沙河等水。分水龍王廟一帶。則有南旺等湖。濟寧一帶。則有馬場等湖。又有諸山之泉。本可濟運。祇因湖隄殘缺。民間竊種湖旁之地。未嘗蓄水。而諸泉壅塞。又未盡疏通。以致漕艘時患淺澁。臣等已將各湖築隄蓄水。及疏濬泉之處。交與山東巡撫李樹德料理。則運道自可通利矣。得旨。前因運河水小。引沁

入運。或有裨益。是以下旨。今張鵬翮等回奏。甚屬明晰。即令照依所奏。不得稍有更改。丙寅。諭大學士等。聞江浙私鹽盛行。盡流為盜賊。地方官員明知並不查拏。應令江寧杭州京口將軍等。派出官兵。嚴行查拏。著九卿詹事科道會議具奏。丁卯。命截留浙江本年分漕米二十萬石。分貯杭州各府。以備賑濟。戊辰。免浙江安吉於潛等十一州縣本年分早災額賦有差。陞四川化林副將楊盡信為四川重慶總兵官。己巳。吏部題一等精奇尼哈番柯三病故。應銷去恩詔所得四拖沙喇哈番。餘一等阿思哈尼哈番與其子富寧承襲。三等精奇尼哈番福爾蘇病故。應銷去恩詔所得四拖沙喇哈番。餘三等阿思哈尼哈番與其子富來承襲。從之。陞廣西柳慶副將麥世位為貴州威寧總兵官。辛未。授和碩恒親王允祺女為縣君。塔達隆阿為固山額駙。吏部刑部題吏部尚書張鵬翮等察審河工効力革職筆帖式聶大鎰。叩閣控告河道總督趙世顯侵欺歲修帑金及縱容家人受賄各款。雖屬虛誣。但趙世顯將丁憂未滿之張秋通判張鎬。妄署天津同知。又於康熙五十四年。將聶大鎰委署海防同知。續經總漕施世綸因聶大鎰有玷官箴。勒令卸事。乃趙世顯於康熙五十八年。復委署印。明係徇庇。趙世顯應於此二案內。每案降三級調用。張秋通判張鎬。應於補官日降三

級。聶大鎭又有侵吞蘆課入己一事。不便照誣告律治罪。應將聶大鎭解部質審。從重治罪。從之。○工部議覆副都御史牛鈕等疏言。沁黃兩河交匯之處。至磨家店共十八畧。原無隄工。遇沁黃兩河之水齊發。水勢彼此相激。大溜退回。每於此處泛溢。且河岸高不過三尺。兩河之水相激。以致河底漸長。河岸卑矮。應自沁河隄岸接至榮澤縣之大隄。建築遙隄。以護禦沁黃兩河之水。方無退回泛溢之虞。應如所請。得旨。依議速行。○壬申。四川提督岳鍾琪疏報。勦撫郭羅克番人。俱已平定。得旨。據岳鍾琪奏。賊番伏兵千餘。突出對敵。被我土兵連敗數陣。逃奔過河。復攻取下郭羅克之吉宜卡等二

實錄卷一百九十五

十一

十一寨。殺死賊番甚多。連夜進兵直抵中郭羅克之納務等寨。賊番猶敢對敵。我兵奮不顧身。自卯至酉。連克一十九寨。斬殺三百餘級。擒獲賊首酸他爾蚌。索布六戈。復親督官兵抵上郭羅克之押六等寨。正欲攻取。該寨頭目旦增等將首惡假磔。併為從格羅羅等二十二名。綁縛獻出。率領閭寨男婦老幼叩頭求饒。只將為從賊番盡行正法。首惡酸他爾蚌。索布六戈。假磔解送等語。殊屬可嘉。在事官兵著議敘具奏。甲戌。陞和碩恒親王長史胡必圖為正白旗滿洲副都統。奉恩將軍西倫圖為鑲紅旗滿洲副都統。一等侍衛伊都善為鑲藍旗滿洲副都統。護軍參領達爾馬為鑲藍旗滿洲副都

實錄卷一百九十五

十四

統。○吏部題。一等阿思哈尼哈番蘇褐病故。應將伊親伯祖螯拜孫達福承襲。從之。○乙亥。順天府進春。調廣東南澳總兵官藍廷珍為福建澎湖總兵官。○丙子。山西巡撫蘇克濟丁母憂解任。命內閣學士德音署山西巡撫事。○丁丑。上自南苑回駐暢春園。○轉工部尚書陳元龍為禮部尚書。○以正紅旗漢軍都統安齡為都察院左都御史。陞大理寺卿張大有為都察院左副都御史。○以內閣學士蔣廷錫充經筵講官。○陞直隸巡道朱綱為河南按察使。司按察使。○九卿等遵旨議奏。江浙行鹽地方遼濶。應交與江南浙江將軍。每年派協領各一員。佐領防禦等。各八員。率領兵丁嚴拏販賣私鹽匪類。如有能拏獲大夥私販一次者。准紀錄一次。拏獲二次者。准加一級。該地方文武官員亦應通行查拏。如所派官兵及地方官員。如從前怠玩不行查拏。將該將軍督撫提鎮以下及地方官員。交與該部嚴加議處。得旨。依議速行。○戶部議覆署理河道總督事陳鵬年疏言。淮安關稅經河臣趙世顯於康熙五十八年題請歸併總河衙門。今裏外河同知一員管理。臣思裏外河兩同知。河工職守緊要。不可暫離。勢難兼管。權務請別差部員或歸併附近別衙門帶管。應如所請。將淮安關稅交與江蘇巡撫管理。從之。○辛巳。孝莊文皇后忌辰。遣官祭。

暫安奉殿○癸未。

上自暢春園回宮○諭議政大臣等吐魯番見駐官兵其可種之地甚多總督鄂海按察使永太在大將軍處無甚事務著前往吐魯番地方種地効力○甲申議政大臣等奏總督鄂海先經辦理甘州糧餉今鄂海前往種地應將辦理糧餉事務交與綽奇兼理從之○乙酉歲暮祫祭

太廟遣和碩簡親王雅爾江阿行禮遣官祭

永陵。

福陵。

昭陵。

暫安奉殿。

孝陵。

孝東陵。

仁孝皇后。

孝昭皇后。

孝懿皇后陵○遣官祭太歲之神○賜朝正外藩科爾沁敦漢

鄂爾多斯扎魯特烏朱穆春阿祿科爾沁蘇尼特喀喇沁巴

林喀爾喀阿霸垓翁牛特土默特厄魯特克西克騰手貝勒

貝子公台吉等及內大臣大學士侍衛等宴旌表八旗節

婦滿洲傅達理妻洪氏等四十人蒙古西拉妻關氏等十三

人漢軍尚之孝妻楊氏等三十三人各給銀建坊如例○是

歲人丁戶口二千四百九十一萬八千三百五十九又永不

加賦滋生人丁四十六萬七千八百五十田地山蕩畦地七

百三十五萬六千四百五十頃五十九畝有奇徵銀二千八

百七十九萬七百五十二兩有奇米豆麥六百九十萬二千

三百五十三石有奇草四百八十六萬四千四十九束茶二

十九萬五千五百七十引行鹽五百一十一萬四千五百四

十引徵課銀三百七十七萬二千三百六十三兩有奇鑄錢

四萬三千七百三十二萬五千八百有奇

大清聖祖合天弘運文武睿哲恭儉寬裕孝敬誠信中和功德

大成仁皇帝實錄卷之二百九十五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十六

康熙六十一年壬寅春正月丁亥朔

上詣

堂子行禮還宮拜神畢御殿王以下文武各官外藩王及使臣等上表朝賀停止筵宴(朝鮮國王李昀遣陪臣李健命等表賀冬至元旦)

萬壽節及進歲貢禮物宴賚如例(戊子召八旗滿洲蒙古漢軍文武大臣官員及致仕退斥人員年六十五以上者六百八十人宴於

乾清宮前命諸王貝勒貝子公及閒散宗室等授爵勸飲分頒食品)(辛卯祈穀於

上帝遣多羅貝勒滿篤祜行禮(召漢文武大臣官員及致仕退斥人員年六十五以上者三百四十人宴於

乾清宮前命諸王貝勒貝子公及閒散宗室等授爵勸飲分頒食品如前禮

御製七言律詩一首命與宴滿漢大臣官員各作詩紀其盛名曰十叟宴詩(壬辰

上幸暢春園)(癸巳

世祖章皇帝忌辰遣官祭

孝陵(乙未孟春享

太廟遣固山貝子允禩行禮遣官祭太歲之神(庚子以上元節賜外藩科爾沁敦漢鄂爾多斯扎魯特烏朱穆秦阿祿科爾沁蘇尼特喀喇沁巴林喀爾喀阿霸垓翁牛特土默特厄魯特克西克騰王貝勒貝子公台吉等及內大臣大學士侍衛等宴諭議政大臣等策妄阿喇布坦之兵屢被我師擊敗死傷頗多策零敦多卜等賊衆亦大半死亡棄藏竄走仍回伊里地方固守三嶺若我滿洲兵至則舍命交戰勢有不敵又思逃避他所希圖存活此等情形瞭然可睹朕數日來細加尋繹伊里山蹊險隘我朝大兵雖欲今年進剿倘為

三嶺阻隔遲延時日或策妄阿喇布坦戰敗帶領妻子逃往則我師應否追剿不可不詳加定議今策妄阿喇布坦之伎倆悉已深知策妄阿喇布坦亦稔知天朝兵威所加勢必不能自存但此時遽遣使向策妄阿喇布坦處招撫彼不知我寬仁之意反以為不能取彼復生他心亦未可定爾等可議寫發往策妄阿喇布坦之書著澤卜尊丹巴胡土克圖遵派好喇嘛為使作速差往其差往之今過阿濟嶺由吐魯番一路前往不久可到彼處信息情形亦即得聞知如胡土克圖之使者善為曉諭策妄阿喇布坦畏懼天討將拉藏妻子家屬并從前被擄之人送來請罪誠心投順永不敢侵犯邊隅

如此可另行商酌倘策妄阿喇布坦已死或伊處內變生亂除向天朝投奔外彼將焉往則我兵進發亦不可緩即一面進兵一面差使亦無耽擱之處令各路兵丁或向伊里前進或於吐魯番固守漸近烏魯木齊等處駐扎營寨相機而行或幾路前往襲擊以及大兵糧餉作何運到之處著議政大臣軍前調回將軍大臣會同核議妥確具奏尋議臣等伏讀上諭周詳深遠令澤卜尊丹巴胡土克圖差人向策妄阿喇布坦處說撫且可得彼處情形確信謹將交與胡土克圖發往策妄阿喇布坦之書繕寫呈覽後令胡土克圖派好喇嘛齋往覲彼信息彼果誠心歸順即報明駐扎吐魯番協理將軍

阿喇衲相機行事至於大兵向伊里前進事關重大未敢懸議似宜暫行停止其在吐魯番駐兵固守或進烏魯木齊等處樹立營寨應行令將軍富寧安阿喇衲等遵行外併將收放牲口耕種地畝修造城池處所及巡防汛界接運糧餉之事一並詳加核議具奏但自吐魯番往哈拉沙爾地方共有兩路或係沙漠水少之地或係山巖險隘之區若前進襲擊所需兵丁幾何糧餉作何接運亦令富寧安阿喇衲等查明定議具奏現今已爾庫爾所有綠旗步兵五千名應令發往吐魯番築城種地駐防此五千兵限即整理起程其一應軍糧農器交與將軍富寧安總督年羹堯巡撫綽奇辦理發往

得旨依議其向伊里進兵之事議令暫停姑待機會行事此議甚是其綠旗步兵五千名議令發往吐魯番亦甚是已爾庫爾距吐魯番不遠催趕行走六七日可到但綠旗兵丁每二人共馱馬一匹所馱乾糧俱於此馬馱載若有倒斃勢必用他馬分馱惟恐負重以致馬匹多損漢人不能喂養馬匹著將此綠旗兵丁乾糧俱於官馬馱載另分隊伍派人管轄輓送再交與澤卜尊丹巴胡土克圖發往策妄阿喇布坦之書詞句稍繁俟朕刪改發往○辛丑上元節賜外藩王貝勒貝子公台吉等及內大臣大學士侍衛等宴○乙巳陞兵部左侍郎李先復為工部尚書○丙午荊州將軍拜音布以老乞休允之○丁未賜朝正外藩王貝勒貝子公台吉等銀幣鞍馬有差○戊申

上巡幸畿甸命皇三子和碩誠親王允祉

皇四子和碩雍親王 皇五子和碩恒親王允祺皇八子多羅貝勒允禩皇九子固山貝子允禧皇十子多羅敦郡王允祇皇十三子胤祥皇十五子允禩皇十六子允祿皇二十子允禧皇二十一子允禧皇二十二子允祜隨駕是日自暢春園啟行駐蹕南苑 己酉

上駐蹕南紅門 庚戌吏部議覆福建浙江總督覺羅滿保疏言嗣後臺灣道府廳縣在任三年果於地方有益俱照陞銜

再留三年陞轉應如所請從之○議政大臣等議覆管理兵餉事務侍郎敦稗等疏言去年七月內都統圖思海等運到米石除布婁兒一路照數分給外其布拉罕一路現存米糧尚足一年之用但途路遙遠預應准備又據都統圖思海等咨稱從前所運米糧送至郭多里已爾哈孫曾令喀爾喀之駝隻迎接更換馱載運到察罕叟爾等處但來年運糧比今年更多則駝隻應請增添以便更換查大同宣府現有喂養駝隻應酌量增添令都統圖思海等將米糧運至察罕叟爾交明之後仍將駝隻送回大同宣府喂養得旨軍前運送米糧係敦稗薩哈布圖思海公同之事今敦稗薩哈布在彼處無事著調回與圖思海等一同輓運彼此看管運至察罕叟爾將軍等處交納其帶回駝隻公同看管送至大同宣府交納後再往軍前○辛亥

上駐蹕鵞坊○陞盛京刑部理事官圖蘭為通政使司通政使○以原任大理寺卿李敏啟補原官○宗人府右宗正準達以病乞休允之○壬子

上駐蹕趙新莊○癸丑

上駐蹕弘恩寺地方○甲寅

上駐蹕鎮安橋

二月丙辰朔

上駐蹕新城縣○丁巳遣大學士王碩齡祭先師孔子○

上駐蹕新蓋房○戊午祭大社○

大稷遣固山貝子星尼行禮○

上至趙北口登舟○己未

御舟泊段村○直隸總督趙弘燮疏報正月二十三日長垣縣常村集隄外有濁水從西南而來高二三尺不等臣隨飛飭大名道帶領河官加意防護外并委員星速前往查看發水源頭報聞○山東巡撫李樹德疏報直隸長垣縣常村集隄南水勢暴漲濁流奔注逼近東省臣隨飛飭兗寧道帶領河官於東昌府等處沿河隄岸加緊防護其三空橋五空橋地方凡洩入鹽河水道預為疏濬以備決水驟至易於歸海得旨據奏從直隸長垣縣上流之水洩入鹽河水道疏濬深通以備決水驟至易於歸海知道了著行文河南巡撫楊宗義將衝決之處速加堵築○命副都御史牛鈕馳驛往長垣等處看視水形○轉理藩院右侍郎特古忒為左侍郎以理藩院額外侍郎常授為右侍郎○庚申春分朔

日於東郊遣輔國公訥圖行禮○癸亥

御舟泊郭里口○大計天下官員卓異官十六員貪酷官六員

年老官四十一員有疾官三十三員不謹官三十四員罷軟官十三員才力不及官二十八員浮躁官二十五員分別陞賞處分如例工部議覆河南巡撫楊宗義疏言武陟縣所築釘船幫大壩南岸尾隄原在新淤灘上正月初六日被水衝陷臣隨赴工所查勘即於尾隄搶築月隄乃積凌隨溜湧激南岸尾隄塌斷二十餘丈漫溢新築月隄加以雪消水漲十七日驟至李先鋒莊壩下由淤灘漫過十八日冰凌排山而下直趨馬營口頃刻水與隄平致塌十餘丈現在帶領河官晝夜補築等語應令該撫親督道府併河官不分晝夜補築堅固刻期完工得旨依議速行甲子遣官祭

實錄卷二百九十六

二

先農之神○乙丑陞詹事府少詹事蔡珽爲翰林院學院學

士兼禮部侍郎丙寅

孝康章皇后忌辰遣官祭

孝陵丁卯

御舟泊圈頭村庚午

上登陸駐蹕趙北口諭大學士等曰著理雲貴總督事務擬

督張文煥著來京陛見總督事務著廣西巡撫高其倬馳驛

往署理辛未遣官祭

歷代帝王

上駐蹕白溝河地方壬申

上駐蹕樓桑鋪協理將軍阿喇訥疏言臣等遵奉諭旨令將賊人形勢難易之處繕摺密奏臣觀賊人進退雖熟蹤跡甚輕雖有鳥鎗而火藥鉛子甚少我兵礮位鳥鎗全備火藥鉛子充裕此勝賊者一也賊人雖有鎗戟而弓箭甚少我兵鋒刃鎗利弓箭精強此勝賊者二也賊衆臨陣易敗惟恃夜間偷馬爲計我兵馬廠有備彼不能入此勝賊者三也賊衆遊牧前來我地似若輕便我兵一入其駐扎之處伊等爲妻子牲口所累各相顧戀不能齊心迎戰此勝賊者五也從此直至伊里格其巢穴並無難處惟是賊人路徑甚多俱可通

實錄卷二百九十六

八

我兵駐扎處之後尾不拘何路賊若前來一夜即到我兵遠設汛界或被攔截反致不得信息即現在所種吐魯番地畝亦防其踐擾今大兵或前移於烏魯木齊駐扎臣等亦前移吐魯番布列週近地方駐扎彼此接應則敵人無路可遠而所種地畝亦無可虞臣等公同大量吐魯番週近地方驗看方向繪圖呈覽若爲進兵之計則可分爲三路其阿爾泰一路之兵由和布多沿河地方越厄爾齊斯河前進巴爾庫爾一路之兵由烏魯木齊前進吐魯番一路之兵由阿拉輝口越那拉特嶺前進每路可用兵一萬五千若賊人三路來迎則勢分而易敗若一路來迎則我一路之兵與彼拒戰其兩

路之兵直抵其妻子存扎之處彼必不能兼顧且其所恃窄隘者三嶺然可以步行而上非比棧道之難也彼所恃資生者牛羊與牛羊之乳若舉衆聚集一處水草易罄牲口難存勢必各自謀生紛然離散一散之後不能復強非有固結之情也是乘此時而剿滅之亦甚易耳但時日未能預定米糧速宜接濟今歲吐魯番所種地畝不能望其多收若米糧未即運到不若暫將各處官兵撤回於哈密阿爾泰新修城內駐扎聚積米糧操演兵丁俟賊人內變以便剿滅似於錢糧民力均有裨益又將軍祁里德疏言策妄阿喇布坦誇虛妄之詞集烏合之衆天兵一至即行逃竄若我兵照從前預備

實錄卷二百九十六

九

整理馬匹持四月口糧由吐魯番烏魯木齊翟兒山前山後四路約定日期同進則軍威震疊彼必不能抵敵或即歸順或各逃散策妄阿喇布坦無計遠遁或逃入阿拉克山內必爲我擒矣倘以伊里路遠我兵有越險之勞不若俟伊內變可以直取臣請將阿爾泰兩路官兵前移伊爾布爾河朔一帶地方會合已爾庫爾一路之兵喂養馬匹給足口糧預備駐扎以俟機會又或以賊人竄處窮邊暫停天討以恤生靈臣請於現在駐扎等處整肅兵馬耕種地畝以爲久駐之計得旨著交與議政大臣議奏尋議覆協理將軍阿喇衮申奏之處甚詳細得理將軍祁里德所見亦復相同但近經澤卜

尊丹巴胡土克圖既差使往策妄阿喇布坦去訖應俟彼回旨再行定奪其大兵前至烏魯木齊堅立營寨修城種地可否駐扎防守之處行令將軍富寧安阿喇衮作速定議具奏其阿爾泰一路軍兵今年在伊爾布爾河朔喂養馬匹俟來年由烏魯木齊分四路進兵之處應如將軍祁里德所奏得旨此事著發往京城令在京議政會議 癸酉

上駐蹕弘恩寺地方 甲戌

上駐蹕拱極城 署理河道總督陳鵬年疏言河南武陟縣釘船幫及馬營口隄工俱經副都御史牛鈕等修築告竣奏報在案臣在清江浦飭催南河各處工程今據河南河道呈稱冰蘗水長黃河大溜泛溢將釘船幫南壩子隄及馬營口隄工衝決二十餘丈幸南河机汛未屆將各處隄工令沿河各官防禦外臣於二月初十日星赴河南會同巡撫楊宗義查勘情形設法堵築下部知之 乙亥清明節遣官祭

實錄卷二百九十六

十

永陵

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵

上駐蹕南苑（丙子）

上回駐暢春園 戊寅刑部等衙門議覆臺灣叛犯朱一貴李勇吳外陳印翁飛虎王王金張阿三應照謀反律皆凌遲處死朱一貴冒稱明朝後人爲首倡亂應將伊祖父父子孫兄弟同居之人期親伯叔父兄弟之子並伊嫡族以至幼子母許遺漏一人查明送部詳訊分別此外有無親屬皆斬立決李勇等六人之祖父父子孫兄弟同居之人期親伯叔兄弟

中錄卷二十九

二

之子年十六以上該督等會同逐一查明具題即於彼處正法其朱一貴之母女妻妾姊妹子之妻妾逐一查明送部分別給功臣之家爲奴財產入官從之 又議覆臺灣賊犯杜君英陳福壽雖自行投首但因勢窮力竭無處逃避始行就撫應將杜君英陳福壽照謀反同謀律皆凌遲處死杜會三應照反犯之子律應斬立決其杜君英陳福壽之祖父父子孫兄弟同居之人期親伯叔父兄弟之子年十六以上該督等會同查明具題即於彼處正法其男十五以下及伊等母女妻妾姊妹子之妻妾查明送部分別給功臣之家爲奴財產入官藏匿鳳山莊之劉育王忠并脫逃之陳功等行令該

督嚴緝得旨杜君英陳福壽既係自行就撫俱改著即處斬餘依議 旌表廣東烈婦鍾氏僻路遇暴拒姦不從慘死完操給銀建坊如例 己卯議政大臣等遵旨會議將軍阿喇衲和里德所奏隨圍諸王大臣所議俱已詳盡見今吐魯番駐兵種地多積米糧甚屬緊要蒙

聖恩賞給吐魯番種地人等牛羊又令哈密回人等一並墾種於軍務愈有裨益惟是種地之處或恐策妄阿喇布坦潛來侵犯不可不嚴行防守應行令將軍阿喇衲等酌留馬兵在彼看守地畝兼備擒剿賊衆但軍務關係重大

聖主睿算悉合機宜伏乞指訓

實錄卷二十九

三

上諭議政大臣等今年大兵前進駐扎烏魯木齊地方爾等慮米糧不能接濟或致遲悞彼時徵兵不可駐兵不可似有煩難之處朕亦慮及但我兵預備數載去年曾議進兵而竟不果今年若再駐劄不進則策妄阿喇布坦得以休息一年從此或生他志不如乘此預備之兵仍照從前令阿爾泰巴爾庫爾兩路兵丁照常襲擊前進至烏魯木齊地方兩兵會合如策妄阿喇布坦果有兵來正可剿滅若畏懼不敢前來即將我兵收回各往本處駐扎如此每年襲擊將擾賊衆疲或生內變亦未可定爾等會同酌議具奏尋議覆巴爾庫爾一路之兵由烏魯木齊進擊路近易於往返阿爾泰一路之

兵亦進擊至烏魯木齊其間沙漠間隔共有二千七八百里路途遙遠往回或有遲滯之虞况賊衆偵知我兵克取吐魯番俱已竄匿伊里地方俟伊內變統兵前進尤爲易取至於馬匹口糧等項現在行文將軍富寧安等俟查明定議具奏之日再議得旨我兵連年預備若今年進兵其屬從容令爾等既稱口糧可慮著依議行(陞右通政李弘文爲太僕寺卿)(庚辰朝鮮國王李昀疏言臣不幸自幼多病氣甚痿弱嗣續絕望臣弟延成君李聆聰明孝友年又長成臣既無子請將李聆錫以世弟之號以續宗祧得旨該王以本身甚弱懇請伊弟李聆封爲世弟著照所請行(辛巳)

實錄卷一百九十六
孝昭皇后忌辰遣官祭

陵(以內閣學士兼禮部侍郎勵廷儀充經筵講官)(甲申兵部等衙門議覆差往江南吏部尚書張鵬翮等察審松江提督趙珩自到任後將應給兵丁糧米不行速發又坐扣空糧九百十名通共侵蝕銀三萬四千六百九十二兩米六千九百餘石收各營規禮一萬九千四百餘兩應將趙珩革職解部枷號鞭責所坐空糧銀兩并所收規禮銀兩交該旗勒限一年追完再原任提督今陞鑾儀使師懿德坐扣空糧銀兩共三萬三千四百七十二兩零米四千五百三十一石二斗應將師懿德革職徒五年至配所杖一百所坐空糧銀兩限

一年追交該部布政使李世仁將餉銀不按月給發又將藩庫銀和借趙珩應將李世仁降三級調用查有加級應抵銷得旨趙珩師懿德俱著革職從寬免罪李世仁著銷去加三級抵降三級免調用餘依議(乙酉)

上自暢春園回宮諭吏部侍郎張廷玉內閣學士勵廷儀去歲秋冬雨雪頗少今春已屆清明尚覺微旱民以食爲憂朕以萬姓爲念雨暘不時朕心豈能安乎現今各處爲朕祈福不如祈雨倘得大沛甘露朕即以爲福矣爾等即傳諭各處○命禮部尚書陳元龍教習庶吉士(都察院左都御史朱軾乞假葬父省母允之)(陞四川布政使孔毓珣爲廣西巡撫(陞吏部郎中楊萬春爲河南按察使司僉事提調學政

實錄卷一百九十六

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百九十六

實錄卷之二百九十六

五

大清聖祖合天弘運文武睿哲恭儉寬裕孝敬誠信中和功德
大成仁皇帝實錄卷之二百九十七

康熙六十一年壬寅三月丙戌朔轉兵部右侍郎王度昭為
左侍郎陞都察院左副都御史張大有為兵部右侍郎陞
正黃旗護軍統領蘇爾法為正紅旗漢軍都統正紅旗滿洲
副都統覺羅德爾金為正黃旗護軍統領陞西安副都統
阿魯為荊州將軍調鑲紅旗滿洲副都統伍林帕為西安副
都統丁亥

實錄卷之二百九十七

十

上幸暢春園○壬辰工部議覆署理河道總督陳鵬年疏言武
陟縣馬營口地勢低窪積凌流注釘船幫隄工衝開二十餘
里已成大溜若將此處堵塞文恐別處受衝查廣武山之王
家溝原係黃河故道且與沁水交會應於此處開濬引河使
水由東南會入滎澤縣之正河則大溜往南馬營決口庶可
堵築但引河甚長挑挖深未免多費時日見今山東巡撫
李樹德於曹家隄已酌留水門由鹽河宣洩入海馬營口亦
見在幫築尚未合龍茲值重運漕船至張秋之期尚遠俟引
河挑濬後水勢稍減然後一齊堵塞則力不勞而功倍應如
所請從之○乙未諭大學士都統副都統等前因兵丁蕃庶
住房不敷朕特降諭旨多發庫帑於八旗教場蓋設房屋令
伊等居住近看八旗兵丁愈多住房更覺難容朕因思鄭家

莊已蓋設王府及兵丁住房欲令阿哥一人往住。今著八旗每佐領下派出一人。今往駐防。此所派滿洲兵丁編為八佐領。漢軍編為二佐領。朕往來此處即著伊等看守。當差著八旗都統會同佐領等派往。丁酉。

皇四子和碩雍親王 恭請

上幸王園進宴。陞廣西按察使戴鐸為四川布政使。司布政使。己亥。諭大學士等。天氣稍旱。著該部於十六日起禁止屠宰。誠敬求雨三日。陞奉天府府尹金應璧為都察院左副都御史。辛丑。諭大學士等。河工甚屬緊要。現今正係修防之時。陳鵬年。牛鈕俱有應辦河工事務。著將泰家厥速行

實錄卷九十七

二

堵修。引河速行挑濬。俟工程完後。交明該撫。陳鵬年著速回任所。牛鈕亦著速回。爾等會同張鵬翮將諭旨明白繕寫發往。癸卯。

萬壽節。停止慶賀筵宴。遣官祭

福陵。

昭陵。

暫安奉殿

孝陵

孝東陵

仁孝皇后

孝昭皇后

孝懿皇后陵。遣官祭真武東嶽城隍之神。丙午。工部議覆署理河道總督陳鵬年疏。言河南黃河兩岸至榮澤縣始有隄工。自榮澤縣以下一帶隄工。止出水面三四尺五六尺不等。此係黃河上流河面雖寬。一遇水長。即漫隄而過。上流水既散漫。則下流河身自漸淤高。隄岸卑矮。難資捍禦。目今防汛將屆。設黃水暴漲。恐有衝決漫溢之虞。臣已飭河官加謹防護。并移咨撫臣。將隄工應行修築者。作速就近查估修築。應如所請。從之。戊申。雨。庚戌。

皇四子和碩雍親王 恭請

實錄卷九十七

三

上幸王園進宴。工部議覆直隸總督趙弘燮疏。報長垣縣之王家隄口。因豫省黃水復發。衝開新隄。經臣飭令速行堵築。今甄家莊新隄已補築堅固。惟康家道口一帶老隄。又經衝開十餘丈。流注東明。當下大埽。以堵決處。俟上源水勢稍定。即與王家隄口一并修築。應行該督嚴飭經管道府河官速行辦理。從之。壬子。諭大學士九卿等。用人行政。朝廷之大權也。文官銓選。掌之吏部。武官遷除。掌之兵部。吏部論班。論俸。兵部論俸。論銜。從來定例也。其武官歷三年加銜。調補之例。甚善。近來督撫提鎮題補太多。始不過州縣官。干把總之類。今則司道副參亦皆題補矣。值此用兵之際。姑且行之。此

習若各大有關係。且伊等題補官員。朕不知者甚多。補用後。遂皆稱為奉旨補授之員。諸臣皆讀書之人。何可不慮及此。在京大小職官。皆朕所選用。賢否易知。若外省保題之官。非朕所素知。豈能一一定其優劣乎。爾等會同詳議具奏。○癸丑。陞都察院左僉都御史鄒汝魯為奉天府府尹。○授輔國公訥圖女為鄉君。塔古寧阿為輔國公。秩四品。○甲寅。雨。

夏四月乙卯朔。享。

太廟。遣和碩簡親王雅爾江阿行禮。○戊午。諭戶部。趙弘燮奏。將收貯真定順德各州縣四萬石米平糶其餘各州縣有米。

實錄卷二百九十七

四

貴之處。亦將倉米平糶十分之三。俱俟秋收後買補還項等語。去年各州縣收貯莊頭等所交米石。部內曾遣司官會同地方官糶賣其糶米銀兩。至今尚未完繳。據此各州縣收貯倉米俱無實際。平日積貯原為備荒而設。今值青黃不接之時。固應平糶。但地方官虧空倉米。不過糶賣數石。即借此掩飾虧空。究竟倉米既虧。百姓何從糶買。於民生並無裨益也。見在存倉米穀。如果足數。即照該督所請糶賣。倘朕遣大臣查看時。州縣並無米穀。黎庶不得糶買。將州縣官即行正法。該管上司從重治罪。○議政大臣等議覆。靖逆將軍富寧安疏言嘉峪關外布隆吉爾之西。古所謂瓜州沙州燉煌郡之

處。而蒙古人呼為庫庫沙克沙。昔曾建築城池。屯兵耕種。至今舊址尚存。田土廣濶。宜於牧放馬畜。兼有河水。若於此處屯田。駐扎綠旗兵三四千名。設總兵官一員。管轄則通黨色爾騰之路。既可控扼。而於諸處遣用。俱屬有益。應行文將軍富寧安會同總督年羹堯提督路振聲。將派往官兵造城屯田之處。確議奏聞。從之。○庚申。封翁牛特一等台吉鄂器爾為輔國公。○辛酉。禮部遵旨會議。自伏羲氏以逮有明。應入廟崇祀帝王。及從祀功臣。詳開一摺。偏據一方。不入正統。及不應崇祀者。詳開一摺。具疏陳奏。

實錄卷二百九十七

五

上諭大學士等曰。此所議應崇祀處。皆是。但其中尚有宜詳細斟酌者。從前所定配享功臣。大槩開國元勳居多。如明之徐達。不過一草莽武夫。劉基係元之進士。遭遇成功。遂以元勳配享耳。其有治安之世。輔佐太平。有功軍國者。反不得與配享之列。是皆未為允當也。又如有明天下皆壞於萬曆泰昌天啟三朝。愍帝即位。未嘗不勵精圖治。而所值事勢。無可如何。明之亡。非愍帝之咎也。朕年少時。曾見故明耆舊甚多。知明末事最切。野史所載。俱不足信。愍帝不應與亡國之君同論。萬曆泰昌天啟實不應入崇祀之內。爾等會同九卿。將此詳細分別。確議具奏。○達賴喇嘛及土伯特貝子阿爾布巴公隆布奈等。遣使進貢。賞賚如例。○工部議覆河南巡撫楊

宗義疏言馬營口隄工臣前見決口窄小冒昧奏稱水落易於完築不意挑汛水發又陸續塌陷二十餘丈今副都御史牛鈕等到工臣等公同商酌設法堵築以防水勢應令該撫速備物料會同牛鈕陳鵬年作速完工得旨依議速行○以巴林故多羅郡王固倫額駙吳爾琿子林穆布襲爵○癸亥陞直隸通永道李繼謨為廣西按察使司按察使○甲子內閣學士阿克敦為正使二等侍衛佛倫為副使往封朝鮮國王李昫弟李吟為世弟諭朝鮮國王李昫曰朕惟父子相傳有國之常經兄弟繼及一時之權道茲覽王奏以抱病日久嗣續維艱請將親弟延成君李吟建為世弟情辭懇至朕勉允所請遣大臣齎捧誥命封李吟為朝鮮國王世弟並賜綵幣等物惟王最弟李吟敦乃彝倫永懷忠順衍本支之休慶保宗社之安寧王如兆叶謀祥吉占熊夢主其再奏欽哉無替朕命○兵部議覆福建巡撫呂猶龍疏言臺灣總兵改設澎湖應令其往來澎湖之間稽查營汛自不致有悞又水師提督姚堂等疏言澎湖隔越汪洋阻風則半月不能至聲息未易相通彼此難於照應莫若循舊制澎湖設副將臺設總兵處於地方事務有益應如該提督所請又巡撫呂猶龍提督姚堂會疏稱臺厦道所屬守備一員千總一員把總一員兵三百六十名戰船四隻甚屬無益請將此備弁兵丁分設

實錄卷五十七

十

實錄卷五十七

十

於南北兩路戰船撥歸臺鎮應如所請從之○乙丑旌表陝西烈婦王運正妻鄭氏弱質貞操拒姦不污母子斃命給銀建坊如例○丁卯

上巡幸塞外命皇三子和碩誠親王允祉

皇四子和碩雍親王○皇五子和碩恒親王允祺皇八子多

羅貝勒允禩皇九子固山貝子允禧皇十三子胤祥皇十五

子允禩皇十六子允祿皇二十子允禧皇二十一子允禧皇

二十二子允祜隨駕是日自暢春園啟行駐蹕湯泉○戊辰

陝西涼州總兵官李中白以病乞休允之○己巳

上駐蹕南石槽○命撫遠大將軍允禩復往軍前○庚午

上駐蹕懷柔縣○調陝西興漢總兵官述明為涼州總兵官陞

陝西河州副將董玉祥為興漢總兵官○兵部以鑾儀衛鑾

儀使師懿德革職員缺開列具題得旨師懿德著革職留任

効力○辛未

孝端文皇后忌辰遣官祭

昭陵○

上駐蹕容雲縣○壬申

上駐蹕羅家橋地方○癸酉

上駐蹕遙亭○陞廣西平樂副將馬振國為左江總兵官○甲

戌○

上駐蹕巴克什營○乙亥

上駐蹕兩間房○丙子

上駐蹕常山峪○丁丑

上駐蹕王家營○戊寅

上駐蹕花峪溝○旌表河南烈婦任進性妻實氏貞烈性成拒
姦殞命給銀建坊如例○己卯

上駐蹕喀喇和屯○辛巳

上至熱河行宮駐蹕○暹羅國王森烈拍照廣拍噶陸坤司由
提呀苦塔遣使進貢宴賚如例○癸未大學士九卿等遵旨
議覆河工官員關係緊要臺灣遠屬海疆而廣西之南寧太

實錄卷二百九十七

八

平慶遠惠恩四府雲南之元江開化廣西廣南四府俱在邊
遠此等地方官員仍照舊例今該督撫保題調補其餘歷年
督撫具題增添保題之缺並條奏交與督撫保題之缺槩行
停止武職副參遊都守各官仍遵定例內應題之缺揀選銜
缺相當者題補其餘亦槩行停止以後不應題補調補之文
武官缺及有事故並越銜保題者將該督撫提鎮并轉詳之
官均照徇庇例降三級調用從之○先是福建浙江總督覺
羅滿保疏奏福州將軍標下披甲王殿吉等訴稱將軍黃秉
鉞許將四旗裁減馬糧奏請復行給與令各兵丁攢湊銀兩
赴京使費及至事不果行不將銀兩給還等語因此各兵丁

實錄卷二百九十七

九

黃辰聚譁圍壘將軍大門經巡撫呂猶龍副都統鄭繼寬曉
諭始散理合奏奉旨著議政大臣會議速行具奏尋議覆
應將被告之將軍黃秉鉞等撤回交與刑部看守其原告之
兵丁等俱行鎖拏解京質審奉旨依議至是審訊攢湊銀兩
黃秉鉞並未收受各兵丁擅自聚譁大干法紀應將為首之
披甲王殿吉武坤山即行處斬家產入官其妻子給功臣為
奴為從之張倫等六人擬絞監候秋後處決小撥什庫沈元
弼等二百一十八人俱鞭一百人辛者庫當差將軍黃秉鉞
平時不能約束兵丁應照溺職例革職得旨王殿吉武坤山
著即處斬張倫等俱依擬應絞監候秋後處決沈元弼等免
其入辛者庫俱發往盛京及盛京八城分與漢軍佐領下今
其効力當差黃秉鉞著革職餘依議○陞鑲紅旗滿洲副都
統宗室西倫圖為正紅旗漢軍都統調正黃旗蒙古副都統
宗室勒什亨為正紅旗滿洲副都統正紅旗漢軍副都統馬
爾塞為鑲紅旗滿洲副都統陞前鋒參領騷達色為正紅旗
漢軍副都統護軍參領花塞為正黃旗蒙古副都統參領達
成為正白旗滿洲副都統○旌表浙江遂安縣烈婦方引裸
妻毛氏結縞五日夫故守節俟立嗣葬夫事竣絕食而死給
銀建坊如例

五月乙酉朔○丙戌工部議覆先經副都御史牛鈕等以黃

沁交匯之處至詹家店十八里原無隄。工水發易致泛溢。請自沁河隄工接至榮澤縣之大隄。建築逆隄以禦沁黃之水。今據陳鵬年楊宗義會題自馬營決口以東榮澤大隄頭至詹家店十二里之民隄。相幾增築。月隄務令堅厚。照榮澤大隄一樣以為重門保障。其十八里向無隄岸之處。蓋以南岸有廣武山為之屏蔽。而北岸則沁水流通。當沁黃交漲之時。聽其散漫而上。流入水寨及原武縣之黑羊山沙地。水勢寬平。不致衝溢。若并築逆隄堵塞。則暴漲無處宣洩。勢必衝射隄根。應仍留此十八里以備宣洩。應如所題從之。○丁亥。仁孝皇后忌辰。遣官祭。

實錄卷九十七

陵○旌表直隸灤州烈婦彭愈妻李氏。佃田農婦。屢遇誘姦。不從。并伊子俱被刃殞命。員烈可嘉。給銀建坊如例。○己丑。議政大臣等議。覆靖逆將軍富寧安疏。言臣遵旨將巴爾庫爾官兵內查明年老病廢不能効力之官員七人。護軍披甲二百二十五名。察哈爾兵一百八十名。即在此員內設立頭目。管轄遣回。其吐魯番科舍圖俄隆吉等處及巴爾庫爾尚駐兵丁共二萬一千一百名。請將遣回兵丁之缺。停其頂補。應如所請從之。○陞廣東香山副將陳良弼為福建南澳總兵官。○壬辰。以禮部尚書賴都揀選讀祝官。不加詳慎。降五級調用。○漕運總督施世綸。以病乞休。得旨。施世綸著在任調

理辦事。催趙漕船著侍郎張大有詹事顧爾泰去。○旌表廣西臨桂縣烈女陳坦德聘妻朱氏。夫亡奔赴守節。見却於姑。自經明志。給銀建坊如例。○癸巳。夏至。祭地於

方澤。遣固山貝子允禩行禮。○翁牛特多羅杜楞郡王和碩額駙蒼津輔國公鄂齊爾來朝。○議政大臣等議。覆靖逆將軍富寧安疏。言臣接准部咨。今歲大兵移駐烏魯木齊地方。糧餉馬畜能否備辦。來年大兵進剿。馬畜口糧能否接濟。其阿爾泰遣往官兵一萬二千名。以及隨役。自十月起。支給糧米。若不敷用。應作何增運之處。今臣與總督年羹堯巡撫綽奇。

實錄卷九十七

會同定議具奏。臣身在軍營。相機而行。未敢擅離。因移咨總督年羹堯巡撫綽奇。速行定議。康熙五十四五十五年。臣在肅州辦餉。除按月支給官兵外。又備進剿裹帶隨運之糧二萬一千餘石。運貯軍前。自去年三月運到。軍糧缺少。因令道員王全臣將原貯之糧。通融散給。又給與吐魯番官兵羊隻。繼而運到之糧愈少。臣又令王全臣採買米糧青稞等項。并將銀兩折算配給。是以自去秋以至今夏。不致貽悞。見今巴爾庫爾吐魯番科舍圖俄隆吉等四處。所有滿洲蒙古綠旗官兵共二萬一千一百名。計算隨後共三萬三千四百九十名。每月需糧六千六百九十餘石。自阿爾泰遣往官兵一

萬二千名計并隨役約二萬五千名每月需糧五千石。今年已爾庫爾耕種青稞用過籽粒二千石。至秋成或可獲糧二萬石。吐魯番新墾地畝所獲糧數難以預定。今支給吐魯番官兵糧米自五月以來便不能接濟。臣因移咨協理將軍阿喇納乘回人所種地畝成熟於六月初旬催其收穫借給官兵俟米糧運到時照數給還。或將我兵在吐魯番種獲之糧補給。似此酌量設法庶可接濟無悞。應如將軍富寧安所奏。今伊酌量設法辦理。惟是吐魯番種地之處不可不嚴為防守。前經議政議遣步兵五千名至彼防守。今年若進兵至烏魯木齊令將軍等酌留官兵看守田畝。若不進兵則看守田

實錄卷二百九十七

三

畝之兵不可無馬。應令將軍等將馬兵酌量派留照看田地。兼備剿戮潛來侵犯之賊。其米糧足用與否亦令將軍富寧安查明議奏從之。○乙未喀喇沁多羅杜楞郡王和碩額駙伊達扎卜來朝。○丁酉遣官祭

關聖帝君。○戊戌署理河道總督陳鵬年疏報漕運總督施世綸病故。臣遵舊例暫管漕運印務。但臣見在河工辦事恐不能兼顧請速差大臣統理漕運。得旨張大有顧爾泰朕已派令催趲漕船。著張大有馳驛速往署理漕運總督事務。不必來請訓旨。仍與顧爾泰催趲漕船。○兵部以福州將軍員缺開列具題。得旨福州將軍事務著江西按察使石文焯署

理。○土默特固山貝子哈穆罕巴雅斯呼朗圖來朝。○庚子科爾沁台吉諾木桑來朝。○辛丑科爾沁和碩卓禮克圖親王巴特摩固山額駙拉錫來朝。○封青海故多羅貝勒周楚克阿拉卜坦弟達錫策零為固山貝子。○壬寅皇三子和碩誠親王允祚恭請

實錄卷二百九十七

三

上幸王國進宴。○甲辰工部議覆河南巡撫楊宗義摺奏去冬所築釘船幫南壩尾因在新灘之上以致塌卸直奔馬營決口。今秦家廠亦係新灘若伏秋汛發恐又向馬營衝決。況秦家廠新舊支河寬濶修築甚難。引河雖已挑完而見今水勢稍淺難免淤塞。伏思堵築秦家廠原為補築馬營決口。臣見今設法在馬營下埽堵築開挖河頭完工之後再行堵塞新衝馬營隄口。查本年三月副都御史牛鈕奏稱秦家廠形勢雖寬可以堵築不甚費力。又奏稱引河已於三月二十二日挑挖完工。秦家廠攔水壩已築一百餘丈尚有未修築之處二百餘丈。催令楊宗義務於發水之前完工。今楊宗義又稱引河雖已挑完其勢難免淤塞秦家廠係在新灘伏秋汛發恐又衝馬營。應令該撫將河作速疏通。秦家廠上緊堵修。至馬營決口仍令相機補足完工。得旨去年黃河漫溢流至直隸山東等處朕念有關民生漕運隨聞即遣官二三次前往勘驗特差諳練河工牛鈕齊蘇勒馬泰將應修挑水壩隄岸之

處繪圖。朕親為指示。俱於歲前修畢。交與該撫將伊等撤回。冬。天冰凍時。所築工程。至春日消融之候。定稍覺動陷。楊宗義理應親自看守。不時遣官增土加埽保固。乃身為巡撫。並不留心。疎忽從事。復致衝決。朕每日慮及。若不催趨修築。告竣於雨水之先。值雨大行之際。作何堵築耶。楊宗義不催築竣。于疎屬不合。凡一應工程。俱著交與楊宗義令速修完。倘不勝任。將楊宗義拏交該部嚴加治罪。○己酉。議政大臣等議覆四川陝西總督年羹堯疏言。康熙五十四年。西陲用兵。原任提督師懿德奏請將固原延安興漢及西安城守營武弁馬步兵丁。共派撥二千名。駐扎甘肅沿山一帶地方。歷七載有餘。未經出口。今邊口關隘各已駐兵。而甘州又有自京遣往之滿洲兵。與直隸山西綠旗兵丁駐防。其駐甘肅之固原延安興漢西安等處綠旗官兵。別無調遣。應令各回本汛。應如所請。從之。○辛亥。陞協領覺羅塞什圖為寧古塔副都統。○喀喇沁固山貝子和碩額駙僧滾扎卜來朝。

實錄卷九十七

五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十七

實錄卷九十七

五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十八

康熙六十一年壬寅六月甲寅朔克西克騰台吉齊巴克扎卜來朝○丙辰諭吏部前已有旨著顧爾泰速往催趙漕船乃不即起程又為帶去之章京筆帖式等寫摺具奏若等候此摺旨意則與原旨不符況伊一面起程令章京筆帖式隨後續至有何不可著該部嚴察議奏尋議顧爾泰係特差催趙漕船之員理應馳驛速往乃不即起程殊屬不合應降二級留任得旨今年運河水淺漕船到遲故特派顧爾泰前往催趙顧爾泰不星馳前往俟漢官行後尚自遲延該部但議

實錄卷之二

一

降二級留任亦屬不合著並交與都察院嚴加議處具奏○已未諭大學士等去歲黃河泛溢流至直隸山東等處朕念民生運道關係甚重特遣牛鈕齊蘇勒馬泰前往親為指示於年前俱已修完將見成完竣之工交與楊宗義楊宗義聽信上游居住小人無稽之言視為甚易延至數月不預為幫築如謹看守以致衝決朕屢下嚴旨著令於雨水之前務必催修完竣若遇水大時便難堵築今竟至如此此河關數省之民生往來之糧艘朕日夜憂思望者築完工之信楊宗義漫不經心既不多備物料又不在工所監修但以銷算錢糧為辭多方託故躲避今值雨水甚大之際以致修築將成之

實錄卷之二

一

壩工又被衝決此工程關係緊要著九卿詹事科道會同速議具奏○索曼多羅達爾漢郡王阿雜拉來朝○庚申靖逆將軍富寧安疏言吐魯番等處耕種地畝收貯米糧甚屬緊要所有大臣俱係乘機出征之員請另派大臣一員專司其事得旨著文總督鄂海副都統克什圖一同管理若有軍務等事照常遣用○阿霸垓輔國公德木楚克來朝○壬戌諭大學士等盛京地方屢歲豐收米穀價值甚賤民間或致濫費著令盛京米糧不必禁糶聽其由海運販賣可傳諭盛京將軍府尹知之又諭曰暹羅國今言其地米甚饒裕價值亦賤二三錢銀即可買稻米一石朕諭以爾等米既甚多可將米三十萬石分運至福建廣東寧波等處販賣彼若能運至與地方甚有裨益此三十萬石米係官運不必收稅○又諭曰八旗外任丁憂各官往往躲避各處未即歸旗嗣後凡丁憂官員應以到京之日為始扣算丁憂日期著交吏部定例議奏尋議覆八旗丁憂官員該督撫題報丁憂之後照例即速催進京若有錢糧不清該督撫照例題參錢糧清楚即令依限歸旗將該員起程日期報部到京後驗到註冊仍取該旗都統印結以驗到之日為始扣算丁憂日期守制二十七月永為定例如旗員丁憂之後並無公事而留總外者不即歸旗或躲避別處中途逗遛者該管地方官查明呈報各

該督撫題參。照例議處。如該督撫隱蔽不行題參。或被臣部查出科道題參。及旁人首告。將該督撫地方官一并照徇庇例議處。從之。○戶部議覆署理河道總督兼署漕運總督陳鵬年疏。言查漕船經過沿河州縣。例應填註出境入境日期。過淮後。又給幫牌。先後照序而行。每許漫越。惟是今歲係催民船載運。非往年重載糧船可比。若仍照往例。不許漫越。勢必耽延遲誤。請令該糧道等官。速催民船。不必依序刻期。趙運。仍令沿河鎮道等官。晝夜嚴催。務照原限抵通。如有逾限。照例查參。應如所請。從之。○予故福建陸路提督穆廷斌。祭墓。謚清恪。○予故福建臺灣總兵官陳策。浙江定海總兵官張國各祭墓。如例。○乙丑。吏部題。正白旗藍翎達爾第。喀鑲白旗護軍校。委署章京。奔祿。鑲紅旗護軍校。委署章京。吳勒俱。進藏至索羅木地方。與賊戰。陣亡。應各授為拖沙喇哈番。正藍旗藍翎。委署前鋒章京。查倫。擄進藏至喀喇烏蘇地方。與賊戰。射死數賊。身被多傷。自盡。應照陣亡例。授拖沙喇哈番。俱交與該旗查明。應襲之人。承襲得旨。依議。查倫。擄臨敵奮勇身故。著給與拜他喇布勒哈番。○免江南休寧等十一縣新安一衛。康熙六十年分旱災額賦有差。○丙寅。諭大學士等。秦家殿隄工。楊宗義牛鈕。不能堵築馬營口。所出之水。想又如去年流至直隸長垣縣等處。著行文直隸總督趙弘

璽。查看民間房屋地畝。有被水渰者。加意撫綏。毋致失所。此水泛溢。必由張秋流入運河。於漕船亦有關係。著山東巡撫李樹德。親身前往。監看料理修治。若水勢甚大。可引入鹽河。流洩。使漕船可過。毋致有誤。已已。吳喇忒輔國公。垂札木素來朝。辛未。浙江巡撫屠沂。以病乞休。允之。命截留漕糧二十萬石。分貯於天津霸州等處。○乙亥。旌表廣西烈女陳學文。女隻身刈稻。遇強力拒。被戮。完貞。給銀建坊。如例。○丙子。諭大學士等。直隸總督趙弘璽。病故。地方緊要。著刑部郎中趙之垣。加都察院右僉都御史銜。署理直隸巡撫事務。○辛巳。調福建巡撫呂循龍。為浙江巡撫。命江西按察使石文焯。署理福建巡撫事務。○秋七月。甲申朔。享太廟。遣鎮國公德普行禮。○戊子。議政大臣等。議覆靖逆將軍富寧安疏。言先經臣將青稞糜米籽種。運送吐魯番處。分給兵丁播種。今據大定總兵官張弘印呈稱。回人之田。俱於正月栽種青稞。糜子已得滋長。我兵種植。既已逾期。見今苗未又復被旱。又據協理將軍阿喇衲呈稱。籽種到日。已遲未及。播種。俱充作官兵口糧。支給等語。臣思。回人所種之糧。成熟可催令刈割。借給我官兵俟糧米運到償還。但須至八月方能收穫。未收以前。不可不預為給與。吐魯番所有官兵。應給

糧米六分青稞麥子四分今運到者盡屬糧米除照常運送六分外其青稞麥子四分應交與潼商道王全臣購買麥麵配給應如所奏令將軍富寧安速行料理再四川陝西總督年羹堯甘肅巡撫綽奇疏稱吐魯番之兵駐扎甚遠不比巴爾庫爾之尚近請乘此炎熱草盛之時將糧米多為起運廣行積貯應速行文總督年羹堯等將伊等起運之糧星夜催趲無致貽誤從之○己丑征西將軍祁里德疏言軍中年老病廢之人請查明遣回得旨軍中年老病廢之人著查明遣回副都統巴勒年老亦令回京其在軍中亡故之人骸骨著送回各原籍埋葬尋都統圖拉等奏船廠署參蘭大齊里布等四十五員兵丁五百七十二名及自備軍前効力之藍翎侍衛綽爾海等二員相應遣回請將此次遣回各官員缺及兵丁頂補之處停其補放從之○癸巳

孝懿皇后忌辰遣官祭

陵○乙未議政大臣等議覆靖逆將軍富寧安疏言先因大舉進剿應將裹帶隨運之糧備貯二萬二千餘石運送軍營但見今按月支給官兵之糧亦應乘時運赴若兩項一並輓運脚價銀兩一並全給不特糜費繁多仍恐承運官員將來扣追溢領之餉不能即得日後亦難開銷見今巴爾庫爾牧放駝隻既皆肥壯又於喀爾喀地方採買之駝牧至八月亦皆

實錄卷二九八

平

實錄卷二九八

六

豐肥若將此駝運送米糧亦屬甚便臣一面具奏一面行文川映總督年羹堯乘此炎熱草盛之時除將按月支給官兵之糧照常速運軍營外其進剿裹帶隨運之糧另行分晰交與運米官員量減脚價其南路運至哈密北路運至特呼里克地方遣官看守臣俟年羹堯移文到日派撥官兵帶領駝隻前赴哈密特呼里克地方駝運糧米送至軍營收貯俱應如所奏從之○丙申吏部議覆隨定西將軍噶爾弼進藏人員應分別効力輕重議敘其一等以應陞之缺加一等即用二等以應陞之缺即用三等見任官員以應陞之缺先用候補候選者以應得之缺先用從之○吳喇武鎮國公希喇布

來朝○免陝西固原州固原衛本年分旱災額賦有差○丁酉議政大臣等議覆征西將軍祁里德疏言臣先經移咨都統圖拉等令其速諭總理屯種事務之蘇永祖赴烏蘭古木等處平治田畝開濬溝渠乘時速行播種又派委署前鋒統領卜柱及扎薩克台吉根敦等統兵一千名前赴烏蘭古木一帶驗看形勢設立營伍以便防守隨據蘇永祖呈稱烏蘭古木一帶地土肥饒水泉雖少儘可引溉今農事已畢若撤軍回八大營過冬俟來春再往或致遲滯不如將此屯種五百名之官兵即於烏蘭古木等處堅立營伍屯扎加強防守乘農事既畢引水地中結凍俟來春凍開及時播種可以加

增地畝。又據扎薩克台吉根敦等回稱自喀爾奇喇之巴晏鄂博處起至搭拉托羅海止共二百五十餘里已設哨汛七處等語臣與都統圖拉等同酌議照蘇永祖所請將屯種之官兵冬季傳其撤回即於烏蘭古木等處駐扎牧放馬畜惟是屯種之處俱在哨汛之外賊人聞知乘隙侵擾亦未可定請再派滿洲官兵及烏喇索倫科爾沁喀喇沁喀爾喀之官兵五百名亦於烏蘭古木等處屯扎堅立營伍彼此應援此二營各撥子母礮四位派大臣一員管轄官兵不時巡查見有散秩大臣殷扎那具呈願往應令伊前往効力俱應如所請得旨殷扎那不堪著都統圖拉前往屯守○戊戌中元

節遣官祭

永陵

福陵

昭陵

暫安奉殿

孝陵

孝東陵

仁孝皇后

孝昭皇后

孝懿皇后陵○已亥子故漕運總督施世綸祭葬如例○壬寅

實錄卷九十八

七

實錄卷九十八

八

以故奉恩將軍扎克達子馬察襲職○議政大臣等議覆四川陝西總督年羹堯疏言據西藏駐扎之喇嘛楚爾齊木臧布及西藏辦事之知府石如金等呈稱在藏官兵不睦因公策旺諾爾布軟弱副都統常齡侍讀學士滿都員外郎已特麻等任意生事除將原文緘封呈覽外若大兵不可即徵應令滿都巴特麻自備行糧由西寧口外撤回若大兵撤回應將官員留藏偵探信息沿途仍安設驛站遞送公文并於又木多設兵聲援以安達賴喇嘛等衆查西藏被賊擾害蒙

聖主獨斷發兵征剿今藏地已定土伯特唐古特等俱得拯救留兵防守乃年羹堯聽信喇嘛及知府微員捏造之語阻撓毀謗將軍大人官員擅奏徹兵冒昧已極應將年羹堯嚴加議處得旨侍讀學士滿都員外郎已特麻與知府石如金喇嘛楚爾齊木臧布俱著由西寧一路前來滿都員外郎著署理西安布政使事塔琳往藏跟隨將軍印務効力其在藏駐扎之四川綠旗兵丁恐其生事著署理巡撫事務色爾圖進藏管轄在彼駐扎色爾圖塔琳著年羹堯速行文令其馳驛前往四川巡撫員缺朕另行補授至西安布政使事務著年羹堯舉伊所知之人令其署理員外郎已特麻員缺行文大將軍將彼處章京撥派一員即令速行進藏與公策旺諾爾布一同辦事○癸卯

皇四子和碩雍親王 恭請

上幸王園進宴○甲辰諭兵部撥派年滿千總發往各省分營當差據爾部所議部文一到遇有守備員缺即照所分次序具題引見以漸補授則往返多需日期員缺必致久懸伊等俱係朕揀選之人嗣後缺出報部部內即按次序補用不必引見○乙巳

御書協順靈川匾額命福建浙江總督覺羅滿保懸於尖山江海潮神廟○丁未科爾沁多羅貝勒阿畢達故遣官致祭○戊申旌表浙江秀水縣烈女郭聖嘉幼齡烈性拒姦不辱抱忿自盡給銀建坊如例秀水縣知縣閔汝嘉興府知府吳

實錄卷二百九十八

九

永芳浙江按察使王之麟不行申請巡撫屠沂不行題達俱罰俸有差○以翰林院掌院學士蔡瑛為四川巡撫○庚戌調寧古塔副都統覺羅塞什圖為杭州副都統○山西大同總兵官馬煥丁母憂命回籍守制○陞殺虎口副將馬觀伯為山西大同總兵官仍駐軍前○壬子議政大臣等議覆靖逆將軍富寧安疏言臣准部咨見今大兵移駐烏魯木齊地方其各營軍器整齊及馬匹能否足用之處令臣查驗具奏今據都統睦森副都統薩爾禪智勇甘肅提督路振聲等回稱伊等所屬護軍驍騎綠旗兵丁一應軍器馬匹俱各完足無致貽誤等語又據副都統英桂常壽等呈稱從前襲擊吐

魯番等處馬駝稍有疲損因以俸餉借抵購買補足預備進剿今二年有餘汛防差使馬駝又不無少虧仍於見支行糧外借給庫銀賞補馬駝此所借之庫銀於將來應給行糧內按月坐扣清完等語臣請允其所呈借給官兵銀十二萬六千九百九十五兩令其買補缺額馬駝應如富寧安所請令陝西巡撫噶什圖如數解送軍營暫行收貯俟大兵進剿准其借與購補馬駝其存留之官兵俸其借給照常收貯從之

○予故直隸總督趙弘燮祭葬諡肅敏

八月甲寅朔烏朱穆秦多羅厄爾德尼貝勒策卜登來朝○

丙辰

實錄卷二百九十八

十

上行圍命皇三子和碩誠親王允祉

皇四子和碩雍親王 皇五子和碩恆親王允祺皇十三子

胤祥皇十五子允禩皇十六子允祿皇二十子允禔隨駕是

日自熱河啟行駐蹕黃土坎○免浙江蘭溪等五縣本年分

旱災額賦有差○丁巳遣大學士嵩祝祭

先師孔子○

上駐蹕西巴爾台地方○巴林多羅郡王額駙林穆布來朝○

戊午祭

大社

大稷遣輔國公訥圖行禮○

上駐蹕博洛和屯○已未

上駐蹕唐土溝○陞山東膠州副將戴坤為浙江溫州總兵官

庚申

上駐蹕張三營○辛酉

上駐蹕喀布齊祿地方○鄂爾多斯台吉丹進來朝○壬戌

太宗文皇帝忌辰遣官祭

昭陵○

上駐蹕濟布克特昂阿地方○癸亥

上駐蹕驚和洛○甲子

太祖高皇帝忌辰遣官祭

福陵○乙丑

上駐蹕舒虎爾和洛昂阿地方○喀爾喀車臣汗深居來朝○

丙寅秋分

月於西郊遣固山貝子允禔行禮○

上駐蹕得爾吉惠漢地方○諭刑部內外情實人犯今歲著停

勾決○刑部題已故福建革職提督監理貪虐案內應追銀

兩甚多今該督撫疏稱變賣監理家產止得銀三萬八千二

百餘兩明係隱匿應令地方官嚴追得旨監理出征効力之

處甚多又在阿爾泰軍前効力向來身故其家產著照督撫

等察估完結其別項俱從寬免追監理從前曾治罪入旗著

將伊妻子俱放歸原籍○丁卯

上駐蹕土城地方○戊辰

上駐蹕鄂爾楚克哈達地方○喀爾喀多羅貝勒詹達古米來

朝○以喀爾喀故多羅貝勒羅布臧丹巴子班弟林陳科爾

沁故輔國公布尼子薩麻迪各襲爵○己巳署理漕運總督

兵部右侍郎張大有請親督糧艘抵通從之○庚午

上駐蹕五虎爾濟地方○辛未

上駐蹕巴顏和洛○癸酉

上駐蹕布爾哈蘇台○乙亥

上駐蹕額爾滾卓地方○丙子

上駐蹕拜布哈昂阿地方○丁丑

上駐蹕穆祿喀喇沁地方○戊寅

上駐蹕汗特木爾達巴漢地方○己卯

上駐蹕汗特木爾達巴漢昂阿地方○禮部題正紅旗蒙古都

統晏布在出兵處病故請照例給予祭葬得旨晏布一介武

夫朕擢用至都統前往巴爾庫爾軍前並未効力捏稱馬無

牧屨幾誤軍機大事將伊都統並本身効力所得之官俱著

革退○賜來朝喀喇沁翁牛特教漢阿霸垓科爾沁巴林土

默特烏朱穆泰喀爾喀蘇尼特扎魯特杜爾伯特索曼玉貝

勒貝子公台吉等銀幣鞍馬有差○賞隨圍蒙古官兵銀兩

布衣有差。庚辰

上駐蹕張三營。諭大學士等據署理甘肅巡撫盧詢奏稱六月連次得雨。又復稟稱甘肅所屬地氣寒涼。見今夏麥正在收穫有五六分者。有七八九分者。米價尚未能平。朕臨御寰區殷殷以生民為念。凡各省人至。必詳詢雨澤及收穫分數。今年聞甘州肅州田禾甚嘉。年羹堯摺奏朕已洞悉。且雨澤雖數百里之內。尚有不同。况甘州肅州所屬地方遼濶。有數千里乎。盧詢並不詳察。聽信浮言。以奏摺斷不發出。將屬地方。一槩草率具奏。盧詢於地方事務。漫不經心。奏朕之事。不加敬慎。妄行陳奏。甚屬狂妄浮躁。不堪殊畧理之職。

實錄卷一百一

十一

著嚴飭行。如再冒昧陳奏。著解交送刑部。○辛巳。

上駐蹕博洛和屯。○壬午。

上駐蹕西巴爾台地方。○陞一等侍衛馬喀那為寧古塔副都統。

實錄卷一百一

十二

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十八

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十九

康熙六十一年壬寅九月癸未朔

上駐蹕黃土坎○甲申遣官祭

歷代帝王遣官祭城隍之神

上還至熱河行宮駐蹕○乙酉諭議政大臣等從前曾有以朕每年出口行圍勞苦軍士條奏者不知國家承平雖久豈可遂忘武備前噶爾丹攻破喀爾喀并侵擾我內地扎薩克至烏闌布通朕親統大兵征討噶爾丹敗走後又侵犯克魯倫朕統兵三路並進至昭莫多勦滅之今策妄阿喇布坦無端

實錄卷之九十九

十

侵犯哈密地方朕微發阿爾泰及巴爾庫爾兩路兵進勦策妄阿喇布坦聞之心膽俱碎乃遣策零敦多卜等潛往西藏剽掠毀壞寺廟土伯特地方已被殘虐朕又遣大兵前往擊敗策零敦多卜等復取西藏救土伯特於水火之中我兵直抵西藏立功絕域此皆因朕平時不忘武備勤於訓練所致也若聽信從前條奏之言憚於勞苦不加訓練又何能遠至萬里之外而滅賊立功乎爾等諸臣咸宜知之○署理河道總督陳鵬年疏言蕭縣黃河南岸田家樓險工因河水驟溢大溜直射埽工須建築月隄一道以資保障邳州運河徐塘口迤下河道淺滯應於徐塘口迤上挑挖月河一道接入

清 實 錄 康熙六十一年九月至十月

彭家河彭家河亦應挑深山陽縣運河文華寺下引河淤墊應加挑浚又高家堰一帶湖隄風浪衝激應加培築土山圻汛天然南北兩壩原防湖水暴漲相時開放應將南壩迤北

另行建壩一座則地寬流緩可免激射之患下部議行○丁亥旌表福建烈女閩縣周澤聘妻湯氏夫歿奔喪營墳工竣投繯完節武平縣鍾竹有聘妻劉氏聞夫病故絕粒身亡臺灣縣陳越琪聘妻黃氏夫亡聞訃從容自經俱給銀建坊如例○戊子諭扈從大學士尚書侍郎學士等曰據陝西巡撫噶什圖奏稱陝西虧空甚多若止於恭革官員名下追補完竟不能速完查秦省州縣火耗每兩有加二三錢者有加四

實錄卷之九十九

上

五錢者臣與督臣商議量留本官用度外其餘俱捐補合省虧空如此則虧空即可全完等語朕謂此事大有關係斷不可行定例私派之罪甚重火耗一項特以州縣官用度不敷故於正項之外量加些微原是私事朕曾諭陳瓚云加一火耗似尚可寬容陳瓚奏云此乃聖恩寬大但不可明諭許其加添朕思其言深為有理今陝西參出虧空太多不得已而為此舉彼雖密奏朕若批發竟視為奏准之事加派之名朕豈受乎特諭爾等滿漢諸臣共知之又諭曰朕撫御寮區時以生民為念凡各省將軍督撫提鎮差遣進摺之人及從外省來者必詢問雨暘收穫與米糧物價今年五月間因京師

八九一

錢價甚貴故將應給兵丁月餉銀錢兼發。至今尚未得平。昔年因錢價貴管理錢法侍郎陳廷敬。向蘭泰佛倫。馬世濟等條奏。奸宄圖利。毀錢作銅。以致錢值騰貴。如將制錢鑄重一條。則錢價即平。於民甚便。九卿照陳廷敬等所奏議。覆准鑄小錢。朕遲至數月未肯准行。是時科爾坤。佛倫。屢奏將制錢鑄小。甚有裨益。始從其請。迨後私鑄甚多。朕以制錢仍應照舊鑄大者為善。故特降諭旨。而九卿請鼓鑄大錢。將小錢銷毀。朕念小錢行之已久。今又專行大錢。未知於民有無利益。暫令大小兼用。試行三年一次奏聞。於是大小兼行。自後錢價並未見增。於民亦甚便利。此皆朕所理之事也。再從前商人辦買銅。勛錢價尚平。自趙申喬奏請交八省督撫採買。遂致遲悞。部臣將遲悞官題參。朕以採辦銅勛。改交八省初行之始。若將遲悞官治罪。似屬寬抑。故暫行寬恕。其後銅勛雖陸續解送。而不能全到。有悞鼓鑄矣。銅勛少則鼓鑄悞。鼓鑄悞則錢價自貴。凡事不可執一。須隨時制宜。鼓鑄一事。從前屢經更改。今錢價何故驟貴。如何使之得平。交九卿詹事科道會同確議具奏。可否鼓鑄小制錢。與大制錢兼用。其一并議之。議政大臣等議。覆署理四川巡撫色爾圖疏言。從前平定西藏。留兵防守。自打箭爐至拉里。曾將四川綠旗土司番兵。共留三千五百餘名。輓運糧餉。今解藏錢糧。可敷二三

年之用。且藏地可以採買米糧。不必多人輓運。但自打箭爐至拉里。設有六十六站。不可無兵防守。臣通計各站酌量駐兵。并將土司番兵。亦添入數內。一同駐扎。共需兵一千九百名。其餘兵丁一千六百名。若行撤回。則錢糧亦可節省。應如所請。從之。○壬辰。烏朱穆泰和碩車臣親王。色登敦多卜來朝。○甲午。諭大學士等。香山副將員缺。兵部既行文令該督題補。今該督將人題補。又責其與例不符。一切武官職名。俱載在部冊。遇題補缺出。查冊內有合例之官。即應行文令其題補。如無合例者。即應照例補授。朕停各處題補者。特為本地。把總。千總。層累題至本地。副將。總兵。官故也。若如此往返行文。以致久懸員缺。反與朕原旨不相符合矣。○諭。扈從大臣等。總督年羹堯。將虧空錢糧各官題參革職。其虧空錢糧至今不能賠補。今又因辦理軍需。陝西巡撫。噶什圖。總督年羹堯。會商將民間火耗加徵。墊補等情。題請。第民間火耗。只可議減。豈可加增。朕在位六十一年。從未加徵民間火耗。今安可照伊等所題加增乎。且虧空錢糧之數。雖多。見今未有實在墊補之處。由此觀之。西安庫內未必有存貯銀兩。今值此軍機需用之際。而伊等以有虧空。延推不敢題請。或致有悞。緊要軍需。亦未可定。著交議政大臣會議。將戶部庫銀撥送西安。即彼處庫內有銀。亦令收貯。如庫內無銀。軍機需用

之處。一面動用。一面奏聞。○戊戌。

上回鑾。是日自熱河啟行。駐蹕喀喇和屯。○庚子。

上駐蹕花峪溝。○辛丑。

上駐蹕王家營。○壬寅。

上駐蹕常山峪。○癸卯。

上駐蹕兩間房。○甲辰。

上駐蹕巴克什營。○

御書學道還淳匾額命江蘇巡撫吳存禮懸於蘇州府紫陽書院。○乙巳。

上駐蹕遙亭。○丙午。

青練卷首九光

五

上駐蹕羅家橋。○丁未。

上駐蹕密雲縣。閱視河道隄岸。○戊申。

上駐蹕懷柔縣。○己酉。

孝慈高皇后忌辰。遣官祭福陵。○

上駐蹕湯泉。○庚戌。

上回駐暢春園。○辛亥。以故直隸總督一等精奇尼哈番趙弘

燮子趙之璧襲職。旌表直隸烈婦新安縣李壤妻辛氏。容城縣李煥元繼妻孫氏。夫亡自經從容就義。俱給銀建坊如例。

冬十月癸丑朔。享

太廟。遣和碩簡親王雅爾江阿行禮。○遣官祭

永陵。

福陵。

昭陵。

暫安奉殿。

孝陵。

孝東陵。

仁孝皇后。

青練卷首九光

六

孝懿皇后陵。○甲寅。諭領侍衛內大臣侍衛等八旗都統前鋒

統領護軍統領副都統參領等大學士學士九卿詹事科道

直隸巡撫守道等朕臨御天下六十餘載。年至古稀。

太祖高皇帝時大臣官員。幼時及見三分之一。

太宗文皇帝時大臣官員。猶見其半。

世祖章皇帝時大臣官員。俱曾全見。明萬曆泰昌天啟崇禎時大臣官員及舊太監亦曾有及見者。朕凡事留心詢問。故於前朝諸事知之甚悉。御極以來。嘗思事多變易。皆難預定。惟寬平公正。因時制宜。一切未嘗預執。已見孔子云。寬則得眾。信則人任焉。朕宵旰憂勤。無刻不以民生為念。凡政事利弊。

必推求其故。近見天下錢糧各省皆有虧空。陝西尤甚。其所以致此者。皆有根源。蓋自用兵以來。大兵經行之處。督撫及地方官。惟期過伊。地方便可畢事。因資助馬匹。盤費衣服。食物甚多。倉卒間。無可設法。勢必挪用庫帑。及徵兵時。又給各兵丁馬匹銀兩。即如自藏回來之將軍。以及兵丁沿途所得。反多於正項。是以各官費用。動輒萬金。人但知取用而已。此等銀兩。出自何項。並無一人問及也。官之虧空錢糧者。俱已題參離任。其虧空銀兩。追比不能即得。新任官又不代完。此項銀兩。終無著落。故用兵之地。歷年錢糧奏銷。朕悉從寬緩。正為此也。前蕩平三逆。原任湖廣布政使徐惺所用兵餉。至

實錄卷二百九十九

十

四十餘年。尚不能清完。朕念皆係軍需。那用將未完銀兩。俱從寬免。蓋寬緩則州縣力舒。上可不悞國帑。下可不病民力。去年陝西督撫題參虧空各官。奏請將此虧空銀兩。追出以充兵餉。後追比不得。伊等無可奈何。巡撫噶什圖密奏。欲加通省火耗。以完虧空。此摺朕若批發。便謂朕令加徵。若不批發。又謂此事已曾奏明。竟自私派。定例私派之罪。甚重。火耗一項。特以州縣官供應甚多。故於正項之外。畧加些微。以助常俸。所不足。原屬私事。若公然如其所請。聽其加添。則必致與正項一例。催徵將肆無忌憚矣。所以將噶什圖奏。批申飭。批發第陝西督撫。既不能追比虧空。又不取請撥錢糧。倘有

緊要軍機。焉能不致遲悞。朕因交與議政大臣。動戶部庫帑解送矣。又如賑饑一事。自應於夏麥無收之後。散賑方於百姓有益。今各省每於三四月間。或遇有水雹。或雨澤愆期。即借此以為青黃不接。具題請賑。冒銷倉穀。及至五六月時。民間乏食。而倉中已顆粒無存矣。且今年陝省地震。因言倉糧朽爛。奏請蠲免。夫地震何至糧朽。此皆州縣官借端開銷耳。今各省雖有虧空。而陝省尤屬緊要。特傳集爾等面諭。其噶什圖所奏。虧空錢糧一摺。交與九卿詹事科道。確議具奏。○乙卯。

上自暢春園回宮。○喀爾喀車臣汗遣使進九白年貢。宴養如

實錄卷二百九十九

例。○丁巳。

上御太和殿視朝。文武陞轉各官謝恩。○

上幸暢春園。○辛酉。諭議政大臣等。倉糧關係甚要。支放米時。理應一厥放畢。再放一厥。今聞此厥米石支領方半。又向別厥支領。所剩米少。而所占之厥甚多。又支領白米時。諸王公主等屬下之人。不按應放之厥領米。而揀厥霸占支領者有之。此等斷然不可理應。按厥支領。如厥內餘米一半者。即是弊端。應將此徹底清查。若遣他人亦未能辦。著和碩雍親王帶領弘昇。延信。孫渣。齊隆。科多。查弼納。吳爾。台前。往會同張大有。查勘。再從前倉內每日進厥之米。止四五千石。自

簡任富寧安以來每日進厥之米至四萬石進米多則於回空糧船有益至於米色之變俱在收貯即如昭五達地方所貯米石歷四十年米色照常並未霉爛今厥座有損漏者著即修理厥座如不敷用著即添造○壬戌陞正黃旗護軍統領覺羅德爾金為鑲藍旗蒙古都統○甲子陞兵部郎中納齊喀為山西布政使司布政使○丙寅喀爾喀澤卜尊丹巴胡土克圖王謝圖汗遣使進九白年貢宴賚如例○戊辰以都察院左都御史安齡為杭州將軍○庚午

和碩雍親王



疏言臣等遵旨查勘通州西中南三倉共三百七十六厥除支放已空者七厥外其餘各厥所貯之米及

實錄卷百九十九

九

院內露囤四百六十一圍通共米五百一十三萬九千石有奇內未經支放好米二百七十六厥已經支放尚有餘剩米一半者四十八厥又變色之米七成以下不可久貯亦已經支放尚有餘剩之米得半者四十五厥因此變色之米占留厥內致新米不得歸厥而多入露囤被雨蒸潮易致霉爛請遣部院大臣一員同倉場總督張伯行先將此變色之米照減價例悉行糶賣則所占之厥既空而露囤之新米亦得歸入厥內至於放米領米之例誠不可不定也嗣後諸王以下領米時務各按厥支領俟此厥既空再放別厥倘仍前揀厥占領遺剩半厥者該監督即報倉場總督題參將領米官員

交部嚴加議處放此米時每旗派參領一員監視約束如該

監督不將好米給與而攪雜變色之米勒令支領亦許領米

官員呈告倉場總督將該監督題參交部嚴加議處查定例

支領米石限兩月領完若有無故延挨踰限者即停止給與

如係該監督勒遲延亦即將該監督題參議處又據倉場

總督阿錫爾張伯行云舊監督任內之米或米色霉變額數

有虧新監督勢難接受若勒令接受則彼此互虧愈難究詰

是以將此等虧額之舊監督題參仍令伊等留倉監放俟完

日查明追賠治罪等語查康熙五十年以前虧額留倉之舊

監督穆欽等任內米石亦尚有餘剩半厥者應令新監督分

實錄卷百九十九

十

別米色呈驗倉場總督其未經變色者歸并一色好米厥內以便支放其已經霉變七成以下者遷貯露囤即行糶賣并行文直隸巡撫派各屬州縣設法運去俟來春糶賣於民間大有裨益此外又有抵給倉役工價之米堆積厥外霉爛成灰原不在數內恐有不肖之徒將此攪雜充數鋪墊厥底亦未可定請給與耕種之民聽其量力運出以肥田畝有益若其中尚有成色之米仍行減價糶賣如此則倉無混占之厥地無棄棄之粟矣再查米色之霉變多由厥舍之損漏通州各倉應大修者五十厥應小修者一百三十二厥又三倉舊制各有一百八十八厥若將新舊之米并貯似屬不敷應於

各倉空地添造十二廩以足二百之數請交與工部確估修理添造再查通倉惟支放俸米所用少而存貯日久陳陳相因京倉米石所用甚多不若於京師城垣下另建一倉收貯便於支放亦請交工部相度處所確估建造至於糧艘到後按時將米催卸入倉每日可進五萬七千六百石之數已嚴飭倉場坐糧廳等照此催卸自不至貽誤回空糧艘矣得旨依議○辛未以兵部右侍郎查弼納為江南江西總督鑲白旗滿洲都統宗室塞勤以病乞休允之○征西將軍祁里德疏言據總理種地事務蘇永祖呈稱和布多烏闡古木特里等處奇種地畝乘時和暖俱已開墾其坤都倫河等處可種地畝亦俱開墾今年所種麥子得有數倍明年可以添種地畝惟是農器恐不敷用乞早行發給等語除將所得麥子磨麵差侍讀學士阿禮等謹齋呈覽外其不敷所用之農器請交與大同府知府預備得旨據所奏在和布多烏闡古木等處開墾耕種因土沃水裕今年所得麥子一倍收有六倍爰請明年添種千石及詢問齋呈麥麵之阿禮等據云和布多烏闡古木地方廣闊開墾之處頗多原係厄魯特等耕種好地今應將歉收之毛岱察罕叟爾等處耕種人力移至和布多烏闡古木耕種可以多收再種地所用犁鋤鍬子鐵鍬等器每年給發不少何以一年之間即俱損壞鐮鋤鍬俱

實錄卷二百九十九

十一

實錄卷二百九十九

十二

係鐵器軍前或難於備辦犁係木器何地蔑有若隨伊所請概行給發路途遙遠著人送往頗費錢糧再軍前種地人員稟報所收糧數一倍得有數倍等語甚不明晰應照內地或一畝一晌收得米石若干如此稟報方得明晰其和布多烏闡古木地方添種田畝所給犁鋤鍬等物之處著議政大臣詳加議奏尋議覆軍前糧米甚屬緊要多種地畝則多得積貯今將軍祁里德奏稱今年麥子多收應令明年於和布多烏闡古木并坤都倫河等處可以耕種之地將今年所收糧米作為籽粒多加耕種倘有不敷令將鄂爾齊圖果爾等處所收糧米給與增種其毛岱察罕叟爾所種地畝歉收應將所需耕種人力器具俱移至和布多烏闡古木地方耕種其毛岱察罕叟爾之地分給充發罪人令其開墾至於鐮鋤鍬俱係鐵器該部行文山西巡撫速令製造雇覓駝隻交侍讀學士阿禮等帶往秋收之後加謹收存所用之犁軍前有木可造令伊等自行辦用再行文將軍傅爾丹等將此開墾田地俱令丈量頃畝計算給過之籽粒秋收之米石開明詳報見今和布多烏闡古木地方有種地兵丁及駐扎兵丁五百名值農務暇時應令多伐木料聚積以便修理大城及房屋倉廩從之○癸酉

上辛南苑行圍○以山東巡撫李樹德為福州將軍陞鴻臚寺

卿黃國材為福建巡撫。安徽布政使李馥為浙江巡撫。候補按察使謝賜履為山東巡撫。○甲戌。阿霸垓多羅郡王已特瑪深楚克故遣官致祭。○丁丑。陞內閣學士阿克敦為兵部右侍郎。○戊寅。大學士九卿詹事科道等以來年恭遇萬壽七旬大慶。應詳議慶賀典禮。合詞疏言。從古帝王以聖人登大寶。德功福三者兼備。亦所希觀。惟我

皇上超軼千古而全備之。臣等親沐光華。恩蒙教養。老者已至耄齡。少者亦皆斑白。目覩六十餘年聖德神功。經文緯武。景福之所鍾。純禧之所集。稽諸史冊。罕有等倫。謹畧數揚。莫窺萬一。欽惟我

皇上以

天地之心為心。而聖敬昭格者。升中皆旦明之誠。以祖宗之法為法。而世德作求者。薦馨皆繼述之孝。

兩宮定省。曲盡承歡。萬國尊親。彌敦孺慕。加以好生之德。弘推錫類之仁。按歲蠲租。動逾百萬。截漕備賑。每撥千艘。膏澤徧於閭閻。補助行於耕斂。所以悅安兆姓者如此。撫循師旅。預給金錢。優恤羽林。代償逋負。蠲借欠而軍營懼動。錫衣裘而遠塞溫生。所以賜勞兵士者如此。頻頒肆赦之綸。俾其洗滌。屢下減輕之詔。貸以生金。憫炎暑於園扉。酌矜疑於定讞。所以欽恤民命者如此。東幸吳越。西巡雍豫。玉輅臨而殊恩溥。

鸞旗屆而寵渥行。省方之加惠如此。北疏漳衛。南定黃淮。登

沮澤為良田。導洪流而順軌。治河之普利如此。道尊千聖。表萬世之師型。學宗考亭。闡千秋之理奧。折衷十翼。彙纂諸經。訓飭整庠序之風。額數廣春秋之榜。育才之勤篤如此。澄敎官方。示箴規於臺省。崇獎吏治。重簡任於封疆。拔守令之廉能。訪地方之利弊。察吏之詳覈如此。既已海內繁殖。六服輯綏。習俗茂。養羣生樂豫。猶且謹之又謹。安愈圖安。詳觀章疏。燭照靡遺。召見卿僚。諮詢必悉。則又精勤之勿倦也。御衣澣濯。樸以維風。內膳殺饌。儉於自奉。則又省約之倍至也。瞻舊念勞。每加恩於後嗣。引年養老。時錫宴於禁廷。巡畿甸以勸

農。幸塞外以講武。沖和之養。藹若春風。坦易之懷。皎於秋月。雖古聖人性之身之盡美。盡善。書稱巍蕩。詩頌顯印。未足比擬。大成形容極盛。是

皇上之德從古未有之德也。

聖武之布昭震疊萬里。天威之捷伐張皇六師。往者三逆背恩。負嵎干討。

皇上睿謨剛斷。分調禁營。後先數載。克奏蕩平。而遠塞絕漠。如有元遺。肅無故倍畔。曾不旋踵。已就殲除。鄂羅斯距瀚海四千里。占喀爾喀之疆。圍盜兵思逞。喻以威德。稽首如約。喀爾喀汗擁番眾數十萬。逼厄魯特之暴虐。款關內附。畀以安全。

悉心歸命。噶爾丹。擾犬牙之邊。恣蜂蟻之毒。

皇上神機勃發。親總鷹揚。躡三駕於殊庭。斬渠魁以震鼓。策妄阿喇布坦。假遊魂之息。推與國之屨。

皇上睿算如神。分馳虎旅。恢三危之故地。廓祲祲於梵天。乃若最爾臺灣。僻居海島。曩時逋寇營巢。不旬月而皆隸。郡縣昨歲。奸民蠢動。僅七日而悉靖。塵氛他如紅苗。革心。水西歸化。遐荒率服。邊徼長寧。圖蒲類於職方。書高昌於版籍。浴日扶光之國。來享來王。流沙蟠木之區。貢琛貢矢。雖古聖人招攜懷遠。或格於偏隅。或克於遲久。豈如我

皇上指麾方畧。提秦膚功。馭六合以受治。撫八荒而在闕。是

實錄卷二九九 十五

皇上之功。從古未有之功也。加以生知好學。閱覽精研。定雅樂於中和。辨歷書於分秒。制器尚象。利用是求。諸子百家旁通畢悉。

宸章煥爛。超堯舜之心傳。

睿翰淋漓。邁鍾王之筆法。此又

皇上功德之緒餘。博學多能。而為從古未有之

一人也。是以協氣周流。榮光布復。雨暘時若。雲物告祥。兩岐之麥頻登。九穗之禾數睹。累洽重熙之世。塗歌巷舞之氓。靡不願祝長生。欣逢久治。

天心逾眷。

帝歷彌增。自登祚而甲子環迴。歷紀元而壬寅復始。域中霜霽。雪簷。皆昔日之兒童。曩時駿烈。鴻功盡當年之閱歷。而且宸襟旁暢。

聖體安舒。稀齡而耳目聰明。耄期而精神完固。孫曾繞膝。旋見昂來。八百添籌。綿於萬億。升恒之景運方新。昌熾之繁禧茂集。雖云古之聖人。必得其壽。詎若今之

聖人。獨遇其隆。是

皇上之福。從古未有之福也。

皇上統備德功。以臻戢福。茲當七秩初週。普天同慶。臣等幸邁四千餘載。未遑之昌期。宜行億萬斯年未行之曠典。謹會同

實錄卷二九九 十六

九卿詹事科道。詳議明年

萬壽節。慶賀禮儀。條列以聞。疏入。

上諭大學士等。覽所奏。皆過於實事。朕以冲齡即位。賴

世祖章皇帝定鼎以來。深仁厚澤。建不拔之業。至今八十年。四海昇平。有自來矣。朕自幼讀書。每覽前代帝王。忿懷憂患。累

其內幾務。紛紜勞其外。年歲不吝。景祚不長。耆耄不附。解長嘆。朕涼德。亦不過如此。幸得歷逾花甲。年登古稀。積眉皓白。總理萬幾。當此之際。翼翼小心。惟恐善後之策。不能預料。保泰圖安。夙夜冰兢。況今西陲用兵。士卒暴露。轉運罷敝。民生乏食物。價騰貴。正宜君臣同寅。協恭。又安萬姓。永致太平。

自古慶賀多者後人不取。況亦何益乎。朕御極六十餘年元旦之外未嘗受賀。惟六十壽時三月十八日進表行禮。今卿等所請無庸多議。庚辰都察院遵旨察議詹事顧爾泰催趙漕船不遵諭旨速行起程。吏部止議降二級留任。亦殊不合。應將詹事顧爾泰革職。吏部侍郎李旭升等降一級。罰俸一年。得旨顧爾泰著革職。餘依議。辛巳。陞正黃旗滿洲副都統吳禮布為正紅旗護軍統領。鑲藍旗蒙古副都統查克彈為正黃旗護軍統領。散秩大臣額爾德為正黃旗蒙古副都統。步軍總尉衮泰為鑲藍旗護軍統領。護軍叅領曼丕為鑲藍旗蒙古副都統。寶坻縣協領伍爾泰為正藍旗蒙古副都統。調正黃旗蒙古副都統納爾賽為滿洲副都統。正紅旗蒙古副都統阿拉那為鑲紅旗滿洲副都統。以盛京戶部侍郎保德為正紅旗蒙古副都統。

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之二百九十九

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之三

康熙六十一年壬寅十一月壬午朔乙酉陞江西按察使石文焯為安徽布政使司布政使丙戌陞湖廣岳常道趙弘運為湖北按察使司按察使丁亥

和碩雍親王疏言查勘京城海運八倉清河本裕一倉通共五百六十二廩又有院內露囤共十五圍此內秋季支放已空者五十一廩見在滿貯未經支放者二百五十九廩支放餘剩一半者一百三十六廩俱屬好米共三百六十九萬六千八百石有奇其變色之米七成以下亦已經支放餘剩

實錄卷三百

一半者八十五廩並露囤之米共七十萬二千九百石有奇變色不等應分別糶賣支放者三十一廩並露囤之米共二十四萬九千一百石有奇應將此米令該監督查造清冊報

倉場總督驗明應糶賣者糶賣應支放者支放其變色之米七成以下亦報倉場總督驗明照通倉例糶賣如兵丁願代小米支領者准其支領若餘剩半廩之好米悉令歸并同色廩內則一轉運間空廩不少可以悉貯新米矣至京倉之米應給上三旗包衣佐領五旗王等包衣佐領及八旗兵丁執事人等其放米領米之時亦令各旗派官一員監視務令按廩支領嚴禁揀廩越占放此米時亦定限於兩月領完逾限

者停其給與該監督若將變色之米攪雜充數及有勒捐遲延等情各報倉場總督題參嚴加治罪悉照通倉例一體遵行若抵給倉役工價之米霉爛成灰者亦聽耕種之人領取運出內有成色之米亦仍收貯糶賣又查本裕倉內每年例派進米二十萬石按季支放俸糧止於十三萬石歷久餘剩充積廩舍不敷另貯露囤致有霉變嗣後請令倉場總督停止例派之數酌有空廩可貯然後運貯再查各倉修理損漏之處應大修者七十八廩小修者一百八十四廩應交工部速行確估修理查各倉應行增建之處海運等八倉俱有隙地可增建四十二廩太平倉迤南沿河一帶可增建二十五廩至於朝陽門至東直門另建一倉前曾題請今經詳閱地勢可增建四十二廩亦應一并交工部速行確估建造得旨該部議奏

實錄卷三百

和碩雍親王疏言倉糧關係甚要收貯之責全在監督米色攸殊即監督優劣所定也查原任監督穆欽彭象晉吳爾賽文柱主鳳孫卓洛郭毓麟謝載秋顏伯玉國治達蘭泰各員任內收貯米石疎忽致多霉爛額數有虧遲延交代俱經該總督題參應交與新任監督作速清查如尚有餘剩之米在廩該總督驗明米色速行支放糶賣俟完日照虧欠之數著落伊等家產賠補本身交部嚴加議處其原任監督張坦

麟索柱張嵩年圖密善金南瑛等。任內米石加謹收貯交代明白。而索柱張嵩年及見在之新任監督禪齊布張登傑復捐資修理殿舍。應請交吏部議敘。至於見任監督景古爾岱呂文櫻納錫納陳守創吳隆元佛海劉公津塔爾金高輝等任內米石額數既足。而收貯亦謹。俟伊等任滿交代令倉場總督查明具奏。臣等查得米石霉變皆由新舊監督互相推諉。不受交代。遷延日久所致。嗣後應令倉場總督於新舊監督交代之時。查看明晰。如可接受者。即令新監督接受。不得推諉遲延。貽誤倉糧。如米色霉變。不可接受者。即行聲明。參奏將好米交新任監督收管。其霉變虧少米石著舊任監督

實錄卷三

三

賠補。仍交與該部嚴加議處。得旨該部議奏。戊子。

上不豫。自南苑回駐暢春園。○予故漢軍都統蘇爾法祭葬如例。○以固山貝子允禩為鑲黃旗滿洲都統。鎮國公吳爾占

為鑲白旗滿洲都統。○己丑。免山西平汾三府澤沁三州所

屬州縣衛所。康熙六十年分旱災額賦有差。○以故一等阿

思哈尼哈番劉得禮親叔劉英襲職。庚寅。

上因聖躬不豫。十五日

南郊大祀。特命

皇四子和碩雍親王

恭代。

皇四子

以

聖躬違和懇求侍奉左右。

上諭曰郊祀

上帝。朕躬不能親往。特命爾恭代。齋戒大典必須誠敬。嚴格。爾

為朕虔誠展祀可也。

皇四子 遵旨於齋所致齋。○辛卯。

皇四子 三次遣護衛太監等至暢春園候請

聖安。

上傳諭朕體稍愈。○壬辰。

皇四子 遣護衛太監等至暢春園候請

聖安。

實錄卷三

四

上傳諭朕體稍愈。○癸巳。

皇四子 遣護衛太監等至暢春園候請

聖安。

上傳諭朕體稍愈。○甲午。丑刻。

上疾大漸。命趣召

皇四子 於齋所。諭令速至。

南郊祀典著派公吳爾占恭代。寅刻。召皇三子誠親王允祉皇

七子淳郡王允禧皇八子貝勒允禩皇九子貝子允禔皇十

子敦郡王允禔皇十二子貝子允禩皇十三子胤祥理藩院

尚書隆科多至

御榻前。

諭曰皇四子胤禛人品貴重。深肖朕躬。必能克承大統。著繼朕

登基即皇帝位。

皇四子胤禛聞召馳至。已刻趨進寢宮。

上告以病勢日臻之故。是日

皇四子胤禛三次進見問

安。成刻。

上崩於寢宮。遺詔曰從來帝王之治天下。未嘗不以敬

天法

祖為首務。敬

天法

祖之實。在柔遠能過。休養蒼生。共四海之利。為利。天下之心

為心。保邦於未危。致治於未亂。夙夜孜孜。寤寐不遑。為久遠

之國計。庶乎近之。今朕年屆七旬。在位六十一年。實賴

天地

宗社之默祐。非朕涼德之所致也。歷觀史冊。自黃帝甲子迄今

四千三百五十餘年。共三百一帝。如朕在位之久者甚少。朕

臨御至二十年時。不敢逆料至三十年。三十年時。未敢逆料

至四十年。今已六十一年矣。尚書洪範所載。一曰壽。二曰富。

三曰康寧。四曰攸好德。五曰考終命。五福以考終命。列於第

五者。誠以其難得故也。今朕年已登耆。富有四海。子孫百五

十餘人。天下安樂。朕之福亦云厚矣。即或有不虞。心亦泰然。

念自御極以來。雖不敢自謂能移風易俗。家給人足。上擬三

代明聖之主。而欲致海宇昇平。人民樂業。孜孜汲汲。小心敬

慎。夙夜不遑。未嘗少懈。數十年來。殫心竭力。有如一。此豈

僅勞苦二字所能該括耶。前代帝王。或享年不永。史論繫以

為酒色所致。此皆書生好為譏評。雖純全盡美之君。亦必挾

摘瑕疵。朕今為前代帝王剖白言之。蓋由天下事繁。不勝勞

憊之所致也。諸葛亮云。鞠躬盡瘁。死而後已。為人臣者。惟諸

葛亮能如此耳。若帝王仔肩甚重。無可旁議。臣下所可比

擬。臣下可仕則仕。可止則止。年老致政而歸。抱子弄孫。猶得

優游自適。為君者勤劬一生。了無休息之日。如舜雖稱無為

而治。然身歿於蒼梧。禹乘四載。胼手胝足。終於會稽。似此皆

勤勞政事。巡行周歷。不遑寧處。豈可謂之崇尚無為。清靜自

持乎。易遯卦六爻。未嘗言及人主之事。可見人主原無宴息

之地。可以退藏。鞠躬盡瘁。誠謂此也。自古得天下之正。莫如

我朝。

太祖

太祖

太宗初無取天下之心。嘗兵及京城。諸大臣咸云當取。

太宗皇帝曰。明與我國素非和好。今欲取之甚易。但念係中國

之。幸不忍取也。後流賊李自成攻破京城。崇禎自縊。臣民相率來迎。乃剪滅闖寇。入承大統。稽查典禮。安葬崇禎。昔漢高祖係泗上亭長。明太祖一皇覺寺僧。項羽起兵攻秦。而天下卒歸於漢。元末陳友諒等遽起。而天下卒歸於明。我朝承席先烈。應

天順人。撫有區宇。以此見亂臣賊子。無非為真主驅除也。凡帝王自有天命。應享壽考者。不能使之不享壽考。應享太平者。不能使之不享太平。朕自幼讀書於古今道理。粗能通曉。又年力盛時。能彎十五力弓。發十三把箭。用兵臨戎之事。皆所優為。然平生未嘗妄殺一人。平定三藩。掃清漠北。皆出一心

實錄卷三

運籌。戶部帑金。非用師賑飢。未敢妄費。謂此皆小民脂膏故也。所有巡狩行宮。不施采繪。每歲所費。不過一二萬金。較之河工歲費三百餘萬。尚不及百分之一。昔梁武帝亦創業英雄。後至耄年。為侯景所逼。遂有臺城之禍。隋文帝亦開創之主。不能預知其子煬帝之惡。卒至不克令終。皆由辨之不早也。朕之子孫。皆有餘人。朕年已七十。諸王大臣官員軍民。以及蒙古人等。無不愛惜朕年邁之人。今雖以壽終。朕亦愉悅至

太祖皇帝之子禮親王。饒餘王之子孫。覓今俱各安全。朕身後爾等若能協心保全。朕亦欣然安逝。雍親王皇四子

品貴重。深肖朕躬。必能克承大統。著繼朕登基。即皇帝位。即遵典制。持服二十七日。釋服。布告天下。咸使聞知。乙巳。恭上

尊謚曰

今天子。運文武睿哲恭儉寬裕孝敬誠信功德大成仁皇帝。

廟號

聖祖。雍正元年九月丁丑朔巳時葬

景陵。

上在位六十一年。壽六十有九。

上受

實錄卷三

天明命。作君作師。湛恩浹人心。治化翔域外。至誠無息。等皇古之萬八千年。大德曰生。溥仁恩者六十載。蕩蕩乎。浩浩乎。功德之隆盛。彌綸蟠際。蓋穆清之表。不言而成化。必賴有

聖人出焉。為之財成。為之輔相。參三才之極。立萬物之命。凡禮樂刑政。紀綱法度。舉措協於剛柔。旦明通於穹昊。此

聖德之所以合天也。朝廷清明。寰宇熙皞。四時敘。風雨和。泰階

平。景慶見。縣縣翼翼。裕久安長治之基。此

聖心之所以弘運也。以言乎文。則經天緯地。麟麟炳炳。奎章宸

翰。虎映星雲。而遜志敏求。尤寒暑不輟。手定六經。旁通百氏。

望杏壇而止輦。躋朱子以升堂。增庠序之額。廣春秋之榜。苗

猷之秀亦許操觚諸賢之裔胄為博士宋儒周邵二程張朱稱之曰子而不名古今崇文治者斯時稱獨盛矣右文之世或少武功

上智勇天錫聖武布昭當三逆蠢動蹂躪百姓

上從容鎮定簡師命將

廟算如神天戈所指橐街授首滇黔楚蜀閩粵之地生民得安社席至於平臺灣定察哈爾部拔雅克薩城盡鄂羅斯邊界歸我版圖六飛三征朔漠而噶爾丹頓銷餘燼因班禪歸誠而定藏地安西域之衆制勝方畧皆容承於

九重古未之有也無思而無不通曰聖人

上於載籍三經流覽即得其奧旨文武章疏陳奏凡地方利弊及諸臣隱微心曲雖千里萬里之遙瞭若指掌至於驗宿海識江源以黃鐘辨雷聲以錢影喻蒙氣泰山為長白之分支瀚海為洪荒之澤國別方音於地界占物性於天時累奏必考縱橫溫泉必徵色味皆皇古制作之所未備羣聖論列之所未詳洪範曰睿作聖斯誠通乎微而妙應不窮也知人則哲古帝為難

上於內外大小臣工必親加鑒別因能授任簡厥修進厥良不惟其官惟其人或異數甄擢者非清操苦志必奇猷殊績至若折衝之才介冑之士表其寸長述其勞勩所司或未盡知

也恭己之容雖燕閒執御言笑不苟臨黼黻親百官藹然春和而衣冠瞻視尊嚴肅穆之象齊凜凜焉性愛儉素衣常澣濯尚方供御不貴珍異雖威德所播共球琛寶沒委雲集重違遠人之意一再寓目而已御苑宮室舟航器用純素無藻繪巡幸所至不需民間絲粟其儉以惜物如此寬大之恩徧逮臣庶左右有過必原其情新進之士有未嫻奏對者輒笑而容之隆冬則流遣寬期盛暑則囹圄弛禁獄一上必重加矜恤以求其生遲回鄭重每以此意詔勉臣下焉中和之性含弘之度一日萬幾從容就理不遺纖悉而處之若無事未嘗有苛刻急迫之色蓋惇大成裕所以貽萬年昇平之景祚也顯謨承烈恢

三朝之弘緒問寢視膳備

兩宮之孝養佳時

聖節省方避暑往往於翠輦龍輦之側扶掖承歡稱觴介壽盡誠致愛他如禱疾視醫藥徒步趨

山陵大孝永慕無踰於此敬

天尊

祖齋明祓濯

郊壇薦琮璧

宗廟奉尊彝恪勤以將儼肅進退敬謹之至數十年如一日也

任賢不貳。去邪不疑。自王公大臣。下逮黎庶。罔不示之以誠。聖諭十六條。臺省箴訓。飭士子文。及起居記載。片詞數語。皆奉淵衷。誠意以出之。四海之內。頌如天。頌如日。若家喻而戶曉之也。招攜懷遠。咸以信孚。如朝鮮。西域。鄂羅斯。喀爾喀。丹濟拉等。或攘其外患。或錫之名號。或曉以威福。

諭旨所到。悉懽呼抃舞。妾輒恐後。荷歟。盛哉。鴻功莫殫。至德難名。集帝王之大成。邁羣聖而首出。林林總總。登春臺。遊化宇。日用飲食。而不自知。斯則

聖人之大也。然


聖人以仁育萬物。何嘗一日自暇逸哉。未明求衣。中宵警枕。勤

仁政也。虛懷納言。博採衆論。廣仁心也。好生之德。周於法外。明刑之仁也。祁寒暑雨。深念民隱。愛養之仁也。歲蠲租數百萬。一方水旱。即躬親步禱。發帑發粟。俾人人得所。恤災之仁也。治淮黃。築六壩。修太行隄。障沁河。諸水之下流。疏永定。子牙。兩河之潴洩。捍民之患。而仁被於澤國。兵戈偃息。士無瘡痍。復遣大吏。周視而錫賚之。恤營伍之苦。而仁及其室家。布帛菽粟。尊禮高年。仙醴珍饈。飫彼黃髮。斯又養老之仁。傳為曠典矣。

仁主在上。六十餘年。豐功懋德。汪濊如江河。布濩如雨露。士敦詩禮。民安耕鑿。荏苒夜息。桁楊畫靜。行旅歌於塗。商賈嬉於

市。即梯山航海。沐日浴月之鄉。欣欣蒸蒸。無遠弗屆。及龍馭升遐。雖幽川邃谷。童叟婦女。莫不悲號奔走。若失怙恃。蓋上之至聖至仁。凡含生之類。淪浹肌髓。中心哀慕。靡有止極。詩書史冊。所紀上下古今。功德之景懌。歷祚之長久。天心之協應。運會之昌隆。至矣哉。洵未有加於此者矣。

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之三百



統一書號: 11018·1355—6

定 價: 42.00 元